

LOGICA  
MARTINI  
SMIGLECII SO-  
CIETATIS IESV, U\* 6.1

S. THEOLOGICÆ

Doctoris,

SELECTIS DISPUTATIONI-  
bus & quæstionibus illustrata,

Et in duos Tomos distributa:

*In qua*

QVICQVID IN ARISTOTELICO  
ORGANO VEL COGNITV NECESSARI-  
um, vel obscuritate perplexum, tam clarè & per-  
spicue, quam solidè ac nervosè  
pertractatur.

*Cum Indice Rerum copioso.*

AD

Perillustrem ac Magnificum Dominum,  
D<sup>m</sup> THOMAM ZAMOYSKIUM, &c.

OXONII,

Excudebat I. L. Impensis H. CRYPPS, E. FORREST,  
& H. CRYBYNE. An. Dom. 1634.

*Cum Privilegio.*







504:02

Joh. Colbatch, S.T.P.  
Trin. Coll. Cant. Socius sen.

W.S. 166.



PERILLVSTRI AC  
MAGNIFICO DOMINO  
DN. THOMÆ ZAMOYSCIO

MAGNI IOANNIS ZAMOYSCII

F. Capiraneo Cnissinensi, &c. &c.

*AVTHOR SALVTEM D.*



Lus homines inter se officij, ob beneficiorum memoriam, an studiorum similitudinem sustineant, judicare non ita difficile est; æquè vtrumq; singillatim è re nata præstare operosum; vtrumq; simul arduum. Ego verò cui ad cognoscendum debitum satis virium, ad exolvendum animi multum natura contulit, hoc etiam nomine omnia tibi summa debeo, qui arduam ad vtrumq; mihi complanasti viam, vt me quibusdam beneficiorum ac similium studiorum vinculis quasi laxare queam, si planè solvere non possim. Debebam memoriam

## EPISTOLA

moriam nunquam interituram Patri tuo, cuius non bene-  
 volentia tantum, sed beneficentia etiam extitit in me sin-  
 gularis, atq; eidem studiorum meorum consecrare fructus,  
 cuius auspiciis literas fidentius tractare cœpi. Quod ut de-  
 fuisset illud, tamen maximum summi viri nomen nostris  
 monumentis præferibi decuit; cuius insignia ædibus præto-  
 riis, vrbibus appendi omnium cum ambitione censuerunt.  
 In quem injurius sim si ejus hic virtutem oratione conse-  
 qui velim, qui se supra humanæ eloquentiæ extulit fasti-  
 gium, id quod nemo exaggeratè dictum accipiet, qui intel-  
 ligit vnum cum ea tempestate fuisse, qui potentissimum &  
 in continentibus eductum victoriis Moschorum imperium,  
 Stephani sapientissimi Regis auspicio, non debilitavit tan-  
 tum sed fregit; enim nunquam satis domita, & ipsi Romanæ  
 potentiæ formidanda Dacia succubuit, qui cum alibi, tum  
 apud Livones à Gallia, Germania, Belgica, Suetia, Go-  
 thia, Britannia, inopinatis trophæis omnis bellicæ virtutis  
 confessionem expressit, quem Odrysia tyrannis verita est,  
 Persæ reverebantur, formidarunt Scythæ, Colchi colue-  
 runt. Quæ omnia magna & ampla sunt, exercitus variis ex  
 nationibus conflatos per remotissimas Moschorum Pro-  
 vincias, itineribus post hominum memoriam impeditissi-  
 mis, in summa rerum omnium difficultate salvos ducere;  
 munitiones arte, natura, præsidiorum in propugnandis ar-  
 eibus, industria, perveracia, robore nulli secundorum in-  
 expugnabiles occupare, oppugnationes arduas in hyemes  
 novo invento extrahere, in acie ex hoste semper numero  
 superiore semper victoriam reportare, in summa locorum  
 varietate, ut in Livonia, Dacia, Moschovia, Roxolania vi-  
 dere est, parvibiq; prudentia & dexteritate æque cum Asi-  
 aticis ac Europæis depugnare: Sed omnes Reipublicæ par-  
 tes & pacis artes cognitās habere, morem maiorum, leges,  
 judicia,

## DEDICATORIA.

judicia, vectigalia, commoda Reipublicæ constanter defendere; omnem in partem animo excubare, prospicere futura, meminisse præterita, nullo metu, nulla spe à Reipub. utilitate, & ab illa honestatis regula dimoveri, summis de rebus sententiam pari fide & prudentia posse dicere, omnium horarum & negotiorum esse virum, major est res quam homines suspicentur, quibus omnibus ita *Ioannes Zamoyscius* excelluit, ut nihil aliud unquam didicisse videretur, cum tot negotia, tantamque rerum molem sustinuit solus, & tanquam gubernator in navi, sic in illo Reipub. cursu tractavit gubernacula & rectum tenuit clavum. Ita si hæc ab eo privata in me, publica in patriam fuerunt beneficia, à me istud qualecunque officium esse oportuit ac debuit. Nam studiorum quidem similitudo tanta illa fuit, quantum inter me ab ineunte ætate literis innutritum, & illum apud oratores sine ullius invidia præclarissimum, apud Philosophos sapientissimum, apud jureconsultos peritissimum, apud multarum linguarum viros expeditissimum, & Academiae Zamoyscensis fundatorem optimum intercedere necesse fuit, nostrarum sibi quoque primam commendationum poposcit partem. At enim eius sunt conditionis huiusmodi lucubrationum apophoreta, ut licet nescias quo magis nomine cupiam obstrictus sis, eandem tamen operam pluribus debitam titulis citra vitium eidem ferre possis. Quod si incomparabilem Heroem Patrem tuum prius nobis fata rapuerunt, quam istam grati animi significationem cui gressum fecimus, sequemur in hoc etiam laudatum veterum morem, qui spectatas maiorum suorum imagines eo cultu prosequi consueverunt, quem ipsis dum vivebant virtutis causa tribuissent. Te enim, in quo Patris virtus tam luculenter elucet, hoc honore mactato, patronumque scribo. Vnde enim Pater tuus, id est à literis tantam amplitudi-

## EPIST. DEDICAT.

nem orsus est, tu ita cœpisti, ut omnium humanarum disciplinarum tractatione senum expectationem viceris, & cum à te in disciplina militari tyrocinium expectaremus, contra Scytharum ferociam, veterani numeros explesti omnes, Quæ initia quod nobis magnum & Reipublicæ salutare portentunt ornamentum, votis omnibus adultum volumus, contendimus, speramus, Vale. Calissij in Collegio Carnecouiano Societatis Iesv, 15. Augusti 1616.

---

## APPROBATIO R. P. PROVINCIALIS.

**E**go Stanislaus Gawronski Societatis Iesu, in Provincia Polonia Provincialis, potestate ad id mihi facta à Reverendo admodum Patre Matio Vistellescho Præposito nostro Generali, facultatem concedo, ut Logica P. Martini Smiglecijs eiusdem Societatis, grauium doctoremque hominum iudicio approbata, typis mandetur. In quorum fidem has literas manu nostra subscriptas, Sigilloque nostro munimus dedimus. Calissij die 24. Iunij, Anni 1616.

Stanislaus Gawronski.

INDEX



INDEX DISPVTATIO.  
NVM ET QVÆSTIO.  
NVM PRIMA PARTE  
Contentarum.

DISPVTATIO I.

De Ente rationis.

1. Quid sit ens rationis?	pag. 2
2. An ens rationis consistat in coniunctione impossibili plurium rerum?	5
3. Vtrum ens rationis sit conceptus aut denominatio extrinseca?	9
4. An & quomodo ens rationis fiat ab intellectu?	13
5. Vtrum ens rationis tunc fiat quando cognoscitur.	19
6. Vtrum solum ab intellectu an verò etiam ab alijs potentijs ens rationis fieri possit?	24
7. Quidnam sit illud esse obiectivum quod tribuitur enti rationis?	28
8. Vtrum Divinus intellectus cognoscat & faciat ens rationis?	29
9. Per quam operationem intellectus fiat ens rationis?	46
10. Quæ sint genera entium rationis?	38
11. An denominationes logica sint verè entia rationis.	40

DISPV-

# INDEX.

## DISPUTATIO II.

### De Logica in communi.

Questio	1. An obiectum Logica sint operationes intellectus quæ dirigibiles?	28
	2. An entia rationis sint necessaria ad operationes intellectus dirigendas?	38
	3. An ens rationis directum per se sit obiectum Logica?	65
	4. An Logica sit speculativa vel practica?	69
	5. An Logica sit propriè Scientia, vel Ars vel Facultas?	80
	6. An Logica Docens & Vtens sint dua Logica specie distinctæ?	92
	7. An Logica sit necessaria simpliciter ad scientiam acquirendam?	97

## DISPUTATIO III.

### De prima operatione intellectus.

Questio	1. An omne ens possit à nobis apprehendi.	100
	2. An non ens apprehendi possit.	102
	3. An in prima operatione sit veritas incomplexa.	103
	4. An in prima operatione detur falsitas incomplexa.	109
	5. An prima operatio sit dirigibilis.	114
	6. An in prima operatione sit compositio.	115
	7. An abstractio sit actus prima operationis intellectus.	116
	8. An possit aliquid abstrahere à contradictorijs.	118
	9. An abstracta possint predicari de iis à quibus abstrahuntur.	119
	10. An abstracta superiora de abstractis inferioribus predicari possint.	123
	11. An definitio sit in prima operatione intellectus.	124
	12. An detur in prima operatione simplex indicium.	125

## DISPUTATIO IV.

### De naturis universalibus.

Q.	1. An dentur nature universales extra singularia existentes, seu an dentur Idea Platonica.	131
2.	An	



# INDEX.

2. An natura in singularibus existens sit re ipsa universalis. 135
3. An natura a parte rei habeat unitatem formalem distinctam a numerica. 142
4. Quomodo natura a parte rei habeat unitatem formalem distinctam a numerica. 147
6. Qualem ordinem ad multa dicat natura universalis. 160
7. An omnis natura effici possit ab intellectu universalis. 164
8. An universalis fiant ab intellectu per notionem abstractivam vel comparativam. 165

## DISPUTATIO V.

### De quinque universalibus.

1. De genere. 168
2. De specie. 176
3. De individuo & quod sit principium Individuationis. 180
4. Quomodo individuum sit unum numero, & de uno solo predicetur. 184
5. Quomodo se habent inter se genera, species, individua. 188
6. De differentia relativa ad genus. 190
7. De differentia relativa ad speciem. 192
8. De differentia qua universalis est. 198
9. De proprio. 201
10. De Accidente. 208
11. De numero predicabilium. 214

## DISPUTATIO VI.

### De equivocis, Analogis, Univocis.

1. De Equivocis. 218
2. De Analogis attributionis. 223
3. De analogis proportionis. 227
4. De univocis. 236
5. An ens sit univocum respectu omnium entium particularium. 240
6. An eadem ratio possit esse univoca & analoga. 243

DISPV-

# INDEX.

## DISPUTATIO VII.

De prædicamentis in communi.

Questio	1.	An diversio entis in decem summa genera sit prima, bona, &	246
	3.	An genera prædicamentorum debeant esse univoca.	253
	4.	An necesse sit prædicamentis distinguat ab invicem ex natura rei.	256
	5.	Quænam panantur in prædicamento.	257
	6.	An res debeant poni in prædicamento, in concreto vel abstracto.	261

## DISPUTATIO VIII.

De Substantia.

Questio	1. Quid sit substantia in communi.	263
	2. An ratio substantia Deo & creaturis conveniat univocè.	266
	3. An ratio substantia sit communis univocè omnibus substantiis creatis.	268
	4. An Deus sit in prædicamento.	271
	5. An substantia incorruptibilis sit cordis & Angeli sint in prædicamento.	278
	6. Quodnam sit supremum genus prædicamenti substantia.	282
	7. De divisione substantia in primam & secundam.	283
	8. De proprietatibus substantia.	285

## DISPUTATIO IX.

De quantitate.

Questio	1. An sola quantitas molis sit verè & propriè quantitas.	293
	2. De quantitate magnitudinis in quo nam eius essentia consistat.	296
	3. An numerus sit ens reale vel rationis.	299
	4. An numerus sit unum per se, vel per aggregationem.	304
	5. An numerus sit vera species quantitatis.	308
	6. An ratio sit species quantitatis.	313
	7. An motus sit species quantitatis.	314
	8. An tempus sit vera species quantitatis.	316
	9. An locus sit species quantitatis distincta à superficie.	317
	10. Quotnam sint species quantitatis.	318

DISPV-

# INDEX.

## DISPUTATIO X.

De relatione.

Questio	1. An relatio sit ens reale.	320
	2. An relatio sit quid intrinsecum rei relata, an vero sit extrinsecus denominatio.	329
	3. An relatio sit res distincta à fundamento.	332
	4. Quae sint fundamenta relationum.	339
	5. In quo consistat propria ratio relatorum tertij modi.	345
	6. An in omni re possit fundari relatio.	348
	7. Quae sit relatio praedicamentalis, & quomodo à transcendentali differat.	353
	8. An dentur aliqua relationes essentialis absolutis.	360
	9. An terminus relatio nem terminet ratione absoluti vel relativi.	380
	10. An relatio sumat suam essentiam à termino.	384
	11. An relatio realis possit terminari ad non ens.	388
	12. An ad relationem realem requirantur extrema realiter distincta.	396
	13. An essentia relationis solum consistat in esse Ad, & non in esse In.	400
	14. An una numero relatio possit terminari ad distinctos numero terminos.	402
	15. De proprietatibus Relationis.	405

## DISPUTATIO XI.

De Qualitate & sex ultimis praedicamentis.

Questio	1. An qualitas sit speciale genus praedicamenti.	400
	2. De prima specie qualitatatis.	42
	3. De tribus alijs speciebus qualitatatis.	415
	4. De sex ultimis praedicamentis.	418
	De Actione.	49
	De Passione.	423
	De Quando.	425
	De Vbi.	431
	De Sim.	433
	De Habitu.	434

INDEX.



INDEX DISPVTATIO.  
NVM ET QVÆSTIONVM  
PARTIS SECVNDÆ.

DISPVTATIO XII.

De secunda operatione intellectus, seu de Enunciatione.

1. <i>An voces primo immediate significant res vel conceptus ?</i>	436
2. <i>An voces significant à natura, an ex impositione ?</i>	438
3. <i>An vocis significatio sumi debeat ex conceptu imponentis vel ex conceptu audientis ?</i>	440
4. <i>Quid sit Nomen &amp; Verbum ?</i>	442
5. <i>Quid sit nomen infinitum ?</i>	445
6. <i>An verbum in propositione sit tantum copula vel etiam predicatum ?</i>	450
7. <i>In quo sit posita ratio formalis enunciationis ?</i>	453
8. <i>Qualis veritas sit in secunda operatione intellectus ?</i>	456
9. <i>An possit intellectus affirmare vel negare quod scit esse falsum ?</i>	460
10. <i>An propositiones de futuro contingenti sint determinatè verae aut falsæ ?</i>	462
11. <i>An contradictoria possint esse simul vera ?</i>	466
12. <i>An inter contradictoria dari possit medium, seu an contradictoria possint simul esse falsa ?</i>	472
13. <i>Quanam dicenda sint propositiones contrariae ?</i>	474
14. <i>An contradictoria possunt esse simul vera in eodem instanti temporis propter diuersa instantia natura vel rationis ?</i>	478

# INDEX.

## DISPUTATIO XIII

De tertia operatione intellectus quæ dicitur Discursus.

Questio	1. Quid sit discursus, & quæ ad eius essentiam requirantur?	481
	2. Quid sit illatio & quomodo se habeat ad Discursum.	484
	3. An omnis cognitio Discursiva fiat ex præexistenti cognitione?	489
	4. Quanam sint necessario præcognoscenda ad inferendam conclusionem?	491
	5. Quid sit syllogismus?	494
	6. An præmissæ causent effectivè conclusionem?	498
	7. An conclusio sit de essentia syllogismi?	500
	8. An conclusio semper sequatur debiliorem partem?	502
	9. An ex falso possit inferri verum?	506
	10. An ex impossibili possit inferri necessarium?	508
	11. An ex una propositione de necessario, alia de inesse conclusio sequatur de necessario?	511
	12. An ex una certa & evidenti, ex altera solum probabili possit inferri certa conclusio?	514
	13. An ex una supernaturali & altera naturali sequatur conclusio naturalis?	515
	14. An principium illud, quæ sunt eadem uni tertio, sunt eadem inter se, sit fundamentum syllogismorum?	517
	15. An syllogismus in quo medius terminus est negativus sit bonus?	522
	16. An dentur alia species discursus à syllogismo essentialiter distinctæ?	524

## DISPUTATIO XIV.

De Demonstratione.

Questio	1. Quid sit demonstratio?	528
	2. An præmissæ demonstrationis debeant esse veræ?	552
	3. An præmissæ demonstrationis debeant esse immediatæ?	556
	4. An præmissæ in Demonstratione debeant esse priores & notiores naturæ conclusionem?	542

Questio



INDEX DISPUTATIONUM  
ET QUESTIONUM  
PARTIS SECVNDÆ.

DISPUTATIO XII.

De secunda operatione intellectus, seu de Enunciatione.

- Quæstio*
1. *An voces primo immediate significant res vel conceptus ?* 436
  2. *An voces significant à natura, an ex impositione ?* 438
  3. *An vocis significatio sumi debeat ex conceptu imponentis vel ex conceptu audientis ?* 440
  4. *Quid sit Nomen & Verbum ?* 442
  5. *Quid sit nomen infinitum ?* 445
  6. *An verbum in propositione sit tantum copula vel etiam predicatum ?* 450
  7. *In quo sit posita ratio formalis enunciationis ?* 453
  8. *Qualis veritas sit in secunda operatione intellectus ?* 456
  9. *An possit intellectus affirmare vel negare quod scit esse falsum ?* 460
  10. *An propositiones de futuro contingentis sint determinatè verae aut falsæ ?* 462
  11. *An contradictoria possint esse simul vera ?* 466
  12. *An inter contradictoria dari possit medium, seu an contradictoria possint simul esse falsa ?* 472
  13. *Quenam dicenda sint propositiones contraria ?* 474
  14. *An contradictoria possunt esse simul vera in eodem instanti temporis propter diversam instantiam naturæ vel rationis ?* 478

DISPV.

# INDEX.

## DISPUTATIO XIII

De tertia operatione intellectus quæ dicitur Discursus.

1.	Quid sit discursus, & quæ ad eius essentiam requirantur?	481
2.	Quid sit illatio & quomodo se habeat ad Discursum.	484
3.	An omnis cognitio Discursiva fiat ex præexistenti cognitione?	489
4.	Quanam sint necessario præcognoscenda ad inferendam conclusionem?	491
5.	Quid sit syllogismus?	494
6.	An præmissa causent effectivè conclusionem?	498
7.	An conclusio sit de essentia syllogismi?	500
8.	An conclusio semper sequatur debiliorem partem?	502
9.	An ex falso possit inferri verum?	506
10.	An ex impossibili possit inferri necessarium?	508
11.	An ex una propositione de necessario, alia de inesse conclusio sequatur de necessario?	511
12.	An ex una certa & evidenti, ex altera solum probabili possit inferri certa conclusio?	514
13.	An ex una supernaturali & altera naturali sequatur conclusio naturalis?	515
14.	An principium illud, quæ sunt eadem uni tertio, sunt eadem inter se, sit fundamentum syllogismorum?	517
15.	An syllogismus in quo medius terminus est negativus sit bonus?	522
16.	An dentur alia species discursus à syllogismo essentialiter distinctæ?	524

## DISPUTATIO XIV.

De Demonstratione.

1.	Quid sit demonstratio?	528
2.	An præmissa demonstrationis debeant esse vera?	532
3.	An præmissa Demonstrationis debeant esse immediate?	536
4.	An præmissa in Demonstratione debeant esse priores & notiores natura conclusioni?	542

Questio



# INDEX.

5. *An premissa in demonstratione debeant esse magis, id est, perfectius nota quam conclusio?* 545
6. *An & ex quibus causis demonstrationem esse oporteat?* 548
7. *An causa virtualis sufficiat ad demonstrationem?* 553
8. *An premissa in Demonstratione debeant esse necessaria?* 556
9. *An demonstratio debeat constare ex his quae sunt de omni?* 563
10. *An Demonstratio debeat constare ex his quae sunt Per se?* 566
11. *Quomodo se habeat predicatum Per se, ad predicatum de mi, & ad predicatum necessarium?* 571
12. *An demonstratio constare debeat predicatis vniuersalibus?* 574
13. *An Demonstratio debeat constare principiis propriis?* 578
14. *An Demonstrationes Mathematicae sint perfectissima, & conditiones demonstrationis Potissime habeant?* 580

## DISPUTATIO XV.

### De speciebus Demonstrationis.

Questio	1. An sola Demonstratio Propter quid sit vera & propria Demonstratio ?	584
	2. An Demonstratio Propter quid & quia distinguantur specie ?	589
	3. An Demonstratio Potissima sit distincta species Demonstrationis a Demonstratione Propter quid ?	590
	4. Quod sit medium in Demonstratione potissima ?	593
	5. De speciebus Demonstrationis Quia ?	596
	6. An detur Circulus in Demonstrationibus ?	598
	7. An in Demonstrationibus detur progressus in infinitum ?	601
	8. An Demonstratio vniuersalis sit perfectior Particulari ?	604
	9. An Demonstratio Affirmatiua sit perfectior Negatiua ?	606

## DISPUTATIO XVI.

### De Scientia.

Questio	1. An homo naturaliter appetat scire ?	607
	2. An possit in hac vita perfecta alicuius rei scientia haberi ?	612
	3. An per sensum haberi possit scientia ?	619

Quaestio

# INDEX.

Questio

4. *An id de quo habetur scientia sit complexum vel incomple-  
xum?* 621
5. *An scientia solum sit de ente reali?* 624
6. *An scientia solum sit de necessariis?* 635
7. *An de agibilibus & factibilibus a nobis possit esse scientia?* 640
8. *An scientia solum sit de universalibus?* 644
9. *An de corruptibilibus possit haberi scientia?* 647
10. *An veritas sit perfectio essentialis scientia?* 649
11. *An scientia possit esse simul cum errore in eodem intellectu?* 650
12. *De certitudine scientia, & an stare cum opinione possit?* 653
13. *De euidencia scientia?* 662
14. *An scientia stare possit cum fide Divina?* 664
15. *An habitus scientia in intellectu sint res distincta à specie-  
bus intelligibilibus?* 668
16. *An habitus scientia sit distinctus ab habitu principiorum?* 676
17. *An quinque tantum sint habitus intellectus numerati ab  
Aristotele 6. Ethicorum, Intellectus, Scientia, Sapientia,  
Prudentia, Ars?* 682

## DISPUTATIO XVII.

### De Scientia Totali.

Questio

1. *An scientia Totalis sit una simplex qualitas unius simplicis  
essentia?* 685
2. *An scientia Totalis sit una scientia, & unde sumenda sit hac  
unitas?* 692
3. *Quodnam & quale sit obiectum scientia Totalis?* 701
4. *Quid sit praxis?* 703
5. *Quid sit cognitio practica?* 709
6. *An Practicum & Speculativum sint differentia essentielles  
cognitionis?* 717
7. *Quomodo scientia Totalis dicatur Speculativa vel Practica?* 719
8. *An & quomodo una scientia subalternetur alteri?* 722

DISPV-

# INDEX.

## DISPUTATIO XVIII.

### De Definitione.

1.	<i>Quid sit Definitio?</i>	729
2.	<i>An Definitio constare debeat genere &amp; differentia?</i>	733
3.	<i>An Definitio explicet ipsum quodquid esse, seu quidditatem rei?</i>	735
4.	<i>An omnia definiri possint?</i>	739
5.	<i>An accidens necessaria definiatur per additamentum?</i>	745
6.	<i>An unius rei possint esse multa definitiones essentielles?</i>	748
7.	<i>An definitio necessario competat definitio?</i>	750
8.	<i>An omnis intellectus definire possit?</i>	751
9.	<i>An Definitio sit nobilior Demonstratione?</i>	757



PARS



PARS PRIMA

LOGICÆ,

MARTINI  
SMIGLECII  
PROLEGOMENA,  
ET EA QVÆ AD PRIMAM

OPERATIONEM INTELLECTVS

di rigendam pertinent, compre-  
hendens.

DISPVATIO I.

De Enterationis.

*De Enterationis primo loco nobis agendum est,  
quòd ejus cognitio & ab vniversa  
Logica supponatur, & ad disputa-  
tionem proximam de objecto  
Logico sit omnino ne-  
cessaria.*

# DISPUTATIO I. QVÆSTIO I. *Quid sit ens rationis?*



NTIS rationis naturam duplici viâ investigare possumus: primum ex oppositione cum ente reali: deinde ex modo existendi proprio quem habet in intellectu: Hoc enim nomine Entis rationis intelligimus, quod cum non sit ens reale, in solo intellectu existit. Quod igitur ad priorem viam attinet: dicimus ens rationis ens reali opponi, non quod sit mera negatio entis realis, (est enim suo modo ens) sed quod sit tale

Ens, quod nec existat nec possit existere realiter. Voco autem realem existentiam eam, quæ est extra intellectum in re ipsa. Porro ut hoc intelligatur sciendum est: Ens reale dici reale à teali quæ est extra intellectum existentia, quam si habeat actu, dicitur Ens reale actu; si verò solum in potentia, dicitur ens reale potentia, quia potest realiter existere. Sic rosa in hyeme non est ens reale actu, quia actu non habet ullam realem existentiam, sed tantum potentia, quia potest realiter produci à suis causis; & realiter existere. Ad rationem igitur entis rationis requiritur, ut nullo modo sit reale, nec actu, nec potentia: tum quia id requirit perfectio oppositio cum ente reali, ut nullo modo realitatem participet: alioqui esset partim ens reale, partim rationis: tum quia sicut ens reale denominatur reale ab existentia reali; ita ens rationis denominatur, rationis, ab existentia rationis: quare quatenus est ens rationis, non reali sed rationis existentia existit: tum, quia si ens rationis posset realiter existere, esset eo ipso ens reale in potentia, cum proprium sit Entis realis posse realiter existere. Denique per Ens rationis intelligimus talem essentiam, cui repugnat realiter existere, & solum convenit existere in intellectu; Talis autem essentia proculdubio, nec actu, nec potentia est realis.

Hinc autem solui potest illa quæstio. An Ens reale possit fieri. Ens rationis, & è converso, Ens rationis an fieri possit Ens reale? Posset enim alicui videri id fieri posse: P R I M O. Quia duo isti modi existendi, in re, & in intellectu, sunt quidem diversi, non tamen ita oppositi ut eidem convenire non possint. Nam verbi gratia, eadem domus & in re existit, & in mente Artificis: imò quæcumque in re existunt, si concipiuntur, existunt in intellectu: Cum igitur Ens rationis sit illud, quod existit in intellectu, Ens reale verò existit in re extra intellectum, fieri potest ut Ens rationis fiat Ens reale: quia quod existit in mente, potest etiam in re existere extra mentem, & è converso.

S E C U N D O, Rosa in hyeme, in re nihil est quia non existit; sed solum est in intellectu per apprehensionem, ac ex consequenti est Ens rationis: quando verò producitur realiter in ætate, efficitur Ens reale: potest igitur Ens rationis effici Ens reale. Dicendum tamen est nullo modo id fieri posse, ut Ens reale fiat Ens rationis, & è converso. Ratio est: Quia non quidquid in ratione existit, est Ens rationis, sed quod ita in ratione existit, ut extra rationem non possit existere, seu quod habet talem essentiam, cui repugnet in re existere, solumque in ratione existit. Tali autem Enti rationis repugnat esse Ens reale, quia eo ipso quod realiter possit existere, non esset in sola ratione existens, nec haberet talem Essentiam, cui

conveniret

*Ens reale dicitur reale ab existentia, quæ est extra intellectum in re ipsa.  
Ens rationis cur nullo modo possit esse ens reale?*

*An Ens reale possit esse ens rationis & è converso?  
1. Ratio dubitandi.*

*Respondetur quæstioni.*

conveniret in sola ratione existere, & extra rationem non existere, quæ est propria Entis rationis. Quocirca etsi Ens reale possit existere in ratione, quia tamen non ita existit in ratione, ut extra rationem non possit existere, idcirco non existit per modum Entis rationis, sed per modum Entis realis. Entia enim realia ita in ratione existunt, ut possint extra rationem existere: Entia verò rationis ita in ratione existunt, ut extra rationem existere non possint; ut Hircoceruus, Hippocentaurus, & alia Entia impossibilia, quæ à solo intellectu excogitantur, in re autem esse non possunt.

Ex quo infero primò. Ens rationis & Ens reale differre essentialiter, neque unquam in unam Essentiam coire posse. Ratio est: quia Ens rationis est talis Essentia, cui repugnat extra intellectum existere: Enti verò reali ex sua essentia competit posse extra intellectum existere: Habent igitur essentias diferentes. Deinde Ens rationis ex sua essentia postulat, ut in ratione existat, cum nullam aliam habeat essendi rationem nisi in intellectu, Entis verò realis essentia id non postulat, ut in ratione existat, sed est illi hoc merè accidentarium: nam etsi nunquam in intellectu existeret nec existere posset, esset perfectum Ens reale. Est igitur distincta essentia Entis rationis ab essentia Entis realis.

*Ens rationis differt essentialiter ab ente reali.*

Infero secundò. Sola Entia impossibilia esse Entia rationis: quia Ens rationis est illud, quod in re non potest existere: At quod in re non potest existere, est impossibile. Ergo Ens rationis est id quod est impossibile. Deinde quod potest in re existere, est reale: Ens autem rationis non est reale; non est ergo Ens possibile, sed impossibile. Voco autem impossibile non id quod potentia creatæ est impossibile, sed quod univèrsim omni potentia tam creatæ quàm increatæ est impossibile, seu quod per nullam omnino potentiam fieri potest, eò quod implicet contradictionem. Nam si solum potentia creatæ sit impossibile, per potentiam verò Divinam fieri possit, id & simpliciter est possibile, & verum est Ens reale non rationis, siquidem verè in re potest existere. Quocirca mons aureus non est Ens rationis, quia etsi naturaliter fieri non possit, potest tamen fieri à Deo; & si fiat, existet realiter, ad modum aliorum Entium realium. Hircoceruus verò, quia ne per Dei potentiam quidem fieri potest, est Ens rationis; quia solum in ratione potest existere non autem in re. Nam etsi tam Hircus quàm Ceruus sint secundum se Entia realia; tamen compositio ex Hirco & Ceruo in unam essentiam, non est realis quin potius realiter impossibilis, eò quod contradictionem implicet, eandem rem esse Hircum & Ceruum; quia si Hircus sit, non erit Ceruus, si Ceruus, non erit Hircus. Quocirca illa compositio Hirci & Cerui in unam essentiam erit Ens rationis, quia solum in mente & cogitatione existit.

*Sola entia impossibilia sunt entia rationis.*

Quod si objicias. Impossibile quia impossibile non est Ens: definitur enim impossibile id quod non potest esse: atqui Ens rationis est Ens, ergo Ens rationis non est impossibile.

*Obiectio.*

Respondendum est. Impossibile aliquid dicitur dupliciter: vel quod non possit in re existere, vel quod non possit in ratione existere: Cum igitur dicimus Ens rationis esse impossibile, intelligimus primo modo quod in re est impossibile, nec potest realiter existere: non negamus autem esse possibile, ut existat in ratione; quid enim potest concipi à ratione, quantumvis in re sit impossibile, est in ratione possibile, quia potest in ratione existere. Quare etsi impossibile quatenus impos-

*Solutio.*

bile fit non Ens; tamen quatenus illud impossibile potest in ratione existere, sic induit rationem cuiusdam Entis possibilis, in ratione existentis. Et hoc dicimus Ens rationis, quod in re quidem est impossibile, in ratione tamen est possibile, estque Ens in ratione existens.

Quod si dicas. Etiam ratio iudicat impossibilia esse impossibilia. Respondeo. Iudicat esse impossibilia ad existendum in re, non autem ad existendum in intellectu: imò iudicat impossibilia omnia posse ab intellectu cognosci, quod est posse existere in intellectu.

*Satisfit rationi dubitandi prime.*

*Esse in re & in intellectu quomodo opponantur.*

Ad primum argumentum, pro opposita sententiâ Respondeo; modos essendi in re, & in intellectu, si in communi sumantur, non esse oppositos & posse eadem rei competere; at si sumantur, ut proprii Entis realis & rationis, & ut distinguunt Ens reale & Ens rationis, sic sunt omnino oppositi, nec possunt eadem competere: Nam modus essendi Entis rationis est, ita esse in ratione, ut extra rationem non possit existere. Entis vero realis modus essendi est in re extra rationem existere: Hos autem modos manifestum est oppositos esse, neque eadem simul convenire posse. Deinde Ens rationis ex sua essentiâ postulat esse in ratione, quod non competit Enti reali cui non essentiale, sed accidentarium est in ratione existere. Quare ad hoc ut aliquid fit Ens rationis, non satis est, quod in ratione existat quocunque modo, sed requiritur ut essentialiter poscat in ratione existere, & habeat eam essentiam, cui repugnet extra rationem existere. Ens autem reale solum accidentariè in ratione existit, non enim habet talem essentiam, quæ talem modum existendi necessariò postulet, atque idcirco non potest dici essentialiter Ens rationis.

*Satisfit secunde.*

*Rosa in hyeme est ens reale potentia.*

Ad secundum respondeo. Rosa in hyeme nihil quidem est reale actu, est tamen aliquid reale potentia, quia potest realiter existere: non igitur est Ens rationis. Nam etsi in hyeme per solam intellectus apprehensionem existit (cum in se non existat) tamen ita per intellectus apprehensionem existit, ut extra eam possit existere; quocirca non habet essentiam propriam Entis rationis, quæ postulat solum in ratione esse, & extra rationem nullo modo esse. Ex quo patet rosam in hyeme existere in ratione per modum Entium realium, non per modum Entium rationis, eorum, inquam, quæ purè & essentialiter sunt Entia rationis?

Quæri etiam potest. An inter Ens reale & Ens rationis detur medium; hoc est an detur aliquid, quod nec fit Ens reale nec ens rationis.

*Inter Ens reale & Ens rationis non datur medium*

Dicendum est, sub genere Entis non dari medium inter Ens reale & rationis: hoc est non posse aliquid esse Ens, nisi sit vel reale vel rationis. Quia omne quod extra rationem existit est reale; quod vero in sola ratione existit est rationis, inter hæc autem non datur medium: nam hi modi essendi sunt contradictoriè oppositi, esse extra intellectum, & non esse extra intellectum; inter contradictoria autem non datur medium.

At objicies. Ens in voluntate est medium inter Ens reale, & rationis. Nam cum volumus aliquid impossibile, ut si homo velit esse Angelus, aut cum Lu. i. fer. voluit esse æqualis Deo, tale Ens nec est reale, quia in re impossibile: nec rationis, quia non in ratione formaliter, sed in voluntate existit. Neque refert quod apprehendatur à ratione: nam ex hoc solum sequitur, quod non solum habeat in voluntate esse. Illud tamen esse quod habet in voluntate est distinctum formaliter ab illo esse quod habet in ratione. Nam licet realiter idem sit & volitum & cognitum, tamen quæ volitum, non est cognitum, quin quæ volitum ad voluntatem non ad intellectum referatur.

Respondeo.



↓ Respondeo. Ens impossibile volitum esse simpliciter Ens rationis non quid medium inter Ens rationis & Ens reale: Nam licet quā volitum respiciat voluntatem; tamen quā Ens respicit intellectum: siquidem ab intellectu apprehendente illud sub ratione Entis & proponente illud voluntati, habet rationem Entis. Et licet volitum non sit formaliter cognitum; tamen existentia illius voliti non est alia existentia, quā existentia rationis: existentia enim objectiva, quam habet in voluntate, non est à voluntate, sed ab intellectu: intellectus enim est ille, qui apprehendendo proponit objectum voluntati, & facit illud existere in voluntate.

*Ens impossibile volitum est ens rationis, quia quod ens respicit intellectum.*

Verum non quæcunq; existentia objectiva sufficit ad Ens rationis. Nam etiam Entia realia objectivè existunt in intellectu. Id ergo quod requiritur ad Ens rationis, est. Vt tali existentia objectivè existat in intellectu; vt præter illam existentiam objectivam, nullam aliam habeat, aut habere possit: Nam si extra intellectum existere possit, erit Ens reale, cum Ens reale dicatur reale ab eā, quam habet extra intellectum, existentia. Cum ergo Ens rationis distinguatur essentialiter ab Ente reali, debet non posse vllō modo extra intellectum existere, sed à solā, quam habet per modum objecti in intellectu, existentia, denominatur Ens. Et hoc est quod dici solet: Ens rationis habere esse solum objectivè in intellectu, & præter esse objectivum non habere aliud esse, quod magis infra q. 4. explicabitur.

*Existentia objectiva entis rationis.*

Quod si quæras. Quænam sint illa, quæ nullum aliud esse habent nisi objectivū in intellectu? Respondeo esse illa, quæ ab intellectu fieri & excogitari possunt, in re autem existere nullo modo possunt. Qualia sunt omnia Entia impossibilia: nam hæc solum per intellectus fictionem existunt, cum extra intellectum nullam existentiam habeant aut habere possint.

QVÆSTIO II.

*An Ens rationis consistat in coniunctione impossibili plurium rerum?*

V Idetur enim Ens rationis esse quid simplex & illam compositionem plurium non requirere: Nam omnium sententiā relationes & negationes sunt Entia rationis; quæ tamen sunt quid simplex, & sine vlla conjunctione rerum impossibilium. Deinde Ens rationis ex fictione intellectus oritur: atqui intellectus habet vim fingendi, non solum composita, sed etiam simplicia. Ergo non omne Ens rationis compositionem requirit. Præterea sequeretur Ens rationis non esse in primā, sed tantum in secundā operatione intellectus: ad secundam enim spectat compositio, prima verò est simplex operatio. Deniq; non solum compositio impossibilis, sed etiam divisio impossibilis fingi potest ab intellectu, vt cum distinguimus in Deo attributa, quæ in re dividi à se nulla ratione possunt; talis verò divisio attributorum est Ens rationis, cum à parte rei sit impossibilis, & solum ab intellectu existere fingitur. Non igitur in sola conjunctione impossibili existit essentia Entis rationis.

*Pro parte negante.*

*Argumentū 1. Argum. 2.*

*Argum. 3.*

*Argum. 4.*

Ex altera verò parte multi Recentiores tenent Ens rationis consistere in conjunctione per intellectum rerum à parte rei impossibilem : ita ut propria & formalis ratio Entis rationis in conjunctione illà rerum impossibilem sit posita; nullumq; simplex, nisi ratione talis conjunctionis sit Ens rationis.

*Argum. 1.*

Probant verò primò. Quia Ens rationis est id quod fingitur ab intellectu; intellectus autem non dicitur fingere nisi cum aliqua falsò vel impossibilem ratione conjungit: Ergo & Ens rationis in eà conjunctione rerum impossibilem consistit. Pro quo notant intellectum nostrum nihil posse apprehendere, nisi vel reale, vel similitudinem Entis realis. Nam principia apprehensionum sunt species intelligibiles, quæ & à rebus sumuntur, & intellectui representant objecta realia. Quo circa nihil intellectus apprehendit, quod vel non existat realiter, vel non sit similitudo Entis realis, ut inductione in omnibus manifestum est. Quod si aliquando id quod apprehenditur, dicitur non esse reale: id eo sensu dicitur; quia etsi secundum se sit reale, tamen realiter illi rei non convenit, ut cum pauperem apprehendimus, divitem dicimus fingere: non quòd divitiarum non sint quid reale, sed quòd illi pauperi re ipsa non conveniunt, & idèò dicuntur divitiarum fictæ. Itaq; tota fictionis ratio in eo consistit, quod quæ secundum se sunt realia, falsò vel impossibilem conjunguntur ab intellectu; falsò quidem cum de facto non sunt conjuncta in re licet ea conjungi non repugnet, ut cum fingo montem aureum, asinum volantem; impossibilem autem cum non solum de facto non sunt in re conjuncta, sed & impossibile est illa conjungi, & hoc posteriori modo fingitur Ens rationis. Verbi gratia, cum fingo in Deo relationem Domini vel Creatoris per modum cujusdam accidentis, relatio illa accipitur à me, per modum aliarum relationum realium, & talem de ipsa conceptum formo, sicut de aliis relationibus realibus: dicitur tamen hæc relatio fingi; quia fingitur Deo convenire, cum revera non conveniat, & in hac conjunctione relationis cum Deo (quæ conjunctio in re est impossibile) posita est fictio. Dicitur igitur illa relatio Ens rationis, non quòd secundum se non concipiatur ut realis, sed quòd fictè Deo tribuitur, cum in re illi non conveniat, sed nec convenire possit. Impossibile enim est in Deo esse accidentia. Simili ratione negationem aut privationem dicimus esse Ens rationis; quia etsi in se sit non Ens, ab intellectu tamen nostro concipitur sub similitudine alicujus Entis realis: Verbi gratia, per modum Entis alicujus vacui, nigri, tenebricosi, secundum eam similitudinem, quam in rebus sensibilibus conspeximus; quæ similitudo etsi secundum se sit realis, & in Entibus realibus invenitur, quia tamen negationi vel privationi realiter non convenit, neque convenire potest, idcirco dicimus negationem ita conceptam, esse Ens rationis, quia illa similitudo Entis realis falsò & impossibilem conjungitur negationi.

*Argum. 2.*

Præterea probari hæc sententia potest alia quoque ratione. Ens rationis non est quodecumq; figmentum, sed tale quod impossibile sit & contradictionem implicet re ipsa existere. Porro implicatio contradictionis esse non potest, nisi ubi sunt plura impossibilia; ita ut ex vno sequatur sem esse, ex alio non posse. Verbi gratia, in hac propositione; Asinus est rationalis, implicatur contradictio, quia duo sunt impossibilia, asinus & rationalis, & ex vno sequitur quòd asinus sit rationalis, ex altero (quia asinus) quòd non sit rationalis: Necessè igitur est: Ens rationis constare ex impossibilibus; ac proinde non esse quid simplex sed compositum,

positum, cum res omnino simplex non possit implicare contradictionem; non enim habet in se aliquid, ratione cuius sit, & aliud, ratione cuius non sit. Nam secundum unum & idem, esse & non esse, simul non potest: si verò ratione unus sit, ratione alterius non sit, iam erit non simplex sed compositum ex duobus, quorum unum fundat unam partem contradictionis, aliud aliam.

Quod si dicas ex eo sequi Ens rationis esse Ens reale; quia totum quod componitur ex partibus realibus, est reale: (totum enim nihil aliud est quam partes unitæ) si ergo Ens rationis est compositum & ex partibus realibus erit reale.

Respondetur. Ut aliquid sit totum reale, non satis est ut partes reales habeat, sed etiam opus est, ut partes illæ realiter sint inter se unitæ: quod cum desit Enti rationis, non erit idcirco totum reale, sicut, si quis cogitatione solum uniret lateres, non faceret murum realem. Ad rationes verò contrarias initio positas sic respondent.

Ad primam. Licet tam relatio quam negatio sit quid simplex, ex tamen ratione, quæ dicuntur Entia rationis, involuunt conjunctionem, aliquam impossibilem. Relatio enim dicitur Ens rationis, non ut est quid simplex, sed quatenus fictè non realiter alicui convenit: Negatio quatenus fictè induit rationem Entis realis, & per modum Entis realis concipitur, in quo cernitur plurius ficta inter se conjunctio.

Ad secundam. Simplex fingi est impossibile, cum fingere sit plura falsò vel impossibiliter uti dictum est componere.

Ad tertiam. Compositio est duplex, altera ex parte intellectus, quæ sit per actum intellectus affirmantis vel negantis; altera ex parte objecti, quæ sit per apprehensionem in objecto rerum plurium inter se coniunctarum, absque ulla affirmatione & negatione. Prior compositio est propria secundæ operationis intellectus; posterior convenit etiam primæ operationi. Nam si visu possumus cognoscere in una imagine plures colores coniunctos: quid ni per intellectum possumus plura inter se coniuncta simul apprehendere? Ex quo patet etiam in prima operatione intellectus posse formari Ens rationis, quia potest apprehendi illa conjunctio impossibilis absque affirmatione atque negatione.

Ad quartam. Etiam divisio illa, eatenus est Ens rationis, quatenus dicit conjunctionem impossibilem; nam & negationes suo modo conjungi possunt suis subiectis: Cum igitur divisio attributorum, quæ Deo est impossibilis, tribuatur illi per rationem in illa attributione, seu divisionis conjunctione cum Deo, aiunt esse fictionem & Ens rationis.

Communis tamen sententia est dari Ens rationis etiam extra compositionem rerum impossibilium, atque adeò dari Ens rationis simplex. Fundamentum est, quia omne quod est in re impossibile & apprehenditur per modum Entis, est Ens rationis at non sola conjunctio, sed etiam aliquod Ens simplex potest esse in re impossibili, & per solam rationem existens; ergo non solum compositum, sed etiam simplex dari potest Ens rationis. Minor probatur: Quia relatio ex communi sententia est quid simplex in sua essentia, quam accipit à fundamento & termino. Atqui datur relatio in re impossibilis & per solam rationem existens: Ergo datur aliquid simplex quod sit Ens rationis. Tales sunt relationes omnes, quæ dicuntur rationis, quæ aut fundamento reali carent aut termino. Relatio

*Refelluntur  
argumenta  
partii negati*

I.

2.

3.

*Nota duplici  
esse compositi-  
onem.*

4.

*Relatio est  
quid simplex.*

enim fundata in fundamento non reali vel respiciens terminum non realem, impossibile est ut in re existat, sed solum in ratione, unde necesse est ut sit Ens rationis. Neque verò dici potest relationem esse Ens rationis, propter conjunctionem cum aliquo impossibile, nempe quod ei tribuatur, cui convenire non potest. Nam non hoc solum nunc est Ens rationis, sed etiam quia ex sua simplici essentia est in re impossibilis, & per solam rationem existit. Imò, ex hac impossibilitate sequitur illa altera, ita ut ex duplici capite relatio dici possit Ens rationis: tum quia secundum suam essentiam simplicem est in re impossibilis, & in sola ratione existit. Tum quia coniungitur alicui, cui impossibile est in re coniungi, proutque est relationem esse in seipsa impossibilem, tum verò sequitur ex eo ejus quoque conjunctionem cum altero esse impossibilem. Et verò sicut duplex est impossibilitas, alia simplex, proveniens ex simplici rei essentia, alia fundata in conjunctione duorum à parte rei impossibilem, ita duplex est Ens rationis, simplex & compositum.

*Impossibilitas duplex.*

*Ad 1. Affirm. Partii arg.*

*Intellectus etiam tunc fingit, cum aliquid impossibile concipit per modum entis quod fit sine compositione.*

*Non est necesse componere non ens cum ente in actu signato.*

Iam ad id quod prior sententia objiciebat primò, simplex fingi non posse. Respondeo. Negando. Non enim tunc solum intellectus fingit, cum aliquid alteri vel falsò, vel modo in re impossibili tribuit, quæ fictio est secundæ operationis intellectus; sed etiam cum id quod est in re impossibile, concipit per modum entis, sine illa compositione, ut accidit in relationibus rationis, quarum simplex essentia est in re impossibilis ob defectum realem fundamenti vel termini, & hæc fictio ad primam intellectus operationem propriè pertinet.

Dices. Ens rationis concipitur per modum Entis, cum fit non Ens, concipi autem non ens per modum Entis, dicit compositionem non ens cum ente. Cum ergo in omni ente rationis concipiatur non ens per modum entis, consequens est in omni ente rationis esse compositionem impossibilem.

Respondeo. Si in conceptu entis rationis esset necesse componere non ens cum ente explicitè & in actu signato, esset etiam necesse ad ens rationis compositionem intervenire: at quia nulla necessitas est ad concipiendum ens rationis, hæc duo simul juncta concipere, sed sufficienter concipitur Ens rationis, si concipiatur illud ens quod revera in re est impossibile & non ens, licet tunc non concipiatur esse impossibile & non ens, ideo non est necesse ens rationis esse compositum.

Dices secundò. Non potest concipi Ens rationis nisi sub similitudine aliqua entis realis; ergo necesse est inveniri conjunctionem similitudinis realis cum ente rationis. Respondeo. Similitudinem illam entis realis, sub qua ens rationis apprehenditur, esse solum medium quoddam ad apprehendendum ens rationis, non verò ipsum objectum apprehensum, aut partem objecti apprehensi. Quare cum ista similitudo non ingreditur objectum, non facit compositionem objecti. Sicut in simili cum Angelum incorporeum per similitudinem corpoream apprehendimus, non apprehendimus angelum esse corporeum, sed sub illa forma corporea intelligimus Angelum incorporeum. Sic igitur & ens rationis sub forma reali apprehendimus, absque ulla compositione formæ realis cum ente rationis. Deinde admissa tali compositione, adhuc ens rationis non solum propter compositionem illam cum ente reali esset ens rationis, sed etiam ob suam essentiam simplicem sub illa similitudine entis realis apprehensam. V. G. Relatio rationis ob suam essentiam

*similitudo, sub qua Ens rationis concipitur, non est obiectum conceptum aut eius pars.*

tiam simplicem quæ confurgit ex tali fundamento & termino effect ens rationis.

Quod verò secundo loco pro prima sententia afferebatur, relationem rationis esse in re impossibilem & implicare contradictionem, id soluitur in hunc modum. Relatio enim suâ simplici essentia est in re impossibilis. Nec verò necesse est ut id quod implicat contradictionem semper componatur ex duobus quæ fundent partes contradictionis, sed sine compositione potest fundari contradictio. Nam si aliquam relationem poni à parte rei implicet contradictionem, ea contradictio potest fundari in suppositione extrinseca rationi. V. G. Si supponatur relatio rationis existere realiter, sequitur eam & esse ens rationis ob suam essentiam, & non esse ens rationis ex suppositione: quia realiter ponitur existere. Adde posse aliquid concipi tanquam impossibile, etsi non concipiatur implicatio contradictionis, sed solum defectus aliquis essentialis, vel si concipiatur, concipietur tanquam quid consequens impossibilitatem absolutam.

Ad 1. Argum.

QVÆSTIO III.

*Utrum Ens rationis sit conceptus aut denominatio extrinseca?*

Cum Ens rationis sit illud quod existit in intellectu obiectivè, quidam in eam sententiam discesserunt, ut existimarent Entia rationis nihil aliud esse, quam conceptus intellectus de rebus. V. G. Hircoceruum esse conceptum de Hirco & Ceruo in vnum coniunctis.

1. Sententia.

Probatum primò. Quia Ens rationis est in mente: Ens autem in mente nihil aliud est, quam conceptus: tum quia conceptus loco rei substituitur in mente, tum quia conceptus est veluti idolum quoddam & imago objecti in mente: & sicut homo pictus nihil aliud est nisi imago hominis in charta expressa, quæ imago est conceptus. Pingere enim & fingere paria sunt; utroque enim rei similitudo exprimitur.

Probatum 1.

Denique deus in mente artificis nihil aliud est, nisi idea & similitudo domus: Ergo & Ens rationis in mente est similitudo illa, quam sibi format intellectus de ea re quam fingit.

Quod si quis opponat conceptum esse Ens reale, Ens autem rationis non esse Ens reale. Responderetur. Ens rationis esse Ens reale, sed in mente non extra: Opponitur enim reali non quod ipsum non sit suo modo reale, sed quod extra mentem non sit reale, sicut alia Entia realia quæ ita sunt in mente, ut extra mentem quoque realiter existere possint, hocque sensu verum esse aiunt Entia rationis habere solum obiectivum esse in intellectu: quia solum tunc sunt, cum concipiuntur & extra conceptum nullum habent verum esse; ita tamen ut in conceptu habeant verum esse reale, productum realiter ab intellectu.

At inquires. Conceptus est id quo intellectus concipit obiectum, Ens verò rationis est ipsum obiectum. Responderetur. Idem conceptus est quo intellectus concipit rem, & quo res concipitur ab intellectu, sicut eodem calore ignis calefacit lignum & lignum calefit ab igne: diversitas solum est in modo concipiendi activè & passivè.

passivè, eundem calorem, quare conceptus passivè acceptus est res ipsa concepta, quæ est obiectum intellectus; activè autem est ipsa conceptio intellectus.

*Prob. 2.*

Secundò probatur hæc sententia. Ens rationis est id quod format & fingit intellectus, nihil autem format intellectus, cum rem cognoscit, nisi conceptum, quod est imago & similitudo rei: Ergo Ens rationis est conceptus.

*Prob. 3.*

Tertio, Esse Entis rationis est concipi: Ergo Ens rationis est conceptus. Antecedens probatur tum inductione: esse enim Hircoceruum est esse conceptum in intellectu talem, de Hircoc & Ceruo: tum quia antequam concipiatur ens rationis; non est: posito autem conceptu nullaque alia re addita, est: Ergo esse Entis rationis est concipi: tum quia omnium sententia Ens rationis est illud, quod habet solum esse obiectivum in intellectu: atqui esse obiectum quid aliud est quàm esse conceptum? Obijci enim intellectui & concipi ab intellectu sunt vnum atque idem; Neque res aliter obijciatur intellectui, nisi quia concipitur.

*2. Sententia.  
Entia rationis  
esse denomina-  
tiones extrin-  
secas.*

Secunda sententia est Durandi in 1. d. 19. q. 5. & 6. Entia rationis esse denominationes extrinsecas ab actu intellectus, sicut enim res dicitur visà à visione, quæ est in meo oculo, ita dicitur cognita à cognitione quæ est in intellectu: & prout diversa fuerit cognitio intellectus, diverso modo denominabuntur res cognita. Duplíciter enim potest res ab intellectu cognosci. Primò secundum eas proprietates, quas habet in re extra intellectum, & hæ denominationes sunt natura sua reales. Secundò, secundum ea quæ illi solum ex consideratione intellectus competunt, ut esse Hircoceruum, esse genus, vel speciem, & hæ denominationes sunt Entia rationis. Ratio igitur huius sententiæ est, quia Ens rationis non habet aliud esse, quàm esse cognitum: liquidem tunc solum est, cum cognoscitur. Atqui esse cognitum, est denominatio à cognitione, quæ est in intellectu: Ergo ens rationis est denominatio extrinseca.

*Probat.*

Confirmatur. Quia naturam aliquam esse genus vel speciem, aut prædicari, vel subijci, vel referri ad multa, nihil aliud est nisi ab intellectu cognosci tali modo, cum istas proprietates non habeat nisi ab intellectu. Simili ratione esse Hircoceruum quid aliud est quàm esse talem de eo cognitionem in intellectu?

Quod si quis obijciat. Denominationes istas extrinsecas esse reales, quia forma denominans est realis; Ens autem rationis non est reale: quidam respondent eas denominationes non esse reales sed rationis, quia rem non immutant realiter, & sine ulla reali mutatione rei adveniunt: res enim per hoc quod cognoscitur non mutatur intrinsecè. Verùm hæc responsio non valet. Nam denominatio à formâ reali, debet esse realis siue intrinsecè, si sit à formâ intrinsecâ; siue extrinsecè, si sit à formâ extrinsecâ. Neque verò necesse est omnem formam realem immutare subiectum, nisi sit forma intrinseca. Nam forma extrinseca, cum non adveniat subiecto intrinsecè, illud etiam in se non immutat: aut si immutare dicenda est, non immutat intrinsecè, sed extrinsecè, sicut dat illi esse non intrinsecum sed extrinsecum. Alit igitur melius respondent. Entia rationis esse quidem realia, sed in mente tantum, non autem extra mentem, vñ in primâ quoque sententiâ dicebatur: & in hoc ab alijs Entibus realibus distingui, quod ea extra intellectum quoque sunt realia.

Tertia Sententia est Communis & vera; Ens rationis neq; esse conceptum, neq; denominationem extrinsecam ab actu intellectus, sed obiectum conceptus & denominationis.

Dico

Dico igitur primò. Ens rationis non esse conceptum. Probatur. Quia obiectum conceptus, non est conceptus: Atqui Ens rationis est obiectum conceptus. Ergo non est conceptus. Major probatur inductione: Rosæ, Verbi gratia, conceptus, non est Rosa essentialiter; nam Rosa est substantia; conceptus Rosæ est accidens, Rosa habet odorem, saporem, quod conceptui non convenit. Et ratio est, quia conceptus est similitudo & imago obiecti expressa ab intellectu. Ergo non est idem quod obiectum.

*Autoris Sententia.*

*Obiectum conceptus non est conceptus.*

Dices. Si Rosa nullum haberet esse à parte rei, sed tantum in intellectu, nihil aliud esset Rosa nisi conceptus; nunc autem quia habet esse reale in mundo; ratione huius esse realis differt à conceptu. Quare Ens rationis, cum solum in intellectu habeat esse & nullum à parte rei, non erit nisi merus conceptus.

Respondeo. Rationem nostram univèrsè concludere de omni obiecto, siue existat actu extra intellectum, siue potentià: nam similitudo rei nunquam est res ipsa; conceptus est similitudo obiecti: ergo non est obiectum.

Dices obiectum considerari posse, & ut est res quædam, & ut obiectum, primo modo est quid diversum à conceptu, posteriori modo est idem cum conceptu. Quare & Rosa ut res est, differt à conceptu essentialiter, ut verò est obiectum, nihil aliud est, quam conceptus: idem enim est esse obiectum & esse rem conceptam.

Respondeo. Obiectum neq; ut res est, neque ut obiectum, esse idem cum conceptu, quia conceptus est similitudo obiecti. Obiectum verò est res ipsa & essentia, cuius similitudo est conceptus: nunquam autem res est idem quod sua similitudo. Neque verò alia essentia est rosæ, ut res est, alia ut obiectum est, siquidem Rosa secundum suam eandem essentiam est & res & obiectum: quare si ut res differt essentialiter à conceptu, etiam ut obiectum est, differt. Cum verò dicitur Rosam conceptam nihil aliud esse quam conceptum. Respondeo. Si Rosæ conceptæ nomine intelligatur vera Rosæ essentia, quæ concipitur, & est obiectum conceptus, sic rosa non est conceptus, sed obiectum à materia conceptus. Si verò rosæ conceptæ nomine intelligatur similitudo illa obiecti expressa in intellectu: sic rosa concepta non differt quidem à conceptu, sed similitudini illi non propriè, sed figuratè nomen rosæ tribuitur. Quod etiam hominis picti exemplo explicari potest. Nam si nomine hominis picti intelligamus hominem illum vivum, cuius imago in charta exprimitur: sic homo pictus non idem est quod pictura: si verò picturam ipsam figuratè vocemus hominem pictum, sicut similitudo rei potest vocari res ipsa: sic erit quidem idem cum pictura, sed nomen hominis non accipitur propriè sed figuratè: pari igitur ratione de Ente rationis dicendum est. Nam Ens rationis quatenus est obiectum conceptus, non est conceptus, quatenus verò est similitudo per conceptum expressa in intellectu, sic est conceptus: sed tunc non accipitur propriè pro scipso, sed pro sua similitudine, sicut similitudo hominis dicitur homo.

*Rosæ conceptæ nomine duo intelliguntur.*

Quare ad rationes primæ sententiæ responderetur. Ad primum. Ens rationis si sumatur pro obiecto conceptus, est in mente per modum obiecti, non conceptus, si verò sumatur pro similitudine expressa in intellectu, tunc erit idem quod conceptus, sed tunc conceptus Entis rationis, dicitur Ens rationis impropriè, propter similitudinem, sicut pictura hominis dicitur homo.

*Satisfit argumenti.*

*1. Sententia.*

I.

2.

Ad secundam. Ens rationis non est conceptus formatus ab intellectu, sed id



id de quo conceptus formatur, quod quia non existit, nisi quando de eo formatur conceptus, idcirco dicitur habere obiectivum tantum esse in intellectu.

3.  
*Esse Entis rationis est concipi.*

Ad tertium. Propositio illa; *Esse entis rationis est concipi*; potest habere duplicem sensum. Primus est, ut esse Entis rationis dicatur conceptio, & hic sensus est falsus: non enim conceptio, sed id quod est obiectum conceptionis, seu res illa impossibilis concepta, est Ens rationis. Secundus, ut esse Entis rationis sit concipi, id est, esse obiectum conceptionis, & hic sensus est verus: quia esse Entis rationis est esse obiectivum in intellectu. Ex quo sequitur, Ens rationis non esse quidem conceptum, esse tamen quid existens per conceptum, ita ut alia sit existentia conceptus, alia Entis rationis. Nam existentia conceptus est existentia realis: existit enim conceptus in intellectu tanquam accidens in subiecto; Existentia verò Entis rationis, non est realis nec subiectiva, sed obiectiva: non enim Ens rationis est accidens in intellectu inherens, sed obiectum intellectus per hoc solum existens, quod ab intellectu cognoscitur. Unde existentia rationis causatur quodam modo ex conceptu, & est illa existentia intrinseca rei impossibilis conceptæ facta ab intellectu.

*Entis rationis esse obiectivum tantum.*

Simili modo explicandum est illud, cum dicitur Ens rationis habere solum esse obiectivum in intellectu. Sensus enim est Ens rationis habere talem essentiam, quæ non nisi tunc existat, quando obijcitur intellectui, & modus existendi eius est, tunc existere, cum obijcitur, non autem quod essentia eius sit obijci. Essentia enim entis rationis est illa quæ obijcitur, & habet suam existentiam tunc cum obijcitur, non verò est ipsum obijci: quod est denominatio extrinseca à cognitione.

*Ens rationis non est denominatio extrinseca.*

*Nota aliud esse obiectum, aliud denominationem.*

Dico secundò. Ens rationis non esse denominationem extrinsecam ab actu intellectus. Ratio est. Obiectum actus, non est denominatio ab actu: atqui Ens rationis est obiectum actus intellectus: non ergo est denominatio ab actu intellectus. Pro quo notandum est. Omne obiectum denominatur quidem ab actu, qui circa illud versatur, aliud tamen est ipsum obiectum, aliud denominatio: V. G. Obiectum visus denominatur visum à visione, quæ circa illud versatur, tamen obiecti huius essentia, non est illa denominatio, sed color vel lux, quæ visui obijcitur, illa verò denominatio à visione est accidentalis & extrinseca; non essentialis & intrinseca obiecto viso: simili ergo rationis, Ens rationis est obiectum intellectus, denominaturq; ab actu intellectus cognitum hoc vel illo modo: Verum hæc denominatio illi non est essentialis sed accidentalis, licet sine illa esse non possit: Essentia enim Entis rationis est illa quæ obijcitur intellectui, & quæ cognoscitur ab intellectu, non vero illud esse cognitum, quod non est nisi denominatio quasi superaddita obiecto in sua essentia constituto: quare non negamus denominationes extrinsecas, sed dicimus eas esse accidentarias Enti rationis & non constituere sed supponere potius ejus essentiam.

*Ens rationis est obiectum denominationem.*

Quod verò præter denominationes extrinsecas concedendum sit Ens rationis quod fit obiectum talium denominationum, manifestum est. Nam cum dicitur, Hircocerum esse quid tali modo cognitum ab intellectu, intelligimus non solum cognitionem esse de Hircoceruo, sed etiam obiectum talis cognitionis esse rem illam & conjunctionem fictam Hirci & Cerui, quæ res & conjunctio proculdubio est Ens rationis: nam neq; cognitio potest esse sine obiecto, neq; obiectum ta-

lis cognitionis potest esse aliud quàm illa coniunctio impossibilis, neq; conjunctio illa objectiva potest esse quid reale sed rationis: quare in denominationibus istis extrinsecis includitur essentialiter obiectum rationis: neq; cognitio rei sub tali modo impossibili, potest denominare rem cognitam, nisi supponat in obiecto illum modum impossibilem, qui est Ens rationis: omnis enim cognitio supponit obiectum sibi proportionatum.

Eandem conclusionem probant alij, ex eo quod denominatio ista ab actu sit realis: Ens verò rationis non sit quid reale; responderi posset Ens rationis in hoc sensu non esse reale, quod extra intellectum non datur in rebus, vel quod intrinsece, & in seipso non sit reale, non verò quod in intellectu, & per intrinsecam denominationem non sit reale.

## QVÆSTIO IV.

*An & quomodo Ens rationis fiat  
ab intellectu?*

**C**ertum est Ens rationis non esse à se sed ab alio; quod enim à se est, semper est cum sibi ipsum sit ratio essendi. Ens verò rationis, cum non semper sit, sed aliquando sit, aliquando non sit, non potest dici esse à se sed ab alio: non est autem ab alio, nisi à ratione; idcirco enim dicitur Ens rationis. Id autem in questione adducitur, An Ens rationis verè & propriè fiat, & quomodo?

*Ens rationis  
est ab alio  
Ens.*

Dicendum igitur est, Ens rationis sicut non est Ens propriè sed per similitudinem, ita neq; propriè fieri sed similitudinariè: quia enim ratione aliquid est Ens, eisdem quoq; ratione entis proprietates participat. Cum igitur Ens rationis non sit Ens propriè, sed tantum similitudinariè, quatenus per modum Entis realis concipitur & cogitur, idcirco neq; propriè fieri aut produci dicitur sed per similitudinem quandam: produci enim est acquirere esse: quod igitur impropiè est, impropiè quoq; produci.

*Ens rationis  
non fit propriè  
sed similitudinariè.*

Quod si dicas. Omne Ens vel est factum vel non factum; si non est factum, est Deus, si factum, est propriè factum: propriè enim fieri est ex non esse transire ad esse: cum igitur Ens rationis de non esse ad esse transeat, propriè fit, & sicut ante propriè fuit sub non esse; ita postea propriè fit sub esse.

Respondeo. Omne Ens reale sicut propriè est Ens, ita propriè dicitur factum vel non factum: Ens rationis autem cum non sit propriè Ens, suo tamen modo Ens, idcirco non propriè, sed suo modo dicitur esse factum; quia suo modo post non esse acquirit esse. Cum enim ante nec verè esset, nec similitudinariè ex non esse transiendum, coepit esse similitudinariè.

Modus igitur quo fit Ens rationis ab intellectu est iste. Intellectus per actionem realem intelligendi producit in se cognitionem obiecti, quæ cognitio est expressa quædam similitudo obiecti, estq; qualitas quædam in intellectu producta: hæc porò qualitas, cum sit representativa obiecti facit obiectum esse præsens intellectui: ex illa enim representatione oritur præsentia obiecti in intellectu.

*Modus quo fit  
Ens rationis.*

igitur

igitur representare, non est propriè agere in objectum, cum per eam nihil producat in objecto, sed est similitudo quædam actionis: ita & existentia illa objecti ex representatione orta, est effectus impropriè & potius similitudo quædam effectus.

*Præsentia obiecti in intellectu alia realia, alia obiectiva.*

Porro hæc actio productiva Entis rationis dicitur à quibusdam actio intentionalis, quia per eam tendit intellectus in objectum cognitum. Notandum autem est præsentiam obiecti in intellectu esse duplicem, Alteram realem, qua dicitur præsens ratione suæ similitudinis, quam de ipso format realiter intellectus tunc cum ipsum concipit, nihilq; aliud est, quàm præsentia illius similitudinis, ratione cuius per extrinsecam denominationem, dicitur præsens objectum non in seipso, nec in sua reali existentia, sed in similitudine tantum: Alteram obiectivam, qua dicitur præsens ratione sui, hoc est, ratione ipsius essentia objectæ & representatæ per illam similitudinem; & hæc præsentia si sit rei impossibilis, erit præsentia propria Entis rationis. Essentia enim Entis rationis in eo posita est, ut concipiatur per modum Entis cum à partē rei sit non Ens.

*Esse obiectivum sit-ne Ens reale vel rationis?*

Verum cum hæc præsentia seu existentia obiectiva orta in objecto ex representatione, sit communis entibus realibus & entibus rationis, (utraq; enim representantur in intellectu, & ex representatione acquirunt esse obiectivum) difficultas est an hoc esse obiectivum sit Ens rationis, vel Ens reale? Nam si dicatur esse ens rationis, sequetur omnia objecta realia, quatenus obiectivè in intellectu existunt, esse entia rationis; Quod falsum est: Si verò dicatur hoc esse obiectivum non esse Ens rationis, sequetur, Entia rationis ratione sui esse obiectiva, præcisè non esse Entia rationis; assignandumq; erit aliud esse entium rationis distinctum ab esse obiectivo. Deinde illud esse obiectivum si non sit Ens rationis, erit necessariò Ens reale, cum inter Ens rationis & reale non detur medium. At si est reale, quomodo faciet Ens reale esse Ens rationis. Non enim Ens rationis constituitur in esse rationis per aliquid reale.

*Ens rationis differt ab Ente reali in ratione esse obiectivi.*

*Differentia 1. Ens rationis est Ens apparen-*

*Differentia 2. Intellectus in obiecto reali non facit rationem Entis, in ente rationis facit.*

Dicendum tamen est dari esse obiectivum propriū Entis rationis, quod Philosophi vocant obiectivum tantum. Quod sic declaro: Esse obiectivum est illud, quod obijcitur intellectui cognoscendum. Vt homo secundum esse humanum obijcitur, Ens ergo rationis quamvis in hoc conveniat cum Ente reali, quod utramq; obijcitur intellectui sub ratione aliqua Entis, diversa tamen ratio Entis est quæ obijcitur in Ente rationis, ab illa quæ obijcitur in Ente reali: nam Ens rationis obijcitur per modum Entis, cum non sit verum Ens, ac proinde obijcitur per modum Entis apparentis tantum & non veri; Ens verò reale obijcitur per modū Entis veri.

Porro Ens apparen, est Ens obiectivè tantum, quia solum apparet cum obijcitur, cum in re nec fit nec possit esse tale. Sicut & colores apparentes dicuntur, quia solum apparent & non sunt; eo tamen discrimine, quod colores licet tunc non existant quando apparent, possunt tamen produci & existere tales quales apparent. Vnde non sunt Entia rationis simpliciter. At Ens rationis nec esse nec produci potest tale quale apparet, cum sit impossibile, sed solum habet apparere per modum Entis, cum in re non fit nec possit esse.

Secundò. Deinde cum obijcitur Ens reale, invenit intellectus in obiecto rationem Entis, non facit: ut cum cognoscit hominem, non facit hominem esse hominem, sed solum representat illum in mente ut iam factum. At cum Ens rationis ob-

obiicitur intellectus non inuenit in eo rationem Entis sed facit apprehendendosita  
 ut *Entis rationis* fit Ens per apprehensionem. Ens verò reale fit Ens non per apprehensionem, sed extra apprehensionem, hoc est, tam ante quàm post apprehensionem, immo in ipsa apprehensione, non ideo est Ens quia apprehenditur, sed potius ideo apprehenditur quia est Ens. Quia igitur Ens rationis per hoc quod apprehenditur, constituitur in ratione Entis, idcirco dicitur Ens obiectivum tantum, quia extra apprehensionem non est Ens, & in apprehensione est Ens, vi apprehensionis tantum non ex se.

Tertio esse Entis rationis est esse essentialiter obiectivum. Entis verò realis accidentaliter. Nam Enti reali per accidens est esse obiectum, est enim Ens et si non *esse entis rationaliter* obicitur. Enti verò rationis non est per accidens esse obiectum, siquidem per hoc *entis essentialiter* quod obicitur & subiicitur apprehensione est Ens. Quia igitur esse Entis rationis *ter est esse obiectivum* est essentialiter obiectivum, ideo est obiectivum tantum; quia per solum esse obiectivum constituitur in sua essentia, & in ratione Entis. *realis accidentaliter*

At dices esse obiectivum est cognosci, cognosci autem est denominari extrinsece *saliter*. à cognitione. Si igitur Ens rationis essentialiter est obiectum, eius essentia consistet in denominatione extrinseca, à cognitione: quæ denominatio cum sit realis, quia est à forma reali ipsam quoque; Ens rationis erit reale in sua essentia. Respondeo. Esse obiectum dicit duo, 1. dicit illud esse quod est terminus cognitionis, & quod subiicitur cognitioni, & per consequens denominationi illi extrinsece à cognitione. *Obiectum primo* Secundò dicit obiectum ut denominatum à cognitione. De essentia ergo Entis *mo dicit esse* rationis est ut sit obiectum primo modo, & sic eius essentia non consistit in denominatione *termini*. one illa reali & extrinseca à cognitione, sed in essentia obiectivæ tantum existente. *Secundo dicit*

Ex quibus patet esse entis rationis triplici de causa dici obiectivum tantum. 1. *sum esse ut* quia habet esse apparens tantum non verum. 2. quia constituitur in ratione Entis *denominatum* per hoc quod obicitur & apprehenditur. 3. quia eius esse est essentialiter obiectivum. *à cognitione*.

Pater 2. quomodo Ens rationis in esse obiectivo differat ab ente reali. Nam in *Enti rationis* esse illo obiectivo quod subiicitur illi denominationi, & est essentia ipsa obiecta *esse cur obiectivum*. 1. 2. 3. differat ab Ente reali, quia eius esse est obiectivum tantum triplici illa ratione explicata. In esse verò obiectivo quod consistit in denominatione extrinseca à cognitione, non differat ab Ente reali, sed eodem modo se habet obiectivè quo Ens reale. Vtrumque enim dicitur obiecti cognitioni ex eo, quia cognitio est de illo in intellectu.

Dices. Quomodo denominatio extrinseca cum sit realis, conveniat Enti rationis? Resp. Quia est extrinseca & afficit Ens rationis solum extrinsece. Cum enim sit extrinseca, non mutat intrinsecam rationem entis rationis: quare cum existentia reali extrinseca Ens rationis intrinsece est non reale sed rationis. Quia realiter non potest existere, sed solum concipi à ratione per modum Entis.

Secunda difficultas est. An & quomodo produci possit ab intellectu hoc esse obiectivum entis rationis? Nam vel producitur per cognitionem, vel per aliam actionem à cognitione, re aut ratione distinctam. Neutrum dici potest. Non *primo* quia omnis cognitio supponit suum obiectum, non facit. Tum quia prius *est obiectum* est obiectum esse quàm obijci, tum quia obiectum est causa cognitionis dans illi esse, & specificans ipsam; causa autem non potest produci à suo effectu, sed supponitur prior effectu. prius etiam non potest fieri à suo posteriori. Denique cognitionem *esse* impossibile est esse ante suum obiectum; qualis enim cognitio sine obiecto. *obiectivum*

*At entis rationis?*

At si faceret obiectum esset ante obiectum; siquidem omnis causa est prior suo effectu. Ergo non potest cognitio facere suum obiectum. Secundum eam dici non potest, quia si Ens rationis fieret per aliam actionem à cognitione distinctam, ejus esse non esset obiectivum. Esse enim obiectivum est respectu cognitionis obiectivum. Si autem per actionem à cognitione distinctam fieret, non esset in suo fieri ullius cognitionis obiectum. Propter hæc argumenta quidam ausi sunt negare Entia rationis, eò quod illorum productio sit impossibilis. Verum isti errant. Nam negari non potest aliqua ab intellectu fingi, quæ autem finguntur, cognitione finguntur & sunt. Quare simul sunt & obiecta cognitionis & sunt: & ita non repugnat obiectum cognoscendo fieri. Tenentur ergo hi Auctores solvere omnes eas difficultates, quæ sunt in ratione dubitandi posite. Nam cum omne figmentum ut figmentum non sit in sua essentia quid reale, licet reali fictione fingatur: necesse est fateri essentiam cuiusque figmenti non esse realem sed rationis, esseque factam & factam in suo esse obiectivi per cognitionem.

*Figmenta dñ obijciuntur, fingunt.*

*Prior responsio.*

*Non semper obiectum est prius cognitione.*

Alij Respondent Ens rationis fieri non nisi per actionem cognoscitivam, ita ut intellectus cognoscendo faciat, & faciendo cognoscat Ens rationis. Addunt verò non esse necesse in omni cognitione supponi obiectum in priori naturæ vel rationis, sed tantum id verum est in illa cognitione quæ causatur ab obiecto. Sicut visio causatur à visibili per speciem in visu productam. Neque enim omnis cognitio habet hanc dependentiam ab obiecto. Multæ enim sunt cognitiones quæ non producuntur per species ab obiecto causatas sed aliunde acceptas. Ut patet in cognitione Angelorum quæ fit per species infusas à Deo, non productas ab obiectis. Multa etiam cognoscuntur per species alienas vi de facto cognoscitur Ens rationis, per species Entium realium. Hinc ergo est ut non omnis cognitio necessario supponat obiectum; proinde ex hoc capite non repugnat, quominus illud possit facere. Cum enim productio obiecti fiat per representationem, sicut potest intellectus non ab obiecto sed aliunde habere vim representandi; ita potest etiam habere vim obiectum producendi in esse representato.

*Obiectum specificat cognitionem duobus modis.*

Neque obstat quod dicitur obiectum specificare cognitionem, ac ex consequenti esse prius cognitione, sicut causa suo effectu. Nam obiectum dupliciter dici potest specificare cognitionem vel effectivè vel terminativè. Effectivè quidem cum producit sui speciem in potentia, & per eam causat sui cognitionem, ut apparet in visu. Terminativè verò, cum se habet solum per modum termini ad quem terminatur cognitio; ad eum modum quo in relationibus terminus nullam habet causalitatem effectivam respectu relationis, sed solum est id in quod definit talis specie relatio. Quando ergo obiectum specificat effectivè cognitionem, est prius cognitione, sicut causa suo effectu, nec potest per cognitionem produci. At cum specificat solum terminativè absque illa causalitate & influxu in cognitionem, non est necesse ut sit prius cognitione; quia neque terminus relationis est prior relatione, sunt enim relativa simul natura; quod etiam in relationibus divinis manifestum est. Neque verò terminus dicitur dare esse relationi per influxum aliquem in relationem, sed per hoc solum quia relatio est ad ipsum, non quia aliquis influxus sit ab ipso.

Verum contra hanc doctrinam obijci potest; Quod obiectum non solum sit prius cognitione quatenus est cognitionis effectivum, sed etiam quatenus terminativum.

vum

uum, hoc est, non solum sub ratione causæ sed etiam sub ratione objecti terminantis. Terminus enim prius est secundum suam essentiam in se quam sit terminus alicujus. Prius enim esse in se, quam esse ad aliud: immo esse terminum alicujus est accidens vel certe proprietas ejus rei quæ dicitur terminus. Unde id quod terminatur ad aliquid, necessarii supponere debet essentiam ejus rei ad quam terminatur. Quod verum est etiam in terminis relationum, qui secundum suam essentiam absolutam, qua terminant relationes, præsupponunt relationibus: ut in disputatione de relatione docebitur. Relativa verò dicuntur esse simul natura si relative sumantur, non verò si comparentur ad absoluta in quibus fundantur, vel ad quæ terminantur. Quocirca sicut terminus prius est secundum suam essentiam quam sit terminus, ita & objectum prius habet suam essentiam, quam obijciatur. Similiter quod dicitur objectum ut specificat terminativè, non esse prius cognitione, non videtur verum. Nam specificare aliquid, dicit, rationem causæ: Causa verò sub ea ratione, qua est causa, prior est effectu.

Alii igitur dicunt Ens rationis per eandem cognitionem fieri & cognosci, habereque cognitionem vim quasi duplicem ratione distinctam. Alteram effectivam, alteram cognoscitivam objecti. Et licet cognoscere & facere sint in re idem actus, ratione tamen distinguuntur: ita ut secundum unam rationem objectum sit prius aut posterius, secundum aliam sit simul cum cognitione. Potest igitur Ens rationis referri ad cognitionem primò sub ratione objecti, & secundum hanc considerationem nec est prius, nec posterius cognitione, sed simul. Nam licet alia objecta, quorum esse non est cognosci, sint prius in se quam sint objecta cognitionis; tamen in Entibus rationis quorum esse est obijci, id dici non potest; sed simul sunt, & obijciuntur cognitioni. Siquidem esse ipsorum est esse objectivum, nec eorum essentia potest abstrahi ab esse objectivo. Secundò potest Ens rationis referri ad cognitionem sub ratione effectus ut sit à cognitione, vel sub ratione causæ ut specificat cognitionem; & secundum hanc considerationem potest diverso respectu esse prius & posterius cognitione: prius sub ratione causæ, posterius, sub ratione effectus. Neque enim repugnat idem sub diversa ratione prius esse & posterius eidem. Nam & causæ possunt esse sibi invicem causæ, ut docetur 1. Phys.

Dices ipsum esse objectivum, ut objectivum, est effectus, ergo sicut effectus est quid posterius cognitione, etiam esse objectivum erit posterius. R. Si sensus sit esse objectivum esse idem formaliter quod effici: negandum est antecedens. Si verò solum dicatur esse idem materialiter, conceditur. Verum ad diversas comparationes sufficit distinctio rationum formalium, & respectus ad diversa.

Ex qua doctrina colligitur quomodo cognitio sub ratione causæ sit prior Ente rationis, sub ratione verò cognitionis sit simul cum Ente rationis, tanquam cum suo objecto: similiter quomodo Ens rationis sub ratione effectus sit posterius cognitione; sub ratione verò objecti sit simul cum cognitione, ut dictum est. Quod si objectum induat rationem causæ specificantis, sub hac consideratione specificantis & specificati objectum rursus erit prius cognitione. Vbi enim considerationibus & respectibus solis agitur, sicut non repugnat rem variè considerari & respicere varia, ita nec repugnat propter varias considerationes esse nunc priorem, nunc posteriorem, nunc simul cum aliquo.

Quod si quæras, an etiam prius sit effici quam cognosci? aliqui concedunt;

B

Quid sit prius  
effici an co-  
gnosci?

Terminus est  
prior relatio-  
ne.

Relativa si-  
mul sunt na-  
tura.

Alteram respon-  
so, Ens ratio-  
nis per eandem  
cognitionem  
fit & cognos-  
citur.  
Ens rationis  
secundum ratio-  
nem objecti  
nec prius nec  
posterius est  
cognitione sed  
simul.  
Ens rationis  
sub diversa  
ratione prius  
& posterius  
est cognitione.



quia inter effici & cognosci est ordo naturæ, ut prius secundum rationem sit rem esse quam cognosci: alii distinguunt id verum esse in iis in quibus esse à cognosci distinguitur, ut aliud sit esse quam cognosci: in quibus verò idem est esse quod cognosci, ut accidit in Enitibus rationis, & omnibus figmentis, unum non est prius altero, sed simul secundum rationem.

*An ens ratio-  
nis pingi pos-  
sit?*

*Pictor pin-  
gendo Hirco-  
cerum non  
facit ens ra-  
tionis.*

Tertia difficultas est circa id quod dictum est, intellectum actione repræsentandi causare Ens rationis, ex hoc enim sequeretur, pictorem cum depingat Hirco-  
cerum causare ens rationis, quia pingendo illum repræsentat, repræsentando au-  
tem causat, & dat illi esse repræsentatum: hoc autem est contra omnes, quia en-  
tia rationis a sola ratione causari dicunt.

Respondeo pictorem depingendo Hirco-  
cerum repræsentare illum menti for-  
maliter quidem per cognitionem Hirco-  
cerui, quam intellectus ex pictura in se for-  
mat, per picturam verò solum tanquam per signum excitans & causans cognitionem: omnis enim repræsentatio est respectu potentie cognoscentis, potentie au-  
tem cognoscenti repræsentantur res immediate & formaliter per cognitionem, cum  
cognitio nihil aliud sit, quam actualis expressio objecti, & faciat objectum præ-  
sens potentie, quod est repræsentare formaliter: pictura verò seipsa non repræ-  
sentat formaliter sed casualiter; quia per modum signi causat in intellectu cogni-  
tionem formaliter repræsentantem. Hinc ergo est, quod cum Ens rationis fiat per  
repræsentationem, necessarium est ut fiat per cognitionem, ita ut cognitioni for-  
maliter tribuenda sit ejus effectio, tanquam ei quæ est formalis expressio & repræ-  
sentatio objecti in mente: picturæ verò non nisi remote, tanquam causæ talis co-  
gnitionis seu repræsentationis in mente. Non igitur pictor pingendo Hirco-  
cerum facit immediate Ens rationis, sed pingendo excitat cognitionem Hirco-  
cerui, per  
quam sit Ens rationis, hoc est, Hirco-  
cerus ipse menti repræsentatur.

Deinde pictura repræsentat Hirco-  
cerum solum materialiter quoad externam  
& materiale compositionem ex Hirco & Cervo, non quoad essentialem compo-  
sitionem ex duabus essentiis. Hirco-  
cerus autem non est ens rationis secundum il-  
lam externam compositionem, sic enim est ens possibile, & potest realiter produci  
à Deo, sed secundum essentialem compositionem. Quocirca pictura cum non re-  
præsentet formaliter Ens rationis, non potest dici quod faciat Ens rationis. Dices  
pictura hominis repræsentat simpliciter hominem, etiam si non repræsentet ejus  
essentiam, sed tantum formam corporis: Ergo & pictura Hirco-  
cerui simpliciter  
repræsentabit Hirco-  
cerum, etiam si illum quoad essentiam non repræsentet.

*Discrimen in-  
ter picturam  
hominis &  
Hirco-  
cerui.*

Respondeo picturam repræsentare quidem Hirco-  
cerum, sed non sub ea ratio-  
ne qua Ens est rationis; sicut & pictura hominis, non repræsentat hominem im-  
mediate sub ea ratione, qua est rationalis. Est tamen discrimen, quod figura ho-  
minis habet realem cum essentia hominis connexionem, ideoque illa depicta dicitur  
depingi homo consequenter. At figura Hirco-  
cerui nullam habet ex natura rei  
connexionem cum essentia Hirco-  
cerui, & idcirco nec perse, nec consequenter de-  
pingitur, illa depicta. Ex quo patet quomodo, cum Hirco-  
cerus pingitur, dici pos-  
sit pingi Ens rationis: pingitur enim materialiter non formaliter: quia pingitur  
quidem is Hirco-  
cerus qui est Ens rationis, non tamen sub ea ratione, sub qua est  
Ens rationis.



## QVÆSTIO V.

*Utrum Ens rationis tunc fiat quando  
cognoscitur ?*

**P**rima sententia est dicentium Ens rationis prius fieri quam cognosci : Nam posito fundamento, statim inquirunt, consequitur, postea verò apprehenditur & cognoscitur. Cum enim cognosco objectum aliquod, V. G. hominem, ex tali cognitione consequitur necessariò in objecto cognitio relatio rationis, cogniti ad cognoscentem, idque antequam ab intellectu talis relatio percipiatur. Ita Scotus in 1. d. 48. & 5. metaph. quest. 11. Soncinas 6. met. quest. 8. Hervæus lib. 1. de secundis intentionibus Cap. 6. Tromb. 7. Met. q. 8. a. 2.

Probatur hæc sententia. Primò. Quia omnis relatio necessariò consequitur posito fundamento & termino, Ergo & relatio rationis posito fundamento & termino necessariò consequitur; At antequam cognoscatur, habet fundamentum & terminum: ergo antequam cognoscatur, consequitur. Minor probatur, quia antequam cognoscatur relatio cogniti ad cognoscentem: habet sufficiens fundamentum, nempe ipsam cognitionem; Habet etiam terminum nempe cognoscentem: Ergo. Confirmatur. Nam fundamentum est sufficiens causa relationis, ut patet in relatione reali, posita verò causa sufficiens, sequitur effectus.

Secundò, Quia prius est objectum esse quam cognosci: Ergo & Ens rationis prius erit quam cognoscatur.

Tertiò. Quia cum cognoscit intellectus relationem cognitæ, non cognoscit tantum à se effectam, sed tantum inventam in objecto; idcirco enim non potest facere ut non sit talis relatio, sed necessitatur ad cognoscendam in objecto talem relationem, quod signum est relationem illam ex objecto resultare necessariò, non per cognitionem assignari: Neque habet eam libertatem intellectus, ut quam velit relationem effingat, sed necessitatur ad talem relationem cognoscendam, qualem objectum requirit.

Quartò. Statim postquam cognoscitur objectum & antequam apprehendatur relatio cogniti verum est dicere, illud objectum esse jam cognitum: ergo jam habet relationem cognitæ, à qua dicitur cognitum antequam apprehendatur talis relatio. Antecedens probatur. Quia impossibile est intellectum cognoscere obiectum, & objectum non esse cognitum, cum ista sint correlativa, & sicut ex eo quod cognoscit intellectus objectum, consequitur relatio cognoscentis in intellectu; ita & ex eo quod objectum cognoscitur ab intellectu, consequitur relatio cogniti ad cognoscentem ante omnem apprehensionem talis relationis.

Secunda sententia est opposita; Ens rationis tunc solum fieri quando cognoscitur. Ita D. Thomas 1. p. q. 28. a. 1. Cajet. ibid. Fonseca 5. Metaph. Cap. 7. q. 6. Sect. 4. d. 1.

Dico primò. Ens rationis fundamentaliter prius est quam cognoscatur. Est certa & concessa ab utraque sententia: Veraque enim admittit fundamentum relationis rationis, prius esse quam cognoscatur relatio. Atqui Ens rationis esse

*Ens rationis  
fundamentali-  
ter prius est  
quam cogno-  
scatur.*

ratione fundamenti, est esse fundamentaliter. Ergo prius Ens rationis est fundamentaliter quam cognoscatur: & hoc sensu intelligenda est illa distinctio Fonseca loco citato. Entia rationis prius conveniunt rebus quam existant, quia conveniunt rebus ratione fundamenti, non existunt autem formaliter, nisi cum apprehendantur.

*Ens rationis  
formaliter  
non potest esse  
nisi cognosca-  
tur.*

*Ratio asser-  
tionis 1.*

Dico secundò. **Entis rationis formaliter non potest esse nisi cognoscatur:** Primò probatur, in iis Entibus rationis quæ sine illo fundamento finguntur ab intellectu ut Hirrocervus: Talia enim non alia ratione existunt, nisi quia concipiuntur & finguntur esse; Non enim possunt dici existere, quòd consequuntur ad aliquod fundamentum (ut relationes) quia nullum fundamentum habent: solum ergò existunt per rationem, quia à ratione concipiuntur. Ex quo argumento duo habentur. Alterum est quòd aliqua saltem Entia rationis cogitando fiunt; seu per hoc solum existunt quòd cogitantur, ita ut cogitatio rerum impossibilem sit sufficiens ad dandam existentiam objectivam rebus, quæ est propria existentia Entis rationis. Alterum est; Quod si hæc Entia impossibilia sunt Entia rationis, & per modum Entium rationis existunt, per solam apprehensionem intellectus; pari ratione, quòdcumque aliud Ens rationis potest existere, eadem existentia objectiva & fieri Ens rationis, si apprehendatur ab intellectu: omnia enim Entia rationis conveniunt in una ratione Entis rationis, & in vno communi modo existendi objectivè in intellectu.

*Ratio 2.*

Probatur secundò. Quia id quòd ex natura rei consequitur ad aliud nullo intellectu cogitante; realiter consequitur, & reale est; ut patet inductione in omnibus: Hanc enim ob causam relationis reales dicuntur reales; quia ex natura rei consequuntur ad sua fundamenta nullo intellectu cogitante. Omnes etiam effectus ex natura rei procedentes à suis causis sunt reales. Si ergo relationes rationis consequuntur ex natura rei ad sua fundamenta nullo intellectu de ipsis cogitante; tales relationes erunt omnino reales, non rationis.

*Quod conse-  
quitur ad co-  
gnitionem ex  
natura rei  
reale est.*

Nam si dicas consequi ad actum rationis, hoc est, ad cognitionem, id non tollit difficultatem: Nam si quid consequatur ad cognitionem ex natura rei & ob realem, quam cum cognitione habet conjunctionem, id nullo modo Ens rationis est, sed Ens reale. Ex cognitione enim sequitur relatio cognoscentis ad rem cognitam, quæ secundum omnes realis est: consequuntur enim habitus in intellectu, qui proculdubio reales sunt. Si verò sequatur aliquid ex cognitione non ex natura rei, sed per rationem seu apprehensionem rationis: quia nimirum cognitio illa est fundamentum propter quòd possit & debeat talis relatio in re cognita concipi: tunc ejusmodi relatio erit Ens rationis, quia per rationem existit. Quare implicare videntur contradictionem, qui adiungit relationes rationis sicut alias relationes reales consequi ad sua fundamenta ex natura rei, hoc est, ob vim & naturam realem fundamentorum: hinc enim sequeretur, quòd ad eum modum producerentur, quòd relationes reales; hoc est realiter consequerentur ad sua fundamenta; non igitur possunt dici Entia rationis. De qua re plura dicentur infra q. 10.

*Ratio 3.*

Probatur tertio. Quia aliqui nulla ratione poterit explicari quomodo realis relatio antequam apprehendatur sit Ens rationis. Non enim satis est ad rationem Entis rationis, quòd fiat in ratione & à ratione; multa enim realia sunt in ratione & à ratione, ut habitus & actus rationis. Neq; satis est quòd consequatur ad actum rationis,

rationis, nam etiam relationes reales consequuntur ad actum rationis, ut relatio cognoscens ad cognitum; sed requiritur ut solum in ratione existat objectivè. Cum igitur talis relatio antequam apprehendatur, non possit dici existere objectivè in intellectu, sequitur non posse dici Ens rationis. Minor probatur; Quia id existit objectivè in intellectu quod cognoscitur ab intellectu: Objectum enim intellectus est id quod cognoscitur; cum ergo dicta relatio, secundum primam sententiam non cognoscatur ab intellectu, non potest dici habere esse objectivum, nec existere objectivè.

Nam quod respondent; cognosci sed indirectè, quia est consequens ad id quod directè cognoscitur, id nullo modo dici potest. Non enim quicquid conjungitur objecto cognito, dicitur cognosci indirectè, sed solum quod ex ea conjunctione aliquam saltem, licet imperitam sui cognitionem in mente parit, & aliquo modo in mente exprimitur. Nam si oculus videat pomi colorem, non idcirco indirectè videbit saporem & odorem ejusdem pomi, licet sapor & odor sint conjuncti colori: parum enim refert quod sint conjuncti, cum nullam sui speciem & cognitionem in mente pariant. Pari igitur ratione, cum relatio dicta nullam sui cognitionem in mente generet, nullo modo sic indirectè quidem cognosci dicenda est, etiam si obiectum ad quod illa sequitur, cognoscatur. Nam si cognosceretur aliquo modo, jam cognoscendo fieret, & non prius fieret quam cognosceretur ut isti volunt. Dicere verò cognosci indirectè, non quod aliquo modo in se cognoscatur, sed quod sit conjunctum ei quod cognoscitur: id est, dicere non indirectè sed per accidens cognosci; & modo quo dicitur dulce videri in lacte viso albo, vel cum dicitur musculus edificare. Porro ex communi sententia esse Ens rationis non est aliud quam esse objectivum in intellectu; at obijci est cognosci: ergo Ens rationis non potest habere esse, nisi cognoscatur.

*Confutatur quorundam responsio. Non omne quod obiecto cognito annexum est, cognoscitur etiam indirectè. Ens rationis non cognoscitur indirectè.*

Respondetur, esse Ens rationis est esse consequens ad esse objectivum, ita ut virtute illius esse objectivi existat Ens rationis. Relatio enim rationis consequitur ad rem quatenus objecta est & cognita ab intellectu, & dicitur habere esse objectivum, quia consequitur ad esse objectivum, & virtute esse objectivi existit.

*Responsio adversariorum.*

Sed hæc responsio refellitur primò, Quia relatio rationis non consequitur ad esse objectivum nisi per apprehensionem intellectus. Esse enim objectivum non ita fundat relationem, ut illa existat absque apprehensione intellectus, sed ut possit concipi ab intellectu. Nam si consequeretur absque apprehensione intellectus, esset verè relatio realis, non rationis. Quid enim illi deesset ad relationem realem? Relatio enim dicitur realis propterea quod ex natura rei consequitur ad solum fundamentum sine ulla apprehensione intellectus. Dices consequi ad tale esse quod non est sufficiens fundare relationem realem, sed tantum rationis. At hæc est petitio principii. Cur enim illud fundamentum quod ex natura sua causat relationem, non sit reale, & sufficiens ad relationem realem? Similiter cur esse, quod consequitur ex natura rei ad esse objectivum, non sit reale? quod enim est sufficiens ad hoc ut consequatur ex natura rei aliquid, eo ipso, etiam est sufficiens ad existendum realiter, cum ob eandem causam relationes reales existant realiter, quia consequuntur ex natura rei ad sua fundamenta.

*Relicitur. Eas naturas consequitur, sed per apprehensionem intellectus.*

Vnde fundamentum si est sufficiens ad causandam aliquam relationem sine alia operatione intellectus, eo ipso est sufficiens ad causandam relationem realem. Nam si

*Refellitur responsio.*

dicas non habere omnia requisita ad causandam relationem realem, habere tamen requisita ad causandam aliquam relationem. Dicam & ego; si sunt omnia requisita ad hoc ut relatio ex natura rei & sine alia ope intellectus consequatur, eo ipso esse omnia requisita ad relationem realem. Quod si non fiat omnia requisita ad relationem realem, non erunt etiam omnia requisita ad hoc ut relatio consequatur absque aliâ ope intellectus. Est enim fundamentum relationis duplex. Aliud quod fundat relationem ut absolute consequatur; aliud quod fundat in ordine ad intellectum, ut possit ab intellectu concipi. Sic natura à parte rei fundat universalitatem, quia fundat, ut possit concipi in ordine ad multa. Illud prius est fundamentum relationis realis; hoc verò relationis rationis, nempe ut concipiatur & sit per rationem, non verò ut consequatur sine ratione.

*Nota fundamentum relationis esse duplex.*

*Absurdum est Entia rationis causari à brutis.*

Alioqui nisi hoc dicatur, sequeretur Ens rationis fieri non à solo intellectu, sed ab aliis quoque potentiis etiam à brutis. Nam in aliis etiam potentiis est esse objectivum, si igitur ad esse objectivum ex natura rei consequuntur relationes rationis, consequuntur etiam in brutis, hoc autem est contra communem sententiam: non enim dicitur Ens rationis, nisi per ordinem ad rationem, quare & illæ relationes quæ consequuntur in brutis ad esse objectivum, eatenus sunt rationis, quatenus per rationem solam existunt. Alioqui si nullo modo dependent à ratione, nullo modo erunt Entia rationis, sed Entia alterius generis.

*Aliud absurdum quod esse Entis rationis non esset objectivum.*

Deinde si relatio rationis solum consequeretur ad esse objectivum, ipsa verò secundum se non objiceretur intellectui, sequeretur quod esse ipsius formaliter non esset objectivum, sed effectus esse objectivi, siquidem esse relationis per seipsum non objiceretur, sed solum ex alio quod objicitur, consequeretur, unde formaliter loquendo esse Entis rationis non esset objectivum, sed distinctum ab esse objectivo, sicut esse effectus est distinctum ab esse causæ. Hoc autem dici non potest: Ens enim rationis, non habet ex se & ab intrinseco rationem Entis, est enim ex se non Ens, solum igitur ab extrinseco habet rationem Entis, quia per modum Entis concipitur. Si verò extra conceptum consequeretur, jam esset intrinsecè Ens, & fundamentum, causando illud Ens rationis, daret illi intrinsecum esse extra apprehensionem existens: & ideo daret esse reale, esse enim reale est, quod extra intellectum est.

*Aliis responsio refertur.*

*Non potest dici Ens rationis indirectè cognosci.*

Respondent secundò. Ens rationis habere esse objectivum indirectè, & cognosci indirectè, idquæ sufficere ad esse Entis rationis. Sed contra. Si enim volunt Ens rationis aliquo modo secundum se cognosci & innotescere intellectui secundum se ipsum, hoc erit directè cognosci: quia erit terminare actum cognitionis: si autem velint, nullo modo innotescere intellectui, tunc ne indirectè quidem cognoscetur. Nam quod nullo modo cognoscitur, ne indirectè quidem cognoscitur. Indirectè enim cognosci supponit cognosci. Nam si dicant consequi ad id quod directè cognoscitur, & conjungi objecto directè cognito. Contra: hoc est, per accidens non indirectè cognosci, ut dictum est, sicut nemo dixerit me in pomo videre indirectè saporem, ex eo quod sapor est conjunctus objecto viso. Potest quidem dici sapor per accidens videri; sicut & Musicus dicitur ædificare per accidens: sed non potest dici videri indirectè. Quod si dicas esse hic majorem rationem: quia relatio continetur in illo esse objectivo virtute tanquam in suo fundamento. Contra: hoc est, solum cognosci in causa, non in seipso, & secundum esse virtuale quod habet

bet in causa non secundum esse formale quod habet extra causam. Denique est cognosci solum causam. Cognitio autem causæ, non est cognitio indirecta effectus; sed tantum cognitio virtualis.

Ex quo infero relationem rationis habere esse rationis per solam apprehensionem intellectus, seu ut alii loquuntur per actum intellectus non directum sed reflexum: Actum enim directum vocant, quo cognoscitur objectum fundans relationem rationis. Actum vero reflexum quo cognoscitur ipsa relatio rationis secuta ex tali objecto directe cognito, cum reflexione quadam in objectum directè cognitum. Licet enim utraque cognitio sit directæ: tamen posterior, quia sit cum quadam reflexione in cognitionem præcedentem dicitur reflexa.

Dico tertio. Non prius fieri Ens rationis quam cognoscatur, nec prius cognosci quam fiat, sed cognoscendo produci, & producendo cognosci. Hæc conclusio sequitur ex dictis. Existentia enim Entis rationis est existentia objectiva in intellectu: & existere objectivè est cognosci. Ergo existentia Entis rationis est cognosci, solumq; ista duo ratione non re distinguuntur. Nam cum Ens rationis comparamus ad cognitionem tanquam ad causam; sic concipimus illud per modum effectus, ut verò comparamus illud ad cognitionem, ut cognitio est; sic concipimus illud per modum objecti, in re verò illa duo sunt unum quid duplicem habens respectum.

Ad primum primæ sententiæ respondeo, sicut relationes sunt duplices, reales & rationis; ita dupliciter consequuntur ad sua fundamenta. Reales quidem ex natura rei, nullo cogitante intellectu: Rationes autem per rationem, quatenus ratio habet fundamentum in re, ut possit illas concipere. Quare si proportionatè loquamur, semper relatio, suo modo, suæ naturæ convenienti consequitur ex suo fundamento, hoc est per rationem.

*Solutiones argumentorum  
1. sententiæ.  
Solutio 1.*

Ad secundum. Quæ sunt sola cognitione, in illa non prius est esse quam cognosci, sed unum & idem. Dices saltem est prius natura aut prius ratione, Respondeo negando, sicut esse objectum & cognosci sunt formaliter idem, nec unum est ullo modo prius altero ne ratione quidem. Sed de hoc in præcedenti questione plura diximus.

*Solutio 2.  
Quæ sunt sola ratione in illa non prius est esse quam cognosci.*

Ad tertium. Respondeo. Quod intellectus non omnino ad libitum fingat illam relationem, hoc facit fundamentum, non verò facit quod ipsa relatio formaliter ante apprehensionem existat: fundamentum enim est causa quasi cogens intellectum, ut hanc & non illam relationem concipiat, quæ tamen non existit formaliter, nisi tunc cum concipitur.

*Solutio 3.*

Ad quartum. Objectum potest denominari cognitum, vel à cognitione reali, quæ est de illo in intellectu, quæ est denominatio extrinseca, vel à relatione cogniti ad cognoscentem, quæ est relatio rationis. Primo igitur modo statim atque cognoscitur objectum est verè & realiter cognitum, quia verè & realiter habet formam, à qua denominatur cognitum; at posteriori modo non statim denominatur cognitum, hoc est relatum ad cognoscentem, nisi postquam intellectus inspectendo se apprehenderit objectum cum tali relatione. Ante omnem verò reflexionem solum fundamentaliter dici potest ea ratione cognitum. Quod verò dicitur, relativa simul esse natura, si de relationibus ipsis intelligatur, non est verum in relativis tertii modi, qualia sunt scientia & scibile, ut infra de relatione dicitur.

*Solutio 4.*

*An negatio  
rationis con-  
veniat rei sine  
apprehensione  
intellectus?*

Hæc quæ hæcenus docuimus, manifestè concludunt de Ente rationis positivo, ut sunt relationes & aliæ fictiones: At dubitari potest, an negatio rationis, quæ esse non Ens quoddam rationis, possit convenire rei cognitiæ, sine apprehensione intellectus? V. G. abstrahit intellectus naturam hominis à singularibus considerando illam absque singularibus, illa negatio singularium in natura sic concepta an requirat ut apprehendatur, vel possit sine apprehensione convenire?

*Discrimen in-  
ter Entia ra-  
tionis & non  
Entia ratio-  
nis.*

Dico igitur negationes rationis convenire rebus cognitis antequam apprehendantur. Voco autem negationes rationis, quæ conveniunt rebus ut conceptis ad differentiam negationum realium, quæ conveniunt rebus extra intellectum. Ratio verò nostræ assertionis est, quia est magnum discrimen inter negationes & Entia rationis. Nam Entia rationis cum sint Entia, non possunt habere rationem Entis, nisi à ratione & apprehensione: at negationes cum sint non Entia, non debent rationem Entis adipisci à ratione, sed ipsarum esse est, non esse formæ negatæ, ad quod nihil aliud requiritur, quam existentia rei negatæ, sive rei existentia apprehendatur live non.

Quare negationes quæ negationes absolute conveniunt rebus conceptis ante omnem apprehensionem, licet, si negationes illæ per modum Entis alicujus concipi debeant non possint, quæ tales absque ratione existere, quæ etiam ratione dicuntur Entia rationis, ut infra patebit, cum de speciebus Entis rationis agemus.

## QVÆSTIO VI.

*Vtrum solum ab intellectu, an verò etiam ab aliis potentiis  
Ens rationis fieri possit?*

1.  
*Ratio dubi-  
tandi.*

**R**atio dubitandi est. Primò. Quia si Ens rationis est illud quod solum objectivum esse habet, esse autem objectivum non solum est in intellectu, sed & in aliis potentiis: sequitur etiam in aliis potentiis esse Entia rationis. Nam aliæ etiam potentie versantur circa sua objecta, & tendendo in illa, dant illis esse objectivum, quemadmodum & intellectus tendendo in suum objectum, dat illi esse objectivum.

2.

Secundò. Quemadmodum in intellectu compositio rerum impossibile est Ens rationis: ita in voluntate eadem compositio invenitur, ut cum Lucifer volebat esse similis ac æqualis Deo; vel si quis velit esse Angelus, aut quidpiam aliud impossibile: Ergo in voluntate quoque esse poterit Ens rationis. Nam quavis Ens rationis à ratione dicatur, tamen illud ipsum habet quoque esse in voluntate, & non minus ad unam, quam ad aliam potentiam per modum objecti refertur: nempe utrobique habet esse solum objectivum, & nullo modo reale, dicique possit quæ ad voluntatem spectat Ens voluntatis. Quod si dicas voluntatem accipere suum objectum ab intellectu compositum, ita ut illa compositio in qua consistit Ens rationis, sit referenda in intellectum non in voluntatem.

Responderi potest primò intellectum componere sub ratione veri, voluntatem sub

sub ratione boni : potest enim duo bona impossibilia impossibiliter velle. Secundò, esto, quod intellectus componat, & compositum proponat voluntati illud bonum, negari tamen non potest, quin illud bonum, etiam in voluntate habeat suum esse objectivum. Nam sicut in intellectu habet suum objectivum, quia obijcitur intellectui, ita & in voluntate habebit suum esse objectivum, quia obijcitur voluntati. Quæ quidem duo esse objectiva sunt distincta, sicut & potentæ sunt distinctæ.

Tertio. Phantasia quemadmodum habet vim componendi plura objecta sensibilia ita & fingendi : potest igitur Ens quoque rationis effingere : Patet ea vis Phantasie tum in somnis, cum monstra varia absurde confect; Phantasie apparent; tum in phrenesi & morbis. Potest etiam Phantasia Hircocerum fingere, & montem aureum, & similia, & monachovitulum, quale monstrum Luthero ex Monacho factò Apostata apparuit Fribergæ in Misnia anno 1523.

Denique in sensibus externis idem cernitur. Nam oculus videt in aqua, remum fractum, in Iride & collo columbæ colores apparentes, per vitrum artificiosum, videt unam rem simul in pluribus locis ; quæ cum non sint Entia realia, dicendum est esse Entia rationis seu Entia sensuum, simile argumentum fieri potest de aliis sensibus. Nam infirmo amarum dulce, dulce amarum videtur. Quidam igitur recentiores propter rationes factas, concedunt Entia rationis etiam in Phantasia & in sensibus : inter quos est Ruvius hoc loco & Suarez disput. ultima Met. Sect. 2. n. 18. Quæ sententia est etiam eorum omnium, qui tenent relationes rationis prius resultare ex actibus aliarum potentiarum, quam cognoscantur, ut esse volitum, imaginatum, visum, quos citavimus præcedenti quæstione pro prima sententia. Alii verò communiter negant ; in qua sententia sunt omnes illi, qui tenent Entia rationis non resultare antequam cognoscantur. Verum non ita facile est propriam huius rei rationem asserere. Quidam ajunt : Ens rationis ita esse in intellectu, ut extra intellectum esse non possit : quæ verò sunt in aliis potentiis, possunt etiam esse in intellectu ; non igitur eo ipso sunt Entia rationis. Sed hæc ratio nihil concludit. Nam in Ente rationis hoc solum spectatur, quòd habeat solum esse objectivum, & nullo modo reale : quare non repugnat Enti rationis esse in multis potentiis objectivè, sub diversis rationibus ; dummodo extra potentias illas non sit realiter. Nam certum est, Ens rationis posse voluntati proponi ab intellectu per modum boni, tunc autem existet objectivè in voluntate, neque tamen idcirco desinet esse Ens rationis. Deinde existendo in pluribus potentiis, nullam majorem realitatem acquirit, sed æquè habebit purum esse objectivum, & nullo modo reale, ac si in una tantum potentia existeret : quare non repugnat Enti rationis esse extra intellectum in aliis potentiis : sed tantum repugnat esse extra potentias in rebus. Si enim sit in aliis potentiis, tale profus & tantum esse habebit in illis quale in intellectu, nempe esse tantum objectivum.

Alii dicunt solum intellectum posse facere Ens rationis, quia solus potest fingere non Ens, per modum Entis, & solus se potest reflectere supra suos actus, sed contra : Nam etiam voluntas potest id quod non est bonum per modum boni appetere, & licet hoc fiat ex intellectu proponente, tamen negari non potest, quin etiam in voluntate sit tale bonum objectivè. Simili modo Phantasia non Entia cogitat ut Entia, cum componit multa falsa, & absurda. Id verò quod de reflexione di-

3.

1. Sententia.

2. Sententia.

1. Argum. pro illa rejicitur.

2. Argum. etiam rejicitur.



citur, neque verum est, neque necessarium ad Ens rationis. Non verum, quia & voluntas potest se reflectere supra suum actum. V.G. potest amare suum amorem. Non necessarium, quia etiam sine reflexione per simplicem apprehensionem fit Ens rationis. Sicut & in Phantasia, fit conjunctio absurda plurium absque vlla reflexione, cum ex communi sententia hanc vim reflectendi se supra suos actus Phantasia non habeat.

*Vera ratio 2.  
sententie.*

*Potentia appetentes non possunt facere Ens rationis quia non possunt dare esse objectivum.*

Vera igitur ratio sumenda est ex propria natura Entis rationis. Ens enim rationis habet duo; Primum; esse objectivum, ratione cuius existit, quasi-præsens potentie per modum objecti. Secundò consistit in conjunctione rerum impossibilium. Ratione primi non potest fieri ab aliis potentiis appetentibus, hoc est à voluntate & appetitu sensitivo. Ratione secundæ non potest fieri ab aliis potentiis cognoscentibus præterquam ab intellectu.

Quocirca sequitur à solo intellectu fieri posse Ens rationis, cum nullæ aliæ potentie sint nisi appetentes vel cognoscentes. Quod igitur ab appetentibus potentiis fieri non possit ea ratio est, quia appetitivæ potentiæ non possunt dare esse objectivum, quod est proprium esse Entis rationis. Neque enim potentie appetentes ipsæ sibi proponunt objecta, sed ea accipiunt proposita à potentiis cognoscentibus. V.G. Voluntas non potest fieri in objectum nisi propositum ab intellectu; quare objectum voluntatis, non à voluntate habet suam existentiam objectivam, sed ab intellectu, qui apprehendendo facit bonum esse præsens voluntati objectivè. Non igitur satis est ad præsentiam objectivam, quòd potentia tendat ad aliquod objectum, potest enim tendere in objectum, non à se sed ab alia potentia propositum; sed requiritur, ut det illi existentiam illam objectivam, quod non est nisi propter propositionem potentie cognoscentis, quæ representando objectum, facit illud præsens potentie appetenti.

*Item potentie cognoscentes sensitivæ; Quia non possunt conjungere res impossibiles.*

Quod verò potentie cognoscentes sensitivæ non possint facere Ens rationis, non ea ratio est quæ de appetentibus: nam verè potentie cognoscentes possunt dare esse objectivum, representando objectum, sed non possunt conjungere res impossibiles. Dupliciter enim res aliquæ sensibiles conjungi possunt. Primum secundum quantitatem & juxta positionem quandam duorum, & sic potentie sensitivæ conjungere possunt duo inter se non conjuncta, ut montem aureum & Hircocerum secundum externam figuram & quantitatem. Verum talis conjunctio non facit Ens rationis, quia est conjunctio rerum, quæ licet actu non sint; possunt tamen esse vel naturaliter, vel per Dei potentiam: Ens autem rationis consistit in conjunctione rerum impossibilium. Secundò possunt conjungi secundum esse naturam, ut cum Hircocervus fingitur ex essentia Hiræ & Cervi compositus, & talis conjunctio objectiva, est verè Ens rationis, quia conjunctio rerum impossibilium, superat vires & facultatem potentie sensitivæ. Nam cum ista impossibilitas sumatur ex essentia rerum, essentias autem rerum potentia sensitiva non cognoscit; hinc fit ut excedat vim potentie sensitivæ conjungere impossibilia.

Quare etsi fingere possit & potentia sensitiva, tamen nunquam potest fingere quid impossibile, nam illa visio quantitatum & accidentium, est Deo possibilis, ac ex consequenti realis in potentia; quia potest realiter produci à Deo, quod repugnat Enti rationis, solus autem intellectus potest utrumque præstare & dare esse objectivum Enti rationis representando illud, & faciendo præsens potentie, & conjungere.



res impossibiles; res enim sunt impossibiles, ratione essentiarum suarum, quas solus intellectus cognoscit, & ex consequenti solus potest unionem facere ratione essentiae impossibilem.

Porro notandum est, nos hic non negare: ex actibus aliarum quoque potentiarum oriri Entia rationis & in iis fundari: nam esse volitum, visum, imaginatum, sunt relationes rationis ortæ ex actu volendi, videndi, imaginandi; sed dicimus eas relationes non habere esse obiectivum, nec existere obiectivè nisi apprehendantur ab intellectu: Ens enim rationis nisi cognoscatur, non existit neque extra cognitionem est.

Ad primam igitur rationem dubitandi respondeo: Duo requiri ad rationem Entis rationis, Primò ut habeat esse obiectivum: secundò ut non possit existere realiter: omnes igitur potentiae cognoscentes possunt dare esse obiectivum; quia possunt facere obiectum sibi præsens, per representationem: at nulla potentia cognoscens præter intellectum potest fingere Ens impossibile, seu id quod non possit realiter existere. Quocirca solus intellectus potest facere Ens rationis; & quidem potentiae appetentes, non possunt dare esse obiectivum, quia non faciunt obiectum præsens, sed supponunt factum à potentiis cognoscentibus. Potentiae verò cognoscentes possunt quidem omnes facere obiectum præsens, per representationem, nulla tamen præter intellectum potest fingere Ens impossibile, quod requiritur ad Ens rationis. Quid verò dicitur alias quoque potentias tendendo in suum obiectum, dare illis esse obiectivum: id falsum est, si de potentiis appetentibus sit sermo: hæ enim supponunt obiectum suum propositum ab intellectu, vel sensu; non vero ipsæmet faciunt sibi & proponunt obiectum. Neque etiam verum est, intellectum solum tendendo in obiectum, dare illi esse obiectivum, sed repræsentando illud & exprimendo, quod appetentibus potentiis non convenit.

Ad secundum. Obiectum impossibile potest quidem obijci voluntati, sed non habet esse obiectivè præsens voluntati ab ipsa voluntate, sed ab intellectu apprehendente, & proponente illud voluntati: Quocirca obiectum illud voluntatis, ab intellectu habet ut sit Ens rationis, quia ab intellectu habet esse, & præsentiam obiectivam. Versari quidem voluntas potest circa bonum impossibile appetendo: quia tamen appetitio voluntatis non facit præsens obiectum voluntati (aliqui non esset opus ut intellectus proponeret obiectum, & posset voluntas ferri in incognitum) ideo non tribuitur voluntati efficientia Entis rationis, sed intellectui, qui solus repræsentando facit obiectum præsens potentiae.

Ad tertium & quartum tam Phantasia quam sensus possunt quidem facere compositionem falsam, sed non impossibilem, quod requiritur ad Ens rationis, ut dictum est. Sed obijces, non omnia Entia rationis in coniunctione impossibili consistunt, sed dantur quædam simplicia: Ergo ratio data in solutione questionis non est universalis. Respondeo. Entia rationis simplicia sunt res simplices ex naturæ suæ impossibiles; id autem quod est in re impossibile, certum est non cadere sub sensum, cum ea solum sentiri possint, quæ sunt à parte rei; impossibilia autem non existunt à parte rei. Quare talia Entia ad solum intellectum pertinebunt, ut sunt relationes impossibiles, quæ à solo intellectu apprehendi possunt.

*Satisfit ratione dub. 1.*

*Nulla potentia cognoscens præter intellectum potest fingere impossibile.*

*Satisfit. 2. Obiectum impossibile non habet esse obiectivum à voluntate.*

## QVÆSTIO VII.

*Quidnam sit illud esse objectivum quod tribuitur  
Enti rationis ?*

*Existencia ob-  
jectiva alia  
extrinseca ob-  
jecto, alia in-  
trinseca.*

*Existencia ob-  
jectiva ex-  
trinseca non  
est propria  
Enti rationis.*

**D**Vo in Ente rationis considerare possumus. Primò essentiam illam impossibi-  
lem objectam intellectui. V. G. Essentiam Hircocervi, vel aliorum quorum-  
cunque impossibilium; Secundò existentiam seu modum existendi illius essentiz;  
qui dicitur modus objectivus. Essentia igitur impossibilis per modum essentiz con-  
cepta est essentia Entis rationis; existentia vero Entis rationis, est illa existentia  
objectiva, seu esse objectivum. Verum existentia objectiva adhuc potest esse du-  
plex, altera est extrinseca objecto, ratione cuius objectum dicitur existere in in-  
tellectu per sui representationem, & conceptum, existit enim objectivè in intelle-  
ctu cum representatur & concipitur: Altera est intrinseca objecto, cum intelle-  
ctus in ipso objecto apprehendit existentiam sive expressè & in actu signato, sive  
inexpressè & in actu exercito.

Prior igitur existentia objectiva convenit quidem Enti rationis; quia sicut alia  
objecta per conceptum & representationem intellectus existunt in intellectu ob-  
jectivè; ita & Ens rationis. Et universè quicquid fingitur ab intellectu per con-  
ceptionem & representationem intellectus existit in intellectu, tamen ejusmodi  
existentia, non est propria existentia Entis rationis. Primò, quia est illi communis  
cum aliis objectis realibus, siquidem omnia objecta, tam realia quàm rationis, hæc  
existentia existunt in intellectu. Consistit autem hæc existentia in denominatione  
objecti extrinseca à conceptu & representatione intellectus. Secundò, Quia exi-  
stentia propria Entis rationis non est existentia realis, sed est rationis: atque hæc  
existentia per conceptum & representationem realem, est realis: siquidem deno-  
minatio à conceptu & representatione reali, est realis. Restat ergo ut dicamus exi-  
stentiam objectivam propriam Enti rationis esse existentiam quasi fictam & exco-  
gitatam ab intellectu in objecto, essequè objecto intrinsecam. Sicut enim essentia  
Entis rationis est facta ab intellectu, ita & existentia: & per hanc existentiam Ens  
rationis differt ab existentia objectorum realium. Itaque Ens rationis duplicem  
habet existentiam objectivam in intellectu; alteram communem cum aliis objectis  
realibus, quæ est existentia in intellectu per conceptum & representationem, &  
per denominationem extrinsecam à conceptu & actu intellectus; & secundum hanc  
existentiam Ens rationis realiter existit in intellectu, sicut & alia objecta realia,  
quia realiter obijciuntur intellectui per realem conceptum, quem habet de illo intel-  
lectus. alteram habet sibi propriam, quæ est existentia quasi ficta & formata ab  
intellectu, secundum quam efformatur Ens illud impossibile existens in intellectu  
objectivè. Sumo autem hoc nomen Fictionis latè, sive habeat aliquod fundamen-  
tum in re sive nullum.

Dicendum igitur est, esse objectivum quod est proprium Entis rationis, est illud  
esse objectivum fictum vel quasi fictum, hoc est, tam essentia quàm existentia ob-  
jecti ficti, quæ quidem existentia dicitur objectiva, non solum quia est in objecto,

sed

sed etiam quia solum objective existit : siquidem tunc solum existit, cum concipitur & cogitatur & fingitur, seu cum est objectum actus concipiendi & fingendi. Dissert autem hæc existentia objectiva ab illa alia. Nam hæc est intrinseca objecto, illa extrinseca; hæc rationis, illa realis; hæc propria Entium fictorum, illa communis omnibus objectis, tam veris quam fictis : Denique hæc causatur quodammodo ab illa, estq; ejus effectus.

Ex quibus patet, an omne esse objectivum sit dicendum Ens rationis? Respondendum enim est negative, solum enim objectivum fictum est Ens rationis; nam objecta non ficta, & à sua existentia Extra intellectum quam habent actu vel potentia, dicuntur realia; & ab existentia in intellectu reali per conceptum & representationem; quare rosa in hyeme, ut est in intellectu non est Ens rationis sed reale, reale inquam tum extra intellectum, quia potest existere realiter extra intellectum, tum in intellectu, quia realiter existit in intellectu per conceptum & representationem. Plura in hanc rem dicta sunt supra q.4.

*Non omne esse  
objectivum est  
ens rationis.*

QVÆSTIO VIII.

*Utrum divinus intellectus cognoscat & faciat  
Ens rationis?*

**Q**Uod ad cognitionem Entis rationis attinet, non est dubium Deum cognoscere, & quidem perfectissime omnia entia rationis. Nihil enim est quod divinam scientiam latere possit, neque aliquid à Deo ignorari potest, quod à nobis non ignoratur. Cognoscit etiam Deus perfectissime cogitationes nostras, quare & earum objecta; ut plurimum autem objecta cogitationum nostrarum sunt entia rationis, vel saltem cum modis quibusdam rationis. Penetrat etiam totam vim & facultatem intellectus nostri, quæ se ad Entia etiam rationis formanda extendit.

Verum dupliciter possumus existimare Deum Entia rationis cognoscere. Primo, immediate nullo respectu habito ad intellectum nostrum imperfectè res concipientem; secundò mediante nostro intellectu; ita ut penetrandu vim & facultatem intellectus nostri & conceptus nostros, quibus formamus Entia rationis, cognoscat Entia rationis, à nostro imperfecto intellectu cognoscibilia. Prior cognitio dicitur etiam directa, posterior indirecta.

Docent igitur communiter Doctores hoc secundo modo cognosci à Deo Entia rationis nimirum in virtute intellectus nostri; quia enim cognoscit perfecte facultatem intellectus nostri, perfecte etiam cognoscit ea omnia ad quæ se extendere potest ea facultas: potest autem se extendere ob imperfectum modum res concipiendi ad concipienda & cognoscenda Entia rationis. Ratio verò, propter quam Deus non potest cognoscere entia rationis immediate & directè, sed tantum ut indirectè, cognoscibilia ab imperfecto intellectu nostro, est hæc; quia cognoscit Entium rationis involuit in se imperfectum modum cognoscendi, qui in Deum & modum cognoscendi ipsius cadere non potest: magna enim est imperfectio cognitionis cognoscere objectum aliter quam sit: in tali enim modo est virtualis quidam error

&

& deceptio. Porro sic cognoscuntur Entia rationis. Cum enim Ens rationis consistat in conjunctione vel essentia simplici impossibili, & quæ realiter nunquam esse potest; manifestum est quod cognoscere Ens rationis, est cognoscere tanquam Ens id quod est impossibile, & ex consequenti est cognoscere rem aliter quam sit, aut esse possit. Talis igitur imperfectio intellectui divino immediate tribui non potest, cum ad ejus infinitam perfectionem spectet, ut res perfectissimè cognoscat, perfectio enim cognitionis præcipua est conformitas cognitionis cum rebus, nempe ut ita res cognoscantur uti se habent in se.

Sed objicies primò. Hæc ratio ne sequeretur Deum nullo modo cognoscere Ens rationis ne mediata quidem & indirectè: Nam si cognitio Entis rationis est imperfecta, Deo tribui non potest ullo modo, nec mediata nec immediata, quia nullo modo Dei cognitio potest dici imperfecta; si verò non sit imperfecta, æquè tribui Deo potest immediata, sicut tribuitur mediata.

*Divina cognitio, quæ cognoscit mediatè Ens rationis, non est imperfecta, quia non difformis ex se a re.*

Respondendo, divinam cognitionem quæ cognoscit Ens rationis mediatè, esse perfectam, quia cognoscit Ens rationis uti verè est. Nam licet Ens rationis simpliciter non conveniat rei, (cum sit quid impossibile) & ideo simpliciter & immediate illud apprehendere est apprehendere aliquid non conforme rei, & aliter quam res sit in seipsa; tamen Enti rationis verè convenit concipi illo modo imperfecto ab intellectu creato; & hoc concipit intellectus divinus. Respectu igitur intellectus imperfectè rem concipientis Ens rationis verè convenit rei, res enim ut substat imperfectæ cognitioni, verè habet se illo modo imperfecto respectu illius cognitionis, licet non habeat se illo modo in seipsa; quare cum cognoscitur à Deo Ens rationis respectu intellectus imperfecti, verè cognoscitur; quia verè ita se habet respectu talis intellectus: Tunc enim perfectè res cognoscitur, quando cognoscitur ut est. Si verò Deus cognosceret Ens rationis nullo habito respectu ad intellectum imperfectum, verè imperfectè rem cognosceret, & aliter quam sit in seipsa. Et ille imperfectus modus resolveretur in soluni intellectum divinum non in alium intellectum imperfectè cognoscentem.

Objicies secundò. Deus etiam imperfecta perfectè cognoscit; imperfectio enim objecti non redundat in cognitionem, ut si videam claudum, imperfectam rem video, visio tamen mea non ideo est imperfecta. Ergo etsi Ens rationis sit quid imperfectum in genere rerum cognoscibilium, non ideo tamen divina cognitio esset imperfecta ipsum cognoscendo.

*Imperfectio objecti, quæ illi convenit ut res quædam est, non reddit cognitionem imperfectam, imperfectio vero quæ objecto convenit in ordine ad cognitionem, reddit eam imperfectam.*

Respondendo, duplicem imperfectionem considerari posse in objecto; alteram quæ illi convenit ut res quædam est, ut esse claudum, cæcum; alteram quæ illi convenit in ordine ad cognitionem; talis imperfectio est cum aliter proponitur objectum cognoscendum quam sit à parte rei. Prior igitur imperfectio objecti non reddit cognitionem imperfectam, quia non facit cognitionem non esse conformem rei. Posterior verò reddit cognitionem imperfectam; quia facit cognitionem non esse conformem rei. Si igitur intellectus divinus ex se cognosceret rem aliter quam sit in seipsa, verè imperfectus esset in cognoscendo: non autem imperfectus si cognoscat rem imperfectam, non suo sed intellectus imperfecti modo, & in ordine ad intellectum imperfecto modo cognoscentem, seu ut cognoscibilem ab intellectu imperfecto.

Objicies tertio. Omnem cognitionem difformem rei esse imperfectam: atqui divina

divina cognitio respectu Entis rationis est difformis rei : ergo est imperfecta ; Respondeo; si cognitio aliqua ex se sit difformis rei, est necessarium imperfecta ; si verò non ex se sit difformis, sed ex eo quod est cognitio alterius cognitionis difformis rei, tunc non ipsam formaliter, sed in illam aliam cognitionem cognitam referetur illa difformitas, & ex consequenti imperfectio. Divina igitur cognitio ex se est conformis suo immediato objecto, nempe illi cognitioni creatæ cognoscenti Ens rationis & ipsi Enti rationis ut cognito ab intellectu creato : verum enim est Ens rationis illo modo imperfecto concipi ab intellectu creato. Difformitas verò est respectu illius cognitionis cognitæ quam tunc concipit intellectus divinus, quod potest simili exemplo declarari. Cum enim quis dicit falsum tanquam ab altero dictum vel dicibile, is non dicit falsum suum, sed falsum alterius dicentis, quin imo is verum dicit, est enim verum illud falsum ab altero dictum esse. Quare & intellectus divinus cognoscendo intellectum creatum cognoscere Ens rationis imperfectè & difformiter, non est ipse imperfectus & difformis, sed cognitio intellectus creati quam cognoscit, est imperfecta & deformis.

*Cognitio divina, quæ Deus cognoscit mediatè Ens rationis, non est ex se difformis rei, sed ex eo tantum quia est cognitio cognitionis ex se difformis, & ideo non est imperfecta.*

Objicies quartò. Vel intellectus divinus format conceptum Entis rationis, vel non ; si non format, nullo modo illud cognoscit : cognoscere enim est habere conceptum rei : si format, ergo format conceptum imperfectum, quia sicut de falso non potest formari conceptus verus, ita de ficto non potest formari conceptus nisi fictivus seu fingens, ac proinde imperfectus.

Respondeo. Intellectum divinum formando conceptum conceptus creati, quo ab intellectu creato concipit Ens rationis, eo ipso formare conceptum Entis rationis, ita ut non sint duo conceptus in Deo ratione distincti, alter quo concipit conceptum creatum, alter quo concipit Ens rationis ; sed sicut conceptus creatus Entis rationis, eo ipso formaliter est conceptus Entis rationis : ita conceptus istius conceptus est conceptus formaliter Entis rationis. Nego tamen conceptum divinum esse in se imperfectum, sed esse conceptum perfectum conceptus imperfecti, seu conceptus fingentis : Neque enim suo conceptu immediatè fingit Ens rationis, sed concipit conceptum fingentem Ens rationis : is enim non fingit qui rem ab alio fictam vel fingibilem concipit, sed is solum qui ex se proprium conceptum habet rei fictæ.

*Intellectus divinus formando conceptum conceptus creati concipientis ens rationis format conceptum Entis rationis.*

Quod attinet ad effectiõnem Entis rationis difficultas est, an divinus intellectus ea cognitione, qua cognoscit Ens rationis, faciat Ens rationis? Quidam enim Recentiores id veretur concedere, quia (inquiunt) ea quæ sunt facta amplius non fiunt : at divinus intellectus cognoscit Entia rationis ut facta ab intellectu nostro : ergo sua cognitione non facit illa, sed supponit facta & tanquam facta cognoscit. Verum hæc ratio nullius est momenti, solum enim ex ea sequitur illud Ens rationis quod factum ab intellectu creato, non fieri à Deo, non verò sequitur aliud illi simile non formari ab intellectu divino. Nam intellectus eæ est naturæ, ut rebus etiam factis, cum illas concipit & format de illis conceptum, det esse objectivum novum & faciat illas objectivè apud se existentes ; ergo & Enti rationis facto potest dare novum esse objectivum : Novum autem esse objectivum Entis rationis est novum Ens rationis, siquidem ejus essentia in puro esse objectivo est posita. Deinde si meus intellectus cognoscendo Ens rationis ab altero factum facit illud de novo in mente sua formando de illo novum conceptum, & dando illi apud se novam existentiam.

*Defectus ratio propter quam aliqui negant Deum facere Entia rationis.*

existentiam objectivam distinctam ab existentia objectiva alterius intellectus; cui hoc idem de intellectu divino non dicamus? Nihil enim repugnat, Ens rationis factum in uno intellectu fieri simile etiam in alio.

*Deus facit ens  
rationis.*

Alii igitur & multò melius sentiunt Deum cognitione illa indirecta & mediata, quia Ens rationis cognoscit in ordine ad intellectum nostrum facere Ens rationis: quia facere Ens rationis nihil aliud est, quàm dare illi essentiam & existentiam objectivam per conceptum & representationem intellectivam: atqui Deus Enti rationis à se cognito dat in suo intellectu essentiam & existentiam objectivam, distinctam ab existentia objectiva, quàm ei dar intellectus creatus; ergo cognitione sua facit Ens rationis. Quod etiam confirmatur in hunc modum, quia esse objectivum quod Ens rationis habet in mente divina, non est illud esse objectivum, quod habet in mente creata: tum quia antequam intellectus creatus existeret, Ens rationis non habebat esse objectivum in ullo intellectu creato; & tamen habebat esse objectivum in intellectu divino, ergo ista duo esse objectiva sunt diversa: tum quia esse objectivum Entis rationis provenit ex conceptu & representatione intellectus: at diversus conceptus & representatio Entis rationis est in mente divina, & in mente creata, ergo & diversa esse objectiva; ubi autem sunt diversa esse objectiva, sunt diversa Entia rationis, maxime cum ab æterno ante omnem intellectum creatum habuerit Ens rationis suum esse objectivum in mente divina.

*Ens rationis  
accipit esse  
objectivum ab  
intellectu di-  
vino.*

Neque verò refert quod Deus cognoscat Ens rationis factum ab intellectu creato, hoc enim non impedit, quo minus fiat nova ratio in intellectu divino. Nam sicut ab intellectu creato dicitur factum, quia ab eo accipit esse objectivum, ita & ab intellectu divino dicitur nova ratione factum, quia novum esse objectivum ab eo accipit. Deinde sicut cum Deus cognoscit Ens rationis ut ab intellectu nostro cognoscibile, cognoscit illud cognitione distincta à cognitione nostri intellectus, ita cognoscendo illud ut factibile à nostro intellectu, facit illud factione distincta à factione nostri intellectus. Adhuc ubi aliud est cognoscere, aliud facere, ibi cognoscere factum non est facere: ut cum cognoscimus sciamum factum, non facimus illud illa ipsa cognitione, quia hæc efficientia est diversa cognitione, & ad diversam potentiam spectat; At ubi facere idem est quod cognoscere; idem etiam erit cognoscere factum, & facere illud factum nova ratione, dando illi novum esse objectivum: siquidem ad hanc factionem nil requiritur nisi nova cognitio. Præterea Ens rationis factum ab intellectu creato, non est factum in intellectu divino, sed debet à Divino intellectu fieri, quia intellectus divinus & creatus, sicut habent distinctas cognitiones, ita & distinctos effectus cognitionum, & distincta esse objectiva à cognitionibus procedentia: Esse enim objectivum quod est in intellectu divino, est longè diversum ab esse objectivo, quod est in intellectu creato. Estq; hæc sententia præcipuorum Theologorum S. Thom. 1. p. q. 15. a. 2. ad 3. ubi ut respectus rationis, quibus multiplicatur ideæ, non causari à rebus sed ab intellectu divino comparante suam essentiam ad res. Vbi non solum vult causari fundamentaliter aut intellectu divino fundante illas relationes, sed etiam formaliter comparante suam essentiam ad res: Comparatio enim ista non est in Deo nisi per relationem essentia ad res, quæ relatio formaliter est Ens rationis. Neque obstat quod S. Thom. alibi vult distinctionem Idearum esse virtualiter in intellectu divino, actualiter in nostro: hoc enim solum voluit indicare intellectum divinum distinguere in se-

*Sententia 8.  
Thomæ de en-  
te rationis.*

ipso ideas ut concipit essentiam suam variis modis limitatis concepitibilem ab intellectu nostro, quod non obstat, quominus intellectus divinus per comparationem essentiae suae ad varios conceptus creatos causet formaliter relationes rationis in essentia sic conceptae. Eadem sententia est expressa Scoti in multis locis, sed precipue in 1. d. 2. q. unica ubi docet intellectum divinum formare & producere relationem rationis comparando essentiam suam ad creaturas & in 1. d. 4. q. unica, docet, non solum intellectum divinum, sed & voluntatem causare relationem rationis comparando & referendo suum obiectum ad aliquid, ad quod ex natura sua jam refertur, idem sentiunt Ferar. 1. contra Gentes cap. 54. Henricus in summa. 2. 68. q. 1. Caiet. 1. p. q. 1. 4. 2. 2. Gillius lib. 2. tract. 6. cap. ultimo; Vasquez etiam licet neget Deum cognoscere Entia rationis, tamen supposito quod illa cognoscat, ait negari non posse quin faciat 1. p. disp. 1. 10.

*Sententia  
Scoti.*

Porro fundamentum oppositae sententiae iam est solutum. Nam cum dicitur Deum cognoscere Ens rationis jam factum: imprimis id non est necessarium: nam ab aeterno Deus cognoscit Ens rationis, cum tamen ab aeterno à nullo intellectu creato fuerit factum.

Dices cognovisse saltem ut factibile. Contra, Factibile non est factum: Deinde Ens rationis ab aeterno erat actu existens in mente Dei; ergo existebat non ut factibile, sed ut factum; cum igitur non fuerit factum ab aeterno ab illo intellectu creato, necesse est dicere esse factum ab intellectu divino. Sed esto, non possit Deus cognoscere Ens rationis nisi factum; id tamen non impedit, quominus illud de novo faciat, Primò à simili. Si enim ego cognoscam rosam cognitam ab alio, possum illi dare novum esse obiectivum, & novum esse cognitum. Ergo cum Deus cognoscat Ens rationis cognitum, tamen sua cognitione dat illi diversum esse cognitum & diversum esse obiectivum, quod est proprium esse Entis rationis. Nam si aliud est obiectivum intellectui divino, aliud obiectivum intellectui creato, ita aliud esse obiectivum formaliter respondet intellectui divino, aliud intellectui creato. Secundò. Quia quod Ens rationis sit factum in vno intellectu, non impedit, quominus aliud simile fiat in alio intellectu. Nam intellectus rem à se fictam, potest iterum atq; iterum fingere; Ergo & ab alio fictam potest etiam apud se fingere. Tertiò. Ens rationis fieri est fieri secundum esse obiectivum; in eo enim consistit Ens rationis: At per cognitionem divinam fit novum esse obiectivum respondens cognitioni divinae, quis enim alius praeter Deum faceret illud? Ergo fit novum Ens rationis à Deo. Tandem isti videntur existimare, cum Deus cognoscat Ens rationis in ordine ad intellectum creatum, Ens rationis tunc virtute intellectus creati producti & existere, cum tamen intellectus creatus, ut in Deo cognitus nullas partes cognoscendi & faciendi habeat, sed tantum ut est extra Deum, neque illud. Ens rationis quod est in mente Dei, vltus alius facit praeter Deum.

*Refellitur  
responsio  
adversarii.*

Repugnat inquit id quod est iam factum, iterum fieri; siquidem eodem non possunt competere simul duae existentiae. At non ad verum discrimen inter actiones intentionales & reales. Nam quod actione reali semel factum est, non potest iterum fieri, quia iam est: ut ignis productus non potest iterum producti, quia iam est productus, neque potest idem habere simul duas existentias. At actione intentionali potest idem obiectum iterum atq; iterum fieri in esse obiectivo, id est quod est visum ab vno, potest simul videri ab alio & acquirere novum esse vi-

*Potest idem  
obiectum in  
esse obiectivo  
fieri iterum  
atq; iterum  
actione inten-  
tionali.*



lum: similiter id quod est cognitum vel volitum ab uno, potest simul ab alio esse cognitum & volitum. Quare quamvis existentia reales non possunt simul plures competere eidem, possunt tamen existentia obiectiva. Cum autem dicimus idem Ens rationis habere duplex esse obiectivum, intelligimus de eodem materialiter: Nam formaliter loquendo illud Ens rationis est duplex, habens duplex esse obiectivum, & duplicem existentiam obiectivam; siquidem illa essentia Entis rationis non solum formatur ab intellectu creato, sed etiam ab intellectu divino, & ab utroque habet suam compositionem illam impossibilem quæ proculdubio est Ens rationis, ab utroque etiam habet existentiam obiectivam.

*Nota.*

Estque notandum hic discrimen inter obiecta realia & rationis. Nam obiectis realibus non dat intellectus propriè essentiam obiectivam, sed tantum existentiam obiectivam, quia invenit in obiecto realem essentiam quæ ex se est talis non ex fictione intellectus, solumquæ illi dat existere in mente obiectivè: At in Entibus rationis ipse intellectus fingit essentiam componendo res impossibiles inter se, & apprehendendo per modum Entis id quod est non Ens, & postea dat illi existentiam obiectivam sicut & Entibus realibus.

*Concipere factum an sit idem quod facere?*

Aiunt etiam concipere factum non est facere. Verum hæc propositio in rigore nihil aliud continet, nisi quod concipere factum, non est facere ea factione quæ concipitur esse factum: Illa enim factio est obiectum conceptionis, facere verò est actus concipientis à concipiente elicited. Ex hoc autem non sequitur, intellectum concipiendo Ens rationis factum, non posse illud facere nova ratione in mente sua componendo & formando iterum eius essentiam, & dando illi rursus existentiam obiectivam. Imò non potest intellectus illo modo concipere Ens rationis factum, nisi fingendo illud, & faciendo iterum in mente sua & formando illius verum idolum & representationem: sicut non possum videre parietem ut visum ab alio, nisi illum parietem visum ipse quoque videam: neque possum concipere Hircocerum ab altero factum nisi fingam & formem ipse in mente mea Hircocerum: quid enim aliud est fingere quam formare in mente idolum rei impossibilem aut falsæ?

Id verò quod maxime urget adversarios, est, quod illud Ens rationis factum ab intellectu creato, existit in mente divina non existentia, quam habet ab intellectu creato, sed existentia obiectivam quam habet ab intellectu divino: ut patet in Ente rationis existente in mente divina ab æterno, ante omnem intellectum creatum. Cum ergo dare existentiam obiectivam Enti rationis, sit facere Ens rationis, Entem autem rationis facto, vel factibili ab intellectu creato Deus ab æterno dedit existentiam in mente suâ; consequens est, quod Ens rationis factum vel factibile ab intellectu creato ipse quoque fecerit in mente suâ.

*Refellitur 1. adversariorum responsio.*

Iisdem argumentis refellitur illa alia responsio, cum dicitur non per omnem cognitionem fieri Ens rationis: si enim cognoscatur Ens rationis ut dependens ab alio intellectu, per talem cognitionem aiunt non fieri Ens rationis; sed tantum cognosci factum: Si verò cognoscatur absque dependentia ab alio intellectu, tunc per huiusmodi cognitionem fiet Ens rationis, quæ responsio verbis solum non differt à priori. Refellitur tamen, quia hæc dependentia Entis rationis ab alio intellectu, sicut non impedit, quo minus illud Ens rationis cognoscatur à Deo cognitione distincta à cognitione intellectus creati; ita non impedit quominus



per illam cognitionem distinctam fiat ab intellectu divino, & acquirat esse obiectivum divinum. Nam licet sit factum in intellectu creato per cognitionem creatam, nondum tamen est factum per intellectum divinum, neq; acquisit esse obiectivum divinum, quod est distinctum ab esse obiectivo creato. Nam si ea quæ realiter sunt facta & existunt extra intellectum, cum cognoscuntur ab intellectu acquirunt novum esse obiectivum in intellectu; hoc est, existentiam & præsentiam obiectivam ex conceptu representante, certè & Ens rationis factum ab intellectu creato, poterit acquirere novam esse obiectivum, in intellectu divino, & nova ratione obiectivâ fieri.

Sed obijciens, magis repugnat fieri à Deo Ens rationis quàm cognosci, maior enim imperfectio est facere imperfecta quàm cognoscere imperfecta, & dicere falsum, quàm cognoscere falsum: si igitur Deus immediate non potest cognoscere Ens rationis, multo minus potest illud immediate facere; nam si facit, immediate facit, tum quia nulla alia causa mediante facit (quam enim aliam causam adhibet ad illud faciendum) tum quia ex vi suæ cognitionis quam habet de Ente rationis, facit illud: Ergo immediate facit.

Respondeo; quando idem est cognoscere, quod facere, non est minus quid facere quàm cognoscere, sed vnum & idem; atqui Ens rationis facere, nihil aliud est quàm illud cognoscere, quia per cognitionem fit præsens obiectivè, estque simul & obiectum cognitionis, & effectus: quare cum Deus cognoscat entia rationis, etiam facit illa, nec maior est imperfectio in faciendo quàm in cognoscendo.

Cùm verò dicitur Deum facere immediate entia rationis, cognoscere verò mediatè. Respondeo, quod sicut cognoscit mediatè, ita & facit mediatè in eodem sensu; Dicitur autem cognoscere mediatè, quia inter cognitionem Entis rationis, & intellectum divinum, mediat cognitio intellectus creati ut cognita, cognoscendo enim intellectum creatum, cognoscit & Entia rationis ab ipso procedentia: Pari ergo ratione facit mediatè, quia inter effectiorem Entium rationis & intellectum divinum, mediat cognitio intellectus creati, cuius vim totam dum Deus cognoscit, ea cognitione simul & cognoscit & facit Entia rationis ab ipso facibilia: Quare non dicitur facere mediatè, quasi aliam causam mediam ad efficiendum interponat; suo enim divino intellectu, & sua divina cognitione facit Ens rationis; sed quia non facit Ens rationis, nisi cognoscendo intellectum creatum, & sic interponit quodammodo intellectum creatum, non tanquam causam effectivam, sed tanquam id per ordinem ad quod cognoscit & facit ens rationis.

Obijciens secundò. Facere ens rationis est illud fingere: atqui divinæ perfectioni repugnat fingere: Ergo & facere Ens rationis. Respondeo; fingere propriè est immediate fingere, quod repugnat divinæ perfectioni: quia Deus cognoscit res ut sunt, non autem ut non sunt. At mediatè hoc est per ordinem ad intellectum creatum fictionem cognoscere non est propriè fingere, sed est cognoscere rem, ut est cognoscibilis ab intellectu creato fingente. Quanquam si fingere ut hic sumitur, sit formare in mente id quod in re nec est nec esse potest, id non magis Deo repugnat quàm cognoscere.

*Facere Ens rationis est illud cognoscere*

*Deum mediatè cognoscit & facit ens rationis.*

*An Deus fingat Ens rationis?*

## QVÆSTIO IX.

*Per quam operationem intellectus fiat  
Entia rationis.*

**C**um sint tres operationes intellectus nostri, prima consistit in apprehensione simplici, secunda in compositione, per affirmationem & negationem; tertia in vnius ex altero illatione, quaeritur num per omnes has operationes fiant Entia rationis?

Dico primo. Per primam operationem intellectus fieri Entia rationis. Ratio est. Quia prima operatio est apprehensio simplex: atqui Entia rationis potest simplici actu apprehendi: Ergo & fieri: ejus siquidem esse est cognosci & ex consequenti, si simplici apprehensione cognosci potest, potest & fieri. Nam si apprehendat intellectus Hircocerum, Hircocerum non erit Entia reale: Ergo erit Entia rationis, ergo sola apprehensio sufficit ad faciendum Entia rationis.

Dices. Entia rationis non est quid simplex sed compositum ex impossibilibus, ergo ad secundam potius operationem, quæ in conjunctione prædicati cum subiecto consistit, ejus affectio pertinebit. Præterea relationes, quæ communiter censentur Entia rationis, sine comparisone & compositione cum alio intelligi non possunt. Propter quod argumentum quidam negant entia rationis ad primam operationem spectare.

Respondeo. Compositionem esse duplicem, alteram objecti, quod est compositum ex pluribus, alteram actus componentis vnum cum alio per affirmationem vel negationem. Prior compositio invenitur etiam in prima operatione. Possunt enim plura objecta simul conjuncta per modum vnius simplici ratione representari & apprehendi, absq; vlla affirmatione & negatione. Posterior verò est propria secundæ operationis. Si igitur Entia rationis in conjunctione rerum impossibilium consistat, ea conjunctio potest etiam per simplicem apprehensionem in objecto cogitari, multo verò magis, si sit Entia rationis simplex. Potest igitur Entia rationis fieri per simplicem apprehensionem.

Dico secundo. Per secundam & tertiam operationem posse fieri Entia rationis, non tantum materialiter, sed etiam formaliter. Est contra quosdam recentiores qui dicunt secundam & tertiam operationem fundare duntaxat Entia rationis, primam verò illud formaliter facere apprehendendo vel dando illi esse objectivum: Nam componendo intellectus prædicatum cum subiecto, actu illo solum fundat relationem prædicati ad subiectum, subiecti ad prædicatum, quam tamen relationem tunc intellectus non cognoscit, cum prædicat, nec de illa tum cogitat, sed postea facit novum actum simplicis apprehensionis, quo illam concipit, & facit Entia rationis. Hæc illi.

*In secunda & tertiam operatione fieri quoque entia rationis.*

Nos autem dicimus & si fortè id in aliquibus actibus, & Entibus rationis verum esse possit, negari tamen non debere univèrsè per secundam operationem fieri Entia rationis. Primum quia si Entia rationis fiat per compositionem rerum impos-

sibilium,

sibilium, vt isti volunt: potest hanc compositionem intellectus facere, non solum apprehendendo, sed etiam affirmando de se res impossibiles, vt si affirmet dari animal ex Hirco & Cervo compositum: talis enim affirmatio, est vera compositio & effectio conjunctionis impossibilis, ac ex consequenti est effectio Ens rationis, quod in illa compositione consistit: Compositionis enim intellectualis obiectum est res composita, quæ si sit impossibilis est Ens rationis.

Verum contra hanc rationem instabit aliquis, non videtur enim intellectus posse facere compositionem impossibilem affirmando: quæ enim videt esse impossibilia, non potest ea affirmare; nec potest iudicare esse conjuncta, quorum conjunctionem videt esse impossibilem. V. G. non potest affirmare & iudicare hominem esse lapidem.

Respondeo, primo posse intellectum ea quæ verè sunt impossibilia conjungere inter se per affirmationem vel negationem, si ea non putet esse impossibilia, quod satis est hoc vt dicatur Ens rationis fieri per secundam operationem intellectus: Illa enim compositio Entium impossibilium verè esset Ens rationis. Deinde dico quod intellectus ea quæ videt esse impossibilia, non potest de se affirmare tanquam vera absolute, potest tamen affirmare tanquam ficta vel ex suppositione vera ad eum modum quo quis potest dicere falsum quod scit esse falsum, fictè illud non verè affirmando. Hoc enim modo de rebus fictis & impossibilibus multa affirmamus affirmatione non absolute vera, sed ficta vel ex suppositione, vt Hircocervum esse animal vel quadrupes. Possunt enim affirmari falsa, ac si essent vera, & fictio non minus cadit in apprehensionem quam in affirmationem: possuntque impossibilia, tanquam ficta possibilia de se affirmari, de qua re infra Disp. 12. quæst. 9.

*Intellectus impossibilia potest coniungere per affirmationem vel negationem.*

Secundo quod ad relationem attinet, etiam potest tam simplici apprehensionis actu fieri, quam actu ad hoc composito affirmationis: possum enim affirmare hoc referri ad illud, quæ relatio sic affirmata erit in secunda operatione. Possum etiam simplici ratione apprehendere relationem vnius ad alterum, per modum simplicis intuitus, absque affirmatione & negatione, & talis relatio est obiectum primæ operationis. Et sanè quid prohibet relationem rationis per actum prædicandi tribui alicui, vt si dicam, Animal habet relationem prædicati: in tali enim propositione, relatio prædicati compositè tribuitur animali, quæ compositio ex parte obiecti non est realis, sed rationis. Idem dici potest de illatione in tertia operatione, cum intellectus infert consequens habere relationem ad antecedens. Talis enim relatio illata, est Ens rationis & solum in intellectu existit. An verò cum sit prædicatio, fundetur solum, vel etiam cognoscatur relatio prædicati, dicitur quæstione sequente.

*Relatio impossibilis affirmata vel illata est ens rationis.*

## QVÆSTIO X.

*Quot sint genera Entium rationis?**Entia rationis  
duplicita.*

**C**ommuniter duo genera Entium rationis statuuntur, Alia enim sunt mera figmenta nullum fundamentum in re habentia, ut sunt Hircoceruus, hippocentaurus, & similia monstra, & hæc Entia rationis vagantur per omnia prædicamenta, siquidem in omnibus prædicamentis conjunctiones rerum impossibilium fieri possunt; Alia sunt quæ non sunt mera figmenta nec ad libitum aut temerè excogitantur, sed habent fundamentum aliquod in re, quod quasi exigit illam fictionem. Quamquam proprie loquendo fingere dicimur ea tantum quæ temerè & absque fundamento excogitamus: quæ verò cum aliquo fundamento & ratione invenimus, non dicimur fingere nisi latè sumendo nomen fictionis, vti hic sumimus cum ea quæ nec sunt nec esse possunt, dum concipiuntur dicimus fingi: etiam si talis conceptionis sit aliquod fundamentum. Talia sunt entia rationis Logica, quæ tria numerantur, relatio, privatio, negatio. Ex tota enim vniuersitate Entium rationis, tria hæc Logica sibi visurpavit, quod alia ad operationes intellectus dirigendas non admodum conducant.

*Entia rationis  
Logica tria.**Relatio.*

Quod igitur attinet ad relationes; intellectus concipit relationes quasdam in rebus, quæ illis re ipsa non conveniunt, sed solum prout ab intellectu certo modo concipiuntur: ut cum concipitur natura vniuersalis apta esse in multis; hæc habitudo naturæ vniuersalis ad multa non convenit naturæ à parte rei, cum ea à parte rei sit singularis & multiplex non vna, sed per intellectum, qui formando vnum conceptum de omnibus naturis singularibus facit naturam sic conceptam aptam esse in multis: Simile ratione, relatio prædicati & subiecti non convenit rebus ut sunt in se, sed ut ab intellectu concipiuntur & ordinantur ad invicem.

*Fundamentū  
harum relatio-  
num, denomi-  
natio obiecti  
ab actu imma-  
nenti.*

Notandum est primo, fundamentum harum relationum communiter esse denominationes obiecti ab actu immanente, sive rationis sive alterius potentie, ut esse cognitum, volitum, visum. Actus enim transeuntes, quia realiter & intrinsecè afficiunt & immutant subiectum, fundant in eo relationem realem ad agens, & sunt causa realium proprietatum, ut ex calefactione ligni consequitur relatio realis calefacti ad calefacientem. Actus verò immanens, quia non afficit intrinsecè nec immutat subiectum, nihil illi reale tribuit, quare & relatio quæ in obiecto ex tali actu oritur, erit rationis non realis; Relatio enim sumit suam realitatem à fundamento, cum quo est idem realiter; quia igitur hæc relatio convenit obiecto intrinsecè, in quo nullum habet fundamentum intrinsecum cui identificetur, sed tantum extrinsecum nempe actum cognitionis, à quo obiectum denominatur extrinsecè cognitum; Ideo non habet unde sit realis, ac proinde necessariò est rationis.

*Cum relationes  
quæ conse-  
quuntur ex  
denominatio-  
nibus extrin-  
secis non sunt  
reales?*

Notandum secundo, cognitionem posse fundare relationem, tam realem quam rationis: realem quidem in subiecto in quo est intrinsecè: relatio enim cognoscentis ad cognitum est realis. Rationis autem quatenus extrinsecè denominat obiectum cognitum. Extrinseca enim denominatio sicut non confert rei vllum esse reale intrinsecum:

intrinsecum: ita neq; causat in eo villas proprietates reales intrinsecas. Quare relationes quæ ex tali denominatione consequuntur in re, sunt rationis non reales.

Notandum est etiam. Cum dicimus has relationes Logicas habere fundamentum in re: non intelligimus habere fundamentum ad hoc vt realiter existant, & realiter consequantur posito fundamento: nam ea est natura Entis rationis, vt non possit existere nisi per apprehensionem intellectus; quare nec relationes rationis posito fundamento statim existunt, nisi ab intellectu concipiuntur & apprehendantur.

Quod si dicas naturam relationum esse consequi & resultare posito fundamento. Respondeo, si relationes sint reales, consequuntur realiter & ex natura rei absque omni actione intellectus: si verò sint rationis, consequuntur, sed per rationem modo lux naturæ proportionato, quia propter fundamentum quod intellectus inuenit, apprehendit illas & concipit ac format. Et hoc sensu dicuntur hæ relationes habere fundamentum, non vt ex natura rei ad illud consequantur; hoc enim est proprium relationum realium, sed vt consequantur per conceptionem intellectus.

Quod attinet ad negationes & privationes eas tunc intellectus facit. Entia rationis, quando eas concipit modo aliquo impossibili. Quod dupliciter fieri potest. *Negationes et privationes quomodo fiant entia rationis?* Primo si per modum realis formæ concipiuntur, vt cum concipimus tenebras tantum nigredinem quandam, vacuum per modum cuiusdam spacijs quanti, cæcitas per modum qualitatis & formæ in oculo: talis enim coniunctio negationis cum illis modis & formis realibus est res ficta. Secundò. Si negatio illa vel privatio tribuatur ei rei, cui à parte rei non competit nec potest competere, vt si naturæ abstractæ à singularibus tribuatur negatio singularium, vel si in Deo negamus intellectum esse voluntatem, ea negatio à parte rei Deo non competit, cum in Deo omnes perfectiones sint vna simplex perfectio, sed convenit ei vt imperfectè & limitate à nobis concipitur. Nam cum conceptu nostro imperfecto & inadæquato concipimus solum intellectum divinum non concepta voluntate, intellectum sic conceptum negamus esse voluntatem.

Porro differt negatio simplex à privatione: quod privatio connotat aptitudinem in subjecto: negatio vero non; V. G. Cæcitas non est quævis negatio visus, sed solum in subjecto apto ad videndum, hoc est, in oculo, ita vt eadem negatio visus in lapide, qui non est aptus ad videndum non sit cæcitas, sed simplex negatio. *Negatio simplex & privatio vario differtur.*

Ex quibus omnibus patet tam relationem quàm negationem & privationem tunc solum esse Entia rationis, cum conjunguntur aliquo modo impossibili: vel in seipsis cum concipiuntur per modum Entium cum non sint Entia, vel respectu subjecti, cum ei tribuuntur, cui non conveniunt nec convenire possunt, quare si modus impossibilis desit tam negatio quàm relatio, erit suo modo realis.

Iam verò si quæras an Entia rationis habentia fundamentum in re sint solum illa tria, relatio, privatio, negatio, an verò præter illa sint etiam alia? Respondeo, etià alia Entia rationis posse habere fundamentum in re: vt cum concipio Angelum sub specie pulchri juvenis alati ad ipsius spirituales perfectiones exprimendas, vel cum concipio immensitatem Dei per modum cuiusdam quantitatis: hæ enim conceptiones habent in re fundamentum nec temere fiunt; verum illa tria vulgo numerantur: vel quia præcipua sunt, vel quia illa tantum Logicæ deseruiunt ad dirigendas

dirigendas operationes intellectus : quanquam aliqui nimis multum laborant in defendendo hoc numero.

## QVÆSTIO XI.

*An denominationes Logicae sint verè Entia rationis?*

*Quæ dicuntur  
entia rationis  
Logica.*

**A**D maiorem explicationem Entium rationis Logicorum, quæri potest, an denominationes Logicæ sint verè Entia rationis, & à quo tales denominationes fumentur? Sunt autem denominationes Logicæ denominationes rerum vt cognitarum ab intellectu. Nam quædam denominationes rebus conveniunt extra intellectum ante omnem cognitionem, vt homini esse visibilem, album; quædam vero conveniunt rebus vt cognitæ sunt, seu ex eo, quia tali vel tali modo cognoscuntur ab intellectu: sic convenit homini esse speciem, esse prædicatum, esse abstractum, & hæ denominationes dicuntur Logicæ, quia à Logica considerantur. Quia enim Logica considerat operationes intellectus, tales autem denominationes ex operationib. intellectus proveniunt; idcirco dicuntur Logicæ denominationes.

Porrò ab actu intellectus denominari potest obiectum dupliciter; vel absolute, & quasi quoad substantiam, vt cum dicimus obiectum esse cognitum, apprehensum, intellectum; vel sub aliquo certo modo, sub quo cognoscitur: hic autem modus in Logica est duplex, negativus & respectivus: aliqua enim cognoscit intellectus, cum quadam negatione, vt cum abstrahit, negat, distinguit: abstrahere enim est cognoscere vnum sine alio, aliqua verò cognoscit relativè in ordine ad aliud, V. G. sub ratione subiecti, prædicati, antecedentis, consequentis. Hinc igitur denominationes Logicæ statuuntur duplices, aliæ negativæ, vt esse abstractum, distinctum, aliæ relativæ, vt esse prædicatum, subiectum, de his ergo quærimus, an huiusmodi denominationes sint reales, vel rationis, vel partim reales, partim rationis?

Dico igitur primò. Denominationes ab actu intellectus absolute, hoc est non sub aliquo certo modo, sunt reales, & nullo modo Entia rationis vt esse cognitum, esse apprehensum.

Probat. primo: Quia tales denominationes inveniuntur in aliis etiam potentiis in quibus non sunt Entia rationis. Nam esse volitum, esse visum, esse imaginatum, sunt denominationes reales obiecti ab actu volendi, videndi, imaginandi: obiecta enim horum actuum sunt volita, visa, sine vlllo Ente rationis. Ens enim rationis non existit nisi per apprehensionem intellectus: atqui res est visa & volita sine apprehensione intellectus: ergo sine ente rationis.

*Esse cognitum  
quid?*

Secundò probatur quia esse cognitum nihil aliud est, quàm esse cognitionem de obiecto: Dicuntur enim res cognosci non quod ipsæ referantur ad cognoscentem sed quod cognitio terminetur ad illas: quia igitur realiter cognitio est de rebus, ideo realiter res denominantur cognitæ. Quanquam non nego ex tali denominatione sequi ens rationis, V. G. relationem cogniti ad cognoscentem. Sed solum nego denominationes ipsas esse entia rationis.

Dico secundò. Denominationes Logicæ tam negativæ quàm relativæ sunt denominationes

nominaciones extrinsecæ ab actu reali intellectus, sub modo rationis negativo vel relativo, vt esse abstractum, esse prædicatum. Nam quod ad denominationes negativas attinet esse abstractum: V. G. est denominatio ab actu intellectus abstrahentis, hoc est concipientis naturam sine singularibus; ac proinde sub negatione singularium, quæ negatio est modus rationis. Nam cum intellectus concipit naturam non concepta singularitate, in tali cognitione duo distinguimus; vnum est, quod talis cognitio terminatur ad naturam: alterum, quod non terminetur ad singularitatem seu quod terminetur ad naturam absque singularitate: ratione primi dicitur cognitio naturæ; ratione secundi dicitur cognitio abstractiva, seu abstractio: abstractio enim ab illa exclusionem alterius obiecti dicitur abstractio.

*Cognitio abstractiva intellectus ad quid terminatur.*

Porrò hæc negatio quam dicit abstractio, potest considerari vel in ipso actu cognitionis, vel in obiecto abstracto. Nam & actus dicitur abstrahens, & obiectum dicitur abstractum: in actu quidem abstrahente, negatio est negatio terminationis actus ad singularitatem; in obiecto verò est negatio singularitatis, ita vt hæc negatio sit quasi obiectum illius negationis, quæ est in actu.

Dices naturam sufficienter denominari abstractam à cognitione illam abstrahente, & concipiente, non concepta singularitate, in qua denominatione est quædam negatio, sed ad actum ipsum spectans intrinsecè, & solum per denominationem extrinsecam ab actu spectat ad naturam: in hac autem denominatione nulla involvitur negatio, quæ sit Ens rationis: Nam illa negatio terminationis actus ad singularia, est negatio realis, quia oritur ex natura actus: actus enim realiter terminatur ad naturam & non ad aliud. Negatio verò quæ est Ens rationis, est in obiecto distincta à negatione quæ est in actu; est enim negatio naturæ conceptæ absq; singularibus. Quamvis igitur sine negatione, non possit concipi natura abstracta, potest tamen concipi sine hac secunda negatione, quæ est in obiecto, solum concepta negatione, quæ est in actu: ex quo sequitur posse concipi naturam abstractam sine ulla negatione rationis.

Respondco, esse quidem duas distinctas negationes, alteram in actu, alteram in obiecto & illam esse realem, hanc rationis; dico tamen non posse denominari obiectum abstractum à prima negatione, nisi simul denominetur à secunda; quia secunda est obiectum primæ; est enim obiectum proportionatum suo actui, & sub ea ratione, sub qua actus tendit in obiectum, obiectum etiam ex parte sua obicitur actui. Quia igitur cognitio abstractiva tendit in obiectum, partim positivè per cognitionem naturæ, partim negativè per cognitionem naturæ non singularis, idcirco & in obiecto duo respondent actui, vnum positivum, aliud negativum. Cognitioni enim vt cognitio est, respondet in obiecto natura quæ cognoscitur; vt autem abstractio est, respondet ei natura absque singularitate, ita vt cognitionis abstractivæ integrum obiectum sit natura sine singularitate obiecta. Ex quo patet non posse denominari naturam abstractam, ab actu abstrahente; nisi involvatur in hac denominatione negatio singularitatis obiectiva quæ est negatio rationis.

*Cognitio abstractiva tendit in obiectum partim positivè, partim negativè.*

Ad maiorem autem eiusdem rei explicationem duo possumus distinguere in hac denominatione naturæ abstractæ; primò, quod natura sit abstracta; secundò quod cognoscatur abstracta: & viroque modo involvit modum rationis, hoc est negationem illam singularitatis obiectivam. De primo iam dictum est, quia negatio illa obiectiva est obiectum actus abstrahentis vt abstrahens est. actus



enim abstrahens, quæ cognitio est, habet pro objecto naturam cognitam, quæ verò abstrahens est, habet pro objecto naturam absque singularibus, non quod illa negatio singularium sit objectum cognitionis, sed quod sit obiectum non cognitionis; actus enim abstrahens dicitur abstrahens propter non cognitionem, ergo & objectum eius formale est obiectum non cognitionis seu negatio singularium non cognitorum. Quamvis autem negatio illa non cognoscat: tamen verè est negatio rationis; quia negatio rationis, eget quidem apprehensione intellectus ad hoc ut sit Ens, & habeat rationem Entis; tamen ut sit mera negatio rationis, non eget apprehensione, quia negationis esse, est non esse formæ negatæ.

De secundo verò, hoc est, de cognitione naturæ abstractæ, dico, quod ut formaliter cognoscatur natura illa esse abstracta, necesse est ut concipiatur formaliter, sub modo illo rationis negativo, quia ratione illius modi, & per ordinem ad illum modum est abstracta. Si enim quæras quid sit naturam esse abstractam, defines esse naturam cognitam sine singularibus: in qua definitione non solum continetur negatio terminationis actus ad singularia, sed etiam negatio singularium, quæ est in objecto, hæc enim est obiectum illius negationis, & illa negatio sine hac non potest intelligi: Nam sicut actus non potest intelligi sine objecto, ita negatio quæ est in actu, sine negatione respondente illi in obiecto.

Quæ diximus de denominatione obiecti negativa, suo modo intelligi possunt de denominatione obiecti relativa, ut cum aliquid denominatur prædicatum. Non enim est dubium hanc denominationem esse relativam, quia prædicatum respectu subiecti dicitur prædicatum. Est igitur hæc denominatio ab actu intellectus prædicantis & referentis per prædicationem rem illam ad alteram, quæ relatio & denominatio est extrinseca rei denominatæ.

Dices sufficere ad hanc denominationem actum extrinsecum prædicandi. Actus enim prædicandi est actus referendi; ab actu autem referendi sufficienter res denominatur relata sine alia intrinseca relatione. Quod etiam confirmari potest: quia quando intellectus prædicat animal de homine, vel cognoscit relationem illam in animali ad hominem, vel non; si non cognoscit, ergo illa relatio tunc non existit, & sine illa intellectus prædicabit, & referet animal ad hominem, & animal denominabitur tunc prædicatum & relatum, à solo actu extrinseco prædicandi & referendi: si verò cognoscit, id est contra experientiam, quia de tali relatione tunc nil cogitat, cum animal prædicat de homine, & sine tali apprehensione relationis potest animal prædicare de homine.

Respondeo. Denominari quidem animal prædicatum ab actu prædicandi extrinseco, sed tamen involvendo simul relationem, & habitudinem intrinsecam animalis quam habet ad hominem, ut de eo prædicari possit: estque hæc habitudo animalis ad prædicandum, obiectum actus prædicandi: ideo enim intellectus animal prædicat de homine, quia in illo invenit habitudinem prædicati: non enim quilibet prædicat de quolibet, quia non in quolibet invenit habitudinem prædicati. Neque dici potest habitudinem istam realem esse, quia habitudo ista convenit rei non ut res est, sed ut concepta est; habitudines autem rerum ut conceptarum sunt rationis, non reales; maxime quod animal, cum non sit distinctum realiter ab homine, non potest ad hominem dicere relationem realem; ad relationem enim realem requiritur distinctio realis extremorum. Et quamvis in prædicato inve-

nisi aliquando possit naturalis & realis habitudo ad subiectum, ut in albo respectu cigni; tamen in prædicato, non solum est habitudo realis ad realiter inexistendum subiecto, sed etiam habitudo rationis ad inexistendum per prædicationem, eaque habitudo spectatur in prædicato, ut prædicari & affirmari possit, cuius habitudinis fundamentum quidem est in re, sed ipsa formaliter non existit nisi per rationem.

Iam verò cum quaeritur an talis relatio cognoscatur vel non? Respondeo, duo hic esse consideranda: aliud enim est animal prædicari in actu exercito, aliud est cognosci quod sit prædicatum. Potest igitur animal prædicari de homine, non cognita formaliter, & in actu signato relatione prædicationis; necessariò tamen tunc cognoscitur illa relatio in actu exercito, quia revera animal in prædicatione concipitur in ordine ad subiectum, quæ habitudo est verè habitudo prædicati, licet non explicitè concepta sub ratione prædicati, sed in confuso quodammodo & in genere: Si verò formaliter cognosci debeat animal esse prædicatum, necessariò cognoscitur explicitè, relatio illa prædicabilitatis quæ est Ens rationis.

Neque satis est dici prædicatum à prædicatione intellectus, quia prædicatio intellectus fundatur in prædicabilitate objecti: estque hæc prædicabilitas objectum actus prædicandi sive formaliter, & in actu signato cognita, sive materialiter & in actu exercito: refert enim intellectus propter referibilitatem objecti, & prædicatur propter prædicabilitatem.

Dico tertio, dictas denominationes Logicas esse denominationes, partim ab actu reali intellectus, partim à modis rationis. Hæc conclusio patet ex præcedenti.

*Relationes rationis logica cognoscuntur vel in actu signato vel in actu exercito.*

*Denominationes Logice esse partim ab actu intellectus, partim à modis rationis.*

*Et hac de Entia rationis. An verò Entia rationis sint necessaria rebus Logicis & ad dirigendas operationes intellectus, dicetur Disputatione sequenti, Quæstione secunda.*

# EXPLICATIO ALIQVOT DIFFICVLTATVM DE ENTIBVS RATIONIS.

AD finem hujus disputationis volui movere aliquot difficultates circa Entia rationis, ad ea quæ docuimus explicanda. Prima verò difficultas est de essentia Entis rationis an ea consistat tota in esse objectivo? Si enim id concedatur: necesse erit concedere omnia Entia realia, quatenus sunt objectivè in intellectu, esse Entia rationis. In intellectu enim non habent aliud esse quàm obiectivum. Nam etsi extra intellectum habeant vel habere possint esse reale; tamen hoc non impedit, quin minus habeant in intellectu solum esse obiectivum, quod est formale esse Entis rationis. Vnde etiam consequetur: illa & in intellectu esse Entia Rationis & extra intellectum.

intellectum Entia realia; si verò non concedatur, esse objectivum sufficere ad Ens rationis, ostendi non poterit, quod aliud esse habeat Ens rationis præter esse obiectivum. Nam quod dici solet requiri ad Ens rationis, vt extra intellectum nec existat, nec existere possit, etsi id verum sit, tamen hoc difficultatem non solvit. Nam non esse Ens reale, est mera negatio Entis realis, negatio autem non dat Enti rationis esse, sed non esse. Quare ex tali negatione realitatis Ens rationis non constituitur in ratione Entis, sed potius in ratione non Entis: & ex consequenti verum erit, Ens rationis non constitui in ratione Entis formaliter per aliud esse, præterquam per esse obiectivum. Neq; valet quod responderi potest; Ens rationis constitui, non per qualecunq; esse obiectivum, sed per tale quod secum ferat essentialiter repugnantiam ad existendum à parte rei: ita vt hæc negatio realitatis consequatur essentiam ipsam Entis rationis. Duplici enim ex causa hæc responsio non valet. Primò quod hæc repugnantia ad realiter existendum, oritur non ex illo esse obiectivo, quod est à ratione, & per quod constituitur formaliter Ens rationis, sed ex materia illa per se impossibili; neq; enim Hircocervus, idcirco non potest existere à parte rei, quia existit obiective in intellectu; sed ex propria ratione Hirci & Cervi quibus ea compositio in se repugnat. Secundo quia hæc repugnantia & impossibilitas convenit rei impossibili antequam habeat esse obiectivum in intellectu. Etsi enim nullus intellectus apprehenderet impossibilia, adhuc tamen impossibilia, essent ex se impossibilia. Ex quo patet; impossibilitatem ad existendum, neq; constituere formaliter Ens rationis in ratione Entis; neq; ex ratione formalis Entis rationis consequi.

*Esse obiectivum in ente rationis non solum obicit aliquam essentiam, sed etiam illam facit.*

Dicendum tamen est Entis rationis essentiam in tali esse obiectivo consistere, ad quod consequatur repugnantia ad existendum realiter. Pro quo noto: esse obiectivum in ente rationis, non solum obicit essentiam aliquam rationi, sed etiam illam facit atq; constituit. Cum enim Ens rationis consistat in essentia ficta, necesse est essentiam entis rationis ita obici intellectui, vt fingatur, & sic ficta obiciatur: in quo apparet discrimen inter esse obiectivum Entium realium, & Entium rationis: quod entium realium essentia, solum obicitur intellectui, non verò per illud esse obiectivum fit, cum per se sit essentia possibilis absq; eo quod obiciatur intellectui. Entium verò rationis essentia cum ex natura rei nihil sit, non potest nisi fingendo obici & fieri. Nam si Ens rationis fiat per compositionem incompensabilem rerum, ea compositio nisi fiat ab intellectu, nusquam est, aut esse potest.

*Esse obiectivum aliud quo fit ipsa essentia obiecti, aliud quo non fit essentia obiecti, sed tantum obicitur, atq; per primum ens rationis formaliter constituitur non verò per secundum.*

Ex hac autem compositione essentiae fictæ sequitur repugnantia illius compositioni, qua compositum est, ad existendum realiter. Quia verò compositio illa est, formaliter ex esse obiectivo (fingendo enim obicitur intellectui illa compositio) idcirco recte dicimus Ens rationis habere tale esse obiectivum, ad quod consequatur repugnantia ad existendum realiter. Quare ad argumenta opposita respondeo: esse obiectivum, duplex esse potest: alterum, quo fit ipsa essentia obiecti, cum extra illud esse, obiectum non sit: alterum quo non fit essentia obiecti, sed tantum obicitur. Primum esse obiectivum, est proprium Entis rationis, & in eo solo consistit entis rationis essentia. Secundum etiam convenit Enti reali. Verum tale esse obiectivum non sufficit ad constituendum Ens rationis, sed solum illud quo essentia ipsa fit. Vnde non sequitur Entia realia quatenus sunt in ratione esse Entia rationis, non enim habent in ratione tale esse obiectivum, quo ipsorum essentia fiat, cum extra illud esse obiectivum essentia ipsorum ex se sit possibilis.

Vade

Vnde etiam nolimus repugnantiam ad realiter existendum, consistere essentialiter Entis rationis, ut bene probatur in objectione: sed volumus illud esse obiectivum, ad quod consequitur illa repugnantia, consistere Entis rationis, quod non convenit Enti reali. Cum vero dicatur repugnantiam istam non oriri formaliter ex ipso esse obiectivo, sed ex materia illius esse obiectivi. Respondeo oriri ex viroque: hoc est tam ex illa compositione, quam etiam ex partibus incommensurabilibus, quibus ex natura rei illo modo componi repugnat, ac ex consequenti existere. Et quidem ea repugnantia, quæ sumitur ex natura partium, est realis, & prior ipso esse obiectivo. Quæ vero sumitur ex ipsa compositione partium facta ab intellectu, vel etiam ex apprehensione per modum Entis ejus quod est non Entis: ea oritur formaliter ex ipso esse obiectivo. Compositum enim ex impossibilibus ut sic, repugnat realiter existere. Et quia compositum illud est compositum per fictionem intellectus, quæ solùm obiectivè in intellectu habet esse, idcirco rectè dicimus, oriri hanc repugnantiam formaliter ex ipso esse obiectivo. Hircoceruus enim, si non esset obiectivè in intellectu, non esset Hircoceruus: id est, non esset compositus ex Hirco & Ceruo (talis enim compositus, non potest fieri nisi ab intellectu) vnde neq; habent repugnantiam ad existendum, illo modo composito. Nam illa repugnantia supponit & fundatur in compositione Hircocerui, estq; propriè illius compositi ut compositum est repugnantia. Nam ex propria ratione Hirco & Cerui repugnat tale compositum fieri, & ex consequenti si fiat ab intellectu immediate & proxime, oritur repugnantia ipsius compositi, quod compositum est ad existendum à parte rei; ex quo patet hæc repugnantiam esse diversas. Nam alia est repugnantia totius formaliter accepti, alia partium: illa fundatur in compositione & ex ea oritur, hæc vero fundatur in natura partium.

Secunda difficultas est. An Entis rationis sit quid reale in intellectu. Si enim esse Entis rationis est esse obiectivum: omne autem esse obiectivum est reale in intellectu; Sequitur Entis quorq; rationis habere esse reale in intellectu. Minor probatur esse enim obiectivum, est illud quod formatur ab intellectu: format enim intellectus intra se obiectum exprimendo ejus in se similitudinem. At obiectum formatum ab intellectu est quid reale. Ergo esse obiectivum, est quid reale. Confirmatur primò, quia intelligere est formare in se obiectum modo intelligibili: ut colligitur ex Aristotele 3. de Anima; cum docet intellectum possibilem intelligendo fieri omnia, formando in se omnium obiectorum similitudinem; Cum igitur realiter formetur obiectum in intellectu secundum realem similitudinem; consequens est, obiectum in intellectu habere esse reale: ac proinde esse obiectivum, erit esse reale. Confirmatur secundò, quia esse obiectivum, est idem realiter cum conceptu. At conceptus est quid reale, ergo non esse obiectivum. Minor patet; quia conceptus nihil aliud est quàm formatio obiecti in intellectu. Sic ut quævis actio est idem realiter cum illa termino qui per ipsam fit, ita & conceptus qui est actio obiecti, erit idem realiter cum obiecto formato, & obiectum erit idem realiter cum conceptu.

Respondeo. Obiectum in intellectu esse duplex: aliud incommensuratum actui intelligendi seu conceptui, quod est obiectum formatum in intellectu seu similitudo illa obiectiva, & hoc est quid reale, idem re cum conceptu, ut bene probat argumentum: aliud est extrinsecum conceptui, & ab eo realiter distinctum, quod representatur extra intellectum cum quidam quasi distantia, sicut si res aliqua esset extrinsecus

Obiectum in intellectu aliud intrinsecum actui intelligendi, aliud extrinsecum.

cus obiecta intellectui: hoc obiectum est merum Ens rationis, quia sola cognitione subsistit. Nam licet intellectus etiam in intelligendis Entibus realibus, tali functione utatur, tamen in Entibus rationis id quod intellectus fingit, est simpliciter impossibile, ac proinde Ens rationis: in intellectione verò Entium realium; solum secundum quid fingit cum res non existentes tanquam existentes, sibi proponit: simpliciter tamen non fingit; quia essentia rerum illarum est talis ex natura rei non ficta ab intellectu; unde solum præsentia eius fingitur, non essentia. De qua re pluribus infra Disp. 16. q. 5. & in 3. de Anima. Ex quo patet; Ens rationis ut habet hoc secundum esse obiectivum extrinsecum, non esse quid reale; licet ratione primi, sit reale. Patet esse obiectivum in omnibus potentiis tam cognoscitivis, quam appetitivis, imò etiam in sensibus, esse quid reale, si de esse obiectivo intrinseco sit sermo. Si verò de extrinseco agatur, potest secundum quid non esse reale, si fingatur præsens obiectum, quod revera non est præsens: ut simpliciter tamen & quoad essentiam, est reale; quia essentia illa quæ obicitur sensui, est possibilis in re:

Tertia difficultas. An Deus directè cognoscat Entia rationis, Hoc enim Gillius noster affirmat. Sunt enim Entia rationis duplicia: alia nullum habent fundamentum ut ita concipiatur, ut sunt monstra, Hircocervus, hippocentaurus: alia habent à parte rei fundamentum ut ita concipi possint. Qualia sunt Entia rationis Logica. Et si igitur priora repugnat à Deo concipi directè; quia divinus intellectus cum sit perfectissimus, concipit res uti sunt, non uti non sunt; tamen posteriora sine imperfectione ulli, possunt à Deo directè concipi: quia habent ex natura sua fundamentum ut sic concipiatur: & intellectus divinus, illa hoc modo concipiendo, est conformis obiecto, non difformis. Sine vlla igitur imperfectione potest illa directè concipere. Dices concipere non Ens, per modum Entis; est concipere rem aliter quam sit, ac proinde non conformiter sed difformiter. At Entia rationis, cum sint non Entia, concipiuntur per modum Entis (affingitur enim illis esse obiectivum ratione cuius dicuntur Entia) ergo imperfectè & difformiter concipiuntur. Contra: Quia id solum est verum de Entibus rationis non habentibus fundamentum, quæ cum per modum Entis concipiuntur, aliter concipiuntur, quam illis conveniat, at verum non est de Entibus habentibus fundamentum. Nam licet in re sint non Entia, & non possint esse Entia; tamen habent fundamentum, ut ab intellectu hoc modo concipiatur: ut sub ratione prædicati, subiecti, antecedentis, consequentis. Sic essentia simplex, si contineat virtute plures perfectiones, habet fundamentum ut possint in ea plures perfectiones per rationem distingui, V. G. in homine, animalitas & rationalitas: in Deo infinitæ idæ seu rationes, sub quibus est participabilis essentia divina. Neque dici potest talia Entia habere fundamentum ut concipiatur illo modo ab intellectu imperfecto, & non nisi per ordinem ad intellectum imperfectum ab intellectu perfecto. Cur enim non possint immediatè ab intellectu perfecto concipi, cum nulla imperfectio ex hoc oriatur.

*Nullum ens  
rationis habet  
fundamentum  
ut directè  
cognoscatur à  
potentiâ per-  
fectè cognos-  
centi.*

Dicendum tamen est, etsi probabilis sit sententia Gillij, & bene defendi possit, probabilior tamen est communis aliorum sententia, repugnare concipi directè ab intellectu divino quævis Entia rationis. Nam etsi quædam habent fundamentum ut illo modo concipiatur sub certis relationibus vel negationibus, quas non ha-  
bent

bent à parte rei, tamen hoc fundamentum est solum respectu intellectus imperfecti concipientis. Neque enim id novum videri debet ut aliqua res fundamentum habeat, ut secundum aliquam rationem cognoscatur à potentia imperfectè cognoscente, non verò à potentia cognoscente perfectè. Color enim sub ratione visibilis, habet in se fundamentum ut videatur à potentia viva imperfecta, non verò ut videatur sub illa ratione sensibili ab intellectu, quod hic modus videndi sit contra perfectionem intellectus. Porro in materia præfenti modus cognoscendi rem sub alia ratione quàm illi conveniat à parte rei est modus cognoscendi imperfectè, quia aliter quàm sit in seipsa cognoscitur, & licet habeat fundamentum ut illo modo concipiatur, non tamen nisi ab eo intellectu, qui potens est aliter rem concipere quàm sit in seipsa, quod non convenit intellectui divino. Quocirca argumentum Gillii ductum ex ratione fundamenti, non est firmum nec universale, quia solum probat id verum esse, respectu alicuius potentie illo modo potentis concipere, non verò respectu omnis potentie.

Quarta difficultas. Ex quo capite repugnat fieri à Deo Ens rationis. Respondet. De modo quo fiat Ens rationis sunt duæ sententiæ. Una dicit fieri consecutivè, antequam apprehendatur. Altera fieri per apprehensionem; in priori ergo sententia nulla omnino repugnantia apparet, quo minus à Deo fieri possit Ens rationis, etiam immediatè. Nam si fieri eik consequi: sicut non repugnat Ens rationis consequi ad intellectionem divinam: cum id nihil derogat divinæ perfecti: nisi ita nec fieri repugnabit. In altera verò sententia, quam veram esse arbitror, cum Ens rationis fiat per sui cognitionem, eo modo quo repugnat illud cognosci, repugnabit & fieri. Repugnat autem cognosci immediatè, non verò mediatè, hoc est mediante cognitione, qua cognoscit intellectus imperfectè cognoscentem: pari ergo ratione etiam fieri repugnabit. Vana enim est illa evasio cognosci à Deo ut factum. Illud enim quod est in mente Dei, non est ab illo alio intellectu factum in mente Dei, præterquam à Divino: & cum Ens rationis non possit fieri nisi per cognitionem, non alia vilius intellectus præterquam divini cognitione est factum: ita ut vnum è duobus dici oporteat, aut Ens rationis in mente divina objectivè existens, non esse factum, aut sola divina cognitione esse factum. Facere enim Ens rationis est dare illi rationem Entis, cum ex se sit non Ens, hæc autem ratio est ratio Entis apprehensi: sicut ergo non alius intellectus Ens illud rationis in mente divina apprehendit, nisi divinus, ita nec alius facit dando illi rationem Entis apprehensi. Quod etiam magis patet in Entibus rationis compositis, ut in Hircoceruo. Talem enim compositionem facit Deus apprehendendo. Facere enim Hircoceruum est componere Hircum cum Ceruo per apprehensionem, hoc facit Deus cum cognoscit Hircoceruum, ergo facit Hircoceruum. Neque refert quod Hircoceruum cognoscit ut factibilem ab intellectu creato: nam ab intellectu creato est factibilis in intellectu creato: in intellectu verò increato non est factibilis ab intellectu creato, sed à solo Dei intellectu.



## DISPUTATIO II.

### De Logica in communi.

*Natura Logica investiganda est, tum ex obiecto,  
circa quod versatur, tum ex modo, quo  
se habet ad suum obiectum, &  
alias scientias.*

### QVÆSTIO PRIMA.

*An obiectum Logica sint operationes in-  
tellectus quæ dirigibiles?*

Obiectum sci-  
entiae est, cir-  
ca cuius cog-  
nitionem sci-  
entia versa-  
tur.



Supponendum in primis est, obiectum scientiæ dici illud, circa cuius cognitionem scientia versatur. Porro alia ratione versatur circa obiectum materiale, aliâ circa formale: nam obiectum materiale est quasi subiectum formalis, & non secundum se cognoscitur, sed ut substat formali, formale autem secundum se cognoscitur, sicut enim in visu paries est obiectum materiale visionis, albedo vero formale, quia non videtur paries quâ paries, sed quâ albus, & de obiecto scientiæ cogitandum est.

Supponendum præterea est in scientiis assignari obiectum, vnum aliquod genus, ad quod omnia, quæ tractantur in illa scientia, referantur: nam in omni scientia sunt plurima obiecta particularia, & essentia & proprietatibus distincta, quæ tamen omnia certo quodam ordine ad vnum genus referantur, vel tanquam species illius, vel tanquam principia, vel partes, vel passionis: idcirco sub vno genere obiecti comprehenduntur. Ex quo patet, cur obiectum scientiæ dicitur obiectum attributionis, quia omnia, quæ in scientia tractantur, debent ad illud obiectum revocari, aliquo ex dictis modis, & quodam modo illi attribui.

Supponendum tertio, aliter obiectum assignari in scientiis speculativis, quàm in practicis



prædictis, nam in speculativis pro obiecto assignatur, genus aliquod, cuius species, principia, partes, proprietates explicantur. Sic Physicæ obiectum est corpus naturale, cuius species sunt, corpus simplex & mixtum: principia, materia & Forma. Passiones, Quantitas, Motus, Tempus, Locus. In practicis autem pro obiecto assignatur opus aliquod, circa quod efficiendum vel dirigendum scientiis illa versatur. Et quidem si sit opus ab actione distinctum, tunc opus illud externum assignatur pro obiecto. Sic obiectum artis statuarie est statua; frænitætoris frænum, ædificatoriæ domus. Si verò præter actionem non sit aliud opus externum, tunc ipsa actio, quæ dirigitur & perficitur, statuitur pro obiecto scientiæ; vt Musicæ obiectum cantus; artis cytharizandi cytharæ pulsatio: sic philosophiæ moralis obiectum sunt actiones humanæ secundum virtutem agibilis, in his enim actio subit vicem operis; actio enim ipsa est, quæ dirigitur, efformatur, perficitur. Ex harum autem scientiarum numero est etiam Logica. Nam sicut alie scientiæ alias actiones hominis efformandas & perficiendas sibi sumpserunt; artes quidem actiones externas, scientiæ verò morales, actiones internas voluntatis, ita Logica sumpsit sibi dirigendas ac perficiendas actiones intellectus, ad hunc finem vt recte fiant, & sine vitio ac errore; quocirca tradit varios modos res concipiendi, componendi inter se, definiendi, dividendi, arguendi, ex quo fit, vt communiter pro obiecto Logicæ statuatur tres intellectus operationes quatenus dirigibiles. Quamquam enim aliqui diversa verborum forma in assignando obiecto vtantur; alii enim instrumentum sciendi, vel cognoscendi, alii Ens rationis, vt instrumentum sciendi, vel vt directivum operationum intellectus, omnes tamen in re convertere videntur, quodd Logica in nil aliud incumbat, nisi in directionem operationem intellectus. Pro cuius maiori explicatione.

*Obiectum scientiæ practice est opus.*

Dico primò. Obiectum Logicæ proximum non esse res omnes, vt quidam voluerunt, sed actiones nostræ mentis. Ratio est, quia Logica proximè circa actiones mentis occupatur, vt eas dirigat, tradendo modos & formas, definiendi, dividendi, argumentandi. Remotè tamen potest dici versari circa res omnes; quia enim versatur circa mentis actiones, quæ rebus omnibus applicari possunt, ex consequenti ipsa quoque mediante suo obiecto immediato & proximo, versabitur circa res omnes. Est etiam pars quædam Logicæ, cuius est de rebus omnibus probabiliter ex locis communibus disputare: quo sensu sæpe Aristoteles dixit Logicam æquè ac Metaphysicam de omnibus rebus tractare.

*Res omnes remota sunt obiectum Logicæ.*

Dico secundò. Non rectè assignari pro obiecto Logicæ vnam aliquam operationem intellectus, ad quam cæteræ referantur: quare neque Argumentatio, vt vult Albertus, neque Syllogismus, vt vult Scotus, neque Demonstratio vt Græci volunt, est adæquatum Logicæ obiectum. Ratio est; quia Logica æquè dirigit omnes tres operationes, cum singulæ suos defectus & vicia habeant, & singulæ in directione indigeant, Ergo æque omnes ad obiectum Logicæ spectant. Deinde dirigibiles primò & per se convenit operationi vt operatio est, non vt est prima, vel secunda, vel tertia. Ergo operatio dirigibilis in communi statuenda est pro obiecto.

*Prima & secunda operatio non solum est dirigibilis & Logica in ordine ad tertiam sed etiam secundam.*

Quod si dicas primam & secundam operationem tertiam contineri (tertia enim componitur ex secunda & prima, hoc est ex propositionibus & terminis.) Respondeo, primam & secundam operationem non solum esse dirigibilem in ordine ad tertiam, sed etiam absolute & secundum se: nam cognitio nostra aliquando sinit in nuda rei apprehensione, vt est cognitio definitiva, vel si apprehendam quid per modum

modum generis vel speciei, per modum vniuersalis vel singularis, non procedendo ad alium discursum. Aliquando in simplici iudicio de re, vt accidit in propositionibus per se notis, vt quod totum maius sit sua parte, De quolibet vtrum sit affirmare vel negare. Quare cum tales cognitiones per se sint independentes a tertia operatione, & q; ac tertia operatio spectant ad obiectum Logicæ, & directionem Logicam. Deinde etsi prima & secunda operatio seruiat tertiæ, tamen hoc illi est per accidens: nam etiamsi non esset possibilis operatio tertia, tamen adhuc prima & secunda operatio esset, & dirigi per se posset: habet enim proprios defectus & vitia, & ex consequenti propriam directionem. Terminis etiam simplicibus qui in prima operatione apprehenduntur, per accidens est esse in Syllogismo: nam in Syllogismo spectantur, vt habent rationem maioris, minoris, vel medij termini, extra Syllogismum verò secundum se considerantur, vt sunt apprehensiones rerum, sub talibus rationibus & modis: verbi gratia, sub ratione generis, speciei, vniuersalis, singularis, &c. quæ apprehensiones secundum se sunt independentes a Syllogismo, neq; qui eas facit necesse est, vt de Syllogismo cogitet.

*Prima & secunda operatio non ordinatur ex natura sua ad tertiam.*

At inquires. Primam operationem ex natura sua ordinari ad tertiam, tum quia ex se apta est constituere tertiam, tum quia imperfecta ordinatur ad perfectam, partes ad totum. Respondeo, illa proprie ordinari ex natura sua ad alia, quæ naturam habent imperfectam, & sine alio insufficientem ad subsistendum, vt sunt partes substantiales, materia & forma, quæ ex natura sua sunt partes compositi naturalis, & sine illo non subsistunt: at tam prima quam secunda operatio subsistit sine tertia, ergo per accidens est pars tertiæ, sicut ligna & lapides per accidens sunt partes domus, quæ ex illis conficitur, cum extra domum subsistunt. Habent etiam in suo genere naturam perfectam, vt patet de definitione & propositionibus de se notis. Quod si aliquando apprehensiones sint imperfectæ, illa imperfectio est accidentalis, non essentialis, quia non est omnino clara, & evidens rei apprehensio, quales imperfectioes sunt etiam in ipsa tertia operatione. Maior enim vel minor euidencia non facit discrimen essentialia, sed accidentarium.

Dico tertio. Obiectum Logicæ esse operationes intellectus, quæ dirigibiles. Ita S. Thomas initio Peri hermenias. Ocham initio suæ Logicæ. Egidius 1. poster. tex. 27. Ratio est: quia cum Logica sit scientia dirigens operationes intellectus, propria materia, circa quam versatur, erunt operationes intellectus: nam & propter eas est inventa, & nullam aliam materiam habet proximam circa quam versetur, versatur autem circa operationes intellectus non alia ratione nisi eas dirigendo. Ergo sufficienter assignantur pro obiecto Logicæ operationes vt dirigibiles; nam & si multa sint in Logica directiua non dirigibilia, tamen illa tanquam media directionis ordinantur ad operationes vt dirigantur.

Notandum igitur est primò, nos non assignare pro obiecto tres operationes intellectus, sed in communi operationes intellectus: nam tres operationes sunt speciei obiecti Logicæ, non autem ipsum obiectum: obiectum enim scientiæ debet assignari genus aliquod, cuius species, principia, proprietates in illa scientia explicantur, tale genus in Logica sunt operationes in communi; nam licet ad tres operationes omnia quæ ab illis pendent, revocantur; tamen etiam ipsæ habent quid superius ad quod revocentur, tanquam species ad suum genus, nempe operationes intellectus in communi.

*Quod*

Quod si objicias, primam operationem non esse dirigibilem, & ex consequenti non ponendam in numero aliarum operationum dirigibilium: est enim prima operatio simplex apprehensio, in simplici autem apprehensione, nec est veritas, nec falsitas, nec proinde nec error, ubi autem error non est, ibi ac directio locum habet. Respondeo, ut concedamus in prima operatione non esse falsitatem, & errorem, de quo disputatione tertia, questione quinta dicitur, sunt tamen alia vitia & defectus, qui tolli per directionem Logicam debent. Magnum enim vitium apprehensionis est confusio, ab hoc autem confuso modo apprehendendi liberat nos Logica, tradendo rectos apprehendendi modos, per modum generis, speciei, &c. applicando singulorum definitiones & regulas.

*Prima operatio est obnoxia quibusdam vitiis quæ à Logica tolluntur.*

Notandum est secundò pro formali obiecto assignari dirigibilitatem. Dicit autem dirigibilitas respectum quandam conformitatis ad regulas Logicas, secundum quas recte effici possunt operationes intellectus, ita enim accidit in Logica, sicut in aliquibus artibus, quæ ad efficienda sua opera vitiuntur formis quibusdam extrinsecis, & quasi exemplaribus operum, ad quæ deinde sua opera accommodant. Sic in arte fusoria efficiuntur formæ quædam ex luto, vel alia materia, in quas infunditur æs vel stannum, ut efficiatur statua vel campana, vel aliud opus rectum. Ita igitur in Logica, cum ob naturalem conditionem intellectus nostri, res obscure & imperfecte concipiamus, scire non possumus, an rectè vel non, res cognoverimus, nisi adhibeamus formas quasdam & normas rectè apprehendendi, definiendi, dividendi, argumentandi, secundum quas intellectiones nostras examinamus, & expendimus, ut si sint illis cõformes, recte, sin minus, vitiose censendæ sint, hæc autem formæ sunt vel præcepta Logica de modis cognoscendi, vel formæ seu idææ & simulachra operationum, quæ nihil aliud sunt, quàm operationes ipsæ in abstracto, abstrahentes ab omni materia particulari, ut sunt formæ Syllogismorum, definitionum, divisionum.

Duo igitur hic consideranda sunt. Primò rectitudo ipsa intrinseca operationum, quæ est modus quidam earum physicus, secundum quem sunt ab intellectu, & naturali facultate ipsius. Secundò rectitudo Logica, quæ est illa ipsa rectitudo ut facta juxta formas & regulas Logicas. Directio verò operationum est conformatio operationum ad normam & regulam Logicam. Rectitudo enim physica operationum, quatenus inducitur per potentiam physicam, hoc est, per naturalem facultatem intellectus, & actione physica, à physicis principiis procedente, est considerationis physice, & dicitur directio physica; quia est proprietas rei physice, & effectus actionis physice; eadem verò rectitudo physica quatenus inducitur per præcepta Logica, & ad normam & formam Logicam, est considerationis Logicæ, & dicitur directio Logica, ita ut rectitudo physica secundum se sit physice considerationis, secundum conformitatem verò cum præceptis Logicæ, sit considerationis Logicæ, eamque conformitatem seu conformationem, designat dirigibilitas, quæ ponitur pro obiecto formali Logicæ.

*Rectitudo Physica quatenus inducitur in operationes per præcepta logica, est Logicæ considerationis.*

Et quidem in ijs actionibus quas intellectus noster perfectas efficit, ut sunt iudicia & discursus lumine naturali noti, non eget rectitudine Logica, sed physice tantum facit rectas suas operationes, at in alijs omnibus judicijs & discursibus, qui non sunt lumine naturali noti, eget directione Logica, seu conformatione actionum suarum cum regulis & formis Logicis. Ex quo patet rectitudinem physi-

cam operationum, solum accidentaliter & extrinsecè dependere à rectitudine Logica.

Potest autem id aliis quoq; exemplis illustrari. Idem enim opus potest produci & à natura & ab arte, & quatenus à natura producitur, erit naturale & physicum, quatenus ab arte, erit artificiale; ut patet in auro naturali, & arte chymica facto. Aut si Deus infunderet intellectui nostro lumē aut species perfectas, per quas sine regulis Logicis faceret suas operationes rectas, & operationes essent ejusdem rationis cum istis, quæ sunt rectæ ex arte Logica, & tamen essent rectæ solum naturaliter & physicè, quia in sui effectione nō dependent à formis & regulis Logicæ. Itaq; eadem rectitudo operationum est & naturalis & artificialis, naturalis secundum se, artificialis per respectum ad formas, & regulas Logicæ: quod idem in omnibus etiam alijs operibus artificialibus accidit, nam omnes artes inducunt in materiam formam aliquam physicam, quæ est accidens secundum se physicum: verbi gratia, figura arcæ vel scamni, verum ea figura dicitur artificialis, quatenus inducitur per principia & regulas artis, quæ denominatio (ut patet) est mera extrinseca.

*Rectitudo operationum logica activè sumpta dicit præcepta logica.*

*Passivè vero sumpta dicit rectitudinem operationum ut conformem præceptis logicis.*

*Rectitudo passivè non activè sumpta est ratio formalis obiecti Logica.*

*Operationes non subsistant formis seu regulis logicis nisi tanquam principijs effectivis.*

Notandum est tertio, quid sit rectitudo Logica, & quomodo se habeat ad obiectum Logicæ? Et quidem in communi definitur potest rectitudo arte facta; rectitudo enim quæ inducitur per artem & præcepta Logica, est rectitudo Logica. Porro si activè sumatur, dicit præcepta Logica, & formas Logicæ operationum, quibus diriguntur operationes, si verò passivè sumatur, dicit rectitudinem operationum conformem præceptis & formis Logicis, seu ut directam per artem & præcepta Logica. Rectitudo ergo primo modo sumpta non pertinet ad obiectum formale Logicæ, quia præcepta Logica, & formæ operationum habent se extrinsecè ad operationes dirigibiles, per modum enim causæ efficientis efficiunt rectas operationes, unde sunt causa quædam extrinseca obiecti Logici: si verò sumatur secundo modo, tunc præcepta & formæ Logicæ non pertinent ad obiectum, ut ratio formalis obiecti, vel ut pars rationis formalis, sed ut quid essentialiter connotatum à ratione formali, seu tanquam id per ordinem ad quod sumitur ratio formalis: nam rectitudo operationum, non nisi, ut conformiter sit ad regulas & formas Logicæ, est obiectum formale Logicæ, & per hunc respectum ad formam Logicam: per hanc enim connotationem, & respectum rectitudo illa fit Logica, nempe quia fit & inducitur per regulas logicas. Ratio ergo formalis obiecti Logica est rectitudo illa operationum intrinseca quatenus est talis per respectum ad regulas Logicæ.

Quod si objicias, operationes ut subsistant regulis Logicis, sunt obiectum formale. Ergo regulæ ipse sunt ratio formalis obiecti. Respondeo, operationes non subsistere regulis Logicis tanquam rationi formali obiecti, sed tanquam principijs efficientibus directionem. Quod si insites, Logicam considerare formas operationum, nempe formam definitionis, Syllogismi, divisionis, ergo formæ Logicæ sunt obiecta Logicæ. Respondeo, formas Logicæ considerari in Logica, ut instrumentum & media, & causas efficientes directionis obiecti Logici, unde referuntur ad obiectum Logicæ extrinsecè per modum causæ efficientis.

Ex quibus patet rectitudinem passivam non activam pertinere ad obiectum formale Logicæ, quod etiam indicat ipsum nomen dirigibilis, quod significat directionem passivam, nam activa directio spectat ad operationes dirigentes, passiva ad dirigibiles. Obiectum autem Logicæ non sunt operationes dirigentes,

sed

sed dirigibiles. Secundò, directio ætterna in Logica ordinatur ad passivam, tanquam medium ad finem, causa ad effectum, ratio autem formalis obiecti est illa, ad quam cetera ordinantur, ipsa verò non ordinatur ad alia. Tertiò, in scientijs dirigentibus pro obiecto statui debet id quod dirigitur, non id quod dirigit, ut patet tum inductione, tum ratione; inductio est in omnibus artibus, nam obiectum artis statuarie, non est forma illa ficta statuar, per quam statua efficitur, neq; alia instrumenta ad statuarum efficiendam, sed statua formabilis per artem; obiectum medicinæ non sunt phlegmata inducentia sanitatem, sed corpus sanabile per artem, &c. Ratio verò est, quia id quod dirigit, ordinatur ad id quod dirigitur per modum causæ efficientis, vel instrumentalis, quocirca ipsum non est obiectum, sed ordinatur ad obiectum: pari ergo ratione in Logica modi & formæ Logicæ sunt id quod dirigit operationes intellectus, non quod dirigitur, non igitur sunt obiectum Logicæ, sed quid ordinatum ad obiectum Logicæ.

Sed obijci primò. Operationes intellectus secundum omnem considerationem sunt obiectum Physicæ; ergò nullo modo statui possunt obiectum Logicæ. Antecedens probatur: nam imprimis quoad substantiam, sunt Entia physica, sunt enim actus animæ rationalis quæ est forma physica: deinde quoad rectitudinem sunt quid physicum, quia rectitudo illa est modus quidam, & accidens physicum operationum: effectio verò operationum est etiam physica, quia fit virtute physica, & naturali intellectus; nam etiam tunc cum fiunt ex directione Logica, physice fiunt ab intellectu, sicut & aliæ operationes non directæ à Logica.

Respondeo, substantiam & rectitudinem, & effectiorem operationum esse physicam secundum se, nihilominus ars & præcepta Logica non sunt principium rectitudinis physicum, sed inventum ab intellectu, patet hoc in omnibus artefactis: nam in arca non solum materia est physica sed & forma arcæ, & effectio arcæ, quæ fit per potentiam, & vires physicas artificis, nihilominus ut hæc figura procedit ex principijs & directione artis est artificata, cum hoc modo procedere ab arte, non sit illi naturale, sed a intellectu excogitatum, & inventum, & secundum hoc pertinet arca non ad physicam scientiam, sed ad artem fabrillem.

Obijcijs Secundò. Potius operationes directæ statuendæ sunt pro obiecto Logicæ, quam operationes dirigibiles; tum quia operationes dirigibiles ordinantur ad directas, tanquam ad finem, idè enim diriguntur, ut fiant rectæ, id autem statui debet pro obiecto, ad quod alia revocantur; tum quia obiectum debet significari perfecto modo, non imperfecto, operationes autem dirigibiles sunt imperfectæ quoad rectitudinem, rectæ autem sunt perfectæ; tum quia artis edificatoris obiectum non statuitur domus ædificabilis, sed domus absoluta. Deniq; operationes rectæ & dirigibiles conveniunt in vna ratione formali, quia sunt tales per regulas & formas Logicas: Ergo utraq; pertinent ad Logicam, quia pertinent ad vnam rationem formalem obiecti, vel ergo pertinent æquè immediate, vel vna reducetur ad aliam: si primò, obiectum Logicæ non erunt operationes dirigibiles, sed aliquid superius, complectens tam dirigibiles, quam directas: si secundum, cum rectæ non reducuntur ad dirigibiles, sed dirigibiles ad directas, statuendæ erunt pro obiecto Logicæ operationes rectæ.

Respondeo. Cum Logica sit essentialiter habitus directivus inventus propter operationes dirigendas, non propter directas, rectè statui pro eius obiecto operationes

*Operationes  
Intellectus  
quomodo ad  
Physicam spe-  
dent?*

*Operationes  
dirigibiles or-  
dinantur ad  
rectas ut ad  
finem secun-  
darium.*

*Operationes dirigibiles ordinantur ad rectas ut ad finem secundarium.*

nes dirigibiles, non verò directas. Vnde ad primam probationem dico, operationes dirigibiles ordinari ad rectas, tanquam ad finem consecutivum & secundarium. Logica enim docens primò & per se intendit formare & tradere modos dirigendarum operationum, per quos possint fieri rectæ, quocirca considerat illas ut fiunt, non ut factæ sunt rectæ, hoc enim deinde sequitur ut effectus directionis. Ad secundam: obiectum debet significari perfecto modo, qui tamen sit conveniens illi scientiæ; atqui operationes rectæ, non sunt conveniens obiectum Logicæ, sed operationes dirigibiles: quia ut dictum est Logica inventa est ad dirigendas operationes, non ad contemplandas, jam directas, nisi consequenter, ut etiam in omnibus artibus accidit. Ad tertiam: etiam obiectum artis edificatoriæ est domus edificanda, non domus absolutè. Ad quartam, utraq; operationes pertinent ad obiectum Logicæ, sed dirigibiles primariò, & immediatè, quia propter eas inventa est Logica, rectæ verò secundariò & consequenter quatenus eadem regulæ & formæ Logicæ, quum erant in operationibus cum dirigerentur, spectari etiam possunt in factis jam & directis.

Et ex dictis sequitur pro obiecto Logicæ non assignandas esse operationes, quæ diriguntur, aut quæ sunt jam directæ, sed quæ sunt dirigibiles: quia finis & officium proprium Logicæ est, tradere modos & formas efficiendarum seu dirigendarum operationum, ut per eos dirigi possint, applicare autem actu hos modos & formas operationibus, & uti illis, non est Logicæ docentis, sed videntis. Quocirca obiectum Logicæ docentis non sunt operationes, quæ diriguntur, vel directæ sunt, quia a qualis directio ad usum Logicæ, non ad doctrinam spectat, estq; effectus quidam & finis Logicæ secundarius.

*An operationes rectæ in communi sint obiectum Logicæ?*

Sed restat difficultas, An saltem operationes rectæ in communi, abstrahendo à dirigibilibus & directis, à fieri & facto esse, possint statui pro obiecto Logicæ? ita enim videtur quibusdam recentioribus. Primò, quia obiectum scientiæ debet esse quid commune omnibus, quæ tractantur in scientia. Atqui in Logica tractatur tam de dirigibilibus, quam de directis operationibus. Ergo obiectum Logicæ debet utrumq; comprehendere, & esse veluti genus ad utrumq;: tales sunt operationes rectæ in communi. Minor patet: quia per easdem regulas per quas Logicus cognoscit operationem hoc vel illo modo dirigibilem aut dirigendam, cognoscit etiam fuisse bene directam, utpote conformem iisdem regulis Logicis. Secundò, quia operationes rectæ in communi, ut abstrahunt à dirigibilibus & directis, sunt considerationis Logicæ, siquidem à consideratione Logica, quam participant, dicuntur rectæ. Sicut enim operationes dirigibiles ideo sunt considerationis Logicæ, quia substantia rectitudini Logicæ, ita & operationes rectæ in communi, quia à rectitudine Logica dicuntur rectæ, sunt considerationis Logicæ. Porro secundum leges obiecti non genus debet reduci ad speciem tanquam ad obiectum, sed species ad genus, ut auctor est Aristoteles 1. poster. Ergo non operationes rectæ in communi reduci debeant ad dirigibiles tanquam ad obiectum, sed contra dirigibiles ad rectas, sicut species ad genus, pro obiecto enim statuendum est summum aliquod genus scibile habens sub se species. Tertiò explicari & probari id potest exemplo caloris: sicut enim aliud est calorem esse, aliud fieri, aliud factum esse, ita & aliud est operationem esse rectam, aliud dirigibilem; aliud directam; & sicut calor absolute non reducitur ad calorem in fieri, sed contra, ita operatio recta non est reducenda

cenda ad dirigibilem, sed è conuerso. Ex quo sequitur operationes dirigibiles esse vnam tantum speciem obiecti Logicæ, non verò totum, & adæquatum obiectum.

Verum hæc opinio non est admittenda. Primò, quia habitus directiui obiectum adæquatum est dirigibile, cum ergo Logica sit habitus obiecti directiui, eius obiectum adæquatum erit dirigibile. Antecedens probo primò inductione. Etenim intellectui obiectum adæquatum est intelligibile, visui visibile, motui mobile, calefactui calefactibile. Ergo & directiui dirigibile. Deinde habitus practici obiectum adæquatum est agibile vel factibile. Si enim habitus sit activus, versatur circa agibile, si factiuius circa factibile, vt passim docet Aristoteles 6. Ethic. cum ergo habitus intellectiui sit practicus, vel quasi practicus, necesse est eius obiectum adæquatum esse dirigibile, & sicut habitus actiui obiectum non est commune agibili & acto, sed agibile tantum, ita & habitus directiui obiectum, non est directum, vel quid commune dirigibili & directo, sed tantum dirigibile. Adhæc habitus donominatur à suo obiecto, practicus à practico obiecto, Atqui obiectum non est practicum nisi vt substat praxi, seu vt est operabile. Ergo omnis habitus practici obiectum est operabile, hoc est agibile vel factibile, quomodo etiam Aristoteles 6. Ethic. & alibi assignat obiecta habitibus practicis: v.g. Agibile, factibile, eligibile. Similiter & fines eorundem habituum assignat actionem vel factionem. Si igitur proportionaliter de Logica est loquendum, assignari illi debet pro obiecto dirigibile, non rectum in communi.

Et sanè cum in omnibus artibus possit considerari & rectitudo in communi, & rectitudo inductibilis, & rectitudo inducta, nusquam tamen Aristoteles aut quispian alius assignavit arti pro obiecto rectum in communi, sed factibile, quod planè ostendit istorum sententiam, esse sententiæ & doctrinæ Aristotelis munus conformem.

Responderi potest primò. Praxim esse quidem obiectum formale habitus practici, sed non nisi vt illa praxis rectè vel secus fieri potest: cum igitur secundum rectitudinem tripliciter considerari possit, primò vt rectè sit, secundò vt rectè facta est, tertio absolute vt recta, hæc solùm ratione tertiâ est adæquatum obiectum habitus practici, sub alijs verò rationibus particularibus, nempe vt fit, vel vt facta est, est inadæquatum & particulare obiectum eiusdem habitus. Sed hæc responsio & Aristoteli & rationi repugnat. Non enim Aristoteles ignorabat, has tres considerationes, & tamen nusquam assignauit pro obiecto habitus practici rectum in communi, sed tantum agibile vel factibile. Deinde aliud est istas tres considerationes posse fieri absolute, aliud eas fieri ab habitu operatiuo & practico: Habitus enim operatiuus & practicus pro fine proximo & adæquato habet operationem, hoc est actionem vel factionem, non verò considerationem rerum actarum vel factarum. Quocirca ad habitum practicum per se solùm spectat actio vel factio, consideratio verò rerum actarum vel factarum, vel consideratio rectitudinis in communi, non per se, sed consecutiue & reductiue, ac per quandam intentionem spectat ad habitum practicum, vt mox dicam.

Responderi potest secundò. Negando Logicum habitum esse essentialiter directiui, sed rectum: hoc est, cognoscitiuum rectitudinis Logicæ, siue in ordine ad

*Habitus directiui obiectum adæquatum est dirigibile.*



directionem faciendam, siue post directionem iam factam. Et sanè meo iudicio nihil magis consequenter respondere possunt isti autores pro dicta sententia. Verùm neq; hæc responsio admitti potest. Primò, quia evertit receptam definitionem Logicæ, quæ est esse habitum directivum operationum intellectus, & cum aliam essentiam isti Logicæ tribuant, quàm communiter tribuatur, sit vt non de eadem Logica loquantur, de qua est controversia, sed de quadam alia à se conficta. Secundò evertit omnem doctrinam Aristotelis & Peripateticorum de objecto habituum practicoꝝ, omnes enim objectum habitus practici constituant agibile vel factibile, non actum aut factum, vel commune actio & factio, agibile & factibile. Tertiò si Logicæ assignandum est objectum rectum non dirigibile, pari ratione arti & prudentiæ, & omnibus habitibus practicis assignandum esset obiectum rectum abstrahendo ab agibili & factibili, essentq; mutandæ definitiones habituum practicoꝝ, neq; definitiendi essent. Habitus cum vera ratione activi vel factivi, vt definitur Aristoteles 6. Ethic. sed habitus recti abstrahendo ab activo & factivo, ita vt in ordine ad rectitudinem in communi, non verò in ordine ad actionem & factionem definitiendi essent: quod esset omnia perturbare. Ex quo patet rectitudinem in communi posse quidem abstrahi à directione activa & passiva, non tamen posse assignari pro obiecto habitus practici: non enim rectitudo in communi est obiectum habitus practici, sed rectè agibile vel factibile, neq; habitus practicus considerat rectitudinem in abstracto sed practicam, id est, in opere ponendam vel ponibilem.

*Rectitudo in communi non potest assignari pro obiecto habitus practici,*

Secunda ratio propter quam admitti non debet hæc sententia est, quia finis & obiectum in practicis coincidunt ex communi sententia. Distinguit enim Aristoteles practicum & speculativum, ex fine: speculativi enim finis est veritas practici operis, seu actio vel factio, qui enim fines sunt simul obiecta tam speculativi, quàm practici. Cum igitur habitus directivus sit practicus, vel quasi practicus, finis eius erit actio vel factio, seu directio operationum, ac ex consequenti directio per modum actionis erit planè formale obiectum habitus directivi, non igitur rectè statuitur obiectum abstrahens à directione.

Quod si obijcias Aristotelem docere 1. magn. moral. c. vlt. in habitu activo non esse alium finem, præter actionem, in factivo verò præter factionem dari alium finem, nempe opus effectum per factionem, vt est domus post ædificationem relicta. Respondeo, habitum factorum finem non esse efficere nudam factionem, sed opus permanens post factionem, verùm illud opus non est finis, nisi mediante factione, & quatenus ex factione sequitur, & sic non repugnat præter factionem dari finem alium à factione distinctum, qui tamen sit factionis effectus, & quatenus ex factione consequitur spectet ad habitum factivum. Quare domus vt domus est finis habitus practici vt factionem consequitur, & est subordinatus factioni, tanquam proximo & principali fini, is enim ex quo alij dependent & consequuntur, dicitur principalis finis. Talis finis artis: v. g. ædificandi est ædificatio, in hoc enim consequendo totum laborem & artificium suum ponit, eoq; acquisito consequuntur sine alio novo artificio & labore artis, alij fines, nempe habitatio, vel lucrum, &c. quinquam Logica cum non relinquat opus post se, non habet talem finem, qui sit à directione distinctus.

*Operationes recte non per se sed reduciunt sunt obiectum Logicæ.*

Tertia ratio. Quia operationes directæ non sunt per se & primum obiectum Logicæ, sed reductivè & secundariò. Primò, quia circa operationes directas non habet

habet Logica actum nisi reflexum, quo cognoscit illas operationes rectè à se factas fuisse. Cum igitur solus actus directus circa obiectum per se & primariò spectet ad quemlibet habitum, actus vero reflexus non nisi per accidens & secundariò, consequens est etiam obiectum actus reflexi per accidens & secundariò, spectare ad habitum Logicum, proinde non debere poni ut speciem obiecti Logici, sed ut quid reductivè se habens ad obiectum. Confirmatur. Quia habitus directus & reflexus sunt distincti specie, cum habeant distincta specie obiecta: nam directi obiectum est res quæ cognoscitur, reflexi obiectum est ipsa cognitio rei: unde habitus directus per se ipsum & per suos actus non potest reflectere se, sed per alium habitum adiunctum, ac proinde per accidens, ut docetur in libris de Anima. Deinde nulla scientia per se loquendo habet pro obiecto suo scipsam, & actus suos, sed tantum obiecta suorum actuum, Ergo nec ad Logicam per se spectat reflectere se supra suos actus, hoc enim esset habere scipsam pro obiecto. Quocirca & Aristoteles 1 phys. l. 8. negat scientiam particularem probare posse principia sui obiecti, sed id vel ad alteram scientiam vel ad communem spectare, communem intelligendo Logicam vel Metaphysicam, quæ habent obiecta universalissima, sub quibus obiecta aliarum scientiarum particularium comprehenduntur. Quare scientijs particularibus negat Aristoteles hos actus reflexos. Tertiò, operationes non cognoscuntur esse rectè factæ, nisi per ordinem ad directionem præcedentem: quia enim domus dum fieret, rectè & secundum regulas artis fiebat, idcirco etiam postquam facta est, dicitur recta, neq; ad id novo artificio opus est, sed solum extensione artis, quæ est de directione, cum ergo per accidens sit scientiam extendi & applicari ad opus jam factum, fit ut per accidens etiam spectet ad Logicam consideratio operationum directarum, per se verò solum spectet directio ipsarum, in fieri. Nam ut dictum est, cognoscuntur esse rectè factæ, per illam eandem scientiam, quæ est de directione, extensam & applicatam ad opus factum. Quartò, id quod consequitur ad aliquod obiectum, non ponitur per se pro obiecto principali, neq; tanquam species illius obiecti, sed reducitur ad obiectum, ut quid consequens ad ipsum. Sic proprietates physicæ non statuuntur pro obiecto physicæ, nec enim sunt corpus naturale, aut species illius, sed reducuntur ut proprietates consequentes corpus naturale, cum igitur esse directum consequatur ad directionem, sicut factum esse ad fieri, actio enim est quodammodo causa sui termini, qui per eam fit, operationes directæ non debent poni tanquam obiectum per se Logicæ, sed reduci debent ut quid consequens ad obiectum.

*Nulla scientia habet pro obiecto seipsam.*

Ad primum argumentum primæ sententiæ Respondeo. Operationes directas non spectare per se ad obiectum Logicæ, sed consecutivè & reductivè ut dixi, tum quia consequuntur ad directionem, tum quia non alia scientia sciunt præterquam scientia de directione, extensa & ipsis applicata, non ergo possunt spectare tanquam species obiecti, distinctæ enim species obiecti fundant distinctas species scientias, directæ autem operationes sciuntur per eandem scientiam quæ est de dirigibilibus. Cum verò dicitur obiectum scientiæ comprehendere omnia quæ tractantur in illa scientia, distinguendum est de modo comprehendendi: quædam enim per se comprehenduntur, ut sunt species obiecti, de quibus obiectum in Quid prædicatur, quædam verò consecutivè, ut sunt ea quæ consequuntur ad obiectum, nec sunt idem cum ipso, ut sunt affectiones & proprietates obiecti,

quo etiam modo operationes ut directæ, sunt quid consequens ad directionem, & effectus quasi quidem directionis.

*Logica rectitudinem præcedit considerationem.*

Ad Secundum respondeo. Rectitudinem in communi abstrahentem à fieri & facto esse non esse per se considerationis Logicæ, sed reductivè; quia Logicus non quocumque modo considerat rectitudinem, sed practicè, vel quasi practicè, hoc est, ut factibilem, & inducibilem in operationes, idque Logicæ commune est cum omnibus habitibus practicis, qui non habent pro obiecto rectitudinem in communi, sed rectitudinem agilem vel faciibilem. Pertinet igitur rectitudo illa ad Logicam per modum principii constituentis obiectum Logicæ, verè enim rectitudo illa ut subiicitur praxi vel operationi, intrat & constituit obiectum formale Logicæ. Dicimus autem rectitudinem in communi abstrahere à fieri & facto esse, non ea abstractione, qua genus abstrahit à speciebus, rectitudo enim in fieri & in facto esse, est una & eadem specie, sed est abstractio rei à modis, ad eum modum quo abstrahimus calorem à fieri & facto esse, non tanquam genus à speciebus, sed tanquam eandem rem à suis modis accidentalibus.

Ad Tertium. Secundum diversas considerationes potest vnum reduci ad aliud, & illud aliud reduci ad ipsum. Rectitudo ergo si consideretur ut res quædam, & fieri ac factum esse ut modi quidam ipsius, sic fieri & factum esse reducuntur ad rectitudinem, ut modi ad rem cuius sunt modi, si verò consideretur rectitudo in ordine ad obiectum practicum constituendum, sic rectitudo reducitur ad operationes dirigibiles per modum principii formalis illas constituentis in ratione obiecti practici, vel quasi practici, rectitudo enim ut faciibilis est obiectum practicum.

*Esse fieri distinguatur ab esse facto.*

Noto autem in iis actionibus, in quibus relinquitur opus aliquod post actionem, distinguere esse fieri & factum esse, ut patet in calore, qui habet suum esse, extra fieri & factum esse, & in domo cuius esse manet transacta ædificatione. At in iis actionibus quæ non relinquunt opus post se, idem est fieri & esse, quia non sunt nisi cum fiunt, & in fieri consistunt: sic esse saltationis est fieri, tunc enim est cum fit, & quando fieri desinit, desinit esse; talis etiam est rectitudo operationum, quæ tunc solum est à parte rei cum fit, sicut & operationes ipsæ in fieri consistunt, & non sunt nisi dum fiunt.

## QVÆSTIO II.

*An Entia rationis sint necessaria ad operationes intellectus dirigendas?*

*Partis negativæ. Arg. 1.*

**Q**uidam recentiores Entia rationis à tota Logica omnino rejiciunt. Si enim ad Logicam pertinerent, id esset propterea, quod ad dirigendas operationes intellectus essent necessaria. At non sunt, inquit necessaria, imò nec utilia, Ergo non spectant ad Logicam. Minorem probant Primo, quia nec Aristoteles, nec veteres illi Philosophi, qui de rebus Logicis tractarunt, ullam mentionem Entium rationis fecerunt; Recentiores verò plurimi, post accuratam rei discussionem, ea explodunt.

exploferunt, & in Logica regulas & præcepta de modis realibus rectè cognoscendi, non de modis à ratione excogitans tradiderunt.

Secundò, quia quæ in Logica tractantur de proprietatibus rerum, quæ rebus conveniunt ab intellectu, ea non per entia rationis, sed per denominationes extrinsecas, à tali vel tali cognitione, verè & sufficienter explicari possunt: v.gr. esse prædicatum vel subiectum est, denominari ab actu intellectus prædicantis & subiacentis, esse genus vel speciem, est tali vel tali ratione cognosci ab intellectu: quo fit ut non relinquatur locus Entibus rationis.

Tertiò: quia Entia rationis sunt inepta ad dirigendas operationes intellectus; non enim idèò operatio est recta, quia habet talia Entia rationis, sed idèò habet Entia rationis debita operationi rectæ, quia ipsa est recta, idq; non solum ex natura rei loquendo, sed etiam quoad nos: nos enim non aliunde cognoscimus Entia rationis recta, nisi quia debentur operationi rectæ, & ea postulat operatio recta: prius ergo cognoscimus naturam operationis rectæ, tum inferimus talia Entia rationis deberi rectæ operationi, ita ut rectitudo Entium rationis, tota pendeat, tam secundum se, quàm secundum nos à rectitudine operationum: quare melius est, ut de rectitudine ipsius operationis secundum se præcepta in Logica dentur, quàm de rectitudine Entium rationis.

Quod si quis dicat, sicut rectitudo styli ex rectitudine vmbrae cognoscitur, licet rectitudo vmbrae causetur à rectitudine styli, & pendeat ab illa, ita ex rectitudine entium rationis cognoscitur rectitudo operationis. Contra, nunquam potest explicari rectitudo Entium rationis, nisi explicetur prius rectitudo operationum: verbi gratia, recta propositio est illa, non cuius termini habent relationem prædicati & subiecti, sed in qua tribuitur id, quod rei natura postulat; imò illud si dicatur, debet probari per hoc: idèò enim convenit terminis rectitudo prædicati & subiecti, quia id natura rerum ipsarum postulat, quare non potest rectitudo Entium rationis adhiberi ad rectitudinem operationum demonstrandam. Neq; exemplum styli & vmbrae id probat, nam est magnum discrimen inter Ens rationis & vmbrae; in vmbra enim rectitudo facilius animadvertitur, cum per planum fundatur, quàm in stylo. At rectitudo Entium rationis est obscurior, & probari debet per rectitudinem operationum.

Quartò, tam præcepta Logica, quàm operationes ipsæ considerantur in Logica sine vilo respectu ad Entia rationis, verbi gratia, propositio non definitur, quæ rectas habet relationes prædicati & subiecti, sed in qua vnum de altero enunciat, ita ut natura rerum postulat. Syllogismus etiam non definitur is, ad quem rectæ relationes, maioris, minoris, & medij termini consequuntur, sed in quo quibuscumque positis, necesse est aliud evenire.

Ex quibus inferunt verum modum dirigendi operationes intellectus esse, quem tradit Boëtius initio Porphyrij: à se translati. Homines primum advertere ceperunt se aliquando errare, aliquando errare, idq; adverterunt ex conformitate suorum discursuum, cum experientia rerum sensatarum, & cum consensu aliorum hominum præcipuè prudentiorum. Observabant igitur modum, quem in suis discursibus tenebant, & quid illis deesset, quos malos comperissent, atq; ita notando proprietates boni discursus, & effectus mali, facta est universalis observatio modi & proprietatum boni discursus.

*Entia rationis  
sunt necessaria  
ad directionem operati-  
onum.*

Opposita sententia est aliorum, qui dicunt Entia rationis omnino necessaria esse rebus Logicis, & ad operationes intellectus dirigendas, quam sententiam hæcenus in Scholis fuisse communem testatur Ruvius in questione de obiecto Logicæ. Pro qua notandum est, eam esse imperfectionem nostri intellectus, vt vix aliquod cognoscamus, nisi sub aliquo modo rationis, hoc est, sub aliqua negatione, vel relatione, quæ non nisi per rationem existit, si haberemus cognitionem rerum perfectam, vt Angeli, hoc est ad æquatam rebus, ita vt totam tenu, & eo modo quo in se est, vno iunctu penetraremus, non essemus ita subditi entibus rationis in cognitione; at quia imperfectè res cognoscimus, hoc est limitatè & inadæquatè, diuidendo vnā rem in multos conceptus, ex hac limitatione conceptuum, provenit primò, vt res sub certis abstractionibus concipiamus, longè aliter quàm sint in re; quæ enim sunt in re coniunctæ, nos per conceptum disjungimus, abstrahendo vnum ab alio, & vnum sine alio considerando, animal, verbi gratia, in homine concipimus, abstrahendo à rationali, licet in re sit idem cum rationali, accidens secundum se in abstracto cogitamus, nihil cogitando de subiecto. Porro hæc abstractio quamvis, vt se tenet ex parte intellectus, est actio realis intellectus, abstrahentis & considerantis vnum sine alio, tamen vt se tenet ex parte objecti, est Ens rationis: objectum enim abstractum, dicit negationem & exclusionem eorum à quibus abstrahitur, quæ negatio solùm per intellectum rebus convenit, & idcirco est Ens rationis.

*Intellectus hu-  
manus in 2. &  
3. operatione  
res concipit  
secundum ha-  
bitudines ra-  
tionis.*

Sequitur secundò, quòd cum intellectus res sic limitatè conceptas coniungit inter se in secunda vel tertia operatione, concipit illas secundum quasdam habitudines, quas vt sit: conceptæ & abstractæ habent, nempe sub habitudine prædicati vel subiecti, generis vel speciei, antecedentis vel consequentis, quæ habitudines cum converiant rebus, non vt existunt in re, sed vt sunt conceptæ ab intellectu, sunt proculdubio rationis, non reales: verbi gratia, cum intellectus vult prædicare animal de homine, non temerè id facit, sed propter habitudinem, quam videt in animali sic concepto & abstracto ad hominem, quæ habitudo est generis & prædicati, cum verò ista habitudo conveniat animali non vt in re existit, sed vt est abstractum per intellectum à singularibus, idcirco non est realis, sed rationis: quæcunque enim conveniunt rei vt est concepta ab intellectu, sunt Entia rationis: nam quod dicitur ex natura rei convenire animali, vt possit tribui homini, distinguendum est, animali enim vt concepto per intellectum, non autem absolutè vt est extra intellectum, convenit vt possit tribui homini, seu ex natura animalis sit concepti & abstracti convenit ei posse prædicari de homine, quod quid aliud est, quàm animali, vt substat tali modo essendi in intellectu, convenire vt prædicetur.

*Neceffitas  
Entium ratio-  
nis in Logica.*

Hoc igitur fundamento posito, Dico primò. Entia rationis esse rebus Logicis necessaria: necessarium enim est Logicæ scire modos concipiendi, sub quibus res concipit & cognoscit intellectus noster; hoc enim est præcipuum Logicæ obiectum; atqui intellectus noster ob imperfectam & limitatam suam cognoscendi rationem, nihil ferè cognoscit, nisi sub aliquibus modis rationis, vt dictum est: nam limitatè cognoscendo, partim disjungit, quæ sunt in re coniunctæ, partim coniungit res, sic disjungit conceptas per prædicationem & illationem. Vterq; autem modus est rationis, prior quidem est abstractio, posterior relatio fundata in re, vt concepta est ab intellectu: necessarium ergo est in Logica cognosci

Entia

entia rationis, ita ut sine illis nihil præstari in Logica possit: nam & operationes quæ debent dirigi, propter limitatum earum modum cognoscendi, non possunt nisi sub certis modis rationis considerari, & media ad illas dirigendas, hoc est, regulæ Logicæ consistunt in explicatione, & definitione horum modorum rationis. Quare cum tria sint in qualibet scientia, subiectum de quo fit demonstratio, proprietates quæ demonstrantur de subiecto, causa per quam tales proprietates de tali subiecto demonstrantur, hæc omnia in Logica sub certis modis rationis considerantur: verbi gratia, syllogismus consideratur, ut constet ex terminis certo modo abstractis, & certum inter se respectum habentibus, Prædicati, subiecti, maioris, minoris, mediæ, antecedentis, consequentis. Hi enim respectus cum sint respectus rerum conceptarum quatenus conceptæ sunt, sunt respectus rationis. Similiter syllogismus consideratur, quod sit in modis primæ, secundæ, & tertiæ figuræ, quæ omnia involvunt etiam modos rationis. Conclusio etiam dicitur habitudinem ad præmissas, quæ habitudo cum sit respectus rerum sub certis modis rationis conceptarum, ad alias res, sub certis eisdem modis conceptas, est proculdubio habitudo rationis. Non dico autem conclusionem esse Ens rationis (est enim actus realis intellectus concludentis) sed necessariò fieri sub certis modis rationis, sub quibus terminis tam secundum se, quam in ordine ad alios terminos concipiuntur. Denique principia syllogismorum sunt illa duo, Dico de omni, & Dico de nullo, seu principium aliud, omne quod prædicatur vel negatur de prædicato, prædicatur vel negatur de omni eo de quo prædicatum illud affirmatur, in quo principio manifestum est considerari modos rationis prædicandi & subiiciendi. Idem etiam ostendi potest de alijs operationibus intellectus, ut de definitione, quæ ut tractatur à Logico, debet constare ex genere & differentia, habitudo autem generis & differentię conveniri rei, non ut est extra intellectum, sed ut est concepta ab intellectu. In enuntiatione etiam ut à Logico consideratur, debent concipi termini sub ratione prædicabili, subiicibili, & sub ratione copulæ, qui modi sunt entia rationis, cum convenient rebus, non ut sunt à parte rei, sed ut sunt conceptæ ab intellectu.

Dico secundò. Per Entia rationis dirigi operationes intellectus. Ratio est, quia operationes intellectus tunc diriguntur, quando explicatur modus debitus operationum, quo fieri debent, atque modi operationum nostrarum, sunt modi quidam rationis, nempe varij modi abstrahendi & conferendi res abstractas inter se, ergo dum hi modi rationis explicantur in Logica, diriguntur operationes intellectus. Nam quod dicitur modos istos convenire rebus propter naturam rerum conceptarum, id verum est fundamentaliter, formaliter enim per intellectum conveniunt. Neque verò cum dicimus entia rationis dirigere operationes intellectus, id eo sensu accipimus, ut quicumque conceperit aliquod Ens rationis, statim eo ipso cognoscat, quæ sit recta operatio, quod prior sententia dicebat, sed quod, cum omnes operationes nostræ fiant cum certis modis rationis, eæ dirigi non possunt, nisi cognoscantur & explicentur illi modi rationis; & in hoc consistit tota necessitas Entium rationis ad dirigendas operationes.

Dico terciò. Entia rationis ad Logicam pertinent, quatenus dirigunt operationes intellectus, ad alias verò scientias alijs modis; ad Metaphysicam quidem, ut sunt quædam entia, est enim Metaphysicæ proprium Ens ut Ens considerare, ac ex consequenti omnia Entia sub ratione Entis. Ad Physicam autem ut ab intellectu fieri possunt.

Porro

*Solvuntur argumenta 1. sententia. Veteres Philosophi meminerunt Entium rationis,*

Porro ex his facile est respondere ad argumenta primæ sententiæ. Ad primum: tam Aristotelem, quam omnes Philosophos veteres, cum de rebus Logias tractarent, meminisse Entium rationis: adhibuerunt enim semper terminos significantes Entia rationis, ut Genus, Speciem, Definitionem, Divisionem, figuras syllogisticas, Prædicatum, subiectum, maiorem, minorem, medium terminum, quæ omnia sunt res conceptæ sub modis rationis. Quod verò ad nomen Entis rationis attinet, Aristoteles illud vocat Ens in anima, quem sequuntur Græci, Arabes autem, ut Avicenna & Averroes vocant secundas intentiones. Latini communiter vocant entia rationis. Illi verò recentiores qui entia rationis reiecerunt, non accurate rem considerant: negare enim entia rationis, est negare, intellectum cognoscere res sub his modis: qui solum in intellectu existunt, & à parte rei non conveniunt rebus, sed ut conceptæ sunt ab intellectu, quod negare cum absurdum sit, idcirco non nisi absurdissime Entia rationis negari possunt. Deinde negari non potest præcepta Logica esse de modis abstrahendi, & de rerum sic abstractarum diversis inter se habitudinibus Prædicati, subiecti, antecedentis, consequentis, &c. quæ esse Entia rationis, patet, quia tales modi conveniunt rebus non ut in se sunt, sed ut conceptæ sunt, & ex vario modo concipiendi oriuntur.

*Denominationes ab actu intellectus duplices.*

Ad secundum respondeo. Denominationes ab actu rationis esse duplices; aliz sunt, quæ solum fundant, non autem intrinsecè dicunt modos illos rationis, & tales denominationes fieri possunt sine Entibus rationis: verbi gratia, esse rem cognitam, volitam, imaginatam, sufficienter intelligimus per denominationem extrinsecam ab actu cognitionis, volitionis, imaginationis, idè, antequam intelligamus relationem cogniti, voliti, imaginati: Licet enim cognitio fundet relationem cogniti, tamen prius est rem cognosci, quam dicere relationem ad cognoscentem, imò relatio cogniti nisi fuerit apprehensa ab intellectu, non conveniet obiecto cognito formaliter, sed tantum fundamentaliter. Aliæ verò sunt denominationes, in quibus intrinsecè continentur modi quidem rationis, convenientes rei cogniti, siue sint negativi, siue relativi, ut cum dicitur natura abstrahi, prædicari, subijci, tales igitur denominationes non possunt intelligi sine modis rationis, quia cognitiones à quibus fiunt hæ denominationes, includunt intrinsecè istos modos. Sunt enim hi modi obiecta cognitionum illarum, à quibus fiunt denominationes, & pertinent eo modo ad cognitiones illas, quomodo pertinent specificantia ad actum quem specificant: verbi gratia, denominatur natura abstracta à cognitione, quæ cognosco naturam sine singularibus, huius cognitionis obiectum formale est, modus illi obiectivus naturæ existens in intellectu, sine singularibus. Licet enim natura illa sic cognita possit denominari abstracta per denominationem extrinsecam, à cognitione quæ cognoscitur esse abstracta, tamen quia obiectum huius cognitionis est modus obiectivus existendi in intellectu sine singularibus, idcirco cum denominatione extrinseca involvitur simul modus ille rationis: & sic non solum entia rationis per tales denominationes non excluduntur sed etiam inferuntur & stabiliuntur magis, siquidem ex cognitione inferitur necessario obiectum talis cognitionis: at modi rationis sunt obiecta talium cognitionum denominantium, ergo ex illis inferuntur necessario tales modi rationis. Idem est dicendum de denominatione universalis, prædicati, subiecti, quia hæ denominationes fiunt à cognitione, cuius obiectum est universalitas, vel habitudo prædicati, aut subiecti, qui sunt modi rationis; similiter de alijs juxta ea, quæ dicta sunt in disputatione præcedenti.



Ad tertium Respondeo. Rectitudinem operationum pendere ex entibus rationis, siquidem operationes nostræ non sunt à nobis nisi sub certis modis rationis. Cum autem dicitur prius operationes esse rectas, quam sint recta Entia rationis, negandum id est, quia non datur operatio recta sine Entibus rationis; ut enim dictum est, operationes nostræ non efficiuntur à nobis nisi sub certis modis rationis. Vnde falsum etiam est prius nos cognoscere operationem esse rectam, tum deinde entia rationis esse recta; quia operatio illa in se non est recta, nisi cum modo rationis, quare neque cognoscitur recta nisi cognoscatur recta cum tali modo rationis, sumitur enim cum modo, non sine modo, cum dicitur recta.

Quod si dicas, rectitudo regularum Logicarum profecta est ex operationibus rectis; ideo enim statuerunt Logici definitionem consistere debere ex genere & differentia, quia ita invenerunt inductione in definitionibus rectis; ergo prior est rectitudo operationum, quam entium rationis dirigentium.

Respondeo, verum quidem esse, regulas Logicas, & Entia rationis Logica, accepisse suam primam rectitudinem ex aliquibus operationibus rectis, quarum nimirum rectitudo erat clarissima & indubitata, at illæ quoque operationes rectæ non erant sine modis rationis: imò in illis clarissime illi modi rationis apparebant, & ideoque fuerunt regulæ & exempla aliorum. Porro dupliciter nos possumus cognoscere aliquam operationem esse rectam; Primum à priori ex natura operationis, qui enim cognosceret naturam operationum, cognosceret etiam eo ipso, qui modi rationis, & quæ rectitudo illis conveniat. Secundo à posteriori per regulam extrinsecam: quia enim natura operationum nostrarum nobis ignota est: idcirco ad earum rectitudinem vimur præceptis & regulis Logicis. Quamvis igitur si rerum naturas perfecte cognosceremus, prius cognosceremus operationes rectas, quam aliquam regulam extrinsecam operationum rectam, tamen quia tali modo res non cognoscimus: prius debet nobis esse nota regula aliqua extrinseca, & eius rectitudo, quam rectitudo ipsarum operationum, siquidem ex rectitudine regulæ devenimus ad rectitudinem operationum. Et sic à priori quidem verum est idcirco tale Ens rationis convenire operationi, quia ita eius natura postulat, à posteriori tamen, & quoad nos talis operatio fit à nobis recta cum tali modo rationis, quia talibus Entibus rationis & regulis conformatur, & licet ut regulæ Logicæ applicatur operationibus, debet saltem in confuso cognosci natura operationum, non enim cuilibet operationi applicari possunt, tamen rectitudo tota operationis non ex illa confusa cognitione operationis, sed ex regula ipsa applicata operationi sumitur: in regula enim continentur expressè illi modi, qui inesse debent operationi.

Ad quartum respondeo. Præcepta logica esse de operationibus sub certo modo rationis factis, v.g. præcepta definitionis sunt de operatione intellectus concipientis genus & differentiam rei definitæ. Et quidem conceptio generis, est conceptio naturæ sub modo abstracto, & sub habitudine genetica: conceptio itidem differentie est conceptio gradus specifici & abstracti ab alijs gradibus, qui modi conceptionum proculdubio sunt Entia rationis, cum convenient rebus ut sunt objectivè in intellecta. Idem dicendum est de Syllogismo, quem Logici considerat, ut continet terminos & propositiones sub certis habitudinibus Prædicari, subiecti, maioris, minoris, medij, Antecedentis, consequentis. Quare cum dicitur enun-

*Operationes non prius sunt rectæ quàm recta sint Entia rationis.*

*Rectitudo operationum duobus modis cognosci potest.*

*Præcepta logica de operationibus sunt sub modis rationis.*

ciationem definiri, in qua vnam de altero enunciat, ut natura rei postular, respondendum est, in tali definitione, etsi non in actu signato, tamen in actu exercito poni modos rationis: vnum enim de altero enunciat, intellectu vnum concipiente cum habitu ad alterum subiecti aut prædicati. Similiter in definitione syllogismi, cum dicitur in quo quibusdam positus aliud sequitur, dicimus includi habitudinem antecedentis & consequentis, quæ cum sit habitudo rerum ut conceptuum, non est habitudo realsed rationis.

Iam verò cum inferunt ex Boetio præcepta Logica ex observatione & experientia, nos id non negamus, imò libenter admittimus: vno addito, quòd hæc experientia & observatio fuerit circa operationes, cum modis rationis factas; verbi gratia, circa operationem definitivam, aut Syllogisticam, quæ sine dubio cum modis rationis fit ab intellectu, ut dictum est; & licet primi observatores forte non cogitarent explicitè de Entibus rationis, tamen revera & in actu exercito cogitarent de illis modis, qui verè sunt modi non reales, sed rationis.

At obijciunt primò, Ad dirigendas operationes æquius est ponere pro exemplo operationem realem rectam, quæ sit idea quædam & exemplar cæterarum, ideam, verbi gratia, definitionis, Syllogismi, divisionis, tunc autem quid opus erit entibus rationis? Quasi verò possit operatio recta, vel fieri vel pro exemplari poni sine modis rationis: imò si quæ debet esse idea & exemplar Syllogismi verbi gratia, vel definitionis, ea perfectissimè debet in se complecti omnes modos rationis, quos Syllogismus requirit, & sine quibus non concipitur, ut ad eam similitudinem omnes alij Syllogismi instituantur: ex quo patet, quòd siue dicantur operationes dirigi per præcepta, siue per operationem realem perfectissimam instar ideæ, nunquam excluduntur modi rationis, cum tales modi sint obiecta tam operationum, quam præceptorum, ut dictum est.

Obijciunt secundò. Potest esse syllogismus rectus sine modis rationis; Ergo potest cognosci rectus sine modis rationis. Antecedens probatur, si enim faciam hunc syllogismum, omnis homo est animal, Petrus est homo, Ergo Petrus est animal in tali syllogismo faciendo nihil cogito de modis rationis, intellectu autem non cogitante non existunt modi rationis, Ergo potest fieri syllogismus rectus sine modis rationis. Nam, verbi gratia, illæ habitudines Prædicati, subiecti, maioris, minoris, medij, antecedentis, & consequentis, non cogitantur cum sit syllogismus.

Respondeo Primò. Habitudines illæ licet explicitè & in actu signato non concipiuntur dum fit syllogismus, concipiuntur tamen implicitè & in actu exercito, quia verè vnus terminus in ordine ad alium cognoscitur, secundum quandam habitudinis modum, id verò satis est, ut operationes nostræ dicantur fieri sub modis rationis: nam tunc cognosci eo modo, quo fiunt non poterunt, nisi cognoscantur hi modi, sub quibus fiunt in actu exercito.

Respondeo secundò. Etiam si hi modi tunc cum fit syllogismus non existerent, nisi fundamentaliter (quod tamen non concedo) tamen cum deinde ab intellectu in Logica cognoscantur formaliter, tunc actu existunt per modum entium rationis. Porro necesse est ad cognoscendum modum rectæ operationis, cognoscere modos illos etiam fundamentaliter existentes, quia verè sub illis fit operatio, ita ut accedente postea intellectu, necesse sit tales modos in ea concipi actu; tali enim modo operationes nostræ efficiuntur à nobis, ut non possint ab intellectu cognosci,

*Nulla operatio intellectus potest fieri recta sine modis rationis.*

*Habitudines rationis cognoscuntur dupliciter.*

noſci, niſi ſub modis rationis, invenit enim intellectus fundamentum talis cognitionis, & ſecundum fundamentum illud procedit in cognoscendo.

## QVÆSTIO III.

*An Ens rationis directivum operationum ſit  
obiectum Logica?*

**S**Vnt duæ celebres ſententiæ. Vna veterum, dicentium operationes intellectus dirigi per Entia rationis, & ex conſequenti Ens rationis quæ directivum eſt, eſſe obiectum formale Logicæ. In hac ſententia eſt D. Thomas cum ſuis, in 4. Metaphyſicæ, lectione 4. Altera eſt recentiorum, dicentium operationes intellectus dirigi per veras operationes reales, & per cognitionem proprietatum realium ipſarum, & modorum, non per Entia rationis: Si enim explicantur proprietates reales recti diſcurſus, quis non videt ad eam formam recti diſcurſus, poſſe accommodari & dirigi alios noſtros diſcurſus, ſine ullo auxilio Entium rationis? plus enim ad hunc finem faciunt modi reales operationum, quàm non reales & ficti.

Nos verò ſuppoſitis iis, quæ quæſtione præcedenti de Enum rationis neceſſitate docuimus. Dicimus Primò, Logicam dirigere operationes intellectus tradendo formas & normas rectarum operationum ſub modis rationis: verbi gratia, formam rectæ definitionis, recti ſyllogiſmi, recti conceptus, generis vel ſpeciei, & ſimilium. Hæc conſeſſio eſt certa, nihil enim aliud in Logica traditur, quàm formæ variorum operationum intellectus, definitionis, diviſionis, argumentationis, &c.

Quod ſi quæras quid ſint iſtæ formæ? Reſpondeo eſſe operationes ipſas reales ſub certis modis rationis factas, abſtrahentes ab omni determinata materia: verbi gratia, forma definitionis eſt operatio definitiva conſtans genere & differentia, nulli materiæ applicata; forma ſyllogiſmi eſt operatio intellectus conſtans ex terminis & propoſitionibus cum talibus proprietatibus & modis, quales requiruntur ad ſyllogiſmum ſecundum præcepta Logica: hæc igitur formæ cum deinde applicantur operationibus in certa materia, verbi gratia, in materia Phyſica, vel Metaphyſica, dirigunt operationes. Sunt etiam formæ Logicæ præcepta ipſa ſeu dictamina de modis variis res concipiendi.

Dico ſecundò. Formæ Logicæ rectarum operationum includunt neceſſariò modos rationis. Ratio eſt. Quia formæ operationum ſunt proportionatæ ipſis operationibus; at oſenſum eſt, omnem fere cognitionem ab intellectu noſtro effici ſub modis quibuſdam rationis, hoc eſt, ſub variis modis abſtractionum, & rerum abſtractarum habitudinibus, ergo & formæ operationum, ſeu cognitionum noſtrarum includunt eoſdem modos rationis, per modum exemplaris vel regulæ.

Dices. Nihil nos cogitare de Entibus rationis cum de rebus diſcurrimus. Reſpondeo modos iſtos rationis eſſe duplices, alii ſunt negativi, ut modi abſtractionum, & hi conveniunt cognitioni, & eam afficiunt, etiam ſi non apprehendantur explicite, cum illorum eſſe ſit non eſſe, ut præcedenti diſputatione docuimus. Alii ſunt poſitivi, ut ſunt habitudines rerum conceptarum, & de his modis non poſſumus non cogitare, ſive cum de rebus diſcurrimus, & res conceptas inter ſe variè con-

*Formæ logicæ  
neceſſariò in-  
cludunt modos  
rationis.*

ferimus: tunc enim in actu exercitio habitudinem, quam inter se habent cognoscimus, sive cum nos supra cognitionem nostram refleximus, & explicite omnes habitudines terminorum cognoscimus, uti fit in Logica, tunc enim modi & habitudines istæ, sunt objectum formale talis cognitionis, ut cum concipio naturam sub modo universalis, generico, specifico, prædicabili, subijcibili, &c. Quocirca si Logicæ munus est explicare modos & proprietates nostræ cognitionis, necessarium debet in explicatione modorum rationis versari, quia sub his modis efficitur omnis nostra cognitio; nam quod hi modi aliis viis salvari non possint, satis ex præcedenti quaestione apparet.

*Objectum Logica secundum D.Th.*

Dico tertio. Probabiliter statuitur à D. Thoma Ens rationis directivum operationum intellectus pro objecto formali Logicæ. Hujus conclusionis probabilitas pendet à duobus. Alterum est Ens rationis esse directivum operationum; alterum, supposito quod sit directivum spectare ad rationem formalem objecti. Quod igitur Ens rationis sit directivum patet ex ratione allata, quia cognitiones nostræ, cum fiant sub certis modis rationis, non possunt dirigi, nisi explicatis modis rationis, quod etiam inductione patet. Non enim alia ratione Logica dirigit operationes intellectus nostri, nisi explicando modos & proprietates tam terminorum quam propositionum; verbi gratia, dirigit operationem definitivam, explicando ex quibus terminis constare debeat definitio, hoc est, ut alter habeat rationem generis, alter rationem differentie, modus autem generis & differentie sunt modi rationis. Similiter dirigit operationem syllogisticam, explicando ex quot & quibus terminis ac propositionibus constare debeat; modos quidem & proprietates terminorum docet esse debere tales, ut unus habeat rationem majoris termini, alter minoris, tertius mediæ, deinde ut hi termini certo modo disponantur, quoad prædicationem universalem, vel particularem, affirmativam, vel negativam: denique ut propositiones ita sint dispositæ, ut duæ habeant rationem antecedentis, tertia consequentis; quæ omnes proprietates cum conveniant rebus ut cognitis, sunt proprietates & modi rationis. Ex quo patet nullo modo negari posse, per Entia rationis dirigi operationes intellectus, cum operationes nostræ sicut dependent in esse à modis rationis, ita & cognosci non possint nisi per regulam hos modos explicantem. Neque verò accommodatum est exemplum de sole cum cognoscitur ex umbra. Nam Sol ab umbra non dependet in esse & potest esse sine umbra, ita ut omnino per accidens umbra accidat Soli, ob corpus aliquod interpositum prohibens lumen Solis. At operationes intellectus nostri dependent à modis rationis, & sub illis efficiuntur, quare non per accidens, sed per se cognoscuntur sub modis rationis, & per regulam explicantem modos rationis. Et quidem illi qui negant Entia omnia rationis, non ita peccant, cum negant directionem fieri per Entia rationis; consequenter enim loquuntur, & omnia salvare conantur per denominationes extrinsecas, licet hoc fieri non posse jam ostendimus.

At qui concedunt Entia rationis, negare nullo modo possunt, per ea dirigi operationes nostras, nisi quid sint Entia rationis, & qui modi nostræ cognitionis non intelligant. Nec nos movet cuiusdam recentioris viri docti censura, qui ait errorem Dialecticum esse, Entium rationis tractationem Logicæ tribuere, quod Logica Entia realia consideret. Qui enim error vocari potest communis in scholis cum D. Thoma opinio? error potius est communem opinionem vocare errorem.

Neque

Neque verò Logica ita considerat operationes reales intellectus nostri, ut eas sub certis modis rationis non consideret, quin potius, cum sub talibus modis efficiantur, non possunt rectè cognosci à Logico, nisi sub his modis cognoscantur.

Quod verò supposito, quòd Ens rationis sit directivum, probabiliter à D. Thoma statuitur pro objecto formali Logicæ, patet: quia Logica tota in directione operationum consistit, quæ directio cum fiat per certos modos & formas operationum. Logica tota veritè videtur in consiciendis talibus modis & formis, unde probabiliter modi dirigendi statui possunt pro objecto formali Logicæ, sicut ab aliis modis cognoscendi, vel instrumentum sciendi statuitur. Quia verò hi modi formaliter sunt Entia rationis, idcirco à D. Thoma Ens rationis directivum statuitur pro objecto Logicæ. Dico, directivum, neque enim omne Ens rationis vult sanctus Thomas objectum esse Logicæ, sed solum directivum, hoc enim solum ad Logicam spectat.

Dico quartò. Longè probabilius est Ens rationis directivum non esse objectum *Ens rationis* formale Logicæ, sed operationes ipsas ut dirigibiles. Quia etsi operationes sint *non est obiectum Logicæ.* dirigibiles per Entia rationis, tamen Ens rationis non est formaliter rectitudo ipsa operationum dirigibilium, sed solum causa efficiens, & medium directionis illarum, causa autem efficiens habet se extrinsecè ad suum effectum, nec imitat rationem formalem sui effectus.

Quod si dicas in dirigibilitate includi Entia rationis dirigentia. Respondeo, includi ut quid extrinsecum, non ut rationem formalem rei dirigibilis, quia includuntur ut causæ efficientes rectitudinem & directionem operationum dirigibilium. Res enim dirigibilis constituitur in esse dirigibilis formaliter & intrinsecè per rectitudinem, effectivè verò & extrinsecè per causam dirigentem. Non nego tamen rectitudinem operationum, quatenus Logica est connotare essentialiter respectum conformitatis ad regulam dirigentem, per hoc enim rectitudo Logica distinguitur à rectitudine Physica, ut dictum est quæstione prima. Deinde cum assignatur objectum scientiæ dirigentis, non ponitur pro objecto id quod directivum est, sed id quod dirigitur, ut tum inductione, tum ratione probavimus supra quæstione prima: At Logica est scientia dirigens. Ergo ejus objectum non est Ens rationis quod dirigit, sed id quod dirigitur, nempe operationes dirigibiles. Quare etsi opinio S. Thomæ in re non multum differt à sententia nostra, quod enim S. Thomas dicit activè, nos passivè, quod ille dicit Ens rationis directivum, nos dicimus operationes dirigibiles per Entia rationis, tamen in modo loquendi nostra sententia præstat. Quia objectum scientiæ dirigentis statuendum est, id quod dirigitur, non quod directivum est. Ex quo patet, quòd etsi non negamus Ens rationis pertinere ad objectum Logicæ, negamus tamen pertinere ut partem, vel rationem formalem objecti, sed per modum causæ efficientis directionem in objecto, ut dictum est. Ex quibus patet rationem formalem objecti Logicæ esse rectitudinem illam realem operationum, ut sit conformiter regulis & Entibus rationis Logicis.

At obijcies Primò. Sufficiunt præcepta Logicæ ad directionem, sine modis istis rationis. Respondeo, imò præcepta Logicæ sunt de his modis rationis, sunt enim hi modi objecta quædam præceptorum Logicæ, quid enim aliud sonant præcepta Logicæ, quàm tales debere esse modos definiendi, dividendi, argumentandi?

Obijcies secundò. Directio operationum est realis: Ergo non fit per Entia & mo-  
E 2
dos

*Directio operationum realis sub modis rationis.*

dos rationis. Antecedens probatur: quia directio est effectus rectarum operationum, non est autem dubium operationes realiter effici rectas. Respondeo, esse actum realem cognitionis, sed sub modis rationis. Porro hi modi rationis sicut cognosci realiter possunt, ita & realiter possunt dirigere per realem sui cognitionem, dirigendi enim vim realem habent ex cognitione reali, qua cognoscuntur.

Obijcies tertio. Logica nihil aliud considerat nisi modos directionis operationum. Ergo directivitas potius modorum dirigentium quam dirigibilitas operationum directarum est objectum Logicæ. Antecedens patet, nihil enim est in Logica nisi modi, definiendi, dividendi, argumentandi, & regulæ quæ sunt in Logica, sunt de modis directivis, nulla verò regula est de dirigibilitate. Nam si dicas regulas esse de modis ut per eos diriguntur operationes, pari ratione dici poterit, esse de modis ut dirigentibus. Nam licet ista duo se comitentur necessariò, dirigere & dirigì, directivum & dirigibile, tamen prius Logica considerat modos dirigentes, quam operationes per eos directas, nam & regula prius debet cognosci in se recta, quam per eam cognoscatur aliquid rectum, & operationes dirigibiles, non nisi à modis directivis quibus substant, denominantur dirigibiles. Ergo consideratio directivitatis, cum sit & prior & posterior in Logica, prius & potius pertinebit ad objectum formale Logicæ, quam dirigibilitas, maxime quia directivitas est causa dirigibilitatis, & dirigibilitas est effectus ipsius ut dictum est. Vnde pertinebit ad objectum Logicæ, non per modum objecti, sed per modum effectus ipsum consequentis. Et sane ut minimùm hoc sequitur, non minùs bene statui posse pro objecto directivitatem activam, quam dirigibilitatem passivam, seu modos ut sunt dirigentes activè, non minùs quam operationes, ut per modos passivè diriguntur.

*Logica considerans modos directivos operationum considerat etiam operationes.*

Respondeo, Logicam dum considerat modos directivos operationum, considerare etiam operationes, ut per illos modos dirigibiles: neque enim ista differunt, nisi ut activum & passivum, sicut eadem est via Thebis Athenas, & Athenis Thebas: objectum tamen potius passivè, quam activè debet poni, quia ut sunt modi activè dirigentes, ordinantur ad operationes dirigibiles, tanquam medium ad finem, unde non sunt objectum ultimum & principale; & licet prius & immediatius considerentur, tamen referuntur ad aliud principale, & ultimum objectum, à quo Logica denominatur simpliciter. Neque obstat, quòd operationes dirigibiles sint effectus modorum dirigentium; nam & in omnibus practicis cognitionibus objectum est effectus cognitioni dirigentis, hoc enim spectat quælibet ars, ut efficiat & formet suum objectum, ut domum, navem, arcam. Ergo & Logica cum sit dirigens, debet habere pro objecto suum effectum, quem dirigendo efficit, tantùm abest, ut id obstat rationi objecti. Ex quo patet eadem in re scientiam esse de modis dirigendi, & de operationibus dirigibilibus, & consequenter eandem esse scientiam directivitatis & dirigibilitatis, solumq; modo activo & passivo differunt, sed quia illa ad hanc refertur, hæc verò non refertur ad illam, idcirco hanc, non illam vocamus absolute Logicæ objectum.

Obijcies quartò. Omnes artes conficientes aliqua instrumenta, habent pro objecto instrumentum quod conficiunt, non rem, cui illud instrumentum servit: nam fransactoria habet pro objecto fraxnum, non æquum fraxnabilem, ars arma conficiendi habet pro objecto ipsa arma, non militem armabilem, ergo pari ratione Logica cum tota sit in conficiendis instrumentis sciendi, habebit pro objecto ipsa instrumenta sciendi non operationes intellectus, quibus talia instrumenta deserviunt.

Respondeo,

Respondeo, illæ artes quæ nullum aliud opus efficiunt præter instrumenta, non *Instrumenta* habent aliud objectum præter instrumenta, quia objectum artis est opus & effectus *quarum ar-* artis, si igitur præter instrumenta nullum aliud opus efficiunt, nihil aliud habebunt *tium objecta?* pro objecto nisi instrumentum; tales sunt artes enumeratæ in objectione. Sunt verò aliæ artes quæ præter effectum instrumentorum habent aliud opus, ad quod instrumenta illa referuntur, & tunc pro objecto habebunt non instrumenta, sed opus aliud ultimum, quod per illa instrumenta efficiunt: verbi gratia, ars fusoria conficit instrumenta lutea vel terrea, ad fundendum, & illis instrumentis utitur ad fundendas statuas, campanas, & alia opera similia, objectum illius non est instrumentum illud terreum, sed statua, vel aliud tale opus, quod illo instrumento efficitur. Ex hoc genere etiam est Logica, quæ non solum conficit instrumenta ad dirigendum, sed etiam efficit ipsas operationes rectas per talia instrumenta; ex cognitione enim Logicæ formaliter sunt rectæ operationes à Physica & aliis scientiis. Quocirca operationes ipsæ ut dirigibiles, debent statui pro objecto Logicæ, non verò Entia rationis vel instrumenta dirigentia.

Ad fundamentum secundæ sententiæ Respondeo, operationes nostras dirigi explicatis modis & proprietatibus illarum, verum hi modi qui ad directionem faciunt, sunt rationis non reales, suntque illi ipsi, qui in Logica traduntur. Quod verò attinet ad primam sententiam, uti ultro illi concedimus operationes intellectus dirigi per Entia rationis, ita negamus inde sequi Entis rationis directivum esse objectum formale Logicæ, est enim solum causa effectiva objecti formalis, hoc est rectitudinis operationum, sub qua operationes Logica considerat: nam etiam Entia rationis in ordine ad hanc rectitudinem inducendam considerat.

## QVÆSTIO IV.

*An Logica sit speculativa vel practica?*

Sunt quatuor sententiæ. Aliqui censent Logicam esse speculativam, quæcumque enim speculativa scientia considerat de suo objecto, nempe ejus essentiam, proprietates, causas, eadem omnia Logica quoque de suo objecto considerat, verbi gratia, syllogismi essentiam considerat cum illam definit, & species ejus assignat, proprietates verò, cum ostendit demonstrationem generare scientiam, quod ex primis & necessariis principiis causisque conclusionis procedat, syllogismum verò Topicum generare opinionem, quod procedat ex probabilibus. Si igitur propter modum considerandi scientia speculativa est speculativa, Logica quoque dici debet pari ratione speculativa. Neque obstat quod referatur ad dirigendas operationes intellectus: nam illæ demonstrationes quæ sunt Logicæ, non dirigunt operationes ullas, sed absolute demonstrant proprietates de syllogismo, sine ullo respectu ad directionem, eo planè modo sicut si syllogismus ad dirigendum non spectaret; non enim per demonstrationem ostenditur modus dirigendi, sed proprietates ejus instrumenti, quod ad dirigendum est institutum. Deinde in Logica non demonstrationes aliquarum proprietatum, sed regulæ seu dictamina Logica de bonitate syllogismorum & definitionum, dirigunt operationes intellectus; non ergo id obstat

*Prima sententia affirmans Logicam esse speculativam*



quò minùs Logica dici possit in suis demonstrationibus speculativa. Hæc sententia est Scoti 4. prologi; Scoti & Tolæi hic, qui addunt directionem secundariò spectatæ ad Logicam, primariò verò speculationem.

2. *Practicam.*

Alii consent Logicam esse practicam. Ita Gregor. q. 3. prolog. a. 1. Occam. q. 11. Prolog. Gabriel ibidem. Fouleca 2. metaph. c. 3. q. 2. Ratio est. Quia scientia dirigens aliquas operationes, est practica: Atqui Logica tota est in hoc posita, ut tradat modos dirigendarum operationum intellectus: Ergo est practica. Nam sicut scientia moralis est practica, quia dirigit operationes voluntatis, & artes omnes sunt practice, quia dirigunt operationes externas; ita & Logica quia dirigit operationes intellectus, erit practica. Nequè obstat quòd considerat essentiam & proprietates sui objecti; tum quia hoc idem omnes aliæ scientiæ & artes practice faciunt, tum quia objectum practicum ad opus dirigitur, quare & omnis cognitio, quæ de ipso habetur, dirigitur ad opus, & erit practica, tunc enim solum cognitio aliquius objecti est speculativa, cum objectum illud ad opus non refertur, nequè etiam dici potest operationes intellectus non esse veras praxes; quia quæcunque operationes rectè & male fieri possunt, sunt verè praxes.

3. *Et speculativam & practicam.*

Alii verò dicunt, Logicam esse simul speculativam & practicam, speculativam quidem, quatenus objectum suum secundum se considerat, practicam quatenus est directiva operationum; quæ sententia sicut ex duabus prioribus sententiis componitur, ita utriusque rationibus comprobatur. Ita Ruvius hoc loco.

4. *Nec speculativam nec practicam.*

Deniquè alii, nequè speculativam nequè practicam propriè esse censent, sed habitum instrumentarium, cujus est cognoscere modos, & instrumenta sciendi. Quæ sententia nobis verisimilior videtur, & magis doctrinæ Aristotelis & Peripateticorum conformis. Licet enim Logica sit quodam modo practica, quia ad aliud dirigendum refertur; tamen in hoc à ratione practice deficit, quòd non veras praxes dirigat, sed intellectiones. Nam sicut finitas non est quævis curvitas, sed nasi, ita praxis non est quævis actio directæ ab intellectu, sed solum opus verum à cognitione distinctum.

*Cognitio practica & cognitio speculativa distinguatur ex fine.*

Pro resolutione Notandum est Primò, cognitionem practicam & speculativam ab Aristotele distingui ex fine: finis enim speculativæ est sola veritas, seu cognitio veri, practice verò finis est opus aliquod, ad quod dirigendum scientia illa refertur; si enim cognoscam mundum non esse æternum, sed in tempore factum, talis cognitio est speculativa, quia præter veritatem non habet alium finem, ad quem ex natura sua referatur. Dico, ex natura sua, nam ex intentione scientis potest ad aliquem finem referri, nempe ad lucrum, vel ad oblationem, verum talem finem non spectat ex natura sua scientia, diciturque is finis non scientis, sed scientis, quia scientia non ex se ad illum refertur, sed ex intentione scientis. Iam verò si cognoscam formam & rationem ædificandi, cantandi, saluandi, talis cognitio erit practica, quia ex natura sua referatur ad opus aliquod, quod per illam fieri debet. Unde patet, omnem cognitionem practicam esse directivam aliquius operis, patet etiam cognitionem practicam esse quidem immediatè cognitivam veri sicut & speculativam (per omnem enim cognitionem verum aliquod cognoscitur) tamen quia illud verum, quod cognoscitur, refertur ad opus, hoc est, ad aliquid per illam cognitionem agendum vel faciendum, idcirco cognitio illa est practica, nam speculativa sola veritate seu cognitione veri est contenta, nequè ex illa cognitione ulterius tendit ad aliquod opus.

*Agens duplex.*

Notandum est Secundò, quòd sicut agens est duplex, aliud naturale, aliud ex cognitione, illud agit per naturam, hoc per cognitionem, illud producit rem simpliciter ut existat, hoc verò solum dirigit, ut tali vel tali modo per rationem applicando fiat, ita & praxis seu operatio est duplex: Altera est naturalis, quæ respondet agenti naturali, & fit ex determinatione naturali; absquè ulla cognitione, quomodo actiones omnium agentium naturalium dicuntur praxes, similiter & potentiarum naturalium, tam vegetatarum, quàm sensitivarum. Altera est humana, quæ respondet agenti ex cognitione, ut est illa, quæ ex cognitione efficitur; ut cum quis ex prudentia rectè operatur, nempe justè, temperatè, fortiter, vel cum ex arte opera artis efficit. Cognitionis igitur practica est illa, quæ versatur circa praxes humanas dirigendas, id est, circa eas actiones, quas ex directione cognitionis exercemus. Duplicem verò cognitionem practicam assignat Aristoteles 6. Ethic. alteram activam per quam agimus benè & malè, & in agendo dirigimur; alteram factivam, per quam facimus aliquid rectè vel secus opere aliquo exteriori; primam vocat prudentiam; quia dirigit actiones voluntatis nostræ, definiturque prudentiam esse habitum cum vera ratione activum, secundam vocat artem, quia dirigit actiones potentiarum exteriorum; nequè enim ullam artem agnovit Aristoteles, nisi eam quæ dirigit aliquam actionem externam, ut sunt artes mechanicæ.

*Praxis hoc loco est respectu cognitionis.*

Notandum Tertiò. Praxim ut hic sumitur, esse praxim respectu cognitionis, quia nimirum ipsius cognitionis est praxis, & executio quædam, quæ enim cognitione concipimus, opere postea implemus, & opus illud, quo cognitionem exequimur & implemus, dicitur praxis. Porro opus quo cognitionem implemus, quoad substantiam efficitur à suis immediatis potentis, è cognitione verò solum accipit modum & directionem, ut tali vel tali modo fiat, sic actus saltandi à potentia motiva efficitur quoad substantiam, à cognitione verò & arte habet, ut tali vel tali modo fiat. Itaque id quod opus illud accipit à cognitione, est solum modus ille rectus, & ratione hujus rectitudinis formaliter dicitur praxis cognitionis, quia rectitudo illa mente concepta imprimitur operi, & in eo elucet, & sic in praxim reducitur. Praxim autem Aristoteles dividit in actionem & factionem, ita ut omnis praxis apud Aristotelem sit vel actio vel factio: Tria enim in agente per cognitionem considerari possunt. Primò cognitio ipsa, quæ est principium, & ratio operandi, secundò actio, tertiò factio.

Et quidem tunc cum cognoscimus, non dicimur agere aut facere quicquam, sed cognoscere tantum, ita ut quamdiu intra limites cognitionis versamur, nihil propriè dicamur aut agere, aut facere; quamvis si cognitio illa præscribat quid agendum sit, sit activa, si verò præscribat quid faciendum sit, sit factiva. Ex cognitione verò cum procedimus ad opus aliquod, exequendo illam cognitionem, dicimur vel agere vel facere; agere quidem, cum vel solum secundum internam quandam rectitudinem operamur, quæ in exteriori aliquo opere non appareat, sicut cum justè, prudenter, temperatè, fortiter agimus, tota illa rectitudo est in voluntate interna, & opera externa solum denominatione extrinseca à voluntate recta dicuntur recta: vel etiam tunc agere dicimur, cum agendo nihil operis externi relinquimus, quod post actionem maneat, quomodo pulsationem cytharæ actionem non factionem vocat Aristoteles. Facere verò tunc dicimur, cum opus aliquod externum facimus, eique rectitudinem mente conceptam imprimimus, & illud post actionem relinquimus; verbi gratia, cum mente concipimus domum, concipiendo,

nihil

nihil cogitamus aut facimus, sed tantum cognoscimus, cum verò volumus ædificare, jam ex cognitione agimus, quia terminos cognitionis egredimur, ad volendum id quod cognoscimus; volumus autem bene vel malè, cum propter bonum vel malum finem volumus. Denique cum actu & opere externo ædificamus, dicimur facere, quia quod mente conceptum ad opus externum deducimus.

*Factionis ratio  
postulat opus  
post se relin-  
quere.*

Requiritur autem ad factionem, ut post se opus relinquat; Aristoteles enim quoniam factionem definit, requirit ad illam, ut opus post se relinquat, ita enim 1. magn. moral. c. ultimo ait, cycharisationem esse actionem, non factionem, quia non relinquit post se opus, & 6. ethic. c. 5. probat, prudentiam esse activam non factionem, quia, inquit, effectus finis diversum quid ab ea est, nempe opus quod post se relinquit, actionis verò finis non est ab ipsa actione distinctus. Non vult igitur aliquid dici factum proprie, nisi quod opus post se relinquat. Hoc etiam sensu 6. ethic. c. 4. dixit, artem omnem circa generationem versari, per generationem enim ita fit res, ut aliquid post generationem maneat. Neque unquam Aristoteles nomen factionis actioni opposuit, nisi accipiendo nomen factionis, pro ea quæ relinquit opus post se. Quod si dicas, artis nomen ad eas artes, quæ non relinquunt opus post se, extendisse Aristotelem; nam & Dialecticam & Rhetoricam vocat artes 1. Rhet. c. 1. eò quod ad persuadendum referantur. Ergo etiam extendit nomen factionis ad eas, quæ non relinquunt opus post se; nam artem definiuit 6. ethic. c. 4. habitum cum vera ratione factum. Respondeo Primò. Aliud est extendere nomen propter similitudinem, aliud verò illo unius propria & primaria significatione: artis enim nomen in propria & primaria sua significatione de artibus factivis & relinquentibus opus dicitur, per extensionem verò dicitur de activis etiam artibus, nam artes quas extensio nomine vocat artes, nunquam vocavit factivas, sed semper activas, eorumque actus actiones non factiones.

*Cognitio du-  
pliciter pra-  
ctica ex effe-  
ctu & ex ob-  
iecto.*

Notandum est quartò. Cognitionem dupliciter dici posse practicam. Primò ex effectu; quia aliquid efficitur, per illam, & illa deducitur ad effectum; secundò ex objecto quia est de effectione ipsa tanquam de objecto: primo modo cognitio dicitur practica extrinsecè ab effectu, secundo intrinsecè, primo modo cognitio etiam speculativa dici potest practica, ut si quis ex speculativa cognitione figurarum, quam habet ex mathematica, illas depingat vel fabricet, secundo vero modo cognitio speculativa non potest dici practica, quia non potest simul habere objectum speculativum & practicum, simili modo dupliciter cognitio potest dici directiva. Primò quoad effectum, quia effectus ad illius exemplar & similitudinem fit. Secundò ex objecto, quia est de directione tanquam de objecto. Primo modo etiam speculativa cognitio potest dici directiva, secundo sola practica. Hæc distinctio est valde notanda: multa enim explicat ad rationem cognitionis practicæ pertinentia.

*Logic. non est  
practica ex  
sententiâ  
Arist.*

Dico primò. Secundum doctrinam & principia Aristotelis, Logicam nullo modo dici posse practicam. Dico secundum doctrinam Aristotelis: nam si quis fingat sibi novam doctrinam de practico & speculativo, is potest quidem defendere Logicam esse practicam, sed secundum sua, id est à se constituta principia, non secundum principia Aristotelis; non enim idem intelliget nomine cognitionis speculativæ & practicæ, quod intellexit Aristoteles, & cum eo Peripatetici omnes. Nostra igitur conclusio probatur tribus argumentis.

Primum argumentum est. De ratione scientiæ practicæ est, ut habeat pro objecto verum

verum opus, seu praxim. Atqui Logica non habet pro objecto verum opus, seu veram praxim. Non ergo potest dici verè practica. Major est certa apud Aristotelem, qui semper pro fine & objecto assignat scientiæ quædam speculativæ veritatem, practicæ verò praxim. 2. metaph. t. 3. 6. met. t. 2. Minor probatur, quia Logica habet pro objecto cognitionem quam dirigit, cognitio autem non est verum opus, nec vera praxis, solumquæ actio à cognitione distincta dicitur vera praxis.

Respondent, cognitionem posse sumi dupliciter. Primò respectu objecti, ut est cognitio objecti, & sic potest esse speculatio, non praxis. Secundò respectu suæ causæ efficientis, seu ut fit rectè vel secus, & sic est operatio & vera praxis. Sed hæc responsio repugnat tam doctrinæ Aristotelis, quam rationi. Nam secundum doctrinam

*Cognitio etiã  
ut fit rectè vel  
secus non est  
praxis.*

Aristotelis veritas & opus sunt duo contra distincta, ita ut unum non sit aliud, siquidem ex ipsis sumitur distinctio cognitionis speculativæ & practicæ. Cùm igitur omnis cognitio quæ cognitio sit veritas, sequitur nullam cognitionem posse dici verum opus & praxim. Nam quod dicitur cognitionem ut fit, induere rationem operis, & veræ praxis, id expressè est contra Aristotelem 6. ethic. c. 3. ubi ait, veritatem esse opus speculativi intellectus, non practici, quia fit ab intellectu speculativo. Ex quo dicto Aristotelis duo sequuntur; alterum est, veritatem etiam ut fit, non esse tale opus, quod sit finis & objectum intellectus practici, sed esse opus formaliter intellectus speculativi, dicique opus latè, non pressè, nec ut supponit pro vera praxi. Alterum est, praxim esse opus à veritate distinctum; nam si praxis est illud tantum opus, quod est finis & objectum intellectus practici, veritas autem etiam ut fit est opus intellectus speculativi, & finis ac objectum ipsius, consequens est, ut opus verum, & vera praxis, sit opus distinctum à veritate & cognitione. Repugnat etiam rationi, Quia finis cognitionis speculativæ non est veritas in abstracto, sed veritas, ut fit ab intellectu, seu ipsa effectus veritatis intellectu; hoc enim intendit speculativus, ut veritatem consequatur, & in se ipso producat, si ergo veritas ut facta, est finis cognitionis speculativæ, nullo modo dici potest praxis vera, nisi dicamus finem scientiæ speculativæ esse praxim, ut praxis est. Confirmatur. Conclusio demonstrativa ut inferitur ex præmissis, est objectum scientiæ speculativæ, hæc enim non aliam scientiam intendit, nisi illam ex præmissis, imò in hoc præcipuè incumbit, ut conclusio inferatur ex præmissis. At inferre est facere, inferri est fieri, ergo conclusio etiam ut fit, non potest dici vera praxis. Vera enim praxis est illa, quæ est finis, & objectum cognitionis practicæ non speculativæ, at conclusio ut est opus intellectus est finis cognitionis speculativæ non practicæ, ergo non est vera praxis, ita ut ad rationem veræ praxis requiratur, ut fit opus potentiæ ab intellectu distinctæ, uti praxim rectè definiuit Scorus; nam si fit opus intellectus, non erit tale opus, quod sit finis & objectum cognitionis practicæ. Adhæc cùm in cognitione speculativa alicujus gemmæ efficitur in intellectu cognitio similibus gemmarum, nemo negaverit utramque cognitionem esse speculativam, & non esse veram praxim etiã si fiat, quia fit speculative & eo modo, quo speculationem, ut speculatio est, necesse est fieri.

Dices, non omnem cognitionem esse praxim, sed eam solùm, quæ fit ab aliâ cognitione dictante sic vel sic esse operandum. Sed contra, licet de ratione praxis, de fit ab aliâ cognitione hic loquimur, sit fieri ab aliâ cognitione, & secundum præscriptum cognitionis, ut patet ex definitione praxis; tamen non est necesse, ut fiat à cognitione dictante sic vel sic operandum, quia sine tali dictamine praxis est verè praxis, ut cùm quis pingit imaginem ex intuitu alterius imaginis, sine alio dictamine intellectus, facit

*Cognitio quæ  
fit ab aliâ co-  
gnitione non  
est praxis.*

veram praxim, vel si quis ex speculativa consideratione bonitatis divinæ, existeret ad amorem divinum, vel ex speculativa cognitione figurarum mathematicarum fabricet machinas mathematicas, aut ex inspectione modelli ædificet domum; hæc enim omnia nemo dubitabit esse vera opera, & veras praxes, etiam si non procedant ab illo dictamine & iudicio practico; nam etsi aliquando tale dictamen interveniat, tamen neque semper est necessarium, & cum adhibetur non solum respectu illius, sed etiam absolute respectu cognitionis speculativæ, quatenus ab ea fit, habet illa operatio rationem veræ praxis. Deinde praxis non dicitur praxis ab illo dictamine, sed potius illud dictamen dicitur practicum à praxi, eo quod circa eam versetur, unde supponit praxim ut ab ea denominetur, non verò facit illam esse praxim. Sed esto, requiratur tale dictamen ad praxim, tamen si illud dictamen sit de cognitione seu speculatione, non erit dictamen practicum: iudicium enim dictans de inferenda tali vel tali cognitione ex præmissis, est iudicium speculativum, & de essentia scientiæ demonstrativæ, ejus enim proximus actus est inferre tali vel tali modo conclusionem ex præmissis. Si verò sit de alia aliqua operatione à cognitione distincta, erit tale dictamen verè practicum, quia erit de vera praxi; ex quo patet secundum doctrinam Aristotelis, cognitionem nullo modo esse praxim, neque ut cognitio est, neque ut sit ab intellectu, neque ut sit ex alia cognitione dirigente.

*Cognitio practica non habet pro fine veritatem.*

Secundum argumentum est. Nulla cognitio practica habet pro fine veritatem, At Logica pro fine ultimato habet veritatem. Ergo non est practica. Minor probatur. Quia idem est finis instrumenti & principalis causæ. Atqui Logica est instrumentum scientiarum, ergo pro fine suo habet finem scientiarum, qui cum sit veritas non opus, Logicæ quoque finis erit veritas non opus. Et quidem eundem esse finem Instrumenti & causæ principalis patet, tum inductione in omnibus instrumentis, idem enim est finis calami & scribentis, securis & secantis. Tum ratione, quia instrumentum concurret cum causa principali ad eandem operationem & effectum, & sub eadem ratione operationis & effectus, Ergo eundem finem habent. Illa enim operatio & effectus, cum fiat ab utroque, est finis utriusque, semperque instrumentum assumitur ad finem principalis agentis consequendum. Esse verò Logicam instrumentum scientiarum, ad finem scientiarum consequendum, qui est veritas rerum scibilium, patet; quia præcepta Logica ad hunc finem juvant, & assumuntur à scientiis, sitque ut scientia actualis rerum efficiatur & ab habitu scientiarum principaliter, & quoad substantiam, & ab habitu Logicæ instrumentaliter, ac secundum quid.

*De ratione instrumenti est adhiberi ad actionem propriam causæ principali & subordinari illi.*

Dices, Logicam dirigere scientias, non per modum instrumenti, sed per modum causæ principalis, ad eum modum, quo auriga dirigit equos in curru; equi enim non sunt instrumenta aurigæ, etiam si ab eo dirigantur, nec auriga est instrumentum eorum, etsi equi utantur directione aurigæ, sed utraq; est causa principalis, equi quidem cursus, auriga verò directionis. Respondeo, si directio fiat agendo in causam principalem, & movendo illam, non fiet per modum instrumenti, sed potius per modum causæ principalis, ut patet in equis ab auriga directis; at si fiat per aliquid subordinatum causæ principali, & quod applicatur & movetur à causa principali ad ipsius effectum, illud tale concurret ad directionem per modum instrumenti. Duo enim sunt de ratione veri instrumenti, alterum est, ut adhibeatur ad actionem propriam causæ principalis, alterum ut sit subordinatum causæ principali, & ab

ea moveatur & determinetur ad agendum. Ratione primi ignis applicatus ad comburendam domum, non est instrumentum propriè, quia adhibetur ad sibi proprium & connaturalem effectum, non ad effectum causæ principalis, excedentem virtutem propriam instrumenti. Similiter equi non sunt instrumentum aurigæ, quia applicantur non ad actionem aurigæ, sed ad cursum proprium, qui fit ab equis tanquam à causa principali, non instrumentali; calamus vero ex hoc capite est instrumentum scribentis, quia applicatur ad actionem scribentis, quæ principaliter fit à scribente, & à virtute motuæ scribentis, ad quam actionem calamus ex se non est sufficiens. Ratione secundi auriga non est instrumentum equorum in directione, quia non est causa directionis subordinata equis, nec ab illis applicatur ad opus, sed per seipsum concurret, quod est concurrere per modum causæ, vel concausæ principalis. Logica igitur quia concurret ad scientiam rerum, tanquam quid subordinatum habitui scientiæ, & ab ea applicatur ad finem, & effectum scientiæ consequendum; idcirco est verum instrumentum habitus scientifici.

Sed objicies. Si Logica pro fine habet veritatem, erit speculativa, illa enim dicitur cognitio speculativa cujus finis est veritas. Respondeo primo. Si loquamur de veritate rerum scibilem, quam Logica attingit solum instrumentaliter, habitus verò scientiarum principaliter, talis veritas pertinebit ad scientias principaliter, ad Logicam verò tantum secundum quid, tanquam ad instrumentum veritatis, quod non sufficit ad cognitionem speculativam simpliciter, unde ex hoc sequitur solum, Logicam esse secundum quid speculativam, tanquam instrumentum speculationis, non verò tanquam causam principalem. Si verò loquamur de veritate modi sciendi, eam veritatem attingit quidem Logica principaliter, non instrumentaliter, verum quia hæc veritas non est ultimus finis Logicæ, sed relatus ad ultimum, idcirco Logica ipsius respectu non dicitur simpliciter speculativa; quia scientia dicitur simpliciter speculativa ex eo, quod pro hac ultimo habet veritatem, & intendit veritatem, non referendo illam ad aliud. Quod ita verum est, ut ne cognitio quidem practica, & si pro fine immediato habet veritatem, & cognitionem rei factibilis, dicatur speculativa à tali veritate, quia nimirum istam veritatem dirigit ad effectum & opus. An verò Logica dicenda sit magis speculativa, vel practica, dicitur infra.

*Logica veritatem rerum scibilem non attingit principaliter.*

Tertium argumentum. Secundum doctrinam Aristotelis praxis vel est actio, vel factio. *Cognitio nec actio est nec factio.* At cognitio in qua dirigenda Logica versatur, neque est actio, neque factio. Ergo nullo modo est praxis, & ex consequenti Logica ipsius respectu, non erit verè practica. Major est certa ex sexto Ethicorum, & sexto metaph. textu 1. & aliis locis, in quibus practica in activam & factivam dividitur. Minor probatur: quia cognitionem semper opponit Aristoteles actioni & factioni, veritatem operis, cum illam pro fine speculativæ assignat, hanc verò pro fine practicæ.

Respondent Primò. Cognitionem ut sit esse veram actionem, neque enim solas actiones voluntatis Aristoteles vocat actiones, sed omnes eas, quæ non relinquunt post se opus. Nam 1. magn. moral. cap. ultimo cytharizationem vocat actionem non factionem, ex eo quod non relinquat post se opus. In 6. verò ethic. cap. 5. prudentiam ait versari non circa omnes actiones, sed tantum in certa materia, hoc est, circa ea quæ humana bona sunt, indicans esse alias actiones, quæ non versantur circa humana bona; hoc est, ea quæ hominem bonum efficiunt. Cum igitur cognitio non relinquat post se opus, erit secundum Aristotelem vera actio.

Sed.

*Arist. cognitionem nunquam vocat actionem aut factionem.*

Sed contra. Inauditus est apud Aristotelem cognitionem dici actionem aut factionem, neque ullum hujus rei exemplum apud Aristotelem invenitur; neque solum cognitionem non vocat actionem Aristoteles, sed eam semper opponit actioni, dum cognitionem seu veritatem pro fine speculativæ assignat, actionem autem & factionem ad practicam refert. Quod si cognitio esset actio, confunderentur finis scientiæ speculativæ & practicæ, verumquæ esset actionem esse quoque finem speculativæ, & cognitionem ac veritatem esse finem practicæ.

Nam quod dici solet, cognitionem ut sit esse finem practicæ, absolute verò ut cognitio est esse finem speculativæ, eam distinctionem esse falsam ex eo apparet, quod etiam speculativa habet pro fine cognitionem ut sit, hoc enim est, quod intendit, ut faciat & producat in se cognitionem, & sic idem esset finis speculativæ & practicæ. Denique semper apud Aristotelem ista tria distinguuntur, cognoscere, agere, facere, ita ut cognitio ad intellectum spectet, actio ad omnem potentiam extra intellectum, quæ non relinquit opus post se, factio verò ad omnem potentiam, quæ opus post se relinquit. Quare Aristoteles, etsi præter voluntatis actiones, agnoscat etiam alias, nunquam tamen ullam pro vera actione agnovit, quæ non esset actio potentia distinctæ ab intellectu, nec actionem intellectus unquam vocavit verè & propriè actionem.

*Cognitio ut sit non est factio.*

Respondent secundò. Cognitionem ut sit esse verè & propriè factionem. Sed contra Primò, Aristoteles cognitionem nunquam vocavit factionem, sed eam semper factioni opposuit, aliudquæ est apud Aristotelem facere, aliud cognoscere. Secundò, de ratione factionis secundum Aristotelem est, ut relinquat opus post se, in hoc enim distinguit factionem ab actione 1. magn. moral. ubi de distinctione actionis & factionis ex professo tractat, neque aliud quid potest assignari, quo factio ab actione distinguatur. Nam si dicas factionem esse actionem externam, id etiam in quibusdam actionibus invenitur, ut in cytharisatione, virtutum etiam actiones, non solum internæ, sed & externæ sunt veræ actiones. Cum igitur cognitio non relinquat post se opus, sequitur non posse dici propriè factionem. Tertiò, idem patet ex communi modo loquendi, cujus in hac re magna est habenda ratio, id enim voces significant, quod & is qui loquitur, & is qui audit, intelligit, seu ut ait Arist. 1. peri herm. c. 2. quod constituit intellectum dicentis & audientis. Atque communiter omnes dicunt, eum qui solum mentis actionibus occupatur, & nihil sensibile, & quod permaneat molitur, nihil facere & otiosum esse. Ergo nomen factionis non est impositum mentis actionibus, sed externis duntaxat, & iis quæ relinquant post se opus.

*Sola cognitio dirigit opus à cognitione distinctum.*

Hinc verò soli possunt argumenta opposita; non enim omnis cognitio dirigit est practica, sed ea solum quæ dirigit opus à cognitione distinctum; solum enim tale opus est vera praxis. At inquires, etiam cognitionem imperatam à voluntate ad aliquem finem honestum esse praxim, quia est actio virtutis. Ergo cognitioni non repugnat esse praxim, ut cum volo speculari ad Dei gloriam. Respondeo, cognitioni ut cognitio est, & intra terminos cognitionis, repugnat esse praxim; ut verò conjungitur actui voluntatis, seu ut est volita, sic convenit illi esse praxim, sed ex accidenti & extrinsecè, non quatenus est actus cognitionis, sed quatenus est actus voluntatis imperatus. Similiter non omnis cognitio efficiens aliquam actionem est verè practica, sed solum ea, quæ efficit verum opus & praxim, seu opus à cognitione distinctum; nam efficere cognitionem est cognoscere, non facere, & est opus speculativi intellectus non practici.

Dico



Dico secundò. Logicam secundum doctrinam Aristotelis non esse speculativam. Est sententia Aristotelis 1. Topic. cap. 9. ubi problemata Logica, quæ sunt aliorum sciendorum gratia, secernit à speculativis & practicis. Sunt autem problemata Logica cognitiones Logicæ. Vbi etiam rationem ejus indicat, quia de ratione scientiæ speculativæ est non referri aliò, sed sistere in ipsa cognitione. Ergo cum Logica non sistat in cognitione, sed referatur ad dirigendum aliud, non potest dici speculativa, nos enim regulis Logici utimur ad rectè discurrendum, definiendum, dividendum.

Responderi potest, in Logica esse duplicem cognitionem, aliam practicam, quæ refertur ad alias cognitiones dirigendas, quales sunt regulæ Logicæ, & præcepta de modis syllogismorum; aliam speculativam, quæ non refertur ad aliquid dirigendum, talis est cognitio essentia & proprietatum rerum Logicarum, per hanc enim cognitionem nulla operatio dirigitur, ac ex consequenti talis cognitio aliò non refertur.

Sed contra. Primò hac ratione scientia moralis non esset practica sed speculativa, contra communem Aristotelis & omnium sententiam: quia scientia moralis essentiam & proprietates rerum moralium investigat, & demonstrat per causas; quod etiam expressè docet Aristoteles 1. Metaphys. t. 3. cum ait, practicam considerare etiam causas non perfecte, sed ad aliquid, hoc est, non causas rei convenientes secundum naturam suam, sed ut est ad aliquid ordinata, & ideo non esse propriè scientiam.

*Ethica essentialis & proprietas rerum moralium considerat.*

Aur igitur resolutio conclusionis in sua principia & causas non arguit scientiam speculativam, aut omnis scientia practica erit speculativa. Deinde 1. Metaphys. t. 1. expressè ait Aristoteles artem in hoc distinguì ab experientia. Primò, quod experientia sit singulare, ars universalium: secundò, quod scit solum quod sit, non propter quid sit, ars verò scit & causam reddere: Ergo secundum Aristotelem proprium est artis, & scientiæ practicæ, cognoscere operis causam, nec in hac cognitione causæ ars est speculativa sed practica, si quidem versatur circa factionem, ut infra mox magis declarabitur. Et 1. Rhet. c. 1. ait, omnes in hoc convenire, esse proprium artis causam reddere, & in eo positam esse rationem artis, quod sciat faciendorum causam reddere, quod non facit experientia. Secundò, cognitio practica est non solum illa, quæ dicitur aliquid faciendum vel non faciendum, sed etiam omnis cognitio rei factibilis, quatenus factibilis est, quare & cognitio essentia rei factibilis, & proprietatum ejus secundum Aristotelem est practica: quia cognitio sequitur suum objectum; si ergo objectum sit alterius gratia, & ad aliud relatum, etiam essentia & proprietates ejus, erit alterius gratia, & ad aliud relata; quare cognoscere tales proprietates, est cognoscere alterius gratia. Quod intelligo de his proprietatibus, quæ conveniunt rei factibili, ut factibilis est, seu ut subsistit nostræ operationi: quia quædam proprietates comperunt rei secundum suam essentiam absolute, quædam ut factibilis est à nobis: illæ sunt proprietates naturales, & objectum speculativæ cognitionis, hæ sunt proprietates practicæ convenientes rei, ut sit à nobis, & has dico esse objectum cognitionis practicæ. Nam sicut scientiæ speculativæ est sui objecti essentiam, causas, & proprietates speculativas, ita & scientiæ practicæ est sui objecti practici essentiam, causas, & proprietates considerare: eo ipso enim quod objecto practico conveniunt aliquæ proprietates, ad aliud referuntur unà cum objecto, sunt enim proprietates objecti ut refertur

*Omnis cognitio rei factibilis est practica.*

ad.

ad aliud. Nequè verò facio differentiam, quam nonnulli faciunt inter obiectum factibile & factum, utrumquè enim est obiectum practicum, illud ut per nostram operationem fieri potest, hoc ut per nostram opinionem factum est.

Quod si obicias posse considerari actum virtutis, ut accidens & qualitas est, quæ consideratio est speculativa. Ergo res factibilis potest considerari speculativè. Respondeo, rei factibili quædam conveniunt ex natura rei, ut virtuti esse accidens, & esse qualitatem; hæc enim conveniunt virtuti antequam consideretur factibilis, aut saltem non propterea quòd factibilis, quædam verò conveniunt illi ut factibilis est, ut esse conformem vel disformem rationi, esse ad bonum vel malum finem, esse cum talibus circumstantiis, & hæc spectant ad cognitionem practicam, quia res factibilis cum suis omnibus proprietatibus, quæ illi ut talis est competunt, est factibilis, hoc est, subjaceas factioni, & ratione factionis habet illas proprietates.

*Logica duobus  
modis dirigit  
operationes.*

Responderi potest secundò. Cognitionem Logicam non referri ad aliam cognitionem, nisi per accidens, eo modo, quo & cognitio speculativa referri potest ad aliud, ut in præcedenti conclusione docuimus. Nam cognitio Mathematica speculativa, quæ est de figuris vel de proportionibus quantitatum, vel de numeris, dirigitur potest veram praxim mechanicam, & plurimum eam adjuvare: simili ergo ratione Logica cognitio est merè speculativa de bonitate consequentiæ & syllogismorum, quia secundum se consideratur, non in ordine ad aliquam aliam cognitionem dirigendam: prius enim syllogismus & consequentia est in se bona, tum assumitur ad dirigendos, & regulandos alios discursus, sed per hoc non cessat esse speculativa, quia accidit illi referri ad aliud, sicut nec ulla scientia speculativa cum assumitur ad dirigendam aliam actionem, definit esse speculativa; & ita sentit Gregorius 4. & 5. prolog. artic. 1. cum ait, Logicam non esse directivam per modum iudicii practici, distando, quid & quali modo sit operandum, sed solum cognoscendo bonas consequentias & syllogismos, ad quorum similitudinem diriguntur alii discursus, quod est dirigere per modum similitudinis, aut per modum exemplaris.

Sed contra. Logica utroquè modo dirigit, primò per modum iudicii practici distando hoc & illo modo esse definiendum, argumentandum, quæ iudicia continentur in præceptis, & regulis Logicis, quæ sunt veluti dictamina quædam, & propositiones per se notæ in Logica: Secundò per modum exemplaris proponendo, formam & exemplar bonæ consequentiæ, & boni syllogismi: verum hæc bonitas consequentiæ, si sit naturalis, & ex naturâ discursus proveniens, cognoscetur speculativè, sicut & quævis alia proprietas naturalis actus intellectus, pertinebitque ad scientiam Physicam, cuius est omnes proprietates rerum Physicarum speculari; si verò sit bonitas artificiosa & Logica secundum Logicas regulas, ex terminis habentibus Logicas proprietates, sic erit bonitas rei practicæ, seu rei ut factibilis (est enim syllogismus opus quoddam Logicum arte facti, ex terminis certo modo effectum) cognoscetur cognitione practica, vel certè non speculativa: quare neutro modo cognitio Logica quatenus Logica erit speculativa. Ex quo patet, dari quidem in Logica cogniciones quasdam speculativas operationum intellectus, sed ex sunt à Physica vel Metaphysica mutuatæ, ad explicandas melius operationes, ut principia illa. Quæ sunt eadem uni tertio, sunt eadem inter se; Genus & differentia sunt de essentia rei. Posita causa, ponitur effectus.

Notandum

Notandum etiam est ad illud testimonium Aristotelis ex 1. Topic. c. 9. & 12. responderi posse, Aristotelem distinguere quidem ibi triplicia problemata, alia ad eligendum, alia ad sciendum tantum, alia ad aliud quid cognoscendum, verum non determinare, quæ sint practica, quæ speculativa. Nam c. 12. priora vocat moralia, secundi generis vocat naturalia, tertii generis rationalia & Logica, quod circa ex hoc testimonio Aristotelis non habetur, problemata tertii generis, nec esse speculativa, nec practica, sed solum nec ad eligendum nec ad purè sciendum spectare. Et sanè hæc esset inter cæteras commodior responsio, nam alie, quæ solent afferri, vix quicquam probabilitatis habent. Verum hæc etiam responsio refellitur. Nam secundum communem expositionem Peripateticorum, problemata speculativa & practica, & neutra, intellexit eo loco Aristoteles; nam sub electione comprehendit omnia, tam agibilia, quàm factibilia (ex parte totum intelligendo) ac ex consequenti omnia practica quæ actione & factione comprehenduntur, alioqui non omnia practica problemata assignasset Aristoteles. Nam præter illa quæ ad eligendum conducunt, darentur alia quæ ad faciendum pertinent. Ne ergo id admittamus, dicendum est, omnia tam agibilia, quàm factibilia sub electione complexum esse, ex parte totum intelligendo, omnia verò speculativa sub secundo genere comprehendit ut patet: restat ergo ut in tertio nec practica nec speculativa comprehenderit. Quod si cognitionem ad actionem aut factionem pertinere putasset, proculdubio eam sub electione comprehendisset. Est & alterum ejus rei signum, quia cap. 12. problemata ad sciendum vocat naturalia, & tamen nemo dubitavit etiam Mathematica & Metaphysica problemata ad idem genus pertinere. Et ita explicat Alexander ibi, & Albertus, Nyphus, Academia Veneta, & alii expostores.

Ex dictis etiam patet responsio ad fundamentum primæ sententiæ, non enim ratio speculativæ cognitionis consistit in resolutione rei in suas proprietates & causas (id enim commune est utrique cognitioni, tam speculativæ, quàm practicæ) sed in eo, quod cognitio illa sistat in objecto, nec ad aliud referatur, sive cognoscat causas objecti, sive non, ut patet in cognitione primorum principiorum, quæ cognoscuntur speculativè, etiam si non resolvantur in causas, & immediatè cognoscuntur, in Logica verò hæc conditio deest; nam Logica versatur circa id, quod ad aliud refertur: modus enim sciendi refertur tum ad id cujus est modus dirigens, tum ad factionem nostram, siquidem est opus artificiosum ab intellectu effectum.

Dico tertio. Logica non est simul speculativa & practica. Patet ex duabus prioribus conclusionibus, non enim est speculativa, quia est gratia alterius, refertur enim tum ad effectionem artificialem instrumentorum sciendi, tum ad directionem operationum per illa instrumenta: sicut enim ulna prius efficitur instrumentum in se rectum, & mensuratum, per illam artificiosam dimensionem & distinctionem partium ulnæ, tum adhibetur ad alia mensuranda; ita Logica prius conficit instrumenta sciendi, seu exemplaria quædam operationum, artificio Logicæ instructa, tum ea adhibet ad operationes dirigendas; & sicut instrumentum factum ad aliquod opus efficiendum, per se refertur ad illud opus, ut culter ad sciendum, malleus ad tundendum, ita & instrumenta Logica per se, non per accedens referuntur ad dirigendas operationes. Non est etiam Logica practica, quia refertur ad cognitionem non ad opus, & licet conveniat cum practica in modo procedendi, differt tamen in materia, quia non est circa verum opus & proximum.

*Ratio speculativa cognitionis in quo consistit.*

*Logica non est simul speculativa & practica.*

Deinde

Deinde dupliciter potest dici : Logica simul est speculativa & practica : Primum quod sit constata ex variis habitibus, quorum alii sunt speculativi, & alii practici, & hoc jam ex dictis refutatum est. Secundò, quòd sit unus specie habitus virtute continens speculativum & practicum, sicut enim lumen solis virtute continet calorem, quia potest illum producere, etsi ipsum non sit actu calidum, ita & Logica unus & idem habitus potest producere aliquos actus speculativos, aliquos practicos. Et hoc modo quidam recentiores defendunt Logicam esse simul speculativam & practicam, sed non bene, quia licet id possit concedi in habitibus infusis, qui non generantur ex actibus, sed sunt universales ad multos actus per modum potentiarum, tamen in habitibus acquisitis id concedi non debet : hi enim sequuntur naturam, & limitationem actuum ex quibus generantur, neque actus potest conferre majorem inclinationem, aut ad alia plura objecta, quam ipse habeat, ut infra in disputatione de scientia ostendimus.

Dico quartò. Si alterutrum de Logica affirmandum esset, dicendum potius esset Logicam esse practicam, quam speculativam, quia practica solum in ratione quasi materiali differt, in formali autem convenitur dictum est, à speculativa verò in formali differt, cum ratio formalis cognitionis speculativæ in eo sita est, quòd non referatur ad aliud, sed in ipsa objecti veritate sistat. Quod si practica statuenda sit, inter activas potius, quam inter factivas referenda est, quia circa actiones, non circa factiones versatur, actio enim secundum Aristotelem est non relinquens opus, factio verò opus post se relinquit.

Dico quintò. Logica propriè est habitus organicus seu instrumentarius, quia instrumenta & modos sciendi omnibus suppediat, hocque ipsius est proprium objectum. Estque hæc sententia Aristotelis 1. Top. cap. 9. ubi Logicam neque practicam, neque speculativam, sed adminiculantem, & aliarum scientiarum consequendarum gratiâ institutam esse docet ; quia enim est gratiâ alterius, non est speculativa ; quia verò illud cuius gratiâ est Logica, non est verè & propriè praxis, idcirco non est propriè practica ; quia vero modos & instrumenta sciendi omnibus scientiis suppediat, est propriè instrumentaria. Est etiam hæc sententia omnium ferè antiquorum Peripateticorum, qui Logicam partim organum & instrumentum Philosophiæ ac scientiarum, partim artium, & scientiarum scientiarum, appellabant, eamque multi recentiores sequuntur. De quo in sequenti questione plura.

*Logica qualis  
habitus ?*

## QVÆSTIO V.

*An Logica sit propriè scientia, vel ars,  
vel facultas ?*

**P**rima sententia affirmat Logicam esse propriè scientiam propter duas rationes. Primò, quia habet veras & proprias demonstrationes, ubi autem sunt demonstrationes, ibi est & scientia, cum scientia sit effectus demonstrationis ; multa verò sunt quæ demonstrantur in Logica, ut quòd topicus syllogismus generet opinionem, quia procedit ex probabilibus, quòd demonstratio generet scientiam, quia

quia procedit ex veris & primis principijs causisq; conclusionis. Secundò, quia nisi Logica sit scientia, nullæ aliæ scientiæ erunt scientiæ, quia omnes aliæ scientiæ pendent à Logica quoad rationem concludendi: duo enim requiruntur ad scientiam, certitudo principiorum, ex quibus inferenda est conclusio, & certitudo consequentiæ: illam habent scientiæ ex natura suorum principiorum, hanc vero habent à Logica: Logica enim tradit modos bonæ consequentiæ: si igitur Logica non sit scientia, sed opinio de bonitate consequentiæ, non habebitur de bonitate consequentiæ certitudo scientiæ, sed probabilitas opinionis, & sic ruerent omnes demonstrationes scientiarum, quia in opinione probabili, tanquam in debili fundamento, non potest fundari demonstratio. Hanc sententiam defendunt Scotus, Toletus, & alij recentiores.

Secunda sententia est. Logicam esse artem. Quia omnis doctrina conficiendorum instrumentorum est ars, ut patet inductione in omnibus artibus conficiendis instrumenta. Logica verò docet conficere instrumenta sciendi. Ergo est ars. Neque potest reddi ratio, cur aliæ artes conficientes instrumenta sint propriè artes. Logica verò non sit ars. Nam si negatur esse ars, eò quòd nullum opus post se relinquat, hac ratione neq; ars cytharam pulsandi, vel canendi esset ars, quia nullum opus post se relinquit. Si verò ars dicatur solum respicere actiones externas, id etiam sustineri non potest, nam etiam in actionibus internis, quemadmodum & in externis, artificium habet locum. Deniq; sicut Grammatica est ars congruè loquendi, Rhetorica est ars ornatè loquendi, ita Dialectica est ars differendi, quam ob causam inter septem artes liberales numeratur.

Tertia sententia est quorundam recentiorum, Logicam simul esse scientiam & artem, nam quatenus demonstrat proprietates de rebus Logicis est scientia, quatenus efficit syllogismos est ars: artis enim est facere opera. Ita Ruvijs hic q. 3. secutus Suarium: vult autem eandem Logicam, ut in vniuersali docet modum, & præcepta faciendi syllogismos, esse scientiam; quia suam conclusionem deducit ex veris principijs & causis: ut verò hac eadem doctrina efficit particulares syllogismos conformiter illi doctrinæ, esse artem.

Quarta sententia est. Logicam esse facultatem. Est autem facultas apud Aristotelem habitus, quo possumus uti in vtramq; partem: quam ob causam 1. Rhet. c. 2. Rhetoricam & Dialecticam facultates vocat, quia vtriusq; præceptis in vtramq; partem uti possumus. Neq; verò solum id verum est de Topica, in qua ex locis communibus possumus in vtramq; partem disputare, sed etiam de alia Logicæ parte, quæ de formis syllogismorum tractat: talibus enim formis uti possumus in vtramq; partem.

Quinta sententia est, nec esse scientiam propriè, nec artem, nec facultatem, sed habitum instrumentarium ab his omnibus distinctum. Ita Themistius, & Græci, & Zabarella lib. 1. de natura Logicæ.

Dico igitur primò. Logicam non esse propriè scientiam. Ita communiter Peripatetici veteres, ut testatur Zimara in Tabula, verbo, Absurdum est simul, vbi ait secundum Alexandrum, & antiquos Peripateticos Logicam non esse scientiam, sed modum sciendi, quod idem docet D. Thomas opusc. 70. q. de divisione scientiæ speculatiuæ, art. 1. ad 1. vbi idem confirmat auctoritate Boëtij in Porphyrium dicentis, Logicam non tam esse scientiam, quam instrumentum scientiæ.

Quare cum alibi S. Thomas Logicam vocat scientiam, latè accipit nomen scientiæ,

*Logica non est scientia.*

Deinde dupliciter potest dici : Logica simul est speculativa & practica : Primum quod sit constata ex variis habitibus, quorum alii sunt speculativi, & alii practici, & hoc jam ex dictis refutatum est. Secundò, quòd sit unus specie habitus virtute continens speculativum & practicum, sicut enim lumen solis virtute continet calorem, quia potest illum producere, etsi ipsum non sit actu calidum, ita & Logica unus & idem habitus potest producere aliquos actus speculativos, aliquos practicos. Et hoc modo quidam recentiores defendunt Logicam esse simul speculativam & practicam, sed non bene, quia licet id possit concedi in habitibus infusis, qui non generantur ex actibus, sed sunt universales ad multos actus per modum potentiarum, tamen in habitibus acquisitis id concedi non debet : hi enim sequuntur naturam, & limitationem actuum ex quibus generantur, neque actus potest conferre majorem inclinationem, aut ad alia plura objecta, quam ipse habeat, ut infra in disputatione de scientia ostendemus.

Dico quartò. Si alterutrum de Logica affirmandum esset, dicendum potius esset Logicam esse practicam, quam speculativam, quia practica solam in ratione quasi materiali differt, in formali autem convenitur dictum est, à speculativa verò in formali differt, cum ratio formalis cognitionis speculativæ in eo sita est, quòd non referatur ad aliud, sed in ipsa objecti veritate sistat. Quod si practica statuenda sit, inter activas potius, quam inter factivas referenda est, quia circa actiones, non circa factiones versatur, actio enim secundum Aristotelem est non relinquens opus, factio verò opus post se relinquit.

Dico quintò. Logica propriè est habitus organicus seu instrumentarius, quia instrumenta & modos sciendi omnibus suppeditat, hocque ipsius est proprium objectum. Estque hæc sententia Aristotelis 1. Top. cap. 9. ubi Logicam neque practicam, neque speculativam, sed administrantem, & aliarum scientiarum consequendarum gratià institutam esse docet ; quia enim est gratià alterius, non est speculativa ; quia verò illud cuius gratià est Logica, non est verè & propriè praxis, idcirco non est propriè practica ; quia vero modos & instrumenta sciendi omnibus scientiis suppeditat, est propriè instrumentaria. Est etiam hæc sententia omnium ferè antiquorum Peripateticorum, qui Logicam partim organum & instrumentum Philosophiæ ac scientiarum, partim artium, & scientiam scientiarum, appellabant, eamque multi recentiores sequuntur. De quo in sequenti questione plura.

*Logica qualis  
habitus ?*

## QVÆSTIO V.

*An Logica sit propriè scientia, vel ars,  
vel facultas ?*

**P**rima sententia affirmat Logicam esse propriè scientiam propter duas rationes. Primum, quia habet veras & proprias demonstrationes, ubi autem sunt demonstrationes, ibi est & scientia, cum scientia sit effectus demonstrationis ; multa verò sunt quæ demonstrantur in Logica, ut quòd topicus syllogismus generet opinionem, quia procedit ex probabilibus, quòd demonstratio generet scientiam, quia

quia procedit ex veris & primis principiis causisq; conclusionis. Secundò, quia nisi Logica sit scientia, nullæ aliæ scientiæ erunt scientiæ, quia omnes aliæ scientiæ pendent à Logica quoad rationem concludendi: duo enim requiruntur ad scientiam, certitudo principiorum, ex quibus inferenda est conclusio, & certitudo consequentiæ: illam habent scientiæ ex natura suorum principiorum, hanc vero habent à Logica: Logica enim tradit modos bonæ consequentiæ: si igitur Logica non sit scientia, sed opinio de bonitate consequentiæ, non habebitur de bonitate consequentiæ certitudo scientiæ, sed probabilitas opinionis, & sic fuerent omnes demonstrationes scientiarum, quia in opinione probabili, tanquam in debili fundamento, non potest fundari demonstratio. Hanc sententiam defendunt Scotus, Toletus, & alij recentiores.

Secunda sententia est. Logicam esse artem. Quia omnis doctrina conficiendorum instrumentorum est ars, ut patet inductione in omnibus artibus conficientibus instrumenta. Logica verò docet conficere instrumenta sciendi. Ergo est ars. Neque potest reddi ratio, cur aliæ artes conficientes instrumenta sunt propriæ artes. Logica verò non sit ars. Nam si negatur esse ars, eò quod nullum opus post se relinquat, hac ratione neq; ars cytharam pulsandi, vel canendi esset ars, quia nullum opus post se relinquit. Si verò ars dicatur solum respicere actiones externas, id etiam sustineri non potest, nam etiam in actionibus internis, quemadmodum & in externis, artificium habet locum. Deniq; sicut Grammatica est ars congruè loquendi, Rhetorica est ars ornate loquendi, ita Dialectica est ars differendi, quam ob causam inter septem artes liberales numeratur.

Tertia sententia est quorundam recentiorum, Logicam simul esse scientiam & artem, nam quatenus demonstrat proprietates de rebus Logicis est scientia, quatenus efficit syllogismos est ars: artis enim est facere opera. Ita Ruvius hic q. 3. secutus Suarium: vult autem eandem Logicam, ut in vniuersali docet modum, & præcepta faciendi syllogismos, esse scientiam; quia suam conclusionem deducit ex veris principiis & causis: ut verò hac eadem doctrina efficit particulares syllogismos conformiter illi doctrinæ, esse artem.

Quarta sententia est. Logicam esse facultatem. Est autem facultas apud Aristotelem habitus, quo possumus uti in vtramq; partem: quam ob causam 1. Rhet. c. 2. Rhetoricam & Dialecticam facultates vocat, quia vtriusq; præceptis in vtramq; partem uti possumus. Neq; verò solum id verum est de Topica, in qua ex locis communibus possumus in vtramq; partem disputare, sed etiam de alia Logicæ parte, quæ de formis syllogismorum tractat: talibus enim formis uti possumus in vtramq; partem.

Quinta sententia est, nec esse scientiam propriè, nec artem, nec facultatem, sed habitum instrumentarium ab his omnibus distinctum. Ita Themistius, & Græci, & Zabarella lib. 1. de natura Logicæ.

Dico igitur primò. Logicam non esse propriè scientiam. Ita communiter Peripatetici veteres, ut testatur Zimara in Tabula, verbo, Absurdum est simul, ubi ait secundum Alexandrum, & antiquos Peripateticos Logicam non esse scientiam, sed modum sciendi, quod idem docet D. Thomas opusc. 70. q. de divisione scientiæ speculatiuæ, art. 1. ad 2. ubi idem confirmat auctoritate Boëtij in Porphyrium dicentis, Logicam non tam esse scientiam, quam instrumentum scientiæ. Quare cum alibi S. Thomas Logicam vocat scientiam, latè accipit nomen scientiæ.

*Logica non est scientia.*



quia scilicet habet modum quandam scientiæ, non verò quod sit essentialiter scientia.

Probatur primò, auctoritate & ratione Aristotelis in 2. metaph. t. 3. ubi ex eo probat metaphysicam esse scientiam veritatis contemplatricem, quia practici, inquit, non considerant causam per se, sed ad aliquid, & pro nunc, seu pro hoc tempore. Cum igitur de ratione scientiæ sit considerare causam per se passionis, necesse est metaphysicam esse speculativam non practicam, alioquin non esset vera scientia. Quo argumento expressè Aristoteles excludit practicas à ratione veræ scientiæ, si quidem scientia debet esse ex causis per se, quales causas non habet practica. Illa enim dicitur causa per se passionis, quæ est causa passionis formaliter ut talis est, ac proinde semper & ubique; ut patet in rationali, quod quia est causa per se risibilitatis, ut risibilitas est, semper & ubique; causat risibilitatem, non in aliquo tantum tempore, nec aliquo tantum respectu, sed quandocumque & ubicumque fuerit risibilitas, causa eius est rationalitas. Porro talem causam per se non habent practici, non enim demonstrant passionem absolute de subiecto, sed tantum in ordine ad talem vel talem finem, nec asserunt causam passionis, quæ sit causa ipsius absolute, sed solum in ordine ad talem finem, quod est asserere causam non semper & ubique; sed tantum ad aliquid & pro nunc, ac proinde non est asserere causam per se, verbi gratia, probat practicus domum habere tales proprietates, ex fine habitaculis, ad quem ordinatur: habitatio non est causa istarum proprietatum per se, quia non ut tales sunt, nec semper, nec ubique; sed solum in ordine ad talem finem, & eo tempore quo talis finis intenditur: supposito enim tali fine, rectè inferitur talis debere esse proprietates domus; at rectè tales proprietates non demonstrantur absolute de subiecto per talem causam, quia nec semper nec ubique; nam vel non sunt in subiecto sublato fine, vel si sunt, ex alijs causis, non ex illo fine conveniant subiecto, ac proinde non conveniunt per se ratione talis finis. Hæc igitur ratio Aristotelis concludit Logicam non esse vere scientiam, quia hæc non sit verè practica, cum non sit de praxi, est tamen similis practicis, & eundem cum illis modum procedendi habet.

*Practici non  
considerant  
causam per se.*

*Scientia est  
de illis quæ in  
natura sua  
habent prin-  
cipium.*

Secundò probatur. De ratione scientiæ est, ut sit de iis quæ sunt talia secundum naturam, non ex nobis, seu quæ in seipsis, & in sua natura, non in nobis habent principium, ut sint talia. Atqui Logica est de operationibus intellectus dirigibilibus, quæ non sunt tales ex natura rei, sed ex nobis, neque in se ipsis habent principium, ut sint tales, sed in nobis, hoc est in nostra directione, quæ fit per intellectum. Ergo Logica non est vera scientia. Maior est doctrina Aristotelis in 6. Eth. cap. 4. ubi ex hoc probat artem non esse scientiam, quod ars sit de iis, quæ non secundum naturam, sed ex nobis sunt talia, neque habent principium in seipsis, sed in nostra directione, ut sint talia. Vbi requirit ad scientiam, ut sit de iis quæ secundum naturam sunt talia, & quæ in natura non in nobis habeant principium, ita ut proprium sit scientiæ demonstrare rem esse talem ex natura sua, verbi gratia, domus non habet in seipsa, nec in natura sua principium ut sit talis, hoc enim natura rei non postulat, sed nos per intellectum invenimus varios modos ædificandi domum prout varios fines intendimus, propter quos domum ædificamus, & quibus ædificum accommodamus. Quod si dicas, etiam res naturales habere principium in efficiente, à quo procedunt. Respondeo habere quidem principium in efficiente, sed extrinsecum, in natura autem sua habere principium intrinsecum, opera verò practica, siue sint artificialia, siue moralia, non habent vllum principium in-

*Res naturales  
habent in sua  
naturâ prin-  
cipium intrin-  
secum.*

trinse-

insecum in natura, sed tantum extrinsecum in efficiente, seu in intellectu dirigente. Quare si operationes practice habeant aliquas proprietates ex natura rei sibi convenientes, illa non ad practicam, sed ad speculativam scientiam spectabunt, nempe ad physicam, cuius est naturam operationum, & proprietatum ex natura consequendum investigare. Ad practicam vero solum pertinet, tales proprietates ut sunt ex directione extrinseca, & regulis intellectus considerare.

Porro rationem huius doctrinæ eam adfert ibidem Aristoteles, quia quæ sunt secundum naturam talia, sunt necessaria simpliciter, hoc est, semper & ubique, quod requiritur ad scientiam, quæ verò non ex natura, sed ex nobis sunt talia, non sunt simpliciter necessaria, quia non semper & ubique, sed aliquando, & non nisi supposito tali fine; unde absolute, & simpliciter sunt contingentia, quia non sunt semper & ubique necessaria, sed solum sunt necessaria secundum quid ex suppositione talis finis, ut ex sequenti ratione magis parebit. Ex quo infero scientiam esse solum de Ente naturali, non verò de Ente artificiali aut morali, quia solum Ens naturale fundat necessitatem simpliciter, Ens verò artificiale & morale fundat necessitatem secundum quid tantum.

Tertio. De ratione scientiæ est, ut sit de iis quæ sunt necessaria simpliciter, non tantum secundum quid. Atqui Logica, cum sit de iis, quæ principium habent non in natura, sed in nobis, est solum de necessariis secundum quid, non simpliciter. Ergo non est vera scientia. Maior est doctrina Aristotelis in 1. posteriorum, & in 5. Ethic. cap. 3. & 4. ubi in hoc distinguit artem à scientiis, quod scientia sit de necessariis, & æternis, & quæ aliter se habere nunquam possunt, Ars verò sit de contingentibus simpliciter, & quæ simpliciter habere se aliter possunt, & solum secundum quid, ex certa suppositione finis sunt necessaria. Neque enim ad rationem scientiæ satis est probare rem per causam, hoc enim modo omnes artes essent scientiæ, nulla enim ars est, quæ non afferat causam suorum operum, ut ait Arist. 1. met. c. 1. ubi docet, artificis proprium esse non solum scire facere opus, sed & reddere causam operis, quos etiam non artifices tantum, sed sapientes artifices vocari ait. Et ibidem in hoc distinguit artem ab experientia, quod illa reddit causam operis, hæc non item. Sed requiritur ad scientiam præterea, ut talem causam afferat, quæ demonstret rem illam; nullo modo, nullo tempore, nulla suppositione, posse se aliter habere, sed semper & ubique esse talem, quod est demonstrare necessitatem simpliciter.

*Scientia est de necessariis simpliciter.*

Porro pro maiori explicatione, dupliciter declarari potest hæc necessitas simpliciter ad scientiam requisita. Primo si dicatur necessarium simpliciter esse illud, quod semper & ubique est necessarium, quomodo hominem esse rationalem & risibilem est necessarium simpliciter, quia semper & ubique, ita ut nunquam sit homo sine rationalitate & risibilitate, nec potest esse vlla talis suppositio, propter quam homini non conveniant esse risibilem & rationalem. Necessarium autem secundum quid illud dicitur, quod non semper & ubique est necessarium, sed solum in certa suppositione, sic hominem moveri est necessarium non semper & ubique, sed ex suppositione si currat, extra quam suppositionem non est necessarium hominem moveri, sed contingens. Ad scientiam igitur requiri necessitatem simpliciter dicto modo, hoc est, semper & ubique, patet ex eo: nam & artes demonstrant id quod est necessarium aliquando ex suppositione finis, scientiæ verò proprium est, demonstrare necessarium semper simpliciter, alioquin

*Primus modus necessitatem simpliciter explicandi.*

Scientia ab arte non distingueretur essentialiter in ratione demonstrandi. Vnde & Aristoteles 1. posterior t. 8. requirit ad demonstrationem prædicatum de omni, illudq; de finit, quod omni subiecto & omni tempore convenit, tale autem prædicatū est necessarium simpliciter. Secundò, quia talis necessitas requiritur ad scientiam, quæ non stet simul cum contingentia simpliciter; ad necessitas ex suppositione stat cum contingentia simpliciter, sublata enim suppositione, continget prædicatum non inesse subiecto, Ergo ad scientiam non sufficit necessitas ex suppositione, sed requiritur necessitas simpliciter.

*Suppositio duplex.*

Quod si objicias, demonstrari in Physica eclipsem de luna, quæ tamen non est necessaria nisi ex suppositione interpositionis terræ inter solem & lunam. Respondeo, suppositionem aliam esse contingentem, quæ contingenter & liberè ponitur, ut si velim currere, necessarium est ut mouear, necessarium inquam ex suppositione libera cursus. Alteram non contingentem, sed necessariam, quæ ex natura rei & necessario ponitur, talis est interpositio terræ inter solem & lunam, quia tali & tali tempore necessarium est eam poni secundum ordinem & cursum naturalem. Prior ergo suppositio non sufficit ad scientiam, quia stat cum contingentia simpliciter, cum ipsamet suppositio sit contingens. Posterior verò suppositio sufficit ad scientiam, quia excludit contingentiam. Dices, Eclipsim non esse semper necessariam. Respondeo, esse semper necessariam, non quidem pro semper, sed pro tali tempore, quia tali tempore necessarium est, tam suppositionem poni, quam posite suppositione sequi effectum, vnde semper & ab æterno verum est eclipsem futuram ex interpositione terræ. Quod si istes, eodem modo id quod est ex suppositione contingens, esse necessarium semper pro tali tempore. Respondeo, non esse simpliciter necessarium pro tali tempore, quia nec ipsam suppositionem esse est necessarium simpliciter in tali tempore, sed potius est simpliciter contingens, & secundum quid necessarium, posito enim quod est, necessarium est. At id quod ex suppositione necessaria simpliciter pro tali tempore, est necessarium simpliciter pro illo tempore, est necessarium, quia suppositio illa non potest non poni pro illo tempore. Fateor tamen demonstrationem de necessario simpliciter pro certo tempore, esse quidem veram & essentialiter scientiam, non tamen esse perfectissimam, intra latitudinem enim scientiæ datur una perfectior altera, sicut & necessitas simpliciter pro omni tempore, est maior & perfectior necessitas, quàm illa quæ est pro aliquo tempore tantum.

*Secundus modus.*

Secundo potest explicari necessitas simpliciter ex parte causæ. Scientia enim est necessaria, quia est per causam necessariam: Si igitur causa sit necessaria omnimodè, tam ex parte subiecti, quam ex parte passionis, erit necessaria simpliciter, & faciet scientiam esse necessariam simpliciter, quia omnimodè: nam & in Majori causa conjungetur necessario cum passione, & in Minori eadem causa coniungetur necessario cum subiecto, ex qua conjunctione sequetur conclusio necessaria simpliciter, conclusio enim sequitur ex connexionem mediij cum extremis, ita ut qualis connexio fuerit mediij cum extremis in præmissis, talis sit connexio extremorum inter se in conclusione: si illa fuerit necessaria simpliciter, hæc quoque erit simili modo necessaria; si verò connexio mediij cum extremis sit necessaria ex parte passionis non ex parte subiecti, connexio quoque extremorum in conclusione erit necessaria secundum quid, & contingens simpliciter.

simpliciter, ut si dicam, omne currens movetur, Petrus currit, Ergo Petrus move-  
tur. Maior est necessaria simpliciter, minor est simpliciter contingens, & solum ex  
suppositione necessaria, conclusio sequitur simpliciter contingens, & solum secun-  
dum quid necessaria. Ut enim recte Logici docent, conclusio semper sequitur de-  
biliores partes, & ex maiori necessaria, minori contingente, sequi conclusionem  
contingentem simpliciter, & solum ex suppositione necessariam. Ex quo patet,  
requiri ad scientiam necessitatem simpliciter, quia hæc solum excludit contingen-  
tiam simpliciter, alia vero non excludit.

Iam verò, quod in practicis, siue sint artificialia, siue moralia, non sit necessitas  
simpliciter, sed tantum secundum quid, & ex suppositione contingenti, patet:  
quia necessitas rerum practicarum est necessitas ex fine liberè & contingenter in-  
tento, quod enim est principium in speculativis, hoc est finis in practicis, sine e-  
nim constituto, omnia diriguntur ad finem, & ex fine demonstrantur esse talia,  
vel talia, ut ex fine habitationis, demonstratur domum debere esse talem, ex recto,  
parietibus, & fundamento constantem, tali modo, ut sit apta ad habitandum.  
Quæ proprietates cum ex suppositione contingenti conveniant illi ædificio, non  
possunt dici simpliciter necessariae, neq; enim ex contingenti sequitur necessi-  
tatem.

Neq; verò solum proprietates practicae sunt contingentes simpliciter, sed & es-  
sentia ipsa subiecti practici, ipsa enim essentia rerum practicarum pendet & con-  
struitur à nobis per ordinem ad aliquem finem à nobis intentum. In artificialibus  
quidem fit secundum regulam artis, in moralibus verò secundum regulam prudenti-  
æ. Ex quo patet, cum omnes demonstrationes practicae, iuvantur essentia practi-  
cæ, quæ essentialiter est contingens, non posse esse necessarijs simpliciter, quod  
enim iuvatur fundamento contingenti, non potest esse necessarium simpliciter, &  
semper necesse est fieri resolutionem in essentiam subiecti contingentem. Hæc est  
enim differentia inter cognitionem speculativam & practicam, quod illa non facit  
suum obiectum, sed supponit factum, & solum illud contemplatur, hæc verò facit  
suum obiectum, verbi gratia, scientia de homine, non facit hominem esse rationa-  
lem & risibilem, sed tantum cognoscit, scientia verò de domo facit domum esse  
domum.

At hæc, necessitas conclusionis practicae non est omnimoda necessitas, prove-  
nit enim ex una necessaria & altera contingenti, medium enim in maiori coniun-  
gitur necessarium cum passione, in minori verò coniungitur contingenter cum sub-  
iecto, quæ contingencia impedit absolutam necessitatem conclusionis, ut paulò  
ante deduximus. Quod etiam confirmatur exemplo Logico. Nam sit hæc de-  
monstratio. Omnis syllogismus talem habens dispositionem terminorum & pro-  
positionum recte concludit. Syllogismus in Barbara habet talem dispositionem.  
Ergo recte concludit: hic manifestum est medium necessarium conjungi cum pas-  
sione in Maiori, in minori verò contingenter cum subiecto; nam quod syllogismus  
ille sit in Barbara, & quod habeat talem dispositionem, id provenit non ex natu-  
ra rei, sed ex intellectu nostro, talem structuram syllogismi consciente, ad finem  
recti discursus: unde sequitur conclusionem illatam, non esse necessariam sim-  
pliciter, sed ex suppositione, suppositio enim quod intellectus fecerit talem stru-  
cturam syllogismi, cum tali dispositione, sequitur conclusionem ex eo illatam esse  
legitimam.

*Essentia sub-  
iecti practici  
est contingens  
simpliciter.*

*Necessitas  
conclusionis  
practicae non  
est omnimoda.*

Ex quo infero contra quosdam recentiores, artes vt demonstrant proprietates per causam de suis obiectis, non esse verè scientias. De ratione enim scientiæ est, demonstrare proprietates vt sunt necessariæ simpliciter, quæ necessitas non inuenitur in artibus. Vnde Aristoteles artes dicit esse de contingentibus, scientiam de necessarijs. 6. ethic. c. 3. & 4. Licet enim ars possit esse de necessarijs ex suppositione, tamen necessaria ex suppositione, sunt contingentia simpliciter, scientia autem quia non est de contingentibus simpliciter, ideo dicitur esse absolute de necessarijs, nempe talibus necessarijs, quæ contingentiam excludunt.

*Logica non  
habet ullas  
veras demon-  
strationes.*

Quartò probatur Logicam non esse scientiam, quia nullas habet veras demonstrationes, nam vel demonstrat proprietates ex natura operationum provenientes, & hæ demonstrationes sunt veræ, sed sunt physiciæ non Logicæ: ad physicam enim spectat considerare naturam operationum physicarum, & proprietates ex natura consequentes. Talis est demonstratio, quòd syllogismus Topicus generet opinionem, quia procedit ex probabilibus, demonstrativus verò generet scientiam, quia procedit ex necessarijs. Vel secundò demonstrat proprietates per conformitatem cum regulis Logicis, vt quòd aliquis syllogismus rectè concludat, quia est in Barbara, vel quia est in forma: hæ demonstrationes sunt quidem Logicæ, sed non sunt demonstrationes simpliciter, quia non sunt de necessarijs simpliciter, sed solum ex suppositione; neq; ex necessarijs simpliciter concludunt, sed ex altera necessaria, altera contingentia simpliciter, & solum secundum quid necessaria, quòd Logicæ commune est cum omnibus demonstrationibus practicis. Huc verò spectat illa ratio Aristotelis, qua probat practicas non demonstrare per causas per se, sed ad aliquid, & pro nunc.

Ex quibus patet ad rationes primæ sententiæ. Ad primam dico requiri essentialiter ad rationem scientiæ, vt sit de re necessaria simpliciter non contingentia, hoc enim est formale obiectum, quod demonstratur in scientia, nempe passionem conuenire necessario simpliciter subiecto, qualem necessitatem non demonstrat Logica de suo obiecto.

*Certitudo de  
bonitate con-  
sequentiarum non  
necessariò ha-  
betur per sci-  
entiam.*

Ad secundam Respondco, requiri quidem ad scientiam certitudinem de bonitate consequentiæ, verum ea certitudo non est necesse, vt habeatur per demonstrationem & scientiam, sed satis est vt habeatur per inductionem & experientiam, quo modo etiam primorum principiorum certitudo habetur, quare ex hoc capite Logicam non est necesse esse scientiam. Facit enim nos certos de bonitate consequentiæ, per regulas bonæ consequentiæ, quæ sunt certæ per inductionem, & experientiam, ex qua originem sumperunt.

Non negaverim tamen Logicam dici posse scientiam secundum quid, quia procedit modo debito scientiæ, resolvendo effectum in causam: non tamen est scientia simpliciter, quia non est de re simpliciter necessaria, sed tantum ex suppositione.

*Logica non est  
ars propriè.*

Dico secundò. Logicam non esse propriè artem: ars enim propriè versatur circa casus actiones, quæ relinquunt post se opus, hoc est, circa factiones: Ars enim est habitus cum vera ratione factus, & factionem verè Aristoteles definit, eam quæ opus post se relinquit 1. magnor. moral. cap. ultimo, & 6. ethic. c. 5. Atqui Logica non versatur circa vllas factiones & opera externa, sed circa internas operationes intellectus quas dirigit. Non igitur dici potest propriè ars: licet enim modum quendam artis videatur habere Logica, quod ita versetur circa suum obiectum si-

aut ars circa suum, tamen non habet materiam propriam artis, quæ est opus aliquod externum. Quod si nomen artis libeat transferre ad opera interna & spiritualia, jam non sumitur nomen Artis propriè, sed metaphoricè, sicut cum nomina rerum corporearum transferuntur ad res spirituales, propter aliquam similitudinem.

Quod si dicas: Saltem eo modo Logica potest dici ars, quo ars cantandi, saltandi, cytharizandi, quæ sunt artes actiue, non factiue. Respondeo. Majori ratione istæ dicuntur artes, quia versantur circa veram actionem & praxim; ars autem est quid practicum: At Logica versatur circa solam cognitionem, quæ sicut non est veræ praxis, ita & habitus qui circa eam versatur, non erit practicus, & consequenter ars: ars enim est habitus practicus. Quare ad fundamentum secundæ sententiæ Respondeo, non omnem doctrinam consistentem instrumenta esse artem, sed tantum illam, quæ versatur circa opera externa. Porro qui Dialecticam inter septem artes liberales posuerunt, spectarunt Dialecticam in voce, & artem rectè disputandi & differendi de rebus, quo modo licet dici possit ars latè sumpto vocabulo Artis; ea tamen est prima Dialecticæ consideratio, cum ea primò ad actus inter nos dirigendos pertineat, non ad disputationem externam.

Dico tertio. Logicam non esse artem & scientiam simul modo explicato in tertia sententia. Dicunt enim hi, præcepta Logica ut deducuntur demonstratiue ex suis principiis, esse scientiam, ut verò efficiunt opera sibi conformia, esse artem. Hæc doctrina in multis deficiat.

Primò, quia ostendimus secundum doctrinam Aristotelis de re factibili à nobis, non posse esse verè scientiam, etiam si per causas de ea vniuersaliter demonstrætur passionēs; talis est Logica. Ergo neq; in vniuersali neq; in particulari habet rationem scientiæ. Secundò, quia ostendimus secundum Aristotelem artis rationem propriam & essentialē esse, scire causam operis: in hoc enim differt essentialiter ab experientia, quod experientia scit quod sit, non propter quid sit, ars verò scit propter quid sit. Ergo cum Logica præcepta sua deducit ex suis causis & principiis, exercet in hoc propriè rationem artis, non scientiæ. Tertiò, quia falsum est; artem non versari nisi circa singularia, cum Aristoteles hæc duo requirat ad rationem artis, ut sit de opere in vniuersali; & ut sit per causam, in iisq; duobus distinguit artem ab experientia, quia experientia sit circa singularia, & non sciat causam. Quartò, isti videntur artem distinguere à scientia solum ex effectu: nam cum dicunt præcepta solum ut efficiunt opus sibi conforme, esse artem. peto num velint ab effectu & opere artem denominari artem, an verò arti assignent peculiarem actum cognitionis? Primum dici non potest, quia proprius actus artis est cognitio, est enim habitus intellectus cognoscitivus, & actus ejus proprius est cognitio: omnis enim habitus intellectus inclinat ad cognitionem. Si dicatur secundum: ergo præter opus externum & effectiōnem assignari debet proprius actus Artis, qui non potest alius esse, quam cognitio rei faciendæ, & sic cognitio rei faciendæ, quam isti dicunt esse scientiam, erit proprius & essentialis actus artis, non enim solum ut efficit opus, sed ut dicat de faciendo, est ars: quod dictamen non solum in particulari, sed etiam in vniuersali ad artem spectat, quia idem iudicium specie est in vniuersali & in particulari, extensione solum differens, non ratione formali iudicii, sicut idem specie homo est in particulari, & in vniuersali. Quintò: isti non videntur distinguere inter artem docentem & videntem, hoc est inter eam, quæ

*Nota d. sermè  
inter artem  
cytharizandi  
ac similes &  
Logicam.*

*Logica non est  
simul ars &  
scientia.*

*Ars docens  
& videntem...*

docet esse hoc vel illo modo faciendum, & eam quæ ex tali doctrina facit ejusdem artis est docere faciendum, & doctrina illa vti ad faciendum, hoc enim est ex arte facere, ex doctrina artis facere. Cum ergo isti doctrinam tribuant scientiæ, vsum arti, an non manifestè tollunt doctrinam artis, & artem docentem? & sic ex arte facere, erit non ex arte, sed ex scientia facere, quia non ex doctrina & directione artis, sed ex doctrina & directione scientiæ. Sicut enim manualis, qui ex directione artificis operatur, verè non dicitur facere ex arte, licet efficiat opus artis, quia non habet in se artem, & notitiam artis, artifex verò quia scit & ob quam causam faciendam sit, dicitur ex arte facere, ita si ars vt ars nullam habeat propriam notitiam rei faciendæ, sed vtatur scientia, opus illud quod efficit, erit opus non artis, sed scientiæ, quia ex scientiæ non artis directione procedit. Ex quo patet notitiam illam, ex qua ars efficit opus, esse artis non scientiæ notitiam. Quare hi authores si consequenter loqui velint, vnum ex duobus dicere debent, aut vtamq; Logicam tam docentem quàm efficientem esse scientiam, ita vt si docens est scientia, vtens etiam sit scientia; quia eadem est notitia docens & vtens, & ex scientia docente vtens efficit opus, aut certè si Logicam vtentem volunt esse artem, consequenter Logicam docentem debent dicere artem, quia eadem notitia est docens & vtens. Dicere verò Logicam docentem esse scientiam, vtentem verò artem, non est dicere convenientia, nam scientia & ars essentialiter differunt in genere cognitionis. Non potest igitur eadem cognitio esse ars & scientia, sed debent esse duæ cognitiones essentialiter distinctæ. Quare cum hæc doctrina horum authorum tam multis nominibus repugnet doctrinæ Aristotelis & rationi, non videtur esse probabilis.

*Logica tantum secundum vnam sui partem facultas.*

Dico quartò. Logicam vniuersè loquendo non esse facultatem, sed solum vnam eius partem, quæ Topica dicitur. Pro quo notandum est, Logicam seruire omnibus scientiis duplici ratione. Primò tradendo modos & formas generales definiendi, diuidendi, argumentandi. Secundò. Suppeditando generalia media ad disputandum & discurrendum de rebus omnibus, hoc est, indicando locos communes, sedes argumentorum, ex quibus argumenta ad quamcunq; rem probandam erui possunt. Primum illud spectat ad formam argumentandi, secundum verò ad materiam; Quamvis enim singulæ scientiæ habeant singularia media ad suas conclusiones probandas, tamen Logica præbet omnibus scientiis generalia quædam media ex locis communibus desumpta, vt ex loco à genere, à specie, à definitione, à causa, de quibus omnibus certas regulas Logica tradit, in ea sui parte quæ Topica dicitur. Ex quo patet Topicam seruire cæteris scientiis, quoad materiam, præbendo generalem materiam argumentandi de qualibet re, alteram vero, Logicæ partem seruire quoad formam; quare etiam de syllogismi Topici forma agere non spectat ad Topicam, sed ad aliam Logicæ partem, quæ in communi de forma syllogistica tractat: eadem enim est forma syllogismi Topici, quæ aliorum omnium syllogismorum, solum vera Topica præbet materiam generalem, & media generalia ad conficiendos syllogismos Topicos.

Notandum est secundò: quòd Aristoteles duas facultates recenset 1. Rhet. cap. 2. Rhetoricam & Dialecticam, quia per eas possumus in vtamq; partem affirmantem & negantem dicere & disputare, suadendo & dissuadendo, probando & refellendo, quod manifestum est non convenire toti Logicæ, sed solum vni parti, quæ Topica dicitur. Nam medijs desumptis ex locis Topicis in vtamq; partem probabiliter



probabiliter vti possumus, & de vtraq; parte, tam affirmante, quàm negante probabiliter disputare. Topica enim media vel sunt solum probabilia, vel si aliqua sunt necessaria, Topica illis vtiur non vt necessarijs, sed vt probabilibus. Ex quo responsio patet ad fundamentum tertie sententie, forma enim syllogismi non est medium ad probandum in vtramq; partem.

Dico quintò, Logicam esse habitum instrumentarium. Ita Ammonius præfatione in Prædicamenta. Alexander 1. top. c. 4. & 2. met. t. 15. Simplicius præfatione in prædicamenta. Averroës præfatione in Epitom. metaph. S. Thomas opusc. 70. q. 5. a. 1. ad 2. Albertus tract. 1. in libr. poster. initio, Ægidius initio posteriorum. Zimara in tabula: verbo, Absurdum. Zabarella de natura Logicæ c. 10. Et probatur 1. ex Aristotele, qui Logicam idcirco inscripsit organum, vt refert Lactius: & 2. met. t. 15. appellat eam modum sciendi, quo scientia vniur ad finem scientiæ consequendum. Deniq; 1. top. c. 9. ait, ea quæ quæruntur in Logica, quæri non propter aliquid quod sit proprium Logicæ, sed tantum vt adiuver ad aliud: quo loco infert Alexander ibi, Logicam esse instrumentum. Secundo, vltimatus & essentialis Logicæ sunt scientiæ seu operationes scientiarum, hunc autem finem Logica concurret instrumentaliter suo artificio, nam principaliter actus scientiarum sunt ab habitu scientiarum. Ergo Logica est habitus instrumentarius, distinctus essentialiter ab omnibus alijs habitibus, nam alij habitus consequuntur suum finem per suam actionem principalem, sola Logica consequitur finem suum per actionem verè & propriè instrumentariam. Pro cuius declaratione duo sunt explicanda. Alterum est, An Logica sit verè & propriè instrumentum scientiarum? alterum an hæc sit prinia & adæquata ratio, propter quam Logica dicitur habitus instrumentarius?

*Logica est habitus instrumentarius.*

Quantum ad primum dico, De ratione veri instrumenti esse duo, Primò, vt sit subordinatum causæ principali, & ab ea moueatur vel applicetur ad agendum. Secundò, vt applicetur ad operationem principalis agentis, non suam propriam. Ratione primi, multæ causæ non sunt instrumenta, quæ vel non subordinantur causæ principali, sed quæ principaliter agunt, tanquam concausæ, vt cum duo trahunt navim; vel subordinantur, sed per accidens, quia nimirum vis activa illarum causarum talem subordinationem non requirit ex natura sua: sic ignis applicatus ad comburendum, non est verè & propriè instrumentum ad combustionem, quia illa applicatio convenit illi per accidens, cum non ex vi talis applicationis, sed ex vi sua principali & naturali comburat. Vis enim instrumentaria talis est, vt ex se non prorumpat in actum, nisi moueatur ab agente principali, vt patet in securi, calamo, & alijs. Ratione secundi ea non dicuntur instrumenta, quæ applicantur quidem ab agente, sed ad suum proprium, non ad agentis principalis effectum, cuius signum est, quando effectus ille non excedit virtutem propriam causæ applicatæ: effectus enim principalis agentis debet excedere propriam virtutem instrumenti, alioquin non instrumentaliter, sed principaliter fieret ab ipso. De ratione enim instrumenti est, vt agat virtute principalis causæ, non egeret autem principali causa, si ex se haberet virtutem sufficientem ad effectum: sic equi non sunt instrumenta aurigæ, quia applicantur quidem ab auriga, sed ad actionem propriam ipsorum, nempe ad cursum, qui principaliter & sufficienter fit ab ipsis. Sic in Physica docetur accidentia ad producenda similia accidentia non esse instrumenta substantiæ, ad producendam verò substantiam esse

*Que sit ratio propria instrumenti.*

esse instrumenta, quia nimirum hic effectus, excedit virtutem propriam: illorum; hic non excedit.

*Logica est instrumentum scientiarum.*

Logica igitur cum utramque conditionem instrumenti habeat, erit verè instrumentum scientiarum; nam & ad effectum scientiarum producendum adhibetur, nempe ad efficiendam scientiam actualem, quæ principaliter fit ab ipsis scientiis habitualibus, à Logica verò instrumentaliter tantum, & quoad directionem, & præterea virtus illa directiva Logicæ est per se subordinata habitui scientiæ, qui non potest prodire in actum scientiæ per se, nisi adhibita & applicata scientiæ habitus.

Dices, hoc modo omnes artes essent instrumenta ad efficienda opera artis, tradendo modum efficiendi illa opera, & sic omnes artes essent instrumentariæ. Respondendo. Negando sequelam: nam artes nulli habitui subordinantur tanquam eius instrumenta, ad ipsius actum producendum, sed soli intellectui: nam potentis exequutivis non subordinantur, sed illas potius ordinant & applicant ad finem. At Logica, ante cognitione modi sciendi, est subordinata habitui scientiæ, ipsi; hæc, ad finem, & actum ipsius principalem, unde proprium Logicæ est esse instrumentum aliorum habituum.

*An ex quo modo Logica concurrat ad actum scientiæ?*

Quod si quæras, an Logica concurrat instrumentaliter ad actum scientiæ, mediante suo actu, hoc est, mediante cognitione præceptorum & modorum sciendi; an verò immediatè per ipsum habitum, disponendo & determinando habitualiter scientiam, ad rectum actum scientiæ, nulla interveniente cognitione actuali præceptorum Logicæ. Quidam enim hoc secundum affirmant, idque ex eo probant, quod habitus potest esse principium rectitudinis actuum, quos dirigit, nulla mediante cognitione, si enim quis contrahat habitum cantandi, saltandi, pulsandi cytharam, ex habitu ipso determinatur ad rectè cantandum, saltandum, pulsandum, etiam si actu nullam præceptorum artis considerationem habeat. Poterit ergo eodem modo & habitus Logicæ determinare & dirigere habitum scientiæ, nulla mediante cognitione præceptorum Logicæ. Verum nos in quæstione sexta infra id refellimus: alioquin contingeret, ut quis oblitus artis & præceptorum omnium, posset tam bene operari ex habitu artis, sicut alter operatur ex cognitione artis, per oblivionem enim non tollitur habitus artis, sed solum actus impeditur, ut vel ex eo patet, quod per solum recordationem reddit homo ad priorem facilitatem habitualem. Dicendum ergo est habitum Logicæ esse quidem instrumentum scientiarum, sed mediante suo actu & cognitione, semper enim cum ex habitu artis operamur, vel præceptorum artis recordamur aliquo modo, vel certè operum artis ante factorum, & ex memoria talium operum faciliè, & promptè operamur, unde impedita memoria, impeditur & operatio.

*Logica instrumentaliter causat actum scientiarum.*

Quantum ad secundum, Dicendum est Logicam esse instrumentariam, non solum quia conficit instrumenta sciendi, ut plerique sentiunt, sed præcipue quia ipsa seipsa, seu suis regulis ac præceptis est instrumentum scientiarum, causans instrumentaliter actus scientiarum. Nam quod ad instrumentorum confectionem attinet, si hæc instrumenta intelligantur regulæ syllogismorum, definitionum, & aliorum modorum sciendi, has Logica non conficit, sunt enim confectæ una cum ipsa Logica à primis inventoribus Logicæ, solum verò eas ut factas contemplatur, earumque proprietates ostendit, in quo habet se modo speculativo, speculatio enim non facit obiectum, sed factum intuetur, practica verò cognitio pro obiectu

obiecto habet factionem sui objecti, verbi gratia, ars ædificandi facit domum, & eam factionem pro obiecto habet. Si verò per instrumenta sciendi intelligantur simulacra quædam syllogismorum, definitionum, &c. qualia sæpe sunt in terminis nil significantibus, vt in literis Alphabeti, Omne A est B. Omne C est A, Ergo omne C est B. talia simulacra & conficiuntur à Logica, & sunt instrumenta sciendi, tunc & in alijs artibus, conficiuntur primò simulacra quædam operum, ex luto aut alia simili materia, ad quorum similitudinem deinde efficiuntur vera opera artis; Sic ars fusoria luteas formas adhibet ad fundendas campanas: sic ars ædificandi vitru modellis pictis vel fictis, ad quorum similitudinem accommodat ædificium: ita & in Logica simulacra quædam & idæ syllogismorum conficiuntur, vt ad eorum similitudinem fiant veri syllogismi. Quamvis autem id verum sit, tamen hic vsus talium simulacrorum non est necessarius ad scientias, & sine illo periti faciunt veros syllogismos, per conformationem ad solas regulas & præcepta Logicæ, vnde non tam respectu Instrumentorum à se confectorum, quàm (& quidem præcipue) quia ipsa seipsa & suis præceptis, est instrumentum scientiarum, vocatur Logica habitus instrumentarius. Ex quo apparet discrimen inter Logicam & alias artes, quoad rationem instrumentariam; nam aliæ artes principaliter conficiunt aliqua opera, quæ postea assumuntur vt instrumenta ab alijs artibus, vt ars frænificatoria pro fine principali habet conficere fræna, eaq; conficit non instrumentariè, sed principaliter, quia in illis conficiendis nullius artis est instrumentum, frænis verò confectis vitru postea ars equestris tanquam instrumentis. Logica verò pro fine principali habet efficere actum scientiæ, ad cuius effectiõnem habitus scientiæ cõcurrit principaliter, & quoad substantiam, Logica verò solum instrumentaliter, & quoad modum, Efficit quidem Logica aliqua simulacra verarum operationum, verum hæc effectio non est finis vltimatus Logicæ, sed tantum immediatus, & subordinatus fini principali & vltimato, à quo solo denominatur Logica simpliciter.

Dico sextò. Logica non est vllus ex illis quinq; habitibus enumeratis ab Aristotele 6. Ethic. Paret id tum inductione, tum ratione, quia eo loco Aristoteles non intendit enumerare omnes habitus, qui sunt in intellectu, sed tantum eos qui semper verum dicunt: vnde ex hoc capite excluditur habitus opinionis, inertie, erroris, his enim potest subesse falsum. Secundò solum ibi numerat habitus, qui in suo genere sunt principales, non verò qui sunt instrumenta aliorum habituum, qualis est Logica. Dico septimò. Logicam non esse virtutem intellectualem. Virtus enim est dispositio ad perfectum actum & optimum. Ad hoc autem in habitu intellectuali duo requiruntur; tum vt semper dicat verum (verum enim est obiectum intellectus) tum vt in hoc habeat se per modum causæ principalis, non instrumenti, circa verum enim optima operatio non est, quæ vel non dicit verum ex sua ratione formali, vt est error, vel si dicat verum, non dicit absolute, sed vel probabiliter tantum vt opinio, vel cum suspitione, vt habitus suspitionis, vel alijs modis imperfectis, inter quos est modus instrumentarius dicendi verum.

Dices. Logicam dicere principaliter verum Logicum de modo sic vel sic sciendi. Respondeo, hoc verum, esse finem sed non vltimatum Logicæ, habet enim pro fine vltimato & obiecto verum scientiarum, ad quod ipsa concurrat solum instrumentaliter, vt dictum est, nam scientiæ concurrunt principaliter; ideo huius veri respectu instrumentaliter solum dicit verum, & imperfectè, & sic solum

*Discrimen  
Logicæ &  
aliarum Artium.*

*Logica non est  
vllus ex 5. habitibus 6. Eth.*

*Ratio.*

*Logica non est  
virtus intellectualis.*

erit instrumentum virtutis non virtus. At dices: etiam alix artes cum dicunt hoc vel illo modo faciendum opus, dicunt absolurè verum. Ergo & Logica. Respondeo, Elicè disparem rationem, nam alix artes non habent aliud verum quod dicant, nisi illud de modo sic vel sic faciendi operis, quia non ordinantur ad aliam cognitionem, & veritatem assequendam. At Logica præter veritatem de modis sciendi habet pro fine vltimato & principali veritatem scientiarum, ad quam ordinatur, & à qua tanquam à fine vltimato præcipue denominatur, cum igitur ad hanc veritatem concurrat solum instrumentaliter, & imperfectè ex parte sua, non poterit ea ratione dici virtus: Virtus enim est dispositio intellectus ad perfectam & optimam operationem circa verum. At saltem, inquires, posse, Logicam dici virtutem ratione prioris veri de modo sciendi. Respondeo, si hoc verum haberet pro principali & vltimato fine, posset dici virtus intellectualis, sicut & alix artes; at quia non habet illud pro vltimato fine, sed aliud, ideo ratione ipsius non potest dici virtus.

## QVÆSTIO VI.

*An Logica Docens & Vtens sunt due  
Logicae specie distinctæ?*

*Quid sit Logica docens?*

**P**rimò explicandum est, quid sit Logica docens & vtens; est enim recepta ea Logicae distinctio, eamq; habet S. Thomas 4. met. lect. 4. & opusc. 70. Scotus & alij communiter. Est igitur Logica docens, quæ tradit præcepta, quibus docetur quid, quomodo faciendum, vtens verò est, quæ ex præceptis efficit opera ipsi conformia, sicut cum artifex ex præceptis artis efficit opera artis. Quocirca actus proprius Logicae docentis, est doctrina ipsa; & præcepta de faciendis, vtentis verò actus non est doctrina & cognitio in abstracto, sed vsus doctrinæ, seu doctrina & præcepta applicata alicui materiæ, vt cum syllogismus physicus efficitur secundum præcepta & doctrinam Logicam. Itaq; dupliciter possumus definire Logicam vtentem: Primò si dicamus esse doctrinam, vt ex ea efficitur aliquid, facta denominatione extrinseca, ab hoc quod per eam efficitur, Secundò si dicamus esse opus ipsum prout efficitur ex doctrina, & subsistat doctrinæ. Vtraq; definitio in idem recidit.

Ex quo infero Primò: ad actum Logicae vtentis concurrere, & doctrinam seu præcepta, & operis effectiorem, ita vt ex vtroq; constituatur essentialiter actus Logicae vtentis. Nam sola præcepta per se non sunt vsus, sola etiam effectio operis sine præceptis, non est vsus præceptorum: quare si efficeret opus artis non ex præceptis artis, sed vel casu, vel ex experientia, vel ex alio principio, quàm ex arte, si in illo opere efficiendo non videretur arte, nec opus illud factum esset ex arte: sic nidus ab hirundine factus non est opus artificiale, sed naturale, quia ex natura non ex arte procedit: sic ministri artificum non faciunt ex arte opera artis, sed ex experientia, nec habent formaliter vsum artis. Quod dico propter quosdam, qui dicunt habitum Logicæ vtentis sine vlla cognitione actuali, efficere sua opera ex habitu quasi per modum naturæ. Verùm isti errant, nā habitus Logicæ, est habitus intel-

lectus,

*An ex Habitu  
Artis, sine vlla  
cognitione,  
efficiantur o-  
pera Artis?*

lectus, omnis autem habitus intellectus est cognoscitivus, & perficiens intellectum ad cognoscendum, & in ordine ad objectum ipsius intellectus proprium, & ex consequenti actum habet cognitionem, Ergo si aliquid aliud efficit, non nisi ex cognitione efficit, & mediante cognitione, quia enim per cognitionem dirigit illum actum, ideo dicitur illum efficere.

At inquit. Qui habet habitum alicujus rei faciendæ, etiam non cogitans facit rem illam; Ergo immediate & absq; vlla cognitione. Respondeo, illum qui contraxit habitum non egere quidem magna reflexione, semper tamen egere aliqua, etiamsi aliquando insensibili, vel saltem memoriâ operum ex arte factorum. Quod patet primò ex experientia, si enim casu tantisper obliviscimur artis, operari non possumus, & tamen mox cum deinde recordamur, eadem qua prius facilitate operamur, ut patet in cantu, in pulsatione cytharæ, & similibus; Ergo signum est, quòd ex cognitione actuali ex habitu operamur. Secundò, patet idem ex ratione: quia ille habitus contractus, non est habitus absolute faciendi, sed ex cognitione faciendi, nam ex talibus actibus est genitus, qui ex cognitione processerunt: ergo non potest inclinare ad operandum, nisi ex cognitione; alioqui posset quis oblitus artis, & præceptorum Logices uti Logica. Dico igitur eum qui habitum contraxit, non egere quidem magna reflexione ad regulas artis, egere tamen ut minimum memoria operum artis, & ex ea memoria operum à se factorum operari.

Infero secundò. Ad actum Logicæ videntis non sufficere habitum Logicæ, sed requiri alium habitum efficientem aliquod opus, quod opus ab illo quidem habitu fit, quoad substantiam & entitatem, à Logica verò fit quoad directionem, seu quoad conformationem cum præceptis Logicæ: v. g. physicus demonstrat de homine, quòd sit risibilis, quia rationalis, hic discursus quoad substantiam procedit ab habitu physico, quoad directionem ab habitu Logicæ, fit enim conformis præceptis Logicæ de demonstratione: quocirca solus habitus Logicæ non potest dici videntis, nisi quatenus conjunctus cum aliquo alio habitu, in cuius actu vitur præceptis Logiciis.

*Ad actum Logicæ videntis non sufficit habitus Logice.*

Dices. Ergo habitus Logicæ videntis, est compositus ex duobus habitibus. Respondeo, negando: non enim componitur ex utroq; sed connotat alterum habitum, sine cuius concursu non potest habere usum suorum præceptorum: ex se enim habet habitus Logicæ applicare sua præcepta, ad actum alterius habitus, supposito quòd alter habitus producat suum actum.

His igitur suppositis, quæstio est, an hæc duæ Logicæ, docens & videntis sint essentialiter distinctæ? Est autem ratio dubitandi duplex: altera ex parte actuum, altera ex parte habituum. Nam ubi sunt actus specie distincti, ibi generantur habitus specie distincti, actus enim sibi similem generant habitum. Atqui actus Logicæ docentis & videntis sunt specie distincti, Ergo & habitus. Minor patet ex dictis. Actus enim Logicæ docentis sunt præcepta, videntis verò opus præceptis conformæ. De habitibus verò probatur in hunc modum. Nam ubi sunt diversæ difficultates superandæ, ibi constituendi sunt distincti habitus, siquidem habitus constituuntur ad difficultates superandas, & facilitatem ac promptitudinem potentie in operando tribuendam: Atqui in exequendis præceptis Logicæ, est nova difficultas, quàm sit in discendis. Ergo & habitus exequendi præcepta Logicæ, est alius ab habitu docente. Minor probatur, tum quia potest quis scire artem consiciendi syllogismos, & esse iners & inexercitatus in praxium

quia

quia potest quis sine arte syllogismos facere ex solo usu: Ergo alia est ars syllogistica, alius usus. tum quia idem cernitur in alijs habitus, quod diligentes habitus ab exequendis distinguuntur. Nam prudentia est habitus dirigens omnes virtutes, non est autem dubium prudentiam, cum sit in intellectu, distinguere ab habitibus virtutum, qui sunt in voluntate. Propter quas rationes plerique sentiunt hos duos habitus, ac ex consequenti Logicas esse specie distinctas.

*Logica docens  
est idem habitus  
cum Logica  
vrente.*

Alij verò ut verius existimant non esse istos habitus specie distinctos, sed habitum docentis Logicæ applicatum rebus esse Logicam vrentem, eundem verò habitum avulsum à rebus esse Logicam docentem: certum autem est, eundem specie habitum esse avulsum à rebus & applicatum. Probatur hæc sententia. Quia distincti habitus constituuntur propter distinctas difficultates: Atqui in applicatione & usu præceptorum Logicorum nulla est difficultas ad Logicam spectans, nisi ea, quæ oriuntur ex ipso artificio præceptorum, Ergo habitus Logicæ vrentis non est distinctus ab habitu Logicæ docentis.

*In actu Logica  
vrentis tria  
consideranda.*

Pro qua re notandum est in actu Logicæ vrentis tria considerari posse: Primò doctrinam & artificio Logicum: v. g. formam illam Syllogisticam. Secundò, materiam cui applicatur illud artificio, quæ potest esse physica aut metaphysica. Tertiò coniunctionem artificij cum materia. Unde triplex quoque cogitari potest difficultas in usu Logicæ. Prima quæ provenit ex imperfecta cognitione artis & præceptorum Logicæ, & hæc ad Logicam docentem pertinet: altera quæ provenit ex imperfecta cognitione materiæ physicæ: v. g. vel metaphysicæ, & hæc pertinet ad scientias, quæ circa illas materias versantur: ut enim ars sculpendi aliam habet difficultatem in ligno, aliam in lapide, aliam in marmore, quòd istæ materiæ diversas quoque secum ferant difficultates, ita Logica aliam habet difficultatem in materia physica, aliam in metaphysica. Tertia difficultas provenit ex materia exequente, idque tunc, quando executio pertinet ad diversam potentiam, habentem diversum actum, & ex consequenti diversam in actu difficultatem: ut si quis didicerit artem pingendi, vel cantandi habuit proculdubio habebit in difficultatem in usu & executione artis, etiam si illam optimè norit, quia executio debet fieri per potentiam, distinctam ab ea potentia, in qua est ars, distincta autem potentia sicut distinctum habet actum, ita & distinctam facilitatem in actu. Nam ad pingendum: v. g. in manu requiritur quidam habitus materialis, similiter & in vocis instrumentis ad cantandum. Si verò potentia executiva non sit distincta à directiva, sed ipsa potentia dirigens sit etiam exequens, tunc non erit distincta difficultas in exequendo, quàm sit in dirigendo, vel cognoscendo, aut si quæ sit difficultas, illa referenda erit in materiam; ut cum intellectus artem Logicam applicat materiæ physicæ. Quare si nulla sit difficultas, neque ex parte artis Logicæ, neque ex parte materiæ, nulla quoque erit difficultas in coniunctione artis cum materia, cum eadem sit potentia dirigens & exequens. Si quis enim apprehendat evidenter hominem esse insibilem, ex eo, quia rationalis, & bene memor sit artis syllogisticæ, nullam habebit difficultatem in conficiendo Syllogismo physico, propter evidentiam tam formæ, quàm materiæ; ad hunc enim modum & in physicis, si materia sit bene disposita ad formam recipiendam, & agens habeat perfectam virtutem producendi formam, nulla difficultas erit in coniungenda forma cum materia.

*Difficultas in  
arte nota in  
quid referenda.*

Ex quo patet, quòd in arte, quam quis novit, bene exequenda, si sit aliqua difficultas, illa vel in materiam, vel in potentiam exsequentem, quæ sit distincta à dirigente,

gente, referenda est. Hinc autem respondetur ad fundamentum primæ sententiæ: illa enim difficultas, quæ in vñu præceptorum Logicorum cernitur, potest esse, vel ex imperfecta notitia præceptorum, & hæc ad docentem Logicam spectat; vel ex materia cui applicantur præcepta, & hæc spectat ad alias scientias, quæ circa illas materias versantur, si verò neutra sit ex dictis difficultatibus, nulla erit difficultas in vñu præceptorum Logicæ.

Vnde ad primam probationem in ratione dubitandi positam, Respondeo, posse quem scire artem conficiendi Syllogismos, & propter inexperiencem pati difficultatem in praxi, sed illa difficultas provenit ex materia, & pertinebit ad habitum scientiæ, quæ circa illam materiam versatur.

Ad secundam, Is qui sine arte didicit facere Syllogismos ex vñu, non habet habitum Logicæ, nec docentis, quia artem non didicit, nec vñtis, quia artem non vñtur, sed habet habitum experienciæ, hoc est, experientia acquisitum, qui est distinctus ab habitu Logicæ docentis & vñtis: sicut si quis discat linguam Latinam ex vñu, non ex arte, is habebit habitum loquendi Latine, non ex arte Grammatices, sed ex experientia & observatione practicâ, qui habitus est diversus ab habitu Grammatices. Nam qui ex arte loquitur Latine, scit regulas & causas loquendi, qui verò ex vñu loquitur, solum observationem & experientiam loquendi habet, nec regulas novit, nec causas, cur ita sit loquendum, potest reddere.

*Habitum artis  
& experientia  
distin-  
guuntur.*

Ad tertiam. Si executio fiat per distinctam potentiam à dirigente, tunc etiam est distincta difficultas ex parte potentiæ exequentis, at si eadem sit potentia exequens quæ dirigens, tunc nulla erit difficultas ex parte potentiæ exequentis, sed solum vel ex parte dirigentis, vel ex parte materiæ.

At obijcies. In eadem quoque potentia posse esse distinctum specie habitum dirigentem & exequentem: v. g. in materia opinionis, & fidei humanæ præscribit prudentia, quando & quid credendum vel opinandum sit. Ergo univèrsè non est verum, quando eadem est potentia dirigens & exequens, habitum dirigentem ab exequente non distingui specie. Respondeo, dictos habitus versari in distinctis materijs, & distinctas habere facultates, sed ex materijs producentes, in eadem verò materia, & in eadem potentia habitus dirigens & exequens non distinguuntur specie, ita ut ex hoc solo capite, quod est habitus exequens, non sit necesse illum distinguere specie ab habitu dirigente.

Ad illud verò argumentum, quod in ratione dubitandi ex distinctione specifica actuum inferitur distinctio habituum. Respondeo primò. Actum Logicæ vñtis materialiter, & propter identitatem cum actu scientiæ, esse specie distinctum ab actu Logicæ docentis, formaliter verò & per se esse eiusdem speciei: sicut forma arcæ in abstracto, differt ab arcæ marmorea, lignea, aurea, quod illa non involvit materiam, hæc involvit; ita Logica docens est abstracta ab omni materia, vñtis verò est conjuncta materiæ, hoc est, dicit præcepta in materia physica, vel metaphysica, ac proinde conjuncta cum actu scientiæ, forma tamen & artificium Logicum est idem in doctrina & vñu. Quare Syllogismus verbi gratia, physicus, quatenus est physicus, differt specie à Logica docente modum syllogismi faciendi; quatenus verò continet in se artificium Logicum, sic non differt specie ab actu Logicæ docentis, sic enim est conformis præceptis Logicæ; conformia autem quatenus conformia, sunt similia & eiusdem rationis. Ex quo patet, quod actus Logicæ vñtis sit specie distinctus ab actu Logicæ docentis, id ex eo accidere, quod.

*Actus Logicæ  
Docentis &  
actus Logicæ  
Vñtis ma-  
terialiter non  
formaliter  
sunt distincti.*



quoddam ad actum Logicæ vrentis concurrat alius habitus specie distinctus, & conjungat accidentificet actum suum cum actu Logicæ vrentis, ita ut ratione illius alterius habitus sit ille actus specie distinctus, non verò ut procedat ab habitu Logicæ vrentis.

Quod si objicias, Vel ex actu Logicæ vrentis generatur habitus vnus vel duo, Si vnus, is erit specie distinctus habitu Logicæ docentis, quia & actus est specie distinctus. Si duo, id est prorsus inauditum, ex vno specie actu generari duos habitus, cum habitus semper sequatur naturam actuum, ex quibus generatur. Respondeo. Sicut actus Logicæ vrentis est simpliciter & quoad substantiam physicus, & solum secundum quid Logicus, hoc est secundum illam dispositionem & formam Logicam, ita & habitus qui ex tali actu generatur, simpliciter & quoad substantiam erit physicus, secundum quid autem erit logicus, & ita vnus & idem habitus sub diversa ratione erit physicus & Logicus. Dices hunc habitum distingui specie ab habitu Logicæ docentis. Respondeo, quatenus Physicus est, distingui specie, non quatenus Logicus, siquidem inclinatur ad actum sub eadem omnino ratione, sub qua & habitus Logicæ docentis, nempe secundum illam dispositionem, & formam Logicam. Quod si insites, fore duplicem habitum Logicæ vrentis, alterum qui est idem cum Logica docente, alterum qui distinguitur realiter à Logica docente, cum sit idem cum habitu scientie. Respondeo, in eo nullum esse inconueniens, siquidem vnus Logicæ potest provenire aliquando ex mera doctrina Logicæ, aliquando ab habitu ex ipso visu artis contracto, maxime cum ad vsum non solum habitus Logicus concurrat, sed & physicus; in talibus enim actibus, ad quos concurrunt plures habitus, necesse est id contingere.

*Vnus habitus  
sub diversis  
rationibus po-  
test esse Phy-  
sicus & Logi-  
cus.*

*Cognitio pra-  
ctica duplici-  
ter.*

Quod si quæras. An Logica vrens possit dici practica: nam de docente supra negavimus id dici posse. Respondeo, Cognitio dupliciter dici potest practica, Primo ex effectu, quia ex ea & juxta efficitur aliquid: Secundò ex objecto, quia dicitur & præscribit quid quomodo faciendum: potest verò cognitio esse speculativa ex objecto, & practica ex effectu; ut si ex cognitione speculativa figurarum Mathematicarum, efficiam vel fabricem opus mechanicum; potest etiam esse cognitio practica ex objecto, & non esse practica ex effectu, ut si cognoscam in abstracto ita vel ita esse faciendum, neque tamen de facto faciam: Porro utraq; cognitio dicitur verè & propriè practica in suo genere, si referatur ad veram & propriam praxim, quæ est actus à cognitione distinctus, & secundum cognitionem effectus. Si verò referatur ad actum, qui non sit vera praxis, ex eo quoddam non est actus à cognitione distinctus, tunc cognitio illa dicetur latè practica, & propriè dicitur cognitio ad vsum non ad praxim relata. Propter hanc igitur causam, neque Logica docente est propriè practica, ex objecto quia non dicitur de faciendo opere à cognitione distincto: neque Logica vrens, quia licet efficiat opus, illud tamen non est à cognitione distinctum, utraq; tamen latè dici potest practica, & quidem activa potius quam factiva, quia non versatur circa opera manentia post actionem, quod ad factionem propriam requirit Aristoteles.

Quod verò hic Ruvijs ait, Logicam docentem esse scientiam, vrentem verò artem, satis supra refutatum est.

## QVÆSTIO VII.

*An Logica sit necessaria simpliciter ad  
scientias acquirendas?*

EST quæstio de Logica artificiali, quæ ex observatione & experientia multiplici est collecta, & in præcepta, atque artem redacta. Præterea quæstio est de necessitate simpliciter, hoc est, an Logica ita sit necessaria, ut sine illa scientiæ nullo modo acquiri possint: nam de necessitate secundum quid seu ad bene esse, nemo dubitat, siquidem manifestum est Logicam multum ad scientias acquirendas conducere.

Prima igitur sententia est, Logicam omnino necessariam esse ad scientias acquirendas. Fundamentum est: Quia ad scientiam habendam duo requiruntur: *1. Sententia.* Primo principia aliqua certa, ex quibus deducenda est conclusio. Secundo, certitudo de bono modo illationis: ille enim propriè scit, qui scit se scire, & certus est de bona consequentia, seu de bono modo inferendi conclusionem ex præmissis. Atqui modus bonæ consequentiæ & illationis non potest haberi sine Logica, cum hi modi non sint cuiusvis obviæ, & non nisi longâ observatione collecti, & in artem redacti, ipsaque experientia docet, eos qui non callent artem Logicam, sæpius in modo inferendi impingere, & malæ consequentiæ pro bonis reputare. Ergo.

Verum qui hanc sententiam defendunt, sunt in duplici differentia. Nam aliqui hanc necessitatem ita amplificant, ut ne minimam quidem scientiam particularem velint obtineri posse sine Logica, quia omnis scientia, inquit, est effectus demonstrationis: Atqui demonstrationis leges & præcepta tradit Logica. Non potest igitur sine Logica vlla scientia haberi: neque enim satis est demonstrasse, sed etiam opus est scire, sed bene demonstrando processisse, secundum regulas, & leges demonstrationis, quod est Logica.

Alii verò volunt, posse aliquas scientias particulares & demonstrationes sine Logica haberi, si sint valde evidentes, faciles cognitui, quales sunt illæ, quæ ex primis principiis lumine naturali notis proximè deducuntur, alias verò conclusiones magis remotas à primis principiis, & quæ non nisi per multas consequentias ex primis principiis deducuntur, sciri non posse sine Logica; quare dicunt, nullam scientiam totalem obtineri posse sine Logica; quia in scientiâ totali sunt plurimæ conclusiones, remotæ à primis principiis lumine naturali notis. Quæ sententia est Ruyi, Soti, Tolcti.

Altera sententia est opposita, Logicam neque ad particulares scientias, neque ad totales esse simpliciter necessariam, sed solum ad bene esse, hoc est ad perfectè & facilius acquirendas. Ita Iavellus, & multi recentiores. *2. Sententia.*

Nostra sententia est, ad eas scientias, quarum perfectam evidentiam habemus, *Autoris sententia.* assequendas, Logicam simpliciter non esse necessariam; ad eas verò scientias quarum perfectam evidentiam non habemus, esse necessariam simpliciter. Ratio utriusque est: Quia in quibus scientiis est perfecta evidentia, ex ipsa evidentia principiorum & conclusionis, fit perfectum iudicium de connexionione conclusiōis cum principis, ac ex consequenti de bonitate consequentiæ; in quibus verò ea evidentia imperfecta

imperfecta est, non potest tale iudicium fieri ex re ipsâ, sed ex præceptis Logicæ peti debet.

*Iudicium ad  
scientiam nec-  
cessarium, non  
pendet neces-  
sario ex præ-  
ceptis Logicæ.*

Pro quo notandum est, Quod etsi ad scientiam necessarium sit iudicium de bono modo inferendi, tamen hoc iudicium non pendet necessario à præceptis Logicæ, sed haberi potest ex evidentiâ ipsâ obiecti; parer id manifestè in demonstrationibus Mathematicis; quæ ita sensibiles sunt, ut manibus palpari possint, & propter suam evidentiâ, nullo modo indigent ad suum assensum præceptis Logicæ, sed ex evidentiâ connexionis terminorum & propositionum, faciunt simul certitudinem de modo inferendi. Cuius rei signum est, quòd nullus unquam propter defectum Logicæ de illarum certitudine dubitavit, aut dubitare potest. Neque vero refert quod Mathematicæ non censeantur perfectæ scientiæ, cum non procedant ex veris causis essendi, sed ex causis cognoscendi, nam etiamsi ex hoc capite in illis aliquid desideretur, tamen quoad evidentiâ & certitudinem superant omnes scientias, & quod ad rem nostram spectat, satis est, quòd earum evidentiâ sit tanta, ut non habeant opus ad certitudinem suorum conclusionem formis & præceptis Logicæ, sed ex evidentiâ ipsâ rei manifestè patet connexio necessariæ conclusionis cum præmissis. Idem dicendum est de aliis quoque demonstrationibus aliarum scientiarum. Nam si sint demonstrationes ita evidentes, ut Mathematicæ, quales fortè sunt, quæ ex primis principiis lumine naturali notis deducuntur, ex non indigebunt præceptis Logicæ, sed ex evidentiâ rei, certitudinem consequentiarum habebunt. Porro ad eas scientias, quas non cum perfectâ evidentiâ acquirimus, Logicam simpliciter esse necessariam manifestum est. Quia cum ad scientiam certum iudicium requiratur de bonitate consequentiæ, hoc verò non possit in talibus scientiis haberi ex evidentiâ objecti, quæ imperfecta est, necesse est, ut dicamus petendum esse omnino à Logicâ; Quare Logica erit simpliciter necessaria ad tales scientias, tum ad hoc, ut illæ scientiæ habeant rationem scientiarum (sine certitudine enim de bonitate consequentiæ, scientia perfecta haberi non potest) tum ad hoc, ut sine errore eas assequamur: nisi enim formâ syllogisticâ utamur, sæpissime falsâ pro veris amplectemur, uti falsâ sæpenumero probabiliora sunt veris; in rebus enim per se obscuris impossibile est, quin sæpe labamur, ut qui in tenebris ambulat, necesse est ut sæpe impingat. Quanquam cum dicimus Logicam simpliciter esse necessariam ad hoc ne erretur in scientiis acquirendis, id non ita intelligi volumus, ut si forma Logica non fuerit adhibita erretur omnino, sed quòd vel erretur, vel sit errandi periculum non adhibita regulâ veritatis, vel ut minimùm certò constare non potest, discursum illum sine errore non esse, si ad normam Logicam probatus non fuerit, ita ut per accidens sit, quòd quis incidat in discursum bonum, non adhibita formâ Logicâ, cum ex modo illo discutiendi constare non possit discursum esse bonum.

Sed obicitur. Si Logica esset simpliciter necessaria ad alias scientias, esset quoque necessaria ad seipsam: nam si Logica sine Logicâ acquiri potuit, poterunt etiam aliæ scientiæ absque Logicâ acquiri, cum eadem sit necessitas Logicæ ad seipsam, quæ ad alias scientias acquirendas. Ratio enim cur necessaria sit Logica, est, quia sine modis discutiendi, definiendi, dividendi boni discursus haberi non possunt; hoc autem æquè servit Logicæ ac aliis scientiis, cum igitur absurdum sit dicere, Logicam ad seipsam esse necessariam, pari ratione asserendum non est esse necessariam ad alias scientias. Probatur autem id absurdum esse, tum quia supponeretur

neretur Logica ante Logicam, & prius esset Logica, antequam esset inventa, tum quia vel eadem Logica est ad seipsum necessaria, vel diversa: si eadem, idem esset ante seipsum; si diversa, dabitur processus in infinitum, nam ad istam diversam Logicam, erit alia diversa Logica necessaria in infinitum.

Responderi solet, Logicam secundum diversas partes esse necessariam ad seip- *Logica secundum diversas partes necessaria ad seip-*  
sam, verbi gratia, præcepta definitionum Logicarum sunt necessaria ad definitio-  
nis, syllogismi, demonstrationis, &c. modi etiam argumentandi sunt necessarij *partes neces-*  
ad alias argumentationes Logicas. Sed contra. Non est quæstio de visu modo- *saria ad seip-*  
rum iam inventorum, hi enim modi postquam sunt inventi, possunt servire alijs Lo- *gan.*  
gicæ partibus; sed quæstio est de primâ inventione Logicæ, & modorû, an hi modi  
inventi sint sine Logicâ vel ex Logicâ? Sumo enim primum mo- dum inventum, &  
pæto an hic modus sit inventus ex discursu, vel sine discursu? Si ex discursu, ergo non  
indigebat formâ bene discurrendi, seu formâ syllogisticâ, quod si non indigebat,  
alii quoque discursus pari ratione non indigebunt. Si sine discursu; hoc dici non  
potest, quia modi Logici non sunt per se lumine naturali noti, sed ex longâ obser-  
vatione & usu collecti, quod sine discursu fieri non potuit. Verum ad hanc instan-  
tiam respondendum est, quod quemadmodum in scientiis aliqui sunt discursus, ita  
ex se evidentes, ut non egeant probatione, aut directione Logicâ, sed directione so-  
la luminis naturalis, alii verò qui non sunt ita evidentes, indigent tum probatione,  
tum directione Logicâ, ita & in ipsâ Logicâ accidit; quidam enim Logici discursus  
sunt lumine naturali noti, & hi Logicâ non indigent, sed per eos potius est inventa  
Logica. Sic regulæ & formæ syllogisticæ inventæ sunt per principia illa eviden-  
tia. Dicitur de omni, Dicitur de nullo, adiunctâ observatione & experientia in discursi-  
bus evidentibus. Quocirca regulæ Logicæ de syllogismo, quia sunt ex evidenti-  
bus principijs collectæ, non egent alia Logica, alii verò discursus

Logici minus evidentes egent regula syllogistica, Et

sic Logica non est inventa per aliam Lo-  
gicam, neq; est necessaria  
ad seipsam.





## DISPUTATIO III.

### De prima operatione intellectus.

*Prima intellectus nostri operatio dicitur simplex apprehensio, quâ intellectus apprehendendo obiectum simplici ratione, illud in se exprimit & repræsentat per modum simplicis intuitus absque ulla affirmatione, & negatione.*

### QVÆSTIO PRIMA.

*An omne Ens possit à nobis apprehendi?*



Identur enim multa Entia à nobis apprehendi non posse, vt sunt Entia spiritualia, rerum internarum essentiarum & multa accidentia ac virtutes occultæ herbarum, lapidum & cætera quæ sensibus non patent. Ex alterâ verò parte non videtur quidquid esse quod non possit sub aliquâ saltem similitudine rerum quas cognoscimus apprehendi: Nam & spiritualia ex materialibus cognoscimus, & essentias ex accidentibus & causis etiam occultas ex effectibus.

Pro cuius explicatione supponendum est, duobus modis posse à nobis aliquid apprehendi, vel conceptu proprio & secundum suam propriam rationem, vt in se est, vel conceptu alieno, hoc est ex aliis rebus desumpto.

*Solum Ens  
sensibile à no-  
bis potest ap-  
prehendi secū-  
dum propriam  
rationem.*

Dico igitur Primò non omne Ens secundum propriam suam rationem potest à nobis apprehendi sed solum Ens sensibile. Patet id primò in Ente spirituali, cuius proprium conceptum formare non possumus. Neq; enim cadere in mentem nostram potest quid sit Angelus, qualis Dei essentia, cuius rei ea ratio est quòd nostra intellectio dependeat à sensibus vt nihil sit in intellectu quod non prius fuerit in sensu: Oportet enim, inquit Aristoteles, intelligentem phantasmata speculari: quare si quid per se non cadat sub sensum, intellectus quoq; de eo proprium conceptum formare non potest. Secundò idem patet in Ente materiali, quod non est secundum se sensibile: vt sunt essentia rerum & accidentia insensibilia: Neq; enim cum hominem

hominem videmus essentiam hominis immediatè videmus, sed tantum accidentia & medijs accidentibus essentiam tanquam quid sub accidentibus latens. Ex quo infero solum accidentia sensibilia à nobis immediatè & proprio conceptu apprehendi, quia omnis nostra cognitio fit mediante sensu. Quare cum sola accidentia sensibus immediatè percipiantur, sola etiam immediatè & proprio conceptu apprehendi possunt.

Dico secundo omne ens aliqua ratione apprehendi à nobis potest sive conceptu proprio sive alieno. Probatur primò. Quia de omni ente possumus formare conceptum vel per connotationem effectus quomodo formamus conceptum de causa, quod sit principium effectus; vel per connotationem accidentium, quomodo formamus conceptum de substantia quod sit quid substantiæ accidentibus; vel per similitudinem aliarum rerum cognitarum, quomodo formamus conceptum de Angelo per similitudinem adolescentis volantis, intelligendo ex his similitudinibus sensibilibus proprietates eius spirituales; sic etiam Deum cogitamus lucem immensam. Secundo probatur. Quia intellectus noster potest apprehendere Ens quatenus Ens, ergo poterit apprehendere omne Ens; quia in omni Ente invenitur ratio formalis Entis quæ sit obiectum intellectus. Quæ ratio concludit aliquam saltem rationem posse quodlibet Ens ab intellectu apprehendi. Sunt autem quædam entia quæ non possunt secundum propriam rationem apprehendi; vel quia excedunt naturalem nostrum modum intelligendi, qui est cum dependentia à sensibus ut sunt omnia insensibilia; vel quia simpliciter excedunt facultatem & proportionem intellectus nostri, ut sunt supernaturalia; ad hæc enim intellectus noster non habet lumen naturale sufficiens etiam si non dependeret à sensibus. Sic divinam essentiam nullus intellectus naturaliter videre potest: tam humanus quam Angelicus, & alia accidentia supernaturalia, ut gratiam & virtutes infusas de quibus Theologi. Ex quibus patet nos de rebus insensibilibus solum connotativum conceptum habere vel per accidentia, vel per effectus, vel per alias similitudines sensibiles, qui tamen modus concipiendi sufficit ad hoc ut dicamur verè res cognoscere. Nam verè hominem videmus & si accidentia sola immediatè videamus, quia illa accidentia naturaliter hominis essentiam afficiunt; & ei verè sunt conjuncta, ita ut sub illis hominem verè videamus propter naturalem connexionem ipsorum cum substantia.

Quod si dicas in hostia consecrata idem planè videmus post & ante consecrationem, cum visio nullo modo per consecrationem mutetur, non videmus autem panis substantiam post consecrationem: ergo nec ante. Respondeo immediatè idem videmus ante & post consecrationem, mediate autem non idem: Nam mediatum obiectum est illud quod afficiunt & cui inhzrent accidentia, quod ante erat substantia panis, post verò non. Porro mediatum obiectum non attingit sensus, secundum seipsum, nisi mediantibus accidentibus: unde stantibus accidentibus discernere non potest absentiam vel præsentiam subjecti mediat. Si igitur de facto subjectum afficitur illis accidentibus (ut naturaliter accidit) de facto etiam videtur visis accidentibus: si verò supernaturaliter nullum subjectum afficiatur illis accidentibus, ut in Eucharistia accidit nullum, etiam subjectum mediantibus illis accidentibus videtur, sed sensus decipitur.

## QVÆSTIO II.

*An non Ens apprehendat possit?*

**V**idetur ex vna parte apprehendi posse, cum multis de non ente discursus faciamus quod fieri sine apprehensione non potest: Ex altera vero parte non videtur. Quidquid enim apprehenditur, sub aliqua Entis ratione apprehenditur: non ens autem cum sit nihil, nullam Entis rationem habet; ergo non habet unde possit apprehendi.

*Non Ens à  
nullo intellectu  
secundum  
se potest ap-  
prehendi.*

Dico primo. Non Ens secundum se à nullo intellectu suæ creato sive increato apprehendi potest. Est communis & certa S. Thomæ 1. p. q. 14. art. 10. Capr. in 2. dist. 34. q. 1. art. 3. Egid. in 1. dist. 36. q. 2. Soc. 10. Metap. q. 15. Niphi. 4. Matap. disp. 1. Iavel. 10. Metap. q. 10. Ferrar. 1. contra Gentes cap. 71. Quia omne quod apprehenditur sub aliqua Entis ratione representatur & apprehenditur: at non Ens nullam habet rationem Entis sub qua representari possit: ergo non potest secundum se apprehendi. Maior patet tam inductione in omnibus potentius cognoscentibus quæ omnes feruntur in aliquod Ens, & nulla potest ferri in non ens: tum ratione: quia non Ens nihil in se habet unde cognosci possit, cum sit ipsum nihil.

Dices non Ens cognosci per non cognitionem Entis, sed contra primo. Aliud est non cognoscere Ens, aliud cognoscere non Ens: Nam non cognoscere Ens, est nullum actum cognitionis habere; cognoscere autem non Ens, est habere actum cognitionis qui versatur circa non Ens, nos autem querimus de cognitione positi non Entis. Secundo cognoscere non Ens est habere actum cognitionis de non Ens; ergo non cognoscitur non Ens per non cognitionem, sed per cognitionem. Tertiò alioqui sequeretur, quòd dum intellectus nihil cogitat de aliquo Ente, diceretur cognoscere non Ens, quod est falsum. Cum enim nihil cogitamus, nihil cognoscimus.

*Modi non Ens  
cognoscendi.*

Dico secundò. Non Ens potest duobus modis apprehendi, Primo sub ficta ratione & similitudine Entis: potest enim intellectus noster vnum sub similitudine alterius concipere; ergo & non Ens sub similitudine Entis cuiusdam negativi: sicut tenebras concipit per modum nigredinis cuiusdam, & privationem per modum formæ cuiusdam afficientis subiectum. Verum hæc apprehensio cum sit ficta, non cadit nisi in intellectum imperfectum; neque est propria non Entis apprehensio, quia est apprehensio per modum Entis. Secundo potest non Ens apprehendi per accidens ex apprehensione Entis. Ita D. Thomas 1. p. q. 14. art. 10. ubi ait, Deum cognoscere negationes per adæquatam cognitionem rerum realium. Ex eo enim (inquit) quod Deus adæquate cognoscit quidquid est in homine, & terminum ipsius perfectionis, cognoscit ipsum non esse alia Entia realia quæ extra illum sunt. Quod ita explico: Non Ens non potest cognosci ratione sui præcisè, sed ex accidenti ratione Entium causantium ipsum, ita ut sicut positis omnibus requisitis ad non Ens, dicitur esse non Ens; ita cognitis iisdem dicitur non Ens cognosci. Concurrent autem ad non Ens, primo Ens ipsum quod negatur, secundò res aliqua cui dicitur inesse illud non Ens. Quare & ad apprehensionem non Entis primo debet apprehendi Ens quod negatur. Secundo res aliqua cui debet inesse



in esse illa negatio, tum verò Ens sic apprehensum si comparetur ad rem, in cuius adæquatam cognitionem non continetur per accidens cognoscitur non Ens: sic Deus cognoscit hominem non esse lapidem, cognoscendo totam perfectionem hominis adæquatè & in eo non videndo lapidem: sic & intellectus noster cognoscit tenebras, cognoscendo aërem & lucem, & non videndo in aëre lucem.

Dices hoc est cognoscere non Ens causaliter non autem formaliter, quia est solum cognoscere causas non Entis, non verò ipsum non Ens formaliter. Respondedo non aliter cognosci posse non Ens nisi causaliter dicto modo, nam ratione sui formaliter non est cognoscibile.

QVÆSTIO III.

*An in prima operatione sit veritas incomplexa?*

**V**eritas est duplex, alia rerum, alia cognitionis; dicimus enim & res esse veras *Veritas cognitionis, Veritas rerum.* & cognitionem quæ habetur de rebus esse veram. Rerum veritas quæ etiam *Veritas cognitionis, Veritas rerum.* Enitativa dicitur secundum D. Thomam, consistit in conformitate rei cum sua idea à qua pendet, cum enim talis est res qualem requirit idea ipsius, res dicitur vera, cum verò difformis est ideæ, dicitur falsa. Et sic res omnes dicuntur veræ, quia sunt conformes ideæ divinæ per quam factæ sunt: res etiam artificialiæ sunt veræ, quia sunt conformes ideæ artificis. Veritas cognitionis (quia cognitio dicitur vera) consistit in conformitate cognitionis cum re ipsa; estq; duplex, alia simplex & incomplexa, absq; vlla affirmatione & iudicio, alia complexa, hoc est cum affirmatione vel illatione, quia fit per compositionem prædicari cum subiecto, vel consequentis cum antecedente. Prior veritas est conformitas cognitionis cum obiecto per modum representationis, ad eum modum quo imago est conformis rei quam repræsentat: Posterior verò veritas est conformitas cognitionis cum obiecto, non pure per modum representationis sed per modum dictionis, nempe dicendo aliquid ita esse ut est in re.

*Veritas cognitionis alia simplex, alia complexa.*

Certum est igitur in prima operatione intellectus non dari veritatem complexam; quia in prima operatione solum est simplex apprehensio, quæ fit absq; omni iudicio & assensu vel discursu intellectus ac proinde absq; omni compositione vnius cum altero. Fit enim apprehensio per puram representationem obiecti: repræsentamus autem tam ea quibus assentimur, quam ea quibus non assentimur, ut cum repræsentamus aliqua falsa & incredibilia sine vlllo assensu ea repræsentamus; non enim dicimus rem ita esse vel non esse.

Quod si obicias. Posse intellectum apprehendere rem ita esse vel non esse: Ergo in tali apprehensione erit veritas complexa. Respondeo in tali apprehensione esse veritatem complexam per modum obiecti cogniti, non verò per modum actus componentis vnum cum altero & dicentis ita esse vel non esse: Quare compositio tota est in obiecto, in actu verò est nuda & simplex apprehensio talis compositionis absq; vlla compositione & affirmatione: Intellectus enim composita incomplexè apprehendit. Et sicut aliud est apprehendere compositionem, aliud componere & facere compositionem: ita aliud est apprehendere veritatem complexam

*In intellectu composita apprehendente solum est compositio obiectiva.*

aliud dicere & facere. Fit enim veritas complexa in cognitione cum dicitur res ita esse vel non esse. Et sicut possumus apprehendere affirmationem absq; affirmatione hoc est non affirmando ita esse; ita possumus apprehendere veritatem complexam, non dicendo illam, nec judicando ita esse vel non esse: Porro veritas complexa de qua loquimur, debet esse in ipso actu cognitionis non solum in obiecto; quamvis autem in apprehensione sit veritas complexa obiecti per modum simplicis representationis (est enim apprehensio representatio in mente illius veritatis complexæ) non tamen est in apprehensione modo complexo sed incomplexo; quia apprehendimus complexa non componendo illa, sed representando ut in se composita.

Dices simplex iudicium spectare ad primam operationem, quale est iudicium Angelicum: at in simplici iudicio est veritas complexa. Ergo in prima operatione est veritas complexa. Respondeo negando simplex iudicium pertinere ad primam operationem intellectus nostri: Nam prima operatio nostra consistit in nuda rei apprehensione absq; omni iudicio. Neq; intellectus noster potest formare vllum simplex iudicium de re, sed solum compositum. Nam Angelus ideo format simplex iudicium, quia sicut vnam speciem habet representantem prædicatum & subiectum, ita vnum actum simplicem format de convenientiâ prædicati cum subiecto proportionatum speciei, at noster intellectus per diversas species concipit prædicatum & subiectum, & ideo necesse est ut compositionem faciat prædicati cum subiecto. Ex quo sequitur ad nullam ex tribus operationibus intellectus nostri pertinere simplex iudicium; neq; ad primam; quia hæc est sine iudicio: neq; ad secundam vel tertiam; quia hæc continent iudicium sed compositum non simplex. Neq; verò necesse est operationes intellectus nostri comprehendere operationes intellectus Angelici sed tantum humani.

Cum igitur certum sit veritatem complexam non esse in prima operatione tota difficultas est de veritate simplici & incomplexa, an ea sit tribuenda primæ operationi? Et quidem non est questio de prima operatione ut Entitas quædam est; sic enim certum est competere illi veritatem Entitativam simplicem, quæ omnibus rebus, quæ Entia sunt, competit, & consistit in conformitate cum sua idea, sic enim apprehensio quælibet est vera ex eo quod est conformis in sua Entitate ideæ quæ est in mente Dei talis Entitatis. Est igitur questio de veritate non Entitativa sed cognitionis quæ convenit cognitioni in ordine ad obiectum ratione cuius cognitio dicitur vera vel falsa cognitio obiecti. De qua res sunt duæ sententiæ.

*Primo 1. sententia negante.*

Prima sententia negat veritatem incomplexam propriè loquendo esse in prima operatione, eo quod veritas cognitionis propriè in compositione & divisione reperitur. Ita tenet Vasquez 1. p. disp. 75, cum Cajet, 1. p. q. 16, ad 2. Hervæ quodlibet 3. ad 2. Durando in 1. disp. 19. q. 15.

*Argumentum primum.*

Probatur primo quia Aristoteles expressè negat in prima operatione esse veritatem propter hanc solam rationem, quod veritas & falsitas non sit extra compositionem & divisionem: In prima autem operatione nec est compositio, nec divisio: non igitur veritas. Hanc rationem affert Arist. 1. Perih. c. 1. & 6. Metaph. tex. 2. prope finem, ubi dicit verum vel falsum circa compositionem & divisionem esse & circa partitionem contradictionis.

Ex quo duo infert. Primo, quod verum & falsum non sit in rebus sed in mente, quia compositio & divisio, in qua consistit veritas, non est in rebus sed in mente. Et bonum quidem & malum aut esse in rebus, verum autem & falsum esse solum

in mente: Nam res dicitur vera per ordinem ad cognitionem, quia de ea esse potest iudicium verum; bona autem dicitur esse in seipsa, non per ordinem ad cognitionem. Secundò infert, cognitionem simplicem, quæ est circa simplicia, & circa ea quæ quid sunt, hoc est circa essentiam rerum, non esse in mente, ac ex consequenti non esse veram vel falsam. Vbi per mentem intelligit *Aristotem* ut in græco habetur, quæ vox apud Aristotelem opinionem & iudicium significat. Hoc igitur posito, aut Aristotelis discursus & ratio nihil valet, aut verum esse debet veritatem cognitionis extra compositionem non esse: Nam si extra compositionem esse posset, non rectè inferret Arist. in simplici cognitione veritatē non esse, quia non est in ea cōpositio.

Secundò probatur ratione. Voces cum sint loco conceptum, eodem modo veritas & falsitas convenit vocibus sicut & conceptibus: at voces simplices non significant verum vel falsum: ergo nec conceptus simplices qui respondent vocibus simplicibus dicunt verum vel falsum. Minor patet. Nam cum dico homo, non dixi verum vel falsum donec adiungam aliquid esse vel non esse, verbi gratia, quod homo sit albus vel bipes, & hæc ratio est Aristotelis 1. Perih. cap. 1.

Argum. 2.

Tertiò in prima operatione non est falsitas incomplexa: ergo nec veritas incomplexa. Consequentia patet; quia contraria versantur circa idem subiectum, & idem est subiectum capax utriusq; contrarii. Antecedens asseritur ab Aristotele 9. Metaph. tex. ult. vbi concedit aliquo modo veritatem simplicem in simplici apprehensione, nullo verò modo concedit falsitatem simplicem, sed loco falsitatis esse ignorantiam obiecti & non asseritionem obiecti.

Argum. 3.

Dicunt autem hi auctores in primâ operatione inveniri impropiam quandam veritatem: nam propriè veritas in compositione vel divisione consistit, quæ non est in prima operatione. Quare apprehensionem esse veram solum est attingere obiectum, non attingere autem non est esse falsam, sed ignorare. Idq; ajuut esse ex mente Aristotelis 9. Metaph. tex. ult. qui in hunc modum id explicat. Nam clarum est quod attingere non est dicere verum propriè sed quodammodo impropiè.

Secunda sententia concedit in prima operatione veritatem incomplexam esse verè & propriè. Ita Capreol. in 1. disputat. 19. quæst. 3. Agidius. Quodlib. 49. 7. Sonci. 6. Metaph. quæst. 17. Ferrar. 1. contra Gentes cap. 59. Conimb. 1. Perih. Et revera est S. Thomæ 1. part. quæst. 16. artic. 1. & q. 17. art. 3. vbi docet cognitionem simplicem esse veram vel falsam respectu obiecti propter conformitatem cum illo, licet intellectus non cognoscat, nec dicat illam conformitatem & veritatem affirmando ita esse vel non esse; hoc enim sine compositione fieri non potest.

2. Sententia.

Ut autem quid differat inter primam & secundam sententiam appareat, sciendum est neutram sententiam negare cognitionem simplicem posse esse conformem suo obiecto; id enim clarissimum est, sed negat prima sententia hanc conformitatem cognitionis cum obiecto esse propriè veritatem ex eo quia non est cognita; Nani licet cognitio sit conformis obiecto, tamen ipsa conformitas non cognoscitur nec formatur in mente eius conceptus per apprehensionem. Vnde non est propria cognitionis veritas, illa enim propria est cognitionis veritas quæ cognoscitur & formatur per cognitionem; talis enim veritas cognitioni ut cognitio est competit; nam conformitas non cognita competit æque cognitioni ac aliæ cuique rei representanti aliam, diciamus enim imaginem esse conformem rei, cuius est imago, neque tamen talis conformitas est veritas cognitionis.

Nota.

nitionis. Conformitas vero cognita est propria cognitionis & extra cognitionem non invenitur. Non cognoscitur autem veritas nisi cum cognoscitur rem ita esse vel non esse quod non potest fieri sine iudicio & compositione. Secunda verò sententia affirmat cōformitatem illam cognitionis cum obiecto esse veritatem propriè etiam si non cognoscatur. Nam veritas Entitativa est propriè veritas etiam si non cognoscatur; non igitur ad veritatem propriè conceptam requiritur ut cognoscatur, sed satis est ut conveniat cognitioni, quæ refertur ad obiectum. Nam si dicas non requiri quidem ad veritatem in genere ut cognoscatur, requiri tamen ad veritatem cognitionis. Respondetur. Etiam ad veritatem cognitionis sufficit ut cognitioni suæ veritas competat respectu obiecti, eo modo quo veritas Entitativa competit omnibus Entibus etiam si non cognoscatur: Non solum enim veritas cognitionis est illa quæ cognoscatur, sed etiam illa quæ cognitioni in ordine ad obiectum competit licet non cognoscatur. Talis enim conformitas cum obiecto non est veritas Entitativa, hæc enim sumitur ex conformitate cum idea, neq; etiam est alterius generis veritas. Ergo necessariò est referenda ad veritatem cognitionis. Et hæc sententia nobis quoque probatur.

*Datur in 1.  
operatione ve-  
ritas simplex  
eas propriè  
dicta.*

Dicendum igitur est dari in primâ operatione veritatem incomplexam eamque esse propriè veritatem. Probatur primo ex Aristotele 3. de Ani. tex. 26. vbi comparans affirmationem cum simplici intellectione ait, affirmationem posse esse aliquando veram, aliquando falsam, at simplicem intellectionem (qualem dicit esse intellectionem ipsius quid est seu essentia) esse semper veram etiam si (inquit) non dicat quidpiam de quopiam, quod etiam confirmat exemplo visus qui respectu proprii obiecti semper est verus; semper enim visus attingit proprium obiectum lumen vel colorem, nec in eo decipitur, si verò sit intellectio cum compositione non semper erit vera. Cum igitur Aristoteles expressè doceat intellectionem simplicem etiam si non dicat quidpiam de quopiam esse veram, dubium non est Aristotelem non requisivisse ad veritatem cognitionis compositionem alicuius cum aliquo, sed tantum conformitatem cognitionis cum obiecto.

Respondet Vasquez Aristotelem non dicere intellectionem simplicem esse veram veritate propria, sed solum habere se instar veri, quod ait se colligere ex ipso Aristotele 9. Metaph. tex. ult. vbi postquam proposuit quæstionem quomodo in simplicibus inveniantur verum & falsum esse & non esse; cum enim inquit in simplicibus non sit compositio & divisio, nec verum aut falsum similiter illis inest. Respondet igitur ad quæstionem. An quemadmodum neq; verum est idem in his, ita neque ipsum esse hoc est in simplicibus, sicut non est eadem ratio veritatis quæ est in compositis, ita neq; esse eodem modo convenit simplicibus quo compositis. Nam in simplici cognitione attingere & dicere obiectum est verum, non attingere vero est ignorare non decipi, & sicut inquit non est idem dicere quod affirmare (nam etiam sine affirmatione dicimus) ita non eadem est veritas affirmationis & simplicis dictionis.

*Responsio Vas-  
quez resellitur.*

Sed contra. Aristoteles 9. Metaph. solum dicit esse aliam rationem veritatis in simplicibus, quam in compositis non verò esse impropriad, sunt enim hæc valde diversa, nec vnum sequitur ex alio. Non enim quia alia est ratio veritatis, idcirco est impropria; potest enim esse utrobique propria, sicut alia est species animalis in homine, & in bruto, & tamen in utroque propria, quia utrumque est species animalis: pari ergo ratione alia est ratio specifica veritatis in affirmatione, alia in simplici

plici cognitione, attamen quia conveniunt in vna ratione generica veritatis, hoc est in conformitate cum objecto, ita ut sint duæ species veritatis, veritas simplex, & veritas composita, iudicō utraque veritas est propriè veritas. Neque Aristoteles oppositum, vel leviter insinuat, sed tantum docet non esse ejusdem rationis veritatem in utroque.

Quod etiam ex eo confirmo, quia ibidem Aristoteles, falsitatem non esse propriè in simplici cognitione, nisi secundum accidens: Veritatem autem simpliciter concedit esse non secundum accidens: Ergo propriè vult esse veritatem in simplici cognitione; ideo autem falsitatem non concedit, quia falsitas est in cognitione, non in non cognitione; non attingere autem est non cognoscere, non est igitur falso cognoscere.

Secundo probatur ratione. Veritas cognitionis est conformitas cognitionis cum re: atqui conformitas cognitionis cum objecto potest esse simplex absque omni affirmatione & negatione; Ergo & veritas erit simplex. Minor probatur. Quia alix veritates sunt conformitates simplices & incomplexæ: ergo & conformitas cognitionis potest esse simplex & incomplexa. Patet id primo in veritate Entitativa: est enim res vnaquæque conformis suæ ideæ, absque vlla affirmatione intellectus; remota enim omni operatione intellectus res sunt veræ Entitative; aurum verum aurum, homo verus homo. Secundo in signis tam naturalibus, quàm ex impositione, quæ conformantur rebus quas significant, absque vlla affirmatione vel negatione. Fumus enim verè significat ignem, ut effectus causam, nomen cuiusque rei est verum nomen illius rei, & verè rem illam significat: imago est verè imago ejus quem repræsentat. Ergo etiam similiter conceptus simplex erit verus conceptus rei, cui est conformis seipso non per aliquam affirmationem vel negationem. Cum enim possit cognitio dupliciter conformari rei. Primo per repræsentationem, quia cognitio talis est in repræsentando, qualis est res in essendo. Secundo, per affirmationem quia affirmatur esse conformis, non sequitur si non est conformis per affirmationem quod non possit esse conformis per repræsentationem.

*Veritas cognitionis quid sit*

Respondet Vasquez, Nullam rem dici veram sive Entitative, siue significativè; siue repræsentativè nisi in ordine ad compositionem vel divisionem veram, siue in ordine ad affirmationem vel negationem veram, quod ille vocat veritatem, quod effectum quia efficit iudicium verum: sicut enim medicina dicitur sana, quia efficit sanitatem; ita & res dicitur vera, quia efficit & fundat iudicium verum: quidè & veritatem Entitativam quæ est veritas in essendo, & significativam quæ est veritas in significando, & repræsentativam quæ est veritas in repræsentando, eatenus ait esse veritatem; quia fundat veritatem intellectus: hoc est quia cum veritate potest de illa affirmari, quod sit, vel quod significet, vel quod repræsentet.

*Responsio Vasquez.*

Sed contra, res non solum sunt veræ in essendo & in repræsentando, propter conformitatem quam habent ex intellectu dicente illas esse conformes: Sed etiam propter conformitatem fundatam in naturali earum similitudine cum illis ad quæ referuntur: & sicut in similitudine non pendent ab intellectu, ita nec in conformitate, ac ex consequenti neque in veritate simplici, habent ergo suam veritatem simplicem absque ordine ad intellectum. Respondet secundo, esse quidem veritatem in simplici cognitione sed impropriè. Contra cui convenit propriè conformitas, convenit etiam propriè veritas; at cognitioni simplici propriè convenit conformitas

*Rejicitur.*

*Arist. intelli-  
gendus de ve-  
ritate formatâ  
seu complexâ.*

mitas cum objecto: ergo convenit etiam propriè veritas.

Ad primum primæ sententiæ Respondeo. Aristotelem loqui de veritate formatâ, & dictâ ab intellectu quia hæc veritas est peculiaris & propria intellectus, & in compositione ac divisione consistit: nam veritas simplex, non est propria intellectu sed communis intellectui cum sensu, imo & aliquo modo cum omni imagine repræsentante; veritas vero complexa est propria intellectus, quia solus intellectus format, asserit, dicit, veritatem judicando ita esse vel non esse. Vult igitur Aristoteles veritatem propriam intellectus esse illam quam format & dicit intellectus; non potest autem formare & dicere veritatem, nisi componendo vel dividendo, affirmando vel negando. Vnde talem veritatem ait extra compositionem non esse, hoc autem non obstante, aliam veritatem concedit simplici cognitioni, qualis etiam in sensu invenitur, sed hanc ait esse alterius rationis ab ea quam format, & facit intellectus dicendo ita esse vel non esse. Quare rectè probat Aristoteles in simplici apprehensione non esse veritatem quia non est compositio & divisio: si enim loqueretur indifferenter de veritate quacumq; non rectè probaret, cum extra compositionem detur veritas; at quia loquitur de veritate factâ & dictâ ab intellectu rectè infert, quia talis veritas extra cognitionem non invenitur.

*Vox dupliciter  
dicitur vera.*

Ad secundum sicut conceptus dupliciter dici potest verus, vel quia dicit verum vel quia est conformis rei, et si hanc conformitatem non dicat, nec asserat, ita & vox duplici ratione potest dici vera, vel quia dicit veritatem, vel quia est conformis in significando, rei quam significat: sic hoc nomen homo dicimus esse veram vocem, & verum nomen hominis, quæ veritas illi ex institutione competit. Vox igitur simplex non est vera ex hoc capite, quod dicat verum vel falsum, quia hoc nec conceptui simplici competit, sed dicitur vera significativè quia verè significat id ad quod significandum est imposita.

Ad tertium respondet Ægyd: Quodlib. 4. q. 7. veritatem simplicis apprehensionis non habere contrarium propter specialem rationem, & naturam simplicis apprehensionis, quæ si attingat obiectum dicitur vera; si non attingat, non dicitur falsa, sed non cognoscens obiectum: falsitas enim consistit, in cognitione non in non cognitione obiecti. Sed hæc ex sequenti questione patebunt. Solum restat obiecto Caietani solvenda qui ait etiam in simplici apprehensione veritatem posse esse apprehensam, ut cum veritatem alicuius propositionis apprehendit intellectus. Ergo tunc veritas apprehensa æquè erit in apprehensione, sicut veritas iudicata in iudicio. Respondeo veritatem apprehensam, non esse veritatem assertam ab intellectu: Nam apprehendendo veritatem neq; verum asserit, neq; negat, nec docet verum nec falsum, neq; hanc veritatem facit, sed tantum cognoscit & intuetur in obiecto quasi factam. Denique exprimit illam in se per modum repræsentationis, non per modum assertionis. Illud est veritatem cognoscere quodammodo materialiter, tanquam rem sibi propositam non tanquam assertam; hoc verò est cognoscere formaliter tanquam à se assertam primo modo veritas cognoscitur imperfectè non per modum veritatis quia non asseritur ita esse, secundo modo perfectè & per modum veritatis.

*Intellectus ap-  
prehendendo  
veritatem non  
asserit verum.*

## QVÆSTIO IV.

*An in prima operatione detur falsitas  
incomplexa?*

Certum est non esse in prima operatione falsitatem complexam, sicut neque est veritas complexa. Sed difficultas est, an quemadmodum datur veritas incomplexa in prima operatione, ita detur eodem modo falsitas incomplexa? videtur enim dari debere; nam falsitas cognitionis consistit in difformitate cognitionis cum obiecto: at prima operatio potest esse difformis obiecto. Ergo potest esse falsa. Neque dici potest fore tunc falsum non per se, sed per accidens: quia sicut cognitio est vera per se non per accidens, quando est conformis obiecto; ita etiam est per se non per accidens falsa quando est difformis obiecto. Et sicut affirmatio est falsa propter difformitatem cum obiecto; ita & simplex apprehensio.

Ex altera vero parte multi graves autores inter quos sunt nostri Conimb: in cap. 1. Periber. negant falsitatem esse in simplici apprehensione nisi per accidens. Fundamentum ipsorum est doctrina Aristotelis 9. Metaph. tex. 22. ubi in simplici cognitione concedit veritatem incomplexam; negat autem falsitatem deceptionemque; in simplici enim cognitione ait proprie esse ignorantiam non falsitatem. Vbi etiam hanc ejus rei assignat rationem. Nam cum intellectus simpliciter & sine affirmatione cognoscit rem aliquam, vel illam attingit, vel non: si attingit, est conformis obiecto ac proinde verus; si non attingit, ignorat obiectum, & non illud sed aliud cognoscit, ut si cognoscit hominem animal irrationale, non hominem sed brutum pro homine cognoscit, neque hominem falsò cognoscit sed ignorat. Neque potest exponi Aristoteles quod loquatur de falsitate complexa: Nam sicut loquitur de veritate incomplexa simplicis cognitionis, ita & de falsitate incomplexa. Dicunt igitur hi autores cum Aristotele in simplici cognitione inveniri falsitatem solum per accidens, non per se. Quæ res quia difficilis est, variè à variis explicatur.

Primo igitur quidam aiunt falsitatem non esse in primâ operatione, quia in eâ non dicit intellectus rem esse vel non esse, quod ad falsitatem requiritur. Sed isti solum probant falsitatem complexam non esse in primâ operatione non verò incomplexam. Nam sicut veritas incomplexa invenitur in primâ operatione propter solam conformitatem cognitionis cum obiecto, etiam si intellectus non dicit rem esse vel non esse; ita potest inveniri & falsitas incomplexa, propter solam difformitatem cognitionis cum obiecto, etiam si intellectus non dicat rem esse vel non esse.

Secundò igitur aiunt Conimbricen. simplicem apprehensionem respectu obiecti representati semper esse veram; respectu verò obiecti non representati posse esse falsam: quocirca non per se sed per accidens esse falsam; quia non est falsa respectu obiecti representati sed respectu obiecti non representati: Pro cuius explanatione sciendum est, primam operationem referri ad sum obiectum per modum representationis: consistit enim apprehensio in sola representatione obiecti absque ullo iudicio: quare & conformitas ipsius vel difformitas cum obiecto est per modum

*Primus modus  
explicandi fal-  
sitatem in pri-  
ma operatione,*



modum representationis. Representatio autem si referatur ad id obiectum quod representatur, & quoad ea quae representantur, semper est vera & conformis obiecto representato; representans enim & representatum sibi respondent. Quod si est dissimilitudo aliqua & dissimilitas inter ista, ea solum erit in iis quae non representantur: Verbi gratia imago Caesaris representat Caesarem in coloribus & forma exteriori, non in essentia, quocirca est conformis Caesari in forma exteriori, dissimilis in essentia. Et vniuersè loquendo. Imago in eo in quo est imago, est conformis ei cuius est imago, representare enim & representari sunt correlativa, & sibi respondentia. Cum igitur conceptus & apprehensio sit imago representati obiectum, erit obiecto conformis, in illis omnibus quae in eo representantur, & sic nunquam erit obiecto dissimilis nisi sub ea ratione qua obiectum illud non est representatum. Verbi gratia, cum concipio aurichalcum esse aurum, obiectum huius conceptus representatum est aurum, quia aurum concipitur, & huic obiecto est conformis ille conceptus, ut verò refertur ad aurichalcum quod est obiectum non representatum per conceptum auri, sic conceptus ille auri non est conformis aurichalco, sed id est per accidens, quia aurichalcum per hunc conceptum non representatur: si enim representaretur, esset ei conformis.

Verum hic modus explicandi & si ingeniosus sit non videtur tamen sufficiens. Primò; Quia apprehensio non solum respectu obiecti non representati potest esse dissimilis, sed etiam respectu obiecti representati. Nam quando vnum obiectum apprehenditur pro alio, tunc est dissimilitas conceptus respectu obiecti non representati, quatenus obiectum representatum coniungitur obiecto non representato, cui non convenit, sicut cum auri conceptus terminatur ad aurichalcum. Quando verò obiecta dissimilia simul apprehenduntur & coniunguntur, tum conceptus erit dissimilis obiecto apprehenso & representato, ut si concipiam hominem esse quadrupedem, vel irrationalem: Non igitur hic modus est sufficiens ad negandam vniuersaliter falsitatem in prima operatione. Secundò. Veritas representationis per se sumitur ex conformitate cum obiecto ut est in re ipsa: si enim aliter sit in re ipsa quam representatur, representatio erit simpliciter falsa: sic representatio asini volantis est falsa, quia licet conceptus asini volantis sit conformis asino volanti, qui est obiectum immediatum: quia tamen non est conformis asino à parte rei qui est obiectum vltimum, idcirco talis conceptus simpliciter non est conformis rei: obiectum enim immediatum refertur per conceptum ad obiectum vltimum, & idcirco debet illi esse conforme. Quia igitur simplex apprehensio per se, & ratione representationis potest esse dissimilis obiecto vltimato, idcirco per se non potest accidens convenit illi dissimilitas, & ex consequenti falsitas. Quod etiam à simili explicatur in secunda operatione. Nam cum affirmo hominem esse quadrupedem, talis affirmatio est quidem conformis obiecto immediato, nempe homini quadrupedi affirmato, quia tamen non est conformis homini à parte rei simpliciter & per se non vero per accidens est falsa. Nam quod respondent veritatem apprehensionis sumi ex conformitate cognitionis cum obiecto ut representato. Veritatem verò iudicii ex conformitate cognitionis cum re ipsa ut existente, hoc non satisfacit. Nam etiam in representando debet esse cognitio conformis ei obiecto ad quod terminatur: at obiectum ad quod terminatur representatio non solum est immediatum sed & vltimum, illud ut Quo, hoc ut Quid: Ergo & conformitas ejus sumenda est per ordinem tam ad immediatum, quam ad vltimum obiectum, cum alterum  
fine

line altero non sit adæquatum obiectum repræsentationis, alioquin non erit perfecta conformitas, si solum respectu vnius sumatur. Ex quo patet vtramq; conformitatem respectu vtriusq; obiectu convenire per se non per accidens repræsentationi, cum ad vtramq; per se & necessitè terminetur, & ex vtroq; constituatur vnum adæquatum obiectum repræsentationis, vnum vt Quo, aliud vt Quod.

Tertius modus dicendi est apprehensionem prout apprehensio est, semper esse veram & conformem rei, & nunquam falsam nisi per accidens. Pro quo sciendum est apprehensionem cum sit repræsentatio quædam obiecti in intellectu, terminari ad obiectum vt repræsentabile est, repræsentari autem possunt non solum vera, sed etiam falsa; non minus enim repræsentatur intellectui asinus volans quàm asinus quadrupes.

*Tertius.*

Quod si dicas hanc apprehensionem asini volantis esse falsam, quia non est conformis asino à parte rei. Respondeo in ordine quidem ad iudicium & affirmationem, esse falsam & disformem, quia non potest de tali obiecto ea ratione repræsentato fieri iudicium verum sed falsum, tamen in ordine ad repræsentationem, est verum, & conforme rei. Nam etiam falsum verissimè repræsentatur vt falsum, licet non possit cum veritate affirmari, imo falsum non potest verius repræsentari, quàm se repræsentetur vt falsum, nam si vt verum repræsentaretur non repræsentaretur vt falsum. Quod etiam explicari & aliter potest: nam obiectum quo modo concipi potest, potest & repræsentari, conceptus enim est repræsentatio obiecti; atqui obiectum est conceptibile non solum secundum ea quæ illi à parte rei insunt, sed etiam secundum ea quæ illi insunt per ordinem ad intellectum concipientem: Ergo etiam secundum vtrumq; potest repræsentari; & quidem verè quia vtrumq; suo modo illi convenit, prius quidem absolute, & ex natura rei. hoc verò respectivè respectu intellectus concipientis. Et licet hæc repræsentatio si referatur ad naturam rei secundum se, sit falsa, quia disformis naturæ rei; si tamen referatur ad obiectum vt est conceptibile ab intellectu, sic est conformis obiecto vt fingitur ab intellectu.

Sed & hic modus habet difficultatem. Primò, Quia hoc modo etiam in secunda operatione non esset per se falsitas, sed tantum per accidens: quia sicut obiectum est per se repræsentabile repræsentatione illa ficta, ita est affirmabile affirmatione ficta: si ergo repræsentatio illa rei falsæ, & fictæ sufficit ad veritatem repræsentationis, etiam affirmatio ficta sufficeret ad veritatem affirmationis, & solum diceretur per accidens falsa respectu rei secundum se acceptæ, sicut & repræsentatio rei est secundum se disformis. Cum igitur non possit dici omnem affirmationem esse veram, sequitur non posse etiam dici omnem apprehensionem esse veram.

Secundo aliud est apprehensionem esse conformem illi obiecto ficto sub ea ratione qua fictum est, aliud esse conformem absolute vt est à parte rei. Nam priori modo apprehensio est conformis obiecto ficto: quia fictum quatenus fictum est vere fictum, quare & apprehensio rei fictæ, est verè, non fictè conformis rei fictæ: absolute verò apprehensio rei fictæ non est conformis obiecto vt est in re, quia sub ea ratione apprehenditur quæ naturæ obiecti repugnat: quare apprehensio rei falsæ, per se non per accidens est falsa.

Tertiò ad veritatem repræsentationis requiritur, conformitas cum obiecto, non solum sub ea ratione, sub qua repræsentatur, sed etiam vt tali modo repræsentatur, vt ratio sub qua repræsentatur, conveniat obiecto à parte rei: Nam si repræsentetur secundum ea quæ illi non conveniunt à parte rei, poterit quidem repræsentari,

falsam,

sentari, sed non verè: Sicut enim falsum potest quidem affirmari ab intellectu, verè tamen affirmari non potest; quia id quod affirmatur, verè non competit rei: in si falsum repræsentetur, poterit quidem repræsentari, sed falsò, non verè, quia id quod repræsentatur, rei non competit. Quocirca ut concedamus obiecto convenire ut repræsentari possit, negandum tamen est eidem convenire ut verè repræsentari possit, sub illa ratione falsà; sicut convenit quidem rei falsæ ut affirmari possit (alioqui non possit illam intellectus affirmare si non esset affirmabilis) non tamen ut verè affirmari possit, quia intellectus non potest illam cum veritate affirmare, propter difformitatem cum re.

Quarto. Quidquid est verè repræsentabile, est etiam verè affirmabile: Nam repræsentatio illa conformis rei resolvitur potest in affirmationem: atqui non omne obiectum est verè affirmabile. Ergo neque verè repræsentabile.

Quartus modus dicendi est, in rei purè simplicis apprehensione non esse per se falsitatem; quia si apprehensio illa non est conformis alicui rei, ideo non est conformis, quia non est illius rei, sed alterius apprehensio: Et quia per accidens est apprehensione quod alicui alteri tribuatur, ideo per accidens est falsitas in tali apprehensione. Si verò apprehensio sit rei compositæ, potest in ea esse falsitas per se; quia ratione illius compositionis obiecti potest apprehensio esse difformis obiecto. Insinuat id Caietanus 1: p. q. 58. art. 5. Pro quo notandum est ex Aristotele 9. Metaph. cap. ult: veritatem fundari in esse, falsum in non esse, sicut ergo esse est duplex, aliud per compositionem quando esse est componi, & componi est esse; sic esse albi est esse in subiecto. Aliud est esse simplex citra ullam compositionem, quomodo simplicia dicuntur esse, eorum enim esse non est componi, sed simpliciter esse. Ita & verum est duplex, unum est verum compositum consistens in compositione rerum quæ sunt inter se compositæ, illiq; oppositum falsum est divisio eorum quæ sunt composita. Aliud est verum simplex quod sit citra ullam compositionem tam obiecti, quam actus componentis, & tunc veritas cognitionis est attingere ipsum esse, falsitas autem non attingere seu ignorare.

Quæ quidem veritas simplex est propriè veritas: quia per cognitionem attingitur res uti est, falsitas autem simplex illi opposita non est propriè falsitas, sed ignorantia. Falsitas enim cognitionis propriè sumitur respectu obiecti cogniti, neque enim tunc res falsò cognoscitur, quando non cognoscitur: sed quando cognoscitur aliter quam sit; quare non cognoscere rem non est falsò cognoscere, sed nullo modo cognoscere nec verè, nec falsè.

Vnde patet discrimen inter veritatem simplicem, & falsitatem simplicem. Nam veritas simplex, quia sumitur respectu obiecti apprehensi, quod attingitur uti est, Ideò dicitur propriè veritas. Falsitas verò simplex non sumitur respectu obiecti apprehensi, sed non apprehensi; & ideo non est propriè falsitas uti dictum est.

Porrò licet simplicem apprehensio per se non sit propriè falsa, per accidens tamen potest esse falsa, quando illa simplex apprehensio tribuitur alteri, cuius non est apprehensio; ut si apprehensio auri tribuatur aurichalco, sicut enim per accidens est illam tribui alteri obiecto, ita etiam per accidens est esse illi obiecto difformem, & ejus respectu falsam. Porrò verum compositum potest dici compositum, vel ex parte actus componentis per affirmationem vel negationem unum cum altero, vel ex parte obiecti tantum, quando obiectum compositum apprehenditur,

licet

licet per se non fiat compositio affirmativa vel negativa : sed tantum sit simplex apprehensio compositionis, vel rei compositæ. Secundum hanc igitur doctrinam Aristotelis.

Dico igitur primo, Si apprehensio rei simplicis sine ulla compositione plurimum ex parte objecti, non potest in tali apprehensione esse per se & proprie falsitas, sed veritas tantum. Et hoc solum voluit Aristoteles 9. Metaph. Ratio est ; quia veritas cognitionis est conformitas ejus cum re. Res autem simplex est id quod est citra omnem compositionem : ergo & veritas simplex cognitionis erit, quando citra omnem compositionem res ita attingetur, uti est. Si igitur attingitur per cognitionem uti est, cognitio illa erit per se vera & conformis rei : quia erit apprehensiva rei uti est ; si verò non attingatur secundum suum esse, non erit per se cognitio falsa ; quia cognitio non dicitur falsa proprie, nisi respectu objecti apprehensi, neque cum aliquid cognoscit, sed aliter quam sit. Hic verò cognitio comparatur cum objecto non apprehenso ; ergo non potest ejus respectu dici proprie falsa ; non attingere enim non est falso cognoscere, sed nullo modo cognoscere, nec verè nec false.

Dico secundo, apprehensio rei simplicis potest esse per accidens falsa, quatenus refertur ad objectum, ab ipsa non apprehensum. Ita Aristoteles loco citato ; & Ratio est, quia in compositione potest inveniri falsitas ; at hæc relatio apprehensionis ad aliud objectum non apprehensum per ipsam, est compositio quædam apprehensionis, & rei apprehensæ cum objecto non apprehenso. Ergo in ea relatione potest esse falsitas. Verum quia per accidens est apprehensioni refertur ad objectum non apprehensum : per se enim & ex ea ratione formali apprehensionis refertur ad objectum apprehensum, idcirco & falsitas secuta ex tali relatione per accidens conveniet apprehensioni simplici.

Dico tertio, si apprehensio sit rei compositæ vel compositionis ipsius, potest in ea esse per se falsitas : quia objectum ratione compositionis illius potest non esse conforme rei ut est in se : Ergo & apprehensio illius compositionis non erit conformis rei ut est in se, ac proinde erit falsa. Dices talem apprehensionem non esse illius rei cui falso tribuitur, ac proinde ejus respectu non potest dici falsa.

Resp. compositum potest apprehendi secundum unam partem verè, secundum alteram falsò, ut cum apprehendo hominem volentem verè hominem apprehendo, sed ut volentem falsò, unde negari non potest hanc apprehensionem esse illius objecti apprehensionem, at requiritur ad hoc ut ejus respectu apprehensio dicatur falsa : semper enim in objecto falso unum verè apprehenditur aliud non confirmatur ; quod cognitioni convenit ex ratione formali ipsius, convenit illi per se, sed talis falsitas convenit huic cognitioni ex ratione formali talis cognitionis : Ergo convenit illi per se.

Ex dictis patet quomodo verum sit quod ait Aristoteles supra, in conceptu definitivo non dari falsitatem per se, quia est conceptus rei simplicis, hoc est, essentialis. Videtur enim definitio esse quid compositum ex genere, & differentia duplicemque falsitatem posse includere, alteram cum partes definitionis falso inter se connectuntur, ut animal insensitivum ; alteram cum definitio tribuitur alteri definito cui non convenit, ut si dicam, equum esse animal rationale. Respondet Fonseca in locum citatum definitionem objectivam esse simplicem ; quia duobus conceptibus adæquatis concipitur una res simplex. Verum si loquatur

de simplicitate opposita compositioni rationis, sic essentia in se quidem simplex est, in ordine tamen ad conceptum est multiplex, & composita ab intellectu concipitur, quæ compositio sufficit ad falsitatem. Dicit tamen potest essentiam ut essentiam consistere in indivisibili, unde secundum illam indivisibilem rationem si attingitur conceptu definitivo, verè concipitur; si non attingitur, non illa sed aliud quiddam concipitur, ipsa verò ignoratur, sicut & quodvis aliud simplex: Potest tamen per accidens inesse falsitas definitioni, sicut & cuius apprehensionem simplici.

## QVÆSTIO V.

*An prima operatio sit dirigibilis?*

*Prima operatio per se dirigibilis est.*

**Q**uidam negant esse dirigibilem, quia non est capax erroris & falsitatis. Alii concedunt esse dirigibilem, quia est capax multorum defectuum, non tamen falsitatis. Nos utraque ratione dicimus dirigibilem. Primo. Quia subiacet multis defectibus, ut confutioni, & aliis modis indebitis apprehendendis, quibus defectibus, occurritur per varias definitiones, & explicationes terminorum. Secundo: Quia licet non sit capax falsitatis complexæ, est tamen capax incomplexæ, quam diximus per se inesse in prima operatione. Et quidem cum hæc falsitas ex apprehensione objecti compositi oriatur, Logica tradit debitos modos, unum sub alio, vel unum cum alio apte apprehendendi, nempe si alterum alteri non repugnet sed conveniat, ad quod faciunt regulæ oppositionum; faciunt etiam regulæ de terminis pertinentibus, quorum unus alterum infert, vel tollit, & aliæ regulæ Logicæ de subordinatione terminorum. Sic in definitione apprehenditur genus cum differentia vel proprio, idquæ per regulas generis & differentię: Non rectè verò apprehenditur animal non sensivum, quia unam repugnat alteri. Et quamvis hæc repugnantia possit ostendi Physicè, tamen in Logica ostenditur Logicè per regulas Logicas. Quare qui negant primam operationem directionem esse ob falsitatem, exponendi sunt quod ista non sit sola causa, propter quam operatio directione indigeat, sunt enim alii etiam defectus: at si negant unam ex causis esse falsitatem, quæ vitari possit, vel debeat in apprehensione per regulas Logicas, non sunt admittendi: Magnum enim vitium apprehensionis est, falsò & distortè res apprehendere, quod vitium Logica tollit, ut dictum est, docendo qui termini, & quomodo secum jungi possint, qui non. Ex qua doctrina non solum secunda operatio dirigitur in affirmatione & negatione, sed etiam prima in debita, & conformi rebus apprehensione.

QVÆ.

QVÆSTIO VI.

*An in prima operatione sit compositio?*

**P**rima operatio dicitur simplex apprehensio ad excludendam compositionem? Quia autem sit compositio quam excludit prima operatio explicandum est. Duplex igitur compositio considerari potest; altera ex parte actus quæ fit per affirmationem vel negationem: affirmatio enim est compositio rei cum re, facta ab intellectu, negatio est divisio rei à re, ita ut idcirco Aristoteles secundam operationem, in qua est affirmatio & negatio, vocaverit compositionem & divisionem. Altera est ex parte objecti, cum objectum compositum ex multis cognoscitur: ut cum plura simul cognoscuntur tanquam conjuncta, sive unum sub alio, sive in alio, sive cum alio, ut subjectum cum accidente, vel etiam cum ipsa conjunctio apprehenditur.

Dico igitur primò. Compositio ex parte actus, quæ fit per affirmationem vel negationem, non est in prima operatione intellectus. Ratio est; Quia prima operatio est nuda apprehensio, apprehensio autem nihil affirmat aut negat, ita ut etiam ipsam affirmationem & negationem possit apprehendere intellectus sine ulla affirmatione & negatione: Ergo in prima operatione non est compositio per affirmationem & negationem. Deinde affirmatio & negatio est essentia secundæ operationis: cum ergo prima operatio distinguatur essentialiter à secunda, sequitur non habere ullam in se affirmationem aut negationem.

Quod si objicies: non omnem apprehensionem esse simplicem ex parte actus; nam cum plura simul apprehendimus, concurrunt ad eam apprehensionem plures conceptus unici, sicut cum plures res videmus simul per plures species distinctas, habemus unam visionem constataam ex multis quasi partialibus visionibus. Respondeo, apprehensionem dici actum simplicem quia non fit modo compositivo, neque enim apprehendere est componere unum cum alio, sed solum rem percipere sive ea sit simplex, sive composita: aggregatio verò plurium conceptuum in unum, non facit compositionem substantialem, neque unum actum quoad substantiam, sed tantum dicit existentiam plurimum actuum simul.

Dico secundò. Compositio ex parte objecti potest inveniri in prima operatione. Ratio est: Quia non solum res simplices apprehendimus, sed & compositas: Nam & ipsam compositionem per modum objecti apprehendere possumus, & propositionem integram, atque etiam integrum syllogismum representando illum menti per modum simplicis intuitus. Idcirco autem res compositas simplici ratione apprehendere dicimur, quia nihil de illis affirmamus aut negamus: compositio enim intellectualis fit affirmatione aut negatione. Porro objectum dupliciter dici potest compositum, primò realiter cum ex rebus diversis consistat: secundo in ordine ad intellectum, cum una res subsistat pluribus conceptibus: Nam rem alioqui simplicem & in se indivisam possumus pluribus conceptibus inæquæ quantis apprehendere. Ut cum hominem apprehendimus per conceptum animalis, & rationalis conjunctos, quod ex imperfecto modo nostro concipiendi provenit; quia si rem

*Compositio ex parte actus non est in 1. oper.*

*Compositio est in 1. operi*

plicem pleno & adæquato conceptu conciperemus, unum tantum de illa formare-  
mus conceptum : at quia rem unam inadæquatè concipimus, hinc est ut plures de-  
beamus formare conceptus, ut eo planè & adæquatè cognoscamus, reliquæ illarum  
substat pluribus conceptibus plurium rationem habet, estquæ quodammodo vir-  
tute multiplex, quia multa in se continet quæ plurium conceptuum materia esse  
possunt.

Dices talem apprehensionem esse falsam, quia non est conformis rei ; res enim  
in se non est composita & tamen compositè ab intellectu apprehenditur. Respon-  
deo non esse falsam, quia etsi res in se sit simplex, in ordine tamen ad intellectum,  
hoc est, ut substat conceptibus intellectus est composita ; quia est apta pluribus  
inadæquatis conceptibus concipi : quare hoc modo apprehensio erit conformis  
rei, non ut res est, sed ut conceptibilis est diversis conceptibus cum fundamentò in  
re. Sed objicies. Intellectus apprehendendo compositionem in objecto, format  
in se compositionem illam : Ergo componit : Nam facere compositionem quid  
aliud est quàm componere ? Respondeo intellectum apprehendendo formare in se  
solum idolum quoddam & imaginem illius compositionis objectivæ, hoc autem  
solum est facere compositionem in actu signato, non in actu exercito : Nam facere  
formam, & repræsentationem compositionis, non est componere in actu exer-  
cito, quia non est tribuere unum alteri ; deinde apprehendere compositionem est  
solum percipere compositionem quasi factam non autem facere, sicut apprehendere  
re affirmationem non est facere.

*Intellectus uno  
conceptu an  
pluribus ap-  
prehendat  
composita ?*

Quod si quæras, an cum composita ab intellectu apprehenduntur, apprehenda-  
tur uno simplici conceptu, vel pluribus simul conjunctis ? Respondeo non uno sed  
pluribus ; quia quæ per diversas species apprehenduntur, diversis quoque concep-  
tibus apprehenduntur, species enim sunt principia effectiva conceptuum & diversæ  
species diversos efficient conceptus : atqui cum plura simul apprehenduntur, singu-  
la habent suas proprias & distinctas species in intellectu : Ergo necesse est ut plures  
conceptus apprehendantur.

## QVÆSTIO VII.

*An abstractio sit actus primæ operatio-  
nis intellectus ?*

*Abstractio est  
actus primæ  
operationis,*

**A**bstractio est separatio quædam unius ab altero, quæ cum mente fit, dicitur ab-  
stractio intellectualis : Porro nihil abstrahitur ab altero, nisi quod fuit ante il-  
li conjunctum ; non enim ea separantur à se quæ nunquam fuerunt conjuncta : hinc  
Petrus non dicitur abstrahi à Paulo, licet consideretur sine Paulo, quia non fuit  
unquam conjunctus Paulo. Fit autem abstractio per cognitionem, quæ cognoscitur  
unum non cognito alio. Ex quo patet abstractionem formaliter esse actum  
primæ operationis intellectus. Ratio est, quia fit simplici apprehensione, sine ulla  
affirmatione & negatione : nam cum consideratur unum non considerato alio ; di-  
citur abstrahi ab illo : considerari autem unum sine alio potest per simplicem ap-  
prehensionem unius sine alio, absquæ ulla affirmatione & negatione. Unde est il-  
lud



lud axioma receptum apud Philosophos abstrahentium non est mendacium: Vbi enim nulla est affirmatio & negatio, ibi nullum est mendacium. Ex quo patet abstractionem distingui à negatione quæ sit in secunda operatione intellectus: Nam sicut aliud est non includere, aliud excludere, ita aliud abstrahere, aliud negare: abstrahendo enim solum non includimus aliud, negando verò excludimus positivè.

At inquires. Abstractionem non esse conformem rei: res enim inter se conjunctæ à parte rei per abstractionem se junguntur. Respondeo, ea quæ sunt in re conjuncta, possunt in conceptibus non esse conjuncta, si unum non includatur in conceptu alterius, & unum concipiatur non concepto altero: sic in re animal & rationale sunt unum & idem, una realis essentia, in conceptibus tamen sunt distincta, quare abstractio est conformis rei non secundum modum quo existit à parte rei, sed secundum modum quo se habet intellectum. Adhuc negatio quæ est in abstractione est non consideratio, seu negatio considerationis: illa verò quæ est in secunda operatione est negatio rei.

Quod si queras an id quod abstrahitur ab alio possit de illo cum veritate negari? Talis enim negatio videtur nullo modo esse conformis rei, quia dicere ea quæ sunt in re conjuncta, non esse conjuncta est dicere falsum. Nihilominus dico dupliciter aliquid posse negari de re, vel ut res illa existit à parte rei, vel ut substat tali conceptui intellectus. Primo modo negare de re quod est in re est falsum, secundo verò modo potest esse verum: quia licet illud in re existat non tamen existit in re ut sic vel sic concepta: Nam eadem res ut est concepta uno conceptu, non est illa ipsa ut concipitur alio conceptu. Sic in Deo intellectus & voluntas sunt idem, & si conciperemus ista adæquate, ut sunt in Deo, non possemus negare intellectum de voluntate, sed conciperemus intellectum esse voluntatem, at quia inadæquate ista concipimus, nempe intellectum tantum sub ratione intellectus, & voluntatem sub ratione voluntatis, ideo negamus intellectum sic conceptum à nobis esse voluntatem, cum in conceptu intellectus, non includatur conceptus voluntatis. Idem dicendum est de conceptu animalis, & rationalis, qui secundum rem sunt idem, mente tantum distinguuntur. Vnde & secundum rem verum est, animal esse idem quod rationale: & secundum conceptum negari potest esse idem, quia alius est conceptus animalis, alius hominis, & unus conceptus in alio non includitur.

Ex quo patet, fundamentum abstractionis, partim esse in re, partim in intellectu: In re est distinctio duorum conjunctorum vel actualis vel virtualis; Actualis ut cum accidens abstrahimus à subiecto, à quo re ipsa distinguitur; virtualis ut cum animalitatem in homine abstrahimus à rationalitate, quæ licet in homine sint unum & idem actu, virtualiter tamen & in potentia distinguuntur, cujus signum est, quod in aliis rebus unum invenitur sine alio; animalitas enim in bove invenitur sine rationalitate: In intellectu autem fundamentum abstractionis est inadæquata rei conceptio; quia intellectus ob suam imperfectionem, non format statum plenum & adæquatum conceptum de re; formando autem conceptum inadæquatum, cognoscit rem sub una tantum ratione non sub altera, & sic dicitur unam rem abstrahere ab altera. Porro sicut sunt varix conjunctiones rerum, ita & modi abstractionum varii: aliquid enim abstrahitur ab altero, vel ut accidens à subiecto ut cum albedo abstrahitur à pariete, & secundum se consideratur non considerato pariete, vel ut forma ab eo cujus est forma; vel ut universale à singulari, vel ut accidens ab alio accidente cui est conjunctum, ut albedo in pomo abstrahitur

*Abstractio an  
et quomodo  
conformis rei?*

*Fundamentum  
Abstractionis  
partim in re  
partim in in-  
tellectu.*

hitur à sapore; vel ut id quo est ab eo quod est, sic humanitas abstrahitur ab homine, albedo ab albo, homo enim est humanitate, album albedine. Ad hoc autem ut aliquid ab altero abstrahi possit, sufficit distinctio illorum secundum conceptum consensum aut distinctum, quomodo & definitum à definitione explicite concepta, & res à sua differentia explicite concepta abstrahi potest. Quot enim res conceptus, quarum differentiam explicitam ignoramus?

## QVÆSTIO VIII.

*An possit aliquid abstrahere à contradictoriis?*

*Nihil potest  
in re abstrahere à  
contradictoriis.*

**D**ico primo in re nihil potest abstrahere à contradictoriis; quia in re non potest esse nisi conjunctum alteri contradictorium; de qualibet enim re necesse est alterum contradictorium affirmari vel negari. Estque hoc primum principium lumen naturali notum, quod si negetur, tollentur omnes scientiæ, quia omnium scientiarum principia per hoc principium probantur. Quodlibet est vel non est, ita ut tam impossibile sit rem esse simul & non esse, quam impossibile est ut neque sit neque non sit, sed necesse est ut vel sit vel non sit.

*In cognitione  
potest.*

Dico secundo. Intellectus in sua cognitione potest abstrahere ab utroque contradictorium. Ratio est: Quia potest intellectus cognoscere aliquod objectum neutrum contradictorium, in illo formaliter & expresse considerando, licet verè in re alterum contradictorium illi conveniat. Ergo in tali consideratione abstrahit formaliter ab utroque contradictorio quia neutrum considerabit: Ut cum considerat hominem præcisè ut homo est, non considerat illum ut album, neque ut non album, licet in re homo ille consideratus necessàriò sit albus, vel non albus.

*Lex Contradictorium.*

Dices ergo de eadem cognitione negabuntur duo contradictoria, quod est contra legem contradictorium. Respondeo legem contradictorium esse, ut quoad existentiam non possint contradictoria de eodem simul affirmari & negari, non verò quoad considerationem, quod non possint simul considerari, aut simul non considerari: Manifestum enim est posse simul ab intellectu considerari duo contradictoria, & posse simul non considerari, licet quoad rem & existentiam necesse est in id quod consideratur ab intellectu alterum contradictorium cadere. Verbi gratia, hominem consideratum ab intellectu necesse est vel esse album vel non album licet neutrum ab intellectu in homine consideretur. Quod etiam ex eo patet, quod & si esse album & non esse album sint contradictoria, tamen considerari ut album, & considerari non album non sunt contradictoria, sed diversa & quæ simul stare possunt; nam quæ sunt contradictoria habent se ut affirmatio & negatio: at considerare album & considerare non album non se habet ut affirmatio & negatio, quia utrumque est affirmatio: Ergo ista non sunt contradictoria: Essent autem contradictoria considerare album & non considerare album, quia tunc haberent se ut affirmatio & negatio. Summa ergo rei est; quia hæc abstractio fit per non considerationem, intellectus autem potest neutrum contradictorium considerare, potest ergo in illa cognitione abstrahere ab utroque contradictorio.

QVÆSTIO IX.

*An abstracta possint predicari de iis à quibus abstrahuntur?*

**R**atio dubitandi est. Quia abstractio est negatio quædam unius de altero; prædicatio autem fit per conjunctionem unius cum altero: Ergo abstractio videtur tolli per prædicationem. Nam si dicas abstractionem fieri non per veram negationem, sed solum per non considerationem. Esto, at omnis prædicatio fit per considerationem unius cum altero, prædicatum enim consideratur in subiecto & subiectum sub prædicato. Ex altera autem parte certum est universalialia verè prædicari de particularibus ut genus de specie & individuo: universalialia autem sunt abstracta; ergo abstracta verè prædicantur de iis à quibus abstrahuntur.

Pro resolutione notandum est. Abstracta esse triplicia. Quædam sunt quæ nullo modo in sua significatione involvunt ea à quibus abstrahuntur, ut cum albedo abstrahitur à pariete, albedo nullo modo involvit parietem: Alia sunt quæ involvunt ea à quibus abstrahuntur, quoad rem significatam non quoad modum significandi, ut albedo respectu albi, & omnia abstracta respectu suorum concretorum; idem enim significant abstractum & concretum, albedo & album, sed non eodem modo; nam abstractum per modum formæ, concretum per modum per se stantis. Denique alia sunt quæ involvunt ea à quibus abstrahuntur, tam quoad rem significatam, quàm quoad modum significandi, ut homo respectu Petri, & universale respectu singularis: homo enim in consuso significat quemcumque hominem singularem, & universale omnia sua inferiora.

Dico igitur primò. Abstracta prioris generis non prædicantur ullo modo de iis à quibus abstrahuntur. Albedo verbi gratia de pariete: non enim rectè dicitur paries est albedo. Ratio est: quia omnis prædicatio fundatur in aliqua identitate prædicati cum subiecto, sive materiali sive formali: In omni enim prædicato dicitur hoc esse hoc, hoc autem nihil aliud est, quàm subiectum esse idem cum eo quod significatur per prædicatum. Cum igitur abstracta primi generis, non sint idem cum iis à quibus abstrahuntur, non possunt de iis prædicari.

Dico secundò. Abstracta secundi generis simpliciter, & absolute non prædicantur de suis concretis, cum hæc sit falsa prædicatio; Homo est humanitas; Album est albedo. Pro quo notandum est; quod cum prædicatio fundetur in identitate prædicati & subiecti, etiam autem abstracta quoad rem significatam sunt eadem cum concretis, quia idem significatur nomine abstracto & concreto, videtur propter hanc identitatem vera esse prædicatio abstracti de concreto, licet sit indubitata, quia modus significandi prædicati non congruit subiecto; nam subiectum significat illam rem per modum per se stantis & ut Quod, prædicatum verò per modum formæ & ut Quo; necesse est autem prædicatum convenire cum subiecto in modo communi essendi ut sit proportio. Et ita sentit Durand. in 1. distinct. 24. q. ultima.

Oppositum tamen sentit Ruvius in q. 5. Procermiali: Primò; quia pars in abstracto non

non prædicatur de toto, non enim dicimus, Homo est manus aut caput: At abstractum significat per modum partis, concretum per modum totius; abstractum enim est pars quædam concreti: Ergo non potest prædicari de concreto, neque sufficit identitas utriusque: Nam & pars est eadem cum toto & tamen non prædicatur de toto. Secundo ad hoc ut unum non sit aliud sufficit ut modus essendi unus sit oppositus modo essendi alterius: nam ratione horum modorum ita sibi opponuntur ut unum non possit dici aliud. At concretum & abstractum habent modos essendi oppositos, concretum quidem modum per se stans ut Quod: abstractum verò modum formæ efficientis & ut Quo. Ergo abstractum non potest dici de concreto, nec unum potest esse aliud.

Dices hos modos essendi esse accidentales, eadem enim natura nunc abstractè, nunc concretè concipi potest. Accidentaliter autem non mutant essentiam prædicationis. Respondeo, hos modos esse quidem accidentarios naturæ in genere rei, at in ordine prædicationum esse essentiales. Patet id manifestè. Nam eadem res si sumatur per modum partis & in abstracto non potest prædicari de toto, non enim dicimus homo est manus: si verò concipiatur per modum totius & in concreto potest prædicari: dicimus enim hominem esse manuatum seu habentem manum. Et ratio est. Quia prædicatum sub eo modo essendi debet concipi sub quo convenit subjecto: at sub esse abstracto non convenit subjecto, sed sub esse concreto, non enim manus abstracta convenit homini sed conjuncta; manus autem homini conjuncta denominat nomen manuatum seu habentem manum quæ denominatione est concreta. Eadem ex causa non dicimus homo est albedo sed albus. Quare pari ratione non poterit dici homo est humanitas, vel album est albedo. Dices præterea non esse necesse prædicatum convenire subjecto in modo essendi, nam subjectum potest esse substantia, prædicatum accidens; accidens autem & substantia habent diversos modos essendi. Respondeo. Non omnes modos essendi diversos repugnare prædicationi sicut repugnat modus essendi abstractus & concretus ob rationem dictam quia abstractio facit prædicatum esse per modum partis, partem autem prædicari de toto repugnat.

Dico tertio. Abstracta tertii generis verè prædicari de iis à quibus abstrahuntur, sic definitio prædicatur de definito & universale de suis inferioribus. Probatur primo; quia etiam pars sumpta in concreto & per modum totius prædicatur de toto: cum ergo hæc abstracta sint etiam concreta, superiora enim à concretis inferioribus abstrahuntur per modum concretorum: poterunt ipsa quoque prædicari. Secundo; quia in tali prædicatione est identitas prædicati cum subjecto, & modus essendi prædicati conveniens subjecto, quia prædicatum non nisi in concreto sumptum convenit subjecto ut dictum est. Ergo est bona prædicatione. Tertio; quia hæc prædicatione est ejusdem de seipso secundum rationem superiorem & inferiorem conceptu. Quod verò in ratione dubitandi objiciebatur abstractionem opponi prædicationi id non obstat. Nam etiam cæcitas opponitur visioni, vita morti, divisio indivisioni & tamen ista oppositio non impedit prædicationem. Rectè enim dicimus cæcum fieri videntem & videre; mortuum vivere, indivisum dividi. Similiter ergo rectè dicimus abstractum prædicari; quia abstractum assumitur ad prædicationem. Verum sicut cæcus eo ipso quod videt, definit esse cæcus, & mortuus eo quod vivit, definit esse mortuus, & indivisum eo ipso quod dividitur, definit esse indivisum: ita abstractum eo ipso quod per prædicationem conjungitur subjecto, definit

definit esse abstractum, siquidem per abjunctionem à subiecto abstractum efficitur abstractum, conjunctio autem cum subiecto est contraria abjunctioni. Et ita tenet Scotus q.9. & 12. in Porphyrium asserens per prædicationem tolli rationem universalis; quia ubi est conjunctio cum singularibus non habet locum abstractio; at in prædicatione sic conjunctio naturæ cum singulari, ergo in tali prædicatione non habet locum abstractio, sed natura, eo ipso quod per prædicationem conjungitur subiectis, definit esse abstracta & fit conjuncta.

Oppositi tenent Conimbricenses, in præfationem Porphyrii q.6.a.4. nempe. Naturam posse prædicari de suo singulari, salva sua præcisione & abstractione intrinseca. Nam illa conjunctio quæ fit per prædicationem advenit naturæ extrinsecæ, nec tollit ipsius intrinsecam abstractionem quam habet extrinseca ratione conceptus, quo representatur sine omni singularitate. Quod ita explicant. Formet inquit intellectus conceptum naturæ humanæ præcisæ ab omnibus inferioribus, deinde efficiat alium conceptum Petri: nemo dubitat posse intellectum adjuncta copula prædicare naturam sic conceptam de Petro: in qua prædicatione sicut manet eadem representatio conceptus, ita & eadem abstractio. Non enim per illum conceptum representatur natura ut conjuncta, sed ut abstracta. Idquæ verum est siue isti conceptus sint re distincti, siue ratione.

Verum ista non urgent. Nam illa conjunctio per affirmationem licet conveniat naturæ extrinsecæ; tamen tollit ab ea abstractionem, & facit ut non sit abstracta à singularibus sed conjuncta. Quod declaro primum exemplo simili. Nam licet paries, verbi gratia, ex sua intrinseca & essentiali ratione non sit albus; & nisi illi extrinsecus adveniret albedo nunquam esset albus, tamen cum illi advenit albedo extrinsecus, verè efficitur albus, & non manet non albus; licet ex sua intrinseca ratione non sit albus. Ut enim aliquid non sit album, debet nullo modo siue intrinsecè siue extrinsecè conjungi albedini, & illud non esse album tollitur æquæ per extrinsecam conjunctionem albedinis, sicut si ab intrinseco proveniret. Pari ergo ratione licet natura ex vi illius conceptus quo concipiebatur secundum se absque singularibus: non sit conjuncta singularibus, tamen ex vi alterius conceptus quo affirmatur de Petro, efficitur vere conjuncta singulari, & perdit illud non esse conjunctum seu esse abstractum. Secundo ratione. Quia licet primus conceptus ille si solitarie sumatur, representet naturam abstractam quia non representat ut conjunctam; tamen adjuncto secundo conceptu affirmante, efficitur una completa representatio naturæ, ut conjunctæ singulari, ita ut quod non representabatur in primo conceptu, representetur in secundo. Nam per primum representatur natura, hoc est quoad sua essentialia: per secundum verò conjunctio naturæ cum singulari. Et quia utraque representatio in eandem naturam cadit, ideo natura illa simpliciter habet esse conjunctum non abstractum.

Confirmatur. Quia natura erat abstracta per non representationem singularium; cum igitur accedit representatio conjunctionis cum singularibus non potest dici amplius abstracta. Nam si dicas manere adhuc id, quod natura ex vi primi conceptus non sit conjuncta, ac proinde abstracta. Respondeo. Non sufficere id ad hoc ut dicatur simpliciter abstracta seu non conjuncta. Nam est simpliciter conjuncta, licet ea conjunctio non sit vi primi illius conceptus sed secundi. Sicut paries simpliciter est albus & nullo modo non albus licet non extrinseca ratione sit albus. Nam cum dicitur paries ex ratione intrinseca parietis, non esse albus,

non negatur albedo sed modus habendi albedinem ab intrinseco; quocirca per albedinem extrinsecam advenientem tollitur omnis negatio albedinis, solumque relinquatur negatio modi habendi albedinem ab intrinseco. Ita & hic per conjunctionem advenientem tollitur omnis negatio conjunctionis & solum relinquatur negatio modi habendi illam conjunctionem ab intrinseco, & sic tollitur abstractio quæ in negatione conjunctionis naturæ cum singulari est posita.

Dices. Primum conceptum naturæ non mutari quoad representationem. Cum enim representatio in conceptu sequatur ad essentiam ipsius (sua siquidem essentia representat) non possit mutari in representando, nisi mutaretur in essentia. Cum igitur non mutetur in essentia, sed idem numero perseverat ante & post prædicationem, sequitur quod nec mutetur quoad representationem. Sicut igitur ante representabat naturam abstractam ita & in prædicatione. Respondeo. Representationem conceptus esse duplicem; positivam & negativam. Positivè conceptus representat naturam sub ratione naturæ quia est naturæ similitudo & imago. Negativè verò representat abstractionem non representando singularia. Prior ergo representatio mutari non potest nisi mutetur essentia conceptus: posterior verò potest mutari salva essentia conceptus. Quia enim oritur ex non representatione singularium: ideo tollitur accedente representatione singularium: & sic idem conceptus ex abstracto, fit non abstractus, sed conjunctus.

Sed instabis; inde sequi universale formaliter acceptum non prædicari; quia in prædicatione definit esse universale. Respondeo. Dupliciter aliquid prædicari potest. Primo. In sensu composito, quando manens tale, prædicatur; & sic universale quoad naturam prædicatur, quia manet quoad naturam & essentialia omnia nec natura tollitur per prædicationem, sed & ponitur & affirmatur. Secundo. In sensu diviso. Quando ante prædicationem fuit tale, per prædicationem verò definit esse tale, verbi gratia, cum dico; id quod dividitur in partes est hæc numero quantitas; non manet eadem numero quantitas cum dividitur, dicitur tamen eadem numero quantitas dividi, quia illa numero quantitas fuit assumpta ad divisionem. Et sic universale prædicatur, quamvis per prædicationem definit esse universale.

Est & aliud argumentum Scoti pro hac doctrina ejusmodi, quod universalitas non convenit naturæ nisi in suppositione simplici. In prædicatione autem est suppositio absoluta vel personalis. Ergo in prædicatione non convenit naturæ universalitas ac proinde nec abstractio.

Respondent Conimbricenses. Non solum in suppositione simplici, sed etiam in suppositione absoluta & personali convenire universalitatem, dummodo inquit fit representatio præcisa.

At fateor me non capere, quomodo id sit verum. Nam universalitas ita convenit naturæ ut non possit convenire inferioribus ipsius seu singularibus. Non enim si homo sit universalis, inferiora quoque hominis nempe Petrus & Paulus erunt universalis. Quare in tali statu necessario convenit naturæ universalitas, ut excludantur omnino inferiora, quod est convenire in suppositione simplici. Nam in suppositione personali non excluduntur inferiora sed includuntur. Terminus enim tunc supponit personaliter cum supponit pro suo mediato significato, hoc est, pro suis inferioribus. Ex quo manifestum est argumentum Scoti validum esse, nec illa solutione infirmari.

Porro necessariam esse abstractionem ad prædicationem ex eo ostenditur: quia  
alioqui

alioqui prædicatio esset identica. Animal enim in re idem omnino est quod homo, & quod rationale; quare nisi per rationem abstraheretur ab homine & rationali, idem significaret quod homo & prædicaretur de seipso.

## QVÆSTIO X.

*An abstracta superiora de abstractis inferioribus  
prædicari possint?*

**S**Ypponendum est abstracta superiora sive generica sive specifica esse vel substantiarum vel accidentium & de utrisque est difficultas, verbi gratia, An hæc sit vera: humanitas est animalitas; albedo est color?

Quod attinet ad abstracta substantiarum, negat hoc loco Ruvius, posse prædicari. Cajetan. de Ente & essentia. Ferrar. primo contra gentes, cap. 18.

Fundamentum est quia talia abstracta sunt & significantur per modum partis, pars autem de parte non prædicatur ut caput de pede. Nam quod concreta generica de speciebus prædicantur id inde provenit quia significantur per modum totius, & unum in suo significato complectitur aliud. Et licet animal, verbi gratia, quoad id quod expresse significat sit pars hominis, tamen non significat illud per modum partis, sed per modum totius per se stantis, ratione cujus modi significandi complectitur hominem in potentia & in consulo. Animalitas verò significat per modum partis, & ideo de altera parte, hoc est, de humanitate non potest prædicari. Vnde inferunt animalitatem non esse genus respectu humanitatis, sed partem & principium. Quo generis, nec humanitatem esse speciem animalitatis, sed partem & principium Quo speciei. De ratione enim generis est ut significet per modum totius non per modum partis; alioqui non complectetur in suo significato speciem, nec ex consequenti de ea prædicari poterit. Confirmatur; quia ideo abstracta non prædicantur de concretis licet illis identificantur, quia sunt partes & per modum partis significantur. Ergo & ob eandem rationem non prædicantur de abstractis inferioribus; quia pars nec de toto nec de parte prædicari potest.

Hæc sententia vera est; oppositum tamen sentit Sotus qui inquit ad prædicationem sufficere identitatem prædicati cum subjecto. Hic autem abstractum superius est idem cum abstracto inferiori cum sit de essentia ipsius. Verum hæc ratio supra jam refutata est, tum quia nec pars de toto, nec pars de parte potest prædicari nisi habeant identitatem inter se; tum quia non satis est identitas in re, nisi etiam significetur voce; nam si non significetur, parum facit ad prædicationem & omnino tantum quantum si non esset.

At obijci potest. Abstractum superius cum sit de essentia inferioris potest prædicari de illo, vel ergo prædicabitur in abstracto & sic habetur intentum vel in concreto & sic esset mala prædicatio; non enim concreta prædicantur de abstractis sicut nec abstracta de concretis ut patet inductione.

Respondeo; quod est de essentia alicujus, potest quidem prædicari de illo sed non quomodocunque. Nam animalitas est de essentia hominis & abstractum de essentia concreti, neque tamen potest prædicari de illo quamdiu significatur in abstracto;

*Sententia Auctoris.*



abstracto. Ut igitur prædicetur debet modo convenienti prædicationi significari hoc est in concreto, sic rectè dicitur homo est habens animalitatem; non autem homo est animalitas. Quia abstractum ut dictum est ineptum est ad prædicationem. Significat enim formam quasi abjunctam à subiecto & in se stantem, in qua significatione non involuit identitatem cum subiecto, quod ad prædicationem requiritur. Quocirca abstractum superius potest quidem essentialiter prædicari de abstracto inferiori sed non nisi significatum per modum concreti, v. g. dici potest humanitas est habens animalitatem, vel constat animalitate, non verò est animalitas.

*An concreta  
possint prædi-  
cari de Ab-  
stractis?*

Quando verò obijcitur concreta non posse prædicari de abstractis. Respondeo. Id esse verum quando abstracta non supponunt pro concretis, verbi gratia, non dicimus humanitas est homo, vel albedo est album. At si abstractum supponat pro concreto potest prædicari de illo concretum tanquam de concreto, concreto inquam, non secundum vocem sed suppositionem. Sic rectè dicam albedo est habens albedinitatem licet non possit dici ipsa albedinitas. Et humanitas est verè habens animalitatem licet non sit ipsa animalitas.

Quod attinet ad abstracta accidentium, communis sententia est ea prædicti posse de abstractis inferioribus ut albedo est color. Rationem affert Ruvius qui formæ accidentales licet sint abstractæ Physicè respectu subiecti, eo quod concipiuntur per se sine subiecto: tamen sunt concreta quædam Metaphysica respectu suorum abstractorum. Habent enim rationes superiores & inferiores respectu quarum sunt quædam tota & concreta. Et sic tanquam concreta, non tanquam abstracta prædicantur. Deinde ad prædicationem satis est, ut prædicatum contineatur modo significandi subiectum saltem in potentia sic enim hoc erit: At abstracta accidentium continent in potentia sua inferiora propter identitatem cum illis & communem modum significandi. Ergo ex eò verè quod abstracta accidentium prædicantur de suis inferioribus, rectè inferitur abstracta quoque substantialia posse & debere prædicari de suis inferioribus propter paritatem rationis.

## QVÆSTIO XI.

*An definitio sit in prima operatione intellectus?*

**V**idetur enim definitio ad secundam operationem spectare, non enim potest sine affirmatione fieri. Nam definitio non habet rationem definitionis nisi conjungatur cum definito: Omnis enim definitio respectu definiti est definitio; ita ut si consideretur animal rationale in abstracto, non respectu hominis, non haberet rationem definitionis, quia nullius rei essentiam explicaret. Porro conjunctio definitionis cum definito non videtur posse fieri nisi per affirmationem. Quid enim est aliud affirmatio quàm conjunctio prædicati cum subiecto?

Dicendum tamen est definitionem per se ad primam operationem pertinere, & per accidens ad secundam, quia per simplicem apprehensionem potest considerari definitum sub sua definitione, sicut omne objectum materiale potest considerari sub sua ratione formali, absque ulla affirmatione per modum simplicis cujusdam

enjusdam intuitus: quare per accidens est definitioni sic apprehensæ affirmari de definito, quia sine illa affirmatione habet suam essentiam per simplicem apprehensionem. Deinde definitio apprehensæ est pura definitio, affirmata autem est simul definitio & propositio: unde sicut illi per accidens est esse propositionem, ita & affirmari.

## QVÆSTIO XII:

*An detur in prima operatione simplex  
judicium?*

Quidam recentiores affirmant; licet dicant illud esse imperfectum, virtuale, implicitum. Ita Suarius. 1. Metaph. disp. 8. Sect. 4. Dandinus 3. de Anima digr. 31. videtur etiam Ruvii de universalibus q. 6. in fine. Quanquam is vocat virtuale judicium, quod est solum fundamentaliter judicium, & potest fundare judicium formale, in quo expressè dicitur ita esse vel non esse. Communis sententia est judicium verè & propriè, & essentialiter non esse in apprehensione sed in compositione tantum & illatione. Quæ sententia est Aristotelis 1. Periher. cap. 1. ubi in prima operatione & extra compositionem negat dici esse vel non esse rem, in qua ratio essentialis judicii posita est. Aristotelem sequitur S. Thomas 1. p. q. 16. art. 2. & alii Peripatetici.

Dicendum igitur est in prima operatione non esse propriè & essentialiter judicium simplex nisi Metaphoricè & similitudinariè. Probatur, Primò ex definitione judicii. Quia ratio essentialis judicii in hoc est posita, quod dicat ita esse vel non esse: atqui hoc non est in prima operatione seu in apprehensione. Ergo in prima operatione non est judicium simplex. Major patet ex definitione, & communi notione judicii: Non enim tunc judicamus quando apprehendimus id quod est, sed quando rem ita esse vel non esse dicimus, & hoc solo ablato aufertur ratio judicii. Quare dicere judicium esse aliquid aliud, est fingere novam notionem judicii, & non est uti nominibus secundum impositam sibi significationem. Minor probatur. Quia in apprehensione, & si apprehendamus id quod est: non dicimus tamen rem esse vel non esse, ut docet Aristoteles 1. cap. Periher. Hircocervus, inquit, nihil significat verum vel falsum, nisi addatur esse vel non esse. Ergo ex se Hircocervus apprehensus non dicit esse vel non esse; & ex consequenti apprehensio Hircocervi, non includit rationem formalem judicii, quæ consistit in esse vel non esse. Deinde quia apprehensus est indifferens ad esse rei apprehensæ & non esse; apprehendimus enim non solum ea quæ sunt à parte rei ita ut apprehendantur, sed etiam ea quæ non sunt ita à parte rei, sicut ergo apprehensio abstrahit ab esse & non esse, ita etiam abstrahit à ratione formali judicii, tam simplicis quàm compositi, tam explici quàm impliciti.

Secundò probatur ex absurdo: sequeretur enim nos non posse apprehendere propositionem falsam sine mendacio. Probatur: quia mendacium est quando id dicimus, cujus oppositum in mente credimus. Atqui cum apprehendimus rem falsam, semper habemus judicium contrarium, quo credimus illud quod apprehendi-

dimus esse falsum: ergo in tali apprehensione mentimur. At hoc dici non potest. Cum enim apprehendimus Deum non esse, non dicimur mentiri, solum ex eo quod apprehendendo non dicimus ita esse vel non esse, & ex consequenti non iudicamus. Et sane nullus unquam sanæ mentis dixerit, me cum apprehendo Deum non esse, iudicare Deum non esse; alioqui ipsa apprehensione eissem Hæreticus. Cur enim affirmando Deum non esse, sum Hæreticus, & in apprehensione iudicando Deum non esse, non sum Hæreticus? Siquidem utrobique iudico Deum non esse. Etenim affirmatio idem est Hæretica quia in ea iudico Deum non esse, ita ut si auferatur per impossibile, aut per imaginationem hoc iudicium ab affirmatione, illa affirmatio non esset Hæretica. Quocirca cum sit contra communem notionem de apprehensione quod contineat rationem iudicii, isti qui ita loquuntur, contra communem notionem & impositionem verbis utuntur, & fingunt novas impositiones nominum.

3. Tertiò si prima operatio diceret essentialiter iudicium, æquè esset veritas & falsitas in prima operatione sicut in secunda: Nam in secunda idem est veritas & falsitas, quia in ea invenitur iudicium de re quod sit vel non sit ut patet ex 1. cap. Periher; si ergo in prima quoque operatione reperiretur tale iudicium, quod res sit vel non sit, æquè in prima ac in secunda operatione esset veritas vel falsitas. Nam primum refert, quod hoc iudicium sit simplex, cum etiam in Angelis sit iudicium simplex, & tamen in eo per se est veritas æquè ut in nostro composito iudicio: Nam iudicium compositum non idem quia compositum, sed quia iudicium dicens, esse vel non esse, est verum vel falsum; alioqui si quia compositum esset verum, iudicium simplex in Angelo non esset verum. Quocirca si per compositionem si ve sine compositione fiat iudicium, dummodo dicat esse vel non esse semper erit per se verum aut falsum. Hoc autem est contra doctrinam Aristotelis, qui 1. Periher. ex professo ostendit extra compositionem non esse veritatem.

4. Quartò, si in prima operatione esset iudicium simplex, esset compositio virtualis licet non actualis hoc est talis, tanta, quanta est in Angelo cuius iudicium æquivaleret iudicio nostro composito: At hoc est absurdum: Ergo. Major patet: quia iudicium simplex sine compositione continet ea omnia, quæ iudicium compositum continet cum compositione; & idem dicitur virtute & æquivalentia compositum: Nam quod nos distinctis conceptibus dicimus ita esse vel non esse, hoc in iudicio simplici uno conceptu dicitur ita esse vel non esse: si igitur apprehensio nostra est simplex iudicium, æquivaleret iudicio composito, & contineret sine compositione totum id quod continet iudicium compositum. Duo enim continet iudicium compositum: Alterum est quod dicat ita esse vel non esse, quæ est ratio formalis iudicii ut iudicium est: Alterum est modus ille compositivus cum componendo dicitur ita esse vel non esse: In simplici ergo iudicio est primum in quo consistit essentia iudicii (alioqui non esset essentialiter iudicium) solum autem deest secundum, quod tamen ad essentiam iudicii non spectat: virtute tamen est compositivo, quia continet in se omnia quæ possunt esse materia compositionis: eadem enim illa quæ simplici ratione iudicantur, composito quoque modo iudicari possunt. Ex quo etiam patet istud primæ apprehensionis iudicium fore tale & tantum, quale & quantum est iudicium Angelicum: quid enim illi ad essentiam iudicii deest? cum dicat rem ita esse vel non esse, quo plus nihil dicit suo iudicio Angelus.

Quintò sequeretur iudicium apprehensivum esse perfectius iudicio compositivo

& illativo: quia quidquid perfectionis est iudicii, ad rationem iudicii spectans, hoc totum est in iudicio simplici, solum deest illi imperfectio illa compositiva. Vnde iudicium simplex est perfectius composito: si ergo apprehensio est iudicium simplex, sequitur quod sit perfectius in ratione iudicii iudicio compositivo.

Respondent primo, iudicium apprehensivum esse imperfectum quid in genere iudicii. Contra, si iudicio apprehensivo deest aliqua conditio essentialis iudicii, non erit imperfectum iudicium, sed nullum iudicium: sine essentia enim iudicii non potest esse iudicium: neque enim ulla res est talis sine essentia tali, nec homo est homo essentialiter, nisi per essentiam hominis; nec aurum est essentialiter aurum nisi per essentiam auri: si verò habet totam essentiam iudicii, non est imperfectum iudicium, sed perfectum essentialiter. Porro satis est ad argumentum ostendere omnem perfectionem essentialem iudicii in esse apprehensionis debere, si dici debet iudicium essentialiter, & non tantum similitudine quadam. Quinquant nec quæ conditio accidentaliter iudicii deest apprehensioni, supposito quod essentia iudicii non deest, potest ab illis bene explicari.

Respondent secundo alii iudicium apprehensivum esse virtuale tantum quodam iudicium ac proinde imperfectum. Contra: Virtuale dicitur dupliciter: vel quod opponitur actuali, & significat idem quod potentiale, quomodo semen lactuæ dicitur virtute lactuæ, id est potentia non actu; vel quod opponitur formali, quomodo anima rationalis est virtute sensitiva, & vegetativa, quia simplici ratione comprehendit totam perfectionem sensitivæ & vegetativæ, non sub illa formali limitatione & distinctione, quam habet sola vegetativa & sola sensitiva. Iam igitur peto quo sensu dicunt iudicium apprehensivum esse virtuale? An quia est iudicium solum in potentia? at hoc nec dicunt, nec dicere possunt: Ex ipsorum enim sententia, hoc simplex iudicium est actu iudicium & sit actu à potentia apprehensiva. Visus verbi gratia actu dicit album esse album. An quia est iudicium actu sed virtualiter non formaliter? At peto in primis in quo constituunt istum actum formalem iudicii, ut opponitur virtuali? num in compositione? at hoc est dicere, iudicium apprehensivum esse virtute compositum, non virtute iudicium, quia ratione formali iudicii ut iudicium est non caret, sed solum caret ratione formali compositi iudicii: Ex hoc autem non sequitur esse iudicium imperfectum, sed perfectum: quia simplex in eodem genere perfectius est composito: siquidem quod compositum cum imperfectione continet, simplex continet sine imperfectione. Num dicent consistere in ratione formali iudicii ut iudicium est? At ex hoc sequeretur iudicium apprehensivum non esse essentialiter iudicium: quia ratio formalis iudicii est ratio essentialis iudicii; id ergo quod non habet in se rationem formalem iudicii non est essentialiter iudicium; solum igitur erit potentia iudicium: quia est potentia ad actum primum & ad rationem essentialem iudicii.

Deinde dupliciter dicitur aliquid virtute continere aliud: primo quoad essentiam, quia eandem essentiam alio modo eminentiori in se continet, quomodo anima rationalis sensitivam continet virtute: secundo quoad effectum, quatenus idem præstare potest quod res altera præstat. Sic sol continet calorem virtute, quia præstat idem quod calor: nam æquæ calefacit sicut si esset calidus. Cum igitur dicunt iudicium apprehensivum esse virtute iudicium, si intelligant priori modo, concedere debent esse perfectius iudicium, iudicio compositivo: quod enim illo modo virtute continet aliud est illo perfectius, quia & ipsum, & aliud quid continet;

*Simplicitas  
non derogat  
perfectiōi  
iudicii..*

fic in prima causa Deo continentur virtute omnes res creatæ, & in causa æquivoca continentur effectus. Si verò intelligant posteriori modo, etiam ex hoc capite deberet esse perfectius iudicium: quod enim hoc modo continet virtute aliud, semper est illo perfectius, quia non solum id præstare potest quod aliud, sed etiam id quod aliud præstare non potest: sic lumen solis est perfectius calore, quia non solum calefacit quod est proprium caloris, sed etiam illuminat quod calor præstare non potest. Respondent tertiò iudicium apprehensivum esse simplex quoddam iudicium ideoque imperfectum. At contra. Ostensum est simplicitatem non derogare perfectioni iudicii sed eam potius augere: quia id dicit sine imperfectione quod compositum dicit cum imperfectione; alioqui iudicium Angeli esset imperfectius nostro, quia illud est simplex nostrum compositum. Similiter cum dicunt implicitè esse iudicium, peto quid sit esse implicitum iudicium? si enim intelligunt non esse explicatum distinctis conceptibus: & tunc idem erit esse explicitum iudicium, quod esse compositum: sicut autem non esse compositum, non derogat quidquam perfectioni essentiali iudicii, ut patet in Angelo; ita nec esse implicitum: si verò implicitum intelligunt confusum, tunc cum confusio ex representatione oriatur, solum in representatione confusa erit confusum & implicitum, in representatione autem evidenti & clara, non erit confusum, ac proinde non implicitum, sed explicitum.

Obijciunt primò Apprehensionem tripliciter considerari posse: primò ut est representatio objecti, sic dicitur apprehensio: secundò ut est adhesio objecto, sic dicitur assensus. Tertiò ut est cognitio objecti representati, sic dicitur iudicium, quia cognoscendo iudicat intellectus esse tale quale cognoscit, estque hoc iudicium de essentia cognitionis ut cognitio est: Quoniam hæc tres considerationes non nisi ratione inter se distinguuntur.

Respondeo, falsum esse in omni apprehensione cognosci & iudicari objectum esse tale quale representatur & apprehenditur ut probatum est tot argumentis; sed solum cognoscitur tale absque ulla assertionem quod sit tale, ac proinde non esse locum iudicio in apprehensione. Pro quo noto. Dupliciter potest cognosci objectum esse tale: primò apprehendendo istam compositionem album esse album; & hoc esse potest in prima operatione, in qua compositio objecti, sine compositione ex parte actus cognoscitur, quia scilicet per actum non tribuitur objecto: Sicut enim apprehendere affirmationem non est affirmare, apprehendere illationem non est inferre: ita apprehendere affirmationem objectum esse tale, non est iudicare esse tale.

*Iudicium sine  
scientia esse  
non potest.*

Quod vel ex eo patet, quia cum apprehendendo astra esse paria, possum nescire esse paria; ergo non iudicio esse paria, quia iudicium non potest esse sine scientia. Secundo potest cognosci objectum esse tale, iudicando seu tribuendo illi quod sit tale, sive id fiat per compositionem duorum conceptuum, ut fit in affirmatione, sive per unum conceptum simplicem, ut fit in iudicio Angelico; Et tale iudicium non potest esse in prima operatione, in qua solum est simplex apprehensio objecti talis, quæ fiat simul cum ignorantia, quod res sit talis. Ut enim tale in nobis iudicium fiat, requirit reflexionem quandam, & compositionem conceptuum, sicut & in propositione identica, cum dicimus Petrum esse Petrum, non possumus tale iudicium formare nisi bis concipiendo Petrum, tam ex parte subiecti, quam ex parte prædicati.

Ex quo patet ad rationem iudicii non satis esse ex parte objecti cognoscere rem ita esse, hoc enim est solum iudicium per modum objecti apprehendere, non verò est exercere iudicium dicendo ita esse vel non esse; sicut nec habere affirmationem pro objecto est exercere iudicium affirmativum: requiritur ergo ut ex parte actus dicatur ita esse vel non esse. Quod rectè explicari ait Fonsæca per modum indicativum dicendo Est ita: prius vero illud ait explicari per modum infinitivum Esse ita. Cum enim apprehendo esse ita, apprehendo iudicium vel iudicii objectum, non formo ipsum iudicium: at cum dico Est ita, formo ipsum iudicium. Porro parum refert, quod in apprehensione objectum sit tale quale apprehenditur; nam hoc vel non cognoscitur per apprehensionem, vel si cognoscitur, cognoscitur simplici representatione sine iudicio.

Obijciunt secundò, ovis cum videt lupum, iudicat inimicum & ideò fugit: oculus etiam videndo album, iudicat esse album. Respondeo. Ovem nullo modo iudicare lupum esse inimicum, sed solum apprehendere, ex qua apprehensione sequitur naturali instinctu, non ex determinatione iudicii fuga; sicut & cæteræ determinationes animalium non procedunt ex iudicio & penetratione objecti, sed ex determinatione & instinctu naturali. Oculus nullo modo iudicat album esse album, sed tantum apprehendit & repræsentat illud, non progrediendo ad iudicium, quod sine compositione, & attributione unius ad alterum esse non possit.

Obijciunt tertio. Quemlibet sensum iudicare de suo objecto & discernere illud ab alienis objectis, visus verbi gratia de colore iudicat, & discernit eum à sono. Respondeo, istam discretionem fieri non per iudicium sensus sed per apprehensionem: quia hoc non illud apprehendit: quanquam nos cum sensibus utimur, immiscemus nostrum iudicium rationis quod per accidens ad sensum pertinet. Dicitur etiam sensus iudicare, similitudine quadam iudicii: quia ita fertur in suum objectum, ac si illud iudicaret esse tale, quo etiam modo dicimus hirundines ita conficere suos nidulos, ac si iudicium haberent, cum tamen certum sit eas iudicio & ratione carere, sed naturali impetu & determinatione facere quod faciunt.

*In brutis non est iudicium.*

*Iudicii similitudo in brutis.*



## DISPUTATIO IV.

## De Naturis Vniversalibus.

Ad universalis  
rationem quid  
requiratur.

*Vniversale in communi dicitur, unum quid respiciens multa. Vt enim particulare respectu unius, sic universale respectu multorum dicitur. Duo igitur ad rationem universalis requiruntur, unitas & respectus ad multa. Si sint solum multa, non erit universale, sed multitudo & collectio; si verò sit aliquid unum, sed non respiciat multa, erit particulare non universale. Cum autem varii possint esse hi respectus in variis rationibus fundati, varia quoque erunt universalium genera: Aliud enim est universale in causando, quod unum cum sit, multa causare potest; aliud in representando, quod multa representare potest; aliud in significando; aliud in recipiendo. Id verò, quod ad nostrum propositum spectat, est universale in essendo & in predicando. Hoc autem est, natura una apta esse in multis, & predicari de multis. De hoc igitur universali querimus, an detur, seu an dentur tales natura, quæ sint verè communes multis particularibus, ita ut existant in illis, & de illis predicentur? Fuit autem semper celebris in Scholis hæc contraversia, quæ inde ortum habuit. Observabant enim Philosophi res in aliquo sibi esse similes, in alio dissimiles, & illud in quo sunt sibi similes, eadem ratione inveniri in omnibus. Hinc ergo querere cæperunt, an sint in rebus natura aliqua communes quæ eadem omnibus conveniant: & in particulari, an hæc natura re ipsa extra singularia existant vel in singularibus, tum an per intellectum efficiantur universales?*



## QVÆSTIO PRIMA.

*An dentur natura universales extra singularia existentes,  
seu an dentur Idea Platonica?*

**P**Lato essentias rerum seu species per se existere docuit, easque Ideas appellavit, quod essent veluti exemplaria naturarum particularium. Verbi gratia, hominis essentiam in communi aiebat per se existere, eamque *ἰδέαν ἀνθρώπου*, hoc est, ipsissimum hominem appellabat; quod particulares homines non absolute homines, sed hi homines essent. Porro statuebat has rerum essentias immutabiles, ingenerabiles, incorruptibiles, æternas. Hanc sententiam Platoni tribuit passim Aristoteles, eamque accurate refellit. 1. Met. à tex. 25. & 7. Met. à tex. 44. & 1. Ethicorum c. 6. Quamvis autem D. Aug. lib. 83. *Questionum*, q. 46. Plotinus, Iamblicus, Philoponus, Simplicius & alii Platonici non pauci censent Platonem posuisse Ideas rerum in mente Dei, non vero extra Deum existentes, falsoque oppositum ei ab Aristotele affingi; tamen major est Aristotelis in hoc autoritas, quam ut id in dubium revocari possit. Nam & Platonem viginti annis docentem audivit, & ejus sensum omnium optime assecutus est, & 1. Eth. c. 6. ingenuè fateatur se veritatis causa etiam amicos (Platonem intelligens) deferere: denique nimis impudens fuisset, si præceptorem suum in re gravissima & omnibus Platonis auditoribus nota, calumniari voluisset. Deinde ea sententia Platonis, manifestè perspicitur ex Dialogo quem Parmenidem inscripsit, ubi expressè docet Ideas non esse notiones, sed notionum objecta, neque in animis existere, sed tanquam exemplaria in natura consistere. Accedit quod Plato tria posuit rerum æterna principia; Deum, Ideam, & materiam. At si Idea existeret in mente Dei, non esset distinctum ab ipso Deo principium. Denique id ex rationibus Platonis, quæ Aristoteles locis citatis diligenter refellit, patet, quæ Ideas non in mente divina, sed in re existentes supponunt.

Porro duas potissimum ob causas Ideas dicto modo posuit Plato; primò propter scientias; deinde propter generationes rerum. Sic enim discurrerebat. Scientia cum sit necessaria & immutabilis, debet habere objectum necessarium & immutabile. Singularia autem omnia contingentia sunt & mutabilia. Ergo extra singularia dari debent naturæ universales necessariae & immutabiles, ut de illis haberi possit scientia; alioqui de non Ente esset scientia, quod absurdum est. Deinde sublati omnibus hominibus particularibus, adhuc de homine in communi datur scientia; est enim semper verum hominem esse animal rationale: Existit ergo homo in communi, de quo id verè affirmatur: siquidem idèo ita affirmatur: quia ita res habet. Præterea essentiae rerum sunt æternæ; semper enim erat verum dicere hominem esse animal rationale: atqui in singularibus non sunt æternæ, cum singularia generentur & corrumpantur: Ergo sunt æternæ extra singularia.

Simili ratione discurrerebat de generationibus rerum. Necessè est, inquit, simile generari à simili: Atqui multa generantur à causis particularibus dissimilibus, ut quæ ex putri generantur: Necessè est igitur causam universalem statuere, quæ suam similitudinem rebus genitis imprimat. Deinde videmus omnia singularia partici-

*Quibus de  
causis Plato  
finxit Ideas.*

pare naturam uno eodemque modo : sicut igitur formæ ceræ impressæ, quia sunt uniformes, reducuntur in unam formam sigilli à qua proveniunt : ita uniformitas naturarum singularium reducenda est in unam naturam & Ideam communem, cuius participatione naturæ singulares uniformiter se habeant.

Opposita sententia est Aristotelis locis citatis, quem Peripatetici omnes sequuntur ; species & essentias rerum non existere separatas, nec extra singularia : quocirca primo posteriorum textu 35. vocat Ideas *ὑποκείμενα*, hoc est, præcensus cythæredorum inordinatos & dissonantes, vel ut alii exponunt monstra ; Quæ sententia verissima est & tenenda.

*Ideæ propter scientias non sunt necessariae.*

*Homo in singularibus existens potest cognosci sine singularitate.*

Dico igitur primò Ideas Platonicas propter scientias nullo modo necessarias esse. Quia falsum est Ideas esse objecta scientiarum. Nam in primis in cognoscendis rerum essentis nullus expertus est se aliquam Ideam aut essentiam separatam respexisse ; Concipiendo enim hominem, non concipimus aliquid extra omnes homines existens, sed naturam hominis in hominibus existentem.

Quod si quis dicat, concipi hominem in communi abstractum à singularibus. Respondeo. Hominem in singularibus existentem posse sine singularitate cognosci, & hoc est esse abstractum à singularibus ; cognosci non cognita singularitate : non igitur licet ex tali modo abstractè cognoscendi inferre id quod cognoscitur re ipsa separatam esse ; sed solum mente & cogitatione separari. Deinde concipiendo universalialia, concipimus essentias rerum : At essentia rerum non possunt esse separatae à rebus. Ergo nec universalialia : Nihil enim tam intimum rei est, ac sua essentia & nihil à re minus separari potest, quam ipsius essentia ; est enim quælibet rei idem quod sua essentia : idem autem à seipso separari impossibile est. Tertiò, Nulla est ratio, cur intellectus non possit concipere essentiam in singularibus existentem, an quia singularis est ? at Ideæ quoque singulares sunt : quia quicquid in mundo existit, singulare est, & hoc numero. An quia sensibilis ? at quod ad intellectum nostrum attinet, plus enim juvat singulare sensibile, quam insensibile ; intellectio enim nostra pendet à sensu, & quæ sunt magis sensibilia, magis etiam ab intellectu percipiuntur ; insensibilia verò eo ipso, quod insensibilia sunt, difficillimè intelliguntur.

Quod si dicas Ideas esse necessarias, ut illis tanquam exemplaribus utatur intellectus ad concipiendas rerum essentias, id etiam dici non potest. Nam intellectus noster habet in se species intelligibiles acceptas à sensibus, quæ sunt veluti exemplaria rerum intelligendarum : hac enim solum de causa intellectus noster dependet à sensibus, ut ab illis species & imagines rerum intelligendarum accipiat : Singitur haberet ideas perfectissimas, quibus in cognoscendo uteretur, non esset opus ut à sensibus dependere.

*Intellectus noster habet in se species intelligibiles acceptas à sensibus.*

Deinde, Ideæ sunt exemplaria insensibilia, & quæ nullo sensu percipiuntur, natura verò intellectus nostri est, ut egeat exemplaribus sensibilibus, & nihil possit cognoscere, nisi quod prius fuerit in sensu : Ergo Ideas non potest cognoscere. Denique nullus unquam expertus est in intelligenda re aliqua se conversum fuisse ad aliquam Ideam per se existentem, sed potius in res sensibiles, ex quibus omnis nostra cognitio oritur. Denique si ita res se haberet ; nunquam posset intellectus nisi verum cognoscere, quod Ideæ, quæ sunt verissimæ rerum formæ, determinarent semper intellectum, ad cognoscendum verum, & impedirent à cognitione falsi : qui enim veri perfectissimam Ideam habet, eamque inuenerit, impossibile est ut aberraret

Tertio probatur, Conclusio. Si una natura esset in multis Individuis, esset simul hæc & non hæc, una numero, & multiplex numero: nam in Petro esset hæc, in Paulo non esset hæc, sed alia: Atqui eadem res non potest dici simul hæc & non hæc, una numero & non una numero, cum ista sint contradictoria: Ergo non potest esse eadem natura in multis individuis. Dices id non repugnare respectu diversorum. Contra: quia in absolutis repugnat, quod semel est tale ut respectu alterius non sit tale; sic albedo quia absolute & non per respectum ad aliquid est albedo, ideo non potest esse albedo respectu unius, & non albedo respectu alterius. Solum verò in his quæ respective dicuntur talia, potest esse aliquid tale respectu unius, & non tale respectu alterius. Singularitas igitur cum sit quid absolutum non respectivum, non potest res dici singularis & hæc numero respectu unius, & non esse hæc numero respectu alterius. Confirmatur. Natura quæ est in Petro ita est Petri, ut non sit Pauli; & in Paulo ita est Pauli, ut non sit Petri; siquidem Petrus & Paulus totis suis naturis à se distinguuntur & separantur, ergo non potest esse eadem natura Petri & Pauli.

*Absolutum  
natura.*

Quarto. Vni & eidem naturæ easdem operationes convenire necesse est: operationes enim à natura proficiuntur. At operationes naturæ Petri non conveniunt naturæ Pauli. Potest enim natura Petri producere aliquem actum virtutis vel vitii quem natura Pauli non producit. Ergo non est eadem natura in Petro & Paulo.

Dices. Corpori existenti in pluribus locis, non conveniunt eadem prædicata. Nam in uno loco potest sedere, in alio ambulare: ergo pari ratione possunt eidem naturæ in pluribus individuis existenti, non convenire eadem prædicata. Respondet. Negando consequentiam. Nam corpus existens in pluribus locis, quia habet eandem naturam in omnibus iis locis, habet etiam eadem prædicata naturam concernentia: Quia verò habet diversa loca, ideoq. habet & diversa prædicata locum concernentia: potestque in uno loco sedere, in alio ambulare, quia ista locum concernunt. Pari igitur ratione si natura eadem existat, in pluribus individuis habebit eadem omnino prædicata in illis naturam concernentia, qualia sunt actus virtutis vel vitii; quia à natura proficiuntur. Deinde quia natura est unum & idem cum suo individuo, ideo quod individuo competit non potest naturæ non competere.

*Corpori exi-  
stenti in pluri-  
bus locis cur  
& eadem &  
diversa prædi-  
cata conve-  
niant?*

Quare si eadem natura, sit etiam in altero individuo, competent illi proprietates prioris individui, at corpus non est idem cum loco: unde quæ illi ratione unius loci competunt, possunt non competere in altero loco existenti, quia ista sequuntur locum non naturam.

Possit autem quis contra hæc nostra argumenta opponere; valere ea ubi est identitas adæquata, non autem ubi est identitas non adæquata. Exemplo divinæ naturæ, quæ eadem est tribus personis, sed inadæquata singulis, & idcirco non sequitur tres personas esse easdem inter se. Verum hæc oppositio nihil contra nos Identitas na-  
facit: Nam illa identitas naturæ cum tribus absque identitate eorum inter se, est tunc cum tri-  
Myſterium supernaturale, quod ratio nullo modo capit, sed fide sola credit, pro-  
venitque ex infinita Dei perfectione tam mirabilis, & rationem excedens modus rum identitate  
effendi. At hic nihil est rationem excedens, nihil supernaturale, nihil infinitum: inter se est su-  
pernaturale  
pernaturale  
naturæ cum tribus, sequitur, quod divina natura sit illa tria, & quod illa tria sint una myſterium.  
natura divina & unus Deus. Hæc autem dici non possunt, de natura existente in

Petro & Paulo: nempe quod natura in Petro existens sit Paulus, & quod Petrus & Paulus sit realiter unus homo. Non igitur obstat præsentī conclusionī divīnæ naturæ exemplum.

*Opinio recentiorum,  
Natura non est à parte rei una essentialiter secundum quid.*

Iam verò ad fundamentum primæ sententiæ quidam recentiores respondent, concedendo naturam à parte rei esse unam essentialiter, quia est indivisa essentialiter. Hanc tamen unitatem non esse simpliciter, sed secundum quid: quia natura simpliciter est divisa in multis & solum secundum quid, id est, essentialiter est indivisa, quia Petrus & Paulus à parte rei non sunt divisi differentiis essentialibus sicut est divisa Petrus à Bucefalo. Verum hæc responsio nullo modo est vera. I. Si natura ex parte rei est una secundum quid in multis, dabitur à parte rei natura universalis, nam illa ratione, quæ statuitur una essentialiter, est una in multis; quod sufficit ad rationem universalem. Non erit igitur universale nihil à parte rei ut vult Aristor. 1. de anima 1. 8. Animal inquit universale, aut nihil est aut posterius. Quomodo enim erit nihil, si à parte rei est unum & in multis. Neque etiam erit posterius re ipsa, sed simul cum re ipsa.

Respondent. Naturam universalem debere esse unam simpliciter non secundum quid tantum; in hoc enim sensu de universali quærimus.

*Quod est unum in multis est universale.*

Sed contra. Negari non potest, quod secundum eam rationem, secundum quam aliquid est, unum in multis, sit etiam universale: cum hæc sit definitio universalis. Ergo quamvis sit unum secundum quid in multis, non potest negari secundum illam unam rationem esse universale. Neque enim secundum illam rationem erit quid singulare, cum de ratione singularis sit esse in uno non in multis, ut patet ex definitione individui.

Deinde cum de universali quæritur, an sit unum in multis, quæritio est de unitate solum essentiali; hæc enim sola unitas & non alia competit universali, ut universale est; si ergo hæc unitas sit à parte rei, sequitur totam unitatem requisitam ad universale esse à parte rei. Unitas enim essentiæ est illa quæ constituit naturam universalem, nam aliæ unitates præsertim numerica non conveniunt universali, ut universale est, quia universale abstrahit ab omnibus individuis & omni esse numerico, unde constituitur in esse universali per solam unitatem essentialem, abstrahentem ab omni unitate numerica.

*Unitas essentialis (si datur) est unitas simpliciter.*

Ex quo etiam infero istam unitatem essentialem quam isti vocant secundum quid, si datur à parte rei, esse unitatem simpliciter in genere unitatis essentialis, hæc non sit unitas simpliciter in genere unitatis absolute. Nam ad rationem unitatis essentialis, nihil illi deest, cum omni modo sit indivisa essentialiter, nec ullus modus indivisionis essentialis illi deest: quod autem omnimodè est unum in aliquo genere, est simpliciter non secundum quid unum in illo genere. Quamvis autem in genere unitatis in communi; unitas essentialis non sit omni moda unitas: tamen ad unitatem universalem non requiritur alia unitas nisi essentialis; quare si hæc adsit, adit omni moda unitas requisita ad universale. Nam præter unitatem essentialem, non est alia unitas nisi numerica, at unitas numerica non requiritur ad universale, cum universale fiat per abstractionem naturæ ab omni esse numerico, ergo nulla alia unitas requiritur ad universale nisi essentialis, & ea sola, cum advenit naturæ, facit eam unam & indivisam simpliciter in genere unitatis essentialis; unde & intellectus concipiendo naturam solum ut unam essentialiter, facit illam unam simpliciter.

Si à parte rei naturæ essent unum essentialiter, sequerentur ea omnia absurda, quæ sequuntur ex sententiâ dicentium dari naturam universalem à parte rei: nam secundum illam unitatem, naturâ esset una, & eadem in pluribus locis quantumvis distantibus, neque posset corrumpi, aut generari, quia maneret eadem in aliis individuis: esset etiam unum individuum realiter consubstantiale alteri, & reali aliqua indivisione indivisum & indistans ab altero. Ad hæc natura illa & unitas ipsius esset omnino singularis, quia quicquid est à parte rei, singulare est; sicut ergo repugnat naturaliter, rem aliquam eandem numero esse in pluribus subjectis simul, præsertim distantibus: ita repugnaret talem naturam esse unam realiter & numero in pluribus & distantibus subjectis. Ad hæc singulare quâ singulare repugnat esse universale, cum de ratione universalis sit abstrahi à singularibus: hæc autem natura quatenus est à parte rei una, est singularis, ut ostensum est, & secundum suam rationem singularem est in multis: ergo singulare quâ singulare est, esset universale.

A parte rei naturæ in Petro & Paulo habent duas divisas unitates essentielles, ergo non sunt unum una unitate essentiali; sub illa enim ratione, sub qua sunt duo, non sunt unum, at in genere essentialis unitatis sunt duo: nam & Petrus in seipso est indivisus essentialiter, & Paulus similiter, & uterque divisus ab altero, ergo non habent unam unitatem essentialem sed duas.

Quarto. Denique omnis unitas à parte rei est singularis & numerica: nihil enim à parte rei existit nisi singulare; ergo si unitas essentialis existit à parte rei, erit numerica & singularis. At unitas numerica est unitas simpliciter, cum involvat in se omnes superiores unitates, quod enim est unum numero, est etiam unum specie & genere, ergo hæc unitas essentialis, non esset secundum quid, ut isti volunt, sed simpliciter unitas.

Est igitur alia duplex responsio ad fundamentum primæ sententiæ. Prima est. Naturam in Petro & Paulo non esse unam essentialiter, quia non est una per unam aliquam unitatem & indivisionem essentialem, quod requiritur ad unum Ens absolute, sed duas habet unitates & indivisiones essentielles finiales, ita ut propter similitudinem verum sit Petrum & Paulum à parte rei non differre essentialiter, non vero esse unum essentialiter.

Pro quo notandum est unitatem esse Entis indivisionem, ita ut ad unitatem supponatur necessarii Ens, in quo sit illa indivisio, si enim indivisio alicujus Entis tribuatur alicui sine illo Ente, non erit unitas illius Entis, ut si indivisio quantitativa tribuatur alicui sine quantitate, non faceret unum quantitativè: Nam Angelus dicitur indivisus quantitativè, hoc est in partes quantas, neque tamen dicitur propriè unus quantitativè, quia non habet quantitatem secundum quam sit unus quantitativè: unitas enim quantitativa est unitas & indivisio secundum quantitatem. Hinc autem infero, quod cum in Petro & Paulo non supponatur Ens, sed Entia, indivisio quoque illis conveniens non erit absolute indivisio & unitas, sed indivisiones & unitates. Necesse est enim unitatem multiplicari secundum multiplicationem Entis, cum unitas non distinguatur ab Ente & omne Ens ferat secum suam unitatem. Cum igitur in Petro & Paulo à parte rei non sit natura sed naturæ, indivisionem quoque harum naturarum, non esse absolute indivisionem & unitatem, sed indivisiones & unitates. Porro res absolute dicitur una non à pluribus indivisionibus & unitatibus, sed ab una indivisione & unitate. Esse autem plures indivisiones patet, nam alia indivisio est, quæ hæc natura non dividitur essentialiter ab illa; alia qua illa non dividitur.

2.  
*Absurda ex unitate naturæ in pluribus.*

3.

4.

*Duplex ad difficultatem Responsio.*

*Unitas est indivisio Entis, et supponit Ens.*

*Non sequitur,  
ea quæ non  
differunt es-  
sentialiter esse  
idem essentialiter.*

*Ad unitatem  
requiritur in-  
divisio tam  
quoad modum  
quàm quoad  
substantiam.*

*Natura in  
Petro &  
Paulo quomo-  
do divisa, quo-  
modo non ?*

*Explicatur  
exemplo si-  
mili.*

*Natura à  
parte rei non  
est prior sin-  
gularitate.*

ab ista: prior in priori natura quasi subiectatur, posterior in posteriori; unde hæ naturæ non sunt indivisæ una communi indivisione, sed duabus propriis, similibus tamen, & ideo absque diversitate essentiali. Quare ad argumentum primæ sententiæ dicendum est, non omnia quæ non differunt essentialiter, esse unum essentialiter, possunt enim aliqua non differre essentialiter, eò quod singula habent similem naturam & unitatem essentialem, non verò quod habeant unam communem utrique unitatem essentialiter.

Altera responsio est, non sufficere ad unitatem, modum indivisionis, sed requiri ipsam indivisionem quoad substantiam. Si igitur natura sit divisa quoad substantiam; non potest dici indivisa, etiamsi modum indivisionis habeat. Patet id innumeris exemplis. Angelus enim non dividitur modo quantitativo ab alio Angelo, non tamen illi Angeli sunt unum quantitativè, similiter equus non dividitur à leone rationalitate, non tamen idcirco equus & leo sunt unum rationalitate. Ratio autem est: quia modus rei non facit rem, ergo nec modus indivisionis faciet indivisionem, neque negato solo modo divisionis, negatur necessariò ipsa substantia divisionis: potest enim esse divisio, quoad substantiam, licet non sit modus divisionis. In proposito igitur cum dicitur Petrum & Paulum non dividi essentialiter, solum negatur modus divisionis essentialis, non verò ipsa substantia divisionis, seu divisio essentialis; verè enim in naturâ Petri & Pauli est divisio essentialis, solumquè ille modus divisionis essentialis non est. Porro ad hoc ut aliquid absolute dicatur unum, requiritur ut sit indivisum quoad substantiam, & habeat talem modum indivisionis. Ad substantiam autem indivisionis requiritur ut nulla sit divisio; divisio enim tollit substantiam indivisionis, etiamsi non tollat omnem modum indivisionis.

Est verò exemplum accommodatum in cæcitate, quæ definitur esse privatio visus: dupliciter enim potest negari visus 1. quoad substantiam, si nulla visio exerceri possit. 2. quoad modum tantum, ut si sit visio quoad substantiam sed non acuta, non clara, non in distans. Sicut ergo oculus non dicitur cæcus absolute ex eo quia non videt acutè, aut rem distantem, dummodo habeat visionem quoad substantiam, solumquè dicitur cæcus, si visionem quoad substantiam exercere non possit; ita & essentia, non dicitur indivisa & una, si solum hoc vel illo modo divisionis careat, sed si divisione quoad substantiam careat; non enim a modo indivisionis, sed à substantia indivisionis, dicitur res una, à modo verò indivisionis solum dicitur taliter una. Et sicut differentia non facit speciem nisi supponat genus, ita & modus indivisionis non facit speciem indivisionis & unitatis, nisi supponat indivisionem, quæ adjuncto modo erit talis indivisio. Non poterit autem supponere indivisionem, si adsit aliqua divisio. Divisio enim & indivisio in communi opponuntur. Quare cum in natura Petri & Pauli sit divisio simpliciter; non poterit ratione solius modi indivisionis dici una essentialiter.

Dico secundo. Natura à parte rei non est prior sua singularitate nec ex consequenti est à parte rei indifferens ad singularitatem. Est contra secundam sententiam, & probatur: Nam quod est à parte rei prius altero; est à parte rei distinctum ab altero. Non potest enim prioritas in communi intelligi sine distinctione; nec prioritas in re sine distinctione in re, idem enim à seipso non distinguitur sed ab altero; ab eo enim distinguitur cui non est idem aliquo modo, sibi autem est idem, atque ita à seipso distingui non potest, sed tantum ab altero, & ex consequenti prius  
seipso

aberret à vero: atqui res ipsa loquitur nos in cognoscendis rebus & exequere & errare frequenter: Ergo signum est nos non uti Ideis.

Ad primam Platonis rationem Respondeo. Scientiam habere objectum immutabile; verum non dici immutabile propter aliquam existentiam realem perpetuam in mundo; sed propter necessariam connexionem prædicati cum subjecto; ita ut quoties concipitur subjectum necesse sit concipi prædicatum: prædicata enim quæ scientia considerat, vel sunt essentialia, vel ex essentialibus profluentia; utraque autem necesse est concipi si concipiatur subjectum. Ad hoc autem ut conceptu subjecto concipiantur talia prædicata, non est necessaria realis eorum existentia: nam concipimus nihil esse nihil (eaquæ propositio est sempiternæ veritatis (& tamen nihil non existit in rerum naturâ: concipimus etiam Hirrocervum esse ex Hirco & cervo compositum, etiamsi Hirrocervus non existat).

*Objectum scientiæ quomodo immutabile?*

Ad id verò quod dicitur de non Ente non dari scientiam. Respondeo. Non requiri ad scientiam ut res actu existat, sed ut repræsentetur: Nam etiamsi res nunquam actu existerent, si tamen sufficienter repræsentarentur in intellectu per species intelligibiles, ex perfecta earum repræsentatione in intellectu, sequetur perfecta earum cognitio. Illius verò propositionis, de non Ente non est scientia, duplex potest esse sensus: alter est, ut per non Ens intelligatur falsum. Quomodo Aristoteles 1. Postremo. textu 5. dixit; Non Ens non potest sciri, hoc est falsum & id quod rei non convenit sciri non potest: alter est ut intelligatur de non Ente, quod non est verè Ens, nec actu nec potentia: qualia sunt Entia rationis & Entia ficta ac impossibilia. Eiusmodi enim cum non habeant veram existentiam, nec veras proprietates, vere sibi convenientes, neque veras causas, sciri perfectè non possunt, nisi scientia quadam Analogica & similitudinaria.

Ad secundam rationem Platonis Respondeo, sublati omnibus hominibus, adhuc verum est, hominem esse animal rationale; non propter aliquam hominis in mundo existentiam, sed quia prædicatum continetur in subjecto, ita ut quandoquæque apprehendatur subjectum necesse sit apprehendi & prædicatum, quod sine existentia in mundo existit, ut cum nihil dicimus esse nihil.

Ad tertiam Respondeo. Essentias rerum esse quoad existentiam æternas, falsum est, & in Philosophia, & in fide: Nihil enim præter Deum æternum est, & omnia in tempore creata sunt. Essentiæ etiam cum ponantur abstractæ ab existentia, nequæ ab æterno, neque in tempore existere possunt: nihil enim existere potest sine existentia, sicut nihil dicitur album sine albedine. Quod verò quidam dicunt essentias non in se sed in suis causis æternas esse, hoc non est essentias esse actu æternas sed potentia; siquidem in potentia suarum causarum continentur & ab eis produci possunt. Quanquam hæc æternitas in causis, non solis essentiis rerum convenit, sed & omnibus omnino Entibus possibilibus, tam necessariis, quam contingentibus, nihilquæ cogitari potest in mundo, quod hac ratione non sit æternum.

*Essentia rerum non sunt æternæ quoad existentiam.*

Sunt igitur & dicuntur essentiæ rerum æternæ in ordine solum ad intellectum; qui potest semper de illis formare propositiones, quas dicimus sempiternæ veritates. Porro harum propositionum fundamentum, non est existentia sed continentia prædicati in subjecto, ita ut in conceptu subjecti, contineatur prædicatum, ut supra dictum est. Parer autem ad id non requiri existentiam realem; quia tales propositiones possunt etiam fieri de iis quæ existere non possunt; ut cum dicitur nihil

*Essentiæ rerum quomodo æternæ?*



esse nihil, item de impossibilibus, ut cum dicitur Hircocervum esse ex Hirco & cervo compositum; Hæ enim propositiones sunt sempiternæ veritatis, licet sint de rebus, quæ non existunt nec existere possunt.

*Idea non sunt  
necessarie  
propter gene-  
rationes.*

Dico secundò. Ideas Platonicas propter generationes rerum non esse necessarias: Ut enim recte probat Aristoteles 1. Metaph. textu 32. nullum agens agit ad Ideas respiciens: Nam si sit agens per intellectum, non agnoscit tales Ideas. Agens verò naturale, multo minus Ideis indiget, cum per naturam non per Ideas operetur. Si verò dicatur Ideas etiam non cognitatas determinare agentia ad productionem suorum effectuum, id etiam gratis assentitur, cum agentia naturalia habeant naturales intrinsecas formas, ad quarum exemplar producant suos effectus, ut leo habet in se formam leonis, ad cuius similitudinem generat leonem; non igitur Ideæ ad id sunt necessariae. Quod si aliqui effectus à dissimili agente producantur; ut cum ex putri aliqua generantur; non idcirco ad Ideas necessariò recurrendum est. Tales enim effectus vel à causis secundis consecutivè ad inductionem sufficientium dispositionum generantur, vel si id excedat virtutem causarum secundarum, suppletur generatio à causa prima, quæ adest semper causis secundis, in his quæ facultatem naturalem causarum secundarum excedunt, ut patet in creatione animæ rationalis positus dispositionibus in corpore.

Deinde si ad generationes rerum concurrunt Ideæ, necesse est illas conjungi omnibus agentibus ad suas actiones: nam exemplar nisi sit vel cognitum vel realiter conjunctum agenti, non potest determinare agens ad producendum effectum. Cum igitur agentia sint ubique, necesse erit Ideas esse ubique, & quidem omnes; quia omne agens potest esse in quovis loco, nisi fortè vel agens quærere debeat Ideam, vel idea debeat accedere ad agens, cum inducit actionem; unde Idea verbi gratia leonis deberet esse extensa per totum mundum, & esse tanta quantus mundus, ut præsto esse possit omnibus agentibus in toto mundo, imò & extra mundum; nam & ibi possunt per Dei potentiam nova agentia collocari.

Ex dictis autem, solvi possunt rationes Platonis, nam effectus causarum secundarum, sufficienter tum in causas secundas, tum in causam primam reducuntur, ut dictum est, ut præterea alias causas fingere non sit opus.

*Idea Platonice  
impossibiles.*

Dico tertio. Ideas Platonicas esse impossibiles, & implicare contradictionem: Nam si ponantur essentia existentes sine singularitate, id manifestè est impossibile, cum omne quod existit, singulare sit; est enim hoc numero distinctum ab alio: si verò ponantur singulares, eo ipso non erunt universales, nec poterunt prædicari de multis: nam singulare de uno solo prædicatur.

*Idea non es-  
sent universales.*

Dico quartò. Ideæ Platonice etiam si darentur, non essent universales in essendo. Primò: Quia essent singulares in essendo; omne enim quod existit, singulare est, singulari autem repugnat esse universale in essendo, cum singulare uni soli, universale multis, competat. Secundò. Universalia sunt essentia rerum: at nulla essentia potest esse extra res; cum nihil sit ita intimum rebus quàm ipsa earum essentia: Ergo illæ essentia extræ existentes, non erunt universales. Tertio. Vel Ideæ sunt ipsæ rerum essentia, vel sunt tantum exemplaria essentiarum: si primum, rectè infert Aristoteles septimo Metaph. omnes substantias esse unam substantiam, quia est una earum essentia & Idea: at quis non videt omnes substantias realiter esse distinctas, & quidem omnibus suæ essentia gradibus? simili ratione sequeretur omnes homines esse realiter unum hominem Idealem: si secundum,

eo ipso non erunt universales in essendo, sed in repræsentando vel in causando. Quartò universalia sunt apta prædicari de singularibus: at si existant realiter extra singularia non prædicari sed negari debent de singularibus; quia distinguuntur realiter à singularibus, distincta autem de se affirmari essentialiter non possunt.

## QVÆSTIO II.

*An natura in singularibus existentes sint re ipsa universales?*

**S**VNT tres sententiæ. Prima asserit naturam ante omnem operationem intellectus esse re ipsa universalem, & unam in multis, unam, inquam, unitate essentiali. Quod ita explicant. Unitas est indivisio Entis. Est autem indivisio duplex: alia numerica per differentias numericas, alia essentialis, per differentias essentielles. Cùm igitur natura in Petro & Paulo non sit divisa essentialiter per differentias essentielles, erit una essentialiter; ac ex consequenti erit re ipsa universalis: quia una in multis, ita ut utrumque sit, & naturas à parte rei esse multas numero, & esse unam specie, propter virtutem essentialem omnium illarum naturarum. Hanc sententiam tuetur Ioannes Montorius, tribuitur etiam Scoto & ad mentem Scoti defenditur ab Antonio Andrea.

Secunda sententia asserit naturam ante operationem intellectus, non esse quidem actu unam in multis, sed ut est prior sua singularitate, sic illi convenit & veritas, & indifferentia ad multa. Ita Socinas 7. Metaph. quæst. 40. Fonseca 5. Met. cap. 7. 8. quæst. 3. Ratio est. Quia natura in Petro, ut est prior singularitate & contractione ad hoc Individuum, est ex se indifferens & indeterminata ad omnia Individua: & quia à parte rei prior est sua singularitate, idcirco à parte rei est universalis: habet enim & unitatem & aptitudinem ad multa, quæ duo constituunt naturam universalem.

Tertia sententia. Negat naturam à parte rei ullo modo esse universalem & indifferentem ad singularia, quæ sententia est communis Peripateticorum. Ratio est: quia in re nec est una in multis, nec apta esse in multis ut mox probabitur: Ergo in re non est universalis; universale enim est unum quod aptum esse in multis.

Dico igitur primò. Naturæ in singularibus existentes non sunt à parte rei una *Nature in singularibus non sunt à parte rei una essentia.* essentia, nec à parte rei habent unitatem essentiali. Explico. Natura humana Petri, & natura humana Pauli, à parte rei ita sunt diversæ naturæ, ut non solum sint diversæ numero, sed etiam nullam omnino realem unitatem & identificationem essentiali inter se habeant. Probatur primò: Quia tota Entitas Petri secundum omnes essentia suæ gradus, est actu divisa & separata à tota Entitate Pauli & omnibus ejus gradibus, ita ut hæc non sit illa, & gradus hujus non sit gradus illius: at quæ sunt actu divisa, non sunt unum re totà suà Entitate sed multa. Ergo natura Petri & Pauli non est una re natura sed multæ. Neque potest dici esse multas naturas numero, unam verò essentialiter. Nam in re tota Entitas & numerica & essentialis est divisa actu & separata ab altera; quæ verò sunt re à se divisa, non sunt eadem re. Cùm idem à seipso diversum esse non possit. Confirmatur, quæ sunt eadem substantia,

ria, sunt à se inseparabilia propter substantiæ identitatem : ut patet etiam in divinis personis. At individua unius speciei sunt à se separabilia, ita, ut unum non sit in alio, nec ubi est unum, ibi est & aliud. Ergo non habent in re unam eandemque substantiam. At inquit sicut idem numero Corpus positum per Dei potentiam, in multis locis, differt à seipso locis & spaciis, essentia tamen non differt; sed est unum & idem : ita natura humana in Petro & Paulo, differt quidem numero, essentia tamen non differt. Respondeo; Illam ejusdem in pluribus locis existentiam esse supernaturalem, nos autem agimus hic de naturali existentia in pluribus.

*Nota disparitatem inter existentiam unius nature in multis individuis, & existentiam unius corporis in multis locis.*

Respondeo secundò. Esse disparem rationem. Nam existentia unius nature in diversis Individuis est per identitatem substantialem cum illis. Quia ergo individua sunt inter se diversa substantialiter, idcirco repugnat esse unam eorum substantiam, & identificari inter se substantialiter. Ex quo patet naturam in diversis individuis existere necessariò cum diversitate substantiali : ut sicut Petrus non est substantialiter Paulus : ita natura Petri non est substantialiter natura Pauli : singulare enim à singulari, tota sua substantia differt : & idcirco non potest duorum singularium esse eadem substantia. At si idem corpus ponatur in pluribus locis non est necesse, ut sit à se divisum substantià & Entitate, sed loco tantum : & ideo salva unitate substantiæ & Entitatis potest esse in pluribus locis : natura verò cum sit divisa Entitate in Petro & Paulo propter diversam singularitatem, cujus proprium est dividere unum ab altero substantialiter, non potest esse eadem secundum Entitatem in utroque.

Vnde sumitur, Secunda ratio conclusionis, una enim & eadem natura non potest simul identificari & non identificari eidem. At natura quæ est in Petro tota identificatur Petro & non identificatur Paulo, quia est divisa à Paulo (quod autem identificatur alicui non est ab eo divisum sed maximè unitum, quia idem) Ergo non potest esse eadem in Paulo; alioqui deberet esse divisa à Paulo, & esse indivisa à Paulo quod est impossibile. Confirmatur. Quia natura Petri est idem quod Petrus. Ergo si natura Pauli esset eadem cum natura Petri, esset & ipsa idem quod Petrus. Hinc ergo sequeretur Paulum esse Petrum.

*Natura universalis identificatur singularibus.*

Quod autem necesse sit naturam universalem identificari singularibus, patet. Primò. Quia natura universalis est essentia singularium, nihil autem magis est idem cum re quam sua essentia : quia res per suam essentiam est id quod est. Vnde essentia prædicatur in quid de essentia singulari : id autem quod prædicatur in quid de re est idem cum re. Secundò. Quia essentia non potest distingui ex natura rei à sua singularitate. Nam quod distinguitur à sua singularitate, ut distinguitur non est singulare : sicut paries quia distinguitur sua substantia ab albedine, non est albus secundum substantiam formaliter. At natura in re existens, non potest non esse singularis, quia ipsa illa Entitas qua distingueretur à singularitate, necessariò est singularis & hæc numero : ita ut demonstrari & circumscribi possit. Ergo natura à parte rei non potest ullo modo distingui à singularitate, sed necessariò identificatur singularitati. Quod etiam confirmant Nominales hoc argumento. Quia omnis res quæ cum alia re facit numerum, est una in se numero; numerus enim conficitur ex unitatibus. Atqui natura si distinguitur re à singularitate, facit cum singularitate numerum binarium : essent enim duæ res natura & singularitas : Ergo natura sic distincta esset una numero & sine singularitate esset una numero, quod implicat contradictionem.

seipſo eſſe non poteſt ſed altero. Cum igitur natura à parte rei non ſit diſtincta ex natura rei à ſingularitate; non poteſt dici à parte rei prior ſingularitati. Quod autem non ſit diſtincta à parte rei à ſingularitate, patet: quia omnis diſtinctio à parte rei eſt inter duo, ſecundum diſtinctas rationes exiſtentiz. Porro quæ à parte rei exiſtunt ſunt ſingularia, ergo & illæ rationes diſtinctæ eſſent ſingulares. At quomodo id quod eſt diſtinctum à ſingularitate eſt ſingulare? hoc enim eſſet eſſe ſingulare ſine ſingularitate. Nam ſi dicas eſſe ſingulare extrinſecè per conjunctionem cum ſingularitate; Contra: id dici non poteſt quia natura ſecundum eſſe intrinſecum exiſtit prior ſingularitate, ergo ſecundum illud eſſe intrinſecum debet eſſe quid ſingulare. Omne enim quod exiſtit, ſecundum hoc quod exiſtit, ſingulare eſt.

Ex quo infero prioritatem illam naturæ, reſpectu ſingularitatis, eſſe ſolum per rationem, cum fundamento tamen in re; quia enim ſingularitas non eſt de eſſentia naturæ, poteſt concipi natura ſine ſingularitate: & quia natura ſupponitur à ſingularitate non è contra; Ideo poteſt concipi ut prior. Dices ſi ſingularitas à parte rei ſupponit naturam, natura erit à parte rei prior; ſi verò non ſupponit, non poteſt fundare prioritatem in ratione. Reſpondeo. Singularitatem à parte rei non ſupponere naturam formaliter loquendo, quia ſuppoſitio iſta non poteſt eſſe ſine diſtinctione, ſingularitas autem non eſt à parte rei diſtincta, ſed idem cum ipſa. Quare talis ſuppoſitio, eſt ſolum formaliter in ratione, à parte verò rei eſt ſolum virtualiter, quia res eſt talis ut ſi concipiatur duplici diſtincto conceptu, natura erit prior, ſingularitas poſterior. Quomodo in Deo dicimus virtualiter unum attributum eſſe cauſam alterius: quia licet in ſe vi ſint idem: tamen ſi diſtinctis conceptibus concipiuntur, unum habebit proportionem cauſæ reſpectu alterius. Hoc igitur modo licet natura à parte rei propter identitatem cum ſingularitate non ſit prior ſingularitati: tamen ſi per rationem diſtinguatur ab illa, erit prior; ita ut nihil illi deſit ad prioritatem niſi diſtinctio, nec quicquam obſtet prioritati niſi identificatio cum ſingularitate; alioquin natura ex ſe talis eſt, ut, ſi diſtinguatur, ſit prior ſingularitati.

*Natura quomodo prior ſingularitate?*

Infero ſecundo. Naturam à parte rei non eſſe indifferentem ad ſingularitatem: Natura à parte rei non eſt prior ſingularitati, ita nec eſt à parte rei indifferens ad illam: Tum quia ſicut eſt prioritas, ita & indifferentia non eſt ſine diſtinctione; quare ubi non eſt in re diſtinctio inter aliqua, ibi non poteſt eſſe realis indifferentia unius ad alterum; idem enim non dicitur indifferens ad ſeipſum ſed ad alium. Cum ergo natura in re non ſit diſtincta à ſingularitate; non erit in re indifferens ad ſingularitatem. Deinde ſi eſſet in re indifferens ad ſuam ſingularitatem, eadem ratione eſſet indifferens ad omnem ſingularitatem, & ſic poſſet in re determinari per aliam ſingularitatem, quod eſt impoſſibile, non enim poteſt fieri etiam per Dei potentiam, ut hæc numero natura, fiat alia numero, & Petrus fiat Paulus, ſingularitas enim diſtinguit ſubſtancialiter unum individuum ab altero, & facit unum non eſſe idem quod aliud. Præterea quod ex natura rei convenit eſſentiz, convenit etiam omnibus individuis ipſam participantibus: naturam enim ſequuntur ſuæ proprietates neceſſariæ, & natura convenit individuis cum omnibus ſuis proprietatibus, ita, ut per naturam demonſtrentur convenire individuis. Atqui hæc potentia & indifferentia ad multa ſingularia non convenit, immo repugnat individuis, ergo neque poteſt convenire naturæ realiter. Nam quod reſponden ſolet, hanc proprietatem naturæ convenire

ut est prior singularitate, & ideo non communicari singularibus: esset potius inferendum talem proprietatem non convenire naturæ realiter, quia necesse est omnes proprietates reales naturæ, unâ cum natura quam necessariò consequuntur, communicare singularibus.

## QVÆSTIO III.

*An natura à parte rei habeat unitatem formalem  
distinctam à numerica?*

*Unitas forma-  
lis quoruplex  
hic?*

**U**Nitas formalis est illa quæ convenit essentiæ sub ratione formali essentiæ, seu secundum sua prædicata essentialia: potest enim duplex unitas considerari in essentia, alia quæ oritur ex essentia ut essentia est formaliter, alia quæ oritur ex essentia, ut est abstracta & præcisa à singularibus, & convenit essentiæ ratione illius abstractionis & præcisionis. Prior illa dicitur unitas formalis, quia convenit essentiæ formaliter, ut essentia est. Dicitur etiam essentialis, quia est secundum rationem essentiæ. Posterior verò dicitur unitas præcisionis & differt à priori; quia fundatur non in essentia absolute, sed in præcisione essentiæ: Potest enim aliquid esse unum si præcindatur à multis, quod per se non est unum sed multiplex, quomodo natura universalis in re non est una sed multiplex, si tamen abstrahatur à multis, hoc est à differentiis multiplicantibus illam, efficitur una propter illam præcisionem, quia sic præcisa non habet, quod illam multiplicet. Unde hæc unitas est accidentalis essentiæ, quia fundatur in præcisione quæ est accidentalis essentiæ, & facit essentiam esse indivisam numericè, hoc est indivisam in plurâ numero, estque hæc unitas propria universalis, universale enim non solum est unum formaliter, sed etiam est unum per præcisionem à multis.

Non est igitur quæstio, an natura à parte rei habeat unitatem formalem, essentia enim non datur sine sua unitate, cum igitur à parte rei deret essentia formaliter, consequens est, dari quoque à parte rei unitatem formalem, quæ necessariò consequitur ad essentiam formaliter, ut essentia est. Tota igitur quæstio est. An hæc unitas formalis sit à parte rei distincta à numerica? An verò hæc distinctio sit solum per rationem? possunt enim aliqua duo esse à parte rei, & tamen non esse distincta à parte rei, ut patet, in animali & rationali, quæ sunt à parte rei idem, & sola ratione distinguuntur.

Est igitur prima sententia Scoti in 2. distinctæ. 3. Has unitates esse ex natura rei distinctas, sicut & essentia distinguitur ex natura rei à singularitate. Fortè tamen Scotus per distinctionem ex natura rei intelligit illam quæ habet fundamentum in re licet complectatur per rationem, & dicitur ab aliis distinctio rationis rationaræ.

*Unitas forma-  
lis non est à  
parte rei di-  
stincta à nu-  
merica.*

Secunda sententia negat hanc unitatem esse distinctam à parte rei ab unitate numerica, sicut nec essentia à parte rei distinguitur à singularitate. Ita S. Thomas opusculo 55. de universalibus. Albertus de Prædic. quæst. 6. & communiter alii. Quia unitas formalis est unitas essentiæ sub ratione formali essentiæ: at essentia non distinguitur à parte rei à singularitate, ergo nec unitas essentiæ ab unitate singulari & numerica. 1. Quicquid est in re est singulare, ergo si unitas formalis est in re,

re, erit intrinsecè singularis: non erit igitur distincta à singularitate, quia quod distinguitur à parte existit in illo esse distincto; & cum omne quod existit, secundum quod existit sit singulare, sequitur unitatem formalem, ut distinctam à singularitate, esse singularem, quod est absurdum, nihil enim est singulare nisi includendo singularitatem.

*Rei à singularitate.*

Verum dupliciter potest intelligi dari unitatem formalem à parte rei, vel in singulis individuis singularem & propriam cuique individuo, vel communem multis individuis, ita ut Petrus, verbi gratia, non solum sit à parte rei unus homo formaliter, sed etiam sit unus cum Paulo formaliter. In hac ergo questione dicimus solum, primam unitatem à parte rei dari non secundam. Nam in præcedenti questione ostendimus unitatem formalem multorum, nullo modo dari à parte rei, cum à parte rei essentia Petri & Pauli non sit indivisa & una, sed divisa & multiplex; unde sequitur unitatem multorum esse unitatem secundum rationem tantum.

Sed obijciunt primò fundamentum realis relationis est reale; at unitas duorum in essentia, est fundamentum relationis realis, ergo & ipsa est realis. Respondeo. Similitudinem fundari non in una sed in duplici unitate formali duorum Entium, quorum unumquodque est unum in se formaliter secundum illam essentiam. Nam in unitate communi non relatio similitudinis sed identitatis fundatur. Alii respondent fundari in unitate communi fundamentaliter accepta, seu in fundamento unitatis communis, idem enim est fundamentum unitatis communis & similitudinis, nempe duæ naturæ, quarum unaquæque in seipsa est una formaliter: hinc enim sequitur illas duas naturas posse per abstractionem effici unum formaliter, & posse unam comparari cum altera secundum relationem similitudinis. Vnde hæc responsio revocatur ad primam.

*Similitudo in quo fundatur?*

Obijciunt secundò. Univocum significat naturam unam in multis, alioquin non differret ab æquivoco, si significaret plures naturas. Ergo hæc vox Homo significat naturam unam formaliter in multis. R. Univocum significare naturam unam formaliter; sed quæ sit una per rationem & abstractionem, non verò quæ sit una à parte rei; unde & Aristot. definitivè univoca, quorum ratio substantiæ non substantia est eadem, ratio enim conceptum significat.

*Univocum quomodo unam naturam significat.*

## QVÆSTIO IV.

*Quomodo universale fiat per intellectum?*

Cum certum sit dari universale; & dari non posse à parte rei extra intellectum, necesse est dari per intellectum, hoc est, per conceptionem intellectus, & hoc in præsentī questione proponitur. Porro dari universale, seu naturam communem multis, quocunque tandem modo existat, certum esse debet.

*Dari universale probatur.*

Primò. Ex significatione vocum communium, quæ significant naturam, non hanc vel illam determinatè, sed indeterminatam & communem multis, & in qua multa conveniunt. Natura enim sic significata non potest dici singularis, quia natura singularis uni tantum convenit non multis, nec singularia conveniunt in una natura singulari, alioquin multa singularia essent unum singulare. Ergo hæc natura debet esse expers singularitatis, ac proinde universalis.

1.

Secundò.

2. Secundò. Ex conceptu naturæ, potest enim natura concipi absque omni singularitate, & determinatione ad hoc vel illud individuum. Objectum igitur huius conceptus non erit singulare, quia in eo singularitas non obijctur intellectu. Ergo erit abstractum à singularitate; ac proinde universale, natura enim abstracta est indifferens ad singularem, ac proinde universalis. Dices dari medium inter naturam universalem & singularem, nempe naturam secundum se & sua essentialia acceptam; in hac enim consideratione naturæ, nec singularitas nec universalitas involvitur, sed sola essentialia, inter quæ universalitas & singularitas non numerantur, cum utraque sit extra conceptum essentialitæ. R. Naturam secundum se non esse quidem universalem essentialiter, sed esse universalem consequenter, quia universalitas consequitur necessariò ad naturam abstractam. Unde necesse est omnem naturam esse aut universalem aut singularem consecutivè, licet essentialiter abstrahat natura ab utroque.

*Natura secundum se an universalis?*

3. Tertiò. Scientia non est de singularibus, sed de universalibus, quia proprietates in scientia non demonstrantur primò de singulari subiecto, sed de universali: ita ut primum & formale subiectum sit universale non singulare; Nam verbi gratia, ribilitas convenit Petro, non ut hic homo est, alioquin nulli alteri homini conveniret; sed absolute ut homo est, abstrahens ab hoc, vel illo homine, & quia convenit, primò homini, ut homo est, ideo convenit omnibus particularibus hominibus, qui omnes in hoc conveniunt quod homines sunt; ergo homo in communi est quid commune multis, & nisi hoc concedatur, tollentur omnes scientiæ; de ratione enim est scientiæ, demonstrare proprietatem de primo suo subiecto; ita ut si de alio demonstretur, non erit scientia rei, uti est, quod sæpe inculcat Aristoteles. Cum igitur necesse sit dari universalia; de modo quo fiant ab intellectu, sunt tres sententiæ.

*Universale esse conceptum sentiunt nominalia.*

Prima sententia est Nominalium, universale esse conceptum formatum de rebus in mente existentem, & uniformiter multis convenientem; Talis enim conceptus est universalis, non solum in representando, quia sub una ratione representant omnes naturas; sed etiam in prædicando; habet autem prædicari de illis, quia supponit pro illis: signa enim solent accipi suppositivè, ut pro rebus supponunt. Ita Gabriel in 1. distin. 2. Quæst. 8. Ochan in sua Logica c. 4. §. & 6. Albertus de Saxonia Quæst. 3. in Porphyrium. Probat. Quia cum natura secundum se non possit effici universalis; necesse est ut conceptus naturæ sit universalis: non datur enim natura nisi vel ut est à parte rei, vel ut est concepta. Quod autem natura ut natura non possit reddi universalis; probant. Primo quia id quod est singulare, non potest effici universale, alioquin ipsum individuum posset effici universale: at natura à parte rei est singularis intrinsecè: nihil enim in re existit nisi singulare & determinatum ad hoc & nunc; ergo natura à parte rei existens, nullo modo potest effici universalis, sed solus naturæ conceptus potest esse universalis.

Secunda. Nulla res potest esse simul singularis & universalis, ex pers. singularitatis & habens singularitatem, hæc & non hæc, cum ergo natura in re sit singularis non potest eadem effici simul universalis. Alioquin simul esset hæc & non hæc, quæ sunt contradictoria. Tertiò ex natura communi multis sequuntur multa absurda: nam Petrus & Paulus essent idem in illa natura communi: & ex consequenti essent idem inter se (cum tamen sint divisi inter se non idem) quæ enim eadem sunt uni tertio, sunt eadem inter se. Sequeretur etiam duo individua quantumvis distantia



distancia & à se diuisa, esse indiuisa & identificata in natura comuni, & esse e-  
iusdem indiuise substantiæ, & esse ex consequenti consubstantialia. Adhæc eadem  
natura in vno produceretur, in alio destrueretur, quæ omnia sunt impossibilia. Neq;  
potest dici ista esse impossibilia à parte rei, per intellectum verò esse possibilia; nam  
ista non solum esse sed etiam concipi talia, est absurdum: plura enim concipere es-  
se vnum, in eo in quo sunt plura, est conceptus difformis rei, tali enim conceptu  
omnia monstra concipiuntur & finguntur, vt cum ex pluribus speciebus formatur  
vna species, ex hircio & ceruo vnus hircocervus.

Secunda sententia est quorundam Recentiorum dicentium vniuersale non esse  
naturam vnā & indiuisā in multis, nec expertem omnis singularitatis, sed  
esse naturam singularem, indeterminatē tamen conceptam & sub vna communi  
ratione definitiua; ita vt secundum eandem definitionem & conceptum forma-  
lem, sit communis multis, etsi in se sit singularis. Vnde tria dicit hæc sententia.  
Primo naturam vniuersalem esse singularem indeterminatē, Secundo non esse v-  
nam naturam, sed multas singulares, Tercio vniuersale esse vnum secundum con-  
ceptum formalem & definitivum; non verò secundum conceptum objectivum, qui  
in se respondeat conceptui formali.

Quantum ad primum probatur, naturam etiam vt conceptam esse necessariò  
singularem, & per consequens non posse concipi naturam verè vniuersalem,  
hoc est, non singularem, & expertem omnis singularitatis. Nam quantumvis di-  
catur natura abstracta à singularitate: per abstractionem tamen illam nunquam de-  
finit esse singularis: V.G. natura hominis in abstracto concepta, est quid certum  
& determinatum hoc & non aliud, & distinctum quid ab aliā naturā conceptā. Di-  
ces esse hanc essentialiter non numericè. Contrā, Quia id quod naturam facit esse  
hanc, est differentia numerica: ideo enim dicitur Hæccitas, quia eius effectus  
formalis est facere naturam esse hanc: si ergo natura est hæc essentialiter, erit hæc  
singulariter & numericè, quia Hæccitas est differentia singularis & numerica. De-  
inde sicut Petrus est hic homo numero, quia non est alter homo; sed distinctus ho-  
mo ab omni alio homine: ita & essentia abstracta, si ita sit hæc vt distinguatur ab  
omni aliā, erit hæc numero essentia. Adhæc essentia hominis abstracta & essentia  
bovis abstracta, sunt duæ essentiæ numero, non enim solum specie, sed & nume-  
ro distinguuntur, duo enim vt duo distinguuntur numero, quia per numerum for-  
maliter sunt duo. Dices has naturas esse duas secundum speciem, non se-  
cundum individuum, Sed contra: quæ sunt duo secundum numerum sunt  
duo indiuidua; duo, inquam, secundum rationem individualement: propria  
enim differentia indiuiduorum est numerica. Vnde Aristotel. vnitatem vel  
multiplicitatem secundum numerum solis indiuiduis tribuit, & pro eodem ac-  
cipit esse vnum numero & esse vnum indiuiduo, vt cum ait quædam esse vnum ge-  
nere, aut specie, quædam vnum secundum numerum; nec vllibi vnitatem aut di-  
stinctionem specificam vocat numericam, nisi concomitanter, quatenus numerica  
conjungitur cum specificā, neq; nos aliam definitionem dare possumus vnitatis  
individualis, nisi quod sit vnitas secundum numerum. Quare si duæ species sint  
duæ secundum numerum, erunt duæ individualiter.

Ex quo patet naturam abstractam necessariò esse singularem & hanc numero,  
tum quia est ita determinata natura, vt sit distincta ab omni aliā, & secundum ta-  
lem determinationem concipitur; Tum quia est numero distincta ab aliā, tum  
quia

*Opinio q uo-  
rundam recen-  
tiorum-*

*An possit na-  
tura abstrahi  
à singularita-  
te.*

*Natura ab-  
stracta est  
singularis.*

*Vnitas secun-  
dum nume-  
rum est indi-  
vidualis.*

quia est obiectum determinatum cognitionis, cognitio enim determinata non potest ferri in incertum, sed in certum quid ac determinatum, hoc non aliud, ita ut hæc singularis cognitio sit huius obiecti singularis, sicut cognitio in communi est obiecti in communi.

*Quomodo natura abstractatur à singularitate.*

Quod si dicas posse naturam non considerari sub singularitate. R. Expresse & determinate posse, confusè verò & indeterminate non posse; seu non posse considerari sine singularitate aliquo modo concepta, posse tamen sine singularitate determinata & expressa, ut in actu exercito semper id quod consideratur ab intellectu, sit intrinsece singulare. Dices hanc singularitatem non convenire naturæ ut natura est, sed ut obiectum est, & per eam non effici naturam inesse naturæ singularem, sed tantum in esse obiecti. Contra, quia natura in esse naturæ, ut est prior esse obiectivo, est hæc numero natura, ut ipsidem argumentis probari potest: ergo non solum in esse obiectivo sed in esse naturæ est singularis, in illo, inquam, esse, quod substat esse obiectivo, & quod in re respondet conceptui formali. Deinde non potest esse hoc obiectum, nisi sit hæc entitas obiecta.

Quoad secundum. Vniversale dicere plures naturas singulares indeterminate (V. G. homo in communi dicit quemvis hominem singularem indeterminate) sic ostenditur: quia hæc indeterminatio sufficit ut homo dicatur quid commune multis, & de illis prædicetur. Dices si omnes & singulos homines significat, falsam fore prædicationem: sensus enim erit hunc hominem esse omnes homines. R. Si homo significaret omnes collectivè, hoc est, collectionem omnium hominum, non posset prædicari de singulis. Nullus enim homo est omnis homo; At quia significat omnes distributivè, potest de singulis in sensu accommodato prædicari: nam etiam æquivocum: V. G. canis multos canes specie diversos significat, & tamen de singulis secundum convenientem ipsis significationem prædicatur. Sequitur autem hoc secundum dictum ex primo, si enim universale significat naturam singularem, & non significat unam determinatam, sequitur quod significet plures indeterminatè tamen.

Quoad tertium. Vniversale non esse unum obiectivè, hoc est unam naturam obiectam, patet ex dictis, quia non obijciuntur nisi plures naturæ singules, nec possunt obijci sine singularitate, ut ostensum est. Solum igitur est unum unitate conceptus formalis, seu unitate definitionis. Quia de ratione universalis non est ut sit una natura in multis, sed ut secundum unam rationem & secundum eandem definitivè prædicetur de multis. In quo universale differt ab æquivoco: nam æquivocum ita plura significat, ut de illis secundum unam rationem & definitionem non prædicetur sed secundum diversas: universale verò cum sit univocum debet secundum eandem rationem & definitionem prædicari de multis, quod habet per denominationem extrinsecam à conceptu formali & definitivo. Itaque esse unum specie nihil aliud est, quam habere unam definitionem & unum conceptum formalem in intellectu: hoc verò uni conceptui formali non respondet in re natura una unitate naturæ intrinsecæ, sed plures naturæ similes fundantes propter similitudinem, unum conceptum formalem in mente. Concedi verò potest conceptum obiectivum esse unum per ordinem ad conceptum formalem, & unitate extrinsecam conceptus formalis, non unitate intrinsecam naturæ.

Tertia sententia est communis Peripateticorum, universale esse naturam abstractam per intellectum ab omni singularitate, & est consequenti ex se aptam in esse

se multis & dici de multis: ita D. Thomas opusc. 55. & 56. Scot. in 2. dist. 3. quos alij sequuntur.

Dico primò. Vniuersale non est conceptus in mente existens, sed res huic conceptui obiecta, est contra primam sententiam. Probatur autem 1. Quia Arist. docet vniuersalia non esse præter res, sed ipsam rerum essentiam, nam 1. poster. text. 25. ait vniuersale non esse præter multa, nec esse nisi vnum de multis, & text. 39. non esse aliquid præter singularia, vbi etiam ait esse naturam quandam in entibus talem, hoc est vniuersalem, vt Trianguli naturam vltra particulares Triangulos, & numeri naturam vltra numeros singulares. Si igitur Arist. idcirco affirmat vniuersale non esse præter singularia, quia dicit naturam singularium: non poterit vniuersale dici conceptus formalis, quia hic est præter singularia, & realiter à singularibus diuisus: singularia enim sunt extra intellectum, conceptus verò formalis est subiectiue in intellectu. Est igitur præter res, quia extra res; est præter multa, quia extra multa: & præter singularia, quia extra singularia; non est etiam natura quædam in entibus sed conceptus, distinctus à naturis Entium. Idem Aristot. docet in cap. de substantia, genera & species esse secundas substantias: atqui conceptus formalis est accedens non substantia; non igitur genera & species sunt conceptus formalis, sed ea natura in re quæ obicitur conceptui formali.

*Vniuersale non est conceptus sed res obiecta conceptui.*

Secundò. Aristoteles docet vniuersalia prædicari de rebus in quid & essentialiter, vt patet ex definitione vniuersalis, & ex definitionibus Generis & Speciei: at nisi vniuersalia sint naturæ rerum, non possunt dici de rebus essentialiter & in quid, ergo necesse est vniuersalia esse naturas, quæ sunt obiecta conceptuum formalium. Non enim dicitur de rebus essentialiter, nisi quod est in rebus essentialiter.

Tertiò. Conceptus formalis est solum vniuersalis in repræsentando, non verò in essendo, aut in prædicando. Nam quod dicitur, conceptum esse signum suppositiui, quia supponitur & accipitur pro re: hoc ipsum indicat dari rem aliquam significatam per conceptum, pro qua supponit conceptus, quæ sit vniuersalis: nam si conceptus non prædicatur de rebus, nisi quatenus supponit pro rebus, ergo res ipsæ per voces & conceptus significatæ prædicantur, quatenus vocibus & conceptibus exprimentur.

*Conceptus formalis non est vniuersalis in essendo.*

Quartò. Scientiæ sunt de vniuersalibus vt passim docet Aristot. in 1. Posterior. text. 11. & 39. quia proprietates demonstrantur de vniuersalibus tanquam de subiecto primo: atqui proprietates non demonstrantur de conceptibus sed de naturis rerum quibus insunt: ergo vniuersalia sunt naturæ rerum non conceptus.

Quintò. Conceptus formalis in mente existens habet sibi respondentem in re conceptum obiectivum: nam si nihil illi respondeat in obiecto, non obiectum concipitur, sed aliquid aliud: Si verò illi respondeat aliquid in obiecto: dabitur præter conceptum formalem etiam conceptus obiectivus vniuersalis: Conceptus enim formalis est imago & repræsentatio conceptus obiectivi: id enim quod in re repræsentatur per conceptum formalem, dicitur conceptus obiectivus. Vnde si conceptus formalis est imago naturæ, dabitur in obiecto natura repræsentata. Dices nõ esse necesse naturam sub vna ratione repræsentatam, esse vnā in re, actu, sed tantum potentia & fundamentaliter: satis enim est obiectum esse potentia tale, quale concipitur actu ab intellectu. R. Conceptui formali sub vna ratione repræsentanti; respondere in obiecto rem vnā, quæ non realiter sed obiectiue sit vna: hoc est, in ordine ad talem repræsentationem, seu vt substat tali repræsentationi. Vnde potest

*Conceptui formali in mente existenti respondet in re conceptus obiectivus.*

esse in re multiplex, in seipsa, representatiue tamen vna. Potest enim aliquid ex cõvenire respectiue, quod illi non conuenit secundum seipsam: v.g. Quantitas par- maris secundum seipsam non est maior vel minor, respectu tamen maioris dicitur minor, respectu minoris dicitur maior. Quare pari ratione natura representata se- cundum seipsam, prout est in rebus, non est vna sed multiplex; respectiue tamen seu respectu representationis est vna, quia sub vna ratione representatur. Quod vero hæc vnitas facit naturam intrinsecè vnã in illo esse representato, non ta- tùm extrinsecè, patebit ex sequentibus conclusionibus.

*Quod est per se singulare non potest effici universale.*

Vnde ad primam primæ sententiæ respondetur id quod est per se non per aliud singulare, non potest effici universale. Atqui natura à parte rei non est per se & ex ratione sua formali singularis, sed per identitatem realem cum singularitate, non igitur ei repugnat posse concipi absq; singularitate, & ex consequenti potest esse universale. Individuum verò quia per se & ex ratione sua formali non ex identi- catione cum altero est singulare, non potest illo modo effici universale.

*Natura quo- modo univer- salis & sin- gularis?*

Ad secundam. Naturam in eodem statu repugnat esse simul universalem & sin- gularem, quia hæc duo respectu eiusdem involvant contradictoria. Universale enim est sine singularitate, singulare verò cum singularitate. Quare si natura sum- tur in statu quem habet à parte rei, non potest simul esse à parte rei universalis & singularis. Similiter si sumatur in statu quem habet in intellectu obiectiue, non potest simul obijci cum singularitate & sine singularitate. At si in diverso statu su- matur, potest eadem natura simul esse & in rebus singularis & in intellectu ob- iectiue universalis. Nam sicut eidem rei secundum diversa tempora, vel loca, vel re- spectus, contradictoria possunt competere, ita & secundum diversos status.

Ad tertiam. Patebit ex quarta conclusione: illa enim absurda, sequerentur, si natura ut est in singularibus actu, esset universalis, non autem dicimus, naturam ut abstractam à singularibus, non ut existentem in singularibus esse universalem, & ratione aptitudinis ad essendum in multis, non ratione actualis existentie in multis.

*Natura po- test abstrahi ab omni sin- gularitate.*

Dico 1. Intellectus potest naturam abstrahere ab omni singularitate, hæc con- clusio est contra secundam sententiam, & probatur primo ex Aristotele, qui 1. Posti- or. text. 39. ait, Dari naturam in entibus talem, quæ sit præter particulares & sin- gulares naturas, ut Trianguli naturam esse naturam præter quosdam particulares Triangulos, & numeri naturam, præter quosdam particulares numeros. Atqui na- tura præter singulares naturas est abstracta à singularibus. Ergo secundum Aristo- telem datur præter naturas singulares natura abstracta à singularibus.

*Sensus singu- laris, Intelle- ctus univer- salis cognos- cit.*

Idem Aristoteles in pluribus locis docet sensum in hoc differre ab intellectu, quod ille semper sit singularium, nec vnquam nisi singularia cognoscat hic & nunc: intellectus autem cognoscit universalia, abstrahendo ab hic & nunc, quæ differen- tia nulla est, si universale dicatur esse singulare indeterminatè. Nam etiam sen- sus cognoscit singulare indeterminatè, ob distantiam vel aliam imperfectam in app- licationem obiecti. Tunc enim non potest discernere, an hoc vel illud determi- natè sit quod videt: potest etiam brutum apprehendere singulare indeterminatè & in communi, ut cum equus appetit avenam, non hanc vel illam determinatè ap- petit, sed quancunq; avenam singularem.

*Rationibus probatur.*

Secundo probatur rationibus. Prima sumitur ex convenientia rerum inter se, id enim in quod res conveniunt, potest abstrahi ab eo in quo differunt. At vi- demus

demus res *convenire* in natura magis vel minus, quasdam in natura generica tantum, quasdam verò in natura specificas; in singularitate verò res penitus differre, singularitas enim dividit vnam ab alia, quia enim Petrus est hic homo, ideo non est illic alius homo, ergo potest & natura generica abstrahi à speciebus, & natura specifica ab individuis, quia differentia est extra conceptum conveniunt.

Secunda ratio sumitur ex scientijs quæ demonstrant passionem de vniuersali, tanquam primo & per se subiecto passionum: atqui non demonstrant de natura singulari in communi, quia proprietates naturæ non conveniunt naturæ vt singulari, neq; ratione singularitatis, sed secundum se vt natura est. Ergo datur natura secundum se abstracta ab omni singularitate, quia natura etiam si in ea nulla concipiatur singularitas, erit subiectum & causa sufficiens suarum passionum.

Tertia. Sumitur ex distinctione singularitatis à natura; id enim quod non est de essentia alicuius, non pertinet ad conceptum essentialem illius, & potest res illa concipi sine illo; At singularitas non est de essentia naturæ, quia natura prior est omni singularitati, prius enim est esse naturam quam hanc naturam: & potest aliquid cum altero *convenire* in natura, & non *convenire* in singularitate. Ergo potest concipi natura sine singularitate. Et confirmatur, quia si singularitas esset de essentia naturæ, non posset vna natura specifica habere plura individua: quia non magis hæc quam illa singularitas esset de essentia ipsius; ergo aut omnes singularitates simul, haberet de essentia, quod est impossibile, aut si vnam tantum, non posset habere nisi vnum individuum. Ad hæc si natura habet plura individua, est ex se indifferens ad illa, quod autem est indifferens ad aliquid, potest concipi sine illo.

Verum Contra hanc conclusionem tria obijci possunt. Primum est, quod obijcit secunda sententia, quod natura etiam abstracta, sit vna numero & singularis, non igitur potest abstrahi à singularitate. Respondetur naturam abstractam esse hanc & singularem, non singularitate reali, sed obiectiva & intentionali, quod etiam expresse concedit D. Thomas Opusc. 56. cum ait. dictum illud Boetij, Omne quod est, vnum numero est, verificari quoq; in natura vniuersali, quæ est vna numero secundum intentionem: hoc est, vna in ratione obiecti, & secundum existentiam obiectivam, non secundum existentiam realem: Existentia enim vel est rerum singularitas, vel quid conjunctum necessariò cum singularitate. Ad illam verò instantiam secundæ sequentiæ, quod natura illa, quæ subsistat esset obiectiuo in ratione natura sit hæc numero. Respondetur non esse hanc numero nisi respectu, hoc est respectu intellectus: Concipitur enim vt in seipsa intrinsecè carens singularitate: Verum hæc ratio sic concepta est quid determinatum in genere obiecti respectu intellectus concipientis. Licet in genere rei in seipsa sit indeterminata ad omnem singularitatem realem.

Obijci potest 2. Si natura potest abstrahi à singularitate, posset per Dei potentiam produci absq; singularitate. Deus enim potest producere quicquid non implicat contradictionem; naturam autem abstrahi à singularitate non implicat contradictionem. Ergo & produci abstractam: Deinde quicquid intellectus potest concipere, Deus potest facere, cum eadem appareat implicatio in vno quæ in altero. Cum igitur certum sit Deum non posse producere naturam abstractam à singularitate, consequens est neq; intellectum, id concipere sine implicatione contradictionis.

2.

3.

*Singularitas non est de essentia nature*

*Natura abstracta quali singularitate singulari.*

*Non quicquid  
concipitur po-  
test effici rea-  
liter.*

Respondetur negando sequelam. Est enim maior ratio de effectiōne reali, quam de effectiōne intentionali; nam Ens rationis potest produci ab intellectu intentionaliter, non tamen potest produci à Deo realiter; & ratio est, quia productio realis terminatur ad existentiam realem, quæ repugnat naturæ Entis rationis; quia eo ipso esset Ens reale non rationis. Productio verò intentionalis terminatur ad existentiam intentionalem, quæ est conueniens naturæ. Entis rationis: Simili ergo modo implicat aliquid realiter existere in mundo, & non esse aliquid determinatum hoc vel illud: Idcirco implicat etiam contradictionem produci realiter aliquid non singulare: quod enim producitur, existit realiter, quod autem realiter existit, est singulare, cum sit quid determinatum & distinctum ab omni alio. Hæc autem implicatio non est in conceptione intellectus: nam hæc non terminatur ad existentiam realem, sed tantum obiectivam, vnde potest aliquid concipi absq; omni singularitate in genere rei, & habere solum singularitatem obiectivam, quæ etiam rebus impossibilibus conuenire potest; ex quo patet posse aliquid implicare contradictionem respectu productionis, non autem respectu cognitionis, quia sicut produci & cognosci non sunt idem, ita potest aliquid repugnare vni & non alteri. Dices etiam, non sunt idem, esse tamen similia & proportionalia. Respondetur. Non habere omnem similitudinem & proportionem, posteq; aliquid repugnare vni ex propria eius ratione quod non repugnet alteri. Patet etiam sensum illius propositionis non esse, vt quicquid possit cognosci absolute possit etiam fieri à Deo: nam etiam impossibilia cognoscuntur quæ tamen fieri non possunt. Dices cognosci impossibilia sed cum implicatione contradictionis. Respondeo, cum implicatione contradictionis ad fieri non ad cognosci. Sensus igitur verus est, quicquid potest cognosci tanquam factibile potest fieri à Deo.

*Cur implicet  
vniuersale  
produci rea-  
liter?*

Quod si quæras vnde repugnet vniuersale fieri & produci realiter à Deo. R. Quia productio terminatur ad existentiam, omne autem quod existit, singulare est; sicut ergo implicat existere & non esse singulare, ita implicat vniuersale existere, vniuersale enim non est singulare. Dices ex hoc capite solum sequitur repugnare existere vniuersale, quod sit abstractum à singularibus, non tamen repugnabit existere, vniuersale genericum abstractum ab esse specifico. R. 1. illud non fore vniuersale genericum sed singulare genericum, ac proinde non fore verum genus, genus enim vt genus, est vniuersale per abstractionem tam ab indiuiduis quam à speciebus, ita vt si desit alterum non sit genus, sed vtraq; abstractio conuenit essentialiter generi, & est complementum. Essentiale illius: nam in abstractione ab indiuiduis conuenit in specie, & per eam constituitur in ratione vniuersalis in communi; quatenus vniuersale opponitur singulari. Per talem verò abstractionem hoc est à rationibus specificis, differt à specie & constituitur in ratione propria generis.

*Singulare ge-  
nericum re-  
pugnat exi-  
stere à parte  
rei sine ratio-  
nib. specificis.*

Secundò dico etiam repugnare singulari genericum à parte rei existere sine rationibus specificis, quia nihil potest existere nisi sit determinatum in essentia: v.g. figura non potest existere nisi sit vel curua vel recta; numerus nisi sit par vel impar; animal nisi sit rationale, vel irrationale. Id enim quod existit est Ens determinatum, Entis autem determinatio pendet ab essentia & existentia, quare nisi sit determinata essentia & existentia, non existit. Dices id verum esse naturaliter, non verò quod implicet contradictionem. R. Implicare contradictionem respectu ex-

istentia?

essentia: nam eo ipso quod subicitur existentia, debet esse quid determinatum in essentia: omne enim quod existit, determinatum quiddam esse necesse est hinc & nunc, alioquin esset simul & indeterminatum ex suppositione & determinatum quia existit, quæ sunt contradictoria. Nam si instes non repugnare indeterminatū existere: nam materia ex se est indeterminata ad omnes formas & subiectum ad accidentia. R. Id quod est indeterminatum quoad essentiam, non habens determinatam essentiam, non habet per quid determinatè existat, & sit determinatū Ens: & ideo tale implicat existere, quia quod existit, est determinatum Ens. Posita verò determinatione in ratione Entis, non implicat esse quoad alia indeterminatum: nam hæc indeterminatio non tollit determinationem Entis, illa verò tollit.

*Indeterminatum existere an repugnet?*

Tertio. Obijci potest. Nihil potest abstrahi à suis essentialibus; per essentialia enim est quod est, at essentia quælibet est essentialiter singularis; ergo non potest abstrahi à singularitate; minor probatur. 1. Quia quælibet essentia necessariò est singularis & hæc numero, ita ut ne per Dei quidem potentiam possit effici aliud singulare & aliud numero; at quod est necessarium vel est essentialiter vel consequens ad essentiam; ergo & singularitas hoc modo erit essentialis, siue formaliter siue cōsecutiue, quia etiam hoc secundo modo habebit in essentia intrinsecam determinationem ad singularitatem. Sic enim & essentiam Divinam dicimus essentialiter singularem, quia est ex se non ab alio singularis, & ex se determinata ad singularitatem, cum sit Ens per essentiam non Ens ab alio. Secundò. Quia quod non est vilo modo distinctum ab alio, est idem essentialiter cum illo; indivisio enim essentialis est unitas; at essentia à parte rei, nullo modo distinguitur ex natura rei à singularitate (solum enim per rationem distinguitur) ergo à parte rei est vnum & idem essentialiter cum illa.

Respondeo. Negando minorem, alioquin sequeretur omnia individua differre essentialiter nec posse esse plura individua ejusdem speciei, quia vnum quodq; haberet suam essentiam, essentialiter determinatam ad diversam singularitatem. Propter quod & S. Thomas singulos Angelos censuit differre specie, quia habent essentias determinatas essentialiter ad diversas singularitates; essentia enim quæ fundant diversas proprietates, sunt diversæ. Ad primam probationem respondeo; id quod convenit alicui necessariò ex suppositione, non est necesse ut sit essentialiter, vel ex essentia fluens; sed solum id quod convenit necessariò absolute & secundum suam essentiam. Porro esse singularem convenit essentia necessariò, non absolute ut essentia est; sed ut existit, ad hoc enim ut existat, necessariò debet esse singularis, univèrsalia enim non existunt. Absolute verò sicut non est necessarium ut existat, quia non ex se sed ab alio existit: ita non est necessarium ut sit singularis, sed solum ex suppositione existentia. Quod si dicas saltem sequi singularitatem esse essentialiter existentia. Respondeo, Negando, singularitas enim rei actualis non est existentia, sed quid consequens existentia ut suo loco docebimus. Deinde singularitas convenit etiam essentia non solum existentia.

*Singularitas non essentialis natura.*

Ad secundam respondeo. Duplìter possit aliquid dici vnum, vel identicè tantum, vel etiam formaliter: identicè sunt vnum, quæ in re quidem non distinguuntur, fundant tamen distinctos conceptus formales, quibus distinguì possunt, hæc animalitas & rationalitas, in homine sunt vnum identicè tantum quia in re non distinguuntur, possunt tamen distinctis conceptibus formalibus concipi. Vnde etiam ista sunt vnum in tertio, quod ex illis constituitur vnum: V. G. animalitas

*Singularitas cum essentia quomodo vnum?*



nimalitas & rationalitas est vnus homo, hoc est vna res quæ dicitur homo. Formaliter verò dicuntur vnum, quæ non solum in re entibus non distinguuntur, sed etiam non fundantur conceptus distinctos; sic definitio est idem formaliter cum definito, quia conceptus formalis definitionis est conceptus definiti. Singularitas ergo cum essentia est vnum idemque tantum, non verò formaliter; quia fundantur distinctos conceptus formales propter quos vnum non est de essentia alterius, id enim propriè dicitur de essentia alicuius, quod est de conceptu formali illius.

*Natura abstracta à singularitate est vna simpliciter.*

Dico tertio. Natura abstracta per intellectum ab omni singularitate, est vna & indivisa simpliciter. Ita S. Thomas supra, & communiter omnes Peripatetici; qui hunc vnicum modum assignant quo natura vniuersalis efficiatur vna, nempe per abstractionem à differentiis diuisibilibus & multiplicandis illam. Duo igitur ostendenda sunt, & quod iste modus sit sufficiens ad dandam naturæ vnitatem simpliciter & omnimodam, secundum quam natura nullo modo sit in se intrinsecè diuisa; & quod præter illum non sit alius modus.

*Vnitas est indivisa.*

Primum sic ostendo, nam vnitas secundum Arist. est Entis indivisio. Eo enim ipso quod aliquid non diuiditur secundum aliquam rationem, est vnum in illa ratione. Ex sicut per diuisionem tollitur vnitas, ita per indiuisiōem inducitur. Patet id in quantitate, quæ sola diuisione definit esse vna quantitas & sit multiplex, cum vero rursum sit indivisa, sit etiam vna. Porro natura diuiditur dupliciter, specificè per differentiam specificam, & numericè per differentiam numericam: differentia specificæ facit naturam aliam specie & essentialiter, numerica verò facit naturam aliam secundum numerum tantum; Ita tamen vt vtræq; faciat naturam aliam substantialiter, & negari possit, vna esse substantialiter altera: Cuius ratio hæc est; quia natura cum suis differentiis specificis & numericis, est idem substantialiter, & sic ab illis accipit & constitutionem substantialem intrinsecam & diuisionem substantialem. Dices, quantitas non est idem cum materia, & tamen materia diuisa quantitatiuè, est diuisa substantialiter. R. Formaliter loquendo quantitas solum dat diuisionem quantitativam & accidentalem: quia iam ipsa & accidens, quàm partes eius consecutiue tamen dat etiam diuisionem substantialem; quia etiam materia est extensa per quantitatem, ideo sequitur quantitatem in diuisione, & diuiditur substantialiter ad diuisionem accidentalem quantitatis; ita vt sint duæ diuisiones, altera quantitatis, altera substantiæ, & duo termini diuisionum, quantitas & substantia. Sunt tamen hæ diuisiones sibi subordinatæ vt vna posita ponatur altera.

*Natura per abstractionem fit verò indivisa.*

Ex qua doctrina sequuntur illa duo quæ sumplimus probanda. Primum est. Quod si nulla addit differentia, diuidens & multiplicans naturam, hoc est nec specifica, nec numerica; natura erit intrinsecè & substantialiter indivisa, ac proinde vna simpliciter. Non potest enim dici diuisa, si nihil sit quod illam diuidat & multiplicet; at nihil eam potest diuidere nisi differentia specifica vel numerica; ergo si neutra addit, natura erit neutro modo diuisa, ac proinde omnimodo indivisa. Cum igitur per abstractionem, natura abstrahatur à differentiis specificis vel numericis, consequens est per abstractionem effici naturam vnam & indiuisam intrinsecè & simpliciter. Nam sicut si natura realiter spoliaretur, omnibus differentiis diuisibilibus & multiplicandis illam, tam specificis quam numericis, esset veræ & realiter vna: ita cum per abstractionem consideratur natura absq; omni differentia; erit secundum considerationem vna & indivisa.

Alterum

Alterum est non esse alium modum indivisionis & unitatis naturæ, quia non est alius modus divisionis nisi per differentiam specificam aut numericam; ergo nec alius modus indivisionis nisi per abstractionem à differentia numerica vel specificis nisi per abstractionem à differentia numerica. Quare qui talem abstractionem negant verè fieri posse, negant consequenter naturam universalem esse, & verè universalem. De tali enim unitate hic quærimus quæ faciat naturam non singularem, seu in esse illo non singulari vnam; at talis unitas non est nisi per abstractionem à differentiis singularibus; Ergo si negetur talis abstractio, verè negabitur vera unitas universalis; nam illa unitas quam ponit secunda sententia per denominationem extrinsecam ab unitate conceptus formalis & definitivi, est unitas rerum singularium; singularia enim sunt naturis divisa, & solum definitione & conceptu formali sunt unum: universale autem in essendo est quid non singulare, unde eius propria unitas est illa quæ convenit naturæ non singulari, ac proinde abstractæ à singularibus.

Dices per abstractionem effici quidem naturam in se vnam, sed non effici vnam respectu omnium individuorum. R. Cum natura abstrahitur ab vno individuo, non abstrahitur solum à differentia vnius individui, sed à differentiis omnium individuorum: quia consideratur sine differentiis quorumcunque; individuorum; quo fit ut sic abstracta sit vna pro omnibus individuis eo prorsus modo, ac si ab omnibus & singulis singillatim abstraheretur. Neque enim ad hanc abstractionem opus est cognoscere singula individua & differentias ipsorum: sed sufficit non considerare in naturaillas differentias quorumcunque; individuorum. Quocirca per abstractionem natura efficitur vna natura omnium individuorum; siquidem non est altera & altera, quia abstrahit à differentiis numericis faciennbus illam alteram.

Dices naturam abstractam à Petro non esse naturam abstractam à Paulo. R. Immo verò esse vnam & eandem naturam: quia quæ nullo modo differunt sunt vnum, at istæ naturæ nullo modo differunt, quia non habent per quid differant; sunt enim abstractæ à suis differentiis numericis, per quas formaliter differunt. Sunt igitur vna & eadem natura; alioqui si est altera & altera, nondum est abstracta à differentiis numericis facientibus eam alteram. Verum quidem est in Petro & Paulo esse alteram & alteram, quia identificatur differentiis individui Petri & Pauli: at abstracta ab his differentiis definit esse altera & altera, ac ex consequenti fit vna & indivisa: sublata enim causa diversitatis, tollitur & effectus, & impossibile est esse alteram si non addit id quod facit alterum.

Dices si natura non possit habere nisi vnum individuum: V. G. natura Michaelis quæ secundum D. Thomam non potest esse nisi in individuo. Talis natura per abstractionem non erit natura vna multorum. Resp. id esse ex accidenti, quia non dantur illius naturæ plura individua; at si darentur, natura illa per abstractionem illam, quantum est ex se, esset vna natura omnium individuorum; esset enim indifferens ad omnia individua; neque enim tunc maiori abstractione opus esset, ad hoc ut esset vna respectu omnium individuorum. Secundò. Respondent alij, ad hoc ut natura per abstractionem efficiatur vna natura omnium individuorum, debet esse natura communicabilis & multiplicabilis; ita ut eadem abstractio in natura communicabili sufficiat ad unitatem communem multis: in natura verò incommunicabili non sufficit. Verum hæ responsiones coincidunt in vnum.

Dico quartò. Intellectus per abstractionem facit naturam verè universalem; duo enim sunt de ratione universalis, unitas & ordo ad multa; atque per abstractionem

natura

*Modus unitatis non est alius nisi per abstractionem à differentibus.*

*Natura abstracta ab vno individuo abstrahitur ab omnibus individuis.*

*Natura abstracta ab vno individuo est eadem cum natura abstracta ab alio.*

*Instantia de Natura in vno tantum individuo existente.*

*Intellectus per abstractionem facit vere universalem.*

natura sit, & vna & indifferens ad multa, ac proinde apta esse in multis; Ergo per abstractionem sufficienter intellectus facit naturam vniuersalem. Minor probatur: per abstractionem enim tollitur omnis divisio naturæ per differentias, sublati enim differentijs diuidentibus, remanet natura indivisa & vna. Similiter posita abstractione, sequitur ordo & aptitudo naturæ ad essendum in multis, licet enim hanc aptitudinem habeat natura à parte rei, quia reuera est in multis, tamen non habet à parte rei aptitudinem, per modum vnius, & cum indiuisione sui, essendi in multis: est enim à parte rei in multis sed diuisa non vna; per abstractionem verò habet, vt sit apta esse vna in multis: vnde hæc aptitudo non est realis sed rationis, quia est fundata in abstractione, quæ sit per rationem.

Dices hanc aptitudinem ad multa non consequi naturam abstractam nisi apprehendatur, cum enim sit Ens rationis, non existit nisi apprehendatur; quare præter abstractionem requiretur alia actio intellectus ad faciendam naturam vniuersalem. R. Hanc aptitudinem esse non repugnantiam ad multa; non repugnantia autem cum formaliter non sit Ens, sed non Ens, non habet opus vt apprehendatur, apprehensio enim solum requiritur ad Ens rationis, quod per apprehensionem habet rationem Entis, negationes autem cum non sint Entia, sed esse illarum sit non esse; non egent apprehensione sed conueniunt absolute posito fundamento.

*Non repugnantia non habet opus vt apprehendatur.*

*Natura per potentiam ad multa constituitur actu vniuersalis.*

Sed obijces si natura constituitur vniuersalis per aptitudinem ad essendum in multis, erit solum potentia non actu vniuersalis: aptitudo enim dicit potentiam. R. per illam potentiam & aptitudinem ad multa naturam constitui actu vniuersalem; quia illa potentia conuenit illi actu, & sufficit ad vniuersalitatem supposita vnitatem naturæ. Nam etiam potentia potest rei competere actu. Sic potentie animæ sunt potentie respectu actuum & obiectorum; respectu verò subiecti, quod reddunt actu potens, sunt verè actus. Pari ergo ratione ordo potentialis ad multa, est quidem potentialis respectu actualis inexistentiæ; tamen respectu subiecti seu naturæ, est actualis; quia est actus naturæ, & facit naturam actu potentem & aptam ad multa. Distingui enim debet actus primus ab actu secundo; actus primi sunt potentie à quibus procedunt operationes; actus verò secundi sunt operationes. Per potentiam ergo ad multa, natura est vniuersalis in actu primo: per actum autem in existentiam est in actu secundo: Constituitur autem vniuersale per actum primum non per secundum, vt & cæteræ res.

*Natura vt actu in multis non est vniuersalis.*

Dico quintò, Natura tam vt existit actu in multis, quam vt consideratur actu esse in multis, non est simpliciter vna & vniuersalis, sed solum vt est abstracta à multis; Explico. Magnum est discrimen inter naturam abstractam à multis, & existentem actu in multis: nam abstracta per abstractionem, denudatur ab omnibus differentijs ipsam diuidentibus; vnde remanet omnimodò indivisa, & simpliciter vna; quia non habet per quod diuidatur. Vnde etiam ex consequenti habet cum vnitatem & indiuisione aptitudinem & indifferenciam ad multa, per quod completur in ratione vniuersalis. Etenim sic abstracta non est magis huius quam illius indiuidui, neq; est magis determinata ad vnum quam ad alterum.

*Natura in multis est diuisa & multiplex.*

At cum consideratur esse actu in multis, consideratur vt identificata multis; ac proinde vt diuisa in multis; vnde non potest in tali statu considerari vt indivisa, sed potius vt diuisa; & ex consequenti non potest esse vniuersalis, quia sine vnitatem non est vniuersalis. Nam sicut per abstractionem à multis sit indivisa; ita per conjunctionem

tionem  
abstra  
ta, m  
verò  
multa  
remi  
indiv  
vnde  
tur in  
per i  
di. Q  
test  
A  
mul  
den  
mul  
ra; ob  
abst  
con  
per  
cum  
non  
tur  
mul  
in e  
sequ  
lis i  
tell  
tin  
abst  
no  
con  
mul  
abst  
it,  
Ab  
dis  
est  
tu  
vol  
&  
1.

tionem in multis, fit diuisa, & perdit unitatem & indiuisionem, quam habuit ex abstractione. Exemplum est in quantitate: hæc enim antequam dividatur in multa, manet vna & indiuisa quantitas, & habet aptitudinem vt dividatur. Quando verò actu dividitur, perdit indiuisionem & unitatem, & ex vna quantitate fiunt multe quantitates. Pari ergo ratione natura ante omnem diuisionem, per differentias singulares, à quibus abstrahit, est indiuisa & vna, & habet cum unitate & indiuisione, aptitudinem tum ad essendum in multis, tum vt dividatur in multa: vnde in statu abstractionis nihil illi deest ad vniuersalitatem. Cum verò consideratur in multis: eo ipso consideratur vt multiplicata & diuisa, siquidem est in multis per identificationem cum multis, ex qua identificatione habet multiplicari & diuidi. Quod enim identificatur multis, fit multiplex, vnde natura in hoc statu non potest dici indiuisa & vna simpliciter, ac proinde nec vniuersalis.

At obijcies, potest natura simul esse vna & multiplex, vna per abstractionem; multiplex prout est in multis. R. In diverso statu posse ista simul competere eidem naturæ, nam prout est in intellectu, est abstracta & vna, prout est in re, est multiplex non vna: At in eodem statu non possunt ista duo simul convenire naturæ, cum sint contraria & vnum tollat aliud, verbi gratia, natura vt est in intellectu obiectivè non potest simul esse abstracta à multis, & conjuncta cum multis; nec per abstractionem indiuisa, per coniunctionem diuisa: abstractio enim, cum est, tollit coniunctionem, & coniunctio abstractionem, neq; possibile est eandem naturam per intellectum simul conjungi & non conjungi, abstrahi & non abstrahi, vnde cum hi actus fiant ab intellectu, non fiunt simul sed successivè. Similiter à parte rei non potest natura simul esse realiter diuisa in multis, & realiter indiuisa.

Cum igitur de ratione vniuersalis sit, vt naturæ in eodem statu conveniat vnitatis & ordo ad multa: ordo autem actualis inexistentiæ in multis non potest convenire naturæ in eodem statu in quo natura est vna, hoc est in statu abstractionis, per intellectum: sequitur hunc ordinem non posse constituere naturam vniuersalem. Nam si sit realis inexistentiæ in multis, convenit naturæ in alio statu, quem habet extra intellectum à parte rei, & convenit naturæ diuise non indiuise. Si verò sit existentia in multis per considerauionem intellectus, ea consideratio pugnat directè cum abstractione: abstractio enim est consideratio sine multis, hæc verò est consideratio cum multis. Coniungi autem & seijungi à multis per considerationem, sunt contraria: ex quo patet naturam non fieri vniuersalem, nisi per aptitudinem ad multa; quia hic solum ordo ad multa convenit naturæ abstractæ, & salua eius abstractione & unitate. Alius verò ille ordo actualis inexistentiæ in multis, destruit, tum abstractionem naturæ, tum unitatem. Et proculdubio hæc est sententia Aristotelis & Peripateticorum, qui omnes docent, naturam fieri vniuersalem per abstractionem à multis, non per coniunctionem cum multis, ac proinde, cum ordinem ad multa tribuunt vniuersali, illum solum tribuunt: qui conuenit naturæ, vt est abstracta à multis, non vero vt est conjuncta multis; talis autem ordo est aptitudinalis, non actualis: nam ordo actualis tollit & abstractionem & unitatem naturæ, quæ in abstractione fundatur: ordo autem qui tollit unitatem vniuersalis tollit essentiam vniuersalem; quod autem tollit essentiam, non constituit essentiam, & hæc est à priori ratio huius sententiæ & nostre conclusionis.

Potest autem eadem conclusio confirmari alijs quoq; efficacibus argumentis, sequentibus. Si natura in Petro & Paulo esset vna siue in re siue per intellectum, sequeretur

*Natura in  
diverso statu  
vna & mul-  
tiplex.*

*Non potest si-  
mul natura  
esse abstracta  
a multis &  
coniuncta  
multis.*

*Aliarationis.  
Multa vt  
multa essent*

retur

¶ Etur Petrum & Paulum esse vnum & indivisum substantialiter, & esse consubstantialem alteri; at hoc est falsum, quia Petrus & Paulus habent naturas divisas, quarum vna non est altera: ergo non possunt concipi habere naturam indivisam. Divisum enim, quia divisum non potest concipi indivisum & vnum: at natura quatenus est in Petro est divisa, non potest igitur concipi indivisa: sed si concipitur indivisa, concipitur vt abstracta à Petro & Paulo, & est extra Petrum & Paulum per abstractionem. Dices Petrum & Paulum non esse vnum à parte rei sed per intellectum. Contra, ne intellectus quidem potest concipere vnum quatenus est multiplex; at natura vt est in Petro & Paulo est multiplex, ergo vt est in Petro & Paulo, non potest concipi vt vna.

1  
*Universalis  
essent. mon-  
stra.*

Secundo. Quando intellectus res divisas concipit vt vnum quid & indivisum, dicitur facere monstrum, vt patet in hircocervo, ex duabus enim essentijs diversis hirci & cervi, facit vnam essentiam hircocervi: atqui similiter duæ naturæ Petri & Pauli sunt in re diversæ, ita vt vna non sit altera: ergo si illas concipit esse vnam naturam & essentiam, facit monstrum, quia duo diversa substantialiter facit vnam substantiam. Etenim cum intellectus fingit hircocervum, non mutat à parte rei naturam Hirci & Cervi, sed tantum mutat obiectivè, concipiendo rem ex hircocervo compositam, eaq; ratione dicitur fingere monstrum.

Dices tunc fingi monstrum quando vniuntur in vnum res impossibiles. Contra, sicut vniio duarum specierum in vnam speciem est impossibilis, ita & vniio duarum substantiarum in vnam substantiam est impossibilis; naturæ autem in Petro & Paulo quatenus sunt in Petro & Paulo, sunt duæ substantiæ diversæ. Ergo illarum vniio in vnam substantiam manente illarum divisione, est impossibilis, ac proinde vere monstrum.

3  
*Esset homo al-  
lius quàm re-  
vera sit.*

Tertio. Si natura vt est in Petro & Paulo, fieret vna per intellectum, sequeretur Petrum alium esse hominem factum per intellectum, quia revera sit à parte rei: nam à parte rei Petrus est homo non identificatus Paulo, per intellectum verò fieret homo identificatus Paulo, ac proinde alius homo: nam homo identificatus Petro, per illam identificationem, cum differentia substantiali Petri, constituitur alius homo substantialiter.

*Prædicaretur  
nova substan-  
tia de Petro.*

Deinde natura identificata substantialiter alicui, est diversa substantialiter à natura non identificata, quia in sua substantia continet id cui identificatur, quod natura non identificata non continet. Vnde fieret vt per conceptum intellectus, quo concipit naturam identificatam Petro & Paulo, esse vnam; Petro accederet nova substantia, quam ante non habebat. Nam ante habebat substantiam nulli alteri substantiæ identificatam; per conceptum verò habet suam substantiam identificatam substantiæ Pauli, & factam substantiam Pauli.

*Petrus per  
predicationem  
acquire-  
ret substantiam  
bovis.*

Similiter cum Petrum concipit esse vnum animal cum bove, faceret hoc conceptus Petrum acquirere substantiam bovis, & esse idem substantialiter cum bove, & habere substantiam bovinam, quæ omnia sunt manifestè absurda. Ex quibus patet naturam Petri & Pauli non posse effici per intellectum vnam, vt est in Petro & Paulo, sed tantum vt est abstracta à differentijs Petri & Pauli, ac proinde solum vt abstracta est, esse universalem, non verò vt est vel concipitur existens in indivis.

*Natura uni-  
versalis quo-  
modo est vna  
in multis?*

Sed obijcies, verissimè dicitur naturam universalem esse vnam in multis, ita enim et Aristoteles et omnes loquantur, ergo vt existit in multis est vna et uni-  
versalis.

verſalis. Reſpondeo, naturam dici quidem vnam in multis ſed materialiter non formaliter, non enim quatenus eſt in multis eſt vna, quia vt eſt in multis eſt multiplex & diſiſa; neq; quatenus eſt vna, eſt in multis, quia eſt vna per abſtractionem à multis: quatenus autem abſtrahitur à multis, non eſt in multis, ſed extra multa. Solum igitur materialiter eſt verum, illam quæ eſt in multis, prout abſtrahitur à multis eſſe vnam; & illam quæ per abſtractionem à multis eſt vna, eſſe quoq; in multis: ita tamen vt eſſendo in multis deſinat eſſe abſtracta & vna.

Deinde natura exiſtens in multis eſt vna, ſed fundamentaliter tantum & in potentia, quia habet fundamentum vt poſſit per abſtractionem concipi & fieri vna. Deniq; eſt vna in multis ſed vnitate extrinſeca, non intrinſeca: nam intrinſecè eſt diſiſa & multiplex in multis: extrinſecè verò per denominationem à conceptu formali eſt vna ſecundum definitionem, quia omnibus illis naturis, vna definitio naturæ competit.

Quamquam hæ omnes vnitates non ſufficiunt ad vnitatem vniuerſalis. Nam vniuerſale debet eſſe vnum formaliter, quatenus habet ordinem ad multa debet etiam eſſe vnum non fundamentaliter & in potentia ſed in actu. Deniq; debet eſſe vnum intrinſecè non extrinſecè, quia ſi ſit intrinſecè diſiſum non erit vna natura ſed plures naturæ ſingulares; de ratione autem vniuerſalis in eſſendo eſt eſſe naturam non ſingularem & indiſferentem ad omnia ſingularia.

Ex dictis facile ſolvuntur argumenta, quibus naturæ vniuerſales impugnantur. Primum eſt. Intellectus non poteſt efficere naturam ad id aptam quod ei repugnat, verbi gratia, non poteſt efficere naturam hominis aptam ad rudendum, nec naturam aſini aptam ad ridendum, quia hæ proprietates his naturis repugnant, nec poteſt intellectus mutare naturas rerum, nec facere, vt quod ſecundum naturam repugnat, non repugnet. Atqui naturæ quæ eſt in Petro repugnat omnis alia ſingularitas, præter ſingularitatem Petri; ergo non poteſt intellectus facere naturam illam aptam & indiſferentem ad omnem ſingularitatem. Minor patet, id enim maximè repugnat naturæ, quod ei ne per Dei quidem potentiam poteſt convenire: at ne per Dei quidem potentiam poteſt natura Petri eſſe natura alterius quam Petri, neq; alia ſubſtancialiter quam ſit, neq; Petrus poteſt effici Paulus, ergo naturæ Petri repugnat omnis alia ſingularitas.

Solvitur; naturæ quæ eſt in Petro repugnare omnem aliam ſingularitatem, non per ſe & ex ratione formali naturæ, ſed ex accidenti, propter identificationem, cum differentia individuali Petri, quare ſolum ex ſuppoſitione talis identificationis, non poteſt illi advenire nova ſingularitas. Quia igitur per abſtractionem, tolli poteſt hæc identificatio, & poteſt concipi natura abſq; hac identificatione, ideo poteſt etiam concipi abſq; repugnantia ad omnem aliam ſingularitatem.

Secundum eſt. Quælibet natura ex ſua eſſentia eſt ſingularis, omni enim alio ablato & reſecta ſola natura, erit natura illa indiviſa in ſe, & diſiſa à quocunq; alio, quod eſt eſſe vnam numero & ſingularem, ergo non poteſt per intellectum abſtrahi à ſingularitate. Reſp. Naturam non ex ſua eſſentia formaliter eſſe ſingularem, ſed ex identitate cum differentia ſingulari. Quæ ſicut poteſt abſtrahi à differentia, ita & à ſingularitate. Porro etſi cum concipitur natura abſtracta ab omni exiſtentia & ſingularitate, quæ habet in rebus, concipitur, vt vniuerſalis: quia tamen ſic concepta habet exiſtentiam obiectivam & intentionalem, ideo habet etiam ſingularitatem quandam obiectivam, ratione cuius eſt vna obiectivè, &

*Solvuntur argumenta in contrarium. Primum.*

*Natura quæ eſt in Petro quomodo repugnat omni alia ſingularitas? Secundum.*

*Natura ſingularis eſt non ex ſua eſſentia ſed ex identitate cum ſingularitate.*

in illo esse obiectivo indivisa in se, & divisa à quocunque alio, Verum hæc singularitas obiectiva non impedit abstractionem à singularitate reali.

*Tertium.*

Tertium. Natura abstracta vel est eadem cum natura singulari vel diversa; non eadem, quia natura identificata substantiæ Petri differt substantialiter à natura non identificata. Et sicut natura Petri, quia est identificata substantiæ Petri, differt substantialiter à natura Pauli, quæ est identificata substantiæ Pauli: Ita & hic propter identificationem substantialem, differt substantialiter à natura non identificata. Non est etiam diversa, quia illa ipsa quæ est identificata, contigitur non identificata, alioqui hic homo non esset homo, nec essentia abstraheretur à Petro sed potius non essentia.

*Natura abstracta quomodo eadem cum singulari & non eadem.*  
*Quartum.*

Solvitur; Naturam Petri sumptam formaliter ut natura est, & secundum rationem formalem naturæ esse eandem cum natura abstracta, non esse verò eandem, si sumatur cum identificatione cum Petro. Eadem enim formaliter natura est, quæ concipitur sub identificatione & sine identificatione.

Quartum. Si una esset natura multorum, sequeretur illa multa non esse à se mutuo diversa, sed esse sibi identificata: essent etiam omnes propositiones essentielles falsæ; falsum enim est Petrum esse hominem identificatum Paulo, aut esse animal identificatum bovi. Respondeo, Hæc & similia rectè probant nostram quintam conclusionem: non enim dicimus naturam esse unam in Petro & Paulo existentem sed abstractam à Petro & Paulo.

*Quintum.*

Quintum. Si natura per abstractionem efficeretur universalis, sequeretur naturam leonum ut per imaginem pictam repræsentatur in abstracto, esse naturam universalem, & sic per picturam fieret universale. Nam sicut natura per conceptum formalem repræsentata indeterminatè, fit per talem repræsentationem universalis. Ita & natura leonis repræsentata indeterminatè in abstracto per imaginem pictam, fit universalis: non enim repræsentatur per imaginem hic vel ille leo determinatè, sed leo absolutè. Neque dici potest leonis essentiam non repræsentari, in imagine picta, sed accidentia: nam etiam in conceptu formali non repræsentatur essentia secundum se, sed ut subsistens accidentibus, deinde illa ipsa accidentia leonis repræsentantur in abstracto ut in universali, ergo saltem illa accidentia, ut sic repræsentata, erunt universale in essendo. Quod si dicas imaginem leonis esse universalem tantum in repræsentando, quia omnes leones repræsentat, non autem in essendo, quia non est essentia omnium leonum. Contra. nos non loquimur de imagine repræsentante, quam certum est esse universalem in repræsentando non in essendo, sicut & conceptus formalis qui est imago quædam in mente, non est universalis nisi in repræsentando: sed loquimur de re repræsentata, quæ quia repræsentatur in abstracto sicut & natura in intellectu debet esse universalis in essendo: natura enim abstracta à singularibus est universalis in essendo.

*Pictura singulari indeterminatum repræsentat non universale.*

Solvitur. Natura repræsentata per imaginem pictam, repræsentatur tanquam singularis indeterminatè, non verò tanquam universalis & abstracta ab omni singularitate: hoc enim modo repræsentatur solum in intellectu, & ideo solum extræpræsentatione intellectuali est universalis, non verò ex repræsentatione picturæ. Repræsentatio enim imaginis pictæ, fundatur in eius similitudine cum leonibus veris; at dubium non est, similitudinem illam esse rei singularis, & terminari ad rem singularem, licet sub ratione singulari indeterminata: intellectus verò abstrahit naturam ab omni singularitate: unde intellectus non pictor facit naturam universalem.



## QVÆSTIO V.

*Qua & qualis sit unitas naturæ universalis?*

Dico primò. Naturam vniversalem necessariò esse vnā, Paret id ex definitione naturæ vniversalis, quod est vnum respectu multorum; non enim multa in multis sed vnum in multis dicitur vniversale. Quare non sufficit ad rationem vniversalis ordo & multa, sed requiritur ordo vnus ad multa. Vt si se ordo multorum ad multa non facit rem esse vniversalem: nam naturæ à parte sei sunt multæ in multis, neq; tamen idcirco sunt Vniversales. Hanc vnitatem expressit Aristot. definiens vniversale esse id, quod est aptum esse in multis, vel dici de multis in singulari non in plurali.

Dico secundò. Naturam vniversalem esse vnā obiectivè & intrinsecè, non verò solum per denominationem extrinsecam ab vnitatem conceptus formalis. Ratio est quia est vna per abstractionem ab omnibus differentijs singularibus, & per carentiam eorum omnium quæ illam dividere possint: ergo est intrinsecè vna & indivisa, quia nihil habet per quod intrinsecè dividatur; & sicut si natura realiter existeret sine differentijs individualibus, esset intrinsecè vna & indivisa, ita & intellectus, cum fuerit spoliata per abstractionem omnibus differentijs illam dividendis, erit intrinsecè vna. Deinde si natura esset intrinsecè divisa & multiplex per differentias & solum extrinsecè secundum conceptum vna, essent plures naturæ singulares similes, secundum vnā rationem & definitionem conceptæ, non autem esset natura non singularis, quod requiritur ad rationem vniversalis in essendo. Vnde etiam sequeretur naturam esse vniversalem extrinsecè, & secundum esse extrinsecum quod habet in mente, intrinsecè autem non esse vniversalem, sed multas singulares.

Dico terciò. Vnitatem naturæ vniversalis esse vnitatem communem, secundum quam natura non solum in seipsa est vna, sed etiam est vna respectu multorum, quæ dicitur vnitas communis. Explico. Natura tripliciter potest considerari. 1. secundum se & sua prædicata essentialia. 2. vt est natura huius individui particularis. 3. vt est natura communis omnibus individujs. In hoc triplici statu triplex quoq; convenit vnitas naturæ. Nam natura secundum se, est vna vnitatem formali seu essentiali; & abstrahit ab vnitatem vniversali & particulari; quia natura secundum se tantum dicit sua essentialia, & vnitatem in essentialibus; & quia nec vniversalitas nec particularitas est de essentialia naturæ, ideo natura secundum se sicut abstrahit ab vniversalitate & particularitate, ita & ab vnitatem vniversali & particulari, verumq; est quod sanctus Thomas, & communiter Doctores dicunt, naturam secundum se nec esse vniversalem nec particularem, sed tantum naturam sub ratione naturæ. Quod si dicās naturam secundum se necessariò esse abstractam à singularibus; eo enim ipso quod secundum se consideratur, non consideratur vt est in singularibus: natura autem abstracta à singularibus est vniversalis. Respond. Naturam secundum se esse vniversalem consecutivè; quia consequitur

*Natura vniversalis necessariò vna.*

*Natura vniversalis vna intrinsecè.*

*Vnitas vniversalis est vnitas communis.*

*Natura secundum se nec vniversalis nec singularis.*

tur ad eam vniuersalitas, non verò formaliter, quia in sua ratione formali non includit vniuersalitatē, vniuersalitas enim non est de essentia naturæ.

*Natura ut  
existit in sin-  
gularibus.*

*Natura ut  
existit in in-  
tellectu.*

*Vnitas forma-  
lis & vniuersa-  
lis differunt.*

*Natura vni-  
uersalis est  
vna vniuocē.  
Analogum  
non est verè  
vniuersale.*

Si verò consideretur natura ut est particularis huius vel illius individui, sic est vna vnitate numerica & singulari, quam habet à differentiâ numerica, per quam constituitur in ratione individuali. Deniq; si natura consideretur ut est communis omnibus indiuiduis, sic illi convenit vnitas communis, quam acquirit natura per abstractionem: per abstractionem enim redditur indifferens ad multa, & communis multis. Differt autem hæc vnitas ab vnitate formali, quia vnitas formalis est vnitas naturæ, ut natura est; vnitas verò communis convenit naturæ, ut abstracta est: quare vnitas communis, includit vnitatem formalem, & addit illi respectum ad multa, ita ut natura, quæ est in se vna formaliter, sit etiam vna formaliter respectu multorum. Quare eadem est vnitas formalis & vnitas communis, sit enim communis, cum sumitur respectu multorum.

Dico quarto. Natura vniuersalis est vna vniuocē. Ratio est, quia est vna per abstractionem à differentijs singularibus. At natura quæ præscindi potest à differentijs singularibus, est vniuoca; quia non habet per quid diversificetur, cum tota diversificatio naturæ sit à differentijs. Ex quo patet, analogum non esse verè & propriè vniuersale: quia non potest perfectè præscindi à differentijs inferiorum sed solum sicut consulum ab expresso, ut suo loco dicitur. Quocirca & Aristoteles 3. Metaph. tex. 10. negat ens esse genus, quia non potest præscindi perfectè à differentijs: involuitur enim in suis differentijs. & 4. Metaph. t. 2. ait. Ens non esse vniuocum sed analogum, nec significare vnā naturam sed tantum ab vno vel ad vnum. In 5. etiam Metaph. tex. 12. distinguit vnum analogicè ab vno genere vel specie, alia, inquit, numero, alia specie, alia genere, alia analogia, vnum sunt, ibiq; hæc omnia distinctis definitionibus definit, additq; ea quæ vnum sunt analogè, non omnia esse vnum genere. In primo verò poster. text. 25. oportet inquit vniuersale aliquid vnum & idem esse in pluribus non æquivocè. Vbi nomine æquivoci more solito etiam analogæ comprehendit. Nihilominus latè sumendo nomen generis & speciei, potest ob similitudinem quandam nomen generis & speciei analogis quoq; applicari. Et sic Arist. 4. Met. t. 2. etiam assignat species & specierum species.

## QVÆSTIO VI.

*Qualem ordinem ad multa dicat natura  
vniuersalis?*

Aristoteles in definitione vniuersalis, ordinem ad multa exponit per aptitudinem ad ensendum in multis & prædicandum in multis 7. Metaph. tex. 45. hoc inquit, dicitur vniuersale, quod pluribus naturis aptum inesse, & 1. Peri. c. 5. Dico autem vniuersale, quod in pluribus prædicari natum est, nam etiam si 1. de part. 4. dicat vniuersale id quod inest multis & 1. poster. tex. 26. ait esse vnum in pluribus: tamen non ait esse actu in pluribus, sed exponendus est secundum aptitudinem, vti seipsum exponit in definitionibus vniuersalis, quas ex professo tradidit.

Dico

Dico igitur 1. de ratione vniversalis esse ordinem ad multa, ita vt nullum detur vniversale absolutum, sed tantum respectivum. Est contra quosdam recentiores, qui distinguunt vniversale in absolutum & relativum, ita vt vtrumq; sit formaliter vniversale. Absolutum dicunt esse naturam abstractam, ad quam consequitur vnitas & aptitudo ad multa, tanquam proprietates: essentiam verò vniversalem consistere in illa constitutione naturæ, secundum quam est in se disposita proximè vt referatur ad multa, quare antequam referatur ad multa; esse vniversalem. Quod explicant primò similitudine individui. Individuum enim seu singulare opponitur vniversali, sicut ergo individuum constituitur in ratione individuali per differentiam individualementem, ad quam consequitur vnitas individualis & aptitudo ad prædicandum de vno solo; ita vt, vnitas & aptitudo non constituant rationem formalem individui, sed consequenter ad rationem individui; ita & vniversale prius constituitur per abstractionem in ratione vniversalis, tum consequuntur vnitas & aptitudo ad multa per modum proprietatum. Secundò. Exemplo Idearum: si enim Idææ Platonice quæ secundum Platonem sunt naturæ vniversales, essent actu subsistentes, essent proculdubio vniversalia absoluta.

Verum hi Autores, si loquuntur de vniversali fundamentaliter, verum dicunt: natura enim absoluta est fundamentum vniversalitatis. At si loquuntur de vniversali formaliter, non sunt admittendi.

Primò. Quia Aristoteles nullum aliud vniversale agnovit nisi respectivum, siquidem illud definit per ordinem ad multa. Vocat quidem sæpe naturas absolutas vniversalia, vt cum ait de vniversalibus esse scientiam; de naturis enim absolutis non de vniversalitate est scientia: Tamen naturas absolutas idcirco vocat vniversalia, quia sunt communes & dicunt ordinem ad multa. Tum, quia secundum definitionem vniversalis à se traditam vocat eas vniversales; Tum, quia cum probat aliquid esse vniversale, probat ex ordine ad multa, vt 7. Metaph. t. 45. hoc enim, inquit, dicitur vniversale quod pluribus naturâ aptum est inesse.

Secundò. Ratione, quia nihil dicitur vniversale nisi respectu multorum. Qualemunque enim dispositionem res in se habeat, nisi cognoscatur in ordine ad multa, non cognoscetur, vt vniversalis. Nam etiam de naturâ illâ absoluta si quærat, quare sit vniversalis, non aliter responderi poterit, nisi quia est apta esse in multis. Neq; dici potest hanc rationem esse à posteriori, à priori enim nulla alia dari potest. Nam si dicas naturam illam absolutam, quia est abstracta, esse formaliter vniversalem, & per abstractionem constitui in ratione formali vniversalis absolute: contra; quia abstractio solum facit formaliter naturam non singularem, non verò positivè vniversalem: abstrahi enim est concipi sine singularitate, & effectus formalis ipsius adæquatus, est facere naturam non singularem. Porro vniversalitas non est formaliter negatio singularitatis, hoc enim hucusque nullus asseruit, cum sit contra communem notionem de vniversali.

Tertiò. Nulla est ratio, propter quam natura absoluta dici debeat vniversalis formaliter, secundum esse absolutum. An quia denominatur vniversalis? At hæc denominatio non fit nisi ab vniversalitate respectiva, eo modo quo subiectum denominatur à forma accidentali, verbi gratia, Paries denominatur albus ab albedine, similis à similitudine. An quia est talis in se, vt ei ordo ad multa necessariò competat? at hoc est esse fundamentum vniversalitatis. Fundamentum enim salu-

*Ordo ad multa est de ratione vniversalis.*

*Opinio asserens vniversalitatem absolutam.*

*Refellitur.*

**I.**  
*Absolutum vniversale Arist. non agnovit.*

**2.**  
*Vniversale non dicitur nisi respectu multorum.*

*Natura quare vniversalis abstractio formaliter facit naturam non singularem.*

**3.**  
*Natura absoluta est solum fundamentum vniversalis.*

relationis est illud ad quod necessario consequitur relatio. V. G. albedo ita afficit subiectum, ut ei necessario competat similitudo: num igitur propterea albedo dici debet similitudo formaliter, aut similitudo absoluta? Num etiam similitudo formaliter distingui debet in absolutam & relatiuam? An non eo ipso, quod aliquid est dispositio ad aliquam formam, dici non potest ipsa forma, sed quid dispositio ad formam. Quocirca & abstractio cum sit dispositio ad vniuersalitatem, non poterit dici vniuersalitas formaliter, sed tantum fundamentaliter.

Neq; obstat illa similitudo individui: individui enim ratio est absoluta; vniuersalis verò ratio est respectiva; opponiturq; individuum vniuersali sicut absolutum respectivo. Vnde non sequitur, si absolutum constituatur in suo esse per differentiam absolutam; etiam respectivum per differentiam absolutam constitui debere. Id enim ratio oppositionis non exposcit, sed tantum, ut per differentiam oppositam constituatur: differentia autem respectiva est opposita differentie absolute. Deinde per abstractionem vniuersale solum opponitur singulari, ut non singulare singulari. Quæ oppositio non est formaliter in vniuersalitate, sed in non singularitate. In vniuersalitate autem opponitur singulari, quatenus vniuersale respicit multa, singulare verò respicit vnum tantum. Quod verò ad Ideas attinet, ex si essent, secundum esse absolutum essent vniuersales, fundamentaliter; secundum verò ordinem ad multa, essent vniuersales formaliter; ex quibus patet illud vniuersale absolutum tantum esse fundamentaliter vniuersale, & ita prorsus se habere ad vniuersalitatem, sicut albedo se habet ad similitudinem vi dictum est.

*Quinam ordo ad multa constituat naturam vniuersalem?*

Dico secundò. Non quivis ordo ad multa, sed solum is qui fundatus est in vnitatem naturæ, constituit naturam vniuersalem: non enim ordo multorum ad multa, sed vnius ad multa est vniuersalis. Vnde Aristot. possum vocat vniuersale vnum in multis. Vnitas autem in qua fundatur ordo vniuersalis, est vnitas communis orta ex abstractione, ut patet ex præcedenti quaestione. Porro vnitas naturæ ita requiritur ad hunc ordinem, ut necessario simul esse debeat cum ordine. Cum enim sit fundamentum ordinis vniuersalis, sublato fundamento non potest esse ordo; quare necesse est ut vnum manens vnum dicat ordinem ad multa. Quod dico propter quædam prædicata, quæ conveniunt subiectis, non in sensu composito, sed diviso; ut cum dicimus cæcum videre; cæcus enim manens cæcus non videt, sed videndo desinit esse cæcus. Non ita in vniuersali dicimus, vnum habere ordinem ad multa, necesse enim est, ut vnum manens vnum, dicat ordinem ad multa; quia vnitas ut dictum est, est fundamentum ordinis; quare ordo manere non potest, nisi maneat ipse fundamentum, quod est vnitas cum abstractione: requiriturq; ut vnum quatenus vnum dicat ordinem ad multa.

*Vnum refertur ad multa manens vnum.*

*Ordo ad multa aptitudinalis est de ratione vniuersalis.*

*Terminus ordinis vniuersalis.*

Dico tertio. Ordo ad multa non actualis, sed aptitudinalis, constituit rationem vniuersalem: nam ordo actualis inexistentiæ tollit & destruit rationem propriam vniuersalis, quæ in abstractione & vnitatem consistit, ut quæst. 4. declaratum. Deinde ordo aptitudinalis convenit naturæ abstractæ & indivisæ; actualis verò convenit naturæ contractæ & divisæ; ac proinde naturæ non vniuersali.

Dico quarto. Terminus, quem hic ordo respicit, est esse in multis, & dici de multis, est enim aptitudo ad essendum & prædicandum de multis. Sunt autem hi termini sibi subordinati, dici enim sequitur ad esse, & dici de multis ad esse in multis. Porro explicandum est, quid sit esse in multis, & quomodo distingatur à dici de multis?

Quantum

Quantum ad primum. Naturam esse in multis est esse per identitatem in illis. *Natura est in multis per identitatem.* Neq; enim natura à parte rei distinguitur ab inferioribus, vt supra ostensum est: neq; res distingui potest à suâ essentia, cum per essentiam sit, id quod est, vt in eo in quo distingueretur ab essentia, non esset essentialiter talis. Ex quo infero, naturam ita esse in multis, vt fiat multa, & multiplicetur substantialiter in illis. Quod enim est idem cum multis, quatenus multa sunt, necessariò est multiplex, quia eius substantia est multorum, cum quibus est idem substantialiter. Deinde, esse in multis, est dividi in multa: quia enim natura idem cum multis, multa autem vt multa sunt à se diuisa, sequitur, quod esse in multis, sit dividi in multa. Fit autem hæc diuisio per differentias, siue specificas, siue numericas; quæ cum identificentur naturæ, faciunt eam substantialiter diuisam & differentem. Ex quo sequitur naturam eo ipso quod est in multis, esse diuisam substantialiter, & amittere omnem indiuisionem, sicut & quantitas, cum actu diuiditur, desinit esse vna. Nam licet quantitas sit vna, cum sit diuisio, quia nisi esset vna non posset dividi, & necesse sit præsupponi vnitatem quantitatis, vt ab ea incipiat diuisio: tamen in ipsa diuisione desinit esse vna.

*Naturam esse in multis est dividi & multiplicari.*

Quantum ad secundum. Quidam pro eodem habent, naturam esse in multis, & dici de multis: non enim inquit est in multis nisi per prædicationem. Nam licet sine prædicatione sit in multis multiplex, tamen non potest esse vna in multis, nisi per prædicationem, vel in ordine ad prædicationem. Oppositum tamen verius est ista duo esse formaliter distincta: nam natura est in multis, per identitatem, & per contractionem, per differentias specificas, vel numericas: in identificatione autem, & contractione non involuitur prædicatio: prædicatio enim consistit in affirmatione vnius de altero.

*Naturam esse in multis non est prædicari de multis.*

Quod si quæras. An vniuersale manens abstractum & vniuersale, prædicetur de multis. Respondeo, præsupponitur quidem vniuersale formaliter, prædicationi, & est id quod assumitur ad prædicationem: per actum tamen prædicationis contrahitur ad subiectum. Ac proinde fit ex abstracto contractum, ex vniuersali particulare. Nam sicut natura humana, cum actu est in Petro, fit singularis: ita cum tribuitur Petro, restringitur ad singularitatem Petri. Vnde terminus homo secundum se quidem est vniuersalis, tamen per prædicationem coniunctus cum Petro, fit singularis, ita vt ipsum prædicari sit singularizari.

*Ordo naturæ vniuersalis non est quid reale sed rationis.*

Dico quinto. Ordo ad multa seu aptitudo illa naturæ vniuersalis non est quid reale sed rationis. Ratio est quia ordo vniuersalis fundatur in vnitatem naturæ vniuersalis: est enim ordo vnius ad multa, seu ordo cum vnitatem & indiuisione naturæ ad essendum in multis: atqui vnitatem naturæ vniuersalis, non est quid reale sed rationis: ergo nec ordo in ea fundatus, neque enim ens rationis potest fundare ens reale, hoc enim excedit virtutem ipsius, fundare & causare majus & perfectius ens quam sit ipsum. Vnde patet quod licet ordo multorum ad multa, seu ordo naturæ diuise sit quid reale, & inueniatur à parte rei: tamen ordo vnius ad multa cum vnitatem & indiuisione naturæ, non est quid reale sed rationis.

Dico sexto. Aptitudo naturæ vniuersalis non est quid positivum, sed negatio repugnantie. Est contra quosdam, qui dicunt, hanc aptitudinem esse relationem ad multa, relatio autem est quid positivum: Nos verò dicimus, relationem illam esse quid consequens naturam vniuersalem per modum proprietatis, non autem constituere formaliter rationem vniuersalem. Ratio est, quia per solam aptitudinem

*Aptitudo naturæ vniuersalis non est quid positivum.*

negativam, hoc est, per non repugnantiam intelligitur sufficienter natura esse apta in multis; quia non habet repugnantiam ad essendum in multis, & quia hæc aptitudo est prior aptitudine positiva, cum sit fundamentum ipsius, ideo potius aptitudo negativa quam positiva constituit rationem formalem vniuersalis.

*Etiā negatio potest concipi respectu multorum.*

At iniques non posse concipi aptitudinem ad multa nisi relativè, hoc est respectu multorum, relatio autem est quid positivum. Respondeo etiam negationem posse concipi: respectu multorum: si illa negatio sit negatio multorum: tunc autem concipitur relativè, non per positivam relationem ad multa, sed per negationem relationis ad multa. Non repugnantia enim ad multa est negatio relationis repugnantie ad multa. Vnde includit relationem negatam non affirmatam.

*Aptitudo nature concipitur tam positivè quàm negativè.*

Dices, talem esse aptitudinem naturæ, qualem facit intellectus, at intellectus dum concipit naturam aptam ad multa, concipit illam cum relatione positiva ad multa. Ergo aptitudo naturæ est positiva. Resp. Vtroque modo concipi aptitudinem naturæ ab intellectu tam positivè quàm negativè: sed primo modo concipi aptitudinem accidentalem, & consequentem ad naturam vniuersalis, secundo vero modo essentialem, & constituentem rationem formalem vniuersalis.

Ex quibus patet, omnia tria quæ concurrunt ad constituendum vniuersale, esse negativa. Nam abstractio dicit negationem singularium. Viuitas naturæ dicit negationem divisionis. Ordo ad multa dicit non repugnantiam ad multa. Cum qua triplici negatione sufficienter concipitur natura esse vniuersalis.

## QVÆSTIO VII.

*An omnis natura possit effici ab intellectu vniuersalis?*

*Natura divina non potest effici vniuersalis.*

HÆC quæstio ex dictis resolvi potest. Cum enim natura fiat vniuersalis per abstractionem: illa solum natura effici non poterit vniuersalis, quæ abstracta à singularitate non potest. Talis est natura Divina quæ cum essentialiter sit singularis, non potest secundum essentiam perfectè concipi nisi concipiatur singularis. Potest quidem in confuso concipi non concepta singularitate expresse, sicut & Analogum confuse conceptum abstrahit ab expressis rationibus analogorum: at si perfectè concipitur secundum essentiam rationem & secundum ea omnia quæ illi essentialiter conveniunt, non potest concipi sine singularitate, quæ est de essentia Divinæ naturæ.

*Duplex modus concipiendi divinæ attributa.*

Dices posse in Deo vnum attributum concipi & præscindi ab altero, ut intellectum à voluntate, ergo poterit etiam natura Divina concipi sine singularitate. Respondeo. Attributa Divina dupliciter posse concipi sine singularitate vel secundum rationem transcendentalem communem Deo & creaturis & abstrahentem ab esse creato; vel secundum rationem esse Divini quam habent in Deo. Primo ergo modo potest vnum attributum concipi sine alio, sed tunc concipitur secundum illud esse specificum Divinum, secundum quod est in Deo. Nam esse Divinum est esse per essentiam. Ita ut intellectus Divinus per suam essentiam sit voluntas, & alia omnia attributa: & vnum quodque attributum sit de essentia omnium, & omnia de essentia vnius, hoc enim requirit ratio entis per essentiam ut ex ratione sua formali

formali sit omnia. Alioqui si non ex se sit omnia, erit omnia ab alio. Quocirca natura Divina si concipitur ut Divina, non potest sine singularitate concipi, nisi secundum rationem naturæ transcendentalem ut abstrahatur à creata & increata. Vel secundum analogiam ad creaturas, in quibus natura & singularitas sunt distincta.

Quod si istes animal in homine licet sit idem cum rationali, posse tamen abstrahi à rationali: Ergo & hic. Respondeo esse disparem rationem. Nam animal in homine est idem cum rationali solum materialiter non formaliter: nam animal ex ratione sua formali non est rationale, nec involuit in suo conceptu formali rationalitatem, & ideo potest abstrahi secundum suam rationem formalem a rationali.

At in Deo propter peculiarem rationem entis per essentiam, quælibet perfectio ex ratione sua formali vendicat sibi omnes: & ideo non potest ab illis abstrahi, unde animal quasi ex accidenti determinatur ad rationale cum non ex se sed ab alio sit rationale, quod de divinis perfectionibus dici non potest. Ex quo formatur talis ratio: id enim quod abstrahitur, est ex se indifferens ad id à quo abstrahitur. At natura & omnis perfectio Divina non est ex se indifferens sed potius ex se determinata ad omnem aliam perfectionem Divinam. Ergo non potest abstrahi ab aliis perfectionibus, ac proinde nec à singularitate. Illa enim indeterminatio repugnat enti per essentiam.

Quia vero omnis alia natura præter divinam potest abstrahi à singularitate. Ideo omnis alia natura potest reddi universalis saltem per non repugnantiam Logicam seu per non implicationem contradictionis. Neque enim singularitas est de essentia illius naturæ creatæ cum nulla natura creata sit ens per essentiam, nec ex se sed ab alio sit singularis. Sicut & aliorum prædicatorum essentialium coniunctio in creaturis non est ex se sed ab alio. Et idcirco non repugnat naturam creatam abstrahi à singularitate.

Dices ad universalitatem non sufficere abstractionem. Nam si sit natura non habens nisi unum individuum ( ut in Angelis censet D. Thomas ) Talis natura abstracta ab illo vno singulari non esset apta esse in pluribus, sed in vno tantum, ac proinde non posset effici universalis. Respondeo. Per abstractionem ab vno singulari naturam effici abstractam ab omni singulari. Siquidem concipitur absque omni singularitate, & ex consequenti esse indifferentem ex se, ad omnia singularia quæ esse vel concipi possunt: quia ex se non magis est huius quam illius singularis. Quod si naturaliter non possit esse nisi in vno individuo: potest tamen supernaturaliter, cum id non implicet contradictionem, quod satis est ad hoc ut possit concipi per intellectum, indifferens & universalis.

*Cur una perfectio Dei non possit abstrahi ab aliâ.*

*Omnis natura creata potest effici universalis.*

QVÆSTIO VIII.

*An universalia fiant ab intellectu per notitiam abstractivam vel comparativam?*

Sensus questionis est, an universale tunc fiat cum natura abstrahitur à singularibus & secundum se sine singularibus cognoscitur, ac cum comparatur cum singularibus & ad ea refertur ab intellectu.



Prima sententia asserit naturam fieri vniuersalem absq; vlla notitiā tam abstractiua quam comparatiua per solam repræsentationem speciei intelligibilis: Primum quam cognoscat intellectus naturam habet illius naturæ speciem intelligibilem, qua tanguam similitudine vtitur ad cognoscendam naturam. Porro ista species repræsentat naturam absque singularitate; ergo ante omnem notitiā naturæ ut repræsentata in abstracto per speciem intelligibilem, est vniuersalis. Ita sentit Caietanus de Ente cap. 4. Sorus hic quæstione tertia. Verum hæc sententia rejicitur propter duo: Primo quia species intelligibilis non repræsentat formaliter sed effectiue, non enim est veluti Idea & imago quam respiciat intellectus, sed est veluti semen quoddam cognitionis efficiens cognitionem & repræsentationem intellectiua: Quare cum species non repræsentet actū obiectum, sed solum causet cognitionem actū repræsentantem obiectum; ex consequenti neq; naturam vniuersalem repræsentabit actū nisi virtualiter & effectiue. Secundo, quia species intelligibilis quæ antecedit omnem notitiā intellectus, producit et phantasmate & est species rei singularis, sicut & phantasma ad cuius similitudinem formatur. ergo non repræsentat naturam vniuersalem vel singularem.

1.

2.

3.

Secunda sententia asserit fieri vniuersale per notitiā comparatiuam. Ratio est quia de essentia vniuersalis est ordo ad multa: at ordo ad multa cum sit Ens rationis non existit nisi per operationem intellectus, ergo de essentia vniuersalis est ut concipiatur in ordine ad multa; quod est concipi comparatiue. Ita Sententia 10. Metaph. quæstione 15. & multi recentiores.

Tertia sententia asserit vniuersale fieri per notitiā abstractiua. Ratio est quia naturæ abstractæ per intellectum, conveniunt omnia requisita ad essentiam vniuersalis; nempe vnitatis & aptitudo ad multa. Et quidem aliqui negant relationem ad multa esse de essentia vniuersalis, sed tantum triplicem illam negationem supra explicatam: alii verò concedunt, sed dicunt consequi abstractionem sine alia apprehensione & comparatione intellectus, cum natura relationis postulet vt consequatur posito fundamento & termino. In hac sententia sunt Scotus, Durandus, Fonseca & pleriq; recentiores.

*Ordo positivus ad multa non est de essentia vniuersalis.*

Dico primo. Non est de essentia vniuersalis ordo positivus ad multa, sed sufficit negatiuus. Positivum dico relationem positivam ad multa: Negativum vero non repugnantiam ad multa. Ratio autem Conclusionis est quia cum sola non repugnantia ad multa sufficienter intelligitur natura vniuersalis, vt supra explicatum est. Ergo ordo positivus ad multa non pertinet ad essentiam vniuersalis, sed solum est proprietas consequens essentiam.

*Vniuersale fit per notitiā abstractiuam, cognoscitur per comparatiuam.*

Dico secundo, vniuersale fit quidem per notitiā abstractiua, verum non cognoscitur nisi per comparatiuam. Pro quo nota, aliud esse naturam fieri vniuersalem, aliud cognosci vniuersalem. Fit enim natura vniuersalis cum habet illam triplicem negationem Abstractionis, vnitatis, & non repugnantia: hac enim triplici negatione posita nihil deest ad essentiam vniuersalis. Porro hanc triplicem negationem conuenire naturæ absque vlla comparatione cum singularibus & absque eo quod illæ negationes cognoscantur ab intellectu inde patet: quia etsi Ens rationis non possit existere nisi cognoscatur ab intellectu (eius enim esse est cognosci) tamen negatio rationis conuenit rei etiamsi non cognoscatur. Vt enim dispositione prima docuimus esse negationis, est non esse formæ negatæ; ad non esse autem rei, non est opus apprehensione intellectus; sed sola non existentia rei negatæ.

garæ, Negationes enim non sunt Entia, sed non Entia. Vnde sequitur, etiamsi intellectus non cognoscat naturam in ordine ad multa; tamen per illam triplicem negationem natura vere habet se ad multa. Patet etiam quod cum notitia comparativa sit cognitio naturæ in ordine ad singularia, possit autem sine tali cognitione effici natura vniversalis, sequitur absque notitia comparativa fieri vniversalem.

Quod autem non possit cognosci natura vniversalis nisi per notitiam comparativam, patet. Quia de essentia vniversalis est habere se ad multa siue negativè per non repugnantiam, siue positivè per relationem. Ergo non potest intellectus cognoscere vniversale vtrovis modo, nisi in ordine ad multa, quod est comparativè cognoscere.

Porro fundamentum Scoti quo tenet vniversale fieri per notitiam abstractivam eo quod relatio ad multa consequatur ad naturam abstractam, tanquam ad suum fundamentum sine alia cognitione intellectus. Hoc inquam iam est à nobis refutatum supra disputatione prima. Hoc enim est proprium relationum realium, naturaliter & sine vlla operatione intellectus consequi, posito fundamento & termino. At relatio rationis consequitur per rationem apprehendentem talem relationem. Hic enim modus est proportionatus naturæ Entis rationis, vt per rationem existat, non vt ex natura rei consequatur.

*Non consequitur relatio rationis, nisi per rationem apprehendentem.*

Sed quæres, an per notitiam abstractivam, intellectus saltem indirectè cognoscat vniversalitatem? quidam enim plus æquo vrgent hunc modum loquendi, qui tamen in rigore non est verus. Nam ex eo quod cognitio terminatur ad naturam nec directè nec indirectè terminatur ad ea quæ sunt conjuncta naturæ. Nam quod indirectè cognoscitur, aliquo modo cognoscitur, & aliquam sui habet speciem intelligibilem in intellectu, aliquam etiam expressionem & representationem in actu cognitionis: alioquin si nullo modo cognoscitur, ne indirectè quidem cognoscitur. Cognosci autem non potest nisi per speciem aut representationem aliquam in mente. Deinde cognoscere naturam secundum se & suam essentiam, est cognoscere illam abstractam ab omnibus aliis illi conjunctis: Ergo, & ab vniversalitate & à singularitate: Ergo natura in tali cognitione, neque cognoscitur vniversalis neque singularis, ne indirectè quidem; quia in tali cognitione nullo modo representantur singularia.

*An indirectè cognoscatur vniversalitas?*





## DISPUTATIO V.

## De Quinque Vniuersalibus.

*Vniuersalia in particulari numerantur quinque, Genus,  
Species, Differentia, Proprium, & Accidens:  
de quibus sigillatim agendum est, tum  
eorum numerus & sufficien-  
tia ostendenda.*

## QVÆSTIO PRIMA.

## De Genere.

*Genus Logicū;  
Physicum;  
Metaphysicū.*



ENVS accipitur pro eo quod est generationis alicuius principium & origo; quare & Philosophi appellarunt Genus id, ex quo quasi generantur species. Est autem triplex Genus apud Philosophos Logicum, Physicum, Metaphysicum.

Logicum Genus est id quod prædicatur de speciebus in quid: Physicum Genus est materia, ex qua generantur variz formæ, & varia composita: Metaphysicum Genus est gradus superior contrahibilis, per diversas differentias essentielles. Nobis hoc loco agendum est de genere Logico, prout dicit ordinem prædicationis ad species, quod etiam 1. Top. c. 4. definitur ab Aristotele, esse id quod prædicatur de pluribus differentibus specie in eo quod quid est.

*Quid defini-  
tur in defini-  
tione Generis.*

Circa quam definitionem quæri potest primo. Quidnam sit illud, quod definitur hac definitione, naturane realis, an secunda intentio Generis? an utrumque? Videtur enim natura non definiti; id enim definitur cuius essentia definitione explicatur; at nullius naturæ realis essentia hac definitione explicatur, sed solum proprietas quædam, nempe prædicabilitas: Ergo non definitur natura. Secundum

etiam

etiam intentionem non definiri inde patet; id enim definitur quod prædicatur de speciebus in quid, at secunda intentio generis non prædicatur de speciebus in quid, quia species essent genera, & secunda intentio generis esset species, quod falsum est. Ergo. Vtrumque etiam non definiri, ex eo probatur, quod duplicem non vnam definitionem esse oporteret: duo enim Entia sicut duas habent essentias, ita & duas definitiones. Denique non potest dici naturam definiri, quatenus substat secundæ intentioni; quia definitio debet essentialiter convenire suo definito; at definitio hoc modo accepta, non essentialiter, sed accidentaliter, conveniret naturæ; quia illa secunda intentio prædicabilitatis est accidens naturæ; Ergo. Neque dici potest naturæ, ut natura est, convenire definitionem dictam accidentaliter, ut verò substat secundæ intentioni, convenire essentialiter. Nam sicut ipsa secunda intentio est accidens naturæ, ita & definitio secundæ intentioni conveniens, erit accidens naturæ.

Dicendum tamen est, definiri in hac definitione naturam prout substat secundæ intentioni. Id enim definitur quod prædicatur: at natura est illa quæ prædicatur: Ergo natura definitur: Verum cum natura hæc non definiatur secundum suam essentiam realem, sed secundum essentiam secundæ intentionis, (non enim naturæ, sed secundæ intentionis essentia definitione explicatur) idcirco dicimus naturam definiri, ut substat secundæ intentioni: ut autem explicemus, quomodo, cum in hac definitione essentia secundæ intentionis explicetur, definitio naturæ tribuatur.

Notandum est, aliter definiri Accidentia quam substantias. Nam substantiæ cum non referantur ad aliud, sed per se subsistant, earum quoque definitio non potest ulli alteri tribui sed illis solis. At Accidentia ex sua essentia referuntur ad subiectum, eorum enim esse est inesse: quare & definitio accidentiæ non solis accidentibus conveniet, sed & subiectis eorum: diversa tamen ratione, nam accidentibus essentialiter, subiectis denominativè; accidentibus formaliter, subiectis materialiter, ut substant talibus accidentibus; accidentibus immediatè, subiectis verò mediatè. Sic cum definitio album esse disgregativum visus, definitio corpus, non secundum naturam corporis, sed secundum naturam albedinis, eaque definitio albedini essentialiter, formaliter, immediatè convenit; corpori verò denominativè, materialiter, mediatè. Pari ergo ratione cum hæc definitur natura, ut substat secundæ intentioni. Generis, ea definitio essentialiter, formaliter, immediatè convenit secundæ intentioni Generis; denominativè verò, materialiter, mediatè convenit naturæ, tanquam subiecto secundæ intentionis. Quocirca cum Cajetanus virget, definitionem convenire essentialiter definito, verum id est, de definito formali, non de definito materiali. Nam subiectum sicut est subiectum Accidentis, ita est etiam subiectum definitionis accidentis, & sicut est subiectum definiti, ita est subiectum & definitionis. Et sicut definitum formale accidentaliter competit suo subiecto, ita & eius definitio.

Ex quo infero primò. Falsam esse sententiam Caietani dicentis naturam hæc non definiri vlllo modo, sed secundam intentionem in concreto: tum quia id definitur quod prædicatur in quid, at secunda intentio etiam in concreto sumpta non prædicatur in quid de homine & equo sed natura: Ergo natura suo modo definitur tum quia accidentia, si sumantur in concreto, necessario involvunt subiectum, ut patet inductione; album enim significat id quod est affectum albedine. Concreterum enim.

*Diversa definitio substantiæ & accidentis.*

*Definitum materiale & formale.*

nim accidentis significatur per modum cuiusdam subsistentis; at accidens subsistentiam non habet, nisi à subiecto: Ergo in suo modo significandi concreto involvit subiectum.

Sed obiciat. Secunda intentio nullo modo prædicatur de speciebus; Ergo nullo modo definitur. Respondeo in prædicatione duo distinguì possunt, res prædicata, & ratio formalis prædicandi. Res prædicata est natura; Ratio verò formalis prædicandi est secunda intentio. Natura igitur definitur, ut res prædicata; secunda verò intentio, ut ratio formalis prædicandi. Neq; necesse est, ut id quod formaliter definitur, prædicetur, sed satis est, ut sit ratio formalis prædicationis: quia in definitione explicatur ratio formalis prædicationis.

*Ratio formalis duplex, naturæ & secundæ intentionis.*

Porro notandum est. Duplicem rationem formalem hic distinguì posse, unam rationem formalem naturæ ut natura est, alteram rationem formalem naturæ, ut substat secundæ intentioni. Etsi enim natura sit quid materiale respectu secundæ intentionis; tamen etiam in seipsa habet suam rationem formalem, per quam formaliter est talis natura, & per quam formaliter convenit speciebus. Ratio verò formalis secundæ intentionis, est illa prædicabilitas, vel genericitas, quæ est ratio formalis generis. Dupliciter igitur possumus dicere, Animal v.g. prædicari formaliter de homine: Primò formalitate animalis, secundò formalitate generis. Nam animal ratione suæ formalis naturæ tribuitur speciebus, & ratione suæ prædicabilitatis, habet formaliter prædicari de specie. Vtroq; quidem modo formaliter, sed non eadem formalitate. Quare diverso respectu, & diversa formalitate, natura ut natura, & ut genus, prædicatur formaliter, habetq; duplex Quo; Quo naturæ, & Quo secundæ intentionis. Quare si quærat, quo formaliter genus prædicatur de speciebus; responderi debet, si de Quo naturæ quærat, prædicabitur sua natura formaliter: Si verò de Quo universalitatis, prædicabitur universalitate formaliter.

*Quod sit Genus in Definitione Generis.*

Secundò quæri potest. Quodnam sit Genus in hac definitione. Quidam negant in hac definitione esse vllum genus: aiunt enim accidentia definiri per subiectum loco generis, ut cum definitur album, esse corpus segregativum visus. At revera negandum non est, accidentia utroq; modo definiri posse, tam per subiectum, quam per genus: Nam etiam ab Accidente potest abstrahi ratio communis generica, quæ posita in definitione accidentis una cum differentia specifica, constituit definitionem accidentis; ut si definiam album esse quoddam coloratum segregans visum. Pari ergo ratione definitio Generis hoc loco explicari potest. Primò per subiectum, hoc est naturam aptam prædicari de multis; Secundò per Genus, quod est prædicabile in communi: Genus enim est prædicabile de speciebus, sicut species est prædicabilis de Individuis, omnesq; species prædicabilium conveniunt in vno genere prædicabilis in communi.

*Duplex modus definiendi Accidentis.*

Verum contra hæc Obijci potest. Primò: Generis non datur genus; alioquin procederemus in infinitum: Ergo generis definitio non datur per Genus.

Secundò. Si genus definitur per genus, idem definitur per seipsum: Nam Genus esset & definitum, & pars definitionis Generis.

Tertiò. Quod constat ex Genere & differentia, est species: at si Genus definitur per Genus & differentiam, constabit Genere & differentia: Ergo genus est species.

Quartò. Genus comprehendit sub se omnia genera; quia de omnibus Genibus in quid prædicatur: Ergo supra se nullum habet Genus, per quod definiri possit, & quod de illo prædicetur.

Quintò.

Quintò. Definitum non ponitur in sui definitione: at hîc omne genus definitur: Ergo nullum genus est, quod possit poni in hac definitione.

Pro solutione. Notandum est. Genus dupliciter accipi posse. Primò, pro secunda intentione Generis, quæ est prædicabilitas de speciebus: Secundò, pro ea re cui convenit secunda intentio Generis, quæ est natura aliqua, cui convenit prædicari de speciebus. Secunda intentio dicitur Genus essentialiter & formaliter, quia est ratio formalis generis. Natura vero, dicitur genus denominativè, & materialiter; quia denominatur Genus à secunda intentione Generis.

*Genus accipi  
potest primo  
& secundo  
intentionaliter.*

Notandum est secundò. Ipsam secundam intentionem Generis, constare ex genere & differentia: Genus ejus est prædicabilitas, differentia verò talis modus prædicationis. Vnde patet Generis Genus non esse secundam intentionem generis, sed aliam quandam secundam intentionem diversam essentialiter à secunda intentione Generis, ita tamen ut illi sicut & aliis naturis conveniat accidentaliter secunda intentio Generis. Ex hac igitur duplici generis acceptione tolluntur omnes æquivocationes & solvuntur argumenta opposita.

Ad Primum Respondeo. Genus ut est secunda intentio non definitur per secundam intentionem generis, sed per aliam secundam intentionem, cui convenit accidentaliter secunda intentio generis; definitur enim per prædicabile, cui convenit accidentaliter secunda intentio generis. Prædicabile enim est genus quoddam. Hoc autem modo generis dari genus non est absurdum; quia hoc nihil aliud est, quàm secundam intentionem generis constare aliquo communi, per modum generis, & aliquo particulari, per modum differentie: Sicut enim aliis naturis convenit constare gradu generico, & specifico; ita & secundæ intentioni Generis hoc idem convenit. Quare genus essentialiter acceptum, definitur per aliquid, quod est Genus denominativè. Neq; ex hoc sequitur dari processum in infinitum in generibus: quia in gradibus genericis pervenitur ad summum, qui supra se alium non habet superiorem, ut est gradus generis generalissimi: Et licet & generi generalissimo tribuatur secunda intentio generis; tamen & illa secunda intentio non habet infinitos gradus genericos, sed habet vnum supremum gradum essentialem, quo non est alius superior. Idem & de aliis secundis intentionibus dicendum, quas in infinitum possumus plures & plures affingere, semper tamen assignabimus singularum intentionum supremum genus essenziale.

Ad secundum. Non sequitur idem definiri per seipsum, quia genus, quod est secunda intentio definitur per aliam rem quæ non est secunda intentio Generis, sed denominatur genus à secunda intentione generis, quæ illi accidentaliter convenit; definitur enim genus per prædicabile: Prædicabile autem non est secunda intentio generis, sed ab ea essentialiter distincta; convenit tamen ei accidentaliter secunda intentio generis, sicut enim animali convenit accidentaliter secunda intentio generis, ita & Prædicabili convenit eadem secunda intentio respectu quinque Prædicabilium.

Ad Tertium. Secunda intentio Generis diverso respectu dicitur Genus & Species: Nam ut est secunda intentio Generis dicitur genus essentialiter; Ut autem hæc secunda intentio constat ex gradu generico & specifico dicitur species denominativè & accidentaliter.

Ad quartum. Genus essentialiter acceptum continet sub se omnia genera, quibus secunda intentio generis essentialiter competit; continet autem tanquam species.

cies suas essentielles. Idem verò genus essentialiter acceptum, continetur sub genere denominativè accepto, hoc est sub secunda intentione (prædicabilis) quæ non est genus essentialiter, sed denominativè, & est pars essentialis constituens genus essentialiter. Et sic secundum diversam rationem genus continetur sub genere, & continet alia Genera.

Ad quintum. Secunda intentio; Generis est definitum, in cuius definitione loci generis non secunda intentio generis, sed prædicabile ponitur: quod alio sensu dicitur genus, quàm secunda intentio generis, nempe denominativè tantum non essentialiter. Quare non sequitur idem poni in sua definitione.

Tertiò quæri potest. An genus ut genus solum de speciebus prædicetur? Quidam enim censent non minus prædicari de speciebus, quàm de Individuis. Primò. Quia hæc prædicatio, Hic homo est animal, & hoc animal est animal, non est speciei aut villius alterius prædicabilis: ergo est generis. Secundò: Quia in definitione generis dicitur, quòd genus prædicetur de differentibus specie: at etiam individua possunt differre specie; ut hic homo, & hic equus. Ergo etiam de Individuis prædicatur. Tertiò. Prædicari sequitur ad inesse: at Genus non minùs inest speciebus quàm Individuis; non minùs enim verum est, Petrum esse animal, quàm hominem esse animal. Ergo non minus prædicatur de speciebus, quàm de individuis.

Alii tamen, & verius censent Genus ut Genus prædicari de specie solum, & proprium correlativum generis esse speciem. Primò: Quia genus solum respectu specierum dicitur genus, non respectu individuorum: si enim sub animali non considerentur species, sed tantum Individua, verè animal non diceretur genus illorum Individuorum, sed species; quia de illis prædicaretur, tanquam solo numero differentibus, quod est proprium speciei. Secundò, Quia si per ordinem ad individua genus diceretur genus, sequeretur omnem speciem esse formaliter genus. Nam si ordo ad individua, seu prædicatio de solo numero differentibus est formaliter generica, sequitur speciem esse formaliter genus, quia formaliter constituunt per ordinem ad Individua, qui ordo formaliter est genericus. Tertiò, Quia genus ut genus est universale quoddam; at alia universalitas est respectu specie differentium; alia respectu eorum, quæ solo numero differunt: Ergo vel genus erit duplex universale, vel hæc secunda universalitas non spectabit ad genus, sed ad speciem.

Responderi potest, quòd licet tam Genus quàm species prædicetur de solo numero differentibus, tamen non eodem modo. Nam genus prædicatur per modum generis, & modo sibi convenienti, species autem per modum speciei convenienti; species enim prædicatur de Individuis, ut tota natura ipsorum, Genus autem ut pars naturæ. Sed contra; hic modus partis vel totius non traditur in definitione Generis & Speciei; sed solum modus prædicationis in quid de pluribus vel specie, vel numero differentibus. Deinde licet res quæ prædicatur sit diversa; tamen modus & forma prædicationis, quæ constituit genus in ratione formali generis, non est diversa: Res enim ad prædicationem habet se tantum materialiter, formaliter verò in ratione prædicabilis constituitur per modum prædicandi talem vel talem in quid vel quale. Quare sicut diversitas subiecti non variat formam; eadem enim albedo potest esse in diversis subiectis: ita & hic ex diversitate rei quæ prædicatur, non variatur forma prædicationis: quare non erit alia formaliter prædicatio de pluribus numero differentibus in Quid, tam cum pars naturæ prædicatur, quàm cum tota natura prædicatur.

Dices.

*Propria prædicatio Generis est de speciebus.*

- I.
- 2.
- 3.



Dices. Cuius ergo erit ista prædicatio, cum Genus prædicatur de Individuis. Respondeo. Prædicationem de Individuis quatenus solo numero differunt esse prædicationem propriam speciei, ut patet ex definitione speciei: quare si genus prædicatur hoc modo de Individuis, prædicabitur ad modum speciei, & ut species. Et ita communiter Recentiores sentiunt.

*Prædicatio de Individuis propria speciei.*

At inquit. Animal respectu huius & illius animalis non est species; quia animal, ut animal, in nulla specie animalis est. Respondeo. Species potest considerari dupliciter, vel quoad naturam, vel quoad prædicabilitatem. Animal igitur priori modo non est species; quia non est natura constans genere & differentia specifica; posteriori verè modo, hoc est quoad prædicationem, est species, quia prædicatur per modum speciei. Ex his patet Responsio ad primum argumentum prioris sententiae.

Ad secundum verò. Prædicationem de Individuis quatenus specie differunt esse prædicationem propriam Generis non speciei: quod patet primò; Quia species non prædicatur, nisi de solo numero differentibus; ut patet ex definitione speciei. Quod si individua sunt differentia specie, tunc prædicari de talibus individuis non spectat ad unam aliquam speciem, sed ad diversas. Secundò. In Individuis specie differentibus invenitur ratio formalis propria, sub qua genus prædicatur; Genus enim prædicatur de suis inferioribus quatenus specie differunt. At hæc ratio formalis invenitur in Individuis specie differentibus: Ergo de illis propriè & formaliter genus prædicatur ut genus: tunc enim sumuntur Individua, non ut Individua sunt sed ut specie differentia sunt; alioquin abstrahendo à diversitate specifica ipsorum, prædicatio generis de Individuis erit per modum speciei, ut dictum est.

*Prædicatio de Individuis specie differentibus, propria Generis.*

Ad tertium. Genus per modum generis inest Individuis ut differentibus specie: mediante verò specie, inest etiam differentibus numero, sed hoc illi per accidens convenit ratione speciei. quia enim inest speciei, & species inest individuis, idcirco & genus inest individuis, non ut genus præcisè, sed ut genus factum species:

Quarto quæritur potest, An genus prædicetur de speciebus per modum partis vel per modum totius? Genus est pars essentialis speciei; quia species componitur essentialiter ex genere & differentia, & est totum quoddam universale & potentiale respectu specierum: Nam & sua universalitate complectitur omnes species; quia omnibus inest & de omnibus prædicatur. Et præterea potentia est idem quod singularis species: Animal enim actu est animal; sed potentia est tam rationale quam irrationale. Quæritur ergo, utro modo genus prædicetur de speciebus, an per modum partis, vel per modum totius? Videtur enim neutro modo posse prædicari. Nam quod ad primum attinet, nulla pars in quid prædicatur de suo toto, non enim rectè dicitur homo est manus, vel pes, vel anima. Ergo nec genus per modum partis essentialis potest prædicari in quid de specie: pars enim si sumatur in abstracto, certum est eam non posse prædicari de toto, ut homo est manus: si verò sumatur in concreto, prædicatur quidem sed denominativè non in quid, ut homo est manu præditus, seu manusius.

Quod etiam attinet ad alteram partem, videtur ad prædicationem generis de specie nihil facere, quod genus sit totum quoddam universale vel potentiale respectu speciei: quia genus prædicatur ut est natura & essentia speciei: ad hoc autem parum facit, quod genus sit totum quoddam universale vel potentiale. Deinde mate-

ria habet se etiam vniuersaliter & potentialiter, ad omnes formas, & ad omnia composita naturalia, & tamen de illis non prædicatur in quid: Ergo ista ratio totius vniuersalis & potentialis nihil facit ad prædicationem in quid. Denique sicut pars non potest prædicari in quid de toto, ita neque totum potest prædicari in quid de parte. Ergo genus, nec ut est pars, nec ut est totum, potest prædicari de specie. Nam si dicitur prædicari ut totum, respiciet speciem ut partem: totum autem de parte prædicari non potest.

Pro solutione Notandum est. In prædicatione generis duo considerari; rem & modum. Res igitur prædicata, est natura generica; Modus verò est duplex, alter quo res illa significatur in concreto per modum totius per se subsistentis, alter quo significatur per modum potentialis vel vniuersalis. Animal, v. g. significat primo totum quoddam per se subsistens, secundò significat etiam per modum potentialis, quia animal licet actu & expresse non significet nisi animal, tamen potentia est id, quod homo & brutum. Ex primo igitur modo significandi habet genus quod in quid prædicetur: proprium enim est substantiæ in quid prædicari. Nam substantiæ eo quod per se subsistunt sunt Quid, accidentia verò quod non in se subsistunt, sed aliud afficiunt, prædicantur in quale, ut qualitates alterius. Quod ita verum est, ut etiam accidentia quando concipiuntur, per modum per se subsistentium, prædicentur in Quid, sicut & substantiæ, ut patet in abstractis accidentium, ut albedo est color. Quia verò Genus significatur etiam in concreto, concretum autem est totum quoddam; ideo prædicatur de specie, tanquam totum superius de toto inferius, non verò per modum partis.

Ex altero vero modo, qui est modus potentialis, habet genus simpliciter prædicari de specie. Quod ita explico. Ad prædicationem requiritur identitas prædicati & subiecti; non enim potest affirmari aliquid de aliquo, nisi sit cum eo idem aliquo modo, hoc est, siue formaliter; (quo modo definitio & definitum sunt idem) siue materialiter, (quo modo subiectum & accidens in concreto sunt idem) ut cum dico homo est albus: Homo enim & albus non sunt idem formaliter, alia enim est ratio formalis albi, alia hominis, sed sunt idem materialiter; quia illa res, quæ est homo, est etiam alba.

Porro materiale significatum potest significari dupliciter. Primò actu quodam confuso, secundò potentia tantum. Actu confuso Accidens significat subiectum: Nam album, verbi gratia, significat actu non solum albedinem, sed & rem illam cui convenit albedo. Quia ad utrumque significandum est impositum nomen albi, nempe ad significandum subiectum sub albedine; verum albedinem significat expresse & distinctè, subiectum verò inexpressè & confusè, actu tamen: quia subiectum in confuso pertinet ad actualem significationem albi, ut ut sine illo non possit concipi significatio albi. Potentia verò genus significat speciem; quia animal, verbi gratia, verè est id potentia, quod est species actu. Estque discrimen inter significationem albi, & significationem animalis: Nam album quia actu significat subiectum in confuso, ideo non potest prædicari de aliquo nisi prædicetur de illo subiectum in confuso; Nihil enim dicitur album, nisi quia est quiddam affectum albedine: quare si albedo existeret non afficiens aliquod subiectum, vel habens se per modum subiecti, verè non posset dici propriè album; sed albedo, quod signum est, in significato albi continet actu subiectum, licet actu confuso; Animal verò, quia actu nullo modo involvit speciem, ideo

*Genus ut Totum quoddam prædicatur in Quid.*

*Ut totum potentiale prædicatur de specie.*

*Genus continet species non actu sed potentia.*

ideo cum prædicatur, non prædicatur actu vlllo modo species, quasi in eo conteneatur; non enim cum dicimus hominem esse animal, dicimus hominem esse actu aliquam speciem animalis, sicut cum de aliquo dicimus quod sit album, dicimus de eo quod sit actu subiectum albedinis. Hinc igitur patet ad prædicationem requiri, vt prædicatum sit idem quod subiectum sive formaliter, sive materialiter; & materialiter, sive actu, sive potentia. Quare & genus vt prædicatur de specie debet esse idem cum ea: non est autem idem formaliter vt patet, neque materialiter actu, vt dictum est; debet ergo esse idem materialiter potentia; quia nimirum potentia est id quod species est actu. Ex quo patet quomodo genus dicatur totum potentiale, & vniuersale: Nam dicitur totum quia significatur in concreto. Concreta enim sunt tota quædam, significantur enim vt habentia naturam. Dicitur verò totum potentiale ad differentiam totius actualis: Nam totum actuale, nempe species dicit omnes suas partes actu, nempe genus & differentiam. Totum verò potentiale dicit quidem rationem genericam actu, at specificam dicit potentia tantum: Animal, verbi gratia, dicit habens animalitatem; habens autem animalitatem, est potentia rationale vel irrationale. Quatenus verò hoc totum potentiale, non est respectu vnius tantum speciei, sed respectu omnium: dicitur totum vniuersale.

Quod si quæras, an species sint partes huius totius potentialis & vniuersalis? Respondeo propriè loquendo esse tota particularia respectu totius vniuersalis, & tota actualia respectu totius potentialis; non verò sunt propriè partes, quia non sunt vt quid, sed vt quod. Cum adiecto tamen dicuntur partes potentialis; id est potentia contentæ; item partes subiectivæ, hoc est, partialia subiecta, prædicationis generis: non enim vna species est totale, & adæquatum subiectum prædicationis generis, sed inadæquatum & partiale.

Dicendum igitur est, genus prædicari de specie: nam licet pars in abstracto non possit prædicari de toto: potest tamen in concreto. Potest autem sumi in concreto, vel denominativè, & accidentaliter vt manuum, vel capitum, & sic prædicabitur de toto denominativè, hoc est, in quile, non in quid: vel substantialiter per modum substantiæ per se subsistentis, & hoc modo potest prædicari in quid: nam hoc modo etiam accidentia concepta, & tanquam per se subsistentia prædicantur in quid, vt albedo est color, & hoc modo genus in concreto concipitur, vnde potest prædicari in quid de specie. Dicitur autem totum potentiale & vniuersale respectu specierum: quia suam potentiam & vniuersalitatem, non explet in vna specie, sed eam extendit ad omnes species.

Dices, Omne totum debet habere partes in se: species autem non sunt in genere tanquam partes ipsius: non ergo potest dici genus totum respectu specierum. Respondeo, partes potenciales, esse in toto non actu, sed potentia: Licet ergo genus non constituitur ex speciebus actu contentis; Constituitur tamen ex speciebus potentiâ, quia est potentia ad omnes species: & quamvis species sint in se tota quædam particularia: tamen respectu generis habent se veluti partes vniuersalitatis eius subiectivæ, cum genus latius pateat quam species.

Quod si obiicias, Ergo cum prædicatur animal de homine, prædicabuntur omnes species in potentia, quæ prædicatio esset falsa: non enim homo est brutum in potentia. Respondeo, Animal prædicari de homine, vt est potentia homo, de brutum vt est potentia brutum, & de singulis speciebus, vt est potentia ad illas.

Non

*An species  
sint partes generis?*

Non igitur prædicantur omnes species in potentia de homine, sicut & nomen multa significans, sive Æquivocum, sive Analogum, cum de singulis prædicatur, non prædicatur cum omnibus suis significatis de singulis, sed solum secundum convenientes ipsi rationes, ut cum dico substantia est Ens, Accidens est Ens, Ens significat quidem multa, cum tamen determinatur ad substantiam, significat solum Ens substantiale, cum ad Accidens, Ens accidentale.

At inquires. Saltem in hac propositione, Homo est Animal, sensus erit, Homo est homo potentia, quia animal significat hominem in potentia. Respondetur, si Animal significaret Hominem in potentia, formaliter & expressè, & quasi in actu signato, sequeretur talis prædicatio; at non significat hoc modo, sed tantum in actu exercito; quia significat animal, quod verè est in potentia homo. Istud verò esse in potentia hominem, non est quid distinctum ab animali, sed est esse animal, quod est potentia homo. Quare ad summum potest concedi, quod de homine prædicatur materialiter Homo in potentia; quia prædicatur animal quod est potentia homo.

Quare ad primam rationem dubitandi Respondeo. Naturam quidem prædicari, sed id quod prædicatur debere esse idem cum subiecto, ad quod requiritur, ut genus saltem potentia sit idem quod species; quod est esse totum potentiale. Nam ut sit totum univèrsale non requiritur ad prædicationem simpliciter, sed tantum ad prædicationem univèrsalem de omnibus speciebus: si enim genus esset in una sola specie, non esset totum univèrsale, & tamen prædicaretur de illa in Quid.

Ad secundum. Esse discrimen inter materiam, & genus. Nam materia est in potentia, ut pars & per modum partis significatur (est enim materia nomen partis) at genus est in potentia ut totum, & per modum totius; significatur enim in concreto, & est totum id potentia, quod species est actu. Vnde fit, ut genus prædicetur, ut totum de specie, materia verò non possit prædicari, quia est pars, & per modum partis significatur.

Ad tertium Respondeo. Genus prædicari de specie ut totum potentiale, de toto actuali, & ut totum univèrsale, de toto particulari: Quare cum species ita sint partes Géneris, ut simul sint etiam tota quædam potest de illis prædicari Genus.

## QVÆSTIO II.

### De Specie.

**S**pecies cum sit medium quid inter genus & Individua, duplicem habet respectum, alterum ad Genus cui subicitur, alterum ad individua, de quibus prædicatur. Hinc ergo est, quod dupliciter à Porphyrio definiatur secundum duplicem dictum respectum. Nam respectu generis definitur esse id quod subicitur generi, seu de quo genus in Quid prædicatur; subicitur enim generi species, tam in essendo, quam in prædicando. Nam genus & inest speciei, & prædicatur de specie: suntque duæ istæ subicibilitates distinctæ. Quare species, ut subicitur generi in essendo definitur à Porphyrio, esse id quod subicitur generi, ut verò subicitur in prædicando, definitur, esse id de quo genus prædicatur in Quid.

Quod

Quod si dicas. Etiam individua subijci generi, tam in essendo quàm in prædicando. Responderi solet, speciem subijci generi immediatè, individua mediatè. Sed contra: Nam id verum esse videtur de individuis specificis, non verò de genericis. Nam hic homo subijcitur animali mediante homine, at hoc animal immediatè subijcitur generi: Nam hoc animal præcisè in ratione animalis acceptum nullo alio mediante est animal, ita ut etiamsi non intelligatur animal determinatum ad hominem, aut quancunque aliam speciem, intelligeretur hoc animal esse animal: quare illa mediatio speciei per accidens se habere videtur ad istam rem.

Respondeo igitur. Individua specifica subijci generi, mediante specie: Individua verò generica subijci immediatè generi, sed tunc genus habet se respectu illorum, non per modum generis, sed per modum speciei, ut præcedenti quæstione explicatum est. Hæc de specie in ordine ad genus.

Porro. In ordine ad individua, definitur species, esse id quod prædicatur de pluribus solo numero differentibus in Quid, quæ definitio ex quæstione præcedenti explicata manet. Difficultas autem est primo. An uterque hic respectus, tam ad genus quàm ad individua, sit essentialis speciei? si enim id concedatur, sequitur speciem duplicem habere essentiam, secundum duplicem respectum sibi essentialem; cum tamen una res, unam habeat essentiam, & species una & eadem est quæ subijcitur generi, & prædicatur de individuis.

Dicendum tamen est utrumque respectum esse essentialem speciei secundo intentionaliter acceptæ. (nam ut sumitur pro natura, neuter respectus est illi essentialis) Probatum primò: Quia species est quid medium inter genus & individua; medium autem utrumque extremum æquè respicit. Secundo; species aliquando dicitur species propter solum respectum ad genus, aliquando propter solum respectum ad individua: Ergo in alterutro respectu salvatur essentia speciei. Dantur enim aliquæ species quæ solum sunt prædicabiles, & non subijcibiles, verbi gratia, rationalitas prædicatur de hac & illa rationalitate, nulli tamen generi subest, cum sit quid simplex non compositum ex genere & differentia. Similiter cum prædicatur summum genus de suo individuo generico, verbi gratia, hæc quantitas est quantitas, prædicatur per modum speciei; neque tamen ulli generi subijcitur; cum ipsa sit summum genus, ut suppono. Dantur etiam aliquæ species, quæ per solum respectum ad genus sunt species, non autem per prædicationem, ut sunt species subalternæ, quæ respectu superiorum sunt veræ species, respectu autem inferiorum sunt genera. Animal, verbi gratia, respectu viventis est species, respectu verò hominis & bruti est genus, idem dici potest de illis speciebus, quæ non possunt habere plura individua nisi unum, ut est species solis, Phœnicis, aut species Angeli, quæ secundum D. Thomam in uno tantum individuo existit. Et quamvis hæc opinio D. Thomæ aliis non probetur, tamen ut minimum hoc ostendit; quod si aliqua natura non posset esse nisi in uno individuo, esset verè species ex genere & differentia constans, non tamen esset species per prædicationem de pluribus numero differentibus; nisi fortè quis dicere vellet, etiam illam prædicationem de uno individuo esse speciei, quia eadem planè ratione de illo uno individuo prædicaretur, sicut prædicaretur si plura haberet individua, quod etiamsi dici posset, non tamen hic loquimur de specie, ut prædicatur universaliter.

Sed obijcies. Hinc sequi speciem esse quid æquivocum respectu speciei prædicabilis & subijcibilis. Respondeo, secundam intentionem speciei esse æquivocam respectu

*Respectum  
speciei tam  
ad genus quàm  
ad individua  
esse essentialem.*

specū harum duarum intentionum, licet natura realis speciei sit univoca respectu individuum.

Ad rationem dubitandi. Respondeo, Speciem secundum diversos respectus dicere duas distinctas secundas intentiones, & ex consequenti duplicem essentiam, sub eodem speciei nomine; quia utraque secunda intentio convenit naturæ specificæ ab individuis abstractæ. Cum verò dicitur, unam rem, unam habere essentiam, id verum est de una re; at speciei secunda intentio est duplex; ergo duplex & essentia. Ex quibus patet speciem prædicabilem & subijcibilem esse unum tantum materialiter, nimirum in una natura specifica fundata, formaliter verò esse duplicem, propter duplicem respectum, ad genus & individua.

*Ordo ad Genus magis essentialis speciei.*

Secunda difficultas. An ordo ad genus sit magis essentialis speciei, quam ordo ad Individua? Respondeo affirmative. Patet id, vel ex eo ipso nomine speciei; species enim generis est species, non individui: reddit enim genus pulchrum & speciosum addita differentia; ipsa etiam in sua natura specifica constituitur contrahendo ad se genus per differentiam. Quare prior & potior est ejus respectus ad genus, quam ad individua. Quod si dicas: Essentiam non recipere magis & minus; non enim dicimus unum hominem magis hominem, quam alium, nec unum calorem magis calorem: Ergo neque species subijcibilis magis est species, quam prædicabilis. Respondeo. Essentiam non recipere in se magis & minus, si tamen referatur ad aliquod nomen, potest sub illo nomine significari magis una essentia quam alia: sic hoc loco dicimus nomine speciei magis significari subijcibilem quam prædicabilem.

Tertia difficultas. An species ut refertur ad genus secundum rationem subijcibilis, sit universalis? Ratio dubitandi est; quia species, ut refertur ad genus, non est quid singulare; ergo est universalis. Ex altera verò parte, de ratione universalis est respicere multa: species autem ut respicit genus non respicit multa, sed unum: Ergo respectu generis non est universalis.

Dicendum est. Speciem ex eo quod subijcibilis est, seu ex eo quod respicit genus non esse universalem. Ratio est: quia respectus ad genus, est respectus ad unum, non ad multa; universale autem respicit multa.

Dices. Etsi ex hoc quod species subijcitur generi, non sit universalis formaliter, est tamen universalis causaliter; quia illa subiecto est causa ut species sit universalis. Respondeo. Nec id quidem concedendum est, quia causa universalitatis, proprie est abstractio naturæ à singularibus; cum non repugnantia ad multa. Quare non ex respectu ad genus, sed ex abstractione oritur in natura universalitas. Nam etsi natura abstracta nullum haberet genus (ut cum summa genera prædicantur de suis individuis genericis) adhuc ex sola abstractione oriretur perfecta species universalitas. Nihil igitur facit ad universalitatem relatio speciei ad genus. Simili ratione si species respicere genus, & non posset esse nisi in uno individuo, non esset universalis per ordinem ad genus.

Dices. Saltem necesse est speciem quæ subijcitur generi esse universalem, ex quocunque capite procedat universalitas; repugnat enim speciei esse singulare; quod enim singulare est, individuum est, non species.

Respondeo: ne id quidem necesse est: Nam si species sit in uno tantum individuo, talis species neque erit universalis, quia non erit apta esse in multis, neque singularis, quia est abstracta à singularitate: habebit ergo se medio modo inter universale,

sale, & singulare, eritque natura abstracta, neque singularis neque universalis. Ex quo patet ad rationem dubitandi. Quanquam si sumatur species in actu signato, non est negandum, speciem etiam quâ subijcibilis est, posse esse universalem: Species enim quâ subijcibilis, si referatur ad particulares species ut subijcibiles sunt, verbi gratia, respectu speciei humanæ, bovinæ, &c. sic est universalis, secundum illud esse subijcibile. Subijcibile enim in communi est universale respectu hujus & illius subijcibilis, si verò consideretur respectu generis, sic semper se habet particulariter ad genus, non universaliter; nam vni subijci, non est multis subijci.

Quarta difficultas, An genus possit conservari in una specie, & species in uno individuo? Tria in Genere, & specie considerari possunt. Primò perfectio essentialis ipsorum: Secundò, perfectio quam accipit genus à speciebus, species ab individuis. Tertiò. Universalitas quam genus habet per ordinem ad species; species per ordinem ad individua. Secundum has omnes considerationes queritur, an genus possit conservari in una specie, species in uno individuo?

Dico primò. Quoad essentiam tam genus in una specie, quàm species in uno individuo conservari potest, quia integra essentia generis est in una specie, & speciei in uno individuo.

Dico secundò. Si de perfectione quam genus accipit à speciebus, loquamur, non potest genus conservari in una specie; species autem potest, quoad hoc conservari in uno individuo. Ratio primi est; quia genus à diversis speciebus acquirit diversam perfectionem essentialem, propter diversas differentias esenciales, per quas contrahitur: Ergo non tantam habet perfectionem specificam in una specie, quantum in multis, atque ita non conservatur, quoad omnem perfectionem specificam in una specie.

Ratio secundi est: quia species cum sit essentialiter completa & perfecta, non acquirit perfectionem essentialem, majorem ab individuis, sed tantum habet esse hanc numero: Ergo totam perfectionem suam essentialem quam habet in multis individuis; habet & in uno, esse enim hoc vel illud numero, non facit ad perfectionem majorem.

De perfectione verò accidentali, quæ in proprietatibus accidentariis consistit, distinguendum est: Nam ea potest esse duplex; altera specifica, quæ necessario consequitur naturam speciei, ut sunt potentia animæ; altera individualis, quæ per accidens in hoc vel illo individuo, convenit speciei; ut sunt habitus scientiarum & virtutum. Priorem igitur perfectionem accidentalem totam habet species in uno individuo: quia ea necessario fluit ab essentia speciei: at posteriorem potest non habere totam in uno individuo, verbi gratia, natura humana non habet omnes artes & scientias in uno individuo, omnes enim omnia sciunt, nullus verò omnia.

At dices, una ex perfectionibus speciei debitis est generare sibi simile, hæc autem perfectio, non potest in animalibus haberi in uno individuo, cum distinctio sexus ad generationem requiratur: Ergo species non quoad omnem suam perfectionem specificam potest conservari in uno individuo. Respondeo. Perfectionem generativam quæ debetur animali, consistere totam in potentia generativa, quæ est animali intrinseca, non in actu generandi, qui est animali extrinsecus. Quamvis ergo ad actum generandi requiratur sexus distinctio, tamen ad perfectionem potentia generativæ non requiritur; siquidem tota perfectio generativa in actu primo est æque in uno ac in altero sexu, de quo Galenus 14. de usu partium.



Dico igitur totam perfectionem generativam in actu primo posse conservari in uno individuo, licet ad actum secundum plura individua requirantur. Et quia species non est in se perfectior, quando prodit in actum secundum sibi extrinsecum, quam cum non prodit, ideo nulla perfectio intrinseca speciei deest in uno individuo existenti, etiamsi in illo individuo non possit prodire in actum secundum; quia hæc impotentia, non est ex defectu potentæ requisitæ in natura, sed ex defectu requisitorum ex parte operis & mediorum, sicut non ideo est imperfectus artifex; quia ob defectum instrumentorum non potest efficere opus, sed solum si ob defectum artis non possit.

Dico tertio. Quoad universalitatem tam genus in una specie, quam species in uno individuo conservari potest, dummodo aliæ species & alia individua sine possibilia. Ratio est; quia natura abstracta à singularibus, habens non repugnantiam ad multa, est verè universalis, sive actu existat in multis, sive non: sufficit enim ad universalitatem aptitudo ad existendum in multis, ut supra probatum est. Ex quo patet naturam esse universalem, etiamsi in nullo actu existat, & conservare totam rationem generis & speciei quoad universalitatem, etiamsi in nullo actu existat.

### QVÆSTIO III.

#### *De Individuo & quod sit principium individuationis?*

**I**n primis explicandum est cur Individuum sic dicatur: Individuum igitur ab indivisione dicitur Individuum, quasi indivisibile in multa. Omnis enim divisio terminatur ad multa, ex unoque diviso fiunt multa. Dicitur ergo Individuum, quia est indivisibile in multa: in quo differt à genere & specie; nam genus dividitur in species, animal enim dividitur in multa animalia specie distincta: species item dividitur in multa individua, ut homo in multos homines singulares; individuum autem non est amplius divisibile in multa; quia hic homo, verbi gratia, non potest dividi in multos homines; quia hic homo est unus solus & distinctus ab omnibus aliis hominibus. Porro non repugnat individuo esse in multis, sive per identitatem, sive per unionem: sed solum repugnat dividi in multa, & multiplicari: sic natura divina individua est in tribus personis per identitatem, sed citra divisionem & multiplicationem: Nam non alius Deus est Pater, alius Filius, alius Spiritus sanctus, sed tres sunt unus Deus, & natura divina in tribus: similiter si eadem numero natura humana esset in multis per unionem hypostaticam sicut de facto est in Christo, verè esset individua, & illæ multæ personæ essent unus homo numero, non multi homines: quia existentia illa in multis esset sine divisione naturæ & multiplicatione, divisio enim est multiplicatio. Quocirca illa solum multitudo repugnat individuo quæ tollit ejus indivisionem, & facit esse divisum & multiplex, atque adeo non unum individuum sed multa; qualis divisio cum sit impossibilis, ideoque individuum dicitur individuum, hoc est indivisibile, quod non sit possibile illud dividi in multa Entia.

*Individuum  
an sit in mul-  
tu?*

Dices.

Dices. Ergo cum aqua dividitur in plures aquas, non maneret eadem numero aqua quæ prius. Respondeo. Non manere quoad rationem unius totius: nam ante erat aqua unum totum constans omnibus illis aquis tanquam partibus; post divisionem verò non est illud totum sed aliud.

Secundo explicandum est. Quid sit illud a quo formaliter dicitur res Individua & singularis? Porphyrius in cap. de specie definit Individuum quod ex talibus proprietatibus constat; quarum collectio nunquam in alio erit, ita ut tametsi singulæ proprietates seorsim possint aliis convenire, tamen simul & collectivè sumptæ uni tantum individuo competunt: nunquam enim unum individuum habet omnes easdem proprietates, quas habet alterum.

Verum hæc opinio Porphyrii refellitur. Nam collectio proprietatum est tantum signum, non verò ratio formalis individui. Primò. Quia individuum est quid substantiale formaliter: cum enim dicimus Petrum non esse Paulum; hoc non esse illud, dicimus unam rem substantialiter non esse alteram: atqui proprietates sed accidentia, non sunt quid substantiale; Ergo non constituunt rationem formalem individui. Secundò sublati omnibus accidentibus, & sola substantia remanente erit adhuc illa substantia individua & una numero. Terriò, si cogitemus potiùs Deo omnia accidentia unius individui, in altero individuo, remanebit utrumque distinctum numero individuum sicut & ante: Nam neque illud quod est spoliatum suis omnibus accidentibus, desinet esse individuum; neque illud in quod sunt translatæ alterius individui accidentia, erit aliud individuum. Quocirca Porphyrii illa definitio est solum à posteriori ex signo indicante individuum, non verò quod constituit rationem formalem individui.

Alii dicunt. Individuum, dici individuum formaliter à differentia individuali, contrahente essentiam ad rationem singularem. Sicut enim differentia specifica contrahit genus ad speciem, ita differentia individualis contrahit speciem ad individuum: & sicut differentia specifica dat esse tale specie: ita differentia individualis dat esse hoc numero: Deinde Individuum à specie differt, in aliquo substantiali. Nam Petrus plus in substantia dicit quàm homo; ergo dicit novum gradum substantialem præter speciem. Hæc sententia est Scoti, quem multi ex Thomistis sequuntur. Verùm Scotus hanc differentiam vult ex natura rei distingui ab essentia, alii verò dicunt sola ratione distingui.

Sed in hac sententia, duo displicent. Primum est quod differentia individualis statimur distincta ab essentia ex natura rei, nam distinctio in re non potest esse nisi inter duo in re existentia, quorum unum non est aliud, ac ex consequenti inter duo singularia; quæ enim à parte rei ita se habent, ut unum non sit aliud, illa sunt singularia; cum singularitatis proprius sit effectus, rem facere hanc, & non aliam. Si igitur essentia distinguitur ex natura rei à singularitate, erit illa essentia singularis ante singularitatem, & quatenus distinguitur à singularitate: & sic illa singularitas distincta ab illa essentia, non faciet illam singularem, sed supponet singularem ut à se distinctam.

Secundum est quod singularitas statuitur peculiaris quidam naturæ gradus ab aliis, sive re sive ratione distinctus. Hoc enim dici non potest: nam omnis naturæ gradus constituit essentiam in ratione essentiali tanquam pars quædam essentialis: & ex consequenti distinguit naturam essentialiter ab aliis. At ratio individualis, neque constituit naturam in ratione essentiali naturæ, neque facit illam distin-

*Principium individuationis quod?*

*Non collectio proprietatum.*

*An differentia individualis?*

*Differentia individualis non est distincta ex natura rei ab essentia.*

*Non est peculiaris naturæ gradus.*

*Individua non  
differunt es-  
sentialiter.*

gui essentialiter ab aliis naturis individuis, ergo non potest dici naturæ gradus. Quod enim est naturæ gradus, nisi pars quædam Metaphysica naturæ? Ex pluribus enim gradibus, tanquam ex partibus constituitur natura Metaphysicæ. Cum igitur individua habeant totam essentiam ejusdem rationis, non possunt dici constitui & differre per aliquem naturæ gradum; porro individua non differre essentialiter, & communis sententia omnium Peripateticorum cum Aristotele docentium individua solo numero differre; solo autem numero differre, non est essentialiter differre, sed numero tantum essentia, Vnde speciem definiunt, quæ prædicatur in quod, de solo numero differentibus.

Et ratio est; quia nos colligimus aliqua differre essentialiter, ex distinctis essentialiter operationibus, aut proprietatibus: distincti enim naturæ gradus, ferunt secundum distinctas specie operationes, & proprietates. Atqui videmus individua esse similis prorsus perfectionis essentialis, & ejusdem essentia operationes ac proprietates habere, ut patet in duabus albedinibus vel duobus coloribus; patet etiam in duabus hirundinibus. Omnes enim hirundines eandem naturaliter artem habent, niduli fabricandi: similiter omnes araneæ eandem rationem texendi telam; omnes Philomelæ, eundem modum cantandi. Quod si aliquando est aliqua diversitas in individuis, ea non provenit ex ratione individuali, sed aliunde & ex accidenti. Nempe ratione alicujus dispositionis materialis, quæ est accidentaliter illi individuo. Manente enim eodem individuo, potest mutari illa dispositio materialis, & accedere, vel recedere: corpore enim existente melius disposito, fiunt meliores operationes sensuum & mentis, Vnde rectè ait Aristoteles. Si oculus senis poneretur in oculo juvenis, senem æquè bene visurum sicut Juvenem.

Idem quoque Arist. 3. met. t. 1. docet, Inter species posse dari prius & postius, melius & deterius, propter diversitatem differentiarum essentialium: At in individuis unum nec est prius nec melius alio, quia nimirum nullam habent diversitatem essentialem. Quod si individua constituerentur per diversos naturæ gradus: proculdubio differrent essentialiter. Differentia enim in gradibus naturæ est essentialis. Ad hæc nemo dixerit existentiam, aut subsistentiam esse naturæ gradum: quia hæc non constituunt essentiam in ratione essentiali. Ergo nec differentia individualis eadem ex causa potest dici naturæ gradus. Denique idem convincitur ex convenientia essentiali individuorum & differentia eorum. Individuorum enim differentia non potest esse essentialis, quia in tota essentia conveniunt individua, ita ut nihil essentia sit in uno, quod non sit simile in altero: erit ergo distincta à differentia essentiali, & solum erit numerica, faciens differre secundum numerum. Cum enim plura individua non sint unum numero, debent habere differentias, quæ faciant illa numero differre. Cum verò id in quo res conveniunt, non sit idem formaliter cum eo, in quo differunt: differentia quoque numerica erit formaliter secundum rationem distincta, ab omni differentia essentiali tam generica, quam specifica. Vnde etiam patet hanc differentiam non esse naturæ gradum, quia in natura, & in omni naturæ seu essentia gradu conveniunt individua, non conveniunt autem in esse numerico; quia alius numero homo est Petrus, alius Paulus. At hæc essentia sub ratione essentia concepta, non magis est hujus quam illius individui. Ergo ut sit hujus individui debet determinari per differentiam ab essentia distinctam, quæ ipsam non in ratione essentiali, sed in numerica constituat.

Alii dicunt. Differentiam numericam, esse ipsam existentiam; cum quia extra existentiam nihil aliud est complens rationem Entis nisi existentia; tunc quia existentia ex se facit id, quod facit differentia individualis. Nam existentia ex se est quid determinatum ad hic, & nunc; quare facit existentiam cui advenit determinatè hanc, & quia non potest dari existentia nisi singularis; ideo naturam cui identificatur, facit esse hanc, & singularem.

*Existentiam esse differentiam individua-  
lem quidam opinan-  
tur.*

Quod si obijcies primo. Individua non solum existentia, sed etiam essentia differre; non enim solum existentia unius individui, non est existentia alterius individui, sed etiam essentia unius, non est essentia alterius. Ergo differentia individualis non est existentia sola; sed vel utrumque simul, vel quid commune utrique. Respondent differe quidem existentiam unius individui ab essentia alterius; sed ratione existentie formaliter, & propter identitatem realem cum existentia abstractendo verò ab existentia: nullo modo hæc essentia differunt, quia in ratione pure essentia conveniunt non differunt: Pura enim essentia nihil in se continet, nisi essentialia. At in essentialibus conveniunt cum sint ejusdem speciei; Ergo in ratione essentia non differunt. Non potest igitur in ratione pure essentia una negari de altera. Quod si materia licet sit res diversa à quantitate, quia tamen subicitur quantitati, dividitur substantialiter ad divisionem quantitatis: Multo magis essentia quæ est idem realiter cum existentia dividitur ad divisionem existentie, ut sit alia & alia numero essentia, per aliam & aliam existentiam. Quod enim identificatur diversis necesse est fieri in se diversum, juxta modum diversitatis eorum quibus identificatur.

Obijcies secundo, essentia seipsa nullo alio addito est una numero, quia est in ratione essentia indivisa in se, & divisa ab omni alio. Ergo seipsa non per aliquam differentiam individualem superadditam est singularis: quia seipsa fundat indivisionem, & unitatem numericam: id verò quod fundat unitatem numericam est singulare. Respondeo, essentiam sub ratione essentia non esse singularem, quia sub ratione essentia præcisè non magis est hæc, quam illa vel illa; nec magis hujus quam alterius individui: Medianre tamen existentia, quam habet in intellectu, cum consideratur sic abstracta, est singularis in illo esse abstracto. Verum hæc singularitas, cum sit intentionalis, nil obest universalitati reali, nec impedit quo minus natura sit abstracta ab omni singularitate reali.

Obijcies tertio. Existentiam posse concipi & in communi, & in particulari: Ergo ipsa existentia eget alia differentia individuali. Respondeo. Etiam singularitatem posse considerari tam in communi quam in particulari. Neque tamen idcirco singularitas eget alia singularitate, sed ipsa secundum se essentialiter est singularis, quia est ipsa essentia singularitatis; Alia verò ab ipsa denominativè dicuntur singularia, sicut ab albedine, alba; eo tamen discrimine, quod subiectum non identificatur albedini, essentia verò identificatur singularitati. Pari ergo ratione existentia potest concipi in communi & in particulari, non quod alia sit existentia communis, alia particularis, sed quod eadem existentia potest & determinatè & indeterminatè concipi, expressè & confusè. Nam in particulari concipitur determinatè & expressè; in communi verò indeterminatè & confusè: Quare existentia non eget alia singularitate, quia seipsa essentialiter est singularis: essentia vero propter identitatem cum ipsa, dicitur singularis.

Verum huic sententia obstat. Primo, quia sicut essentia, ita existentia rerum, differentia conveniunt inter se in rationibus genericis vel specificis, differunt in rationibus individualibus. *Differentia individualis non est exi-  
stentia.*

individualibus. Certum enim est existentias hominum inter se magis convenire quàm existentias hominum & equorum, siquidem existentia est actus proportionatus essentia, & sicut essentia conveniunt inter se specificè, ita & existentia. Unde necessàriò dandæ sunt aliquæ differentiæ individuales existentiarum, per quas numericè differant.

Secundò, In quantitate antedivisionem, est una specie, & numero existentia, quâ tota illa quantitas existit, per divisionem verò onuntur diversæ numero existentia, idque per solam novorum terminorum existentia acquisitionem. Nam ut si illæ partes iterum uniantur fiat una numero existentia. Cum ergo numero differant hæc existentia non per ipsius existentia, sed solum terminorum existentia productionem: facile apparet, non existentiam ipsam, sed terminos existentia esse differentiam individualem, & numericam.

Tertiò, Quia essentia abstracta ab existentia potest intelligi hæc numero in ratione essentia. Essentia enim etiam non existens, est hæc numero, & quatenus hæc numero, est indiscernens ad existendum, & non existendum. Et quamvis ab existentia habeat hoc esse numericum existens, tamen in ratione essentia non est hæc numero per existentiam.

Dices in re non est nisi essentia & existentia, cum ergo differentia numerica non sit essentialis, non potest esse aliud quam existentia. Respondeo, essentiam non solum habere sua prædicata essentialia, sed etiam suos modos & terminos essentialia, quorum unus est differentia individualis.

Dicendum igitur est. Differentiam numericam esse distinctam ratione tam ab existentia quàm ab essentia, esseque terminum utriusque, quo una essentia vel existentia dividitur & determinatur ab altera numericè. Patet id exemplo quantitatis quæ per solam divisionem acquirit duplex esse numericum, cum ante divisionem esset una numero, non acquirit autem aliud per divisionem nisi novos terminos suæ Entitatis, quocirca ratione novorum terminorum fit multiplex numero. Neque Aristoteles aliter explicuit distinctionem individualement rerum materialium, nisi per numerum qui ex divisione quantitatis oritur: & quamvis divisio quantitativa non sit formaliter divisio substantiarum individualis, tamen proportionaliter loquendo, sicut quantitas acquirendo per divisionem novos terminos, acquirit novum esse numericum, absque alia mutatione suæ essentia & existentia, ita & essentia quævis ex novis terminis suæ Entitatis, quibus dividitur, ab alia Entitate similis, acquirit novum esse numericum. Sed de his plura in Metaphysicis.

## QVÆSTIO IV.

*Quomodo individuum sit unum numero, & de uno solo prædicetur?*

*Unitas numerica est proprietas.*

QVod ad unitatem numericam attinet. Dico primo, esse unum numero, non est ratio formalis individui, sed proprietas consequens rationem formalem. Ratio est, quia unitas est proprietas consequens ad rationem Entis. Ergo & uni-

tas numerica individui est consequens ad rationem Entis individualis: unitas enim est indivisio Entis. Quocirca necessario fundatur in Ente, cuius sit indivisio, cum verò sit distincta unitas, in distincta quoque ratione Entis necesse est, ut fundetur.

Dico secundo. Vnitas numerica fundatur in divisione essentiae secundum numerum. Pro quo Notandum est numerum oriri ex divisione, quando enim unum dividitur in multa fit numerus, ut cum quantitas dividitur, sunt multae quantitates. Porro non possunt res concipi divisae, nisi habeant in se dividentia, & determinantia: impossibile enim est esse effectum formalem sine forma. Atqui esse divisum, est effectus quidam formalis. Ergo debet oriri ab aliqua forma dante hunc effectum formalem: quod etiam patet in quantitate divisa, partes enim per divisionem acquirunt terminos, per quos formaliter dividuntur, & quos ante non habebant in continuatione. Proportionaliter ergo loquendo, essentia dividi potest tam essentialiter quam numerice. Primo modo dividitur per differentias essentialis & specificas, posteriori verò per differentias numericas. Dicitur verò differentia numerica quia dividit essentiam non essentialiter sed secundum numerum tantum, & facit essentiam aliam numero. Sicut termini quantitatis dividentes quantitatem faciunt plures numero quantitates. Porro hæc differentia numerica cum faciat individua esse diversa substantialiter, erit substantialis: per illam enim unum individuum substantialiter non est aliud. Quia substantia unius, non est substantia alterius. Vnde hic numerus quo individua differunt, est substantiæ illis.

*Differentia numerica quid? Est substantialis.*

Ex quo solvitur illa obiectio, quod numerus sit accidens rerum: individua autem non accidentalibus, sed substantiæ suæ differunt; unum enim substantialiter non est aliud. Dicendum enim est, numerum qui fundatur in aliquo accidente, esse accidentalem rebus, nec pertinere ad constitutionem individualement rerum: accidentia enim non constituunt sed supponunt subiectum individuum jam constitutum in ratione individuali: non possunt enim existere nisi in re singulari. Talis est numerus quantitativus qui ratione quantitatis convenit rebus, sicut enim quantitas est accidens rerum, ita & numerus qui ex eius divisione oritur, numerus verò qui fundatur in ipsa substantia rei, non est accidentalis, sed substantialis: quia constat ex unitatibus substantialibus, quæ sunt idem cum substantia rei, solumque ei addunt indivisionem.

Obijcit secundo. Numerus secundum Aristotem 4. Physic. pendet ab anima; si enim non esset anima numerans, aut numerare potens, nullus esset numerus, nec numeratus, nec numerabilis. At unitas individui non pendet ab anima, quia convenit rei nullo cogitante intellectu. Ergo non est unitas numerica. Respondeo. Numerus potest sumi & materialiter pro rebus quæ numerantur, & formaliter, pro ipso esse numerabili vel numerato. Numerus igitur formaliter acceptus pendet ab anima, similiter & unitates ut numerantur, materialiter verò non pendet ab anima, & hoc sensu unitates individuales dicuntur numericæ, quia sunt tales quales in numero adhibentur, in numero autem non spectatur differentia essentialis unitatum, sed tantum ut una non sit altera.

Obijces tertio. Vnitas secundum numerum convenit non solum individuo, sed etiam generi & speciei: Ergo non rectè explicatur differentia individualis, per unitatem numericam. Antecedens patet: quia sicut numeramus individua, ita numeramus species & genera, dicimusque esse duas species & duo genera. Respon-

*Species &  
Genera in in-  
tellectu singu-  
laria.*

detur, etiam species & genera, quatenus existunt in intellectu abstracta, sunt singulæ, & individua quædam objectiva & intentionalia, & sic tanquam individua intentionalibus convenit illis esse plura numero, ut præcedenti disputatione dictum est.

Sed contra, sicut in rebus dantur individua generica & specifica, ita & in intellectu verbi gratia, naturæ humanæ à diversis intellectibus conceptæ, sunt duæ numero tantum, natura verò humana & bovina conceptæ, sunt duæ numero & specie.

Dicendum est igitur, esse unum numero, tantum convenit solis individuis, speciebus verò convenit esse unum numero, sed non tantum; quia sunt etiam unum specie.

*Individuum  
an de uno solo  
prædicetur?*

Quantum ad secundum. Videtur individuum non prædicari de uno solo, ut hic asserit in definitione individui Porphyrius. Primum; quia individuum in communi est individuum: at in communi prædicatur de omnibus individuis: quia omnia individua conveniunt in ratione communi individui. Ergo individuum de pluribus prædicatur. Secundo individuum vagum (ut quidam homo) dicitur de omnibus individuis, omnes enim homines particulares sunt quidam homines. Tertio. Ratio formalis & definitio individui competit omnibus individuis. Ergo & ipsum definitum.

Dico 1. Individuum in communi, & indeterminatè acceptum prædicatur de omnibus individuis, non quidem univocè sed analogicè; quod prædicetur, patet; quia dicit rationem formalem omnibus individuis competentem: omnia enim individua conveniunt in ratione formali individui: quo etiam modo individuum vagum prædicatur, quia dicit individuum in communi, ex se enim non magis dicit hoc, quàm illud individuum. Quod si objicias, cum dico quendam hominem esse occisum, vel pugnasse; unum certum hominem designo. Resp. Aliud est individuum ex se determinatè significare, aliud restringi in propositione ad suppositionem determinatam. Individuum igitur vagum ex se & ex modo suo significandi, non significat determinatum individuum, & ideo ex se dici potest de omnibus individuis: in propositione tamen restringi potest ad suppositionem determinatam, si tale prædicatum illi tribuatur, quod non nisi sub illa restrictione illi convenit.

*Individuum  
non est uni-  
vocum.*

Quod verò non prædicetur univocè sed analogicè. Probat, quia à differentiis quæ differentiæ sunt, non potest quid univocum abstrahi, ergo neque à differentiis individualibus poterit abstrahi univoca ratio individui, antecedens patet, tum inductione in omnibus differentiis genericis & specificis; tum ratione, quia differentia est id quo res differunt, non id in quo conveniunt. Nam si in aliquo convenirent, in aliquo differrent: jam illud in quo conveniunt non esset differentia, quia in illo non differrent: verbi gratia, non statuitur pro differentia hominis & equi, animal rationale: quia in animali conveniunt, in rationali differunt; solum igitur id statuitur pro differentia in quo res illæ non conveniunt. Vnde differentia non potest dividi in rationem genericam, univocam & specificam, sed debet esse simpliciter simplex, & indivisibilis in plura ratione distincta: & confirmatur: quia sicut à rationali & irrationali, quæ sunt specificæ differentiæ hominis & bruti, nihil univocum abstrahi potest, ita nec à differentiis individualibus. Nam illud, quod abstrahitur, vel pertinet ad differentiam individuaalem vel non, si pertinet, ergo faciet ut in eo individua differant. Non igitur in eo conveniunt; quod est contra suppositionem; si verò non pertinet, Ergo non constituit rationem formalem differentia.

Quod



Quod si dicas, per differentiam individualem genericè acceptam convenire individua; differre verò per eandem specificè acceptam. Contra: Hunc sequetur individua non totà differentia individuali differre, sed aliqua ejus parte, & sic non tota illa res erit differentia, sed una ejus pars: quia illa ratio generica, cum non faciat differre, non pertinebit ad rationem differentia. Vnde etiam sequitur non esse genus differentia: quia genus pertinet ad rationem formalem ejus cujus est genus, & constituit rem essentialiter; quod quia non convenit huic generi differentia, idcirco tale genus non datur nec potest abstrahi à differentia. Quanquam negandum non est, Individuum secundo intentionaliter acceptum prædicari univoce. Secunda enim intentio Individui, omnibus Individuis univoce competit, non enim magis uni quam alteri: & Definitio debet univoce omnibus Definitis competere. Quomodo etiam omnia Analoga & Æquivoca sunt univoce Analoga & Æquivoca.

Quod verò individuum in communi realiter acceptum prædicetur non æquivocè sed analogicè, patet, quia omnia individua habent inter se proportionem quandam & similitudinem in ratione individuali, propter quod potest ab illis abstrahi unus acceptus proportionalis & analogicus individui in communi.

Dico secundo, individuum in particulari & determinatè sumptum de uno solo prædicatur, quia unam rem numero significat, distinctam ab omnibus aliis, & hoc modo intelligenda est definitio individui à Porphyrio data.

Obijci verò potest, quod individuum nullo modo possit prædicari. Nam neque de alio à se distincto; quia nullum habet inferius; neque de se ipso; quia talis prædicatio est inepta; prædicatum enim debet distingui à subiecto; at idem non distinguitur à seipso; ergo neque prædicatur. Deinde quòd Porphyrius ait: Individuum de uno solo particulari prædicari; id etiam speciei unum individuum habenti competit, sol enim de uno tantum sole prædicatur. Respondeo ad primum. Possè individuum de seipso prædicari, quia idem potest duobus conceptibus concipi ab intellectu, & quatenus uno conceptu concipitur, potest de seipso alio conceptu conceptu prædicari, ad prædicationem enim sufficit distinctio conceptuum. Et quamvis idem non habeat in re, per quod possit à seipso distingui; habet tamen in intellectu, nempe duplicem sui conceptum; neque talis prædicatio vana est; Nam & hoc scire convenit, quomodo idem distincto conceptu conceptum, habeat se ad seipsum.

Ad secundum Respondeo. Etsi aliis quoque competat de uno prædicari; nam & differentia de una specie, & species de uno individuo (si plura non habeat) prædicatur; tamen prædicari, de uno solo eoque singulari, nullo nisi individuo competit. Nam & differentia prædicatur, tam de specie quam de individuo speciei, atque etiam de suis inferioribus. Species verò habens unum tantum individuum, potest prædicari de pluribus possibilibus. Quod si plura non sint possibilia; adhuc tamen non de uno solo particulari prædicatur sed de seipso, & de uno individuo: individuum autem non nisi de seipso prædicari potest. Deinde proprium individui est solum de uno numero prædicari.

## QVÆSTIO V.

*Quomodo se habent inter se Genus, Species,  
Individuum?*

POssunt hæc tria inter se conferri, 1. quoad illationem, 2. quoad identitatem & diversitatem, 3. quoad prædicationem.

Quantum ad primum Difficultas est: an unum ex alio necessario inferatur? Potest autem hæc illatio esse vel affirmativa vel negativa: potest etiam vel ex superiori inferius, vel ex inferiori superius inferri.

Dico primo. Ex genere non inferitur determinatè ulla species; sed tantum indeterminate hæc vel illa. Ratio est. Quia genus non est determinatum ad unam speciem, sed ad omnes ex æquo se habet: ergo non potest ex eo una determinate inferri. Vt si animal sit, non est necesse esse hominem; potest enim esse aliud aliquod animal; quia tamen genus non est extra species; nec universalia existunt extra singularia; idcirco si datur genus, necesse est dari aliquam speciem, in quo genus existat sed indeterminate, vel hanc vel illam. Idem dicendum est de specie respectu individui. Quamquam si species non habeat naturaliter nisi unum individuum, tunc ex specie inferitur determinatè illud individuum, ut ex sole, hic sol: nam hoc oritur ex peculiari ratione illius speciei.

Dico secundo. Negato genere negantur omnes species & individua illius generis: quia cum genus sit de essentia suorum inferiorum, inferiora nec esse nec intelligi sine genere possunt: quia sine suis essentialibus nihil aut esse aut intelligi potest. Quocirca à quo aufertur genus, auferuntur & omnes species illius generis: de quo negatur animal, negantur & omnes species animalis: de quo negatur Ens, negatur tam substantia, quam accidens. Idem dicendum est de specie respectu individuorum. Nam sicut species sine genere, ita individuum sine specie esse non potest.

Dico tertio. Ex inferiori inferitur necessario superius, ex individuo species, ex specie genus. Ratio est; quia superius est de essentia inferioris: ergo posito inferiori, necesse est poni superius, posito homine ponitur animal: & posito Petro ponitur homo; quare verum est dicere, homo est, ergo animal est, Petrus est; Ergo homo est.

Dico quarto. Negato inferiori non negatur superius, nisi omnia inferiora simul negentur. Ratio est, quia superiora sunt latius patentia inferioribus. Ergo sublato uno inferiori, potest remanere adhuc superius in aliis; sublata specie una, potest genus esse in alia specie, & sublato uno individuo, potest species esse in alio individuo. Quia tamen genera non existunt extra suas species, nec species extra individua, idcirco negatis omnibus speciebus, negatur genus, & negatis omnibus individuis, negatur species. Excipio tamen speciem, quæ naturaliter unum tantum habet individuum; illo enim uno negato, negatur tota species: quia extra illud individuum non existit, & illud unum est quodammodo vice omnium.

Quantum ad secundum. Dico primo. Ex diversitate superiorum sequitur diversitas

veritas inferiorum, non è contra, ita ut si sint diversa genera, sint etiam diversæ species, & si sint diversæ species, sint etiam diversa individua, non è contra. Ita Aristoteles in Antepredicamentis. Cum ait, diversorum generum, & non subalternarum positorum diversas esse species & differentias, verbi gratia, substantia & quantitas sunt diversa genera, & non subalternatè posita, quia neutrum est sub altero: species etiam substantiæ erunt diversæ à speciebus quantitatis. Si vero sint genera subalterna, unum superius, aliud inferius, tunc differentia superioris esse possunt differentia inferioris: ut differentia corporis, erunt differentia viventis & animalis. Ratio autem est, quia genus est de essentia speciei; Ergo diversitas generum facit diversitatem essentialem in speciebus. Differentia etiam sequuntur suum genus, ut actus potentiam: quare ubi diversa genera, ibi quoque diversæ sunt differentia, nec possunt unius generis differentia convenire alteri. At inquires. Potest una res poni in diversis predicamentis. Respondeo secundum diversas rationes formales: ut homo verbi gratia secundum substantiam in genere substantiæ; secundum quantitatem in genere quantitatis; & sic sub diversis generibus habebit diversas species, & diversas rationes numericas. Quod verò è contra ex diversitate inferiorum non sequitur diversitas superiorum, res est manifesta: quia sub uno genere sunt diversæ species, & sub una specie diversa individua.

Dico secundo, Ex identitate inferiorum sequitur identitas superiorum, non è contra, Ratio primi est, quia superiora sunt de essentia inferiorum: Ergo ex identitate inferiorum sequitur identitas superiorum; quare quæ sunt eadem specie, sunt eadem genere, & quæ sunt eadem numero, sunt eadem specie. Ratio secundi est, quia ex minori unitate non inferitur major; unitas autem generica minor est quàm specifica, & hæc minor quàm numerica: quia illæ unitates sunt in parte, hæc in toto. Deinde quæ sunt unum genere, possunt esse diversa specie, & quæ sunt unum specie, possunt esse diversa numero; inferiora enim addunt ad superiora, id quò esse diversa possunt.

Quantum ad tertium. Difficultas est; an quæcunque prædicantur de superioribus necesse sit, ut de inferioribus quoque prædicentur? multa enim videmus prædicari de genere, quæ non possunt prædicari de specie. Nam de animali dicitur quod sit genus; de homine enim id dici non potest. Ex altera verò parte, primum principium in Logica est, in quo fundantur omnes figuræ syllogismorum. Quidquid prædicatur de prædicato, prædicatur & de subiecto: Ergo quidquid prædicatur de superiori, prædicatur & de subiecto inferioris.

Dicendum tamen est, prædicata esse duplicia, alia realia, alia intentionalia. *Predicata realia.* Prædicata igitur realia quæcunque dicuntur de superiori, dicuntur etiam de inferiori: quia superiora continentur in inferioribus realiter: Ergo quæcunque realiter conveniunt superioribus, conveniunt etiam inferioribus realiter ratione superiorum, cum quibus habent realem connexionem, idquè eà universalitate & ratione quæ conveniunt superioribus, ut si de superiori dicatur aliquid vel universaliter, vel particulariter necessariò vel contingenter, eodem quoque modo dicitur de inferiori, & in hoc fundantur omnes figuræ syllogismorum.

Prædicata vero intentionalia quæ dicuntur de superiori, non dicuntur de inferiori: ut de animali dicitur, quod sit genus; de homine quod sit species, hæc tamen de inferioribus non dicuntur. Ratio est, quia talia prædicata conveniunt naturis, non ut naturæ sunt, sed ut abstracta sunt, & certum modum essendi objectivum

objectivum habent in intellectu, hic autem modus non transit cum natura ad inferiora, cum non ratione naturæ conveniat, sed merè extrinsecè ab intellectu. Deinde talia prædicata conveniunt subjectis propter aliquem peculiarem modum ipsorum, qui non transit ad alia inferiora. Verbi gratia, animalì convenit esse genus, ut est abstractum à speciebus, quod non convenit homini & aliis inferioribus.

## QVÆSTIO VI.

*De differentia relata ad Genus?*

**D**ifferentia potest referri tum ad genus, quod dividit & contrahit; tum ad speciem quam constituit; tum ad subjecta speciei; de quibus ratione speciei prædicatur. In hac quæstione de prima tantum comparatione agemus.

Dico igitur primo. Differentia dicitur dividere genus; quia addita generi separavit illud ab aliis speciebus: Animal enim contractum per rationalitatem, est aliud animal ab animali irrationali. Et licet in intellectu sit unus conceptus animalis rationalis & irrationalis; tamen in re aliud est animal rationale, aliud irrationale. Animal enim rationale in re totà suà Entitate divisum est ab animali irrationali; ita ut unum non sit aliud, & negari unum de alio possit. Quia enim identificamus diversis differentiis, idcirco ipsum quoque debet esse diversum. Porro differentia est divisiva generis non nisi per ordinem ad intellectum. Nam divisio ista supponit unitatem generis, non dividitur etiam nisi id, quod est unum, genus autem est unum per intellectum concipientem: quare & divisio illius est per ordinem ad intellectum: quoniam enim res dividens est verè realis; tamen id quod dividendum est, non existit nisi per intellectum; unde nec divisio illi competit nisi per intellectum, Enti enim non reali nihil potest reale convenire.

Dico secundo. Differentia continetur in genere potentia tantum. Hæc conclusio patet ex dictis de toto potenciali quæstione prima: non enim potest contineri actu in genere; quia alioquin cum genus prædicatur de specie, omnes differentie contentæ actu in genere prædicarentur de specie. Deinde ut argumentatur Aristot. Top. cap. 2. in omni definitione nugatio admitteretur, & bis idem diceretur. Nam si in animali continetur actu rationalitas; cum definitur homo esse animal rationale, bis poneretur rationale in definitione semel expressè, & iterum ut actu contentum in animali. Imò sequeretur sufficientem definitionem tradi per solum genus dicendo hominem esse animal; si quidem in animali actu continetur rationale. Ex quo patet nec actu confuso, nec actu distincto, seu explicito, contineri differentiam in genere: quia quod continetur, sive actu confuso sive distincto, continetur secundum suam substantiam; at differentia non potest secundum suam substantiam contineri in genere, ut probant argumenta adducta; Ergo nec actu distincto, nec actu confuso continetur. Restat ergo ut dicamus differentiam contineri in genere solum in potentia; comparatur enim ad genus sicut actus ad potentiam, & forma ad materiam.

Dico tertio. Nec genus de differentia, nec differentia de genere prædicari formaliter

maliter potest, sed materialiter tantum. Ita Arist. 6. Top. c. 2. Loc. 3. i. ejus rei hanc rationem assignat. Si enim differentia diceretur de genere, cum genus de omnibus speciebus prædicatur, differentia quoque una cum genere de omnibus speciebus prædicaretur. Si verò genus diceretur essentialiter de differentia; omnis differentia esset species, quia species nihil est aliud; quàm multa animalia genus & differentia simul. Addit præterea, & hoc absurdum, quod multa animalia de homine prædicarentur, unum quod est loco generis, aliud quod includitur in differentia essentiali, si de differentia essentiali prædicatur essentialiter genus. Et hoc argumento sæpe utitur Aristoteles ad probandum, Ens non esse genus, maxime 3. Metaph. tex. 10. quia, inquit, genus non potest prædicari de differentia; Ens autem de omni differentia cujusque rei prædicatur: non potest igitur esse genus. Et ratio est: quia genus non est idem quod differentia; ut patet ex universalitate distinctæ, & ex distinctis proprietatibus: ergo debet dicere distinctam rationem à differentia, quæ per conceptum potest negari; Vt patet in animali, & rationali. Et hæc est una ex præcipuis regulis ad dignoscendum verum genus; si enim prædicatur de differentia, non potest esse verum genus, quomodo multa quæ putantur esse genera non erunt genera: Generi enim & differentiæ debent respondere in re ipsa distinctæ rationes per intellectum conceptibiles, quarum una negari possit de altera.

*Genus de differentia non prædicatur.*

Dixi materialiter genus de differentia; differentiam de genere posse prædicari, propter duo. Primò: quia genus: ut plurimum est in re idem cum differentia, ut animal est in re idem cum rationali. Secundò: propter modum significandi, quia genus significat per modum totius potentialis, ut idem est potentia quod species, & differentia: animal, verbi gratia, significat quidquid est animal, sive rationale, sive irrationale, ita ut utrumque potentia contineat: Cùm igitur sit idem potentia cum differentia, potest de ea prædicari; Posita enim identitate prædicari & subjecti, potest esse prædicatio.

Dico quartò. Differentia est ex se nobilior genere. Ita Divus Thomas parte prima questione 75. art. 7. ad secundum. Ratio est: quia actus ex se est nobilior potentia ejusdem generis: at differentia est actus essentialis generis, & genus est potentia ad essentialem determinationem: ergo differentia ex se est nobilior genere.

*Differentia genere nobilior.*

Porro cùm dico differentiam esse actum essentialem generis; intelligo de essentiali generis specifica, ut constituitur in certa specie: alioqui si sumatur genus pro eodem à specie, differentia est extra rationem generis, & ab ipso essentialiter distinguitur.

Notandum autem est. Ex duplici capite posse oriri hanc majorem nobilitatem differentia. Primò, si differentia illa pertineat ad nobiliorem gradum Entis: sic in nomine rationale est nobilior sensitivo, quia elevat sensitivum ultra suum gradum, ad gradum nobiliorem intellectualem. Et sic non est dubium differentiam esse nobiliorem genere. Verùm hæc nobilitas non omni differentia competit, quia non omnis differentia est altioris gradus: imò communiter differentia sunt ejusdem gradus cum genere, & perficiunt genus intra eundem gradum, ut differentia brutorum omnes sunt intra gradum sensitivum, & perficiunt genus conferendo illi perfectionem sensitivam. Secundò, nobilitas differentia oritur ex propria & essentiali ratione differentia; differentia enim est actus essentialis generis: actus autem est nobilior potentia, ut patet in forma respectu materia; actus enim perficit & deter-

*Ex duplici capite.*

& determinat, potentia perficitur, & est quid indeterminatum. Et hæc nobilitas omni differentie competit, siue sit intra eundem gradum cum genere, siue superioris gradus.

*Actus an potentia nobilior?*

Dices. Hac ratione accidens est nobilius substantia: quia est actus substantie. Respondeo. Actum quoad Entitatem nobiliorem esse potentia per se loquendo, si sint ejusdem generis: quia in quolibet genere nobilius est habere se per modum actus, quam per modum potentie; actus enim perfectionem arguit; potentia imperfectionem: at accidens est actus diversi generis à substantia; quare non mirum est, quod superetur à substantia: quia substantia est res alterius & nobilioris generis quam accidens. At si actus & potentia sint in eodem genere substantie, actus substantialis erit nobilior potentia substantiali, ut patet in forma substantiali, quæ est actus materie nobilior ipsa.

Sed objicies. Quædam animalia sunt imperfectissima in suis rationibus specificis, & pluribus sensibus destituta: saltem ergo in his differentia specifica non erit nobilior quam generica. Respondeo. Etiam in his perfectiorem esse differentiam specificam genericam: quia etsi respectu aliarum differentiarum specificarum sit imperfectior, tamen respectu generis est perfectior; quia habet se per modum actus determinantis & perficientis, genus autem per modum potentie determinabilis & perfectibilis. Et idem est in formis Physicis; nulla enim forma Physica est tam imperfecta ut non sit perfectior materia. Quod si urgeas ex operationibus cognoscendi essentias; atqui in multis speciebus operationes, verbi gratia, sensitivæ sunt imperfectissimæ: ergo & differentia specifica. Respondeo, In talibus differentiarum specificam esse imperfectissimam, ita tamen, ut cum sua imperfectione sit perfectior genere.

## QVÆSTIO VII.

### *De differentia relata ad speciem?*

Differentia respectu speciei duo munera habet: constituere speciem in tali specie & eam distinguere ab aliis speciebus. Difficultas autem est primo: An eadem differentia sit constituens & distinguens? Videtur enim species constitui per aliquid positivum, distingui autem formaliter per negationem: Quia enim species est quid positivum, ideo & differentia ipsam constituens debet esse positiva: distinctio verò est quid negativum, quare & differentia distinguens erit negativa: distinguui enim unum ab alio, est unum non esse aliud: hominem, verbi gratia, distingui à leone, est non esse leonem, quæ est mera negatio.

*Differentia constituens & distinguens.*

Dicendum tamen est. Omnem differentiam constituentem esse etiam distinguentem. Ratio est: quia omne Ens ex se ipso habet quod non sit aliud, ac ex consequenti, quod distinguatur ab alio: quia enim est id quod est, ideo non est aliud, sed distinguitur ab alio: Si enim quæras cur homo non sit equus, respondetur, quia est homo: ergo eadem differentia quæ constituit rem in suo esse facit illam distinctam ab altera.

Confirmatur. Quia unitas est propria passio Entis: at unitas dicit indivisionem Entis

Entis in se, & divisionem ab omni alio: Ergo Ens sicut seipso est vnum, ita seipso indivisum est in se, & divisum ab altero: quare quod est principium constitutivum Entis, est etiam distinctivum eius ab alijs: Deinde patet id inductione in omnibus rebus, quæ per suas differentias constitutivas distinguuntur ab alijs. Quia enim res sunt tales in essentia, ideò distinguuntur ab alijs, quæ non sunt tales, sic homo per rationalitatem, per quam constituitur in esse hominis, distinguitur à brutis.

At inquires: Constituire & distinguere sunt duo actus distincti. Respondeo. Esse quidem duos actus distinctos, sed ab eodem principio essentiali procedentes, & à se dependentes: Quia enim res constituitur in tali esse, distinguitur eo ipso ab alijs non habentibus tale esse. Neq; refert quòd distinctio sit negatio: Nam huius negationis est causa differentia constituens: quia enim rem constituit talem, ideò facit illam non esse aliam, & ideò vocatur differentia distinguens; quia est causa & fundamentum distinctionis.

Dico secundo. Omnem differentiam distinguentem esse quoq; constituentem. Ratio est: quia distinctio est formaliter negatio; rem enim distingui ab alia est non esse aliam: atqui omnis negatio fundatur in aliqua affirmatione, propterea enim quod affirmatur aliquid de re, oppositum de eadem se negatur: Neq; enim temere negatio convenit rei, sed propter aliquam causam & fundamentum quod affirmatur de illa: ergo & distinctio convenit rei propter aliquam affirmationem, quæ sit causa distinctionis: quæ affirmatio est distinctionis differentia constituens rem & ex consequenti distinguens: ideo enim quia res est talis, distinguitur ab altera non tali. Ex quo patet aliud esse distinctionem, aliud differentiam distinguentem: distinctio est negatio, differentia vero distinguens est differentia causans distinctionem & negationem: ac proinde est quid positivum causans negationem. Patet etiam nihil posse distinguere rem vnam ab alia nisi constituat illam: quia enim constituit rem talem, ideò distinguit illam à non talibus.

Dico tertio. Eandem differentiam esse constitutivam & distinctivam. Patet ex dictis. Hinc est aliud Axioma receptum in Philosophia: Idem esse principium constituens rem, & distinguens ab omnibus alijs.

Quod si dicas, res etiam distingui per accidentia. Respondeo: Distingui per accidentia, sed nec primò nec essentialiter, per differentiam verò specificam distinguuntur primò & essentialiter, sicut enim prior est essentia accidentibus, ita distinctio essentialis prior est distinctione accidentali.

Secundà Difficultas. An negatio possit esse differentia essentialis alicuius entis? videntur enim aliqua Entia constitui per negationes, quia sine ijs intelligi nullo modo possunt. Sic vnum constituitur per indivisionem; infinitum per negationem finis; vacuum per negationem corporis replentis; Genus etiam dividitur per oppositas differentias, quarum una est affirmativa, altera negativa, ut animal per rationale vel irrationale: ergo & constituitur in specie per easdem.

Dicendum tamen est negationem non posse esse differentiam essentialem ullius Entis. Ita Aristotel. Primo de partibus animalium cap. 30. Et ratio est: quia differentia Entis, constituit Ens in ratione Entis: at negatio cum sit non Ens, constituit non Entis: ergo negatio non est differentia Entis; per negationem enim res non dicitur esse, sed potius non esse.

Notandum autem est. Negationes à nobis adhiberi ad explicanda aliqua Entia, nec explicatur duplici ex causa: Primò, ut per illas negationes indicentur veræ differentiz, ex essentia.



quibus tales negationes oriuntur; omnis enim negatio fundatur in aliqua affirmatione, & propter aliquam affirmationem rei competit: quo fit ut cum veras essentias rerum ignoremus, eas per negationem explicemus. Sic concipimus brutum esse animal irrationale; non quod negatio rationalitatis sit essentia bruti, sed quod id ad quod sequitur talis negatio, sit essentia bruti: sic etiam concipimus Deum immensum, infinitum; non quod immensitas & infinitas sit merè negatio in Deo mensuræ & finis; sed quod per has negationes indicetur ea Dei perfectio, ratione cuius Deus non subjacet ulli mensuræ aut fini.

Secundò: propterea negationes adhibemus, quod aliqua Entia non sunt pura Entia, sed partim Entia, partim non Entia, ex Ente & non Ente constata: Licet igitur quatenus Entia sunt, negatione non constituuntur, tamen quatenus Entia non sunt, negatione constituuntur. Sic vacuum, est locus non repletus corpore, quatenus locus, est Ens, quatenus verò habet negationem corporis replentis; est non Ens: sic etiam vnum definitur esse Ens indivisum; hoc est, Ens cum negatione divisionis. Ex quo patet ad rationem dubitandi.

Tertia difficultas; An differentia ultimarum simpliciter simplices? Ea autem dicuntur simpliciter simplices, quæ non possunt resolvi in plures rationes & conceptus, eo quod simplicissimam perfectionem dicant. Porphyrius igitur in capite de differentia negat dari differentias ultimas simplices, sed differentiam ultimam, ac, esse plures communes differentias conjunctas: v.g. homo definitur esse animal rationale mortale: quia rationale convenit cum Angelis; quia mortale cum brutis; utraq; verò hæc differentia coniuncta, constituit secundum ipsum proprium & specificam hominis differentiam. Et ob hanc causam definit Porphyrius differentiam, esse id quod prædicatur de pluribus differentibus specie in quale quod; quæ definitio solis differentijs genericis competit: nam specificas differentias non alias agnoscebat, nisi ex Genericis vnâ coniunctis constantes.

Sed hæc opinio est falsa; Nam si datur gradus genericus, seu differentia simplex generica, cur non dari debeat etiam gradus specificus simplex? Nam cum ex operationibus colligimus rerum essentias; quemadmodum enim invenimus operationes in rebus communes cum alijs, ita & operationes proprias: & sicut ex illis colligimus gradum genericum communem, ita ex illis colligere debemus gradum specificum. Nam quod dicitur rationale esse commune homini cum Angelis falsum est; Rationale enim, est intellectivum cum discursu, quod Angelis non convenit.

Supposita igitur opinione communi & verâ, dari differentias ultimas específicas & simplices, difficultas est, an hæc differentia sint ita simplices, ut sint indivisibiles in plures rationes & conceptus? Res enim simplices sunt indivisibiles, quia non sunt compositæ ex partibus. Si igitur ita sunt indivisibiles, ut non solum re, sed etiam ratione dividi non possint, erunt simpliciter simplices.

Notandum igitur est, Res in mundo esse duplices: quasdam esse simplices à parte, id est non compositas ex rebus diversis, ita tamen ut virtualiter includant multiplicem perfectionem, quæ multis conceptibus inæquatis in re illa concipi & distinguui potest. Sic in anima rationali, quæ est simplex res, distinguitur perfectio sensitiva & intellectiva per rationem & conceptum.

Quæ duos licet in anima nostra sint vna res, in alijs tamen dividuntur: Nam in bruto est sensivum sine ratione: in Angelo intellectivum sine sensitivo. Quæ

*Differentia  
est quid simplex.*

*Quid sit simpliciter simplex?*

*Simplex res  
potest virtute  
multa contineri.*

dam vero sint ita simplices, ut dicant vnicam tantum perfectionem, quæ nec virtute sit multiplex, nec in plures conceptus dividi possit: & hæc dicuntur simpliciter simplices.

Est ergo quedam opinio, quæ ait, res quæ non dicant nisi vnicam perfectionem, *Opinio de simplicitate differentiarum.* quæ specificam habere simpliciter simplicem: Talis est differentia simpliciter simplicium, hoc est Elementorum, in quibus non cernitur nisi simplex perfectio: Talis etiam est differentia vltima accidentium, ut albedinis, quantitatis, quæ sunt simplicissima quedam Entia; Alias verò res quæ multiplicem perfectionem in simplici entitate includunt, non habere inveniunt simpliciter simplicem differentiam specificam, sed resolvablem in multas, quasi partiales differentias. Quia sicut essentia talium rerum constat multis gradibus diversarum perfectionum, ita & differentia specifica talis essentia, constat differentiis specificis omnium illarum perfectionum: singulæ enim illæ perfectiones habent suam specificationem propriam intra suum gradum: & sic omnes specificationes omnium illarum perfectionum simul acceptæ, constituunt vnam perfectam & adæquatam differentiam specificam illius rei: verbi gratia, in homine distinguitur perfectio sensitiva, vegetativa, rationalis; quæ perfectiones singulæ habent suam intrinsecam specificationem in proprio gradu; est enim homo sensitivus non solum in communi, sed etiam specificè, tali & tali ratione sensitiva, & similiter de alijs: ex omnibus igitur rationibus specificis singulorum graduum componitur differentia specifica hominis.

Dices, Gradum inferiorem esse differentiam specificam superioris; ut rationale sensitivum. Sed contra. Primo; Quia æquæ omnes gradus sunt specifici in suo genere: ergo vnus non est differentia specifica alterius; alioquin non magis rationale esset differentia sensitivi, quàm sensitivum rationalis, quia vterq; gradus in suo genere est æquè specificus, & æquæ inter se conjunguntur in vna entitate. Secundo: Quia rationale non dat sensitivo esse tale sensitivum, intra genus sensitivi, sed dat tale esse intellectuale, extra genus sensitivum: ergo sensitivum in suo genere habet distinctam specificationem à rationali. Tertiò: Rationale est differentia sub genere intellectu, & habet suum proprium genus, quod contrahit, nempe intellectivum: ergo non est differentia generis sensitivi; alioquin duo absurda sequerentur. Primo: quòd vna differentia esset duorum diversorum generum, nempe rationale esset differentia generis sensitivi, & intellectivi; quod est contra Aristotelem in Antepredicamentis, qui ait diversorum generum, & non subalternam positum, diversas esse differentias. Secundo: Quod vnum genus haberet in eodem duas differentias específicas vltimas: verbi gratia, sensitivum haberet differentiam specificam sensitivi talis, & intellectivi talis.

Neq; verò dici potest, Intellectivum esse Genus subordinatum sensitivo; id enim falsum esse ex eo patet: quod si Intellectivum subordinaretur ex natura sua sensitivo, omne intellectivum esset sensitivum: Omne enim quod est sub aliquo genere participat rationem illius generis: Et sic Angelus cum sit sub genere intellectivo, participaret rationem sensitivi: quod cum falsum sit, falsum quoq; erit Intellectivum esse genus subordinatum generi sensitivo. Si autem dicatur subordinari per accidens, non ex natura: talis subordinatio non est vera, quia subordinatio non est per accidens, sed ex natura sua esse sub alio: nam in simplici concursu in vnum, non magis esset vnum sub alio, quàm aliud sub ipso, nec magis vnum subordinaretur alteri, quàm alterum ipsi.

*An gradus inferior sit Differentia superioris.*

*An rationale  
sit Differentia  
animalis?*

Quod si quis obijciat, ex communi sententia, rationale esse differentiam animalis. Respondet hæc opinio esse differentiam extrinsecam, non intrinsecam, quia est alterius generis, non intra idem genus. Habet autem rationem differentie propter coniunctionem in una essentia cum sensitivo; maxime cum sensitivum habeat se respectu illius per modum generis. Duo enim generi conveniunt. Primò, latius patere quam speciem: Secundò, supponi à specie & differentia. Porro huius duobus modis habet se animal respectu rationalis; & idcirco animal habet rationem generis, rationale differentie. Non est autem rationale differentia intrinseca animalis. Primò, quia animal habet suam propriam intrinsecam differentiam sensitivam, quam haberet si non esse coniunctum rationali. Secundò: Quia sensitivum contrahitur per rationale, non ut est indeterminatum in esse sensitivo, sed ut est determinatum ad tale esse sensitivum, ac proinde non contrahitur per rationale, ut sensitivum in genere, sed ut sensitivum in specie.

Ex qua doctrina declaratur Primò, Quomodo in una differentia possint esse plures specificæ differentie? absolute enim est una tantum differentia specifica cuiuscunque rei, sicut est una essentia. Verum sicut in essentia distinguuntur multe perfectiones quasi partiales, ita in una differentia specifica unius essentie distinguuntur multe quasi partes unius differentie totalis.

Secundò declaratur; quomodo idem potest essentialiter esse in pluribus speciebus? Absolute enim sicut una est essentia rei, ita & una species. Quia tamen in una essentia sunt multi gradus & perfectiones diversorum generum, idcirco in diversis gradibus, intellectus distinguit diversas quasi essentias, & species parvas, quæ sunt species illorum graduum, quæ tamen omnes conveniunt in unam essentiam & speciem totalem illius rei: Sic homo dicitur esse in duplici genere rerum: nempe in genere rerum corporearum, & spiritualium; quia utrumque gradum & corporeum & spirituale in se continet: in gradu corporeo convenit cum brutis, in gradu spirituali cum Angelis. Sed hæc duo genera & species ipsorum sola ratione distinguuntur; in re autem una est realis species & essentia hominis continens essentiam corpoream & spiritualement. Idem dicendum est de materia & forma in composito Phisico; utraq; enim habet suam propriam specificationem, & tamen utraq; constituit unam essentiam corporis.

*Verum tamen  
communis sententia  
de simplicitate  
Differentiarum.*

Verum hæc opinio bene movet difficultatem, sed non bene illam solvit. Nam primò repugnat omnium Philosophorum sententia, qui docent, rationale esse differentiam animalis, per quam contrahitur ad speciem hominis. Secundò: quia habet singuli gradus habeant specificationem propriam sui generis, quam haberent si non essent coniuncti cum alijs gradibus; (quod & in materia videmus, in qua est gradus corporis distinctus à gradibus forme, & non est quid genericum, sed specificum in genere corporis) tamen quia hi gradus in una essentia uniuntur & identificantur, habent aliam specificationem, quam haberent separati, eamque specificationem accipiunt à gradibus sibi coniunctis, maxime quia illi gradus secundum eandem rationem coniunguntur, ut unus respectu alterius habere possit rationem generis, alter rationem differentie. Duo enim requiruntur ad rationem generis, ut supponatur à differentia, & sit quid communius & latius patens quam differentia; utrumque autem habet sensitivum respectu rationalis, ut patet. Idque verum est, non solum si sumatur sensitivum in abstracto & in communi, sed etiam si sumatur specificè, ut tale sensitivum: Nam in tali entitate sensitivum, etiam specificè accep-

rum, est capax ulteriori perfectionis specificæ quæ sit perfectio verè specifica talis entitatis simplicis.

Vnde ad fundamentum huius opinionis Respondeo, etsi gradus singuli, si secundum se sumantur, habeant specificationem propriam, tamen ut sunt in tali essentia in qua identificantur alijs perfectionibus, habent aptitudinem ad aliam ulteriorem specificationem, in ordine ad esse talis entitatis. Verbi grâta, animal, licet ex se habeat suam specificationem in esse sensitivo, tamen in esse hominis, nondum habet specificationem & differentiam, per quam sit homo: quare in ordine ad essentiam hominis, habet se per modum generis, licet si per se poneretur, haberet suam intrinsecam specificationem: Similiter in ordine ad illam essentiam, intellectivum subordinatur sensitivo, licet absolute possit esse intellectivum sine sensitivo. Relicti rationale dicatur differentia quædam extrinseca animali in genere sensitivo, vel tamen illi intrinseca in ordine ad illam entitatem continentem multos gradus, seu ut est in tali specie, nempe humana. Hinc ergo patet differentiam specificam non esse compositam ex multis differentijs genericis, neq; ex multis specificis, sed esse differentiam simpliciter simplicem, irrefolubilem in plures conceptus.

Quarta difficultas. An compositio ex genere & differentia sit realis? Ut aliqua compositio sit realis duo requirunt. Primò: Ut extrema quæ componuntur sint realia. Secundo: Ut sint ex natura rei distincta; non componuntur enim nisi distincta: nam quæ non sunt distincta, sunt vnum, non compositione, sed identitate. Porro genus & differentia possunt comparari inter se, vel ut sunt abstracta per intellectum, vel ut in re existunt: ut cum comparamus gradum genericum singularem, cum gradu differentiz singulari, hanc animalitatem cum hac rationalitate: & in hoc secundo sensu est quaestio: An compositio ex gradu generico singulari, & differentia eidem singulari sit realis? Nam illa compositio graduum abstractorum certum est quod fiat per intellectum.

*Compositio ex genere & differentia an realis?*

Prima igitur est sententia Scoti dicentis, omnem compositionem ex genere & differentia esse realem; quia isti duo gradus ante omnem intellectum, ex natura rei distinguuntur. Nam ante omnem intellectum in gradu generico res conveniunt, in gradu specifico differunt; idem verò quatenus idem non potest esse ratio convenientiæ & differentiæ.

Secunda sententia est communis D. Thomæ & Nominalium, Gradum genericum & differentiz sola ratione distingui, & ex consequenti sola ratione componi: tum quia sumuntur ab eadem re: v. gr. ab eadem numero forma sumitur gradus animalis, & rationalis: tum quia nulla est necessitas hos gradus realiter inter se distinguendi.

Neq; valet ratio Scoti in prima sententia allata; Nam id quod est ita vnum, ut non nisi vnam perfectionem in se contineat, non potest esse principium convenientiæ & differentiz: si verò ita sit vnum, ut multas perfectiones in se simplici ratione contineat, tale vnum potest esse principium convenientiæ & differentiz, si quidem ita est vnum, ut sit virtute multiplex. Quare etsi gradus genericus, & gradus differentiz, in re sit vna simplex entitas, potest tamen esse ratio convenientiæ, & disconvenientiæ, quia est virtute multiplex. Deinde convenientia potest esse vel adæquata vel inadæquata: si igitur aliqua convenientia adæquate in aliqua entitate, hoc est totaliter & perfectè, non possunt illa eadem entitate differre, si quidem omni ratione in illa entitate convenient: at quæ conveniunt in aliqua entitate in-

*Idem potest esse principium convenientiæ & differentiz.*

adequate, hoc est non totaliter nec perfecte, possunt eadem, entitate differre: quia in illa entitate nec omnino conveniunt, nec omnino differunt, sed partim conveniunt, partim differunt, sub una ratione conveniunt, sub altera differunt.

## QVÆSTIO VIII.

*De differentia qua universalis est.*

**D**ifferentia prædicatur primò de suis inferioribus, ut rationale de hoc & illo rationali; Secundo prædicatur de specie, quam constituit essentialiter, ut cum dico hominem esse rationalem; tertio de subiectis speciei, ut cum dico hunc vel illum hominem esse rationalem.

*Differentia  
respectu infe-  
riorum speciei.*

Quantum ad primam prædicationem, ea convenit differentie, non ut differentia est, sed ut species quædam est: Est enim species respectu horum inferiorum, & prædicatur de ijs per modum speciei: Prædicari enim de pluribus solo numero differentibus in quid, est solum speciei. Porro hæc universalitas facit differentiam esse univalem in essendo; quia facit eam abstractam à singularibus, quod requiritur ad univalem in essendo; quare per alias universalitates non est univalem in essendo; sed solum per istam.

*An respectu  
speciei sit  
universalis?*

Quantum ad secundam, Difficultas est, an differentia ut prædicatur de specie, sit univalem: Nam licet tam differentia sit univalem, quam species, tamen prædicatio differentie de specie non videtur esse univalem, quia est prædicatio de uno; prædicatio verò univalem est de multis. Quædam igitur dicunt, prædicationem de uno communi multis, esse prædicationem univalem; quia illud ita est unum, ut simul sit commune multis; quare prædicationem differentie de specie esse univalem, quia species est communis multis.

Alij tamen negant, hanc prædicationem esse dicendam univalem; univalem enim non dicitur respectu unius sed multorum: at species ut species, est una natura, neque sub sua ratione specifica potest esse multiplex: ergo prædicatio ut terminatur ad speciem, quia species est, non est prædicatio de multis, & ex consequenti non est prædicatio univalem. Neque refert quod species sit communis multis, nam illa multa non sunt species, sed individua, & prædicatio de illis est longe diversa, ab ea prædicatione quæ est de specie: Ergo illa multa non faciunt eam prædicationem quæ est de specie, esse univalem: quia illam non extendunt, nec faciunt maiorem: Nam etsi differentia ex eo quod prædicatur de specie, prædicatur etiam de subiectis speciei, tamen hæc prædicatio est distincta ab illa, ac proinde illam in suo genere non facit ampliorem, nec amplius extensam, quam ad unum: sicut nec una quantitas sit maior per distinctam à se quantitatem. Quare per accidens est ad prædicationem differentie de specie, quod species sit vel non sit communis multis, tum ob dictam rationem: tum quia ita prædicatur de specie, sicut prædicatur, si species non esset communis multis, sed in uno tantum individuo existeret.

*Datur medi-  
um inter uni-  
versale &  
singulare.*

Ex quo infero, differentiam, ut respicit speciem, non esse univalem. Nam etsi ex alio capite sit univalem nempe quia est abstracta à suis singularibus, tamen

tamen hoc solo respectu quo refertur ad speciem, & de ea dicitur, non est vniversalis. Ergo inquit, vt refertur ad speciem est singularis. Respondeo negando consequentiam: nam inter vniversale & singulare datur medium, nempe natura abstracta respiciens vnum tantum; talis enim natura quatenus est abstracta, convenit cum vniversali, quatenus respicit vnum tantum, convenit cum singulari. Et sicut si daretur natura, vnum tantum habens individuum, talis natura abstracta, nec esset singularis nec vniversalis, sed esset quid medium, ita & hoc: Dici tamen posset particularis, particulare etiam in prædicando est quod de vno tantum prædicatur, siue illud sit singulare siue vniversale. Singulare verò proprie dicitur quod de vno singulari dicitur.

*Singularis de vno eoq; singulari dicitur.*

Quantum ad tertiam prædicationem certum est differentie propriam vniversalitatem esse respectu subsectorum speciei. Nam vt prædicatur de specie, sic non prædicatur vniversaliter; vt verò prædicatur de suis inferioribus, sic prædicatur quidem vniversaliter, sed vt species de indiuiduis, non verò vt differentia; non enim distinguitur in ea prædicatione à specie: vt verò prædicatur de subiectis speciei, sic habet prædicationem, & vniversalem, & distinctam à prædicatione aliorum prædicabilium.

*Propria vniversalitatis ad differentiam.*

Porro hæc prædictio de subiectis speciei, non est immediata, sed mediata. Quod potest dupliciter explicari. Primo, vt mediante specie, prædicetur de indiuiduis speciei; Petrus enim est rationalis, quia est homo: & quia homo dicitur vniversaliter de suis indiuiduis, idè & rationale dicitur de omnibus hominis indiuiduis. Secundò vt mediantibus suis proprijs indiuiduis, dicatur de indiuiduis speciei. Nam rationale habet sua propria indiuidua, hoc & illud rationale: quatenus ergo dicitur de hoc & illo rationali, dicitur etiam de hoc & illo homine: quia hic homo est hoc rationale. Prior illa mediatio est ex parte subiecti, posterior ex parte prædicati.

*Differentia de pluribus mediata prædicatur.*

Notandum verò est, differentiam non esse primò vniversalem, propter indifferentiam ad indiuidua subiecta speciei, sed propter abstractionem à proprijs indiuiduis; differentia enim est primò vniversalis, quatenus est extra singularia: hoc verò assequitur per abstractionem à singularibus; ex hac enim abstractione fit indifferentia ad sua singularia. Deinde verò differentia sic abstracta convenit speciei, & mediante specie, convenit omnibus indiuiduis speciei, quæ vniversalitas consequitur ad illam primam; nisi enim differentia abstraheretur à suis singularibus, non posset vniversaliter prædicare de indiuiduis speciei: non enim hoc rationale, sed rationale in communi prædicatur vniversaliter de Petro & Paulo, &c.

*Differentia unde fit vniversalis in essendo.*

Est autem difficultas. An differentia generica & specifica, sint duo distincta vniversalia sicut genus & species? Nam genus & species per hoc constituuntur distincta vniversalia, quod genus prædicatur de pluribus differentibus specie, species autem de pluribus differentibus numero: at etiam differentia generica prædicatur de pluribus differentibus specie, differentia verò specifica de pluribus differentibus numero: ergo hæ differentie constituunt distincta vniversalia, aut certe genus & species non erunt distincta vniversalia.

*An differentia constituat duo prædicabilia?*

Ad hanc difficultatem. Quidam dicunt, genus non solùm prædicari de pluribus differentibus specie, sed etiam per modum partis essentialis, genus enim est pars essentialis speciei: Species autem prædicatur de pluribus per modum totius

*Prima responsio.*

essentialis; quia est tota essentia suorum inferiorum, & hic modus prædicandi per modum partis, & totius, facit genus speciemque esse distincta prædicabilia. Neque refert quod in definitione generis non ponatur hic modus prædicandi per modum partis: etsi enim non ponatur explicite, ponitur tamen implicite: Nam id quod prædicatur in quid de pluribus differentibus specie, non potest esse nisi pars essentialis speciei.

Porro hoc discrimen, non invenitur in differentia generica & specifica; quia utraq; prædicatur per modum partis essentialis; utraq; enim differentia est pars, & ideo maior est ratio, ut genus & species sint distincta prædicabilia: quam differentia generica & specifica.

*Refellitur.*

1.

Sed hic modus non videtur sufficiens, Primo: Prædicari per modum totius vel partis non facit universalitatem distinctam, alioqui pari ratione accidens genericum prædicatur de subiecto per modum partis accidentalis; accidens vero specificum prædicatur de subiecto per modum totius accidentalis: quia accidens specificum est totum respectu accidentis generici, & accidens genericum est pars essentialis accidentis specifici, ut color albedinis, & tamen utraq; prædicatio spectat ad idem quantum prædicabile; ut cum dico; hic & ille homo est coloratus, hic & ille homo est albus, utraq; prædicatio est accidentis quinti prædicabilis, licet in illa prædicetur genus accidentis, in hac species; in illa pars, in hac totum.

Secundo: Etiam in ratione totius & partis, est par in utrisque ratio. Nam siue genus est pars essentialis speciei, ita differentia generica est pars essentialis differentie specificæ in concreto acceptæ: Sicut enim animal continetur in homine essentialiter, ita sensitivum quæ est differentia generica, continetur essentialiter in rationali, alioqui non prædicaretur de illo; id enim quod est rationale, est etiam sensitivum, non accidentaliter, sed essentialiter. Simili ratione conveniunt in ratione totius: nam sicut genus significatur per modum totius substantialis, ita differentia generica significatur per modum totius accidentalis; concretum enim accidentale est totum quoddam. Eadem paritas apparet si conferatur species cum differentia specifica in concreto: Nam sicut species est totum essentialiale constans genere & differentia, ita differentia specifica in concreto sumpta, constat essentialiter differentia generica materialiter significata, & differentia specifica formaliter significata, quod satis est ad rationem totius essentialis.

3.

Tertio: Magis facit ad distinguendas prædicationes discrimen eorum de quibus fit prædicatio: nempe quod prædicatio fiat de differentibus specie, vel de differentibus numero, quam discrimen totius & partis. Nam sicut in relationibus distinctio sumitur ex distinctis terminis ad quos; ita & in prædicatione sumi potest distinctio ex distinctis terminis, de quibus fit prædicatio: Si ergo illud discrimen non sufficit ad distinguenda prædicabilia, multo minus hoc sufficit.

*Altera responsio  
Refellitur.*

Alij dicunt. Genus ex eo esse distinctum prædicabile à Specie, quod genus prædicetur de speciebus, quod non est in differentia generica, quæ non prædicatur de Specie, sed de genere. Sed contra. De quocunque prædicatur genus in quid, differentia quoque generica prædicatur in Quale: at genus prædicatur de speciebus & specie differentibus: ergo & differentia generica.

At inquit. Genus immediate prædicatur de suis speciebus: differentia vero generica mediante genere. Contra. Etiam differentia specifica prædicatur de individuis



dividuis mediante specie, & tamen hoc non obstat, quominus differentia sit distinctum prædicabile per hanc, inquam, mediatam prædicationem. Quare mediata & immediata prædicatio, non variat rationem prædicabilis; eundem enim modum prædicandi haberet differentia, si prædicaretur immediate, de individuis, quem modò habet, cum prædicatur mediante specie.

Nos igitur aliam huius rei rationem asseremus. Omnem relationem distingui specie ex distinctis specie terminis, quos respicit: Quia igitur genus & species habent suæ prædicationis distinctos specie terminos immediatos, quos respiciunt, (genus enim pro immediato termino habet speciem: Species autem individua) idcirco merito distinguuntur in ratione prædicandi: quod non accidit in differentia generica, & specifica: Differentia enim tam generica quàm specifica, pro immediato termino suæ prædicationis, habent speciem quam constituunt: siue subalternam siue infimam; Generica enim differentia dicitur immediate de genere subalterno, quatenus illud genus est species subalterna, si quidem ut species, constituitur per differentiam, non ut genus; speciei enim est constare genere & differentia. Specifica verò differentia dicitur de specie infima, unde utraq; differentia mediante sua specie, siue subalternâ, siue infimâ, dicitur de subiectis speciei, sub ratione illius speciei. Quia igitur non habent hæ differentię distinctos formales terminos immediatos suæ prædicationis; utraq; enim de specie, ut species est, prædicatur & sub ratione speciei de subiectis speciei, idcirco hæ differentię non sunt distincta prædicabilia: quia sicut in ratione speciei non distinguitur essentialiter species subalterna à specie infima; ita neq; prædicatio de specie subalterna distinguitur essentialiter à prædicatione de specie infima. Ex quo patet in differentia duos illos modos prædicandi de differentibus specie, & de differentibus numero, nõ facere distincta prædicabilia; quia duo illi modi continentur sub vno, quatenus differentia de vtriusq; sub ratione speciei prædicatur, hoc est quatenus continent in se speciem: Alioqui genus summum & medium essent distincta prædicabilia: quia illud prædicatur de distinctis genere, hoc verò de differentibus specie. Propterea verò negamus esse distincta prædicabilia, quia vtrumq; prædicatur sub eadem ratione formali, hoc est, quatenus illa multa sunt distincta specie siue subalternâ (quæ etiam est genus subalternum) siue infimâ.

## QVÆSTIO IX.

## De Proprio.

DE proprio primum illud explicandum est, quodnam proprium sit quantum prædicabile, & quomodo ab accidente, quod est quantum prædicabile, distinguatur? Dico igitur. Ad proprium quod est quantum prædicabile duo requiri. Primum, ut sit extra essentiali rei, alioquin non differret à differentia. Idcirco Aristoteles Topic. cap. 4. definit proprium, Esse id quod non indicat quid est esse rei, soli autem inest, & conversim prædicatur. Secundò, ut sit simpliciter, & omni ratione proprium. Quod secundum Porphyrium est id, quod & omni & soli & semper

*Proprium requirit duo.*

semper convenit, quod etiam dicitur Proprium quarto modo; in illud enim omnes modi proprii concurrunt. Secundum Aristotelem verò est id, quod soli inest, & conversum prædicatur; Quidquid enim est convertibile cum re, omni, soli, & semper convenit: Nam si non omni, vel non soli, vel non semper conveniret non converteretur; ut patet in tribus prioribus modis proprii.

*Discrimen  
Proprij &  
Accidentia.*

Ex quo infero proprium distinguui ab Accidente, tanquam Accidentis Proprium à non proprio, ita ut quod vel non omni, vel non soli, vel non semper convenit, ad Accidentis, ut est quantum prædicabile referendum sit. Id ita esse colligitur ex ultima definitione Accidentis à Porphyrio data; Air enim Accidentis esse id quod cum non sit genus, nec species, nec differentia, nec Proprium, semper autem est in subiecto subsistens. Vbi ad rationem Accidentis, quod est quantum prædicabile duo requiritur, tum ut non sit proprium Accidentis, tum ut semper inest subiecto, hoc est ut nunquam extra subiectum existat. Colligitur item ex definitione Proprii tradita ab Aristot. 1. Top. cap. 4. Nam si proprium est illud, quod conversum prædicatur de re, pertinebunt ad quantum prædicabile non propria rei accidentis, vel non omni ratione propria. Non sunt autem omni ratione propria, quæ vel non omni, vel non soli, vel non semper conveniunt: quæ verò omni & soli, & semper conveniunt, sunt omni ratione propria, & conversum de re dicuntur. Hac igitur doctrina pro fundamento posita explicari faciliè possunt difficultates, circa hæc duo prædicabilia.

*Proprium nec-  
cessario con-  
venit rei.*

*Necessitas  
duplex.*

*Ex parte sub-  
iecti.*

*Ex parte præ-  
dicati.*

Prima difficultas. An omne proprium accidens sit necessarium? Respondeo. Affirmative, quod enim omni & soli & semper inest, non temerè, nec contingenter inest, sed habet suæ inexistentiæ causam necessariam in subiecto; quæ enim non necessariò insunt, contingit illa vel non semper inesse, vel non omni, vel non soli. Quamquam hæc necessitas potest esse duplex: Altera ex parte subiecti, quando subiectum necessariò requirit tale accidens, & habet in se causam propter quam sine tali accidente, esse non possit. Sic homo quia est rationalis, necessariò risibilis est: ignis ex natura sua necessariò est calidus; Altera ex parte accidentis, quando accidens necessariò requirit tale subiectum, ut non possit esse in alio subiecto, nisi in tali, ut esse bipedem, non potest convenire nisi animali, esse sinum, nisi naso. Proprium igitur utroque modo debet esse necessarium, tam ex parte subiecti, quam ex parte accidentis, quatenus enim omni & semper convenit, est necessarium ex parte subiecti, quia subiectum non potest esse sine illo: quatenus verò soli illi subiecto convenit, est necessarium ex parte accidentis, quia accidens non potest esse sine tali subiecto, sic risibile est necessarium respectu hominis, quia nec homo sine risibili nec risibile sine homine esse potest.

*An omne ac-  
cidens neces-  
sarium sit pro-  
prium?*

Secunda difficultas. An omne Accidentis necessarium sit proprium? Respondeo. Si sit necessarium utroque modo, tam ex parte subiecti, quam ex parte prædicati, erit Proprium. Nam quatenus est necessarium ex parte subiecti, convenit omni & semper, quatenus verò necessarium est ex prædicati, convenit soli; & sic erit proprium quarto modo omni, soli, & semper competens. Si verò sit necessarium, sed non ex utraque parte, sed vel ex parte subiecti tantum, vel tantum ex parte prædicati, non erit accidens proprium quarti prædicabilis; quia non omni, soli, & semper convenit, nec conversum de re dicitur, quod requiritur ad rationem proprii; ut est quantum prædicabile. Quare esse Musicum, vel Grammaticum,

maticum, est accidens hominis necessarium ex parte prædicati, non tamen est proprium; quia non est necessarium ex parte subiecti: esse verò bipedem est necessarium homini ex parte subiecti; quia tamen non est necessarium ex parte prædicati, non erit proprium quarti prædicabilis.

Ex quo patet primò. Accidens quod est quintum prædicabile, posse esse necessarium, vel ex parte subiecti tantum, vel ex parte prædicati tantum. Accidens verò quarti prædicabilis, debet esse necessarium utroque modo, tam ex parte subiecti, quam ex parte prædicati. Quod sic probatur: quia illud accidens quod non est utroque modo necessarium, non pertinet ad proprium; quia non convenit omni, soli, & semper, ut dictum est: Ergo vel ad nullum aliud prædicabile pertinebit, vel pertinere debebit ad quintum prædicabile. Deinde ostendimus accidens a proprio differre tanquam non proprium a proprio accidente. Potest autem non proprium accidens necessarium rei inesse, vel ex parte subiecti, ut calor igni necessarium inest, cum tamen commune sit illi accidens cum aëre, Lux etiam soli & igni inest, cum tamen neutri sit proprium, sed commune: Vel ex parte prædicati, ut finium inest naso, Grammaticum homini, quæ non sunt propria accidentia, cum nec omni nec semper in sint.

Quod si dicas. Accidens quintum prædicabile, debet posse abesse & adesse præter subiecti corruptionem: quod autem potest abesse à subiecto, non convenit illi necessarium; necessarium enim est, quod non potest non inesse. Respondéo, illam definitionem Accidentis, non intelligi de separatione reali Accidentis à subiecto, sed de separatione per intellectum, ut quæstione sequenti docebimus. Quare potest esse accidens realiter inseparabile à subiecto, ut necessarium convenire subiecto; & tamen per intellectum erit separabile, & poterit abesse à subiecto salva subiecti essentia: quia etsi intellectus concipiat subiectum sine illo accidente, non sequitur destructio essentialis subiecti.

Patet secundò. Proprium non distingui in hoc ab Accidente, quod proprium necessarium prædicatur, accidens contingenter: nam etiam accidens potest prædicari necessarium, vel necessitate subiecti, vel necessitate prædicati. Differunt igitur quod unum prædicatur ut accidens proprium & convertibile, aliud verò ut accidens, non proprium & non convertibile. Quare omne proprium est accidens necessarium; quintum verò prædicabile est accidens aliquando necessarium, aliquando contingens.

Tertia difficultas. An omne accidens fluens ab essentia subiecti sit proprium? Quibusdam enim id videtur, eo quod nihil magis sit proprium rei, quam quod ab eius essentia fluit.

Dicendum tamen est. Omne quidem proprium, manare quodammodo ab essentia subiecti, non tamen quidquid manat ab essentia subiecti, est proprium convertibile cum subiecto. Ratio primi est: quia quod uni, soli & semper convenit, habet aliquam causam in subiecto, ad quam necessarium consequatur. Ratio secundi est: Quia potest aliquod accidens manare à diversis specie subiectis, quatenus diversa sunt, ut patet primò inductione. Calor enim & ab essentia ignis oritur, & ab essentia aëris, & ab essentia aliquorum mixtorum: hæc autem omnia non conveniunt in aliqua communi essentia, à qua fluit calor. Deinde quia emanatio accidentis à subiecto, fit per efficientiam quandam subiecti: atqui idem effectus potest effici à diversis efficientibus specie, quatenus diversa sunt, ut calor à calore, &

*Accidens potest prædicari necessarium.*

*Non omne accidens manans ab essentia subiecti est proprium.*

à lu-

à lumine: Ergo etiam idem accidens potest manare à diversis specie subiectis, quatenus diversa sunt: Tale autem accidens non erit proprium, sed commune illis subiectis diversis.

*Primæ responsio refellitur.*

Responderi potest, Proprietates esse duplices, alias quæ consequuntur ad rationem aliquam genericam; ut sensitivum ad rationem animalis, alias quæ consequuntur ad rationem specificam, ut risibile ad rationem hominis: Illæ sunt propriæ generis, hæ propriæ speciei. Quando igitur Proprietas una manat à diversis specie subiectis censenda est ad rationem genericam communem utriusque subiecto pertinere, & esse proprietatem generis, utriusque communis, siue illud genus sit nominatum, siue innominatum, & sic illud accidens manans à subiecto illo generico erit accidens proprium illius generis & convertibile cum illo. Sed contra quia probatum est accidentia quædam manare à diversis subiectis, quæ diversa sunt, & quibus non est communis aliquis gradus essentialis, à quo emanent. Neque enim ad talem emanationem necessaria est communis essentia: Nam si causa efficiens diversæ, siue illa convenientia essentiali, possunt producere eundem effectum specie, ita & diversa subiecta specie siue illa convenientia essentiali, possunt ex se producere eandem specie proprietatem. Quæ verò ratio substantiæ est communis igni & aëri, ad quam consequatur calor? Vel soli & igni, ut ad eam consequatur lux? Vel quid est commune calori & lumini, ad quod consequatur vis calefactiva?

*Altera responsio refellitur.*

Dices. Istas proprietates oriri quidem à rationibus specificis diversorum subiectorum, sed diverso modo & secundum diversum gradum: v. g. lux in gradu valde intenso est solis propria: ab igne verò oritur in gradu minus intenso. Sed contra. Primò: potest eadem qualitas in gradu æquè intenso oriri à diversis specie subiectis, ut calor summus ab igne & aëre. Neque dubium est, hæc accidentia consequi ad rationem specificam ignis & aëris. Secundò: Ea accidentia quæ oriuntur à diversis subiectis in gradu non æquè intenso, secundum omnes suos gradus emanant ab illis subiectis, non solum secundum illum gradum intensum; Ergo adhuc verum erit, idem accidens, quoad gradum remissum saltem, posse emanare à diversis specie subiectis, & sic tale accidens emanans non erit accidens proprium, quoad illos gradus remissos.

Quod si quæras: tale accidens fluens à diversis specie subiectis, ad quod prædicabile referendum sit? Respondeo. Si fluat à diversis subiectis, secundum quod illa subiecta conveniunt in aliquo gradu communi essentiali; tunc ejusmodi accidens erit proprium quarto modo illius gradus essentialis; & ad quartum prædicabile referendum erit: Si verò fluat à diversis subiectis, quæ diversa sunt, tunc pertinebit ad quintum prædicabile: omne enim accidens quod non est proprium quarto modo, pertinebit ad quintum prædicabile: hoc autem est tale: Ergo.

Quarta difficultas. An proprium possit adesse & abesse præter subiecti corruptionem? videtur enim non posse, cum hæc sit definitio Accidentis, ut possit adesse & abesse præter subiecti corruptionem; alioquin proprium non esset distinctum ab accidente, si ei competit definitio accidentis. Ex altera vero parte Proprium quarto modo videtur id convenire posse. Nam & re ipsa per Dei potentiam potest auferri à subiecto, & per intellectum potest de eo negari salva subiecti essentia. Verbi gratia, summus calor in igne si statuatur, omni, soli & semper convenire, potest tam per Dei potentiam quam per intellectum separari ab igne;

*Proprium potest à subiecto separari.*

neq; negato enim calore, intellectus concipit integram ignis essentiam: Quantitas etiam omni materiz semper & soli convenit, ab ea tamen in Eucharistia separatur; à quantitate etiam separatur de facto extensio ad locum, quæ est illi propria quarto modo. Deniq; figura est proprietas quantitatis, quæ tamen potest ab ea separari, vel re ipsa, vel in minimu mente. Si enim esset quantitas vnde quaq; infinita, nullam haberet figuram (repugnat enim infinito finem & terminum habere: figura autem est terminus quantitatis) & tamen in quantitate infinita salvatur essentia quantitatis: Quod si infinita quantitas non sit possibilis, saltem intellectu non repugnat concipere essentiam quantitatis sine figura. Idem etiam probatur ratione. Nam ratio accidentis proprii, consistit in eo solum, quod omni, soli & semper competat: atqui hæc ratio salvatur, siue proprium sit separabile siue inseparabile à subiecto. Ergo non repugnat proprio posse abesse & adesse præter subiecti corruptionem. Neq; obstat quod illa sit definitio accidentis. Nam in illi definitione definitur accidens, quod non sit proprium, & cum non sit proprium, possit adesse & abesse præter subiecti corruptionem, ut in altera definitione Porphyrii expressè dicitur.

Pro solutione notandum est. Proprium esse duplex; Physicum & Metaphysicum. Physicum est qualitas realiter distincta à subiecto, omni, soli & semper competens: Metaphysicum verò est non distinctum ab essentia rei, nisi sola connotatione aliquius, vel negationis, vel respectus, vel termini, aut subiecti extrinseci; quomodo possessiones Entis dicuntur. Entis proprietates Metaphysicæ, quia dicunt ipsum Ens cum aliqua negatione, vel respectu. Vnum, verbi gratia, dicit Ens ut indivisum; verum, dicit Ens ut conforme idæ; Bonum dicit Ens, ut conforme appetitui.

Tales etiam proprietates sunt quædam essentielles aptitudines rerum, quæ nihil aliud dicunt, quàm essentiam, cum non repugnantia ad aliquid, talis est aptitudo materiz ad omnes formas recipiendas, quæ nihil aliud est, quàm essentia materiz cum non repugnantia ad omnes formas.

Dico igitur primò. Proprium Physicum potest adesse & abesse præter subiecti corruptionem, tam realiter per Dei potentiam, quàm per intellectum negantem tale proprium de subiecto, salva essentia subiecti; non tamen idcirco proprium erit accidens quinti prædicabilia: neq; ei definitio accidentis competet: Hæc conclusio quoad priorem partem probatur sufficienter in ratione dubitandi: Duo enim ex natura rei distincta Deus potest à se separare; denegando enim alteri suum influxum, fiet ut illud desinat esse altero remanente: Quæ verò Deus re separare potest, intellectus etiam poterit separare mente, salva alterius essentia.

Quod ad posteriorem verò partem attinet; quidam distinguunt: Quia proprium Physicum si sumatur secundum suam entitatem Physicam & actualem, sic potest adesse & abesse præter subiecti corruptionem; si verò sumatur secundum suam aptitudinem, sic non potest abesse præter subiecti corruptionem.

Sed contra. Proprium Physicum ut abstrahit ab illa aptitudine, & sumitur secundum suam entitatem actualem Physicam, est verè proprium, omni, soli, & semper competens: at sub illa ratione abstracta potest abesse: præter subiecti corruptionem. Ergo proprium sub ea ratione sub qua est proprium, potest abesse præter subiecti corruptionem; Quomodo igitur definitio accidentis illi non conveniet? Deinde ut minimum, sequeretur proprio æquè ex natura rei convenire posse abesse

*Proprium  
Physicum.  
Metaphysicū.*

*Proprium  
physicum po-  
test adesse &  
abesse.*

abesse præter subiecti corruptionem, sicut convenit accidenti, & sic in hoc, esse eadem naturam accidentis & proprii. Ad hæc etiam accidens commune quoad aptitudinem non potest abesse sine subiecti corruptione, ut patet de calore, & luce, respectu ignis, quæ licet sint communia igni cum alijs rebus, & possint actu ab igne separari; tamen quoad aptitudinem non possunt; semper enim ignis est aptus naturæ suæ esse calidus, & lucidus; ergo in hoc par esset ratio accidentis proprii, & communis.

Præterea cum dicitur proprium secundum aptitudinem, vel intelligitur de aptitudine ipsius proprii intrinseca, vel de aptitudine subiecti extrinseca: si primum; sicut proprium quoad entitatem potest abesse, ita & quoad omnem aptitudinem quæ consequitur entitatem; re enim pereunte pereunt & omnes eius aptitudines actuales: si secundum; tunc illa aptitudo subiecti est distincta proprietatis à proprio Physico. Ergo proprium Physicum, ut distinguitur à proprio Metaphysico, semper potest abesse, tum quoad rem, tum quoad aptitudinem.

*Definitio accidentis an conveniat proprio.*

Dicendum igitur est, Proprium Physicum, quia Physicum est posse abesse præter subiecti corruptionem; neque tamen idcirco definitione accidentis illi convenit, quia in definitione accidentis, ante omnia intelligitur, quod cum non sit proprium; possit abesse & adesse præter subiecti corruptionem; Ita enim intelligendum esse Porphyrius expresse docuit, cum definit Accidens, quod non est genus, species, differentia, Proprium, semper autem est in subiecto. Quare etsi pars definitionis Accidentis competat Proprio, quia tamen altera pars non competit, Proprium non erit Accidens quinti prædicabilis.

*Proprium Metaphysicum non potest abesse.*

Dico secundò. Proprium Metaphysicum quod est proprium quarto modo, non potest abesse à subiecto, nec re per Dei potentiam, nec per intellectum negantem. Explico. Proprium Metaphysicum est illud, quod dicit essentiam cum aliqua connotatione: hæc autem connotatio, si est necessaria, facit proprium quarto modo, ut patet in positionibus Entis, si verò sit contingens, non erit proprium quarto modo, quia non semper convenit subiecto. Sic informatio non semper convenit Formæ.

Hoc igitur posito, probatur conclusio, nempe proprium Metaphysicum, si sit proprium quarto modo, non posse abesse. Nam nec potest abesse, ut dicit essentiam, ut per se patet, neque ut dicit connotationem, quia hæc consequitur necessario ad essentiam, & illam negare esset negare essentiam. At instabis, etiam proprium Physicum fluit ab essentia, & tamen auferri & negari potest, ergo & connotatio poterit auferri, quæ ablata auferetur & proprietatis sub ratione proprietatis; quia essentia non habet proprietatis rationem, nisi sub illa connotatione. Respondeo. Proprium Physicum auferri posse à subiecto, quia est res distincta à subiecto; at connotatio cum non sit res distincta ab essentia, nec ad hoc ut consequatur aliud quid requirat præter essentiam, non potest auferri manente essentia. Sicut propter eandem causam relatio non potest auferri manente fundamento & termino, quia non est res distincta à fundamento; nec aliud quid requirit ad suam essentiam præter fundamentum & terminum. Similiter neque privatio, aut negatio consequens necessario aliquam naturam potest auferri manente illa natura, ut, v.g. cæcitas auferri non potest manente eadem dispositione reali, nec negatio humilitatis à rationalitate.

*Omnes aptitudines Metaphysicæ sunt propriæ quarto modo.*

Iam verò si quartis, An omnes aptitudines Metaphysicæ sunt propriæ suis subiectis;

bus, videntur enim aliquæ esse communes, vt aptitudo ad calorem in essentia ignis, & in essentia aeris, & aptitudo ad lucem in essentia solis, & ignis. Dicendum tamen est, has aptitudines nunquam esse communes, sed semper esse proprias quarto modo suis subiectis: quia sunt essentia ipsorum subiectorum postulantium talia connotata. Quare in distinctis essentij speciebus erunt etiam aptitudines essentialis distinctæ specie, & ex consequenti propria quarto modo ipsis subiectis: verbi gratia; aptitudo essentialis ad calorem; alia est in igne, alia in aëre: quia in igne est essentia ignis, sub ratione propria ignis requirens calorem; in aëre vero est essentia aeris ex se requirens calorem; & sic aptitudo ignis erit propria igni, omni, soli, & semper conueniens; aptitudo vero aeris, erit propria aëri omni, soli & semper.

Quinta difficultas: Quis modus prædicandi Proprij? quia proprium est, conueniat, vt est Quartum prædicabile. Quidam aiunt proprium modum prædicandi quarti prædicabilis, esse prædicari in quale accidentale necessarium; volunt enim proprium in hoc distinguere ab accidente; quod accidens prædicatur in quale contingenter, proprium vero in quale necessarium. Sed hæc opinio refellitur; Primò: Quia etiam accidens potest prædicari in quale necessarium, vt in secunda difficultate docuimus. Sic lux prædicatur de igne necessario; & tamen est accidens commune igni cum sole & alijs lucidis. Secundò: Quia in definitione proprii hic modus prædicandi necessarius, non exprimitur formaliter. Ergo non pertinet ad rationem formalem proprii, nec ad prædicationem formalem proprii vt Proprium est; Solum enim in definitione Proprij dicitur, quod omni, soli, & semper competit, seu quod conuersim dicatur de re.

At inquit. Id quod omni, & soli competit, & quod conuertitur cum re, necessarium illi competit. Respondeo, Verum id esse, quia ad naturam Proprij consequitur, vt necessarius prædicetur; ratio tamen formalis Proprij, non consistit in illa necessitate, sed in illo modo proprii se habendi respectu subiecti, qui modus est, omni, & soli, & semper competere, & conuenire cum subiecto.

Dico igitur modum prædicandi proprii quarti prædicabilis esse prædicari per modum accidentis proprii, seu accidentis conuertibilis, seu omni, & soli, & semper conueniens; isq; modus formaliter spectatur in prædicatione proprii, & cum indicat tam Porphyrius, quam Aristoteles in definitione Proprij. Ille vero modus primæ sententiæ nec in definitione proprii habetur, nec continetur in ratione formali proprii, sed solum consequitur ad rationem formalem proprii, sicut risibile consequitur ad rationalitatem; esse enim proprium, non est necessarius rei conuenire, sed soli, omni, & semper. Porro in hoc modo prædicandi differt proprium a cæteris prædicabilibus. Nam prima tria non prædicantur per modum accidentis, quinque vero prædicatur per modum accidentis, sed non proprii: quantum vero prædicatur per modum accidentis proprii.

Sexta difficultas. An proprium prius prædicetur de specie, quam de indiuiduis? Porphyrius hoc loco distinguit Proprium ab accidente, inter alia in hoc; quod primum prius de specie dicitur, tanquam de suo primo & immediato subiecto, deinde vero ratione speciei de indiuiduis; vt risibile prius de homine dicitur, tum ratione hominis, de hoc & illo homine particulari. Nam proprium, respectu speciei, dicitur proprium, quia omni speciei, soli & semper conuenit, & in specie habet causam ad quam, ad quam consequitur: Accidens vero prius dicitur de indi-

*Modus prædicandi Proprij quis?*

*Proprium prius conuenit speciei, tñ indiuiduis.*



individuis, deinde de specie: v.g. homo dicitur albus, quia hic homo est albus, non verò hic homo dicitur albus, quia homo in communi est albus: Nam si homini ex ratione communi hominis competeret esse album, omni homini esse competeret album: quia omnes homines participant illam communem rationem hominis. Posset tamen dari instantia de accidentibus quibusdam non proprijs, fluentibus tamen ab essentia, vt calor & lux fluit ab essentia ignis, & ex consequenti conuenit igni, vt ignis est, non vt hic ignis: neq; ideo ignis est calidus, quia hic ignis est calidus, sed potius ideo hic ignis est calidus, quia ignis ex natura sua est calidus. Quare dicendum est, talia accidentia excipi, ab illa communi regula. Discrimen verò à Porphyrio allatum in hunc modum accommodari potest: quòd id proprium per se competat, vt speciei primò conueniat, & ratione speciei individuis; accidens autem etsi aliquando primò speciei competere possit, id tamen ei per se primò non competit ex ratione communi accidentis, sed ob specialem rationem talis accidentis; si enim conueniret ex ratione communi accidentis, conueniret omni accidenti.

*Vniuersalis  
proprij.*

Ex dictis patet. Proprium non esse vniuersale respectu speciei, sed duplici alia ratione. Primò respectu subiectorum speciei, ad eum modum quo de differentia dicebamus. Secundo: respectu suorum inferiorum: & quidem ratione secundi habet esse vniuersale simpliciter, hoc est, abstractum à singularibus; ratione verò primi, solum habet esse distinctum prædicabile ab alijs.

## QVÆSTIO X.

### *De Accidente.*

*Accidens non  
proprium con-  
stituit quintū  
prædicabile.*

**A**ccidens vt est quintum prædicabile, non comprehendit omne accidens, sed solum accidens non proprium quarto modo, & non convertibile cum subiecto. Dicitur autem Accidens non proprium, si vel non omni competat, vt homini esse Grammaticum, vel omni, sed non soli, vt esse bipedem, vel omni, soli, sed non semper, vt canescere. Duo itaq; sunt hic habenda ante oculos.

Primum est. Omne accidens non proprium pertinere ad quintum prædicabile. Nam cum non possit pertinere ad quartum; aut ad nullum pertinebit, aut ad quintum prædicabile pertinere necesse est; nullum enim aliud prædicabile est pro accidentibus præter hæc duo.

*In definitione  
Accidentis  
observandum.*

Alterum est: quòd in omni definitione accidentis quinti prædicabilis, intelligendum est expressè vel tacitè quòd non sit proprium, & quòd cum non sit proprium, definitio accidentis illi competat. Patet id primò ex definitione accidentis, tum à Porphyrio, tum ab Aristotele data. Nam Porphyrius ita definit accidens. Quòd cum non sit proprium, inest autem rei: ita vt cum eadem restrictione, alias quòq; accidentis definitiones velit intelligi. Aristoteles etiam 1. Topic. cap. 4. ait: Accidens esse id, quòd neq; definitio est, neq; proprium, neq; genus, inest autem rei. Secundo: Quia ea quæ ponuntur in definitione accidentis, Proprium etiam possunt competere: v.g. adesse & abesse præter subiecti corruptionem; vt præcedenti quæstione docuimus. Nequè verò alia ratione hæc definitiones

sunt

sunt propriæ quinti prædicabilis, nisi quod intelliguntur cum hac restrictione; ita ut id accidens quod non est proprium & potest adesse vel abesse præter subjecti corruptionem sit accidens quinti prædicabilis. Deinde in hoc solo differunt quartum & quintum prædicabile, quod illud sit accidens proprium, hoc non proprium: Ergo in definitione quinti prædicabilis semper subintelligendum est accidens non proprium.

Sunt autem duæ difficultates de Accidente explicandæ. Prima difficultas est, quomodo sit intelligendum accidens posse abesse & adesse præter subjecti corruptionem: si enim realiter intelligitur accidens posse abesse præter subjecti corruptionem; in primis id falsum est, quod omne accidens possit realiter à subjecto abesse; Quædam enim sunt accidentia realiter inseparabilia, ut nigredo à corvo & Æthiope, & alia quæ ex essentia subjectorum situunt, ut lux à sole & igne. Quod si dicas per Dei potentiam separari posse. Contra. Est verum id sit: at in definitione non ponitur id quod convenit rei supernaturaliter, sed quod naturaliter & secundum ejus propriam essentiam illi convenit: Hæc autem separatio quæ fit per absolutam Dei potentiam, est supernaturalis omnino accidenti. Neque credibile est Porphyrium in definitione accidentis de absoluta Dei potentia cogitasse.

*Quomodo Accidens potest abesse. Non realiter.*

Deinde quædam accidentia sunt, quæ separari quidem realiter à suis subjectis possunt, non tamen præter subjectorum corruptionem: sublatis enim dispositionibus ad conservationem formæ necessariis rem perire necesse est, ut sublatis accidentibus propriis igni, necesse est ignem perire. Neque alius modus naturalis est res destruendi, nisi per destructionem accidentium propriorum. Præterea dantur quædam accidentia, quæ non possunt adesse præter subjecti corruptionem, ut morbus lethalis, & Mors; hæc enim cum adsunt, corrumpunt subjectum.

Si vero intelligatur accidens posse abesse non realiter, sed per intellectum, id quoque videtur dici non posse. Nam vel id ficeret per simplicem abstractionem quæ conciperet intellectus subjectum, non concepto accidente, vel per negationem negando accidens de subjecto: at neutrum dici potest: Non primum; quia sola abstractio, non facit accidens abesse à subjecto, quot enim res abstrahimus, quas tamen idcirco non dicimus abesse à re, à qua abstrahuntur? ut cum abstraho colorem à sapore in pomo, propter abstractionem non dicitur color abesse à pomo: Non secundum; quia talis negatio esset falsa; non enim esset conformis rei; negare enim de corvo nigredinem, cum corvus à parte rei sit niger, falsum est.

*Non per intellectum.*

Pro solutione notandum est. Duo dici in definitione accidentis, & quod possit abesse, & quod talis absentia accadat præter subjecti corruptionem. Vnde de tali absentia est questio, quæ fiat sine corruptione subjecti. Totâ igitur difficultas ad duo puncta revocatur. Primum est: An accidens debeat posse abesse realiter, vel tantum per intellectum? Secundum est: quid intelligendum est per corruptionem subjecti, & quomodo accidens præter subjecti corruptionem possit abesse?

Dico igitur Primò. Etsi non repugnat naturæ accidentis quinti prædicabilis, posse realiter abesse à subjecto, tamen definitio accidentis à Porphyrio data, est intelligenda de absentia reali. Prima pars conclusionis probatur: quia omne accidens quinti prædicabilis vel ex parte subjecti, vel ex parte prædicati, non necessario convenit subjecto: quod autem non necessario convenit alicui, naturâ suâ est separabile ab illo, & potest ab illo abesse: Ergo omne accidens naturâ suâ potest abesse à subjecto, ita ut quamvis actu non separetur, naturæ tamen ejus ta-

*Definitio non intelligitur de absentia reali. Omne accidens est aliquo modo ex natura rei separabile.*

his separatio non repugnat. Major patet ex præcedenti questione. Solam enim accidens proprium quarto modo est necessarium utraque ratione, tam ex parte subjecti, quam ex parte prædicati: Accidens verò quinti prædicabilis non necessario convenit, vel ex parte subjecti, quia subjectum non requirit tale accidens, nempe quod soli, sed non omni competit, verbi gratia, esse Grammaticum homini; vel ex parte prædicati, si accidens non necessario requirat tale subjectum, ut lux non necessario requirit ignem; potest enim esse extra ignem, licet ignis necessario requirat lucem.

Quidam addunt, non solum non repugnare naturæ accidentis separari à subjecto, sed etiam omne accidens actu separari posse naturaliter à subjecto, saltem secundum aliquem gradum, vel aliquem modum separationis. Cum enim in quolibet gradu minimo sit tota essentia accidentis, si secundum aliquem gradum accidens est separabile, absolute accidens est separabile. Ajunt ergo omne accidens, etiam quod dicitur inseparabile, habere in subjecto causam aliquam accidentalem, & variabilem: verbi gratia, nigredo in corvo, habet certam mixtionem, quæ cum variari possit, ipsa quoque nigredo variari poterit. Ut enim Albertus Magnus docet, si ova corvorum certo modo inficiantur, pullos albos procreabunt; quin etiam de facto in Moschovia dantur cervi albi, & passeris, & lepores, & ursi; apud nos etiam corvi de facto variantur in nigredine: nam nec omnes sunt æque nigri, neque quovis tempore æqualem habent nigredinem. Ajunt verò accidentia quædam esse inseparabilia; vel quia ex toto non separantur; vel quia difficillime separantur, eo quod habeant causam fixam in subjecto.

*Quæ accidentia naturaliter separantur.*

Verum quod hi auctores dicunt de separatione reali omnis accidentis, verum esse potest in accidentibus non fluentibus ab essentia. Nam hæc sola habent causam variabilem in subjecto. Si verò de accidentibus fluentibus ab essentia loquimur, distinguendum est: Nam vel habent contrarium; ut calor & siccitas fluens ab essentia ignis, habent contrarium, frigus & humiditatem, tunc talia corrumpi possunt, & ex consequenti possunt abesse à subjectis: vel nullum habent contrarium, ut lux in sole & igne, & hæc nullo modo possunt abesse à subjecto: quia & causam habent invariabilem in subjecto, & impediri à contrario non possunt. Notum igitur conclusio intelligitur, non de separatione actuali, sed de non repugnantia naturali ad separationem. Cujus etiam hoc indicium est, quod cum idem accidens inveniat quocumque in alio subjecto, videtur naturam suam posse ab illo abesse.

*Quædam non separantur sine reali corruptione subjecti.*

Secunda verò pars conclusionis probatur; Quia ut in ratione dubitandi deducitur est, etsi accidentibus quinti prædicabilis non repugnet abesse à subjecto realiter: quibusdam tamen repugnat abesse præter subjecti corruptionem: quibusdam accidentibus à quibus pendet conservatio subjecti. Nam quod dicitur, per Dei potentiam, salva substantia subjecti, quolibet accidens posse separari à subjecto, hoc & supernaturale est, & ad naturam accidentis quæ definitur non pertinet.

Deinde cum Porphyrius accidens quod definit posse abesse, dividat in separabile & inseparabile, admittit aliquod accidens re separari posse, aliquod non posse. Et tamen utrique accidenti convenit illa definitio, quod possit abesse præter subjecti corruptionem: Ergo non est intelligenda de absentia reali: quia talis absentia accidenti inseparabili non convenit. Dices. Accidenti inseparabili convenit realiter abesse à subjecto, non quoad actualem separationem, sed quoad non repugnantiam. Contra: quia definitio intelligitur de absentia, quæ possit esse sine subjecti

subiecti corruptione : at quibufdam accidentibus repugnat naturaliter poffe abefle realiter fine fubjecti corruptione. Ergo non de abfentia reali definitio intelligitur.

Dico fecundo. In definitione accidentis, cum dicitur accidens poffe abefle præter fubjecti corruptionem, intelligendum eft de feparatione accidentis à fubjecto per intellectum; quæ feparatio dicitur fieri præter fubjecti corruptionem, quia fit falva fubjecti effentia, ita ut propter talem feparationem non fequatur mutari aut deftrui effentiam fubjecti. Hunc fenfum definitionis ipfemet Porphyrius docet, cum intelligit eam fic explicat. Poteft enim, inquit, intelligi & corvus negare nigredinem de corvo, fed etiam affirmare albedinem de eodem, neque tamen ex tali affirmatione & negatione fequatur ulla mutatio aut deftructio effentiae corvi.

Pro quo notandum eft. Quædam accidentia non poffe feparari à fubjecto fine effentiae fubjecti deftructione. In hoc genere funt illæ aptitudines, & habitudines rerum effentiales : verbi gratia, rifibilitas, ut dicit intrinsecam hominis habitudinem ad ridendum, eft talis proprietas, ut non poffit negari de homine, nifi negetur rationalitas; quia homo propter rationalitatem eft aptus ad ridendum : Negare igitur aptitudinem ad ridendum, eft negare rationalitatem, & eft tollere effentiam hominis. Quædam vero accidentia, ita conveniunt fubjectis, ut fi vel actu auferantur à fubjectis, vel per intellectum negentur de fubjectis, nulla fequatur deftructio effentiae, neque propter talem ablationem vel negationem res illa debet amittere fuam effentiam, talia funt accidentia quinti prædicabilis.

Quod fi obijcias. Dantur accidentia quinti prædicabilis, quæ fluunt ab effentia fuorum fubjectorum : at talia accidentia non poffunt negari de fubjectis, falva fubjectorum effentia : Ergo non omne accidens poteft negari de fubjecto, falva fubjecti effentia. Minor probatur : quia qui negat effectum de caufa, negat caufam effe caufam, & tollit ab illa rationem & effentiam caufæ : Ergo & qui negat de effentia accidentia fluentia ab ipfa, tollit ab ipfa rationem & effentiam caufæ. Refpondeo. Accidentia fluentia ab effentia fi fumantur Phyficè, ut dicunt Entitatem diftinctam à fubjecto, poffunt negari de fubjecto, falva fubjecti effentia : quia fubjecti effentia non tollitur quod actu careat illis accidentibus. Nam fi per Dei potentiam auferantur à fubjecto, integram fuam effentiam retinebit fubjectum : Si vero fumantur quoad aptitudinem, fic negari non poffunt falva fubjecti effentia, cum fubjectum feipfo & fua effentia fit aptum ad talia accidentia. Verùm hæ aptitudines ad quantum non ad quantum prædicabile fpectant, ut præcedenti quæftione docuimus.

Ex quibus omnibus patet fenfum definitionis effe, quod accidens poffit abefle à fubjecto, five re ipfa, five per intellectum, fine fubjecti corruptione effentiali. Nam fi de corruptione quoad existentiam fit fermo, dantur accidentia, quæ non poffunt adefle vel abefle à fubjecto fine fubjecti corruptione quoad existentiam : ut morbus lethalis, ultima difpofitio ad formam contrariam; Mors.

Patet etiam folutio argumentorum in ratione dubitandi propositorum, ultimo excepto, in quo dicebatur, negationem accidentis de fubjecto effe fallam.

Refponderetur

*De feparatione per intellectum, cum intelligenda definitio.*

*De corruptione fubjecti quoad effentiam.*

*Accidens fluens ab effentia poteft abefle fine corruptione.*

*Senfus definitionis.*

*Negatio accidentis quomodo intelligenda?*

Respondetur enim: si absolute tale accidens negaretur de subiecto, & contrarium accidens affirmaretur, esset falsa affirmatio & negatio: quia non esset conformis rei: at quia hæc negatio & affirmatio non fit absolute, sed tantum in ordine ad corruptionem subiecti, idque ex suppositione, idcirco non est falsa. Verum enim est, si corvus non esset niger sed albus, nihil id repugnaret essentiae corvi, nec mutaretur idcirco ejus essentia. Sæpe enim supponimus aliquid falsi, ut cognoscimus quid, tali falso posito, sequatur, vel non sequatur. Sicut cum Aristoteles quaerit: an dato altero mundo, terra hujus mundi moveretur ad terram alterius mundi? Item an dato vacuo possit in eo fieri motus levium vel gravium? Similiter ergo hic dicimus: si intelligatur accidens abesse à subiecto, non sequi ullam essentiae mutationem, vel destructionem in subiecto, quod verum est, & sic verum etiam erit posse accidens abesse à subiecto, non absolute, sed quod præter subiecti corruptionem possit abesse, seu si abesset, non sequeretur corruptio subiecti quoad essentiam.

*Mors non destruit essentiam sed existentiam subiecti.*

Dices. Mors non potest adesse viventi, sine viventis corruptione, quoad essentiam. Nam essentia viventis, consistit in conjunctione animæ & corporis: at mors dissolvit hanc conjunctionem, cum sit privatio animæ in corpore: Ergo mors destruit essentiam. Respondeo. Essentiam in ratione essentiae destrui, est amittere aliquid prædicatum essentiale, ut si homo non esset rationalis, vel sensitivus. Quoad existentiam vero destruitur, cum dissolvitur unio animæ cum corpore, quod fit per mortem; Mors enim non mutat prædicata essentialia hominis, sed facit ea non existere. Possit mors non est accidens aliquid positivum, sed privativum in privatione vitæ consistens, estque subiectivè in corpore seu materia, licet toti composito tribuantur denominativè; à parte enim totum denominari potest; Totus enim homo denominatur mortuus, ratione corporis privati vitæ; sicut totus denominatur cæcus ratione oculi privati visu.

*Prædicari in quale accidentale contingens non est proprius modus Accidentis.*

Secunda difficultas. Quis sit modus prædicandi proprius Accidentis ut est quantum Prædicabile? Communiter dici solet. Proprium modum quinti prædicabilis esse, prædicari in quale accidentale contingenter: Quod tamen universale non est verum. Primò. Quia accidentia multa sunt quinti prædicabilis, quæ non prædicantur in quale, sed aliis modis diversis. Docet id expressè Porphyrius, agens de differentiis generis & accidentis. Ait enim accidentia prædicari in quale aliquid est, vel quomodo se habeat unum quodque; qualis enim est Æthiops? interrogatus, dices, niger: & quomodo se Socrates habeat? dices, quod sedet, vel ambulat. Quibus verbis ostendit Porphyrius, accidentia non solum in quale, sed aliis etiam modis prædicari. Nam qualitas prædicatur in quale, quantitas in quantum, Relatio, actio, passio, situs, ubi, Quando, habere, non in quale, sed aliis modis sibi convenientibus prædicantur; & tamen non est dubium ista omnia esse accidentia quinti prædicabilis: Si enim quis quaerat, qualis est Petrus? non rectè respondetur, est in agro, vel calescit, aut ambulat: Ad hæc stando in doctrina Aristotelis & Porphyrii dubitari non potest, quantum prædicabile completi omnia accidentia non propria & non convertibilia cum subiecto: accidens autem non proprium & non convertibile completitur non ea solum accidentia, quæ prædicantur in quale, per modum qualitatum, sed etiam quæ aliis modis dicuntur secundum varias formas interrogationum, ad quas non in quale, sed aliis modis convenientibus respondetur, ut cum dico corpus esse magnum vel parvum, Petrum

*Non solum in quale prædicatur Accidentis.*

Petrum esse Filium Ioannis, ignem calefacere, domum ardere, Petrum sedere, esse viginti annorum, esse in agro, &c. hæc enim prædicationes non sunt in quale, sed alius modis.

Secundò. Falsum etiam est, omne accidens quinti prædicabilis, prædicari contingenter. Dantur enim aliqua accidentia, non propria, sed communia, & ideo ad quantum prædicabile spectantia, quæ tamen sunt necessaria ex parte subiecti, quia mutant ab eius essentia, ut lux solis & ignis, de quibus quæstione præcedenti actum est.

*Non omne accidens prædicatur contingenter.*

Dicendum igitur est. Modum proprium quinti prædicabilis esse, prædicari per modum accidentis, non proprii seu non convertibilis; hoc enim formaliter spectatur in quinto prædicabili, quod sit accidens subiecti non proprium, & non convertibile, & in hoc differt à quarto prædicabili: quod quantum prædicabile sit proprium & convertibile accidens, quantum non item. Et idem patet ex definitionibus horum duorum prædicabilium. Certum est enim quantum prædicabile complecti sola accidentia propria; reliqua verò omnia non propria pertinere ad quantum prædicabile, cum præter hæc duo, non sit aliud prædicabile pro accidentibus.

*Modus proprius prædicandi accidentis.*

Atinques. Modus quinti prædicabilis, quo convenit subiecto, est positivus, non negativus: at non esse proprium, & non esse convertibile, sunt negationes: Ergo non constituunt modum proprium quinti prædicabilis.

Respondeo. Quod cum omnis negatio fundetur in aliqua affirmatione, per negationes solemus designare illud positivum, in quo fundetur: quare & per has negationes designatur modus existentis accidentis positivus, fundans dictas negationes.

Ex quibus patet, ad modum prædicandi quinti prædicabilis per se non requiri, ut prædicetur in quale, & contingenter, sed potest prædicari tam in quale, quam secundum alias formas interrogatorum: potest etiam prædicari tam necessario quam contingenter, ut dictum est.

Porro notanda est hoc loco quædam usitata accidentis distinctio: Distingui enim solet accidens in Physicum & Logicum. Physicum est illud quod Physicè & realiter distinguitur à subiecto, & illi inhæret, ut albedo in cygno: Logicum verò, est omne id quod est extra essentiam rei, & potest abesse & adesse salva rei essentia, sive sit realiter distinctum à re, sive per intellectum, sive sit de genere accidentis, sive de genere substantiæ, dummodo concipiatur non pertinere ad rei essentiam, & esse quod quasi extrinsecum essentiæ. Sic modi & proprietates substantiales dicuntur accidentia Logica, non quod inhæreant per modum accidentium, sed quod sint extra conceptum essentiæ, quo etiam modo differentia respectu generis dici potest accidens Logicum: quia non pertinet ad essentiam generis. Physicum igitur accidens est essentialiter accidens, cuius esse est inesse; Logicum verò est solum respectivè accidens: quia respectu talis subiecti, habet se ut accidens, licet in sua essentia non sit accidens, sed possit esse quid substantiale. Quanvis non negamus idem posse esse & Physicum & Logicum accidens, & Logicè & Physicè.

*Accidens  
Physicum.  
Logicum.*

*Logicum accidens est solum respectivè accidens.*

## QVÆSTIO XI.

*De numero prædicabilium.*

*Duo universalis in essendo ob duplicem abstractionem.*

*Sola abstractio à singularibus facit universale in essendo.*

**C**ommuniter quinque prædicabilia numerantur; qui numerus variis modis impugnari potest. Primum enim videntur esse pauciora. Universalis enim videntur esse tantum duo: Ergo & prædicabilia. Consequentia patet: quia universale & prædicabile convertuntur: Ergo quot universalis, tot prædicabilia. Esse autem duo tantum universalis probatur: quia universale fit per abstractionem à singularibus, opponitur enim universale singulari: at abstractio à singularibus, est tantum duplex; una à singularibus specificis, seu solo numero differentibus; quæ abstractio est speciei: altera à singularibus genericis specie differentibus; quæ abstractio est generis. Neque præter has duas abstractiones datur ulla alia abstractio à singularibus. Dantur quidem abstractiones à subjectis, sed hæc non faciunt numerum universale in essendo: nam etiam singulare potest abstrahi à subjecto nomen singulare: Ergo duo tantum erunt universalis.

Secundo: Quia videntur esse plura quam quinque. Nam hæc quinque Prædicabilia prædicantur vel in quid, vel quale: at multa alia sunt quæ neutro dictorum modorum prædicantur, sed habent alios prædicandi modos. Verbi gratia, in propter quid, in quis, & quomodo. Si enim quæras, propter quid sit Eclipsis solis? Dicitur propter interpositionem lunæ inter nos & solem. Quis est ille? Rex, vel Consul. Quomodo se habet? Bene vel malè. Quid agit? legit, docet, ambulat. Deinde modi substantiales, ut esse subsistens, existens, esse suppositum vel personam, non revocantur ad hæc quinque: cum nec sint essentialis, nec accidentales.

Tertio: quia ista divisio Prædicabilium in quinque, non est per differentias essentialis, sed per accidentales; Differentiæ autem accidentales, sicut variæ esse possunt, ita divisio per differentias accidentales potest esse varia & multiplex: & æque potest prædicabile dividi in quinque, sicut in decem secundum varias considerationes.

Dices. Naturis quidem, ut naturæ sunt, per accidens esse prædicari, hoc vel illo modo; at naturis, ut prædicabiles sunt, hos modos quinque prædicandi esse essentialis. Contra; quia multi sunt alii modi prædicandi, ab his distincti, qui æque convenient naturæ prædicabili sicut & isti, ut prædicari in quantum, in quale, in ad aliquid, & aliis modis aliorum prædicamentorum. Ex quo patet. Hanc divisionem prædicabilium in quinque esse ad libitum factam, nam ex natura rei loquendo alia fieri potuit.

Communis tamen & recepta tot sæculis sententia est, quinque tantum esse Prædicabilia, à qua temerè non est recedendum; sunt enim quinque prædicandi modi, ad quos omnes alii sufficienter revocantur.

Pro cuius pleniori explicatione notandum est primo. Hanc divisionem sumi partim ex rebus quæ prædicantur, partim ex modis prædicandi. Id enim quod prædicatur, vel est essentialis, vel accidentalis. Essentialia sunt tria, Genus, Species, Differentia; Accidentalia sunt duo, Proprium accidens, & non proprium: His autem quinque rebus conveniunt quinque modi prædicandi. Genus in quid de speciebus, speciei

*Ratio huius numeri.*



speciei in quid de individuïs ; Differentiæ in quale essentialiter ; Proprio, modo accidentali convertibiliter ; Accidenti non convertibiliter. Quod si quæras, quare isti potius modi ex tanto numero modorum delecti sint, ad constituenda, & distinguenda prædicabilia ; Responderi potest. Prædicabilia esse inventa propter scientias, ut per ea dirigamur in scientiis, quoad prædicationes : ex omnibus autem modis prædicandi, isti quinque sunt maximè usitati, & maximè conducunt ad scientias ; in scientiis autem potissimum attenditur, an aliquid prædicetur essentialiter, vel accidentaliter in quid vel in quale ? Quare & si potuerunt prædicabilia dividi secundum alios modos prædicandi, hæc tamen divisio secundum hos quinque modos fuit maximè accommodata, maximè cum alii modi prædicandi ad hos revocari possint. Deinde hi quinque modi prædicandi, nascuntur ex naturis quinque illarum rerum, quæ solæ ad prædicandum adhibentur ; naturæ enim generis convenit prædicari in quid, &c.

Notandum est secundò : Vniuersale in essendo, & uniuersale in prædicando, *Vniuersale in partem esse idem, partim non. Sunt idem ; quia omne uniuersale in essendo, est essendo & in etiam uniuersale in prædicando : non sunt autem idem : quia non omne uniuersale in prædicando, est etiam uniuersale in essendo. Nam uniuersale in essendo, constituitur per abstractionem à singularibus, seu per modum essendi non singularem, cum indifferentia ad omnia singularia ; Opponitur enim uniuersale in essendo, singulari in essendo. At uniuersale in prædicando constituitur per modum prædicandi uniuersalem. Vnde uniuersale in essendo, dicitur uniuersale in essendo solum respectu singularium, à quibus est abstractum : uniuersale autem in prædicando, dicitur non solum respectu suorum singularium, sed etiam respectu aliorum, quibus uniuersaliter convenire potest. Verbi gratia, si accidens abstrahatur à suis singularibus, non solum prædicari potest de suis singularibus, sed etiam de subiectis suorum singularium, in quibus existit. Et tamen non respectu subiectorum est uniuersale in essendo, sed respectu singularium, quia per abstractionem à singularibus formaliter habet esse uniuersale in essendo : cum verò inexistit multis subiectis, fit uniuersale in inexistendo, non vero absolute in essendo ; nam uniuersale in essendo, est uniuersale habens essentiam communem multis singularibus. Hinc igitur est, quod non sint tot species uniuersalis in essendo, quot in prædicando.*

Dico igitur Primò. Vniuersalia in essendo esse duo tantum Genus & Speciem, *Vniuersalia in ad quæ consequuntur quinque modi uniuersaliter prædicandi. Explico. Omnia quinque uniuersalia sunt uniuersalia in essendo, quia sunt naturæ abstractæ à singularibus. Verum non sunt uniuersalia in essendo, quinque modis, sed tantum duobus : vel per modum generis, vel per modum speciei : Verbi gratia, risibile est uniuersale in essendo in quantum est abstractum à suis singularibus ab hoc & illo risibili, quæ abstractio cum fit speciei, uniuersalitas etiam erit speciei. Est verò uniuersale in prædicando, non solum respectu suorum singularium, sed etiam respectu subiectorum, quorum est proprium accidens, & respectu quorum non est uniuersale in essendo. Probat ergo conclusio ; quia uniuersale in essendo est natura abstracta à singularibus, indifferens ad omnia singularia, atqui non dantur nisi duæ abstractiones à singularibus, una generis, quæ est abstractio à singularibus differentibus specie, alia speciei, quæ est abstractio à singularibus differentiibus solo numero : Ergo non dantur nisi duo uniuersalia in essendo, Genus & Species.*

Quare tria reliqua Prædicabilia, Differentia, Proprium & Accidens, sunt quidam

dem universalia in essendo, sed non nisi ut habent abstractionem generis vel speciei; sunt enim respectu suorum singularium vel species vel genera. Posita autem hac universalitate in essendo (quæ est universalitas essentia abstractæ communis multis singularibus) convenit illis alia universalitas in inexisterendo, ita ut non solum sint naturæ universales in essentia, sed etiam in inexistentia: quia inexistunt universaliter in subiectis, & ex consequenti, prædicantur universaliter de illis. Verum hæc universalitas inexistentiæ & prædicationis, non facit formaliter universalia in essendo, sed supponit jam esse facta per abstractionem à singularibus, solum autem facit illa esse universalia in inexisterendo, & in prædicando. Patet id, si cogitemus unum numero accidens existere in pluribus subiectis, non esset universale in essendo, quia esset in se singulare, & modum in se singularem haberet: sed solum esset universale in inexisterendo. Similiter igitur cum universale in essendo existat in pluribus subiectis, non propter illam inexistentiæ universalem in subiectis est universale in essendo, sed propter abstractionem à suis singularibus specificam, vel genericam.

Ex quo patet. Differentiam, Proprium & Accidens esse universalia in essendo, quatenus sunt genera & species, ut verò de suis subiectis prædicantur, sunt universalia in inexisterendo. Patet etiam quomodo universalia in essendo sint tantum duo, in prædicando verò sint quinque. Modi enim prædicandi, non solum fundantur in modis abstractè & absque singularitate essendi, sed etiam in modis inexistendi in alio universaliter. Et si igitur duo sint tantum modi essendi abstractè & non singulariter; tamen præter illos sunt alij tres modi inexistendi in alio universaliter, qui fundant modos prædicandi universaliter.

Vnde patet solutio illius argumenti, Prædicari sequitur ad inesse: sunt quinque modi prædicandi universales: ergo quinque modi essendi universales. Dicimus enim esse quinque modos essendi universales, sed ita, ut duo sint modi essendi in se, abstractè & non singulariter, qui constituunt universale in essendo; tres alij sunt modi existendi in alio, qui constituunt tria universalia in inexisterendo, omnes autem quinque modi constituunt quinque universalia in prædicando. Et hoc etiam probat prima ratio dubitandi.

Dico secundò, Universalia in prædicando esse quinque: quia quinque sunt modi prædicandi universales, ut dictum est, qui partim fundantur in modis in se essendi, partim in modis in alio inexistendi universaliter.

At objicies. Aristor. 1. Top. cap. 4. quatuor tantum prædicata ponit. Genus, Definitionem, Proprium, & Accidens: in prædicamentis verò ponit decem genera prædicamentorum: ergo non est major ratio cur prædicabilia ponantur quinque, quàm vel quatuor, vel decem. Respondeo. Secundum diversas considerationes diversas posse fieri definitiones eorum quæ prædicantur. In Top. igitur Aristoteles agit de prædicatis, quæ probantur per Syllogismum Topicum de specie: quare speciem inter prædicata non ponit, cum illam velit esse subiectum. In definitione autem differentiam complexus est.

Quod si quæras; cur definitio inter prædicabilia non ponatur? Respondeo, In prædicabilibus poni solum prædicata incomplexa, definitio autem est quid complexum ex duobus terminis, Genere & Differentia. Quod si iustes. Idem significat species quod definitio: at species est unum prædicabile, ergo & definitio. Respondeo: Speciem esse unum terminum, & per modum unius termini significari incomplexè.

*Accidens singulare commune pluribus subiectis.*

*Universalis in prædicando quinque.*

*Definitio non est unum ex prædicabilibus.*

*Inter speciem & Definitionem differentia.*

plexè, definitionem autem duos continere terminos, & per modum duorum terminorum significari complexè.

Quod verò ad prædicamenta attinet: in his præcipuè spectatur diversitas naturarum generica, & ex consequenti diversus modus efficiendi & prædicandi, qui ex illa diversitate reali naturarum sequitur. Vnde secundum diversitatem naturarum ponuntur decem prædicamenta: At in prædicabilibus primò & præcipuè spectatur modus formalis prædicandi, secundum quem quinque prædicabilia statuuntur.

Ad primam rationem dubitandi patet; probat enim primam conclusionem nostram.

Ad secundam. Omnes illos modos decem, quibus Genera prædicamentorum prædicantur, contineri secundum aliam considerationem in quinque modis Prædicabilium. Nam quod dicitur non omne accidens prædicari in quale, id verum est; sed neque nos adstringimus duo ultima prædicabilia accidentis, ad prædicacionem in quale, sed ad prædicacionem accidentalem, vel non convertibili modo.

Quod verò ad modos substantiales attinet: eos etiam si sint convertibiles, ad proprium reducimus, si non convertibiles ad accidens: licet enim Physicè non sint accidentia, cum ad genus substantiæ spectent, Logicè tamen sunt accidentia, cum sint extra essentiam substantiæ.

Ad Tertiam. Concedimus ultrò hanc divisionem non esse per differentias essentielles, sed per accidentales. Nam & naturæ quæ prædicatur, accidentarium est prædicari: & prædicabili quæ universale est in prædicando, accidentarium est convertibiliter vel non convertibiliter prædicari. Nam proprium est convertibile respectu speciei: est autem universale respectu individuorum. Vnde convertibilitas respectu universalitatis habet se per accidens, idem patet in accidente. Quamvis verò hæc divisio fiat per differentias accidentales, est tamen exacta & sufficiens, ut deductum est.

*Prædicamenta decem.*



## DISPUTATIO VI

De *Æquivocis, Analogis, Univocis.*

## QVÆSTIO PRIMA.

De *Æquivocis.**Æquivoca  
quid sunt?*

Æquivoca definit Aristoteles, quorum nomen commune est, & secundum nomen ratio substantiæ diversa. Duo igitur sunt de ratione Æquivocorum, & nomen commune, & secundum nomen ratio substantiæ diversa; si enim sit ratio substantiæ diversa sine nomine communi, non erit Æquivocatio: ut Homo, & lapis habent rationem substantiæ diversam, non tamen sunt Æquivoca: quia non communi nomine significantur. Si verò sit nomen commune, & ratio substantiæ diversa, sed non secundum nomen illud commune, non erit etiam Æquivocatio: sic homo, & equus, licet communi nomine animalis significantur, & habent rationem substantiæ diversam (sunt enim specie diversa) non tamen sunt Æquivoca, quia non habent diversam rationem substantiæ, ut nomine animalis, significantur, sed ut diversis nominibus hominis, & equis significantur.

*Æquivocum  
nomen cur di-  
citur commu-  
ne?*

Porro nomen Æquivocum est commune, non quod aliquid commune significet, sed quod ipsum sit commune: quia est impositum nomen commune ad res diversas significandas. Quare voce canis, verbi gratia, immediate significatur, canis latrabilis, canis cœlestis, canis marinus; non verò aliquid commune omnibus his canibus.

*Canis nomen  
ad quid sit im-  
positum.*

Quod si dicas audita voce canis, concipi in animo quiddam commune omnibus canibus, nempe habens essentiam canis? Respondeo Primò, nomen canis non esse impositum ad conceptum communem significandum, sed ad tres canes particulares. Secundò. Cùm talem conceptum formo, conceptus ille est quidem unus ex parte intellectus concipientis, sicut & vox una est ex parte dicentis; non tamen est unus conceptus ex parte rei significatæ, quia & essentia canis non est una, sed diversa in tribus canibus. Quare sicut vox æquivoca est communis æquivocè omnibus æquivocatis,

æquivocatis, quoad rem significatam, ita & conceptus iste est communis æquivocè; quia non secundum unam, sed secundum diversas rationes illas convenit. Nam cum audita voce canis, concipio aliquid in communi significatum voce canis; talis conceptus est solum vocis significantis aliquid, non verò rei alicujus significatæ. Quare sicut vox est communis æquivocè, ita & talis conceptus vocis erit communis æquivocè; ac ex consequenti non erit unus ex parte rei significatæ, sed ex parte rei significantis.

Est autem difficultas Prima. An æquivoca definiri possint? Ea enim definiuntur, quæ habent unam essentiam: nam plures essentiæ pluribus definitionibus definiuntur: æqui æquivoca non significant unam essentiam, sed multas: Canis verbi gratia, significat marinum, cœlestem, terrenum: Ergo non videtur posse definiri. Dicendum tamen est æquivocum dupliciter sumi posse: Primò secundum rationem formalem æquivoci, quæ ratio cum sit una, potest una definitione explicari: Secundò ut supponit pro æquivocatis, verbi gratia, Canis, ut significat cœlestem, marinum, terrenum, & sic cum res diversas significet, una definitione definiri non potest. Primò igitur modo æquivocum, cum dicat unam rationem formalem æquivoci, eo respectu non est æquivocum, sed univocum; quia æquivocum rationem formalem æquivoci, dicit eandem in omnibus nominibus æquivocis; omnia enim nomina æquivoca, univocè sunt æquivoca, & eadem ratione se habent ad rationem formalem æquivoci; licet respectu rerum significatarum æquivocè, hoc est diversa ratione se habent; Canis enim & lupo sunt univocè æquivoca; quia ratio formalis æquivoci eadem ratione illis convenit, & respectu rerum significatarum habent se æquivocè: quia secundum diversam rationem lupo significat animal terrenum, & piscem. Porro aliis terminis alii idem explicant; dicunt enim æquivocum in actu signato definiri posse non in actu exercito, hoc est, ut significat rationem formalem æquivocationis, non ut eam exercet in suis significatis.

Secunda Difficultas. An res, vel voces sint æquivocæ? Respondeo. Neque res secundum se, neque voces secundum se, dici æquivocas, sed res ut voce communi significatur, & voces ut diversas res significant. Res dicuntur æquivocè passivè; quia æquivocè significantur, hoc est secundum idem nomen, & non secundum eandem rationem: Voces verò dicuntur æquivocè activè; quia æquivocè significant, Logici vocant, res æquivoca æquivocata, voces æquivoca æquivocantia. Ratio horum est. Quia eadem res, ut una voce significantur, sunt univocæ, ut alia æquivocæ. Similiter eadem vox respectu aliquarum rerum esse potest æquivoca: respectu aliarum univoca: Ergo non ex solis rebus, nec ex solis vocibus oritur æquivocatio, sed ex rebus in ordine ad voces, & ex vocibus in ordine ad res. Verbi gratia, Canis marinus, & terrenus, ut voce canis significantur, sunt æquivoca; ut verò significantur voce animalis, sunt univoca. Similiter vox canis, ut significat animal domesticum, est univoca respectu omnium canum domesticorum, ut verò significat cœlestem, marinum, & terrenum canem, est æquivoca.

Tertia difficultas. An dentur conceptus æquivoci? Videntur enim dari; quia sicut datur vox ex impositione, diversa significans, ita datur ratio concepta, res diversa significans ex representatione, quatenus res conceptu representata, diversa est in uno & in altero. Sic conceptus essentiæ convenit æquivocè substantiæ, & accidenti: quia essentiæ substantiæ, & accidentis sunt diversæ; substantia enim, ut substantia, est essentia, & accidens, quia accidens est essentia; sicut ergo ratio propria

Æquivoca  
possunt defini  
ri?

Res vel vo  
ces sint æqui  
vocæ?

Æquivoci  
conceptus den  
tatur?

propria substantiæ, & ratio propria accidentis sunt diversæ, ita & essentia eorum sunt diversæ. Porro ad rationem Æquivoci, non satis est diversas res significare, sed requiritur, ut ista significatio, fiat uno communi nomine. Quod quidem in voce æquivoca facile est explicare: quia uni voci ex impositione conveniunt multe significationes, in conceptu verò est aliquanto difficilius; non enim conceptus significat ex impositione, sed ex representatione.

*Conceptus potest dici unus dupliciter.*

Dupliciter igitur conceptus dici potest unus: vel ex parte concipientis, quia est unus actus intellectus concipientis; vel ex parte rei conceptæ, quia sub una ratione res concipitur, & repræsentatur; conceptus igitur æquivocus non satis est, ut sit unus ex parte concipientis: Nam si uno conceptu concipiantur res diversæ sub diversis rationibus, talis conceptus non erit æquivocus; quia respectu objecti nullo modo est unus, sed multiplex, & continet diversas rationes conceptas diversis rebus accommodatas, non sub una ratione. Et sicut res diversas diversis vocibus significare, non est æquivocè res significare; ut cum hominem, & leonem, hominem & leonis vocibus significamus, ita cum diversas res sub diversis rationibus concipimus, non concipimus æquivocè, quia non uno formaliter conceptu, sed multiplex concipimus; conceptus enim unius rei, à conceptu alterius rei ratione & formaliter distinguitur, licet materialiter in re sit idem. Ut igitur conceptus sit æquivocus, debet esse aliquo modo unus, & sub una ratione repræsentare multa: Non potest autem esse unus essentialiter, nec unam rationem essentialiter repræsentare; quia sic esset conceptus univocus: debet ergo esse unus secundum quid, propter aliquam imperfectam convenientiam, res diversas sub una ratione repræsentans; diversa enim, quæ diversa sunt, non possunt sub una ratione apprehendi. Quod si sub una ratione apprehenduntur, id fit propter aliquam convenientiam, quam habent inter se; quæ enim inter se conveniunt aliquo modo, possunt sub una ratione apprehendi. Conceptus igitur æquivocus ex parte rerum conceptarum est, & unus, & multiplex: multiplex essentialiter, quia diversas essentias repræsentans; unus verò secundum quid; quia eas repræsentat secundum convenientiam imperfectam, quam habent, vel secundum proportionem inter se; vel secundum attributionem, ad unum tertium. Sic conceptus essentiæ, significat essentiam substantiæ, & accidentis, quæ essentiæ sunt simpliciter diversæ essentiæ, habent tamen convenientiam in ratione essentiæ proportionatam: quia singulæ suo modo sunt essentiæ.

*Æquivoca vox significat diversas essentias dupliciter.*

Porro vox æquivoca potest significare diversas essentias dupliciter. Primo, expressè sub propriis earum rationibus distinctis, ut vox canis est imposita ad significandas tres essentias canum, sub expressis ipsorum rationibus. Secundo confusè & indeterminatè sine expressione rationum propriarum: sic vox Ens significat substantiam, & accidentis, sed in confuso, sine expressione propriarum rationum substantiæ & accidentis. Cum enim concipimus Ens, non concipimus expressè substantiam vel accidentis; licet revera Ens illud non sit nisi substantia vel accidentis, & sic confusè in ratione Entis concipimus substantiam & accidentis. De conceptu igitur æquivoco loquendo, non possumus in illo distinguere duplicem hunc modum æquivocationis, sed tantum unum, nempe posteriorem, ita ut conceptus æquivocus sit ille, qui in confuso & sub una ratione confusa, multa repræsentat. Nam si multa concipiantur non in confuso, sed expressè sub propriis diversis rationibus, non concipientur sub una ratione, nec uno formaliter conceptu;

et ostensum est requiri ad æquivocationem conceptus, unum formaliter conceptum, diversa sub una ratione representantem.

Dicendum igitur est, non dari conceptum purè æquivocum, sed solùm æquivocum, per modum Analogi. Quia non datur æquivocatio nisi respectu unius formaliter conceptus, & respectu unius rationis conceptæ: at purè æquivoca non possunt sub una ratione concipi ab intellectu, (nisi secundum vocem) quia nullam habent in re convenientiam inter se, per quam fundent unam rationem conceptibilem. Imò neque analogæ possunt convenire in conceptu analogo, nisi confusè concepta. Nam si expresse concipiuntur sub suis propriis rationibus, concipiuntur sub diversis rationibus, non sub una: sine una autem ratione concepta, quæ æquivocè conveniat multis, non potest esse æquivocatio.

Ex quo patet discrimen conceptus univoci, & analogi. Conceptus enim univocus, est conceptus unius rationis, eodem modo convenientis multis; conceptus vero Analogus, est conceptus unius rationis, quæ non eadem essentiali ratione convenit multis, sed tantùm secundum convenientiam imperfectam, proportionis, vel attributionis: unde in conceptu analogo est eadem proportio & attributio, non eadem ratio significata: in conceptu vero univoco, est eadem essentia rationis significata in omnibus. Quamquam non nego conceptum vocis æquivocæ esse purè æquivocum, sed nego conceptum rei æquivocæ esse posse æquivocum purè, sed tantùm analogum.

Quarta difficultas. An analogæ sint æquivocæ? Respondeo. Affirmativè: quia diversæ essentias sub uno nomine significant. Pro quo noto. Æquivocæ esse duplicia: quædam res omnino diversas, & inter se nullo modo secundum illud nomen convenientes, significant: ut canis, tres illos canes; & hæc sunt purè æquivocæ: illa verò significant res quidem diversas, quoad essentiam, aliquam tamen convenientiam inter se habentes secundum illud nomen, & hæc sunt quidem essentialiter æquivocæ, quia diversæ essentias uno nomine significant; non sunt tamen purè æquivocæ: quia significant illas essentias diversas, cum aliqua convenientia imperfecta, & sic non cum omnimoda diversitate, sed cum aliqua unitate, & hæc æquivocæ dicuntur analogæ. Dicuntur etiam æquivocæ à consilio, sicuti illa priora dicuntur æquivocæ à casu. Nam illa quod sunt imposita ad diversas res significandas, casu factum est nulla in rebus ipsis existente ratione, ut uno nomine vocarentur; hæc verò ad diversas res significandas sunt imposita, non omnino temerè, nec casu, sed propter convenientiam in illis rebus existentem, & ideo dicuntur æquivocæ à consilio, quasi consilio & ratione imposita ad significandum.

Potest convenientia rerum diversarum essentialiter, est duplex: vel secundum proportionem, quia nimirum habent inter se proportionem, ut tali nomine significantur; sic substantia & accidens, ut nomine Entis significantur, diversas quidem habent essentias; tamen cum proportionem quadam essentialium inter se: quia substantia suo modo habet essentiam existentem; ita & accidens suo modo: sic sub nomine principii, fons, cor, sol, dicuntur diversas essentias; quia alia ratio principii est in singulis, habent tamen proportionem sub tali nomine.

Vel secundò. Secundum attributionem ad unum, quando aliqua dicuntur talia, per hoc quod referuntur ad unum tale, & sic habent convenientiam in illo uno, cujus respectu dicuntur talia. Sic omnia sana, dicuntur sana per ordinem ad sanitatem animalis, quam vel efficiunt, ut cibus, vel tuentur, ut medicina, vel significant,

*Æquivocæ purè conceptus non datur, sed solùm per modum Analogi.*

*Conceptus univoci & Analogi discrimina.*

*Analogæ sunt æquivocæ & Æquivocæ sunt duplicia.*

*Convenientia rerum diversarum essentialiter est duplex.*



ficiant, ut urina. Hinc ergo duplicia statuantur analogia: alia proportionis, alia attributionis.

Porrò utraque analogia esse essentialiter Æquivoca probatur. Primò ex Arist. Physicor. tex. 31. Vbi ait, quasdam æquivocationes esse valde distantes, alias autem habentes aliquam similitudinem, quibus verbis analogia intelligit, & eas sic cundo genere æquivocorum ponit.

Secundò, Ratione: quia Ratio propria æquivoci est, plures essentias uno nomine significare: At analogum est tale. Ergo, Minor patet, quia analogum significat essentiam aliquam & non unam, (alioqui esset univocum) ergo multas. Verbi gratia, Ens significat essentiam, hæc autem essentia nomine Entis significata non est una, (alioqui Ens esset univocum) sed sunt multe diversæ essentia, uno nomine essentia significatur.

Dices. Esse unam essentiam proportionem vel attributionem. Contra. Quia illud unum proportionem non est unum essentia: Ergo est multiplex essentia. Confirmatur. Quia Ens significat essentiam substantia & accidentis: at hæc essentia sunt diversæ, non una: Ergo Ens significat diversas essentias.

Dices, Ens non significare essentiam unam, neque significare essentias multas, sed significare essentiam unam proportionaliter. Contra. Quia cum Ens significat essentiam unam proportionaliter, duo significat, & essentiam & unitatem, non essentialiter sed proportionalem, Quare essentia illa significata nomine Entis non est una essentialiter, sed diversa essentialiter, & tantum proportionaliter una.

Denique idem patet ex impositione nominis analogi. Nomina enim analogi sunt imposita immediate ad significandas res diversas in aliquo convenientes; Nam si querat, quare fons, verbi gratia, est principium: respondebitur, quia fundit ex se aquam; cor verò, quia procreat, & diffundit spiritus; sol, quia est causa lucis, quæ omnes rationes principii sunt distinctæ: & sic nomen principii est impositum ad distinctas rationes principii significandas.

Æquivocum nomen quæ ratione prædicatur de suis significati?

Quinta difficultas est. Quomodo nomen æquivocum prædicetur de suis significatis? Respondeo. Prædicari de diversis secundum diversas significationes. Verbi gratia, Canis in alia significatione prædicatur de terreno, in alia de marino, in alia de coelesti: restringitur autem ad talem vel talem significationem à subiecto de quo affirmatur; prædicatum enim talem suppositionem habet, qualem subiectum requirit; quare non est existimandum æquivocum secundum omnem suam significationem de singulis suis significatis prædicari, sed accommodare de singulis secundum eam significationem, quæ illis convenit. Ad extremum cum analogia sint etiam æquivoca, eundem quoque cum æquivocis modum prædicationis habebunt, ut secundum unam significationem de uno, aliam de alio prædicentur, Ens verbi gratia, aliud significat cum dicitur de substantia, aliud cum de accidente.

Æquivocum sunt una vox vel plures?

Sexta difficultas est. An æquivocum sit una vox vel plures. Respondeo, Æquivocum esse unam vocem ratione soni, multas ratione significationis: quare nec omnino esse unam vocem nec omnino plures; unam materialiter; multas formaliter; sonus enim est quid materiale in voce, significatio verò est formale; est enim significatio veluti forma, anima est essentia vocis, dans illi tale vel tale esse. Unde vox æquivoca cum sit multiplex ratione significationis, simpliciter & absolute est vox multiplex, quia à forma præcipue sumitur essentia & denominatio rei, solum autem secundum quid erit una.

## QVÆSTIO II.

*De Analogis attributionis.*

**A**nalogia attributionis sunt illa, quorum nomen est commune, & secundum nomen ratio substantiæ diversa, ita tamen, ut per ordinem ad unum dicantur talia, verbi gratia, dicitur animal sanum, medicina sana, color sanus, cibus sanus; ista omnia dicuntur sana diversa ratione. Animal enim dicitur sanum, quia habet sanitatem; medicina, quia tuetur sanitatem; color quia indicat sanitatem; cibus, quia efficit sanitatem: Verum hæc omnia, licet diversa ratione sint sana, conveniunt tamen in ordine ad unam sanitatem animalis: quia ut aliqua ratione referuntur ad illam, dicuntur sana, & sic in ratione sani, & sub nomine sani, habent attributionem ad sanitatem animalis; Ex quo patet analogia attributionis differre à purè æquivocis, quod purè æquivoca sunt omnino diversa, ita ut nec sint unum, nec referantur ad unum; analogia autem ita sunt diversa, ut conveniant in uno, ad quod referuntur omnia secundum idem nomen.

*Analogia attributionis  
quæ sit.*

Quæri autem potest Primò, An analogia attributionis dicantur talia intrinsecè, an sola denominatione extrinsecà à principali analogato? Quibusdam enim recentioribus videtur esse sola de nominatio extrinsecà à principali analogato, ita ut omnia, verbi gratia, dicantur sana, à sanitate animalis extrinsecè illa denominante. Nam etsi isti auctores non negent varios respectus intrinsecos analogorum ad principale analogatum; tamen negant illos respectus habere rationem sani, nisi per extrinsecam denominationem à sanitate animalis: tum quia omnia sana, dicuntur sana ab eadem sanitate animalis; at sanitas animalis non est eadem in illis nisi extrinsecè denominatione: tum quia medicina, non est in se sana, propriâ aliquâ & intrinsecà sanitate, sed est sana à sanitate animalis, quâ remotâ nulla sanitas esset in medicina: tum quia respectus ad sanitatem non est sanitas intrinsecè, sed solum extrinsecè: Denique analogia non essent talia ab uno, & ad unum: quia non ab una aliqua ratione, nec in ordine ad unam aliquam rationem denominarentur talia, sed à multis rationibus intrinsecis.

*Analogia attributionis unde sic appellantur.*

Aliis tamen id non probatur. Volunt enim analogia à suis formis intrinsecis denominari talia, quæ tamen formæ intrinsecæ, dicunt ordinem ad principale analogatum ad eum modum, quo relatio intrinsecè denominat subiectum, respectu tamen extrinseci termini. Verbi gratia, cibus & medicina, dicitur sana per vim suam intrinsecam, quam habet ad efficiendam sanitatem; ita ut denominatio sani sit intrinsecà, respectu tamen extrinseci. Et ratio sumi potest tum ex communi conceptione analogorum: Si enim quis quærat cur cibus vel medicina sit sana, respondebit, quia habet in se vim sanitatem promovendi: tum ex definitione analogorum: Analogia enim sub communi nomine habent essentiæ rationem diversam; at si extrinsecà denominatione à principali analogato dicerentur talia, non haberent rationem essentiæ diversam, sed unam, quia ab una forma extrinsecà denominarentur talia: quare non essent analogia sed univoca.

Dices: Sanitas non eadem ratione denominat animal, & medicinam: nam animal denominat intrinsecè sanum, & extrinsecè medicinam. Contra. Modus intrinsecus

intrinsecus & extrinsecus denominandi non mutat essentiam formæ denominantis, quia secundum eandem essentiam denominatur intrinsecè, & extrinsecè, & secundum eandem essentiam forma tribuitur intrinseco & extrinseco subiecto. Quia illa diversitas modi intrinseci & extrinseci non est in essentia, sed solum in modo essentiz, qui modi non impediunt univocationem, sicut neque diversæ differentiz specificæ impediunt univocationem generis. Ex quibus patet ad argumenta primæ sententiæ: Analoga enim non ob extrinsecam solam denominationem à principali analogato dicuntur talia; hæc enim ad Analogiam non sufficeret, sed ob intrinsecum ordinem, quem habent ad principale analogatum.

*Analogia Attributionis requiritur nomen commune cum illis ad quæ attribuantur?*

Secundò queri potest. An requiratur ad analogiam attributionis ut id, ad quod attribuantur analogæ, habeat cum illis nomen commune? Ruvius existimat non requiri: quia in analogia attributionis duplex distinguitur analogia: Una principalis analogati, cum minus principalibus, quomodo animal, & medicina sunt analogæ in ratione sani, animal enim dicitur sanum in se; medicina autem in ordine ad animal, & dicitur hæc analogia unius ad alterum: Alia est analogia minus principalium analogorum inter se. Nam sanum non eodem modo dicitur de medicina, de colore, de cibo. Nam medicina dicitur sana ut expulsiua infirmitatis, color, ut indicativus sanitatis, cibus, ut effectivus sanitatis; omnia tamen dicuntur sana per attributionem ad unam sanitatem, & hæc attributio multorum dicitur ad unum. Cum igitur hæc duæ analogiæ sint distinctæ, possunt ab invicem separari. Possunt igitur aliqua sub communi nomine referri ad tertium, etiamsi illud tertium non dicat analogiam cum ipsis, eo quod non significetur uno communi nomine cum ipsis. Sic ait omnia accidentia dici accidentia per attributionem ad substantiam: & tamen substantia non dicit ullam analogiam cum accidentibus in ratione accidentis; quia non significatur communi cum ipsis nomine. Adducit Ruvius pro se auctoritatem D. Thomæ. Nam prima parte querit, 1. 3. ad 1. ait nomen analogum duobus modis significare attributionem, vel unius ad alterum, vel multorum ad unum. Vult igitur unam attributionem non includi in altera, nec pendere ab altera, & posse separatim concipi sine altera. Et confirmatur: quia accidentia talem plantæ dicunt attributionem ad substantiam in ratione accidentis, qualem cibus & medicina in ratione sani ad animal, parum verò facit ad hanc attributionem quod animal eodem nomine sani significetur cum cibo & medicina; id enim requiritur ad analogiam animalis cum cæteris, non verò ad analogiam cæterorum inter se.

*Analogia attributionis requiritur communizatem nominis.*

Dicendum tamen est cum communi sententia requiri ad analogiam attributionis ut id, ad quod alia attribuantur, sit etiam tale: Nam licet ad hoc, ut aliqua sint talia per ordinem ad tertium non sit necesse illud tertium esse tale (omnia enim accidentia, sunt accidentia per ordinem ad substantiam, & tamen substantia non est accidens) tamen ad hoc, ut aliqua sint talia, quia tertium ad quod referuntur est tale, requiritur ut illud tertium sit, & dicatur tale; sic autem est in analogia attributionis: Ea enim dicuntur talia per denominationem quandam à principali tali, ita ut quia referuntur ad illam talem rationem principalis analogati, dicantur talia, ut omnia sana, dicantur sana, in quantum referuntur ad sanitatem animalis. Id ita esse patet; tum ex communi omnium conceptu de analogis; solus enim Ruvius contrarium conceptum habet: tum quia, quæ dicunt ordinem ad unum non tale, possunt quidem esse analogæ, si diversos ordines & respectus dicant, sed non erunt analogæ attributionis, sed proportionis; Conveniunt enim in una ratione

ione, & proportionem communi habendi se ad illud vnum, quod ad analogiam proportionis spectat, non erit verò analogia attributionis, quia hæc solùm spectatur inter principale analogatum & minus principale; quia nimirum principale est per se tale; alia verò per ordinem ad ipsum talia. Quare negandum est Ruvio duplicem esse analogiam attributionis; est enim tantum vna inter principale tale, & minus principalia talia, communi nomine significata propter ordinem ad ipsum. Nam minus principalia conveniunt quidem inter se in attributione ad tertium; sed ista convenientia est proportionalis, & ad analogiam proportionis, non attributionis formaliter spectans, ad quem etiam modum exponendus est D. Thomas: De ratione enim analogiz est vt sit nomen idem omnium & secundum idem nomen ratio substantiarum diversa. Quare principale analogatum debet habere commune nomen cum aliis.

Quæritur tertio potest. An in analogis attributionis ratio essentialis, soli principali analogato conveniat, aliis verò aliis modis non essentialibus, secundum varias habitudines ad rationem essentialem, vt patet in sanitate, quæ secundum rationem suam essentialem convenit animali; aliis verò sub aliis rationibus non essentialibus, sed secundum varias habitudines ad sanitatem, quæ essentialiter sanitas. Quidam sibi id affirmant ea ratione, quia inquirunt, si ratio essentialis aliis quoque analogatis conveniret, non referentur illa analogata ad principale analogatum, quia quod est tale essentialiter, non est tale per ordinem ad aliud: Nam & principale analogatum ideo non refertur ad aliud, quia est tale essentialiter. Alii tamen concedunt posse rationem essentialem analogi, convenire, tam principali analogato, quam reliquis cum dependentia tamen à principali. Nam si ratio essentialis nomine analogi significata esset omnino vna, non posset convenire minus principalibus analogatis, vt bene probat prior sententia, & patet in exemplo sanitatis. Nam si sanitas, quæ est in animali conveniret aliis sanis, illa per se diceretur sana, sicut & animal per se dicitur sanum; non per attributionem ad aliud sanum: at quia potest esse analogum significans non vnam rationem essentialem, sed multiplicem, idcirco potest præter vnam rationem essentialem, quæ est in principali analogato, alia quoque ratio essentialis minus principalibus convenire, id quod explicant hi auctores exemplo entis. Ens enim dicitur de substantia & accidente essentialiter, quia tam substantia, quam accidens sunt essentialiter entia; Verum essentia accidentis est dependens ab essentia substantiæ, & per attributionem ad ipsam dicitur talis; accidens enim est ens ens. Ex quo patet essentiam quidem significatam nomine analogo, quatenus convenit principali analogo, non convenire minus principalibus, quia est essentia absoluta; & per se talis non per ordinem ad aliud; at alie essentia dependentes à substantia significantur eisdem per nomen analogum possunt tribui analogis, minus principalibus: tunc enim concurrunt duæ analogiz proportionis, & attributionis, quatenus est analogia proportionis, significantur essentia diversæ sub vna proportionem, & sub vno nomine, quatenus verò est analogia attributionis significantur multa talia per ordinem ad aliud tale. Et ita sentit D. Thomas in primo distinct. 19. quæst. 5.

Quæritur quartò. An analogia attributionis præter vocem aliquam rationem communem? Quidam recentiores affirmant, potest enim aliquam rationem communem concipi & in communi, & in particulari. Si concipiatur in communi nem?

*In Analogia Attributionis ratio essentialis soline principali analogato, an etiam alij conveniat?*

*Analogia Attributionis præter vocem aliquam rationem communem?*

intrinsecus & extrinsecus denominandi non mutat essentiam formæ denominantis, quia secundum eandem essentiam denominat intrinsecè, & extrinsecè, & secundum eandem essentiam forma tribuitur intrinsecò & extrinsecò subjecto. Quia illa diversitas modi intrinseci & extrinseci non est in essentia, sed solum in modo essentia, qui modi non impediunt univocationem, sicut neque diversæ differentia specificæ impediunt univocationem generis. Ex quibus patet ad argumenta primæ sententiæ: Analoga enim non ob extrinsecam solum denominationem à principali analogato dicuntur talia; hæc enim ad Analogiam non sufficeret, sed ob intrinsecum ordinem, quem habent ad principale analogatum.

*Analogia Attributionis requiritur nomen commune cum illis ad quæ attribuantur?*

Secundò queri potest. An requiratur ad analogiam attributionis ut id, ad quod attribuantur analogia, habeat cum illis nomen commune? Ruvius existimat non requiri: quia in analogia attributionis duplex distinguitur analogia: Una principalis analogati, cum minus principalibus, quomodo animal, & medicina sunt analogata in ratione sani, animal enim dicitur sanum in se; medicina autem in ordine ad animal, & dicitur hæc analogia unius ad alterum: Alia est analogia minus principalium analogorum inter se. Nam sanum non eodem modo dicitur de medicina, de colore, de cibo. Nam medicina dicitur sana ut expulsiua infirmitatis, color, ut indicativus sanitatis, cibus, ut effectivus sanitatis; omnia tamen dicuntur sana per attributionem ad unam sanitatem, & hæc attributio multorum dicitur ad unum. Cum igitur hæc duæ analogiæ sint distinctæ, possunt ab invicem separari. Possunt igitur aliqua sub communi nomine referri ad tertium, etiam si illud tertium non dicat analogiam cum ipsis, eo quod non significetur uno communi nomine cum ipsis. Sic ait omnia accidentia dici accidentia per attributionem ad substantiam; & tamen substantia non dicit ullam analogiam cum accidentibus in ratione accidentis; quia non significatur communi cum ipsis nomine. Adducit Ruvius pro se auctoritatem D. Thomæ. Nam prima parte quæst. 13. ad 1. ait nomen analogum duobus modis significare attributionem, vel unius ad alterum, vel multorum ad unum. Vult igitur unam attributionem non includi in altera, nec pendere ab altera, & posse separatim concipi sine altera. Et confirmatur: quia accidentia talem planè dicunt attributionem ad substantiam in ratione accidentis, qualem cibus & medicina in ratione sani ad animal, parum verò facit ad hanc attributionem quod animal eodem nomine sani significetur cum cibo & medicina; id enim requiritur ad analogiam animalis cum cæteris, non verò ad analogiam cæterorum inter se.

*Analogia Attributionis requiritur nomen commune cum illis ad quæ attribuantur?*

Dicendum tamen est cum communi sententia requiri ad analogiam attributionis ut id, ad quod alia attribuantur, sit etiam tale: Nam licet ad hoc, ut aliqua sint talia per ordinem ad tertium non sit necesse illud tertium esse tale (omnia enim accidentia, sunt accidentia per ordinem ad substantiam, & tamen substantia non est accidens) tamen ad hoc, ut aliqua sint talia, quia tertium ad quod referuntur est tale, requiritur ut illud tertium sit, & dicatur tale; sic autem est in analogia attributionis: Ea enim dicuntur talia per denominationem quandam à principali tali, ita ut quia referuntur ad illam talem rationem principalis analogati, dicantur talia, ut omnia sana, dicantur sana, in quantum referuntur ad sanitatem animalis. Id ita esse patet; tum ex communi omnium conceptu de analogis; solus enim Ruvius contrarium conceptum habet: tum quia, quæ dicunt ordinem ad unum non tale, possunt quidem esse analogata, si diversos ordines & respectus dicant, sed non erunt analogata attributionis, sed proportionis; Conveniunt enim in una ratione

ione, & proportionē communi habendi se ad illud vnum, quod ad analogiam proportionis spectat, non erit verò analogia attributionis, quia hæc solū spectatur inter principale analogatum & minus principale; quia nimirum principale est per se tale; alia verò per ordinem ad ipsum talia. Quare negandum est Ruvio duplicem esse analogiam attributionis; est enim tantum vna inter principale tale, & minus principalia talia, communi nomine significata propter ordinem ad ipsum. Nam minus principalia conveniunt quidem inter se in attributione ad tertium, sed ista convenientia est proportionalis, & ad analogiam proportionis, non attributionis formaliter spectans, ad quem etiam modum exponendus est D. Thomas: De ratione enim analogiz est vt sit nomen idem omnium & secundum idem nomen ratio substantiarū diversa. Quare principale analogatum debet habere commune nomen cum aliis.

Quæritur tertio potest. An in analogis attributionis ratio essentialis, soli principali analogato conveniat, aliis verò aliis modis nō essentialibus, secundum varias habitudines ad rationem essentialē, vt patet in sanitate, quæ secundum rationem suam essentialē convenit animali; aliis verò sub aliis rationibus non essentialibus, sed secundum varias habitudines ad sanitatem, quæ essentialiter sanitas. Quidam igitur id affirmant ea ratione, quia inquirunt, si ratio essentialis aliis quoq; analogatis conveniret, non referretur illa analoga ad principale analogatum, quia quod est tale essentialiter, non est tale per ordinem ad aliud: Nam & principale analogatum ideo non refertur ad aliud, quia est tale essentialiter. Alii tamen concedunt posse rationem essentialē analogi, convenire, tam principali analogato, quam reliquis cum dependentia tamen à principali. Nam si ratio essentialis nomine analogo significata esset omnino vna, non posset convenire minus principalibus analogatis, vt bene probat prior sententia, & patet in exemplo sanitatis. Nam si sanitas, quæ est in animali conveniret aliis sanis, illa per se diceretur sana, sicut & animal per se dicitur sanum; non per attributionem ad aliud sanum: at quia potest esse analogum significans non vnam rationem essentialē, sed multiplicem, idcirco potest præter vnam rationem essentialē, quæ est in principali analogato, alia quoq; ratio essentialis minus principalibus convenire, id quod explicant hii auctores exemplo entis. Ens enim dicitur de substantia & accidente essentialiter, quia tam substantia, quam accidens sunt essentialiter entia; Verū essentia accidentis est dependens ab essentia substantiæ, & per attributionem ad ipsam dicitur talis; accidens enim est ens ens. Ex quo patet essentiam quidem significatam nomine analogo, quatenus convenit principali analogo, non convenire minus principalibus, quia est essentia absoluta, & per se talis non per ordinem ad aliud; at aliæ essentia dependentes à substantia significantur itidem per nomen analogum possunt tribui analogis, minus principalibus: tunc enim concurrunt duæ analogiz proportionis, & attributionis, quatenus est analogia proportionis, significantur essentia diversæ sub vna proportionē, & sub vno nomine, quatenus verò est analogia attributionis significantur multa talia per ordinem ad aliud tale. Et ita sentit D. Thomas in primo distinct. 19. quæst. 5.

Quæritur potest quarto. An analoga attributionis præter vocem habeant aliam rationem communem? Quidam recentiores affirmant, potest enim liquam rationem communem concipi & in communi, & in particulari. Si concipiatur in communi nem?

*In Analogia Attributionis ratio essentialis soline principali analogato, an etiam alijs conveniat?*

*Analoga Attributionis præter vocem habeantne aliam rationem communem?*

muni & in confuso, sic concipitur sub aliqua ratione communi; nam etiam quæ diversa sunt, si tamen confusè concipiuntur, concipiuntur sub vna quadam ratione. Et patet: quia audio analogo intellectus non format multos conceptus, nec concipit singula analogata: Verbi gratia, audita voce sani, non format conceptum de sanitate animalis, vel medicinx, sed confusum quendam conceptum facit de sanitate, abstrahendo à sanitate animalis, & medicinx. Neque dici potest hunc conceptum esse solius vocis, est enim etiam rei, sed in confuso: concipitur enim ne quædam sana, sed indeterminatè, quocunque tandem modo sit sana non desecpando ad rationes particulares talis vel talis sani, sed per modum entis cuiuslibet sani quocunque id sit modo. Si verò analogum concipiatur in particulari determinatè, dicunt hi authores non posse analogum concipi vno conceptu, sed pluribus: sano enim formaliter, & sano per attributionem ad sanum formaliter, nihil est commune; analogia enim attributionis non consistit in convenientia in aliquo gradu communi, sed in attributione multorum ad vnum tale. Quidam afferunt aliam eius rei rationem, quia inquirunt, analogia cum non sint inter se æquiva, conveniunt aliquo modo inter se, quæ autem conveniunt inter se, possunt vno communi conceptu concipi. Verum hæc ratio non concludit. Nam analogia attributionis non conveniunt in vna aliqua ratione communi multis sed in vno termino, ad quem alia referuntur.

*In Analogia Attributionis ab analogo principali & minus principalibus nihil commune abstrahitur.*

Dico igitur primò, in Analogis attributionis ab analogo principali, & minus principalibus nihil commune potest abstrahi. Quapropter non est, abstrahi non potest: at nulla ratio in re est communis talibus analogis, (v.g. sanitati animalis, & medicinx) Ergo non potest abstrahi ab illis. Ut enim dictum est, talia dicuntur convenire inter se non in aliquo gradu communi, qui de illis dicatur, sed in communi termino ad quem referuntur. Neque dici potest saltem in confuso posse affirmari de illis vnum conceptum & rationem communem, quia talis conceptus nullum est fundamentum in re, cum inter se nullam habeant convenientiam, sed tantum ordinem ad vnum. Quod verò dicitur, audita voce sani, formati à nobis vnum conceptum sani. Respondeo; hunc conceptum non esse vnius rei: quia non concipitur aliqua vni ratio sani nec specifica, nec generica, sed tantum quiddam vocis sani significatum, quomodo etiam audita voce æquivoca concipimus quiddam vocis æquivoca significatum, nihil aliud de re concipiendo, nisi quod tali voce significetur.

*Ab Analogis minus principalibus abstrahitur communis ratio, spectans ad analogiam proportionis.*

Dico Secundò. Ab analogis minus principalibus, potest abstrahi communis ratio, sed spectat ad analogiam proportionis, non attributionis: Omnia enim analogata minus principalia conveniunt in hac communi ratione quod referantur ad principale analogatum; convenient autem in hac ratione proportionaliter, quia licet diversis modis referantur ad principale analogatum; conveniunt tamen in hoc, quod suis modis & cum proportionem quadam referantur ad vnum, quæ convenientia est proportionis. Ex quo patet absolute loquendo ab analogis attributionis, quæ attributionis sunt, nihil posse commune abstrahi, quod analogiam attributionis constituit. Nam illud commune quod ab analogis attributionis abstrahi potest, constituit analogiam proportionis, non attributionis.



## QVÆSTIO III.

*De Analogis proportionis.*

DE his Analogis primum illud quæri potest. An sola proportio sufficiat ad rationem analogiæ constituendam? Videtur enim proportio non in analogis tantum, sed & univocis inveniri, quam etiam proportionem animal in homine habet ad hominem, eandem habet animal in bruto ad brutum. Porro hæc proportio est univoca: quia eadem omnino ratione se habet animal in homine, ut in bruto, ergo sola proportio non sufficit ad constituendam analogiam; alioquin univoca essent analogi. Propter hanc rationem quidam recentiores negarunt proportionem sufficere ad analogiam, nisi sit coniuncta cum attributione ad principale analogatum.

Sed hæc sententia & nova est, & non satis firmâ ratione nititur. Nam etsi proportio eorum quæ univocè in aliqua ratione conveniunt, non constituat analogiam, tamen proportio eorum, quæ æquivocè se habent, & secundum diversas rationes respectu eiusdem vocis constituit analogiam. Duo enim ad analogiam requiruntur, ut & analogi sint diversa, & ut aliquo modo inter se conveniant; Quæ non omnis proportio, sed solum illa, quæ invenitur in rebus diversam sub vno nomine essentiam habentibus, facit analogiam proportionis. Iam quod dicitur ad analogiam proportionis requiri ordinem & attributionem ad principale analogatum, ut cum principium dicitur proportionaliter de fonte, & de corde; de corde tamen dicitur propter similitudinem fontis, & propter attributionem ad fontem.

Primum respondeo: esto ita res habeat, ut inter analogi proportionis semper invenitur aliquod principale analogatum, cuius respectu alia dicuntur talia; tamen ad analogiam proportionis hoc per accidens facit: Nam siue respectu alicuius principalis, siue non, proportio illa conveniat, dummodo omnibus conveniat, erit vera analogia proportionis, cum nihil essenziale desit ad analogiam.

Vnde saltem per rationem posset abstrahi analogia proportionis, ab analogia attributionis, & considerari sine analogia attributionis. Deinde analogia proportionis non solum est inter principale, & minus principale, sed etiam inter minus principalia inter se; verè enim minus principalia, inter se proportionaliter conveniunt, etiamsi nullum respectum ad aliquod principale dicerent. Potest enim quis vel ignorare, vel non considerare talem relationem ad principale, & tamen intellegit perfectè rationem proportionis analogiæ, quia intellegit convenientiam diversarum rationum sub vno nomine.

Respondeo secundò: Non esse necesse in analogis proportionis semper dari principale analogatum, cuius respectu alia dicuntur talia. Nam etsi id verum sit in analogis Metaphoricis, quæ metaphoricè dicuntur talia, ob similitudinem quam habent cum propriè tali, sicut risus dicitur de homine, & de prato, sed de homine propriè, de prato per similitudinem cum risu hominis; tamen in aliis potest esse proportio analogica, sine attributione ad aliquod principale. Sic quantitas & qualitas habet proportionem in ratione accidentis, sine vlla attributione vel unius ad alterum

*Proportio sola sufficit ad rationem analogiæ constituendam?*

*Analogia duo requirit.*

*Inter analogi proportionis dari principale analogatum est per accidens.*

alterum vel vtriusque ad tertium tale. Nam licet tam quantitas, quam qualitas sint accidentia per ordinem ad substantiam; hic tamen ordo ad substantiam, non est tanquam ad principale analogatum, principale enim analogatum debet esse tale secundum nomen, qualia sunt minus principalia, ut paulò ante docuimus, debet etiam dicere analogiam ad minus principalia analogata, quorum cum neutrum sit in substantia, ut substantiæ nomine significatur, non poterit dici substantia principale analogatum; nullo enim modo est analogatum; quia nullo modo analogiæ rationem habet.

*Analogū proportionis significans immediate multā, an verò vnum?*

Quæri secundò potest. An analogum proportionis & conceptus eius, significet immediatè multa vel vnum? Suarez primo tomo Metaph. disput. 2. docet analogum immediatè significare vnam rationem & nullo modo multas nec confusè, nec distinctè, illam tamen rationem vult non eadem ratione convenire multis, quia similibus, quia similia sunt, potest abstrahi vnus conceptus communis: at analogi proportionis sunt similia secundum proportionem: ergo ab illis potest abstrahi vnus communis conceptus proportionalis. Porro in hoc conceptu nec actu confuso, nec actu distincto includuntur plura, quia in vno, quia vnum est, plura non continentur; repugnat enim vnum esse plura & plura vnum. Potest autem ille conceptus analogus et si non significet actu multa, multis applicari, non eadem ratione essentiali, sed tantum eadem secundum proportionem. Et idcirco dicitur analogus secundum proportionem. Patet totum id in Ente, quod nullo modo significat immediatè substantiam & accidens, sed tantum essentiam in communi, quod entis significatum diversa ratione competit substantiæ & accidenti. Oppositum alii tamen communiter docent, nempe analogum immediatè significare multa essentialiter, sed in confuso & sub vna ratione proportionali. Ita Caietan. Opusc. de Anal. Peritius 2. Physic. cap. 2. Fonseca 4. Metaph. cap. 2. Vasquez prima parte disp. 114. cap. 2. Reuius hęc. Probatum autem. Primum. Quia analogum est essentialiter æquivocum; At nomen æquivocum significat immediatè plura diversæ rationis: Ergo & nomen analogum: solumque in hoc differet ab æquivoco, quod æquivocum significat plura diversæ rationis nullam convenientiam inter se habentia, analogum verò significat illa cum convenientia proportionali.

Secundo: Analogum vel significat vnam rationem essentialem, vel non, si primum erit vnivocum, si non; ergo ratio significata per nomen analogum erit multiplex essentialiter. Dices. Significare vnam rationem proportionalem, Contra; illa vna ratio proportionalis, non est vna essentialiter; ergo est multiplex essentialiter: nam ratio illa proportionalis est essentia aliqua proportionaliter se habens in multis. Illa ergo essentia proportionaliter se habens, non est vna essentialiter, ergo est multiplex: quare & analogum significans illam essentiam significabit multas essentias in confuso.

Vt hæc difficultas benè dissolvatur, duo sunt explicanda, Alterum, an & quomodo conceptus analogi, proportionis sit præcisus à conceptu analogatorum? Alterum, an vnum vel multa significet?

*Præcindi vnum ab alio quid sit.*

Quantum ad primum. Præcindi vnum ab alio est vnum non includere aliud. Quare conceptum analogi præcindi à conceptu analogatorum: est non includere in se conceptum analogatorum. Porro conceptus Analogi est duplex. Formalis & obiectivus. Conceptus formalis, est ille, quem format in se intellectus de re aliqua

liqua, estque illa representatio rei in mente qualiter intellectus eam rem concipit conceptus verò obiectivus est obiectum conceptus formalis, estque res ipsa obiecta intellectui sub ea ratione sub qua representatur per conceptum formalem. Certum est igitur conceptum formalem analogi esse præcisum re ipsa à conceptu formali analogatorum: quia conceptus analogi & analogatorum sunt duo conceptus realiter inter se distincti, nec unus includit alterum. Quis enim negat alium esse conceptum formalem entis, alium substantiæ? Nam conceptus entis non representat substantiam sub ratione expressa substantiæ; conceptus verò substantiæ non representat substantiam sub ratione confusa entis: Ergo sicut sunt representationes diversæ, ita & conceptus formales diversi, & quidem realiter: quia separati à se invicem realiter possunt, ita ut existente vno, alius non existat.

Sed tota difficultas, est de conceptu obiectivo. An nimirum conceptus obiectivus analogi sit præcisus & distinctus à conceptu obiectivo analogatorum. Cum enim conceptio aliquod analogum, v.g. Ens, conceptio aliquod obiectum, in hoc autem obiecto nihil conceptio de conceptu substantiæ: Ergo videtur in obiectivo conceptu analogi non includi conceptus obiectivus analogati, ac ex consequenti conceptus isti videntur esse à se præcisi, & distincti; cum præcisio conceptuum nihil sit aliud quam non inclusio vnius conceptus in altero. Et ita sentit Suarius. Verùm communiter Doctores tenent, non distingui conceptus obiectivos analogi, & analogati: quia unus includit alium, & in viroque conceptu, idem planè obicitur, ita ut nihil obiciatur in vno conceptu, quod non obiciatur in alio. V.g. cum substantia concipitur in ratione entis, huic conceptui nihil aliud respondet in obiecto, nisi substantia sub ratione substantiæ, nam substantia sub ea ratione, sub qua est substantia, est ens, & per eandem rationem substantiæ constituitur, tam in ratione substantiæ, quam in ratione entis. Nam si quatenus substantia non esset ens, esset non ens, & nihil: Ergo ratio substantiæ est illa, quæ conceptui entis obicitur; ac proinde conceptus obiectivus entis includit conceptum obiectivum substantiæ, idemque est obiectum conceptus tam entis, quam substantiæ. Neque dici potest sub alia ratione formali esse obiectum conceptus entis, sub alia conceptus substantiæ: Nam illa ratio formalis substantiæ, vel est ens, vel non ens: Si est ens; ergo est obiectum conceptus entis; & sic non erit aliud obiectum conceptus entis, quam illud ipsum, quod est obiectum conceptus substantiæ: Si verò illa ratio dicitur non esse ens; sequetur esse non ens & nihil, quare nec erit ratio substantiæ, quia ratio substantiæ non est nihil.

At inquires. Conceptus obiectivus analogi fundat rationem convenientiæ, conceptus verò obiectivus analogati non fundat rationem convenientiæ, sed differentiam: ergo conceptus isti obiectivi sunt diversi formaliter: quia in vno includitur aliqua ratio formalis quæ non includitur in altero. Verbi gratia, ratione entis fundatur convenientia (non enim substantia in ratione substantiæ convenit cum accidente) sed potius fundatur differentia ab accidente.

Quidam recentiores respondent idem sub eadem ratione formaliter posse convenire simul, & differre. Quæ enim (inquiunt) conveniunt perfectè, in alia ratione conveniunt, in alia differunt; ac quæ conveniunt imperfectè, in eadem ratione conveniunt, & differunt, quia in illa eadem ratione nec plenè differunt, nec plenè conveniunt, sed partim conveniunt, partim differunt. Et sic substantia

*Conceptus obiectivus analogi præcise datur ne & distinguatur à conceptu obiectivo analogatorum?*

sub ratione substantiæ & convenit cum accidente in ratione entis, & differt ab eo cadente in propria ratione substantiæ.

Sed isti non satis cautè loquuntur. Nam concedunt idem secundum idem fundare duo contradictoria, quod esse impossibile. Cum primum principium in Philosophia sit, ut contradictoria non possint competere eidem secundum idem: neque enim dici potest ista esse contradictoria, imperfectè; Nam contradictoria imperfectè dicuntur illa, quæ non secundum totam suam rationem sunt contradictoria, sed secundum vnum sunt contradictoria, secundum aliud non sunt contradictoria: At hæc convenientia, & non convenientia secundum omnem suam rationem sunt contradictoria; totum enim quod affirmat convenientia, negat non convenientia: Ergo ista sunt perfectè contradictoria, & ex consequenti non possunt eidem secundum idem convenire. Deinde affirmatio, & negatio, perfectè sibi opponuntur contradictoriè: Cum ergo convenientia & non convenientia opponantur, ut affirmatio & negatio; sequitur esse perfectam contradictoria. Nam si dicas istum esse imperfectam affirmationem, quia imperfecta convenientia affirmatur, & idè esse imperfectam oppositionem. Contra: illa imperfecta convenientia perfectè affirmatur, quia secundum totam illam suam rationem imperfectam affirmatur, ita ut nihil sit in illa convenientia imperfecta quod non affirmatur; tota enim convenientia imperfecta affirmatur: Ergo convenientia illa imperfecta, est affirmatio perfecta, & ex consequenti perfectè opponitur contradictoriè negationi oppositæ.

Deinde vrgeri posset & alio argumento. Nam quæ habent distinctas definitiones, distinguuntur formaliter: Analogum & Analogatum habent distinctas definitiones: Ergo distinguuntur formaliter: Ergo non secundum eandem rationem formalem convenit illis convenire & differre. Maior patet. Quia distinctæ definitiones continent distinctas rationes formales. Minor etiam manifesta est. Definitio enim entis est distincta à definitione substantiæ.

Alii respondent Analogum & Analogatum differre distinctis conceptibus formalibus, non objectivis, ita ut, verbi gratia, substantia quatenus concipitur conceptu formali entis, distinguatur à seipsa concepta conceptu formali substantiæ. Hæc autem differentia cum sit tota extrinseca (sumitur enim ex ordine ad conceptus formales qui sunt extrinseci obiecto) non tollit identitatem intrinsecam conceptuum obiectivorum. Potestq; hoc explicari exemplo definitionis, & definitæ certum enim est definitionem & definitum non differre conceptibus objectivis, quia idem continetur in definitione & definito; quia tamen differunt conceptibus formalibus, ideo potest vnum negari de altero: definitio enim formaliter non est definitum, nec definitum formaliter est definitio, licet in re sit vnum & idem. Deinde confusum & distinctum conceptibus objectivis non differunt; quia idem secundum idem potest concipi confusè & distinctè; & tamen differunt conceptibus formalibus, ita ut eadem res quatenus substat conceptui confuso, differat se ipsa ut concepta conceptu distincto & expresso. Sed neque hæc responsio tollit difficultatem. Nam licet verum sit Analogum & Analogatum differre conceptibus formalibus; tamen argumentum vrget, non solum formalibus, sed etiam objectivis differre. Si enim Analogum & Analogatum solum differrent, ut confusum & distinctum, non differrent conceptibus objectivis sed tantum formalibus, quia ut dictum est idem secundum idem potest concipi, & confusè, & distinctè, ex solo modo

modo concipiendo diverso, quod etiam exemplo definitionis, & definiti patet. Definitio enim idem significat distinctè & expressè, quod definitum significat confusè & inexpressè: At non hac solùm ratione differunt Analogum, & Analogatum, sed etiam ex parte rei, & obiecti ipsius; nam in re ipsa est proportio, & similitudo quædam imperfecta Analogatorum inter se in ratione Analoga: Ergo ex natura rei & ex natura obiecti includitur in conceptu obiectivo Analogi, aliqua ratio realis, quæ non includitur in conceptu Analogati.

Veritatem responsio est, quam Cæcilius affert opus. de Analogia, eamque sequuntur communiter recentiores. Analogum conceptum obiectivum non esse quidem distinctum, aut præcisum simpliciter à conceptu Analogati, esse tamen distinctum & præcisum secundum quid, quia licet idem essentialiter concipiatur conceptu analogi & analogati, non tamen eadem ratione. Nam ut concipitur conceptus analogi, concipitur illa res sub ea ratione, quæ fundat convenientiam cum aliis analogatis, in conceptu verò analogati, hæc ratio non continetur. Quod igitur non sit præcisus & distinctus simpliciter patet ex ratione allata. Nam ille dicitur conceptus præcisus & distinctus simpliciter, qui simpliciter non includit alium: at conceptus analogi includit simpliciter rationem primam analogati: ergo non est ab ea præcisus & distinctus simpliciter. Minor patet inductione, quia ens in substantia dicitur immediatè ipsam substantiam sub ratione substantiæ, quia sub ratione substantiæ est ens: idem patet in aliis analogis.

Secundo Ratione. Quia si non includeret rationem Analogati, esset univocum, non analogum. Nam illa ratio analogæ eadem ratione conveniret omnibus analogatis, quia in suo conceptu nihil includeret ex rationibus analogatorum; Hac enim de causa, univocum, est univocum; quia in suo conceptu communi nil includit de rationibus suorum inferiorum, & ideo eadem ratione omnibus competit.

Dices illam eandem rationem non eadem ratione convenire, sed prius uni quàm alteri. Respondeo. Si illa ratio communis non sit eadem ex parte sua, non erit una ratio: Si verò sit eadem ex parte sua, & solùm ex differentiis per quas contrahitur sit diversa: talis diversitas non tollit univocationem.

Quod verò conceptus obiectivus Analogi sit præcisus, & distinctus, secundum quid, patet. Quia conceptus analogi est conceptus eiusdem quidem rei, sed sub ea ratione, quæ fundat convenientiam cum altera; conceptus verò analogati est conceptus eiusdem rei, sub ea ratione quæ fundat non convenientiam, sed differentiam illius rei cum aliis analogatis. Quatenus ergo est eiusdem rei conceptus, sic est unus conceptus, quatenus verò est conceptus eiusdem rei, sed sub ea ratione quæ fundat convenientiam, est distinctus conceptus, secundum quid, à conceptu eiusdem rei, sub ea ratione, quæ fundat differentiam: quia ratio quæ fundat convenientiam, & ratio, quæ fundat differentiam sunt secundum quid diversæ. Dico esse secundum quid tantùm diversas, quia fundantur in eadem ratione formali. Nam si fundarentur in distinctis rationibus formalibus, etiam si illæ rationes non res sed tantùm per intellectum in re distinguerentur, verè essent conceptus obiectivi harum rationum simpliciter distincti. Sic conceptus convenientiæ & differentiæ in homine fundatur in duabus distinctis rationibus formalibus, nempe in ratione animalis & rationalis, quæ sunt rationes formales ab intellectu in homine distinctæ, ita ut una ut sic ab intellectu distincta non sit alia, licet

*Conceptus analogus obiectivus non potest præcisè & distinctè simpliciter.*

in re extra intellectum vna sit alia. Hic verò ratio convenientiæ & disconvenientiæ non fundatur in distinctis rationibus formalibus, sed in eadem ratione formali, quæ utrumque habet diversâ ratione; fundat enim & rationem convenientiæ, & differentiæ, & ideo isti duo conceptus obiectivi solum differunt secundum quid. At instabim. Ergo idem secundum idem fundabit duo contradictoria. Respondeo. Idem secundum idem, sed non sub eadem ratione fundare duo contradictoria, non est absurdum; satis enim est, quod illud idem inquit diversas rationes, ut illi contradictoria possint competere secundum illas diversas rationes.

*Rationes formales quomodo sint diversæ?*

Dices. Illas diversas rationes, esse diversas rationes formales, ut patet ex definitionibus. Respondeo. Esse diversas rationes formales secundum quid in vna ratione formali, simpliciter fundatas, ita ut illæ duæ rationes includant istam tanquam communem, & ideo esse diversas rationes formales solum secundum quid, non simpliciter. Nam quia rationes istæ formales, in vna fundantur ipsamque includunt, sunt vnum simpliciter; quia verò differunt aliquo modo ideo sunt distinctæ secundum quid, quia stante veritate simpliciter, aliquo modo differunt. Patet hoc in exemplo. Ens dicit substantiam; substantia etiam dicit substantiam; Quia igitur utrumque dicit substantiam, utrumque erit idem simpliciter; quia verò ens dicit substantiam sub ea ratione quâ convenit cum accidentibus, seu quantum proportionem in essendo habet cum accidentibus, substantia verò non sub hac ratione dicit substantiam sed sub alia opposita, ideo differunt solum secundum quid. Quare universè loquendo duæ rationes fundatæ in vna aliqua ratione formali, includentes ipsam, sunt formaliter differentes tantum secundum quid; nam simpliciter sunt vnum; si verò sunt fundatæ in distinctis rationibus formalibus, quarum vna non includit alteram, ipsæ quoque sunt differentes, & ita hæc accidit.

*Convenientia fundata ab analogo qua fit.*

Quod si quæras quænam sit illa ratio secundum quam analogum fundat convenientiam cum altero? Respondeo. Convenientiam illam esse proportionem & similitudinem vnius Analogi cum altero, quare natura ut fundat similitudinem illam & proportionem, fundat convenientiam; ut verò fundat dissimilitudinem & improportionem, sic fundat differentiam. Potest autem tam convenientia, quam differentia fundari in vna ratione formali, quando convenientia est imperfecta & non totalis; alioqui convenientia perfecta, & differentia perfecta requirunt distinctas rationes formales in quibus fundantur ut patet in univocis.

*Conceptus analogus dupliciter distinguitur & præscinditur a conceptu analogati.*

Ex quibus patet conceptum Analogum duplici ratione distinguî & præscindi a conceptu analogati. Primo, ut confusum à distincto & expresso; & sic præscindit ab expressa ratione analogati, non verò ab ipso analogato simpliciter. Secundo, ut fundat rationem convenientiæ. Nam conceptus Analogati fundat rationem differentiæ. Prior distinctio est per ordinem ad conceptus formales: Nam res doctor confusæ, vel distinctæ concipi, quia conceptus eius formalis est confusus vel distinctus. Posterior distinctio est conceptuum obiectivorum, quia in ipsis obiectis est similitudo & proportio similiter & differentia. Hæc tamen distinctio conceptuum non est simpliciter; quia vnus simpliciter includit alium, sed tantum secundum quid; sicut idem sub vna ratione consideratum distinguitur à seipso sub alia ratione. Patet etiam conceptum analogum idem significare, quod significat conceptus analogati, sed sub diversa ratione.

*Argumentum Suarii solvitur.*

Ad argumentum Suarii Respondeo. A similibus perfectè, potest præscindi simpliciter & perfectè conceptus illius rationis secundum quam sunt similes; &

cur quia homines perfectè conveniunt in ratione animalis potest ab illis præscindi perfectè ratio animalis communis : at si sunt similia imperfectè , & secundum quid , non potest ab illis perfectè præscindi ratio , in qua sunt similia , quia illa imperfecta similitudo est mixta quodammodo cum dissimilitudine , & fundatur in eadem ratione formali , quæ etiam fundat dissimilitudinem . Deinde quando similitudo & dissimilitudo fundatur in distinctis rationibus formalibus , tunc ratio fundandi similitudinem potest præscindi perfectè à ratione fundante dissimilitudinem ; at quando fundatur in eadem ratione formali , tunc ratio fundans similitudinem non potest perfectè præscindi à ratione fundante dissimilitudinem ; quia est eadem ratio fundans utrumq ; , & idem à seipso distingui perfectè non potest , sed tantum imperfectè & secundum quid .

Ad eundem modum solvitur & illud argumentum Scoti . Conceptus certus distinguitur ab incerto : atqui potest esse conceptus analogi certus , conceptus verò analogati incertus : Ergo hi conceptus sunt ex se distincti ; Hoc enim argumentum solum probat in communi distinctionem aliquam horum conceptuum , non verò distinctionem perfectam aut præcisionem simpliciter . Nam etiam potest quis esse certus de definito , quod sit , de definitione verò incertus , quænam sit talis definiti definitio : & tamen conceptus objectivi definitionis & definiti non sunt distincti , cum idem sit obiectum utriusque conceptus .

Quantum ad secundum , hoc est quoad unitatem conceptus analogi : difficultas est . An conceptus analogus vnam aliquam rem significet , an verò multas ? Suavis enim consequenter asserit , vnam rem immediatè significare , & illa mediante multis , quibus illa vna ratio non eadem ratione applicatur . Quod enim vnam rem significet , patet : quia à similibus abstrahitur per intellectum vnus conceptus oppositus ; similia enim quatenus similia sunt vnum : Analogata autem in ratione communi analogata sunt similia : Ergo concipiuntur in illa ratione vt vnum ; Quia verò illa ratio non eodem modo applicatur multis ; ideo est analogata respectu illorum , non vnivoca .

Opposita sententia est communis . Analogum immediatè non significare aliquid vnum sed multa , proportionaliter se habentia in aliqua ratione . Ita Authores paulò ante citati . Vt probatur primò ex dictis . Nam si conceptus analogus non est præcisus simpliciter à conceptu analogati , sequitur quod sit idem cum ipso , & idem significet , quod analogatum ; alioqui si non idem significet , sed aliud , esset præcisus , & extra illum significaret aliud , quod est contra dicta .

Secundò : si analogum significat quid vnum præcisum ab analogatis , & illa non includens , sequitur analogum esse vnivocum . Nam illud vnum sub illa ratione præcisi eadem ratione conveniret multis . Nam etsi diversificaretur in multis ; tamen hæc diversificatio esset , instar vnivoci per adiunctas differentias . Cum enim illas essentialiter non includat , erit extra illas , & per illas instar vnivoci contrahetur ad diversas species : Neque verò quid amplius est in vnivoco , Nam vnivocum significat immediatè vnum , & mediane illo vno multa : atqui analogum etiam immediatè significaret vnum , & illo mediante multa . Deinde si analogum mediane vno significaret multa , vel illud vnum , esset verè vnum in multis , vel multiplex : Si vnum ; ergo analogum significaret multa instar vnivoci , vt dictum est : Nam etiam vnum mediane vno significat multa : si multiplex : Ergo immediatè significaret multa .

*Argumentum  
Scoti dissol-  
vitur.*

*Analogum  
immediatè  
non significat  
aliquid vnum  
sed multa.*



Secundò, Quod prædicatur de diversis, quæ diversa sunt, non potest dici vnum; rebus enim diversis quæ diversæ sunt, non convenit unitas, sed diversitas: at Analogum prædicatur de rationibus propriis analogatorum quantumvis diversarum. Ergo Analogum non significat quod vnum in analogatis sed ipsa analogata diversa. Non probatur inductione. Nam ens dicitur de substantia sub ratione propria substantiæ, & de accidente sub ratione propria accidentis: at istæ rationes sunt diversæ: Ergo ens prædicatur de diversis quæ diversa sunt: ergo non est quid vnum in illis, sed multipliciter dicitur.

Obiicies Primò, Si analogum significat multa non posset concipi analogum, nisi concipiantur multa: at potest concipi analogum, tum in communi, nullo conceptu analogato: tum conceptu vno, vel aliquibus analogatis, non autem omnibus: Ergo multa non pertinent ad essentiale significatum analogi.

*Analogum quo sensu dicitur significare multa.*

Respondeo, Analogum in hoc sensu dicitur significare multa, quod non vnum habet significationem, sed multas. Hoc verò sensu posito, potest concipi analogum secundum vnam significationem non concepta alia significatione, licet non possit concipi sine vltius analogati significatione: nam etsi possit concipi nullo analogo expressè conceptu, debet tamen analogatum includi in conceptu analogi, saltem in confuso & indeterminatè; siquidem ut diximus conceptus analogi est idem cum conceptu analogati. Quare non eo sensu Analogum dicitur significare multa, quod illa expressè & distinctè significet, vel quod formaliter significet ipsam multitudinem, aut collectionem multorum.

*Analogi quæ ratione prædicatur multa de eodem.*

Obiicitur secundò: Si Analogum significaret multa non posset prædicari de aliquo, nisi prædicarentur illa multa de se ipso, quia id prædicatur, quod aliquo voce, vel conceptu significatur; Si ergo voce analogia significantur multa, prædicatur multa de eodem, sed multa de multis secundum eam significationem, quæ vnicuique competit: Ergo similiter prædicatur Analogum cum sit species æquivoci. Vnde cum in argumento dicitur: Id prædicari, quod significatur; verum est, si modus prædicationis respondeat modo significationis: Analogum verò non significat multa in vno, sed multa in multis: Ergo etiam non prædicabit multa de vno, sed multa de multis.

*Conceptus analogus quæ ratione est vnum cum significet multa?*

Obiicitur tertio, Si conceptus analogus multa significat, non erit vnus, sed multiplex. Respondeo, Conceptum analogum esse vnum in multis unitate proportionis, non verò unitate essentia. Non enim significat vnam essentiam in multis, sed aliquod proportionaliter se habens in multis. V. g. Ens significat aliquid suo modo existens: iste autem modus existendi alius est in substantia, alius in accidente, proportio tamen in modo essendi est in utroque. Porro unitas proportionis est unitas secundum quid; unitas verò essentia est unitas simpliciter. Quare conceptus æquivocus, quia est vnus unitate essentia, erit vnus simpliciter; analogus verò qui est vnus unitate solum proportionis, erit vnus tantum secundum quid. Opponunt tamen quidam sentiunt, nempe analogum posse esse vnum essentialiter, si inæqualiter conveniat analogatis, nempe prius vni, postterius alteri: quia enim hæc inæqualitatem ex sua essentia poscit, ut prius vni quam alteri competat, non competet utrique æqualiter, nec omnino eadem ratione, quod ad vniocationem requiritur, & sic rationem essentialem entia volunt prius competere substantia quam accidenti. Sed contra: Quia de essentia vnioci solium est, ut eadem re-

ione essentiali competat vnivocatis: hoc enim solùm dicitur in definitione vnivocorum, vt sit ratio substantiæ seu essentia eadem. Si igitur ratio essentia sit eadem etiam si essentia illa prius sit in vno quàm in altero, erit vnivoca. Nam illud prius & posterius, vel sumitur ex differentiis contrahentibus, & talis inæqualitas non officit vnivocationi. Semper enim differentiæ contrahentes genus sunt inæquales imperfectione & idcirco inæqualiter illud contrahunt. Vnde sicut non definit essentia esse vnivoca, ex hoc quod perfectius existat in vna specie, quàm in altera, etiam si hanc inæqualitatem exposcat ex natura sua: ita neque desinet esse vnivoca ex hoc quod prius sit in vna quàm in alia, etiam si hanc prioritatem exposcat ex natura sua. Vel secundo prius & posterius sumitur ex ipsa essentia, constituta essentialiter per prius & posterius. Et sic non erit vna essentia, sed duæ diversæ: quia vna essentialiter continebit hoc quod non continet alia.

Quid si quæras. An vnitas analogia sit dicenda essentialis, vel accidentalis? Respondeo. Vnitatem essentialem fundari in essentia, accidentalem verò in aliquo accidente. Quia igitur vnitas analogia non in essentia, sed in proportionem essentia fundatur; idcirco est dicenda accidentalis, non essentialis. Nam & proportio in qua fundatur est accidentalis; proportio enim est similitudo quædam, similitudo autem est relatio accidentalis secundum omnes, cum possit abesse & adesse. Ex quo patet, quod esse vnum analogia, non est esse vnum essentialiter, sed tantum vnum proportionem; proportionum enim vnitas est analogia.

Quæ etiam potest. An analogum habeat propriè aliquas differentias per quas contrahitur? Respondeo. Non habere propriè, habere tamen aliquo modo. Nam differentia propriè debet esse extra rationem generis, vt sæpe docet Aristot. Differentia autem Analogi non est extra rationem analogi, cum Analogum prædicetur de illa. Quia tamen Analogum aliquo modo præcendit à differentiis inferiorum, duplici illa ratione in præcedenti quæstione explicata; idcirco aliquo modo habet differentias contrahentes. Nam confusa ratio analogi contrahitur per expressionem eiusdem rationem, quæ non involvitur vno conceptu. Similiter ratio quæ convenit cum aliis, contrahitur per rationem quæ differt, ita tamen vt utraque ratio fundetur in eadem ratione formali, & idem dicendum est de speciebus analogis, quæ modo explicato constant genere & differentia: agnoscit verò species analogas Aristoteles 4. Metaphyl. tex. 2. Vbi enis species & species specierum speculari, ad Metaphysicum spectare asserit.

Notandi verò sunt duo. Primum est quod cum dupliciter aliquid possit significare multa, vel secundum illam vnam significationem, quomodo hæc vox populus, significat multos homines, vna significatione; vel secundum diversas significationes, quomodo æquivocum secundum aliam & aliam significationem, aliud & aliud significat: Analogum non primo, sed secundo modo multa significat, ita vt Ens, v. g. secundum vnam significationem significet substantiam, secundum aliam significet accedens; & ex consequenti secundum aliam significationem prædicatur de substantia, secundum aliam de accidente. Vnde apparet quod ens est multa significat, non tamen multa de vno prædicat, sed multa de multis, vnum de vno.

Alterum est, quod cum dicitur Analogum significare rem sub ratione & convenientia proportionali, non est sensus analogum esse nomen impositum ad significandam

*Vnitas analogia sitne essentialis vel accidentalis?*

*Analogum habeatne aliquas propriè differentias per quas contrahitur.*

*Aliquid potest significare multa dupliciter?*

*Analogum significare rem sub ratione et convenientia proportionali, quis sensus?*

gnificandam formaliter & expresse illam convenientiam & proportionem; Nam proportio est quid relativum, & respectu alterius dicitur, analogum vero non est necesse esse nomen relativum; Ens enim, v. g. est nomen absolutum non relativum. Sensus ergo est Analogum significare rem sub ea ratione, quae convenit proportio cum alia re, licet illa proportio non significetur formaliter nomine analogo.

## QVÆSTIO IV.

## De Univocis.

*Univocum  
quid?*

*Univoci ratio  
que requiritur.*

**U**Nivoca definit Aristoteles, quorum & nomen commune est, & secundum nomen ratio substantiarum eadem: quæ definitio patet ex definitione requiritorum explicata.

Ad rationem igitur univoci pertinet & unum nomen, & una ratio substantiarum. Æquivocum enim est unum nomen, sed non unam rationem substantiarum significat. Analogum est unum nomen, & unam rationem significat, sed unam secundum quid, non simpliciter, hoc est unam secundum proportionem, vel attributionem: univocum vero est unum nomen, & unam simpliciter rationem substantiarum significat. Nomine autem substantiarum intelligit Aristoteles, non substantiam, ut opponitur accidenti sed ut significat essentiam, nam & in Græco habent *iovta*, quod significat essentiam. Vnde etiam accidentia in abstracto dicuntur univocè de suis inferioribus, & significant rationem substantiarum communem, ut color, cum de albedine, & de nigredine dicitur.

*Accidentia  
predicantur  
dupliciter.*

Quod si objicias. Aristotelem negare passim accidentia dici univocè de subiecto, sed tantum denominativè, ut album de homine, quia dicuntur non essentialiter, sed accidentaliter, requiritque Aristoteles ad univocationem ut univocum dicat rationem substantiarum ipsius subiecti. Respondeo. Accidentia dupliciter predicari posse: Primo de suis inferioribus & sic predicantur in Quid & essentialiter. Secundo de suis subiectis, & sic predicantur denominativè, ut album de homine accidentaliter, non essentialiter. Primo ergo modo non negat Aristoteles accidentia predicari univocè, quia sunt vera genera, & species, respectu suorum inferiorum. Sic color predicatur de albedine & nigredine, tanquam genus utriusque. Verum tunc non predicantur per modum accidentium, sed per modum substantiarum; Secundo vero modo negat predicari univocè; modus enim proprius predicandi univocorum est predicari essentialiter secundum nomen & rationem substantiarum eandem, ut in definitione dicitur. Quia igitur in predicatione denominativa non servatur nec indicatur hic modus predicationis essentialis, sed est tantum modus predicationis accidentalis, idcirco denominativa ut denominativa non predicantur univocè, quia non significant rationem substantiarum eius de quo predicantur. Ratio enim substantiarum non significatur per quale, sed per quid. At inquit denominativa eadem ratione dicuntur de subiectis, quia non solum secundum idem nomen sed & secundum eandem rationem. Respondeo. Dici secundum eandem rationem sed accidentalem, non essentialem subiecto, & idcirco non

non simpliciter esse univoca, quia non simpliciter unam rationem subiecti significat, sed tantum unam rationem accidentalem; solum ergo secundum quid dici possunt univoca; debet enim univocum simpliciter, unam simpliciter rationem subiecti significare, hoc est unam rationem essentialem non accidentalem. Difficultas autem est, An & quomodo conceptus univocus sit unus?

Et quidem Aristoteles conceptum univocum ait esse unum, quia significat rationem essentiae eiusdem, ut patet ex definitione univocorum. Vbi noto Primo. Non requiri ad univocationem unitatem realem essentiae, & quia ratio essentiae est in mente, idcirco & unitas naturae univoca est in mente. Nam quod ad unitatem realem essentiae attinet eam esse impossibilem demonstravimus in disputatione de univocantibus; cum essentiae rerum à parte rei ita sint divise ab invicem, ut non solum una non sit alia, sed etiam impossibile sit unam esse alteram. Est igitur univocum unum unitate conceptus tam formalis quam objectivi sicut & de unitate universalis supra demonstratum est.

*Conceptus univocus quare ratione est unus? Ad univocationem unitas realis essentiae non requiritur*

Quod si queras. Quomodo conceptus formalis univocus sit unus? Respondeo. Per representationem unam rationis essentialis, ubi advertendum est: aliam esse unitatem essentiae, aliam unitatem proportionis essentiae. Analogum significat solum unitatem essentiae quoad proportionem, univocum verò significat unitatem in ratione ipsa essentiae absolute: unitas in essentia est unitas simpliciter, unitas verò secundum proportionem, est unitas secundum quid. Ex quo patet conceptum univocum esse simpliciter unum, quia est unus secundum rationem essentiae: conceptum verò analogum esse secundum quid unum, hoc est secundum proportionem, vel attributionem ad unum.

*Unitatis essentiae & unitatis proportionis essentiae discrimen.*

Noto secundò. Ad hoc, ut sit una ratio essentiae per univocum significata, duo requiri: unum in ordine ad intellectum, ut nimirum sit una non solum in conceptu confuso, sed etiam in conceptu distincto. Nam etiam ratio analoga in conceptu confuso est una; tamen si concipiatur distinctè, & explicitè, non erit una, sed multiplex, quia apparebunt in ea expressè rationes analogorum, quae procul dubio sunt diversae non una. Verbi gratia, Cum concipio ens in confuso, non apparet in tali conceptu ratio propria substantiae vel accidentis: at cum distinctè & expressè rationem entis concipio in substantia, concipio propriam rationem substantiae. Nam substantia sub propria ratione substantiae est ens. Si igitur ratio illa communis sit una & eadem in multis, non solum secundum conceptum confusum, sed etiam secundum conceptum distinctum, erit procul dubio una unitate essentiae, non verò solum unitate proportionis. Alterum requiritur in ordine ad inferiora, nimirum ut ratio illa communis nullo modo includat rationes inferiorum, nec includatur ab illis. Nam si includat illas, non erit una & eiusdem rationis in illis, sed diversa in diversis, quia aliam differentiam includet in uno, aliam in alio: & sicut differentiae sunt diversae, ita & ratio illa communis esset diversa: Si verò includatur in illis, signum est non esse distinctam ab illis; Propter hanc enim causam ratio analoga non est simpliciter una, quia non est praecisa à rationibus inferiorum, nam & includit rationes inferiorum in confuso & includitur ab illis.

*Ratio essentiae una per univocum significata duo requirit.*

Ratio ergo univoca debet esse praecisa perfectè à rationibus univocatorum, alioquin si non sit praecisa perfectè, est quoad substantiam eadem cum rationibus

bus

bus inferiorum, ac proinde in diversis diversis; quia ratione s inferiorum sunt in diversis diversis. Dixi debere esse præcisam perfectè. Nam etiam analogia ratione præcisa imperfectè: quia est præcisa a ratione expressa inferiorum; univoca autem debet esse perfectè præcisa, hoc est tam à ratione expressa, quàm à ratione confusa suorum inferiorum, ita ut nec expressè nec confusè includat sua inferiora.

*Ratio aliqua perfectè præcisa qui cognoscitur?*

Quod si queratur? Quomodo cognosci potest rationem aliquam esse perfectè præcisam? Respondeo. Ex duobus. Primò, si sit præcisa in conceptu distinctum. Nam si concepta distinctè & expressè non involvit quidquam ex rationibus inferiorum, est perfectè præcisa ab illis, quia in perfectio suo conceptu illa non includit. Si verò solum sit præcisa in conceptu confuso & imperfecto quomodo analogia sunt præcisa, à suis analogatis, sic non est perfectè præcisa, quia verè illa includit, sed ob imperfectionem conceptus non apparet ista conclusio. Secundo, si non prædicetur in quid de differentiis inferiorum; hoc enim signum est non includi in illis, nec illas in se includere. Nam quod prædicatur de aliquo in quid, est idem cum illo: Ergo si aliqua ratio communis prædicatur de rationibus inferiorum, ent eadem cum illis, nec distinguetur ab illis simpliciter, nisi fortè secundum quid, quomodo idem à seipso sub alia ratione consideratum distinguitur. Et hæc sunt duæ regulæ cognoscendi rationes univocas.

*Differentiam debere esse extra rationem generis, qui verum?*

Ex quibus intelligitur, Quomodo verum sit quod ait Aristoteles, differentiam esse debere extra rationem generis: quia nimirum genus univocum debet esse perfectè præcisum à suis differentiis, ut nec illas includat nec includatur in illis.

*Potesne esse aliquid commune univocè multis speciebus, nec tamen esse genus?*

Sed queri potest. An possit aliquid esse commune univocè multis speciebus, & non esse genus? Scotus enim & Sotus affirmant, quos plerique sequuntur; Avicenna autem ad univocationem sufficere unam rationem communem præcisam à differentiis, hoc est differentias in suo conceptu formali non involventem. Ad rationem verò generis requiri aiunt, non solum ut ratio illa communis præscindi possit à differentiis, sed etiam ut differentia præscindi possint à ratione illa communis: Fundant verò hanc doctrinam in Aristotele, qui 3. Metaph. t. 10. negat ens esse genus vltius rei, quia nulla res præscindi potest ab ente; atque impossibile esse, genus de propriis differentiis prædicari; & alibi passim docet, differentias debere esse extra rationem generis. Hanc ob causam Scotus concedit ens esse univocum respectu omnium entium non tamen esse genus, quia licet ipsum præscindat à differentiis entium; differentia tamen ab ipso non præscindunt: quia differentia entis sunt entia, cum sint extra nihil. Sotus etiam idem concedit de accidente in communem respectu omnium accidentium.

*Quod prædicatur univocè de speciebus est verum genus illarum specierum.*

Dicendum tamen est omne quod univocè prædicatur de speciebus esse verum genus illarum specierum: Probatur primò. Ex definitione generis, in qua nihil aliud ponitur, nisi quod prædicetur de pluribus differentiis specie in quid. Ergo aut hæc definitio ent insufficientis; aut si est sufficiens, sufficet ad rationem generis communis univoca secundum prædicationem: Secundò: quia omne univocum significat rationem communem; Differentia verò rationem propriam. At si commune præscindi potest à proprio, ita proprium à communi: quia sicut commune quod commune, non est proprium; ita proprium quod proprium non est commune. Ergo, si ratio communis univoca præscinditur perfectè à differentia; etiam differentia præscinditur perfectè ab illa ratione communi. Vnde rectè inferri potest,

si aliqua differentia non possit præscindi ab aliqua ratione communi, illam rationem non esse univocam, nec præscindi perfectè à differentia, sed solum ex confuso modo concipiendi.

Quod ut clarius intelligatur ostendo impossibile esse aliquid dividi ab altero, quin alterum quoque dividatur ab illo; ita ut sit necesse divisionem esse mutuan, & utrinque pater id primum inductione in omni divisione: non enim potest dari vlla divisio in rerum natura quæ non sit utrinque: Si enim pars ligni dividatur à reliquo ligno, necesse est alteram quoque ligni partem dividi ab illa: Si enim non sit divisio, est indivisa & conjuncta. At quomodo potest esse conjuncta, rei à se divisa & sibi non conjunctæ? Dices, id esse verum in divisione reali non rationis. At contra: quod divisioni, ut divisio est, convenit, necesse est convenire omni divisioni; quod enim convenit generi, convenit omnibus sub ipso contentis: Atqui divisioni, ut divisio est in genere, convenit, ut sit divisio utrinque; nihil enim potest esse divisum à re, à se indivisa: Ergo id omni divisioni convenit, tam in re quam in mente. Deinde ratio est duplex. Prima: quia relativum non potest esse sine suo correlativo, cum relativa sint simul natura: Ergo & relatio divisionis inter duo divisa non potest esse nisi utrinque sit relatio divisionis: divisa enim secundum relationem divisionis sunt correlativa, quæ est relatio Equiparantæ: Secundò: quia implicat contradictionem ut aliquid sit divisum à re, à se indivisa, ut dictum est, esset enim simul divisum & indivisum, divisum ex suppositione, indivisum propter indivisionem illius rei ab ipso.

At obijciunt, animal posse præscindi ab homine, non autem hominem ab animali. Respondeo. Animal non præscindi à tota hominis essentia, cum sit pars essentia, sed ab una tantum parte essentia hominis, nempe rationalitate: quare sicut animal præscindi potest ab homine secundum rationalitatem tantum considerato; ita & homo secundum rationalitatem tantum consideratus, præscinditur ab animali: quia ut rationalis est non est animal. Secundum verò priorem essentia partem, nec animal ab homine, nec homo ab animali præscindi potest: quia homo secundum vnam essentia partem, est animal. Cum etiam aiunt ens præscindi à substantia & accidente, non è contra: dicendum est istam præcisionem non esse univocam, esse tamen mutuan: nam sicut in conceptu entis non includitur expressè conceptus substantia, ita in conceptu proprio substantia, non includitur expressè ratio entis, licet implicite utrumque in utroque includatur. Vnde possum scire aliquid esse ens, nesciens expressè an sit substantia vel accidens: ita possum concipere substantiam conceptu proprio nihil expressè cogitando de ente: ita ut conceptus expressus substantia non sit expressus conceptus entis & è contra.

Ex quibus pater ad fundamentum primæ sententia: de ratione enim univoci est, ut sit præcium utrinque, ita ut si differentia non præscindat ab illo, illud non sit univocum.

Quærit etiam potest, an aliqua possint esse simul vnum genere & analogia: id enim affirmat Aristot. 5. Metaph. 4. 12. quæ sunt, inquit, vnum genere non esse vnum specie, sed posse esse vnum secundum analogiam; & quæ sunt vnum analogia, non omnia genere esse vnum, indicans aliqua esse vnum genere. Quam doctrinam ita declaro. Possunt enim aliqua habere analogiam in specie; convenire verò univocè in genere. v.g. Sanitas animalis & sanitas pomi; in ratione sanitatis sunt analoga, ut verò sunt qualitates quædam sunt univoca, & sic analoga in illa ratione.

*Divisio necesse est ut sit mutua.*

*Possintne aliquid esse simul vnum genere & analogia.*

ratione in qua sunt analogia possunt certo respectu esse univoca, quare repugnat quidem analogum quā analogum formaliter esse univocum, cum diverse sit ratio analogi & univoci: non repugnat tamen, id quod est una ratione analogum, alia ratione esse univocum, & ex consequenti non repugnat esse aliqua simul unum analogia & genere.

## QVÆSTIO V.

*An ens sit univocum respectu omnium entium particularium?*

**H**ÆC quæstio tractatur hoc loco à nobis, tum propter proximum eorum, quæ de univoci & analogis docuimus: tum quia in tota Philosophia huius quæstionis doctrina supponitur. Scotus igitur & Nominales in primo, distinctione notitia, censent ens univocè convenire omnibus entibus, Deo, & creaturæ, substantiæ, & accidenti. Fundamentum est; Quia omnia entia conveniunt essentialiter in ratione communi entis, differunt in rationibus particularibus & modis entium, nempe quod hoc sit ens dependens, illud independens, hoc per se existens illud in alio existens. Hanc autem convenientiam esse univocam patet; quia in ratione entis in communi nullum est discrimen inter entia, sed solum in rationibus propriis, & specificis entium quod univocationi non repugnat. Nam omne univocum habet diversas differentias, per quas contrahitur, solum autem diversitas in ipsa ratione communi repugnat univocationi. Deinde aiunt, conceptum certum distingui ab incerto: at conceptus entis potest esse certus, incerti verò conceptus particularium entium. Ergo conceptus entis est distinctus & præcisus à conceptibus particularium Entium, & per consequens univocus: quia non habet unde diversificetur; Rationes enim particularium entium cum sint ab eo distinctæ, non faciunt eum in se diversum, Minor probatur: quia possum esse certus de aliqua re quod sit Ens, & incertus, an illa res sit substantia, vel accidens, ut cum de quantitate debitorum, an sit substantia, vel accidens, nemo autem dubitat an sit ens; Ergo. Ex quo inferunt, omnibus rebus mundi dari unum commune conceptum univocum, qui est communis conceptus entis; Inferunt etiam Deo & creaturis dari quod commune univocum in genere; licet non possit dari quid commune univocum a specie, quia Deus in genere convenit cum aliis entibus, in specie autem cum nullo re convenit.

Alii tamen communiter dicunt cum Aristotele, Ens nullo modo esse univocum respectu entium particularium, nec significare communem essentiam omnibus entibus, sed immediate significare diversas essentias, per modum æquivoci, & secundum unam significationem convenire substantiæ, secundum aliam accidenti. Ita docet expressè Aristoteles 4. Metaph. tex. 1. & 7. Metaph. tex. 1. ubi ens multipliciter dici, & non unum quid significare, nisi per attributionem ad unum; quædam enim, inquit, dicuntur entia, quia substantiæ; quædam, quia passionibus substantiæ, quædam, quia via ad substantiā & aliis modis, idque declarant exemplo sani, quod non est dubium esse Analogum, non univocum. Cum Aristoteles sentiunt omnes Peripatetici, & sanctus Thomas in expositione loci citati, & c.



nomem optimam infinuat Aristoteles. Entia enim non ob eandem, sed ob diversam rationem dicuntur Entia: Ergo Ens non significat unam rationem univocam, sed multas diversas. Antecedens probatur; Quia aliqua dicuntur Entia, quia sunt in se Entia, ut substantiæ; aliqua dicuntur Entia, quia sunt Entis Entia, ut accidentia. Neque dici potest per hos diversos modos Entis, res constitui in ratione talis Entis, non vero absolute in ratione Entis: Nam substantia, & accidentis non habet aliam rationem Entis, nisi talis, & quia talia sunt, sunt Entia.

Dico igitur primò. Ens non esse univocum respectu Entium particularium. Probat. Primò, ratione Aristotelis adducta. Secundò. Quia si omnia Entia convenirent univocè in ratione Entis, omnia Entia essent unius & ejusdem essentia, nec ullum esset discrimen essentiale in rebus. Nam omnes differentia quæ assignari possunt, essent Entia: atqui quia Entia sunt ejusdem essentia: Ergo omnes differentia in rebus essent ejusdem essentia, & sic periret discrimen essentiale rerum. Confirmatur. Quia diversa quæ diversa sunt, non sunt idem essentialiter, & univocè: atqui Entia in rationibus propriis suæ essentia sunt diversa: Ergo non sunt idem essentialiter & univocè in ratione Entis.

Dices esse idem essentialiter in ratione communium Entis, non in rationibus particularibus. Contra. Quia etiam rationes particulares sunt Entia (alioqui essent nihil). Ergo si in ratione Entis sunt idem essentialiter, sequitur etiam in rationibus particularibus debere esse idem essentialiter, quod quia absurdum est erit etiam absurdum id ex quo sequitur.

Dices rationes particulares esse Entia identice non formaliter. Contra. Ergo rationes particulares Entium formaliter acceptæ non essent Entia; aut certe si in sua ratione formali Ens includunt, erunt formaliter Entia. Verum quia hæc rationem non omnes admittunt, ideo probò tertio: Quia omne univocum dicitur rationem præcisam à differentiis, ut animal dicitur rationem præcisam à rationalitate, & irrationalitate: nam quod non præscindit à differentiis, est multiplex, non unum, quia in diversis diversis differentiis includit in suo conceptu formali: at Entis non potest præscindi à suis differentiis, seu rationibus particularibus Entium: Ergo Ens non est univocum, respectu Entium particularium. Minor probatur. Quia si Ens præscinderetur à ratione propria substantia & accidentis, illa ratio propria substantia, & accidentis non esset Ens, ac ex consequenti esset nihil. Præscindit quidem conceptus Entis à substantia & accidente, quoad expressas eorum rationes, simpliciter tamen ab eis non præscindit, quia ea dicit in consilio, licet non expresse: ita ut conceptui Entis in substantia nihil respondeat, nisi ratio propria substantia, & in accidente ratio propria accidentis confusè accepta. Quare Aristot. rectè placet 4. Met. tex. 3. quod idem significet homo, & homo Ens: quia nimirum Ens includitur in omnibus rationibus suorum inferiorum. Et 3. Metaph. tex. 10. Ex eo probat, Ens non esse genus, quia de differentiis prædicatur, necesse enim est genus præscindi à differentiis, non prædicari de differentiis.

Dico secundò Conceptus Entis immediate significat diversas rationes singulorum Entium, quatenus suo modo sunt Entia, ac ex consequenti non significat immediate unam tantum rationem, ut vult Suárez. Ratio est: quia Ens aliam rationem significat in substantia, aliam in accidente. Nam in substantia significat substantiam, in accidente accidentis, siquidem substantia, sub ratione substantia, & accidentis, sub ratione accidentis est Ens: Deinde illa una ratio quam dicitur signifi-

*Ens non est univocum respectu entium particularium.*

*Conceptus Entis immediate non significat unam tantum rationem.*

ficare Ens vel est vna communis essentia, vel non: si primum, ratio illa erit vnicaria: si secundum, ratio illa multas essentias non vnum significabit. Porro dicuntur Ens significare multa non quod vna significatione complectatur multa, sed quod habet diversas significationes, & secundum diversas significationes, diversa significet in diversis.

*Conceptus entis non praecisus dividitur simpliciter a rationibus particularium entium, sed tantum secundum quid.*

Dico tertio. Conceptus Entis non est praecisus a proprijs rationibus particularium Entium simpliciter, sed tantum secundum quid. Quod non sit praecisus simpliciter, & quoad rem significatam patet: quia res immediate significata per conceptum Entis non est alia quam rationes propriae singulorum Entium. Quod verò secundum quod sit praecisus, patet. Quia conceptus Entis est confusus & indat rationem convenientiae: conceptus verò substantiae est distinctus, & supradat rationem differentiae, quare non differunt hi conceptus simpliciter, quia dicuntur idem: differunt autem secundum quid, quia dicuntur idem sub diversis ratione. Deinde conceptus confusus est praecisus a conceptibus expressis & distinctis: conceptus Entis est confusus respectu particularium Entium: Ergo est praecisus a conceptu particularium Entium, quare praecisus est tantum diversitas quoad expressionem non quoad substantiam, quia licet significet immediate particularia Entia quoad substantiam: tamen non significat illa expresse sub proprijs rationibus, sed confuse. Ex quo patet Ens simpliciter non abstrahere ab Entibus particularibus, sed tantum ab expressione illorum, quia quoad substantiam illa includit, quoad expressionem vero non includit. Patet etiam Ens non habere inferiora, nisi secundum quid, hoc est quoad expressionem. Nam Entis inferiora simpliciter includuntur in Ente, non verò sunt sub Ente tanquam species ab eo diversae.

*Ens est analogum respectu entium particularium.*

Dico quartò. Ens est Analogum respectu Entium particularium. Ita Aristoteles locis citatis. Et ratio est, duplex enim Analogia Entibus convenit in ratione Entis. vna attributionis, alia proportionis. Analogia attributionis est duplex: alia accidentium ad substantiam, alia Entium creatorum ad Deum. Nam & accidentia dicuntur Entia, quatenus sunt Entis Entia, hoc est quatenus subiectur in substantia, & ab ea habent rationem Entis. Entia creata dicuntur Entia, quatenus sunt Entia ex Deo, & ex participatione primi Entis, quod est Ens per essentiam, Analogia verò proportionis est inter omnia Entia, inter se, quia quodlibet Ens habet se proportionaliter in ratione Entis; quodlibet enim est suo modo Ens, & sicut se habet vnum ad suum esse, ita & aliud ad suum, quare est proportio in ratione Entis.

*Ratio analogae essentialis cuiusmodi conveniat?*

Dices. Si creaturae sunt analogice Entia, non erunt essentialiter Entia, quia ratio analogae essentialiter est solum in principali analogato, in alijs verò non essentialiter, sed tantum est relatio & attributio ad essentialem, ut patet in sanitate, quare secundum suam essentiam; est tantum in animali, in alijs verò vel essentialiter vel significativè. Respondeo. Ratio analogae essentialis, aliquando est vna tantum, & tunc solum convenit principali analogato non alijs: aliquando verò est multiplex, & multas essentias diversas continet, cum dependentia tamen ab essentia principali analogati, & tunc alijs quoque analogatis convenit. Hoc verò modo Ens significat tam Dei quam creaturarum essentiam, sed Dei essentiam significat ut quomodo principalis analogati, quia omnia alia Entia in suis essentijs dependent ab eo, & dicuntur Entia quatenus participant rationem Entis à Deo, semper tamen essentia principalis analogati ipsi soli competit.

Ex quibus patet ad fundamentum Scoti: omnia enim Entia conveniunt in ratione Ens, sed alia & alia ratione. Ens enim aliam in vno essentiam significat, aliam in altero, in omnibus tamen eandem, proportionaliter. Porro Ens non habet veras differentias, quia illæ differentię non sunt extra rationem Entis, sed tantum extra rationem expressam Entis, continenturq; in Ente quoad substantiam, licet non exprimantur.

*Entia omnia  
conveniunt  
sed alia atq;  
alia ratione.*

Ad aliam confirmationem respondeo. Solum probare conceptum certum distinguere abquo modo ab incerto, ad quod sufficit distinctio secundum quid, non vero requiritur distinctio simpliciter: eadem enim res confusè concepta potest esse certa, incerta verò quoad id quod est secundum conceptum distinctum. Sic certus sum de leone, quod sit leo in confuso, quid autem sit leo in conceptu suo definitionis, qui est conceptus distinctus, sum incertus, neq; tamen conceptus definitionis & definiti sunt distincti simpliciter; Porro conceptus univocus debet esse distinctus simpliciter à conceptu univocatorum, ita ut ratio significata nomine univoco, nullo modo includat rationem propriam univocatorum.

QVÆSTIO VI.

*An eadem ratio possit esse univoca  
& Analoga?*

Quidam affirmant respectu diversorum eandem rationem esse Analogam & univocam. Ita Fonseca 4. Metaphysic. cap. 1. quæst. 1. Sect. 5. Quia licet respectu ejusdem non possit esse simul quid univocum & analogum; univocum enim significat unam essentiam, analogum diversas, tamen respectu diversorum id non repugnat: Id enim etiam in pure æquivocis videmus. Nam canis respectu animalium domesticorum est univocum, respectu verò aliorum canum, cælestis, & marini est æquivocum: Similiter Ens respectu substantiarum est univocum, quia substantię sicut univocè conveniunt in ratione substantię, ita & in ratione Entis inclusa in ratione substantię, respectu tamen substantię & accidentis est analogum.

Suavius negat 2. Metaph. disp. 21. sect. 2. Quia analogum etsi diverso respectu possit esse univocum, non tamen secundum eandem rationem & impositionem. Nam alia est impositio ad significandam analogiam, alia ad significandam univocationem.

Dico primò. Potest esse eadem vox univoca, & analoga; sed non secundum eandem significationem. Ratio est. Quia vox univoca est imposita ad significandam unam essentiam in multis: Analoga verò est imposita ad significandas multas diversas essentias in multis: ergo non secundum eandem significationem erit univoca & analoga: quia est univoca secundum unam significationem; analoga verò secundum multiplicem significationem. Quare eadem vox materialiter potest esse univoca, & analoga, sed non eadem formaliter, quia formalitas vocis attenditur ex significatione, quæ in univoco, & analogo cum sit diversa, erit etiam diversa formaliter vox univoca ab analogo; ex quo etiam patet non ex vi ejusdē imposi-

*Vox eadem  
potest esse univoca & analoga secundum diversā significationem.*

sionis vocem esse univocam & analogam, sed ex diversarum impositionum, quia ubi sunt diversae significationes, ibi sunt diversae impositiones.

*Conceptus analogus non potest esse analogus & univocus sub eadem ratione etiam respectu diversorum.*

Dico 2. Conceptus analogus non potest sub eadem ratione esse analogus & univocus etiam respectu diversorum. Ratio est. Quia conceptus dicitur analogus propter multas diversas significatas rationes; univocus vero dicitur propter unam rationem significatam: Atqui eadem ratio non potest esse una essentialiter, & multiplex essentialiter etiam respectu diversorum: Ergo non potest conceptus analogus sub eadem ratione esse univocus & analogus, quia non potest res esse secundum eandem rationem una & multiplex. Nam si est una, habet unam differentiam essentialiter; si est multiplex, habet non unam, sed multas differentias essentialiter; haec autem cum sint opposita, in eandem essentialitatem cadere non possunt, etiam respectu diversorum, essentialia enim conveniunt rei absolute non per respectum ad aliud. Quare parum refert ad hoc respectus ille diversus, in ijs enim solum habet locum diversus respectus, quae respectu aliorum dicuntur talia; non vero quae absolute in se sunt talia; Ex quo patet, cum Ens dicitur univocum de rebus ejusdem speciei, non esse illud Ens, quod est analogum: Nam Ens quod est analogum, est quid commune substantiae, & accidenti, & secundum suam significationem extendens se ad substantiam, & accidentem, non vero dicitur de substantiis ejusdem speciei, contrahitur ad unam significationem, & unam rationem Entis determinatam, secundum quam Ens non est analogum sed univocum.

*Analogatum potest esse sub eadem ratione analogatum & univocum diverso respectu.*

Dico Tertiò. Analogatum potest esse sub eadem ratione Analogatum, & univocum diverso respectu. Pro quo notò. Aliud est, esse Analogum, aliud Analogatum. Nam Analogum dicit multas rationes in confuso & multas significationes. Analogatum autem dicit unam rationem determinatam. V. g. Ens est Analogum dicit in confuso substantiam, & accidentem secundum aliam & aliam significationem; ut vero est analogatum dicit substantiam tantum vel accidentem tantum: Quare aliud est querere, an analogum sub eadem ratione sit analogum, & univocum, aliud vero, an analogatum possit esse sub eadem ratione Analogatum & univocum? Nam ad primam quaestionem respondetur negativè; cum univocum significet unam essentialitatem, analogum multas; Ad secundam vero respondetur affirmativè; Analogatum enim unam essentialitatem determinate significat sub genere analogo, quae potest simul esse & univoca respectu suorum inferiorum, & analogicè se habens respectu aliorum analogatorum, quatenus non eadem ratione se habet sub illo nomine analogo, sicut alia analogata. V. g. Ens quod dicitur de substantia univocè convenit ijs, quibus univocè convenit ratio substantiae: at respectu accidentium est Ens analogicè, quia alia ratione est Ens quam accidentia. Et hoc solum probat prima sententia, nempe posse esse idem analogatum & univocum diverso respectu.



## DISPUTATIO VII.

## De Prædicamentis in communi.

*Prædicamentum est series & dispositio generum ac specierum, sub uno summo genere. Quare prædicamentum non significat summum genus, sed multa genera & species coordinatas sub uno genere summo, ipsum vero summum genus non est Prædicamentum, sed genus Prædicamenti. Porro tractatio Prædicamentorum ut continent res, propriè ad Metaphysicum spectat. Eius enim proprium munus est considerare Ens & omnes divisiones ac species Entis. Vna autem divisio Entis est in decem summa genera prædicamentorum. Quoad considerationem verò generum & specierum secundum prædicationem, est tractare Logici. Quanquam rudis etiam & imperfecta prædicamentorum, ut res sunt, tractatio, suo modo ad Logicum etiam pertinet. Dixi suo modo, hoc est, non per se, sed per accidens. Non per se quidem; quia tractatio rerum est extra rationem formalem Logicæ, quæ solum de operationibus intellectus agit: per accidens autem; quia ea tractatio conducit ad finem Logicæ nempe ad meliorem cognitionem & directionem operationum; ad hoc enim rudis & generalis rerum tractatio plurimum conducit.*

Prædicamentum quid.?

Prædicamenta quomodo spectant ad Logicam?

## QVÆSTIO PRIMA.

*An divisio Entis in decem summa Genera sit  
Prima, bona, & sufficiens En-  
tis divisio?*



Ria quaruntur: An ea divisio sit prima? Secundo; An bona? Tertiò; An sufficiens? Quantum ad primum. Illa dicitur prima Entis divisio quæ aliam priorem non supponit, sed ipsa potius præsupponitur alijs divisionibus.

Dico igitur primo. Divisionem Entis in decem summa Genera non esse primam divisionem; quia hæc divisio supponit aliam priorem; nempe divisionem Entis in Substantiam & Accidens: nam accidens postea dividitur in novem genera.

Dico Secundo. Neq; divisionem Entis in substantiam & accidens esse primam: quia hæc etiam divisio supponit aliam priorem nempe in Ens creatum & increatum, dependens & non dependens, Ens à se & Ens ab alio. Nam cum Ens dividatur Analogicè in sua membra, prior Analogia est Entis creati cum increto, quam accidens cum substantia; Prior enim dependentia in genere Entis est Entis creati à Deo, quam Entium Creatorum inter se.

Dico Tertiò, divisionem Entis in Ens creatum, & increatum, seu in ens à se, à ab alio, dependens & independens, esse primam divisionem Entis; quia hæc nullam aliam præsupponit, eam verò alix supponunt. Divisio enim Entis est secundum Analogiam: Analogia autem consistit in dependentia Entium in ratione Entis, à principali Ente. Prima autem dependentia Entium est à Deo, quam deinde sequitur dependentia Entis à substantia.

Quantum ad secundum. Videtur ea divisio non esse bona; Lex enim divisionis postulat, ut fiat divisio in duo membra opposita, quæ deinde subdividantur. Fuit igitur & debebat Ens dividi, in substantiam, & accidens; deinde accidens, in absolutum & respectivum: absolutum in intrinsecum, & extrinsecum; intrinsecum in quantum, & quale; extrinsecum, in ubi, quando, situm habere: respectivum vero, in relationem, actionem, passionem.

*Divisio bona.*

Dicendum tamen est: hanc divisionem esse bonam ex fine eorum, qui prædicamenta invenerunt: id enim quod spectarunt primi inventores prædicamentorum est, ut ad scientias addiscendas oculis obicerent summa rerum omnium genera, & varios modos afficiendi, & denominandi primam substantiam. Hoc autem optime præstiterunt, propositis decem summis rerum generibus ad quæ omnes res revocantur, & omnes modi afficiendi & denominandi primam substantiam, quæ est primum omnium subiectum de quo omnia enunciantur. In alijs verò divisionibus non ita explicitè proponuntur rerum diversa genera, & diversi modi naturales afficiendi & denominandi primam substantiam sed valde in generali & inco-

fuso, ut patet in divisione Entis in substantiam & accidens. Non enim in hac divisione explicantur genera accidentium, & modi speciales ipsorum afficiendi & denominandi primam substantiam, sed in confuso solum in accidente includuntur. Quare & si potuerit aliis modis fieri ista divisio; hic tamen visus est omnium optimus & maxime accommodatus ad dictum finem.

Quod verò dicitur de divisione binimembri, ea quidem per se loquendo, fieri debet per duas differentias oppositas, si res per se spectetur, non verò si aliquis speculis suis intendatur, ad quem magis sit conveniens, & accommodata in plura, quam in duo membra divisio: ut hic accidit. Alij etiam huius rei reddunt rationem; quod ea divisio fieri debuit in genera univoca, prima autem genera univoca sunt decem: Nam alia quæ de illis affirmantur sunt Analoga, sed hæc ratio supponit id, quod est valde dubium genera prædicamentorum debere esse univoca, de quo infra.

Quantum ad tertium. Hanc divisionem esse sufficientem inde patet, quod neque plura dari possunt summa rerum genera, neque hæc decem ad pauciora revocari. Pro quo notandum est. Primum, Ens quod dividitur in decem summa genera, non esse Ens amplissimè acceptum, ut est commune Dso, & creaturis, sed solum ut complectitur omnia Entia creata, ita ut Ens creatum sit illud, quod dividitur in decem summa genera. Ratio huius sumitur tum ex natura rei, tum ex fine & intentione eorum qui eam divisionem fecerunt. Nam quod ad naturam rei attinet, Ens ut est commune ad creatum, & increatum, non potest dividi, in summa decem genera, quæ tam creatum, quam increatum Ens comprehendant. Nam Ens increatum non potest contineri sub genere, cum generica illa determinatio Enti per essentiam repugnet, ut infra demonstrabimus. Altera etiam ratio sumitur ex fine eorum, qui prædicamenta invenerunt. Volverunt enim inprimis distinguere summa rerum genera ad quæ res omnes revocarentur, & in illis ostendere omnes modos reales afficiendi & denominandi primam substantiam. Deinde non de omni substantia agere voluerunt, sed solum de ea, quæ est subiecta accidentibus; cum enim in rebus viderent varias res conjunctas in vnum, nempe cum substantia conjuncta esse varia accidentia, voluerunt confusionis vitandæ causa, singula in sua genera distribuere, & in vno genere posuerunt substantiam subjacentem accidentibus, in alijs verò novem varia accidentium genera. Patet autem hoc manifestè ex definitionibus & proprietatibus substantiæ, quæ non conveniunt nisi substantiæ accidentibus subiectæ. Nam Aristoteles maxime proprium substantiæ ait esse susceptivum contrariorum, quod non nisi substantiæ creatæ, accidentibus subiectæ, competit.

Notandum est secundò. Rationem sufficientiæ hujus divisionis ex duobus pendere. Primum est quod summa genera non possunt esse pauciora. Alterum quod non possunt esse plura. Nam si pauciora statuuntur non expriment sufficienter (nisi valde confuse & genericè) diversos modos Enum, nec diversos modos afficiendi, & denominandi primam substantiam. Est enim prima substantia, primum subiectum omnis prædicationis, & denominationis; in ea enim omnia insunt, & de ea omnia dicuntur. Aliqua ergo afficiunt & denominant primam substantiam essentialiter, ut sunt genera, & species substantiarum, quæ continentur sub vno genere substantiæ; alia verò accidentaliter, & sic dantur novem accidentium genera continentia novem modos diversos afficiendi & denominandi primam

*Divisio an binimembri?*

*Divisio sufficientis.*

*Ens creatum dividitur in decem genera.*

*Non sunt pauciora Prædicamenta.*



nam substantiam, nempe in quantum, quale, ad aliud, ut agentem, ut patientem, ut alicubi, vel aliquando, existentem, ut depositam secundum situm, & habentem. Totidem etiam sunt interrogationes de rebus ad quas omnes responderetur per hæc decem summa genera. Ex quo etiam patet summa genera non debere esse plura, cum ad hæc decem omnia commodè revocentur quantum ad finem scientiarum addiscendarum requiritur. Deinde ad pauciora contrahi non possunt, qui non habent supra se alia genera: plura etiam esse nequeunt, cum omnia sub decem summis generibus contineantur.

*Cur non sit vnum Prædicamentum accidentis?*

Sed obijces primò. Cum sit vnum prædicamentum substantiæ, cur accidentium sint novem? Respondeo dimùm id non esse mirum; magis enim multiplicentur accidentia, quàm essentia rerum: Nam essentia existente vna in qualibet re, inveniuntur in ea multa accidentia. Deinde magis in particulari loquendo, hæc ratio potest assignari: Quia in substantia est vnus modus efficiendi & denominandi primam substantiam, nempe in quid, in accidentibus autem est multiplex, & idcirco quoniam est, ut sit vnum prædicamentum substantiæ, accidentium verò plura.

Quod si dicas. Differentia essentialiter prædicatur de prima substantia, non in Quid, sed in quale; ergo dantur duo modi distincti denominandi essentialiter primam substantiam, vnus per modum generis, vel speciei, alter per modum differentie: Respondeo. Differentiam esse partem essentialem speciei, non essentiam completam, & idcirco prædicatur essentialiter tanquam pars speciei, & eius prædicatio includitur in prædicatione speciei. Et licet possit etiam prædicari per se & sine specie, tamen talis prædicatio non constituit diversum genus prædicamenti, quia prædicamenta non sunt pro partibus essentialium sed pro essentijs ipsis completam substantiarum, quàm accidentium. Quare hæc prædicatio reducitur ad idem genus prædicamenti in quo est essentia completa.

*Discrimen prædicabilis & Prædicamenti.*

At dices Differentia constituitur prædicabile distinctum à genere, & specie: ergo constituitur etiam distinctum prædicamentum. Respondeo: in prædicabilibus solum spectari distinctos modos prædicandi, & idcirco constitui differentiam distinctum prædicabile à specie; quia habet modum prædicandi distinctum à specie: At in prædicamentis spectantur essentia rerum secundum genus distinctæ: quia igitur differentia non est essentia per se, sed pars essentia; idcirco reducitur ad idem genus prædicamenti cum specie.

*Substantia increata an spectet ad prædicamentum?*

Obijces secundò. Duo esse prædicamenta substantiæ; vnum substantiæ creatæ, aliud increatæ. Respondeo: si substantia increata collocanda esset in aliquo genere prædicamenti, necessariò collocanda esset sub genere substantiæ in communem comprehendit tam creatam, quàm increatam: quia vtræque substantia conveniunt in communi ratione substantiæ, & in eodem modo efficiendi & denominandi essentialiter, & in quid primam substantiam. Deinde substantia increata ipsa per se non est genus, quia non habet sub se species; cum non sint plures substantiæ increatæ. Ergo ipsa per se non potest constituere genus Prædicamenti; Genus enim Prædicamenti est summum Genus certæ coordinationis generum & specierum: non potest autem dici genus coordinationis, ubi nulla sunt genera inferiora & species: quæ dici potest summum Genus nisi respectu generum vel specierum inferiorum. Dico igitur substantiam increatam nec in communi cum alijs genere convenire neque in aliquo peculiari: quia indeterminatio generica repugnat Eni per essentiam ut suo loco ostendemus: ac proinde non posse in illo Genere Prædicamenti collocari.

Objicies tertio. Genera accidentium poterant alio modo distribui, ut vnum esset genus accidentis absoluti, aliud respectivi, & hæc deinde in alia genera subdividerentur. Respondeo: Ex natura rei loquendo poterat quidem talis distributio fieri, at in ea non fuissent tam bene expressa varia rerum genera, & varij reales modi assequendi & denominandi primam substantiam, uti his novem generibus accidentium exprimitur.

Objicies quarto. Entia rationis & fictitia ad nullum ex his decem generibus pertinent. Respondeo: Decem ista genera esse rerum non signentorum, quia tamen quæ finguntur ad modum Entium realium finguntur, ideo suo modo revocari possunt ad genera Entium realium, propter quandam similitudinem & imitationem Entium realium; nisi quis malit decem alia genera pro Entibus fictitijs constituisse.

Objicies quinto. Esse causam est quid reale, & tamen ad nullum decem generum pertinet. Respondeo: Causa duo dicit, principium causativum, & actionem causandam: ratione primi pertinet ad qualitatis secundam speciem, nempe naturalem potentiam; ratione secundi ad actionem vel passionem; potest enim esse causalitas tam activa quam passiva. Quod si dicas in alijs causis posse id locum habere, sed non in fine, quia is neq; ut est principium causativum ad qualitatem spectat, cum non prædicetur in Quale, neq; ejus causalitas ad actionem vel passionem reducitur; finis enim nihil agit neq; patitur. Respondeo. Finis est causa per denominationem extrinsecam, hoc est, non ex eo quod ab eo aliqua operatio procedat, sed quod alia operantur propter ipsum: quæ denominatio extrinseca convenit fini, quando non est: cum enim est, cessat habere rationem finis, quia non intenditur amplius, quando actu obtinetur. Cum igitur prædicamenta sint pro rebus existentibus, vel iis quæ existere possunt, finis autem in ratione finis non est existens realiter, nam eo ipso quod existit, cessat esse finis, idcirco finis ad nullum prædicamenti genus propriè spectat. Neq; refert, quod in prædicamentis ponuntur genera & species, quæ abstrahunt à reali existentia: nam etsi, ut abstracta sunt per intellectum, non existant realiter, revera tamen existunt in individuis: vel existere possunt sub illa ratione. Idem dicendum est de prædicamento effectus. Nam effectus quod existat est in aliquo prædicamento substantiæ, vel accidentis, cum sit vel substantia vel accedens, prout verò efficitur ad prædicamentum passionis reducitur; effectus enim est passivè se quodammodo habere respectu agentis.

Objicies sexto. Prius, posterius, simul, oppositum, non videtur ad aliquod genus prædicamenti reduci. Respondeo: ista formaliter in quadam relatione consistere & ad prædicamentum relationis pertinere, materialiter autem cum sint vel substantia vel accidentia, ad aliquod prædicamentum, vel substantiæ vel accidentis pertinebunt.

Objicies septimo. De artificiat, quæ ad nullum genus prædicamenti pertinent, ut arca, scamnum, navis, vestis, domus. Respondeo: artificiat consistere rebus diversorum prædicamentorum, & idcirco ratione partium componentium, ad diversa prædicamenta pertinere; ratione verò ipsius compositi artificialis ad nullum spectant prædicamentum; sunt enim Entia per accedens non per se quæ ad nullum prædicamentum per se spectant, quia non sunt per se Entia.

Objicies octavo. Ens infinitum non pertinet ad prædicamenta, ut si esset substantia, quantitas, qualitas infinita: quia quod est sub aliquo genere, limitatur ad certam speciem, per certam differentiam. Respondent quidam dupliciter aliquid posse

*Entia rationis an spectent ad Prædicamenta?*

*Artificiat in quo Prædicamento?*

*An Ens infinitum sit in Prædicamento?*

posse esse infinitum. Primum in essentia ut si numerus daretur infinitus, esset (inquunt) essentialis perfectio numeri infinita, quia numerus maior, est essentialiter perfectior: ergo maior infinite esset infinite secundum essentiam perfectior. Secundum non in essentia, sed in aliqua ratione accidentaria, ut si quantitas esset infinita, non esset infinita secundum essentiam & determinatam, quia ejusdem esset essentia cum quantitate finita: maior enim & minor quantitas sunt ejusdem essentia. Solum ergo esset infinita in accidentaria illa extensione ratione plenum parum. Dicunt igitur infinitum in essentia non posse poni in predicamento, quia omnia predicamenta habent essentiam finitam & determinatam, ex determinato genere, & determinata differentia constituentem: atqui infinitum in essentia non habet determinatam essentiam; idem enim est esse infinitum & indeterminatum: Ergo: Infinitum verò secundo modo, auri ponitur in predicamento: quia quoad essentiam convenit cum Ente finito: sic quantitas infinita est ejusdem essentia cum quantitate finita ac proinde ad idem genus predicamenti pertineret: similiter si esset calor infinitus, vel lumen infinitum poneretur in predicamento Qualitatis, quia esset ejusdem essentia cum calore & lumine finito. Ita Ruvijs in capite de quantitate quæ sit. decima.

*Infinitum in  
essentia duplex.*

Nobis verò distinguendum videtur. Duplex enim est infinitum in essentia; aliud in certo aliquo genere Entis, ut si daretur qualitas in genere qualitatis secundum essentiam infinita æquivalens infinitis qualitatibus specie distinctis, quarum una sit perfectior altera: aut si daretur aliqua substantia creata infinitis substantiis specie distinctis perfectior: Aliud est infinitum non in aliquo tantum genere, sed in toto genere Entis, quod omnem Entis perfectionem atque adeo infinitarum specierum perfectionem essentialiter in se continet, qualis est solus Deus. Infinitum igitur in omni genere Entis non ponitur in predicamento, non propter infinitatem præcisè & formaliter, quia infinitas potius juvat ad hoc ut aliquid sit in predicamento, quam impedit ne sit, quia infinitum in aliquo genere ratione infinitatis habet, ut melius & perfectius participet rationem illius generis infiniti quadam perfectione. Quare ex ratione infinitatis præcisè non repugnaret Enti infinitum esse in predicamento, sed ex peculiari ratione talis infiniti quod est Entis per essentiam de quo infra: Infinitum verò secundum essentiam in certo aliquo genere Entis, nec infinitatem nec ullam aliam ejusmodi causam habet quæ excludatur à predicamento. Quare & numerus infinitus si ponatur habere essentiam infinitam (de quo nunc non disputo) deberet reponi in eodem predicamento, in quo numerus finitus, quia solum ad genus numeri pertineret, non ad illa genera aliorum predicamentorum, nec in sua essentia involveret essentiam aliorum predicamentorum, sed solum essentiam unius generis & predicamenti. Quod verò dicitur infinitum in essentia non habere determinatam differentiam, si intelligatur per determinatam differentiam, certa aliqua & ab alijs distincta differentia, falsum est: sicut enim habet certum & determinatum esse; ita certam & determinatam differentiam, hoc est, differentiam certi ac determinati generis, & distinctam essentialiter à differentijs aliorum tam infinitorum, quam finitorum Entium. Verbi gratia, differentia numeri infiniti esset determinata ad genus numeri & ad perfectionem essentialem sub genere numeri comprehensam. Si verò dicatur determinata, id est, non omnem perfectionem essentialem illius generis, sed aliquam tantum continens, sic verum est differentiam Entis infiniti non esse determinatam.

determinatam, quia non determinatur ad vnā perfectionem essentialē illius generis, sed sine termino omnem perfectionem illius generis continet, & æquivaleret infinitis alijs perfectionibus specificis sub illo genere. Sed hoc non obstat quominus essentia simpliciter sit determinata, quia est determinata ad certum genus Entis & distincta ab alijs generibus, licet alio respectu sit determinata, ut dictum est.

## QVÆSTIO II.

*An Accidens sit univocum respectu omnium accidentium?*

S<sup>O</sup>lus hic affirmat quem aliqui recentiores sequuntur. Ratio est: Quia ratio accidentis est in esse subjecto; accidentis enim esse est in esse: atqui omnia accidentia conveniunt in vna communi ratione essendi in suo subiecto; eadem enim ratione omnia insunt: ergo accidens est quid commune univocum respectu omnium accidentium. Porro quidam ex hoc inferunt, omnia novem genera accidentium poni in vno prædicamento accidentis, propter convenientiam univocam in ratione Entis. Alij verò ut Sotus & Iavellus id negant sequi; aiunt enim non omne univocum esse genus: nam ad genus requiritur præter univocationem ut abstrahat perfectè a differentiis & non contineatur in illis; nec prædicetur, quod accidenti non convenit; Omnis enim differentia accidentis est accidens. non potest igitur poni genus prædicamenti, sicut neq; Ens.

Communis tamen sententia est. Accidens non esse univocum respectu omnium accidentium. Primò. Quia omne univocum est extra differentias proprias univocatorum, ut animal extra rationale & irrationale; gradus enim communis, & gradus proprius debent esse ut minimum ratione distincti: at accidens nullas potest habere differentias, extra rationem accidentis; omnes siquidem differentie quæ assignari possunt in accidente, sunt accidentia, & earum esse est in esse; ergo accidens non est univocum. Ex quo patet, non solius generis esse id proprium præscindere à differentiis, & esse extra rationem differentiarum, sed omnis univoci: omne enim univocum dicit gradum communem, gradus autem communis distinguitur ratione rationata à gradu proprio, commune enim non est proprium, uti etiam præcedenti disputatione contra Sotum docuimus.

Secundo. Quia omne univocum significat eandem essentiam in suis inferioribus: atqui accidens non eandem, sed diversas essentias in diversis accidentibus significat: ergo non est univocum respectu omnium accidentium. Minor probatur. Nam quantitas & qualitas, quæ diversa sunt, sunt accidentia: ergo accidens diversarum naturarum significat in quantitate & qualitate.

Tertio. Aliqui idem confirmant hoc argumento. Nihil potest esse commune univocum absoluto & relativo: at accidens est commune absoluto & relativo, *An possit concipiens nec absolutum nec respectuum?* verbi gratia, quantitati & relationi; ergo non est univocum. Minor probatur. Id enim quod est commune univocè absoluto & relativo, abstrahit ab absoluto & relativo; quia genus abstrahit à suis differentiis contrahentibus: at nihil potest abstrahere ab absoluto

absoluto & relativo; quia eo ipso quod abstrahit à relativo non est relativum; Est autem non relativum, est absolutum, hoc enim absolutum dicimus quod est in se non ad aliud, ergo. Ruvius concedit dari medium inter absolutum, & relativum nempe quod ab utroque abstrahit. At revera illud quod ponitur abstractum ab utroque necessarium debet esse absolutum. Nihil enim aliud ad conceptum absolutum requiritur, nisi esse in se, & non ad aliud. Quod si dicas requirit ut non possit contrahi ad esse ad aliud. Contra. id falsum est. Nam qualis est quid absolutum & tamen contrahi potest secundum ipsos ad esse relativum ut patet in scientia, quæ est qualitas quædam, relative se habens ad objectum scilicet: Sufficit ergo ad absolutum ut in se essentialiter non sit ad aliud siue per se, & non per alium, ut possit constitui in esse respectivo, siue non.

Sed obijciatur primo. Ab omnibus substantijs potest abstrahi ratio univoca substantiæ; ergo & ab omnibus accidentibus potest abstrahi ratio univoca accidentis: sicut enim omnes substantiæ in hoc conveniunt quod per se existant, ita omnes accidentia conveniunt in hoc quod in vno existant. Nec obstat quod ratio accidentis sit diffusa per entitatem accidentis & per omnes gradus eius tam genericos, quam específicos: nam etiam ratio substantiæ fusa est per omnium entitatem substantiæ, & omnes eius gradus: nam & partes substantiæ, sunt substantiæ: sicut ergo hoc non obstante ratio substantiæ univoca potest abstrahi ab omnibus substantijs; ita poterit ratio abstrahi univoca accidentis ab omnibus accidentibus.

Respondeo. Disparem esse rationem substantiæ, & accidentis. Nam in substantia duplicem rationem substantiæ distinguimus: vnam communem omnibus partibus & gradibus substantiæ, quæ est in se esse, & non in alio tanquam in subiecto; aliam specialem quæ consistit in ratione subsistendi independentem ab alio, ita ut ratione ejus habeat substantia ex se, non ex alio subsistere: talem vim subsistendi in materialibus dicimus esse præcipuè à materia, quæ cum sit subiectum formarum tam substantialium, quam accidentalium ipsa ex se subsistit, & ratione illius alix subsistunt. Hæc igitur ratio substantiæ non est fusa per omnes gradus substantiæ; sed est specialis quidam gradus substantiæ. In accidente autem non est alia ratio accidentis, nisi fusa per totam entitatem accidentis: quia quilibet gradus accidentis est accidens. Neq; mirum: Nam per se, & ex se subsistere, cum sit perfectio, non potest conferri à quacunq; parte, vel modo substantiali: at in hæren subiecto est imperfectio, quæ non requirit specialem aliquem gradum, sed aptæ afficit totum accidens, & eius omnes partes. Ex quo patet rationem accidentis non posse esse, nisi analogicam; rationem verò substantiæ posse dari univocam.

Sed instabit aliquis, Accidens posse accipi dupliciter. Primò latè, ut est quod commune completo & incompleto accidenti: secundo stricte, ut dicit solum accidens completum habens essentiam completam. Priori igitur modo, non est univocum, quia prædicatur de differentiis, quæ sunt accidentia incompleta; at posteriori modo non prædicatur de differentiis & ideo potest esse univocum. Sed contra. Accidens completum prædicatur formaliter de differentiis completè & in concreto acceptis. Nam verum est dicere. Tale coloratum quatenus est tale per differentiam specificam est accidens.

Obijciatur secundò. Si accidens non est univocum respectu omnium accidentium, erit analogum; at non est analogum, ergo univocum, Minor probatur. Quia

*Genus substantiæ potest esse univocum non accidentis.*

*Accidens completum est quid analogum.*

in omni analogia debet assignari principale analogatum, per ordinem, ad quod reliqua dicuntur talia: at in genere accidentis nullum assignatur principale accidens per ordinem ad quod dicantur reliqua talia: Ergo. Respondeo. Analogiam esse duplicem. Proportionis & Attributionis: licet igitur accidentia non habent analogiam attributionis in genere accidentis quia non habent principale analogatum per ordinem ad quod dicantur talia, habent tamen analogiam proportionis, quia quodlibet accidens suo modo est accidens, & habet proportionem quandam cum alijs in ratione accidentis.

Ex quibus patet ad fundamentum primæ sententiæ; illa enim convenientia in ratione accidentis, est tanquam proportionalis non essentialis cum in singulis accidentibus sint diversæ rationes accidentis. ut dictum est.

## QVÆSTIO III.

*An genera prædicamentorum debeant  
esse univoca?*

**Q**uidam censent non requiri ad rationem generis prædicamentalis, ut sit univocum, sed satis esse ut sit analogum: tum quia in vltimis sex generibus, hæc univocatio vix ostendi potest & colligi videtur ex Vasquez prima parte disput. 195. c. 5. tam quia de ratione generis univoci est, ut genus sit extra differentias, & non prædicetur de differentijs: atqui plurima genera prædicamentorum prædicantur de suis differentijs: ergo non sunt necessario univoca. Minor patet: nam differentiæ substantiarum sunt substantiæ; differentia quantitatis, quæ est ratio talis partium, est quantitas, quia includit in se rationem partium in communis differentię etiam qualitates sunt qualitates, quia faciunt subiectũ formaliter tale. Similiter relationis differentia est esse ad talem speciem terminum: atqui ad talem esse terminum, includit in se esse ad terminum: ergo includit rationem genericam relationis. Idem ostendi potest in vltimis sex generibus.

Communis tamen sententia est genera prædicamentorum debere esse univoca, quia nisi sunt univoca nec erunt verè genera nec summa, quia supra se habeat alia genera analogia.

Dico primo de ratione veri generis est, ut sit univocum. Est sententia Aristotelis multis in locis in quibus Analoga negat esse genera. Nam 3. Metaph. 10. negat ens esse genus, quia non potest præscindi à suis differentijs. Cum igitur de ratione univoci sit præscindi à differentijs univocatorum, sequitur id quod præscindi non potest à differentijs, non posse esse univocum nec vere genus, tale est omne analogum. Et sanè Aristoteles non negavit ens esse genus analogum, cum id passim agnoscat, & ei species, & specierum species tribuat 4. Metaph. 1. 2. Solùm ergo ex præcisione probat non esse univocum & ex consequenti negat genus analogũ esse verum genus. Idem Aristot. distinguit unitatem generis ab unitate analogi in 5. Metaph. 1. 2. Alia, inquit, numero, alia specie, alia genere, alia analogia, vnum sunt, ubi etiam aliam definitionem dat vnius generis, aliam vnius analogi. Cum ergo alia sit unitas analogi, alia generis, essentia quoque analogi & essen-

*Analogum  
non est verum  
genus.*

tia generica non erit eadem, unitas enim est passio Entis, quare quæ non habent eandem unitatem, non habent eandem essentiam. Et cum unitas generis analogæ analogæ, unitas veri generis non erit analogæ sed univoca.

Idem probatur ratione, quia de ratione veri generis est ut differentia sit extra rationem generis & genus sit extra rationem differentiarum. At hæc præcisio rationum est solum generis univoci. Nam analogum caret hac præcisione: ergo solum genus univocum est vere genus. Deinde de ratione generis est ut sit unum commune multis speciebus, ut patet ex definitione generis. At analogum non est vere unum sed tantum univocum, quia univocum præcendit à differentiis, quæ dividunt genus in multa, & ideo est unum & indivisum, quia non habet in se causam divisionis. Analogum vero includit differentias in confuso; unde non est vere unum: quia per differentias est multiplex, & divisum in multa: & ex consequenti non est verum Genus.

*Genera prædicamentorum esse univoca.*

Dico secundò, genera prædicamentorum debere esse univoca. Primò, quia non essent vere genera; cum de ratione veri generis sit esse univocum. Atqui ab Aristotele & Porphyrio dicuntur absolute genera: analogæ autem negantur esse absolute genera, ut de Ente probat Arist. 3. Metaph. t. 10.

Secundò, nec essent summa genera, quia haberent supra se genus analogum, nempe Ens vel accedens. Dices posse vocari summa non absolute sed in tali modo afficiendi & denominandi primam substantiam nempe per modum qualitates, quantitatis, &c. Contra, hoc non est esse summa absolute & simpliciter. Cum tamen absolute dicantur summa, & inter ea genera quæ rebus conveniunt esse summa genera autem quæ rebus conveniunt, sunt præcipue univoca, quare in ordine generum univocorum sunt summa. Deinde Ens & accedens habent superiores modos afficiendi & denominandi primam substantiam, quam qualitas aut quantitas nempe per modum Entis & accedentis: ergo neque in genere modi afficiendi & denominandi essent summa.

Denique nisi genera prædicamentorum sint univoca, non erunt plura sed unum, quia unum est summum genus analogum omnium rerum, nempe Ens.

Dices secundum intentionem quidem eorum qui prædicamenta invenerunt, genera prædicamentorum debere esse univoca: at spectata rei natura, minime: qui videmus in plenisque generis prædicari de differentiis quod tollit omnem univocitatem.

Respondeo. Secundum omnes prima quatuor summa genera esse vera genera & ex consequenti univoca, neque de ijs rationaliter dubitari potest. Nam quod obijciatur differentiam qualitatis esse qualitatem. Respondendum est, proprie loquendo non esse qualitatem, sed rationem formalem qualitatis & facere tale tale subjectum non quia sit qualitas, sed quia est ratio formalis constitutiva qualitatis, sicut & rationalitas non est proprie homo, sed ratio formalis propria hominis seu id quo homo est homo, quæ distinctio aliis quoque generibus & differentiis prædicamentorum applicari potest. Talitas enim rei formaliter, non est res differentie verò generum prædicamentorum sunt talitates quædam generum, non igitur formaliter sunt ipsa genera.

*Differentia Qualitatis non est Qualitas sed ratio Qualitatis.*

*Alia Responso.*

Alij respondent, qualitatem posse sumi dupliciter. Primò. Universalissime pro eo quod quocumque modo est qualitas, siue ut pars constitutiva qualitatis siue ut qualitas constituta complete in ratione qualitatis; & sic abstrahit à qualitate completa



pleta & incompleta, & prædicatur de utraq; verum hoc modo qualitas non est summum genus prædicamenti quia non dicit vnam rationem qualitatis, nisi analogice. Et in hoc sensu qualitas prædicatur de differentiis. Secundò. Sumitur solum pro qualitate completa, quomodo qualitas non prædicatur de differentiis quæ sunt qualitates incompletæ: dicuntur enim qualitates, quia sunt partes constitutivæ qualitatis. Hoc ergo modo, qualitas est genus univocum, & summum genus prædicamenti & non prædicatur de differentiis.

Quod si dicas etiam Ens completè acceptum non prædicatur de differentiis, similiter & accidens, nequamen inde sequitur esse genus univocum. Respondeo requiri quidem ad genus univocum, ut non prædicatur de differentiis, sed hoc solum non sufficere. Nam præterea necesse est ut secundum vnam & eandem rationem conveniat speciebus, quod non est in Ente & accidente. Dicitur porò qualitas completa, quæ non est pars qualitatis sed per modum totius qualitatis constituitur ex suis partibus concipitur, siue concipitur specificè & actu secundum omnes partes ipsam constituentes, siue genericè per modum tamen totius, ut alibi explicatum est.

Lam verò licet de primis quatuor summis generibus, certum sit esse illa vera & sex ultimæ univoca genera: tamen de ultimis sex multi viri docti dubitant, siue quod non sint summa genera univoca, siue quod non sint in rigore genera vera: quia contrahuntur per differentias accidentales non essentielles. De ratione enim veri generis est ut faciat cum differentiis vnam essentiam simpliciter non vnam accidentaliter, ac proinde ut contrahatur per differentias essentielles aptas ad constituendam vnam essentiam, non verò per accidentales: hæ enim non faciunt vnum per se, sed per accidens. Tales verò differentie videntur esse in ultimis prædicamentis. Nam in Vbi differentia assignatur sursum, deorsum, vel alix quæ sumuntur à differentiis accidentalibus loci, ut esse in foro, in templo, loco enim est accidentale esse forum vel templum. Vbi enim dicit solum locum, vel esse in loco non verò differentias accidentales loci, unde subans talibus differentiis, non aufertur Vbi sed manet idem.

Similiter differentie, Quando, sunt huiusmodi, quæ sunt differentie merè accidentales, desumptæ à prioritate & posterioritate temporis, quæ temporis conveniunt per accidens: quia idem tempus essentialiter, dicitur prius & posterius accidentaliter respectu temporum antecedentium & consequentium. Sicut ergo accidentale est tempus hodiernum, quod illud antecedant & sequantur alia tempora, nam licet nulla antecederent, nulla sequerentur, esset idem tempus: ita per accidens est existens in tempore, existere in priori vel posteriori tempore. Quo argumento Aristoteles in Prædicamentis probavit magnum & parvum non esse differentias essentielles quantitatis: quia eadem quantitas dicitur diverso respectu magna & parva, & sine talibus respectibus est quantitas.

Idem ostenditur de differentiis situs quæ sunt esse antrosum, & retrorsum, jaccere, stare, sedere, quæ sunt diversi respectus partium in loco: respectus autem sunt quid accidentale. Habere etiam est denominatio quædam à rebus habitis, quæ circa corpus sunt, ad circumpositionem autem per accidens est, quod corpus circumpositum sit talis, vel talis naturæ aut proprietatis: nam circumpositio formaliter fit per quantitatem corporis circumpositi ad quantitatem corporis, cui fit circumpositio: Ad quantitatem autem circumpositionem per accidens est quod hæ quantitates sint talis vel talis subiecti. Unde solum accidentaliter fit alia vel alia circumpositio ex diversa qualitate corporum circumpositorum.

Ex.

Ex quibus patere aiunt vltima genera prædicamentorum non esse genera essentialia sed accidentalia; quia cum differentiis non faciunt vnam essentiam per se, sed tantum vnam per accidens. Quod etiam ad actionem & passionem extendi volunt: hæc enim dicunt effectum cum relatione ad agens vel ad passum, quæ relationes sunt differentiæ accidentales effectus. Dicunt tamen hi Authores illi compositionem ex genere & differentia accidentali sufficere ad rationem prædicamentis; vel quia ista à nobis concipiuntur per modum generis & differentiæ essentialis & tanquam vnum quid essentialis: prædicamenta enim sunt instituta pro rebus à nobis communiter concipiuntur: vel quia in ordine ad scientias, sufficit talis species, quæ ita sit vna vt fundet passiones demonstrabiles vt apparet in speciebus numerorum, de quibus Arithmetica; numeri enim vt sunt in re, non sunt vnum essentialiter sed tantum vt à nobis sub vna ratione concipiuntur quæ fundet passiones de numeris demonstrabiles. Verum de hac re quid sit sentiendum, patet ex singulorum prædicamentorum tractatione. Ex quibus patet ad argumenta primæ sententiæ.

### QVÆSTIO IV.

*An necesse sit prædicamenta distingui ad invicem ex natura rei?*

**Q** Vidam affirmant: quia ita distinguuntur, vt vnum non sit aliud dicunt; primò diversa.

Dicendum tamen est cum communioni sententia id minimè esse necessarium, sed satis esse vt distinguantur ratione ratiocinaria, etiam si a parte rei nullo modo differant. Ratio est: Quia ad distinguenda prædicamenta sufficit distinctio rationum formalium: Nam hæc distinctio sufficit, vt vnum dicatur non esse aliud; æqui distinctio rationum formalium potest esse per solum intellectum distinctis conceptibus & rationibus eandem rem concipientem: Ergo non requiritur distinctio ex natura rei; confirmatur. Quia prædicamenta distinguuntur per distinctos modos denominandi & afficiendi primam substantiam: atqui distinctæ rationes formales ferunt secum distinctos modos denominandi & afficiendi primam substantiam: rationes enim formales etiam si ex natura rei non distinguantur, sed tantum per intellectum, habent tamen vim sufficientem ad afficiendam diversis modis & denominandam primam substantiam: non enim propter solam distinctionem, sed propter naturam rationum formalium afficiunt & denominant. Non nego tamen aliqua prædicamenta distingui ex natura rei, sed id provenit non ex ratione communi omnibus prædicamentis, sed ex speciali & propria quorundam. Sic dicimus: Quod unitatem à substantia necessario distingui propter speciem eius rationem, quia nimirum est accidens inhxrens subiecto. Quod enim alicui inhxret, necesse est ab ipso distingui, idè enim, quatenus idem inhxerere sibi non potest, sic ea quæ separari à se possunt, dicimus ex natura rei distingui, propter speciem illorum essendi modos, quos ex separabilitate cognoscimus. Vniuersè autem non affirmamus, ex eo solò quod aliqua in diverso prædicamento ponuntur, esse ex natura rei

rei distincta. Hinc aliqui actionem, & passionem non nisi ratione distinguunt formaliter relationem à fundamento.

Ad fundamentum primæ sententiæ Respondeo. Summa genera in nullo univocè conveniunt & sunt primò diversa, tamen ad hoc non requiritur distinctio eorum realis, sed sufficit distinctio rationum formalium per intellectum: Sic rationale & sensitivum sunt primò diversa, & tamen non nisi ratione distinguuntur.

Dicitur autem primò aliquid differre, vel diversum esse, quando non mediatè ratione alicujus in se contenti differt, sed immediatè ratione sui totius; sic homo non primò differt à bruto: sed ratione rationalis, quod primò differt ab irrationali & illius respectu homo. Quæ igitur primò differunt, non habent ullam convenientiam univocam inter se, sed unum totaliter non est aliud.

## QVÆSTIO V.

*Quanam ponantur in prædicamentis?*

Quædam pertinent ad prædicamenta per se, quædam reductivè, quædam nullo modo. Per se pertinent, quæ sunt in recta linea prædicamentali sub summo genere constituta. Hæc autem sunt species tam subalternæ quam infimæ.

Quod si quæras. An individua per se ponantur in prædicamento, videntur enim & ipsa esse in recta linea prædicamenti, & genus prædicamenti æquè de illis dicitur in Quid, sicut & de speciebus: ergo æquè ac species poni debent per se in prædicamento.

Quidam tamen oppositum tenent Individua non poni per se in prædicamento; *Individua non ponuntur per se in prædicamento* quæ ponuntur per se in prædicamento sunt essentiæ rerum: propter essentialitatem enim rerum distinguendas & ordinandas in linea prædicamentali sunt inventa prædicamenta: atqui individua non dicunt aliam rationem essentiæ à specie distinctam, sed tantum dicunt essentiam hanc & indivisam: ergo non ponuntur per se in Prædicamento. Hinc est quod prædicamentum definitur, esse coordinatio generum & specierum sub aliquo summo genere, Individua igitur solum sunt bases hujus coordinationis, non verò ad ipsam coordinationem formaliter pertinent. Nam quod genus prædicamenti de illis dicatur in quid, id illis convenit non ratione sui, sed ratione speciei, quia habent in se essentiam speciei. Deinde Prædicamentum est coordinatio eorum, quæ prædicantur, Individua autem non prædicantur sed subjiçuntur, non igitur individua pertinent per se ad prædicamentum. Quod si dicat etiam individuum prædicari de uno. Respondeo. Hanc prædicationem non esse prædicamentalem; in prædicamentali enim coordinatione solum spectatur prædicatio superioris de inferiore, non ejusdem de seipso, ut patet ex linea prædicamentali. Rursum si quæras. An individua saltem ut bases prædicamenti pertineant per se ad prædicamenta? Respondent. Non pertinere per se, quia pertinere ut basim aliorum est pertinere propter aliud: non propter se: per se autem pertinere, est pertinere ratione sui non ratione alterius.

Quod si inques. Ergo pertinebunt per accidens. Respondeo. Per accidens dupliciter dicitur. Primò, ut significat esse non ratione sui, sed ratione alterius: secundò

cundo modo ut significat contingenter & non necessario. Priori ergo modo individua sunt per accidens in prædicamento, posteriori verò per se.

*Sententia Aristoteli.*

Nobis magis probatur prior sententia, nempe individua per se poni in prædicamento. Est enim prædicamentum ordo prædicabilem & subijcibilem, individua autem sunt maxime subijcibilia.

*Partes reductivè ponuntur in prædicamento.*

Reductivè verò ponuntur in prædicamento ea, quæ sunt aliquid, eorum, quæ per se ponuntur in prædicamento, ut sunt gradus generum, & specierum, et quæ genera & species constant, similiter partes, modi, & similia.

Primo igitur; partes substantiæ ponuntur reductivè in prædicamento substantiæ sive sint partes Physicæ, ut materia, & forma, sive Metaphysicæ ut gradus genericus, & specificus; sive integrantes, ut caput, pes: quia enim partes non subsistunt nisi in toto, ideo non nisi ut sunt partes totius in prædicamento ponuntur, una cum toto, & ratione totius.

*Genus per se ponitur non differentia.*

Quod si dicas. Genus æquè ac differentiam constituere speciem: ergo æquè utrumque reductivè ponitur in Prædicamento. Respondeo. disparẽ esse rationem generis & differentiæ. Nam differentia non solum est pars essentialis speciei, sed etiam per modum partis significatur. Verbi gratia rationale significat rationabilitatem, ut adjacentiam homini per modum qualitatis essentialis: at genus dicitur quodẽdem illum gradum qui est pars essentialis, tamen significat illum non per modum partis, sed per modum totius potentialis quatenus est id totum potentia quod species est actus: quare genus per se ponitur in prædicamento, non verò differentia; ratione enim huius diversi modi significandi genus subalternum recipit prædicationem in quid summi generis prædicamentalis, differentia verò non recipit.

At inquires. Etiam differentia materialiter significat suum subiectum, hoc est, speciem, sicut & omne accidens in concreto acceptum: ergo etiam differentia totum significat. Respondeo. Tam differentiam, quàm accedens significare formam per modum formæ & solum connotare & consignificare subiectum, quasi extrinsecè, tanquam subiectum sui significati, non tanquam rem significatam.

*Modi ponuntur reductivè.*

Secundo ponuntur reductivè modi illi qui pertinent aliquo modo ad constitutionem illius rei. Duplices enim modi considerari possunt, aliqui constituunt rem in illo eodem genere, aliqui in diverso genere. Verbi gratia modi substantiæ, ut essentia, substantia, constituunt substantiam in esse substantiali, accidentia verò constituunt eam in esse accidentali extra genus substantiæ. Ut igitur modi reductivè ponantur in prædicamento, non satis est, ut quacunque ratione constituant illius prædicamenti, sed requiritur ut constituat rem in illo eodem genere. Quæ soli modi ejusdem generis reductivè ponuntur in eodem prædicamento, quia modi participant aliquo modo genus illius prædicamenti, modi verò diversi generis non ponuntur reductivè, quia non participant genus illius prædicamenti, sed continent per se ad alia prædicamenta, aliqui omnia accidentia, cum sint modi quidam substantiæ ponentur reductivè in genere prædicamenti substantiæ.

*Si fiat etiam æmgenia.*

*Entia rationis ac reductivè quidem ponuntur propriè loquendo.*

Quædam verò sunt, quæ nullo modo ponuntur in prædicamentis, nec per se nec reductivè. Talia sunt imprimis, Entia rationis, & fictitia, quia genera prædicamentorum sunt rerum genera, Entia autem rationis, & fictitia non sunt res, sed finguntur esse res, & idcirco verè non sunt in prædicamento, sed finguntur esse.

Dices poni. Saltem reductivè? Respondeo. Ne reductivè quidem propriè: quia quod propriè reducit ad genus aliquod rerum, debet esse propriè res, si autem est impropriè res, impropriè quoque reduceretur, hoc est, metaphoricè similitudinè. Et hoc sensu supra diximus Entia rationis impropriè reduci posse ad prædicamenta.

At inquit similitudo rei reducit ad rem: hæc autem Entia sunt similia aliquo modo veris & realibus Entibus. ergo. Respondeo. Similitudo rei vera reducit ad rem quia verè participat aliquo modo rationem illius rei; at similitudo ficta & impropriè non est verè participatio, quare nullo modo potest reduci ad prædicamentum rei veræ. Vnde aliqui censent pro Entibus rationis constituenda potius esse novè prædicamenta Entium rationis, & quia Entia rationis in omnibus decem generibus fingi possunt; est enim substantia ficta, & qualitas ficta, quantitas, relatio; ideo decem fingi possunt prædicamenta pro Entibus fictitiis. Verum sicut Entia ista non sunt verè Entia ita & prædicamenta talibus Entibus constituta non essent verè prædicamenta, sed similitudina duntaxat.

Negationes etiam reales; quidam putant poni posse in prædicamento rei, cuius sunt negationes, quia negatio nihil aliud est, quam Ens negatum. Verum dicendum est negationes non reduci per se, sed per accidens: quia sunt aliquid eius quod ponitur per se in prædicamento. Nam illud reducit per se quod aliquo modo participat rationem illius generis, licet imperfectè: at negatio nullo modo participat rationem generis ullius prædicamenti; genera enim prædicamentorum sunt Entium, negatio autem est non ens: de ex consequenti est quod oppositum generi prædicamenti. Nam quod dicitur negationem esse Ens negatum, hoc aliis & magis propriis verbis dicitur, non esse Ens; Ens enim est Ens affirmatum non negatum, & negatum Ens est non Ens. Vnde nova etiam ratio sumi potest. Quod enim opponitur alicui non reducit ad illud: non Ens autem opponitur Enni contradictione: non igitur reducit ad genus Entis; Quod enim opponitur alicui, excludit illud; quod autem reducit debet esse aliquo modo affine & simile illi ad quod reducit; propter affinitatem enim illam & similitudinem reducit. Præterea si negatio reduceretur ad genus prædicamenti, maiore ratione accidentia omnia reducerentur ad substantiam, quia maiorem affinitatem habent accidentia cum substantia, quam non Ens cum Ente. Si igitur accidentia non reducuntur ad genus substantiæ, quia nullo modo participant rationem genericam substantiæ: multo minus reduci poterunt non Entia. Quod si reducuntur, per accidens merè reducuntur, quia sunt quid eorum, quæ pertinent ad prædicamenta: quo etiam modo omnia accidentia possent reduci per accidens ad substantiam, quatenus sunt quid substantiæ, per se autem ad alia prædicamenta spectant. Neque repugnat idem poni per se in uno prædicamento, reductivè in alio, quando illa reductio est merè per accidens.

Dubitarur etiam de Entibus artificiat, an poni possint in prædicamento? Et quidem ratione partium ex quibus componuntur, non est dubium posse in diversis prædicamentis poni; componuntur enim ex rebus diversorum prædicamentorum, ut scamnum ex ligno, & tali figura; ut verò sunt quædam Totæ & artificiatæ compositæ, sic in nullo prædicamento ponuntur. Totum enim artificiatum non est una aliqua essentia, sed plures essentiae, simul conjunctæ, simulque sunt unum per accidens, in prædicamentis autem non reponuntur entia per accidens, quia

*An decem  
prædicamenta  
Entium ratio-  
nis?*

*Negationes  
per accidens  
ponuntur in  
Præd.*

*Negatio Ens  
negatum.*

*Artificiatæ  
non ponuntur  
in præd.*

singula prædicamenta sunt pro singulis essentis, & distincta genere essentia sunt in distinctis generibus prædicamentorum.

*Quid sit unum per se.*

Quod si quæras? quomodo possit cognosci aliquod Ens per se, & distingu ab Ente per accidens? Respondeo. Ut aliqua sint unum Ens per se, duo inter cetera requiruntur. Primum ut ambo sint unius generis: Nam ex rebus diversorum generum, non fit unum per se, sed per accidens, ut ex substantia, & accidente, ex qualitate & quantitate.

Secundò. Ut sint duo Entia incompleta; nam ex duobus completis, tam in diverso, quam in eodem genere, non efficitur unum per se, sed per accidens: quia duo completa perfectè à se distinguuntur essentialiter, & perfectè sunt duo, nec unum; ex duobus autem incompletis & imperfectis potest esse unum perfectum & completum. Sic ex materia & forma, fit una completa substantia: ex ligno autem & lapide, neque ex cumulo lapidum fit una substantia, quia sunt perfectè Entia & perfectè à se distincta. Quare & artificata cum consistant rebus diversorum prædicamentorum perfectis in suo genere, non sunt Entia per se, sed per accidens; & ex consequenti non ponuntur in prædicamento. Differunt autem artificata ab aliis compositis per accidens præsertim à denominativis; denominativa enim formaliter significant formam, materialiter subjectum. Verbi gratia, album formaliter significat albedinem, materialiter subjectum albedinis; at artificata utrumque membrum compositionis formaliter significant ad modum substantiæ compositæ ex materia & forma. Cum enim quis dicit, se emisit vestem, vel hævem, non dicit se emisit formam tantum vestis & navis, sed utrumque & formam & materiam. Vnde & Aristoteles in Primo Physicorum principia compositi substantialis investigat, ex proportionem artificatorum, quia artificata significant materiam & formam per modum substantiarum, & concipiuntur tanquam substantiæ quædam.

*Artificata significant per modum substantiæ.*

At obijcies si fiat verum aurum arte Chimica, erit illud aurum artificiale; quia arte factum; & tamen erit una essentia, quia ejusdem speciei cum auro naturali, & in eodem prædicamento reponetur in quo aurum naturale; ergo aliqua saltem artificata sunt unum per se, & reponuntur in prædicamento. Respondeo. Aurum Chemicum tam quoad substantiam, quam quoad compositionem omnem substantialem esse naturale, non artificiale. Nam & substantia est ejusdem rationis cum substantia auri naturalis, & principia componentia substantiam sunt naturalia, & compositio ipsa substantialis est naturalis, quia est unio actus & potentia naturalis, solam igitur dicitur aurum artificiale ratione præparationum, & dispositionum antecedentium; modi enim illi præparandi materiam, & inducendi dispositiones ad aurum producendum, sunt ab arte excogitati & distincti à modis naturalibus, quibus aurum produci solet à natura. Quocirca aurum Chemicum quia naturale, non quia artificiale ponitur in prædicamento.

Dices. Etiam in scamno forma illa scamni est accidens naturale & Physicum & Physicè conjungitur ligno; & tamen illa conjunctio dicitur artificialis. Respondeo. Formam scamni naturalem esse quoad Entitatem, quoad conjunctionem verò partim esse naturalem, partim artificiatam, conjunctio enim illa est naturalis, tum quoad res conjunctas, tum quoad essentiam ipsam conjunctionis, quæ est quid Physicum & naturale: est verò artificata, quoad principium directivum; ars enim adinvenit talem conjunctionem ligni cum tali forma, & talem formam

imposita

impoluit ligno. Circa formam verò auri nihil simile facit ars, sed solum circa dispositiones accidentales, quibus positus naturaliter absque alia arte consequitur forma auri.

Ex dictis etiam patet Entia per accidens non poni in prædicamento quia non habent unam essentiam. Componuntur enim vel ex rebus distinctorum prædicamentorum, ut homo albus, vel ex rebus ejusdem prædicamenti, sed completis & perfectis & ex consequenti perfectè à se distinctis, ut cumulus lapidum. Sola igitur Entia per se quæ dicunt unam essentiam sive simplicem sive compositam ex duobus incompletis ejusdem generis (ut ex materia & forma sit una substantia) ponuntur in prædicamentis.

## QVÆSTIO VI.

*Res debeant poni in prædicamentis in concreto vel abstracto?*

**S**upponendum est abstractum & concretum eandem essentiam significare, sed diverso modo. Nam abstractum significat essentiam per modum formæ ut humanitas; concretum verò per modum habentis formam, ut homo, Homo enim est id quod habet humanitatem.

Sunt autem concreta duplicia: alia substantiæ, ut homo, alia accidentis, ut album. Concreta etiam accidentis sunt duplicia: alia quæ significant accidentis existens in subiecto ut album; alia quæ significant accidentis existens in se per modum substantiæ, ut albedo; quibus duobus generibus concretorum respondent duplicia abstracta. Nam abstractum albi, verbi gratia, est albedo: abstractum albedinis, est albedinitas seu ratio albedinis. Queritur ergo an modo abstracto vel concreto res ponantur in prædicamentis?

Dico primo. Substantiæ debent poni in prædicamento in concreto. Primo. *Substantia ponuntur in concreto non in abstracto.* Quia in prædicamentis res ponuntur per modum generum & specierum: at genera & species sunt concreta habentque sua abstracta; abstractum enim hominis est humanitas, animalis, animalitas: ergo in substantia res debent poni in concreto significatæ.

Secundò probatur. Quia res debent poni in prædicamentis perfectò modo sibi convenienti: at essentia in concreto habet perfectum modum ellendi; significatur enim ut Quod: in abstracto verò incompletum quia significatur ut Quo: Ergo debent poni in concreto non in abstracto.

Tertio. Pars non ponitur per se in prædicamento, sed totum, & ratione totius, pars: at abstractum est pars quædam concreti: ergo non abstracta, sed concreta per se ponuntur in prædicamentis. Minor patet. Quia concretum est habens essentiam, abstractum autem dicit solam essentiam, unde est quasi pars quædam, & veluti forma concreti, humanitas, hominis, concretum verò est quasi quoddam totum, consistens essentia & subsistentia.

Dico secundò. Accidentia ponuntur per se in prædicamento in abstracto non in concreto. Ratio est. Quia res ponuntur in prædicamentis per modum generum,



vel specierum : at abstracta accidentium sunt genera & species, non autem concreta : ergo abstracta accidentium non concreta ponuntur per se in prædicamentis. Major patet. Quia prædicamenta sunt coordinationes generum & specierum sub uno summo genere, ergo sola genera & species ponuntur in prædicamentis. Minor probatur. Quia abstracta accidentium significant quidem formam, sed per modum substantiæ, seu ut in se existentem, ut color, albedo, unde quamvis non sint concreta ratione subjecti, quia non significant formam cum subjecto, ut album; sunt tamen concreta ratione formæ, quia significant formam existentem in se, & habent suum abstractum sicut genera & species substantiarum, abstractum enim albedinis est ratio albedinis seu albedinitas. Ex quo sequitur concreta accidentium seu accidentia denominativè accepta ut album, coloratum, non esse per se in prædicamento. Primo: Quia non significantur per modum generum & specierum in se subsistentium, sed per modum adiacentium subjectis: modus enim generis & speciei est modus rei in se existentis, & ratione cuius prædicatur in Quid; non prædicaretur enim in quid nisi significaretur ut quid in se existens. Concretum autem accidentis non significat quid in se existens sed quid adiacens alteri, Vnde principaliter & ut Quod, significat subjectum: accidens autem formaliter & ut Quo. Secundo. Quia concreta accidentis sunt Entia per accidens composita ex subjecto & accidente, album, verbi gratia, est res affecta albedine: at entia per accidens non ponuntur in prædicamentis: ergo nec concreta accidentium. Quamquam si concreta accidentium sumantur formaliter cum reduplicatione, ut si dicamus album, quatenus album, tunc ratione hujus reduplicationis idem significat, quod abstracta, & pro abstractis sumuntur, & sic possunt poni per se in prædicamentis. Cum enim dicimus album, quatenus album, accipimus album prædicandum albedinem. Et in hoc sensu dicimus coloratum esse genus respectu albi nigri, & album & nigrum esse species colorati; sumuntur enim concreta formaliter ut supponunt abstractis.

*Concreta accidentium sumuntur pro abstractis.*



## DISPUTATIO VIII.

## De Substantia

## QVÆSTIO PRIMA.

*Quid sit Substantia in communi ?*

Substantia, quæ ab Aristotele *ὀν*, id est, essentia, simpliciter dicitur, definiri potest dupliciter: negativè & positivè. Negativè quidem, per negationem accidentis, seu modi existendi accidentalis. Id enim quod est, & non est accidens, necesse est, *Definitur* ut sit substantia, & quod non existit modo accidentis, necesse *substantia negativè.* est ut existat modo substantiæ; intersubstantiam enim & accidens in re non datur medium; non potest enim res aliqua esse in mundo, quæ non sit vel substantia vel accidens. Quod si *Inter substantiam & Acci-*

*dicat: Ens, Unum, Verum, Bonum, non dicere determinatè substantiam, aut acci-*  
*dens, cum de utroque indifferenter dicantur. Respondeo, ista abstrahere ab utro-*  
*que, sed in mente non in re. Deinde cum sint Analoga, & multiplicem significa-*  
*tionem habentia, secundum diversas significationes dicunt nunc substantiam, nunc*  
*accidens, in confuso tamen & inexpressè, ita ut propter hunc imperfectum & con-*  
*fusum modum concipiendi, non concipiantur sub determinata ratione substantiæ*  
*vel accidentis, licet revera si distinctè conciperentur, necessariò conciperentur sub*  
*ratione substantiæ aut accidentis, ut disp. 6. docuimus. Quare ista abstrahunt solum*  
*secundum quid, à ratione substantiæ & accidentis, hoc est ab expressâ ratione sub-*  
*stantiæ & accidentis, non abstrahunt autem à confuso.*  
*medium.*

Neque etiam refert quòd substantia non sit quid negativum, & idcirco non debeat per negationem definiri. Non enim definitur per negationem, tanquam per aliquod essentiale, sed tanquam per id quod indicat ejus essentiam; Omnis enim negatio sequitur ex aliqua affirmatione. Quare & negatio accidentis, aut modi accidentalis, sequitur ex essentia substantiæ; id enim quod habet talem essentiam, ratione cujus non est accidens, nec modo accidentali existit, est verè & essentialiter substantia.

Definitur ergo substantia negativè, esse Ens non existens in alio tanquam in subiecto: Non satis enim est, ad rationem substantiæ, non esse in alio, sed requiritur ut non sit in alio tanquam in subiecto. Nam etiam partes substantiæ, & modi substantiales, sunt in substantia; quia tamen non sunt in substantia tanquam in subiecto, idcirco propter hoc non amittunt rationem substantiæ: Sic etiam humana Christi natura existit in Verbo, non tamen ut in subiecto, ita ut non reputetur substantiæ esse in alio, sed solum repugnet esse in alio, tanquam in subiecto.

*Quid sit esse  
in subiecto.*

Quid sit autem esse in subiecto, definit Aristoteles in Antepredicamentis cap. 2. In subiecto esse dico, quod cum in aliquo sit, non sicut quædam pars, impossibile est esse sine eo in quo est. Tria igitur requiruntur ad hoc, ut aliquid dicatur esse in subiecto. Primum ut sit in alio. Deinde ut non sit pars; id enim quod est in subiecto, est extra substantiam subiecti, & quid extrinsecum illi; si verò sit pars, non erit quid extrinsecum subiecto, neque extra substantiam subiecti, sed potius erit ipsum subiectum; constituet enim subiectum in suo esse substantiali, vel absolute, vel quoad esse completum: pars enim est substantia sui tonus. Ex quo patet formam substantialem, partes integrantes, & modos substantiales, in existentiam & subsistentiam non esse in subiecto: quia constituunt substantiam in esse completo, & sunt partes substantiæ quam constituunt; de ratione autem eius, quod est in subiecto, est, ut non constituat subiectum, per modum partis, sed ut penitus sit extra substantiam subiecti. Quod si dicas, Forma non constituit materiam in esse materiæ, cum sit extra essentiam materiæ: Ergo potest dici esse materia, ut in subiecto. Respondeo: esse materiæ substantiale est duplex, incompletum, & completum: Forma igitur licet non constituat materiam in esse materiæ incompleto; constituit tamen in esse completo; perficit enim essentiam materiæ imperfectam, & perducit eam ad suum esse substantiale perfectum. Tertio requiritur, ut impossibile sit esse sine eo in quo est; nam potest esse aliquid in alio, & non ut pars illius, quia tamen potest esse sine illo in quo est, non erit in illo ut in subiecto. Sic corpus est in loco non ut pars, quia tamen potest esse sine loco, alioquin non est in illo tanquam in subiecto: Capilli etiam sunt in homine, non ut pars, quia tamen possibile est esse illos sine homine, idcirco non sunt in homine, tanquam in subiecto.

*sola accidentia sunt in  
subiecto.*

Ex quo patet sola accidentia propriè dicta esse in subiecto. Dico propriè dicta, quæ sunt ex natura rei distincta à subiecto, & illi inhærent: sola igitur talia accidentia sunt in subiecto; quia sola sunt in substantia, non per modum partis; non constituunt enim substantiam in ratione substantiæ ullo modo, cum sit extrinsecus substantiæ, neque substantia est formaliter substantia propter accidentia: denique ita insunt substantiæ, ut sine substantia esse non possint. Quædam verò sunt accidentia impropriè dicta, quæ ex natura rei non distinguuntur à subiecto, sed sola ratione concipiuntur distincta per modum accidentium, quatenus accidentia dicuntur esse id quod est extra essentiam. Tales sunt proprietates substantiales intrinsecæ substantiis. Hæc igitur sicut non sunt propria accidentia, ita non propriè insunt subiecto, sed concipiuntur inesse per actionem intellectus distinguens unum ab altero.

*Substantia definitur  
per  
proprietates.*

Secundò definitur substantia positivè, per proprietates subsistendi per se, & subsistendi alius: per has enim proprietates indicatur essentia substantiæ, quæ est fundamentum, & ratio talium proprietatum. Primò ergo definitur substantia

per proprietatem per se existendi : est Ens per se existens. Dupliciter autem dicitur aliquid per se existere : vel quia in se non in alio existit, ut in subiecto, hoc est, nulli subiecto nititur : vel quia independentem ab alio existit ; dependere enim ab alio, est per aliud non per se existere. Primò modo omnis substantia, tam creata, quam increata per se existit : quia ita in seipso existit, ut nulli subiecto nitatur ; quò etiam sensu partes substantiales, & modi per se existunt. Nam etsi possit substantia existere in alio, tamen non potest esse in alio, ut in subiecto. Nam hic modus essendi tollit penitus rationem substantialem, quia proprie convenit ei rei, quæ est extra genus substantiæ, & nullo modo constitutionem substantiæ specialio. At verò alii modi essendi in alio non tollunt rationem essendi substantialem, cum sint modi essendi earum rerum quæ constituunt essentiam per modum partium.

Secundo verò modo. Sola substantia Divina per se existit ; quia non solum non dependet ab aliquo subiecto, sed etiam ab omni alio principio ; qui est perfectissimus modus substantialem, id est, per se existendi, absque omni dependentia in esse substantiali.

Omnes verò substantiæ creatæ in hoc deficiunt à ratione substantiæ, quòd licet non dependant ab ullo subiecto (in quo distinguuntur ab accidentibus) dependent tamen in existendo à Deo tanquam à prima causa effectiva : dependet etiam in complemento substantiali, ab aliis partibus essentialibus complementibus, quomodo forma à materia & materia à forma in esse substantiali Completo, à se dependent, ita ut una non sit essentialiter Completa sine alia.

Potest ad rationem substantiæ in communi non requiritur uterque modus per se existendi : nam substantiæ creatæ sunt essentialiter substantiæ, propter primum, solum modum per se existendi ; hic enim modus sicut distinguit illas sufficienter ab accidente, ita sufficienter illas constituit in esse substantiæ : quod enim non est accidens, necesse est ut sit substantia.

Secundus verò modus, per se subsistendi, dicit quidem essentialem rationem substantiæ, ea tamen ratio substantiæ non est communis omnibus substantiis, sed peculiaris, & propria substantiæ divinæ. Et verò si independentia à subiecto pertinet ad rationem substantiæ, multo magis independentia ab efficiente, qualis est in Deo. Hæc enim independentia, est multò major & nobilior quàm illa : cuniquè hæc duæ rationes substantiæ sint essentialiter distinctæ, quia distinctas independentias substantiales dicunt, sequitur substantiam creatam & substantiam incretam non convenire Viuvocè in ratione substantiæ, ut infra dicemus, sed diversas essentialiter rationes substantiæ habere.

Altero vero modo, definitur substantia, per alteram proprietatem, nempe substantiæ esse id quod omnibus substat : quomodo primam substantiam Aristoteles dicit esse maximè substantiam quia omnibus substat, omnibus inquam, tam secundis substantiis, quàm accidentibus : nam in prima substantia, tanquam in fundamento subsistunt, & secundæ substantiæ, & accidentia omnia ; quia ut ait idem Aristoteles substantis primis substantiis impossibile est aliorum aliquid esse ; si enim individua substantiæ tollantur, neque genera substantiarum erunt, neque species, neque accidentia ulla in rerum natura.

Potest necesse esse dari talem substantiam, quæ omnibus substat, hac ratione convinci potest. Ea enim quæ in alio existunt, necesse est, ut innantur alicui, quod

*Substantia est  
Ens per se ex-  
istens.*

*Dupliciter  
per se existit.  
Substantiæ  
non repugnat  
existere in  
alio.*

*Divina sub-  
stantia per-  
fectissime per  
se existit.*

*Substantia est  
quæ omnibus  
substat.*

*Dari aliquam  
substantiam  
demonstratur,  
quod*

quod per se & non in alio existat. Nam si illud etiam in alio existit, & illud aliud in alio, dabitur processus in infinitum. Cum verò id quod in alio existit, non possit existere, nisi existat id, in quo ipsum existere debet, si illud etiam in alio existit, in infinitum, nunquam pervenietur ad aliquod primum, ratione cuius omnia in alio existentia existant, ac ex consequenti nihil in alio existere poterit; rota enim universitas existentium in alio per se existere non potest, sed ratione ejus in quo existit; ergo si non detur aliquod per se non in alio existens, nihil esse poterit existens in alio. Quocirca necesse est dari aliquid existens per se, quod sit substratum istar fundamenti omnibus ijs quæ existunt in alio. Cum verò accidentia sint illa, quæ existunt in alio, necesse est præter accidentia dari substantiam cui tanquam subjecto & fundamento innitantur omnia accidentia, Porro hæc definitio substantiæ per proprietatem substandi, non est definitio omnis substantiæ, sed solum substantiæ creatæ, quæ sola accidentibus subjicitur: nam divina substantia nullis subiacet accidentibus.

## QVÆSTIO II.

*An ratio substantiæ Deo & creaturis conveniat univocè?*

**A**ffirmant Nominales. Quia ratio subsistendi per se, æquæ Deo & creaturis competit, eundem enim conceptum formamus in mente de subsistentiis Deo & creaturarum, qui conceptus non magis Deo, quàm creaturis competit. Neque verò refert quòd ratio substantiæ in Deo sit omnino independens, in creaturis dependens. Nam in utrisque est independens à subjecto, quod sufficit ad rationem substantiæ in communi. Quòd verò Deus habeat aliam majorem independenciam, id non facit, quo minus in priori independenciam conveniat univocè cum creaturis. Neque enim obstat, quod Divina substantia, hac ratione æquaretur creaturis. Nam hoc est solum æquari in ratione communi generica, cum alioqui speciem suam rationem diversissimam habeat, absurdumquè est creaturas convenire cum Deo in aliqua ratione specifica, non est autem absurdum convenire in generica.

Communis tamen sententia negat aliquid posse esse commune univocum Deo & creaturis. Probatur primò. Quia alia est ratio substantiæ in Deo, alia in creaturis. Nam in Deo omnis gradus substantiæ, qui fingi potest, est ex se independens, cum sit Ens per essentiam: in creaturis verò omnis gradus substantiæ est dependens essentialiter à Deo: gradus autem dependens, & independens non sunt unius essentia & rationis. Nam quòd dicitur utramque substantiam esse independentem à subjecto, id verum quidem est, sed neque in Deo gradus substantiæ independentis ab efficiente, est distinctus à gradu substantiæ independentis ab efficiente, sed est unus & idem gradus substantiæ, duplicem illam rationem independentiæ fundans, solumque distinguitur secundum quid respectu terminorum, cum tamen utrobique idem gradus substantiæ includatur. Similiter non est cogitandum esse duos quasi substantiæ gradus in substantia creata, alterum qui fun-

der independentiam à subjecto, alterum qui fundet dependentiam substantiæ creatæ à Deo, sed eundem esse naturæ gradum qui utramque rationem fundat, & sub utraque ratione concipitur. Nam substantia creata per illum naturæ gradum, per quem est independents à subjecto, est dependens à Deo effectivè. Cum igitur substantiæ gradus in creaturis sit essentialiter dependens, in Deo verò sit essentialiter independents, non erunt isti gradus ejusdem rationis univocè.

Neque dici potest dependentiam & independentiam, esse quid superadditum substantiæ; sane enim ipsa essentia substantiæ, fundans relationem dependentiæ, & negationem dependentiæ; si enim dicas esse accidens, cum omne accidens possit Deus separare à subjecto, posset quoque separare dependentiam, seu rationem dependendi à substantia creata, & sic substantia creata esset independents à Deo, quia non haberet dependentiam, quam supponimus separatam ab illa. Necessè est igitur dicere, quamlibet rem sua essentia esse dependentem vel independentem: neque dependentiam aut independentiam esse accidentia, quia non fundantur in aliquo accidente separabili à re, sed in ipsa essentia immediatè. Licet si dependentia sumatur pro relatione, sit accidens essentiæ. Vti docet Ferrar. 2. Con. Gent. cap. 18.

Potest idem argumentum alio quoque modo formari. Nam cum gradus substantiæ sit ille, qui fundat per se existentiam, in Deo verò gradus substantiæ fundat duplicem per se existentiam (Deus enim ideo per se existit, quia nec in alio, nec ab alio) in creaturis autem solum fundat unam per se existentiam; Creaturæ enim ideo solum per se existunt, quia non in alio, non verò quia non ab alio; hinc fit, ut gradus substantiæ diversæ rationis sit in Deo & in creaturis, cum diversam per se existentiam fundet.

Secundo probatur. Quia ubi est analogia, ibi non est univocatio: at in ratione substantiæ est analogia inter Deum & creaturam: Ergo in ratione substantiæ non est univocatio. Minor probatur. Quia creaturæ, in ratione substantiæ essentialiter dependent à Deo, & dicuntur substantiæ per participationem divinæ substantiæ, quæ est analogia attributionis.

Dices. Omnis effectus dependet à sua causa, ut ignis ab igne, calor à calore, & tamen nulla est analogia inter causam & effectum univocum, imò est perfecta univocatio: ignis enim produciens, est ejusdem rationis cum igne producto. Ergo ex dependentia creaturarum à Deo non potest inferri analogia.

Respondeo. Ignis dependentiam ab igne producente, non esse essentialem seu fundatam in essentia, sed accidentalem: accidit enim igni produci ab igne, potuit enim produci non ab igne, sed ab alia causa: at dependentia rei creatæ à Deo, non est accidentalis, sed essentialis. Non enim contingens est creaturæ fieri à Deo, sed essentialiter postulat à Deo fieri: quia Divinæ substantiæ participatione existit. Est sicut non est possibile, ut aliqua res creata non sit dependens à Deo, ita non est possibile, ut non fiat à Deo. Neque Deus potest conficere ulli causæ secundæ potestatem talem causandi, ut possit producere effectum independentem à Deo, & talem ad quem Deus non debeat concurrere; hoc enim esset Deum privari potestate in rem creatam. Nam si res creata non dependeret nec produceretur à Deo, Deus in illam non haberet potestatem; Dei enim potestas consistit in dependentia effectiva rerum ab eo; subtrahendo enim, vel ponendo suum influxum effectivum, Deus facit de rebus quod vult, producendo illas, vel destruendo. Vnde etiam

*Dependentia  
& independen-  
tia sunt  
quod essen-  
tiale.*

*Analogia inter  
Deum &  
creaturas in  
ratione sub-  
stantiæ.*

*Dependentia  
rerum creatu-  
rum à Deo  
quomodo es-  
sentialis?*

*Non potest  
creatura esse  
independens  
à Deo.*

sequeretur, Deum non esse omnipotentem, nec posse rem illam creatam, utpote à se independentem destruere; non enim Deus habet alium modum destruendi res creatas nisi subtrahendo suum influxum effectivum; hunc autem modum non haberet, si res creata esset effectivè independens à Deo.

*Effectus à  
causis secundis  
non dependent  
essentialiter.*

Porrò cum dico effectus à causis secundis non dependere essentialiter, non nego dependere in essentia, sed solum nego dependere essentialiter, hoc est, ex vi essentiae & necessitudo. Nam dependentia effectus à causis secundis ut terminantur ad causas secundas, potest suppleri à Deo, dependentia vero à Deo, non potest suppleri ab ulla causa. Ex quo patet ex dependentia substantiarum creaturarum à Deo, in ratione substantiarum, rectè inferri analogiam in ratione substantiarum, non videtur dependentia ipsarum à causis secundis.

Ad fundamentum primæ sententiæ patet ex dictis. Nullus enim gradus substantiarum, qui est in creaturis, est ejusdem rationis in Deo, quia in creaturis est essentialiter dependens, in Deo independens. Nam ille gradus in creaturis dependens in Deo independens, est formaliter gradus substantiarum. Vnde conceptus ille communis de substantia Dei & creaturarum, est solum communis analogicè & inconfuso: si tamen distinctè, & expressè explicetur, non respondebit illi quid commune, sed duo diversi gradus substantiales cum diversa ratione substantiarum.

Quòd verò dicitur de communi gradu substantiarum independentis à subiecto, dicimus hunc gradum in creaturis esse formaliter illum gradum substantiarum dependentis essentialiter à Deo; substantia enim secundum illum gradum & à subiecto non dependet, & à Deo dependet, talis autem gradus substantiarum qui sit essentialiter dependens non invenitur in Deo. Quare necesse est dicere illum gradum substantiarum, non esse communem univocè creaturis & Deo. Similiter gradus substantiarum independentis à subiecto, & gradus substantiarum independentis ab efficiente non sunt in Deo distincti gradus simpliciter, sed unus & idem gradus utramque rationem fundans, ita, ut non in essentia, sed solum in diversis respectibus, quos fundat distinguatur. Sicut idem in ordine ad diversa conceptum: Ad univocationem item requiritur præcisio graduum simpliciter, non tantum secundum quid, ut supra disp. 6. docuimus.

### QVÆSTIO III.

*An ratio substantia sit communis Univocè omnibus  
substantiis creatis?*

**R**atio dubitandi est; Quia ex una parte, videntur omnes substantiarum creatarum convenire inter se univocè in modo per se existendi, seu in modo existendi independenti à subiecto, cum id non magis uni quàm alteri competat. Ex altera verò parte, videtur ratio substantiarum, in rebus creatis esse fusa per omnes gradus genericos & específicos substantiales; omnes enim dicti gradus sunt essentialiter substantiantia. Vnde duplici ratione sequitur, rationem substantiarum non esse his gradibus univocam. Primò. Quia genus univocum non prædicatur de differentiis: at substantia prædicatur de omnibus gradibus substantialibus, & de omnibus differentiis  
allorum:



illarum : Ergo. Secundò. Quia rebus diversis quà diversæ sunt, nihil potest esse commune univocum : ar gradus substantiæ sunt inter se diversi : Ergo nihil est commune univocum. Dices. Esse diversos in uno, convenientes in alio. Contra. Quia isti gradus quà diversi sunt, sunt substantiales : Ergo illis quà diversi sunt, ratio substantiæ competit : ergo non univocè ; quia diversis quà diversa sunt, nihil est commune univocum.

Pro solutione notandum substantiam posse accipi dupliciter. Primò. Latè, pro omni eo, quod substantialiter existit quocunque modo existat ; substantialem autem existere est independentem à subjecto existere, seu non dependere in existentia ab ullo subjecto ; quomodo tam partès substantiales, quam etiam modi dicuntur substantiæ. Secundò. Strictè, pro eo quod perfectè per se existit, non solum independentem à subjecto, sed etiam independentem ab omni alio complemente rationem subsistendi, quomodo formæ, & modi substantiales, non sunt substantiæ ; quia per se non perfectè existunt, nisi conjungantur cum materia ; forma enim substantialis sine materia non potest per se existere, materia verò quia in ratione subsistendi est independens à forma, habet illam perfectam rationem subsistendi, ratione cujus dicitur substantia strictè ; potest enim etiam si non compleatur per formam, per se sufficienter existere, ut docetur Primo Physicorum.

*Substantia sumitur latè & strictè.*

Dicoigitur Primò : Substantia latè sumpta non est communis univocè rebus creatis. Probatur primò rationibus allatis in ratione dubitandi. Secundò. Quia univocum dicitur unum & eandem rationem in multis : ar substantia dicitur diversas rationes substantiæ in diversis : diversæ enim substantiæ, quà diversæ, sunt substantiæ : Ergo substantia non est quid univocum respectu illarum. Tertiò. Alioqui sequeretur omnes substantias esse ejusdem essentiae. Nam univoca, quà univoca, sunt ejusdem essentiae : ar substantiæ secundum omnes suos gradus genericos & específicos sunt substantiæ : ergo si ratio substantiæ sit univoca, essent secundum suos gradus genericos & específicos ejusdem essentiae.

Dico Secundò. Probabile est, substantiam strictè acceptam convenire univocè omnibus substantiis creatis, tam spiritualibus, quam corporeis : Quia omnes substantiæ creantur in hac perfectione substantiali conveniunt, quod per se perfectè existant, sine dependentia tam ab omni subjecto, quàm ab omni alio complemente rationem substantiæ : estquè hæc perfectio substantiæ, specialis quidam gradus in substantia, qui non convenit omnibus gradibus & partibus. Nam non omnes gradus & partes habent hanc perfectionem substantiæ, ut possint sine alio per se existere ; forma enim, Verbigratià, non potest existere sine materia. Porro hic gradus perfectè subsistendi in corporeis, sumitur præcipuè à materia, in spiritualibus à gradu intellectivo ; gradus enim intellectivus est ex se sufficiens ad subsistendum sine omni subjecto ; & omni alio complemente, ut patet in anima rationali, quæ ratione gradus intellectivi per se sufficienter existit, sine omni dependentia tam à subjecto, quàm ab omni alio complemente & requisito ad subsistendum.

*Ratio substantiæ univoca omnibus creatis.*

Quod si objicias. Iste gradus substantiæ Univocus, non esset spiritualis nec corporeus, sed abstrahens ab utroque : hoc autem est absurdum, Cum non possit dari aliquid, quæ non sit essentialiter spiritualis vel corporea. Respondetur, hunc gradum ex sua ratione formali, nec esse spirituales, nec corporeum ; tamen in spiritualibus & corporeis.

*Ratio substantiæ abstrahit à spirituali & corporeo.*

tualibus esse spirituales, in corporeis corporeum, non formaliter, sed identice, quia identificatur Entitati spirituali, vel corporeæ; sicut animal in homine est rationale identice non formaliter, in bruto, irrationale, ratione differentiarum contrahentium cum quibus identificatur.

*Item à simpliciter & composito.*

Obijcies secundò. Gradus iste substantiæ, vel est simplex, vel compositus; si simplex, non convenit rebus materialibus, quæ sunt compositæ; si compositus, non convenit rebus spiritualibus, quæ sunt simplices. Respondet Fonseca: ex se nec esse simplicem nec compositum, sed indifferentem ad utrumque; sicut quilibet ex se nec est divisibilis, nec indivisibilis, sed indifferentes ad utrumque: nam in divisibilibus est divisibilis, in indivisibilibus indivisibilis.

*Inter simplex & compositum non datur medium in re non in mente.*

Quod si inites, inter compositum & simplex non datur medium: nam eo ipso quod aliquid non est compositum, est simplex: quia non est Contrarium ex multis. Similiter eo ipso quod aliquid non est simplex, necessàriò est compositum. Et sic inter unum & multa non datur medium, ita nec inter simplex & compositum, quia simplex est unum, compositum verò multa. Respondet, inter ista in re non datur medium: quia à parte rei necesse est rem aut esse simplicem aut compositam: in intellectu tamen datur medium, quia intellectus potest abstrahere ab utroque: datur enim talis ratio quæ æquè salvatur cum simplicitate, sicut cum compositione. Deinde etiam inter contradictoria non datur medium in re, & tamen intellectus potest abstrahere ab utroque contradictoriorum, ut in Disputat. 3. dictum est. Ad hæc natura in Petro & Paulo est divisa, & multiplex, & tamen per intellectum abstrahentem fit indivisa & una: pari ergo ratione non repugnabit eidem naturæ esse simplicem & compositam.

Oppositam tamen aliqui sentiunt, nempe gradum substantiæ, non convenire univocè spiritualibus & corporeis: nam in corporeis inquirunt, sumitur ratio substantiæ à materia, in spiritualibus à gradu intellectivo: substantiæ enim spirituales, quia intellectuales sunt, per se subsistunt, & independentes à subiecto: Corporeæ vero à materia & forma, suam subsistentiam accipiunt. Cum igitur mater, nihil sit commune univocum cum esse intellectivo; consequens est, neque rationem substantiæ esse communem univocè: omnes enim gradus in materia, sunt materiales, in rebus spiritualibus, spirituales. Dicunt igitur omnes quidem substantias materiales convenire inter se univocè in ratione substantiæ, quia conveniunt in materia, à qua præcipue sumitur ratio per se subsistendi. Substantias etiam spirituales convenire inter se univocè, in ratione substantiæ, quia conveniunt univocè in gradu intellectivo, à quo sumitur ratio per se subsistendi: tamen substantias materiales cum spiritualibus negant convenire univocè, eo quod non sit possibile dari aliquam naturam ex se, nec materiale nec immateriale, nec spirituale nec corpoream, cum hæc resolvantur in contradictoria. Nam quod dicitur, naturam illam esse materiale idemquæ non formaliter, id ajunt non sufficere; nam in re ponitur gradus formaliter: ergo ejus ratio formalis debet esse intrinsecæ, & ex seipsa, vel materialis vel immaterialis, non solum ex identitate cum altero.

*Rejicitur oppositè sententia.*

Verum ista non convincunt: nam non repugnat Ens materiale & spirituale habere aliquid commune; conveniunt enim in ratione per se subsistendi: Neque repugnat dari rationem aliquam, quæ ex sua formali ratione nec sit materialis nec immaterialis, sed æquè in utroque salvetur; licet repugnet à parte rei dari, quod sit vel materialis identice vel spiritualis: Nam simili ratione repugnat dari animali à parte

parte rei, quod nec sit rationale, nec irrationale: & tamen animal ut animal ex sua ratione formali nec est rationale nec irrationale; sed indifferens ad utrumque. Neque necesse est omnes gradus in materia esse materiales formaliter, hoc est, ex ratione sua formali: sed satis est, quod sint materiales identice, hoc est, per identitatem cum differentia propria materie.

## QVÆSTIO IV.

*An Deus sit in predicamento?*

Dupliciter possumus de Prædicamentis loqui, vel ut sunt à primis Inventoribus constituta, vel absolute spectatâ naturâ rerum. Item dupliciter potest poni aliquid in predicamento, vel directe, & per se, tanquam species vel individuum illius generis; vel reductivè & per accidens, sicut punctum ponitur in quantitate, tanquam principium quantitatis, non tanquam quantitas. His ergo suppositis,

Dico primo, si loquamur de prædicamentis secundum eam rationem, qua nobis descripta sunt & tradita à primis inventoribus Deus non ponitur in prædicamento. Nam si poneretur, in substantia poneretur. At substantiam definit Aristot. à substantiando, præcipueque ejus proprietatem assignat, ut eadem numero manens sit contrariorum susceptiva. Deus autem non est talis substantia, quæ substat accidentibus, & contraria recipiat: Deus igitur non est in Prædicamento substantiæ descriptæ ab Arist. Nec mirum: nam primi illi Philosophi solum vel præcipue rerum sensibilibus scientiam quæsierunt, & ad res sensibiles cognoscendas & inter se distinguendas summa decem genera adinvenerunt: rerum verò spiritualium vix ullam, vel saltem exiguam notitiam habuerunt. Unde Prædicamenta secundum eam rationem, quam habent in rebus sensibilibus, descripserunt.

Dico secundò. Ex natura rei loquendo de Prædicamentis, Deum nullo modo esse in Prædicamento substantiæ. Ita communiter Theologi cum S. Thomâ in prima parte quæst. 3. art. 5. Ratio à priori sumitur ex natura generis: Ratio enim generica, est ex se indifferens & indeterminata ad rationes specificas, alioqui si esset ex se determinata ad unam, non posset contrahi per alteram. At talis indeterminatio & indifferentiâ repugnat Deo: ergo ratio generis repugnat Deo, & ex consequenti Deus non potest esse sub genere substantiæ. Minor probatur: quia cum Deus sit Ens per essentiam, seu ex se Ens, non ab alio Ens: omnis ratio in Deo ex se est determinata ad omnes alias perfectiones Divinas: ac proinde non erit indeterminata & indifferens. De ratione enim Entis per essentiam est, ut sit ex seipso Ens, & ex seipso vindicet sibi omnem perfectionem Entis: nam si non ex seipso, ergo ab alio, & sic erit Ens ab alio, non Ens per essentiam. Si enim ratio aliqua in Deo non sit ex se determinata ad omnes alias perfectiones, deberet ab alio determinari ad illas: quod enim ex se non est determinatum ad aliquid, eget alio determinante: determinari autem ab alio, directe repugnat Enti per essentiam.

In quo apparet diversitas, inter perfectiones creatas & increatas: nam perfectiones creatas, etiam si in re identificentur inter se, tamen hanc identificationem non habent ex se, seu ex ratione sui formali. Animal enim, ut animal, non est necesse esse rationale;

*Deus non est  
substantia  
Prædicamen-  
talis.*

*Deum nullo  
modo esse in  
Prædicamento  
substantiæ.  
Ratio à priori  
siquidem ratio  
generis repu-  
gnat Deo.*

*Repugnat Deo  
omnia ratio ex  
se indetermi-  
nata.*

*Deus Ens per  
essentiam.  
Discrimen in-  
ter perfectio-  
nes creatas &  
increatas.*

rationale, sed quantum est ex se, æquè potest esse rationale, sicut irrationale. Vnde si debet esse rationale, ab alio debet effici rationale, & ideo non est Ens per essentiam, sed Ens ab alio. Non ita est in Deo, quia omnis ratio & perfectio inest ei ex se non ab alio est, id quod est; ac proinde essentialiter est determinata ad alias omnes rationes & perfectiones, idquè habet ex propria ratione Entis per essentiam. In hoc enim differt Ens per essentiam ab Ente per participationem, quòd illud sit ex se Ens, & ex sua ratione formali Entis, determinatum est, ad id totum quod est; hoc verò ex se non habet talem determinationem, sed ab alio determinatur.

Ex hoc autem sequitur, non posse in Deo præscindi rationem aliquam ex se indeterminatam, & indifferentem ad alias rationes, cum talis indeterminatio repugnet rationi Entis per essentiam; ac proinde repugnat in Deo concipi rationem aliquam verè genericam: si quidem ratio generica non potest esse sine indeterminatione.

*In Deo non est  
fundamentum  
conceptus in-  
determinati.*

*Singularitas  
de essentia  
solum Dei.*

Nam si dicas, hanc indifferentiam oriri ex abstractione intellectus, quæ Deum nihil aufert, sicut neque confert. Respondeo. Oriri quidem ex abstractione si cum fundamento in re, quia nimirum in re, natura est talis conditionis, quæ ex ratione sua formali; non est determinata ad unum, & ideo potest indeterminari concipi. In Deo verò non est tale fundamentum concipiendi, cum omnis ratio in Deo sit ex se & essentialiter determinata ad omnes alias perfectiones Divinæ: Vnde non potest cum fundamento in Deo concipi, ut indeterminata & indifferens. Quod etiam confirmatur à simili: quia ex sententia omnium Theologorum, existentia & singularitas, est de essentia naturæ Divinæ, non verò est de essentia naturæ creatæ, licet illi idem nificetur. Cujus non alia est ratio, nisi quod natura Divina est Ens per essentiam, ac proinde ex sua ratione essentiali determinata ad omnes perfectiones Divinas, ita ut quælibet ratio in Deo sit essentialiter omnis, & omnes sint essentialiter quælibet, & una de essentia omnium, & omnes de essentia unius, quare & existentia & singularitas, erit de essentia singularium perfectionum Divinarum. In creatis verò talis determinatio unius ad aliam non invenitur, sit enim ea determinatio effectivè ab alio, cum rationes ex se non sint de sua essentia.

*Repugnat  
Deo omnis ra-  
tio potentialis  
& perfectibili.*

*Defenduntur  
rationes alio-  
rum Autho-  
rum.*

*Prima ratio.*

Ex hac ratione formari alix possunt & explicari. Nam de ratione generis est, si quid ex se potentiale & perfectibile: At est quid potentiale & perfectibile Deo repugnat: ergo repugnat & ratio generis. Major probatur; quia quod est ex se indeterminatum, & indifferens est ex se potentiale: quia potest actuari per id, ad quod est indeterminatum; est etiam ex se perfectibile, quia cum sit indeterminatum perficitur per differentiam determinantem. Dices hæc potentialitatem & perfectibilitatem esse solum in conceptu non in re; nam in re perfectio divini est actualis & perfecta, ut verò præscinditur una ab alia, sit potentialis & perfectibilis. Respondeo esse quidem formaliter in conceptu, sed fundamentaliter in re, ut paulò ante dictum est, & quia repugnat Deo habere in se fundamentum talis conceptus, idèò absolute talis conceptus repugnat Deo.

Ex hac etiam ratione explicari possunt alix, quæ ab Autoribus afferuntur ad probandum Deum non esse in Prædicamento.

Prima est. Quia sequeretur Deum componi ex genere & differentia, quod repugnat simplicitati divinæ. Hanc rationem conatur solvere Gregorius in primo distinct. 8. qu. 3. dicens compositionem realem ex pluribus ex natura rei distinctis, repugnat

repugnare simplicitati Divinæ; non verò compositionem per intellectum. Deum enim simplicem potest intellectus compositè concipere, concipiendo illum inadæquatis ac proinde pluribus conceptibus: licet enim adæquatus Dei conceptus, sit unus, inadæquati tamen sunt plures. Talis autem compositio est ex genere & differentia. Verùm hæc solutio non valet. Nam licet, compositio per intellectum non tollat simplicitatem Divinam, tamen compositio ex genere & differentia est talis compositio, quæ habet fundamentum in re, & supponit naturam ex sua ratione formali conceptibilem, tanquam indeterminatam & potentialem ad aliam. Cum igitur Deo repugnet fundare tales conceptus, repugnabit etiam fundare talem compositionem, quæ conficitur ex talibus conceptibus.

Secunda est. Omne genus est pars speciei: At Deus non habet partes: ergo neque potest habere genus. Respondet Gregorius, repugnare quidem Deo, habere partes reales, & ex natura rei distinguibiles, non verò, si sint distinctæ per solum conceptum: conceptus enim nostri non mutant Dei simplicitatem. Verùm hæc responsio non valet: Nam repugnat Deo fundare rationem partium: de ratione enim partium est, ut una ex ratione sua formali non includat alteram: At perfectiones Divinæ ex ratione formali sunt tales, ut una essentialiter includat alteram, & una sit de conceptu formali alterius; quod oritur ex ratione entis per essentialitatem: ergo fundare rationem partium in intellectu repugnat Deo.

Tertia est. Sequeretur existentiam non esse de essentia Divinæ naturæ: nam genus & species abstrahunt ab essentia. Respondent, non repugnare per rationem abstrahi essentiam ab existentia, sed hæc responsio non valet. Nam in rebus creatis in quibus essentia est non ex se, & ratione sua formali existens, potest essentia abstrahi ab existentia, non tamen in Deo: quia Deus est Ens per essentialitatem, & ex sua essentia existens: quare existentia est de ratione essentie ipsius, neque fundare potest hanc abstractionem: nihil enim potest abstrahi a suis essentialibus. At de essentia cujuscunque perfectionis Divinæ est existentia: ergo perfectio Divina non habet in se fundamentum, ut possit concipi sine existentia, nisi per analogiam ad creaturas, & cum fundamento in creaturis, non in Deo, ut docent Theologi.

Quarta est. Ratio generica est indeterminata ad rationes específicas; At ratio substantiæ in Deo, non est indeterminata ad finitam & infinitam, cum sit essentialiter infinita, & repugnat aliquid in Deo, non esse infinitum: Ergo non datur in Deo ratio generica. Respondent. Repugnare quidem dari aliquam rationem in Deo à parte rei, quæ non sit infinita per identitatem, cum omnibus perfectionibus divinis, non repugnare autem abstrahi, talem rationem per intellectum, quæ nec sit finita nec infinita: qui solum hoc est considerare eam rationem, nec ut finitam nec infinitam. Sed contra: Omnis ratio in Deo est ex se, & essentialiter infinita; ergo non potest abstrahi ab infinitate, cum fundamento in re: quia nihil potest abstrahi a suis essentialibus: Vnde talis abstractio esset ficta & sine fundamento in re: neque conveniret perfectioni Divinæ.

Quinta. Quod est sub aliquo genere, clauditur intra illud genus, ita ut non sit extra illud: Deus autem nullo genere claudiri potest, cum extendat se ad omnia genera. Verùm hæc ratio non videtur concludere. Tum quia Deus revera ita continetur intra rationem substantiæ, ut extra rationem substantiæ nullo modo se extendat: nullo enim modo subjicitur accidentibus: cum accidentia in Deo substantia-

*Compositio ex  
Genere &  
Differentia  
Deo repug-*

*Secunda.*

*Repugnat  
Deo fundare  
rationem par-*

*Tertia.*

*Essentia Di-  
vina ab exi-  
stentia non  
potest abstrahi  
cum funda-  
mento in Deo.*

*Quarta.*

*Perfectio di-  
vina non po-  
test (cum fun-  
damento in  
Deo) abstrahi  
ab infinitate.  
Quinta.*

liter contineantur & eminenter. Tum quia contineri sub tali genere, quod infinitas & omnes perfectiones Entis complectitur, nullam dicit imperfectionem, quod enim sub tali genere continetur, nihil ei deest ad perfectionem. Dicendum tamen est, hanc rationem esse bonam: Nam si Deus continetur sub aliquo vero genere, illud genus, ex ratione sua formali non esset infinitum, sed indifferens ad finitum & infinitum, id enim postulat natura generis. Vnde cum contraheretur ad infinitum, contraheretur ad unam tantum partem perfectionis illi generi debitam, & non haberet omnem perfectionem sibi convenientem; quia non haberet perfectiones finitas, per quas est perfectibile ex ratione propria generis. Et licet in infinitate continerentur omnes perfectiones finitæ, tamen illud genus esset ceteris perfectionum finitarum, non solum ut eminenter continentur in alia perfectione; sed etiam ut sunt in seipsis formaliter. Vnde verè ratio illa generica si esset in Deo, non esset omnimodò perfecta, omni ea perfectione qua perfici potest: quod quia absurdum est, idcirco etiam absurdum est admittere in Deo rationem aliquam verè genericam. Nam si hæc ratio esset substantiæ in communi, talis ratio esset perfectibilis tam substantialiter quam accidentaliter. in Deo autem non haberet omnem perfectionem, nec substantialem finitam, nec accidentalem, quæ ex substantiali finita consequitur, & sic Deus, non esset in omni genere perfectus.

*Sexta:*

Sexta Infinitum non potest esse sub genere, quia quia infinitum est, comprehendit omnia, ac proinde & ipsum genus; cum ergo de ratione veri generis sit non contineri in differentia, non poterit infinito assignari verum genus. Quod si dicat Infinitum in quantitate & qualitate, contineri sub vero genere quantitatis vel qualitatis: ergo & infinitum in genere Entis posset contineri sub vero genere substantiæ. Respondeo esse magnum discrimen. Nam infinitum in certo aliquo genere, non comprehendit omnia. Vnde non est necesse genus contineri in ejus differentia. At infinitum simpliciter in genere Entis, continet omnem rationem Entis, ac proinde & rationem illam genericam. Vnde si differentiam haberet infinitum, in ea contineretur genus, quod est contra rationem veri generis. Deinde Deus non est quomodocumque infinitus, sed ex se, & per essentiam infinitus. Vnde omnis ratio in Deo esset ex sua essentia infinita, & determinata essentialiter ad unitatem, ac proinde non posset præscindere cum fundamento ab infinitate; quod requiritur ad rationem genericam. Dices. infinitatem potius facere, ut Deus infinite perfectius participet rationem substantiæ: ergo propter infinitatem non excluditur à genere substantiæ, sed potius includitur, quia quod perfectius participet rationem alicujus generis, magis pertinet ad illud genus, quam illud quod minus perfectè.

*Deus est per  
essentiam in-  
finitum.*

Respondeo. Propter infinitatem non excludi Deum à ratione substantiæ, qui perfectissimè & infinite illam habet, sed excludi à genericæ, & ex ratione sua formali præcisè à rationibus particularibus substantiæ: talis enim præcisio debet rationem Entis per essentiam, ut dictum est.

*Septima.*

Septima ratio asserti solet. Prædicamenta dicuntur rationes contradistinctas, ac proinde limitatas, ita ut una non includat alteram, verbi gratia, substantia non includat quantitatem, & qualitatem. At Deus omnium Prædicamentorum perfectiones in se continet: ergo non potest poni in illo Prædicamento particulari. Verum hæc ratio non videtur concludere. Nam Prædicamenta dicuntur ratio-

nes

*Predicamen-  
ta dicunt ra-  
tiones contra-  
distinctas.*

des contradiſtinctas, ſi ſecundum ſuas rationes formales ſumantur: non verò vt eminenter in aliqua re ſuperiori continentur: Verbi gratia, quantitas, ſi ſumatur formaliter, vt accidens quoddam habens partes extra partes, dicit perfectionem contradiſtinctam ſubſtantię. At ſi ſumatur, vt eminenter continetur in ſubſtantia, non diſtinguitur a ſubſtantia: verum ſic non conſtituit genus prædicamenti quantitatis, ſed ſolum vt ſumitur formaliter. Deus igitur etſi contineat omnem perfectionem aliorum Prædicamentorum eminenter, quia tamen non continet formaliter, ſub rationibus accidentalibus ipſorum, ideo relinquit locum alijs Prædicamentis, & ſuam perfectionem ſubſtantialem habet contradiſtinctam, rationibus accidentalibus aliorum Prædicamentorum: ita vt hæc continentia non impediatur, quominus poſſet Deus eſſe in peculiari Prædicamento ab alijs diſtincto, ſi hoc aliunde non repugnaret. Vt igitur hæc ratio concludatur, reducenda eſt ad quintam rationem.

At obijciuntur primò. Subſtantia prædicatur de Deo in quid, Ergo Deus eſt verè ſub genere ſubſtantię. Reſpondeo rationem illam ſubſtantię non eſſe verè genericam, ac proinde non prædicamentalem, cum de eſſentia rationis genericę ſit indeterminatio, quę repugnat ſubſtantię Divinę, quę eſt ex ſe, & eſſentialiter determinata ad perfectionem Divinam: nec illo modo eſt indeterminata ad ipſum & non ipſam. Quod etiam ex eo patet; quia ſi animal, Verbi gratia, eſſet ex ſe, & ratione ſua formali, determinatum ad rationale, non poſſet eſſe genus ad rationale & irrationale, quia non poſſet eſſe niſi rationale: Similiter ſecundum Divinam Thomam natura ſpecifica Angelica, quia eſt ex ſe determinata ad hoc numero individuum, non poteſt eſſe in pluribus individuis, ac proinde non eſt verè ſpecies & univerſale, hoc eſt, cum fundamento in re.

Obijciuntur ſecundo: ratio ſubſtantię in creaturis eſt ex ſe indeterminata ad finitam & infinitam; at ſubſtantia infinita ſimpliciter, eſt divina: ergo datur ratio ſubſtantię verè generica, quę prædicatur de ſubſtantia Divina. Reſpondeo. Deum non eſſe ſubſtantiam quocunq; modo infinitam, ſed ex ſe & per eſſentiam infinitam. Ratio vero ſubſtantię quę eſt in creaturis indeterminata ad eſſe finitum & infinitum, non eſt indeterminata ad eſſe per eſſentiam infinitam. Non eſſet igitur talis ſubſtantia Divina, ſed infra Divinam: quia ſolum eſſet per identitatem cum infinitis perfectionibus infinita, ſicut animal per identitatem cum rationali eſt rationale. Non eſſet autem ex ſe & ratione ſua formali infinita: quia aliqui non eſſet indeterminata ad finitam & infinitam, ſed eſſet eſſentialiter determinata ad infinitam tantum. Accedit quòd vel eſt poſſibile creaturam eſſe infinitam in genere ſubſtantię, vel impoſſibile: ſi impoſſibile, ergo indeterminatio ad illam eſt impoſſibilis, & non convenit ſubſtantię. Si verò ſit poſſibilis, illa ſubſtantia non eſſet divina, ſed creata: quia non eſſet talis per eſſentiam, ſed ab alio. Ex quo patet, quòd illa ratio ſubſtantię indeterminata non pertinet ad Deum. Non nego tamen rationem ſubſtantię eſſe communem Deo, & creaturis analogicè ſicut & ratio Entis eodem modo eſt communis: nego autem univocè.

Ex dictis infero. Deum non ſolum non eſſe in aliquo prædicamento communi cum rebus creatis; ſed neq; in proprio & peculiari, vt quidam voluerunt, dicentes diſtincta quædam Prædicamenta eſſe conſtituenda pro Deo, in quibus ſit ſubſtantia Divina, quantitas, qualitas, relatio, actio, vbi, Quando, Divinum, cum hæc omnia ſint diverſę & longè differentijs rationis in Deo, quàm in creaturis. Nam

*Aliquid eſt ex  
ſe, aliquid ab  
alio infinitum.*

*Non eſſe ſta-  
tuenda nova  
prædicamen-  
ta pro Deo.*



rationes nostræ convincunt Deum non posse esse sub ullo vero genere, siue illud statuatur commune cum creaturis, siue non. Deinde implicatur in adjecto, cum dicitur esse genus, & non esse commune cum creaturis: De ratione enim veri generis est, ut sit indeterminatum, & commune ad multa. Si autem soli Deo competat, non erit indeterminatum ad multa, ac proinde non erit verum genus.

*Deus non re-  
ducitur ad  
predicamen-  
ta.*

Dico Tertio: ne reductivè quidem Deum poni in predicamento substantiæ, tanquam principium illius. Ita Divus Thomas supra, cuius ratio est, id cum solum ponitur reductivè in predicamento, quod ita ad illud predicamentum pertinet, ut extra illud non sit; hanc enim ob causam Transcendentia non ponitur in certo predicamento: quia vagantur per omnia: Punctum verò ponitur reductivè in quantitate, quia est principium linearis, & ad genus tantum quantitatis pertinet. At Deus est principium omnium Predicamentorum: ergo non potest poni reductivè in ullo Predicamento. Deinde quod aliquid reducatur ad aliud, id ex eo provenit, quod in illo genere est quid imperfectum: non enim perfecta ad imperfecta reducuntur: sed è contra imperfecta ad perfecta. Verbi gratia, partes ad totum, & modus ad rem cuius est modus. Deus autem non est quid imperfectum in ullo genere: ergo non potest ad ullum genus reduci: sed potius omnia predicamenta reducenda sunt ad Deum, tanquam ad suum principale analogatum in genere Entis.

*Logica ratio,  
quod Deus  
non sit in pre-  
dicamento.*

Addi potest & alia ratio Logica ad probandum Deum non posse poni in Predicamento substantiæ, qua nonnulli recentiores utuntur: quia nimirum natura Divina non est universalis nec per modum generis, nec per modum speciei: Predicamenta autem sunt coordinationes generum & specierum. Nam quod Deus non sit species, patet quia species est natura communis multis individuis. At natura Divina est determinata, ad unum tantum individuum: ergo non potest esse species. Deinde species est natura abstracta ab individuis; at natura Divina cum sit essentialiter singularis, non potest abstrahi a sua ratione individuali: ergo non potest effici species. Dices universalitatem non esse de ratione naturæ specificæ, neque, ut natura est, neque ut prædicabilis est, quia æquè prædicatur de uno individuo sicut de multis.

Respondeo, universalitatem non esse de ratione naturæ, ut natura est, neque de ratione naturæ, ut prædicabilis est; sed esse de ratione naturæ ut species est: quia ex hoc formaliter dicitur species: quia prædicatur de multis numero differentibus in quid, ut patet ex definitione speciei. Dices. Species est prædicabilis & subijcibilis, & sub utraque ratione dicitur species: ergo natura Divina solum ut subijcibilis est generi, & ut constet genere ac differentia, posset dici species. Respondeo. Ad rationem speciei subijcibilis non satis est subijci generi quocumque modo, sed requiritur ut subijciatur tanquam species: hoc est tanquam natura communis multis. Nam etsi individua subijciuntur generi: quia tamen subijciuntur ut naturæ singulares non ut naturæ communes, ideo non subijciuntur ut species, neque propter hanc subijctionem habent rationem speciei. Ex quo etiam sequitur naturam Divinam non habere genus: genus enim non nisi respectu specierum dicitur genus: At natura Divina non est species, ergo nullum habet verum genus. Sequitur etiam Deum non posse poni in Predicamento substantiæ tanquam individuum: quia nec est individuum genericum nec specificum, qualia solum individua in Predicamento ponuntur.

Sed quæres: An saltem divina attributa sint in eodem genere prædicamenti, cum perfectionibus creatis? Verbi gratia, Sapientia divina, intellectus, voluntas: ista enim convenire videntur in ratione communi univoca cum sapientia, intellectu, voluntate creata. Respondeo. Non esse, propter easdem rationes: nam neq; conveniunt univocè in ratione communi, cum rebus creatis, neq; in modo prædicandi. Quod non sit communis ratio univoca probatur. Quia substantiæ & accidenti nihil est commune univocum; quidquid enim est in substantia, substantia est, & in accidente quidquid est, accidentale est; neq; datur aliquis gradus naturæ, qui nec sit substantia, nec accidens. Cum igitur attributa divina sint substantiæ, secundum omnes suos gradus, creata verò attributa sint accidentia, secundum omnes suos gradus, non datur ratio communis, univoca istis attributis. Quod si dicas: Ratio formalis sapientiarum, potest abstrahi a substantia & accidente, cum possit esse substantia & accidens. Respondeo. Ex tali abstractione non inferri univocationem. Nam etiam simili modo Ens abstrahit a substantia & accidente, neq; tamen propterea est quid commune univocum; solum enim inferitur ex abstractione perfecta, ita ut nullo modo unum includatur in alio: qualis abstractio non invenitur in Ente respectu substantiæ & accidentis; neq; in sapientia respectu sapientiarum substantiarum & accidentalium.

*Substantia & accidenti nihil est commune univocum.*

Quid verò non conveniant in modo prædicandi, patet: quia una est prædicatio substantialis, alia accidentalis. Nam cum dico, Deum esse sapientem, prædicatio secundum rem est substantialis; quia in re sapientia Dei est substantia ejus. Et licet forma sit denominativa: tamen ea forma Deo propriè non convenit, nec enim propriè Deus dici potest denominativè sapiens, nisi cum hac adjectione intelligatur, nempe abstractis omnibus imperfectionibus, ac ex consequenti abstracta imperfectione accidentali.

*Divina attributa prædicantur substantialiter.*

Quare cum Deus dicitur sapiens, sensus est, est sua sapientia, ita ut solum voce sit ea prædicatio accidentalis; re autem substantialis, in rebus verò creatis, prædicatio sapientiarum est accidentalis, quia sapientia creata est accidens, & modo accidentali convenit. Ex quo patet sapientiam creatam & increatam, in modo prædicandi non convenire.

Similiter si quis objiciat, Relationes divinas poni in prædicamento Relationis; si quidem in ratione generica relationis conveniunt cum relationibus creatis. Respondeo non poni propter easdem rationes: quia ut dictum est substantiæ & accidenti nihil potest esse commune univocum: at divinarum relationes sunt substantiæ non solum identicè, sed & formaliter, creatæ vero sunt accidentia: ergo non conveniunt univocè in ratione communi. Non etiam conveniunt in modo prædicandi; quia creata prædicantur accidentaliter, divina substantialiter: At quæ non conveniunt in eodem modo afficiendi & denominandi primam substantiam, non ponuntur in eodem prædicamento: Ergo nec relationes Divinæ. Ad hæc relatio divina est Ens per essentiam, Enti autem per essentiam repugnat indeterminatio generica, ergo & Relationi divinæ repugnat esse sub aliquo vero genere, quæ ratio universaliter probat de alijs quoq; divinis attributis & perfectionibus.

*An Relationes divinas ponantur in Prædicamento Relationis?*

*Ratio universalis pro omnibus Attributis divinis.*

## QVÆSTIO V.

*An substantiæ incorruptibiles, ut cali,  
& Angeli sint in prædicamento?*

**D**ifficultatem parit textus Aristotelis 10. Metaphysicæ ultimo, ubi ait corruptibile & incorruptibile differre genere: ex quo sequitur, substantias corruptibiles & incorruptibiles, non esse in eodem genere prædicamenti. Nam si sunt in eodem prædicamento, non differunt genere. Angeli etiam secundum Aristotelem sunt actus puri, & expertes potentia 3. Metaph. 16. 9. Metaph. 17. 12. Metaph. 30. Non igitur sunt compositi ex genere & differentia: genus enim est potentia, differentia actus.

Dico primo. Secundum Aristotelem incorruptibiles substantiæ non sunt in prædicamento. Ita Averroes 10. Metaph. ultimo. Gandavensis, Niphus, & plerique Recentiores. Ratio est. Quia secundum Aristotelem, corruptibile, & incorruptibile differunt genere. Quid sit autem differre genere apud Aristotelem, patet ibidem, ex textu 12. decimi Metaph. ubi definit quid sit differre genere. Genus inquit differtur, quorum non est communis materia, neque mutua generatio, quorum alia prædicationis figura est: specie autem differunt, quorum idem genus dicitur autem genus, quo ambo quæ differunt secundum substantiam idem dicuntur: hæc Aristoteles. Ex quibus tale conficitur argumentum: Secundum Aristotelem, illæ substantiæ differunt genere, quæ differunt materia, illa verò quæ materia differunt, differunt & genere prædicamenti: Ergo quæ differunt genere, differunt genere prædicamenti: Minor asseritur ab Aristotele tum textu 10. tum textu 24. decimi Metaph. ubi ait Aristoteles? in eadem coordinatione prædicamenti esse omnia contraria, quæcumque non genere differunt, indicans omnia quæ genere differunt, non esse in eadem coordinatione prædicamenti. Genus enim supremum secundum Aristotelem sumitur à materia, differentia specifica à forma. Itaque secundum Aristotelem conveniunt, vel differunt genere, quæ conveniunt, vel differunt materia. Cum igitur substantiæ corruptibiles & incorruptibiles differant materia, nam vel sunt materiæ prorsus expertes, ut Angeli, vel non habent communem materiam cum corruptibilibus ut cal, hinc fit ut differant genere prædicamenti. Idem patet ex ratione Aristotelis textu 26. quæ probat corruptibile & incorruptibile differre genere: quia corruptibile & incorruptibile differunt substantia: at si essent idem genere, essent idem substantia: ergo non sunt idem genere. Maiorem probat: quia corruptibilitas & incorruptibilitas, non est accideris aliquod essentia rei, vel ab essentia rei profluens; non enim per accideris res dicitur corruptibilis, sed necessario & essentialiter, hoc est suammet essentia: Quare necesse est corruptibile & incorruptibile diversam omnino habere essentiam, ac ex consequenti non convenire in una essentia generis.

Ex quibus refelluntur duæ expositiones verborum Aristotelis, Prima est dicentium

*Quid sit apud  
Aristotelem  
differre genere?*

nim, loqui Aristotelem de genere Physico, id est de materia, non de genere prædicamenti; clarum enim est apud Aristotelem illa quæ differunt genere Physico, differre quoq; genere prædicamenti, ut ex duplici textu citato manifestum est. Cuius rei hæc ratio reddi potest. Quia materia est summum quid in rebus materialibus in quo convenire possunt. Nam etiam si in formis differant, tamen in materia conveniunt: at si nec in materia conveniunt, simpliciter in nullo conveniunt, ac ex consequenti summo genere differunt.

Secunda. Est Toletii, differre genere, idem significare hoc loco quod differre specie; species enim subalterna dicitur quoq; genus.

At contra. Primum ostensum est quid sit apud Aristotelem differre genere: Quia enim materia summum quid est in substantia, ea quæ materia differunt, summo genere differunt. Secundo in fine textus vigesimi sexti ait Aristoteles; quæ genere diversa sunt, plus distare, quàm quæ specie; non ergo pro eodem ista viurpat. Tertiò, in textu vigesimo quarto ait; contraria quæ non genere differunt, esse in eadem coordinatione prædicamenti; ergo vult contraria quæ genere differunt, non esse in eadem coordinatione prædicamenti, ac ex consequenti vult differre non solum specie, sed etiam genere prædicamenti.

Potro propositionem hanc, corruptibile & incorruptibile differre genere, adducit Aristoteles contra Platonem, qui Ideam hominis ponebant incorruptibilem, & stultitiam esse essentialiter idem cum homine corruptibili. Contra quod opponit hoc principium universale: Corruptibile & incorruptibile differunt genere; unde patet ex subiecta materia; non de homine re corruptibili & incorruptibili, sed solum de substantijs accipiendum esse Axioma. At neq; de quibuscunq; substantijs, sed tantum de completis accipi debet: nam solæ substantiæ completæ sunt corruptibiles, propter materiam, ex qua sunt compositæ, hæc etiam solæ sunt per se in linea & coordinatione prædicamenti.

Quare si quis obijciat materiam esse incorruptibilem, formam corruptibilem, & tamen sunt in eodem genere prædicamenti. Respondendum est Aristotelem loqui de substantijs completis, quæ solæ ponuntur per se sub genere prædicamenti, non de incompletis, qualis est materia & forma.

Si etiam obijcias, idem genus ratione diversarum differentiarum, posse esse corruptibile & incorruptibile: ut patet in anima rationali, in qua sensitivum redditur incorruptibile per identitatem cum rationali, cum tamen in anima bruti sit corruptibile.

Respondendum itidem est, Aristotelem loqui de substantijs completis, quæ non possunt esse diverso respectu corruptibiles & incorruptibiles, sed necessariò sunt vel corruptibiles propter materiam, vel incorruptibiles, propter immaterialitatem, seu propter carentiam materiæ, quæ est principium corruptionis, & sic differendo materia, differunt totis essentijs atq; adeo genere prædicamenti.

Dices. Vbi ergo collocabunt secundum Aristotelem substantiæ incorruptibiles? Respondeo vel non collocari in ullo prædicamento, quia prædicamenta sunt pro rebus corruptibilibus & in gratiam rerum corruptibilium cognoscendarum inventa: vel collocari in alio prædicamento, quod sit pro solis substantijs corruptibilibus, de quo tamen inventores prædicamentorum non egerunt: Vel deniq; propter similitudinem collocari in eodem prædicamento, sed non in eadem coordina-

*Dictum Aristotelem  
stultitiam corruptibile  
& incorruptibile  
differre genere,  
exponitur.*

*Secundum Aristotelem  
quid dicendum  
de prædicamento  
substantiarum incorruptibilium?*

tione prædicamenti, ita ut dux sint coordinationes prædicamenti substantiæ, quæ in nullo genere univoco conveniant, ad vnum tamen genus prædicamenti referatur, propter communem genere modum efficiendi & denominandi primam substantiam. Quanquam nihil hac de re determinavit Aristoteles, neq; quid sentiret exposuit.

*Celi & Angeli sunt in Prædicamento substantia.*

Dico secundò. Secundum veritatem substantiæ incorruptibiles, sunt in prædicamento substantiæ. Ratio est. Quia substantia prædicamentalis est illa quæ subsistat accidentibus; hanc enim maximè propriam proprietatem substantiæ assignat Aristoteles, quòd sit susceptiva contrariorum: atqui substantiæ incorruptibiles subsistant accidentibus, & suscipiunt contrarium: Ergo sunt substantiæ Prædicamentales. Præterea tam celi, quam Angeli, verè sunt compositi ex genere & differentiis, ex gradu communi & proprio: ergo verè sunt sub genere prædicamenti. Nam compositio ex genere & differentia cum sit Metaphysica, & per solam rationem cum fundamento in re, non repugnat Physicæ illorum simplicitati. Nam verè à parte rei essent substantiæ simplices, secundum Aristotelem, & solum per intellectum eas concipientem, sub duplici conceptu, essent compositæ.

At obijci potest primò. Secundum doctrinam Aristotelis 8. Metaph. quam sequitur S. Thomas 2. contra gentes cap. 95. & Ferar, ibidem, genus lunium à materia, differentia à forma. Cum ergo Angeli cum substantijs materialibus non conveniant in materia, sequitur etiam in genere non convenire: ex consequenti non posse reponi sub eodem prædicamento genere.

*Genus sumitur à Materia.*

Respondeo. Et si quidam negant Aristotelem docere genus sumi à materia, sed solum habere se ut materiam, respectu ejus, cuius est genus, quia sicut materia determinatur per formam, & constituitur in certa specie, ita genus determinatur per differentiam, aut certam speciem: nihilominus clariora sunt verba Aristotelis, quàm ut hanc expositionem patiantur, cum 10. Metaph. textu 12. definiens quæ sunt illa, quæ differunt genere ait esse illa, quorum materia non est communis, & ne dubitemus loqui de materia transmutationis, addit, & inter quæ non est mutua transmutatio. Et sanè passim pro eodem habet, differre genere, & differre materia. Et ratio sumi potest ex eodem textu 12. Nam ibidem ait genus esse id, quo ambo quæ differunt secundum substantiam, idem dicuntur, seu id in quo conveniunt, species essentialiter distinctæ: atqui res habentes distinctas formas, si materia conveniunt, meritò itaq; à materia ait desumi rationem generis. Non quidem quod non possit etiam à forma desumi aliquod genus medium, habet enim etiam forma gradus quosdam communes multis speciebus, à quibus desumi potest ratio generica, sed quod genus summum desumatur à materia; summum enim in quo res conveniunt est à materia: quare & summum genus in quo species conveniunt erit à materia. Verùm cum ait Aristoteles, genus desumi à materia, neq; de omni genere id intelligit, neq; de omnibus omnino substantijs, sed solum de genere substantiarum materialium; in his enim genus desumitur à materia, ex quo tamen non sequitur, in substantijs immaterialibus, aut non dum genus, aut à materia sumendum esse, sed cum in ijs non sit materia, debere desumi summum genus ab eo naturæ gradu, qui sit materiæ quàm similis, hoc est maximè indeterminatus & communis.

Obijciens secundò. Saltem, si vera est doctrina Aristotelis, quod quæ differunt materia, genere quoq; prædicamento differunt, sequitur Angelos non convenire

cum rebus materialibus in vno genere prædicamenti, eo quòd non conveniunt in materia, simpliciter enim carent materia.

Quidam negant doctrinam Aristotelis de genere Logico veram esse, nec eo sensu ab Aristotele intellectam: at dubitari non potest de mente Aristotelis, cum t. 1. 1. de genere Logico loquatur, quod ibidem definit esse id, in quo ea quæ essentialiter differunt, conveniunt; & differre ait genere, quæ differunt prædicationis figura, hoc est, prædicamento. Nam quod quidam verba Aristotelis ita interpretantur, ut voluerit dicere ea, quæ materia differunt, similiter differre, ut ea, quæ prædicationis figura differunt, ea interpretatio minimè quadrat illi loco, quia t. 1. 4. clarè se explicat Aristoteles, quòd ea quæ genere seu materia differunt, non sint in eadem coordinatione prædicamenti: ergo & in tex. 1. 2. hoc idem dicere voluit, nempe ea quæ genere seu materia differunt, non habere eandem, sed diversam prædicationis figuram.

Dicendum igitur est, doctrinam Aristotelis esse, ea quæ materia differunt, genere quoque Logico differre, ita ut materiale & immateriale non conveniant univocè in aliquo genere, ut supra ostendimus. Porro cum ea quæ univocè non conveniunt in aliquo genere, debeant necessariò ad diversum genus prædicamenti spectare, sequitur secundum Aristotelem plura esse ponenda prædicamenta substantiæ, unum pro materialibus, aliud pro immaterialibus, cum utraq; secundum Arist. in genere univoco non conveniant. Ex altera verò parte Aristoteles plura prædicamenta nunquam admisit. Quare ut concedendum est, id sequi ex hac doctrina, ita quod Aristoteles ea de re senserit, non constare. Nam quod quidam dicunt satis esse ut substantiæ immateriales, reducantur ad genus substantiæ materialis, tanquam principia & causæ ipsarum, id nequaquam satis est; tum quia substantiæ immateriales, non solum ut principia, sed etiam ut species debent reponi in prædicamento: tum quia non minus hæc ad illas, quàm illæ ad istas reduci deberent, cum utraq; gaudeant suo genere substantiæ, & præterea spirituales substantiæ cum sint magis principales, utpotè à quibus dependent substantiæ, materiales potius istæ ad illas revocari deberent, non illæ ad has. Secundum veritatem tamen, intelligentiæ cum materialibus, conveniunt univocè in eodem genere Prædicamenti, ut dictum est.

Obijcies Tertiò. Aristotelem sæpè, cum exempla substantiæ prædicamentalis adducit, enumerare inter alia, cælum quoque & intelligentias ut 6. Metaph. 1. 5. 8. Met. 1. 1. 1. 2. Met. 1. 5. 7. Met. 1. 4. Ergo ex sententia Aristotelis, cæli & intelligentiæ sunt in prædicamento, & quidem ut species; quia inter alias species prædicamenti substantiæ, istas etiam numerat. Respondeo. Aristot. in exemplis dandis sæpè vulgarem opinionem sequi. Deinde secundum Aristotelem incorruptibiles substantiæ, ut cælum, & intelligentias esse quidem substantias, sed non in eodem genere substantiæ, cum corruptibilibus substantiis.

## QVÆSTIO VI.

*Quodnam sit supremum genus prædicamenti substantia?*

**H**ujus quæstionis solutio colligenda est ex præcedentibus quæstionibus; nec enim genus prædicamenti potest esse substantia, in ea amplitudine quæ continet finitam & infinitam. nam substantia infinita non pertinet ad prædicamentum. Neque etiam substantia finita, ut continet completam & incompletam, est genus prædicamenti. Nam substantia incompleta, cum sint partes, non ponuntur per se in prædicamento; solum igitur substantia finita completa, ut est genus ad substantias tam corruptibiles quam incorruptibiles, corporeas & spirituales, est genus prædicamenti; in linea enim prædicamenti, non ponuntur nisi genera & species completa. Est autem difficultas, quomodo substantia completa sit genus; substantia enim non completur in essentia, nisi per differentiam specificam. At genus abstrahit à differentiis specificis: ergo & à complemento. Confirmatur, quia substantia non potest dici completa, nisi adsint omnia ipsam completantia in ratione substantiæ alioqui daretur effectus formalis sine forma; at hæc completantia non sunt in genere, sed in specie: ergo substantia in genere non potest dici completa.

*Genus quomodo sit quid completum?*

Respondeo. Substantiam dici completam, quia significatur per modum totius: neque enim dubium est totum esse quid completum: ergo & quod significatur per modum totius, significatur ut completum quid. Porro totum substantiale est duplex, aliud actuale quod habet partes essentielles actu: quale totum est species quæ dicit genus & differentiam actu: aliud est potentiale, quod dicit totam essentiam, sed secundum aliquid actu, secundum aliquid potentia. Tale est genus. Nam ex modo significandi, genus significat totam essentiam speciei, sed unam rationem actu, aliam potentia. Verbi gratia, Animal significat totum id, quod est animal, quare & hominem & brutum, sed in potentia, nam animal est homo & brutum in potentia, unde significat totum hominem, sed secundum rationem sensitivam actu, secundum rationalitatem verò in potentia. Ex quo patet ad rationem dubitandi, substantia enim non est completa, sine differentia specifica, verum differentiam dicit species actu, genus verò dicit solum in potentia, ut ætium est.

QVÆST.



## QVÆSTIO VII.

*De divisione substantiæ, in primam  
& secundam.*

**P**rimam substantiam, seu essentiam Aristoteles vult esse individua; secundum genera & species. Vbi primò occurrit difficultas, cur Individua dicantur primæ substantiæ, potius quam genera & species? Nam si rationem substantiæ essentiali spectemus, ea primò competit speciebus, & ratione specierum individuis, cum tota essentia individuum, in specie contineatur: Ergo species potius dicenda esset prima substantia, quàm individua. Si verò spectemus proprietates; hæc etiam cum sequatur essentiam, prius conveniunt speciei, quàm individuis.

Dicendum tamen est, in hac divisione considerari ab Aristotele substantiam, quoad proprietatem substandi, ut per eam proprietatem tanquam magis notam, essentia substantiæ intelligatur. Quia igitur individua in substando sunt prima; nihil enim substat potest, nisi existat, ac proinde nisi sit individuum & singulare, species verò & genera, non nisi quatenus in individuis existunt, subsistunt, idcirco individua dicuntur primæ substantiæ in substando, species verò & genera, eo respectu sunt secundæ substantiæ.

Dices. Accidentia generica primò conveniunt generi, & specifica speciei, ut esse sensitivum, primò convenit animali, esse risibile primò convenit homini: Ergo genera & species sunt primæ substantiæ in substando, respectu suorum accidentium. Respondeo. Accidentia generica & specifica, etsi primò conveniant generi & speciei, quoad essentiam, tamen genus & species non substant actu istis accidentibus, nisi quatenus in individuis existunt; non enim habent rationem subiecti respectu suorum accidentium nisi existant, non existunt autem nisi in individuis. Quare individua sunt prima in substando actu: nam ipsa per se actu substant, genera verò & species substant actu ratione individuorum. Nam si loquamur non de actu substandi, sed de ratione essentiali substandi: sic substat primò convenit speciei, tanquam rationi essentiali substandi. Vnde cum dicimus individua per se primò substat, individuis includimus secundas substantias; secundæ enim substantiæ sunt essentia individuum, & individua, non nisi per suam essentiam substat possunt. Dicimus autem secundis substantiis secundario convenire proprietatem actu substandi, quia non ut sunt abstractæ ab individuis actu substant, sed ut in individuis existunt, ita ut ob existentiam suam individua actu substat: ob rationem verò specificam, substat durare possunt.

Sed obijciat. Ex eo sequi, rationem substandi convenire analogicè primæ & secundæ substantiæ; quia secundæ convenit, ratione primæ: at hoc dici non potest; quia quando eadem forma convenit duobus, non convenit illis analogicè, sed pariter, cum eadem essentialiter sit in utroque: atqui idem substat convenit primæ & secundæ substantiæ; si quidem eodem actu substandi quo substat prima substantia, substat & secunda, quatenus in prima existit: ergo substat non convenit utriusque analogicè.

*Cur individua dicantur prima substantia?*

*An individua primò substat?*

Respon-

*Substare con-  
venit univo-  
cè primæ &  
secundæ sub-  
stantiæ.*

Respondeo. Substare primò convenire primæ substantiæ, secundò secundæ, utriq; tamen univocè non analogicè. De ratione enim Analogi est, ut conveniat Analogatis, sub diversa ratione essentiali, sicut de ratione univoci est ut conveniat sub eadem ratione essentiali; atqui substare, eadem planè ratione convenit primæ & secundæ substantiæ: ergo convenit univocè non analogicè; non enim alius actus substandi est, quo substat secunda substantia, alius quo prima. Neq; verò obstat univocationi quod ratio substandi prius competat primæ quam secundæ substantiæ: quia in univoco potest esse inæqualitas, in modo aliquo essendi, licet in essentia formæ debeat esse æqualitas: sic animal nobiliori & potiori ratione convenit homini, quàm bruto, & tamen utriq; eadem ratione essentiali competit.

Ex quibus patet ad rationem dubitandi. Etsi enim si in essentia substantiæ sit comparatio, genera & species possint dici primæ substantiæ, individua secundæ; quia ex participatione specierum individua sunt substantiæ; tamen si consideretur actus substandi, individua dicenda sunt primæ substantiæ, genera & species secundæ, quia genera & species non nisi ut in individuis existunt, substantiæ substare enim supponit existentiam, existentia autem naturam individuatam.

*Qualis sit di-  
visio in pri-  
mam & se-  
cundam sub-  
stantiam.*

Secundò dubitatur: qualis sit ista divisio substantiæ in primam & secundam. Cum enim varia sint divisionum genera, nempe generis in species, Analogi in Analogata, subiecti in Accidentia, accidentis in accidentia, totius in partes, merito quaeritur ad quod genus divisionis hæc divisio pertinere debeat. Varij enim variè de hac re sentiunt & loquuntur.

*Non est divi-  
sio generis in  
species.*

Dico igitur primo, hanc divisionem, non esse generis in species. Propter duo. Primò. Quia genus substantiæ, est vnum membrum huius divisionis, secunda enim substantia continet omnia genera & species, ac ex consequenti ipsum genus generalissimum: Ergo genus substantiæ, non est id quod hic dividitur, sed id in quod fit divisio.

Secundò, Quia si hæc divisio esset generis in species, individua essent species substantiæ, & summum genus substantiæ esset species substantiæ: quod tamen dici non posse per se manifestum est. Cum nec summum genus habeat supra se aliud genus, cuius sit species, nec individua possint dici species.

*Neq; analogi  
in Analogata.*

Dico secundò. Hanc divisionem non esse Analogi in Analogata, ut communiter à recentioribus asseritur. Quia hic dividitur substantia sub ratione substandi considerata: at substare univocè non analogicè convenit utriq; substantiæ: ut ostensum est. Ergo.

*Neq; totius  
in partes.*

Dico Tertiò, hanc divisionem non esse totius in partes: Quia totum non prædicatur in quid de partibus; pars enim non est totum: at hic substantia quæ dividitur, prædicatur in quid de prima & secunda. Ergo.

*Est divisio  
subiecti in ac-  
cidentia.*

Dico quartò. Dividi in hac divisione substantiam, quatenus substat in priorem in substando, & posteriorem in substando. Quia igitur prius & posterius substare, sunt accidentia quædam rei substantijs; prius enim & posterius dicunt ordinem accidentalem in substando, idcirco hæc divisio dici potest vel subiecti in accidentia, vel accidentis in accidentia; substare enim proprietas quædam est substantiæ, in qua prius & posterius spectantur, ut accidentales quædam differunt. Ex quo etiam patet divisionem hanc substantiæ, non esse in universalem & particularem, ut quidam existimant; non enim hic consideratur substantia, ut uni-

*Non est divi-  
sio in univer-  
sale & sin-  
gularem.*

versalis

verſalis vel particularis, ſed vt eſt prima in ſubſtando, vel ſecunda in ſubſtando: Alioquin hoc modo liceret dividere, Quantitatem, Qualitatem, relationem in primam & ſecundam, ſicut licet dividere in vniuerſalem & particularem.

Addo quod Ariſtoteles reddens rationem quare prima ſubſtantia ſit magis ſubſtantia, quàm ſecunda, non meminit vniuerſalitatis, & particularitatis ſed ſolum ſubſtandi: Ergo illa ratio eſt impertinens ad hanc denominationem.

## QVÆSTIO VIII.

*De proprietatibus Subſtantia.*

**S**Ex proprietates Subſtantiaſ assignat Ariſtoteles, circa quas aliqua ad notanda ſunt. Prima proprietas eſt, nō eſſe in ſubiecto. Omnis enim ſubſtātia, vel abſolute in alio non exiſtit, vel ſi exiſtit, non exiſtit tanquam in ſubiecto. Quod enim eſt in ſubiecto, exiſtit, vt quid extrinſecum ſubiecto, non conſtituens illud in eſſe ſubſtantiali, pars verò ſubſtantialis, ita exiſtit in alia, vt conſtituat illam in eſſe ſubſtantiaſ completæ, quocirca non exiſtit in illa vt in ſubiecto; ſic formæ ſubſtantiales, & modi ſunt quidem in ſubſtantia, ſed non tanquam in ſubiecto; non enim ſolum de ratione ſubiecti eſt, vt ſuſtinet aliud, ſed vt ſuſtinet tanquam quid extrinſecum, ita vt per illud, quod ſuſtinetur non conſtituatur in eſſe, ſic accidentia non conſtituunt ſubſtantiā in eſſe ſubſtantiali, & ſunt illi merè extrinſeca, dant enim illi eſſe diuerſi generis. Forma verò ſubſtantialis licet non conſtituat materiam in eſſe ſubſtantiali, conſtituit tamen ipſam in eſſe ſubſtantiali completo. Sic etiam natura hominis eſt in verbo non tanquam in ſubiecto, quia conſtituit verbum in eſſe ſubſtantiali hominis.

*Prima proprietas.*

Porro addit Ariſtoteles primas ſubſtantias nec eſſe in ſubiecto, nec dici de ſubiecto, ſecundas verò non eſſe in ſubiecto, dici tamen de ſubiecto. Circa quam doctrinam ſunt aliquæ difficultates: Videtur enim ſi ſubſtantia ſecunda, dicatur de ſubiecto, eſſe quoq; in ſubiecto, aut ſi non eſt in ſubiecto, neq; dici poſſe de ſubiecto. Prius enim eſt eſſe, quam dici, & eſſe in aliquo, quā dici de aliquo; verumq; eſt illud pronuntiatum logicum, prædicari ſequitur ad eſſe, ideoq; aliquid dicitur de alio quia ineſt illi.

*Quomodo ſubſtantia ſecunda dicantur de ſubiecto & non ſunt in ſubiecto.*

Deinde ex omnium ſententia, ſecundæ ſubſtantiaſ ſunt in primis. Genera enim & ſpecies non ſunt extra individua, ſed in indiuiduis, & ſuperiora ſunt in inferioribus, Genus in ſpecie, ſpecies in indiuiduo. Non ſolum autem ſecundas ſubſtantias eſſe in primis ſed eſſe tanquam in ſubiecto probatur, quia ſubſtantiaſ primæ, ſunt ſubiecta ſecundarum, quippe ſecundæ dicuntur de primis, tanquam de ſubiecto, inferiora enim ſubjiciuntur ſuperioribus: ergo ſecundæ quemadmodum dicuntur de primis tanquam de ſubiectis, ita ſunt in primis tanquam in ſubiectis.

Tertio non ſatis conſtat, quid ſit nomine ſubiecti intelligendum, cum ait Ariſtoteles dici aliquid de ſubiecto. Nam ſi verum eſt, quod communiter dicunt Interpretes, nonnunc ſubiecti intelligendam eſſe naturam inferiorem, ſequitur differentias non dici de ſubiecto. Verbi gratia rationale de homine, quia homo non

non est quid inferius rationali, quod tamen affirmat Aristoteles hoc loco: Autem bipes, & gressibile de subiecto quidem, quodam homini dici, in subiecto verò non esse, & vniuersè docet, de quocunq; differentia dicitur, de eo quoq; rationem differentie prædicari, vt gressibile de homine, idem patet in Antepædic. cap. 2.

Quarto non rectè videtur definitum dici de subiecto, vt idem sit, quod secundum nomen & rationem, seu essentialiter dici de aliquo: non solum enim quæ essentialiter, sed etiam quæ accidentaliter conveniunt alicui, verè dicuntur de illo: dici enim, sequitur ad esse, at accidentia verè sunt in subiecto, ergò verè dicuntur de subiecto. Nam quod Aristoteles ait accidentia dici tantum secundum nomen, non secundum rationem, id videtur falsum: nomina enim a accidentium, cum non sint nomina inania, significant aliquam rationem realem & veram, eamq; dicunt de subiecto. Non igitur solum nomen accidentis prædicatur, sed & ratio. Id enim, quod nomina accidentium significant, prædicant de subiecto.

Quinto videtur prima substantia dici de subiecto. Prima enim substantia, et substantia individua. At vna numero substantia individua dicitur de pluribus personis, vt patet in Deo: ergo prima substantia dicitur de subiecto. Nam dici de subiecto secundum Aristot. est dici secundum nomen & rationem, seu essentialiter. Deus autem de tribus personis dicitur secundum nomen & rationem, atq; adeò essentialiter: ergo dicitur de illis tanquam de subiecto. Neq; obstat quod personæ non sunt quid inferius Deo: nam & differentie dicuntur de specie, tanquam de subiecto, & tamen species non est inferior differentiis.

*Dici supponit esse vel inesse.*

Ad primam difficultatem Respondeo: non est necesse id, quod dicitur de subiecto, esse in subiecto, sed satis est, quod sit id, quod ipsum subiectum est. Id enim quod est ipsum subiectum, non est propriè in subiecto; id enim propriè dicitur esse in subiecto, quod est quid distinctum à subiecto, & supponit illud in suo esse constitutum. Talia sunt sola accidentia. Hæc enim sunt extra essentiam subiecti, alij adhærent. Cum verò instatur. Dici sequitur ad esse, id verum est, sed aliud est esse, aliud inesse; essentialia ergo dicuntur de subiecto, quia sunt ipsum subiectum, non quia sunt in subiecto.

*Prime substantie an sint subiectum secundarum?*

Ad secundam Genera & species non sunt propriè loquendo in individuis, sed sunt id quod ipsa individua dicuntur enim in quid de individuis, aliud verò est, esse in aliquo, aliud esse illud. Ex quo patet, quod licet individua & primæ substantiæ sint subiectum secundarum; non tamen sunt subiectum in hæzisionis, in quo existant secundæ substantiæ: Sunt enim idem, quod secundæ substantiæ; sed solum subiectum per rationem distinguentem illa inter se & vniuentem. Huius autem subiectionis fundamentum est in re, quia in re est fundamentum ad distinguendum naturam superiorem & inferiorem. Ex quo patet Genera & species non nisi per intellectum distinguendum illa ab individuis, esse in individuis; in re enim sunt idem quod individua. Quamvis autem individua sint respectu Generum & specierum subiecta: non sunt tamen subiecta in hæzisionis sed identitatis essentialis. Quocirca non sunt in individuis tanquam in subiecto. Esse enim in subiecto, propriè & simpliciter, est existere realiter in aliquo tanquam in subiecto in hæzisionis.

Ad tertiam. Communiter interpretes nomine subiecti intelligunt naturam inferiorem, & verè subiectam siue hæz subiecto sit in ordine ad naturam superiorem, quomodo individua subiunguntur speciei, & species generi, siue sit in ordine, ad id quod

quod vere insit naturæ, quomodo species subicitur differentiæ & totum parti. Neq; valet quorundam instantia secundum Aristotelem, differentias solum de individuis speciei dici tanquam de subiecto, non verò de specie. Nam expressè Aristoteles exemplum dat, non solum individui, sed etiam speciei. Vult enim gressibile dici non solum de quodam homine, sed etiam de homine. Deinde cum secundum Aristotelem dici de subiecto, sit dici secundum nomen & rationem, ut hic etiam expressè docet Aristoteles, consequens est differentiam etiam de specie dici tanquam de subiecto.

Ad quartam Respondeo, secundum Aristot. id solum dicitur absolute de subiecto, quod de eo dicitur essentialiter, seu quod ita dicitur, ut significet quid sit subiectum in sua essentia: sicut enim subiectum, simpliciter est id, quod est per suam essentiam, secundum quid autem est per accidentia: ita simpliciter id solum dicitur de subiecto, quod ejus essentiam dicit; accidentia verò, quia non dicunt quid sit subiectum secundum essentiam, non dicuntur simpliciter de subiecto. Quod autem ait Aristoteles accidentia secundum nomen, & non secundum rationem dici, id ita accipiendum est, non quod solum nomen accidentium prædicetur sine re, sed quod non prædicetur secundum rationem, hoc est ita, ut dicant ipsam essentiam & rationem subiecti. Quare albedo denominat solum hominem album, sed non dicit, quæ sit ratio hominis, & ideo non dicitur de subiecto, quia non dicit quid sit ipsum subiectum: aliud est enim esse hominis, aliud esse albi; Quare cum in obiectione dicitur, accidens cum verè insit subiecto, verè quoq; dici de subiecto, concedendum est secundum quid, non simpliciter; quia secundum nomen, non secundum rationem: id enim simpliciter dicitur de subiecto, quod secundum rationem dicitur de illo, explicando quid sit subiectum. Accidentia verò non simpliciter dicuntur de subiecto ut subiectum est, sed ut est, vel quantum, vel quale, vel alio modo, circa ea quæ ipsi adveniunt, se habet, & licet suam rationem prædicant, non tamen ut ratio est.

Ad quintam. Cum natura Individua prædicatur de persona, non prædicatur de aliqua subiecta natura, sed de seipsa, subsistens personaliter. Subsistentia enim non constituit naturam, nec dat illi esse naturæ, sed solum dat illi subsistere: Quocirca ex prædicatione naturæ de persona inferri non potest, individuum prædicari de subiecto. Quod etiam ex eo patet, quia subiecta natura debet esse distincta natura ab eo, cui subicitur; nihil enim potest subijci sibi ipsi. Vnde & species quia subijciuntur generi est à genere distincta per differentiam specificam, & individuum quia subijciuntur speciei est ab illa distinctum per differentiam numericam. Cum igitur natura subsistens personaliter, non sit distincta in ratione naturæ à naturæ individua, non potest dici subiecta naturæ individuali. Ac proinde nec persona est verè natura subiecta naturæ individuali, nec individuum de ea prædicatur tanquam de subiecto.

Secunda proprietas est. Univoce prædicari de primis. Hæc proprietas soli secundæ substantiæ convenit: hæc enim sola univoce, hoc est secundum nomen & rationem de prima prædicatur.

Quod si dicas: etiam accidentia prædicari de prima substantia secundum nomen & rationem. Respondeo: prædicari quidem secundum rationem suam, sed non secundum rationem subiecti, quia ratio accidentium, non est ratio subiecti, solum igitur id quod ita prædicatur de subiecto, ut ejus ratio sit ratio sub-

*Differentia dicitur de specie tanquam de subiecto.*

*Quid sit dici de subiecto.*

*Accidens non dicitur de subiecto.*

*Secunda Proprietas.*

jecti, prædicatur vni vocè simpliciter, accidentia verò prædicantur denominativè, non absolutè vni vocè.

3.

Tertia proprietas est. Hoc aliquid significare, id est significare vnum numero existens. Hæc proprietas soli primæ substantiæ competit. Nam secunda videtur significare hoc aliquid quoad vocem, revera tamen significat id quod est commune multis. Magis autem significat quale quid, quam hoc aliquid: quia quale dicit determinationem Entis, genera autem & species determinant essentiam ad tale esse, & ideo sunt qualitates essentielles substantiæ. Quod si dicas. Si genera & species significant quale quid; ergo prædicantur in quale quid. Respondeo. Licet utrumque significant, sit quale quid, seu qualitas essentialis, modus tamen significandi generis & speciei non est per modum qualitatis adiacentis subiecto, sed per modum per se existentis. Nam & ipsæ qualitates si concipiuntur per modum qualitatum in-existentium subiectis; prædicantur in quale de subiectis, si verò concipiuntur per modum per se existentium prædicantur in quid, de suis inferioribus, non in quale, ut albedo est color. Tantum valet ad prædicandum modus significandi.

Dices: etiam accidentia significant hoc aliquid, quia significant quid determinatum. Respondeo. Accidentia si sumantur in abstracto, non significant hoc aliquid, quia in abstracto non existunt; si verò sumantur in concreto, formaliter significant quale aliquid, materialiter verò significant hoc aliquid, nempe subiectum quod est hoc aliquid.

U. 4.

Quarta proprietas est. Substantiæ nihil esse contrarium. Contraria enim versantur circa idem subiectum à quo se expellunt: at substantiæ non sunt in subiecto, non igitur sunt contrariæ. Quæ ratio concludit de substantiis completis; hæc enim nullo modo sunt in alio. At inquires, ignis & aqua se mutuo tollunt: ergo sunt contrariæ. Respondeo. esse contraria ratione qualitatum, non ratione substantiarum. Nam licet ipsæ substantiæ se mutuo periant, tamen ista peremptio substantiarum, non provenit ex contrarietate ipsarum, sed ex dependentia ab accidentibus, quæ si tollantur, tolli necesse est substantiam. Id ita esse, patet ex eo, quod quædam substantiæ pereunt solum ob destructionem dispositionum necessariorum, nulla existente substantia contraria, ut cum deficiente calore naturali, moritur vivens: quædam verò substantiæ pereunt, actione substantiæ nullo modo adversæ & contrariæ, sed amicæ potius; ut cum quædam actione solis vivificantes & conservantes omnia corrumpuntur. Quin etiam cum vna substantia succedit in locum alterius (quæ videtur in speciem contrarietas) ut cum ex ligno fit ignis, illa successio non fit per exclusionem, vel oppositionem substantiarum, sed solum per exclusionem accidentium, à quibus prior forma dependebat in conservari, & per inductionem novorum accidentium ex quibus nova forma consequitur. Cuius etiam hoc argumentum est, quod quælibet forma cuiuslibet formæ potest succedere in eadem materia, dummodò habeat ibi suas necessarias dispositiones; & tamen non quælibet forma cuiuslibet est contraria; Vnum enim vni est contrarium. Deinde illa successio accidit etiam in formis subordinatis, quæ nullo modo sunt contrariæ, ut in forma seminis & viventis, cum ex semine fit vivens, vel ex elementis mixtum. Non igitur ista successio referenda est in oppositionem formarum substantialium, sed in dependentiam earum ab accidentibus & dispositionibus; destructis enim dispositionibus formæ præcedentis, necesse est illam perire, & induciis dispositionibus

novæ formæ, necesse est novam formam succedere. Quocirca ut formæ sint contrariæ, non satis est, ut sibi succedant in eodem subiecto, neque ut se ab eodem subiecto excludant per accidens ob defectum dispositionum, sed requiritur ut se excludant per se propter formalem oppositionem substantialem; sicut calor per se excludit frigus propter suam entitativam oppositionem.

Sed obijciunt primò Aristoteles 1. Physic. statuit principia rerum naturalium contraria. Respondeo. Ista principia contraria esse formam & privationem, quæ non sunt contraria positivè (vix hic de contrariis loquimur) sed privativè ut non ens alicui dicitur contrarium. Quod si de contrariis positivis intelligatur: dicendum est, formas substantiales esse contrarias, ratione dispositionum, qualis contrarietas sufficit ad transmutationem, de qua ibi loquitur Aristoteles.

Obijciunt secundò, ex 10. Metaph. Omne genus dividitur per contrarias differentias, contraria enim sunt, quæ sub eodem genere maximè distant: ergo & sub genere substantiæ differentia maximè distantes erunt contrariæ.

Respondeo. Ista contrarietas differentiarum si sit solam negativa, invenitur etiam in genere substantiæ, ut cum substantia dividitur in corruptibilem, & in incorruptibilem, corruptibilis in viventem & non viventem, animal in rationale & irrationale: si verò sit positiva, non in omni genere invenitur propriè sed tantum in genere qualitatis, ut inter calorem & frigus, albedinem & nigredinem. Illa verò quæ invenitur in omni genere non constituit Physicam, sed tantum Metaphysicam contrarietatem: Nam Physica sumitur respectu eiusdem subiecti, Metaphysica verò respectu generis à quo oppositæ differentia eo sensu se excludit, quia non possunt simul in eodem eadem convenire.

Obijciunt tertio. Ex effectibus colligimus naturam causarum, & ex accidentibus naturam substantiarum: atqui multæ substantiæ habent effectus contrarios, & accidentia contraria: Ergo & naturas contrarias.

Respondeo. Non posse ex effectibus contrariis colligi contrarietatem causarum: quia ab eadem causa contrarii effectus provenire possunt, V. G. ab eadem voluntate, actus volendi & nolendi; ab eodem intellectu, actus affirmandi & negandi; ab eadem prima causa omnes effectus contrarii: quamvis enim si causæ sint univocæ possint ex contrariis effectibus inferri contrariæ causæ, ut cum calor est causa caloris, frigus frigoris; tamen si causæ sint æquivocæ, hoc est diversæ naturæ ab effectibus, non potest id colligi, quia tales causæ non commensurantur suis effectibus, sed illos excedunt. Vnde fit ut quamvis effectus, in naturis limitatis sint inter se contrarii, tamen ut virtute continentur in sua causa non sunt contrarii, sed unum, quia perdunt suam limitationem, sub qua erant contrarii, ut fiant una perfectio illimitata. Hinc lumen non est contrarium frigori, & si producat effectum frigori contrarium, nempe calorem, quia est causa caloris æquivoca, potestque simul cum frigore lumen in eodem subiecto manere. Simili modo ex contrarietate accidentium, non possumus colligere contrarietatem substantiarum; quia substantiæ sunt causæ æquivocæ accidentium. Quare quod quidam aiunt, substantias esse contrarias virtualiter. Si intelligant esse contrarias in effectibus, quos continent virtualiter, verum dicunt; sed hoc nihil aliud est, quam effectus habere contrarios. Si vero velint propter hanc continentiam virtuales contrariorum, esse etiam in se, & in essentia sua contrarias, falsum est: Nam virtualis illa continentia contrario-



rum, nullam inducit contrarietatem in ipsis causis continenibus, ut patet in lumine & frigore, quæ producunt contrarios effectus, ipsa verò in se non sunt contraria.

Quinta proprietas Substantiæ est, non suscipere magis & minus: Patet inductione: Quia unus homo non est magis homo quam alter. Non est autem facile asserere veram causam, propter quam aliqua recipiant magis & minus, aliqua non. Potest tamen sic res tota explicari. Id suscipit magis & minus, quod participat aliquam rationem, vel formam non secundum totam eius perfectionem; sed secundum maiorem, vel minorem, ut aqua cum sit magis calida, recipit calorem secundum maiorem eius perfectionem. Ea verò non recipiunt magis & minus, quæ habent aliquam formam indivisibilem consistentem, & quæ non potest participare divisibiliter secundum maiorem vel minorem perfectionem, sed tota simul. Talis perfectio est substantiæ; dicit enim substantia essentiam per se existentem: æ essentia sub ratione essentia, non potest nisi indivisibiliter haberi, & tota simul; Commune enim est axioma Philosophorum, essentias rerum consistere in indivisibili, esseque sicut numeros, qui omni additione & subtractione unitatis, mutatur essentialiter. Constituitur enim essentia in ratione essentia per genus & differentiam. Si igitur vel genus vel differentiam subtrahas, tollitur essentia, si verò addas novam differentiam ad essentiam, erit alia essentia. Cum igitur substantia significetur per modum essentia, per se stans, essentia autem consistit in indivisibili, hinc fit, ut substantia non recipiat magis & minus. Quod adeò verum est, ut ne accidentia quidem, quæ magis vel minus recipere possunt in subiecto, secundum maiorem vel minorem suam perfectionem, si tamen significantur per modum essentia per se stantis, non recipiant magis vel minus. Nam album, Verbi gratia, dicimus magis vel minus album, quia potest subiectum habere maiorem vel minorem perfectionem albedinis: at albedinem non dicimus esse magis vel minus albedinem, quia significatur per modum essentia, per se stantis; omnis autem essentia consistit in indivisibili, ita ut ei nihil addi vel detrahi essentialiter possit.

Dices. albedo potest esse maior vel minor: Ergo non consistit in indivisibili, potest maior albedo dici magis albedo, minor minus. Respondeo albedinem secundum essentiam consistere in indivisibili; quia nihil essentialiter ei addi, vel subtrahi potest; & ideo essentialiter non recipit magis & minus: & quia nomine abstracto significatur essentialiter, ideo ut tali nomine significatur non recipit magis & minus. Quoad partes tam intensivas quàm extensivas, est divisibilis: neque tamen propter has partes dicitur magis albedo: quia ut significatur nomine abstracto significatur per modum essentia per se stantis, & esse magis albedinem esset secundum essentiam albedinis esse maiorem, cum tamen non maior sit essentia albedinis, in magna, quam in parva albedine, quia in utraque essentia definitur, genere & differentia.

Ex quo patet magis & minus dici solum respectu alicuius subiecti participantis aliquam formam secundum maiorem vel minorem eius perfectionem, ita ut & subiectum dicatur magis tale, quia maiorem formæ perfectionem participat, & forma dicatur, magis inesse subiecto, quatenus maiori sua perfectione inest, in se autem forma non dicitur magis forma, sed solum respectu subiecti à quo magis vel minus participatur.

Duo autem sunt notanda, aliud esse maius vel minus, aliud magis vel minus. Maius enim & minus spectatur secundum extensionem quandam formæ & plures partes, quas habet in diversis partibus subiecti: Magis autem vel minus sumitur secundum maiorem vel minorem perfectionem formæ, participatam in eodem subiecto, vel in eadem eius parte. Quare forma in seipsa habens plures partes vel pauciores non dicitur magis vel minus forma, sed maior vel minor forma, prout verò illas partes plures, vel pauciores habet in eadem parte subiecti, est ratio subiecto ut dicatur magis vel minus tale: Prout verò illas plures partes habet in distinctis partibus subiecti facit subiectum maius tale, non magis tale. Quare cum homo crescit & augetur, non fit magis homo, sed maior homo, quia hoc incrementum fit per additionem novarum partium subiecti: aqua verò cum in eadem parte subiecti crescit in calore, dicitur magis calida.

Alterum est. Substantiam quidem quatenus substantia est, hoc est, quatenus est essentia quædam per se itas, non recipere magis & minus, ut dictum est. Verum si consideretur in ordine ad aliquam proprietatem, quam magis vel minus participat, potest dici recipere magis vel minus. Sic Aristoteles primam substantiam ait esse magis substantiam, quam secundam, & inter secundas, speciem magis esse substantiam, quam genus: non quidem in essentia substantiæ, sed in substantiando. Est enim magis substantans prima essentia quam secunda; nam secunda ratione primæ subsistit, prima verò per se & ratione sui. Quod si dicis, species abstractas subsistere generi & proprietatibus specificis. Respondeo. Hunc actum substantiandi non esse realem, sed conceptum ab intellectu, realiter autem species non subsistat generi, nisi existens in individuis.

Sexta proprietas, eaque maximè propria substantiæ est, ut vna numero manens sit contrariorum susceptiva. Vbi duo quaeri possunt: Primò. An hæc proprietas soli primæ substantiæ competat, vel etiam secundæ? si enim solum dixisset Aristoteles, Substantiam esse susceptivam contrariorum, facile id accommodaretur etiam secundis substantiis, quæ ratione primarum dicuntur recipere contraria: quæ enim contraria prædicantur de primis substantiis, possunt etiam prædicari de secundis ratione primarum, ut quia Petrus potest esse calidus vel frigidus, homo quoque dicitur calidus vel frigidus. At quia addit Aristoteles; [Cum vna numero sit] id verò facit difficultatem. Videtur enim Aristoteles requirere unitatem numericam in substantia, ad hoc ut sit susceptiva contrariorum: Unitas autem numerica, nullo modo convenit secundis substantiis, sed tantum primis; secundæ enim substantiæ sunt genera & species: genera autem & species constituuntur per abstractionem, à singularibus, & ab unitate numerica, & habent unitatem communem multis, quæ est opposita unitati numericæ: ergo impossibile est unitatem numericam, transferri vilo modo ad secundas substantias; secundæ enim substantiæ, eo ipso, quod induunt unitatem numericam, desinunt esse genera & species. Gaetanus igitur, Albertus, Simplicius, aiunt hanc proprietatem accommodari secundis substantiis, ratione primarum; quia quatenus existunt in primis substantiis, recipiunt contraria, ut autem existunt in primis substantiis sunt vnum numero, quare tunc non considerantur, ut abstracta à singularibus, sed solum secundum quod existunt in singularibus.

Secundò quaeri potest: An omnibus primis substantiis id conveniat? Nam de cælis, & Angelis id videtur dubium. Dicendum tamen est etiam cælos suo mo-

do contraria recipere suæ naturæ convenientia. Nam si cælum constet materia ejusdem rationis, cum materia sublunarium, potest quoque recipere eadem contraria, quæ materia sublunaris recipit: si verò cæli habeant materiam diversæ rationis à materia sublunari, possunt saltem contraria privativa recipere, ut lumen, & privationem luminis: possunt etiam habere motus contrarios, ab oriente & in orientem. Angeli verò non habent quidem accidentia contraria corruptiva suæ substantiæ, habent tamen actus contrarios volendi & nolendi, & motus locales contrarios, & contraria privativa quæ non minus indicant veram rationem substantiæ, quam contraria positiva.

Tertio, quæri potest. An soli substantiæ id competat? Videtur enim etiam accidenti competere: tum quia quantitas recipit ea omnia contraria, quæ materia recipit; mediante enim quantitate omnia accidentia recipiuntur in materia: tum quia oratio est accidens, & tamen eadem numero manens, ex vera sit falsa, merito obiecto: tum quia potentiæ æquæ sunt accidentia, & tamen contraria recipiunt, actus volendi & nolendi, affirmandi & negandi.

Dicendum tamen est. Soli substantiæ convenire hanc proprietatem. Quia recipere contraria, per modum subiecti, solius est substantiæ; accidentia enim non per modum subiecti recipiunt contraria; sed aliis modis: sic quantitas & potentia æquæ recipiunt contraria, tanquam media quædam interposita, non autem ut subiectum. Quod verò ad orationem attinet, ea propriè non recipit veritatem & falsitatem; non enim per alicuius rei in se receptionem, sed per solam obiecti extrinseci mutationem, dicitur vera vel falsa. Unde sine ulla sui mutatione intrinseci sit et vera falsa, & ex falsa vera.

At dices. Aristotelem absolute tribuere hanc proprietatem substantiæ, nulla facta mentione subiecti: neque cum solvit objectionem de oratione suscipiente verum vel falsum, recurrit ad rationem subiecti, sed solum ait, orationem non verè recipere veritatem & falsitatem, quia absque ulla sui mutatione. Respondeo, non fuisse opus adijcere vocem subiecti, cum ea satis contineatur in voce suscipiendi, quod enim propriè suscipit formam nisi subiectum? deinde cum de substantia loquimur, intelligit de ea susceptione quæ substantiæ competit, modus autem suscipiendi proprius est substantiæ, suscipere per modum subiecti. Non solvit autem objectionem de oratione, negando quòd oratio sit subiectum, sed negando quòd verè aliquid recipiat; voluit enim ostendere, illa etiam alia via, & ex illo alio capite, & etiam proprietatem orationi non convenire. Quanquam cum probat orationem non esse verè susceptivam, eo ipso probat non esse subiectum, cum subiecti proprium sit esse susceptivum.



## DISPUTATIO IX.

## De Quantitate.

*De quantitate hoc loco tractabimus ea solum qua ad species  
quantitatis & summum genus predicamenti cogno-  
scendum pertinent, reliqua reservan-  
do ad Physicam.*

## QVÆSTIO PRIMA.

*An sola quantitas molis sit verè & pro-  
priè quantitas?*



Vanitas molis seu magnitudinis, ea dicitur, quæ in corporibus invenitur, longitudine, latitudine, profunditate constans. Hæc enim molem corpoream constituunt: videtur igitur non sola quantitas molis esse verè & propriè quantitas.

*Quantitas  
molis qua di-  
catur.*

Primò. Quia datur etiam quantitas perfectionis, virtutis, intentionis, valoris, ponderis, & aliarum similium rerum. Dicimus enim & perfectionem magnam, & virtutem magnam, & calorem intensum magnum; item valorem, magnam, magnum pondus. Neq; vero aliquid essentialiale deest his quantitatibus ad rationem veræ quantitatis. Nam & ratio essentialis quantitatis, quæ est ratio partium, & omnes quantitatis proprietates his quantitatibus verè competunt; alioqui si hæ quantitates non convenirent in vna generica ratione quantitatis, cum quantitate molis, essent statuenda duo prædicamenta quantitates, alterum pro quantitate molis; alterum pro aliis quantitatibus.

Secundò. Dantur quantitates successivæ, qualis est quantitas motus, & temporis, quas esse verè quantitates ex eo patet quod sint continuæ, & habent partes communi termino copulatas, sicut & in magnitudinibus videmus, eo solùm diffinitione quod magnitudo est quantitas continua permanens, hæ verò sunt succes-

Tertio. Quantitas etiam discreta, ut numerus, est vera quantitas. Si enim multitudo est quantitas, cur non multitudo? & quidem ratio quantitatis in multitudine partium consistens est distincta à ratione quantitatis consistens in ratione partium continuatarum. Neque enim dubium est, aliam quantitatem esse duarum lineearum, aliam vero unius lineæ continuæ decem divisæ æqualem: unde & diversæ sunt interrogationes ac responsiones de quantitate continua, ac discreta. Ut cum dicimus, quanta est linea? & quot sint lineæ? ad primam responderetur per quantitatem continuam, ad secundam per discretam.

*Quantitas  
solis sola est  
verè & proprie  
quantitas*

Dicendum tamen est. Solam quantitatem molis esse verè & proprie quantitatem. Tum quia sola quantitas molis, est accidens peculiare, cuius tota essentia non est alia, quam essentia quantitatis. Aliæ enim quantitates non distinguuntur realiter à re quanta, sed sunt idem cum essentiis earum rerum quarum dicuntur quantitates. Tum quia per ordinem ad quantitatem molis, omnes aliæ quantitates dicuntur quantitates, sive quod similitudinem habeant cum quantitate molis, sive quod ordinem dicant ad ipsam in ratione quantitatis, & propter talem ordinem participent rationem quantitatis.

Propter similitudinem dicuntur quantitates; quantitas perfectionis, quædam virtutis, intensiōis, valoris, & similia. In his enim est similitudo quædam quantitatis, quæ in eo est posita, quod sicut quantitas molis dicit extensionem quandam partium extra partes, ita & dicuntur quantitates suo modo quandam extensionem partium habere.

*Partes sumi-  
tur dupliciter  
ut faciunt to-  
tum, & ut fa-  
ciunt totum  
extensum.*

Quod si dicas has quantitates habere veras partes: ergo & veram rationem quantitatis. Respondet: Partes dupliciter sumi posse. Primo. Ut faciunt totum. Secundo. Ut faciunt totum extensum. Primo modo sunt partes in omni toto, etiam non quantitativo. Nam totum substantiale consistens materia & forma habet partes, etiam abstractum ab omni quantitate: similiter totum essentialis ex genere & differentia constitutum, totum intensivum ex gradibus qualitaris constans. At partes secundo modo acceptæ, hoc est, partes facientes extensionem, proprie inveniuntur in sola quantitate molis, in aliis vero improprie & metaphysice. Nam sola quantitas molis habet partes extra partes, ita ut una non penetret alteram, sed sit extra alteram & extra locum alterius: in aliis vero partes, extra partes proprie non inveniuntur nisi secundum quandam proportionem, & similitudinem. Sunt enim simpliciter partes intra partes, ac proinde non est in illis vera extensio nisi secundum similitudinem & comparisonem cum quantitate corpora.

*Quantitas  
successiva  
quomodo sit  
quantitas.*

Propter ordinem autem ad quantitatem molis dicitur quantitas, Quantitas successiva. Quantitas successiva ut est Motus & Tempus non habet rationem quantitatis nisi per ordinem & respectum ad quantitatem spatii molis, & coextensionem, ac coextensionem quandam cum spatio. Hanc enim ob causam Antiqui motum & tempus dicit esse quanta per accidens. Motus enim est quantus per ordinem ad spatium: nam quatenus mobile habet se divisibiliter in spatio nunc in hoc nunc in illa parte spatii, dicitur motus esse quantus; & maior vel minor, quatenus in maiori vel minori spatio consistit.

Tempus etiam cum sit duratio, & ipsa quantitas motus, & idem cum motus sumit suam quantitatem, eodem modo quo inotus hoc est à successione motus in alia & alia parte spatii: Ac proinde per ordinem & respectum ad spatium.

At inquit, successiva sunt essentialiter continua. Ergo essentialiter quanta. Re-

spiciendo

pondeo. Sicut sunt quanta per accidens, ex quantitate spatii, ita sunt quanta per accidens ex continuatione spatii.

Dices, hac ratione motus non esset intrinsecè quantus, sed per denominationem extrinsecam à quantitate spatii. Respondeo. Motus cum intrinsecè respiciat spatium, & per ordinem ad spatium, seu ex modo se habendi in spatio habeat suam essentiam, motum non est per ordinem ad spatium habere suam quantitatem: siue quod quantitas spatii extrinsecè denotet motum: siue quod quantitas intrinseca motus dicatur, respectu quantitatis spatii: & partes mobiles ut se habent successive in alia & alia parte spatii sint motus, de quo suo loco.

Quod attinet ad quantitatem discretam dico. Eatenus esse veram & propriam quantitatem, quatenus continet in se Quantitatem molis. Explico. In quantitate discreta duo considerari possunt. Primò ratio formalis multitudinis seu numeri, quæ est collectio certa unitatum. Secundò. Quod illa multitudo & numerus sit in rebus quantis. Ratione primæ Quantitas discreta non habet veram rationem quantitatis; tum quia multitudo & numerus secundum rationem suam formalem invenitur in rebus spiritualibus, in quibus non est vera quantitas; tum quia vera quantitas consistit in ratione partium extra partes. At partes numeri ex sua propria ratione non sunt extra partes. Æquè enim numeri ratio salvatur, si unitates quæ sunt partes numeri sunt intra se sicut si sunt extra se. v. g. centenarius Angelorum æquè salvatur si Angeli sint intra idem spatium, sicut si extra. Vnde numerus ex ratione sua formali & propria non requirit partes extra partes, nec unitates tales, quarum una sit extra aliam, ac proinde ex ratione sua formali non est vera & propria quantitas, neq; prædicamentalis sed transcendentalis ut infra dicetur.

Ratione verò secundæ, quantitas discreta est vera quantitas: quia habet partes extra partes: Verum quia id totum provenit à quantitate molis qua sunt affectæ partes numeri seu quantitatis discretæ, idcirco quantitas discreta non nisi ut continet in se quantitatem molis habet veram rationem Quantitatis. Et quia quantitas molis pertinet ad illam materialiter, idcirco materialiter tantum est vera Quantitas. Id verò quod formaliter dicit quantitas discreta supra quantitatem molis est collectio unitatum quæ ratio est ex se transcendentalis. Convenit enim æquè rebus corporeis & spiritualibus, substantiis & accidentibus: item æquè iis quæ verè quanta sunt; sicut iis quæ non sunt verè quanta. In Angelis enim verè invenitur multitudo & numerus, in quibus tamen nemo dixerit esse veram quantitatem. Spiritualibus enim non inest vera quantitas. Vnde ex ratione sua formali habet quidem quantitas discreta rationem aliquam quantitatis (multitudo enim & numerus dicitur maior vel minor quæ proprietates quantitatis) tamen ea quantitas nec est vera quantitas. Quia non dicit partes extra partes. Nec est prædicamentalis sed transcendentalis, cum inveniat in omnibus prædicamentorum generibus, ut infra docebitur. Vnde etiam sequitur: quantitatem discretam differre à quantitate continua solum accidentali differentia. Sicut quantitas divisa à seipsa indivisa differt. Quantitas enim discreta est divisa; continua indivisa. Et ex hac differentia accidentali provenit omnis diversitas, quæ est inter quantitatem discretam & continuam. Et hoc verum est ex natura rei loquendo de quantitate discreta. Nam si loquamur de ea ut concipitur à nobis, aliud est dicendum, de quo infra erit peculiaris questio.

*Motus quæ ratione sit intrinsecè quantus?*

*Quantitas discreta an vera Quantitas?*

## QVÆSTIO II.

*De quantitate magnitudinis in quonam eius essentia consistat.*

*Quantitas  
essentia est  
ratio partium  
extra partes.*

**I**N quantitate magnitudinis multa considerari possunt: ratio partium extra partes, extensio in loco, divisibilitas, mensurabilitas, impenetrabilitas, continuatas. Quantur igitur in quo potissimum ratio quantitatis consistat; non enim hæc omnia ad essentiam quantitatis æquæ pertinent. Quidam igitur quantitatis essentiam dicunt esse divisibilitatem, alii mensurabilitatem, alii extensionem, alii rationem partium extra partes: quæ sententia communior est & vera. Essentia enim est id quod est primum in re & causa cæterorum, talis est in quantitate ratio partium extra partes. Nam alia omnia quæ conveniunt quantitati supponunt rationem partium tanquam fundamentum & causam, ipsa verò ratio partium extra partes; nullam aliam priorem rationem supponit, in qua fundetur & ex qua proveniat: quia enim quantitas habet partes extra partes, ideo in eas dividi potest, & secundum eas mensurari, & ad alia mensuranda adhiberi, non verò è converso, quia dividi & mensurari potest, ideo habet partes: prius enim est habere partes, quam in eas dividi. Impenetrabilitas etiam partium supponit partes extra partes: prius enim sunt partes, quoad substantiam, quam conveniat penetrari non posse, ita ut penetrabilitas sit proprietas quædam partium extra partes. Continuitas etiam est visio quædam ac vinculum partium quantitatis. Omnis autem unio supponit partes, quia uniri debent, quare & continuitas supponit partes extra partes, & solum dicit modum quendam earum seu unionem. Denique extensio in ordine ad locum non est prima ratio quantitatis: supponit enim quantitatem in se extensam, & habet in se ipsa partes extra partes. Prius enim est esse in se extensum, quam coextendi loco; cum illa ipsa extensio, qua res in se extensa est, applicetur loco. Quocirca etiam quæ nullam in se extensionem habent non sunt etiam extensa in loco: quod si loci occupant, inextensa occupant, & indivisibiliter, ita ut sint tota in toto, & tota in singulis loci partibus: quomodo Angelus est in loco & anima rationalis in corpore. Ut ergo aliqua sint extensa in loco, debet esse prius extensa in se per partes extra partes.

*Quantitatem  
essentialiter  
habere partes  
extra partes.*

Verum obijciunt primò. Cum dicitur essentiam quantitatis esse partes extra partes, vel intelliguntur partes esse extra partes entitative, ut una non sit alia, vel quantitative, ut una sit extra locum alterius; Si primum, hoc est commune omni Toni. In omni enim Toto una pars non est alia, alioqui totum non esset compositum ex pluribus, sed esset unum quid simplex. Cum ergo omne Totum habeat partes extra partes entitative, sequeretur omne Totum esse quantitativum, quod tamen falsum est in Toto substantiali, & in Toto intensivo. Si secundum, non potest explicari, quomodo in quantitate sint partes extra partes. Nam si dicantur esse extra partes loci, jam ostensum est non eam esse primam rationem quantitatis: abstrahendo verò a loco, vix potest concipi quomodo partes sint extra partes, in quantitate. Respondeo. Modus proprius, quo pars quantitatis est extra aliam partem, est ita esse extra aliam, ut naturaliter sit extra locum alterius, & non possit ab alia penetrari in eodem loco: non quòd extensio partium in loco sit essentia quantitatis, sed

*Quantitas  
partem esse  
extra aliam  
partem quis  
modus sit proprius.*



sed quod ea extensio indicet essentialē extensionem quantitatis. Nam ut dictum est extensio in loco supponit extensionem partium in ipsa quantitate. Per suas enim partes in se extensas quantitas debet coextendi partibus loci. Unde fit si extensio partium in loco separatur à quantitate (vbi de facto separatur à quantitate corpus Christi in Eucharistia) quantitas habebit partes extra partes in seipsa per quas potest coextendi partibus loci, etiam si de facto non coextendatur, eruntque partes illæ quantitatis certo quodam ordine & continuatione inter se dispositæ, ut una pars continuetur vni non alteri, caput collo, collum pectori, & ratione huius ordinis una est extra aliam.

Obicitur secundò. Substantia sine quantitate habet partes extra partes extensas in loco substantialiter. Ergo partes extra partes non sunt essentialis quantitatis. Essentialis enim quantitatis non potest esse sine quantitate: at partes extra partes sunt in substantia sine quantitate; Ergo non sunt essentialis quantitatis. Probat minor. Primo. Quia cum substantia abstracta quantitate est in loco, non solum partes quantitatis sunt extensæ in loco quantitativè, sed etiam partes substantiæ sunt extensæ substantialiter, ita ut duæ res sint sibi extensæ, & substantia, & quantitas, & una extensio non est altera: Nam extensio substantialis est idem cum substantia, extensio verò quantitatis est idem cum quantitate.

Secundò. Si per Dei potentiam auferatur quantitas à materia, manebunt omnes materiæ partes quæ respondebunt partibus quantitatis, manebunt autem in eodem loco, & eodem modo substantialiter extensæ ut ante, quod ex eo probatur: Quia nullam habent vim qua moveantur ad alium locum & priorem locum deserant; si enim in instanti abstrahatur quantitas à materia, necesse esset partes materiæ moveri, vel in instanti vel in tempore: si in instanti, hoc est impossibile; quia in vno instanti una pars impleat totum spatium per quod moveretur, & simul esset in toto spatio: si in tempore; ergo aliquo saltem tempore esset illa materia extensa in loco sine quantitate, nempe antequam conflueret ad punctum indivisibile. Ad hæc non esset maior ratio ut ad hoc potius, quàm ad aliud punctum moverentur partes materiæ. Nam ex natura rei loquendo æque in vno ac in alio puncto possunt omnes partes colligi; quare ut ad aliquod punctum determinatum confluerent, opus esset aliqua determinatione extrinseca: nam quod est ex se indifferens ad omnem terminum aut non movebitur ex se, aut si movebitur ad omnes terminos æque movebitur, cum non sit maior ratio ut ad vnum potius quàm ad alium moveatur. Si igitur ad hunc motum Dei determinatio necessaria esse dicatur, ea determinatio cum liberè à Deo fiat, potest non fieri, si autem non fiat, partes materiæ in tali casu non movebuntur, neque confluent ad vnum punctum, & sic manebunt in eodem loco extensæ substantialiter sine quantitate.

Ad hoc argumentum. Respondent quidam recentiores, materiam sine quantitate habere partes extra partes entitativè non quantitativè; partes enim quantitativè natura sua sunt impenetrabiles, entitativè verò sunt penetrabiles, & sic distinguuntur essentialiter à partibus quantitativis.

Veni hæc responsio non satisfacit. Nam partes materiæ secundum istam responsionem, non solum sunt entitativæ, sed etiam quantitativæ: quia non solum secundum entitatem una non est alia, sed etiam secundum extensionem; vni enim extensio est extra extensionem alterius. Quod verò dicitur istam

*Non dari extensionem sine quantitate.*

extensionem non esse quantitativam quia non est impenetrabilis: refellendum est; illa, n. extensio est eiusdem planè rationis cum extensione quantitatis, ita ut quantitas non aliam extensionem materiæ conferat, nec aliter extensas faciat materiæ partes, quàm ut ab istis ponuntur extensæ sine quantitate; Essent enim extensæ partes materiæ tam in toto quàm in loco. Quare si impenetrabilitas sequitur ad extensionem quantitatis, proculdubio nõ aliam, aut alterius cuiuspiam rationis extensionem sequetur, quàm ad talem extensionem, qualis ab istis ponitur sine quantitate; illa enim extensio ad quam sequitur impenetrabilitas, in ratione extensionis nullo modo differt ab extensione illa entitativa materiæ, unde etiã sequitur si ad extensionem sequitur impenetrabilitas, necesse est ut sequatur æquè ad extensionem quantitatis quàm ad extensionem illam entitativam materiæ, & sic materia sine extensione entitativa deberet esse impenetrabilis.

Deinde ista extensio entitativa materiæ, cùm sit accidens materiæ potest per Dei potentiam auferri à materia sicut & quantitas: si igitur Deus hanc extensionem entitativam auferat à materia in instanti, vel manebunt partes materiæ in eodem loco ut ante vel non: si manebunt, Ergo sine extensione entitativa erunt extensæ, quod implicat: si non manebunt, ergo idem dici poterat de quantitate quod ablata quantitate non manebant partes materiæ extensæ.

*Materia absq;  
quãtitate ha-  
bet partes en-  
titativas non  
extensas.*

Dicendum igitur est. Materiam absq; quantitate habere quidem partes entitativas, sed non extensas: quia extensio partium tam in toto quàm in loco est effectus formalis quantitatis; at effectus formalis non potest esse sine forma: ergo nec illa extensio partium potest esse sine quantitate; quantitas enim suam & extensionem afficiendo materiam facit illam esse extensam.

Dices. Non omnem extensionem, sed solim impenetrabilem esse effectum quantitatis. Contra quia extensio penetrabilis, quam isti ponunt, & extensio impenetrabilis, sunt eiusdem rationis in ratione extensionis; ergo vel ad utramque sequitur impenetrabilitas, vel ad neutram; ponitur enim impenetrabilitas sequi ut proprietas ad essentiam extensionis.

*Partes mate-  
rie ablata  
quantitate  
non sunt ex-  
tensæ.*

Ad obiectionem igitur respondeo. Negando partes materiæ ablata quantitate futuras extensas, sed eo ipso futuras inextensas & indivisibiles in ordine ad locum, quod vno ex duobus modis fieri potest secundum diversas hæc de re opiniones.

Primo ut eo ipso reddatur materia indivisibilis instar puncti, id quod non fieri per motum localem, ut bene probat obiectio, sed per abstractionem rationis formalis, per quam materia erat extensa & divisibilis, sicut cùm anima definit incutire corpus, definit in momento coexistere toti corpori absque villo motu, solum per subtractionem rationis formalis, per quam coexistebat corpori; sublata enim ratione formali extensionis, necesse est auferri extensionem, sicut sublata albedine, necesse est auferri album.

Secundo, ut materia maneat in toto illo loco, sed indivisibiliter & inextensè tota in toto, & tota in qualibet parte, per modum rerum spiritualium. Porro in primo casu, quo materia redigitur ad punctum pertinebit ad Deum determinare punctum, in qua materia tota consistere debeat. Nam abstrahi quantitas à materia non potest nisi materia maneat inextensa & indivisibilis: ergo aut quantitas maneat à materia auferetur, ut ij dicunt, qui negant quantitatem re distinguì à substantia; aut si auferatur, eo ipso debet determinari ad aliquod punctum indivisibile;

bile; quia enim ista duo ex natura rei sunt necessariò connexa, privari quantitate, & reddi indivisibilem, ideo non potest à Deo auferri quantitas, nisi determinetur punctum, in quo tota materia consistat indivisibilis, cum ex se sit indifferens ad omne punctum.

Obicitur tertio. Quod est totum in qualibet parte non habet partes extra partes: sed essentia quantitatis est tota in qualibet parte: Ergo essentia quantitatis non potest habere partes extra partes: Major patet exemplo animæ quæ cum sit indivisibilis, tota existit in singulis partibus corporis, & Angelus totus existit in singulis partibus loci. Minor probatur. Quia singulis partibus quantitatis convenit tota essentia & definitio quantitatis, singulæ enim partes quantitatis sunt quantitates.

Respondeo. Quod est totum in singulis partibus tota sua reali entitate, illud est indivisibile, & non habet partes, ut patet in anima, & Angelo: at quod est totum in singulis partibus solum per conceptum & rationem, illud non est necesse esse indivisibile realiter. Quantitas igitur non est tota in singulis partibus reali sua entitate, & ideo non est indivisibilis realiter; alia enim est realis quantitatis in una parte, alia in alia, solum verò est tota in singulis partibus, secundum conceptum communem essentia, qui per rationem æquè convenit omnibus & singulis partibus.

Obicitur quarto. Si habere partes extra partes esset essentia quantitatis, darentur aliquæ partes quæ essent essentielles quantitati: at nullæ dantur quæ sint essentielles: Ergo habere partes non est de essentia quantitatis. Minor probatur. Quia quæcumque pars assignatur potest auferri à quantitate; ergo erit accidentalis quantitati. Accidens enim est quod potest adesse, & abesse præter subiecti corruptionem. Dices ablata illa parte desinet quantitas esse tanta ut ante, & sic pars illa non potest abesse sine aliqua quantitatis destructione. Contra. Licet in tali casu quantitas non maneat tanta, manet tamen essentialiter quantitas; Ergo pars illa non spectabat ad essentialiam quantitatis, sed tantum ad integritatem, & ex consequenti erat solum pars integralis non essentialis.

Respondeo. Partem ablatam esse quidem accidentalem reliquæ quantitati à qua auferitur, esse tamen essentiali ei quantitati quam intrinsecè seipsa constituit: Illa enim quantitas quæ est intrinsecè in illa parte ablata non potest manere destructa illa parte; pars enim illa quantitatis, essentialiter est quantitas, & quantitas in illa parte existens, quantitate illius partis est talis.

*Totum tantum existens in singulis partibus tota sua reali entitate est indivisibile, nec partes habet.*

*Part ablata quomodo sit accidentalis & essentialis reliquæ quantitati.*

## QVÆSTIO III.

*An numerus sit ens reale vel rationis?*

DE numero qui est quantitas discreta multa queri possunt, quæ cum alibi non soleant explicari, hic explicanda sunt, ut ita pateat quomodo numerus sit species quantitatis.

Primo igitur queritur. An numerus sit Ens reale vel rationis? Esse realem existimat Soncinnus, 10. Metaphysic. Quest. 18. Javellus 8. Metaph. quest. 9. Hervæus quodlibeto 3. q. 9. Ratio est quia numerus est id, quo res sunt totæ vel totæ. Ad questionem

questionem enim Quot sunt? respondetur per numerum. Quot sunt planetæ? Septem. Quot oculi? duo. Atqui res sunt tot quot sunt, nullo cogitante intellectu. Ergo numerus totus est à parte rei, nullo modo pendens ab intellectu. Minor patet 1. Quia non ideo sunt res tot à parte rei, quia tot numerantur ab intellectu; sed potius ideo tot numerantur ab intellectu, quia tot sunt à parte rei: invenit enim intellectus à parte rei res tot; & ideo non potest numerare nec plures nec pauciores. 2. Quia res esse tot, nihil aliud est quam esse omnes quæ sunt, non plures nec pauciores. At à parte rei sunt nec plures nec pauciores: Ergo à parte rei sunt tot: neq; enim intellectus facit illas non esse plures nec pauciores.

*Numerus in  
sua ratione  
formali & in  
esse numeri  
pendet ab ani-  
ma.*

Communis tamen sententia cum Aristotele in 4. Physic. tex. 131. tenet numerum in sua ratione formali, ac proinde in esse numeri pendere ab anima: ait enim: si impossibile sit numerativum esse, impossibile quoq; est numerabile aliquid esse: quare neque possibile est numerum esse: numerus enim est aut numeratum, aut ipsum numerabile. Ex quibus verbis necessario concluditur, numerum formaliter per numerationem constitui, vel in ordine ad numerationem: numerum quidem numeratum per numerationem actualem, numerum verò numerabilem per numerationem potentialem. Alioqui si non per numerationem constitueretur numerus in ratione formali numeri falsa erit ratio Aristotelis. Quod si impossibile sit numerativum esse, impossibile quoque esse ut sit numerus: Sicut enim color, qui in ratione coloris non pendet à visu; esset, etiamsi visus non esset possibilis; in ratione tamen visibilis quia pendet à visu; non dicitur visibilis, nisi in ordine ad visum, & si visus non esset, neque visibile esset: ita & numerus, ut multitudo quædam est, non pendet ab anima numerante; quia multitudo, est multitudo etiamsi non numeretur, nec numerari possit: tamen ut illa multitudo est numerus pendet ab anima numerante; propter numerationem enim dicitur numerus, & si non esset possibile numerans, non esset etiam possibilis numerus.

*Numerus sine  
ordine unita-  
tum non est  
numerus.*

Idem probatur Ratione. Numerus enim est multitudo unitatum ordinata secundum rationem primi, secundi, tertii, &c. Atqui multitudo non est hoc modo ordinata à parte rei, sed solum per intellectum. Ergo numerus non est numerus nisi per intellectum. Major patet: quia multitudo nisi sit illo modo ordinata, non est in vlla specie numeri: omnis enim numerus vel est binarius, vel est ternarius, &c. qui omnes numeri constituuntur in ratione numeri, per secundam, tertiam, vel quamvis aliam ultimam unitatem: At quod non est in vlla specie numeri, neq; numerus est: à quo enim remouetur omnes species, remouetur & genus: Ergo multitudo sine ordine unitatum non est numerus.

*Ordo unitatum  
non est sine  
intellectu.*

1.

2.

*Infiniti actu  
numeri.*

Quod verò ordo ille unitatum non sit à parte rei sine intellectu. Probatur 1. Quia nulla unitas est magis prima quam secunda, vel tertia, sed æquè potest fieri prima sicut ultima. Cum ergo à parte rei non sint determinatæ unitates ad talem ordinem, necesse est ut determinentur ab intellectu numerante: Ex numeratione enim hæc statuitur: prima, illa ultima ad placitum numerantis. 2. Quia alioqui dicerentur infiniti actu numeri in rerum natura. Nam sumo decem unitates, in hoc denario inveniuntur etiam duo quaternarii, qui cum denario faciunt ternarium, ternarius rursum cum duobus quaternariis & denario faciunt quaternarium; & sic in infinitum procedendo, posito vno denario poni necesse esset infinitos numeros ex denario actu consequentes, quod absurdum non sequitur, si dicatur numeros fieri ab intellectu successivè; sic enim possunt plures & plures in infinitum fieri; nunquam

nequam tamen sunt actu infiniti. At si ex natura à parte rei oriuntur, necesse est simul infinitos actu omni, & quidem specie distinctos.

Tertio. Sequeretur vnum tantum numerum esse rerum omnium. Numerus enim per se oritur ex divisione quantitatis: ergo tantus erit numerus, quanta divisio quantitatis, & sic omnium rerum quantarum vnus erit numerus formaliter, scilicet; materialiter esset multiplex, quoad res subiectas quantitati, quod est per accedens numero, qui per se quantitatem respicit. Quod si numerus fiat ab intellectu ordinante unitates: tunc tantus, & talis erit numerus, quantum & qualem intellectus numerando constituerit, statuendo hanc primam, illam ultimam unitatem; & sic alius erit numerus leonum, alius hominum, item alius hominum in templo, alius in foro.

Norandum igitur est, in numero tria considerari. 1. Multitudinem unitatum. 2. Determinationem unitatum ad tot, non plures nec pauciores, absq; vilo ordine in unitatibus, vt si in foro sint tot homines quot sunt, nullo numero illorum initio. Tertio ordinationem unitatum secundum rationem primi, secundi, tertii. Qui ordo unitatum specificatur ab vltima unitate: talis enim species numerus dicitur, qualis fuerit vltima unitas, verbi gratia, à septima unitate denominatur numerus septenarius, à decima denarius.

Numerus igitur quoad multitudinem unitatum non pendet ab anima, sed oritur realiter ex divisione quantitatis; Divisio enim realis terminatur ad multa realiter, idemq; est esse multa, & diuisa.

Secundo. Quoad determinationem unitatum, ad esse tot, quot sunt; numerus non pendet ab anima. Esse enim tot unitates, est esse non plures nec pauciores; atque à parte rei, unitates omnes & singulæ sunt in seipsis, nec plures nec pauciores. Ergo à parte rei sunt determinatæ, ad esse tot secundum multitudinem. Et sicut magnitudo dicitur realiter tanta, vt non sit maior nec minor, idq; seipsa quatenus vltimus non extenditur, qui est terminus negatiuus quantitatis; ita & multitudo est tanta realiter, ipsis suis unitatibus, quatenus non sunt plures nec pauciores; sic enim sunt tot per negationem vltioris extensionis, qui est terminus negatiuus. Quæ quidem negatio vltioris extensionis, non convenit numero ratione ordinis; quia conuenit ante omnem ordinem unitatum, & ante omnem terminum ordinis, qui terminus sumitur ab vltima unitate in ordine. Imo sine vilo ordine, tam antecedente quàm consequente, unitates sunt tot, quot sunt, per negationem plurium, & pauciorum.

Potè multitudo determinata ad tot unitates, non erit formaliter numerus, nisi accedat ordo unitatum: quia omnis numerus denominatur talis vel talis ab vltima unitate, verbi gratia, à sexta senarius, à septima septenarius; at unitas non dicitur sexta nisi quia in ordine est sexta, & respectu aliarum quinque unitatum, ad quas accedit. Vnde multitudo non ordinata, est solum numerus materialiter, quia est materia tanti, vel tanti numeri, ipsa verò secundum se est tanta negatiue; quia non est plurium, nec pauciorum unitatum: non autem: est tanta secundum numerum.

Tertio igitur quoad ordinem unitatum, in quo consistit vltimata ratio numeri, numerus pendet ab anima numerante, ob rationes dictas.

Atinques. Potest dari à parte rei ordo aliquarum rerum citra omnem operationem intellectus ita, vt ab intellectu numerari non possit, vt cum vnus oritur ex a-

3.  
*Vnus tantum numerus esset in mundo.*

*Numerus tria completitur.*

*Numerus secundum quid pendet ab anima & non.*

*Unitates sunt tot, quot sunt, sine intellectu.*

lio, & aliud ex illo quod accidit inter passionem, quarum una oritur ex alia, & intelligibile ex admirativo, admirativum ex discursivo, discursivum ex rationali oritur iterum quodam ordine. Similis ordo est inter causam & effectum: hic enim ordo est realis, cum vnum realiter sit prius altero, nec huius ordinem mutare potest intellectus; non enim potest facere effectum sua causa prioris, nec causam suam effectui posteriorem; & sic sequetur dari numerum aliquem realem.

*Ordo potest dari realis, sed qui ad numerum spectet per accidens.*

Respondeo. Dari quidem aliquem ordinem realem, verum hic ordo per accidens spectat ad numerum: ordo enim numeri oritur ex numeratione, cum videlicet in numerando aliquid primum, aliquid secundum, vel tertium dicitur ad quod impertinens est ordo causalitatis: æque enim numerus binarius est, si consistat ex una & effectui, sicut si consistat duobus causis, & duobus effectibus. Item æque binarius est, si causa in numerando sit prima, sicut si sit secunda. Quamvis enim causalitate deberet esse prior effectui, tamen in ordine ad numerationem, æque potest esse prima, sicut secunda, cum alia sit primitas numerationis, alia causalitatis, & una potest esse sine alia.

*Numerus potest esse assignatus maiori rebus ab anima; si quidem ab ea pendet?*

Obiicies secundò. Si numerus pendet ab anima posset ab anima assignari rebus numerus maior, vel minor ad placitum; essent etiam plures earundem rerum numeri, si à pluribus numerentur: ut si centenarius ovium numeretur à tribus, essent tres centenarii ovium, & oves triplo plures, quam sint.

Respondeo. Si numerus tam quoad formale, quam quoad materiale pendere ab anima, sequerentur ea absurda: At quia quoad materiale pendere ab anima, diceretur vnitatum non pendere ab anima, sed tantum quoad ordinem, ordo autem non potest esse maior, nisi secundum multitudinem vnitatum; idcirco si anima non potest facere plures unitates quam sint, ita nec maiorem numerum. Similiter plures numerantes quia non faciunt plures unitates, ideo non faciunt plures numeros simpliciter. Licet enim numeri numerantes sint plures, numerus tamen numeratus est unus, & est simile exemplum in artificialibus: hæc enim etsi pendunt ab artifice, quoad formam, non tamen pendunt quoad materiam: & ideo non ex quolibet ligno fit ab artifice Mercurius.

*Unitates dicuntur dupliciter Tot.*

Obiicies Tertiò. Numerus nihil aliud est, nisi tot unitates, unde quando de numero querimus, querimus quot sint. At à parte rei sunt tot unitates: Ergo à parte rei citra operationem animæ, est numerus. Respondeo. Dupliciter unitates dicuntur tot, vel per negationem plurium & pauciorum, & hoc modo sunt tot à parte rei; vel tot secundum ordinem numeri, & hoc modo non sunt tot à parte rei sed ab anima numerante. Unde rectè distingui potest Tot multitudinis, & Tot numeri: dicuntur autem tot numeri, quæ sunt tot secundum aliquam speciem numeri. Verbi gratia, sex aut decem: ea enim tot dicuntur à sexta, vel decima in ordine unitate.

*Numerus in ratione numerus pendet ab anima.*

Hic igitur positus. Dico primo. Numerum in ratione numeri pendere ab anima ut probatum est.

*Numerus in duobus ab anima pendet.*

Dico secundò. Numerum secundum completum esse tantum pendere ab anima: quia multa sunt in numero quæ sunt à parte rei, & non pendunt ab anima, scilicet multitudo, & determinatio unitatum: solum ergo in complemento quodam numerus pendet ab anima. Hoc autem complementum potest assignari duplex: primum est Ordo primæ, secundæ, tertiæ unitatis: Aliud est unitas numeri; nam cum numerus sit multitudo unitatum, est vnum per accidens, non vnum per se. Ut

ergo efficiatur vnum per se; pendet ab anima, concipiente numerum vnum per modum actus & potentie, materie & forme. Nam sicut res à forma habent suum esse, suam denominationem, & unitatem, ita numerus ab ultima unitate tanquam à forma concipitur habere suum esse, denominationem & unitatem, de quo infra.

Quod si queras, an numerus in suo esse formali dicendus sit pendere ab anima? Resp. Affirmative, quia ratio formalis numeri sumitur ex ultima unitate, sexta vel decima. At unitatem esse sextam vel decimam, est ab intellectu numerante: ergo numerus secundum esse formale numeri pendet ab anima. Idem patet ex speciebus numeri, ternario vel denario; Hæ enim ex ultima unitate sumuntur & denominantur, & ut varix fuerint unitates ultimæ, ita varix erunt numerorum species.

*Numerus in suo esse formali pendet ab anima.*

Dico tertio. Numerus etsi pendeat ab anima in suo esse completo, non tamen simpliciter est ens rationis, quia non quoad omnia, sed quoad aliquid à ratione pendet, & quamvis habeat aliquid in sua essentia, sive formaliter, sive per modum connotati, quod sit ens rationis; non tamen simpliciter est ens rationis. Nam à simili natura universalis pendet ab anima in sua essentiali unitate, & aptitudine ad multa, non tamen simpliciter dicitur ens rationis; Id enim simpliciter dicitur ens rationis, quod tam materialiter, quam formaliter, est ens rationis. Quod autem formaliter tantum est ens rationis, idque secundum aliquid in ratione formali contentum, dicitur secundum quid ens rationis, multo verò magis si connotet solam non verò dicat in recto illud ens rationis, licet sine ente rationis connotato non existat illa ratio formalis; sicut finis non est finitas sine connotatione nasi.

*Numerus etsi pendeat ab anima, non tamen est ens rationis.*

Circa hanc conclusionem, quidam recentiores sentiunt numerum etsi formaliter pendeat ab anima, non esse tamen vilo modo, nec secundum quid ens rationis; sed omnimodè ens reale. Ratio est: quia numerus constituitur in ratione formali numeri per numerationem, hoc est per denominationem extrinsecam ab actu numerandi. At numeratio est realis: ergo & denominatio unitatum à numeratione erit realis, & ex consequenti numerus in esse numeri, erit omnimodè realis.

*Numerum etsi pendeat ab anima esse realem quidam dicunt.*

Verum id facile refellitur: Hoc enim modo omnia entia rationis essent realia, quia concipiuntur reali conceptione. Dupliciter ergo dicitur aliquid realiter concipi, vel quia reali actu concipitur, vel quia sub reali ratione concipitur. Ad hoc igitur ut aliquid sit simpliciter reale, non satis est, quod reali conceptione concipitur, sed opus est ut sub reali ratione concipiat: sicut cum concipio hominem rationabilem, vel risibilem, concipio sub ratione reali, quæ à parte rei existit. Cum verò concipio naturam universalem, concipio sub ea ratione quæ in re non existit, sed tantum in intellectu, & ideo concipio in ea aliquid quod sit ens rationis. Hoc ergo modo numerus concipitur, & numeratur ab intellectu, nempe sub illa ratione rationis, quæ illi non convenit nisi per intellectum, & est ens rationis.

*Refellitur. Realiter concipi aliquid dicitur dupliciter.*

At obijciens primò. Obiectum Arithmeticæ quæ est scientia realis, est reale formaliter: at numerus est obiectum Arithmeticæ; ergo erit secundum suam rationem formalem quid reale, & nullo modo rationis. Nam si dicas posse esse scientiam realem de obiecto non reali, nempe de ente rationis, qualis scientia est Logica. Contra: Scientia denominatur realis ab obiecto: quia est de obiecto sub ratione reali: totum enim suum esse, & specificationem habet ab obiecto. Logica vero quatenus est de ente rationis, est scientia non realis, sed rationalis: quia est circa quæ non in re, sed in ratione existunt.

*Numerus concipitur sub relatione rationis.*

Resp.



lio, & aliud ex illo quod accidit inter passionem, quarum una oritur ex alia, & rati-  
onale ex admirativo, admirativum ex discursivo, discursivum ex rationali oritur or-  
to quodam ordine. Similis ordo est inter causam & effectum: hic enim ordo est ra-  
tionalis, cum vnum realiter sit prius altero, nec hunc ordinem mutare potest intel-  
lectus; non enim potest facere effectum sua causa prioris, nec causam suo effectui  
posteriorem; & sic sequetur dari numerum aliquem realem.

*Ordo potest  
dari realiter, sed  
qui ad numerum  
spectet per acci-  
dens.*

Respondeo. Dari quidem aliquem ordinem realem, verum hic ordo per acci-  
dens spectat ad numerum: ordo enim numeri oritur ex numeratione, cum vide-  
licet in numerando aliquid primum, aliquid secundum, vel tertium dicitur ad quod  
impertinens est ordo causalitatis: æque enim numerus binarius est, si consistat cau-  
sa & effectus, sicut si consistat duobus causis, & duobus effectibus. Item æque bin-  
arius est, si causa in numerando sit prima, sicut si sit secunda. Quamvis enim in cau-  
salitate deberet esse prior effectus, tamen in ordine ad numerationem, æque potest  
esse prima, sicut secunda, cum alia sit primitas numerationis, alia causalitatis, &  
una potest esse sine alia.

*Numerus po-  
test sine affragi  
maior rebus ab  
anima; si qui-  
dem ab ea pen-  
det?*

Obiicies secundò: Si numerus pendet ab anima posset ab anima affragi rebus  
numerus maior, vel minor ad placitum; essent etiam plures earundem rerum nu-  
meri, si a pluribus numerentur: ut si centenarius ovium numeretur a tribus, essent  
tres centenarii ovium, & oves triplo plures, quam sint.

Respondeo. Si numerus tam quoad formale, quam quoad materiale pendere ab  
anima, sequeretur ea absurda: At quia quoad materiale, hoc est quoad multi-  
tudinem unitatum non pendet ab anima, sed tantum quoad ordinem, ordo autem  
non potest esse maior, nisi secundum multitudinem unitatum; idcirco si anima  
nō potest facere plures unitates quam sint, ita nec maiorem numerum. Similiter plu-  
res numerantes quia non faciunt plures unitates, ideo non faciunt plures numeros  
simpliciter. Licet enim numeri numerantes sint plures, numerus tamen numeratus  
est unus, & est simile exemplum in artificialibus: hæc enim etiam pendet ab arti-  
fice, quoad formam, non tamen pendet quoad materiam: & ideo non ex quolibet  
ligno fit ab artifice Mercurius.

*Unitates di-  
cuntur dupli-  
citer Tot.*

Obiicies Tertiò. Numerus nihil aliud est, nisi tot unitates, unde quando de  
numero quaerimus, quaerimus quot sint. At à parte rei sunt tot unitates: Ergo à  
parte rei citra operationem animæ, est numerus. Respondeo. Dupliciter unitates  
dicuntur tot, vel per negationem plurium & pauciorum, & hoc modo sunt tot à  
parte rei; vel tot secundum ordinem numeri, & hoc modo non sunt tot à parte  
rei sed ab anima numerante. Unde rectè distingui potest Tot multitudinis, &  
Tot numeri: dicuntur autem tot numeri, quæ sunt tot secundum aliquam speciem  
numeri. Verbi gratia, sex aut decem: ea enim tot dicuntur à sexta, vel decima  
in ordine unitate.

*Numerus in  
ratione nume-  
rus pendet ab  
anima.*

His igitur positis. Dico primo. Numerum in ratione numeri pendere ab anima  
uti probatum est.

*Numerus in  
duobus ab ani-  
ma pendet.*

Dico secundò. Numerum secundum completum esse tantum pendere ab ani-  
ma: quia multa sunt in numero quæ sunt à parte rei, & non pendet ab anima  
multitudo, & determinatio unitatum: solum ergo in complemento quodam  
numerus pendet ab anima. Hoc autem complementum potest assignari duplex: 6-  
num est Ordo primæ, secundæ, tertiæ unitatis: Aliud est unitas numeri; nam cum  
numerus sit multitudo unitatum, est vnum per accidens, non vnum per se. Vt  
ergo

ergo efficiatur vnum per se; pendet ab anima, concipiente numerum vnum per modum actus & potentiae, materiae & formae. Nam sicut res à forma habent suum esse, suam denominationem, & unitatem, ita numerus ab ultima unitate tanquam à forma concipitur habere suum esse, denominationem & unitatem, de quo infra.

Quod si queras, an numerus in suo esse formali dicendus sit pendere ab anima? Resp. Affirmative, quia ratio formalis numeri sumitur ex ultima unitate, sexta vel decima. At unitatem esse sextam vel decimam, est ab intellectu numerante: ergo numerus secundum esse formale numeri pendet ab anima. Idem patet ex speciebus numeri, ternario vel denario; Hæ enim ex ultima unitate sumuntur & denominantur, & ut variae fuerint unitates ultimæ, ita variae erunt numerorum species.

*Numerus in suo esse formali pendet ab anima.*

Deo tertio. Numerus etsi pendeat ab anima in suo esse completo, non tamen simpliciter est ens rationis, quia non quoad omnia, sed quoad aliquid à ratione pendet, & quamvis habeat aliquid in sua essentia, siue formaliter, siue per modum connotationis, quod sit ens rationis; non tamen simpliciter est ens rationis. Nam à simili, in natura universalis pendet ab anima in sua essentia unitate, & aptitudine ad multa, non tamen simpliciter dicitur ens rationis; Id enim simpliciter dicitur ens rationis, quod tam materialiter, quam formaliter, est ens rationis. Quod autem formaliter tantum est ens rationis, idque secundum aliquid in ratione formali contentum, dicitur secundum quid ens rationis, multo vero magis si connotet solam non verò dicat in recto illud ens rationis, licet sine ente rationis connotato non existat illa ratio formalis; sicut limitas non est limitas sine connotatione nasi.

*Numerus etsi pendeat ab anima, non tamen est ens rationis.*

Circa hanc conclusionem, quidam recentiores sentiunt numerum etsi formaliter pendeat ab anima, non esse tamen illo modo, nec secundum quid ens rationis; sed omnimodè ens reale. Ratio est: quia numerus constituitur in ratione formali numeri per numerationem, hoc est per denominationem extrinsecam ab actu numerandi. At numeratio est realis: ergo & denominatio unitatum à numeratione erit realis, & ex consequenti numerus in esse reali, erit omnimodè realis.

*Numerum etsi pendeat ab anima esse realem quidam dicunt.*

Verum id facile refellitur: Hoc enim modo omnia entia rationis essent realia, quia concipiuntur reali conceptione. Dupliciter ergo dicitur aliquid realiter concipi, vel quia reali actu concipitur, vel quia sub reali ratione concipitur. Ad hocigitur ut aliquid sit simpliciter reale, non satis est, quod reali conceptione concipiatur, sed opus est ut sub reali ratione concipiatur: sicut cum concipio hominem rationabilem, vel risibilem, concipio sub ratione reali, quæ à parte rei existit. Cum verò concipio naturam universalem, concipio sub ea ratione quæ in re non existit, sed tantum in intellectu, & ideo concipio in ea aliquid quod sit ens rationis. Hoc ergo modo numerus concipitur, & numeratur ab intellectu, nempe sub illa ratione rationis, quæ illi non convenit nisi per intellectum, & est ens rationis.

*Refellitur.*

*Realiter concipitur aliquid dicitur dupliciter.*

At obijcies primo. Obiectum Arithmeticæ quæ est scientia realis, est reale formaliter: at numerus est obiectum Arithmeticæ; ergo erit secundum suam rationem formalem quid reale, & nullo modo rationis. Nam si dicas posse esse scientiam realem de obiecto non reali, nempe de ente rationis, qualis scientia est Logica. Contra: Scientia denominatur realis ab obiecto: quia est de obiecto sub ratione reali: totum enim suum esse, & specificationem habet ab obiecto. Logica vero quatenus est de ente rationis, est scientia non realis, sed rationalis: quia est circa quæ non in re, sed in ratione existunt.

*Numerus concipitur sub relatione rationis.*

*Resp.*

*Numerus est  
obiectum reale  
Arithmetice  
sub ratione  
reali.*

Resp. Numerum esse subiectum reale. Arithmetice sub ratione reali quoniam  
tis; Numerus enim ut est multitudo unitatum quantarum, est quantitas realis. Et  
licet hæc quantitas numeri quoad aliquid pendeat ab intellectu, nempe quoad or-  
dinem, & quoad unitatem quantitatis; quod enim sit una quantitas hoc habet ab  
intellectu, cum in re multe unitates sint multe quantitates. Tamen hæc dependen-  
tia ab intellectu non impedit, quo minus numerus sit obiectum scientiæ realis.  
Nam etiam scientiarum realium obiectum est universale (scientia enim est de u-  
niversalibus) universale autem tam quoad suam unitatem, quam quoad universalita-  
tem pendet ab intellectu. Naturæ enim à parte rei sunt multe, & sunt una na-  
tura per intellectum per quem etiam habet illa natura ordinem ad multa. Satis ergo  
est obiectum scientiæ esse reale fundamentaliter, & secundum id quod dicitur fun-  
damentaliter, considerari. Quid si dicas etiam ens rationis esse reale fundamen-  
tally; neq; tamen esse obiectum scientiæ realis. Resp. Obiectum scientiæ realis est  
illud ipsum fundamentum ens rationis, & licet complectatur in esse obiectum per  
ens rationis, simpliciter tamen est obiectum reale, ea realitate, quæ ad scientiam re-  
quiritur: ens verò rationis cum dicitur obiectum, statuitur obiectum solum secun-  
dum esse suum formale, & ideo non est obiectum reale.

*Numerus qua  
ratione sensu  
percipitur.*

Obijcies secundo. Id quod sensu percipitur, est ens reale, at numerus sensu per-  
cipitur. Est enim sensibile per se ex 2. de anima c. 6. ergo est ens reale non ratio-  
nis. Nam ens rationis sentiri non potest. R. Numerum sensu percipi ut est mul-  
tudo unitatum sensibilem; non ut est constituta per ordinem unitatum quæ est ratio  
formalis numeri. Quis enim dicat Brutum percipere senarium vel denarium  
formaliter? Solum enim percipit unitates multas & discretas non reducendo  
illos ad speciem aliquam numeri, neque numerando; hoc enim est proprium ho-  
minis.

## QVÆSTIO IV.

*An numerus sit unum per se, vel unum  
per aggregationem?*

*Sententia pri-  
ma.*

1.  
*Essentia uti  
numeri.*

Affirmat S. Thomas prima parte. quæst. 11. artic. 1. & 2. Capreolus in 1.  
distinct. 24. ubi etiam Argentina & Scotus (quantquam Scotus dubius est)  
Socinas, Iavellus, Hervæus supra citati, Caietanus, & Scotus in Logica. Licet  
nim in numero sint materialiter multe unitates divisæ ab invicem; formaliter ta-  
men ut ad rationem numeri binarii, vel ternarii pertinent, sunt unum per se & una  
essentia constituta per ultimam unitatem tanquam per formam, danstem esse, &  
denominationem toti numero. Probatur primo ex Aristot. qui 8. Metaphys. 14.  
essentias rerum comparat numeris, docetque essentias esse vii numeros. Ut enim  
numeri omni additione vel detractione unitatis ultimæ mutantur in essentia nu-  
meri; ita & essentia, additione vel detractione differentia mutantur essentiam.  
Hæc comparatio inepta esset, si numeri non habent veram, & unam essentiam  
quomodo enim aliarum essentiarum exemplar esse possent si essentiam unam non  
haberent?

2. Secundò ratione à priori. Ex materia enim & forma fit unum per se: atqui in  
numero

numero ultima unitas est forma aliarum unitatum in ordine ad esse numeri; per eam enim denominatur & constituitur numerus in certa specie, nempe ternarii, quaternarii, &c. Ergo numerus est unum per se. Hinc Aristoteles 5. Metaph. t. 19. ait *Sex non sunt sex non esse bis tria, sed semel sex*, ostendens à sexta unitate sumi formam & species tria.

Tertio de Ente per accidens non datur scientia. At de numero datur scientia Arithmetica, Ergo numerus non est Ens per accidens, sed per se habens unam essentiam.

Negant numerum esse unum per se, sed tantum unum per collectionem, & ordinem sicut exercitus. Albertus 8. Metaphysic. tex. 1. 6. 8. Gregorius & Ocham in 1. distinct. 14. Fonseca 5. Metaph. cap. 1. 3. quæst. 4. Probant autem primum ex Aristotele. Nam 10. Met. t. 4. numerum ait esse pluralitatem unitatum, & t. 3. ibidem esse multam unam, & 8. Met. t. 10. Numerus inquit, autem non est unus, sicut congeries: aut si est, dicendum erit, quid sit illud, quo numerus est unus: ac si diceret non potest assignari per quid numerus sit unus. Denique 1. Met. 40. cur inquit, unum sit numerus collectus? Ac si diceret non est causa propter quam numerus sit unus.

*Sententia secunda.*

Secundò ratione: Nam numerus vel statuitur una simplex Entitas, vel composita ex pluribus. Si primum peto, in quo subiecto erit hæc simplex Entitas? Verbigra, binarii, an in utraque unitate, an in altera? non in utraque, quia idem numero accidens non potest esse in distinctis numero subiectis: non in altera; quia non est major ratio quod sit in una quam in altera. Deinde si sit in una, illa erit manens una binarius: quia in se habet formam binarii; à qua binarius dicitur binarius. Si vero numerus dicatur una Entitas, composita ex multis unitatibus inter se ordinatis: hoc etiam dici non potest. Nam multa Entia simpliciter non fiunt unum per se propter solum ordinem & respectum extrinsecum, sed tantum unum per accidens. Alioqui exercitus habens unitatem ordinis, esset unum per se, & omnes res in mundo, cum sint inter se ordinatæ, essent unum per se, & una essentia.

Media sententia est, numerum spectata rei natura non esse unum per se; sed tantum unum unitate ordinis, ut secunda sententia dicebat, ut verò à nobis concipiatur, esse unum per se in intellectu. Hanc sequitur Suarez in Metaph. disp. 4. 1. & Fonseca supra.

*Sententia media.*

Pro quo notandum est ut ex duobus Entibus fiat unum per se seu una essentia, Requiritur 1. ut illa duo sint unius generis. Nam ex rebus diversorum generum non fit unum per se, ut ex substantia, & ex accidente; Item ex quantitate, & qualitate. 2. ut sint res illæ incompletæ in essentia sub illo genere. Sic enim ex duobus incomplexis essentis, fit una essentia completa, & ex materia, & forma fit unum compositum substantiale. Quod si sint Entia completa & perfecta, non fiunt unum per se, cum completè, & perfecte distinguantur; sic duo homines non sunt unus homo, nec exercitus hominum est unum per se. 3. Ut illa Entia incompleta habeant se ut actus, & potentia: nam propterea ex duabus formis substantialibus incomplexis non fit unum Ens per se, quia non habent se ad invicem ut actus & potentia substantialis: neque sibi substantialiter subordinantur; ex materia verò & forma fit una substantia, quia habent se ut potentia & actus; ex actu enim & potentia fit unum per se. 4. Ut sint sibi realiter unita. Nam si sint à se divisa, & distantia, non erit ex illis una res & essentia. Sic ex corpore & anima separata non constituitur unus homo, nec una res, quamvis alia omnia requisita ad essentiam constituendam non desint.

*Ad id ut ex duobus Entibus fit unum per se qua requirantur?*

1. *Sint res unius generis.*  
2. *Incompleta.*  
3. *Sint ut actus & potentia.*

4. *Realiter sibi unita.*

N

*Numerus est  
obiectum reale  
Arithmetice  
sub ratione  
reale.*

Resp. Numerum esse subiectum reale Arithmetice sub ratione reali quantitatis; Numerus enim ut est multitudo unitatum quantarum, est quantitas realis. Et licet hæc quantitas numeri quoad aliquid pendeat ab intellectu, nempe quoad ordinem, & quoad unitatem quantitatis; quod enim sit una quantitas hoc habet ab intellectu, cum in re multæ unitates sint multæ quantitates: tamen hæc dependentia ab intellectu non impedit, quo minus numerus sit obiectum scientiæ realis. Nam etiam scientiarum realium obiectum est universale (scientia enim est de universalibus) universale autem tam quoad suam unitatem, quam quoad universalitatem pendet ab intellectu: Naturæ enim à parte rei sunt multæ, & sunt una natura per intellectum per quem etiam habet illa natura ordinem ad multa. Satis ergo est obiectum scientiæ esse reale fundamentaliter, & secundum id quod dicitur fundamentaliter, considerari. Quid si dicas etiam ens rationis esse reale fundamentaliter; neq; tamen esse obiectum scientiæ realis. Resp. Obiectum scientiæ realis est illud ipsum fundamentum entis rationis, & licet complectatur in esse obiectum per ens rationis, simpliciter tamen est obiectum reale, ea realitate, quæ ad scientiam requiritur: ens verò rationis cum dicitur obiectum, statuitur obiectum solum secundum esse suum formale, & ideo non est obiectum reale.

*Numerus qua  
ratione sensu  
percipitur.*

Obijcies secundo. Id quod sensu percipitur, est ens reale, at numerus sensu percipitur. Est enim sensibile per se ex 2. de anima c. 6. ergo est ens reale non rationis. Nam ens rationis sentiri non potest. R. Numerum sensu percipi ut est multitudo unitatum sensibilium; non ut est constituta per ordinem unitatum quæ est ratio formalis numeri. Quis enim dicat Brutum percipere senarium vel denarium formaliter? Solum enim percipit unitates multas & discretas non reducendo illos ad speciem aliquam numeri, neque numerando; hoc enim est proprium hominis.

## QVÆSTIO IV.

*An numerus sit unum per se, vel unum  
per aggregationem?*

*Sententia prima.*

1.  
*Essentia uti  
numeri.*

Affirmat S. Thomas prima parte. quæst. 111. artic. 1. & 2. Caprecolus in l. distinct. 24. ubi etiam Argentina & Scotus (quoniam Scotus dubius est) Socinas, Iavellus, Hervæus supra citati, Caietanus, & Sotus in Logica. Licet enim in numero fiat materialiter multæ unitates divisæ ab invicem; formaliter tamen ut ad rationem numeri binarii, vel ternarii pertinent, sunt unum per se & una essentia constituta per ultimam unitatem tanquam per formam, dantem esse, & denominationem toti numero. Probatur primo ex Aristot. qui 8. Metaph. ubi essentias rerum comparat numeris, docetque essentias esse uti numeros. Ut enim numeri omni additione vel detraktione unitatis ultimæ mutantur in essentia numeri; ita & essentia, additione vel detraktione differentia mutantur in essentia. Hæc comparatio inepta esset, si numeri non habent veram, & unam essentiam: quomodo enim aliarum essentiarum exemplar esse possent si essentiam unam non haberent?

2. Secundò ratione à priori. Ex materia enim & forma fit unum per se: atqui in

numero ultima unitas est forma aliarum unitatum in ordine ad esse numeri; per eam enim denominatur & constituitur numerus in certa specie, nempe ternarii, scilicet, &c. Ergo numerus est unum per se. Hinc Aristoteles 5. Metaph. t. 19. ait *Sex non sunt sex non esse bis tria, sed semel sex, ostendens à sexta unitate sumi formam & species tria.*

Tertio de Ente per accidens non datur scientia. At de numero datur scientia Arithmetica, Ergo numerus non est Ens per accidens, sed per se habens unam essentiam.

Negant numerum esse unum per se, sed tantum unum per collectionem, & ordinem sicut exercitus. Albertus 8. Metaphysic. tex. 1. 6. 8. Gregorius & Oham in 1. distinct. 14. Fonseca 5. Metaph. cap. 13. quest. 4. Probant autem primo ex Aristor. Nam 10. Met. t. 4. numerum ait esse pluralitatem unitatum, & t. 1. ibidem esse multum unum, & 8. Met. t. 10. Numerus inquit, autem non est unus, sicut congeries: aut si est, dicendum erit, quid sit illud, quo numerus est unus: ac si diceret non potest assignari per quid numerus sit unus. Denique 1. Met. 40. cur inquit, unum sit numerus collectus? Ac si diceret non est causa propter quam numerus sit unus.

*Sententia secunda.*

Secundo ratione: Nam numerus vel statuitur una simplex Entitas, vel composita ex pluribus. Si primum, peto, in quo subiecto erit hæc simplex Entitas? Verbi gratia, binariis, an in utraque unitate, an in altera? non in utraque, quia idem numero accidens non potest esse in distinctis numero subiectis: non in altera; quia non est major ratio quod sit in una quam in altera. Deinde si sit in una, illa erit manens una binarius: quia in se habet formam binarii; à qua binarius dicitur binarius. Si vero numerus dicatur una Entitas, composita ex multis unitatibus inter se ordinatis: hoc etiam dici non potest. Nam multa Entia simpliciter non sunt unum per se propter solum ordinem & respectum extrinsecum, sed tantum unum per accidens. Alioqui exercitus habens unitatem ordinis, esset unum per se, & omnes res in mundo, cum sint inter se ordinatæ, essent unum per se, & una essentia.

Media sententia est, numerum spectata rei natura non esse unum per se; sed tantum unum unitate ordinis, ut secunda sententia dicebat, ut verò à nobis concipiatur, esse unum per se in intellectu. Hanc sequitur Suarez in Metaph. disp. 4. 1. & Fonseca supra.

*Ad id ut ex duobus Entibus fiat unum per se seu una essentia, requiritur 1. ut illa duo sint unius generis. Nam ex rebus diversorum generum non fit unum per se, ut ex substantia, & ex accidente; Item ex quantitate, & qualitate, 1. ut sint illæ incompletæ in essentia sub illo genere. Sic enim ex duobus incomplexis essentis, fit una essentia completa, & ex materia, & forma fit unum compositum substantiale. Quod si sint Entia completa & perfecta, non fiunt unum per se, cum completæ, & perfectæ distinguantur; sic duo homines non sunt unus homo, nec exercitus hominum est unum per se. 3. Vt illa Entia incompleta habeant ut actus, & potentia: nam propterea ex duobus formis substantialibus incomplexis non fit unum Ens per se, quia non habent se ad invicem ut actus & potentia substantialis: neque sibi substantialiter subordinantur; ex materia verò & forma fit una substantia, quia habent se ut potentia & actus; ex actu enim & potentia fit unum per se. 4. Vt sint sibi realiter unita. Nam si sint à se divisa, & distantia, non erit ex illis una res & essentia. Sic ex corpore & anima separata non constituitur unus homo, nec una res, quamvis alia omnia requisita ad essentiam constituendam non desint.*

*Ad id ut ex duobus Entibus fiat unum per se qua requirantur?*  
1. *Sint res unius generis.*  
2. *Incompleta.*  
3. *Sint ut actus & potentia.*

4. *Realiter sibi unitæ.*

desunt. Sic duæ aquæ divisæ & separatæ, non sunt una aqua, donec in unum coeant, & ratio est quia unitas est indivisio Entis : ergo quæ sunt divisa quantitas sunt divisa, non possunt dici unum.

*Numerus non est unum per se à parte rei. Non ex omni actu & potentia fit unum per se.*

*De sunt numero ad unitatem per se.*

- 1.
- 2.
- 3.

4.

Ex his ergo patet numerum non esse unum per se : quia constat unitatibus diversis secundum quantitatem, & completis in genere quantitatis, neque obstat quod unitates primæ ad ultimam habeant se ut potentia ad actum : non enim semper ex potentia & actu fit unum per se : alioquin ex substantia & accidente fieret unum per se : sed requiruntur etiam alix supra dictæ conditiones præcipue ut actus & potentia sint unus generis, & uniti inter se. Quocirca in numero etiam si fit actus & potentia, non tamen fit unum per se : quia desunt alix conditiones unitatis per se. Nam 1. unitates in numero sunt actu à se divisæ, eamque divisionem numerus essentialiter requirit, ita ut si desit divisio, non sit formaliter numerus, 2. Hæc potentia unitatum ad ultimam unitatem est tantum potentia ad aliquid accidentale unitatibus ; hoc est, ad ordinem. Ordo autem non facit res, quarum est ordinis essentialiter, sed tantum accidentaliter, ut patet in exercitu. 3. Ex duobus Entibus completis, quantumvis ordinantur ad invicem, ut potentia & actus, non fit unum per se, in Entibus enim completis est completa distinctio ; ac proinde non potest esse unitas : Porro multa quanta ex quibus constat numerus, sunt Entia completa in genere quantitatis : non potest igitur ex illis esse unum per se in genere quantitatis. 4. Hæc potentia est ad actum per solam rationem existentem ; ex Ente autem reali & rationis non fit unum per se : Ergo neque ex unitatibus & ordine fit unum per se. Maxime cum tam ordo quam unitates sint species completæ in suo genere, ex duabus autem speciebus non fit una species ut sæpe inculcat Aristoteles.

*Quod advenit Enti completo est accidentale.*

Quod si dicas unitates numeri esse multas in se, in esse tamen numeri formali esse unum : hoc dici non potest : quia illa unitas quæ advenit Entibus completis in suo esse, est accidentalis : quod enim Enti advenit in actu est accidens : hæc vero unitas sumitur ab ea re quæ advenit Enti in actu, nempe ab ordine qui advenit unitatibus in actu completo constitutis : Ergo unitas numeri est accidentalis unitatibus : alio qui hoc modo, omnia Entia per accidens possent dici unum.

*Numerus non est unum per se.*

*Numerus fitur dicendus unum per aggregationem.*

Dico igitur. 1. Cum secunda sententia numerum spectata rei natura non esse unum per se, nec ipsam essentiam ut patet ex dictis. Quod si quæras an fit dicendus unus per aggregationem ? R. Esse quidem unum per accidens ; quia est unum per rationem accidentalem unitatibus, hoc est, per ordinem : non esse tamen unum per aggregationem : quia unum per aggregationem non habet unitatem specialem à qua dicatur unum, sed tantum dici nudam collectionem plurium, ut cumulus lapidum. At in numero est quidem collectio plurium unitatum, sed habentium specialem ordinem ad ultimam unitatem, à qua denominatur unus numerus, unde non sunt unum merè per aggregationem, sed per ordinem ad unum maxime cum illud unum habeat se per modum Formæ.

*Numerus ut à nobis concipitur est unum per se.*

*Declaratur exemplo.*

Dico secundò. Numerum ut à nobis concipi potest, & communiter concipitur, esse unum per se, uti decebat prima sententia ; quia etsi revera, & à parte rei, non consistat potentia & actu essentiali (hic enim non est nisi inter Entia incompleta & sibi unita) tamen à nobis concipi potest (& quidem cum fundamento in re) per modum potentix & actus essentialis ; ac proinde ut unum per se & una essentia ; dante illi hanc unitatem intellecta. Id quod declarari potest exemplo naturæ universalis, quæ ex natura rei non est una essentia, sed plures & divisæ : intellectus



tamen abstrahendo illam à differentiis facit esse unam & indivisam essentiam, habet enim hujus unitatis fundamentum in re. Quod igitur abstractio facit in natura universalis, hoc facit in numero consideratio actus & potentie: sicut enim abstractio facit naturam unam, ita actus & potentia facit unam essentiam.

Dices hanc unitatem actus & potentie esse Entium completorum, & divisorum, ac proinde non esse unitatem essentialem. R. Materialiter quidem illa Entia sunt completa, & divisa: formaliter tamen & ut in esse numeri, considerantur per modum Entium incompletorum, & indivisorum in genere numeri. Habet verò intellectus hujusmodi conceptus fundamentum in re; quia ratio quantitatis quæ est in unitatibus, est apta nra concipi tanquam una essentia; cum eadem quantitas quæ indivisa, fiat divisa; & rursum ex divisa, fiat indivisa. Vnde addita ratione potentie & actus quantitati divise potest illam concipere ut unam essentialiter propter rationem potentie & actus, licet quoad terminos quantitativos sit divisa & multiplex.

Dices. Hæ ratione omne aggregatum per accidens faceret intellectus unum essentialiter considerando in illo rationem potentie & actus. R. Minime; quia non in omni aggregato ea quæ aggregantur habent fundamentum, ut sint & efficiantur una essentia, nec fundant rationem potentie & actus eo modo quo unitates in numero: duo enim quanta ablatis solum terminis quantitativis, sunt una quantitas & una essentia. Vnde in illis majus est fundamentum, ut stante divisione, possint concipi, ut una essentia propter rationem potentie & actus. Ex quibus patet ad argumenta primæ sententiæ. Probat enim numerum à nobis concipi posse ut unum essentialiter, non verò talem esse spectata rei natura.

Ex hac questione solvitur alia. An numeri differant ab invicem specie? Videntur enim differre solum secundum majus & minus: nam ternarius est una major unitate binario, quaternarius ternario: majus autem & minus sicut in quantitate continua non variant speciem ita & indiscreta: & ita sentit Iandunus 2. Metaphys. quest. 3. Communis tamen sententia est differre specie: quia differunt ultima unitate sexta, verbi gratia, vel nona, quæ secundum ordinem differunt specie; senarius enim specificatur à sexta unitate, septenarius à septima, novenarius à nona; & licet in ratione unitatis non differant specie, differunt tamen in ratione sextæ, septimæ, nonæ unitatis. Denique cum binario additur tertia unitas: binarius non fit major binarius, sed definit esse binarius, & acquirit novum esse nempe ternarii. Porro cum aliquid fit majus, non amittit priorem quantitatem, sed acquirit tantum novam partem similem; ac hic binarius addita unitate perit, & transit in speciem ternarii. Vnde patet numerum in ratione multitudinis non differre nisi secundum majus & minus: quia addita unitate ejusdem rationis cum aliis unitatibus, fit tantum major multitudo unitatum, ac in ratione numeri differt specie: quia additur unitas specie distincta. Ex quo patet ad fundamentum Iandunus. Ternarius enim non solum major est binario ob plures unitates, sed etiam specie ab eo distinguitur per tertiam unitatem: quæ ut tertia distinguitur specie ordinis à secunda. An verò hæ species sint accidentales unitatibus vel essentielles, eodem modo distinguendum est, sicut paulò ante distinximus, de numero ex natura rei & ut concipitur à nobis.

*Numeri differant ab invicem specie?*

## QVÆSTIO V.

*An numerus sit vera species quantitatis?*

*Non esse veram speciem probatur.*

1.

2.

3.

4.

*Esse speciem accidentalem.*

*Esse veram & essentialem speciem.*

*Numerus transcendentalis*

**Q**ui negant numerum esse unum per se, negant consequenter esse veram speciem quantitatis: Primo: Quia species quantitatis est quantitas: numerus autem cum sit multitudo quantitarum, non est quantitas, sed quantitates, & sicut calculus lapidum non est species substantiæ, cum non sit substantia, sed multitudo substantiarum, ita & numerus quantorum. 2. Quantitas formaliter est quid reale: Ergo & species habet reales: generis enim realis species & differentiæ debent esse reales, ac numerorum species constituuntur, & distinguuntur per ordinem qui est Ens rationis; ergo non possunt esse species quantitatis realis. 3. Numeri constituuntur in specie numeri per ordinem unitatum. At ordo est quid accidentale rebus quantis; ergo per eum res quantæ non distinguuntur, nisi accidentaliter sua specie accidentali non essentiali; species enim accidentalis fundatur in accidenti, essentialis in essentia. 4. Numerus ex ratione sua formali est quid transcendens, & non magis spectans ad quantitatem quàm ad alia prædicamenta, sicut & unætes ex quibus constituitur sunt quid transcendens; quia non determinantur ad certum prædicamenti genus: At repugnat transcendens speciem esse generis prædicamentalis; species enim prædicamentalis est determinata ad illud prædicamentum, ergo numerus non potest esse species quantitatis.

Alii distinguunt numerum in transcendentalem, & prædicamentalem; illi tamen non esse speciem quantitatis; quia non habet partes quantas, cum fundetur in quocunque Ente extra quantitatem; (datur enim numerus quantitatem, qualitatem, relationem) hunc verò esse speciem quantitatis: quia constituitur partibus quantis. Verum aliqui dicunt esse speciem accidentalem, hoc est, accidentali differentia distinctam à quantitate continui; numerus enim sola divisione & ordine partium quantarum differt à quantitate continua. Divisio autem & ordo est accidens quoddam rerum quantarum, quod potest adesse & abesse, præter subiecti corruptionem.

Alii verò concedunt esse veram, & essentialem speciem quantitatis, sive ex natura rei ut Thomistæ, sive in intellectu, ut alii.

Porro Aristoteles videtur omnino esse huius sententiæ, nempe quòd numerus sit vera species quantitatis: nam & hic, & in 5. Metaph. dividit quantitatem in magnitudinem & multitudinem, in continuam & discretam, & alias quidem species, quæ in speciem videntur esse quantitates rejicit eo quòd deficient à vera ratione quantitatis; vel quia sunt quanta per accidens; ut est tempus & motus. Numerum verò & discretam quantitatem constanter asserit esse speciem quantitatis. Unde non potest dici in hac re vulgarem opinionem secutus, cum vulgarem opinionem de motu, & tempore rejiciat: de numero verò sequatur, unde communis sententia Peripateticorum est numerum esse veram quantitatis speciem Aristoteli.

Dico igitur primo numerum transcendentalem non esse veram speciem quantitatis. Ratio est. Quia de essentia quantitatis est habere partes extra partes: At numerus

numerus transcendentalis non habet partes extra partes : ergo non est vera quantitas. Habet quidem numerus transcendentalis unitates tanquam partes, sed istæ partes, ut ad numerum spectant, non sunt partes extra partes. Tum quia æquæ constitunt numerum, si sint partes intra partes, sicut si sint extra partes; æquæ enim sunt multæ utrovis modo sumantur. Tum quia partes sunt extra partes, formaliter per extensionem; (hic enim est formalis effectus extensionis.) At numerus transcendentalis, ut talis, non habet partes extensas, & quantas : ergo.

non est vera species quantitativæ.

Pro majori autem explicatione quantitas primo, cur numerus dicatur prædicamentalis vel transcendentalis? Nam si dicatur prædicamentalis, quia ad prædicamentum quantitatis spectat, ea causa non est sufficiens : quia numerus æquæ spectat ad quantitatem sicut ad qualitatem, substantiam, & alia genera : quia in omnibus talis vel transcendentalis? his ratio formalis numeri invenitur, Ita ut per accidens sit numero esse in quantitate vel qualitate, &c. Deinde si numerus qui est in quantitate spectat ad prædicamentum quantitatis & ideo dicitur prædicamentalis, pari ratione numerus qualitatum erit prædicamentalis ad prædicamentum qualitatis spectans, & sic omnes numeri erunt prædicamentales, & nullus transcendentalis; sicut enim unitates ex quibus constituitur sunt certorum prædicamentorum, ita & numerus ex ipsis constituitur.

Adhuc si transcendentalis dicatur, qui vagatur per omnia vel pleraque prædicamenta; Solus numerus in abstracto erit transcendentalis : quia hic vagatur per omnia prædicamenta, verbi gratia, binarius vel ternarius in abstracto. Numerus verò applicatus certæ materiæ particulari, verbi gratia, substantiæ, quantitati, qualitati, non poterit dici transcendentalis : quia numerus substantiarum non vagatur per alia prædicamenta, sed in sola substantia invenitur, similiter & numerus quantitatum, qualitatum, relationum. Vnde hi omnes numeri erunt æquæ prædicamentales non transcendentales. Cur enim numerus quantitativus potius dicatur prædicamentalis, & spectans ad quantitatem & non alii numeri substantiarum & qualitatum, qui etiam spectant ab substantia, & qualitate?

Respondeo. Quod sicut quantitas alia est prædicamentalis & vera quantitas; alia transcendentalis, quæ solum similitudinem quandam habet quantitatis, & in omni Ente invenitur, qualis est quantitas perfectionis, valoris, durationis, & alix talis & Transcendentalis. Similes : ita & numerus, quia ex ratione sua formali dicit quantitatem quandam unitatum secundum multitudinem, majorem & minorem, distinguitur in prædicamentalem, qui constituitur ex partibus seu unitatibus verè quantis, & transcendentalem, qui non habet in se veram sed tantum similitudinariam quantitatem, Ita talis & Transcendentalis. ut prædicamentalis dicatur à vera & prædicamentali quantitate; transcendentalis à similitudinaria & transcendentali quantitate. Sicut enim quantitas perfectionis, durationis, intensificationis, virtutis, est quantitas transcendentalis & impropria; ita & quantitas multitudinis, ut multitudo est; sola verò multitudo rerum quantarum est verè quanta, propter partes extra partes, & ideo ad genus veræ quantitatis prædicamentalis spectat.

Non est autem, Numerus ut numerum, seu ut est multitudo unitatum, dicere quantitatem quandam unitatum : Ad quæstionem enim Quot sunt? Respondeatur per numerum; & major, vel minor quantitas unitatum, numero definitur. Est quantitas etiam omnis numerus divisibilis, mensurabilis, æqualis, vel inæqualis, quæ omnes proprietates sunt quantitatis. Dices. Ad rationem formalem numeri per accidens se habet quantitas; numerus enim formaliter constituitur per ordinem unitatum,

Numerus ut numerus dicitur quantitas unitatum.

tum, ordo autem in sua ratione formali non dicit quantitatem, sed relationem. Resp. Numerus formaliter non est solus ordo unitatum, sed multitudo ordinata. Licet ergo ratione ordinis non includat quantitatem, includit tamen ratione multitudinis: multitudo enim quā multitudo, est quantitas quædam unitatum, ex qua patet responsio ad rationem dubitandi.

*Quantitas numeri transcendentalis distinguitur ab essentialiter à quantitate prædicamentali?*

Quæritur secundo. An quantitas numeri transcendentalis, sit distincta essentialiter à quantitate prædicamentali? Resp. Distingui sicut similitudinariam & rerum. Nam prædicamentalis est vera quantitas cum veris partibus extra partes transcendentalis autem est similitudinaria quædam quantitas, habens partes non verè sed similitudinariè ex 3. partibus, & quæ faciunt majus secundum pluralitatem, non secundum veram extensionem. Sunt etiam extra alias entitativè potius, quàm quantitativè. Esse autem entitativè partem extra aliam, est non esse aliam; non esse autem aliam non dicit veram aliquam extensionem. Deinde, quantitas transcendentalis habet partes diversæ rationis; à partibus quantitatis prædicamentalis: nam hæ sunt extensæ, illæ non, sed sæpe sunt indivisibiles; ut in numeris rerum spiritualium: ex diversis autem partibus extra partes, diversa quantitas constituitur.

*Numerus transcendentalis fitne propriè numerus?*

Quæritur tertio. An numerus transcendentalis sit propriè numerus? negat enim S. Thomas prima parte quæst. 3. artic. 3. & in prima distinct. 24. quæst. 1. Vbi Capreolus & Ægydius, item Soncinas 1. Met. quæst. 3. Iavellus 8. Metaph. quæst. 11. quia Aristoteles docet numerum oriri ex divisione continui 3. Physic. t. 6. & 7. & pro eodem accipit differre numero & secundum quantitatem differre 3. Metaph. t. 11. & alibi. In secundo etiam de anima cap. 6. ait numerum esse sensibile commune: item docet quantitatem & numerum abstrahere à materia solum ratione. Quæ omnia indicant numerum inveniri solum in rebus quantis: Adhuc numerus est quantitas: at quantitas non est propriè extra res materiales: ergo nec numerus.

*Numerus propriè invenitur in rebus non quantis.*

Affirmant tamen alii in prima distinct. 24. Gabriel, Ochan, Gregorius, Myer, Aureolus, & Marsilius in primo quæst. 27. art. 1. quia cum numerus sit collectio unitatum: unitates autem propriè non solum sint in rebus quantis, sed etiam in aliis entibus: necesse est numerum quoque esse non solum in rebus quantis extra res quantas in aliis Entibus. Nequè obstat quod numerus sit primò inventus in rebus quantis. Nam satis est quod dicat rationem talem quæ propriè tribui possit rebus etiam non quantis, sicut & aliæ perfectiones primò sunt deprehensæ in rebus sensibilibus, ut sapientia, bonitas: quia tamen dicitur rationem formalem quæ ex se abstrahit à sensibilibus, & insensibilibus, ideo propriè tribuitur etiam rebus insensibilibus. Aristoteles verò de numero corporum loquens, ait eum oriri ex divisione continui, & esse sensibile commune, & abstrahere à materia solum ratione. Quamquam si de quantitate numeri loquamur, solum prædicamentalem numerum est propriè quantus, transcendentalis impropiè, uterque tamen est propriè numerus, quatenus numerus dicit collectionem unitatum.

Ex quibus patet numerum dici transcendentalem, tum ratione quantitatis, quia dicit quantitatem transcendentalem, quæ consequitur quodcumque Ens, & ab eo non distinguitur ex natura rei: tum secundum rationem suam formalem secundum quam abstrahit à rebus quantis, & non quantis; sic enim nullo certo generi prædicamenti assignari potest.

Dico secundò. Numerus prædicamentalis est vera species quantitatis; quia constat ex partibus verè quantis, & ab intellectu potest concipi per modum unius, ut præcedenti quæstione explicatum est.

Quod si quæras an sit species distincta essentialiter à quantitate continua? ad id respondendum est secundùm distinctionem in præcedenti quæstione datam: species enim rei natura, solum differt accidentaliter seu differentia accidentali, nempe divisione & ordine; Vtraque autem hæc differentia est accidentalis essentialitatis; potest enim adesse & abesse non mutata essentialiter quantitate. Nam quòd dicitur numeros differre specie, per ultimam unitatem. Respondeo. Differre specie ordinis, non specie quantitatis. Alia enim est species ordinis, alia quantitatis, cum ordo sit relatio, quantitas Ens absolutum; nec ordo adveniens quantitati facit eam habere diversas partes extra partes, quam habeat sine illo ordine. Est etiam ordo ille accidens quoddam quantitatis, & quidem completum in sua specie relativa. Unde non potest esse differentia essentialis quantitatis.

Ad hæc, quæcumque de quantitate numeri dicuntur, bene & sufficienter explicantur per additam differentiam accidentalem, nempe divisionem & ordinem, nulla alia differentia essentiali intellecta. Nam cum dicitur numerum facere, ut res sint tot vel tot, quæ est distincta quantitas à longitudine, latitudine, & profunditate. Respondetur, propter divisionem in quantitate, res esse tot vel tot, & prout fuerunt plures vel pauciores divisiones, eo major, vel minor erit numerus. Cum enim dicitur numerum esse divisibilem, mensurabilem, æqualem vel inæqualem, hæc omnia salvantur per solam divisionem accidentalem; secundùm enim plures vel pauciores divisiones, numeri erunt æquales, vel inæquales, commensurabiles vel non commensurabiles. Quod si in multitudine cernitur quantitatis ratio distincta à magnitudine, ea est transcendentalis & impropria, quippe quæ rebus etiam non quantis competat formaliter. Quoad quantitatem verò propriè dictam non distinguitur numerus à quantitate prædicamentali nisi accidentaliter; ea enim quantitas numeri in eo consistit quòd numerus constat ex partibus verè quantis, quantitate molis, ablata igitur quantitate molis non erit ulla vera ratio quantitatis; nisi ea quæ ex ratione numeri in communi oritur: quæ est transcendentalis & invenitur in non quantis.

Pro quo notandum est, essentialiam quantitatis esse rationem partium extra partes. Hanc verò rationem partium esse diversam in quantitate continua & discreta, inde patet quòd partes continuæ sint partes suis extensionibus partialibus in ordine ad unam extensionem totalem constituendam; nempe unam magnitudinem, longitudinem, latitudinem, profunditatem; Partes verò discretæ non sunt partes unius totalis magnitudinis, & considerantur formaliter, non sub ratione extensionum, sed sub ratione unitatum distinctarum, ut enim sunt multa una, componunt unam multitudinem. Id ita esse patet primo ex eo, quòd quantitas multitudinis est etiam ibi, ubi nullæ partes sunt extensæ ut in Angelis & in rebus spiritualibus; ergo per accidens facit extensio partium ad rationem multitudinis. Secundo quòd possunt esse plures partes multitudinis, & pauciores extensionis, ita ut multitudo sit major, extensio minor & è contra. Nam duo ligna palmaria paucas partes multitudinis habent, nempe duas, & tamen hæc duæ suis partialibus extensionibus faciunt maiorem extensionem quam decem partes magnitudinis unius digiti. Quocirca alia est ratio partium & quantitatis in multitudine, alia

*Numerus prædicamentalis est vera species quantitatis; Sed accidentaliter non essentialiter.*

*Quantitativa essentia quæ sit.*

alia in magnitudine. Tercio, quia majus & minus non dicuntur nisi ratione quantitatis: Cum ergo manente eadem quantitate quoad magnitudinem, sit major quantitas quoad multitudinem, evidens est diversam rationem quantitatis & partium esse in magnitudine & multitudine. Verum quamvis hæc diversitas in ratione quantitatis negari non debeat, ista tamen quantitas diversa, quæ in numero censetur, est quantitas numeri transcendentalis: quia convenit numero ut abstrahatur à vera quantitate & convenit rebus etiam non quantis, & est propriè quantitas multitudinis in communi. Quatenus verò numerus consideratur secundum quantitatem veram & secundum partes verè extra partes, sic non differt nisi accidentaliter à quantitate continua. Partes enim quantæ numeri, non differunt à quantitate continua nisi divisione sola. Unde si uniantur, & per unionem auferatur divisio, erunt una quantitas continua.

*Numerus ut concipitur à nobis est species essentialiter quantitativæ.*

Iam si spectetur numerus non ex natura rei, sed ut concipitur à nobis, sic est species essentialiter distincta, à quantitate continua, quia concipitur essentialiter constituta per ultimam unitatem tanquam per formam, & actum essentialem aliarum unitatum; cujus conceptus est fundamentum in ipsa natura partium, quæ talis est ut sit unusibilis in unam essentiam, sive realiter per unionem realem, & continuationem partium, sive per considerationem intellectus comparantis unitates inter se per modum actus & potentie.

*Numerus quomodo una essentia.*

Ex quibus patet ad primum primæ sententiæ, numerus enim ut concipitur à nobis, est una essentia & una quantitas, ut verò est à parte rei, sunt multe res quantæ.

*Numerus quæ ratione est unum reale.*

Ad secundum. Respondeo; numerus ut dicit quantitatem, est quid reale, nec constituitur per Ens rationis; est enim quantus ut est multitudo unitatum. Multitudo autem in ratione multitudinis non pendet ab anima. Verum tamen est ut illa multitudo sit unum, pendet ab anima; sicut & nature particulares; ut sit una natura universalis, dependet ab anima: hoc tamen sicut non tollit realitatem nature universalis, ita nec numeri.

*Numerus per quid constituitur in ratione quantitativæ.*

Ad tertium. In ratione quantitatis numerus non constituitur per ordinem & Ens rationis, sed per partes quantas.

Ad quartum. Numerus præter quantitatem transcendentalem, quæ ex ratione formali ipsius oritur ut abstrahit à rebus quantis & non quantis, habet aliam prædicamentalem, secundum quam est vera species prædicamenti quantitatis quatenus nimirum constat ex partibus vere quantis.

*Divisa possunt concipi ut indivisa.*

At obijcies. Divisa quæ divisa non possunt concipi indivisa; cum igitur de ratione numeri sit habere unitates divisas (alioqui non essent multe) sequetur eas non posse concipi indivisas, nec tanquam unum essentialiter. Resp. Quæ sunt divisa uno modo, posse concipi ut indivisa alio modo, non enim unus modus est indivisionis; quare unitates numeri et si divisæ sint secundum terminos quantitativos, quam divisionem perdit per continuationem quantitativam, ita ut indivisio continuationis opponatur formaliter huic divisioni; tamen per conceptum intellectus sunt indivisæ per modum actus & potentie, quatenus ultima unitas intelligatur alius advenire & uniri sicut actus potentie, & sic sunt unum essentialiter, eo modo quo est forma & materia sit unum.

*Numerum ponere per se & essentialiter*

Sed quæres Primò quæ sit necessitas ponendi numerum, per se & essentialiter unum, cum ad rationem numeri sufficiat divisio illa accidentaliter unitatum & ordo? Resp. Esse necessitatem duplicem. Primò. Propter auctoritatem Aristotelis & Por-

à Peripateticorum, qui semper loquuntur de numero tanquam de vera & essentiali specie. Regula autem est, loquendum esse cum multis, sentiendum cum paucis. *Secundo* propter scientiam; Arithmetica enim demonstrat de numero positiones ipsius de ratione autem objecti scibilis, est ut sit unum per se & una essentia sui dans passionem demonstrabiles; non enim potest esse scientia de Ente per accidens. Denique habet quiddam peculiare numerus, ut possit concipi ab intellectu per modum unius essentiae, ut dictum est.

Quæres secundò. An numerus tanta perfectione sit unus essentialiter sicut alie species Entium naturalium? Resp. Nequaquam, propter duo. Primò: quia alie res habent suas differentias essentielles à parte rei, numerus autem à parte rei habet differentiam accidentalem, quæ per solum intellectum concipitur ad modum differentie essentialis. Secundò in aliis rebus differentia essentialis sumitur à forma incompleta, in numero autem sumitur à forma completa, nempe ab unitate ultima quæ est quid completum; Ex quo sequitur species rerum naturalium majori ratione esse unum essentialiter, propter unam essentiam à parte rei, quam numerus cuius essentia solum per intellectum est una.

Quæres terriò. An de essentia numeri sit esse numeratum actu? Resp. Negative, solum enim est de essentia numeri, ut sit numerabilis; nam per hoc quod unitates sunt numerabiles, intelliguntur habere numeri essentiam, & cum actu numeratur, non fit, sed invenitur, & cognoscitur numerus; Quod potest explicari à simili, exemplo quantitatis, de cuius ratione est habere partes extra partes, quæ non sunt actu, sed potentia, partes, & quæ non sint divisæ, sed divisibiles. Similiter & visibile constituitur in ratione visibilis per potentiam non actum. Et Ratio est: quia ante numerationem actualem per solam numerabilitatem habent unitates omnia essentialia numeri, nempe tam divisionem ab invicem, quam ordinem.

Decet hunc ordinem potentialem non esse actu. Resp. Quod sicut visibile est actu visibile per ordinem potentialem ad visum, ita numerus est actu numerus per numerabilitatem potentialem. Nam licet numerabilitas respectu numerationis sit quod potentiale, respectu tamen numeri, quem constituit in suo actu, est quid actualis: est enim actus essentialis numeri.

QVÆSTIO VI.

An oratio sit species Quantitatis?

Si species suadet auctoritas Aristotelis, & dissuadet eiusdem auctoritas in alio loco. Nam in 5. Metaphys. eam inter species quantitatis non numerat. Dissuadet & ratio manifesta. Nam oratio ut est numerus syllabarum, non distinguitur à numero, ut verò est numerus syllabarum durantium brevi vel longo tempore, sic non differt à numero & tempore simul: Denique ut est numerus syllabarum proportionem temporis certam inter se habentium (quæ est Germana orationis hoc loco consideratio) ut cum in dactylo prima syllaba longiori duplo tempore profertur quam secunda & tertia; sic oratio est aggregatum quid ex numero, tempore, & relatione proportionis. Ex quo patet orationem non esse speciem quan-

Oratio sine  
specie quantitatibus?



titatis, & alius distinctam, sed aggregationem quādam ex aliis quantitatibus. Aristoteles verò hoc loco orationem posuit inter species quantitatis, vulgarem a de re opinionem secutus.

## QVÆSTIO VII.

*An motus sit species quantitatis?*

**A**rist. hic motum numerat inter species quantitatis, quia est quantus & divisibilis; in 5. verò Met. eundem rejicit, quia est quantus per accidens.

*Motus quantitatis est successio.*

Dico primò. Propria motus quantitas est successio. Probatur, quia quantitas est ratio partium extra partes: at successio formalis, dicit partes extra partes, quia dicit partes post partes: Ergo successio formalis est quantitas. Quia verò motus non est Eius permanens, sed successivum, ideo & ejus quantitas non est nisi successiva, & in successione partium consistit.

*Motus non est vera species quantitatis. Quo sensu motus per accidens quantus.*

Dico secundò. Motum non esse veram speciem quantitatis, quia est quantitas per accidens, ut docet Aristoteles 5. Metaph. capite de quantitate, ubi ait tempus & motum esse per accidens; Motus enim non est quantus nisi à quantitate spatii, per quod mobile divisibiliter percurrit. Quæ res videtur habere difficultatem, Nam si motus ideo dicitur quantus per accidens, quia est quantus per aliud, hoc non obstat quominus sit verè quantus & ea quantitate, quæ sit vera de prædicamento quantitatis. Nam etiam substantia sit hoc modo quanta per accidens quia per aliud. Quantitas enim est aliud quid à substantia. Hoc autem non obstante, substantia est vera quantitate quanta, & ejus quantitas est in prædicamento quantitatis. Deinde etsi motus sit quantus per ordinem ad quantitatem spatii, tamen alia est quantitas spatii, alia est motus; illa enim permanens est, hæc successiva; illa in spatio subiectivè, hæc in mobili, unde nihil impedit, quominus motus ratione hujus distinctæ quantitatis quam habet, sit per se quantus: nam quamvis hæc quantitas orietur ab illa, tamen utraque est vera quantitas spatii, quia spatium est vacuum & nihil, & tamen motus ille est quantus.

*Quantitas vera non est respectivè quantitas.*

Nihilominus vera est ratio Aristot. Quantitas enim non est quantitas ob respectum ad alterum, sed in se & absolute est quantitas; quod probat Aristot. in Prædicam. capite de quantitate ostendens parvum & magnum non esse quantitates formales, sed ad aliquid quod nihil inquit est per se ipsum magnum & parvum, sed eo quod ad alterum refertur. Nam si per se esset magnum diceretur semper magnum, atqui respectu rationis dicitur parvum, ergo non per se, sed ad aliquid dicitur magnum, quia igitur motus respectu spatii dicitur quantus, ideo non per se, sed per accidens dicitur quantus.

Quare ad primam rationem in contrarium. Respondeo. Substantiam esse verè quantam quia est vera quantitate quanta; at motus non est verè quantus formaliter quantitate spatii, quantitas enim motus est successiva, & in mobili existens, solumquè per ordinem ad quantitatem spatii intelligitur quantitas, ita ut per respectum ad veram quantitatem sit, & dicatur quantitas.

Ad secundum concedo aliam esse quantitatem motus, aliam spatii, sed quia hæc quantitas

quantitas sumitur ex respectu quodam ad ipsam quantitatem, ideo non est vera, sed analogi quantitas.

Ad tertium. Non esse necesse ad quantitatem motus universæ loquendo, ut respiciat aliquid verè quantum, sed satis est ut respiciat aliquid, quod fundet successionem; quare & in alteratione terminus fundat successionem, quia ex natura rei sequitur, ut divisibiliter, & successivè acquiratur.

Quod verò attinet ad motum Angeli in vacuo: Dico motum in vacuo fieri non posse secundum Aristotelem, quia vacuum nihil est: quocirca nec per motum acquiri potest: Vnde non potest fundare successionem in motu: quia quod nihil est, nihil fundare potest, de quo in Physica.

*Motus Angeli  
in vacuo.*

Sed quæres si motus non est in prædicamento quantitatis in quonam erit prædicamento? Nam cum sit peculiare quoddam genus Entis videlicet deberet poni in aliquo prædicamento: non videtur autem ad ullum ex loco pertinere, qui dicit rationem formalem distinctam ab omnibus.

Responderi solet communiter. Motum non poni per se in prædicamento, quod ex sua ratione formali dicat imperfectam rationem Entis, dicit enim viam ad esse: Via autem ad esse est imperfectum. Porro prædicamenta sunt instituta pro Entibus; quæ dicunt perfectam in suo genere rationem Entis. Alia verò est ratio de actione & passione quæ hanc imperfectionem in sua ratione formali non dicunt. Nam actio solum dicit esse ab alio, quod sine ulla imperfectione intelligi potest. Vnde & Deo tribuitur. Personæ enim divinæ sunt ab alio sine ulla imperfectione essendi. Passio etiam dicit solam receptionem formæ ab agente, siue illa receptio sit formæ perfectæ siue imperfectæ.

*Motus ponatur  
nè in aliquo  
prædicamento?*

Verum hæc responsio continet aliquid nimis difficile, motum esse Ens imperfectum eo quod res in motu sit imperfecta; id enim videtur falsum. Nam res æquæ perfectæ habet esse tunc cum sit sicut cum facta est, si ista proportionaliter accipiantur, hoc est, ut unum responderet alteri. Nam si motus sit instantaneus, ut plerique opinantur, res tam in fieri quàm in facto esse est tota simul, ac proinde totam suam perfectionem habet in eo instanti; nec plus illi perfectiones accedit post illud instanti, nec plus aliquid habet in facto esse, quàm in fieri: alioqui cum fieri & factum esse sit in eodem instanti, sequeretur rem esse in eodem instanti perfectam & imperfectam quæ sunt contradictoria. Si verò motus sit divisibilis, & in tempore, eadem quoque erit ratio. Nam prima pars caloris quæ respondet primæ parti motus æquæ est perfecta in fieri atque in facto esse: quidquid enim caloris habet in facto esse, id ipsum habet in fieri. Et calefactio ut unum tantundem habet de perfectione caloris, quantum calor ut unum: Ergo si calor ut unum ponitur per se in prædicamento, ponitur etiam calefactio ut unum; cum utrumque eandem perfectionem dicat.

Nam si dicas in fieri existere imperfectè, in facto verò esse perfectè. Contra: quia in fieri eandem totam perfectionem & quantitatem caloris habet, quam habet in facto esse: Ergo æquæ perfectè existit. Perfectum enim est cui nihil deest, & calori in fieri nihil deest, ad essentiam & quantitatem caloris requisitum, ergo perfectè existit.

Quod si dicas rem cum concipitur in motu, concipi in via ad esse, ac proinde secundum esse nondum habitum. Resp. Pari ratione etiam dici posse actionem & passionem esse Entia imperfecta; quia res cum est sub actione & passione nondum intelligitur

*Motus siue  
Ens imperfe-  
ctum?*

intelligitur esse in termino sed in fieri. Si igitur hoc non obstante actio non est Ens imperfectum ex suo genere: neque motus erit imperfectus, eo sensu quo est volunt. Deinde dico rem in motu concipi esse in via respectu ulterioris termini: verbi gratia, Calefactio unius gradus, est via ad gradus sequentes, non verò respectu immediati termini, quia calefactio ut unum est simul cum calore ut unum. Illa etiam prioritas viæ respectu termini immediati, est inducta per rationem abstantem motum, à perfectione termini, in re autem motus conjunctus est semper cum termino suo immediato, neque per absolutam Dei potentiam poni potest ali- què illo.

*Motus accipi-  
tur dupliciter.  
Respondetur  
ad difficultate-  
tem.*

Altera igitur responsio est motum accipi posse dupliciter. 1. in genere ut ab- hit ab actione & passione. 2. in specie ut est actus motivi, aut mobilis, activi, aut passivi, quomodo motum definit Aristot. in 3. Phys. t. 33. Primo modo motus in nullo est prædicamento, quia est quid transcendens & Analogum: sicut enim ac- cidens quod est quid transcendens; ac Analogum ad genera accidentium, non po- nitur in ullo prædicamento; ita & motus; est enim motus quid superius actione & passione, ac proinde quid transcendens genera prædicamentorum. Secundo verò modo ponitur in prædicamento actionis & passionis. Motus enim ut in agere est actio, ut in passione est passio. In communi verò distinguitur quidem ab utro- que, sed sicut genus Analogum à suis speciebus, motus enim ut est ab agente est actio, ut in passio est passio. Quare sicut genus Analogum à suis speciebus dis- tinguitur; ita motus ab Actione & Passione. Genera autem Analoga non ponuntur in prædicamento.

*Motus habe-  
atne diversam  
definitionem  
ab actione &  
passione?*

At inquit. Motus habet diversam definitionem ab actione & passione. Re- spondeo. Si sumatur in genere, habet diversam definitionem; definitur enim mo- tus in genere actus Entis in potentia quatenus in potentia: At Ens in potentia spe- cificè acceptum, est vel in potentia activa, vel in potentia passiva; ergo & motus in specie acceptus non est actus nisi vel passivi vel activi: quatenus est actus activi est actio, quatenus est actus passivi est passio. Quare motus in specie non est nisi actio vel passio formaliter; & sic Aristoteles 3. Phys. tex. 33. definiens motum in specie ait esse actum activi vel passivi, quatenus activum vel passivum est.

## QVÆSTIO VII.

*Antequam sit vera species quantitativæ?*

*Tempus est  
formaliter  
quantum pro-  
pter successio-  
nem.*

*Motus & tem-  
poris eadem est  
quantitas.*

*Tempus est  
ipsa quantitas  
motus.*

Dico primò, tempus esse quantum formaliter propter successionem: quia partes temporis non sunt permanentes, nec simul, sed successivæ, & propter suc- cessionem una est extra alteram, ad eum modum quo de quantitate motus diximus.

Dico secundò, Eandem quantitatem esse motus & temporis, quia utriusque quantitas est successio, & eadem successio est motus, & temporis, ergo & eadem quantitas.

Dico tertio, Tempus est ipsa quantitas motus. Ratio est: quia successio, est propria quantitas motus; at tempus formaliter est successio partium priorum & posteriorum, ut patet ex ipsius definitione: Ergo tempus est quantitas motus de quo

plura in Physica, intellecto enim priori & posteriori in motu, intelligitur tempus, prius autem & posterius in motu est successio partium antecedentium & consequentium.

Dico quarto. Tempus est quantum per accidens, quia est quantum ratione motus seu quatenus est idem cum motu: at motus est quantus per accidens, quia per respectum ad spatium vel terminum: Ergo & tempus.

Dico quinto. Tempus non esse veram speciem quantitatis; quia tempus est quantum per accidens ut dictum est; hoc est non quantitate aliqua absoluta, hoc est, quæ sit per se & essentialiter quantitas; sed respectiva, & Analogica, quæ per respectum ad aliud sumitur, ut præcedenti quæstione dictum est.

*Tempus est quantum per accidens.*

*Tempus non est vera species quantitativa.*

QVÆSTIO IX.

*An locus sit species quantitatis distincta à superficie?*

Locus definitur ab Aristotele esse superficies corporis continentis immobilis: Quare ut superficies habeat rationem loci, duo requiruntur, ut sit continens & immobilis. Videtur igitur locus in ratione quantitatis distingui à superficie simplici; quantitas enim continens est distincta à non continente, dicit enim ad æquationem quantitatis, & divisibilitatem secundum divisionem alterius, qui modus videtur esse distinctus modus quantitatis, & intra rationem quantitatis.

*Locus quid sit?*

Dicendum tamen est, locum in ratione quantitatis, non differre à superficie. Nam quidquid locus addit ad superficiem, est accidentale superfici, sive sit continentia, sive immobilitas: accidens enim est quod potest adesse & abesse, præter subjecti corruptionem: atqui eadem superficies ex continenti, sit non continens, ex immobili mobilis, salva tota sua quantitate; ergo tam continentia, quam immobilitas sunt accidentia superfici, neque ex consequenti illam variant essentialiter in ratione quantitatis. Quod verò de adæquatione dicitur, nihil concludit. Omnis enim superficies est adæquata alteri superfici sibi æquali, ut sicut superficies continens est adæquata contentæ, ita & contenta est adæquata continenti. Quare si propter adæquationem locus est distincta species à superficie, etiam superficies locati esset distincta species à superficie simplici. Imò cum sine continentia possit esse adæquatio, ut in duobus planis sibi perfecte adæquatis, plures adhuc ponendæ essent quantitatis species. Ex quo patet locum non esse quid unum, sed aggregatum ex superficie, continentia, & immobilitate. Quare si sumatur ut aggregatum ex his tribus, non potest poni in prædicamento, cum non sit unum Ens sed multa; si vero sumatur ut superficies, tunc ponetur in quantitate, non ut locus, sed ut superficies. Differt autem locus à superficie accidentaliter; additis enim duobus accidentibus continentia & immobilitate superficies fit locus. Ponitur autem locus formaliter acceptus cum illis duobus conditionibus in prædicamento ubi, tanquam id per ordinem ad quod, ubi dicitur ubi; ubi enim est esse in loco.

*Locus in ratione quantitatis non differt à superficie.*

*Loci & superficies distincti.*

## QVÆSTIO X:

*Quotnam sint species quantitatis?*

**S**olutio hujus quæstionis colligitur ex præcedentibus; dividitur enim quantitas in continuam & discretam, in successivam & permanentem.

*Quantitatis  
tantum sunt  
duæ species.*

Dico igitur primò. Quantitas duas solum habet species, magnitudinem & multitudinem. Illa est continua, hæc discreta. Patet ex dictis & ex Aristotele 9. Metaph. ubi has duas species tantum numerat.

Non pono autem species quantitatis continuam & discretam, sed magnitudinem & multitudinem: quia non omnis quantitas continua est per se species quantitatis; tempus enim & motus sunt continua, non tamen sunt species quantitatis; quia sunt quanta per accidens, ut dictum est.

*Magnitudinis  
sunt tres par-  
tes distinctæ.*

Dico secundò. Tres esse species magnitudinis distinctas; longitudinem, latitudinem, profunditatem, propter diversam rationem partium. Neque enim hæc diversitas partium, quæ in his tribus cernitur, est accidentalis, neque sumitur ex aliquâ proprietate accidentali, sed est essentialis, quia est diversitas in ipsa ratione partium, quæ est ratio essentialis quantitatis; alia enim est ratio partium in longitudine, nempe partium divisibilium, secundum longitudinem, & indivisibilium secundum latitudinem & profunditatem; alia in latitudine, nempe partium divisibilium secundum latitudinem, indivisibilium secundum profunditatem; alia in profunditate, nempe partium divisibilium secundum profunditatem. Confirmatur. Quia hæc quantitates ita sunt à se distinctæ, ut una negatur formaliter de altera; longitudo enim quæ longitudo, non est latitudo, nec latitudo, quæ latitudo est longitudo, aut profunditas, neque profunditas quæ profunditas est latitudo, vel longitudo. Et licet hæc quantitates fortè in re sint idem, formaliter tamen una non est altera.

*Parvum quo-  
modo negatur  
de magno, nec  
differunt spe-  
cie.*

Quod si dicas, etiam parvum negatur de magno, & tamen non differunt species. Respondeo. Parvum negari de magno propter respectum accidentalem, quem addit quantitati: at longitudo negatur de latitudine secundum se, ut est abstracta ab omnibus differentiis, & modis accidentalibus; quod argumento est negari essentialiter, & sub ratione puræ quantitatis.

*Longitudo &  
latitudo qua  
ratione differ-  
runt essentialiter.*

Obijciunt primò. Eadem quantitas secundum easdem partes est longa, lata, profunda: ergo in ratione formali partium non differunt essentialiter hæc quantitates, sed solum in modo. Respondeo. Longitudo, & latitudo possunt accipi dupliciter. Primò essentialiter, ut dicunt unam tantum dimensionem, vel in longum vel in latum: Secundò comparative cum corpus dicitur extensum in longitudinem vel latitudinem, ut quando latitudo vel profunditas accipitur in longum vel latum. Primo igitur modo differunt essentialiter; aliæ enim partes sunt longitudinis, aliæ latitudinis; secundo verò modo non differunt essentialiter & in ratione partium; quia ex eadem partes secundum longitudinem, & latitudinem considerantur diverso respectu.

Obijciunt secundò. Una species non includitur in alia formaliter; species enim sub rationibus specificis distinguuntur formaliter, non ununtur: at profunditas inclu-

claudit longitudinem & latitudinem; est enim longa & lata: ergo hæc quantitates non distinguuntur specie. Respondeo. Si quantitates sumantur essentialiter pro una sola dimensione, sic una non includitur in altera; si verò sumantur non essentialiter, sed secundum quendam modum & similitudinem alterius dimensionis, sic una includitur in altera; latitudo enim potest sumi ut porrigitur in longum, & profunditas ut porrigitur in longum & latum; sed illa longitudo & latitudo non est una dimensio. Non longitudo ut est una dimensio est quantitas ex parte latitudinis & profunditatis; latitudo verò est quantitas ex parte profunditatis.


*Profunditas includitur in se longitudinem & latitudinem*

Deo Tercio. Multitudo nisi determinetur ad numerum, non habet plures species essentialiter distinctas: quia consistit in collectione unitatum, quæ collectio est eadem formaliter in quibuscunque unitatibus consideretur, & solum differt secundum majus & minus. Corp verò determinatur ad rationem numeri, habet ratione numeri varias species. Vltimæ enim unitates in numeris constituunt varias numerorum species, ut dictum est.

*Multitudo quâ ratione non habet plures species essentialiter distinctas.*



DISPV.



## DISPUTATIO X.

## De Relatione.

## QVÆSTIO PRIMA.

*An relatio sit Ens reale ?*

Efferri, est habere se aliquo modo ad aliud. Ille igitur modus habendi se ad aliud, an sit aliquid reale, merito dubitatur. Quod si sit reale, an sit quid intrinsecus rei relatæ, vel mera extrinseca denominatio à termino ? Quod si sit quid intrinsecum, an sit ex natura rei distinctum à fundamento, an soli ratione ? quod si sola ratione, an distinguatur perfecte ut nova essentia nihil includens de essentia fundamenti, an ut eadem essentia alio modo concepta ? quæ omnia sunt diligenter examinanda : ex iis enim plena cognitio essentia relationis dependet.

Quod igitur ad realitatem relationum attinet, sunt tres sententia. Prima sententia assentit, relationem ex se nec esse realem nec rationis, sed abstrahere ab utroque, cum sit ad utrumque indifferens. Ita Cajetanus, Capreolus, Soncinus, & nonnulli Thomistæ. Probatur. Quia si relatio ex se esset realis, non posset esse ulla relatio rationis ; & è converso, si ex se esset rationis, non posset dari ulla relatio realis : ergo cum dentur relationes aliquæ reales, aliquæ rationis, relatio ex sua ratione non magis est realis, quàm rationis, sed ad utrumque est indifferens ; dicit enim relatio solum esse Ad, æquè invenitur in relationibus realibus & rationis. Docent autem hi Authores illud esse Ad, fieri reale per esse In, quatenus realiter in aliquo inhaeret, vel est alicui realiter idem.

Sed hæc sententia merito ab aliis refellitur. Primò : Quia in relatione reali nullus potest cogitari naturæ gradus, qui non sit realis ; omnes enim gradus relationis realis, realiter existunt, & realiter conveniunt subiecto : ergo omnes sunt reales. Nam si datur aliquis ex se non realis, ille neque realiter existit, neque realiter convenit subiecto ; quomodo enim id quod non est reale realiter existit, aut contr-



ne alicuiusneq; enim realitas est quid superadditum Enti, sed est ipsa Entis essentia, extra suas causas existendo. Exiit autem Ens extra suas causas immediate sua essentia, quare suam essentia est res. Secundò. Deinde quod dicitur esse Ad fieri reale per esse In, id quoq; falsum est: tum quia relatio non solùm realiter convenit subiecto, sed etiam realiter refert subiectum ad terminum, & facit ut subiectum habeat se realiter ad terminum: ergo non solum respectu subiecti est realis, sed etiam respectu termini: tum quia esse Ad, & esse In, non sunt duo distincti gradus, sed duo respectus eiusdem gradus. Nam illa res quæ est ad terminum, est etiam in subiecto, imò ipsum Ad, est etiam In, quia inexistit subiecto, & illud esse In, est etiam Ad, quia subiectum per hoc quod est in ipso, refertur ad aliud, non verò per hoc quod non est in ipso: ergo idem omnino naturæ gradus est & inexistens subiecto, & referens subiectum ad terminum, quod est eundem gradum fundare duos respectus ad subiectum & ad terminum, ita ut idem gradus diverso respectu dicatur Ad & In respectu termini Ad, respectu subiecti In.

Ex quo infero. Relationem non esse quid univocum ad relationem realem & rationis. Primò. Quia nullum univocum dicitur de differentiis univocatorum: at relatio dicitur de differentiis relationis realis & rationis: Ergo non est quid univocum. Minor patet: quia specifica differentia utriusq; relationis est Ad reale, & Ad rationis: at de utroq; esse Ad, dicitur relatio: Ergo. Secundò. Univocum est quid præter univocata abstrahens à differentiis univocatorum: at relatio non abstrahit à reali & rationis. Nam omnes gradus relationis realis sunt reales. Dices non esse reales formaliter, sed identice. Contra: Reale dicitur quod est extra suas causas: at quilibet gradus seipso formaliter est extra suas causas: ergo seipso est realis formaliter, non solùm identice.

Potest ad rationem oppositæ sententiæ facile respondetur. Primò. Illud argumentum fieri posse, de quolibet analogo, verbi gratia, quod Ens ex se nec sit substantia nec accidens: sicut ergo in alijs analogis non valet, ita nec in relatione quæ dicitur analogicè de reali & rationis: Secundò respondeo. Relationem sicut & omne analogum non significare unam naturam, sed diversas secundum aliam & aliam significationem. Quare ut significat secundum unam significationem relationem realem, relatio ex se est realis; ut verò secundum aliam significationem significat relationem rationis, relatio ex se est rationis, nec ullo modo potest esse realis, sicut neque ea quæ realis est potest esse ullo modo rationis. Solùm igitur in conceptu confuso & imperfecto relatio abstrahit à reali & rationis: in conceptu verò distincto & determinato, non datur vlla relatio, quæ non sit ex se vel realis vel rationis. Vnde verius dicitur relationem, ut relatio est, ex se esse & realem & rationis, secundum diversas significationes, quàm ex se nec esse realem nec rationis. Nam et si genus univocum abstrahat à differentiis, tamen genus analogum non abstrahit, sed illas immediate includit secundum diversas significationes.

Secunda sententia asserit, Relationem prædicamentalem formaliter esse relationem rationis, solùmque fundamentaliter esse realem. Probatur primò: si relatio formaliter esset aliquod reale, non posset advenire rei sine reali mutatione: atqui Aristoteles 5. Physic. t. 10. ait relationem advenire rei sine vlla ipsius mutatione, per alicuius rei extrinsecæ mutationem, ergo non est quid reale formaliter. Confirmatur. Quia incredibile est una formica producta de novo, totum mundum mutari: propterea realibus accidentibus acquisitis, omnes enim aliæ res incipiunt habere rela-

*Relatio non dicitur univocè de relatione reali & rationis.*

*Relatio in conceptu tantum confuso abstrahit à reali & rationis, in conceptu autem distincto, semper est aut realis, aut rationis.*

tionem ad illam rem productam distantiz, similitudinis, &c. Si ergo hæc relationes sunt reales, totus mundus realiter mutatur ad vnius formicæ productionem.

Secundò probatur. Si relatio esset Ens reale, data vna relatione, sequeretur dari infinitas actus: quod cum absurdum sit, erit quoque absurdum id ex quo sequitur. Probatur ergo sequela. Si enim duo alba, quia conveniunt in vna essentia albedinis, sunt sibi similia duabus similitudinibus realibus; etiam illæ similitudines alborum, quia conveniunt in vna essentia similitudinis, erunt sibi similes duabus similitudinibus similitudinum; & rursum hæc similitudines similitudinum, quia pariter conveniunt in vna essentia, erunt sibi similes, & sic in infinitum.

Dices esse infinitas potentia. Contra: quia posita prima similitudine, omnes aliz ponuntur actu, cum vna necessario sequatur ex alia: ergo si sunt infinitæ sunt actus infinitæ. Quod si dicas: alba esse similia similitudinibus, ipsas vero similitudines esse sibi similes seipsis, non alijs similitudinibus. Contra primò: sicut alia non sunt similia seipsis, sed additis similitudinibus, ita & similitudines non possunt esse sibi similes seipsis, aut si sunt similes seipsis; etiam alba erunt similia seipsis, quia utrobique est eadem causa sufficiens ad causandam distinctam similitudinem, nempe unitas & convenientia in natura: Ergo vel utrobique causabitur distincta similitudo, vel in neutro. Secundò. Quia illæ primæ similitudines sunt alborum similitudines, hoc est, in albedine similitudines: similitudines autem posteriores sunt similitudines similitudinum, non alborum; quia non in essentia albedinis, sed in essentia similitudinis sunt similitudines: non igitur potest dici eandem esse similitudinem similitudinum cum similitudine alborum.

Probatur tertio. Quia relatio nihil aliud est, quam comparatio quorundam duorum inter se: at hæc comparatio fit formaliter ab intellectu cum fundamento in re: ergo relatio formaliter est Ens rationis; posito enim fundamento in re, & intellectu comparante vnam rem cum altera, sufficienter salvatur tota ratio relationis; sicut & ratio numeri simili modo sufficienter salvatur, per actionem intellectus numerantis, cum fundamento in re.

Probatur quarto. Quia in Deo non sunt relationes reales ad creaturam, sed rationis, ut relatio Domini & Creatoris: si igitur sufficienter intelligamus Deum referri ad creaturas per relationem rationis, etiam creaturæ eadem ratione referri sufficienter poterunt.

*Relatio prædicamentalis est Ens reale.*

Tertia sententia est communis, relationem prædicamentalem formaliter esse Ens reale. Nam in primis constat aliquas relationes esse reales, ut sunt relationes divinz, & relationes quæ dicuntur essentielles, siue quod ad essentiam pertineant, siue quod ab essentia orientur, ut est relatio scientiæ ad scibile; & relatio potentiarum ad suos actus & obiecta. Ex quo colligere licet, quod si in aliquibus ratio formalis relationis est realis, in alijs quoque non repugnare eandem rationem esse formaliter realem: quod tunc accidit quando omnia quæ ad ipsam causandam requiruntur sunt realia, hoc est, quando & subiectum & fundamentum & terminus erunt realia: Omnis enim effectus qui ex natura sua est realis, potest omnibus causis ad esse ejus requisitis erit realis: Atqui relatio est natura sua realis: ergo positis omnibus causis requisitis, erit verè realis. Secundò. Quod est ante omnem conceptionem intellectus est reale: atqui relationes rerum sunt ante omnem conceptionem intellectus: ergo sunt verè reales. Minor patet indubitanter.

Quæritur duo enim alba ante omnem conceptionem sunt similia : quia similitudo alborum nihil aliud est quam vnum esse tale quale aliud est. Adhæc album non ideo est tale, quia concipitur, sed quia vere est tale: imò ideo concipitur tale, quia est tale, non è conuerso, ideo est tale, quia concipitur tale. Deinde si nullus intellectus esset possibilis, adhuc duo alba essent similia; quia vnum esset tale quale aliud.

Dices. Illa alba à parte rei sunt similia fundamentaliter tantum, quia habent fundamentum vt concipiantur ab intellectu similia; sicut multæ vnitates in intellectu habent fundamentum, vt numerari possint ab intellectu. Respondeo. Discretem esse rationem relationis & numeri. Nam multæ vnitates à parte rei non habent in se sufficientem & determinatam causam, vt constituantur in aliqua determinata specie numeri, cum sint ad omnem numeri speciem indifferentes; vnaqueque enim vnitas, non magis est prima quàm secunda. Hinc igitur fit, vt relinquatur potestas intellectu determinandi vnitates ad hanc vel illam speciem numeri. At verò relatio habet à parte rei causam sui esse determinatam & sufficientem: quare non eget opera intellectus, ad suum esse vt realiter est à suis causis. Quocirca eo planè modo intellectus concipit relationem posito fundamento, quemadmodum concipit quemlibet effectum posita ipsius causa reali, sua enim conceptione non facit effectum illum esse, sed solum concipit esse à causa sua realiter. Probatnr tertio. Ens reale est illud quod est extra causas reales: atque relationis omnes causæ sunt reales, subiectum, fundamentum, terminus: ergo & relatio cum fuerit extra suas causas erit vere realis; causæ enim dictæ sunt causæ adequatæ relationis, vt per se manifestum est.

Restat vt solvantur argumenta secundæ sententiæ. Ad primum respondeo. Si relatio esset accidens ex natura rei distinctum à fundamento, non posset aduenire rei, sine ipsius mutatione reali; omnis enim forma realis, de nouo adueniens subiecto, mutat subiectum, & facit vt non tali tale: si ergo relatio sit forma realis de nouo adueniens subiecto mutabit realiter subiectum. Neque refert quod hæc forma sit relatiua; nam etiam forma relatiua est res inexistens subiecto, & mutat subiectum de non esse tali relatiuo ad esse tale relatiuum.

Quidam respondent Aristotelem solum negare, quod relatio acquiratur per mutationem per se & ratione sui intentam à natura, non verò negare quod acquiratur per mutationem consequentem ad fundamentum. Sed contra. Primum qui ita respondent, non satisfaciunt Aristoteli. Is enim dum probat ad relationem non esse motum, non in eo vim facit, quod relatio per se vel per accidens acquiratur, alioquin hoc expressè dixisset, sed in eo quod acquiratur relatio altero mutato, ipso verò subiecto nullam mutationem patiente: at si relatio consequenter adveniret subiecto cum eius mutatione, non dixisset nullam mutationem subire subiectum, sed subire aliquam licet non per se, sed per accidens; absurdum enim est dicere, Aristotelem tacuisse id in quo totum pondus argumenti erat positum. Neque enim satisfaciunt rationi: quia incredibile prorsus est totum mundum novis rebus accidentibus mutari, producta de nouo vna formica, etiam si illa accidentia ponantur relatiua, & consequentia ad aliud.

Deinde etsi relatio consequatur fundamentum, id non impedit, quominus vere mutationem adferat subiecto, eo prorsus modo, sicut si per se fuisset producta. Nam si per se produceretur, non adferret maiorem mutationem subiecto, quàm nunc adfert,

affert, cum consequitur fundamentum. Sicut aqua non minus mutatur cum seipsam reducit consecutivè ad pristinum frigus per emanationem quandam frigens ab essentia aquæ, quàm si frigus produceretur in aqua ab aliquo agente frigido: frigus enim non ideo mutat aquam, quia hoc vel illo modo producit, ab hoc aut illo agente, sed quia est nova forma adveniens aquæ; ad hoc autem per accidens se habet, quod per se aut consecutivè producat.

*Quomodo relatio adveniens subiecto, non mutat illud.*

Dicendum igitur est ad argumentum: relationem ideo advenire sine mutatione subiecto, quia non est res distincta à fundamento: eadem enim forma in se non mutata, propter solum diversum respectum, alio & alio modo denominare possit; si enim albedo sumatur absolutè, denominat subiectum album, eadem verò albedo respectu alterius albi denominat simile vel dissimile, sublato verò termino, definit sine vlla sui mutatione, propter solam mutationem termini, denominare subiectum simile: quæ enim respectu alterius dicuntur talia, ea sine vlla sui mutatione per solam mutationem alterius dicuntur vel non dicuntur talia: sic idem dicitur magnum vel parvum respectu diversorum, sine vlla sui mutatione, per solam mutationem alterius.

*Licet relatio sit Ens reale, non sequitur tamen, ut data una relatione debeant dari aliqua infinita.*

Ad secundum argumentum difficilior est responsio, & in ea sententia quæ tenet relationes esse res distinctas à fundamento planè impossibilis. Est igitur simplex modus respondendi. Primus est non multiplicari relationes relationum; quia relatio seipsa non per aliam relationem refertur. In omni enim genere, id quo aliquid est tale, seipso non per aliquid aliud est tale: verbi gratia, paries qui est albus albedine, albedo ipsa non est alba alia albedine, neque quantitas est quanta alia quantitate à se distincta, neque actio aut passio est talis per aliam actionem & passionem. Cum igitur relatio sit id, quo alia referuntur, ipsa seipsa non per aliam relationem refertur. Ita Caietanus cum D. Thoma prima parte quæst. 42. art. 2. Ferrariens. 4. contra gentes, cap. 110. Soncinas 5. Metaph. quæst. 29. Quare secundum hanc sententiam duo alba referuntur ad se per similitudines à se distinctis, ipsæ verò similitudines referuntur ad se non per alias similitudines sed seipsis.

Sed hæc sententia refellitur primò. Quia illæ relationes sunt distinctæ, quæ habent distincta fundamenta ac distinctos terminos; non enim aliunde sumitur distinctio relationum, nisi ex distinctis fundamentis, & distinctis terminis: atque relatio relationum, habet distinctum fundamentum, & distinctum terminum, à relatione absolutorum: ergo est distincta relatio à relatione absolutorum. Minus probatur. Quia in relatione absolutorum, tam fundamentum quàm terminus sunt quid absolutum, in relatione verò relationum, utrumque est quid relativum: ergo hæc duæ relationes habent fundamenta & terminos essentialiter distinctos: verbi gratia, similitudo alborum pro fundamento habet albedinem, pro termino aliud album; similitudo verò similitudinum pro fundamento habet relationem similitudinis, pro termino verò oppositam relationem similitudinis: sicut enim duo alba in essentia albedinis sunt similia, ita duæ similitudines in essentia similitudinis sunt similes.

Secundò. Idem in ordine ad diversa potest esse & Quo & Quod, quare & relatio absolutorum, licet sit ut quo respectu absolutorum, quia per illam formatio absoluta referuntur, tamen illa ipsa relatio, ut in ratione relationis convenit cum opposita relatione, sic habet se ut quod, & refertur ut quod ad aliam, cum qua convenit.

in essentia relativa: verè enim ita ad se referuntur hæ relationes ad invicem, si-  
cut referuntur duo alba, quatenus conveniunt in essentia albedinis. Ex quo patet  
relationem ut habet quo, seu ut est id, quo absoluta referuntur, non referri distin-  
cta relatione ad album sed seipsa; neq; enim habet distinctum fundamentum &  
terminum à fundamento & termino absoluto: at ut habet rationem quod, sic & fun-  
damentum & terminum relationis habet distinctum; ac ex consequenti non seipsa  
sed per aliam relationem refertur: verbi gratia, similitudo alborum, seipsa est simi-  
litudo alborum, quia seipsa fundatur in albedine, & terminatur ad albedinem, &  
sub hac ratione est id quo duo alba referuntur ad se: at verò similitudo alborum,  
non est seipsa similitudo similitudinum: nam similitudo alborum fundatur in al-  
bedine, & terminatur ad albedinem; similitudo verò similitudinum fundatur non  
in albedine sed in similitudine, & terminatur non ad albedinem sed ad similitu-  
dinem; unde similitudo alborum, ut substat similitudini similitudinum, habet se  
ut quod, non ut quo. Quocirca illa propositio, id quo aliquid est tale, seipso  
non per aliud est tale, intelligenda est formaliter, respectu eorum, respectu quo-  
rum habet rationem quo. Verbi gratia, similitudo alborum ut est quo alborum, se-  
ipsa & non per aliam relationem refertur ad alba; quia est ipsa relatio alborum,  
cum hoc tamen fiat, quòd relatio albi comparata cum alia relatione albi, per aliam  
distinctam relationem refertur ad oppositam relationem.

Ex quo etiam patet, esse magnum discrimen inter exempla allata & relationem:  
Nam albedo (verbi gratia) non habet in se fundamentum, ut sit alba alia albedi-  
ne, nec quantitas ut sit quanta alia quantitate, unde rectè dicimus albedinem non  
esse albam per aliam albedinem, nec quantitatem esse quantam per aliam quan-  
titem, sed seipsa. At similitudo habet in se fundamentum novæ similitudinis.  
Nam similitudo quæ erat similitudo solùm in albedine fundare potest simili-  
tudinem in similitudine; quocirca per aliam similitudinem est similis in similitudine  
distinctam à similitudine in albedine. Et hæ rationes probant universaliter de  
omni relatione, nempe quòd omnis relatio relationum sit distincta in genere rela-  
tionis à relatione absolutorum: quia habent distincta fundamenta & terminos, *latiore abso-*  
quod est contra Suarium & Ruvium concedentes id de quibusdam tantùm relatio-  
nibus non de omnibus; omnium enim in hoc est par ratio: omnes enim relationes  
relationum habent distincta fundamenta & terminos à fundamentis & terminis in  
relationibus absolutorum.

*Relatio rela-  
tionum differt  
in genere re-  
lationis à re-  
latione abso-  
lutorum.*

Secundus modus respondendi est, quem etiam probabilem reputat Suar. in sua  
Metaph. concedendo relationes multiplicari in infinitum in eodem subiecto, ita  
tamen ut non sint infinitæ actu sed potentia. Nam quòd multiplicentur patet, quia  
habent distincta fundamenta & terminos. Quòd verò sint infinitæ patet: quia in-  
finita fundamenta & termini illorum assignantur: Quòd verò non sint infinitæ ac-  
tu probatur: quia non sunt actu à se distinctæ; nulla enim relatio distinguitur  
ex natura rei à suo fundamento, ut questione tertia demonstrabimus: at hic una  
relatio fundatur in altera: ergo una ab altera ex natura rei non distinguitur, ac  
ex consequenti non existit multitudo relationum actu infinita; non potest enim ef-  
fe multitudo actu infinita sine actuali distinctione unitatum. Nequè verò  
in hoc est vlla maior difficultas, quàm quæ est in continuo, cuius partes etsi sint ac-  
tu quoad entitatem, sunt tamen potentia infinitæ quoad divisionem, & eadem ar-  
gumenta quæ fiunt contra unum, fieri possunt contra alterum. Quòd verò illud

non sit absurdum in relationibus concedere, patet à simili in numeris. Nam etiam in numeris simile quid invenimus, positis enim duobus numeris, necesse est simul poni infinitos numeros: v.g. datis binarijs duobus, eo ipso datur ternarius numerorum confectus ex duobus illis binarijs, & binario binariorum, & dato dicto ternario, dabitur quaternarius confectus ex tribus binarijs, & quarto ternario triu binariorum, & sic in infinitum. Hoc enim argumentum aliter solui non potest, nisi concedendo infinitum in potentia in numeris. Nam licet omnes illi numeri sint actu, quoad entitatem, non sunt tamen distincti actu à primis illis duobus binarijs. Hoc igitur idem & de relationibus dici potest & debet.

Quod si obijciatur primò. Ad infinitatem actu non requiritur actualis divisio. Nam si sit quantitas actu infinita, etiam si habeat partes actu à se non divisas sed continuas, erit verè actu infinita. Ergo & sic erunt infinitæ relationes actu, etiam si non sint actu à se distinctæ. Respondeo, disparem esse rationem de quantitate continua, & discreta. Nam quantitas continua si est infinita, absq; divisione partium est infinita, per infinitam continuationem partium, non per divisionem: quantitas verò discreta, cum consistat in multitudine & divisione partium, non potest esse infinita, nisi habeat partes infinitas divisas. Cum igitur relationes statuatur infinitæ secundum multitudinem, non poterunt dici infinitæ actu, nisi sint distinctæ actu; non enim ex omnibus illis relationibus conficitur una relatio infinita, sed illa realitas in infinitas secundum multitudinem relationes est divisibilis.

Obijci etiam potest autoritas Aristotelis, qui in secundo Metaph. probat non dari progressum in infinitum in rebus subordinatis quarum una pendet ab altera; Cum enim vnum pendet ab altero in infinitum, infinitum autem pertransiri non potest, nunquam res illa existit, quia pendet ab infinitis, quæ pertransiri non possunt. Sed respondetur, id verum esse in ijs quæ verè sunt sibi subordinata, ut cum posteriora pendunt à prioribus, & nisi ponantur priora, non ponuntur posteriora: in hoc infinito in potentia non est talis dependentia & subordinatio, sed potius contrario modo fit. Nam à primo inchoatur & proceditur ad sequentia in infinitum. Et sicut assignata aliqua parte in continuo, ex ea fiunt aliæ & aliæ partes per divisionem in infinitum, ita & in relationibus, posita prima relatione, ponuntur aliæ in infinitum: contra quod non pugnat ratio Aristotelis.

Verum nequè hic modus respondendi satisfacit. Primò. Propter autoritatem Aristotelis 2. Metaph. cap. 2. ubi ex professo probat non posse dari processum in infinitum in causis, idquè demonstrat in omni genere causarum. Ex hoc autem manifestè sequitur non posse dari processum in infinitum in relationibus; quia una relatio causatur ex altera. Nam posterior fundatur in priore; unde etiam necesse esset assignare relationem, quæ causaret infinitas actu relationes, & aliam quæ causaretur & penderet ab infinitis relationibus; siquidem ita sunt inter se dispositæ, ut secunda supponat primam, tertia secundam; si ergo sit processus in infinitum, & omnes illæ relationes sint à parte rei, necesse est dari unam relationem supponentem omnes, & pendentem ab omnibus; quod est dari processum in infinitum in causis contra Aristotelem. Idem Aristoteles 5. Metaph. tex. 2. §. Probat Habitum non haberi in infinitum enim (inquit) procederetur. Ergo talem processum in infinitum, pro absurdo habet Aristoteles.

Secundò. Non satisfacit hic modus propter rationem manifestam: Si enim hæc relationes statuatur infinitæ, vel omnes erunt à parte rei, vel non: Secundum  
dici

dici non potest; quia argumentum urget, quod quia ratione datur prima relatio, eadem ratione debent dari omnes alie; cum ergo omnes sint infinitæ, sequitur infinitas esse relationes à parte rei, eo actu, quo actu datur prima relatio. Si verò dicatur primum, tunc sequitur has relationes non esse infinitas propter duo. Primum, quia omnis multitudo finita versus unam partem, est etiam finita versus alteram; siquidem tanta est via Thebis Athenas, quanta Athenis Thebas, nec plures continent vnitates, si sumatur versus unam partem, sicut si sumatur versus alteram; ipsæ enim vnitates & hic & ibi constat. Cum ergo in hac multitudine relationum assignemus primam, quia alia non est prior, sequitur multitudinem relationum: ex hac parte non esse infinitam, quia postquam fuerit peruentum ad primam, illa erit vltima & dabitur finis multitudinis: At si ex una parte non est infinita, non erit etiam infinita ex altera parte, cum sit eadem multitudo, & tanta ex una parte, quanta ex altera: Ergo nullo modo erit infinita. Secundò, quia cum hæ relationes sint ita dispositæ, vt secunda supponat primam, & tertia secundam, si in eis sit processus in infinitum, & omnes dentur à parte rei, sequitur dari unam post omnes: hæc autem erit vltima & finem imponet toti illi multitudini, quod repugnat rationi infiniti: non igitur istæ relationes possunt dici infinitæ. Nam quod dicitur de numerorum infinitate, solvitur in hunc modum, negando numeros illos in re esse infinitos: quod ita ostendo. Ad multitudinem realem requiruntur plures vnitates divisæ: nam si sint indivisæ, erit vnitates non multitudo; sic partes in continuo quia sunt indivisæ, sunt unum continuum non multa. Cum igitur isti numeri non sint divisi ab invicem; non faciunt realem multitudinem, nec erunt à parte rei multi numeri. Nam etsi primi duo binarij sint à se realiter divisi, tamen tertius binarius, qui est binarius binariorum, non est re diversus ab illis duobus, sed idem re cum illis; siquidem numerus est idem re cum suis vnitatibus: ergo & binarius binariorum erit idem re cum illis duobus binarijs, quia ad illos comparatur tanquam ad vnitates ex quibus constat. Quocirca ex isto binario & alijs duobus, non erunt à parte rei tres numeri, sed solum per intellectum erunt tres. Et licet non negemus tertium binarium esse realem binarium, quia habet reales duas vnitates ex quibus constat, negamus tamen illum facere numerum realem cum alijs duobus, quia non est ab illis re distinctus, solumq; primi duo binarij, sunt re diversi, tertius verò tantum per rationem: ex quo manifestum est non procedi in infinitum in multitudine reali numerorum. Addo quod cum numerus in sua ratione formali, seu quoad ordinem unitatum, pendeat ab anima, non ponitur numeri actu infiniti, sed solum successivè in infinitum poni possunt ab anima numerante.

Tertiò. Sequeretur infinitum actu posse dari contra Aristotelem, & omnes Peripateticos. Nam licet aliqui per Dei potentiam dari posse concedant negant, tamen omnes dari naturaliter. Quod igitur sequeretur dari infinitum actu, sic probatur. Nam aut relationes istæ distinguuntur ex natura rei à fundamento, & ex consequenti ab invicem, aut non distinguuntur nisi ratione. Si primum; erit multitudo relationum actu infinita: prima enim relatione posita, ponuntur reliquæ omnes actu quæ sunt infinitæ. Si secundum; dabitur relatio infinita actu, constans infinitis relationibus. Sicut enim si daretur quantitas continua actu infinita, constaret partibus non actu distinctis sed potentia, & tamen esset infinita actu, quia tantum extensionem haberet quantum partes actu infinitæ & ab invicem distinctæ: ita et si

*Non dantur  
numeri actu  
infiniti.*



non fit absurdum in relationibus concedere, patet à simili in numeris. Nam etiam in numeris simile quid invenimus, positis enim duobus numeris, necesse est simul poni infinitos numeros: v.g. datis binarijs duobus, eo ipso datur ternarius numerorum confectus ex duobus illis binarijs, & binario binariorum, & dato dicto ternario, dabitur quaternarius confectus ex tribus binarijs, & quarto ternario triu binariorum, & sic in infinitum. Hoc enim argumentum aliter solui non potest, nisi concedendo infinitum in potentia in numeris. Nam licet omnes illi numeri sint actu, quoad entitatem, non sunt tamen distincti actu à primis illis duobus binarijs. Hoc igitur idem & de relationibus dici potest & debet.

Quod si obijciatur primò. Ad infinitatem actu non requiritur actualis divisio. Nam si fit quantitas actu infinita, etiam si habeat partes actu à se non divisas sed continuas, erit verè actu infinita. Ergo & sic erunt infinitæ relationes actu, etiam si non sint actu à se distinctæ. Respondeo, disparẽ esse rationem de quantitate continua, & discreta. Nam quantitas continua si est infinita, absq; divisione partium est infinita, per infinitam continuationem partium, non per divisionem: quantitas verò discreta, cum consistat in multitudine & divisione partium, non potest esse infinita, nisi habeat partes infinitas divisas. Cum igitur relationes statuantur infinitæ secundum multitudinem, non poterunt dici infinitæ actu, nisi sint distinctæ actu; non enim ex omnibus illis relationibus conficitur una relatio infinita, sed illa realitas in infinitas secundum multitudinem relationes est divisibilis.

Obijci etiam potest authoritas Aristotelis, qui in secundo Metaph. probat non dari progressum in infinitum in rebus subordinatis quarum una pendet ab altera; Cum enim vnum pendet ab altero in infinitum, infinitum autem petransiri non potest, nunquam res illa existet, quia pendet ab infinitis, quæ petransiri non possunt. Sed respondetur, id verum esse in ijs quæ verè sunt sibi subordinata, ut cum posteriora pendent à prioribus, & nisi ponantur priora, non ponuntur posteriora: in hoc infinito in potentia non est talis dependentia & subordinatio, sed potius contrario modo fit. Nam à primo inchoatur & proceditur ad sequentia in infinitum. Et sicut assignata aliqua parte in continuo, ex ea fiunt aliz & aliz partes per divisionem in infinitum, ita & in relationibus, posita prima relatione, ponuntur aliz in infinitum: contra quod non pugnat ratio Aristotelis.

Verum nequè hic modus respondendi satisfacit. Primò. Propter authoritatem Aristotelis 2. Metaph. cap. 2. ubi ex professio probat non posse dari processum in infinitum in causis, idquè demonstrat in omni genere causarum. Ex hoc autem manifestè sequitur non posse dari processum in infinitum in relationibus; quia una relatio causatur ex altera. Nam posterior fundatur in priore; unde etiam necesse esset assignare relationem, quæ causaret infinitas actu relationes, & aliam quæ causaretur & penderet ab infinitis relationibus; siquidem ita sunt inter se dispositæ, ut secunda supponat primam, tertia secundam; si ergo sit processus in infinitum, & omnes illæ relationes sint à parte rei, necesse est dari vnam relationem supponentem omnes, & dependentem ab omnibus; quod est dari processum in infinitum in causis contra Aristotelem. Idem Aristoteles 5. Metaph. text. 25. Probat Habitum non haberi in infinitum enim (inquit) procederetur. Ergo talem processum in infinitum, pro absurdo habet Aristoteles.

Secundò. Non satisfacit hic modus propter rationem manifestam: Si enim hæ relationes statuantur infinitæ, vel omnes erunt à parte rei, vel non: Secundum  
dici

dici non potest; quia argumentum urget, quòd qua ratione datur prima relatio, eadem ratione debent dari omnes alie; cum ergo omnes sint infinitæ, sequitur infinitas esse relationes à parte rei, eo actu, quo actu datur prima relatio. Si verò dicatur primum, tunc sequitur has relationes non esse infinitas propter duo. Primò, quia omnis multitudo finita versus vnā partem, est etiam finita versus alteram; siquidem tanta est via Thebis Athenas, quanta Athenis Thebas, nec plures conueniunt vnitates, si sumatur versus vnā partem, sicut si sumatur versus alteram; ipsæ enim vnitates & hic & ibi constat. Cum ergo in hac multitudine relationum assignemus primam, quā alia non est prior, sequitur multitudinem relationum ex hac parte non esse infinitam, quia postquam fuerit peruentum ad primam, illa erit vltima & dabitur finis multitudinis: At si ex vna parte non est infinita, non erit etiam infinita ex altera parte, cum sit eadem multitudo, & tanta ex vna parte, quanta ex altera: Ergo nullo modo erit infinita. Secundò, quia cum hæ relationes sint ita dispositæ, vt secunda supponat primam, & tertia secundam, si in eis sit processus in infinitum, & omnes dentur à parte rei, sequitur dari vnā post omnes: hæc autem erit vltima & finem imponet toti illi multitudini, quod respondet rationi infiniti: non igitur istæ relationes possunt dici infinitæ. Nam quod dicitur de numerorum infinitate, soluitur in hunc modum, negando numeros illos in re esse infinitos: quod ita ostendo. Ad multitudinem realem requiruntur plures vnitates diuise: nam si sint indiuise, erit vnitas non multitudo; sic partes in continuo quia sunt indiuise, sunt vnum continuum non multa. Cum igitur isti numeri non sint diuisi ab invicem, non faciunt realem multitudinem, nec erunt à parte rei multi numeri. Nam etsi primi duo binarij sint à se realiter diuisi, tamen tertius binarius, qui est binarius binariorum, non est re diuersus ab illis duobus, sed idem re cum illis; siquidem numerus est idem re cum suis vnitatibus: ergo & binarijs binariorum erit idem re cum illis duobus binarijs, quia ad illos comparatur tanquam ad vnitates ex quibus constat. Quocirca ex isto binario & alijs duobus, non erunt à parte rei tres numeri, sed solum per intellectum erunt tres. Et licet non negemus tertium binarium esse realem binarium, quia habet reales duas vnitates ex quibus constat, negamus tamen illum facere numerum realem cum alijs duobus, quia non est ab illis re distinctus, solumq; primi duo binarij, sunt re diuersi, tertius verò tantum per rationem: ex quo manifestum est non procedi in infinitum in multitudine reali numerorum. Addo quòd cum numerus in sua ratione formali, seu quoad ordinem vnitarum, pendeat ab anima, non ponentur numeri actu infiniti, sed solum successiue in infinitum poni possunt ab anima numerante.

*Non dantur numeri actu infiniti.*

Tertiò. Sequeretur infinitum actu posse dari contra Aristotelem, & omnes Peripateticos. Nam licet aliqui per Dei potentiam dari posse concedant negant, tamen omnes dari naturaliter. Quod igitur sequeretur dari infinitum actu, sic probò: Nam aut relationes istæ distinguuntur ex natura rei à fundamento, & ex consequenti ab invicem, aut non distinguuntur nisi ratione. Si primum, erit multitudo relationum actu infinita: prima enim relatione posita, ponantur reliquæ omnes actu quæ sunt infinitæ. Si secundum, dabitur relatio infinita actu, constans infinitis relationibus. Sicut enim si daretur quantitas continua actu infinita, constaret partibus non actu distinctis sed potentia, & tamen esset infinita actu, quia tantum extensionem haberet quantum partes actu infinitæ & ab invicem distinctæ ita etiam relatio-

relationes istæ non essent distinctæ actu à parte rei, quia tamen sunt tot, quæ essent si distinguerentur actu, daretur infinitum actu in genere Relationis, & infinita quædam esset relatio identificata infinitis relationibus ad infinitos terminos.

Tertius modus respondendi est. Relationem non habere ullam realitatem à fundamento distinctam: advenit enim fundamento nulla ei addita re vel modo, & absq; omni mutatione, ut patet quæstione 3. Quocirca ex seipsa non habet unde fundet relationem realem. Fundamentum enim reale, debet esse res aliqua: quæ sit immutabilia subiecti, & si debeat esse per se fundamentum, debet esse per se ipsam res aliqua. Cum igitur Relatio per seipsam non sit res aliqua à fundamento distincta, sed est fundamentum ipsum respectu termini, seu cum connectione termini, ideo non est sufficiens ut per seipsam fundet realem relationem ob defectum realitatis propriæ. Quare omnes illæ relationes, quæ concipiuntur fundamenti relationes, sunt relationes rationis: concipiendo enim intellectus relationem tanquam rem aliquam per se, fundat in ea alias relationes. Fateor hunc etiam modum esse difficile. Nam si Relatio habet suum proprium esse relativum, idque reale, cur ergo secundum hoc esse non possit fundare realem relationem? nam sicut ratione huius esse (quale quale sit) refert realiter subiectum ad terminum, ita etiam potest esse reale fundamentum. Dicit tamen potest. Relationem habere quidem suum esse proprium relativum, sed realitatem huius esse non esse aliam quam realitatem fundamenti: eadem enim realitas ut sumitur respectu termini est relatio, ut verò sumitur secundum se est quid absolutum. Cum igitur relatio nullam novam realitatem superaddat (propter quam causam sine ulla reali mutatione rebus advenit) ideo non potest esse reale fundamentum, ut relatio est, quia ut relatio est nullam rem novam poni in subiecto. Adhæc, fateor à posteriori evidenter probari, relationem non posse fundare aliam relationem, propter progressum in infinitum: idque confirmari etiam exemplo divinarum relationum, quæ nullis reales relationes ad se invicem fundant, qualis esset relatio diversitatis vel dissimilitudinis, item æqualitatis, & aliæ similes. A priori tamen id demonstrare difficillimum. Nihilominus quamdiu doctiores aliam meliorem rationem non attulerint, illa quam acutissimus tolerari & defendi potest. Nam quod quidam asserunt, Fundamentum relationis debere esse unam quandam rem, ut ei possit identificari relatio in eo fundata: quia verò relatio non est hoc modo una res, cum constet fundamento & termino, ideo fieri non posse ut relatio sit fundamentum alterius relationis: deberet enim, inquit, illa relatio identificari simul duobus rebus distinctis; quod est impossibile. Hæc inquam ratio non concludit. Nam & falsum est relationem esse quid conflatum ex fundamento & termino: & necesse non est ad hoc ut aliquid identificetur relationi identificari eius termino. Fundamentum enim identificatur suæ relationi quam fundat, & tamen non identificatur termino: tota etiam ratio relationis est intrinsecè in fundamento; cum tanquam terminus sit extra fundamentum. Et hæc de secundo argumento secundæ sententiæ.

Iam ad tertium argumentum ejusdem sententiæ respondeo. Relationem esse quidem comparisonem quandam duorum inter se, verum hanc comparisonem non fieri necessariò ab intellectu, sed esse ex natura rei; nam sublato omni intellectu duo alba habent in se unde sint sibi similia, & duo quanta unde sint sibi æqualia vel inæqualia; habent enim sufficientem causam talis comparisonis.

Ad quartum respondent Nominales: si relatio nullam rem novam ponat in fundamentum,

*Realitas relationis est realitas fundamenti.*

fundamento, nullum absurdum est concedere in Deo tales relationes reales ad creaturam, ut etiam Suarez concedit, consequenter dici debere in sententia Nominalium, quia ex tali relatione non sequitur in Deo vlla mutatio aut accidens verum inherens Deo, cum sine vlla mutatione ei adveniat, nec aliud quidquam connotationem termini addat: de quo Suar. disp. 47. sect. 1 §. n. 21. ubi etiam ait sententiam Nominalium non esse vlla censura dignam.

Verum dicendum est, ex tali relatione non sequi quidem compositionem aut mutationem in Deo: sequi tamen aliud absurdum, nempe Deum dependere in aliqua sua perfectione, seu in aliqua sua intrinseca ratione à creatura. Relatio enim est quid intrinsecum & dependens essentialiter in suo esse à termino. Hæc autem dependentia Enti per essentiam repugnat, quod ex se est, id quod est, non ex creaturæ coexistentia aliqua. Et sicut repugnat Deum aut aliquam eius perfectionem ideo esse quia creatura est, sed è contra, ideo omnis creatura est, quia Deus est: ita repugnat relationem realem ad creaturam esse in Deo, quia esset ob coexistentiam termini creati, & ab eo dependeret.

*An possit esse in Deo relatio realis ad creaturam?*

## QVÆSTIO II.

*An Relatio sit quid intrinsecum rei relata, an verò sit extrinseca denominatio?*

Cum constet relationem esse Ens reale, merito quaeritur, An hoc Ens reale sit intrinsecum rei relatae vel extrinseca denominatio? de qua re sunt tres sententiae.

Prima sententia tenet esse meram denominationem extrinsecam à termino: album enim esse simile alteri nihil aliud est, quam habere alterum album tale quale ipsum est. Fundamentum huius sententiae est: Quia relatio advenit rei sine vlla ipsius mutatione, ut cum Aristotele in 5. Physic. omnes docent; neque enim album per hoc quod sit alteri albo simile vlllo modo mutatur: pari ratione cum cessat esse simile: Ergo signum est relationem nihil intrinsecum ponere in re relata; alioqui per receptionem novi Entis realis res relata mutaretur. Deinde omni alio ablato, & solum posito fundamento & termino, intelligitur relatio. Ergo relatio nihil addit intrinsecum fundamento; positus enim duobus albis, & ablata omni alia re, adhuc illa duo alba erunt similia sibi; quia vnum erit tale quale aliud: si igitur relatio nihil intrinsecum addit fundamento, necesse est ut per extrinsecam denominationem à termino constituatur; siquidem posito solo termino ponitur relatio in re relata, ablato verò termino tollitur: quod signum est relationem esse denominationem à termino. Porro hæc sententia tribuitur Durando in primo distinct. 30. qui tamen non tenet hanc sententiam, sed secundam, de qua iam etiam sequitur dicendum.

Secunda igitur sententia vult relationem partim esse intrinsecam, partim extrinsecam rei relatae: denominatio enim relativa non sumitur ab vna re, sed à pluribus sibi coexistentibus, hoc est, tam à fundamento quam à termino: album

bum enim, verbi gratia, esse simile, non est solum ipsum esse album, sed & aliud album esse tale, quale ipsum, & sic ab utroque albo sumitur denominatio relativa similitudinis, omnis enim relatio sumitur ex consorcio & coexistencia duarum rerum sub certa ratione acceptarum. Hæc sententia expressè est Durandi loco citato. Et ratio est: Quia relatio non minus denominatur à fundamento quam à termino: nam neutrum per se sufficit ad constituendam relationem; & utrumque æquè requiritur. Ergo denominatio relativa partim est intrinseca rei relatæ ratione fundamenti, partim extrinseca ratione termini. Hinc verò intelliguntur duo: Primum: quomodo relatio adveniat rei relatæ sine ulla mutatione, nimirum quia denominatio relativa sumitur non à solo fundamento, sed & à termino. Cùm igitur terminus de novo advenit rei, non immutat rem; est enim quid extrinsecum rei relatæ, quare & denominatio relativa, quatenus pendet à termino, sine ulla mutatione advenit rei relatæ. Secundum: quomodo relatio non faciat compositionem cum re relatâ; accedit enim rei relatæ per denominationem extrinsecam à termino, quod fit sine ulla compositione cum re relatâ.

Tertia sententia asserit relationem esse quid intrinsecum rei relatæ, in ordine tamen ad extrinsecum: quæ sententia est communis. Tota enim relatio est in re relatâ, quia verò refert rem ad terminum extrinsecum, ideo est intrinseca in ordine ad extrinsecum.

*Cur relatio  
non possit esse  
mera denomi-  
natio extrin-  
seca à termi-  
no?*

Dico igitur primò. Relationem non esse meram denominationem extrinsecam à termino. Primò. Quia esse, verbi gratia, album simile alteri, non est solum habere aliud tale quale ipsum, sed est ipsum intrinsecè esse tale, quale aliud. Nam habere aliud tale quale ipsum, est habere aliud sibi simile; non verò est ipsum esse alteri simile. Similiter esse partem non est solum habere solum à se genitum, sed est esse eum à quo filius est genitus; licet enim ista in re coincidant, tamen non eadem ratione significantur, & differunt ratione. Non igitur ad relationem constituendam satis est habere terminum, sed requiritur intrinseca habitudo rei relatæ ad terminum.

Secundò probatur: quia denominatio extrinseca non est relativa, sed absoluta, ut patet inductione. Nam esse vestitum vel locatum non sunt relationes, sed absolute denominationes à veste & loco; propria enim ratio relationis est esse ad aliud, non verò ab alio affici vel denominari: quare si relatio non sit aliud nisi denominatio extrinseca à termino, rueret tota ratio relationis, quia denominatio à forma absoluta non est relativa, sed absoluta. Neque verò argumenta primæ sententiæ concludunt relationem non esse quid intrinsecum, sed solum non addere rem novam intrinsecam distinctam à fundamento, quod verissimum est, ut ex sequenti questione patebit.

Dico secundò. Relationem non esse partim intrinsecam partim extrinsecam rei relatæ, sed totam esse intrinsecam. Probatur primò à quibusdam: Quia non esset relatio vnum Ens, sed multa, constaretque ex duabus rebus vna intrinseca, altera extrinseca, quod est contra communem conceptum de relatione, & contra Aristotelem, qui relationem vnum genus prædicamenti constituit; genera autem prædicamentorum non sunt aggregata ex multis Entibus, sed dicunt vnum genus Entis. Secundò. Relatio nihil aliud esset nisi duo absoluta Fundamentum & Terminus, ex his duobus solum constaret ex vno intrinsecè, & sic periret vnum genus prædicamenti: neque relatio esset genus aliquod distinctum ab alijs generibus absolutis simul sumptis,

Tertiò probatur à priori: Quia ratio relationis est esse ad aliud: at esse ad aliud est in se ipsum rei relatæ: Ergo tota ratio formalis relationis est intrinseca rei relatæ: neq; enim relatio componitur ex termino, sed ex habitudine & ordine ad terminum: quamvis autem terminus sit extrinsecus, habitudo tamen est quid intrinsecum rei relatæ seu rei habentis se ad terminum. Quare cum dicitur relationem nihil esse præter fundamentum & terminum, verum id est si ita intelligatur, quòd relatio nullam rem novam addat ad fundamentum & terminum. Cum hoc tamen fiat, quòd relatio non dicat nisi fundamentum ut se habet intrinsece ad terminum: albedo enim, verbi gratia, dupliciter potest denominare subiectum, primò ut albedo est in seipsa, & sic denominat subiectum album; secundò ut est talis qualis alia, & sic denominat subiectum simile alteri: prima denominatio est absoluta, secunda respectiva; utraque verò sumitur ab eadem albedine diverso modo considerata, nimirum absolute & respectivè, in se enim est albedo, respectu verò alterius albedinis est albedo similis.

Dico tertiò, Relatio est quid intrinsecum rei relatæ, in ordine tamen ad extrinsecum: quia est habitudo intrinseca ad extrinsecum terminum. Hæc Conclusio patet ex præcedentibus. Ex quibus patet an relatio sit Ens quoddam simplex vel compositum? triplex enim compositio potest cogitari in relatione. Prima est ex fundamento & termino ut dicebat secunda sententia; sed hæc compositio non datur, relatio enim non componitur ex termino, sed solùm constituitur ex habitudine fundamenti ad terminum. Secunda compositio potest cogitari ex fundamento & connotatione termini. Verùm neq; hæc compositio admitti potest in relatione. Nam connotatio illa termini non est res distincta à fundamento; non enim fundamentum per aliquod adiunctum connotat terminum, sed seipso & sua essentia respectu termini accepta, estq; connotatio ista, secundum id quod dicit in fundamento, essentialis fundamento, licet ratione termini connotari sit accidentalis; ipsa enim essentia fundamenti seipsa est connotans, id verò quod connotatur est terminus extrinsecus. Et simile quid est in omni forma informante subiectum; albedini enim essentialis est facere album, quantum est ex parte principij formalis; quia seipsa & suamet essentia facit album, est enim albedo ratio formalis & essentialis albi; & tamen ex parte subiecti accidentale est albedini facere album, quia accidentale est coniungi albedinem subiecto.

Pari ergo ratione, fundamentum essentialis est habere se ad terminum, quantum est ex parte principij formalis habitudinis, quia album non alia, sed suamet essentia habet se ad aliud album; siquidem suamet essentia est tale quale aliud: verùm quia ad istam habitudinem præter essentiam albedinis requiritur coexistentia termini, etque coexistentia est accidentalis albo, ideo & habitudo ex parte termini est accidentalis albo, & ex consequenti est simpliciter accidentalis, cum sine coexistentia termini non sit simpliciter. Tertia compositio in relatione potest cogitari ex partibus quasi integrantibus: Cum enim relatio re non differat à fundamento, necesse est ut si fundamentum sit constatum ex multis quasi partibus, etiam relatio in illo fundata sit constata ex multis partibus. Id verò apparet in relationibus numerorum: numeri enim referuntur ad invicem relatione dupli, tripli, decupli: atqui hæ relationes non sunt res simplices: sunt enim idem cum numero, numerus autem nō est res simplex, sed constans multis unitatibus; quare & dictæ relationes erunt idem quod multæ unitates, una proportionem se habentes: si enim relatio dupli, verbi

*Ratio a priori propter quam relatio tota debeat esse intrinseca rei relatæ, quamvis terminum respiciat extrinsecum.*  
*An relatio nihil sit præter fundamentum & terminum?*

*An relatio sit Ens simplex vel compositum?*

verbi gratia, dicatur esse res simplex, quæro ubi existat hæc relatio? Num in singulis unitatibus tota? num secundum aliquid in vna unitate, secundum aliud in altera? Primum dici non potest, quia sic singulæ unitates essent duplex, propter relationem dupli quam haberent: Secundum vero si dicatur, ~~iam relatio non erit res simplex~~, sed conflata ex multis quasi partibus, sicut vna domus ex multis lignis & lapidibus. Verum hæc relationes numerorum fortè non sunt reales (nisi fundamentaliter) vix enim possunt intelligi istæ partes integrantes relationum.

### QVÆSTIO III.

*An relatio sit res distincta à fundamento?*

*Vnde cognoscatur distinctio vnius ab altero ex natura rei.*

**C**um constet relationem esse quid intrinsecum rei relatæ, inquirendum est an sit eadem res cum fundamento, vel res à fundamento distincta ex natura rei. Porro distinctionem ex natura rei à posteriori colligimus ex separatione vnius ab altero, quando nimirum vnum potest existere sine altero: si enim vtrumque possit sine altero existere, erit perfecta distinctio realis: sic forma & materia distinguuntur, quia vtrumque sine altero potest per Dei potentiam existere; si verò ex vna parte tantum possit esse separatio non ex altera, ita vt vnum possit existere sine altero, alterum verò non possit sine illo, talis distinctio est quidem ex natura rei, sed non perfecta; quia non mutua: & dicitur communiter distinctio formalis vel modalis, prior verò simpliciter & absolute dicitur realis. Sic figura dicitur distinguui à quantitate: quia quantitas potest esse sine figura, figura verò non potest esse sine quantitate; siquidem figura essentialiter dicit quantitatem tali modo dispositam.

Prima igitur sententia tenet relationem esse accidens quoddam fundamentum superadditum, & ex natura rei à fundamento distinctum siue realiter, siue formaliter vel modaliter. Huius autem accidentis essentia consistit in puro respectu & habitudine ad terminum, qui respectus cum pendeat à fundamento & termino, ponitur posito fundamento & termino, aufertur verò altero horum ablato. Hæc sententia est Cajetani prima parte quæst. 28. art. 2. Capreoli in primo dist. 13. q. 1. Ferrarien. 4. cont. gent. cap. 14. Fonse. 5. Metaph. cap. 15. quæst. 2. Ruvijs hic quæst. 13. quanquam quidem volunt distinguui realiter, aliqui formaliter, alij modaliter. Suedetur autem hæc sententia his præcipue argumentis.

Primum & præcipuum argumentum sumitur ex separabilitate relationis à fundamento. Nam quando vnum potest existere non existente altero, illa duo necesse est ex natura rei distinguui; alioqui sequeretur idem secundum idem esse simul & non esse, quæ sunt contradictoria: æqui existente fundamento non existit relatio: Ergo ista duo ex natura rei distinguuntur. Minor probatur: Nam si existat vnicum tantum album in mundo, non existet similitudo, quia non datur aliud album, cui possit esse simile, productio verò alio albo, statim incipit similitudo in priori albo.

Confirmatur primò. Quia vel in priori albo erat tota essentia relationis, cui omni-



ibus suis gradibus genericis & specificis, vel non erat: si primum: ergo referebat illud album ad terminum; impossibile enim est, relationem esse in aliquo, & non referre; effectus enim formalis relationis est referre: sicut impossibile est albedinem esse in aliquos quin faciat illud album. Si secundum: ergo relatio est alia quædam res à fundamento distincta, quæ non existat tunc, cum fundamentum existit. Idem ostendi potest de corruptione relationis. Nam destructo termino, vel desinit esse relatio, vel non: Si primum: ergo relatio est res distincta à fundamento; quia relatio quoad totum suum esse reale desinit, fundamentum verò non desinit: Si secundum: ergo relatio illa referet subiectum ad terminum, sicut & ante referre; impossibile enim est esse relationem in aliquo, & non referre, cum hæc sit ejus essentia. Quod si dicas relationem esse quidem, sed non referre, propter defectu termini. Contra: quia deficiente termino, si manet essentia relationis, debet necessario referre: si non manet; ergo aliquid reale intrinsecum decessit rei relatæ, ac ex consequenti illud est res aliqua distincta à fundamento.

Confirmatur secundò. Nam ratio formalis relationis est esse ad aliud, estq; hæc ratio intinseca rei relatæ: vel igitur istud esse ad intrinsecum existit, non existente termino, vel non existit: Si existit; ergo refert: si non existit; ergo aliquid reale intrinsecum desinit esse. Deinde cum relatio accedat & recedat manente eodem fundamento, peto, illud quod accedit & recedit, an sit aliquod accidens, vel substantia/non substantia, ut patet; ergo accidens; ergo aliquid reale accedens accessit vel recessit, ac ex consequenti est accidens distinctum à fundamento.

Secundum argumentum est. Eadem res secundum idem non potest simul intendi & remitti; sunt enim isti duo motus contrarii: atqui cum intenditur fundamentum, remittitur relatio, & è converso: non sunt igitur eadem res fundamentum & relatio. Minor probatur. Nam si sint duo æque alba, & in vno intendatur albedo, per talem intentionem minuitur similitudo ad alterum album; sit enim alteri albo dissimile in gradu.

Tertium argumentum. Si relatio non distinguitur ex natura rei à fundamento, sequitur relationes in eodem fundamento fundatas, non distingui inter se ex natura rei; quæ enim sunt idem vni tertio, sunt eadem inter se: atqui hoc est falsum, nam in eodem fundamento possunt fundari relationes contrariæ, relationes autem contrariæ non possunt esse idem inter se; idem enim album est & simile albo, & dissimile nigro; & utraque hæc relatio tam similitudinis, quam dissimilitudinis in eodem fundamento fundatur.

Secunda sententia est opposita, relationem à fundamento nullo modo ex natura rei distingui, sed sola ratione. Ita Alensis 5. Metaph. in textum 20. Egidius in primo distin. 26. quæst. 4. Argentina in 2. distin. 20. quæst. 1. Achillinus de distinctionibus cap. 26. Herucus in primo distin. 13. quæst. 1. art. 1. Iavellus 5. Metaph. quæst. 22. Soncinas 5. Metaph. quæst. 28. Silvester in consilio quæst. 28. & in cap. ad aliquod quæst. 2. Sorus hic quæstio 2. Rubio in primo dist. 25. Concl. 1. Zumel, in 1. parte quæst. 28. art. 2. dubio 6. Canariensis ibidem disput. 3. quæst. 2. Petrus Niger in clypeo quæst. 34. Albert. hic quæst. 1. Zimara in tabula ver. Relatio. ubi etiam eandem sententiam tribuit Averrois in pluribus locis. Burleus 8. Physic. in tex. 9. & in cap. ad aliquod. Ariminen. in primo dist. 28. Valentini in 1. par. disput. 2. quæst. 7. pun. 1. Suarez in Metaph. disp. 47. de relatione; & videtur D. Thomæ opulc. 48. cap. 2. ubi ait, similitudinem Sortis

43. cap. 2. ubi ait, similitudinem Sortis non esse aliquam rem in Sorte aliam ab ipsa albedine, sed solum esse ipsam albedinem, ut se habet ad albedinem Platoni ut terminum. Idem deducunt Sorus, Soncinas, Iavellus ex opusculo dicto & quest. 7. de potentia art. 8. & 3. Physic. lect. 3. Eadem est sententia D. Anselmi in Monologio, qui ex eo probat Deo posse advenire relationes ex tempore, quod relatio rebus adveniat sine vlla ipsarum mutatione, ut bene declarat Suarez supra lect. 1. §.

Fundamentum huius sententiae est duplex. Primum est: quod relatio advenit fundamento, sine vlla ipsius reali mutatione. Alterum est: quod posito fundamento & termino, & nulla re alia addita, sufficienter intelligitur relatio.

Quantum ad primum argumentum: id est ipsius Aristotelis 5. Physic. tex. 1. ubi probat ad relationem non esse motum; Omnis enim motus fit per mutationem subiecti, relatio vero sine vlla subiecti mutatione acquiritur, per hoc solum quod aliquid aliud mutatum est; ut si producatur novum album in India, ego fierem illi albo similis, sine vlla mei mutatione, & sine vlla rei alicujus acquisitione: quod evidens est argumentum, relationem non esse rem superadditam fundamento, sed ipsum fundamentum ut se habet ad terminum. Neque vero potest exponi Aristoteles, quod solum neget relationem acquiri per mutationem per se, non autem negare mutationem per accidens, quae fit consecutivè ad aliud: nam Aristoteles expressè ait, subiectum acquirere relationem, non per sui, sed per alterius mutationem: nullam ergo mutationem relationi concedit, neque per se, neque per accidens, sed totam mutationem aut esse in termino. Neque in hoc vim sui argumenti ponit, quod relatio per accidens acquiratur, sed quod per mutationem extrinsecam terminum acquiratur, sine vlla subiecti mutatione, solumque mutationem ostendit in termino, non in ipsa relatione.

Eandem rationem videt S. Thomas opusculo citato. Si enim similitudo adderet aliquam rem super albedinem, nullo modo posset aliquis fieri alteri similis sine sui mutatione: At si aliquis, inquit, in India modò fieret albus, fierem illi similis nulla facta mei mutatione: Ergo. Deinde absurdum vel saltem incredibile videtur, ad motum vnius mixtae, vel formicae, totum mundum mutari realiter, novis relationibus distantiae, vel propinquitatis acquisitis, vel antiquis de perditis. Denique nulla re de novo addita, nullaque facta reali mutatione in subiecto, sufficienter intelligitur relatio subiecti ad terminum: Ergo. Nam album nulla alia re addita, est verè tale album, quale aliud, ac ex consequenti est simile alteri albo, absque mutatione subiecti.

Quidam videtur idem argumentum ex eo, quod impossibilis sit modus producendi, & corrumpendi talem relationem, quae sit res distincta à fundamento: Nam si de productione loquamur, talis relatio vel produceretur à fundamento, vel à termino. Non à termino; quia nullum agens potest agere ex quacunque distantia à termino in quacunque distantia posito, sequitur relatio: non igitur relatio talis à termino producit. Deinde posito albo extra mundum in vacuo, erit album illud simile alijs albis, & alia ipsi, cum tamen per vacuum nulla possit esse actio. Non potest etiam produci à fundamento per emanationem & resultantiam quandam, quia talis productio esset per se, non per accidens, sicut cum aqua reducit se ad primum frigus, talis reductio etsi fiat per emanationem, est verè productio per se: rigoris: tum quia si fundamentum est causa adaequata, & sufficiens ad producendum relationem, produceret relationem etiam termino non existente; causa enim sufficiens

iente applicata subiecto apto, sequitur necessariò actio. Simili ratione ostendunt, non posse assignari causam corruptentem talem relationem: Pereunte enim termino, à quo corrumpitur relatio? Num à seipsa? At nihil seipsum destruit, esset enim simul & non esset: esset, quia nisi esset, non posset se destruere, cum à non esse nulla producere possit actio: non esset, quia destrueretur. Num à contraria? At nullum tale apparet. Num à termino? At sicut non producit à termino, ita nec corrumpitur ob defectum termini. Num à fundamento? At qua actione? num positiva? At nihil positivum tunc producit à fundamento, quod corruptat relationem. Num actione negativa & subtractione influxus? At relatio semel producta non pendet in conservari ab agentis: quod si demus pendere in conservari à fundamento, tamen quæ causa est, quod fundamentum non subtrahit suum influxum nisi pereunte termino? Nam neq; relatio pendet in illo genere causæ à termino, neq; fundamentum scire potest, an & quando pereat terminus, in tanta præsertim distantia positus, ut in gratiam eius subtrahat influxum.

Verum hæ rationes ex modo productionis & corruptionis ductæ, non videntur omnino concludere: dici enim posset relationem non pendere à termino, tantum à causa producente, & tunc illi existentiam; sed pendere essentialiter, quia essentialiter illum respicit, & respectu termini dicitur relatio, neq; potest sine illo habere suam essentialitatem. Pendet autem relatio essentialiter à termino, non solum in abstracto accepto, sed etiam ut sibi coëxistente; unde fit ut essentialiter requirat coëxistentiam termini, & sine ea nec produci nec conservari possit. Simili ratione dici potest, fundamentum producere relationem per emanationem quandam: quod autem hæc emanatio non fiat nisi existente termino, id non accidit ex sufficientia fundamenti, sed ex dependentia essentiali relationis à termino coëxistente. Non est autem necesse explorare, an terminus existat? nam ad hoc sufficit essentialis illa determinatio relationis ad terminum, ita ut poni non possit, nisi posito termino. Exemplum manifestum est in Magnete, qui natura determinatus est ad dirigendum ferrum ad polum, seu ad stellam polarem, etiam si tunc intervallo distat: quod si non esset stella polaris, vel transferretur in aliam cæli partem, motus quoq; Magneticus stellæ sequeretur sine ulla cognitione, per solum naturæ ductum, quo etiam modo heliotropion sequitur solem. Ex quo etiam patet, quomodo deficiente termino deficiat relatio; nimirum quia deest id, sine quo essentia relationis consistere non potest: sicut enim albedo non potest dare esse album, nisi habeat subiectum quod recipiat albedinem, ita neq; potest facere simile, nisi adsit aliud album, cui subiectum debeat esse simile.

Quantum ad secundum argumentum, illud evidenter concludit. Si enim posito fundamento & termino, & nulla alia re addita, sufficienter intelligitur relatio, necessariò sequitur, relationem non esse rem superadditam fundamento, nec ab eo ex natura rei distinctam. Sint enim verbi causa duo alba, proculdubio Deus potest ab illis separare omnem aliam rem ab albedine distinctam, aut nolle concurrere ad rem aliam ab albedine distinctam. Nam illa res cum pendat à concursu Dei libero, potest Deus illi rei concursum suum denegare, quo sublato, res quoq; illa non existit. In hoc igitur casu, illa duo alba essent æque sibi similia, sicut ante: ergo nulla re addita albedini, sufficienter album est simile albo, & tali planè modo simile, sicut fingitur simile, addita realitate relationis; quia esset tale album, quod alterum, siue addatur nova realitas relationis, siue nō. Quod verò responderet Ruvius

*Quomodo relatio in sua essentialitate pendet à termino & fundamento.*

*Secunda Ratio.*

in.

in tali casu illa alba non fore similia formaliter, sed tantum fundamentaliter, id non est probabile, quia in tali casu vnum album esset tale, quale aliud, hoc est talis essentia; ergo esset formaliter simile alteri albo; nihil enim aliud est esse formaliter alteri simile, quam esse tale, quale aliud.

Addunt quidam. Si relatio esset res distincta à fundamento, posset conservari sine fundamento; res enim distinctæ pendet à distinctis concursibus. divinis; distincti autem concursus divini ita se habent, ut possit vnus subtrahi non subtrahendo alium. Dato igitur casu, sequeretur hoc absurdum, quod aliquid esset simile albo sine albedine, hoc est, sine fundamento similitudinis. Hoc tamen argumentum non viget: dici enim posset, propter dependentiam essentialem relationis tam à fundamento, quam à termino, non posse conservari relationem absq; fundamento & termino: similitudo enim, verbi gratia, dicit convenientiam alborum in albedine. Simili ratione neq; figura potest conservari sine quantitate, licet censetur esse ex natura rei à quantitate distincta.

*Vna & eadem  
forma deno-  
minare potest  
absolutè &  
respectivè.*

Pro solutione argumentorum notandum est: denominationem esse duplicem: absolutam, & respectivam; illa sumitur à forma absoluta secundum se, hæc verò sumitur à forma absoluta, non ut est talis in se, sed ut est talis respectu alterius. Vnde sequitur eandem formam denominare posse absolutè & respectivè diversis rationibus: quia ut est in se talis denominatur absolutè, ut verò est respectu alterius talis denominatur respectivè. Quomodo autem nulla re adveniente, eadem forma quæ denominabat absolutè, incipiat denominare respectivè, facile intelligitur, si quis concipiat formam secundum idem esse, & talem in se, & talem respectu alterius: eadem enim quantitas secundum eandem rationem quantitatis, & in se est tanta, & respectu alterius maior vel minor, sine vilo augmento & diminutione quantitatis. Medij etiam colores in se sunt vna essentia, & tamen respectu diversorum extremorum, habent rationem albi & nigri. Nam color viridis respectu albi, habet rationem nigri, respectu nigri, habet rationem albi, idq; absq; vlla re de novo sibi addita, & secundum eandem rationem coloris viridis. Pari ergo ratione albedo, ut in se est talis essentia, denominatur rem albam, ut verò est talis, vel talis, respectu alterius, denominatur rem similem vel dissimilem. Porro fundatur similitudo in albedine, non absolutè, ut albedo est, sed ut est vna albedo cum altera, ita ut ad relationem requiratur non solum terminus ad quem, sed etiam fundamentum sub certa ratione fundandi acceptum: eadem enim albedo ut diversa a nigredine, fundat relationem dissimilitudinis, ut verò est vna cum albedine, fundat relationem similitudinis. Quare fundamentum nulla re alia addita, sed solum respectu termini, seu cum connotatione termini acceptum, incipit esse relatum, & sublato termino, nulla re in se deperdita, definit esse relatum, quia caret termino cuius respectu est, & dicitur relatio.

*An ex non si-  
mili possit fi-  
eri simile, sine  
acquisitione  
alicuius rei?*

Hinc igitur facile explicari possunt variae difficultates. Prima est, Quomodo album ex non simili fiat simile, sine vilius rei acquisitione. Nam vel hæc similitudo acquisita, est aliquid novi in albo, vel nihil: si primum; erit quid distinctum ab albo: si secundum; similitudo non erit quid intrinsecum. Ad hoc igitur respondendum est. Similitudinem illam de novo acquisitam, esse rem novam non absolutè, sed respectivè, non ex parte fundamenti, sed ex parte termini: non enim aliqua res nova accessit fundamento, sed solum ejusdem fundamenti habitudo nova ad terminum: Quia enim relatio præter fundamentum ad

nam essentiam, requirit coëxistentem terminum, idcirco posito termino, ponitur essentia relationis, quæ ante non erat ob solum defectum termini: Posito enim termino incipit fundamentum habere se ad terminum, non per sui mutationem, sed per mutationem termini. Nam non existente termino, non habebat se respectivè ad ipsum, quia non erat; posito verò termino, incipit se habere ad terminum, quia est: nulla re de novo addita.

Dices. Saltem alio modo se habet fundamentum, cū respicit terminum, quā Anpositio ter-  
mine, cū eum non respiceret. Respondeo. Habere se novo modo respectu ter-  
mini, sed nulla entitate reali acquisita; antiqua enim entitate habet se ad termi-  
namentum ali-  
quod novum, quia is ponitur, & connotatur. Quare propter hanc con-  
notationem novi termini, habet se novo modo, absque ulla novæ rei acquisitione. tetur?

Nam etsi absolute non potest aliquid aliter se habere sine novæ rei acquisitione, tamen respectivè potest aliter se habere, sine ulla novæ rei acquisitione, propter solam mutationem termini, ut explicatum est. At inquires. Similitudo non fuit, & jam est; ergo ante non fuit in re aliqua essentia, quæ modo est. Respondeo. Similitudinem fuisse ante quodam omnem rem quam dicit in fundamento, solum verò non fuisse talem respectu termini. Quare etsi non fuerit similitudo sub ratione similitudinis, & sub ratione essentiaæ respectivæ, & post cepit esse similitudo; tamen hoc totum fit sine ulla novæ rei accessione, solum ex eo quòd nunc fundamentum firmatur respectu termini, ante verò sumi non poterat, quia non existeret terminus. Vnde essentia absoluta fit respectiva, eo ipso quòd respectu termini accipitur, & nova ista habitudo advenit fundamento per solam mutationem, & connotationem termini: Non enim idcirco incipit referri, quòd aliquid de novo recipiat, neque quòd res aliqua ei defuerit requisita ad habitudinem, sed solum quòd defuerit terminus; non existente enim termino, non poterat ad illum referri, nec illius respectus esse talis: sicut quantitas non potest dici parva, nisi respectu majoris.

Simili ratione explicari potest & illa difficultas, quomodo deperdatur relatio. Non enim deperditur aliqua res, vel modus realis absolutus, sed solum respectivus; *tunc aliquid ex hoc est, sublato termino, desinit res illa esse talis non absolute, sed respectu termini sui realitate* & eadem essentia fit ex respectiva, non respectiva, sine ulla sui mutatione, *propter solum mutationem termini, sicut substracto subiecto, desinit albedo facere il-* *verò tantum respectum ad* *alium, propter subiecti non propter suam mutationem.*

Tertio explicatur: quomodo relatio distinguitur à fundamento; non enim distinguitur ut res à re, sed ut eadem res respectivè accepta, distinguitur à seipsa absolute accepta. Ex quo sequitur, non distingui realiter à fundamento, sed formaliter tantum. Nam licet fundamentum existat, non existente relatione, tamen id non propere accidit, quòd aliqua res intrinsece desit fundamento, ut accidit in absolute; sed quòd desit terminus extrinsecus, cujus coëxistentia ad essentiam relationis requiritur, eoque extrinsece posito, sufficienter tota essentia relationis ponitur, nulla re alia intrinsece fundamento accedente. Distinguitur igitur relatio à fundamento, solum formaliter, quia distinguitur definitione; aliquid enim in sua definitione includit relatio, nempe terminum, quem non includit in sua definitione fundamentum.

Quod si quæras. An cum dicimus distinguere formaliter à fundamento, intelligi distinguuntur à fundamento distinguuntur sola ratione ratiocinata : Nam illa sola ratione distinguuntur, quæ seipsa absolute sine ratione distinguere non possunt ; ratio vero sine omni ratione nullo intellectu re accepta.

Y cogitante

cogitante distinguitur à fundamento; quia realiter cessat, & non convenit fundamento, si auferatur terminus. Respondeo. Distingui sola ratione ratiocinata. Nam quod cesset esse relatio cessante termino, id non accidit ob aliquam ejus distinctionem realem à fundamento (nihil enim reale per hanc cessationem fundamentum decedit) sed ob defectum termini, sine quo relationis essentia intelligi non potest.

Dices. Saltem dici poterit ratione termini distingui realiter à fundamento. Respondeo. Id quidem dici posse, verum hoc nihil aliud est, quam terminum relationis distingui realiter à fundamento: quod mirum non est, cum etiam ab ipsa relatione distingatur realiter. At nos non id querimus, sed an relatio seipsa & ratione sui distingatur à fundamento, non solum ratione termini; essentia enim relationis est re distincta ab essentia termini; quare distingui ratione termini, non est distingui essentia ipsa relationis; & licet essentia relationis sit ad terminum, non tamen est idem quod terminus, cum aliud sit esse ad terminum, aliud esse terminum.

Iam respondendum restat ad argumenta prioris sententiae. Ad primum respondeo propositionem illam, quando uno existente aliud non existit, ea distingui ex natura rei, esse veram in absolutis non in respectivis: ratio discriminis est. Quia respectiva, cum sint ad aliud, possunt desinere esse, ex solo defectu alterius, absque ulla sui diminutione & variatione ut dictum est; quare non est necesse ut ea de causa distinguantur realiter, nisi extrinsece, ratione termini. At absoluta, si desinant, ratione sui formaliter desinunt esse; & idcirco necesse est, ut ratione sui distinguantur realiter. Et hac de causa Aristoteles ad relationem negavit esse motum, quia per mutationem alterius, non per mutationem sui desinit, & incipit esse. Mixtum etiam est inductione, omnia quae per respectum ad aliud dicuntur talia, sine ulla suae realitatis diminutione, incipere & desinere esse, per solam mutationem alterius: sic parvum, quia respectu majoris dicitur parvum, sine ulla sui mutatione se parvum posito majore, & magnum posito minore. Idem de reliquis dici potest. Quod verò obijcitur, ex eo sequi, de eodem affirmari simul esse, & non esse; respondendum est, de eodem sub diversa ratione posse affirmari esse, & non esse.

*Relatio incipit esse posito termino, nulla alia re nova superaddita rei relatae.*

*An est ad aliud semper sit intrinsecum relationi, siue existente termino siue non existente.*

Ad primam confirmationem Respondeo. Essentiam relationis non fuisse tantquam esset terminus, posito verò termino incipere esse, non per novam accessionem, sed per ejusdem rei ad novum terminum habitudinem: ad quod non novitas in subiecto requiritur, sed tantum novus terminus, ut ejus respectu sit id, quod absque eo non erat.

Ad secundam confirmationem Respondeo. Illud esse Ad esse intrinsecum, sed respectu extrinseci termini; quare non existente termino, existit quidem intrinsece absolute, non tamen respectivè. Verbi gratia, non existit in se tale album, presertim non est tale album, quale aliud; non quod in se non sit tale, sed quod respectu alterius albi non sit tale: ad hoc autem sufficit non existentia termini. Quia ad hoc, ut aliquid, quod est respectu alterius tale, non existat, non est necesse ut absolute non existat, sed ut respectu alterius non existat; ut verò respectu alterius non existat, satis est si terminus non existat; hoc enim solo respectu terminus non existentis, non existet, absque alia ullius rei diminutione: sic parvum, cessat esse parvum, si majus auferatur, non quod in se sit in magnitudine mutatum, sed quod non habeat respectu cuius dicatur parvum.

Ad secundum respondeo: Eadem res absolute quidem accepta non potest simul intendi, & remitti, respectivè tamen potest: sicut eadem quantitas, respectu diversorum

locum est magna, & parva, major & minor : quare & eadem albedo respectu termini potest intendi, in se verò potest remitti.

Ad tertium respondeo. Relationes in eodem fundamento fundatas, non esse distinctas ab invicem intrinsecè & ex natura rei, nec à fundamento, & solum distinguuntur realiter ex parte terminorum, quia sunt ad terminos realiter distinctos : quare similitudo & dissimilitudo in eadem albedine fundata, non distinguuntur ex natura rei : neque ista similitudo & dissimilitudo sunt relationes contrariæ cum sint respectu diversorum, nempe respectu albi, & nigri.

QVÆSTIO IV.

*Quæ sint fundamenta relationum.*

CERTUM est relationem prædicamentalem egerè fundamento, quod sit ratio & quasi causa relationis : Non enim relatio temerè competit subjecto, sed ob aliquam rationem & causam. Porro fundamentum, ut fundet relationem, accipere debet sub certa ratione fundandi : unum enim & idem fundamentum sub diversis rationibus fundandi fundat diversas relationes ; albedo verbi gratia, fundat similitudinem ad aliud album quatenus est unum in albedine cum ipso, dissimilitudinem vero ad nigrum, quatenus est diversum. Fundamentum igitur est res, vel forma fundans relationem, ratio verò fundandi, est modus & ratio sub qua fundatur relatio. Quocirca Aristot. 4. Metaph. 15. distinxit tria genera fundamentorum, in ordine ad triplices rationes fundandi. Quædam enim relationes fundantur in unitate & multitudine, quædam in actione & passione, quædam denique in mensurabilitate.

*Relatio eger  
fundamento.*

*Tria genera  
Fundamen-  
torum.*

In unitate fundantur relationes identitatis, æqualitatis, similitudinis, propinquitatis, coexistentiæ, &c. si enim fuerit unitas duorum in essentia, erit identitas, si in quantitate erit æqualitas, si in qualitate erit similitudo, si in loco erit propinquitas, si in tempore erit coexistentia. In multitudine verò fundantur relationes diversitatis, inæqualitatis, dissimilitudinis, distantie, excessus, defectus, & alie similes : per has enim relationes idcirco res ad se referantur, quia non sunt unum, sed multa, secundum aliquam rationem & formam.

Aliæ relationes fundantur in actione & passione : quales sunt omnes relationes inter causam & causatum, quarum relationum fundamentum est potentia activa & passiva, ratio verò fundandi est actio vel passio. Potest verò causa referri ad causatum ; vel in potentia tantum, quia potest causare & aliud potest causari ; vel in actu, quia actu causat : qui actus potest esse vel præteritus, ut cum generans refertur ad id quod genuit ; vel præsens, ut cum causa refertur ad id quod actu causat ; vel futurus, ut cum causa refertur ad effectum causandum in futuro.

Tertii modi relationes sunt, quæ fundantur in esse mensurabili, scibili, intelligibili, & similibus. Quædam enim dicuntur talia, per denominationem à suis correlativis, seu ut ait Aristoteles, quia alia referuntur ad ipsa : sic scibile dicitur scibile, quia scientia est de ipso, seu quia scientia ad ipsum refertur.



*Relatio realis  
quæ?*

Circa hæc tria relationum genera quæri potest primò, An omnes ejusmodi relationes sint reales? Pro quo suppono, relationem realem esse illam quæ convenit rebus absque operatione intellectus: quod tunc accidit, quando omnia requisita ad relationem sunt realia, nempe subiectum, fundamentum, & terminus. Voco subiectum rem quæ refertur, sive sit subiectum propter inhaerentiam relationis in ipsa, sive propter identitatem cum ipsa. Fundamentum verò reale est illud quod a parte rei est sufficiens ratio & causa fundandi relationem: Similiter terminum realem voco, qui à parte rei habet rationem sufficientem ad terminandam relationem, sine ulla ope intellectus.

*Relatio non  
realis.  
Ex defectu  
subiecti realis.  
Ex defectu  
Fundamenti.*

Quocirca ex triplici capite potest oriri quod aliqua relatio non sit realis. Primò. Si subiectum relationis non sit reale: & sic duo panes consecrati in Eucharistia, cessant esse realiter sibi similes in albedine, etiamsi tam fundamentum quam terminus talis similitudinis sit realis: quia nimirum subiecta ipsa non sunt realia. Secundò. Si fundamentum non sit reale: dicitur autem fundamentum non reale; vel quia realiter non existit; vel quia à parte rei non est sufficiens ad fundandam relationem, sine ope intellectus. Ratione primi, paries per albedinem quam actu non habet, sed tantum in potentia, non potest dici realiter similis alteri parieti actu albo; quia etiamsi subiectum sit reale & terminus realis, deest tamen fundamentum reale similitudinis. Ratione secundi, relatio distinctionis inter extrema non distincta à parte rei, non est realis, sed rationis: Verbi gratia, inter attributa divina, vel inter quascunque rationes formales distinctas per intellectum; quia licet talis distinctionis sit aliquod fundamentum in re, quia res apta est hoc modo ab intellectu concipi & distingui, hoc tamen fundamentum à parte rei sine ope intellectus non est sufficiens ad causandam relationem distinctionis, quia est fundamentum remotum non proximum: posita verò abstractione intellectus, res illa sit fundamentum proximum ad causandam relationem; attributum enim abstractum ab altero dicit relationem distinctionis ab illo. Et universè loquendo omnes relationes rationis quæ dicuntur habere aliquod fundamentum in re, ex hoc capite non sunt reales, quia illud fundamentum non est à parte rei proximum & sufficiens, sed solum concurrente intellectu, & perficute in illo rationem fundamenti. Ex hoc etiam capite relatio Dei ad creaturam non est realis ratione fundamenti: quia Deus ob suam independentiam à creaturis non potest fundare ordinem realem ad illas.

*Ex defectu  
Termini  
realis.*

Tertiò. Si terminus non sit realis, vel quia non realiter existit, vel quia non habet à parte rei rationem sufficientem terminandi. Ratione primi, ens actu ad ens in potentia non dicit relationem realem: quia cum terminus non existit, nihil est in re ad quod terminari debeat realiter relatio, ut infra peculiari quaestione docebitur: quare ignis actu existens, non refertur realiter relatione calefactivi ad lignum in potentia; nec pater refertur realiter ad filium jam mortuum: siquidem hoc esset referri ad nihil, referri autem ad nihil est non referri: Sicut comedere nihil, est non comedere. Dices. Non esse nihil omnino: quia etsi sit nihil, tamen potentia est aliquid.

Contra. Eps in potentia in se ipso, est actu nihil, solum verò est in potentia suorum causarum aliquid, & dicitur ens in potentia, denominatione facta extrinseca à potentia suarum causarum, quæ possunt illud producere: Vnde ut sic est quid reale, sed in suis causis, & realitate non propria sed causarum. Porro relatio terminandi debet

debet ad ipsum ens secundum entitatem propriam, quæ quia nihil est in se, ideo nulla est ratio realiter terminandi ullam relationem. Ratione secundi: relatio generis ad species non est realis, non solum ratione fundamenti, sed etiam ratione termini: quia licet natura specifica ad quam terminatur relatio generis sit realis, non tamen habet à parte rei sufficientem rationem terminandi. Relatio enim generis terminatur ad essentiam specificam ut est abstracta per intellectum, & sic in ratione terminandi completur per intellectum.

Præter hæc tria, vix aliquid aliud potest requiri ad relationem realem in communem: quia hæc solum tria concurrunt ad relationem, quare hæc eadem si sint vel non sint realia, faciunt sufficienter relationem realem vel non realem. Quando enim omnia principia alicujus rei sunt realia, necesse est rem illam esse realem, & è contra; quilibet enim effectus sortitur suam realitatem à suis causis. An verò extrema debeant esse non solum realia, sed etiam realiter distincta; dicitur infra.

Ex hac igitur doctrina judicandum est, quæ sint relationes reales, quæ non. Quod si dicas, ejusdem ad seipsum non est relatio realis, etiam si hæc omnia tria sint realia, subiectum, fundamentum, terminus: omnes verò consentiunt, identitatem ejusdem ad seipsum non esse relationem realem, solum ob defectum distinctionis realis. Respondeo. Omnem relationem realem requirere aliquo modo distincta re extrema; quia relatio ut relatio est ad aliud, ut infra dicemus: ubi etiam patebit hunc defectum reduci ad defectum fundamenti & termini. Nisi enim relatio fundatur in re aliquo modo distincta ab extremis, non habet in se fundamentum sufficientem ad relationem realem; & ita est in relatione identitatis ad seipsum.

Secundò quæritur potest, de relationibus secundi modi, quod sit earum fundamentum? Videntur enim tales relationes non habere in quo fundentur. Paternitas enim, verbi gratia, non potest fundari immediatè in substantia patris, quia sicut non immediatè per suam substantiam est pater generans, sed per potentiam generativam, ita non immediatè per suam substantiam est pater. Neque etiam potest fundari in potentia generativa; quia hæc solum facit posse generare, & ex consequenti posse esse patrem. Neque in actione generandi; quia actio non est in agente, sed in passio, quare paternitas esset in distincto subiecto à suo fundamento, & ex consequenti distingueretur realiter à fundamento: Nam ipsa esset in patre, fundamentum verò esset in filio. Deinde vel paternitas dependet ab actione generandi, vel non: Si dependet; Ergo cessante generatione, cessaret paternitas, & pater non esset amplius pater, postquam genuit filium: Si non dependet; ergo posset poni in aliquo paternitas, qui nunquam genuerit filium. Quod si dicas, paternitatem ab actu generandi pendere in fieri, non in facto esse. Contra: quia relatio in facto esse non minùs pendet à fundamento & termino, quàm in fieri: nam sublato fundamento vel termino, perit ipsa relatio in facto esse: Si ergo fundamentum per rationem fundandi constituitur in ratione fundamenti, eò quòd ex se sit indifferens ad varias relationes fundandas, & per rationes fundandi determinetur ad hanc vel illam relationem: sequitur cessante ratione fundandi, cessare fundamentum formaliter, ac per consequens & relationem.

Nominales facile se expediunt ab hac difficultate; dicunt enim paternitatem esse ipsum patrem, cum his conditionibus, nempe quòd habeat potentiam generativam, actionem generandi, & existentiam filii à se geniti, ita ut notando hæc omnia homo ille dicatur pater. Verùm hi relationis essentiam videntur penitus tollere,

*An potentia activa & passiva sint fundamentum Relationum secundi modi.*

tollere, quæ non consistit in conjunctione rerum absolutarum, sed in habitudine fundamenti ad terminum, ut patet ex dictis.

*Relativa se-  
cundi modi  
fundatur in  
ratione Prin-  
cipii.*

Aliiter ergo dicendum est. Cum enim relatio secundi modi consistat in habitudine unius ad aliud in ratione principii, relatio quoque paternitatis fundabitur in patre, quatenus pater habet rationem principii respectu filii. Constituitur autem in ratione principii per potentiam generativam, quod circa in potentia generativa fundabitur relatio paternitatis, & erit cum ea idem, tanquam cum suo fundamento. Non fundatur autem in potentia generativa paternitas, nisi quatenus per actionem generandi reducta est ad actum. Ratio est: quia potentia generativa ex se solum fundat relationem potentis generare, non verò actus generantis: ut igitur fundaret relationem actus generantis, debet per actionem reduci ad actum.

*Actio an fun-  
damentum.*

Verum difficile est explicare, quomodo actio se habeat ad istam relationem. Quidam enim dicunt, actionem esse fundamentum proximum, potentiam verò generativam esse remotum; eò quòd sola potentia non habeat in se fundamentum sufficiens actualis, sed tantum potentialis relationis ad effectum: & sic completur in ratione fundamenti per actionem, quia illius actualis relationis, ut actualis est, non potest aliud fundamentum assignari, nisi actio.

Sed contra. Nam si actio esset fundamentum, vel sola esset fundamentum, vel unà cum potentia. Non primum: quia relatio ista fundatur in ratione principii, principium est; est enim relatio principii in ratione principii: atqui ratio principii non convenit actioni, cum ipsa sit à principio, & ipsius principii, quod refertur, actio; & causatio potius quàm causa. Non secundum: quia tunc essent duo per se habita fundamenta relationis: vel ergo essent etiam duæ relationes patris, ex quibus constaretur paternitas; vel si esset una simplex relatio, identificaretur necessitè cum utroque fundamento, quia utrumque contineret distinctam partem fundamenti: Unde qui ratione esset necesse identificari relationem uni parti fundamenti, eadem ratione esset necesse identificari alteri parti fundamenti: Cum igitur impossibile sit eandem relationem identificari rebus realiter distinctis, & in distinctis subjectis existentibus, impossibile quoque erit relationem fundari in utroque fundamento. Neque etiam dici potest, relationem paternitatis esse compositam ex duabus partialibus relationibus, quia utraque hæc quæ fingitur partialis relatio, est relatio principii in ratione principii, & per consequens fundatur in potentia generativa, per quam generans constituitur formaliter in ratione principii.

Dices. Hanc relationem identificari cum suo fundamento proximo, nempe cum actione, connotando tamen fundamentum remotum, nempe potentiam.

Sed contra. Primo: ostensum est, actionem non posse dici fundamentum proximum paternitatis; quia paternitas proximè fundatur in ratione principii; est enim pater, est esse principium à quo est filius: Hanc ergo rationem cum non includat actio sed supponat, ipsa non erit proximum fundamentum, sed id supponet proximum fundamentum: Neque enim satis est quòd actus connotet principium: Nam sicut dicitur connotare principium, ita etiam dici debet connotare fundamentum, ipsa verò non erit fundamentum essentialiter. Secundò. Sequeretur paternitatem esse in filio subjectivè, in patre verò solum per denominationem extrinsecam, quæ sunt contra communem sensum omnium. Probatur: quia paternitas est idem cum suo fundamento: si ergo actio sit fundamentum, erit idem cum actione,

actio

actio autem subjective non est in agente sed in passio: Ergo & paternitas non est subjective in patre, sed in filio.

Alii dicunt paternitatem esse idem cum potentia generativa, quæ est ipsius proximum fundamentum, non nisi tamen connotando actionem tanquam conditionem sine qua non: sicut enim applicatio agentis ad passum, non est ratio agendi, nec fundamentum actionis, sed conditio sine qua non; ita & actio non est fundamentum relationis agentis ad passum, sed est conditio sine qua agens actu non est agens nec refertur.

Dicendum est Actionem non constituere agens in ratione principii, sed solum in ratione actualis principii: nam in ratione formali principii constituitur per potentiam activam, in ratione autem principii actu, constituitur per actionem: Verbi gratia, ignis per potentiam calefactivam constituitur formaliter in ratione principii activi, tota enim activitas ignis in calefaciendo, est adæquate à calore, per approximationem autem applicatur ad agendum actu, per actionem verò sic formaliter actu agens. Ex quo patet, actionem cum non constituit agens in ratione formali principii, non esse fundamentum relationis agentis, quia talis relatio fundari debet in ratione principii: quia tamen constituit principium in ratione principii actualis, idcirco spectat ad fundamentum, non solum ut conditio, sed ut ratio aliquo modo constitutiva, quæ dicitur ratio fundandi. Non tamen idcirco relatio identificatur actioni: quia relatio debet identificari fundamento, non rationi fundandi; fundamentum autem est principium generativum, licet non nisi, ut reductum in actum per actionem, fundet, idem dici potest de passione, quæ non constituit passum in ratione formali principii passivi seu receptivi, sed tantum in ratione principii actu recipientis: actualis enim receptio formæ ab agente, est passio. Unde fit, ut passio requiratur ex parte passi, ad fundandam relationem patientis ad agens: passum enim refertur ad agens, quatenus formam ab agente actu recipit, receptio autem actualis formæ est passio: quocirca passio requiritur ut ratio fundandi relationem ad agens. Denique actio & passio constituunt suo modo terminos harum relationum: Etenim pater verbi gratia refertur ad filium, non tanquam ad hominem præcisè, sed tanquam ad hominem à se genitum: Adam enim & Eva fuerunt homines, quia tamen non fuerunt geniti non fuerunt filii. Porro esse genitum dicit generationem passivam: Requiritur ergo generatio passiva ad constituendum passum in ratione formali termini paternitatis. Nam per humanitatem filius constituitur in ratione hominis, per esse genitum autem in ratione filii, esse enim filium est esse hominem genitum. Similiter filius refertur ad patrem non tanquam ad hominem præcisè, sed tanquam ad hominem generantem, nam si non generasset, non esset pater.

Ex quibus patet actionem & passionem non esse ipsa fundamenta, posse tamen dici conditiones sine quibus non, quæ tamen sint rationes fundandi: quia nisi principium activum & passivum reducat in actum per actionem & passionem, non fundabunt relationem realem. Et quamvis actio & passio non sint principia, sunt tamen principiationis & actus quidam secundi principiorum.

Quod si objicias, Ex hac doctrina sequi transacto actu generationis, non esse amplius relationem paternitatis; quia non esset terminus ejus formalis, nempe genitum quatenus genitum. Resp. Non esse paternitatem patris actu generantis (quod omnes fateri debent) sed esse paternitatem patris, qui jam ante genuit;

non enim tunc dicitur pater quia generat, sed quia genuit. Neque verò transacta generatione, est nova realis relatio, sed permanet eadem, cum maneant omnia essentialia, nempe fundamentum & terminus: nam terminus est genitus, quia est virtute generantis per actionem precedentem: quod sufficit, nam illa actio manet in suo effectu.\*

Objicies secundo. Sequeretur patrem non desinere esse patrem, mortuo filio: quia si pater denominatur pater à generatione quam ante habuit, non quam actu habet, hoc ipsum etiam mortuo filio habet, & sic esset pater filio non existente: Hoc autem est contra naturam relationis, quæ non potest esse, desinente termino. Resp. Mortuo filio non esse actu patrem, non quòd ei desit aliquid ex parte patris requisitum, sed quia deest filius ad quem referatur.

Objicies tertio. Si per Dei potentiam auferatur potentia generativa à patre, manente filio, adhuc ille homo erit verè pater filii, & tamen non habebit relationem ad filium; quia sublato fundamento tollitur relatio: potentia autem generativa quæ est fundamentum relationis, sublata est. Ergo & relatio. Resp. Relationem non posse existere sine fundamento, siquidem est idem realiter cum illo: quare nec relatio paternitatis existeret ablata potentia generativa; nihil enim esset ratione cuius homo ille referretur ad filium: referret enim pater ad filium tanquam principium generationis illius, cum ergo tunc careret hoc principio, non haberet quo referri posset. Et sicut sublato termino necesse est tolli relationem, quia nihil est ad quod terminetur relatio: ita etiam sublato fundamento, non est ratio sub qua possit esse relatio. Vnde solum dici tunc posset, pater materialiter, non formaliter: quia nimirum esset is qui fuit pater, non verò quòd sit actu pater.

Dices. Ablata potentia generativa quæ est principium generationis proximum, maneret substantia quæ est principium remotum: posset igitur in hac ratione principii fundari relatio paternitatis. Respondeo. Substantia patris sine potentia generativa, sicut non est principium sufficiens generationis, ita neque sufficiens fundamentum paternitatis: paternitas enim fundatur in ratione principii sufficienti ad generationem; à substantia autem, sine potentia generativa, nullo modo potest esse generatio.

Quod si quæras. An reproducto patre (quod erit die iudicii) reproductetur relatio paternitatis? Respondeo. Relatio cum non sit quid distinctum à fundamento, non eget alia reproductione sui, sed tantum fundamenti & termini; quare pater & filius reproducti, iterum resumunt suas priores relationes: sicut si duo alba iterum reproducerentur, resumerent suas similitudines.

An verò relatio reproducta, sit eadem numero, cum ea quæ fuit antea? penderet id ex diversis de relatione opinionibus. Nam qui dicunt relationem esse rem distinctam à fundamento, consequenter dicunt, resultare distinctam numero relationem à precedenti: quia quod semel corruptum est, naturaliter idem numero redire non potest. Qui verò tenent relationem non esse distinctam rem à fundamento & termino, consequenter dicere debent, eandem numero relationem redire; quia reproductitur idem numero fundamentum & terminus, relatio verò nullam rem dicit novam distinctam à fundamento & termino.

## QVÆSTIO V.

*In quo consistat propria ratio relativorum  
tertij modi?*

**H**æc quæstio determinanda est ex doctrina ipsius Aristotelis 5. Metaph. cap. 15. Ad docet igitur Aristoteles eo loco quædam esse ad aliud, quia referuntur ad aliud ex parte sua per propriam habitudinem & relationem, ut sunt relativa primi, & secundi modi, quædam dicuntur verò esse ad aliquid, non quia referuntur ad alia, sed quia alia referuntur ad ipsa; talia sunt mensurabile, scibile, intelligibile, visibile; Mensurabile enim dicitur mensurabile, quia mensuratur, à mensura & propter relationem mensuræ ad ipsum, non propter relationem ipsius ad mensuram, scibile enim non dicitur scibile quia refertur ad scientiam, sed quia scientia est de ipso, similiter visibile, & intelligibile.

Vbi notandum est primò quòd aliud est relativè dici, seu ad aliud dici; aliud referri ad aliud. Nam relative aliquid dici potest sive per propriam relationem ad aliud, sive per relationem alterius ad ipsum; referri verò ad aliud non potest nisi referri ad alia per propriam relationem ad aliud. Relativa igitur tertij modi, ut mensurabile, scibile, dicuntur relativè, seu ad aliud, non quod referantur ad alia, sed quod alia referantur ad ipsa; Esse enim scibile est respectu scientiæ esse scibile, non quòd sit aliqua relatio scibilis ad scientiam, sed quod scientiæ relatio sit ad ipsum; si enim dicitur scibile per relationem scientiæ, definitur esse id de quo est scientia. Ex quo patet ad hunc tertium modum relativorum spectare objecta actionum extrinsecarum, quatenus ab illis denominantur, ut sunt objecta potentiarum, scibile, intelligibile, volubile: Item objecta denominationum extrinsecarum quæ sunt per modum cujusdam actionis, ut mensurabile, imaginabile, emibile, vendibile. Mensurabile enim dicitur id quod mensuratur mensurâ extrinsecâ; imaginabile quod per imaginem repræsentatur; emibile, vendibile quod pretio emi vel vendi potest: sic & columna dicitur dextra, quia dextrum hominis est ad illam.

Dicitur. Hinc sequi relativa hujus tertij modi nihil aliud esse quam denominationes extrinsecas. Respondetur non esse quasunque denominationes extrinsecas, sed tantum relativas, quando nimirum aliquid denominatur extrinsecè ab alio tanquam ad ipsum relato, sicut scibile denominatur à scientiâ tanquam relatâ ad scibile. Nam si denominatio extrinseca sit absoluta (ut esse vestitum, armatum) non pertinet ad relativa tertij modi. Non enim ideo quis dicitur vestitus, quod vestis referatur ad ipsum, sed absolutè quod habeat vestem.

Notandum est secundo. Multos authores relativa hujus tertij modi appellare relativa secundum mensuram, & mensurabile, ac si omnia relativa tertij modi in hac ratione conveniant, & sub ratione mensuræ, & mensurabilis spectent ad tertium modum relativorum, cum tamen Aristoteles hoc non dixerit, sed inter alia exempla tertij modi posuit mensurabile, scibile, intelligibile, non comprehendendo sub mensurabili scibile, sed æquè unum ac alterum ad tertium modum relativorum revocando; quia nimirum æquè omnia ista conveniunt in ratione formali

*Quid sit ad aliud dici, & referri ad alia.*

*An omnia relativa tertij modi conveniant in ratione mensuræ*

tertii modi, quæ in hoc tota consistit, ut aliqua dicantur relativa, quia alia referuntur ad ipsa, quod æquè mensurabili, sicut scibili vel intelligibili convenit. Quamquam exponi hi authores possunt ut solum velint eandem proportionem, quæ invenitur in mensurabili & mensurâ, inveniri quoque in scibili & scientiâ, intelligibili & intellectu, non quod scibile in suo esse relativo constitutur per eî esse mensurabile.

Quamquam cum hi authores, dicunt scibile esse mensuram, scientiam mensurabilem; scientia enim inquit mensuratur à scibili, quia talis est scientia, qualem requirit scibile. Id si ad mentem Aristotelis se loqui volunt falluntur. Nam Aristoteles mensurabile, scibile, intelligibile in eodem ordine ponit eorum quæ dicuntur ad aliquid ex eo quod alia referuntur ad ipsa, eaque opponit mensuræ scientiæ intellectui.

Si ergo scientia esset mensurabilis secundum Aristotelem ideo esset ad aliquid quia scibile referretur ad ipsam. Nam mensurabile dicitur mensurabile quia mensuratur à mensura & propter relationem mensuræ ad ipsam: at scientia non dicitur scientia propter relationem scibilis ad ipsam, sed è contra. Non igitur ponit Aristoteles scientiam in genere mensurabilium nec scibile in genere mensuræ.

*Scibile dupliciter sumitur.*

Componi tamen possunt hi authores hoc modo, scibile dupliciter accipi potest; primo formaliter, quoad denominationem scibilis, & sic denominatur scibile à scientiâ quæ est de illo; esse enim scibile est esse id de quo est scientia, & hoc modo scientia non sumitur, tanquam mensura scibilis. Secundo sub ratione mensuræ ut est mensura scientiæ, scientia enim specificatur à scibili, & dicitur talis quia est de tali scibili; Vnde sicut scibilia sunt diversa, ita & scientiæ. Primo ergo modo de scientiâ & scibili hoc loco locutus est Aristoteles. Secundo modo loquuntur hi authores. Porro modus loquendi Aristotelis servit ad propositum; vult enim mensurabile & scibile esse relativa tertii modi, hoc est quæ dicantur relative eo quod alia referantur ad ipsa, ut mensurabile respectu mensuræ: at scientia ut scientia non est huiusmodi relativum, non enim propter relationem scibilis ad ipsam est relativa, sed propter propriam relationem ad scibile: si tamen scientia sumitur non ut scientia, sed ut mensuratur à scibili, optimè dicitur esse relativum tertii modi, ideo enim est talis vel talis quia scibile est tale vel tale, seu quia talem habet mensuram.

*Proponitur difficultas.*

His igitur prænotatis difficultas est an relativa tertii modi sunt verè relativa, an realia? æternum an prædicamentalia? videntur primo non esse verè relativa; Relativum enim est id quod refertur ad aliud: at scibile quia scibile non refertur ad scientiam; Esse enim scibile non est ad scientiam referri, sed scientiam referri ad ipsum, seu de ipso esse scientiam; Ergo: Neque dici potest scibile referri ad scientiam per eandem relationem extrinsecam qua scientia refertur ad ipsum, ut sentire videtur Cajetanus, ita ut eadem relatio, & scientiam intrinsecè referat ad scibile, & scibile per denominationem extrinsecam referat ad scientiam; hoc inquam dici non potest quia istarum relationum sunt distincti & oppositi termini. Nam relationis scibilis terminus ad quem est scientia, relationis vero scientiæ terminus ad quem est scibile: Ergo non potest esse una eadem relatio scibilis ad scientiam, & scientiæ ad scibile; sunt enim hæ relationes & diversæ & oppositæ ex terminis.



Secundo non videntur hæc relativà tertii modi esse realia quia communis doctrina est, relativà tertii modi ex una tantum parte dicere relationem realem ex altera parte relationem rationis: Verbi gratia, scientia dicit relationem realem ad scibile, scibile vero dicit relationem rationis, quia fingitur ab intellectu quasi relativum ad scientiam per modum aliarum rerum denominatarum ab actionibus, cum tamen scibile esse, in re non sit referri ad scientiam, sed scientiam referri ad ipsum.

Tertio videntur hæc relativà tertii modi non spectare ad prædicamentum relationis, scibile enim denominatur scibile à relatione scientiæ transcendentali, quia denominatur ab actu scientiæ, qui dicit relationem essentialem ad scibile, prædicamentales autem relationes sunt accidentales non essentielles.

Ad hanc difficultatem respondendum est distinguendo. Aliud enim est referri ad aliud, aliud esse relativum & denominari relativè, ut enim aliquid sit relativum non est necesse, ut referatur ad aliud, sed satis est, ut sit tale per relationem alterius ad ipsum; scibile enim verè relativè dicitur, quia scibile scientià scibile est, & tamen hoc esse relativum scibilis non consistit in relatione scibilis ad scientiam, sed in relatione scientiæ ad ipsum. Ex quo patet scibile esse verè relativum tertii modi, etiam si non referatur ad scientiam constituiturque in esse relativo per relationem scientiæ ad ipsum, quia per talem relationem verè se habet ad aliud, quia ratione alterius dicitur tale. Dices hoc modo relativè se habere, nihil aliud esse quam esse terminum relationis alterius, ex quo sequitur omnes terminos relationum esse relativà tertii modi. Respondeo. Ad relativà tertii modi non sufficit terminare relationem alterius ad se, sed præterea requiritur denominatio ab illius termini relatione, ut ut per illam denominationem relativam constituatur in esse relativo. Nam patet verbi gratia est terminus ad quem relationis filii neque tamen denominatur pater à relatione filii, sed à ratione patris: at vero scibile denominatur scibile à relatione scientiæ, unde scientia denominatur à sua relatione, quasi activè habens se ad scibile, scibile vero à relatione scientiæ denominatur quasi passivè seu quasi id de quo est scientia.

At objicies. Primo, videtur scibile posse fundare relationem realem ad scientiam non minus quàm calefactibile ad calefacientem; sicut enim lignum, quia est calefactum, habet in se causam & fundamentum relationis realis ad calefacientem; ita scibile quia scitur, habet causam ut referatur realiter ad scientiam. Respondet D. Thom. 5. Metaph. cap. 1 & esse discrimen inter calefacientem & scientiam: Nam calefactio est actio recepta in ligno, lignum afficiens, & immutans, unde est causa ligno ut ordinetur realiter ad ignem calefacientem; scientia vero est actio non transiens in rem scibilem, nec rem illam afficit intrinsicè, aut immutat, sed solum denominat extrinsece, quocirca non est causa sufficiens in ipso relationis realis ad scientiam.

Sed contra. Primo licet scientia sit extrinseca scibili, verè tamen afficit, & denominat scibile: ergo etiam verè potest fundare relationem. Nam etiam denominatio extrinseca potest fundare relationem, si cætera non desint, duo enim agentia sunt simul in actionibus, licet actio sit denominatio extrinseca. Secundo etsi denominatio extrinseca non immutat intrinsicè, immutat tamen extrinsece, quod satis est ad fundandam relationem.

Aliter ergo responderi potest, solum denominationem extrinsecam non esse sufficientem

*Scibile est relativum etiam si non referatur solum ex eo quod scientia refertur ad ipsum.*

*Quid requiritur ad relativum tertii modi.*

*Scientia licet extrinseca scibili verè afficit scibile.*

cientem causam, ut aliqua relatio non sit realis ut probat argumentum: verum ex alio capite hic non potest esse relatio realis, quia relatio realis requirit distinctionem fundamenti, & terminat, in hac relatione idem esset fundamentum & terminus: Nam scientia denominans extrinsecè esset fundamentum simul & terminus relationis scibilis; scibile enim quatenus denominatur à scientiâ, referretur ad scientiam, ejusdem autem ad seipsum non potest esse relatio realis. Adhuc denominatio extrinseca non est causa sufficiens ullius relationis realis intrinsecè. De qua hic agitur.

Objicies secundo. In scibili inveniri fundamentum relationis realis ad scientiam. Nam causa est fundamentum sufficiens relationis ad effectum: at scibile est causa materialis & objectiva scientiæ; dat enim materiam scientiæ & suo modo specificat scientiam: ergo potest referri ad scientiam. Respondeo obiectum causam esse scientiæ, quia est causa ut scientia sit de ipso, & ut referatur ad ipsum, non verò suæ relationis ad scientiam nec ut ipsum referatur ad scientiam. Deinde hoc non est esse proprie causam per veram & propriam causalitatem, sed est esse rationem & fundamentum propter quod possit à nobis concipi per modum causæ.

*Relativa tertii modi sunt verè relativa. Realia.*

Ex his igitur sequitur. Primo relativa hujus tertii modi esse verè relativa non per propriam relationem sed per relationem aliorum ad ipsa.

Secundo esse relativa realia non per relationem propriam ad alia sed per relationem realem aliorum ad ipsa. Quod verò de relatione rationis dicitur, id verum est, quia enim scibile non habet unde fundet relationem realem ad scientiam; Ideo intellectus apprehendit scibile per modum aliarum rerum recipientium actionem suorum agentium, & refert illud ad scientiam, sed hæc est fictio quædam intellectus, & modus noster imperfectus apprehendendi res.

*Prædicamentalia.*

Tertio sequitur relativa tertii modi esse prædicamentalia si purè relative sumatur: nam nullas dari relationes essentielles infra demonstrabimus. Neque vero requiritur ut aliquid sit relativum, ut dicat ex parte sua relationem ad aliud, sed sitis est ut denominetur à relatione alterius ad ipsum.

## QVÆSTIO VI.

*An in omni re possit fundari relatio?*

**D**ifficultas est Primò de Substantia, secundò de relatione, tertio de denominationibus extrinsecis, an scilicet in hoc triplici rerum genere possit fundari relatio realis?

Quantum ad Primum. Quidam negant posse in substantia immediate fundari relationem realem. Primò. Quia relatio prædicamentalis est accidens: atqui accidens non potest esse idem re cum substantia, relatio verò debet esse idem cum suo fundamento: ergo substantia non potest esse fundamentum.

Secundo. Quia si quæ relatio in substantia fundaretur, ea maximè esset identitas substantiarum, atqui relatio identitatis non est realis; ergo. Minor patet, quia relatio quæ æq; convenit extremis actu existentibus, sicut nõ existentibus, non est realis:

realis: talis autem est relatio identitatis: Nam Petrus & Paulus non existentes, sunt idem in humana natura, & ejusdem naturæ specificæ; certum autem est hanc relationem identitatis inter terminos non existentes non esse realem; ergo & inter terminos non existentes cum utrobique sit eadem relatio, & unitas specifica in qua fundatur hæc relatio identitatis seu unitas per intellectum.

Decendum tamen est posse in substantia immediate fundari relationem realem. *Potest relatio realis fundari in substantia.*

Ratio est. Quia id neque repugnat ex parte substantiæ neque ex parte relationis. Ex parte substantiæ quidem; quia sicut aliis naturis, ita & substantiæ potest convenire aliqua ex rationibus fundandi, & quidem eodem planè modo quo aliis naturis; ergo si in aliis naturis est sufficiens ratio ad fundandam relationem, etiam in substantia erit sufficiens. Verbi gratia, unitas in quantitate fundat relationem æqualitatis, in qualitate relationem similitudinis: Ergo etiam in substantia fundabitur relatio identitatis, maxime cum identitas in substantia nihil aliud sit quàm simulatio in substantia. Ex parte verò relationis non repugnat. Nam si quæ esset substantia, ex eo proveniret quod relatio sit accidens substantiæ; accidens autem cum sit extra rationem substantiæ non potest identificari substantiæ; Verum hæc repugnantia nulla est: Non enim est necesse relationem esse accidens Phycum fundamenti, sed satis est, ut sit accidens Logicum quod possit abesse & adesse præter fundamenti corruptionem; ad accidens enim Phycum requiritur, ut sit res quædam distincta ab eo, cuius est accidens & ipsi inhæreat, uti cernimus in quantitate, & qualitatibus, quod relationi non convenit, cum non sit res distincta à fundamento, uti questione tertia explicatum est.

Quod si dicas, relationes has fundari in substantia, mediante unitate, quæ est accidens. Respondeo. Relationem non esse necessariò idem cum ratione fundandi sed cum fundamento; quare & relationes in substantia fundatæ, non est necesse ut sint idem cum unitate, sed cum substantia. Quanquam & ipsa unitas substantiæ est idem cum substantia; Formaliter enim & in recto dicit substantiam connotatè vero indivisionem, ut docetur in Metaphysica.

Ex quo patet ad primam rationem primæ sententiæ. Ad secundum. Respondeo. *Identitas substantiarum* identitatem substantiarum, ut est à parte rei, esse similitudinem substantiarum in essentia, quæ similitudo non minus est realis, quàm aliæ similitudines, in qualitate vel quantitate, neque talis relatio convenit realiter nisi substantiis actu existentibus. Nam substantiæ actu non existentes, non sunt à parte rei similes, sed tantum, ut sunt apprehensæ ab intellectu.

Si verò loquamur non de identitate similitudinis, sed de identitate conceptus, & rationis genericæ, vel specificæ (quæ est propria identitas essentialium tam in substantiis quàm in accidentibus) talis identitas non est relatio realis; tum quia non est inter terminos distinctos, quod requirit ad relationes primi modi infra ostendimus: tum quia est inter terminos non in re sed in ratione existentes; natura enim generica, & specifica non existit in re sed in intellectu per abstractionem.

At obijcies. Saltem hæc relationes non erunt prædicamentales, quia fundantur in unitate quæ est quid transcendentalis; & vagatur per omnia prædicamenta. Respondeo. Rationem quidem fundandi vagari per omnia prædicamenta, sed non relationem fundatam; Non enim est necesse relationem pertinere ad idem prædicamentum, ad quod pertinet ratio fundandi; alioqui paternitas pertineret ad prædi-

prædicamentum actionis; & filiatio ad prædicamentum passionis, quia ipsorum rationes fundandi sunt & actio & passio.

Obijcies secundo. Relatio fundata in substantia, esset substantia, quia esset idem cum suo fundamento, quod est substantia: at hoc dici non potest, quia relatio est distinctum genus prædicamenti à substantia, & genera prædicamentorum sunt primo diversa ita ut de se invicem prædicari non possint.

*Prædicamenta  
non est necesse  
ex naturæ rei  
distingui.*

Respondeo. Non est necesse prædicamenta distingui ex natura rei, sed satis est distingui ratione. Quamvis igitur relatio sit idem re cum substantia, tamen considerari potest, & ut substantia & ut relatio; & quia hæc duæ considerationes feruntur secundum distinctos modos afficiendi & denominandi primam substantiam, idcirco ad diversa prædicamenta spectant: neque necesse est relationem esse accidens substantiæ Physicum, sed Logicum, quomodo etiam substantiis convenit habere se modo accidentis, ut alias dictum est.

*An ex eo quod  
relatio sit ra-  
tio referendi  
non fundet re-  
lationem?*

Quantum ad secundum sunt tres sententiæ. Prima sententia, negat universè relationem fundari posse in alia relatione. Ita S. Thom. cum suis prima parte quæst. art. 1. fundamentum est: quia ratio referendi non refertur, sed est id quo alia refertur, alioqui daretur processus in infinitum; Cum ergo relatio sit ratio referendi, ipsa non refertur per aliam relationem, sed seipsa. Verum hæc ratio non concludit. Nam dici posset rationem referendi, ut est ratio referendi, & ut quo, non referri nisi seipsa: at si consideretur sub aliis rationibus, ut quod, seu ut res quædam habens suam peculiarem rationem fundandi, & suam peculiarem terminum nihil prohibet quo minus referri possit & ipsa per aliam relationem; similitudo enim albi ut est convenientia duorum alborum in albedine, est ratio referendi album, ad aliud album, & simul ipsa seipsa refertur ut quo ad eundem terminum, nempe ad album: at quatenus consideratur non ut ratio referendi ad album seu ut res & natura quædam habens convenientiam cum alia relatione, sic potest ad aliam relationem referri non minus quàm unum album ad aliud album; quia habet in se causam novæ & distinctæ relationis, juxta ea quæ dicta sunt à nobis quæstione prima.

Sententia secunda. Universè affirmat in relatione fundari posse aliam relationem. Ita Scotus cum suis in secundo quæst. 1. distinct. 4. Fundamentum est: Sic enim aliæ res habentes suas rationes fundandi, sunt sufficientes ad alias relationes fundandas, ita & relatio; posita enim causa, necesse est poni effectum. Cum ergo causæ relationum sint communes, tam relationi quàm aliis rebus, ipsa quoque relatio erit communis: sed hæc sententia consequenter quidem loquitur: quia si relatio est res distincta à fundamento habet in se propriam realitatem, quia sufficienter fundare potest aliam relationem, verum nullo modo potest solvere illam difficultatem de infinitis actu relationibus supposita earum distinctione ex natura rei ut quæstione prima demonstravimus.

Respondet Scotus loco citato, non dari processum in infinitum, quia est finita in secunda relatione. Quod ita probat Scotus. Nam prima relatio distinguitur à fundamento; quia fundamentum potest esse sine illa, siquidem potest esse sine termino talis relationis, secunda verò relatio non distinguitur à prima, quia prima non potest esse sine illa, quod autem non possit esse sine illa probat ex eo, quia prima relatio non potest esse sine opposita sibi relatione cum sint simul naturæ, quæ quidem duæ relationes sunt fundamentum & terminus secundæ relationis.

Quia

Quia ergo prima relatio non potest intelligi sine fundamento, & termino secundæ relationis, consequens est non posse intelligi sine secundâ relatione, & sic secundâ relatio erit de essentia primæ, & ex consequenti non erit distincta essentialiter relationi à primâ & sic non procedetur in rationibus in infinitum.

Verum Scotus si quid probat solum probat secundam relationem re non distinguendo à primâ eo modo quo primâ distinguitur à suo fundamento; nam fundamentum primæ potest esse sine illa, illa autem ita fundamentum secundæ est, ut non possit esse sine secundâ; non probat autem ratione istas relationes non distinguere. Nam cum habeant distincta fundamenta & terminos, necesse est ipsas quoque relationes esse ut minimum ratione distinctas. Vnde saltem sequetur infinitas esse relationes non re, sed ratione distinctas.

Dices probare Scotum primam & secundam relationem non solum esse eandem re, sed etiam eandem essentialiter: quia primâ sine secundâ non potest essentialiter intelligi. Respondeo. Velle quidem hoc probare Scotum, sed non recte: primo quia illud fundamentum est falsum; Id sine quo res non potest intelligi non distinguuntur essentialiter à re. Patet enim sine termino non posse intelligi relationem, & tamen alia est essentia termini, alia relationis. Secundo Falsum etiam est primam relationem non posse intelligi sine secundâ: tum quia primâ relatio sufficienter intelligitur secundum suam essentiam, intellecto proprio fundamento & termino, quia ab his tantum duobus in sua essentia dependet: tum quia secundâ relatio est quod consequens ad primam; fundatur enim in duobus prius quæ tanquam ad suam consequuntur. Ergo. Tertio Falsum etiam est concepto fundamento & termino non posse non concipi relationem. Nam in conceptu fundamenti & termini secundum se accepti continetur conceptus relationis solum virtualiter non formaliter. Nam sicut relatio est quid consequens ad fundamentum & terminum; non potest ipsa essentia fundamenti & termini simul; ita & conceptus relationis consequenter se habet ad conceptum fundamenti & termini, ita ut per Dei potentiam possit impediri ne sequatur; sicut essentielles proprietates impediuntur à Deo ne sequantur ad suas essentias.

Est enim relatio medium quid inter fundamentum & terminum nempe habendo fundamenti ad terminum; potestque fundamentum concipi, secundam se, sine habitudine ad terminum. Fateor tamen si concipiatur fundamentum non secundum se, sed respectu termini, non posse non concipi relationem.

Quod si quis dicat. Non repugnare, dari relationes infinitas, non actu, sed potentia distinctas id abunde in prima questione à nobis refutatum est.

Tertia sententia est media, quasdam relationes referri seipsis & non fundare alias relationes, quasdam verò referri per alias: ita Ruvijs hic secutus Suarez. Secundo Metaph. disput. 47. Sect. 10. Relationes enim si sint sibi oppositæ in ratione termini una seipsa refertur ad alteram cum ex seipsis habeant oppositionem & distinctionem & diversitatem: si verò non sint sibi oppositæ per modum termini; possunt ad se referri per aliam relationem. Verbi gratia, paternitas ad filiationem refertur seipsa; seipsa est enim ab ea distincta & illi opposita non per aliam relationem distinctionis vel oppositionis, quia hæ relationes includuntur virtualiter vel virtualiter in paternitate: at vero paternitas ad aliam paternitatem non opposita in ratione termini, non potest referri seipsa, quia illam ex sua

sua essentia non respicit ut terminum neque ad illam essentialiter, sed accidentaliter habet se relativè: nam paternitas ut paternitas non respicit aliam paternitatem, sed filiationem: quare et si respectu filiationis ad quam se habet relativè exerceat se ipsa omnes convenientes sibi relationes; tamen respectu paternitatis, ex sua essentia non habet se relativè, sed quasi absolutè. Vnde eget relatione superaddita ad hoc, ut possit referri ad ipsam, nempe relatione similitudinis.

Porro hæc sententia bene solvit illud argumentum de infinitis relationibus, quoniam tandem venit ad oppositas relationes in quibus statur & non proceditur ulterius. Verbi gratia, duæ paternitates sunt sibi similes per duas relationes similitudinum, ipsæ verò similitudines sunt sibi similes seipsis, quia sunt sibi oppositæ in ratione termini.

Verum hæc doctrina non est usquè adeo solida & vera. Nam ut quæstione prima demonstravimus; in communi relationes oppositæ habent in se rationes fundandi alias relationes, non minus quam quæcunque aliæ res: Nam sicut res absolutè propter unitatem & convenientiam in naturâ absolutâ fundant relationes similitudinis ad terminum absolutum, ita & duæ relationes oppositæ propter convenientiam in natura relationis, fundare possunt novam relationem similitudinis ad relationem oppositam. Neque dici potest similitudines alborum esse sibi similes seipsis, non vero similitudine similitudinum; alia est enim similitudo alborum, alia similitudo similitudinum: Nam illa est similitudo in duabus rebus absolutis; hæc vero in duabus rebus relativis. Quamvis igitur ut sint similitudines alborum referantur ad alba seipsis, non per alias relationes tamen ut sunt similes in relatione similitudinis non seipsis referantur; sed per similitudines similitudinum. Vbi enim sunt distincta fundamenta & termini, ibi sunt distinctæ relationes, at similitudo similitudinum habet distinctum fundamentum, & terminum à similitudine alborum, cum in illa fundamentum & terminus sint duæ relationes, in hac vero duo absolutæ: ergo similitudo similitudinum est relatio, distincta à similitudine alborum, neque per eandem relationem res refertur ad terminum absolutum, & ad terminum relativum juxta ea quæ diximus in prima quæstione.

*Relatio non  
potest fundare  
aliam relationem.*

Nos igitur cum prima sententia dicimus non posse fundari relationem in alia relatione: quia relatio cum non sit res distincta à fundamento & termino non habet unde posset fundare relationem realem, uti quæstione prima explicatum est.

Quantum ad tertium quidam censent non posse fundari relationem realem in denominationibus extrinsecis, Primo: Quia relatio realis debet realiter immutari subjectum non quidem ratione sui, sed ratione fundamenti: at denominationes extrinsecæ non immutant subjectum, sed sine ulla ejus mutatione ipsi adveniunt ut esse visum, esse cognitum, esse volitum; ergo in talibus denominationibus non possunt fundari relationes reales. Major probatur quia nova relatio non potest advenire subjecto nisi ratione novi Fundamenti maxime si terminus ante præterit istar.

Secundo. Quia proprium est relationum rationis, fundari in denominationibus extrinsecis: Nam relationes rationis sunt illæ, quæ conveniunt rebus non ut sunt à parte rei, sed ut sunt cognitæ ab intellectu, cognoscæ autem ab intellectu, est denominatio extrinsecæ.

Dicendum

Dicendum tamen est. In denominationibus extrinsecis non posse quidem fundari relationes reales intrinsecas, posse tamen extrinsecas rebus denominatis. Ratio primi est, quia cum relatio sit idem re cum fundamento, si fundamentum sit extrinsecum, relatio non potest esse intrinseca. Ratio secundi est, quia forma quæ possunt secundum essentiam suam denominare aliquod subiectum, possunt etiam secundum proprietates illam essentiam consequentes: at dantur formæ extrinsecæ denominantes subiecta: ergo & relationes ipsarum essentiarum consequentes: si enim formæ extrinsecæ habeant se relativè ad alia, etiam res ab illis denominatæ habebunt se relativè secundum illas. Verbi gratia, duo agentia denominante agentia extrinsecè ab actionibus: si ergo illæ actiones fuerint similes, etiam agentia, secundum illas actiones erunt similia similitudinibus extrinsecis fundatis in actionibus; sunt enim hæ relationes idem re cum suis fundamentis. Cum verò fundamenta sint extrinseca rebus denominatis, etiam ipsæ denominationes erunt extrinsecæ rebus denominatis. Nam quod quidam dicunt dari denominationem extrinsecam absolutam non relativam, negandum est, quando relativa oritur ex absoluta, ut accidit in subiecta materia.

Vnde ad primum respondeo. Forma extrinseca eo modo quo denominat subiectum dici etiam potest illud immutare: afficit autem extrinsecè: Ergo et immutat illud extrinsecè; hoc est, in aliquo esse extrinseco non intrinseco.

Ad secundum Respondeo. Relationes rationis quæ dicuntur fundari in denominationibus extrinsecis ab actu intellectus, sunt relationes intrinsecæ rebus denominatis, quæ quia à parte rei non conveniunt rebus, sed finguntur ab intellectu, dicuntur relationes rationis. Idcirco autem non possunt convenire rebus quia omnis relatio est idem re cum fundamento, hic autem fundamentum harum relationum est in re extrinsecum, relatio vero fingitur intrinseca rebus: non potest igitur dici realis: quod si & ipsum fundamentum, hoc est, cognitum fingatur esse intrinsecè in re cognita; iam ex alio capite talis relatio non erit realis, quia habet fundamentum fictum.

*In denominationibus extrinsecis fundantur relationes reales extrinsecæ.*

*Forma extrinseca quomodo immutat subiectum. Relationes rationis fundate in denominationibus extrinsecis ab actu intellectus sunt intrinsecæ rebus denominatis.*

QVÆSTIO VII.

*Quæ sit relatio prædicamentalis, & quomodo à transcendentali differat.*

Quidam volunt relationem prædicamentalem esse accidentalem, transcendente vero esse essentiali. Sed hi si nomine relationis accidentalis intelligunt relationem, quæ sit accidens aliquod Physicum inherens subiecto, falluntur. Nam nulla relatio est res distincta à fundamento: quare ratione sui non inheret subiecto sed solum ratione fundamenti; sicut enim non habet unitatem distinctam à fundamento: ita nec inherentiam distinctam. Si verò intelligant relationem fundatam in aliquo accidente, ita ut ea sola sit prædicamentalis, quæ est fundata in accidente, quæ verò fundatur in substantia non sit prædicamentalis; tunc non possunt sufficientem assignare relationem; quare relatio fundata in accidente sit

*Relatio non est accidens Physicum.*



in prædicamento relationis, non vero relatio fundata in substantia. Nam æquæ una ac altera relatio dicit rationem formalem distinctam à suo fundamento, propter quam ponitur in distincto prædicamentali genere, ab eo, in quo ponitur fundamentum: Conveniunt etiam utræque hæ relationes in una communi ratione relationis: Unde ad unum & idem genus relationis spectare debent.

Nam si dicas. Relationes fundatas in substantia esse substantiales & ad substantiam genus pertinere, dicam & ego relationes fundatas in quantitate & qualitate esse quantitativas, & qualitativas, & ad genus qualitatis & quantitatis pertinere, & sic nulla daretur relatio quæ ponatur in prædicamento relationis, sed omnes ponerentur in prædicamento sui fundamenti. Nam aut necesse est relationem poni in prædicamento fundamenti, aut non est necesse: si primum: omnes relationes erunt in prædicamento sui fundamenti, & sic evacuabitur prædicamentum relationis: si secundum, non erit etiam necesse relationem fundatam in substantia, poni in prædicamento substantiæ, sed æquæ ac aliæ relationes fundatæ in alijs generibus prædicamentorum referri poterit ad commune genus prædicamenti ad aliquid.

At oportet inquirunt Relationem esse accidens siquidem est unum ex novem generibus accidentium.

*Quomodo relatio fit accidens.*

Respondeo. Quia ratione relationes fundatæ in alijs generibus prædicamentorum sunt accidentia, eadem ratione & relatio fundata in substantia est accidens; Sienim loquamur de relatione formaliter, sic relationem non oportet esse accidens Physicum, sed Logicum: quia potest adesse & abesse à fundamento salva ejus essentia. At hoc eodem modo relatio fundata in substantia, est accidens, quia potest adesse & abesse à substantia. Verbi gratia similitudo substantiæ cum altera, ita potest abesse à substantia, sicut similitudo in albedine potest abesse ab albedine. Si verò loquamur de relatione materialiter, secundum ea quæ illi conveniunt ratione fundamenti, sic verum quidem est relationem fundatam in accidente esse accidens physicum, & eam quæ fundata in substantia non esse tale accidens. verum ratio talis accidentis per accidens plane convenit relationi; quia non ratione sui, sed ratione alterius. Unde propter huiusmodi rationem per accidens, non debet arceri relatio fundata in substantia, prædicamento relationis, maxime quia relatio ratione sui præcisè ponitur peculiari generi prædicamenti, hoc est, ut est quid distinctum secundum suam formalem rationem à fundamento. Cum igitur ratione sui non includat rationem accidentis Physici (hoc enim habet ratione fundamenti) sequitur impertinens esse ad rationem prædicamenti relationis, esse accidens Physicum. Non enim ut inhereat subiecto sed ut referat subiectum ad terminum, est peculiare genus prædicamenti: potest autem referri ad terminum siue subiecto inherere siue sit idem cum subiecto. Quod satis est ut relatio sit accidens Logicè non Physicè, cum ratio formæ relationis non postulet aliam. rationem accidentis.

Quod si dicas. Vtrumque, requiri ad relationem prædicamentalem, & ut accidens Physicè, & ut referat ad terminum. Respondeo. Iam est. ostensum per eam illam rationem, per accidens facere ad relationem; Unde non potest nisi per accidens requiri. Ratio enim relationis formaliter æquæ salvatur si relatio sit accidens Physicum, sicut si non sit accidens; alioqui huius rei nulla ratio iusta affertur ab adversariis potest.

Tam verò si relationem accidentalem vocent eam quæ non est essentialis, sic verum quidem dicunt, omnem relationem prædicamentalem esse accidentalem, sed ex eo sequitur nullam dari relationem non prædicamentalem, si præcisè sumatur, quia nulla datur relatio quæ sit essentialis cum absolutum, & relativum tota genere differant, ut mox ostendemus; & sic mala erit divisio relationis in prædicamentalem & transcendentalem, hoc sensu acceptam, hoc est in accidentalem, & essentialem, quia nulla est essentialis, sed omnis est accidentalis.

Deinde ut rectè argumentatur Vasquez. Relatio illa transcendentis, si est relatio, est pura relatio, & essentialiter relatio (non enim dici potest relatio nisi essentialiter relationis habet) at quæ est essentialiter relatio, est relatio secundum esse, ac proinde prædicamentalis. Ergo nulla datur relatio non prædicamentalis.

Alij agitur & melius dicunt, relationem prædicamentalem esse illam, quæ est pure relatio, nec aliquid de alio quocumq; genere prædicamenti includit, siue essentialiter siue accidentaliter, ut est paternitas, similitudo, æqualitas; hæc enim nomina sunt imposita ad significandos puros respectus, non verò ad significanda absoluta cum respectibus. Non prædicamentalem verò relationem esse volunt illam, quæ præter relationem dicit aliquid absolutum. Sic pars dicit relationem ad totum, sed non solam; dicit enim etiam enitatem absolutam quæ est pars sui totius, sic caput, dicitur capitati caput, & manus manuati manus (hoc enim modo Auctores iubet fingi nomina ad explicandum relationem istorum) sic etiam scientia dicit relationem ad scibile sed unà cum qualitate. Talis igitur Relatio cum includat absolutum, non potest poni in Prædicamento Relationis: & sic erit Relatio non prædicamentalis. Quocirca & Aristoteles Relativa secundum Dici, rejicit à Prædicamento Relationis.

Potè quòd aliqua relatio includat absolutum, potest id contingere vel quia est de essentia ipsius absolutum, ita ut non possit sine illo absoluto essentialiter concipi, nec absolutum sine relatione, & sic pleriq; sentiunt de relatione materiæ ad formam, formæ ad materiam, item de relatione scientiæ ad scibile, & omnino potentiarum, habituum, actuum, ad obiecta. Contra quos infra agimus. Vel quia licet relatio illa non sit essentialis absolutum; tamen tali voce significatur, quæ est imposita ad significandum absolutum cum relatione. Vnde non potest significatum talis vocis concipi, nisi concipiatur utrumq; & hoc sensu concedi potest relatione esse de essentia talis significati, licet non sit de essentia absoluti. Sic relatio capitati ad corpus, non est de essentia capitati, ut substantia est, quia caput habet essentiam absolutam de genere substantiæ; eamq; retinet etiam quando desinit referri ad corpus, ut si præfundatur à corpore, vel corpus sit penitus consumptum, hæc tamen vox caput, non significat solam substantiam capitati, sed substantiam relatam ad corpus per modum partis; caput enim alicuius corporis caput est; vnde essentialiter ejus significatum est utrumq; tam absolutum, quam respectivum. Hinc ergo patet relationem puram, esse prædicamentalem, quia nihil includit quod non pertineat ad prædicamentum relationis, non puram verò non esse prædicamentalem; quia includit Ens aliquod absolutum, quod non pertinet ad prædicamentum relationis.

At inquires. Etsi includat præter relationem rem absolutam; tamen illa relatio distingi potest ab illa re absoluta, & sic distincta pertinebit ad prædicamentum relationis, & erit prædicamentalis. Respondeo. Verum quidem id esse absolutè loquendo, non tamen prout tali voce significatur; caput enim, verbi gratia, est rela-

*Nulla datur Relatio non accidentalis.*

*Confirmatur.*

*Vera sententia de Relatione Prædicamentali.*

*Que Relatio non Prædicamentalis.*

*Relatio includit absolutum non essentialiter; sed ex impositione.*

*Relatio abstracta ab absoluto est prædicamentalis.*

ivum quiddam, sed tale, ut ex sua impositione significet absolutum, & relativum simul: quare stante tali impositione: & significatione talis vocis, non est relativum prædicamentale, quia non est purè relativum, licet si relatio capitis ad corpus alia voce significaretur, putam relationem significantem; pertineret ea relatio ad prædicamentum relationis.

Quod etiam fateri velint nolint, debent ij, qui tenent relationes aliquas esse de essentia absolutorum. Nam cum scientia, verbi gratia, non sit purè respectus ad scibile, dicit aliquam entitatem absolutam præter respectum; nisi enim utrumque diceret formaliter; esset vel purè absolutum Ens, vel purè respectivum; at qui est partim absolutum, partim respectivum, distingui in ea possunt duæ rationes, altera absoluta, altera respectiva; nam absoluta formaliter non est respectiva, neque respectiva formaliter est absoluta, cum definitionibus & quidem oppositis distinguantur. Quatenus igitur respectiva, pertinere formaliter debet ad prædicamentum relationis, uti & cæteræ relationes formaliter sumptæ: Et ita Aristoteles in cap. de Qualitate in fine docet: relationem scientiæ debere poni in Ad aliquid, ipsam verò scientiam in qualitate.

Nam quod dicunt, illud absolutum esse etiam respectivum, & illud respectivum esse etiam absolutum, si id intelligant identicè, & materialiter, verè & consequenter loquuntur in sua sententia: Si verò intelligant formaliter, nec verè, nec consequenter loquuntur. Non verè; quia absolutum, quia absolutum, & respectivum distinguuntur formaliter; quia habent distinctas definitiones, & sic vnum, formaliter non est aliud: non consequenter; quia sicut rationale in homine est idem cum animali, non tamen est de essentia animalis; quia non constituit animal in ratione formali animalis, sed utrumque est de essentia hominis, qui ex utroque constat: ita relativum si sit idem cum absoluto, non ideo est de essentia absoluti, sed solum est de essentia constati ex absoluto & respectivo. Non enim relatio constituit absolutum in ratione absoluta, cum absolutum non sit absolutum propter relationem formaliter, sed potius propter non relationem; illud enim dicimus absolutum quod non refertur, vel omnino, vel sub aliqua ratione. Quare relativum, semper est extra rationem formalem absolutam, & solum pertinet ad rationem formalem constati ex absoluto & respectivo, uti ex istorum sententia deducitur.

Iam verò si quæras. An omnis relatio non prædicamentalis sit transcendentalis, quidam enim univèrsè ita loquuntur. At multò melius alij negant, quos hic sequitur Ruvijs & Toletus. Nam transcendens illud dicitur, quod vagatur vel per omnia, vel per aliqua prædicamenta, ut apparet in Ente, vno, bono, vero, eodem, diverso, accidente: at non omnes relationes non prædicamentales vagantur per omnia, vel aliqua prædicamenta: non igitur dici possunt transcendentes: Minor parte. Relatio enim scientiæ ad scibile, invenitur solum in qualitate, relatio capitis, in sola substantia, relatio potentiarum, habiruum, actuum, ad objecta, in sola qualitate.

Nam sunt quædam relationes quæ fundantur in re propria vnius prædicamenti, ut ex quæ sunt nominatæ; sunt verò aliæ quæ fundantur in re communi multarum vel omnibus prædicamentis, ut relatio inherentiæ fundatur in ratione accidentis communi omnibus generibus accidentium; similiter relatio dependentiæ à Deo non fundatur in certo aliquo genere Entis, sed in communi in ratione Entis creati siue sit substantia, siue accidens: Relationes igitur primi generis, neque sunt prædicamentales, quia includunt absolutum spectans ad prædicamentum Absolutum

*Non omnis relatio non prædicamentalis, est transcendentalis.*

non ad Prædicamentum Relationis: suntq; Relativa secundum dici neq; transcendentales, quia non sunt communes multis generibus prædicamentorum.

Quoniam Ruvius hic q. 5. tenet relationes habituum & potentiarum, esse prædicamentales, quia ponuntur in prædicamento qualitatibus, cum sint de essentia dictarum qualitatibus.

Quocirca secundum hanc sententiam non omnes relationes quæ sunt essentielles absolutis dici debent aut possunt transcendentales.

Relationes verò secundi generis, sunt transcendentales, quia cum includant aliquid præter relationem, non sunt prædicamentales, & quia includunt res diversarum prædicamentorum, & vagantur per multa prædicamenta, sunt transcendentales; hæc enim duo ad rationem relationis transcendentalis requiruntur.

Dicit Relationes transcendentales & si vt dicunt tam absolutum, quam respectivum non pertineant ad prædicamentum relationis: tamen ut illæ relationes præferantur ab absolutis, sic possunt spectare ad prædicamentum relationis; præferendi tamen possunt, quia non sunt de essentia absolutorum, vt probabitur. Respondetur Concedendo totum. Nam relationes transcendentales ideo non spectant ad prædicamentum relationis, quia includunt præter relationes, res diversarum prædicamentorum, quæ non possunt reponi in prædicamento relationis: Si ergo sumantur præcisè vt abstrahunt à rebus diversorum prædicamentorum, reponuntur in prædicamento relationis. Ratio est: Quia in prædicamento relationis, ex sententia Aristotelis reponuntur omnia relativa secundum esse, solùmq; excluduntur relativa secundum dici, vt patet ex definitionibus relativorum datis ab Aristotele: atqui à relativis transcendentalibus præscindi potest pura ratio relativorum, non includens ullam rationem absolutam, eritq; relatio secundum esse: Ergo talis relatio spectabit per se ad prædicamentum relationis; siquidem omnis pura relatio spectat ad prædicamentum relationis.

Confirmatur primo. Quia si aliqua relatio non diceret rem ullam absolutam, omne nec esset transcendentalis, nec non prædicamentalis: quia relatio quod sit non prædicamentalis, non habet hoc ex essentia sua, sed ex inclusione alterius rei non pertinentis ad prædicamentum relationis. Hac enim de causa Aristoteles excludit à prædicamento relationis relativa secundum dici, quod præter relationem includunt aliquid aliud: Ergo si relatio per præcisionem intellectus liberetur ab inclusionem alterius entitatis, eo ipso, nullum habebit impedimentum quominus sit in prædicamento relationis.

Confirmatur secundo. Quia relatio per hoc quod est de essentia absoluti, non perdit naturam relationis, alioqui non faceret rem illam referri ad Terminus: Cur igitur illa relatio relativa integrè præscindi non possit, & effici purè relatio per intellectum?

Et hæc sententia certò Aristotelis, qui relativa prædicamentalia definivit esse relativa secundum esse: relativum autem secundum esse sunt illa, quæ nihil aliud præter relationem dicunt. Vult ergo Aristoteles, omnia illa relativa esse prædicamentalia, quæ non involvunt rem alterius prædicamenti. Si verò idem sit simul relativum & absolutum vt scientia: voluit relationem separari ab absoluto & reponi in prædicamento Adaliquid: ut ex ultimis verbis in Cap. de Qualitate manifestum est.

Sed instabis. Hac ratione tolli omnes relationes transcendentales. Nam si po-

*Relationes essentielles poni in prædicamento Absolutorum, tenet Ruvius.*

*Relatio transcendentalis præcisa ab absolutio est prædicamentalis.*

*An tollenda Relationes transcendentales.*

test semper præcindi relatio ab absoluto, talis relatio secundum essentiam erit prædicamentalis. Respondeo. Si relationes transcendentales illæ intelligantur, quæ sunt essentielles absolutis: tales relationes nec antiquitas agnovit, nec non agnoscimus, ut ex quæstione sequenti patebit. At si relatio transcendentalis sit idem quod relatio secundum dici, includens aliquod absolutum transcendens, tales relationes non negamus: hoc solo addito, quod non omnis relatio secundum dici, appellari debeat transcendentalis, sed ea solum quæ vagatur per multa Prædicamenta ut Accidens. Nam alijs, quæ in vno tantum Genere prædicamenti versantur, nulla ratione convenit talis appellatio: ut paulo autem ex Toletio & Ruvo ostendi: quæ enim vno Genere Prædicamenti continentur non transcendentales sed prædicamentalia dici debent. Quare illa solum Relatio secundum dici, transcendentalis vocari poterit quæ includit absolutum aliquod transcendens, ut est relatio Accidentis, causæ, creaturæ, &c. quæ verò includit absolutum ad vnum tantum Genus Prædicamenti spectans, nullo iure dici potest transcendentalis. Si verò præcindatur ab absoluto: talis ratio erit prædicamentalis: ut in fine Capituli de Qualitate docet Aristoteles, & cum eo Toletus, Alexander & alij interpretes illius loci. Unde patet Relationem talem non secundum essentiam dici Transcendentalem; cum per se ad Prædicamentum Ad aliquid spectet: sed per accidens ratione Absoluti transcendentalis, quod includit, ut illo nomine significatur. Nam simili ratione Relatio secundum Dici, abstracta ab absoluto, definit esse secundum Dici, & sit Relatio secundum esse, & Prædicamentalis.

Notandum verò est Aristotelem duplicia Relativa statuere: alia secundum dici, alia secundum esse. Illa dicuntur quidem relativè, tamen essentia illorum non consistit in illa relatione; sed in natura absoluta affecta relatione. Sic caput dicitur quidem relativè. Omne enim caput alicuius est caput; tamen essentia capitis non est relatio ad aliud, sed substantia, ad quam consequatur relatio partis ad totum. Vnde Aristoteles ait, posse quem cognoscere definitè substantiam capitis, etiam si ignoret definitè, cuius illud caput sit, & ad quod Totum referatur.

Notandum est secundo. Duplîter aliquid dici relativè ad aliud: Primò formaliter, ratione sui, verbi gratia, caput secundum quod caput est, alicuius caput est. Secundo non ratione sui, sed ut substat alicui rationi, per quam refertur. Sic inquit Aristoteles, bos ut bos, non dicit formaliter esse alicuius, sed solum ut est possessio, dicitur esse alicuius. Possessio enim est alicuius possessio. Esse verò bovem, formaliter non est esse alicuius. Nam si nullus possessor, bos erit bos, & tamen non erit alicuius.

Ut verò certò constet, sub qua ratione formaliter aliquid sit relativum, datam regulam Aristoteles. Id enim quo solo posito, & omnibus alijs ablatis dicitur res illa relativè ad aliud, illud est ratio formalis referendi rem illam ad alterum similiter id quo solo ablato, & omnibus alijs positis, non est relatio, non est ratio formalis referendi. Id quod verum est tam ex parte rei relatæ, quam ex parte termini ad quem est relatio. Dat exemplum Aristoteles de Domino & servo. Ablatis enim omnibus accidentibus à Domino, & solum relicto hoc, quod est Dominus, servus refertur ad dominum, idcirco servus refertur ad dominum formaliter ut dominus est; non refertur autem ad hominem formaliter, quia illo solo posito, & ablato quod sit dominus, non refertur servus ad ipsum. Sic & ala ad avem non refertur formaliter ut avis est, sed ut alata est. Nam cû non sit avis, sed animal quadrupes

*Quæ relatio  
dici potest  
transcenden-  
talis.*

*Relativa se-  
cundum dici.*

*Regula cog-  
noscendi ratio-  
nem formalem  
cuiuslibet rei.*

per, dummodo alarum sit refertur ad illam ala. Monet igitur Aristoteles, conveni-  
enter assignari debere correlativa, hoc est, formaliter secundum regulam datam, ita  
ut si terminus formalis relationis convenienter assignari non possit, nisi fingatur  
nomen; & dicatur, ala, alati ala; temo temonati temos; caput capitati capur. Sic e-  
um formaliter & propriè significabuntur termini relationis.

Notandum est tertio. Relativa secundum esse dici relativa, quia eorum essentia  
non est alia, quàm relatio. Sic paternitas nihil aliud dicit præter relationem ad fi-  
lium. Filiatio relationem ad patrem, similitudo relationem ad aliud simile. Relati-  
vi verò secundum dici dicuntur quidem relativè, sed essentia illorum est quid aliud  
præter relationem: & ideo non sunt relativa secundum esse.

Quod si dicas Relativa secundum esse, præter esse ad, dicere esse in. Nam sunt &  
in subiecto, & referunt subiectum ad terminum. Respondeo. In nostra sententia,  
quæ relationes non distinguit re à fundamento, relationem non esse quid inhæ-  
renti ratione sui, sed ratione fundamenti. Nam cum sit idem cum fundamento, non  
inhæret fundamento. Id enim quod inhæret, necesse est distingui ab eo cui inhæ-  
ret; mediante verò fundamento accidentali; inhæret quidem relatio subiecto, sed  
fundamento, non sui propria inhærentia. Quare hæc inhærentia est extra ratio-  
nem formalem relationis. Unde relationes quæ fundantur in substantia, nullam inhæ-  
rentiam dicunt nec immediatam, nec mediatam. In sententia verò opposita, quæ  
distinguit relationem realiter à fundamento, inhærentia convenit relationi ut acci-  
dens est; seu ut est relatio accidentalis. Cum igitur, secundum ipsos hæc duæ ratio-  
nes in relatione constituant formaliter essentiam relationis accidentalis: utraq; est  
de essentia relationis; & ex consequenti ratio propria relationis præscindi non po-  
test in suo conceptu formali; à ratione accidentis.

Alij verò respondent. Relationem prædicamentalem esse puram, non quocun-  
que modo, sed solum respectu termini, quia nimirum respectu termini non exer-  
cet aliud officium, nisi referendi; ad differentiam aliarum relationum, quæ respectu  
termini exercent, præter officium referendi, alia quoq; officia ut scientia non su-  
lam dicit relationem ad scibile, sed etiam actum cognitionis circa scibile. Non  
patet autem obesse relationi puræ, si dicat aliquid aliud præter relationem, sed  
non ad terminum. Sed isti falluntur. Nam relativa secundum dici, respectu termi-  
ni dicunt puram relationem, quia tamen præter relationem dicunt etiam aliam rem  
absolutam, reperiuntur à prædicamento relationis: quia in prædicamento relationis  
non possunt poni ullæ res absolutæ; ut cum caput ad capitatum refertur, vel ala ad  
alium.

Quod si quæras stando in istorum sententia. An relatio ut accidens est, sit in  
prædicamento relationis, vel solum relatio ut relatio? seu ut dicit esse Ad. Relatio  
tum ut accidens est, non est formaliter relatio, ac ex consequenti non est formaliter  
in prædicamento relationis: quod verò non est formaliter relatio, non est for-  
maliter in prædicamento relationis.

Respondeo. Accidens sub ratione accidentis esse quid transcendens prædicamē-  
to, nec pertinere ad prædicamenta, sed esse supra prædicamenta: relatio verò in-  
hærentiæ quam dicit Accidens ad subiectum, etiam ut transcendentalis est, & non  
pura relatio, non pertinebit eodem modo ad Prædicamenta, tamen, si præscinda-  
tur ab omni alia re absoluta, pertinebit ad prædicamentum relationis, sicut omnis  
alia relatio transcendentalis præcisa eodem modo pertinet.

*Relativa se-  
cundum Esse.*

*Relatio inhæ-  
ret non ratio-  
ne sui, sed ra-  
tione funda-  
menti.*

*Relatio ut  
accidens est,  
ad quod præ-  
dicamentum  
pertinet.*

*Dici quomodo  
sequatur ad  
esse.*

*Relatio præ-  
dicamentalis  
est pura Relo-  
tio.*

*Relatio tran-  
scendentalis  
quæ?  
Differt à  
Prædicamen-  
tali.*

*Obiectio.*

*soluitur.*

Obijci etiam potest. Relativum secundum dici esse etiam secundum esse, Dici enim sequitur ad esse. Respondetur Aristoteles relativa appellat secundum dici tantum, quæ relativè dicuntur, sed non sunt secundum suam essentiam relativæ; relativa verò secundum esse, appellat ea, quæ sunt secundum totam suam essentiam relativa: quare etsi dici sequatur ad esse, non tamen omne dici ad omne esse. Nam quædam dicuntur talia solum accidentaliter, & denominatiue, quædam verò essentialiter. Relativa ergo secundum dici, cum non sint essentialiter relativa, sed absoluta, dicuntur tantum denominativè relativa: relativa verò secundum esse, sunt essentialiter relativa, quia tota illorum essentia est relativa, & hoc sensu dici & esse opponuntur; sicut dici accidentaliter, & esse essentialiter.

Ex his omnibus concludo primò, Relationem prædicamentalem esse relationem puram, hoc est, nullam rem absolutam includentem: Nam Aristoteles relativa secundum esse, solum voluit pertinere ad prædicamentum relationis; relativa autem secundum esse dicunt puram relationem.

Vnde non ideo relatio est prædicamentalis, quia est accidens, sed quia est pura relatio; neque ullam aliam rem non pertinentem ad prædicamentum relationis involvit: Esse verò accidens, per veram inhzrentiam, neque convenit relationi per se, & ratione sui, sed ratione fundamenti, neque in ratione formali relationis includitur.

Concludo secundò, Relationem transcendentalem esse relationem non puram, hoc est, quæ præter relationem includit aliquam rem absolutam transcendentem, & pertinet ad Relationes, secundum dici: Differt verò relatio transcendentalis à prædicamentali, non ratione relationis formaliter, sed ratione rei absolute in relatione inclusa: Nam si præscindatur relatio ab illa re absoluta, per se spectabit ad prædicamentum relationis, & ex transcendentali fit prædicamentalis, rei respectum est.

At obijci. Relatio prædicamentalis, est idem cum suo fundamento & illud includit: Fundamentum autem est quid absolutum: Ergo relatio prædicamentalis includit aliquid absolutum, & ex consequenti erit transcendentalis. Respondetur. Relatio includit quidem suum fundamentum, sed relativè tantum, ut se habet ad terminum, non verò absolute, ut in se est: hoc autem modo includere fundamentum, non est dicere aliquid præter relationem, sed ipsissimam relationem. Nam relatio nihil aliud est, quam fundamentum respectu termini se habens, hoc vel illo modo.

## QVÆSTIO VIII.

*An dentur aliqua relationes essential-  
les absolutis?*

**E**st sententia multorum recentiorum cum Cajetano de Ente & essentia cap. 2. quæst. 15. dari aliquas relationes essentielles quibusdam rebus absolutis, ut verbi grati, relatio accidentis ad subiectum, potentiæ & habitus, & actus ad obiectum, materiæ ad formam. Volunt igitur isti relationes esse complementum essentia-



essentiale naturarum absolutarum, ita ut neq; naturæ absolutæ sine relatione, sine quod completum in esse absoluto, neq; relatio sine absoluto sit quid completum in esse relativo, sed utrumq; concurrat ad complendam essentialiter unam naturam; alioqui si essent completa ratio absoluti, & ratio relativi in suo genere, non posset ex illis constitui una essentia; ex duobus enim entibus completus, non fit essentia, quod est primum principium in Philosophia. Hanc sententiam defendunt Securus in sua Metaphysic. Disputat. de relatione, & Ruvius hic quæstione 3. Fontic. Conimbricenses, & alij recentiores.

Probant autem hanc sententiam primo autoritate Aristotelis, 2. de anima text. 33. qui ait essentiam specificam potentiarum sumi ab actibus, & objectis; quod non potest ita intelligi quasi objecta sine de essentia potentiarum, (sunt enim re distincta à potentijs) sed quod ordo ad objecta sit de essentia potentiarum. Similiter Aristoteles 4. Metaphys. text. 1. docet, Accidens ideo esse Ens, quia est Entis Ens, hoc autem est, accidens non aliâ ratione esse Ens, nisi per respectum ad substantiam, à qua dependet in ratione Entis: Ergo respectus ille est de essentia accidentis; accidens enim est Ens essentialiter, quare & respectus per quem constituitur in ratione Entis, erit ei essentialis.

*Autoritas  
Aristotelis.*

Secundo ratione. Id sine quo aliquid intelligi non potest, est illi essentialiter: atque multa Entia absoluta sine relatione intelligi non possunt: ergo relatio est de illorum essentia. Major est certa. Sicut enim res se habet ad esse, ita & ad cognosci: si ergo sine aliquo res potest esse, potest & cognosci; quod si non possit cognosci sine aliquo, non potest etiam esse. Neque potest dari instantia de relatione, quæ non potest esse, & intelligi sine termino, & tamen terminus non est de ejus essentia.

*Ratio.*

Nam relatio propriè loquendo in se ipsa, & in sua intrinseca ratione, est sine termino: quia in sua intrinseca ratione illum non includit, & distinguitur ab illius realitate, & essentialiter, solumque dicitur non esse sine termino, quia non est sine ordine ad terminum, qui ordo ad terminum est ipsa essentia relationis: id quod alij alijs terminis exponunt; relationem non posse esse, sine termino in obliquo, quia est ad terminum: posse verò in recto, quia relatio non est terminus. Id igitur sine quo res intelligi non potest, si spectet ad rem illam in obliquo tantum, non est de essentia ipsius, at si spectet in recto, est de essentia. Semper tamen sine ipsum, siue respectus ad ipsum, est de essentia rei, si illa res sine eo intelligi non potest. In subjecta verò materia, cum absolutum non possit in sua intrinseca ratione & essentia intelligi sine respectu, simpliciter erit de essentia absoluti; quia respectus illi non potest in obliquo, sed tantum in recto, spectet ad essentiam absoluti; non enim ordo ad respectum, sed ipse respectus secundum se spectabit ad essentiam absoluti. Minor verò argumenti probatur Inductione in supradictis relationibus. Scientia enim est res absoluta, quia est de prædicamento qualitatis, quod est genus absolutum, nec consistit in puro respectu; nullus enim purus respectus est qualitas: quare si scientia est qualitas, non ratione per respectum, sed ratione alicuius rei absolutæ erit qualitas; & tamen scientia non potest intelligi nisi cum ordine ad objectum; si enim est scientia, alicuius scibile est scientia: ergo de essentia scientiæ est ordo, & respectus ad scibile. Item dici potest de accidente, cuius relatio ad subiectum saltem apertitudinis est essentialis: quia non potest intelligi accidens, esse accidens, nisi respectu alicuius.

*cuius.*

cuius subiecti; omne enim accidens, alicujus est accidens, accidit enim alicui.

Responderi potest. Cum Scoto, Accidens dupliciter sumi possit: primo pro natura fundante respectum accidentis ad subiectum: Secundo pro natura affecta illo respectu, primo modo, respectum non esse de essentia accidentis: posteriori vero modo, esse de essentia: hoc autem nihil aliud est, quam respectum esse de essentia constari ex absoluto & relativo, quomodo omnis relatio est de essentia compositi, constari ex fundamento; & relatione. Nam de essentia albi similis est & albedo & similitudo, cum, si vel albedo desit, vel similitudo, non possit intelligi album simile. Sed hæc responsio refellitur: non enim solum secundo, sed etiam primo modo accidens non potest intelligi sine respectu ad subiectum. Nam vel tunc habet aptitudinem, ut insit subiecto, vel non habet: Si habet, habet & respectum, qui aptitudo illa vel est respectus ad subiectum, vel sine respectu intelligi non potest; si non habet, non erit aptum esse in subiecto, & ex consequenti non erit accidens; id enim quod non est aptum esse in subiecto, non est accidens.

Secunda sententia est communis antiquorum Peripateticorum. Nullam relationem esse de essentia absoluti, sed omnes illas relationes quæ putantur essentielles, fundari in essentia absoluti, & esse proprietates ad illam consequentes. Quæ sententia ut explicetur, ostendendum est quid de hac Aristoteles senserit, quid veteres Philosophi. Tum erit firmis rationibus comprobanda.

### *Aristotelem nullas agnovisse relationes essentiales §. 1.*

Ac in primis hanc sententiam fuisse Aristotelis minimè dubitari potest. Is enim cum aliquot in locis eandem questionem proposuisset, semper ita resolvit ut negaret ullam rem absolutam esse essentialiter ad aliquid. Imò si quæ relatio invenitur in re absoluta, eam non ad illud genus absolutum, sed ad genus ad aliquid referendam esse docuit.

*An Qualitas secundum Aristotelem sit ad aliquid. Intentum Aristotelis.* Nam in primis in capite de Qualitate ultimo loco eam questionem movet. An aliqua qualitas sit ad aliquid? cuius questionis, non is sensus est, an scilicet accidentaliter aliqua qualitas sit ad aliquid? de hac enim re nemo dubitat. Neque Aristoteles negare poterat hoc sensu qualitatem esse ad aliquid: cum alibi expressè doceat in qualitate fundari multas relationes accidentales; imò in hoc ipso loco immediate ante docuit Proprium qualitatis esse ut secundum eam simile vel dissimile aliquid dicatur. Sensus igitur est, an secundum suam essentiam aliqua qualitas sit essentialiter ad aliquid. Id quod etiam ex ratione dubitandi, quam introducit, patet. Habitus enim (inquit) & dispositiones ad aliquid dicuntur; & in particulari de scientia id dicit, scientia enim alicuius scibilis scientia dicitur. Hæc exempla sunt ex earum qualitatum genere, quæ essentialiter esse ad aliquid existimantur. Quare non est dubium de talibus relationibus velle inquirere, quæ sint de essentia qualitatum.

*Responsio Aristotelis.* Respondet igitur ad Questionem negative, cum ait non debere nos conturbari, quod inter qualitates, ea quæ sunt ad aliquid, connumerata sint eo quod habitus, qui videntur esse ad aliquid, sint numerati in prima specie qualitatis. Absurdum igitur reputat Aristoteles in qualitate poni, id quod est ad aliquid. At si qua-

itas essentialiter sit ad aliquid; vt authores primæ sententiæ volunt: non solum id absurdum non esset sed necessarium planè. Si enim habitus secundum suam essentiam in qualitate poni debet, & relatio sit ejus essentia: necessario quoq; relatio & ad aliquid, in qualitate ponenda esset, & maximè conturbari nos oporteret. Quod in qualitatibus ea quæ sunt ad aliquid, sunt numerata, permiscendo summa rerum genera. Porro duas affert rationes propter quas dictæ qualitates, non sunt ad aliquid, quæ ostendunt dictas qualitates accidentaliter non essentialiter ad aliquid esse.

*Rationes Aristotelis duas.*

Prima est. Quia scientia, inquit, in genere tantum dicitur ad aliquid, in specie autem & in singulari non dicitur esse ad aliquid. Dicimus enim scientiam esse aliquos scibiles scientiam, eam tamen Grammaticam, quæ est species scientiæ; esse aliquam Grammaticam non dicimus. Cum igitur scientia in specie & in singulari non sit ad aliquid, signum est, scientiam in genere non essentialiter sed accidentaliter ad aliquid dici: tum quia scientia in specie, est magis scientia quàm in genere; magis enim scimus cum singularum rerum habemus scientiæ quàm cum in genere tantum: Si ergo ea relatio esset essentialis scientiæ magis esset essentialis scientiæ in specie: quod cum non ita se habeat, sequitur neq; scientiam in genere id convenire essentialiter. Certum enim est quia quæ essentialiter conveniunt generi, conveniunt quoq; essentialiter speciebus. Porro scientia ideo dicitur accidentaliter ad aliquid, quia hoc nomen scientiæ impositum est ad significandam qualitatem, vna cum relatione ad scibile. Nomen autem Grammaticæ solum est impositum ad significandam pure qualitatem vt est quid absolutum.

Altera ratio est quandocunq;, inquit, contingit, idem ipsum, & quale, & ad aliquid esse: nihil inconueniens est in vtriusq; hoc generibus enumerare; qualitatem scilicet in genere qualitatis, ad aliquid autem in genere ad aliquid: quare & ea relatio quæ in scientia cernitur secundam doctrinam Aristotelis, non in qualitate (vt illi volunt) sed in ad aliquid erit reponenda. Vnde sequitur eam relationem non esse de essentia qualitatis: Nam genera prædicamentorum essentialiter distinguuntur, nec vnum de alio dicitur essentialiter: at si relatio aliqua esset de essentia qualitatis in qualitate poni deberet, in qua ponitur tota illius qualitatis essentia. Item & qualitas eadem ex causa poni deberet in Prædicamento Ad aliquid vt pote eius essentiam constituens.

Non habent quod respondeant aduersarij, nisi Aristotelem non de omni relatione scientiæ esse locutum, sed tantum de accidentalibus & prædicamentalis. Distinguitur enim duplicem relationem in scientia, vnam essentialem, secundum quam scientia speciem suam sumit à scibili: aliam accidentalem secundum quam scientia commensuratur & adæquatur scibili. Hanc autem commensurationem aiunt, non habere scientiam, nisi quando scibile existit, ac proinde accidentaliter. Vtum satis infirma est hæc evasio. Neque enim Aristoteles questionem posuit de aliqua solum relatione sed de omni prorsus quæ habitibus & scientiæ in esse videtur, immò magis de illis relationibus quæ sunt magis intimæ & ad essentiam qualitatum pertinere videntur: magis enim conturbare nos istæ, quàm aliæ possent, propter eas enim habitus videntur esse ad aliquid, cum sint illis essentielles. Ac proinde magis ad eas erat dirigenda responsio. Neq; etiam Aristoteles rectè respondisset ad questionem, absolui negando, si solum de aliqua & non de omni relatione respondisset; maneret enim insoluta difficultas; & quidem ex maiori parte;

1.

2.

*Secundum Aristotelem Relatio scientiæ ad scibile in Prædicamento Ad aliquid ponitur.*

*Responsio aduersariorum.*

*Refellitur.*

si quidem darentur relationes non quæcunque, sed quæ essentialiter essent, & propter quas præcipue Qualitas videretur esse ad aliquid. Et sanè si aliquid cognovisset Aristoteles de istis relationibus essentialibus, credibile non est quin villas excepisset, cum id ad solutionem quæstionis esset necessarium, & non ita absolute pronuntiasset, Qualitates non esse ad aliquid, potius enim pronuntiandum absolute fuisset, Qualitates quasdam esse ad aliquid, quia essentialiter sunt ad aliquid.

Id ipsum rationes Aristotelis vrgent. Nam ideo docet nos non debere perturbari; quia aliquæ qualitates videntur esse ad aliquid, tùm quia solum in genere sunt ad aliquid, non in specie: tùm quia qualitates quatenus sunt ad aliquid, non ad genus qualitatis, sed ad genus ad aliquid spectant. Hæ autem rationes supponunt nullam relationem essentialiter esse in istis qualitatibus; alioqui & in specie illis conveniret, & non ad genus ad aliquid, sed ad genus qualitatis spectaret.

Deniq; Difficultas quam movet Aristoteles, præcipue est de illis qualitatibus quæ videntur esse essentialiter ad aliquid vt sunt habitus, & scientiæ quæ videntur non posse intelligi sine respectu ad aliud. Nam de alijs satis constat, quod accidentaliter sunt ad aliquid, imò immediate ante dixerat proprium qualitatis esse vt secundum eam dicatur aliquid simile vel dissimile, quæ sunt relationes: cum ergo ad quæstionem responderet negativè, consequens est, de iis relationibus respondere, quæ ad essentiam qualitatum spectare videbantur.

*Substantiæ  
non sunt essentialiter ad  
aliquid.*

Secundo eandem quæstionem movit Aristoteles in cap de ad aliquid. An nimirum substantia aliqua sit ad aliquid? videntur enim, inquit, quædam secundæ substantiæ esse ad aliquid, vt manus alicuius dicitur manus, & caput alicuius dicitur caput. Nam de primis ait certum esse nec ipsas nec partes ipsarum esse ad aliquid. Ad hanc quæstionem respondet Substantias dici ad aliquid non esse ad aliquid, & convenire illis Definitionem Relativorum secundum Dici, non secundum esse. Quod quid aliud est quàm dicere substantiam accidentaliter non essentialiter esse ad aliquid? quia in nulla substantia idem est esse substantiam, quod ad aliquid se habere; quare dicitur solum ad aliquid, non autem est essentialiter ad aliquid.

Quæ responsio si vera est evertit omnes relationes essentielles. Nam in iis idem est esse substantiam, quod ad aliquid se habere; siquidem de essentia substantiæ est ad aliquid se habere. Atqui Aristoteles negat hoc modo substantias esse ad aliquid, id est secundum esse, ita vt in eis idem sit esse quod ad aliud se habere. Ergo negat substantias essentialiter referri ad aliquid: sed solum ait referri secundum dici non secundum esse, ita vt in ijs aliud sit dici relative, aliud esse simpliciter, sicut aliud est, esse capitis substantiale, aliud relatio ipsius ad corpus.

*Materia quomodo ad aliquid.*

At inquires. Aristotelem 2. Physicæ. 26. dicere materiam esse eorum quæ sunt ad aliquid. Respondeo esse ad aliquid secundum dici, non secundum esse eo modo quo caput eorum quæ sunt ad aliquid; aliud enim est in materia, ipsum esse substantiale, aliud esse ad aliquid.

*Quæ relata agnoscit Aristoteles.*

Tertio Aristoteles nulla relata agnoscit, nisi vel secundum dici vel secundum esse; & quidem relata secundum dici, voluit esse illa, quorum esse non est idem quod ad aliquid esse; relata verò secundum esse, quorū esse, est idē quod ad aliquid esse. Itaq; relata secundum dici voluit referri accidentaliter, vt pote relatione differens ad ipsorum esse; relata verò secundum esse vult referri essentialiter, vt pote relatione quæ non differat ab ipsorum esse, sed sit idem quod esse. Nam in relatis secundum

secundum dici est quidem idem materialiter esse ipsum, cum ad aliquid esse formaliter tamen non est idem; sed id proprium est relatorum secundum esse: idem enim est relatum secundum esse, quod relatum secundum essentiam, sicut relatum secundum dici est relatum non secundum essentiam sed tantum secundum denominationem accidentalem.

Iam igitur relata ista transcendentia cum suis relationibus essentialibus peto ad quod genus pertinebunt? Num ad relata secundum dici? At horum natura est ut in illis non sit idem esse & ad aliquid esse; in relatis autem transcendentalibus idem sunt secundum formaliter est esse, quod ad aliquid esse, cum sint essentialiter relata, & de essentia ipsorum sit relatio: non igitur pertinebunt ad relata secundum dici. Num ad relata secundum esse? at hoc dici non potest, tum quia relata secundum esse sunt prædicamentalia & in prædicamento Ad aliquid: secundum ipsos autem non sunt prædicamentalia nec in prædicamento Ad aliquid, sed in eo prædicamento cuius substantiam constituunt: cum quia Aristoteles expresse negat substantiam esse relatum secundum esse; quia esse substantiæ non est idem quod ad aliud esse: at secundum illius substantiæ cum sint essentialiter relata, deberent statui relata secundum esse, quia in ipsis idem est esse quod ad aliquid esse. Ergo talia relata non agnovit Aristoteles, deberet igitur statui tertium genus relatorum, quod nec sit secundum dici nec secundum esse, quod est inauditum in schola Peripateticorum.

*Relata transcendentia nec sunt secundum dici, nec secundum esse.*

*Veterum Peripateticorum eandem fuisse sententiam. §. 2.*

Maximam philosophorum partem docere nullas relationes esse de essentia absolutorum; sed tantum ad essentiam absolutorum consequi, testis est Fonseca 5. Metaph. c. 1 §. q. 1. sec. 4. id ita verum est, ut vix ex antiquis ullus nominari possit, qui expresse docuerit, relationem esse de essentia absoluti: plurimi verò & præcipue contrarium & asseruerunt & argumentis confirmarunt. Proferam præcipuos quos alij vel antesignanos sequuntur. Aver. 1. Physic. text. 70. probat relationem potentiae (quæ statuitur esse essentialis materiæ) non esse de essentia materiæ. [Esset enim, inquit, materia in prædicamento ad aliquid non in prædicamento substantiæ] scilicet id argumentum sumpserat ab Aristotele cap. de Ad aliquid: ubi docet substantiam non posse esse ad aliquid: nec in substantia idem est esse substantiam & esse ad aliquid. Quamvis autem Averroës loquatur de materia tantum, tamen ratio ipsius est universalis, & omnes relationes essentialiter erunt. Quia sicut nulla substantia potest esse essentialiter ad aliquid, alioquin reponeretur essentialiter in prædicamento ad aliquid: ita & nulla Quantitas aut Qualitas atque adeo nulla res absoluta ad illa prædicamenta spectans potest esse ad aliquid: quia res vnius Prædicamenti, non est essentialiter res alterius prædicamenti.

*Averroës.*

*“Materia non refertur essentialiter ad Formam quia esset in Prædicamento ad aliquid.”*

Dices, id non sequi, quod si substantia sit essentialiter relativa, debeat reponi in prædicamento ad aliquid; reponi enim debet in Prædicamento substantiæ, quia substantiæ essentiam complet.

At contra: sicut substantiæ essentia secundum istorum sententiam completur Instantia reponitur, ita relationis essentia completur per substantiam; ne verum

enim

enim sine altero essentialiter est completum, ac proinde utrumque per utrumque completur essentialiter. Si ergo relatio quia complet essentialitatem substantiæ in Prædicamento substantiæ collocari debet: pari ratione, quia substantia complet essentialitatem relationis in Prædicamento relationis collocanda esset. Quare recte Averroës virget argumentum Aristotelis, quo probat substantiam ideo non posse esse essentialiter ad aliquid, quia non potest reponi in Prædicamento ad aliquid.

*Altera in præ-  
sentia rejicitur.*

Dices in Ad aliquid reponi solum eas relationes, quæ præter esse relativum nihil aliud absolutum involvant.

Contra: sicut in Prædicamentis absolutis, reponuntur in istorum sententia non solum pura absoluta, sed etiam ea absoluta, quæ involvunt essentialiter relationem: cur non simili ratione in Prædicamento relationis reponi debeant, non solum pura relativa, sed etiam ea quæ essentialiter involvunt absolutum? Quare licet fatear in prædicamento ad aliquid reponi solum puræ relativæ quia secundum Aristotelem & veritatem non dantur ullæ relationes essentialiter absolutæ, nec absoluta essentialiter relativæ: tamen supposita istorum sententia de relationibus essentialiter absolutis, sequitur debere eas reponi in Prædicamento ad aliquid reponi solum pure relativæ quia secundum Aristotelem & veritatem non dantur ullæ relationes essentialiter absolutæ, nec absoluta essentialiter relativæ: tamen supposita istorum sententia de relationibus essentialiter absolutis, sequitur debere eas reponi in Prædicamento ad aliquid; quia non minus sunt absolutæ essentialiter quàm relativæ: Sicut enim in Qualitate reponuntur non solum puræ qualitates, sed etiam essentialiter relativæ: ita & in relatione eadem lege ponendæ essent, non solum puræ relationes, sed etiam eæ quæ essentialiter includunt absolutum. Quod quia absurdum est, absurdum quoque erit dari tales relationes.

Cum vero instunt, Averroem abbi docuisse potentiam esse de essentia materiæ, ut in lib. de substantiâ orbis. cap. 1. ubi ait, potentiam esse differentiam essentialem materiæ. Respondendum est, ista minime pugnare secum. Nam potentia quæ relativa est, secundum Averroem non est de essentia materiæ, quod solum nunc negamus: quæ verò potentia sumitur pro prima & radicali potentia, quæ nihil aliud est, quam natura potens, cui convenit aptitudo & ordo ad formam: sic ex Averroë & omnium sententia, potentia est de essentia materiæ. de qua in Phys.

*Alexandri se-  
rentia de re-  
lationibus.*

Alexander 2. natural. quæstion. quæst. 7. & 9. docet tam materiam quam formam non esse essentialiter relatam: nam de materia quæst. 7. ait (aptitudinem illam quæ est ad aliquid esse mediam inter materiam & privationem) ubi aptitudinem, quia est ad aliquid, distinguit à materiæ essentia, tanquam quæ medium inter materiam & privationem, ac proinde extra essentiam materiæ. Id quod clarius exponit ibidem. quæst. 9. probans animam licet sit actus corporis, non tamen esse essentialiter ad aliquid (quia, inquit, præter ad aliquid, habet propriam naturam & substantiam, cui accidit, quod sit alterius) ac si diceret, esse ad aliquid est accidens naturæ absolutæ: totamque vim in eo ponit, quod natura absoluta non sit essentialiter relativa, quia accidit naturæ absolutæ, esse alterius.

Thom.

*Themistius* 1. *Physic.* in text. 61. in Digressione de materia docet materiam non esse ad aliquid, sed relationem illi accedere, (quia, inquit, materia prius in se *negat materi-* est res absoluta, quam referatur & accommodetur ad alia) & ibidem materiam ad *an esse essen-* suam essentiam non indigere potestate, nec potestatem ullam in prima ac simplici *tialiter Ad* ratione materiam includi actus, sed primum inquit res quædam est in se Materia & aliquid, *existit,* deinde intelligitur aliorum esse materia, & secundum posteriorem hanc *considerationem* rationem potentie contrahit, ubi ex eo quod materia est res ab- *soluta* negat illam in suo primo & essentiali conceptu includere relationem liqui- *dem* prius est in se quam ad aliud.

*Simplicius* 1. *Phys.* text. 61. ait [Materiæ autem potentie accidit ut societatem *Simplicius.* possit inire cum formis: quare etiam formarum quas est susceptura privatio fu- *Rario simpli-* tur ei accidens] ubi relationem ad formas vult esse accidens materiæ. Prius enim, *cij.* inquit, est per se, quam sit: materia alicuius. *Burleus* 1. *Phys.* tex. 70. idem docet *Burleus.* quod *Averroes*.

Quod si obijciat. Cum isti authores de materia loquantur, inde non posse col- *Occurrit* ligi universè negari ab illis relationes essentielles. Non enim est necesse ut qui id *obiectioni.* de materia negat, neget idem de alijs omnibus.

Respondeo istos authores non quomodocunque id negare de materia, sed ex *Universe ne-* principijs univversalibus, nempe quod res absoluta non est essentialiter ad aliquid. *gantur Rela-* quod absolutum prius in se quam referatur, quæ relationes ita sunt univversales vt *niones.* omnibus applicari possint. Quocirca qui ratione relationem negant hi authores esse de essentia materiæ, eadem quoq; ratione de quavis relatione absoluta idem ne- *gare* necesse est.

Quod ad D. Thom. attinet, certum est eum nullam unquam mentionem, re- *D. Thomas* lationem essentialium fecisse; nec illis ad aliquid salvandum in Theologia aut *nuquam me-* Philosophia unquam visum esse: imo eas quæ vulgo creduntur essentielles, esse ac- *minit Relati-* cidentales docuisse vti est dependentia creaturæ a Deo de qua 1. p. q. 44. art. 1. ad *onum essenti-* 1. cum ex professio quæstionem movisset an relatio esset de ratione creaturæ cum *alium.* alio non possit esse de essentia absoluti: respondit non esse de essentia, sed con- *Negat rela-* tingui ad ea quæ sunt de essentia. Datque rationem, quod cum esse causatum non *tionem crea-* sit de ratione Entis simpliciter, potest ratio Entis in rebus creatis sine eo intelligi. *turæ ad De-* Vide quæ sit. 45. a. 3. ad 3. docet relationem dependentiæ a Deo esse accidens cre- *um esse de es-* aturæ: quod etiam ibi docet *Cætan.* & *Ferar.* 2. contra gent. cap. 18. ad primum sentia. *Soci.*

Deinde S. Tho. 1. p. q. 13. a. 7. ad 1. duo tantum genera relationum ponit, v- *Sententia S.* tum earum, quæ solas habitudines dicunt, aliud earum quæ dicunt absoluta cum *Thomæ de re-* habitudinibus: quas vocat secundum dici, sicut illas secundum esse. His agitur ait *lationibus* esse consequentes ad aliquas res absolutas, si consequentes non igitur essentiali- *consequentib.* bus. Quo sensu explicat S. Thomam Sotus in cap. de aliquid quæ sit. 1. per totum: *ad absoluta.* Neq; valet quod quidam respondent S. Thomam eo loco non omnia genera *Mens D. Tho-* relationum esse complexum, sed tantum ea quæ Deo conveniunt in ordine ad cre- *me.* aturam. Nam S. Thom. dividit relationem non tantum ut in Deo est, sed univver- *sal* quod puer tum ex exemplis (inter cætera enim ponit caput & capitulum quæ *relatio* non est in Deo) tum quia dividit relationes secundum esse & secundum *ad* quæ divisio est univversalissima. Quare quæ relationes convenientes absolu-



tis, dicat consequi ad res absolutas, non agnoscit eas esse essentiales, sed accidentales.

*Male citatur  
S. Thomas.*

Attingunt alibi D. Thomā agnovisse relationes essentielles vt in 1. par. q. 28. 1. in corpore vbi quasdam relationes ait esse in natura rerum, quod isti explicant quasi sint essentielles. Sed falluntur. Ibi enim S. Thomas solum docet relationes quasdam esse reales: quæ sunt in naturis rerum, quasdam rationis quæ sunt in apprehensione. Ajunt etiam alibi docere S. Thomam de materia, quod sit essentialiter potentia, ita vt potentia non sit accidens eius, sed substantia, vt 1. Phys. text. 80. sect. 15. sed verumq; verum est secundum D. Thomam & quod potentia prima & radicalis sit de essentia materiæ, & quod relatio materiæ ad formam non sit essentialis illi vt supra pro Averroë dicebamus.

*Componitur  
S. Thomas.*

*Capreolus.  
Relatio scientiæ  
ad scibile.*

S. Thomam sequuntur antiquiores Thomistæ cap. in primo d. 30. quæst. 1. art. 1. ad 9. Aureoli, vbi dicit scientiam non dicere relationem ad scibile non existens, sed tantum relationem rationis. Idem habet a. 2. ad primum. At si relatio scientiæ ad scibile esset essentialis: esset realis etiam non existente scibili. Idem docet Ferrar. cum S. Thoma 1. contra gentes cap. 12. nullam rationem Entis in actu, ad Ens in potentia esse realem, datq; exemplum de scientia, id quod est contra rationem istarum relationum essentialium. Sotus hic in cap. ad aliquid, asserit istas relationes, quæ censentur esse essentielles absolutis, esse consequentes ad res absolutas. Idem Toletus in cap. ad aliquid: & in cap. de Qualitate in fine, quibus in locis relationem scientiæ reponi docet in Ad aliquid; Qualitatem vero scientiæ in qualitate, eamq; relationem non esse naturam scientiæ, sed à natura fluere.

*Ferrar.  
Relatio Entis  
in actu ad ens  
in potentia.  
Sotus.  
Toletus.*

Quod idem docet de alijs similibus Qualitatibus relativis: idq; confirmat authoritate Alexandri, & Simplicij, Alberti, Boëtij, Pauli veneti. Et in 1. Physic. quæst. 14. ad secundum docet materiam quoad suum principale significatum non esse relativam; importare tamen relationem quandam consequentem, sicut & scientia (inquit) principaliter non est relatio.

*Pererius.*

Deniq; Pererius 5. lib. cap. 2. ad primum & secundum ostendit potentiam vt dicit relationem non esse de essentia materiæ propter argumentum Averrois, qui relationem non potest esse de essentia absoluti.

Ex quibus infero quod si neq; relatio scientiæ neq; dependentia creaturarum à Deo neque relatio materiæ ad formam, formæ ad materiam, neq; relatio habitum & potentiarum ad obiecta dici potest secundum hos autores essentialis naturæ absolutæ: non restant ullæ relationes, quæ dici possint essentielles absolutis: tum quia istæ sunt præcipue; tum quia quibus rationibus hæ negantur esse essentielles, aliz quoq; negari possunt.

*Scotus.*

Scotus in 4. dist. 12. q. 1. ex professo docet nullam relationem esse de essentia absoluti cum id implicet contradictionem. Scotum sequuntur omnes ipsius discipuli.

*Gregorius.*

Deniq; Gregorius Arimin. idem 1. distinct. 28. quæst. 2. ad finem, cum negat eam mege commentatoris materiam esse essentialiter ad aliquid, ita vt quatuor præcipuarum in Philosophia familiarum capita in eam sententiam conspirasse videantur. Avert. S. Thom. Scotus, Gregorius Ariminensis.

*S. Augustinus*

Accedit D. Augustini authoritas qui 7. de Trinitate cap. 1. ostendit absurdum & inop-

inopiniatum esse, essentiam ullius rei dici relativè. Primo, quia, inquit, essentia, si diceretur relativè non esset essentia, essentia enim est ad seipsam, relatio ad aliud, & per essentiam constituitur res ad seipsam, per relationem verò constituitur in ordine ad aliud.

Si ergo quis relationem dicat essentiam alicujus rei, dicit essentiam non esse essentiam, quia dicit non esse ad seipsam, sed ad aliud. Nam quatenus est ad aliud non est ad seipsam, quatenus autem non est ad seipsam, non est essentia, ergo quatenus est ad aliud, non est essentia.

Secundo quia omnis essentia, quæ relativè dicitur, est etiam aliquid excepto relativo, ita ut aliud sit per quod sit, aliud per quod relativè sit. Quod ipse probat in dictione in homine, cum dicitur Dominus, vel servus, in equo cum dicitur jumentum, in nummo cum dicitur arra. Homo enim, & equus, & nummus ad se dicuntur, & substantiæ sunt, Dominus verò, & servus, & jumentum, & arra, ad aliquid relativè dicuntur. Si igitur non esset homo, id est, aliqua substantia, non esset qui relativè Dominus diceretur, & si non esset equus quædam essentia, non esset quod jumentum relativè diceretur, & si nummus non esset aliqua substantia, nec arra posset relativè dici.

Idem ratione quoque ostenditur, quia nihil relativè dici potest ad aliud, nisi sit aliquid ad seipsam, at est ad seipsam essentia, ad aliud relatione, ergo essentia est quod excepta relatione. Quæ dux Sancti Augustini demonstrationes manifestè concludunt relationem non esse essentiam ullius rei; ex eoque ostendit contra Arianos, in divinis, Patrem non differre essentialiter à Filio, quia etsi differat paternitate à filio, & paternitas sit idem cum essentia Patris, tamen paternitas (cum sit relatio) non est de essentia Patris: essentia enim Patris est illa, qua Pater est à se, paternitas verò non est ad se, sed ad Filium, non igitur differt essentia à Filio, licet paternitas differat. Quod si relatio posset esse de essentia absoluti, nihil valeret ratio Sancti Augustini, sed relatione differre, esset essentia differre: at quia hoc ex ratione propria essentia reputatur absurdum S. Augustinus, ideo rectè ostendit Patrem non differre essentialiter à Filio, quia solà relatione differt. Quod si dicas relationem esse in se essentiam quandam, id refellitur, non enim est essentia absoluti, quæ faciat rem in se esse aliquid (qui est proprius conceptus essentia) sed quæ facit esse ad aliud, qui est conceptus essentia secundum quid.

Neque dici potest Augustinum loqui solum de relatione Prædicamentali; Nam id quod ex instituto probare vult, est, relationem ad nullius rei essentiam absolutam pertinere, quia essentia constituit rem ad se; relatio ad aliud, quæ ratio excludit relationes etiam transcendentales, ex enim ad essentiam rerum pertinere dicuntur. Cum igitur per relationes transcendentales rei essentia non constituitur in se sed ad aliud, sequitur non posse dici essentialem. Deinde August. ab essentia divina quatenus essentia est vult excludere omnem relationem. Ergo tam prædicamentalem quam transcendentalem. Ratio enim ipsius utramque concludit, quia essentia est ad se non ad aliud. Ergo non potest constitui per relationem quæ est ad aliud.

Porro fundamentum Scoti & aliorum est. Quia implicat contradictionem relationem esse de essentia absoluti: absolutum enim constituitur in ratione absolute, per naturam talem, quæ non requirit terminum, hoc enim est esse absolutum, sine alio esse, & intelligi: relativum verò constituitur formaliter per ordinem ad terminum.

1. Ratio S. August. Essentia est ad seipsam.

2. Ratio. Prior est essentia relatione.

Relatione differre non est essentia differre secundum Aug.

Scoti Fundamentum.

terminum. Sicut ergo implicat contradictionem, naturam essentialiter non requirentem terminum, esse essentialiter requirentem terminum; ita implicat naturam absolutam, esse respectivam. Nam quamvis non implicat contradictionem esse naturam aliquam essentialiter absolutam, & accidentaliter respectivam; quia tunc secundum aliud esset absoluta, secundum aliud respectiva; tamen quod essentialiter sit & absoluta, & respectiva, implicat contradictionem: quia secundum idem esset absoluta, & respectiva, & secundum idem requiret terminum, & non requiret. Nam si de essentia alicujus naturæ est requirere terminum, non potest esse de essentia illius ejusdem naturæ, non requirere terminum, ac ex consequenti, non potest esse de essentia illius naturæ, esse absolutam, quia esse naturam absolutam, est esse naturam non requirentem terminum.

At inquit, Accidens est natura absoluta, & tamen non potest existere sine alio nempe subiecto. Respondetur, nos loqui non de existentia actuali, sed de natura secundum suam essentiam spectatis, & dicimus naturam absolutam non requirere ad suam essentiam, terminum extrinsecum, aut ordinem ad illum: Naturam vero relativam requirere. Deinde quod ad existentiam actualem attinet, potest natura absoluta requirere terminum, sed consecutive, non essentialiter; quia potest habere suam essentia relationem aptitudinis, aut potentie, aut inhzrentie; quæ relatio cum necessario consequatur ad naturam, fit, ut illa natura absoluta non possit actu existere sine termino.

### *Vera sententia exponitur & defenditur. §. 3.*

Dicendum igitur est. Nullam relationem esse de essentia absoluti: hæc conclusio, & si sufficienter probatur autoritate, & fundamento secundæ sententiæ; tamen aliis quoque argumentis probari potest.

*Primum argumentum.*

Primum est. Quod est de essentia rei absolutæ, constituit eam in esse absoluto: at respectus nullo modo potest constituere naturam absolutam in esse absoluto. Ergo nullo modo potest esse de essentia rei absolutæ. Major est manifesta: quia essentialia sunt illa quæ constituunt rei essentiam per modum generis, vel differentie, vel partis, aut complementi essentialis, ita ut quod nullo modo constituit rei essentiam, nec est pars essentiae, nullo modo potest dici de essentia rei: quod etiam sufficienti inductione constare potest. Minor patet: quia est clara contradictio, per respectum constitui absolutum in esse absoluto; respectus enim dat esse respectivum, seu esse requirens terminum, & hic est ejus effectus formalis; non vero dat esse absolutum, seu esse non requirens terminum: sunt enim ista duo esse opposita, & unum oppositum non dat esse formale alterius oppositi, calor, verbi gratia, non dat esse frigidum formaliter, nec albedo dat esse nigrum. Neque sufficit, si dicatur respectum identificari rei absolutæ: Nam hæc identificatio esset solum realis, non formalis: Sicut enim rationale in homine identificatur realiter animali, neque tamen ex hac identificatione sequitur esse de essentia animalis, vel constituere animal in ratione formali animalis; ita etiam si respectus identificatur rei absolutæ, non tamen ex eo sequeretur esse de essentia rei absolutæ.

*Relatio non constituit absolutum in esse absoluto.*

Dices saltem sequeretur esse de essentia illius Entitatis ex absoluto, & respectu constare. Nam & rationale licet non sit de essentia animalis, utrumque tamen

est de essentia hominis, compositi ex rationali & animali, ita & hic fieret. Verum si hoc concedamus, primum evincetur contra adversarios, relationem non esse de essentia absoluti, sed rei alterius ex absoluto & relativo compositæ, quæ quidem res non magis debet dici absoluta, quàm respectiva, cum secundum unam partem essentialiter sit absoluta, secundum aliam respectiva. Deinde neque respectu tertie Enuntiat potest dici de essentia: Nam ex absoluto & respectivo (ut mox dicemus) non potest consisti una essentia, nec Ens unum per se, sed unum per accidens. Nam est similitudo, verbi gratia, sit idem cum albedine, tamen ex utroque non conflatur una essentia, cum sint res diversorum prædicamentorum.

Responderi potest. Relationem non posse esse de essentia rei purè & perfectè absolutæ, qualis est solus Deus, sed bene potest esse de essentia rei, quæ non est perfectè absoluta, sed partim absoluta partim respectiva, quales sunt omnes naturæ creatæ.

*Instantia solvitur.*

Sed contra. Si res aliqua non est perfectè absoluta, erit partim absoluta, partim respectiva; hæc autem rationes cum sint oppositæ, una non constituit aliam, neque una est de essentia alterius, ut exemplo rationalis & animalis in homine patet. Ergo cum concedatur natura non perfectè absoluta, tamen in illa natura, respectus non erit de essentia absoluti quàm absolutum est, sed ad summum esset de essentia naturæ compositæ ex utroque, quæ esset partim absoluta partim respectiva. Et tamen adversarii contendunt relationem esse de essentia rei absolutæ, verbi gratia relationem scientiæ, esse de essentia illius qualitatis, quæ est scientia.

Alterum argumentum est. Res diversorum generum, nec de se possunt prædicari essentialiter, neque constituere unam essentiam, nisi per accidens: at Ens absolutum & respectivum diversorum sunt generum: Ergo nec unum de altero prædicari potest essentialiter, neque utrumque constituere unam essentiam. Major est Aristotelis in Antepædicamentis, ubi tradit generalem regulam prædicamentis lenientem?

*Secundum.*

Diversorum generum, & non subalternatim positorum diversæ sunt species, & differentiæ: Ergo quæ ad diversa genera spectant, non gaudent unâ communi specie & essentia, sed diversas habebunt species sub diversis generibus. Sic ex quantitate & qualitate aut ex substantia & accidente, non fit una essentia, quia istæ sunt res diversorum generum, & trahunt secum diversas species & essentias, solum autem ex rebus ejusdem generis, id est sub uno genere contentis, fit una essentia, ut ex materia, & forma, quæ sunt sub eodem genere substantiæ, & sunt essentialiter substantiæ licet incompletæ, fit una essentia substantiæ completæ. Similiter ex genere & differentia, si sint ejusdem generis prædicamenti efficitur una essentia, ut ex animali, & rationali efficitur una essentia hominis; quia utrumque est quid substantiale.

*Ex rebus diversorum generum non fit una essentia.*

Si verò essent diversorum generum, hoc est unum ex genere substantiæ, aliud ex genere accidentis, non posset ex illis constitui una essentia, nisi per accidens. Quam causam ex subiecto & accidente, & omnino ex rebus diversorum prædicamentorum, nunquam fit Ens per se, sed per accidens, ut passim in Metaph. docet Aristoteles.

Respondet Ruvius, relationem quæ est de essentia rei absolutæ, pertinere ad illam rei absolutæ prædicamentum, tanquam complementum essentiale ipsius: Sed hoc dici non potest.

1. *Relatio non est completum essentialiter absolutum.* Primò: Quia hoc modo everteretur tota doctrina Aristotelis de rebus diversorum generum, dicendo rem diversi generis posse pertinere ad essentiam alterius rei, tanquam complementum illius essentialiter, & sic ex rebus diversorum generum efficerentur non diversæ species, sed una species: hoc est enim quod dicitur negat Aristoteles, rem diversi generis posse complere essentialiter essentiam alterius.

2. *Relatio non est sub Genere absoluto.* Secundò. Non est dubium Ens absolutum & relativum esse res diversorum generum, unde ipsa diversa genera, ut per se manifestum est. Similiter non est dubium, non esse subalternatim posita; relativum enim in genere, non est sub genere absoluto, nec è contra; non enim magis unum sub altero quàm alterum sub illo poni deberet. Nam si statueretur relativum sub genere absoluto, omnes relationes pertinerent ad genus absolutum, & non deberet statui distinctum genus relationis ab aliis: omnes enim relationes reducuntur ad genus relationis in communi: Si ergo ipsum genus relationis est sub genere absoluto, etiam relationes omnes mediante suo genere, essent sub genere absoluto. In quo enim genere prædicamentum ponitur genus, in eo ponuntur & species illius generis. Quocirca manifestum est ista duo genera esse omnino diversa, ac proinde non ordinata ad unam essentiam constituendam.

3. Tertiò. Quia relatio per hoc quod assumitur ad complendam essentialiter rem absolutam, non amittit proprium suum genus relationis; est enim illi essentialiter: Si ergo suum genus essentialiter retinebit, non spectabit ad aliud genus nisi per accidens, quare complementum hoc rei absolutæ, non spectabit essentialiter ad genus absolutum, sed ad genus relationis: Ergo non rectè dicitur relationes essentialiter qualitates complentes spectare ad genus qualitatis, ut eas quæ complent essentiam substantiæ, spectare ad genus substantiæ.

4. Quartò. Relatio non potest complere essentialiter qualitatem in genere qualitatis, cum nec sit de genere qualitatis, nec de esse qualitatis sed relationis; non enim qualitas est qualitas per relationem formaliter.

*Tertium. Ex duobus completis non fit una essentia.* Tertium argumentum. Ex duobus naturis completis non constituitur una essentia, sed Ens per accidens: at cum concurrat relativum cum absoluto, concurrunt duæ naturæ sub suis generibus completæ: Ergo ex illis non efficitur una essentia. Major est per se nota: alioqui cumulus lapidum esset una essentia, nihil enim aliud illi obstat, quàm quod lapides sunt Entia completæ, etiam si cætera non desint ad unitatem; sunt enim eisdem naturæ specificæ. Minor verò probatur. Quia relatio illa sub genere relationis habet suum esse relativum completum. Nam & genus & differentiam relativam habet, quæ duo constituunt speciem relativam, & completè seu perfectè refert rem illam absolutam ad terminum, sicut quævis relatio, nec potest assignari quæ pars essentialis requisita ad relationem constituendam illi desit.

*Relatio transcendentalis est quid completum in genere: Relatio- nis.* Dices habere genus & differentiam relationis incompletæ, eo modo quo materia & forma habet genus, & differentiam substantiæ incompletæ. Contra: Quia forma cognoscitur ex suo effectu formali; si ergo relatio esset in genere relationis quid incompletum, non faceret completè, & perfectè referri rem illam ad terminum: atqui tacitè completè refertur. Ergo est completa. Minor patet; cum quod nihil illi desit ad esse relativum, nec ulla pars essentialis relationem constituendam quia non potest scientia, verbi gratia, perfectè referri ad scibile, si habere

lationem accidentalem, quàm per istam, quæ fingitur, relationem essentialẽ: Est autem relatio ista relatio completa in genere relationis, ac proinde non potest esse & absoluto constitui una essentia.

Accedit quòd etsi ex duobus incompletis in eodem genere possit fieri unum completum, non tamen ex incompletis ad diversa genera pertinentibus. Hic autem diversa genera sunt absolutum & respectivum: Ergo.

Idem probari potest de absoluto. Nam scientia secundum rationem absolutam est sub genere absoluto, & in specie Entis absoluti perfectà per differentiam absolutam, neque minus est perfectà species qualitatis, quàm vel calor, vel color, aut quicquid alia qualitas. Dices, Completi essentialiter per relationem. Contra, primo, est ita completa ut non possit amplius compleri sub genere absoluto, nec per aliquam partem essentialẽ absolutam: Ergo est simpliciter completa sub genere absoluto, & intra latitudinem Entis absoluti; Illud enim vocamus completum in aliquo genere, quod in illo genere & per rem illius generis compleri amplius non potest. Complentur quidem substantiæ per accidentia, & accidentia vicissim per subiectum; sed tamen cum hoc complementum sit in diverso genere non in eodem, idcirco non facit substantiam, & accidentia non esse simpliciter Entia completa in suo genere. Confirmatur: Quia alioqui dicendum esset, scientiam esse semper incompletam in suo genere absoluto: quia nunquam illi advenit complementum generis absoluti.

Secundo Relatio non potest complere essentialiter rationem Entis absoluti, quia si quod non constituit rationem Entis absoluti, non complet essentialiter rationem Entis absoluti; hoc enim complementum essentialẽ non potest fieri, nisi per constitutionem essentialẽ: atqui demonstratum est implicare contradictionem, relationem constituere Ens absolutum in ratione Entis absoluti: Ergo relatio non potest esse complementum essentialẽ Entis absoluti.

Quantum argumentum. Cum aliqua differunt formaliter & definitione, unum non est de essentia alterius; distinctæ enim definitiones, distinctas essentias indicant: ac absolutum quàm absolutum, & relativum quàm relativum, differunt formaliter, & habent distinctas definitiones: ergo unum non est de essentia alterius. Mirum patet. Absolutum enim est natura essentialiter non requirens terminum; respectivum verò est natura essentialiter requirens terminum.

Et quo patet non rectè asseri ab authoribus primæ sententiæ, non posse in subiecta materia respectivum præcindi ab absoluto, nec absolutum à respectivo. Quia enim præcindi possint ab invicem, quæ sunt diversorum generum, quæ habent definitiones diversas? Nam absolutum formaliter, nunquam est respectivum neque respectivum formaliter unquam est absolutum, sed aliâ ratione est absolutum, aliâ respectivum; præcindi igitur poterit unum ab altero; nec enim ratio absoluta dat esse respectivum, nec respectiva dat formaliter esse absolutum.

Quantum argumentum. Quod est de essentia alicujus sine illo res illa intelligi non potest; nihil enim potest intelligi sine suis essentialibus: at omne absolutum potest intelligi essentialiter sine relativo: ergo nullum relativum est de essentia absoluti. Dixi essentialiter posse intelligi: quia absolutum si sumatur non secundum essentiam præciè, sed secundum omnia: quæ illi quocunque modo conveniunt, essentialiter, sive consecutivè, sic non potest intelligi sine relatione: quia

*Ex incompletis diversorum generum non fit una essentia.*

*Absolutum non completur essentialiter per Relationem.*

*Quartum. Quæ distinctantur formaliter, unum non est de essentia alterius.*

*Relatio præcindi potest ab absoluto.*

*Quintum.*

Relatio est unum ex illis quæ consequuntur necessario illam essentiam absolutam. Minor probatur, tum quia habent distinctas rationes formales, & distinctas definitiones: tum quia inductione id manifestum est. Duo enim maxime videntur esse, quæ sine relationibus intelligi non possunt, scientia sine relatione ad scibile, & accidens sine relatione ad subjectum: at hæc omnino possunt essentialiter concipi sine ullis relationibus, quia possunt concipi, ut suâ essentiâ absolutâ fundant relationem, non verò ut illas includunt essentialiter.

*Scientia in Deo est absque omni relatione essentiali ad scibile.*

Quod ostendo ex eo, quia scientia in Deo, est vere & essentialiter scientia, & tamen absque omni relatione essentiali ad objectum est, & concipitur. Nam neque ad Deum dicere potest relationem realem, quia à Deo non distinguitur; idem autem quatenus idem non refertur realiter ad seipsum, neque ad creaturas; quia Deus in suo esse non potest dependere essentialiter à creaturis, tanquam à terminis; non enim ideo est Deus, quia creaturæ sunt aut possunt esse, sed potius e converso: Si ergo in Deo potest concipi perfecta & essentialis ratio scientiæ, nullo concepto respectu essentiali sed solum concepta re absolutâ fundante respectum ad scibile, profectò poterit idem conceptus absolutus formari de omni alia scientia.

*Accidenti ordo ad subiectum non est essentialis.*

De accidente vero sic ostendo. Duplex enim est respectus accidentis ad subiectum: alter actualis inhaerentiæ, alter aptitudinalis. De respectu actualis inhaerentiæ clarum est non esse de essentia accidentis; quia sine tali inhaerentiâ, & respectu, potest esse accidens per Dei potentiam; si enim in nullo subiecto existat, non refertur actuali inhaerentiâ ad subiectum. De respectu verò aptitudinalis inhaerentiæ. Probatur. Quia omnis aptitudo supponit naturam cui convenit; duo enim sunt de ratione aptitudinis, ut alicujus rei sit aptitudo, & ad aliquid sit aptitudo: Ergo si aptitudo supponit rem cujus est aptitudo (saltem in priori naturâ) non pertinet ad constitutionem essentialem illius rei; postenus enim non est de essentia prioris; cum prius antequam intelligatur esse posterior, habeat totam essentiam ratione cujus est prius suo posteriori.

*Aptitudo supponit essentiam cuius est aptitudo.*

*Creatura non dicit ordinem essentialem ad Deum.*

Eadem inductio fieri posset in aliis exemplis, ut cum ens creatum dicitur habere essentialem habitudinem dependentiæ à Deo; Si enim per essentialem dependentiam intelligatur dependentia fundata in essentia entis creati, ut tale est, sic verum est, omne ens creatum dicere dependentiam essentialem à Deo: Nam ab aliis causis res non dependet essentialiter, sed accidentaliter, quia possunt sine illis fieri Deo. Neque illarum dependentia à causis secundis, fundatur in earum essentia formaliter, & necessario; sed ex accidenti, & non necessario; à solo vero Deo res dependet essentialiter, quia talis dependentia etsi non sit de essentia rei creatæ (aliqui essentia creatæ deberent definiri per Deum, ut rectè infert Scotus) est tamen fundata in essentia creatæ, & ad illam necessario consequitur. Si verò intelligatur dependentia essentialis, hoc est, quæ sit de essentia rei creatæ, sic creatura non dependet essentialiter à Deo; Dependet enim creatura à Deo, tanquam à causa extrinseca efficiente, non tanquam à causa intrinseca & essentialiter constituyente: Nam causa efficiens constituit rem extrinsece existendo extra essentiam rei; Causa vero formalis, vel materialis, constituunt intrinsece & essentialiter, existendo intra rem ipsam & seipsam dando in partem essentia; unde res à solis causis intrinsecis dependet essentialiter, non vero ab extrinsecis, ac ex consequenti nulla dependentia à causa extrinseca, est de essentia rei, sed solum essentiâ suâ fundare potest illam dependentiam.



At dices Relatio dependet essentialiter à termino extrinseco, quia respectus ad terminum est illi essentialis: Ergo similiter & natura absoluta dependebit essentialiter à termino.

Respondet Scotus esse disparem rationem. Nam relatio non habet aliam essentiam, nisi ordinem ad terminum: non igitur est mirum, quod ordo ad terminum sit illi essentialis: at natura absoluta est quid absolutum, præter ordinem ad terminum: non igitur est par ratio, in hoc ut naturæ absolutæ ordo ad terminum sit essentialis, sicut est essentialis relationi.

Deinde si dicatur dependentia essentialis, hoc est relatio, quæ sit de essentia creaturæ; sic dependentia à Deo non est essentialis creaturæ, quia essentia rei creaturæ non est tali dependentiæ, & dependentia est veluti proprietas fluens, & consequens ad essentiam rei creaturæ, ipsa verò essentia abstrahit in suo conceptu à dependentiæ & independentiæ. Et ita sentiunt cum Scoto S. Thomas supra, Cajetanus, Ferr. & alii.

Denique Relationem materiæ ad formam, per modum potentia, & formæ ad materiam, per modum actus, non esse essentialem simpliciter, sed fundatam in essentia, patet.

Quia potentia ex ratione potentia, supponit essentiam cuius est potentia; non igitur constituit illam in ratione essentia, sed supponit in priori naturæ. Similiter actus actuans aliud, supponit actum, quo res est in seipsa actus, prius enim est for-  
matum esse actum in seipsis, quam actum respectu alterius; Cum igitur ratio actus actuans sit posterior formæ, non pertinebit ad essentiam formæ. Concipitur ergo essentialiter materia, ut fundans suam essentiali relationem potentia ad formam, & sic absolute possunt concipi in suis essentia, absque ullo respectu essentiali. Quod si concipimus materiam cum respectu ad formam, id evenit tum ex imperfectione nostri intellectus qui res uti sunt in seipsis non apprehendit, sed ex proportionibus & respectibus; tum quod materiam non solum essentialiter concipimus, sed etiam quoad ea, quæ essentiam ejus necessario consequuntur, qualis est relatio potentia. Et sanè aliud est relationem potentia necessario convenire materiæ ex essentia, aliud esse de essentia materiæ, ut à simili exemplo visibilis & rationalis explicari potest.

Sextum argumentum. Relatio non est de essentia sui fundamenti: at res absoluta est fundamentum relationis, quæ dicitur illi essentialis: Ergo relatio illa non potest esse de essentia rei illius absolutæ. Major est certa. Quia fundamentum est quod suo modo relationis, saltem secundum modum nostrum intelligendi, ac proportionis prior est natura relatione: at posterius non est de essentia prioris: Ergo nec relatio est de essentia fundamenti. Minor vero probatur. Quia nulla res refertur ad aliam, nisi propter aliquam rationem; alioqui quodlibet referretur ad quodlibet ratio certa referendi non requireretur.

Neque verò minus ad essentiam relationis requiritur terminus, quam fundamentum. Nam sicut in termino continetur ratio terminandi; non enim quodlibet potest esse terminus cujusslibet relationis, sed quod habet sufficientem rationem terminandi, ita non quodlibet subiectum potest habere quamcunque relationem, sed solum quod habet in se rationem referendi, quæ ratio dicitur fundamentum. Cum igitur relationum essentialium nullum aliud possit assignari fundamentum,

*Materia non est de essentia ordo ad formam.*

*Forma non refertur essentialiter ad materiam.*

*Sextum. Relatio non est de essentia fundamenti.*

*Nulla relatio potest esse sine fundamento.*

fundamentum, nisi absolutum, sequitur absolutum esse fundamentum relationis. Accedit quod relatio non est res quædam per se à fundamento distincta, sed est eadem res cum fundamento: Ergo ubi ponitur relatio, necesse est poni fundamentum.

Respondent. Relationes essentielles non fundari in ullo fundamento, quia sunt essentielles; essentialia enim non conveniant rei ratione alterius causæ, sed immediatè, hoc est, nulla mediante causa. Quæ enim est causa, ob quam homo sit animal rationale, nisi quia hæc ejus est essentia?

Sed contra ostensum est ex ratione propria relationis; necessarium esse fundamentum ad relationem; si enim desit fundamentum non potest ullo modo essentialis relatio: nam quod non quolibet relatio, nec cuiuslibet competat, id non potest referri nisi in fundamentum: Ergo cum hoc negari non possit, negandum potius est relationum ullam dari essentialem.

*Ex relationibus essentialibus sequuntur duo contradictoria.*

Nam si daretur aliqua relatio essentialis duo contradictoria sequerentur. Vnum, quod talis relatio haberet fundamentum in essentia; haberet enim rationem referendi, cum hoc natura relationis postulet; alterum quod non haberet ullum fundamentum, quia essentialia non egent fundamento, sed ipsa sunt fundamentum rei.

Et sanè, manifestum est etiam inductione dari harum relationum fundamentum. Nam, verbi gratia, scientia prius est in se talis, quam sit talis respectu scibilis. Illa ergo ratio qua scientia est in se talis, fundat relationem ad scibile. Similiter accidens prius est in se tale, quam respectu subjecti, & sic illa ratio, qua est in se tale, est fundamentum sui respectus quem habet ad subjectum.

*Septimum.*

Septimum argumentum. Illud non est essentialiale quod potest à re abesse: atque relationes quæ dicuntur ab illis essentialia, possunt abesse à re: Ergo non sunt essentielles. Minor probatur. Quia termino non existente non potest existere relatio: at harum relationum termini possunt non existere: Ergo & ipsæ relationes non existunt, & sic erunt accidentales non essentielles. Probatur id exemplo finitæ, quæ refertur ad scibile. Nam potest esse scientia secundum suum esse absolute, non existente scibili à parte rei, ut scientia de rosa in hyeme: Ergo tunc non existit realiter scientiæ relatio ad rosam, nisi fundamentaliter. Cum enim tunc nihil sit, nihil erit in re, ad quod realiter terminari possit relatio: sicut & in priore albo, antequam aliud album producat, existit relatio similitudinis fundamentaliter tantum. Quod si dicas, non est possibile esse scientiam de rosa nisi scientia referatur ad rosam.

*Scientia potest esse sine reali relatione ad scibile.*

Respondet. Rosam esse & in intellectu, & extra intellectum: non est igitur possibile esse scientiam de rosa nisi rosa sit in intellectu, sed tunc scientia non refertur ad rosam realiter, sed erit ipsa rosa per cognitionem expressa. Potest verò esse scientia de rosa in intellectu, licet illa scientia non referatur realiter ad rosam extra intellectum existentem: Nam relationis actualis debet esse actualis terminus, autem non existens non potest ratio actualis termini convenire, cum non sit nullum actum habeat, quare nec actum terminandi. Et sicut ob fundamentum potentia existens, nihil potest referri relatione actuali, ita nec ad terminum in potentia tantum existentem: cum æquè fundamentum ac terminus requiratur ad scientiam relationis.

*Terminus non existens non terminat actu Relationem.*

*Discrimen in-*

Dices terminum esse per modum causæ finalis, quæ ut causet non debet existere

Sed contra : quia ratio termini, & ratio finis valdè distinguuntur ; finis enim, est id propter quod, & gratia cuius fit aliquid, ad quod satis est esse in intentione ; terminus autem est id ad quod terminatur actu relatio. Vnde debet actu existere, ut actu terminare possit.

Respondent. Non omnem relationem requirere existentiam actualem termini, sed tantum eam quæ fundatur in coexistentia terminorum, quales sunt omnes relationes prædicamentales, alias verò quæ fundantur in essentis terminorum non requirere existentiam eorum, tales sunt pleræque relationes essentielles, verbi gratia, relatio scientiæ ad scibile non existens ; terminatur enim scientia ad scibile sub ratione essentis, non sub ratione existentis. Sed contra. Primo ; Nulla res potest realiter terminari ad aliquid nisi illud existat ; non existenti enim nihil realiter convenit, cum prius sit esse realiter, quàm aliquid ei realiter convenire, sive sub ratione essentis, sive sub ratione existentis. Nam si terminus non existat, nihil erit ad quod realiter terminari possit relatio ; non enim est possibile realiter terminari ad nihilum, neque ad id quod nullam habet rationem realem terminandi. Dices : habere in potentia. Contra terminus actu debet actu habere rationem terminandi ; per eam enim constituitur in ratione termini : atqui non potest habere actu rationem terminandi, nisi actu existat : Ergo non potest esse actu terminus id quod non existit. Deinde, sicut nulla res potest actu & realiter existere in nihilo, neque potest rem sedere realiter in sede, quæ est tantum in potentia, neque de ambulare in tabula rel in area non existente, neque dormire in lecto in potentia ; ita neque actus, sive immanens, sive transiens, terminari realiter potest ad rem non existentem : vel in potentia existentem. Idem patet in potentiis, quæ non terminantur ad rem non existentem, visus verbi gratia, ad colorem non existentem, auditus ad sonum. Quod si potentia internæ tam sensitivæ, quàm intellectivæ feruntur in objecta absentia, non accidit ex eo, quòd ad ipsa objecta extra potentias terminentur, sed quòd illa objecta in potentiis per suas species existunt, & per actum cognitionis exprimentur in intellectu, unde nihil est ibi extra potentias ad quod cognitio terminetur, sed ipsum objectum formatur in potentia. Sed de hoc plura alias.

Ex quibus patet quomodo relationes dici possint essentielles absolutis, quia nihil fundantur in essentis absolutorum, & ad illas necessariò consequuntur, quod est esse essentielles consecutivè non formaliter. Omnis enim relatio naturalis postulat fundari in aliquo, ratione cuius conveniat subiecto, cum non quælibet conveniat, sed tantum ea quæ habet aliquod in subiecto fundamentum. Quare & has relationes necesse est in absolutis fundari, & ex essentia illorum absolutorum consequi : relatio, verbi gratia, scientiæ fundatur & oritur ex essentia scientiæ ; scientia enim præsertim actualis est velut imago objecti, sicut autem imago prius est talis in se, deinde propter conformitatem cum objecto, est apta repræsentare objectum : ita & scientia prius est talis in se absolute, tum propter conformitatem cum objecto est apta repræsentare illud, & referri ad illud. Quod si dicas, imago est imago etiam respectu objecti, non existentis ; ergo & scientia terminatur per modum imaginis ad objectum non existens. Respondeo. Imago in se est imago, re ipsa non existente, quia habet in se omnia requisita ad repræsentandum, ad loco rei : ad rem tamen extra non referretur realiter, nisi res illa existat, quia non habet ad quid referatur.

ter Phœm & Terminum.

*Instantia repellitur.*

*Terminus actu habet actu rationem terminandi.*

2.

*Quomodo Relationes dici possunt essentielles absolutis.*

*Imago non refertur realiter ad rem non existentem.*

*Respondetur ad argumenta primæ sententiæ, §. 4.*

*Aristoteles  
non dicit actus  
sumere essen-  
tiam ab ob-  
iectis.  
Obiectum pri-  
us actu per  
modum Finis  
& Mensuræ.*

*Ordo ad finem  
& mensuram  
non est de Ef-  
fentiæ.*

*Quomodo  
actus specifi-  
centur ab ob-  
iectis.*

*Specificatio  
duplex, intrin-  
seca & Ex-  
trinseca.*

Ad primum primæ sententiæ Respondeo. Aristotelem non asserere in illo loco, potentias sumere suam essentiam ab objectis, sed tantum objecta esse priora secundum rationem actibus, & actus priores objectis. Ex hoc autem quod objecta sunt priora secundum rationem actibus, non sequitur actus sumere suam essentiam ab objectis, sed solum præsupponere objecta, & ab illis tanquam prioribus dependere. Non enim necesse est omne posterius sumere suam essentiam à priori. Porro hæc prioritas est prioritas finis & mensuræ; Actus enim sunt propter objecta tanquam propter finem, & potentie sunt propter actus, quia ad actus tanquam ad finem ordinantur.

Quamvis enim potentie in genere causæ efficientis sint priores actibus; tamen Aristoteles locutus est de prioritate in genere finis & mensuræ. Quomodo finis est prior iis quæ sunt ad finem. Porro ex eo quod objecta sunt fines actuum non est necesse, ut actus dicant ordinem essentialem ad objecta, quia non est necesse posterius dicere ordinem essentialem ad prius: alioqui omnis effectus diceret ordinem essentialem ad suam causam extrinsecam; sed satis est, ut in sua essentia fundet ordinem ad prius. Dependens enim à fine & mensura non est de essentia eius quod est ad finem & quod mensuratur.

At inquires, Quidquid est de Aristotele, commune est dictum Philosophorum. Actus specificari ab objectis, Potentias ab actibus, quod esse verum nequit, nisi propter dependentiam essentialem actuum ab objectis & potentiarum ab actibus. Dicunt igitur actus & potentie ordinem essentialem ad objecta.

Respondeo. Hanc specificationem actus ab objecto esse extrinsecam tanquam à fine vel tanquam à mensura. Quidquid enim ordinatur ad aliquem finem, tale est in essentia, quale est postulat ille finis; debet enim res esse proportionata suo fini: Non sequitur autem id quod est tale propter ordinem ad aliquem finem, dicere ordinem essentialem ad illum (si ordo essentialis intelligatur, qui sit de essentia; alioqui in omnibus rebus ordo ad finem esset de essentia; quod est falsum: solum recte dici potest ordo essentialis quia est fundatus in essentia & consequitur ex essentia.

Dices. Id quod specificatur ab aliquo nec esse, nec intelligi potest in sua specificatione sine illo, alioqui si posset intelligi in sua specie sine alio non esset tale propter illud: Ergo dicit ordinem essentialem ad illud.

Respondeo. Dupliciter aliquid specificari potest ab alio. Primo intrinsece tanquam à parte essentiali constituyente essentiam, & sic non potest intelligi sine illo. Secundo extrinsece tanquam à mensura vel causa extrinseca sive efficiente sive fine & sic potest intelligi sine illo. Quamvis enim ideo res est talis in specie: quia habet esse à tali efficiente, secundum talem ideam, propter talem finem; tamen quia hæc specificatio est merè extrinseca potest essentia rei illius concipi sine tali specificatione; Potest enim verbi gratia hominis essentia concipi, quod sit animal rationale, etiam si non concipitur ordo illius ad causam efficientem & finalem. Quare ordo ille erit quidem necessario consequens essentiam, non tamen est de essentia, neque de conceptu formali illius rei, & ex consequenti erit accidentaliter in hoc sensu, quia est extra essentiam, non quia est contingens.

Notat verò Scotus, & bene, hoc esse discrimen inter Ens relativum, & absolutum, quod Ens relativum cum in sola relatione ad terminum extrinsecum consistat, non potest esse aut intelligi sine termino. Ens vero absolutum cum in sua essentia sit absolutum, potest esse & intelligi sine termino, & ex consequenti ordo ad terminum erit extra essentiam illius, & accidentalis ipsi.

Quamvis ergo actus specificentur ab objectis, quia tamen hæc specificatio est extrinseca, non pertinet ad essentiam: quia nullus ordo ad causam extrinsecam est de essentia rei; sicut nec ordo ad Ideam nec ad causam efficientem aut ad finem neque ad mensuram. Ex quo apparet quam parum sit momenti in hac specificatione ad probandam relationem ad objectum esse de essentia actuum: quod tamen ab adversariis maximum statuitur.

Cum verò dicitur accidens secundum Aristotelem ideò esse Ens, quia est Entis Ens, Respondet Scotus Aristotelem non dicere accidens formaliter per respectum ad substantiam dici Ens, quasi per illum respectum constituatur in ratione essentia-  
li Entis. Manifestum enim est apud Aristotelem, & secundum veritatem accidens non esse merum respectum ad substantiam, sed Entitatem absolutam fundantem hunc respectum. Solam ergo voluit Aristoteles, accidens esse tale Ens, cui ex ratione Entis conveniat consequenter dependentia à substantia & ex consequenti respectus ad ipsam. Vnde nunquam intendit Aristoteles hunc respectum facere essentialem, sed tantum consequentem ad essentiam accidentis; est enim talis natura accidentis, quæ postulat & fundat necessario talem respectum ad substantiam.

Ad secundum respondeo. Ex duplici capite provenire potest quod aliquid sine alio non possit intelligi. Primum ex natura rei, quæ sic intelligi postulat; sic res non possunt intelligi sine suis essentialibus, homo sine animali rationali. Secundo ob modum imperfectum cognoscendi: sic non possumus in hac vita cognoscere spiritualia, nisi per similitudines corporeas à sensibus perceptas; cum tamen spiritualia secundum se sine talibus similitudinibus sint cognoscibilia. Sic essentia rerum in se non cognoscimus, sed sub connotationibus accidentium vel proprietatum atque effectuum, similiter sub habitudinibus ad aliquas res alias. Dico igitur non posse efficaciter concludi ex eo quod aliquid à nobis non possit intelligi sine ordine ad aliud, illud essentialiter includere ordinem ad illud. Si enim hoc proveniret ex natura ipsa rei, bene quidem: at quia provenire potest ex imperfecto modo cognoscendi, non potest concludi rem essentialiter dicere illam habitudinem. Si verò accidit in præsentia materia: res enim quasdam absolutas ob imperfectum nostrum modum cognoscendi non possumus sine respectibus intelligere; cum tamen ipse secundum se fiat sine ullo respectu intelligibiles. Vnde apparet quam infirmum sit hoc argumentum ad probandas relationes essentielles, quod tamen præcipuum habetur. Nam ex eo quod non potest à nobis aliquid intelligi sine respectu non rectè colligitur, secundum se & ex natura esse tale, & dicere respectum essentialem ad aliud.

Quoniam notandum est. Dependenciam posse dici essentialem tripliciter. Est enim dependentia relatio; in relatione autem sunt tria; fundamentum, terminus, plex. Præterea ipsa; ratione horum igitur trium, potest dici dependentia essentialis. Primo ratione termini quia est ad terminum essentialem: & hoc modo dependentia rei ad materiam & forma, est essentialis; quia ab illis tanquam à partibus essentialibus res dependet. Secundo ratione fundamenti quia essentia in ratione essentia, est fundamentum

*Discrimen inter Ens absolutum & Relativum.*

*Accidens quo modo dicatur esse Entis ens.*

*Unum sine alio intelligi non posse vel ex natura rei, vel ex imperfecto modo intelligendi.*

*Infirma Fundamentum.*

*Dependentia essentialis triplex.*

*Ratione Termini.*

*Ratione Fundamenti.*

*Ratione Relationis.*

damentum talis dependentiæ: & hoc modo dicitur dependentia essentialis rerum creaturarum à Deo, & accidentis à subiecto & potentiarum ab objectis. Tercio ratione ipsius relationis: & hoc modo prior sententia affirmat dependentiam esse essentialem rebus absolutis, nos vero negamus, sed dicimus esse consequentem ad essentialiam, & non nisi consecutivè essentialem; posseque intelligi sine omni respectu naturam absolutam, quoad omnia essentialia; licet propter modum imperfectum cognoscendi oporteat nos per respectum ad aliud, notitiam rei colligere.

*Accidens in sua essentialia non dicit aptitudinem, nisi consequitivè.*

Iam verò cum in argumento dicitur: si accidens potest concipi sine respectu aptitudinali ad subiectum, in tali conceptu accidens non dicit aptitudinem. Respondendum est Primo. Non dicere quidem aptitudinem quæ sit de essentialia, sed dicere naturam fundantem aptitudinem, quæ consequitur ad essentialiam, quod sitis ad rationem accidentis. Secundo. Respondeo essentialiam in ratione essentiali abstrahere ab omnibus suis proprietatibus, inter quas sunt omnes aptitudines & relationes. Quæ in conceptu essentiali natura nec dicit aptitudinem, nec ineptitudinem nec dependentiam, nec independentiam, sed abstrahit ab utroque.

*Paradoxa ex Relationibus Essentialibus.*

Ex quibus patet: posse admitti modum loquendi primæ sententiæ, has relationes esse essentielles dum modo eo sensu dicantur essentielles, quia fundantur in essentialia non quia sunt de essentialia rei absolutæ.

Patet etiam refutatio illorum paradoxorum prioris sententiæ, nempe quod absolutum compleatur essentialiter per relativum; quod relatio essentialis non habeat ullum fundamentum; quod terminetur ad terminum actum non existentem, & similia.

## QVÆSTIO IX.

*An terminus relationem terminet ratione absoluti vel relativi?*

*Relationem terminari ad Relationem formaliter.*

IN termino relationis sunt duo, fundamentum & relatio; illud est absolutum hoc relativum. Verbi gratia, in albo est albedo & similitudo. Quæritur ergo cum album dicitur simile alteri albo, illa similitudo terminetur ad alterum album quia album est, an quæ simile est? De qua re sunt duæ sententiæ, prima affirmat relationem terminari formaliter ad relationem oppositam, atque ita terminum terminare relationem formaliter sub ratione relativa, materialiter autem sub ratione absoluta. Ita Ruvijs hic securus Ferariensem & alios plures. Fundamentum huius sententiæ est quia relativa sunt simul natura, cognitione, & definitione, ut dicit Aristoteles in prædicamento ad aliquid. At nisi relativum terminetur ad fundamentum correlativum sub ratione relativa, non erunt relativa simul naturâ cognitione & definitione. Nam si relatio terminetur ad terminum sub ratione absoluta, tunc potest intelligitur relatio terminari ad absolutum, quam intelligatur illi correlativum relatio. Idem confirmari ajunt ex divinis relationibus quæ ad seipsas terminantur ex eo quæ inferunt, pari ratione creatas quoque relationes ad seipsas terminari posse & debere.

*Relationem*

Secunda sententia tenet relationem terminari formaliter ad absolutum non ad oppositum.

oppositam relationem, Ita Scotus in prima distinctione 30. quæst. 1. Soncinas 5. Metaphysicæ 47. Sect. 16. quæ sententia nobis quoque vera videtur. Primò. Quia eadem est ratio terminandi & referendi; quæ enim ratio est sufficiens ad cauandam relationem ad alterum extremum, eadem quoque sufficiens est ad excipiendam relationem ab alio extremo: Atqui ratio referendi in termino est fundamentum absolutum: ergo eadem ratio absoluta erit ratio sufficiens terminandi. Nam quemadmodum ut terminus referatur ad aliud extremum, opus habet fundamento, quod sit veluti ratio. & causa adæquata relationis illius; ita etiam ut terminet relationem alterius ex utroque, opus habet fundamento, quod sit veluti ratio & causa adæquata terminationis: sicut enim non temerè, sed ex causa refertur ad aliud, ita etiam non temerè, sed ex causa terminat ejus ad se relationem.

Neque enim relatio ad quemcunque terminum potest terminari, sed solùm ad eum in quo inuenit fundamentum ad tale terminationem necessarium. Porro hæc fundamenta ad terminandum & referendum non esse diuersa patet: quia id ipsum quod est sufficiens causa ad referendum, est etiam sufficiens ad terminandum: patet inductione in omnibus tribus modis relativorum. Nam in primo modo quia duo alba sunt unum in albedine, ideo & ad se referri possunt & suas relationes terminare: in secundo verò modo, patet propter generationem & refertur ad filium & respicitur à filio: maximè verò id patet in relativis tertii modi in quibus ratio est relatio ex una parte, nulla ex altera: quare alterum extremum non potest terminare sub ratione relativa, sed tantùm sub absoluta.

Respondet possit ad hoc argumentum, fundamentum absolutum esse rationem terminandi, sed non nisi mediante relatione; fundando enim relationem in termino, constituit cum per illam relationem in ratione formali termini, unde fundamentum non formaliter, sed causaliter terminat, quia est causa relationis, per quam terminus terminat oppositam relationem.

Sed contra: fundamentum absolutum, sicut est causa seipsa sufficiens ad cauandam relationem nulla alia re interposita; ita etiam est causa sufficiens ad terminandam relationem, nulla alia relatione interposita. Deinde si fingamus animo nullam relationem in termino consequi, adhuc in termino inuenimus sufficientem & aliquam causam terminandi oppositam relationem; ideo enim paries terminat relationem alterius parietis albi, quia est albus, sicut & ille: hoc ergo ipsum est relationem illam consequentem, per accidens spectare ad terminationem.

Secundò probatur hæc sententia. Quia relationes tertii modi terminantur ad absolute cum in termino nulla respondeat relatio realis: ergo pari ratione in aliis relationibus intelligitur sufficiens earum terminatio, si ad absolutum terminantur.

Responderi potest aliam esse rationem de relationibus mutuis, & non mutuis. Termini relationum mutuarum habent duplex esse quo terminare possunt ad absolute & respectivum: termini verò relationum non mutuarum habent tantùm absolute, quo terminari possunt.

Sed contra: hoc ipsum est quod agimus; si enim termini relationum non mutuarum per solam rationem absolutam sufficienter terminare possunt; ergo pari ratione, aliquoque termini, per rationem absolutam, erunt sufficientes ad terminandum.

*terminari formaliter ad absolute.*

*1. Ratio.*

*Ratio terminandi est referendi eadem.*

*Instantia refellitur.*

1.

2.

*2. Ratio.*

*Responsio 1.*

*Refellitur.*



minandum : quod si ratio absoluta est sufficiens & ad xquata terminationis, ratio relativa erit superflua & per accidens, & non pertinebit ad terminationem. Deinde ex eo quod relationes sunt mutue nihil plus sequitur, nisi quod in altero quorum extremo est relatio, non verò quod accedat nova ratio terminandi, Quare cum quærimus, cur paries sit alteri similis rectè & sufficienter respondemus, quia est albus sicut ille, non verò respondemus, quia est similis : quærimus enim causam & similitudinis & terminationis.

*Responsio 2.*

*Refellitur.*

Responderi secundò possit relativa tertii modi, & si ex altera parte non dicatur relationem, sunt tamen relativa denominatione extrinseca, per hoc quod alia referantur ad ipsa, & sic, ut sunt relativa terminant relationem : sed contra : hoc est impossibile, ut relatio suiipsius sit terminus, scibile enim, Verbi gratia, per relationem scientiæ ad ipsum, constituitur in esse relativi scibilis : Si ergo ratione huius esse relativi est terminus, eadem relatio scientiæ erit terminus formalis suiipsius : quod est impossibile, deberet enim realiter differre à seipsa.

*3. Ratio.*

Tertiò probatur. Si relatio vel re per Dei potentiam vel mente separaretur à termino, adhuc in termino erit integra & sufficiens ratio terminandi, ergo relatio terminus non habet se per accidens ad terminationem. Antecedens probatur : quia si sunt duo parietes albi & in altero non sit relatio similitudinis, quam Deus tollere potest, in ea sententia quæ tenet distingui relationem ex natura rei à fundamento potest enim illi negare suum influxum, sine quo procul dubio relatio non esset : aut si in re hoc præstari non potest (quod necessario dicendum est in nostra sententia quia negamus relationem distingui ex natura rei à fundamento) saltem mente separaretur relatio ab altero albo. Hoc verò posito, isti albo carenti relatione, alter paries erit similis, quia talis in albedine qualis iste : ergo sufficienter sine propria relatione terminabit, relationem alterius.

Deinde si Deus producat ignem planè eo modo quo ignis producitur ab igne : ignis productus referretur realiter ad Deum tanquam ad producentem eo planè modo quo ad alium ignem si ab eo productus fuisset referretur : atqui Deus terminabit hanc relationem sine propria ulla relatione reali, idquè perfectissimè, quia perfectissimè ignis productus ad Deum refertur per perfectam à Deo dependentiam ; ergo & ignis produciens, sine ulla relatione terminare potest relationem ignis producti.

Respondet Ruvius, in tali casu relationem terminari solùm materialiter non formaliter : quia in tali casu non manet terminus formalis, sed tantùm materialis. Contra, relatio à termino formali dependet essentialiter, cum ab ipso speciem & essentiam sumat ; ergo si in tali casu careret suo termino formali careret & essentia : aut si haberet essentiam ex termino materiali, alter terminus qui fingitur formalis haberet se per accidens ad terminationem, sicut se habet per accidens ad essentiam relationis terminatæ. Deinde si terminus ille materialis sufficit ad terminandam relationem : alter profus ad terminationem non facit.

*Relativa formalis natura*

Ad fundamentum primæ sententiæ. Respondet : Relativa sunt simul nature quoad existentiam, quia simul sunt, & non sunt ; non prius unum ponitur vel tollitur quam aliud : quare nego prius relationem terminari ad absolutum, quam illud absolutum referatur ad ipsum, sed simul est utrumquè, quia posito fundamento & termino, utraque relatio necessariò resultat. Ad hoc autem non requiritur ut terminent ininvicem suas relationes, sed sive terminent sive non terminent, erunt

Simul natura : quia una posita ponitur altera, & sublata aufertur ; utraque enim æque se habet ad suum fundamentum, & terminum, ut ex eo resultet.

Ob eandem etiam causam relativa sunt simul cognitione & definitione, quia cognitio unus habet necessariam connexionem cum cognitione alterius, cum ex illorum extremis & fundamentis, utraque relatio oriatur, & per consequens pari ratione utraque cognoscatur ; unusquisque enim relationis fundamentum & terminus sunt eadem extrema : Cognitis autem utriusque relationis extremis utraque relatio pari ratione cognoscitur ; quia non major est ratio unam cognoscendi quam alteram.

*Simul cognitione.*

Ex quo patet non dici relativa simul cognitione quasi unum relativum formas alter contineri debeat in cognitione alterius : sufficienter enim cognoscitur relativum, si cognoscatur ut terminatum ad absolutum etiam si non cognoscatur opposita termini relatio, sed sunt simul quoad connexionem necessariam cognitionum, quia utraque cognitio naturaliter simul resultat cognito fundamento & termino.

*Nota.*

Potest etiam eo modo quo sunt simul cognitione, sunt etiam simul definitione : quod unum relativum definiatur formaliter per correlativum ; definitur enim formaliter per suum terminum formalem qui est quid absolutum ; quia tamen terminus ille formalis etiam est relativus, ideò ex consequenti poni potest terminus in definitione sub ratione relativi. Ex quo patet ex illo principio, quod relativa simul sunt natura, nihil ad confirmandam primam sententiam colligi posse.

*Simul definitione.*

Quod verò de divinis relationibus ex Theologia adducitur, quasi hæc terminentur relative. Primum non constat inter omnes an relationibus vel originibus divine persone constituantur. Deinde & si relationibus constituantur, ut communiter habet opinio ; tamen relationes ex sunt simul & origines, quare relatio Patris terminatur ad Filium ut genitum & sub ratione originis passive : Filii verò terminatur ad Patrem ut generantem & sub ratione originis active.

*Relationes divine ad quid terminentur.*

Atque Ruus. Inter relationes est oppositio, oppositio autem relativa est oppositio relationis & termini ; ergo ipsæ relationes sunt termini, sed respondetur, quod oppositio spectari in relationibus : alteram quæ est inter duas relationes oppositas in ratione relationis, ut inter paternitatem & filiationem, alteram quæ est inter terminum & relationem. Prior oppositio est oppositio distinctarum relationum ad oppositos terminos, ita ut uni & eidem rei non possint simul competere, ut paternitas, & filio respectu ejusdem non potest uni competere : posterior vero est oppositio, relationis ad terminum, sub ratione absoluta, & non sub ratione relativa, quia sub tali ratione terminus terminat relationem. Consistit autem oppositio in hoc, quod id quod refertur, non possit esse una res cum termino, sed necessario debeat esse distincta ex natura rei a termino.

*Oppositio relativa duplex.*

## QVÆSTIO X.

*An relatio sumat suam essentiam à termino ?*

**D**Vo hic quæri possunt. Primò. An terminus sit de essentia relationis ? Secundo. An ex termino sumatur unitas, & essentia specifica relationum ?

*De essentia  
alicujus dici-  
tur aliquid in-  
trinsecè ;  
Extrinsecè.*

*Terminus non  
est de essentia  
relationis in-  
trinsecè.*

*Sed extrinse-  
cè.*

*An terminus  
sit vera causa  
relationis ?*

*Non est vera  
Causa.*

1.

*Paternitas  
non causatur  
à Filiatione.*

Quantum ad primum : dupliciter aliquid dici potest de essentia alicujus ; vel intrinsecè tanquam constituens essentiam per modum partis aut gradus essentiae ; quomodo animal & rationale dicitur de essentia hominis, & gradus generis & speciei sunt de essentia speciei. Vel extrinsecè, tanquam id cujus respectu aliquid est tale essentialiter ; sic nasci est de essentia finitatis ; quia finitas respectu naturæ dicitur finitas, in se verò est solum curvitas : unde non potest esse vel concipi finitas nisi in naso. Terminus igitur non est de essentia relationis primo modo, quia nec est genus nec differentia relationis, nec ulla pars essentialis, quod vel ex eo patet quia subjectis distinguuntur à se. Nam relatio cum fundamento sunt in uno subjecto, terminus verò in altero ; essentia autem cum sit idem re cum eo cujus est essentia non potest separari à subjecto.

Est igitur terminus de essentia relationis secundo modo, tanquam id cujus respectu relatio est relatio ; siquidem relatio nec esse nec intelligi potest sine termino sed tota ejus essentia posita est in eo, ut sit ratio respiciendi terminum. Hoc idem alii dicunt esse de essentia in obliquo non in recto.

Quod si quæras. An terminus habeat veram rationem causæ respectu relationis ? Videtur enim habere, quia specificat relationem, specificare autem est dare esse ; id autem quod dat esse rei, est causa rei. Quod autem specificet relationem probatur. Nam relatio non habet suam essentiam nisi respectu termini ; & si fuerint termini specie distincti, relationes quoque erunt specie distinctæ : Ergo manifestum est relationem sumere suam essentiam à termino, & ex consequenti terminum conferre essentiam relationi. Quod autem verè & propriè terminus specificet relationem probatur : quia relatio non habet aliam speciem, & essentiam nisi respectu termini. Ergo aut hæc erit vera specificatio, quæ est à termino, aut dicendum erit relationem non habere aliam propriam specificationem.

Ex altera verò parte non videtur ullo modo dici posse, terminum esse causam relationis. Cur enim ? An quia relatio non potest esse sine termino ? at ex hoc non sequitur terminum esse causam relationis. Nam pater non potest esse sine filio, tamen pater non causatur à filio, neque in ratione absoluta, ut per se patet, neque in ratione relativa ; quia correlativa sunt simul natura : at quæ sunt simul natura non potest esse unum causa alterius, causa enim est prior natura eo cujus est causa. Quod etiam multo magis patet in divinis relationibus in quibus non potest admitti, Patrem sub ratione relativa causari à Filio, Pater enim paternitate constituitur persona : Si ergo secundum paternitatem causatur à Filio, vera persona Patris causaretur à Filio.

Quamvis igitur relatio non possit esse sine termino, tamen id non est proprie

aliquam causalitatem, seu dependentiam à termino in aliquo genere causæ, sed quia essentialiter est talis non nisi respectu termini. Hoc autem fit, sine ulla termini causalitate. Nam cum ponitur terminus incipit esse relatio, sine ulla novæ rei accessione, ac proinde, sine ulla nova causalitate, ubi enim nulla res nova accedit, ibi non est opus ulla nova causalitate. Nam si dicas fieri novam relationem, Respondeo novam relationem fieri, non est fieri rem novam simpliciter, sed respectu termini novam, sicut puer viri respectu est parvus sine vlla suæ quantitatis immutatione; in se enim eandem quantitatem habens, respectu maioris, fit parvus, respectu minoris magnus.

An quia relatio habet diversam essentiam, si referatur ad diversos specie terminos? At neq; hoc arguit ullam causalitatem à termino. Nam sicut relatio posito termino incipit esse absq; ullius rei accessione, & ex consequenti, absq; vera causalitate à termino; ita respectu diversorum specie terminorum, est diversæ speciei; absq; ulla novæ rei accessione, & absq; ulla causalitate à termino: sed per hoc solum, quod eadem res respectu distincti specie termini, est alia atq; alia ex seipso, cum tamen in se sit eadem semper.

Dico hac ratione relatio ens Ens improductum, cum tamen omne Ens novum quod ante non fuit, & incipit esse, oporteat per productionem incipere esse. Respondeo. Relationem simpliciter non esse Ens improductum, quia est eadem cum fundamento; Fundamentum autem est Ens productum: ergo & relatio. Quod verò dicimus relationem posito fundamento & termino, non egere nova productione, id est quia nulla nova re accidentesed solo fundamento & termino positis, habet suum esse relatio; relatio enim, non est res nova absoluta, sed solum respectu termini nova: ut autem sit res nova respectu termini non est necesse ut aliquid novi producat, sed ut fundamentum, quod in se erat tale, etiam respectu termini sit tale, sine alia cujusvis rei accessione & causalitate; album enim cum sit tale in se, posito alio albo erit tale quale aliud, sine ulla suæ albedinis variatione. Id ergo quod est novum Ens simpliciter, hoc est nova entitate Ens, debet per aliquam productionem fieri Ens, ut patet in omnibus absolutis; at quod est novum Ens respectu tantum, tunc sicut non est novum Ens nova entitate, sed novi entitate respectu novi termini sumpta; ita non eget nova productione; nova enim productio, ad novam aliquam entitatem terminari debet; quare ubi nulla est nova entitas, nulla erit nova productio. Et sicut potest esse res aliqua non nova, quæ tamen respectu alicuius, quia eam ante non noverat, erit nova; neq; tamen propterea res illa est immutata vel per productionem aliquam facta est nova, ita cum fundamentum respectu novi termini habet novam habitudinem, sine ulla sui mutatione, & sine alicuius novæ rei productione habet novam illam habitudinem.

Dicendum igitur est primo. Terminum nullo modo habere rationem veræ & propriæ causæ, respectu relationis. Primo. Quia licet relatio specificetur à termino, quia est talis vel talis respectu talis vel talis termini; non tamen specificatur per aliquam causalitatem termini, sed per hoc quia relatio est ad terminum, & talis relatio ad talem terminum, quod fit sine ulla causalitate ut ostensum est in ratione dicenda.

Edq; alia ratio de specificatione actus ab objecto. Nam obiectum respectu alicuius habet suam causalitatem effectivam, nā per speciem sui à se productam in potentia,

2.  
*Relatio non eget nova causalitate.*

*An Relatio sit Ens improductum?*

*Concluditur terminum non esse revera causam Relationis.*

1.  
*Relatio specificatur à Termino absq; causalitate.*

*Obiectum an sit causa actus?*

*Obiectum terminativum tantum non est causa.*

entia, est causa effectiva actus, Terminus autem nihil tale producit in fundamento, quod causet relationem: non igitur habet se eodem modo obiectum. Quia quod & obiectum si solum sit terminativum & non motivum, non habebit hanc causalitatem respectu actuum, ut si obiectum non sit productivum aliquarum specierum in potentia, sed per species infusas à Deo, intelligatur. Et de potentis certum est esse, quod obiectum respectu illarum sit terminativum tantum, nullo vero modo causativum, ita ut potentia specificentur ab obiectis sine ulla causalitate obiectivorum; per hoc solum, quod potentia, sunt ad obiecta; sunt verò ad obiecta, non relatione aliqua essentiali, sed essentia suis absolutis, fundantibus relationem ad obiecta.

*2. Terminus in nullo genere cause est causa relationis.*

Secundò si terminus haberet veram rationem causae, esset causa relationis, per veram causalitatem in aliquo genere causae: at in nullo genere causae potest esse causa. Ergo. Probatur minor. Primò de materia, quia terminus, neque est materia ex qua est relatio, nec materia in qua, ut patet. Dices. Esse materiam circa quam contra. Materia circa quam non habet ullam veram causalitatem, respectu eius quod est circa ipsam nec effectivam, nec subjectivam, nec ullam aliam. Vnde non est propriè materia sed Metaphoricè, & similitudinariè: quia sicut ex quo aliquid fit, est materia illius; ita obiectum suggerit quodammodo materiam actui, ut ex ea fiat, quod tamen manifestum est propriè non dici, sed similitudine quadam.

*Idea ad causam efficientem spectat.*

Secundò de causa formali, probatur. Quia causa formalis, seipsa est causa, seipsam vniendo subiecto, & seipsa faciendo subiectum tali, Terminus autem est quod extrinsecum relationi, & non vnitum illi realiter. Quod si dicas Ideam reduci ad genus causae formalis, etiamsi realiter non vniatur effectui, nam extrinsecè facit effectum talem. Respondeo. Ideam pertinere propriè ad causam efficientem, quia facit effectum talem, non seipsa sed mediante efficiente, cui est ratio producendi effectum talem in specie. Hoc autem termino non convenit: nam Idea quia apprehenditur ab agente, potest esse agentis ratio producendi effectum ad similitudinem Ideae; Terminus verò à nullo apprehenditur: quare nulli est ratio producendi sibi proportionatam relationem.

*Non ad causam Formalem.*

Sed instabis. Ideam esse formam extrinsecam; ergo reducitur ad genus causae formalis. Respondeo. Ideam esse quidem formam extrinsecam, sed non causare per modum formae, sed per modum principij effectivi determinantis effectum ad agendum; formae verò causalitatis est seipsa informando causare effectum, & facere talem: quare Idea & si sit forma extrinseca, non tamen per modum formae causat.

De causa efficiente probatur. Quia terminus nihil producit in fundamento, est per se notum.

De causa finali nonnullis quidem videtur causalitatem termini esse per similitudinem causalitatis finis, & ad eam pertinere, sicut enim finis non est causa per aliquam causalitatem à se profectam & à se exercitam, sed per hoc quod alia operatur propter ipsum, ita & terminus, etiamsi nullam habeat causalitatem à se profectam exercitam: quia tamen relatio est ad ipsum, habet rationem causae ad modum causae finalis: revera tamen est magnum discrimen inter finem & terminum. Nam finis ideo est causa, quia est causa operationis agentis propter ipsum; est autem causa operationis, mediante cognitione, qua se agens excitat ad agendum propter finem. Quod si mediante cognitione non moveret agens ad agendum, esset quidem

finis, sed non causa, quia non esset ullo modo causa operationis propter finem. *Potest esse finis terminus igitur quod nullus operationis est causa ut fiat; nullo etiam modo habet nis & non rationem causæ, quod discrimen est valde notandum.* *Causa.*

Dicendum est secundò. Terminum dici posse causam virtuales non quod actu *causet*, sed quod possit à nobis concipi per modum causæ: sicut & vnum attributum in Deo dicitur causa virtualis alterius, quia fundat conceptum causæ quod est esse causam fundamentaliter & virtualiter.

Quæritur etiam potest an vniversè verum sit relationem sumere omnem suam essentiam & distinctionem specificam à termino; videtur enim ita rem habere, *An à solo terminum sumat* nam totum esse relationis est esse ad terminum: ergo totam rationem essentiae suam *specificationem* à termino; quia enim est ad talem vel talem terminum, ideo est talis vel talis *relationem Relatio?*

Ex altera verò parte id non videtur. Quia potest esse idem specie terminus, & relatione, ad illud terminatæ erunt specie distinctæ: ergo tunc non sumunt suam speciem à termino: Antecedens patet. Nam eidem albo & aliud album est simile relatione similitudinis, & nigrum est dissimile relatione dissimilitudinis; quæ duæ relationes sunt specie distinctæ. Quod si quis respondeat idem album sub diversa specie ratione fundandi, esse terminum specie distinctum; nam terminat relationem similitudinis, quatenus est vnum in albedine, cum alio albo, relationem verò dissimilitudinis quatenus est diversum ab alio albo. Contra. Licet hæ rationes fundandi sint diversæ; tamen terminus in ratione termini constituitur formaliter per albedinem non per vnitatem; album enim albedine terminat similitudinem alterius albi non vnitatem; quia albedine non vnitatem est alteri albo simile, & tale quale alterum. Vnitatem autem solum est conditio quædam termini non verò ratio formalis constitutiva termini: ergo verum est ad vnum specie terminum terminari distinctas relationes.

Dicendum est relationem sumere suam essentiam, & specificationem non solum à termino, sed etiam à fundamento. Quia de ratione relationis est, vt sit relatio aliquis ad aliquid, ita ut si alterum desit non possit intelligi relatio. Verbi gratia, similitudo non potest intelligi nisi intelligetur id in quo res est similis nempe in albedine: & cui sit similis, nempe albus; id verò cuius proximè est relatio dicitur fundamentum, id ad quod est relatio, dicitur terminus; ergo utrumque concurrat ad essentiam relationis: imò magis videtur concurrere fundamentum quam terminus; quæ ratio est idem cum fundamento, unde magis recipit à fundamento omnem rationem in essentia quàm à termino à quo distinguitur realiter.

Ex quo infero, relationem semper quidem sumere suam essentiam tam à fundamento quàm à termino, vt dictum est, diversitatem tamen specificam aliquando sumere à fundamento tantum quando fundamenta sunt distincta specie, termini autem sunt eiusdem speciei. Sic similitudo albi & dissimilitudo nigri respectu eiusdem albi sumunt à distinctis fundamentis suam distinctionem specificam, ut deducitur in ratione dubitandi.

Aliquando à termino tantum, ut similitudo albi cum albo, dissimilitudo eiusdem albi cum nigro à solis terminis specie distinctis sumunt suam diversitatem specificam: nam fundamentum est idem: aliquando verò ab utroque cum & fundamentum sunt specie distincta, & termini ut paternitas & filio.

Quod si quæras. An similitudo alborum & similitudo nigrorum sint relationes *distin-*

*Quæstio.*  
*An diversarum rerum similitudines sunt specie distinctæ?*

eiusdem speciei; quibusdam enim id videtur cum conveniant in ratione similitudinis; eodem enim modo sunt utraq; sibi similia; alij verò & melius dicunt convenire has relationes in genere similitudinis; non verò in specie; alia enim est similitudo in albedine, alia in nigredine; ubi enim fundamentum & terminus sunt diversæ speciei; ibi necesse est & relationes distingui specie, cum essentia relationis ab his duobus defumatur: hic verò accidit ita: Ergo: quod si dicas utrobique esse unam rationem fundandi, nempe unitatem & convenientiam in forma.

Respondeo. Rationem fundandi esse conditionem tantum fundamenti & termini, non verò ipsam rationem formalem fundandi, ut dictum est.

## QVÆSTIO XI.

*An relatio realis possit terminari  
ad non Ens?*

**Q**ui tenent relationes esse de essentia absolutorum, consequenter tenent eas terminari posse ad non Ens, hoc est ad terminum non existentem. Nam solummodo aiunt referri realiter ad scibile non existens in rerum natura; materia quoc; est in potentia ad formam nondum habitam; ignis est calefactivus ligni nondum existentis; istius enim omnibus convenit relatio realiter etiam si termini relationis non existant; non enim dici potest has relationes convenire solum per intellectum; cum circumscripita omni operatione intellectus & nullo cogitante intellectu ista respiciant se. Neq; dici potest id esse solum fundamentaliter, quia ista non possunt intelligi sine suis terminis ad quos referuntur: ergo illos formaliter respiciunt.

*Relatio port-  
tialiu adstruit*

Gabriel in 1. dist. 3. quæst. 5. ponit relationem potentialem mediam inter relationem realem & rationis, ita ut relatio rationis sit ad terminum in ratione existentem, relatio realis ad terminum realiter existentem, relatio verò potentialis ad terminum potentia existentem; talis enim relatio non est rationis, quia nullo intellectu cogitante convenit rei: non etiam est realis, quia non est ad terminum realiter existentem: est igitur media.

*Ad non Ens,  
non potest esse  
relatio realis.*

Dicendum tamen est non posse esse relationem realem ad non Ens seu ad terminum actu non existentem. Quæ sententia est imprimis omnium horum qui negant relationes essentielles absolutas. Nam relationes accidentales, concedunt omnes non posse terminari ad non Ens. Cum ergo omnes relationes in hac sententia sint accidentales: sequitur nullam posse terminari ad non Ens. In particulari autem est expressa sententia S. Thom. 2. Contr. Gentes. Cap. 1. 2. in 3. argumentis ubi docet in Deo ad creaturam non esse relationes reales quia in Deo sunt relationes non solum respectu eorum quæ sunt actu, sed etiam eorum quæ sunt in potentia: quia & eorum scientiam habet & respectu eorum dicitur primum Ens & summum bonum. Cum igitur ejus quod est actu ad id quod non est actu, sed potentia, non sint relationes reales: non erunt in Deo relationes ad creaturam reales. Probat autem Entis in actu ad Ens in potentia non esse relationem realem quia aliis inquit sequeretur, quod essent infinitæ relationes actu in eodem: quod binarius

*Sententia S.  
Thomæ.*



binarius diceret relationes reales infinitas actu ad infinitos numeros se maiores qui cum sint specie distincti relationes ad ipsos terminatur essent actu infinitæ.

Feratur verò ibidem idem probatur ex eo, quia nulla forma accidentaliter convenit rebus nisi existentibus; quare & ordo inter terminos relativos, cum sit forma quædam accidentaliter, non potest non existentibus convenire. Nam & propter aliquam realem formam subiectum habet quod referatur ad terminum. Et terminus quod huiusmodi ordinem terminet, habet ex aliqua forma inexistente reali. Quia ergo Ens in potentia non habet ullam formam realem inexistentem, idcirco non potest terminare actu.

*Ratio Ferrar-  
iensis.*

Deum Thomam defendit Capreolus in 1. diffin. 30. quæst. 1. artic. 1. Vbi ait scientiam non referri relatione reali ad scibile in potentia, sed relatione demonstratæ rationis. Neque verò dici potest S. Thom. solum loqui de relationibus accidentalibus & prædicamentalibus; quia mens D. Thom. est auferre à Deo omnes relationes reales ad creaturas siue accidentales, siue essentielles singulas. Nam relatio scientiæ ad scibile in potentia, est una ex essentialibus rationibus quæ statuuntur; & tamen hanc negat in Deo esse realem & ex consequenti neque essentialem scientiæ quia si esset essentialis esset realis. Negat autem ex illo universali principio: Entia in actu ad Ens in potentia non potest esse relatio realis. Quod principium si esset falsum in relationibus transcendentalibus, S. Thom. non recte probasset relationem scientiæ & Omnipotentiam non esse realem in Deo; quia ista referuntur essentialiter, ac proinde realiter ad Ens in potentia.

*Mens D. Tho-  
ma.*

Probatum igitur ratione conclusio primò. Nulla operatio potest realiter exerceri circa nihil, etiam si illud sit Ens in potentia. Patet id inductione. Nulla enim forma potest realiter afficere subiectum in potentia existens, albedo non potest realiter facere album parietem, in potentia existentem; nec paries potest realiter recipere albedinem in potentia existentem; nullum efficiens potest agere in nihil, verbi gratia, ignis non potest agere in lignum potentia existens, nec illud calefacere: neque potest etiam quisquam comedere realiter panem potentia existentem, similiter non potest aliquis realiter sedere in sede in potentia existente; nec habitare realiter in domo nondum existente; neque ambulare in pavimento nondum existente, neque existere in spatio nondum existente.

*Aliæ ratio-  
nes.*

1.  
*Circa non est  
non potest esse  
operatio.*

Horum omnium ratio communis est; quia ad realitatem respectivam requiritur realitas utriusque termini. Et sicut non potest unum realiter ad aliud referri per operationem, nisi ambo existant, neque per realem in existentiam, nisi similiter existant, ita neque per realem terminationem, nisi actu existant; realitas enim respectiva poscit utrumque terminum realem existentem.

Secundò probatur & alia ratione: Quia, non Ens non habet in se reale fundamentum, quo possit terminare actu relationem. Pro quo notò primò: relationem realem requirere terminum actu, hoc est, qui sit actu terminus, non potentia terminus. Nam si terminus, sit solum potentia terminus, poterit terminare relationem, non verò actu terminabit; relatio verò debet ad suum terminum terminari actu non potentia; alioqui solum esset potentia relatio, non actu, quia posset terminari ad aliquem terminum, non verò de facto terminaretur.

2.

*Terminus de-  
bet esse actu  
terminus.*

Dicitur Ens in potentia, est actu Ens in potentia: Ergo actu potest terminare per suam

*Ens in potentia unde dicitur.*

suam entitatem in potentia. Respondeo primò. Esse actu in potentia, est, nullum habere statum efficiendi: Quod si nullum habet actu efficiendi, non habet etiam actu quo possit terminare. Respondeo secundò. Ens dici Ens in potentia non ab Entitate quam habeat intrinsecè, sed per denominationem extrinsecam à causa potentibus illud producere: Quare & in seipso intrinsecè est nihil, & in suis causis est aliquid in potentia: Terminat autem relationem Ens in potentia, ut per rationem apprehenditur.

*Ens in potentia non potest esse terminus actu.*

Notandum secundò. Ens in potentia, non possit esse terminum actu relationis realis. Nam etsi possit esse terminus actu relationis rationis, quia talis relatio non requirit terminum in re, sed tantum in ratione existentem; tamen non potest esse terminus actu relationis realis, si tantum in potentia existat. Quod ita probatur. Terminus constituitur terminus per suum fundamentum quod est ratio fundamentum realis, fundans rationem termini; nisi enim haberet terminus in se fundamentum per quod constitueretur, & qui esset causa terminandi, non posset terminare relationem. Nam quod album terminat relationem similitudinis, & non dissimilitudinis alterius albi, id non oritur nisi ex fundamento, quod per suam albedinem, quam habet, constituitur apertum proximè & sufficienter ad terminandam relationem similitudinis non dissimilitudinis; ita ut albedo in termino, sit fundamentum & causa terminationis; Non enim quilibet, potest terminare quilibet, sed tantum id quod habet in se fundamentum talis terminationis.

Cum igitur Ens in potentia, non habeat actu ullam rationem terminandi, non poterit etiam actu terminare, & esse actu terminus; Fundamentum enim & ratio terminandi est Entitas ipsius: atque Ens in potentia nullam habet entitatem actu: ergo nullam habet actu rationem terminandi, ac ex consequenti non est terminus actu. Parietis, verbi gratia, actu albus si dicatur esse actu similis parietis potentia existenti, debet paries ille in potentia existens habere aliquid fundamentum actus per quod terminet actu relationem alterius parietis. Cum verò ratio terminandi sit albedo, debet hanc rationem terminandi habere actu, si debet esse terminus actus; non enim potest esse terminus actu, nisi per rationem terminandi actu: atqui non potest habere hanc rationem terminandi, hoc est, albedinem actu, nisi albedo actu existat: Ergo non potest esse terminus actu si sit Ens in potentia, sed tantum si sit Ens actu.

*Responsio.*

Responderi potest. Terminum esse actu terminum, non actu aliquo intrinseco (sic enim deberet esse Ens in actu non potentia) sed actu extrinseco, eo quod aliud actu terminatur ad ipsum, ad eum modum, quo relativa terij modi, dicuntur relativa, ex eo quod alia referantur ad ipsa, ut scibile, dicitur scibile, quia de illo est scientia: Hoc igitur modo terminus erit actu terminus, quia relatio actu terminatur ad ipsum, non quod in seipso intrinsecè sit actu.

*Refellitur.*

Sed hæc responsio non tollit difficultatem. Nam terminus constituitur in ratione termini, non sola extrinseca relatione ad ipsum, sed sua intrinseca ratione terminandi, quam diximus esse fundamentum terminationis. Nam sicut ratio referendi, est fundamentum relationis: ita ratio terminandi, est fundamentum terminationis. Nam quod relatio terminetur ad talem terminum & non ad alium, id ex eo provenit quia in tali termino invenit rationem terminandi, quam non invenit in alio; ita ut relatio non terminaretur ad talem terminum, nisi in illo inveniret rationem terminandi sufficientem. Cum igitur non possit habere terminus actu

tionem terminandi, nisi existat actu, sequitur non posse esse terminum actu, si solum sit Ens in potentia.

Ex quibus infero. Nullam relationem realem, posse terminari ad Ens in potentia, sed solum ad Ens in actu. Nam quod quidem dicunt, rationem terminandi esse essentiam non existentiam. Respondeo. Essentiam non posse esse rationem terminandi relationem realem nisi actu existat; debet enim ratio terminandi actu convenire termino, ut illum constituat in ratione termini actu.

At obijces primo, scientia potest referri ad terminum fictum & impossibile; imò ad negationem & nihil; hæc enim omnia sunt cognoscibilia, etiamsi non existant actu neque existere possint, & sicut habent unde cognosci possint, ita habent, unde possint terminare relationem.

*Obiectio.*

Respondet neque ad ficta, neque ad impossibilia esse relationem realem scientiæ. Nam ficta & impossibilia, eatenus sciuntur quatenus existunt in intellectu, non verò quod scientia realiter referatur ad ipsa extra intellectum, quia extra intellectum omnino nihil sunt, nec esse possunt. Quare extra intellectum nihil est, aliquid possit, vel debeat terminari relatio realis scientiæ. Cum igitur scientia dicatur esse de rosa non existente; non est sensus, scientiam terminare suam relationem ad rosam non existentem extra intellectum; talis enim rosa nihil est, sed sensus est, de rosa apprehensa per intellectum & in intellectu existente esse scientiam, quæ quidem rosa est loco rosæ realis; sicut signa, & voces, & imaginæ, sunt loco rerum quod magis in disputatione decima sexta de scientia explicabitur.

*Ad obiecta ficta non est relatio realis.*

Obijces secundò: Materiam referri relatione potentie ad formam nondum habitam, hanc autem esse relationem realem, patet quia secluso omni intellectu materia est in potentia ad omnem formam: Ergo potest aliquid realiter referri ad non Ens.

Respondeo. Materiam esse in potentia reali ad omnes formas etiam absentes, non per aliquam relationem realem terminatam ad formas non existentes; talis enim relatio est impossibilis, sed tum ob fundamentum, ratione cuius ex parte sua est apta referri, existente termino, tum ob non repugnantiam naturalem ad illas habendas, & recipiendas; Potentia enim supra entitatem materiæ, nihil addit, nisi non repugnantiam realem fundatam in natura quæ non repugnantia est negatio, & convenit materiæ realiter, eo modo, quo negationes reales conveniunt rebus; esse enim negativum, est non esse reale rerum negatarum.

*Materia non dicitur relationem realem ad formas non existentes.*

Quod si concipimus relationem quandam potentie terminatam ad formas non existentes, talis relatio est concepta, & formaliter est in intellectu, fundamentaliter in re. Et idem dicendum est de alijs relationibus potentialibus, ut cum dicimus ignem posse calefacere lignum nondum existens, talis potentia est realis, non propter aliquam relationem materiæ ad lignum non existens, sed propter realem & naturalem aptitudinem seu non repugnantiam, ad calefaciendum, quæ repugnantia intelligitur sine ulla relatione positiva terminata ad non Ens.

Addo, quod si concedatur semel relationes potentiales esse reales, non solum relationes transcendentales, sed etiam prædicamentales, possent realiter terminari ad Ens in potentia; quod tamen isti auctores non concedunt. Probat. Quia

paries albus potest esse similis alteri albo in potentia, Et idem dicitur de alijs relativis, quæ referuntur ad terminos relatione potentia.

*Opinio Gabri-  
eli de relati-  
one potentiali  
refellitur.*

Quod verò docebat Gabriel relationes potentiales esse quid medium inter relationes reales & rationis, hoc nullo modo potest esse verum: tum quia inter Ens reale & Ens rationis non datur medium: quiddam enim est extra rationem, reale est: tum quia relationes potentiales cum non sint reales (nisi fundamentaliter) ad rationem pertinent formaliter, licet non sine fundamento in re: Nam si res sunt in potentia ad aliquid realiter, id tamen non per positivam relationem realem, sed per non repugnantiam realem accipi debet. Quod si relatio aliqua intermedia cogitatur, illa est in intellectu formaliter, & solum fundamentaliter à parte rei.

Obijciatur tertio. Secundum Arist. 5. Met. Cap. 20. inter relativa secundi modi ponitur factivum & factibile, calefactivum & calefactibile, quæ relativa terminantur ad Ens in potentia. Loquitur autem ibi sine dubio de relationibus rebus. In relativis etiam tertij modi ponit scientiam quæ refertur ad obiectum non existens: ergo voluit esse relationem realem ad obiectum non existens. Respondet Aristotelem dicto loco solum explicare varios modos relationum, non verò determinare an omnes sint reales vel rationis: nam & proportionem numerorum ibi recenset inter alias relationes, quæ tamen fundantur in numero, qui non existit, nisi per operationem intellectus.

*Gregorij opi-  
nio de relati-  
one inter Ens  
& non Ens.*

1.

2.

3.

Greg. in 1. d. 18. q. 3. tenet, tam Ens ad non Ens, quàm non Ens ad Ens posse referri realiter, hoc est sine ulla operatione intellectus. Primum probat: hoc est Ens ad non Ens realiter referri; primò: quia datur à parte rei imago rei non existens: at imago qua imago, est alicuius imago: ut enim ait August. 7. de Trinitate. cap. 1. quid absurdius est quàm imaginem ad se dici? ergo imago refertur realiter ad rem non existentem. Secundò: quia datur à parte rei memoria rei non existens & præteritæ: memoria autem dicitur relative ad id cuius est memoria, idq; etiam tunc cum actu non cogitat homo de re, est enim memor eius saltem habitualiter. Tertiò: quia realiter aliqua dicuntur activa & passiva: at activum & passivum dicitur respectu rei agibilis actu non existens: ergo datur relatio ad non Ens.

*Non Ens ad  
Ens referri  
realiter.*

1.

2.

Secundum verò probat hoc est non Ens ad Ens realiter referri. Primò: quia omnia relativa dicuntur ad convenientiam, ergo si Ens ad non Ens refertur realiter, pari ratione non Ens ad Ens refertur realiter: quocirca sicut productivum realiter dicitur ad producibile; ita producibile quod est non Ens vicissim dicitur realiter ad productivum; similiter imaginatum non existens ad imaginem & memoratum ad memoriam. Referuntur autem ista realiter, quia siue ista considerantur ab anima, siue non, producibile est producibile à productivo. Nam sicut non Ens habet in se rationem terminandi relationem realem, ita & fundandi.

Secundò. Omnis causa refertur ad causatum: æqui aliquid non existens est causa realis alicuius existentis, ergo aliquid non existens refertur realiter ad existens. Minor patet. Quia finis non existens est causa alicuius effectus iam facti propter illum finem. Verbi gratia, fructus futuri, sunt finis florum & foliorum; folia enim & flores à natura diriguntur ad fructus tanquam ad finem; natura enim agit propter finem & si non cognoscat finem.

*Refellitur  
Gregorius.*

Verum quod ad primam Greg. conclusionem attinet ea sufficienter est refellita ex dictis, non enim nihil reale actu convenit (alioquin quoad illud esset Ens actu,

actu, non in potentia) ergo neq; convenit actu ratio realis terminandi, sine qua non potest actu terminare; si enim nihil habet actu, per quod terminet, non potest actu terminare.

Vnde ad primam rationem Greg. respondeo. Imaginem non referri actu ad imaginatum, nisi imaginatum existat; nam si non existit nihil est ad quod referri potest. Solum ergo fundamentaliter refertur, hoc est fundamentum habet sufficiens ad hoc ut referatur, ita ut ex parte sua sit sufficiens, ut referatur quando res illa existit. Sicut paries albus est similis parieti cras futuro albo, non quia actu exerceat similitudinem, sed quod ex parte sua habet omnia per quæ sit similis, & solum ex defectu termini qui non existit non est actu si nilis. Ex quo patet rei illi quæ est imago, esse accidentale esse imaginem, & referri realiter ad aliud.

Ad secundam: memoria est rei præteritæ non quod cognitio referatur actu ad objectum extra intellectum, sed quod illius rei quæ erat realiter extra intellectum sumitur in intellectu representatio & similitudo: quæ tamen similitudo non est actu similitudo relata ad illud: sed tantum est actu fundamentum sufficiens & proximum talis relationis. Potest tamen per intellectum referri ad rem apprehensam.

Ad tertiam: res dicitur activa realiter, ratione fundamenti realis, & realiter sufficiens ad agendum actu, non ob realem relationem terminatam ad agibile. Pro quo noto. Calefactivum dupliciter dici potest potentia calefactivum: primo relatione propter relationem potentialitatis terminatam ad terminum potentia existentem, & hanc dico relationem esse rationis, non realem: quia nihil est ad quod realiter terminari possit talis relatio; secundo absolute propter naturam fundantem illum habitatem & aptitudinem ad calefaciendum: & hoc modo dicitur realiter esse tale et ei conveniat posse calefacere: quæ habilitas nature est absoluta in se, & non nisi per additam relationem dicitur relatiue.

Obiicere tamen quis posset ens in potentia habere unde possit terminare relationem: tum quia plures dicit Ens in potentia quam nihil quod neq; actu nec in potentia est aliquid: hoc ergo ipso quo Ens potentia excedit merum nihil, potest terminare ad se relationem realem; tum quia Ens potentia, est actu Ens in potentia, non enim est in potentia ad esse in potentia; sed actu non potentia illi convenit esse in potentia: ergo habet aliquem actum Ens potentia, quo possit actu terminare relationem.

Respondeo. Ens potentia nullum habere actum in se, quo possit terminare relationem. Nam si haberet aliquem actum secundum illum actu esset Ens actu non potentia: si ergo aliquid sit pure Ens in potentia, implicat contradictionem habere aliquem actum; esset enim actu & potentia secundum idem. Deinde si haberet aliquem actum, esset secundum illum actum extra suas causas, & sic non esset Ens in potentia; quod enim actu est extra suas causas, est & extra potentiam causarum illarum. Adhuc si est extra suas causas, erit proculdubio Ens productum, quare non ab æterno fuerit in potentia, ab æterno fuisset productus secundum aliquem actum, quod est falsum.

Ad primam igitur probationem respondeo, Ens in potentia superat quidem merum nihil, non aliquo actu presenti, sed futuro aut possibili, secundum quem erit actu aut esse potest, licet de facto non sit actu: quare cum ad terminationem actum requiratur aliquid actu quod terminet, Ens autem potentia nihil tale habet, & ex consequenti nihil habet unde terminet actu relationem.

*Imago non refertur realiter ad non Ens.*

*Activum non refertur realiter ad non Ens. Calefactivum relatiue absolute.*

*Ens potentia nullum habet actum.*

*An Ens in po-  
tentia sit actu  
Ens in poten-  
tia?*

Ad secundam respondeo; Ens potentia esse actu Ens in potentia, non est habere aliquam actum positivum existendi, sed est posse existere actu: & hanc possibilitatem ei convenire actu: non intrinseco sed extrinseco, facta denominatione extrinseca à causis actu potentibus illud producere. Unde nullum actum intrinsecum habet, quod ad rationem termini actu, requiritur.

*Non Ens nra  
refertur rea-  
liter ad Ens.*

1.  
*D. Augusti-  
nus.*

Secunda verò conclusio Greg. refellitur primò authoritate D. August. 2. de Trinitate cap. 1. ubi ait si non esset homo, id est aliqua substantia, non esset qui relative dominus diceretur: & si non esset equus quædam essentia, non esset quod instrumentum relative diceretur: ita si nummus non esset aliqua substantia nec arca posset dici relative qua propter si & pater non est aliquid ad se ipsum, non est omnino qui relative dicatur ad aliquid. Quibus verbis August. docet nihil posse dici relative ad aliud; nisi sit aliquid essentialiter in se, non Ens autem nihil est in se: non potest igitur dici relative. Neq; valet responsio Greg: aliquas relationes non posse verificari nisi de rebus quæ existunt, & de iis loquitur August. aliis verò æque verificari de existentibus & non existentibus, ut esse producibile esse cognitum & de his non loquitur August. Contra: ex inductione universalis deducit August. relationem Patris non posse convenire Patri nisi pater sit quædam essentia in se, inductionem autem nihil concludit nisi sit universalis: ergo universaliter de omni relatione locutus est August. Deinde loquitur etiam de relatione ut relatio est, non verò sub aliqua limitata ratione relationis; nullam enim talem limitationem addit: ergo intendit omnem relationem supponere aliquam essentiam existentem, & per consequens non Entis nullam esse posse relationem realem.

*Mens Augu-  
stini.*

2.  
*Relatio non  
potest conve-  
nire non En-  
ti.*

Secundò. Si non Ens potest referri realiter, peto an relatione existente actu, existente potentia? si primùm; illa relatio vel erit accidens vel substantia: Si accidens; supponet subiectum existens, quia in existentia dependet à subiecto, eiq; innititur; non Ens autem non potest esse ullius rei subiectum: si substantia; impossibile est puram relationem esse per se subsistentem, sed requirit aliquam aliam essentiam à relatione distinctam quæ referatur illa relatione, ut argumentabatur S. August. Est enim de ratione relationis ut sit alicuius ad aliquid: relatio; non enim simplicius est relatio sed alterius alicuius essentia: ad alterum terminum. Si vero dicitur secundum: sequitur non Ens non referri sed tantum posse referri; sicut enim relatio actu existens facit actu referri ita relatio potentia existens, facit posse referri. Nos autem quærimus an non Ens referatur realiter & actu ad Ens?

*Relatio sine  
alia essentia  
non subsistit.*

3.  
*Fundamentū  
relationis de-  
bet esse ali-  
qua actu exi-  
stens.*

Tertio. Ad relationem realem requiritur reale fundamentum actu: si enim nihil sit actu, nihil erit quo actu fundari possit relatio: atqui non Ens nihil habet actu: ergo nihil habet quo fundare actu possit relationem: quæ omnia simili modo probantur sicut de actuali terminatione probatum est supra.

*Aliæ rationes.*

Quidam addunt aliam probationem. Relativa, inquit, definiuntur esse illa quorum esse est ad aliud se habere: ergo relativa supponunt esse; prius enim est esse quam ad aliud esse.

Sed hæc ratio solam probat formale esse relativum, esse ad aliud se habere, non verò quod supponat aliud esse relationi substratum. Nam quod dicitur, prius esse quam ad aliud esse, hoc ipsum in ipsa relatione formaliter accepta intelligitur relatio enim prius ratione concipitur esse in se quam ad aliud esse, quocunq; tandem modo isti conceptus distinguantur.

Secundò probatio est: nihil non potest fundare ullam relationem: at Ens non

est nihil. Ergo non potest fundare ullam relationem. Maior probatur. Quia nihil, cum sit nihil, nihil habet siue quo sit, siue quo fundet relationem, relatioq; in nihilo fundata est non fundata: non fundata autem relatio, non est relatio: cum ad rationem spectet fundamentum & terminus.

Respondi potest nihil actu & potentia non posse fundare ullam relationem, quia nihil omnino habet quo fundet; at Ens potentia non est nihil omnino sed tantum est nihil actu, non nihil autem potentia. Sed contra: ad fundandam actu relationem opus est habere aliquid actu in quo fundetur relatio: at Ens potentia, habet quidem aliquid potentia, quo potest fundare relationem, non tamen habet aliquid actu, quo actu fundet relationem.

Ad primum argumentum Greg. Respondeo. Omnia quidem relativa ad convertentiam dici, si convenienter assignentur, ut probat hoc loco Aristot: id tamen verum est quoad convertentiam relationis non quoad convertentiam realitatis. Nam scientia & scibile quoad relationem convertuntur: omnis enim scientia aliqua scibilis est scientia, & omne scibile aliqua scientia est scibile; tamen relatio

*Relativa ad convertentiam dicuntur quo sensu.*

atque producibile, est realiter producibile; at producibile respectu alicuius productivi est producibile; ergo relatione reali est producibile. Respondeo producibile cum non existat in se realiter, nullam quoq; realem rationem fundat; hanc enim relatio esset accidentalis, & non posset existere in subiecto potentia existente: non igitur ab aliqua relatione reali positiva dicitur producibile, sed à potentia ad existendum realiter, id enim dicitur producibile realiter quod cum realiter non existat; potest tamen realiter produci & existere, potest autem realiter produci denominatione facta à potentia reali potente producere.

*Producibile non refertur realiter.*

Ad secundum respondeo. Finis cum sit non Ens non potest esse causa, nisi quatenus realiter apprehensus; mediante enim apprehensione movet agens vel ad agendum propter ipsum vel ad determinandum aliud agens ad agendum propter ipsum; primo modo agentia moventur ex cognitione à fine: posteriori modo agentia naturalia determinata ad suos fines à Deo agente per intellectum & præscribere suos fines cuiq;. Si igitur finis esset merum non Ens tam in apprehensione quam in se, nullo modo posset esse causa realis: At dices. Saltem agentia naturalia moventur in suos fines, qui sunt non Entia. Respondeo. Non moveri per aliquam relationem realem ad ipsos non existentes, sed solum quatenus efficiunt aliqua per quæ producitur effectus, per modum finis inventus aut determinatus. Sicut cum producantur flores propter fructus: producere flores est movere ad finem, quia est producere propter finem apprehensum & cognitum à prima causa, Deo, ita ut secundum cognitionem finis, agentia non agerent propter finem, sed tantum agerent ea quæ agunt non referendo ea in finem; nunc autem referunt quæ agunt in finem, qui determinantur à prima causa ad agendum ex cognitione & intentione talis finis de quo plura in Physica. }

*Finis quomodo causa.*

*Agentia naturalia ex determinatione agunt propter finem.*



## QVÆSTIO XII.

*An ad Relationem realem requirantur extrema realiter distincta?*

*Extrema distinguuntur realiter Quoad subiecta.*

**Q**uæstio est de relatione reali: nam ad relationem rationis sufficit distinctio extremorum per rationem facta: sic intellectus bis concipiendo Petrum, refert ipsum ad seipsum relatione identitatis. Porro extrema possunt esse realiter distincta, primò materialiter tantum, hoc est, quoad subiecta; cum solum subiecta relationum distinguuntur realiter, non verò fundamenta. Sic Scorus in divinis putat relationem æqualitatis & identitatis Personarum esse realem: quia extrema sunt realiter distincta licet idem sit quasi fundamentum huius relationis in tribus personis, nempe essentia divina. Idem etiam accideret si eadem numero albedo esset in duobus subiectis; tunc enim subiecta illa essent similia realiter & realiter & realiter distinguerentur, licet fundamentum huius similitudinis esset unum & idem in utroque.

*Quoad fundamenta.*

Secundo formaliter quoad fundamenta quando fundamenta relationum, in quibus formaliter fundatur relatio, distinguuntur realiter, ut cum duo papæ sint similes in albedine, habent duas albedines realiter distinctas, fundantes similitudinem. Extrema enim relativa constituuntur in ratione extremorum formaliter per fundamenta.

1. *Opinio.*

Prima igitur sententia asserit ad relationem realem requiri ut extrema formaliter accepta sint ex natura rei distincta ita Suarez 1. Metaph. disput. 47. Sect. 9. fundamentum est: quia de ratione relationis in communi est esse ad aliud ergo & de ratione relationis realis est esse ad aliud reale; at ubi est aliud & aliud reale, ubi est distinctio realis, ergo. Est etiam hæc sententia S. Thom. 1. part. quest. 42. artic. 4. ad 3. ubi propter hanc causam negat æqualitatem inter divinas personas esse relationem realem. Addit verò Suarez, non requiri universè distinctionem realem suppositorum: si enim Verbum assumeret duas naturas humanas, essent illæ naturæ sibi realiter similes, & Verbum ratione ipsarum.

*Suppositorum distinctio non requiritur.*

2. *Opinio.*

Secunda sententia est Scoti In. 1. dist. 31. quest. 1. ad relationem realem non requiri distinctionem extremorum formalem, hoc est, secundum fundamenta, sed sufficere distinctionem materiale, secundum subiecta. Unde infert æqualitatem & identitatem inter divinas personas esse relationem realem, quia habet tria requisita ad relationem realem: primò extrema realia, secundò realiter à se distincta, tertio ex natura rei ad se relata; Quamvis enim eiusdem ad seipsum negesse relationem realem, quia non sunt extrema realiter distincta; tamen si extrema sint realiter distincta: & sint idem in aliqua forma communi habebunt & distinctionem extremorum sufficientem ad relationem; & sufficientem causam ad hoc ut realiter referri possint. Forma enim illa sicut afficit utrumque; ita est utriusque sufficiens ad hoc ut referatur.

3. *Opinio.*

Tertia sententia est Vasquez. 1. part. distinct. 166. qui dicit aliquas relationes reales requirere distinctionem realem fundamentorum, aliquas non; vult e

rem relativa primi modi, necessario postulare distinctionem realem fundamentorum; quia prius referuntur ad invicem fundamenta, deinde ratione fundamentorum referuntur subiecta, verbi gratia, prius duæ albedines sunt inter se similes, tum ratione ipsarum duo alba sunt similia: necesse igitur est prius ipsas esse re distinctas, quàm subiecta. In relativis verò secundi modi, aut non requiri hanc distinctionem realem fundamentorum: Existimat enim relationes secundi modi fundari non in potentia activa & passiva, sed in ipsamet actione & passionem; actio autem & passio non sunt realiter inter se distincta: eadem enim res ut ab agente est actio, ut est in passio est passio. Quare sicut eadem numero fundat actionem & passionem; ita etiam poterit fundare relationes agentis & patientis.

Dico primò non requiritur ad relationem realem in communi, distinctio realis suppositorum seu subiectorum, ut bene ait prima sententia. Ratio est: quia quod requiritur ad relationem realem in communi, requiritur ad omnem relationem realem: atqui non omnis relatio realis postulat distinctionem realem suppositorum extremorum. Ergo relatio in communi talem distinctionem non requirit.

Minor pater: primum in exemplo Verbi asumentis duas naturas sibi similes: tunc enim idem suppositum secundum diversas naturas esset sibi simile. Contra etiam Christi in cælo dicit relationem distantie vel propinquitatis ad seipsum in sacramento.

In relativis etiam secundi modi est id manifestum. Et enim sicut actio potest esse ipsa in seipsum; ita & relatio realis consequens actionum est ejusdem ad seipsum, sine ulla distinctione reali, ut patet in potentijs animæ cum producit suos actus immanentes in seipsis. Idem enim est agens & pater, eadem etiam est potentia activa & receptiva, quæ sunt fundamenta relationis.

Dico posse esse actionem realem in seipsam, non verò relationem realem ad seipsum. Contra. Quæ maior relatio potest esse quàm per actionem? Idem enim impendit à seipso, in eo quod recipit à seipso per actionem. Actio etiam est ex illo eodem genere quæ vel sunt relativa vel sine relatione intelligi non possunt; nec enim agens respectu alicuius est agens, quia rem aliquam agit, & omne patientem respectu alicuius est pater. Ad hæc negari non potest in actione immanente esse relationem realem inter terminum productum & producentem. Relatio enim producti ad producentem non potest esse non realis. Cum igitur huius relationis subiectum sit ipsum agens: sequitur ipsum agens referri realiter ad seipsum. Relatio enim suum subiectum, quod afficit, refert. Requiritur ergo ad talem relationem non ut sint supposita in se distincta (hoc enim tunc solum requiritur, cum ipsa supposita producantur) sed ut producatur forma aliqua, realiter ab agente & patiente distincta, afficiens & dispiciens utrumque; ad mutuam relationem, siue quod forma producta sit fundamentum relationis agentis & patientis ut vult Vasquez ita ut quemadmodum à forma producta sumitur denominatio agentis & patientis ita & relatio agentis & patientis; siue ut communior fert opinio, relatio agentis & patientis fundetur in potentia activa & passiva, ut reducta ad actum per actionem, & passionem quæ est realiter distincta ab utroque.

Dico secundò. Relationes reales ex propria sua natura requirere aliquam distinctionem realem extremorum. Probatur inductione primò in relationibus pri-

*Relatio universæ non requirit distinctionem realem suppositorum.*

*Agens referitur realiter ad seipsum.*

- 1.
- 2.
- 3.

*Quæ sit distinctio realis in tali casu.*

*Inductio.*

*In relativis  
primi modi.*

mi modi fundatis in unitate & multitudine; Vt enim rectè docent Vasquez cum Caiet. in hoc genere relativorum, fundamenta primò ad se referuntur, & deinde ratione fundamentorum ipsa subiecta; prius enim dux albedines sunt similes inter se, tum faciunt parietes similes; & dux quantitates prius sunt æquales inter se quam faciunt duo ligna æqualia. Cum igitur fundamenta ad se referri non possint, nisi sint realiter distincta; necesse est fundamenta talium relationum esse distincta, & ex consequenti ipsa extrema.

Dices. Cur relationum harum fundamenta, non possunt ad se referri nisi sint distincta realiter? Respondeo. Quia ejusdem ad seipsum secundum eandem omnino rationem, non potest esse relatio realis, ut omnes concedunt; fundamenta autem primi modi cum sint ejusdem omnino rationis, nisi distinguantur realiter, non habent alium modum quo in se distinguantur. Necesse ergo est ut distinguantur realiter seipsis. Nam in relativis secundi modi activam & passivam non differunt quidem realiter seipsis, differunt tamen per formam per actionem productam & receptam, quæ tam ab agente quàm à patiente realiter distinguuntur: at albedines nisi realiter seipsis distinguantur, non habent unde distinguantur.

*In relativis  
secundi modi.*

Secundò probatur de relationibus secundi modi. Fundantur enim quædam in tali actione, quæ non potest recipi in agente, sed in distincto, subiecto ab agente, ut sunt omnes actiones transcurrentes. Aliæ verò quæ fundantur in actione immanente non habent quidem subiecta realiter distincta, habent tamen terminum formalem realiter distinctum tam ab Agente quàm à patiente, nempe formam quæ per actionem producit in potentia: quæ distinctio sufficit ad relationes huius generis.

*In relativis  
tertij modi.*

Tertio idem probatur de relationibus tertij modi, ut est relatio scientiæ ad scibile, quæ nisi sint reipsa distincta, non possunt ad se realiter referri, Quia quæcumque ad se realiter referuntur, vel ex seipsis realiter referuntur, & ad hoc requiritur ipsorum realis distinctio, cum ejusdem ad seipsum non possit esse realis relatio; vel si non sunt ipsa realiter distincta, habent tamen aliquid tertium realiter ab utroque distinctum, quod est illis ratio ut realiter ad se referantur, ad eum modum quo in actione immanente agens & pater, etiam si realiter sint idem tamen propter realem actionem & formam productam utrumque afficientem, habent quasi ad extrinsecum, ut realiter ad se referantur, Cum alio qui non possent referri ob indistinctionem unius ab altero. Quando igitur scientia & scibile sunt idem realiter neq; ex seipsis possunt ad se referri realiter, neq; habent causam extrinsecam ob quam realiter referri possint. Unde fit ut nullo modo possint referri realiter, nisi distinguantur realiter.

*Scientia &  
scibile quando  
referantur ad  
se realiter.*

*Non par  
distinctio realis  
requiritur in  
omnibus rela-  
tionibus.*

*Idem ad seip-  
sum quando  
referatur rea-  
liter.*

Ex dictis infero primo. Requiritur quidem aliquam distinctionem realem inter extrema relativæ: non tamen parem in omnibus ut dictum est. Et sic verum est, quod dici solet, omnem relationem esse ad aliud; ita ut relatio ad seipsum si esse debeat realis, debeat esse ad seipsum tanquam ad aliud, quia eatenus est ad seipsum quatenus aliud quid à seipso in seipso producit, quod fit per actionem immanentem. Nam & si idem ad seipsum ex seipso non possit habere relationem realem propter indistinctionem sui à seipso; tamen potest ex aliqua re sibi adveniente id acquirere, ut referatur ad seipsum, sicut diximus de actione in seipsum, talis enim actio ponit formam productam quæ est causa sufficiens ut agens referatur

referatur ad seipsum, etiam si sit cum seipso idem.

Infero secundò contra secundum sententiam, ad relationes primi modi, ut sint reales non sufficere distinctionem realem subiectorum, sed requiri distinctionem realem fundamentorum quod est extrema distingui formaliter ut extrema sunt. Ratio est alia in secunda conclusione. Quocirca neq; inter divinas personas relatio qualitatis, similitudinis, identitatis, est realis; neq; si daretur vna numero albedo in diversis subiectis, illa subiecta referentur ad se realiter relatione similitudinis, quia in his relativis prims formæ inter se referuntur: tum ratione formationis, tum suæ: Forma autem si est eadem in utroque non potest ad seipsam referri realiter, cum ejusdem non possit ad seipsum esse relatio realis. Sicut enim albedo non est similis sibi ipsi, nec refertur ad se relatione similitudinis, ita nec est eadem sibi ipsi nisi per rationem bisidem apprehendentem & conferentem cum seipso: in re verò solum albedo est id quod est, neq; est eadem sibi ipsi, neq; diversa à seipso: nisi fundamentaliter, quia est fundamentum ut eadem sibi ipsi concipi possit cum relatione ad seipsam. Quia igitur subiecta dicuntur esse idem in aliquo, ex eo quia forma utriusque communis est eadem sibi ipsi, sequitur, cum identitas formæ cum seipsa non sit relatio realis neq; identitatem subiectorum ratione formæ esse realem. Cum identitas subiectorum in aliqua forma, oriatur ex identitate formæ cum seipsa.

*Ratio intellectus ad seipsum, an realis?*

Atque. Forma producta ab agente in passio, est sufficiens causa ut agens referatur realiter ad passum, etiam si agens sit idem realiter cum passio. Ergo multo magis albedo existens in duobus subiectis realiter distinctis, erit causa ut realiter illa subiecta referantur ad invicem.

Respondens disparem esse rationem, ob disparem naturam fundamentorum. Nam fundamenta relationum primi modi habent hanc naturam, ut prius ad se referantur, tum sua relatione faciunt referri subiecta, unde si relatio fundamentorum non fuerit realis, neq; relatio subiectorum erit realis. Itaq; albedo eadem posita in duobus non est causa sufficiens ad fundandam realem relationem identitatis subiectorum, quia non est sufficiens ad fundandam relationem realem identitatis cum seipsa. At in relationibus secundi modi forma producta, ex natura sua est sufficiens causa, ut propter illam referatur agens ad passum, quia continet tam agens in ratione agentis quam passum in ratione passivi: unde quamvis sit eadem, potest utriusque esse ratio relationis realis. Infero tertio. Relationem intellectus ad seipsum à se intellectum esse realem, si seipsum intelligat intellectio realiter à se distincta; si verò intellectio sit idem cum intellectu, ut in Deo, non est relatio realis.

Ratio primi est. Quia tunc intellectio est sufficiens causa duplicis relationis realis cum agentis ad passum ratione formæ productæ, quam intelligentis ad intellectum, ratione intellectiois productæ. Forma enim producta ab agente est sufficiens ratio referendi agentis ad passum secundum illam formam: Ergo & intellectio producta erit sufficiens ratio relationis realis in intellectu. Ratio secundi est. Quia tunc inter intellectum & intelligibile nulla est penitus distinctio, neq; aliquid realiter inter ipsa mediat, quod sit causa relationis realis.

Notandum tamen est: quia & si in relatione agentis ad seipsum extrema, id est subiecta, non sunt si simpliciter distincta realiter: invenitur tamen distinctio quædam realis, relationis ipsius ab opposito sibi extremo. Nam si relationes agentis & passivi ab extremis

*Relationes  
agentis & passivi  
ab extremis  
sunt*

fundentur in forma producta, ita ut proximum fundamentum ipsarum sit forma dependens ab agente, & recepta in passio; tunc relationes agentis & passivi erunt idem realiter, cum ipsa forma, tanquam cum suo fundamento. Cum verò forma producta sit distincta realiter tam ab agente quam à passio; etiam relatio agentis distinguetur realiter à passio, & relatio passivi distinguetur realiter ab agente, & ut extrema respectu relationum à quibus denominantur, distinguuntur realiter. Si verò relationes habeant pro fundamento ipsam potentiam activam & passivam, tunc relationes erunt idem re cum extremis, quæ quia re non sunt distincta ab invicem, neq; relationes ipsis identificatæ, erunt re distinctæ nisi ratione connotati. Nam relatio agentis fundatur in potentia activa ut reducta in actum per actionem, quæ est res distincta à passio, similiter relatio passivi fundatur in potentia passiva ut reducta in actum per passionem, quæ est res realiter distincta ab agente. Unde quamvis extrema harum relationum non sunt à se distincta realiter, sunt tamen aliquo modo distincta realiter à ratione quæ est ad ipsa sive simpliciter sive secundum quid, ratione connotati, quod sufficit ad tale genus Relationum.

### QVÆSTIO XIII.

*An essentia relationis solum consistat in esse  
Ad & non in esse In?*

*Omnis relatio  
habet Ad &  
In.*

**N**ON est quæstio an à parte rei possit dari relatio quæ solum dicat esse ad terminum & non dicat esse in respectu subiecti vel quasi subiecti. Non enim dubium est omnem relationem alicuius ad aliquid esse relationem. Unde requiritur tantum subiectum cuius sit, quàm terminum, ad quem sit. V. G. similitudo non satis est, si sit ad aliud album, sed etiam requiritur ut sit alicuius albi; si enim non fuerit alicuius albi, non erit similitudo, quia similitudo, duorum alborum est similitudo. Quod autem hic de In, non ut dicitur physicam inhaerentiam, hæc enim non respiciunt ad rationem Relationis in communi, ut supra docuimus; sed solum ut dicat id cuius est illa Relatio siue sit in illo per inhaerentiam, siue per identitatem.

Est igitur quæstio Anistud In, sine quo à parte rei non potest esse relatio, pertineat ad rationem formalem relationis, ita ut sine ipso essentia relationis concipi non possit; Videtur enim non pertinere. Nam si relatio concipiatur ad terminum, concipitur relatiue, si verò concipiatur in subiecto non concipitur relatiue. Cum igitur non à subiecto, sed à termino habet esse relativum, poterit absq; ordine ad subiectum concipi relatiue, & ex consequenti esse In, non pertinebit ad rationem formalem relationis.

Et confirmatur id inductione in omnibus relationibus, Non enim potest esse relatio quia est in parte sed quia est ad finem: nam esse in subiecto convenit etiam accidentibus absolutis, neq; tamen ex eo accidentia absoluta sunt essentialiter relatiua. Nam si dicas, esse in subiecto, est dicere respectum, ad subiectum. Respondeo hunc respectum non facere naturam cui convenit essentialiter relativum, tantum accidentaliter & denominativè. Verè enim quantitas & qualitas habet esse In, non tamen propterea sunt essentialiter relationes; quare neq; relatio per

la erit essentialiter relatio; sed ad summum conveniet illi esse In denominativè & accidentaliter, sicut aliis accidentalibus absolutis, Nos autem quaerimus an esse In, sit pertinens ad relationem; ut illam constituat in esse relativo formaliter, & an hac ratione valeatur esse D. Thomas sup. q. 8. art. ubi a rationem propriam relationis qualem per ordinem ad subiectum, sed per ordinem ad terminum. Cajet & Canonicis ibidem docent rationem formalem relationis abstrahi posse ab esse In.

Quendum tamen est ad rationem formalem relationis pertinere non solum esse. Aliter etiam esse In ita ut non possit concipi relatio completa secundum rationem formalem, nisi concipiatur tam secundum Ad quam secundum In. Ratio est quia de ratione relationis est; ut sit aliquis ad aliquem relationis; ita ut nisi concipiatur tam ad in quo est relatio, quam id ad quod est relatio, non possit concipi completa ratio formalis relationis, verbi gratia, relatio similitudinis non concipitur complete per hoc quod est ad aliquid album; nam etiam dissimilitudo potest esse ad album, sed debet concipi albi ad album relatio: ita ut si non intelligatur albedo superposita pro fundamento similitudinis, non intelligatur formaliter similitudo. Similitudo autem duorum alborum est similitudo; & impossibile est relationem concipere nisi inter duo, quorum alterum sit subiectum, alterum terminus relationis.

Pro quo noto primo; Relationem pendere essentialiter tam à fundamento quam à termino, & mutari essentialiter, aliquando ratione fundamenti, aliquando ratione termini, ut questione decima docuimus. Nam fundamentum est ratio fundandi rationem, terminus est ratio terminandi. Sicut igitur relatio non potest intelligi sine termino, qui est ratio terminandi; ita neque sine fundamento quod est ratio fundandi.

Novo secundo. Rationem formalem relationis posse sumi & complete secundum omnem suam rationem essentialiter, & incomplete solum secundum ultimam rationem suam essentialiter, verbi gratia, ratio formalis hominis complete concepta includit non solum rationalitatem sed etiam animalitatem; utrumque enim pertinet ad essentiam hominis constituendam; rationalitas quidem determinatè, animalitas autem indeterminatè; quia non ab animali sed à rationali determinatè homo habet esse hominem. Si verò concipiatur incomplete secundum rationem ultimam determinatam ad esse hominis, sic potest concipi absque animalitate sub rationalitate sola.

Potest ergo ratione relatio dupliciter concipi potest: primò complete secundum omnia requisita essentialiter ad rationem relationis; & sic necessariò concipi debet tam secundum esse Ad, quam secundum esse In: quia per Ad ultimò determinatur ad rationem relativam, non per In; Sicut autem si solum concipitur rationale, non concipitur homo, sed quid hominis, seu principium formale & determinatè constitutivum hominis, non enim sola rationalitas est homo: ita si concipiatur solum esse Ad, non concipitur relatio, sed tantum principium formale constitutivum relationis. Vnde ad formalem conceptum relationis completum requiritur uterque conceptus, tam Ad, quam In. Essi enim præscindi possit Ad ab In, tamen relatio essentialiter non potest præscindi, quia relatio non est solum Ad, sed etiam In. Si autem rationale possit præscindi ab animali; ratio tamen formalis hominis non potest præscindi, cum utrumque essentialiter includat. Et hoc modo exponitur S. Thomas citatus, nempe quod loquatur non de completa ratione formali relationis, sed incomplete ultimo determinatè ad rationem relativam, quæ est solum

*In pertinet ad  
essentiam Re-  
lationis.  
Ratio.*

*Relatio sine  
fundamento  
& termino  
intelligi non  
potest.*

*Relatio sumi-  
tur complete  
& incomple-  
te.*

*In pertinet ad  
rationem com-  
pletam Re-  
lationis.*

*Non pertinet  
ad incomple-  
tam.*

lum esse Ad. Et licet Ad non constituat relationem simpliciter sine In; constituit tamen secundum quid, id est, in determinata ratione relativa; cum tamen etiam In constituat eandem rationem relativam, sed non determinatè ut Ad.

Ex quo etiam patet ad rationem dubitandi. Nam ex In non sumitur determinata ratio relativa, sumitur tamen simpliciter, quia ad essentiam relationis pertinet.

Quod si obijciat. Ordo ad subiectum est ordo ad terminum; sed ordo ad terminum est ratio determinans ad esse relativum; Ergo. & ordo ad subiectum. Respondet. Nos loqui de ea relatione, quæ est ad aliquem terminum cui convenit præter terminum, referri etiam ad subiectum, & dicimus hunc ordinem ad subiectum non esse rationem determinantem illam relationem ad esse relativum: Quia non ex subiecto sed ex termino relatio est Ad. Si tamen sermo sit de relatione quæ est ad ipsum subiectum tanquam ad terminum, tunc proportionaliter esse In & esse Ad in ea distinguere debent. Sed quæri potest, An relatio habeat suum proprium In distinctum ab In fundamenti.

*In Physicum non habet Relatio distinctum ab In fundamenti.*

*Quale in de essentia Relationis.*

Affirmat Scotus. Quodlibeto 43. quia relatio sicut habet peculiarem rationem accidentis, distinctam a relatione accidentis, quæ est in fundamento; ita etiam habet distinctum In, ab In fundamenti, cum In, sequitur semper ad rationem accidentis. Dicendum tamen est si loquamur de In Physico quod sequitur ad formam Physicam Physicè inhzrentem, sic relatio sicut non est distincta forma Physica à fundamento, ita etiam non dicit In distinctum ab In fundamenti, sed per In fundamenti inhzret Physicè subiecto: Si verò loquamur de In, ut abstrahit ab In per inhzrentiam & In per identitatem, sic relatio habet peculiare In, ratione cuius convenit fundamento per identitatem, & hoc In est de essentia relationis, & distinguitur ab In fundamenti. Convenit verò relationi ex ratione accidentis, quatenus accidens dicitur omne id, quod non est de essentia rei, non verò ex ratione accidentis Physici. Dices, ergo relatio ut relatio non est ex genere accidentis, cum tamen ponatur unum ex novem generibus accidentium. Respondet. Relationem ut relationem est non esse accidens Physicum, nec sub genere accidentis Physici contineri, sed solum esse accidens Logicum; quia non est de essentia rei cuius est relatio.

Ex dictis infero In, si pro Physica inhzrentia sumatur non esse de ratione Relationis uti Quæst. 7. docuimus, si verò sumatur ut dicit convenire alicui five per inhzrentiam five per Identitatem, sic est de essentia Relationis, ut in præfata Quæst. docemus.

## QVÆSTIO XIV.

*An una numero Relatio possit terminari ad distinctos terminos.*

**E**st celebris controversia inter discipulos D. Thomæ & Scoti. Nam illi cum Scotus 3. parte, quæst. 31. art. 5. affirmant unam numero relationem terminari ad distinctos terminos. Verbi gratia, patrem una numero paternitate referri ad primum, secundum & tertium filium, ita ut nato uno filio, eadem paternitas ex

enda  
relatio  
vento  
pater  
non po  
est in  
matos.  
am cal  
Opp  
minos,  
nam  
nupter  
mero ter  
lino. Sc  
desce:  
di & ter  
dentes  
lus fili,  
am alter  
Confir  
nes, sed de  
relalem  
similiter  
que ad In  
quæ rel  
Tertio  
esset ter  
non, quæ  
est pater  
nem patern  
matrem,  
est cum ter  
est simul na  
terminum el  
tunc tota re  
tali pos  
necesse est.  
Quart.  
al respectum  
non; posteri  
matrem ante  
est nova termi  
natio.  
ad fundam  
accidentis  
tunc duo li



videtur ad secundum, quæ extensio non fit per novum augmentum intrinsecum relationis, sed per suppositionem extrinsecam termini: Sicut eadem turris flante vento est in alio atque alio aëre per suppositionem extrinsecam novi & novi aënis. Probatur verò hanc sententiam ex eo, quod duo accidentia solo numero distincta non possunt esse in uno subiecto: ergo nec ad distinctos numero terminos possunt esse in uno distinctæ solo numero relationes sed una quæ extendatur ad omnes terminos. Antecedens probatur inductione in omnibus qualitatibus Physicis; Duo enim calores integri non possunt esse simul in eodem objecto, nec duæ albedines.

Oppositam sententiam tenent alii cum Scoto, nempe ad distinctos numero terminos, necessario distinctas numero relationes terminari. Primò, Quia respicere terminum est quid essentiale relationi; quare sicut relationi in communi essentiale est respicere terminum in communi, ita huic relationi essentiale est respicere hunc numero terminum: non igitur ad diversos numero terminos erit eadem numero relatio. Secundò Relationes ortæ ex diversis rationibus fundandi & terminandi, sunt diversæ; atque relationes ad diversos terminos oriuntur ex diversa ratione fundandi & terminandi; ergo sunt diversæ. Minor probatur. Quia relatio paternitatis ad diversos filios fundatur in diversa generatione tam activa quam passiva huius & illius filii, similitudo cum albo fundatur in unitate cum hoc albo, similitudo verò cum alio albo, fundatur in alia unitate cum alia albedine.

Confirmatur. Fundamentum est ex se indifferens ad varias fundandas relationes, sed determinatur per rationem fundandi talem vel talem ad fundandam talem vel talem relationem: sic album quatenus unum cum alio albo fundat relationem similitudinis, quatenus diversum à nigro fundat relationem dissimilitudinis. Cum quæ ad diversos numero terminos dentur diversæ rationes fundandi relationem, ipsæ relationes ipsas esse diversas.

Tertio sequeretur relationem esse priorem tempore suo termino, & non cessare esse terminum, contra ea quæ hic docet Aristoteles de proprietatibus relationum, quæ ait esse simul tempore & cognitione. Nam in patre verba gratia prius esse paternitas, quam secundus filius generetur, & mortuo primo filio, adhuc manet paternitas, eadem respectu alterius filii. Nam quod quidam respondent paternitatem, quoad substantiam priorem esse terminum, quoad extensionem simul esse cum termino; hoc facile refellitur: tum quia Aristoteles cum docuit relativa esse simul natura, locus est de relatione quoad substantiam; tum quia respicere terminum est quid substantiale relationi non accidentale, cum in respiciendo terminum tota relationis substantia sit posita; quare non potest substantialiter poni relatio nisi ponatur terminus, nec potest auferri terminus, nisi substantia relationis auferatur.

Quartò. Aliud est formam respicientem extendi ad alium terminum, aliud verò respectum ad hunc terminum extendi ad alium terminum; prius illud est verum; posterius impossibile; quia respectus est terminatio ad talem terminum. Terminatio autem ad aliquem terminum, non extenditur extra illum terminum, sed si est nova terminatio, erit novus respectus, quia respectus nihil aliud est quam terminatio.

Ad fundamentum verò primæ sententiæ respondetur non esse absolute verum, dentia solo numero accidentia solo numero distincta non posse esse in eodem subiecto. Nam multo magis duo lumina à diversis luminosis producta, esse simul in eodem, ut patet ex possunt esse in distinctis eodem.

Scoti sententia.

1.

3.

Instantia solvitur.

4.

Plura acci-

dentia solo nu-

mero distincta

possunt esse in

distinctis eodem.

distinctis umbris. Idem ostenditur in distinctis numero speciebus productis in oculo, à distinctis numero hominibus; singuli enim homines per singulas species proprias videntur. Deinde quamvis id verum esset de accidentibus absolutis non tamen de respectibus: Nam accidentia absoluta non habent aliud munus nisi informandi subiectum, & ideo superflua essent plura in eodem subiecto, quia ab uno accidente, habet plenè esse subiectum. At relativa accidentia & si solo numero distincta sint, non otiose manent simul in objecto, sed habent peculiaria & distincta munera referendi subiectum ad hunc vel illum terminum.

*Extensio relationis impugnat.*

1.

Notandum est. Impossibile est relationem extendi ad novum terminum sine nova relatione: Quia ista extensio ad terminum est formaliter relatio; non enim est quid absolutum, sed ad aliquid; omne autem ad aliquid, est formaliter relatio. Cum igitur nova ponatur extensio ad novum terminum, ponitur ex consequenti nova relatio.

2.

Deinde relatio formaliter est terminatio fundamenti ad terminum. Fundamentum verò ut se habet ad terminum, dicit formaliter relationem. At in hac nova extensione ad novum terminum est nova terminatio; ergo nova relatio.

3.

Tertiò, ista extensio vel est quantitativa, vel formalis: Non primum; quia quantitativa extensio fit per additionem partis ad partem; necesse igitur esset addi novam relationis partem ad novum terminum: Non secundum; Quia forma seipsa extenditur ad diversa subiecta, quatenus eadem numero manens informat diversa subiecta, vel diversas subiecti partes, ut patet in anima rationali extendente se totam ad omnes corporis partes: At si hoc modo relatio dicitur extendi ad plures terminos, non extenditur eadem terminatione, sed diversa, sicut neque forma extendit se ad novam partem eadem numero informatione, sed diversa. Quod si fuerit alia numero terminatio, erit proculdubio alia numero relatio. Sicut igitur impossibile est extensionem hanc fieri sine nova terminatione, ita est impossibile fieri sine nova relatione.

*Exemplum de Turri expenditur.*

Nam quod dicunt esse novam extensionem relationis, non novam relationem. Contra: jam est ostensum, id quod ab istis dicitur, nova extensio, esse novam relationem, cum ad novam relationem non requiratur nisi nova terminatio, & oppositum est ludere verbis & dare sine mente sonum. Quare & exemplum illud de turri quæ fluente vento sine ulla sui mutatione est in alio & in alio aëre, evertit planè istorum sententiam. Nam sicut in turri duo distinguimus, unum absolutum nempe turrim, aliud relativum nempe conjunctionem turris cum aëre; & quidem illud absolutum est indifferens ad omnes illas conjunctiones, cum hoc & illo aëre succedente: respectum verò, nempe conjunctio cum hoc aëre, est quid determinatum ad hunc numero aërem, ita ut illa numero conjunctio sit cum isto aëre, alio cum alio; neque conjunctio cum hoc aëre extenditur extra istum aërem. Ita & in relativis distinguimus duo; unum absolutum nempe formam respicientem, seu fundantem respectum, & hæc est indifferens ad omnes respectus & terminos; aliud autem respectum, nempe ipsum respectum ad terminum, & hunc respectum determinamus esse determinatum ad hunc terminum, nec posse extendi extra illum terminum. Quod verò dicunt sine nova mutatione, solo termino posito, fieri hanc extensionem, respondemus in nostra quoque sententia sine nova accessione posito solo termino acquiri relationem, & tamen negare non possumus esse novam relationem: nam esse novam relationem non est novam relationem.

producti in mundo, sed rem jam productam respectu alterius aliter se habere, quod sit sine ulla novæ rei productione.

## QVÆSTIO XV.

## De proprietatibus Relationes ?

Præmam proprietatem Relativorum ponit Aristoteles, quod habeant contrarietatem; virtus enim vitio contraria est, scientia ignorantia, ex quibus exemplis patet Aristotelem loqui de relativis secundum dici: Nam de Relativis secundum esse adjungit alia exempla, dupli, tripli, quibus nihil ait esse contrarium, Imò in capite de quantitate ex eo probat magnum & parvum non esse contraria, quia sunt ad aliquid; parvum enim respectu magni dicitur parvum & magnum respectu parvi.

*Relativa secundum Dici non secundum Esse sunt contraria.*

Difficultas verò est. An relationes formaliter acceptæ possint dici contrariæ? Ratio dabitur est; Primò, Quia inter relationes invenitur tanta oppositio ut nullo modo possint esse simul in eodem subjecto, ut paternitas & filiatio, ita sibi opposuitur, ut non possint esse in eodem: impossibile enim est patrem esse sui ipsius filium. Porro hanc oppositionem esse veram contrarietatem inde patet; quia verè contraria nihil plus habent nisi quod se excludant ab eodem subjecto.

Secundò similitudo & dissimilitudo non sunt minus contraria, quam albedo & nigredo; pugnant enim secum in eodem subjecto, quod proprium est contrarietatis: deinde cum hæ relationes sint oppositæ, & non sint relativè oppositæ, nec contrariæ, consequens est ut sint oppositæ contrariæ.

Decidendum tamen est. Relationes formaliter acceptas nullo modo esse inter se contrarias. Nam si agamus de relationibus oppositis in ratione termini, ex relationibus habent quidem oppositionem in ratione termini; quia in eodem subjecto se terminant non possunt, verum hæc oppositio non est vera contrarietas: nam vera contrarietas est oppositio naturarum secundum definitionem datam ab Aristotele 7. Metaphysici contraria definit esse illa quæ sub eodem genere maximè distant, hoc est, quæ oppositis sub eodem genere differentiis distant, ut albedo & nigredo sub eodem genere coloris: At in his relationibus non est oppositio naturalis, ergo non est vera contrarietas.

*Relationes non sunt contrariæ.*

*In relativè est oppositio non est vera contrarietas.*

Patet id primò: ex eo quod hæ relationes possunt esse ejusdem speciei. Nam similitudines, duorum alborum oppositæ sibi in ratione termini sunt ejusdem speciei.

1.

Secundò, Quia si aliquando relationes istæ sunt diversæ speciei ut paternitas & filiatio, potest paternitas, Verbi gratia, esse simul in eodem, non quidem cum filiatione opposita, sed cum alia filiatione quæ est ejusdem rationis cum filiatione opposita: Nam pater etsi non possit esse filius sui ipsius, potest tamen esse filius sui patris, quæ duæ filiationes sunt ejusdem speciei. Quocirca sicut paternitas non habet essentialiam & specificam oppositionem cum secunda filiatione: ita nec cum prima. Ex quo sequitur filiationi oppositionem illam in ratione termini esse merè accidentalem, quia sine tali oppositione potest esse filiatio in altero subjecto.

2.

*Oppositio relationi est accidentalis.*

Fundatur autem hæc oppositio in impossibilitate terminorum, in ordine ad mutuam terminationem.

*Qualis sit  
hæc oppositio.*

Quia enim termini quos respiciunt paternitas & filiatio opposita, non possunt eidem convenire respectu ejusdem: idcirco relationes dicuntur esse oppositæ. Porro hæc oppositio in ratione termini potest spectari tam in ipsis relationibus oppositis ut in paternitate & filiatione, quam in relationibus & terminis earum absolutis; Non solum enim relatio non potest stare cum alia relatione opposita, sed etiam cum ipso termino absoluto ad quem terminatur. Quamquam quia non omnes termini correlativi sunt impossibiles, (potest enim idem esse agens & patientia actione immanente) idcirco hæc oppositio in ratione termini non est in omni relatione; & verius dicitur impossibilitas quædam quam oppositio, ut ex dictis patet.

*Similitudo &  
dissimilitudo  
an sint contra-  
ria?*

Si verò loquamur de relationibus sibi non oppositis in ratione termini ut de similitudine & dissimilitudine, dicendum est etiam istas relationes non esse verè contrarias, sed solum impossibiles. Nam similitudo & dissimilitudo vel sumuntur respectu ejusdem fundamenti, verbi gratia, albedinis, & sic sunt impossibiles: quia non possunt in eadem albedine fundari respectu ejusdem termini; non quod sint contrariæ, sed quod albedo non possit esse materia talium relationum, cum dissimilitudo requirat fundamentum contrarium albedini: Si verò sumantur respectu diversorum fundamentorum nempe similitudo fundata in albedine, cum dissimilitudine fundata in nigredine; tunc ejusmodi relationes non erunt contrariæ formaliter in ratione relationis, sed tantum fundamentaliter ratione fundamentorum: ita ut si fundamenta relationum per Dei potentiam ponantur simul in eodem subiecto, nulla erit repugnantia relationum inter se: imò erit optima & naturalis convenientia in eodem subiecto. Si enim Deus ponat albedinem & nigredinem in eodem, idem erit simile albo, quæ album, & dissimile eidem albo, quæ nigrum: esse enim simile & dissimile eidem secundum diversas formas nulla est repugnantia. Itaque solum inter albedinem & nigredinem esset repugnantia; at posita albedo & nigredine in eodem, nulla est inter similitudinem & dissimilitudinem repugnantia, cum in diversis fundamentis sibi non repugnent: solum igitur consecutio ad fundamenta sibi repugnant, non formaliter secundum se: Quia enim sequuntur sua fundamenta, & illis identificantur, sit ut si fundamenta non possint esse in eodem, nec ipsæ relationes possint esse.

Ex quibus patet nullas relationes esse formaliter contrarias: id enim in duplici genere relationum maxime cerneretur, utrumque autem genus à contrarietate vindicavimus. Quidam verò ea ratione probant, relationes non esse inter se contrarias quod contraria respiciunt subiectum à quo se excludunt, relationes vero terminum. Sed hac ratione non concludunt. Nam relatio ut relatio & subiectum ut subiectum & terminum: de ratione enim relationis est ut sit alicujus, ad aliquid relatio; quatenus est alicujus, subiectum respicit, quatenus est ad aliquid, respicit terminum. Quare relictis non obstante eo quod respicit terminum, posset simul esse contraria alteri in subiecto, si aliud quid non obstat.

*Secunda pro-  
prietas.*

*Quæ sit  
primum.*

Secunda proprietas relativorum est quod suscipiant magis & minus; dicimus enim unum esse magis vel minus simile alteri: circa quam proprietatem quæritur solè primò. An relativa propriè suscipiant magis & minus?

Respondet: quædam propriè, quædam impropiè suscipere: propriè suscipiunt

magis & minus quæ per veram intensionem suscipiunt, sicut & in qualitatibus proprie magis & minus est ubi est intensio qualitatum, ut cum dicimus rem magis vel minus calidam: improprie verò quæ citra intensionem aliis rationibus & respectibus dicuntur magis & minus talia: ut cum Aristoteles dicit primam substantiam esse magis substantiam quam secundam, quia est prior in subsistendo.

Porro relatiua quæ intenduntur sunt illa quorum fundamentum est intensibile, & remissibile, vel certè aliqua ratione variabile: sic duo alba per intensionem dicuntur magis & minus similia; quia per veram intensionem dicuntur magis & minus alba: quot enim sunt gradus albedinis, tot sunt gradus similitudinis. Similiter quæ non habent fundamentum intensibile & remissibile, sed tamen aliqua ratione variabile, dicuntur suscipere magis & minus: ut cum duo corpora dicimus magis vel minus æqualia propter maiorem vel minorem quantitatem, magis vel minus distantia propter maius vel majus spatium interpositum.

Secundò queritur an relatiua suscipiant magis vel minus ratione sui, an verò ratione fundamenti?

Respondeo. Dupliciter dici posse relatiua ratione fundamenti suscipere magis vel minus; Primò causaliter quod fundamentum sit causa ut relatiua in se suscipiant magis vel minus; & hoc verum est: nam fundamentum est causa relationis, sicut quod essentiam, ita quoad intensionem. Secundò, formaliter; ita ut in ipsa relatione formaliter non sit magis vel minus, sed solùm in fundamento, & per denominationem factam à fundamento relationi conveniat: & hoc dicimus esse falsum.

Primò quia sæpe relatio suscipit magis & minus fundamento non recipiente magis & minus, sed tantùm variata aliqua ratione: ut cum duæ quantitates dicuntur magis & minus æquales propter maiorem vel minorem quantitatem, ubi majus & minus est in quantitate: in relatione verò est magis & minus.

Secundò. Quia sæpe fundamento suscipiente magis relatio suscipit minus & e contra. Ergo aliud est magis & minus relationis, aliud fundamenti: verbi gratia sunt duo alba similia, & unum augeatur in albedine, diminuetur eo ipso in similitudine, quod est magis albedinis & minus similitudinis.

Tertià proprietatem Relationum est, ut ad convertentiam dicantur, quia uni relationi semper respondet opposita relatio in altero extremo: si tamen convenienti ratione accipiantur, hoc est, sub denominationibus relativis, sub quibus se respiciunt. Sic pater dicitur filii pater, & filius patris filius, ala alati ala, & alatum ala alatum; Monet verò Aristoteles ut nomina si fortè non sint imposita confingantur, ut relationem mutuum terminorum exprimant, ut si dicamus, temonem temonati temonem, & caput capitati caput.

Quarta proprietas relativorum est, quod sint simul natura. Pro quo notandum est primò; ut aliqua sint simul natura, duo requiruntur; primò ut simul sint & non sint, hoc est, ut posito uno, ponatur aliud, sublato uno tollatur aliud, quod est esse simul naturæ consequentia; Est enim bona consequentia à subsistentia unius ad subsistentiam alterius, Secundò, ut unum non sit causa alterius: Nam ut docet Aristoteles in Postprædicamentis, capite priori, si aliqua sint simul subsistendi consequentia, sed unum sit causa alterius, non erunt talia simul natura; id enim quod est causa alterius, est prius natura altero; causa enim est prior natura suo effectu, cum effectus præsupponat causam, sic rationale & risibile sunt simul subsistendi

*Quædam relatiua proprie suscipiunt magis & minus. Quædam improprie.*

*Quæritur secundum.*

*Relatio ratione sui non fundamenti recipit magis & minus.*

*Aliud est magis Fundamenti, aliud Relationis. Tertià proprietas.*

*Quarta proprietas, ut sint simul natura duo requiruntur.*

consequentia, non tamen sunt simul natura : quia rationale est causa rationalis.

Notandum est secundò. Relativa idè esse simul naturà, quia sunt simul subsistendi consequentia, & unum non est causa alterius. Posito enim uno relativo ponitur & aliud ; si quidem positis duobus, ex iisdem extremis utraque relatio necessario oritur ; posito enim fundamento & termino fundamentum unius relationis, est terminus alterius relationis, & terminus unius relationis est fundamentum alterius, ut patet in duobus albis. Vnde correlativa necesse est esse simul subsistendi consequentia.

*Unum Relativum non est causa alterius quia Relatio non est causa Relationis.*

Quod verò unum relativum non sit causa alterius patet ; dupliciter enim relativum sumi potest. Primò, materialiter ratione fundamenti, secundò formaliter ratione relationis ; Licet ergo ratione fundamenti possit esse prius suo correlativo, quia fundamentum suo modo potest esse causa tam relationis quàm termini, nam causa est causa tam suæ relationis ad effectum, quàm termini & ex consequenti relationis consequentis in termino : tamen si sumatur formaliter secundum relationem, non est causa sui correlativi ; una enim relatio non causat alteram oppositam, sed utraque causatur ex fundamento & termino.

*Relativum materialiter potest esse prius correlativo non formaliter.*

Ex qua doctrina solvi possunt argumenta opposita. Nam cum obijciatur primò : prius & posterius esse relativa, quæ tamen non sunt simul natura, cum alterum sit prius alterum posterius, Respondeo. Materialiter quidem posse existere id quod est prius, antequam existat id quod est posterius : at formaliter & relativè non existit sub ratione prioris, nisi existat posterius : non existit enim relativè nisi habeat terminum actum ad quem referatur. Similiter respondendum est cum obijciatur primum esse prius natura filio, & causam suo effectui, quæ tamen sunt correlativa ; materialiter enim ista sunt priora, formaliter verò ut relativa sunt, sunt simul natura.

Obijciatur secundò, scientia refertur ad scibile, sensus ad sensibile ; & tamen scibile prius est scientia, sensibile sensui. Respondeo cum Aristotele ; cum relativa dicuntur simul natura, sumuntur secundum rationes relativas : quare ubi non erunt utrinque relationes, ibi non requirendum est, ut sint simul natura. Id quod accidit in relativis tertii modi, in quibus ex una tantum parte est relatio, ex altera non. Scientia enim dicit relationem ad scibile, scibile verò non dicit relationem realem ad scientiam, sed dicitur scibile, quia scientia est ad ipsum.

Dices saltem si proportionaliter sumantur, erunt simul natura ut si sumatur scientia in potentia erit simul cum scibili in potentia, & scientia in actu cum scibili in actu. Respondeo ista non sunt à parte rei sed suppleantur ab intellectu concipientis scibile, cum relatione ad scientiam : relativa verò dicuntur simul natura quoad realem existentiam relativam : quomodo relativa tertii modi non sunt simul natura secundum Aristotelem. Et rationem. Quia relativa tertii modi ideo referuntur ad suum correlativa, quia alia referuntur ad ipsa : nam ad scientiam refertur scibile, quia scientia est de ipso, quod arguit prius natura scientiam referri ad scibile, quàm scibile ad scientiam.

Quinta proprietas est, relativa esse simul cognitione, ut qui definitè novit unum, cognoscat & aliud, quod non ita intelligendum est ut unum relativum sit de conceptu formali alterius, nec possit concipi nisi conceptu altero ; hoc enim est falsum ; cognito enim fundamento & termino, quæ sunt quædam absoluta cognitiones, sufficenter relatio etiam si opposita relatio vel non sequatur vel non apprehendatur. Sicut enim à solo fundamento & termino habet esse relatio : ita nihil aliud

ad sui cognitionem requirit. Intelligendum igitur est concomitanter, quia cognitio fundamenti & termino, necesse est utramque relationem simul cognosci; non quod una sit de conceptu alterius; sed quod utraque æque ex fundamento & termino innoscatur; fundamentum enim unius est terminus alterius, & terminus unius est fundamentum alterius.

*Sunt simul cognitione concomitanter.*

Quod si quæras an unum relativorum definiri debeat per aliud: Respondeo non esse necesse; satis enim est si definatur per suum terminum formalem, qui est quid absolutum. A termino enim habet suam essentiam, & ex consequenti definitionem. Relatio verò opposita, est quid accidentale termino. Verum etsi non sit necesse potest tamen unum relativum poni in definitione alterius; si enim definitio dari potest per effectum vel proprietatem, cur non possit dari per correlativum?

*An unum Relativum defini debeat per aliud.*

Atinques. Definitio debet esse notior definito; per definitionem enim cognoscitur definitum: atqui correlativum non est notius, sed æquè ignotum ac definitum: non igitur poni potest in definitione. Deinde ipsum correlativum quod ponitur in definitione cognoscitur ex altero correlativo, ex quo sequeretur quidam circulus in definitione & unum definiretur per alterum & ex consequenti per se ipsum.

*Quomodo definitio notior definito.*

Respondeo. Definitio quidem debet esse notior definito, non tamen quicquid est in definitione debet esse notius; sed satis est ut sit æquè notum, vel non ignotum. Quia enim definitio est explicatio definiti, & quod in definito continetur confuso, in definitione continetur distinctè; necesse est definitionem esse notio-riorem definito, ut distinctum confuso, correlativum verò non est tota definitio, sed pars quidam: Satis igitur est ut sit æquè notum.

Quod si quæras unde tunc petatur cognitio utriusque correlativi si utrumque est æquè ignotum.

Respondeo. Ex cognitione fundamenti & termini; ex horum enim cognitione æquè innoscitur utrumque correlativum. Neque verò circulus semper in definitionibus vitiosus est, sed solum tunc, cum ignotum definitur per ignotum: quod si definitur per æquè notum, non erit vitiosus talis circulus: quia tota definitio erit notior suo definito, eo modo quo distinctum est notius confuso, quo etiam modo circulus in demonstrationibus permittitur ut patet ex l. Post. Neque etiam sequitur idem definiri per se ipsum, sed per id quod est æquè & simul notum cum ipso.

*Circulus in definitionibus quando vitiosus.*





## DISPUTATIO XI.

## De qualitate &amp; sex ultimis prædicamentis.

## QVÆSTIO PRIMA.

*An qualitas sit speciale genus prædicamenti?*



Idetur enim qualitas esse quid transcendens, & vagari per omnia prædicamenta: omnis enim forma tam substantialis quam accidentalis est qualitas. Qualitas enim est id à quo res dicitur talis vel talis: hoc autem convenit omni formæ. Nam & differentia essentialis prædicatur in quale, & dicitur qualitas essentialis, & omne accidens dat subjecto tale vel tale esse, quæ ob causam dici potest qualitas subjecti.

*Rationes dicentium qualitatem non posse constituere genus prædicamenti.*

Deinde. Eût sit qualitas speciale genus entis: adhuc tamen non potest constituere genus prædicamenti; nam omne genus habet aliquas differentias essentielles, per quas contrahatur: atqui qualitas nullas habet differentias essentielles: Ergo non est genus prædicamenti. Minor probatur. Nam hæ differentiæ, vel erunt qualitates vel quid à qualitate distinctum: si sunt qualitates; ergo non sunt differentiæ, qualitates contrahentes; quia differentia debet esse extra rationem generis, & genus non debet de differentia prædicari: si verò sunt quid distinctum à qualitate; Ergo qualitates solum secundum rationem genericam erunt qualitates, secundum vero rationem specificam non erunt qualitates. Quod falsum esse ex eo patet; quia res dicuntur tales magis à ratione specifica, quàm à ratione generica. Dicuntur enim tales propter determinationem, determinatio autem magis provenit à ratione specifica quàm à generica.

*Qualitas est speciale genus prædicamenti.*

Dicendum tamen est qualitatem esse speciale genus prædicamenti. Speciale quidem; quia etsi qualitas late accepta significet quæcumque determinationem live essentialem sive accidentalem; tamen strictè accepta significat solum determinationem

nomem accidentalem. Et quamvis omne accidens suo modo determinet subiectum, non tamen omne accidens denominat subiectum simpliciter quale. Nam quantitas propriè loquendo denominat quantum, relatio denominat relatum, seu habens se ad aliud : sola verò qualitas eam denominationem tanquam propriam obtinet, ut simpliciter & absolute denominet subiectum quale, ita ut ad interrogationem factam per quale respondeatur propriè per solam qualitatem. Quanquam enim communi ratione cætera quoque accidentia dicantur qualitates ; tamen quod aliis præterea modis denominant subiectum, verbi gratia, quantum, vel relatum, non dicuntur simpliciter qualitates, solumquæ ea accidentia dicuntur simpliciter qualitates, quæ non aliis modis denominant subiectum, nisi in quale ut calidum, album, circulare.

Quod verò qualitas constituat verum genus prædicamenti patet ex eo quod univoce dicitur de suis speciebus. Nam quamvis Simplicius vult dividi qualitatem ab Aristotele in suas species, ut Analogum in analogita, Scotus verò tanquam in diversos modos qualitatibus : quia nimirum eadem qualitas diversis modis accepta potest esse in variis speciebus qualitatibus, & tamen non erit nisi una qualitas, non multæ qualitates ; Idem enim calor est & passibilis qualitas, quia passionem infert sensui, & naturalis potentia, quatenus est potentia calefactiva, & habitus, quatenus bene vel male afficit subiectum ; tamen hæc ratio concludit solum has quatuor species esse tales, non verò si qualitas sumatur respectu specierum suarum essentialium, verbi gratia, Respectu caloris, coloris, saporis ; sic enim est genus non analogum sed univocum : Nam quod obijciatur omnes species qualitatibus non solum secundum gradum genericum, sed etiam secundum gradum specificum esse qualitates : Ex quo fit, ut ratio qualitatis sit fusa per omnes gradus qualitatis, & proinde analogicè non univoce de illis dicatur ; Genus enim univocum non dicitur de suis differentiis : Ad respondendum qualitatem accipi posse dupliciter : Primò, late, ut dicitur de qualitate completa & incompleta : Secundo, strictè, ut dicit solum qualitatem completam : Igitur qualitas primo modo dicitur analogicè, quia prædicatur etiam de differentiis qualitatibus ; Secundo verò modo dicitur univoce quia non dicitur de differentiis, cum differentiæ non sint qualitates complete. Porro si sumatur qualitas respectu specierum non essentialiter sed per varios modos distinctarum, sic est vera sententia Scoti, nempe qualitatem dividi in species accidentales, hoc est, secundum modum varios accidentales consideratos. Tales sunt species quas Aristoteles hic ponit, quas non distinguit per aliquas differentias essentielles qualitatibus, sed solum per accidentales. Cujus signum evidens est, quòd una species qualitas potest in pluribus speciebus ab Aristotele positis reponi ; si enim hæc species essentielles essent, & essentielles in genere qualitatibus differrent, non posset una qualitas in multis speciebus poni ; una enim species qualitatibus, non habet nisi unam essentialiam, & unam rationem essentialem qualitatibus, verbi gratia, calor est una simplex qualitas, & una essentialis, & tamen ponitur in prima, secunda, & tertia specie qualitatibus : Si igitur hæc tres species essentielles essent, sequeretur calorem habere non unam sed triplicem essentialiam, & esse triplicem qualitatem non unam.

Dices esse unam qualitatem realiter, multas formaliter. Contra : quia calor in specie caloris non habet nisi unam essentialiam : quæ tamen secundum varios respectus considerari potest, nempe ut bene vel male afficit subiectum, ut confert subiecto naturalem potentiam ad calefaciendum, ut passionem infert sensui ; hæc enim

*Qualitas univoce dicitur de suis speciebus.*

*Quæ aliter accipitur dupliciter.*

omnia præstat calor per unicam suam essentiam & differentiam essentialem caloris: Quare sicut non est triplex calor, sed unus tria faciens, ita non est triplex qualitas, sed una triplici modo considerata.

Sed objicies, *Habitus & naturalis potentia sunt veræ & essentielles species qualitatis constitutæ per differentiam essentialem in specie qualitatis*, per quam etiam essentialiter differunt, ut patet in habitibus intellectus & voluntatis, quia essentialiter differunt à naturali potentia intellectus & voluntatis; ergo non sunt dicende species accidentales qualitatis.

Respondeo dictas species qualitatis esse quidem in se, veras & essentielles species qualitatis, sed non sub illis considerationibus, sub quibus ab Aristotele considerantur & distinguuntur. Verbi gratia, Calor quatenus est in specie caloris determinatus per differentiam essentialem caloris, est vera & essentialis species qualitatis, quatenus verò est possibilis vel benè aut malè afficiens subiectum, sic est in specie accidentali qualitatis. Nam hæ rationes sunt accidentariæ qualitati, & consequenter ad rationem ipsius essentialem, non verò sunt ratio ipsa essentialis; cujus signum est quod eadem specie qualitas potest inducere omnes illas rationes & esse simul & habitus & naturalis potentia, & possibilis qualitas. Quocirca cum habitus & naturalis potentia, differunt essentialiter, non differunt præcisè, per rationem habitus, & rationem naturalis potentie, quia istæ duæ rationes in unam specie qualitatem cadere possunt, ut patet in calore, qui simul est & habitus & naturalis potentia, sed differunt essentialiter per alias differentias qualitatis, essentielles per quas essentialiter constituuntur in diversis speciebus qualitatis, non iis quidem quas posuit Aristoteles, sed quæ assignari possint abstrahendo ab omnibus modis & differentiis accidentalibus qualitatis.

Ad primam rationem dubitandi patet ex dictis; sumitur enim hic qualitas non pro omni forma determinante, sed solum pro forma accidentali, quæ simpliciter & absolute denominat subiectum tale.

Ad secundum Respondeo, Differentias Qualitatis non esse Qualitates, sed rationes formales constitutivas Qualitatum. Sicut differentia hominis non est homo, sed ratio formalis constitutiva hominis.

## QVÆSTIO II.

### De prima specie qualitatis?

*Prima species qualitatis est habitus & dispositio. Habitus & dispositio conveniunt in una ratione communi qualitatibus.*

**P**rimam speciem qualitatis ponit Aristoteles habitum & dispositionem, in qua specie collocari vult omnes eas qualitates quæ benè vel malè afficiunt subiectum, vel per modum habitus, si sint permanentes, & difficilè mobiles, vel per modum dispositionis, si sint facilè mobiles.

Dico igitur Primò, Habitum & dispositionem convenire in una ratione communi qualitatis, ratione cujus pertinent ad primam speciem qualitatis. Ratio est: Quia si non convenirent in una ratione communi, non essent una species, sed duæ, & quæ differret habitus à dispositione, sicut à naturali potentia, quia æquè cum una aut cum altera conveniret solum in genere generalissimo qualitatis: si igitur

una species constituitur per unam rationem specificam, etiam in prima specie qualitas debet assignari una ratio specifica conveniens habitui & dispositioni, & designans primam speciem ab aliis speciebus.

Dico secundò. Hæc una ratio communis habitui & dispositioni secundum Aristotelem est ratio qualitatis bene vel male afficientis subiectum quæ quidem qualitas bene vel male afficiens subiectum, si sit difficile mobilis, & bene radicata in subiecto, dicitur habitus, si verò sit facile mobilis, & leviter inhaerens subiecto, dicitur dispositio.

Paret id tum ex doctrina & exemplis Aristotelis hoc loco, tum ex 4. Metaphys. textu 10. Vbi hoc clarè docet: tum ex ratione; quia in habitu hoc propriè spectatur ut bene vel male afficiat subiectum, idque firmiter, ut patet in habitibus virtutum & scientiarum, & habitu corporis, sanitate, ægitudine. Porro hanc unam rationem communem vocat Aristoteles hoc loco dispositionem, cum ait, habitum & dispositionem, non è contra; quia per habitum disponitur bene vel male subiectum. Sciendum igitur est dispositionem dupliciter accipi: Primò in communi pro qualitate bene vel male afficiente subiectum, abstrahendo ab hoc quòd sit facile vel difficile mobilis, & sic est veluti genus ad habitum & dispositionem; Secundò pro qualitate bene vel male afficiente subiectum & leviter inhaerente subiecto, ut ut facile sit mobilis à subiecto, & sic distinguitur ab habitu intra latitudinem primæ speciei.

Quod si quæras an hæc ratio communis habitui & dispositioni sit utrique essentialis? Respondeo non esse essentialem; quia bene vel male afficere subiectum est proprietas consequens essentialiam qualitatis, non ipsa essentialis qualitatis. Paret id manifestè, ex eo quòd eadem essentialis qualitas, unum subiectum bene afficit, aliud male. Nam calor, verbi gratia, ignem subiectum suum connaturale bene afficit, lapsum destruit. Deinde bonitas non est de essentialia entis, sed propria passio; ergo & bonitas qualitatis non est essentialis qualitatis, sed proprietas. Quare calor, verbi gratia, non per hoc formaliter est calor, & in specie caloris, quòd bene vel male afficit subiectum, sed idèò bene vel male afficit, quia est talis essentialis, cui hæc proprietas convenit. Ex quo patet rationem propriam primæ speciei qualitatis esse bene vel male afficere subiectum, eamque esse rationem accidentalem qualitatis, & contrahit qualitatem ad habitum ad dispositionem per differentias accidentales, nempe per esse facile vel difficile mobilem. Nam etsi habitus & dispositio sint essentialis speciei qualitatis, quia sunt accidentia quædam Physica quibus convenit ratio habitus & dispositionis, tamen ut his nominibus designantur, sub speciebus accidentalibus continentur.

Dico tertio. Habitum à dispositione non differre essentialiter, sed accidentaliter, ut perfectum & imperfectum. Ita multi recentiores cum Aristotele hoc loco, quæ ut dispositionem fieri habitum, quando ex facile mobili diuturnitate temporis fit immobilis, ut calor febrilis diuturnitate temporis vertitur in calorem hecticum, qui difficile est mobilis. Et ratio est. Quia immobilitas habitus non sumitur ab essentiali, sed ab aliqua accidentali proprietate, nempe à maiori intentione & radicatione in subiecto, unde fit ut eadem qualitas diuturnitate temporis vel frequentatione actuum magis confirmata in subiecto, ex dispositione fiat habitus.

Pro quo notandum est habitum hic accipi, non tantum pro habitu operativo, *Habitus hic*

*Quæ sit ratio communis habitui & dispositioni.*

*Dispositio dupliciter accipitur.*

*An ratio communis habitui & dispositioni sit essentialis?*

*Habitus à dispositione differre accidentaliter.*

*accipitur tam  
pro habitu o-  
perativo quàm  
non operativo.*

*Habitus opera-  
tivus potest di-  
ci difficile mo-  
bilis duplici-  
ter.*

ut sunt habitus intellectus & voluntatis, qui sunt promptitudines quædam & facilitates ad agendum ex actibus frequentatis acquisite, sed pro omni habitu tam operativo quam non operativo, qui sit qualitas bene vel male efficiens subiectum, live in se live in ordine ad operationem dummodò sit difficile mobilis.

Notandum est secundò, Habitum operativum posse dici difficile mobile dupliciter. Primò ex parte objecti, quatenus innititur alicui rationi formali immutabili, quomodo scientia etiam in minimo gradu dicitur difficile mobilis, quia innititur medio necessario, quod est ratio assentiendi conclusioni: Secundò ex parte subiecti, quod provenit ex majori intensione, ratione cuius habitus firmius innititur subiecto; quia plures gradus entitatis habet in subiecto & propterea difficilius tollitur, & non nisi à contrario potentiori. Quidam igitur censent aliquos habitus operativos ex sua essentia esse difficile mobiles, ac proinde essentialiter differre tam à dispositione, quam est ex sua essentia facile mobilis quàm ab aliis habitibus, qui non ex sua essentia, sed ab aliis causis extrinsecis sunt difficile mobiles, nempe vel ex intensione majori, vel ex diuturnitate temporis, vel ex similibus aliis causis. Quare scientiam dicunt esse habitum essentialiter, quia ex sua essentia est difficile mobilis, etiam in minimo gradu; scientia enim etiam in minimo gradu innititur rationi certæ & evidenti, quam impossibile sit aliter se habere: Habitus verò erroris quantumvis sit intensus, ex sua essentia est facile mobilis, quia innititur rationi fallæ & mutabili, licet ex accidenti, propter intentionem difficile moveatur.

*In habitu so-  
lùm considera-  
tur immobili-  
tas ex parte  
subiecti.*

Nos verò dicimus primò ad rationem habitus parum facere immobilitatem ex parte objecti, sed solum in habitu considerari immobilitatem ex parte subiecti, undeque ista immobilitas proveniat live ex essentia live ex accidenti, quare si cum immobilitate ex parte objecti conjungatur etiam immobilitas ex parte subiecti, sic immobilitas ex parte objecti per accidens facit ad rationem habitus, alioqui per se sola non sufficit. Patet id primò ex doctrina Arist. qui semper immobilitatis ex parte subiecti meminit. Secundò quia actus scientiæ est niagis immobilis ex parte objecti quàm habitus, quia habitus solum in potentia actus verò in actu ipso, & tamen actus scientiæ proculdubio est facile mobilis ex parte subiecti ad natum intellectus, qui facile potest cessare ab actu. Unde propter hanc immobilitatem ex parte objecti actus non potest censeri habitus; immobilitas enim ex parte objecti solum facit ut intellectus non possit dissentire & contrario assentiri, non verò causat immobilem existentiam actus vel habitus in subiecto.

*Nullus habi-  
tus ex sua es-  
sentia est im-  
mobilis à sub-  
iecto.*

Deinde dicimus nullum habitum ex sua essentia esse immobilem à subiecto. Nam si habet contrarium est æquè facile mobilis à contrario, sicut calor & quævis alia qualitas habens contrarium. Quare si habitus erroris ponatur in intellectu tam facile destruet habitum scientiæ sicut quodvis contrarium destruit suum contrarium, si verò non habeat contrarium ex accidenti est immobilis, quia non habet à quo destruat: si enim adesset contrarium æquè facile tollitur sicut alia accidentia tolluntur à suis contrariis, sic potentiæ animæ & accidentia ab essentiis rerum difficile auferuntur, sed ex causa extrinseca nempe ex subiecto quod illa conservat suo influxu. Quare si accidentia fluentia ex essentia habeant contrarium, possunt hoc non obstante facile auferri à subiecto: sic frigus emanat ab essentia aquæ, & tamen facile tollitur per calorem contrarium. Ex quo patet quod licet immobilitas ex parte objecti possit dici essentialis habitui, quia est proprietas consequens

essentiam

essentiam habitus; Habitus enim sumit essentiam ab objecto; tamen hæc immobilis non constituit rationem formalem habitus, sed sola immobilitas ex parte subjecti, quæ quia non oritur ex essentia non potest dici essentialis; oritur enim ex aliis causis extrinsecis. Quocirca habitus secundum rationem formalem habitus non differt essentialiter à dispositione; habitus enim est habitus ratione immobilitatis ex parte subjecti, quæ est differentia habitus accidentaliter non essentialiter.

Sed obijciat. Ex dictis videtur sequi omnes qualitates reponi posse in prima specie qualitatibus: quia omnes qualitates sunt facile vel difficile mobiles, ac proinde facile vel habitus vel dispositio. Respondeo ad constituendam primam speciem Qualitatis quatuor convenire. Primo quod sit qualitas efficiens bene vel male subiecti. Secundo quod sit facile vel difficile mobilis. Vtrumque est de ratione primæ speciei, non quidem in ratione Qualitatis, sed in ratione primæ speciei; in eo enim distinguitur à reliquis speciebus. Nam etsi aliæ species quoque possint bene vel male efficere subiectum, tamen in istis hoc non consideratur quod bene vel male efficiant, sed quod efficiant vel per modum naturalis potentie, vel per modum passibilis qualitatibus, vel per modum figure. Itaque singulæ species habent singulas rationes proprias secundum quas considerantur & constituunt distinctas species qualitatibus. Simili ratione licet quoque aliæ species sint facile vel difficile mobiles, rationem id in eis non spectatur, sed tantum in prima specie. Quocirca non possunt omnes species qualitatibus poni in prima specie formaliter loquendo: Tum quia habent rationes formales diversas; tum quia non omnibus convenit ratio primæ speciei. Deinde licet late loquendo omnes qualitates bene vel male efficiant; tamen propriè & strictè loquendo non omnes; sunt enim quædam qualitates quæ ad hoc speciali ratione ordinantur ut secundum illas dicatur subiectum bene vel male habere, vel in anima ut per scientiam, & errorem, per virtutes & vitia; vel in corpore, ut per sanitatem & infirmitatem; non nego tamen eandem qualitatem essentialiter reponi posse in variis speciebus, licet sub ea ratione accidentali sub qua ponitur in una non possit poni in altera.

## QVÆSTIO III.

## De tribus aliis speciebus qualitatibus

Quandam speciem Qualitatis ponit Aristoteles in naturali potentia vel impossibilitate, quæ est qualitas ratione cuius dicimus à natura potentes ad aliquid faciendum vel patiendum vel ad resistendum, ut cum dicimus aliquem currem, qui est à natura potentiam ad bene currendum, salubrem qui non facile patitur qualitates imperfectiones adversas, in salubrem è contra qui facile patitur; similiter dicimus aliquid durum, quod est potens ad resistendum divisioni, molle quod est im-  
*Secunda species qualitatibus naturalis potentia vel impossibilitas.*  
 permeabile, & facile cedit divisioni. Quidam requirunt etiam ut hæc potentia non sit artificialis sed naturalis: Nam acquisitæ potentie sunt habitus vel dispositiones; peranes enim acquisitas multa possumus quæ sine artibus non poteramus. Verum dicimus id non requiri; Habitus enim diverso modo ad primam & ad secundam speciem

speciem spectare possunt. Ad primam sub ratione qualitatis bene vel male efficientis subiectum : Ad secundam sub ratione potentiae vel impotentiae. Vtrique autem speciei per accidens est, quod sit qualitas naturalis vel acquisita. Nam in prima solum spectatur quod bene, vel male afficiat subiectum, mobiliter vel immobiler. Quare habitus si sit à natura insitus, erit vere in prima specie qualitatis. Sic calor est in prima specie, quamvis sit innata qualitas ignis, quia bene afficit subiectum : Sanitas etiam innata ad primam speciem spectat. In secunda etiam species spectatur solum potentia vel impotentia ad aliquid faciendum, patiendum, resistendum, sive ea potentia sit acquisita, sive à natura insita : Nam durum & molle pertinet ad secundam speciem etiam si sint acquisita : Similiter robur acquisitum & debilitas acquisita. Cum vero secunda species dicitur naturalis potentia, non censensur dicitur naturalis ut opponitur acquisitae, sed ut opponitur praeternaturali, ut ex natura talis qualitatis oriatur illa potentia, sive ea qualitas sit à natura insita, sive aliunde acquisita, in quo sensu non dicitur in lapide esse naturalis potentia ad ascendendum sursum, quia hanc potentiam habet lapis non à qualitate aliqua naturaliter id praestante, sed ab extrinseco agente movente illum sursum.

*Naturalis impotentia non accipitur solum negativè.*

*Potentia & impotentia non tam ex vocibus quam ex significatione aestimanda est.*

*Potentia naturalis & impotentia differantne specie?*

*Tertia species qualitatis est passio & passibilis qualitas.*

Porro cum dicitur naturalis impotentia, non accipitur solum negativè ut dicitur negationem potentiae; sic enim non esset species qualitatis, cum negatio non constituit ullius rei speciem; sed dicitur impotentia positiva ad quam sequitur negationem potentiae, sive omnis potentiae sive perfectae potentiae. Sic mobile dicitur impotentiam ad resistendum id est imperfectam potentiam; sic debile, infirmum, fragile, & similia, incorruptibile vero dicitur negationem omnis potentiae ad corruptionem.

Notandum etiam est rationem potentiae & impotentiae non tamen ex ratione quam ex significatione aestimandam esse : Saepè enim dicitur potentia quae vere impotentia est, ut in vitro fragilitas quae potest frangi, est potius impotentia, quia non potest resistere fractioni : Potentia item peccandi est potius impotentia resistendi malo. Saepè etiam dicitur impotentia quae vere potentia est, ut impassibilitas, immortalitas, incorruptibilitas, quae potius potentiae dicendae sunt.

Quod si queras, an potentia naturalis & impotentia differant specie? Quidam ajunt differre solum sicut perfectum & imperfectum : Naturalis enim impotentia est imperfecta & debilis potentia. Alii vero distinguunt. Nam si impotentia excludat omnem potentiam, differt ab ea specie, quomodo corruptibile & incorruptibile differunt specie : si vero excludit solum perfectam potentiam, non autem omnem potentiam, sic differunt ut perfectum & imperfectum.

Dices molle & durum differunt secundum potentiam & impotentiam imperfectam, & tamen differunt specie. Respondeo : ut demus mollium differre specie a duris; in genere entis, non tamen differt specie in genere potentiae; quia in genere potentiae est potentia imperfecta, quomodo etiam hebetudo & acumen ingenii non differunt specie; hebetudo enim dicitur potentiam ingenii imperfectam, acumen perfectam.

Tertiam speciem qualitatis ponit Aristoteles passionem & passibilem qualitatem. Vocat autem passibilem qualitatem, quae vel passionem infert sensui, ut sunt objecta sensuum, vel ex passione & alteratione corporis oriuntur, ut rubedo in vervecundia, vel pallor in timore. Et licet colores oriuntur etiam in rebus non sentientibus & sine ulla passione quae sentiat; tamen illa alteratio & permissio qualitatum ex qua oriuntur colores est apta passionem sensitivam inferre subiecto, si subiectum



quis sit capax. Ex quo patet passionem à qua denominatur passibilis qualitas, esse passionem, quæ infertur sensibus per alterationem materialem in organis, qualis alteratio fit in sensu tactus, gustus, & odoratus, horum enim sensuum obiecta non solum injiciunt speciem intentionalem in sensus, sed etiam alterant & immutant materialiter organa horum sensuum, mutando illorum temperiem & complexionem. Et idcirco Aristot. postquam obiecta horum trium, dixit esse passibiles qualitates, eo quod passionem inferant sensibus, ut calor, sapor, odor, negavit hoc de coloribus, non enim passionem inferunt visui, cum eum non alterent materialiter, nisi aliquando per accidens, si sint coniuncti cum alia qualitate alterante, sic lumen in igne conjunctum calori alterat visum. Quare negat colores eo sensu dici qualitates passibiles, sed alio, quia nimirum ex materiali passione oriuntur. Distinguit autem Aristot. qualitates passibiles: Nam si leviter inhaereant, & facile transeant, dicuntur passionem, si vero sint permanentes & diuturnæ dicuntur passibiles qualitates, quæ enim erubescat ex verecundia, non dicitur rubens absolute sed passus ruborem, si quis verò permangentem habet ruborem, absolute dicitur rubens.

Quoniam Physicè loquendo rubor ex verecundia & rubor congenitus, sunt eadem speciei, & non nisi accidentaliter differunt, prout ex diversis causis oriuntur.

Non solum autem sunt in corpore passibiles qualitates, sed etiam in anima. Nam etiam in anima oriuntur effectus ex passione & alteratione corporea, ut ira, gulum, amor, tristitia, amor; Hi enim affectus sensiovi nunquam excitantur in animo, nisi excitata aliqua altera ratione in corpore, cum sint actus animæ à corpore & organo dependentes. Tales etiam sunt affectiones mentis, ut amentia, obliuio, mentis alienatio, quæ ex organi alteratione aliqua proveniunt. Et quidem si leviter inhaereant, dici vult Aristot. passionem, si vero sint diuturnæ, passibiles qualitates.

Quod si obijcies affectus istos esse actiones mentis, & in prædicamento actionis reponendos. Respondeo in actione duo considerari: Primum actionem, secundum terminum, qui est effectus actionis; ratione primi, affectus spectant ad prædicamentum actionis, ratione secundi spectant ad prædicamentum qualitatis, quia sunt qualitates quædam productæ.

Quædam speciem qualitatis ponit Aristot. figuram & formam. Porro figura non est terminus quantitatis, sed terminorum quantitatis dispositio: v.g. circularis vel triangularis figura est terminorum quantitatis seu linearum certa dispositio: terminus enim abstrahit à tali vel tali figura, & sicut variè disponitur, ita varias rationes figuræ induit; eadem enim linea rectè disposita fit circularis, triangularis, curvæ, recta. Dices ista dispositio terminorum cum sit in ordine ad locum non distinguitur à situ Respondeo non esse dispositionem in ordine ad locum (sic enim ad locum spectaret) sed esse dispositionem terminorum in ipsa quantitate, quo modo dispositio facit figuram.

Forma verò exterior (hæc enim hoc loco intelligitur) differt à figura. Primum in significato materiali: quia figura spectatur in sola quantitate ut quantitas est abstrahendo ab omni materia, forma autem in re aliqua vel naturali vel artificiali. Vnde Mathematica non dicitur considerare formas sed figuras, quia considerat solam quantitatem in abstracto cui convenit figura: Formam autem consideramus determinatam materia: v.g. in homine, in scanino, & similibus: Secundum in formali

D d

significato,

*Etiam in anima sunt passibiles qualitates.*

*Duo in actione considerantur.*

*Quarta species qualitatis est figura & forma.*

*Forma exterior differt à figura.*

*In significato materiali.*

2.  
*In significato  
formali.*

significato, quia forma præter figuram videtur induere alia etiam quæ ad exteriorem pulchritudinem faciunt, ut præparationem membrorum, & colorum suavitatem: Sic enim Tullius describit pulchritudinem, ut sit apta membrorum figura cum coloris quadam suavitate. Hinc est quoddam formosus dicimus non a sola figura sed à proportionem & colorum pulchritudine. Quare sicut figura est qualitas quædam & figura quantitatis, ita forma est qualitas quædam & pulchritudo figuræ in proportionem figuræ & colorum consistens. Ex quo patet formam ut distinguitur à figura non esse simplicem qualitatem sed aggregatam ex multis. Posuit autem formam Aristoteles inter species qualitatis, vulgarem ea de re opinionem secutus.

## QVÆSTIO IV.

### *De sex ultimis prædicamentis.*

*Opinio triplex  
de ratione for-  
mali sex reli-  
quorum præ-  
dicamentorum.*

In hac quæstione explicandum est in quo consistat ratio formalis sex reliquorum prædicamentorum de quibus triplex est opinio. Prima Scoti in 4.d. 13. q. 1. sex ultima prædicamenta esse relationes extrinsecus advenientes: Nam relationes intrinsecus advenientes Scotus eas esse ait quæ posito fundamento & termino necessario consequuntur, scilicet ex natura terminorum absolute, ut positis duobus alibi quantumvis à se distantibus, necessario consequitur inter illa similitudo, eorum relationes aut spectare ad prædicamentum relationis. Relationes vero extrinsecus advenientes eas vocat, quæ posito fundamento & termino non necessario consequuntur, ut posito agente & passio, non statim sequitur relatio agentis & passi, nisi sibi debite uniantur. Similiter locus non refertur ad locatum nisi ei unius, & hæc relationes aut spectare ad sex ultima prædicamenta, quæ nihil aliud dicunt, quam nexum quandam duorum extremorum inter se qui nexus est relatio.

Quod si objicies utraq; relationes tam intrinsecas quam extrinsecas pertinere ad unum genus relationis. Respondent quidam, verum id esse si ex natura rei loquamur. Verum sicut omnia accidentia etsi sub uno genere accidentis continentur, commodioris tamen doctrinæ causa sunt in novem genera distributa, ita etiam relationes extrinsecæ, etsi sub eodem genere relationis continentur cum relationibus intrinsecis, tamen commodioris doctrinæ causa sunt in variis genera prædicamentorum distributæ, propter peculiare modos afficiendi & denominandi primam substantiam. Alij respondent has relationes esse diversæ rationis ab illis, & patet ex diversis proprietatibus earum, & idcirco ad diversum genus prædicamenti pertinere.

Secundò dicunt alij sex ultima prædicamenta esse formas extrinsecæ denominantes: v.g. actionem esse denominationem ab effectu ut est ab agente, positionem ab effectu ut inducitur ab agente in passum, Vbi à loco; Quando à tempore; Similiter à partibus dispositis secundum locum, Habere à corpore circumposito. Ita Forster 5. Metaph. cap. 15. q. 7. cum D. Thoma 3. Physic. lect. 3.

Alij tertio aiunt hæc ultima prædicamenta dicere modos quosdam absolute & intrinsecos connotando respectus ad extrinsecum: verbi gratia, Vbi de

intelectum modum presentie connotando relationem ad spatium vel locum. Actio dicitur modum quo se habet effectus ad agens. Ita Suavius & plerique recentiores. Nos autem prius rationes singulorum istorum sex generum assignabimus; tum quid de illis universè dicendum sit, per se manifestum erit.

Dico primò Actio est: effectus quatenus est ab agente & ipsius virtute existit; Ita D. Thomas 3. Physic. lect. 5. Id enim à quo agens denominatur actu agens est actio: atqui ab effectu denominatur agens actu agens: Ergo effectus est actio. Minor patet. Nam agens ideo dicitur agere, quia habet effectum à se procedentem seu virtute sua existentem, quod etiam sic declarari potest. Agens dicitur actu agens, per hoc quod aliquid agitur ab illo: at nihil agitur ab illo nisi effectus. Ergo ab effectu denominatur actu agens.

Verum cum effectus vanè considerari possit. Primò, secundum suam essentiam, Secundo ut sit, Tertiò ut sit ab agente, Quarto ut sit in passio, agens non denominatur actu agens ab effectu nisi sub tertia ratione, quia sub ea solum refertur ad agens, sub alijs verò, vel non refertur, vel ad alia refertur. Duo igitur requiruntur in effectu ut denotinet agens; Primum est ut sumatur in fieri: nam in facto esse, non denominat actu agens, quia tunc cessat actio: Ergo solum in fieri denominat agens actu. Porro fieri est dependere in esse ab agente, seu virtute agentis habere esse, vel primum ut in productione, vel continuatione ut in conservati-

*Effectus considerari potest quadrupliciter.*

one. Dices in actione productiva requiri ut effectus fiat, non tamen in conservativa: quia conservatur id quod jam factum est. Respondeo, fieri si strictè sumamus, significat fieri aliquid de novo cum ante non fuerit, quomodo fieri non convenit rei quæ conservatur: at si fieri sumamus latè, pro eo quod quocunq; modo est ab agente, siue ante non extiterit, siue extiterit, dummodò virtute agentis existat, sicut extiterit cum primò fieret ab agente, sic fieri convenit etiam rei quæ conservatur, quia ita virtute agentis conservatur & accipit esse, sicut accipiebat in primo instanti suæ productionis, solum enim discrimen in eo est, quod ante post non esse accipiebat esse, nunc verò post esse. Alterum quod requiritur, est ut effectus referatur ad agens, Debet autem referri tanquam id à quo existit & à quo dependet.

Est autem controversia celebris inter Doctores, An hæc dependentia effectus ab agente, in qua consistit ratio formalis actionis, sit res distincta ab effectu, vel an sola ratione distinguatur?

Quidam enim sentiunt Actionem esse rem vel modum absolutum ex natura rei distinctum ab effectu. Primò, quia separatur actu ab effectu: nam postquam res est producta cessat actio, & tamen non cessat effectus. Sic cessante calefactione non cessat calor, & tamen manente calore non manet calefactio. Secundò: quia non potest aliquid dependere, cum ante non dependeret nisi aliter se habeat: Ergo dependentia addit rem aliquam ad rem dependentem. Et hæc sententia est communior in scholis quam sequitur Suavius, Ruvius, Fonseca.

Alij tamen dicunt dependentiam effectus ab agente non esse aliquem modum absolutum, vel rem superadditam effectui, sed ipsum effectum ut est ab agente: hoc est, quatenus virtute agentis existit, in quo præter effectum & relationem nullus alius modus aut res involvitur. Ad hoc enim ut aliquid sit virtute alterius, non est opus in eo ponere rem aliquam mediam aut modum, ratione cuius res illa dicatur dependere & esse virtute alterius, sed sufficit existentia ex parte effe-

*Opiniones de ratione formalis actionis, an sit ab effectu distincta, an vero sola ratione?*

Actus, & virtus actiua ex parte agentis, ita tamen ut illa existentia dicatur esse propter illam virtutem. Quod probatur primò inductione. Nam relatio dicitur dependere essentialiter à termino, potentia ab obiecto, scientia à scibili; neq; tamen quisquam posuit modum aliquem realem superadditum relationi, ratione cuius relatio pendeat à termino; similiter neq; in potentia aut scientia ponitur talis modus, sed relatio seipsa immediatè intelligitur dependere à termino: scientia ab obiecto; Imò & actio quæ sine istis est res distincta ab effectu, est dependens ab agente per alium modum, sed seipsa ab effectu. Unde sumitur secunda ratio pro hac sententia. Quia si actio est res distincta ab effectu, sequeretur habere distinctam dependentiam à dependentia effectus; Vbi enim sunt distinctæ existentie dependentes, ibi sunt distinctæ dependentiæ: Nam dependentia vnius existentie, non est dependentia alterius existentie: at si actio habet distinctam dependentiam à dependentia termini, sequitur dari actionem actionis; Actio enim nihil aliud est quam dependentia rei ab agente: Si ergo actio habet distinctam dependentiam ab agente, habebit distinctam actionem qua fit ab agente. Unde etiam sequitur dari infinitas actu actiones. Nam sicut primæ actionis datur alia actio, ita & alterius actionis dabitur alia actio in infinitum, & sic erunt infinitæ actiones actu; quia omnes erunt actu, à se distinctæ & ex natura rei: quod est magnum absurdum.

Respondere solent actionem esse id quo effectus agitur & dependet ab agente, nunquam autem id quo aliquid est tale, est per aliud tale, sed seipso: sic albedo quia est id quo res sunt albæ ipsa non est per aliā albedinem alia sed seipsa. Quare & actio non agetur per aliam actionem, nec dependebit per aliam dependentiam, sed seipsa.

Sed contra, illa propositio laborat æquivocatione. Nam id quo aliquid est tale, non est quidem per aliud tale formaliter, est tamen per aliud tale effectivè, ut patet inductione in omnibus. Nam albedo. V. G. non est per aliud talis albedo formaliter, sed seipsa, quia per essentiam albedinis est albedo, est tamen per aliud effectivè talis: Pari ergo ratione, si actio est res distincta ab effectu, erit quidem per seipsam talis formaliter, quia per suam essentiam propriam est actio talis effectus; tamen non per se ipsam est talis effectivè, sed per suam causam effectivam, & eius actionem. Quocirca ex hoc quod actio est id, quo effectus agitur, non sequitur ipsam actionem non esse per aliam actionem effectivè, sed tantum non esse per aliam actionem, talem formaliter: sic calor in ligno est id quo lignum est calidum, & tamen per alium calorem est calor effectivè, licet non per alium calorem sit calor formaliter.

Sed dices. Actionem formaliter esse ipsam dependentiam effectivam ab agente; ergo si actio non est per aliud dependens formaliter, non erit etiam per aliud dependens effectivè, quia dependentia effectiva est ratio formalis actionis. Sed contra. Non omnis dependentia effectiva est ratio formalis actionis, sed solum dependentia termini, non verò dependentia actionis quæ sicut ponitur res distincta à termino, ita & eius dependentia erit distincta à dependentia termini. Quare dependentia effectiva termini non per aliud convenit actioni, sed formaliter per ipsam actionem; at dependentia effectiva actionis, per aliud convenit actioni, nempe per aliquod genus, sua actione causans actionem; sicut enim habet distinctam existentiam ab existentia termini, ita eget distincta actione

ab ea qua producit terminus. Ex quibus patet actionem non esse quo sui, quo effectus, & respectu effectus, non esse per aliquid aliud tale formaliter, respectu vero sui esse per aliud tale effectivè, quia suam entitatem æquè habet dependentem ab agente sicut terminus.

Tertiò probatur hæc sententia. Dependencia enim non distinguitur ex natura rei a re dependente: ac actio formaliter est dependencia termini ab agente: Ergo non distinguitur ex natura rei à termino. Maior Probari: quia omni alia re separata, & sola entitate rei dependentis relicta res illa in sua entitate non erit independens, sed dependens: Ergo dependencia non est quid distinctum à re dependente: Quomodo enim separari potest à creaturis dependencia ipsarum à Deo? à relatione dependencia ipsius à termino? à scientia dependencia à scibili?

Confirmatur. Quia res non sunt dependentes per aliud, sed intrinsecè per suam entitatem: quia in sua entitate sunt limitatæ, & ex se non sufficientes ad existendum quod est esse dependens: at si dependencia rerum esset res quædam distincta ab ipsis, sequeretur ipsas in sua limitate non esse dependentes: sicut & paries quæ per rem à se distinctam est albus, secundum suam substantiam formaliter non est albus.

Quare ad primum primæ sententiæ. Respondeo. Cessante actione, non cessat res aliqua absoluta, sed sola relatio dependentiæ ab agente seu cessat id quod effectus virtute agentis existat: Ex eo enim quod est positus in esse non eget amplius veritate agentis. Quando enim effectus erat ab agente & existerat virtute agentis, dicebatur & agens agere, & effectus agi; at productus effectus, iam effectus non est ab agente, nec virtute agentis; quare non denominatur ille effectus actio, licet sit res illa quæ est actio. Porro cum effectus cessat esse ab agente, nihil intrinsecum dependet, sed tantum quod non sit amplius virtute agentis: sicut autem seipso independens & sua entitate effectus existerat virtute agentis, non verò re aliqua superaddita sibi, ita cum cessat esse virtute agentis non perdit aliquam rem à sua entitate distinctam, quia sua entitate, non ab superaddita, dependebat ab agente. At inquit saltem cessabit relatio ad agens. Respondeo. Id etsi verum sit, tamen etiam relatio non est res distincta à fundamento, & cessare potest, sine extrinseca sui mutatione, ex sola cessatione termini.

Ad secundum respondeo. Rem dependere, & esse virtute intrinseca agentis; non est ergo necesse in aliquo intrinseco mutari, sed solum in virtute extrinseca agentis efficientis & perficientis extrinsecè rem illam. Non enim sufficit ad dependentiam, sola indistincta virtutis activæ otiosa (nam si effectus sit iam productus, est adhuc virtus extrinseca agentis, non dependet effectus ab agente, qui non perducitur effectum) debet ergo virtus activa esse perfectiva effectus, ita ut illi effectus intrinsecè inmutetur, quod oritur ex natura effectus & causæ. Quia enim effectus est natura sua indigens ad existendum, aliena virtute, & virtus activa agentis est natura sua perfectiva alienæ existentie, idcirco coniuncto utroque; sequitur dependentia actualis vnius ab altero, nullo alio addito. Quare si Deus radium solis, qui dependebat à sole, sua propria virtute conservet, cessante influxu solis; talis radium nulla intrinseca mutatione tacta, Dei virtute conservabitur solum per hoc, quod ab illa virtute alterius agentis dependebat.

Huius itaque explicatis solvi facile possunt quædam quæ sita de actione ad hunc locum spectantia.

*Actio constat  
absoluto &  
respectu.*

Primum est. An actio sit res absoluta vel respectiva? Dico enim constare absolute & respectu; Actio enim est id quod agitur, hoc autem est effectus ipse qui est quid absolutum, quia tamen hoc absolutum non denominatur agenti nisi respectu agentis, idcirco quatenus effectus connotat agens dicitur actio: sicut similitudinaliter est quid absolutum, nempe curvitas connotans nasum: quare actio est quid absolutum sub certo respectu ad agens: neque major simplicitas requirenda est in actione. Dices Entia per accidens rejici à prædicamentis.

Respondeo. Si utrumque Ens æque primò includitur, tale Ens esse verè per accidens, & rejici à prædicamento ut paries albus: at si unum solum Ens includitur in recto; aliud connotetur in obliquo, tale Ens licet videatur per accidens, non rejicitur à prædicamentis; aliqui relatio non esset genus prædicamenti, quia relatio in obliquo, includit terminum. Et talia Entia per accidens, sunt omnia fere sex ultima genera prædicamentorum.

*Actio est ali-  
quando forma  
intrinseca.*

Secundum. An actio sit denominatio seu Forma extrinseca? Respondeo non semper esse extrinsecam, sed aliquando esse intrinsecam. Nam si effectus sit extra agens, actio etiam erit extrinseca agenti, ut accidit in actionibus transiensibus. Si verò sit effectus in ipso agente, ut in actionibus immanentibus, actio erit intrinseca agenti, & ex consequenti denominatio intrinseca: dici tamen potest extrinseca, quia ex se non requirit ut sit intrinseca.

*Actio est res  
distincta ab  
agente.*

Tertium. An actio sit res distincta ab agente? Respondeo esse; quia actio est idem cum effectus; Effectum autem oportet re distinguere ab agente. At dices actionem formaliter non esse effectum. Respondeo non esse formaliter effectum secundum se acceptum, nec effectum ut factum, sed effectum ut est in fieri. Unde si queratur an actio fiat? Respondeo cum non sit res distincta ab effectu non fieri distincta actione ab ea qua fit effectus; Distincta enim actio, est distincta dependentiæ à effectu non habet dependentiam distinctam ab effectu, cum non sit res distincta ab effectu: Ergo neque distinctam actionem. Quare agi actionem est agi effectum.

*Actio tam im-  
manens quam  
transiens pon-  
itur in præ-  
dicamento ac-  
tionis.*

Quartum quaesitum. An actiones tam transientes quam immanentes ponantur in prædicamento actionis? Respondeo affirmativè. Nam & Aristoteles de utrisque actionibus ponit exempla; meminit enim tristitiæ & delectationis, quæ sunt actiones immanentes. Et ratio idem docet; quia actiones immanentes nihil aliud sunt quam productiones qualitatum quarundam in anima manentium; immo omnino similes actionibus transiensibus, quæ sunt productiones qualitatum non immanentium in agente sed extra agens in passio.

*Omnis actioni  
respondet suo  
modo passio.*

Quintum quaesitum. An omni actioni respondeat passio, seu productioni activæ productio passivæ? Respondeo omni actioni respondere suo modo passionem; nam si actio sit productio rei alicujus receptæ in subiecto; V. G. calefactio activa sic respondet verè & propriè passio & receptio passiva, quia calor productus verè recipitur passivè in subiecto: at si terminus per actionem productus sit subsistens, & in nullo subiecto vel quasi subiecto receptus, tunc actioni non responderet ullo modo passio; quia terminus, cum quo actio est idem, in nullo physice recipitur passivè, recipitur tamen terminativè & obiectivè, sic creatio activæ respondet creatio passivæ; nam est terminus creationis sit per se existens, & in nullo subiecto receptus, tamen creatio terminatur ad effectum; Idem ratione cujus dicitur res creatio passivè, quia est terminus & obiectum creationis activæ.

Qui tamen tenent actionem esse rem distinctam ab effectu, tenent etiam etiam

nonem activam esse rem receptam Physicè in substantia rei creatæ, sed isti vel ex hoc ipso convincuntur, quòd actio non sit res distincta ab effectu. Nam sequeretur effectum prius natura existere quàm sit actio. Si enim actio recipitur in substantia effectus, præsupponit substantiam effectum existentem in qua recipiatur; neq; prius existit quàm recipiatur, & sic prius existet effectus quàm actio, & in illo priori intelligitur existere effectus sine actione, quod est absurdum.

*De Passione.*

Dico secundò. Passio est forma, prout ab agente inducitur in passum. Tria igitur in passione considerantur. Primò, quòd sit aliqua forma; Secundò quòd sit ab agente; Tertiò quòd recipiatur in passio; Pati enim est ab aliquo recipere aliquid. Quarta cessante actione agentis, & forma posita in facto esse retentio illa formæ esse passio, quia non est receptio formæ ab agente. Ex quo patet quòd licet actio possit esse sine passione propriè dicta, ut paulò ante dictum est; passio tamen non potest esse sine actione.

Potè quid sit ista receptio, in qua consistit ratio formalis passionis non conveniunt inter Doctores. Nam qui modis delectantur, dicunt receptionem esse modum quendam realem unionis identificatum formæ receptæ, cumq; una cum forma recipi in subiecto: quia receptio cum sit novus effectus realis debet procedere ab aliquo præstante formaliter hunc effectum: atqui receptio non est effectus solius formæ, nec solius subiecti, sed formæ unitæ subiecto: Ergo datur unio quæ sit modus quidam realis superadditus formæ. Alij verò qui hos modos iudicant non necessarios & non multiplicandos sine necessitate: censent res seipsis immediatè uniri absq; ulla re media interposita. Nam hæc res media non minus quàm ipsa extrema unioni indiget, aut si ipsa potest uniri extremis sine alio medio, etiam extrema possunt uniri inter se, sine alia re media. Deinde cum utrumque extremum utroque uniatur, ex utraque parte deberent esse hi modi unionis, & per unum modum, forma ex parte sua uniretur subiecto, per alterum subiectum ex parte sua uniretur formæ. Alius enim est modus unionis ex parte formæ; alius ex parte subiecti; subiectum enim unieur ut recipiens, forma ut recepta. Adde quòd non solum forma recipitur, sed & ille modus, ita ut duo sint recepta. Cum igitur modus non recipiatur mediante alio modo, alias esset processus in infinitum, nec formam necesse est recipi mediante modo sed seipsa immediatè.

Responden potest receptionem, non recipi per aliam receptionem, quia id quo aliquid est tale, ipsum non per aliud est tale, sed per se ipsum. Sed contra si hoc in præcedenti conclusione de actione dicebamus. Id quo aliquid est tale, non est per aliud tale formaliter, posse tamen esse per aliud tale effectivè, sicut calor in ligno, non est per alium calorem calor formaliter, sed seipso, & per suam essentiam; est tamen per alium calorem calor effectivè. Pari ergo ratione receptio illa formæ in subiecto non per aliud formaliter est receptio formæ, sed seipsa: quia est essentia ipsa receptionis; si tamen receptio formæ sit res distincta à forma, potest & debet dari alia receptio receptionis, per quam non forma sed receptio formæ, quæ fingitur esse res distincta à forma, recipiatur. Esse autè has receptiones in re distinctas inde patet. Primò quia sunt receptiones rerum distinctarum: Nā prior erat receptio formæ, posterior verò rei distinctæ à forma hoc est receptio receptionis. Secundò; Distinctæ Entitates receptæ distinctis receptionibus indigent; neq; enim re-

*Quid sit passio.*  
*Tria notanda in passione.*

*Receptio est ratio formalis passionis.*  
*Opiniones, quid sit ista receptio.*



ceptio unius entitatis est formaliter receptio alterius entitatis, & potest cessare una receptio, non cessante altera, ut in productione rei per se subsistentis actio recipitur, res verò producta non recipitur sed per se subsistit. Tertio. Quia licet receptio formæ sit respectu formæ, receptio, & ut quo, quia est id quo forma recipitur, tamen non est ut quo, respectu suæ entitatis, quia aliud est receptio formæ, aliud receptio rei distinctæ à forma, neque idem est quo recipitur forma, & quo recipitur res distincta à forma: Quocirca receptio formæ, si est res distincta à forma, egeret proculdubio distincta receptione à receptione Formæ, aut certè, si se ipsa non perdistinctam receptionem recipitur, poterit quæcumque res se ipsa non perdistinctam à se receptionem recipi.

*Passio est  
forma ipsa  
cum connota-  
tione agentis  
& pass.*

Ex dictis sequitur primò passionem non esse rem distinctam à forma recepta, sed esse formam ipsam cum connotatione agentis & pass. Quare sublati connotati, tollitur passio, non quòd tollatur res aliqua aut entitas, sed quòd res illa & Entitas quæ ante cum connotatis erat passio, sine connotatis non est passio. Sicut Simitas sublato naso, desineret esse simitas quia non connotaret nasum, non tamen desineret esse res eadem quæ antè fuit, quia esset eadem curvitas, quæ antè, sed sine connotatione nasi.

*Unio forme  
cum materia  
non est res de-  
stincta à for-  
ma & mate-  
ria.*

Sequitur secundò unionem formæ cum materia non esse rem distinctam à forma & materia: Quia si esset res distincta, non minus ipsa egeret alia unione in infinitum, quàm forma. Neque tamen hinc sequitur unionem esse solam indistinctam formæ & materię: nam unio secundum indistantiam est solùm unio secundum locum, & per eam sit unum secundum locum, non verò unum compositum substantialiale vel accidentale. Maior ergo est unio formæ cum materię, quæ unio indistantiæ; est enim unio compositionis. Unio autem compositionis fundatur in ratione potentię & actus sumpta ex natura terminorum, quando nimirum unum est ex natura sua potentia ad aliud, aliud verò actus potentię perfectivus.

Quæ igitur vniuntur per modum potentię, & actus seu per modum perfectibilis & perfectivi ea unita faciunt compositum.

At inquires possunt aliqua duo uniri secundum indistantiam, ita ut unum sit actus, alterum potentia, & tamen, non erit vera unio seu receptio formæ in materia, ut si anima Petri poneretur indistans à corpore Pauli, tunc enim anima Petri esset actus, & corpus Pauli esset potentia, & tamen anima Petri non informaret corpus Pauli, quia est præoccupatum anima Pauli, nec potest idem corpus informari simul duobus animabus. Ergo non sufficit Entitas formæ & materię ad unionem, sed aliquid aliud requiritur, nempe modus realis unionis. Respondens, non esse id ob defectum modi, nam nec cum modo, nec sine modo anima Petri potest informare corpus Pauli, simul cum anima Pauli. Causa igitur huius est quòd corpus Pauli occupatum ab anima Pauli, non est potentia proxima ad animam Petri, ut possit informari ac perfici ab ipsa, quia est potentia impedita ab alia anima; corpus enim non est in potentia ad duas animas simul, sed ad singulas seorsim.

Et sicut vas repletum aqua, non est proxime capax alterius aquæ simul cum præcedente, sed seorsim est capax singularum aquarum, ita & materia non est capax formarum conjunctarum, sed singularum seorsim. Aio igitur in hac connotatione animæ cum corpore deesse potentiam proximam & ex consequenti, non sequi unionem in ratione actus & potentię. Porro unio actus & potentię non est

solū existentia actus & potentiz, sed etiam eorū causalitas inter se & dependentia, actus enim perficit potentiam & potentia perficitur ab actu, posito verō actū seipso perficiente potentiam nullus alius modus requiritur ad ista unienda in ratione actus & potentiz, sed de hoc plura in Physica.

Sequitur Tercio: passionem esse denominationem simpliciter intrinsecam, quia est denominatio a forma recepta. Quamquam nonnulli aiunt esse quidem hanc denominationem intrinsecam, quatenus est à forma recepta; tamen quia receptio formæ non sufficit ad rationem passionis, nisi illa sit ab agente extrinseco, idcirco secundum quid passio denominatur extrinsece. Nos autem dicimus etsi essentielle sit passio ut sit ab agente; non enim passum à seipso sed ab agente patitur, neque dicitur pati ex eo quod recipit in se aliquid sed ex eo quod ab agente recipit; tamen non est essentielle passioni ut sit ab agente extrinseco, licet enim hoc verum sit in actione transeunte, tamen in actione immanente idem est agens & patiens, & sic non erit verum universè, passionem esse denominationem extrinsecam, sed est ex se indifferens ad utramque. Et quamvis universè verum esset passionem esse ab agente extrinseco; tamen hoc per accidens esset ad rationem formalem passionis; passio enim licet non abstrahat ab agente, abstrahit tamen ab hoc quod illud agens sit extrinsecum, & potest passio concipi integrè secundum suam rationem formalem, non concipiendū quod sit ab agente extrinseco. Deinde ad hoc ut denominatio dicatur extrinseca, non satis est quod connotet aliquod extrinsecum; aliquo relatione non denominaret intrinsece, quia connotat terminum extrinsecum, sed requiritur ut illud extrinsecum denominet rem per modum formæ efficientis extrinsece, non verò sit solū connotatum in obliquo. Hic autem agens solū connotatur à passione in obliquo: non igitur habet se per modum formæ denominantis extrinsece.

*Passio est denominatio simpliciter intrinseca.*

*De Quando.*

Dico tertio. Quando est denominatio rei durantis à tempore, ut esse heri, hodie, hinc, &c. Ratio est; quia per quando interrogamus de tempore & respondemus per tempus vel in ordine ad tempus. Dices quæstionem quando esse de duratione: at sunt aliz durationes præter tempus, nempe ævum & æternitas; non igitur necesse est ut ad interrogationem quando respondeatur per tempus, sed siue per tempus, siue per ævum, siue per æternitatem. Respondeo ad quæstionem quæstionem posse responderi nisi per durationē divisibilem; per Quando enim petimus partem durationis, petimus enim in qua parte durationis res fuerit, priori vel posteriori, tanta vel tanta. Nulla autem duratio habet partes nisi tempus; omnes enim aliz durationes sunt totæ simul & indivisibiles, & non nisi per coexistentiam cum tempore habent suam quantitatem & divisibilitatem. Sicut enim anima in se indivisibilis & tota simul coexistit corpori divisibili, tota in toto & tota in qualibet eius parte existens, & ex hac coexistentia habet extensionem quandam & divisibilitatem, non in existendo, sed in coexistendo; ita ut indivisibiliter existat ex parte sui, divisibiliter ex parte corporis: quia corpori secundum aliam, & aliam ejus partem coexistit ita & duratio indivisibilis, per coexistentiam cum tempore habet divisibilitatem, & extensionem quandam, ut illa dicatur Maior vel Minor, quo maiori vel minori tempore coexistit, cum tamen secundum se tota sit in toto tempore, tota in singulis partibus temporis. Si enim Deus crearet duos Angelos, alterū heri, alterum hodie, hesternus proculdubio maiorem durationem haberet quàm hodiernus,

*Quid sit Quando.*

*Ad quæstionem Quando non potest responderi nisi per durationem divisibilem.*

diernus, solum ex eo quod coëxisteret maiori tempori. Nam in se unusquisque duratio est tota simul & indivisibilis, nec intrinsecè plus una habet quàm altera. Ex quo potest non posse responderi ad quæstionem quando, nisi per tempus tanquam per mensuram omnium durationum. Mensura enim dicit quantitatè, nihil enim mensuratur nisi quantum. Cum igitur alie durationes non sint quantæ, non possunt mensurari ut coëxistunt tempori quanto. Quocirca si quæram quantum duraverit Angelus, non possum respondere nisi per tempus annorum vel dierum.

*Duratio nihil aliud est, quàm existentia permanens & indeficiens.*

Quod si objicias, hinc sequi durationem indivisibilem, non habere rationem finalem durationis nisi in ordine ad tempus & per coëxistentiā cum tempore. Respondetur durationem nihil aliud esse, quàm existentiam permanentem & indeficientem. Rem enim durare est non deficere ac proinde permanere: verum quia res in primo instanti habet suam existentiam indeficientem, & tamen in eo instanti, non dicitur durare, nec ulla res durare potest per instans, ideo requiritur ad durationem talis indeficientia, quæ possit mensurari tempore. Ex quo sequitur vnum ex duobus vel quod de essentia durationis sit successio siue in se siue in alio, cui res durans coëxistat actu vel potentia, ut sentiunt Nominales, vel ut minimum existentia debet esse ita indeficiens, & ita indivisibilis, ut possit coëxistere mensuræ durationis divisibili hoc est tempori, ad eum modum, quo anima & Angelus ita sunt indivisibiles ut coëxistere possint corpori divisibili: Tunc autem duratio indivisibilis etsi non includit essentialiter ordinem ad tempus, habebit tamen in se fundamentum ad coëxistendum tempori quatenus est indeficiens tam actu quàm potentia; sic enim poterit respondere huic vel illi parti temporis. Et quavis in ratione durationis possit concipi sine ordine ad tempus, tamen in ratione mensuræ durationis non potest concipi nisi in ordine ad tempus. Quod etiam ex eo confirmatur: quia una duratio est maior altera; Ergo propter plures partes durationis; nihil enim dicitur maius, nisi propter quantitatem & partes, cum igitur duratio indivisibilis in se non habeat partes, debet ut minimum coëxistere partibus, ut ratione huius coëxistentiæ dicatur maior vel minor. Quare tam ævum quàm æternitas, etsi sint durationes indivisibiles in se, ut dicunt existentiam indeficientem, illa tamen existentia indeficiens, non potest mensurari in ratione durationis, nisi quatenus coëxistit tempori actu vel potentia; quia ex hac coëxistentia habet partes, ratione quarum dicitur tanta vel tanta, maior vel minor.

*Tempus est in prædicamento Quando.*

Quod si quæras. Durationes an reponendæ sint in prædicamento quando? Respondetur tempus esse in prædicamento Quando tanquam rationem formalem à qua sumitur denominatio huius prædicamenti, quo etiam modo alie durationes indivisibiles, quatenus coëxistunt tempori & tempore mensurantur, ad hoc prædicamentum pertinere possunt, quia ut sic subsunt interrogationi Quando, & per Quando respondetur ad quæstionem de ipsis factam. Si etiam quæras, an denominatio à tempore sit extrinseca vel intrinseca? Respondetur tempus esse duplex scilicet intrinsecum quod sumitur ex motu intrinsecè in illa re existente, quomodo tempus primi mobilis dicitur illi intrinsecum, quia desumitur ab illius intrinseco motu; aliud extrinsecum, quomodo tempus primi mobilis est tempus aliarum rerum quæ sunt in mundo, omnia enim mensurantur tempore primi mobilis hoc est tempore diurno in viginti quatuor horas distributo: Denominatio ergo à tempore intrinseco est intrinseca, ab extrinseco extrinseca.

*Tempus est duplex Intrinsecum & extrinsecum.*

## De Vbi.

Dico quartò. Vbi esse existentiam in loco: quia ad quæstionem Vbi respondetur per esse in loco. Dices Vbi esse presentiam in quacunq; re, siue res illa habeat rationem loci siue non. Respondeo hoc esse contra impositionem huius vocis. Nam Aristoteles idcirco negat ultimum cælum esse alicubi; quia nullibi est tanquam in loco, cum neq; extrinsecum spatium imaginarium sit locus, quia nihil est; neq; inferius cælum esse locus superioris, quantumvis sit illi præsens. Sancti etiam Patres eadem in causa negant, Deum ante mundum conditum fuisse alicubi; quia nec nullus locus erat in quo esse posset.

Potò explicandum est quid sit esse in loco. Dico igitur esse in loco est esse tanquam in aliquo continente immobiliter quia secundum Aristot. locus est superficies continens immobiliter. Ex quo sequitur ad hoc ut aliquid dicatur esse in loco, non satis est, ut quocunq; modo sit in aliquo, sed requiritur ut sit in illo tanquam continetur rationem loci, siue tanquam in continente immobiliter. Quare requiritur primum ut illud in quo aliquid esse dicitur tanquam in loco, sit verè aliquid non nihil; quomodo in spacio vacuo res non dicuntur esse tanquam in loco, quia nec enim nihil sit, non potest exercere rationem loci. Quare quod in vacuo est nullibi est secundum Aristot. & secundum veritatem: quia spatium vacuum nihil est ut in eo aliquid esse possit & esse in nihilo est nullibi esse. Secundò requiritur ut illud aliquid habeat rationem continentis immobiliter: quomodo nec accidentia in subiecto sunt tanquam in loco neq; anima in corpore quod informat, neq; Angelus in cælo; Quamquam autem metaphoricè ista omnia dici possunt esse in loco; sola tamen corpora in alijs corporibus propriè dicuntur esse in loco quia sola corpora contineri immobiliter ab alijs corporibus possunt. Non igitur sufficit ad hoc ut aliquid dicatur esse in loco, quòd sit præsens realiter illi rei, alicubi & accidentia essent in subiecto, tanquam in loco, & Angelus esset in cælo tanquam in loco, quia est illi realiter præsens. Deinde ablata continentia non magis est præsens loco quàm locus illi, quare non magis esset in loco, quàm locus in re. Immobilitas verò requiritur ad rationem loci, quia esse in loco, est esse hic & non alibi, ac ex consequenti immobiliter: Nam si locus moveatur, res non erit hic sed alibi.

Secundò explicandum est, quid sit ista existentia in loco? Quidam enim dicunt Vbi esse rem superadditam mobili, seu modum immiscum realis presentie, ratione cuius formaliter res est in spacio immobiliter sita ut si locus mutatur (ut in tem flante vento) res tamen per hunc modum est in eodem spacio, & habet idem ubi, neq; mutatur hic modus in re nisi res mutet spatium. Alii etiam hunc modum esse terminum ad quem motus localis. Nihil enim aliud per motum in vacuo esse agnoscitur præter hunc modum. Verum hæc sententia impugnari potest primo: quia hic modus presentie si datur, non est ubi; Vbi enim est esse talis; ut hic modus abstractus à loco; quia convenit rei reque existendi in loco; si res non existenti in loco: vocare verò vbi id, quod non est esse in loco, est abusi modus, nisi forte ubi improprium & imaginarium intelligitur. Secundò: Quia hic presentia in spacio, non est res distincta à mobili, nec superaddita illi; quia omni alia re ablata à mobili, & sola existentia mobilis in spacio posita vel intellectus, præter mobile illud erit in spacio. Nam si Deus (ut potest) conservet mobile situm in re ab ipso distincta, si quidem conservatio est actio libera Dei, quia potest

Quid sit vbi?

Explicatur  
quid sit esse  
in loco.Immobilitas  
requiritur ad  
rationem rei.Opiniones,  
quid sit ex-  
istentia in loco.

rem vnam conservare non conservata alia, tunc mobile sufficienter intelligitur seipso præsens & coëxistens spatio, nulla re nova in ipso intellecta. Tercio: Quia ratione huius modi non magis res est præsens loco, quam locus illi, quare non magis res diceretur in loco, quam locus in re: nam etiam locus dicit hanc præsentiam ad locum. Quarto: Quia non solum subiectum, sed omnia eius accidentia sunt præsentia: Ergo singula haberent novos modos reales præsentiæ superadditos & nova ubi; imò & isti modi præsentiæ cum sint res quædam præsentes spatio, debent habere alios modos reales per quos essent præsentes: nam si illi sine alia re addita possunt esse præsentes, pari ratione alia quoque sine alia re addita possunt esse præsentia.

Alij ergo dicunt & melius, existentiam seu præsentiam in loco non esse rem superadditam mobili, sed esse existentiam ipsam mobilis applicatam illi loco. Unde non differt ab existentia mobilis realiter. Nam ut est existentia mobilis absolute, facit mobile existere in se, ut verò sumitur respectivè, respectu loci vel spatij actus vel potentia existentis, denominat mobile existens in loco vel in spatio, nullam novam addita, sed per solam indistantiam mobilis à spatio.

At obijcies, motus localis est actio quædam productiva sui termini: at si sit motus in vacuo nihil aliud reale ibi producit nisi modus realis præsentiæ in spatio: ergo hic modus est proprius terminus motus localis, ac consequenter est Vbi. Vbi enim est terminus motus localis.

Respondeo. Si concedamus in vacuo posse fieri motum, (cuius contrarium in Physicis ostendimus) dico, motum illum fore ipsam existentiam mobilis successivam in spatio, per eumque; nihil aliud acquiri, nisi existentiam mobilis in alia & alia parte spatij, quæ acquisitio non est productio alicuius rei non existentis, sed applicatio rei existentis ad aliam & aliam partem spatij actus vel potentia existentem. Et quamvis esse in spatio sit nova res; quia nova coniunctio mobilis cum spatio, hæc tamen coniunctio non est res distincta à rebus coniunctis, & est res nova solum respectivè, hoc est, respectu novi loci, ad quod non est necesse ullam novam entitatem produci, sed solum cum alia coniungi. Quamvis verò in vacuo nullum sit spatium cui mobile coniungatur, tamen ex parte sua mobile ita existit, ut si crearetur spatium reale, in alia atque alia parte illius spatij existeret, quod satis est ad hoc ut se aliter habeat respectu spatij quantum est ex parte sua.

At inquires motus localis est, mutatio mobilis in spatio, cuiusque autem mutatio fit per receptionem vel deperditionem alicuius rei. Resp. mutationem esse duplicem; aliam quæ fit per receptionem vel deperditionem alicuius rei, ut cum ex calido fit frigidum: aliam quæ fit per translationem de uno loco ad alium, quod est si sine ullius rei novæ productione, fit tamen per novam rei in loco existentiam. Neg. enim mobile dicitur esse in alio loco per mutationem & translationem loci ad ipsum, ut fit in furni flante vento, sed per mutationem & translationem mobilis ad locum, quia ex parte sua mobile mutat distantiam, & ex parte sua existit ubi ante non existerat. Quæ est vera mutatio, quia est mobilis ex non esse hic translatio. Quæ re non solum mobile tunc mutatur quando aliquid in se recipit, sed etiam cum est in alio atque alio spatio, quia fit in illo spatio sua intrinseca entitate, cum ante non esset. Cum enim hæc translatio, non fiat per mutationem loci ad ipsum, necesse est sic: per mutationem mobilis ad locum. Ex quo patet motum localem non esse actionem productivam, sed adductivam seu applicativam ad locum vel spatium.

*Mutatio est duplex.*

Quod si quæras, An Vbi sit denominatio extrinseca à loco? Quidam etiam affirmant: quia esse in loco est contineri à loco. Alij verò negant quia licet esse in loco & contineri à loco æquipolleant, tamen Vbi significat quasi actuè esse in loco implendo locum non passivè contineri à loco.

Quare denominatio Vbi est formaliter intrinseca in ordine ad extrinsecum suum; ab existentia mobilis in spatio. Nam mobile contineri à novo loco potest sine motu locali, ut turris flante vento, quæ absolute non habet novum ubi, sed ex eo quod non per sui translationem, sed per loci extrinsecam accessionem est in alio loco.

*Denominatio  
ubi est forma-  
liter intrinse-  
ca in ordine  
ad extrinsecum.*

*De Situ.*

Dico quintò. Situs est dispositio partium corporis in loco secundum quam aliquis stare, sedere, jacere dicitur. Ex quo quidam existimant situm non differre ab Vbi, esse modum quandam Vbi. Nam Vbi dicit positionem corporis in loco, sed verò modum positionis ejusdem corporis: ad idem autem prædicamentum spectat res & modus rei. Alij tamen & verius dicunt, situm ita differre ab Vbi, sicut figura à quantitate. Nam sicut figura est dispositio terminorum quantitatis, & ad idem genus prædicamenti spectat, nempe ad qualitatem; est enim veluti qualitas quantitatis, ita situs est dispositio seu figura quædam partium in loco existentium, estque veluti figura quædam ipsius Vbi. Nam sicut Vbi, dicit corpus positum in loco, ita situs dicit figuram quandam positionis in loco, & in ordine ad locum. Quare licet situs ut motus est, possit reduci ad Vbi, tamen quia hic modus habet distinctum modum denominandi rem, pertinet ad distinctum prædicamentum. Quod si quæras an situs sit denominatio intrinseca vel extrinseca; li qui dicunt Vbi esse denominationem extrinsecam à loco, consequenter idem dicunt & de situ, qui est modus quidam huius denominationis extrinsecæ: Nos verò dicimus à Vbi & situm esse denominationes intrinsecas; est enim situs figura quædam corporis prout existit in loco, eademque figura, ut respicit corpus in seipso, est figura corporis pertinet ad qualitatem, ut vero est figura corporis in ordine ad locum seu figura positionis partium corporis in loco, pertinet ad prædicamentum situm. Veroque autem modo figura intrinseca est corporis; quia est una & eadem cum directo respectu. Et confirmatur: quia in vacuo corpus habet realem situm; dicitur enim stare, sedere, jacere, & tamen non habet ibi denominationem ullam extrinsecam realem, cum nulla talis forma realis extrinseca detur in vacuo.

*Quid sit situm.  
An situs dis-  
ferat ab ubi*

*Situs & ubi  
sunt denomi-  
nationes in-  
trinsecæ.*

Ex quibus patet Primò, situm non dicere relationem vel ordinem partium licet situm & ordo conveniat partibus sic coniunctis, sed solum dicere qualitatem & figuram partium in ordine ad locum vel spatium, relatio verò illa spectat ad prædicamentum ad aliquid non ad prædicamentum situm.

*Situs non dicit  
relationem  
vel ordinem  
partium.  
Situs non est  
idem ex natu-  
ra vel cum ubi.*

Patet secundò situm non esse idem ex natura rei cum Vbi, nec ab eo sola ratione associata distingui ut assertit Ruvius. Nam figura partium corporis differt ex natura rei ab Vbi, idque quamvis Vbi statuatur modus quidam realis superadditus corpori; mutato enim Vbi non mutatur figura nec situs corporis; si enim corpus mutetur, mutabit Vbi, & tamen potest non mutare situm corporis; potest enim mutare eundem situm secundum corpus standi vel jacendi.

De

*Quid sit habitus?*

**D**ico sexto Habitum esse denominationem corporis à re sibi adjacenti, ut efficitur vestitum, & armatum esse denominatio à vestibus & armis adjacentibus, quæ denominatio dicitur Habitus, quia esse vestitum vel armatum est habere vestes vel arma sibi adjacentia. Porro hanc denominationem, em Ruus dicit esse intrinsecam; Fingit enim modum quandam realem & intrinsecam resultare in corpore, ex hoc quod vestitur & armatur, quem modum dicit esse modum coaptationis actualis ad vestes & arma; siquidem homo naturaliter est aptus ad habendas vestes & arma.

*Opinio Ruvi refellitur, dicentis, denominationem habitus esse intrinsecam.*

Verum hæc opinio displicet. Primò; Quia hic modus est mera fictio: tum quia dempta omni alia re & sola veste corpori immediatè appositâ, verè corpus est vestitum; tum quia non à modo illo denominatur corpus vestitum, sed à veste: Frustra igitur talis modus ad hoc fingitur ut faciat talem denominationem, neque quâpiam in ea denominatione alterius rei quàm vestis rationem habet; alioquin si à modo illo corpus denominaretur vestitum, posset Deus ablata veste modum illud conservare in corpore, cum sit realiter distinctus à veste, & sic sine veste corpus diceretur vestitum, ex illo modo, supposito, quod modus ille ponitur facere formaliter denominationem vestiti. Dices sine illo modo non esse denominationem extrinsecam à veste. Contra: ad illam denominationem, sufficit circumpositio vestis, ad circumpositionem autem non requiritur productio alicuius modi realis, alioquin nihil posset applicari alteri nisi per productionem modi realis. Deinde rei extrinsecæ adventu nulla alia actione productiva interposita, non resultat ulli res in corpore. Vti hic accidit, quæ enim huius rei causâ esset productiva? Denique nulli Philosophorum venit in mentem huc modus, ut vel ex hoc sit de falsitate suspensus, maxime cum sit contra illam regulam Philosophicam: Non sunt multiplicanda entia sine necessitate.

Secundò displicet, quod has denominationes vestiti & armati ad solum hominem propriè restringit, ad alia verò animalia analogicè, quod in solo homine sit aptitudo quædam naturalis ad vestes & arma, cum natura non sit vestitus aut armatus. Verum si aliqua qualitas sit connaturalis uni, alteri non; nūquid eo ipso differet species; & illi solum propriè conveniet, alteri verò analogicè? hæc enim ratione calor quæ naturaliter convenit igni & præter naturam aquæ, non esset idem specie in igne & aqua, & aquæ non nisi analogicè competere. Deinde videtur restringere prædicamentum habitus ad solum hominem quod homini soli ex naturali aptitudine conveniat esse vestitum, armatum. Quod videtur gratis dictum; cum idem sit modus afficiendi & denominandi corpus per adjacentiam siue sit corpus humanum vel belluinum. Tam verè enim equus dicitur fræ natus, armatus, ephippio aut vestitus, instratus, paries in crustatus, scipio inauratus, tabula depicta coloribus impositus, similia alia, sicut verè dicitur homo vestitus & armatus. Notandum autem est quod omnes habitus rerum extrinsecarum pertinere ad hoc prædicamentum, sed tamen habitus rerum extrinsecarum corpori adjacentium.

Nam si sint res corpori non adjacentes, habere dicuntur potius moraliter quàm Physicè, id est, non ob Physicum contactum & adjacentiam, sed propter adjacentiam quandam moralem, & jus quoddam ad rem illam, quod jus ab hominum voluntate & arbitrio & constitutione dependet, ut cum quis dicitur habere divites, agros, oves, boves, & similia.



At obijcit Ruuius denominationem extrinsecam non posse constituere genus prædicamentis; Genus enim est quid intrinsecum rei non extrinsecum.

Respondeo etiam denominationem extrinsecam habere suum genus; potest enim accipi & in genere & in specie. Quod verò ait Aristotelem 2. Met. tex. 10. dicere habitum esse medium inter habentem & in quod habetur, Respondeo ipsum Aristotelem seipsum explicare, quòd hoc medium non intelligat modum aliquem absolutum resultantem, sed actionem habendi seu habicionem activam & passivam, quæ intelligitur esse quid medium inter habentem & id quod habetur: v. g. habitio vestis est ejus ad adjacentia seu vestis ipsa ut adjacet corpori; Hoc enim sensu haberi dicitur, quia adjacet.

Ex quibus omnibus patet quid sentiendum sit de essentia sex ultimorum prædicamentorum: Neq; enim univèrsè sunt denominationes extrinsecæ, neq; univèrsè intrinsecæ, sed aliquæ intrinsecæ aliquæ extrinsecæ. Præterea etsi sint res absolute formis absolutis, includunt tamen & connotant relationes.

Non igitur placet sententia Scoti dicentis illa sex genera prædicamentorum esse relationes extrinsecas advenientes: Nam uti ostensum est, dicunt singula formas absolutas, connotatis relationibus, ita ut ratio formalis illorum per utrumq; compleatur, tam per absolutum, quàm per relativum, nec vnum sine altero sufficiat. Agere, verbi gratia, non est solùm dicere relationem ad passum, sed est formam producere & ab ea tanquam producta denominari. Accedit quod cùm relatio intrinsecus & extrinsecus adveniens non distinguantur in genere relationis, sed eundem genere modum referendi subiectum ad terminum habeant, deberent poni sub genere relationis prædicamentalis: Nam etsi diversitas quædam sit intus relationibus, ea tamen est solùm accidentalis & extrinseca, non verò essentialis & intrinseca relationi: Nam relatio dicitur extrinsecus advenire per ordinem ad suam causam ad quam consequitur non ex natura rei, sed aliquo extrinseco interposito, hic autem ordo ad causam est merè accidentalis relationi; ita ut si relatio illa intrinsecus adveniret, non haberet alium modum referendi, quàm cùm extrinsecus adveniret: Et sicut qualitas extrinsecus adveniens subiecto & emanans ex essentia subiecti ad alius genus qualitatis pertinent, ita & relatio.

Quod si dicas, hinc sequi sex ista genera reduci ad alia genera prædicamentorum: enim dicunt formas absolutas, ad absoluta reducuntur, ut verò dicunt relationem, ad genus relationis. Respondeo licet si hoc modo distribuuntur in partes, possint reduci, tamen si conjunctæ sumantur, significantq; absolutum sub relationibus, habent diversos modos efficiendi & denominandi primam substantiam, idcirco distincta ab alijs prædicamentorum genera constituunt,

*Singula sex prædicamenta dicunt formas absolutas connotando relationes.*

*Prædicamenta reliqua sex cur non reducuntur ad alia?*



LOGICÆ  
MARTINI  
SMIGLECIJ  
SOCIETATIS  
IESV.

---

PARS ALTERA.

---

Ea omnia, quæ ad Secundam & Tertiam  
operationem intellectus pertinent  
comprehendens.

---



---

ANNO DOMINI M. DC. XXXIV.

100100

MARTIN

~~SECRET~~



U.S. DEPARTMENT OF JUSTICE



## DISPUTATIO XII.

De secundâ Operatione intellectus seu  
de Enunciatione.

**S**ecundam operationem intellectus vocat Aristoteles, compositionem & diuisionem. Compositionem quidem ratione affirmationis, diuisionem verò ratione negationis: Quam & in negatione est compositio quædam prædicati cum subiecto; componitur enim diuisio prædicati cum subiecto. Communi verò nomine dicitur Enunciatio, quia in illa aliquid enunciatur siue affirmando siue negando. Quamquam hoc nomen conuenit secundæ operationi, ut est in voce; Enunciamus enim propriè vocibus; illa verò quæ est in mente enunciatio, non vocibus sed conceptibus perficitur, quatenus duo conceptus inter se coniunguntur per affirmationem vel negationem. De utraq; igitur enunciatione tam mentali, quàm vocali, in hac disputatione agendum est, explicandaq; erunt primò enunciationis principia, ex quibus constat, hoc est nomen & verbum, deinde essentialius, species, & proprietates.

## QVÆSTIO PRIMA.

*An voces primò immediate significant res  
vel conceptus ?*

*Voces suo mo-  
do significant  
tam res quam  
conceptus*



Errum est, voces suo modo significare tam res, quam concep-  
tus : Duo enim præstamus vocibus : Nam primo, quæ men-  
te concepimus, exprimimus ; Cum enim non possimus concep-  
tus nostros in se spectandos alteri præbere, vimur vocibus  
tanquam signis conceptuum. Hinc Aristoteles 1. Perier. cap. 1.  
ait : Ea, quæ sunt in voce, esse earum, quæ sunt in anima, pas-  
sionum notas, sicut ea quæ scribuntur, eorum, quæ sunt in vo-  
ce. Secundo res ipsas significamus, adhibendo eorum nomina, & nominibus pro  
rebus vtendo ; quia enim, vt ait Aristoteles 1. Elench. cap. 1. res in disputationem  
adducere non possumus, nominibus pro rebus vimur, tanquam signis ; & quod  
accidit in nominibus, in rebus quoque arbitramur accidere, quemadmodum in qui  
calculis supputant. Difficultas ergo est, vtrum prius & immediatius per signifi-  
catum conceptusne vel res ?

*Prims signifi-  
cari conceptus.*

- 1.
- 2.
- 3.

Videtur enim prius significari conceptus. Primo ; quia Aristoteles ait, voces esse  
notas passionum animæ. Secundo ; quia vox ad hoc est homini data, vt eius be-  
neficio suam mentem, quæ occulta & invisibilis est, modo sensibili, exponat & ma-  
nifestet ; isquæ finis immediatus locutionis est, mentem suam exponere. Tertio ;  
quia is, qui nihil concepit, nihil significat, vt patet in obsessis à Dæmone, quibus  
non cogitantibus Dæmon format voces in ore ; talibus enim vocibus, illi nihil si-  
gnificare intendunt, quia nihil conceperunt ; quo etiam modo phitacus, licet vo-  
ces exprimat, nihil tamen per illas significat, quia nihil concepit ad significandum.  
Ille etiam qui loquitur verba Hebræica quæ non intelligit, nihil significat, solum  
ex eo, quod ea non adhibet ad significandos suos conceptus. Est & aliud signum,  
quod in Angelis idcirco non est vsus vocum, quia illi suos conceptus immediate  
manifestare sine vocibus possunt, quod indicio est voces immediate ad conceptus  
mentis exprimendos adhiberi. Quarto, quia res non significantur vocibus, nisi  
sub eâ ratione, sub qua conceptæ sunt ; Ergo prius voces significant conceptus,  
quàm res. Antecedens patet ; Nam intellectus imponit nomina rebus, prout illæ  
concipt ; Vnde si eandem rem diversis modis concipiat, diversa quoque nomina  
eidem rei imponet, propter illos diversos conceptus vt patet in nomine abstracto,  
& concreto vniuersali, & particulari, quæ eandem rem sub diversâ ratione signifi-  
cant ; sic Genus, Species, prædicamentum, prædicatum, subiectum, sunt nomina  
rebus imposita, sub eâ ratione, quæ illis non nisi ab intellectu conuenit.

Ex altera verò parte, videntur res immediate significari per voces, quia im-  
mediate pro rebus substituitur. Vox enim, homo, vel Petrus, non significat mo-  
hi conceptum hominis vel Petri ; sed verum & realem hominem extra intellectum  
existentem ; cum enim dico, esse hominem, risibilem, non conceptum hominis  
intelligo

intelligo esse risibilem, sed ipsum realem hominem, Voces enim non sunt nomina conceptuum, sed rerum.

Pro resolutione notandum est, quod voces licet significant tam res, quam conceptus, non tamen eodem modo: Nam conceptus significant mediante significatone rerum; nisi enim scivero quas res significant voces, nunquam ex vocibus conceptum quos conceptus, is, qui eas loquitur, in mente sua habeat; Si enim mihi lingua ignota loqueretur, nequaquam ex vocibus illis scirem, quid is in mente haberet, quas res quas illa verba significant ignoro; statim autem, ubi cognovero quas res significant verba ex illis eo ipso cognosco quos conceptus is qui ea loquitur habent, nempe quod eandem res mente concipiat, quas verbis exprimit. Quocirca hoc proprius modus est, quo voces significant conceptus, nempe mediante significatone rerum.

Notandum est secundò. Signum esse duplex manifestativum & suppositivum. Signum aliud manifestativum est illud, quod solum indicat rem, sed pro re nihil accipitur; sic fuscus indicat ignem, hedera appensa vinum vendibile, & omnis effectus indicat suam causam. Suppositivum verò est illud, quod ita significat rem vt pro re accipitur: sic calculi in supputatione ita significant rem, quæ supputatur, vt pro re accipiantur. Voces igitur significant res, tanquam signa suppositiva, quia pro rebus accipiuntur. Cum enim res in disputationem adducere non possimus, pro rebus, verbis utimur: Sunt enim voces, nomina rerum. Conceptus autem significant tanquam signa manifestativa; sunt enim voces effectus quidam conceptuum, & procedunt à conceptibus, sicut effectus à causa. Quare non accipiuntur voces pro conceptibus, neque sunt nomina conceptuum, sed solum indicant conceptus, eo modo quo effectus indicat causam.

Dico igitur Primò voces primò & immediatè significant res, non conceptus: quia sunt nomina rerum non conceptuum, & non nisi mediante significatone rerum, significant conceptus, Quamquam si aliquæ voces sint impositæ conceptibus, tanquam nomina propria conceptuum, tunc voces eiusmodi significant conceptus per modum rerum, sic hæc vox, conceptus, significat conceptum mentis, qui tunc conceptus significatur tanquam res quædam hoc nomine significata.

Dico secundò voces etsi non significant res, nisi interveniente conceptu non tamen immediatè significant conceptum, sed rem. Explico, dupliciter potest intelligi vox mediante conceptu significare res, primò vt prius significant conceptus, & mediante significatone conceptuum significant res, & hoc sensu negatur mediante conceptu significari res: quia non prius significatur conceptus, tum per significatorem conceptus significatur res: sed è contra prius significatur res, tum ex significatone rei innoscit conceptus. Secundò id potest intelligi, vt sit necesse intervenire conceptum, ad significatorem rerum, & hoc sensu verum est mediante conceptu significari res, debet enim intervenire conceptus, primò ad imponendam significatorem; Non potest enim intellectus imponere nomen aliqui rei significandæ, nisi illam concipiat. Deinde debet intervenire conceptus vel modum significatorem, quia non sub alia ratione voces significant, nisi sub ea, sub qua conceptæ sunt res ab intellectu: Vnde varia sunt eiusdem rei nomina, quæ eandem rem nunc sub vna, nunc sub alia ratione concipit intellectus. Verum quia conceptus intervenit ad significatorem, non tanquam id, quod significatur, sed



sed tanquam causa suo modo concurrens ad significationem, idcirco hic intercurrentis non impedit quo minus voces significant immediate res, quia inter vocem & rem, nihil aliud mediat, quod significetur; conceptus enim est medius non tanquam significatum vocis, sed tanquam efficiens significationem vocis.

Dico Tertio. Voces significant conceptus, sed mediante significatione rerum, & tanquam signa manifestatiua non suppositiua: ex quo patet ad Primum.

Ad secundum respondeo, finis vocum est significare animi conceptus, sed mediante significatione rerum.

Ad tertium respondeo, qui profert voces quarum significationem non intelligit, profert quidem voces quæ sunt ex se significatiuæ rerum & conceptuum, de factis tamen non significant, quia non adhibentur ad significandum. Angeli verò vocibus non indigent nec ad significandos conceptus, nec ad significandas res; nam suos conceptus videndos immediate exhibendo, ostendunt eo ipso res, quas con-  
perunt.

Ad quartum, voces significant res mediante conceptu, quia conceptus medius, ad imponendam significationem vocis, non verò mediat, ut id, quod immediate significatur.

At inquit, Voces naturales animalium, ut gemitus, boatus, &c. nullas res significant, sed tantum effectus animalium; ergo signum est, voces à natura datas esse ad immediate significandas passiones animi. Respondeo. Nos loqui de vocibus ex impositione: hæ enim imponuntur, ut sint nomina ad significandas res, ut per significationem rerum significant, deinde passiones animi, voces verò naturales animalium immediate significant passiones animi, non ad modum nominum, sed eo significandi modo quo effectus significat suam causam.

## QVÆSTIO II.

*An voces significant à natura an ex impositione?*

*Significare aliquid potest, vel à natura vel ex impositione.*

**Id** à natura significat aliud, quod ob connexionem aliquam naturalem vel ob similitudinem ducit in cognitionem alterius. Sic fumus naturaliter significat ignem, effectus causam, & imago cuius est imago. Id verò ex impositione hominum significat, quod non ob aliquam naturalem proprietatem, sed ex hominum voluntate & institutione significat, ut hedera appensa significat vinum. Quæritur ergo utro ex his modis, voces significant. Nam quidem existimabant quibuslibet rem suam proprium nomen habere, quo naturaliter significetur, quod si quis cognosceret ex proprietatibus ipsius vocis rem ipsam cognosceret; fundari enim voluit hanc significationem in naturalibus vocis proprietatibus; Litteræ enim, verbi gratia, quædam sunt vehemens spiritus, quædam lenis: his ergo & similibus proprietatibus possunt indicare naturas & proprietates rerum. Hæc sententia est Socratis & Cratilli apud Platonem in Cratillo. Item Pythagoreorum ex Devo lib. 1. de prædicamentis, & Heracliti ut testatur Ammonius. Et probari potest

primò: Quia vox est data homini vt naturale instrumentum ad significandum; ergo à natura debet habere proprietates, quibus sit apta ad significandum, & sicut voces animalium, quas edunt naturali sua proprietate significant affectus illorum internos, ita & multò magis humanæ voces, quia sunt perfectiores.

Secundò, quia videtur talia nomina fuisse imposita ab Adamo animalibus, quæ Deus adduxerat ad illum eo fine, vt illis nomina imponeret, illudquæ esset cuiusque nomen, quod ab eo esset impositum. Quare Philo Iudæus in libro de opificio mundi, ait Adamum talia nomina imposuisse, vt ex ipso vocis sono cognosceretur, quæ esset natura cuiusque; Habuit enim perfectissimam à Deo insulam omnium rerum naturalium cognitionem. Quod si negetur, Adamum tales voces cognoscisse; saltem negari non potest, Angelum cuius est perfectior notitia rerum naturalium, posse tales voces cognoscere & indicare.

Iam verò, si vocum tales proprietates, non cognoscant homines, id est per accidens. Nam voces ex natura sua habent tales proprietates, quæ sufficiunt ad significandum.

Aristoteles tamen 1. Periberm. capite primo & secundo negat voces à natura significare, sed ad placitum, vnde nomen & verbum desinit esse vocem significativam ad placitum. Quæ enim, inquit, à natura sunt, sunt eadem apud omnes, vt patet in incorruptis, qui cum naturaliter significant res, iidem sunt apud omnes, sicut & res eadem; atqui voces non sunt eadem apud omnes, sed diuersæ pro diuersitate nationum. Eandem sententiam tenet Hermogenes in Cratillo & Diodorus Philosophus ex Ammonio: qui idcirco imponebat seruis suos nomina coniunctionum, sed quæ quoniam. Pro solutione notandum est nos posse loqui de vocibus, vel de his quibus de facto vniur vel quæ inueniri possent.

Deo igitur primò, voces quibus de facto homines vniuntur non significare à natura, sed ad placitum & ex impositione hominum & hoc solum probant rationes Aristotelis; quia quæ à natura sunt non variantur pro varietate nationum, sed sunt eadem res sunt ubique, ita & eadem voces essent apud omnes, si à natura essent significativæ. Videmus autem non solum diuersas voces eidem rei apud varios impositas esse, sed etiam eandem vocem apud diuersos diuersas res significare, vt patet in vocibus æquivocis tum quod vna vox aliud in vna lingua, aliud in alia significat, & sæpe contrarium aliquando. Nam garbato Italis pulchrum significat Polus gibbosum.

Deo secundò, non est possibile reperiri voces naturaliter significantes res. Pro quo nota dupliciter intelligi posse voces à natura significantes vel propter similitudinem vniuocam cum re quæ potest esse inter sonum & sonum, sic tara tantara ob similitudinem cum sono tubæ bellicæ ipsum significat naturaliter, sic coax exprime vocem ranæ & alix similes voces possunt exprimere sonos animalium eorum quæ naturaliter significant, quia propter naturalem & physicam similitudinem, vel secundo non ob similitudinem, sed ob proprietates vocum in asperitate & lenitate soni consistentes & hoc secundo modo intelligitur conclusio. Dicimus igitur tales proprietates non esse sufficientes ad exprimendas res naturaliter. Nam hæ proprietates & paucae sunt in vocibus & non habent tantam proportionem ad res vt possint cum naturis explicare vt vel ex eo patet, quod hæcenus, ne ij quidem aures qui hoc tenent tales voces inuenire poterunt, ex quarum proprietatibus, res quæ significant, agnosci possent. Quare neque voces ab Adamo impositæ eius-

modi fuerunt, ut naturas significarent, hæ enim voces etiam nunc extant in lingua sancta, & tamen nullus vnquam ex iis naturam illius rei cognouit, & nisi diceretur, quid vox quælibet significet ex sono vocis scire non poterit significationem. Quare & Eux nomen quæ dicta est virago, quia de viro iumpita est Genes. 2. manifestè indicat non ob aliquas soni proprietates significare Euam, sed ob derivationem vocis virago à voce viri, idem patet in nomine Adami, quod ab ipso Deo illi impostum est, quod significat terrenum, vel rufum, & nomen Eua significat viuam vel viuentem.

Quare neque Angeli tales voces norunt, quæ natura significare possunt cum nullæ tales proprietates sufficientes sunt in vocibus, ut naturaliter significare possint.

Quod verò dicitur, vocem esse naturale instrumentum ad significandum. Respondeo, duo esse tributa à natura homini ad hunc finem; primo vocem pro instrumento, quam homo infinitis modis variare potest ad innumeras res significandas; Secundo rationem pro arte & ratione significandi. Ratione enim homo & cognoscit res, quas significare debet, & inuenit vocum varias differentias, quæ ad diuersas res significandas accommodat, verum hoc totum facit ratio ad plerumque, cum nullam inueniat in vocibus talem proprietatem naturalem propter quam determinetur ad hanc vocem, huic & non alteri rei imponendam. Non est igitur necesse vocem, si sit naturale instrumentum ad significandum naturaliter significare, quia hoc instrumentum est à natura subordinatum intellectui, à quo modum & rationem accipit ad significandum. Nam pari etiam ratione, manus est naturale instrumentum ad omnia facienda, quis tamen est subordinatum rationi & arti, idcirco non omnia manus opera sunt naturalia, sed plurima artificialia.

At obijciat, quando vna vox derivatur ab altera, derivatur propter naturalem similitudinem, ut cum Petrus à petra nomen accepit, quod in se petra fortitudinem habebat; ergo saltem eiusmodi voces naturaliter significant, quis propter naturalem similitudinem rei cum re. Respondeo minime verò, quia illam naturalem rei, cum re similitudinem voces non significant ex natura vocum, sed ex impositione; Vtraque enim vox tam derivatiua quàm primitiua significationem suam habet ex impositione, vnde mediante impositione, significat naturalem similitudinem rerum; Estque naturalis similitudo in rebus per voces significatis, non verò in vocibus significantibus, quæ nullam habent similitudinem naturalem, cum rebus significatis.

### QUESTIO III.

*An vocis significatio sumi debeat ex conceptu imponentis, vel ex conceptu audientis?*

**C**UM vox ex impositione habeat significare, impositio autem ad significandum fiat per conceptum, quem habet de re significanda is, qui imponit. Quæritur inter Doctores an possit vox imponi ad perfectius rem significandam, quam imponens concipiat, an verò solum sub eâ mensura vox significat rem sub qua vocat illa.

illa concipitur ab imponente? Scetus igitur, Occam, Gabriel, in 1. distinctione  
12. tenent posse vocem imponi ad perfectius rem significandam quam ab im-  
ponente concipiat; ita vt si imponens concipiat rem confusè & imperfectè possit  
imponere vocem ad rem illam distinctè & perfectè significandam; satis enim esse  
satis, quod vox illa audienti & perfectè intelligenti significet rem illam perfectissi-  
mè, & tale volunt esse nomen Dei, quod licet ab hominibus sit impositum, qui im-  
perfectum & confusum habent de Deo, à solis tamen beatis perfectè intelligitur, &  
illis non nobis perfectè significat. Ratio est; quia omne signum significat intelli-  
genti suam significationem, atqui potest perfectius intelligere significationem vo-  
cis, is qui audit, quam qui imposuit; ergo nomen illud perfectius significare po-  
test audienti, quam dicenti, & perfectius quam fuerit impositum ad significan-  
dam.

Alij verò dicunt vocis significationem sumendam esse ex conceptu imponentis,  
ita vt non perfectius vox significet quam imponens rem illam concepit. Ratio  
est; quia vocis significatio tota est ex impositione, impositio autem, tota est ex  
conceptu intellectus; Illam enim significationem intellectus imposuit voci quam  
concepit, non illam quam non concepit, cuius etiam signum est quod intellectus  
prout diuersos conceptus format de eadem re, diuersa illi nomina imponit, & vno  
quidem significat rem in confuso, vt nomine definiti, alio distinctè & explicitè, vt  
nomine definitionis. Quocirca, si nomen sit impositum ad significandam rem in  
confuso, & alter audito nomine concipiat illam rem distinctè, is non ex impositio-  
ne, nec ex significatione nominis intelligit rem illam distinctè, sed ex aliis causis,  
qua nimirum maius lumen, & maiorem notitiam, de illa re habet quam postulet  
impositio & significatio illa nominis, id, quod per accidens est ad significationem.  
Itaque nomen verbi gratia Deus, quia est impositum ab hominibus ad significan-  
dam Deum in confuso (quod vel ex eo patet quod prout varie Deus concipitur ita  
variè habet nomina) ideoque Beatus cum nomen Dei audit, & format de Deo per-  
fectissimum conceptum transcendit in hanc nominis significationem. Et ita sen-  
tentia Capreolus in dist. 12. Bonaventura Alusiudoriensis, 7. Marsil. Richard. quos  
refert Valsequez 1. parte disp. 32. & Caiet. 1. parte q. 13. 2. 10.

Que sententia confirmari potest primo Theologico argumento. Nam vt do-  
cet SS. Patres; Deus est ineffabilis, & nullum nomen habet, quo adæquatè, vt est  
in ipso nominetur: at si non est necesse Deum perfectè concipere, Deus posset  
perfectè nominari eo nomine, quod ei imponeretur, ad significandum, quantum  
quæritur est: Quare ei qui ita nominaret Deum, Deus non esset ineffabilis, quia  
tamen diceret de Deo quantum dici potest, dicendo nomen, quod totam Dei ra-  
tionem complectitur.

*Deus ineffa-  
bilis.*

Secundò, quia aliqui sequeretur perfectius aliquem de rebus loqui posse, quam  
eum intelligeret; quia nimirum nomina perfectius rem significant, quam concipiat  
is qui ea imponit, aut qui eis vtitur, hoc autem dici non potest: quia verba sunt sig-  
na conceptuum, & id verbis exprimimus, quod in mente concepimus, aliqui da-  
mur sine mente sonus.

Cum verò obicitur, significare est audienti manifestare rem significatam: ergo  
magis melius res ab audiente intelligitur, tanto perfectior est vocis significatio.  
Respondetur, si audiens rem intelligat perfectè secundum eam rationem & mensu-  
ram qua per nomen significatur talis intellectio oritur ex significatione nomi-  
nis,

nis, si verò ex alio capite rem perfectius apprehendat, quàm per vocem significatur, talis perfectio non est in significationem vocis referenda, quia tunc plus intelligitur res, quàm per vocem significatur.

*Nullum datur  
nomen essen-  
tiam rei per-  
fectè signifi-  
cans.*

Ex dictis deducitur nullum dari in mundo nomen, essentiam rei perfectè significans: Nam significatio nominis oritur ex impositione, impositio ex conceptu imponentis: atqui nullus hominum perfectè essentiam vllius rei, vt in se est, intelligit, sed solum in confuso per connotationem accidentium vel effectuum, aut per proportionem cum aliis rebus: ergo nullum tale nomen est de facto impositum. Bonus verò videns clarè Deum habensquè conceptum quidditatum & essentialem Dei, posset imponere tale nomen quod Deum perfectè & essentialiter significaret.

At inquires, potest quis imponere nomen rei quam ignorat, vt si cæcus imponeret nomen soli vel colori quem nunquam videt. Respondeo, quod si tantum cæcus impositioni standum esset, ea significatio à cæco imposita imperfectissima esset, quæ procederet ex imperfectissima cognitione rei, verùm homines ipso vsu nominis darent ei perfectam significationem, quia perfectè viderent solem & colorem. Idem dicendum est de eo, qui rei sibi ignotæ nomen imposteret, sicut cum Atheniensis aram ignoto Deo excitauit Act. 17. tunc enim nomen confusè tantum rem illam significaret; quia ex confusa rei apprehensione orietur.

## QVÆSTIO IV.

*Quid sit nomen & verbum?*

*Principia orationem constituentia.*

Enunciationis duo sunt veluti principia ipsam constituentia, Nomen & Verbum; ex his enim duobus omnem enunciationem constare necesse est. Nomen vt subiecto, verbo vt prædicato; Nihil enim subiecti rationem habet in enunciatione, nisi vel sit nomen, vel per modum nominis accipiatur. Nam cum de Verbo, Aduerbio, Pronomine aliquid enunciat, ea tunc per modum nominis sumitur, seu vt sunt nomina earum rerum quas significant, vt cum dico benè est Aduerbiū, sumitur benè vt est nomen eius vocis quæ est Aduerbiū. Et licet Grammaticæ non sint nomina; Logicæ tamen nomina sunt. Prædicati verò rationem habet verbum; Nam etsi aliquando nomina pro prædicatis ponuntur, ea tamen non habent rationem prædicati, nisi vt cum verbo suam significationem coniungunt, & verbo coniuncta prædicantur, vt cum dico Petrus est albus, albedo vt coniuncta verbo est, & per verbum est attributa subiecto, habet rationem prædicati. Ex quo patet nomen & verbum considerari ab Aristotele in ordine ad enunciationem, vnde ea habent rationem prædicati & subiecti.

*Nomen est  
vox significatiua ad placitum.*

Porro nomen definit Aristoteles esse vocem significatiuam ad placitum sine tempore, cuius nulla pars significat separatim, cui definitioni addit tandem in fine duas particulas, Finita & recta. Porro vox in hac definitione ponitur non vt genus sed vt materia nominis: Genus enim habet differentias essentielles, per quas contrahitur ad diuersas species: at vox nullas habet differentias essentielles sed tantum accidentales, vt quod sit acuta, leuis, aspera, grauis, item quod sit imposita ad hoc vel illud significandum; vnde omnes voces in ratione vocis seu soni sunt eiusdem speciei.

*speciei.* Quocirca vox non potest habere rationem generis sed materiz potius ex qua: sicut enim si definiam scarnum, recte dixero esse lignum hoc vel illo modo accommodatum, ita & nomen recte definitur esse vox habens talem sibi impositionem significationem, quæ significationem est quædam proprietas accidentaliter vocis cum possit adesse & abesse præter vocis corruptionem. Dicitur autem vox materia proxima. Nam sonus est materia remota; Vox enim non est quilibet sonus, sed is solum qui ab animalis ore procedit cum imaginatione quadam ut auctor est Arist. 2. de anima text. 29.

Dicitur secundò. Nomen esse vox ad placitum significans, ut distinguatur à vocibus naturalibus animalium naturaliter significantibus: Mugitus enim, rugitus, gemitus, animalium non sunt nomina, quia naturaliter non ad placitum nec ex impositione significant affectus animalium: Quamvis enim hæc vox mugitus significet mugitum realem animalis, ex impositione & placito hominum, cum sit vox humana, vii aliz voces, tamen realis ille mugitus animalis non significat ex impositione & placito, affectum animalis sed naturaliter.

Quod si queras, an si vocibus animalium imponeretur significatio alicuius rei, voces illæ essent nomina eo ipso? Videtur enim nihil essenziale illis deesse ad rationem nominis & tota definitio nominis illis conueniret. Respondeo, tales voces nullo modo fore nomina, etiamsi illis imponatur significatio ad placitum, ut si mugitus bouis constituitur signum alicuius rei faciendæ. Ratio est, quia significatio nominis, refertur essentialiter ad duo, nempe tam ad res significandas quam ad conceptus explicandos, voces autem animalium, per eam significationem quæ illis imponeretur ad placitum, non referrentur ad conceptus significandos, sed solum ad res significandas ad eum modum, quo hedera ex institutione significaret vinum vendibile; non igitur tales voces possunt dici nomina; de ratione enim vocis animalis est ut conceptum & affectum eius quidam format, significet; ad hoc enim vox est à natura hominis data.

Dices mugitum illud bouis significare affectionem internam bouis. Respondeo mugitum illud ut est signum naturale significare affectionem bouis, ut verò est signum alicuius alterius rei ex impositione, sic nullam affectionem bouis significat, nec ad illam imaginationem bouis significandam ordinatur. Quare non significat nec per modum vocis, sed per modum rei sicut hedera.

At inquires, si quis ignota tibi verba proferat, is significabit res non conceptus, tunc non est de ratione vocis significare conceptus. Respondeo etiam verba ignota cum proferuntur, significant saltem in confuso conceptum dicentis, qui concipit ea verba aliquid significare & ut minimum sunt apta dicentis conceptum significare, quod vocibus animalium non conuenit. Ex quo patet solas humanas voces posse habere rationem nominis; tum quia solæ significant res & conceptus, tum quia solæ mutant enunciationem, hoc enim loco considerantur voces in ordine ad enunciationem. Iam quod obieciatur, vocibus animalium nihil deesse ad rationem nominis. Respondeo deesse plerumque vel actu vel potentia. Quod si obieciatur in phrasæ vocis articulationes non significare conceptus nec actu nec potentia respectu phrasæ. Respondeo voces illas non esse impositas ad significandum ut sunt voces phrasæ, sed ut voces humanæ.

Tertio vult Aristoteles nomen significare sine tempore, ad differentiationem verbi, quod cum tempore significat, quia significat rem per modum actionis vel passionis, actio tempore?

*Voces animalium an possint esse nomina?*

*Verba ignota quid significant?*

*Vocibus animalium quid deest ad rationem nominis? Quid sit significare sine tempore?*

actio autem semper significatur cum tempore præsentis præterito, vel futuro, nomen autem significat rem absolute absque circumstantia temporis. Est autem notandum aliud esse significare tempus, aliud significare cum tempore. Nam significare cum tempore est significare rem cum circumstantia temporis præsentis, præteriti, vel futuri, vt anno, amabam, amabo; significare verò tempus, est significare illud absolute & secundum se, non autem circumstantiam rei significare, vt anni, hora, mensis. Nomen igitur potest significare tempus, non tamen significat cum tempore: quia non significat rem cum circumstantia temporis, licet possit ipsam circumstantiam temporis absolute secundum se significare, vt hen, hestidnum.

Ex quo patet, an nomen & verbum differant essentialiter? Quidam enim negant differre, quod eandem vtrumque significet rem, sed diuerso modo, nomen quidem absolute, verbum autem per modum actionis; modus enim non pertinet ad essentialitatem rei; Idem enim curius significatur nomine curius, & verbo currens: alii verò affirmant differre essentialiter, quia differunt re significata, non solo modo significandi; nam actio est res significata per verbum, nomen autem non significat actionem, & licet actio Physicè sit modus rei; tamen in ordine ad significationem non habet se, vt modus rei significatur, sed est res significata.

*Nomen & verbum differunt essentialiter.*

Quod si dicas etiam nomen posse significare actionem; Nam hoc nomen actio significat actionem: ergo tunc saltem non differret essentialiter à verbo agendi. Respondeo nomen posse significare actionem in abstracto & in actu signato: at verbum significat actionem vt exercitam: & quamvis exercita actio non differat simpliciter, ab actione in abstracto: solum enim differt modo quodam actionis, tamen in ordine ad significationem differunt essentialiter, quia modus ille intrat ipsam vocis significationem essentialem.

Quartò requirit Aristoteles, vt nullius nominis pars significet separatim. Essentia enim duo nomina non vnum nomen. Quamvis enim possit nomen componi ex duobus nominibus, quæ seorsim significant tamen vt componunt illud nomen, non significant id quod, seorsim significant, sed nouam aliam rem, quam seorsim non significant, sed tantum coniunctim. Verbi gratia, Neapolis est impositum nomen ad illam urbem sic dictam, & licet partes huius nominis separatim significant nouam ciuitatem coniunctè, tamen vt ad illam urbem referuntur non significant aliud nisi Urbem illam; licet enim causa huius nominis imponendi fuerit nouitas ciuitatis, tamen non ad nouitatem ciuitatis, sed ad ipsam urbem significandam est nomen impositum.

*Nomen finitum & re-  
ctum.*

Quidam addunt ad definitionem nominis duas alias particulas nempe, vt sit vox finita, & recta, verum alij eas admittunt quidem cum Aristotele, sed ad definitionem nominis non admittunt, cum nec Aristoteles eas in definitione posuerit, nec pertinere possint ad definitionem, vt partes, sed vt proprietates consequentes definitionem & essentialiam nominis.

Porro excludit Philosophus à ratione nominis nomen infinitum, & nomen obliquum non quod non fiat essentialiter nomina, sed quod imperfectè rationem nominis participant maximè, si ad enumerationem referantur, nomen enim in enumeratione debet significare rem aliquam determinatam, nomen autem infinitum nullam rem determinatam significat, vt non homo, quod ex eo patet quia de omnibus rebus æquè existentibus ac non existentibus dicitur; Vnde potius diceretur



dem est nomen cum adiecto diminutive, nempe nomen negativum vel nomen infinitum non vero nomen absolute, Nomen vero obliquum est casus nominis positus, quum nomen; nomen enim verbo coniunctum, facit enuntiationem; at nomen obliquum id non facit, recte enim enuncio, Petrus currit, non recte autem Petri currit, quare merito ob hanc imperfectam significationem rejiciuntur à ratione nominis.

Ex definitione nominis intelligitur definitio verbi. Omnes enim partes definitionis vtrique sunt communes una excepta, quod nomen sine tempore significet; Verbum cum tempore. Addit verò Aristoteles verbum esse semper eorum quæ de altero prædicantur notam: quia de ratione verbi est ut significet per modum actionis, alio autem refertur & ad rem actam, & ad eum cuius est actio. Vnde ex natura sua habet actio componere vnum cum altero, Quare & verbum cum significet per modum actionis habet ex natura sua vnum attribuere alteri, & prædicare de altero, vnde infra dicemus, à verbo enim provenit, quod aliquid habeat rationem prædicati.

*Nomen significat sine tempore, verbum cum tempore.*

## QVÆSTIO V.

*Quid sit nomen infinitum?*

Nomen infinitum est, quod nullam rem determinatam significat, ob adiunctum sibi negationem, ut non homo; nulla enim res determinata est in mundo quæ sit non homo, sed omnibus rebus ex æquo tam existentibus, quam non existentibus convenit, ut sint non homo, præter ipsum hominem: omnia enim præter hominem, sunt non homo.

Quærit autem potest primò, cur nomen infinitum dicatur infinitum? Respondetur, non dici infinitum, quòd infinita significet, & infinitis rebus applicari possit: Nam hoc modo nomen entis esset infinitum, quia infinitis entibus accommodatur, & genera prædicamentorum essent infinita, quia extendunt se ad infinitas species & individua: dicitur ergo nomen infinitum, quia nullam certam & determinatam rem significat, nec ad ullam certam significandam definitur, sed omni rei ex vi sue significationis accommodari potest. Hoc autem modo nomen entis non est infinitum, quia significat rem determinatam, nempe ens: non homo autem, non significat certam & determinatam rem, sed quamvis sit certæ & determinatæ rei negatio, hæc tamen negatio nulli rei determinatæ, convenit & ideo est nomen infinitum. Ex quo patet illas negationes, quæ sunt impositæ ad significandam aliquam determinatam perfectionem subiecti, non constituere nomen infinitum, ut immortalis, immensus, incompositus; hæc enim nomina significant quidem negationes, sed fundatas in aliqua perfectione, quam ex ipsæ negationes indicant, ut immortalitas significat perfectionem, ratione cuius res illa morti non subiacet. Tamen ergo nomina, licet quoddam vocem videantur esse infinita, tamen quoad rem sunt finita, quia rem determinatam significant.

Secundò, quæritur an nomen infinitum prædicetur de quolibet quod est, & quid non est? Sotus 2. summularum cap. 1. ait, nomen infinitum significare quidem

*Quo sensu Nomen dicitur infinitum.*

idem.

dem omnia, tam quæ sunt, tam quæ non sunt, non posse tamen in propositione prædicari nisi de existentibus. Ratio est: quia in omni propositione affirmativa prædicatum supponit existentiam subiecti; at propositio in qua nomen infinitum prædicatur de re non existente est affirmativa, ut hippocentaurus est non homo; ergo deberet supponere existentiam subiecti. Major patet, primo exemplis; quia hæc propositiones, Adam est albus. Antechristus est niger, solum ex eo sunt falsæ, quia sunt de subiecto non existente: Secundò ratione; quia prius est subiectum esse, quàm hoc vel illud esse; Cum ergo in propositione affirmativa subiectum dicatur hoc vel illud esse, necessè est ut supponatur subiectum esse. Ex quo inferri potest consequentiam, ut si Petrus est albus, rectè inferatur ergo Petrus est; prius enim est Petrum esse, quàm album esse.

*Prædicata an  
supponant ex-  
istentiam sub-  
iecti*

Alij verò contrarium sentiunt, ex contrario fundamento. Non enim in omni propositione affirmativa, necessè est subiectum supponi existens. Sunt enim duplicia prædicata, alia accidentalialia, alia essentialia, vel ad essentiam consequentia. Illa non conveniunt subiecto, nisi per actualem existentiam, quocirca supponunt subiecti existentiam; hæc autem conveniunt subiecto non per existentiam, sed per essentiam; quia vel sunt de essentia subiecti, vel ratione essentia subiecto conveniunt, & idcirco tribui subiecto possunt etiam non existenti: Abstrahunt enim ab omni existentia, tam sui, quàm subiecti, sic homini convenit esse rationale vel risibile; ratione ipsius hominis essentia, albedo verò quia convenit homini per existentiam, non potest illi convenire nisi actu existenti. Nomen igitur infinitum habet se per modum prædicati essentialis, vel ex essentia necessariò consequentis; quidquid enim est non homo, ratione suæ essentia est non homo: quia cum est id quod est, ideo est non homo. Unde esse non hominem est prædicatum necessarium, non contingens; id enim quod est non homo, non potest esse homo, quocirca necessariò est non homo. Hinc ergo fit, ut nomen infinitum, more prædicati essentialium non requirat existentiam subiecti.

*Negatio con-  
venit etiam  
rei impossibili.*

Deinde negatio ex se non requirit existentiam subiecti; convenit enim rei etiam impossibili. Nam de Chimæra, quæ est quid impossibile & non existens, necessè est alterum contradictoriorum affirmari vel negari. Cum ergo homo non possit affirmari de Chimæra, consequens est, ut non homo seu negatio hominis debeat affirmari: atqui in tali affirmatione non supponit Chimæra existentiam, cum ea sit impossibilis; ergo negatio ex se non requirit subiecti existentiam. Quare dicunt hi auctores bonam esse consequentiam à termino negato ad terminum infinitatum, ut si Chimæra non est homo, rectè inferatur; ergo Chimæra est non homo.

*Vera senten-  
tia.*

*Nostra sententia est media, quæ duabus conclu-  
sionibus continetur.*

*Supponi subie-  
ctum existens.*

Dico igitur Primò in omni propositione affirmativa supponitur subiectum existens existentia proportionata prædicato, seu quam requirit prædicatum. Explico, subiectum determinatur ad eam suppositionem quam requirit prædicatum, quare & existentia talis requireretur in subiecto: qualem requirit prædicatum. Est autem existentia,

existentia alia realis, alia rationis. Item realis, alia actualis, alia potentialis; sicut igitur non omnia prædicata sunt eiusdem rationis, ita non omnia eandem existentiam in subiecto requirunt.

Quædam igitur requirunt in subiecto æqualem existentiam, ut accidentia quæ non aliter conveniunt subiecto nisi per realem in existentiam in illo, ut hominem esse album, non convenit homini nisi existenti: Quædam verò requirunt existentiam subiecti vel æqualem vel potentialem, ut sunt prædicata essentialia, & ad existentiam consequentia; Hæc enim si tribuantur subiecto realiter, debent tribui secundum existentiam realem sive æqualem sive potentialem; realitas enim vel æquitas existentia, vel necessitas secum infert existentiam.

Quare homo non potest dici realiter animal, nisi in ordine ad existentiam æqualem vel potentialem. Quædam denique requirunt in subiecto existentiam rationis ut sunt prædicata essentialia, si ita sumamus solè, ut sunt de conceptu essentiali subiectorum, & includuntur in eorum essentiali conceptu abstrahendo ab omni realitate, ad cum planè modum, quo essentia rationis de entibus rationis & facta de factis essentialiter prædicantur, ut cum dico Hircocervus est animal, genus est universale; hæc enim non tribuantur realiter suis subiectis, sed tantum secundum suum conceptum essentialem, quare non supponunt existentiam realem subiecto omnino, sed tantum in ratione; quo etiam modo dicimus, nihil esse nihil, ubi prædicatum est essentialiter subiecto, & non supponit nec supponere potest existentiam realem subiecti, sed tantum in ratione.

His igitur expostitis probatur conclusio. Primo auctoritate Aristotelis 1. Post. *Probatur conclusio.*  
 1. ubi docet ad demonstrandam propriam positionem de subiecto, præcognoscendum esse de subiecto, non solum quid sit, sed & quod sit, hoc est, existentiam subiecti. Certe propria passio quæ demonstratur, fuit ab essentia subiecti, & est prædicatum necessarium; ergo etiam prædicata necessaria & ab essentia fluentia, requirunt existentiam subiecti, & quidem si tribuantur subiecto, realiter requirunt existentiam realem subiecti, si verò solum secundum conceptum, seu quatenus sunt de conceptu subiecti requirunt in subiecto solum existentiam rationis. Quia demonstratio debet esse de entibus rebus verè existentibus, idcirco propriæ positionis quæ demonstratur, supponunt veram existentiam subiecti, sive æqualem sive potentialem.

Secundò ratione; quia omne prædicatum affirmativum tribuitur subiecto vel realiter vel abstrahendo à realitate; si tribuitur realiter, necessario supponet existentiam subiecti realem, quia realitas est vel existentia, vel non line existentia; prædicatur enim tunc est realiter quando existit, quod si non existit, sed tamen existere tribuitur subiecto, dicitur realis solum in potentia, si verò tribuitur secundo modo tunc requiritur existentiam rationis. Talis enim prædicatio fundatur, in hoc quod prædicatum includitur in conceptu subiecti ita ut quandocunque conopiat subiectum, sit necesse conceptu prædicatum in eo includi. Patet autem talem connexionem prædicati & subiecti esse solum rationis; tum quia est ratione conceptus inclusi in conceptu: tum quia talis connexio invenitur etiam in entibus rationis, cum de illis prædicata essentialia affirmantur. Ex quo patet cum prædicò animal de homine dupliciter posse tribui animal homini, primo realiter, & sic tribuitur secundum realem existentiam in communi acceptam, secundò abstrahendo ab omni realitate propter inclusionem conceptus in conceptu, ad eum modum quo prædicò de entibus

rationis prædicata eius essentialia, vel de hircoceruo, quod sit animal, vel de non ente, quod sit non ens, & tunc prædicatio est secundum existentiam rationis: Connexio enim prædicati cum subiecto, est per rationem & conceptum.

Ex quo patet solutio illius argumenti secundæ sententiæ in quo dicitur essentialia prædicata convenire subiectis non propter existentiam, sed propter connexionem essentialem, ante omnem existentiam. Nam dicendum est illam connexionem, si sit realis, includere necessariò existentiam realem, si vero sit solum propter inclusionem in conceptu tunc includit existentiam conceptam, ita ut vniuerseturum sit in omni propositione affirmatiua, requiri existentiam subiecti proportionatam prædicato. Ex quo etiam sequitur in omni tali propositione rectè inferri existentiam subiecti, ut si homo est animal rectè inferatur, ergo homo est, dummodo semper proportionata existentia inferatur.

*Nomen infinitum de quo prædicatur.*

Dico secundò. Nomen infinitum prædicari in propositione affirmatiua tam de ente quam de non ente, tam de possibili quam de non possibili. Ratio est, quia negatio ex se non requirit subiecti existentiam realem, sed tantum in ratione, quod est commune omni propositioni. Cum enim fiat in ratione, terminos quoque in ratione existentes requirit: at prædicatum infinitum est negatio: ergo non requirit existentiam subiecti realem, sed potest æquè de existenti ac non existenti, de possibili ac impossibili prædicari, ut bene probat sententia secunda. Confirmatur: quia negatiua propositio, de subiecto impossibili, est vera, solum ex eo quod negatio non requirit existentiam subiecti realem, hæc enim propositio Chimæra non est homo; est vera & contradictoria eius falsa. Chimæra est homo, similiter nihil esse nihil verè dicitur, & eius contradictorium est falsum, & tamen subiecti huiusmodi propositionum non possunt existere realiter.

*Negatio potest esse realis ratione fundamenti vel subiecti.*

Quamquam notandum est negationem etiam secundum se non sit realis, posse tamen esse realem ratione fundamenti vel subiecti, cui realiter competit, non sui sed subiecti realitate; sic Petrum dicimus realiter æcum propter reale fundamentum cæcitatatis. Nomen igitur infinitum potest dupliciter tribui subiecto: primo secundum se ut est negatio, & sic non requirit existentiam realem subiecti, potestque rebus etiam impossibilibus tribui: secundò potest tribui tanquam realiter conuenienti & sic non potest nisi entibus realibus tribui; supponit enim existentiam subiecti realem, siue actuale siue possibilem. Quare non verè dicimus Chimæram esse realiter non hominem, quia quod est realiter non homo; debet realiter esse aliquid Chimæra autem nihil est realiter, quare neque est realiter homo, neque realiter non homo.

At inquires, in hoc casu non homo non erit nomen infinitum quia non conueniet nisi entibus realibus, non verò non entibus. Respondeo in tali casu, non homo non esse purum infinitum. Nam nomen infinitum est pura negatio: Hic autem non homo, non significat puram negationem hominis sed accipitur cum realitate, & proinde cum affirmatione realitatis: quare non mirum est, quod non possit infiniti nominis infiniti purè prædicari de entibus.

*Ex propositione de tertio adiacente licet inferre propositionem de secundo adiacente.*

Ex dictis soluitur primò, an ex propositione de tertio adiacente, liceat inferre propositionem de secundo adiacente, ut si homo sit albus vel risibilis, rectè inferatur hominem esse absolutè. Respondeo enim licere: quia existentia subiecti præsupponitur in talibus propositionibus, dummodo sumatur existentia proportionata prædicato, ut dictum est.

Secundò

Secundo. An bona sit consequentia à termino negato ad infinitum & contra, *ut A termino vel si dicam, non est albus, ergo est non albus. Respondeo esse bonam quia utrobique gero ad infinitum planè prædicatur, nempe negatio eiusdem termini; quanquam hæc prædicatio est composita in vna propositione, sit negativè in altera affirmativè, in re tamen æquipolens, quia in re idem est negatio affirmationis, & affirmatio negationis; nihil enim prædicatur subiecto in vna prædicatione quàm in altera.*

At dices. In negativa dico negari, & terminum & existentiam significatam per verbum, est, in affirmativa verò solum terminus negatur, existentia autem significata per verbum Est affirmatur. Respondeo in affirmativa termino negato, negatur & existentia termini, quare idem utrobique negatur. Nam cum negatur terminus subiecto eo ipso negatur existentia termini in subiecto. Dices, in affirmativa, affirmatur negatio termini; in negativa solum terminus negatur. Respondeo, utrobique eandem negationem & eiusdem rei tribui subiecto, licet diverso modo, nempe affirmativo vel negativo: Nam etiam in negativa ex vi prædicationis, seu ex vi copulæ, negatio illa tribuitur subiecto, quod idem fit in affirmativa.

At obicies. Non rectè inferri; Petrus non est iustus: ergo est iustus, potest enim nec esse iustus nec iniustus. Respondeo istam consequentiam non esse à termino negato ad infinitum sed ad finitum. Nam Iniustus, non dicit meram negationem iustitiæ, sed positivum vitium iniustitiæ: Esset autem bona consequentia, si iustus acciperetur infinitè, hoc est non iustus.

Obiices præterea. Hæc illatio est mala, Chimæra non est realiter vivens, ergo etiam realiter non vivens: quia Chimæra cum nihil sit reale, nihil ei realiter competere potest. Respondeo cum inferitur; Chimæram realiter esse non viventem non sum totum prædicatum infinitè: Nam realitas non infinitatur, sed tantum vivens, sumitur autem infinitè, si verumque infinitaretur, dicendo Chimæram esse non viventem realiter. Quare notandum est quod si verbum est, purè sumatur nullo modo addito, semper valebit consequentia, à termino negato ad infinitum: at si tempore sumatur, sed addatur illi aliquis modus ipsum determinans, non valebit consequentia, nisi modus etiam ille infinitetur.

Tertio quaeritur. An necesse sit nomen infinitum prædicari tam de his quæ sunt quam quæ non sunt. Id enim nonnulli deducunt ex verbis Aristotelis, qui ex eo præbent nomen esse infinitum, quia dicitur de quolibet quod est & quod non est: Ex quo inferunt transcendentiā non posse infinitari, ut non ens, non verum, non bonum, quia dicuntur solum de non entibus, non vero de entibus. At longè melius alii id præteresse esse necessarium vniuersè; quare & transcendentiā infinitari posse. Ratio est: Quia nomen dicitur infinitum eo quod propter negationem nullam rem determinatè significat: ex hoc autem sequitur, ut possit de omni alio prædicari siue entis aliud sit ens siue non ens. Si igitur negatio sit præfixa termino alicui non transcendentali, terminus ille infinitus prædicabitur de omni alio, tam ente quàm non ente; quia tunc sumi possunt præter terminum infinitatum, tam entia quàm non entia. Si verò sit negatio præfixa termino transcendentali, ut ens, verò, bonum, præter terminum negatum non possunt alia sumi nisi non entia, & tunc nomen infinitum non prædicabitur nisi de non entibus, in quo tamen salvatur ratio nominis infiniti, quia nomen infinitum debet prædicari de omni alio, præter terminum cuius est negatio: Quod si alia præter terminum negatum sint entia & non entia, de utriusque dicitur, si verò sint solum non entia,

*Etiam transcendentiā infinitari possunt.*

rationis prædicata eius essentialia, vel de hircoceruo, quod sit animal, vel de non ente, quod sit non ens, & tunc prædicatio est secundum existentiam rationis. Connexio enim prædicati cum subiecto, est per rationem & conceptum.

Ex quo patet solutio illius argumenti secundæ sententiæ in quo dicitur essentialia prædicata convenire subiectis non propter existentiam, sed propter connexionem essentialem, ante omnem existentiam. Nam dicendum est illam connexionem, si sit realis, includere necessarium existentiam realem, si vero sit solum propter inclusionem in conceptu tunc includit existentiam conceptam, ita ut vniuersum rerum sit in omni propositione affirmatiua, requiri existentiam subiecti proportionatam prædicato. Ex quo etiam sequitur in omni tali propositione rectè inferri existentiam subiecti, ut si homo est animal rectè inferitur, ergo homo est, dummodo semper proportionata existentia inferatur.

*Nomen infinitum de quo prædicatur.*

Dico secundò. Nomen infinitum prædicari in propositione affirmatiua tam de eare quam de non ente, tam de possibili quam de non possibili. Ratio est, quia negatio ex se non requirit subiecti existentiam realem, sed tantum in ratione, quod est commune omni propositioni. Cum enim fiat in ratione, terminos quoque in ratione existentes requirit: at prædicatum infinitum est negatio: ergo non requirit existentiam subiecti realem, sed potest aequè de existenti ac non existenti, de possibili ac impossibili prædicari, ut bene probat sententia secunda. Confirmatur: quia negatiua propositio, de subiecto impossibili, est vera, solum ex eo quod negatio non requirit existentiam subiecti realem, hæc enim propositio Chimæra non est homo; est vera & contradictoria eius falsa. Chimæra est homo, similiter nihil esse nihil verè dicitur, & eius contradictorium est falsum, & tamen subiecta harum propositionum non possunt existere realiter.

*Negatio potest esse realis ratione fundamenti vel subiecti.*

Quamquam notandum est negationem et si secundum se non sit realis, posse tamen esse realem ratione fundamenti vel subiecti, cui realiter competit, non sua sed subiecti realitate; sic Petrum dicimus realiter cæcum propter reale fundamentum cæcitatis. Nomen igitur infinitum potest dupliciter tribui subiecto: primo secundum se ut est negatio, & sic non requirit existentiam realem subiecti, potestque rebus etiam impossibilibus tribui: secundò potest tribui tanquam realiter conueniens & sic non potest nisi entibus realibus tribui; supponit enim existentiam subiecti realem, siue actuale siue possibilem. Quare non verè dicimus Chimæram esse realiter non hominem, quia quod est realiter non homo; debet realiter esse aliquid Chimæra autem nihil est realiter, quare neque est realiter homo, neque realiter non homo.

At inquit, in hoc casu non homo non erit nomen infinitum quia non conueniet nisi entibus realibus, non verò non entibus. Respondeo in tali casu, non homo non esse purum infinitum. Nam nomen infinitum est pura negatio: Hic autem non homo, non significat puram negationem hominis sed accipitur cum realitate, & proinde cum affirmatione realitatis: quare non mirum est, quod non possit inferri nominis infiniti purè prædicari de entibus.

*Ex propositione de tertio adiacente licet inferre propositionem de secundo adiacente.*

Ex dictis soluitur primò, an ex propositione de tertio adiacente, licet inferre propositionem de secundo adiacente, ut si homo sit albus vel risibilis, rectè inferatur hominem esse absolutè. Respondeo enim licere: quia existentia subiecti prædicato, ut dictum est.

Secundo

Secundo. An bona sit consequentia à termino negato ad infinitum & contra, *ut A termino negato ad infinitum* dicam, non est albus, ergo est non albus. Respondeo esse bonam quia utrobique idem planè prædicatur, nempe negatio eiusdem termini; quanquam hæc prædicatio in vna propositione, sit negativè in altera affirmativè, in re tamen æquipollens, quia in re idem est negatio affirmationis, & affirmatio negationis; nihil enim plus tribuitur subiecto in vna prædicatione quàm in altera.

At dices. In negativa dico negari, & terminum & existentiam significatam per verbum, est, in affirmativa verò solum terminus negatur, existentia autem significata per verbum Est affirmatur. Respondeo in affirmativa termino negato, negatur & existentia termini, quare idem utrobique negatur. Nam cum negatur terminus in subiecto eo ipso negatur existentia termini in subiecto. Dices, in affirmativa, affirmatur negatio termini; in negativa solum terminus negatur. Respondeo, utrobique eandem negationem & eiusdem rei tribui subiecto, licet diverso modo, nempe affirmativo vel negativo: Nam etiam in negativa ex vi prædicationis, seu ex vi copulæ, negatio illa tribuitur subiecto, quod idem fit in affirmativa.

At obicies. Non rectè inferri; Petrus non est iustus: ergo est iustus, potest enim nec esse iustus nec iniustus. Respondeo istam consequentiam non esse à termino negato ad infinitum sed ad finitum. Nam Iniustus, non dicit meram negationem iustitiæ, sed positivum vitium iniustitiæ. Esset autem bona consequentia, si iniustus acciperetur infinitè, hoc est non iustus.

Obicies præterea. Hæc illatio est mala, Chimæra non est realiter vivens, ergo realiter non vivens: quia Chimæra cum nihil sit reale, nihil ei realiter competere potest. Respondeo cum inferitur; Chimæram realiter esse non viventem non sumitur prædicatum infinitè: Nam realitas non infinitatur, sed tantum vivens, significatur autem infinitè, si verumque infinitaretur, dicendo Chimæram esse non viventem realiter. Quare notandum est quod si verbum est, purè sumatur nullo modo addito, semper valebit consequentia, à termino negato ad infinitum: at si non pure sumatur, sed addatur illi aliquis modus ipsum determinans, non valebit consequentia, nisi modus etiam ille infinitetur.

Tertio quaeritur. An necesse sit nomen infinitum prædicari tam de his quæ sunt quam quæ non sunt. Id enim nonnulli deducunt ex verbis Aristotelis, qui ex eo probat nomen esse infinitum, quia dicitur de quolibet quod est & quod non est: Ex quo inferunt transcendentia non posse infinitari, ut non ens, non verum, non bonum, quia dicuntur solum de non entibus, non vero de entibus. At longè melius alii id negare esse necessarium unversè; quare & transcendentia infinitari posse. Ratio est: Quia nomen dicitur infinitum eo quod propter negationem nullam rem determinatè significat: ex hoc autem sequitur, ut possit de omni alio prædicari siue ens siue non ens. Si igitur negatio sit præfixa termino alicui non transcendentali, terminus ille infinitus prædicabitur de omni alio, tam ente quam non ente; quia tunc sumi possunt præter terminum infinitatum, tam entia quam non entia. Si verò sit negatio præfixa termino transcendentali, ut entis, vero, bono, præter terminum negatum non possunt alia sumi nisi non entia, & tunc nomen infinitum non prædicabitur nisi de non entibus, in quo tamen salvatur ratio nominis infiniti, quia nomen infinitum debet prædicari de omni alio, præter terminum cuius est negatio: Quod si alia præter terminum negatum sunt entia & non entia, de utroque dicitur, si verò sunt solum non entia,

*Etiā transcendentia infinitari possunt.*



de his solum dicitur. Aristoteles vero quia exempla attulit in terminis non transcendentibus iure potuit dicere illa nomina infinita predicari; de quolibet quod est & quod non est, cum tamen de ratione nominis infiniti, non sit, nisi possit predicari de omni alio præter ipsum.

## QVÆSTIO VI.

*An verbum in propositione sit tantum copula,  
vel etiam predicatum?*

**P**rima sententia est Verbum ut verbum, nunquam predicari in propositione nisi quatenus includit in se nomen, solumque ex se habere vim copulandi prædicatum cum subiecto: Nam omne verbum resolvitur in copulam & prædicatum, ita ut prædicatum sit nomen, copula verò, verbum Est. Verbi gratia verbum currens, resolvitur in est currens, & ut dicitur cursum, prædicatur, ut dicitur est, copulat, habetque se ut syncategorema quoddam copulam significans.

*Probatur hæc  
sententia.*

1.

Probatur hæc sententia. Primò autoritate Aristotelis, qui in definitione verbi ait verbum semper esse eorum quæ prædicantur notam, aliud verò est prædicatum, aliud esse notam eorum quæ prædicantur; alioqui si verbum ipsum prædicetur, erit sui ipsius nota. Idem Aristoteles 1. Prior cap. 1. definit terminum in hunc modum; Terminus est id in quod resolvitur propositio, tanquam in subiectum vel prædicatum, appositum vel divisum esse vel non esse: ergo secundum Aristotelem copula quæ significat esse vel non esse, non est terminus in propositione qui subiiciatur aut prædicetur.

2.

Secundò id probatur in propositionibus essentialibus; Nam si verbum est, in his propositionibus prædicaretur, prædicaretur existentia prædicati in subiecto; Verbum enim est, nihil aliud potest prædicare nisi existentiam: at propositiones essentialiales abstrahunt ab omni existentia: ergo verbum est in his propositionibus non prædicatur, sed tantum copulat, sunt enim hæc propositiones sempiternæ veritatis & ab æterno fuit verum dicere, hominem esse animal ante omnem hominem existentiam.

3.

Tertiò idem patet in propositionibus negativis, in quibus verbum est, non potest prædicare existentiam prædicati, quia prædicatum est non ens; non ens autem nullam habet existentiam; ergo tunc verbum solum habet rationem copulæ. Quartò in propositionibus de secundo adiacente verbum est, resolvitur in prædicatum & copulam, ita ut prædicatum sit nomen, verbum autem obtineat rationem copulæ, ut si resolvam, homo est, in hanc, homo est existens, existentia erit prædicatum. Est verò solum copula; ergo verbum solum prædicatur ut continet in se notam quatenus autem est verbum copulat.

*Veræ Sententia.*

Secunda Sententia est Verbum in omni propositione non solum copulam sed & prædicari, ita Toletus hic & multi recentiores. Probatur primò: Quia etiam in propositionibus essentialibus non solum prædicatur de homine animal, sed & est animal: utrumque enim tribuitur homini per modum unius; Verbum enim significat per modum actionis exercitæ: atqui tota illa actio tribuitur subiecto; ergo verbum ut verbum tribuitur subiecto. Confirmatur quia verbum non habet rationem

tionem copulæ per modum particularem, Et, etiam, aut similibus, syncategorematis, sed quia significat actionem exercitam à subiecto: actio enim vt actio refertur ad id cuius est actio, ac ex consequenti habet rationem copulandi quatenus est actio exercita: ergo cum actio vt exercita tota prædicetur de subiecto consequens est vt verbum quatenus verbum prædicetur de subiecto.

Secundo probatur. Quia nomen non habet rationem prædicati nisi ex verbo, animal enim verbi gratia non est prædicatum, nisi quatenus affirmatur esse vel non esse per verbum esse. Est ergo verbum est formale prædicatum. Dices verbum solum esse conditionem sine qua non: sicut enim ignis sine approximatione non calefacit lignum & tamen approximatō non est ratio formalis calefactionis sed tantum conditio sine qua non: ita nomen sine copula non prædicatur, quia copula est conditio sine qua non, coniungens prædicatum cum subiecto, non verò constituens rationem formalem prædicati. Respondeo verbum non solum esse conditionem, sine qua non: sed etiam esse ipsum formale prædicatum, & coniungere seipsum in verbum prædicatum cum nomine. Ratio est, quia Verbum non copulat vt syncategoremata aliquod, neq; vt coniunctio Et, etiam, sed vt significat actionem exercitam à subiecto, actio autem exercita ab aliquo subiecto refertur intrinsecè ad illud subiectum & prædicatur de illo. Quare verbum in prædicatione non solum est copula prædicatum, sed etiam res ipsa prædicata, quia est actio exercita à subiecto, actio autem exercita à subiecto prædicatur de subiecto. Vnde & nomina, vt conueniunt suam significationem cum verbo habent se per modum vnius prædicati & reuolunt subiecto.

*Verbum non est solum conditio, sed etiā formale prædicatum.*

Ad primum primæ sententiæ respondeo Aristotelem dicere, verbum esse nomen cuius quæ prædicantur quia est signum eorum quæ prædicantur; Ea enim quæ prædicantur ex se non habent rationem prædicati nisi quatenus coniunguntur verbo, & per verbum copulantur subiecto; Porro simul est & aliorum prædicatorum, modo dicto, & ipsum secundum seipsum prædicatur, non enim posset alia copulari nisi & ipsum copularetur subiecto, copula enim vna cum re copulata debet esse, neq; dici potest inesse per modum copulæ, non per modum prædicati, quia dictum est inesse per modum actionis; actio autem prædicatur de subiecto.

*Quomodo verbum dicitur non eorum quæ prædicantur.*

Quod ad definitionem termini attinet, verum est, Verbum sub ratione termini comprehenditur; terminus enim est materia propositionis, verbum autem est forma; quid igitur mirum, si verbum includatur à ratione termini: nam & subiectum & id quod de subiecto dicitur est materia prædicationis, ipsa verò ratio formalis prædicationis est in verbo. Quare distingui debet prædicatum formale & materiale, terminumq; esse prædicatum materiale, verbum autem vt verbum esse prædicatum formale quia est prædicatio ipsa.

*Definitio termini.*

Et quo patet in conversione propositionum cum ex prædicato fit subiectum & ex subiecto prædicatum, verbum nec ad prædicatum nec ad subiectum pertinere, quia conversio propositionum fit secundum terminos materialiter sumptos, verbum autem vt verbum non est materiale prædicatum, sed est ipsa prædicatio formalis. Quare hæc definitio homo est albus, convertitur in hanc, albus est homo, verbo manente immoto, quia vt dixi conversio fit secundum materiales terminos. Quanquam & verbum vt resoluitur in nomen potest dici pertinere ad conversionem. Nam verbum Est, significat existentiam; cum autem ex prædicato fit subiectum, existentia quoque prædicati transit in subiectum,

iectum, & implicite saltem continetur in subiecto; Idem enim est dicere album, & ens album. Verum hoc non est verbum formaliter acceptum; converti in propositione.

*Verbum est  
semper signi-  
ficat existen-  
tiam, licet non  
semper reale*

Ad secundum. In omni predicatione tam essentiali quam accidentali verbum. Est significare existentiam ut supra docuimus, licet non semper significet existentiam realem, sed aliquando realem, aliquando rationis pro exigentia rerum: Nam verbum est in predicatione aut significat aliquid, aut nihil: si nihil frustra ponitur in propositione, voces enim nihil significantes non serviunt enunciationi, si aliquid, illud non potest esse nisi existentia; ad nihil enim aliud significantum est impositum nisi ad existentiam. Nam si dicas significare meram copulam & coniunctionem, non differret ab aliis particulis coniunctivis, Et, Etiam, Quoque, defert autem ab illis, quia non meram coniunctionem significat, sed coniunctionem per modum actionis exercitam, & sic significat existentiam per modum actionis, ut est exercita ab eo quod existit.

Ad tertium. In propositionibus negativis Verbum Est, significare existentiam rationis, quia talem existentiam requirit natura ipsa predicationi negativi.

*Verbum est  
non potest per-  
fecte resolvi  
in nomen &  
verbum.*

Ad quartum respondeo. Verbum Est non posse perfecte resolvi in nomen & verbum, quia deberet resolvi in aliud verbum, cum verò omnia verba in verbum Est, resolvuntur, ipsum non habet illud verbum in quod resolvi possit. Quare cum resolvimus verbum Est in est existens, ipsum in seipsum resolvimus, qui est ineptus resolutionis modus; tolerandus tamen, quia non habemus aliud verbum in quod resolvamus, solumque indicare volumus in Verbo Est præter significationem copulæ contineri significationem existentie ita ut utraq; pertineat ad essentialem rationem Verbi. Significat enim per modum Actionis.

*Verbum est  
consignificat  
tempus.*

Ex dictis sequitur verbum Est in omni propositione non solum significare existentiam, sed etiam consignificare tempus, hoc est, significare existentiam in aliqua differentia temporis, præsentis, præteriti vel futuri, quod etiam in propositionibus essentialibus habet locum; nam si dicas propositiones essentialis veritas pro omni tempore, id non eo sensu accipiendum est, quod non significant in illa differentia temporis, sed quod, non determinantur ad ullam certam differentiam temporis cum secundum omnem temporis differentiam cum veritate formam possint, & tamen quoties formantur semper formantur sub aliqua differentia temporis, præsentis, præteriti, vel futuri, verumque est dicere hominem, & esse, & fuisse, & futurum esse, animal; verum etiam est in omni tempore præsens, præterito, & futuro, hominem esse animal. Neque verò magis repugnat propositionibus essentialibus consignificare tempus, quam consignificare existentiam, Existentia enim non potest esse sine tempore. Quare sicut non repugnat verbo Est consignificare existentiam in talibus propositionibus, ita nec repugnat consignificare tempus. Verbum enim Est semper est præsentis temporis, & significat existentiam in tempore præsentis, cum hæc sit eius propria significatio. •

QVÆSTIO VII.

*In quo sit posita ratio formalis enunciationis ?*

Enunciationem definit Aristoteles orationem verum vel falsum significantem, quæ definitio est enunciationis, vt voce sit. Nam vt aliquid de aliquo enunciatur, dicitur enunciatio, vt exprimit conceptus mentis dicitur interpretatio, vt est in syllogismo dicitur propositio, vt ex ea inferitur conclusio, dicitur præmissa, vt ad disputandum proponitur, dicitur quæstio, vel problema, vt adiicitur contra opinionem aduersarii, dicitur instantia.

Potest hæc definitio enunciationis traditur ab Aristotele per proprietatem, veritatem & falsitatem non est essentialis enunciationi: quod vel ex eo patet, quod eadem manens enunciatio solo obiecto mutato ex vera fit falsa: Nam Petrus currit vera est Enunciatio, Petrus currit, eodem stante ex vera fit falsa, ipsa in se non mutata.

Quod si dicas veritatem quidem & falsitatem non esse de essentia enunciationis, sed significare veritatem vel falsitatem esse de essentia. Respondeo de essentia enunciationis esse significare rem esse vel non esse; ad hanc autem significationem consequi significationem veritatis vel falsitatis; Nam sicut verum in commune sequitur ad ens (est enim verum passio entis & prius est rem esse, quam verum esse) ita & enunciatio prius significat rem esse vel non esse, consequenter autem significat veram esse vel non esse.

Im igitur si quæras in quo consistat ratio formalis enunciationis. Respondeo *Ratio formalis enunciationis consistit in compositione* sententia consistere in compositione prædicati cum subiecto ex qua compositione sequitur veritas vel falsitas.

Pro quo notandum est, primò quid sit hæc compositio. Duplex enim compositio considerari potest; altera quæ est in obiecto, cum intellectus res inter se ne prædicari compositas cognoscit, vt cum propositionem integram tanquam obiectum apprehendit. Altera compositio est in ipso intellectu, hoc est in ipso actu iudicii quo compositio duplex.

componens prædicatum cum subiecto, distinctum realiter à prædicato vel subiecto, tunc enim apprehenditur prædicatum & subiectum, tum accedit iudicium illa componens, quod iudicium & compositio significatur per verbum est; & in hac compositione consistit ratio formalis enunciationis.

Ex quo patet, an hoc iudicium componens sit actus simplex intellectus, vel *Iudicium componens non est actus compositus*. Dico enim non esse actum compositum, sed componentem prædicatum cum subiecto, ita vt compositio sit inter prædicatum & subiectum, seu inter conceptum prædicati & subiecti, actus autem ipse componens est in se simplex non compositus. Quare cum in iudicio enunciativo concurrant tres actus, vnus quo apprehenditur subiectum, alter quo apprehenditur prædicatum, tertius qui respondet copulæ & est actus iudicii componentis prædicatum cum subiecto; ratio formalis secundæ operationis non consistit in quacunque coniunctione primarum operationum, sed in ea coniunctione quæ fit formaliter per iudicium compositionem.

Goez. opinio.

Gregor. 1. d. 1. q. 1. art. 3. probat enunciationem mentalem non esse compositam ex notitia subiecti & notitia praedicati: Quia ubi sunt eadem partes componentes, ibi est idem compositum; at duae enunciationes habentes easdem partes componentes, non sunt eadem, sed diversae, ergo essentia enunciationis non consistit in compositione ex duabus partialibus notitiis subiecti & praedicati. Minor probatur. Haec enim duae enunciationes, omnis albedo est ens, & omne ens est albedo, habent easdem partes componentes nempe eosdem terminos. & tamen non sunt eadem specie propositiones, nam una est vera & possibilis. Alia est falsa & impossibilis: ergo enunciatio non est pura compositio ex notitiis partialibus subiecti & praedicati. Deinde sine vlla affirmatione & negatione potest esse compositio duarum illarum notitiarum; ergo in tali compositione non consistit essentia enunciationis quae sine affirmatione vel negatione stare non potest.

Responderi potest, in his duabus enunciationibus easdem esse partes materiales non formaliter: Nam illa pars quae in prima enunciatione habet rationem subiecti, in altera habet rationem praedicati, & quae habet rationem praedicati in una, in altera habet rationem subiecti. Sed contra; utraque notitia aequè coniunguntur in eodem intellectu; ergo una non est magis subiectum vel praedicatum, quam altera, si quidem aequè una coniungitur alteri, ac altera illi; ergo aequè una tribuitur alteri, ac altera illi.

- Quod si dicas illam notitiam esse subiectum quae primo produciuntur in intellectu, illam vero praedicatum; quae posterius produciuntur, & advenit priori. Contra. Primo, non repugnat utramque notitiam simul produci sicut in intellectu Angelici; & si repugnaret naturaliter, tamen per Dei potentiam non repugnat: tunc ergo producta simul utraque notitia; una non magis haberet naturam subiecti quam praedicati. Secundo si domus partes simul producantur ex eadem ratione domus cum ea cuius partes non simul producerentur, sed prius fundamentum, deinde parietes, ultimum tectum: Ergo pari ratione succedat productio partium in enunciatione non variat essentiam compositionis: Tercio, Esto sit distincta habitudo subiecti ad praedicatum & praedicati ad subiectum, tamen in ordine ad compositionem nulla est diversitas. Eadem enim est compositio si hoc cum illo, vel illud cum hoc componatur; sicut idem est compositum ex materia & forma, siue dicatur materia componi cum forma, siue forma cum materia.

- Denique compositio ex duabus istis notitiis potest esse sine vlla affirmatione & negatione, per solam apprehensionem. Ergo enunciatio non est formaliter ista compositio. Nam si illas accedere praeterea in enunciatione iudicium componens, contra, tale iudicium, est extrinsecum compositioni, nec intrat compositionem nisi extrinsecè per modum efficientis compositionem.

Dico igitur sententiam Gregorij veram esse, & bene probare enunciationem non esse simplicem aut qualemcumque coniunctionem duorum terminorum, quod & nos ultro concedimus, Dicimus enim enunciationem formaliter esse compositionem per affirmationem vel negationem unius de altero, ex qua compositione confluit certus ordo inter praedicatum & subiectum.

Quare etiam potest an haec compositio praedicati cum subiecto sit compositio rerum vel conceptuum? Non naturales enim dicunt esse compositionem conceptuum. Non enim ex rebus, sed ex conceptibus constat propositio mentalis, sicut & propositio

Compositio  
praedicati cum  
subiecto quid  
sit.

positio vo  
Alia ver  
non pra  
est albu  
fiunt.

Verum  
componat  
Verum qu  
sunt signa  
praedicari  
eque in in  
non voces

na pro sci  
omnes res  
as v. 1. l.  
exiens in  
non exalter  
ege compos  
poribus.

Sed obici  
Angelici. Re  
vum: quia  
eodem actu  
simplex, tam  
diversis enim  
aliter iudic  
Angelico.

Ceterum, in iis  
nam idem

Obicies si  
dicam cum su  
Aristotele n  
positionem,

quidem praed  
quod esse ne  
Et licet v  
nec negatio,  
sunt qua resp  
entur ad subie  
De ratione  
nam verban  
nam ad subie

Dices Hinc  
nam. Nam  
tamen tribuit  
nam; quia re

positio

positio vocalis constat ex vocibus non ex rebus.

Alia verò dicunt esse compositionem rerum, cum enim hominem dico album, non prædico conceptum de conceptu. Non enim dico conceptum hominis esse album, sed hominem in re existentem dico esse album albedine in re existente.

Verum utraque sententia conciliari potest; verè enim conceptus in intellectu componitur formaliter non res: quia non res, sed conceptus sunt in intellectu. Verum quia conceptus tunc non accipiuntur pro seipsis, sed pro rebus, quarum sunt signa repræsentativa, idcirco utrumque simul est verum, & res componi & prædici & conceptus. Sed res non ut sunt extra intellectum, sed ut sunt conceptæ in intellectu. Quod idem intelligi debet de propositione vocali; verè enim voces non res constituunt propositionem vocalem, sed tunc voces sumuntur non pro seipsis, sed pro suis significatis, hoc est, ut supponunt pro rebus. Quia enim res in disputationem adducere non possumus pro rebus supponimus voces ut 1. Elem. h. cap. 1. docet Aristoteles. Neque enim bos in stabulo existens intrat propositionem, sed vox bovis: unde etiam rebus in mundo non existentibus possent de illis formari propositiones, quia propositio non est compositio rerum, sed sola compositio conceptuum prout supponunt pro rebus.

Sed obicies Primò. Si iudicium compositivum est simplex, erit tale quale in *In Angelis iudicium simplex*, sed non compositivum: quia Angeli vno simplici actu cognoscunt prædicatum & subiectum, & eodem actu forment iudicium de utroque in nobis autem licet iudicium sit simplex, tamen simul est compositivum rerum diversis conceptibus conceptarum; diversis enim conceptibus concipitur subiectum & prædicatum, quibus deinde advenit iudicium compositivum, & sic iudicium hoc differt essentialiter à iudicio Angelico. Quamquam verisimile est etiam Angelos habere aliqua iudicia compositiva, in his rebus quas diversis conceptibus concipiunt, sicut & de discursu Angelorum idem nonnulli probabiliter tenent.

Obicies secundo. In propositione negativa non esse ullam compositionem prædicati cum subiecto, sed separationem potius & divisionem, unde etiam divisio ab Aristotele nominatur; Respondeo etiam in propositione negativa esse compositionem, quia negatio illa prædicati verè tribuitur subiecto, quare separatur quidem prædicatum à subiecto quoad esse affirmativum, tamen tribuitur subiecto quoad esse negativum; quia negatio prædicati; per verbum Est copulatur subiecto. Et licet verbum Est, propter præfixam particulam negativam negetur, tamen hoc negatio, afficit verbum ex ea parte qua respicit prædicatum, non verò ex ea parte qua respicit subiectum. Nam illa ipsa negatio prædicati; per verbum est refertur ad subiectum & tribuitur subiecto, id quod provenit ex ratione propria verbi. De ratione enim verbi est refertur ad subiectum, verbum autem negatum est prædicatum verbum; quare etiam tunc retinet suam vim propriam referendi rem significatam ad subiectum.

Dices Hinc sequi propositionem negativam esse partim negativam, partim affirmativam. Nam ut continet negationem prædicati, est negativa, ut cum negationem tribuit subiecto, est affirmativa. Respondeo simpliciter non esse nisi negativam; quia negativa propositio dicitur à prædicato negato: & quamvis illa ne-

*Propositio negativa vale  
denominetur,*

gatio tribuitur subiecto, tamen non tribuitur cum aliqua affirmatione prædicatæ, sed cum negatione, quod sufficit ad propositionem negativam; Verbum enim negatum est verbum & habet vim referendi non propter aliquam affirmationem, sed propter naturam & modum significandi verbi, qui est significare per modum actionis ad aliquem pertinentis.

*Iudicium affirmativum & negativum differunt essentialiter.*

Quæri etiam potest an iudicium affirmativum & negativum differant essentialiter. Videntur enim non differre nec accidentaliter, propter negationem extrinsecè adiunctam ad affirmationem. Nam sicut enunciatio vocalis adiuncta particula negativa, fit ex affirmativa negativa, ita & mentalis.

Dicendum tamen est differre essentialiter, neq; ex adiuncta negatione, iudicium ex affirmativo fieri posse negativum. Negatio enim obiectiva, est specificans rationem essentialeni iudicii, siquidem sub ratione formali negativa, iudicatur prædicatum non esse in subiecto. Quare non potest iudicium ex affirmativo fieri negativum, nisi mutetur essentialiter; quia debet specificari à nova ratione formali obiectiva, & sub ratione formali negativa debet ferri in obiectum. Alia ratio est in enunciatione vocali quæ tantum materialiter componitur ex signis, nec specificatur eo modo ab obiecto, quo actus intellectus: unde per adiunctam particulam negativam fieri potest accidentaliter ex affirmativa negativa.

## QVÆSTIO VIII.

*Qualis veritas sit in secunda operatione intellectus.*

*In iudicio intellectus veritas triplex potest considerari.*

*Transcendentalis.*

*Moralis.*

*Logica.*

**D**ico primò. Veritas secundæ operationis est veritas iudicii, quæ consistit in conformitate iudicii cum rebus, ut sunt in seipsis. Pro quo notandum est, in iudicio intellectus, triplicem veritatem posse considerari; transcendentalem, moralem, & logicam. Transcendentalis convenit omni enti, quia ens est, & consistit in conformitate cum suis principiis: quando enim tale aliquid est, quæle ipsius principia ex quibus est exigunt, Verum est; sic aurum dicitur verum si tale supponit le aut principia requirunt, quod verò tale non est, falsum est, seu non aurum. Moralis veritas consistit in conformitate iudicii cum eo quod dicitur, ita ut si dicat quod quod verè sentit & iudicat etiamsi erret, verax dicatur, si verò dicat contra id quod sentit & iudicat, etiamsi illud in se verum sit, mendax dicitur. Deniq; Logica veritas consistit in conformitate iudicii cum re iudicata.

Et quidem transcendentalis veritas non est propria iudicii sed communis illi cum cæteris omnibus entibus, fieriq; potest ut iudicium sit falsum in ratione iudicii quia non est conforme rebus iudicatis, erit tamen verum veritate transcendente seu in ratione entis: quia tale est quale postulant eius essendi principia; imò omne iudicium tam verum quàm falsum, est verum in ratione entis; Vere enim est tale ens quale requirunt eius principia ex quibus procedit.

Similiter veritas moralis, non est propria iudicii; potest enim quis dicere falsè logicè, & verum moraliter. Si enim id quod dicit non sit conforme rei, erit falsè Logicè, si verò id quod dicit est conforme menti dicentis, quia putat esse verum, erit verum moraliter.;



Propria ergo veritas secundæ operationis est Logica, quæ sumitur ex conformitate iudicii cum re obiecta. Idq; docuit Aristoteles in capite de substantia, cum ait: Propterea quod res est, vel non est, enunciationem veram vel falsam esse: Et ratio est; quia veritas sumitur per respectum ad rem signatam, sicut & essentia cuiuslibet signi; signum enim quantum quantum est, totum est respectu rei signatæ: Ergo & veritas signi erit respectu rei signatæ; Est enim veritas propria passio entis. Cum igitur omnis conceptus & omne iudicium intellectus, sit signum quoddam obiecti ipsi in mente exprimens & repræsentans, idcirco ex conformitate cum obiecto, sumit suam veritatem. Non debet autem hæc conformitas inter iudicium & obiectum spectari secundum entitatem, sed secundum repræsentationem. Nam in entitate possunt esse non conformia, vt si obiectum sit substantia & res materialis, iudicium autem de obiecto sit accidens & rei immaterialis; secundum repræsentationem autem tunc sunt conformia quando tali modo repræsentatur obiectum in mente sicut est in re ipsa.

*Veritas secundæ operationis est veritas Logica.*

Quod si queratur an iudicium satis sit esse conforme cum re vt conceptus? Respondetur, non esse satis. Nam etiam iudicium falsum est conforme rei vt conceptus; respondet enim iudicio falso conceptus obiectivus, cui illud iudicium falsum est conforme. Vt ergo iudicium sit verum, requiritur vt sit conforme rei, vt est res in ipsa, & secundum ea quæ illi à parte rei conveniunt.

*Pr iudicium sit verū quid requiratur.*

Quærit etiam solet. An veritas secundæ operationis consistat in conformitate conceptus obiectivi cum re vt res est, vti Durandus, & quidam alii sentiunt. Respondetur negativè. Nam licet iudicio existente vero & conformi rei, etiam conceptus obiectivus iudicii sit conformis rei: tamen non ex eo iudicium est conforme rei, quod conceptus eius obiectivus sit conformis rei, sed potius ex eo conceptus iudicii est conformis rei, quia iudicium ipsum est conforme rei: Conceptus enim obiectivus oritur ex conceptu formali, & est denominatio extrinseca ab ipso, & velut quidam effectus illius. Quocirca ea quæ conveniunt conceptui formali, redundant per denominationem extrinsecam in conceptum obiectivum. Prima igitur ratio veritatis in iudicio est, conformitas iudicii cum re, secundariò & consequenter est conformitas conceptus obiectivi cum re.

Dico secundò. Veritas & falsitas secundæ operationis invenitur in omni enunciatione perfecta. Voco enunciationem perfectam, in qua absolute aliquid affirmatur vel negatur, vt sunt enunciationes modi indicativi. Nam enunciationes aliorum modorum sunt orationes imperfectæ: non enim perfectè aliquid affirmant vel negant; ac proinde non sunt propriè enunciationes, vt si dicam: Fac Antonius, nam faciat Antonius, si fecerit Antonius; Hæc enim cum nihil absolute affirmantur neque, neque veræ sunt, neque falsæ; Veritas enim & falsitas enunciationum, fundatur in affirmatione vel negatione, seu in compositione prædicati cum subiecto; ergo ubi non est perfectæ & absoluta affirmatio vel negatio, non erit etiam absoluta & perfecta veritas.

*Veritas & falsitas secundæ operationis ubi invenitur.*

Notandum autem est in orationibus practicis; hoc est quæ non solum dicunt aliquid sed etiam faciunt re ipsa id quod dicunt; Sicut Deus cum diceret, fiat lux, facta lux, & sacerdos dicendo, hoc est corpus meum, facit esse corpus Christi in faciem meam; in his inquam orationibus, veritas sumitur quidem ab obiecto, sed quod simul sit effectus talis enunciationis, ita vt si effectus non sequeretur, aut aliter foret, non ex vi talis enunciationis sequeretur; essent falsæ prædicæ. Quare

*In orationibus practici unde sumatur veritas.*

si sacerdos supra hostiam iam consecratam diceret, hoc est corpus meum, talis enunciatio practice esset falsa, quia non haberet effectum, licet speculativè esset vera, quia verè in hostia esset Corpus Christi.

*Enunciationes  
quæ sunt de  
entibus ratio-  
nis sunt veræ  
proportionali-  
ter.*

Sed quæres. Primò an enunciationes quæ sunt de entibus rationis, aut de entibus impossibilibus possint dici veræ? De eo enim quod vere non est, nihil vere affirmari potest: at entia rationis & entia impossibilia non sunt verè entia: ergo illis nihil vere tribui potest. Respondeo tales enunciationes proportionaliter esse veras; quia & entia rationis, non sunt simpliciter entia, sed tantum proportionaliter, & similitudinariè: Quare licet verum sit eius rationis esse verum ens rationis, & contrarium sit falsum imò & impossibile; tamen hæc veritas non est absoluta, sed similitudinaria tantum; Veritas enim absoluta, est conformitas iudicii cum rebus: at entia rationis & ficta: non sunt verè res, ergo neque conformitas iudicii cum ipsis erit absoluta conformitas, sed sicut ipsa sunt entia secundum similitudinem quandam, ita & veritatem habeat secundum similitudinem quandam veritatis; necesse enim est veritatem cognitionis fundari in re, talemq; & tantam esse quæ sit fundamentum.

Quæras secundo. An de rebus non existentibus possint formari enunciationes veræ? Verbi gratia an Petro mortuo vere dici possit Petrus est homo? Nam ex vna parte ista propositio cum sit essentialis est sempiterna veritatis; ergo semper est vera, secundo homo non dicitur de Petro contingenter: ergo necesse est semper. Tertio: contradictoria eius semper est falsa, nempe quod Petrus non sit homo; ergo ipsa semper est vera, secundum legem contradictoriorum, quæ est, ut vna contradictorium existente falsa, altera sit vera. Quarto: si Petrus non esset homo, neque esset Petrus; quia à quo tollitur species, tolluntur & omnia individua illius speciei: atqui absurdum est, Petrum non esse Petrum, cum sit propositio identica quæ non potest esse falsa: ergo absurdum est Petrum non esse hominem.

Ex altera verò parte Petrum mortuum non esse hominem, sic ostenditur: id enim quod non est coniunctum ex anima & corpore, non est homo: Petrus mortuus est talis: ergo, dicitur enim mortuus propter separationem animæ à corpore. Secundo; Petrus mortuus, non est Petrus, sed fuit Petrus; quod enim desit esse non est: sed Petrus mortuus desit esse, quia mori est desinere esse: ergo desit esse Petrus. Quod si per mortem desit esse Petrus, quomodo non desit esse homo, ut enim ait Aristoteles in spite de substantia; sublati primis substantiis impossibile est aliquid aliorum remanere. Tertio: quia prædicatum in hac propositione est contradictorium subiecto; homo enim dicit coniunctum ex anima & corpore; Petrus verò mortuus dicit separatam animam à corpore. Quarto: si Petrus mortuus esset homo, esset vivens homo, quia vivens de homine prædicatur ut genus de specie. Deinde homo significat coniunctum ex anima & corpore, ut proinde vivens: sicut ergo absurdum est mortuum esse vivens, ita absurdum est Petrum mortuum esse hominem.

*De rebus non  
existentibus,  
an possint for-  
mari enuncia-  
tiones veræ?*

Tractant hoc dubium Doctores in 3. distinct. 28. circa illam questionem an Christus in triduo mortis fuerit homo: & respondent non veram esse propositionem: si Petrus determinate & formaliter sumatur pro mortuo, ita Bonaventura, Hugo, Gabriel; & alii: aiunt tamen verificari posse propositionem, si terminus sub-  
stantur cum ampliatione, quod dupliciter fieri potest: vel per ampliationem sub-

ut vel per ampliationem prædicari ut si dicatur, Petrus qui est vel fuit Petrus, est homo. Tunc enim homo prædicatur de Petro qui fuit verissimè homo, similiter si dicatur Petrus est homo, id est ille homo, qui est vel fuit homo. Quod alii clarescunt explicanti, dicentes Petrum mortuum, esse hominem mortuum, hoc est hominem qui fuit homo, & sic prædicatum sumatur eodem modo quo subiectum; erit vera propositio, Petrus mortuus est homo mortuus.

Atinques. Mortuo Petro adhuc vocamus eum Petrum, ostendentes eius corpus, vel animam, sic animam S. Petri existentem in cælo vocamus S. Petrum. Respondeo hanc denominationem esse figuratam non propriam; a parte enim totum denominamus; corpus enim S. Petri, est sanctus Petrus secundum corpus, id est secundum unam partem: & similiter anima S. Petri, est S. Petrus secundum partem.

Ex quibus patet ad rationes dubitandi. Ad primam & secundam negatur esse essentialem illam propositionem, imò neque necessariam, neque contingentem, sed falsam; prædicatum enim falsum, neque necessarium neque essentialiter, neque contingentem convenit subiecto sed nullo modo.

Quod si quæras quomodo ergo Petrum esse hominem, est propositio sempiterna veritatis? Respondeo si Petrus sumatur non ut mortuus, sed ut Petrus sive existens, sive conceptus; sic enim intellectus concipiendo Petrum, necessario concipit esse hominem: Petrus enim conceptus est homo, propter connexionem essentialem terminorum, significatam per verbum Est.

Ad tertiam, veram esse contradictoriam, nempe Petrum mortuum non esse hominem & ex consequenti Petrum mortuum non esse Petrum; licet enim propositio identica non possit esse falsa, tamen hæc non est identica, Nam Petrus mortuus, supponit pro Petro sine anima, Petrus verò qui prædicatur, supponit pro Petrono consistente ex anima & corpore.

Et hoc patet ad quartam. Et notandum est quod Terminis, si sumantur absolute secundum suam integrā significationem, conveniant prædicata omnia essentialia & accidentalia absolute; si vero sumantur cum aliquo adiecto diminvente & alterante significationem ipsorum in aliqua parte; tunc non est mirum prædicata neque essentialia illorum non posse absolute de iis prædicari, nisi proportionaliter sumantur eo modo quo sumitur subiectum, ut si sumatur Petrus mortuus, sumitur debet homo mortuus vel animal mortuum; tunc enim sibi proportionantur. Quia verò in hac propositione, Petrus mortuus est homo, prædicatum sumitur absolute sine adiecto diminvente idcirco propositio est falsa: esset autem vera, si eodem adiecto diminvente.

Tertio quæri potest an hæc propositio Rosa est flos. Sit in hyeme vera. negat vel in 3. distinct. 27. Primo: quia esse simpliciter, dicit esse actuale, rosa vero in hyeme nihil est actu, sed tantum in potentia; solum enim habet esse in futurum. Secundo: quia rosa in hyeme non est rosa: ergo neque est flos. Alii distinguunt verbum Est, pos: significare vel existentiam realem, vel existentiam rationis conceptus, vel connexionem essentialē terminorum quæ tamen tunc non videtur in ratione. Primo modo propositio est falsa, quia rosa in hyeme non est flos; siquidem non existit realiter: secundo autem modo est vera, quia prædicatum includitur in conceptu subiecti, & quemadmodum rosa per conceptum existit, ita in eodem conceptu est flos. Eo enim modo quo sumitur rosa existens, ita debet esse flos: in hyeme autem rosa sumitur existens tantum per rationem,

onem, quare in ratione solum erit flos, nempe quia conceptus floris includitur in conceptu rosæ, & connexio essentialis est inter terminos, quæ connexio voce esse significatur.

## QVÆSTIO IX. •

*An possit intellectus affirmare vel negare  
quod scit esse falsum?*

**Q**uæstio est non de affirmatione externa, quæ fit per voces & signa; hanc enim constat posse esse de ea re, quam certo scit intellectus esse falsam, sed de interna affirmatione quæ fit per conceptum & iudicium internum; Videtur enim id fieri non posse. Primum quia nulla potentia extendit se extra rationem formalem sui subiecti. Sicut visus non extendit se ultra colorem, auditus ultra sonum, & ratio formalis intellectus obiecti est verum: ergo non potest ferri in obiectum, nisi sub ratione veri; si ergo sciat aliquid esse falsum non potest illud iudicare esse verum: Secundo: quia sequeretur intellectum habere simul duo iudicia contraria, vnum quod res illa non sit vera, aliud quod sit vera, quia affirmando, iudicat esse veram, cum tamen sciat non esse veram.

Ex altera parte videtur verò id fieri posse; Ea enim quæ sunt in voce sunt signa eorum quæ sunt in mente; atqui voce potest affirmari id quod scitur esse falsum, ut patet in omni mendacio; ergo & in mente idem fieri potest. Secundo id patet in omnibus entibus fictis, quæ scit intellectus esse impossibilia & falsa, & tamen de illis multa affirmare potest, ut Hircoceruum esse animal ex hircos & cervo compositum; ergo potest quascunque alias propositiones falsas fingere, ut veras, & potest eas affirmare vel negare.

Dico Primum. Intellectus non potest aliquid negare vel affirmare nisi sub ratione veri, sicut nec voluntas potest aliquid appetere nisi sub ratione boni. Ratio est quia intellectus non potest ferri extra rationem formalem sui obiecti; verum autem est obiectum formale iudicii intellectualis. Et sicut sublato obiecto tollitur omnis actus circa illud obiectum ut patet inductione (non potest enim actus esse sine obiecto, visio sine colore, auditus sine sono) ita sublato vero tollitur omnis actus intellectualis. Ex quo sequitur, si intellectus quod scit esse falsum, affirmare debet illud apprehendere sub aliqua ratione veri, quia non potest elicere illum actum, nisi proposita ratione formali sui obiecti. Porro verum vel est ratio formalis totius obiecti intellectualis, secundum multos, vel ut minimum est ratio formalis obiecti iudicii intellectualis; In tantum enim iudicat aliquid intellectus esse vel non esse, in quantum putat id esse verum.

Dico secundo. Potest intellectus, quod scit esse falsum affirmare tanquam verum ex suppositione, pro quo notandum: triplex verum posse distingui in intellectu: vnum est absolute verum quod intellectus cognoscit esse conforme rei aliud est verum existimatum; quod in re est falsum, in existimatione tamen intellectus est verum, & habetur pro vero. Tertium est verum ex suppositione tantum. Tale verum est in entibus rationis & in omnibus entibus fictis; habet enim intellectus vim fingendi nova entia ad quæ suo modo consequuntur veritates; Verum

*Verum est obiectum formale iudicii intellectualis.*

*Verum in intellectu triplex distingui potest.*

non enim est propria passio entis; sicut igitur intellectus potest fingere ens fictum, ita potest fingendo causare veritatem rei fictæ, sic Hircocervus fingit esse animal quod scit esse absolute falsum; illa tamen fictione inposita, affirmat ut verum. Hircocervus enim fictus, verè est animal fictum.

Omnia igitur ista tria vera, posuimus esse obiectum formale intellectus, & potest in ea fieri intellectus sub ratione veri, quia participant suo modo rationem formalem veri, quod etiam ex eo conformari potest. Non minus enim verum est obiectum intellectus quam ens; sicut enim intellectus nihil potest intelligere nisi sub ratione veri; ita etiam nihil potest intelligere nisi sub ratione entis: Nam non ens, ut non ens non est intelligibile. Sicut igitur non solum ens verum, sed etiam ens existimatum & ens fictum potest esse obiectum intellectus; ita non solum verum absolute, sed etiam verum existimatum & id quod enti ficto convenit potest esse obiectum intellectus; quicquid enim habet aliquam rationem entis potest esse obiectum intellectus; Omne enim ens est intelligibile: at verum entis ficti habet rationem entis; ergo potest esse obiectum intellectus.

Ex quibus patet. Primò: quomodo de entibus fictis possint esse prædicationes veræ; Entia enim ficta, sicut habent suam entitatem fictam ita & veritatem ex suppositione ficta procedentem. Quo enim modo se habet aliquid ad rationem entis; eo modo se habet ad rationem veri. Hircocervus ergo verè est animal secundum esse fictum, quia is qui fingitur Hircocervus ex fictione est animal, & fictus Hircocervus est fictum animal. Simpliciter autem hæ prædicationes ad naturam rerum comparatæ sunt falsæ.

Sequitur secundo falsam eorum esse sententiam, qui negant per secundum operationem posse fieri ens rationis, quia inquirunt non potest intellectus, quæ scit esse impossibilia, componere & affirmare tanquam compossibilia; Affirmatio enim inquirunt, non potest esse nisi sub ratione veri, ubi autem intellectus indicat impossibilitatem, non cognoscit veritatem.

Dicendum tamen est quod sicut intellectus, quæ scit esse impossibilia, potest ex suppositione apprehendere tanquam compossibilia, imò & affirmare ut patet in omnibus entibus fictis; ita quod scit esse in re falsum, potest ex suppositione concipere tanquam verum, & affirmare tanquam verum; Non minus enim sub eodem ficto conveniunt prædicata ficta, quam subiecto vero, prædicata vera.

Dicitur intellectum posse ex suppositione apprehendere verum non iudicare. Contra primò; non minus in apprehendendo quam in iudicando consideratur obiectum sub ratione veri, quia intellectus in omnibus suis actibus, tendit sub ratione veri in obiectum, ergo si in entibus fictis potest apprehendere verum potest & iudicare. Secundo: sicut in entibus possibilibus intellectus non solum apprehendit verum, sed & iudicat; ita in entibus falsis, potest ea non solum apprehendere, sed etiam iudicare tanquam vera ex suppositione.

Quod si quæras an idem dicendum sit de illatione, hoc est, an sicut intellectus potest affirmare quod scit esse falsum, ita possit & inferre quod scit esse falsum, & quod scit non sequi ex præmissis.

Respondetur idem dicendum esse. Nam licet non possit inferre quod scit inferri non posse, tamen concipiendo res secundum esse fictum potest de illis inferre ex suppositione illationes veras & potest inferre conclusionem veram quæ

*De entibus fictis quomodo sunt prædicationes veræ.*

*Potest intellectus falsum ex suppositione concipere tanquam verum.*

*Falsum ex suppositione inferri potest.*

quæ supposito illo esse ficto sequitur ex præmissis: sic potest inferre Hircoceruum esse animal, ex eo quod sit ex hircos & cervo compositus. Hoc enim modo trahitur ex suppositione impossibili infertur verum.

## QVÆSTIO X.

*An propositiones de futuro contingenti sint determinate verae aut falsa?*

*Propositiones  
alienecessarie*

*Alia contin-  
gentes.*

*Propositur  
difficultas.*

*Aristoteles ea  
de re senten-  
tia.*

**P**ropositiones aut sunt necessaræ aut sunt contingentes. Necessariæ sunt determinate veræ propter essentialē connexionem prædicati cum subiecto, quod prædicatum, vel est de essentia subiecti, vel ad essentiam subiecti consequitur. Contingentes verò propositiones non possunt esse determinatæ veræ, ob connexionem essentialē prædicati cum subiecto, quia talem connexionem non habent: sed sunt ergo sunt veræ, propter actualē connexionem & existentiam prædicati cum subiecto. Si igitur propositiones contingentes sint de præsentī vel de præterito, facili intelligitur quod habeant determinatam veritatem: quia supponunt determinatam existentiam. Nam quod actu existit, determinatè existit & quod existit, determinatè existit, unde etiam determinatè est verum. At de propositionibus quæ sunt de futuro contingenti, est difficultas.

Videntur enim non habere determinatam veritatem; determinata enim veritas in propositionibus contingentibus, sumitur ex determinata existentia. Futura verò contingentia non habent determinatam existentiam, quia non sunt determinatæ ad existendum nec in se nec in suis causis. Nam hæc est differentia inter effectus contingentes & necessarios futuros; quod effectus necessario futuri, est in seipsis non existant determinatè, sunt tamen determinati ad existendum in suis causis à quibus infallibiliter producentur: sic ecclipsis futura, determinatè est futura à determinatione quam habet in suis causis; effectus verò contingenter futuri non in seipsis nec in suis causis habent ullam determinationem ad existendum, nec non videntur habere determinatam veritatem nec posse de illis determinatè dicere quod sint futuri, sed solum indeterminate quod vel sint futuri vel non futuri.

Tractat hanc questionem Aristoteles lib. 1. Periherm. cap. 6. & concludit, quod propositiones non esse determinate veras, sed indeterminate sub distinctione ita ut necesse sit alteram contradictionarum esse veram, sed sub disunctione non determinate: nempe vel hanc vel illam, non vero hanc determinate. Hanc sententiam esse Aristotelis, mirum est quod quidam recentiores negant, cum cum e præfate doceat in fine capituli.

Postquam enim rationem dubitandi ex utraque parte proposuit, & ex utraque dem parte quod necesse sit alteram contradictionarum esse veram, alteram falsam. Ex altera vero parte, si futura contingentia sint determinate vera, non erunt contingentia, quia quod semper & ab æterno est verum, non est contingens, sed necessarium; non potest enim non esse, at si futura contingentia sint determinate vera, semper & ab æterno fuerunt vera & non possunt non esse vera: ergo non sunt futura contingentia, sed ex necessitate eveniunt, & sic tollitur contingentia

um natura. Tandem concludit quod contradictionum necesse sit alteru-  
rum verum esse, alterum falsum: sed in futuris contingentibus id fit, indete-  
minat & sub distinctione hoc vel illud, in aliis vero rebus sit determinate. Quo-  
d contingentiæ autem atinet, aut eam idcirco non tolli, quia futura contingens  
sunt indeterminate vera ac proinde non sunt necessaria; quæ enim necessario  
sunt determinata sunt ad vnam partem, nec habent se indeterminate ad vtramlibet.  
Indicant hanc sententiam Aristotelis illa verba [ sed & in contradictione eadem  
est, esse quidem vel non esse omne necesse est, & futurum esse vel non: "  
aut tamen dividendum dicere alterum necessarium. Dico autem, ut necesse est fu- "  
tum esse bellum navale cras, vel non futurum esse: non tamen fieri cras bel- "  
lum navale necesse est, neq; non fieri: fieri tamen vel non fieri, necesse est ] "  
quibus verbis manifestè docet distinctionem tantum esse necessariam, & determi-  
natam veram in futuris contingentibus, non vero vnum membrum distinctionis  
contradictoriæ. Similiter & cum ait [ in iis quæ vtramlibet contingunt, nihil ] "  
inquit, affirmatio quàm negatio erat vera vel falsa ] denique ait [ isto. "  
omnium necesse est alteram partem contradictionis veram esse vel falsam, non  
autem hanc vel illam sed vtramlibet contingit, & magis quidem veram alteram  
aut tamen iam veram vel falsam.

Hanc sententiam Aristotelis sequitur Antonius Cordubensis lib. 1. quæst. 55.  
et nonnulli recentiores. Probatur primò: si futura contingentia essent determina-  
ta, et necesse erat evenirent, consequens est absurdum; ergo & id ex quo se-  
quitur. Maior probatur: Quia quod est determinatè verum semper & ab æterno  
est verum; quod autem semper verum est non est contingens sed necessarium; quia  
non potest non esse verum nec potest non evenire. Quod si dicas futurum con-  
tingens esse necessarium solum ex suppositione non autem absolute; sicut & quæ  
erant, & quæ actu existunt, supposito quod fuerant & actu existunt, necessario  
erant & actu existunt. Contra: magnum est discrimen inter futura & præsen-  
tia & præterita; nam præsentia & præterita supponuntur esse vel fuisse in re & id-  
em præterita tali suppositione necessario sunt vel fuerunt: at futurum contingens non  
potest supponi esse, sed ante omnem suppositionem habet necessitatem ut sit: non  
ergo ex suppositione necessario eveniet, sed absolute.

*Probatur sen-  
tentia Ari-  
stotelis.*

*Discrimen in-  
ter futura,  
præsentia ac  
præterita...*

Secundo probatur. Oratio est vera vel falsa, quia res est, vel non est: at futu-  
rum contingens non determinatè est futurum; ergo neque oratio est determinatè  
vera. Minor probatur. Futurum enim contingens neq; in seipso determinatè est  
verum, neq; in suis causis; Hæ enim cum sint contingentes sunt indeterminate, &  
differentes ad agendum vel non agendum.

Quod si dicas determinatè futurum: per iam, unde hæc determinatio; an ex cau-  
sa? at hæc sunt indeterminate: an ex seipso? At cum effectus sit contingens; est  
se differens ad esse & non esse: an ex suppositione futuræ existentia? at hæc  
suppositio, cum nondum sit, non est determinata.

Secunda sententia est communis Doctorum in 1. distinct. 38. futurum contin-  
gens esse determinatè verum ex suppositione; quia determinatè est futurum; ita  
est futurum, ut non sit non futurum. Probatur primo, quia quæ determi-  
nate sunt, determinate sunt vera: at futura contingentia determinate sciuntur  
per Deum, quia certo & infallibiliter ita ut contradictionum sit falsum; ergo hæc  
determinatè sunt vera. Dico autem determinatè sciri ex parte cognitionis divinæ; quæ  
cum

*Futurum con-  
tingens est de-  
terminatè ve-  
rum ex suppo-  
sitione.*



cum sit infinita, nihil eam latere potest, non vero ex parte obiecti, quod est ex se indeterminatum. Contra: quia res non ideo sunt futuræ, quia cognoscuntur a Deo futuræ, sed ideo cognoscuntur futuræ, quia sunt futuræ; Cognition enim ideo est vera, quia rei conformis, seu quia res ita cognoscitur, sicut se habet in seipso si futurum contingens cognoscitur determinate futurum, verè in seipso est determinate futurum.

2. Secundo probatur. Quod ita est verum ut eius contradictorium omnino sit falsum, est determinate verum: at futurum contingens est ita futurum, ut non sit nec futurum, ergo est determinate futurum, & determinate verum. Minor patet. Quia quod est futurum, non est indeterminate futurum sed determinate; non enim eveniet sub disjunctione, sed determinate ita ut eius contradictorium sit falsum.

3. Tercio. Propositio de præterito vel de futuro, ideo est vera, quia propositio de præterito est vera, ita ut veritas illarum propositionum fundetur in veritate propositionis de præterito; ideo enim verum est Petrum cucurrisse, quia verum erat dicere in Præterito Petrus currit. Similiter ergo ideo verum est de futuro, Petrus curret, quia verum erit dicere in præterito Petrus currit. Quia igitur propositio contingens de præterito erit determinate vera; ideo & de futuro est determinate vera.

4. Quarto. Quæ determinate eveniunt, sunt determinate vera: at futurum contingens determinate eveniet; ergo est determinate verum. Minor patet. Non enim evenient duo contradictoria simul, sed unum contradictorium tantum, neque eveniet indeterminate hoc vel illud, sed determinate hoc & non illud.

Notandum est igitur primò: Propositiones de futuro contingenti vel esse vel veras, ut omnis homo currit, vel singulares ut Petrus currit, illas Aristoteles concedit esse determinate veras vel falsas, has vero indeterminate tantum, & sub disjunctione. Ratio est: Quia illæ habent in se determinationem ad veritatem vel falsitatem; Nullum enim contingens potest universaliter de subiecto affirmari, quod enim universaliter convenit subiecto necessarium est non contingens, quare futurum contingens universaliter affirmetur de subiecto, eo ipso propositio erit falsa, & quidem determinate falsa: quia necessario falsa.

Notandum est secundo: Effectus contingentiam non in hoc consistere, quod possit res simul simul esse, & non esse; hoc enim contradictionem implicat. Res enim cum est, non potest simul non esse, sed necessario est, quia impossibile est non sit tunc cum est. Consistit igitur in hoc quod ita est, ut potuerit non esse, ita non esse, ut potuerit esse. Ex quo patet; non repugnare contingentiam necessitatem ex suppositione; imò in omni contingentia necesse est habere necessitatem veniri; supposito enim, quod effectus contingens est, impossibile est non esse, necessarium est esse, necessitate fundata in illa suppositione. Solum ergo illa necessitas contingentiam repugnat, quæ tollit rationem essentiali contingentiam, est quæ facit ita rem esse, ut non potuerit non esse; Ratio enim formalis contingentiam, ut dictum est, in hoc est posita, ut res ita sit ut potuerit non esse, sicut est posito, ens necessarium ita est ut non potuerit non esse.

Patet etiam totam rationem contingentiam desumi ex causa indeterminata & differentia ad agendum, & non agendum, quæ scilicet omnibus requisitis potest agere vel non agere: quod quia solus est libertatis, ideo sola causa libera facit in rebus contingentiam simpliciter, ita ut si nulla esset causa libera in mundo

*Propositiones de futuro contingenti vel sunt universales vel singulares.*

*Effectus contingentie in quo consistat.*

*Quæ necessitas repugnet contingentie.*

*Tota ratio contingentie desumitur ex causa indeterminata ad agendum.*

illius daretur effectus absolute contingens, nam causæ non liberæ, positis omnibus requisitis ad agendum, necessario agunt.

Potest quidem in causis naturalibus dari effectus contingens, si causa naturalis in agendo impediatur ab alia: tunc enim effectus longe alius sequetur, quam is quem intendebat illa causa producere, & erit illi causæ contingens, quia non intentus. Verum tunc talis effectus solum erit contingens respectu talis causæ, quæ impeditur; simpliciter vero erit effectus necessarius respectu omnium causarum ad ipsum concurrentium; hoc est respectu causæ impediens & impeditæ, quæ duæ causæ sunt, una causa totalis & necessaria illius effectus, & ab utraque simul necessario, non contingenter fit ille effectus. Exemplum est in generatione monstri. Monstrum enim respectu causæ generantis est contingens & respectu utriusque tam generantis quam impediens, est necessarium, quia utraque tali causæ posita necessario sequitur talis effectus.

Solum igitur respectu causæ liberæ datur in mundo vera contingentia, quia sola causa libera positis omnibus requisitis ad agendum, potest agere & non agere.

Notandum est tertio contingens esse determinate futurum, potest dupliciter intelligi: Primo determinatione quasi antecedente existentiam rei; qualis determinatio est in causis determinatis ad producendum talem effectum, quæ determinatio est à causa, si sit libera, non affert necessitatem effectui, nisi ex suppositione. Nam si sit determinatio illa libere ponitur, ita ut possit non poni, ita effectus ex tali determinatione procedens absolute contingens est & liber, quia ita est, ut potest non esse omnibus positis ad agendum requisitis: ex suppositione tamen est necessarius. Secundum quid. Si vero talis determinatio sit à causa, non libera, sed agente ex necessitate, tunc & effectus, ex tali determinatione procedens, erit simpliciter necessarius, quia ita erit, ut positis omnibus requisitis ad agendum, non possit non esse.

Secundo potest esse determinatio non antecedens, sed quasi consequens existentiam rei; ut cum ex suppositione existentie rei, dicitur res ita esse, ut non possit non esse, siue sumatur existentia in presenti, siue in præterito, siue in futuro. Et talis determinatio inducit solum necessitatem ex suppositione: nam absolute res illa potest à suis causis esse & non esse: supposito vero quod est, fuit, vel erit, necessario est, fuit, vel erit.

Ex quibus patet. Ad argumenta primæ sententiæ, ad primum respondeo futuram contingentiam ex necessitate euenire, non absolute sed ex suppositione. Nam absolute non necessario nec determinate euenirent, quia à causis contingentibus, & libere de determinantibus; supposito tamen quod & causæ liberæ determinabunt se de facto, & effectus ipsi euenient de facto necessario euenient; Futurum enim necessarium est esse futurum, sicut præsens necessarium est esse præsens, & præteritum necessarium est esse præteritum, cum oppositum implicet contradictionem. Verum tota hæc necessitas est ex suppositione existentie effectus.

Ad instantiam verò Respondeo, suppositionem illam existentie posse esse non solum in presenti, & in præterito, sed etiam in futuro. Nam sicut supposita existentia in presenti necesse est rem esse in presenti, ita supposita existentia in futuro, necesse est rem esse futuram.

Ad secundum. Futurum contingens est determinate futurum; tum ob determinationem antecedentem existentiam ipsius, sed liberam, tum ob determinationem

nem consequentem ut explicatum est. Determinatio autem consequens non inducit necessitatem, nisi ex suppositione; sicut nec determinatio antecedens si sit libera.

## QVÆSTIO XI.

*An contradictoria possint esse simul vera?*

**I**N hac quæstione primo explicandum est, quæ sint contradictoriæ oppositæ, & quid ad hanc oppositionem requiratur. Deinde an supposito, quod aliquæ sint contradictoriæ oppositæ, possint esse simul vera, vel simul falsa.

Quantum ad primum Aristoteles 1. Post. tex. 5. de contradictione duo docet: alterum est enunciationem esse contradictionis utramvis particulam: Dux enim sunt (ut ibidem docet) contradictionis partes, affirmatio & negatio, esse & non esse; quia igitur omnis enunciatio est vel affirmatio vel negatio, (dicit enim esse vel non esse:) idcirco omnis enunciatio est particula contradictionis.

Alterum est contradictionem esse oppositionem, cuius non est medium secundum seipsum: dicitur oppositio loco generis quia est repugnantia extremorum, in quo conuenit cum aliis oppositionibus. De ratione enim oppositionis est ut sit extremorum repugnantia, & quidem in aliis oppositionibus repugnantia extremorum vel oritur ex naturis rerum, ut in contrariis, vel ex relatione quia vnum refertur ad aliud tanquam ad terminum, & ex consequenti illi opponitur ut termino, ut filius patri: vel ex eo quod vnum esse negatio alterius non quidem absolute, sed in subiecto apto, ut cæcitas & visus; in contradictione vero extremorum repugnantia per modum affirmationis & negationis absolute, ut homo non homo, est, non est.

Dicitur verò loco differentię cuius non est medium secundum seipsum. Soli enim oppositio contradictoria est talis, inter cuius extrema non datur medium, sed necesse est, omne quod assignatur sub alteram contradictoriorum cadere. Nam inter hominem & non hominem, quicquid assignaueris illud necessario, vel erit homo vel non homo. Cuius ratio est, quia contradictio est oppositio secundum affirmationem & negationem; at inter affirmationem & negationem non datur medium, negatio enim complectitur omnia quæ sunt extra affirmationem, & sic nihil a medio relinquit: Ergo inter contradictoria non datur medium. Medium enim est distinctum ab utroque extremo: nihil autem potest dari, quod sit distinctum ab utroque contradictorio, sed necesse est ut sit idem vel cum affirmatione vel cum negatione; non potest igitur dari medium inter contradictoria.

Quod autem id soli oppositioni contradictoriæ conueniat non habere medium probatur. Nam alix omnes oppositiones habent medium cum & multi formæ denuntiantur distinctæ ab utroque extremo, & multa subiecta neutri extremo subiacentia: Nam in relatione oppositionis patris & filij dantur alix relationes, quæ nec sine paternitas nec filiatio; dantur etiam subiecta, quæ neque paternitati, nec filiationi subiacent, sed medio quodammodo se habent inter illos duo extrema relationis. In oppositione etiam contraria extrema contraria habent multa accidentia, quæ neutrum contrariorum pertinent, ut albedo & nigredo, habent medicos colores &

*Definitur  
Contradictio.*

*Sola contradictio non habet  
medium secundum seipsum.  
Ratio est.*

*Inter relativiue  
opposita datur  
medium.*

*Item inter contrarias, etiam  
quæ dicuntur  
immediatas.*

alias qualitates à coloribus distinctas, habent etiam subiecta quæ neutri contrariorum subiacent: Cælum enim nec est album nec nigrum, similiter & Angelus.

Quod si quis obieciat distinguere contraria in mediata & immediata: non igitur solis contradictorius oppositis conuenit non habere medium tam ex parte formæ, quam ex parte subiecti. Respondeo non habere medium simpliciter conuenit solis contradictorius quia & omnem formam necesse est contineri sub altero extremo contradictionis & omne subiectum necesse est subiacere alteri parti contradictionis: Contraria verò dicuntur aliqua immediata non simpliciter, sed quod sub illigenere non habent formam mediam. Verbi gratia, sub genere coloris, albedo & nigredo, non sunt contraria immediata, quia inter illa sunt medi colores, ita vt ex alio non sit necesse immediatè transmutari in nigrum; potest enim etiam in alios colores esse transmutatio; Inter calorem verò & frigus nulla est forma media ad quam fieri possit transmutatio, sed à calore necesse est immediate fieri transmutationem in frigus, à frigore in calorem: & ideo calor & frigus dicuntur, quoad hoc contraria immediata, sub genere qualitatibus alteratiuæ. Verum, hoc est, solum secundum quid non habere medium; Nam simpliciter habent innumeras formas medias quæ ad neutrum contrariorum pertinent, & plurima subiecta, quæ neutri contrariorum subiacent.

*Solis contradictorius simpliciter conuenit non habere medium.*

De oppositione etiam priuatiua idem ostendi potest quod habeat medium tam in forma quam in subiectis: Nam inter visum & cæcitatem dantur plurimæ formæ, quæ nec sunt visus nec cæcitas, dantur etiam subiecta, quæ sunt nec videlicet nec cæca; lapis enim nec est videns nec cæcus. Quamquam oppositiua priuatiua si respectu non cuiusque subiecti, sed solum subiecti apti sumantur dici solent immediate: sed hoc est secundum quid non simpliciter esse immediata; simpliciter enim multa subiecta intercedunt quibus neutrum extremum huius oppositionis competit.

*Oppositio priuatiua habet medium.*

Quod verò additur in definitione contradictionis secundum seipsam: id est eo scilicet quod alias oppositiones non ex se, sed quatenus includunt contradictionem, non habent medium; Vnum enim oppositum dicit virtualiter negationem alterius, & exclusionem à subiecto; at contradictoria per se & secundum seipsa non habent medium; quia sunt ipsa affirmatio & negatio quibus per se conuenit non habere medium. Siquidem negatio omnia extra affirmationem comprehendit, & nihil quod medium esse possit relinquit. Dicitur etiam potest contraria non ex seipsis, sed solum comparatione certi subiecti non habere medium, vt dictum est: at contradictoria secundum seipsa non respectu ad hoc vel illud subiectum non habent medium.

*Quid sit. secundum seipsam non habere medium, hoc est, non virtute alterius oppositiui.*

Ex hac igitur definitione colligitur tria requiri ad hoc vt aliqua sint opposita contradictoria. Primum est & maxime essenziale, vt eadem omnino res affirmetur & negetur. Nam si alia res vel alio modo affirmetur, alia negetur non erit oppositio; Non enim omnis affirmatio opponitur omni negationi, sed solum sibi opposita, quæ id negat, quod affirmatio affirmat. Cum igitur contradictio sit oppositio secundum affirmationem & negationem, necesse est vt eiusdem rei sit affirmatio & negatio.

*It' aliqua sunt opposita contradictoria tria requiruntur.*

Quæ necesse est affirmationem & negationem proportionaliter accipi, nempe in toto vel in parte res aliqua affirmetur, in toto etiam vel in parte negetur.

*1. It' idem affirmetur & negetur.*

Altera si Æthiops dicatur albus in dentibus & negetur albus in corpore non erit contradictio,

contradictio, quia illa negatio non est opposita illi affirmationi; alia enim albedo negatur nempe corporis, alia affirmatur nempe dentium.

Secundo ut de eodem seu respectu eiusdem affirmetur & negetur. Nam si eadem res de vno affirmetur, de alio negetur, talis affirmatio & negatio non erunt opposita: sic non sunt opposita, Quidam homo est albus, quidam homo non est; quia non idem homo dicitur albus & non albus, sed alius albus nempe Europaeus, alius non albus nempe Aethiops, ut ergo affirmatio & negatio sint opposita, debent fieri respectu eiusdem speciei vel termini: sic magnum & non magnum si respectu eodem termini sumantur, erunt contradictoria, si vero respectu diuersorum non erunt contradictoria, quia non erunt opposita, ut si quis dicatur, magnus respectu minoris, non magnus respectu maioris.

Tertio. Ut respectu eiusdem temporis affirmatio fiat & negatio. Nam in diuersis temporibus affirmatio & negatio eiusdem de eodem non sunt opposita; idem enim vno tempore est calidus, alio tempore non est calidus: Quae omnes tres conditiones assignantur ab Aristot. 4. Met. tex. 9. & reducuntur ad vnam nempe ut eodem modo fiat affirmatio & negatio; ita ut quomodo aliquid affirmatur tam ex parte rei affirmatur quam ex parte subiecti vel temporis eodem modo negetur; in hoc enim est oppositio affirmationis & negationis, si quod affirmatur, & eo modo quo affirmatur negetur.

Et haec est optima regula ad cognoscenda contradictoria, contradictoria enim sunt opposita secundum affirmationem & negationem, affirmatio autem negationi non est opposita, nisi eodem modo accipiantur. Estque haec doctrina Aristotelis 1. de Interp. cap. 4. ex qua reddit rationem Aristoteles, quare vniuersalis affirmatio & negatio, item particularis affirmatio & negatio, non sunt contradictoria. Nam in vniuersali affirmatione duo sunt, & res quae affirmatur & modus vniuersaliter affirmandi. Illa ergo solum negatio est opposita vniuersali affirmationi contradictoriae, quae non solum rem negat, sed & modum vniuersalem; siquidem retinet eundem modum vniuersalem: talis non est vniuersalis negatio: nam haec solum rem negat non verò modum vniuersalem. Siquidem retinet eundem modum vniuersalem, quem affirmatiua, solum ergo particularis negatio opponitur contradictoriae vniuersali affirmatiuae, quia & rem & modum eius negat: ut si dicam omnis homo est albus, non omnis homo est albus, non omnis autem nequaquam. Quidam non; praefixa enim negatio signo cum sit malignantis natura negat & quantitatem & qualitatem propositionis: similiter negatiua vniuersali opponitur contradictoriae particularis affirmatiuae, quia opponitur secundum rem & modum.

Quod vero particularis affirmatio & negatio non sint contradictoriae, pari ratione ostenditur. Nam affirmatiua non solum rem affirmat, sed & particularitatem. Ergo negatio perfecte illi opposita debet vtrumque negare; Talis est, vniuersalis negatiua non particularis negatiua; Nam haec solum rem, non particularitatem negat, illa vero vtrumque vi patet si dicam. Quidam homo est albus, non quidam homo est albus; illud enim non quidam, & particularitatem tollit, & affirmationem, & equipolletque vniuersali negationi; non quidam enim est nullus, scilicetque est ne vnus quidem particularis homo est albus. Quare cum oppositio contradictoria sit perfecta oppositio secundum affirmationem & negationem; perfecta autem oppositio requiritur ut totum quod affirmatur, negetur; Hinc fit ut inter solas vniuersales

2.  
*Respectu e-*  
*iusdem.*

3.  
*Simul seu pro*  
*eodem tempo-*  
*re.*  
*Hae tertia re-*  
*uocantur ad*  
*quum.*

*Regula ad co-*  
*gnoscenda*  
*contradictoria.*  
*Cur sola parti-*  
*cularis nega-*  
*tio, & vni-*  
*uersalis affir-*  
*mativa con-*  
*tra dictoria*

*Particularis*  
*affirmatio &*  
*negatio non*  
*sunt contra-*  
*dictoria.*

uniuersa  
manu  
Quo  
polio  
in ali  
& nega  
& dux  
illam  
compe  
dicam  
mo est  
Ex qu  
quero  
fili affir  
Aristote  
ne & in  
uiz. Qu  
in quant  
Quin  
non poss  
Quodlibet  
pau omni  
uero dubi  
tu: Nam  
est simul  
pau existi  
possi quis  
ne enim ne  
limitatis h  
limitatem  
genda.  
Hoc igitur  
mon. Add  
me; Scien  
idem esse  
aliter se hab  
praepositi  
illo dubitaret  
tate.  
Quod vero  
miani possit  
non quati prop  
se perspicua  
huc principio  
monstratione  
solum igitur p

vnuerſalem affirmatiuam & particularem negatiuam, & inter particularem affirmatiuam & vnuerſalem negatiuam ſit contradicſtio, quia eſt oppoſitio perfectæ.

Quod etiam ex definitione contradicſtionis offenditur; nam contradicſtio eſt oppoſitio cuius non eſt medium ſecundum ſeipſam: at in his ſolis non datur medium, in alijs autem affirmationibus & negationibus datur: Ergo hæc ſolæ affirmationes & negationes opponuntur contradicſtoriæ non aliæ. Nam etiam duæ vnuerſales, & duæ particulares poſſunt eſſe ſimul falſæ ac ex conſequenti datur medium inter illarum affirmationes & negationes, cui nec affirmatio nec negatio vnuerſaliter competit, nempe quidam non: ſimiliter in particularibus datur medium: Nam ſi dicam Quidam homo eſt aſinus, quidam non eſt aſinus, datur medium nullus homo eſt aſinus.

Ex quo etiam intelligitur quomodo verum ſit quod Ariſtoteles dicto capite quæſto ait, vni affirmationi vniam negationem eſſe oppoſitam, cum tamen vnuerſali affirmationi & vnuerſali negatio & particularis negatio ſit oppoſita. Nam Ariſtoteles loquitur de perfecta oppoſitione, quæ eſt in quantitate & qualitate in re & in modo; qua ratione ſola particularis negatiua opponitur vnuerſali affirmatiuæ. Vnuerſalis vero negatiua ſolum opponitur ſecundum quid in qualitate non in quantitate.

*Uni affirmati-  
oni quomodo  
dicatur vna  
negatio eſſe  
oppoſita?*

Quantum ad ſecundum Ariſtoteles 4. Metaphyſic. à text. 8. fuſe id offendit fieri non poſſe vt contradicſtoria ſimul ſint vera. Primum igitur ſtatuit hoc principium. Quolibet eſt vel non eſt, ſeu impoſſibile eſt ſimul eſſe & non eſſe; eſſe principium omnium & firmiſſimum & noſſimum. Firmiſſimum quidem, quia de illo nemo dubitare poſteſt; Nemo enim poſteſt de eadem re habere opinionem contrariam: Nam approbatio vnius opinionis, eſt reieſtio alterius: at ſi exiſtaret idem eſſe ſimul & non eſſe haberet ſimul opiniones contrarias: non ergo poſteſt quilibet exiſtimare ſimul eandem rem eſſe & non eſſe: & quamuis (ait Ariſtoteles) poſſit quis dicere contradicſtoria, negat tamen poſſe ſentire contradicſtoria; neque enim neceſſe eſt, vt quæ quis dicit ea & ſentiat. Addit Ariſtoteles ſignum firmitatis huius principii eſſe, quod cum alia aliqua negantur, ad huius principii firmitatem recurritur tum ad probanda alia principia tum ab ijs contraria redarguenda.

Hoc igitur principium cum ſit cauſa firmitatis aliorum erit ipſum per ſe firmiſſimum. Addi poſteſt, quod ſi hoc vnum tollatur, omnes ſcientias ruere oportere; ſcientiæ enim demonſtrant, impoſſibile eſſe rem aliter habere: at ſi ſimul idem eſſet & non eſſe non eſſet impoſſibile aliter rem habere, ſed verum quod dicit ſe habeat: Ergo hoc principium tanquam fundamentum ſcientiarum præpoſitum ab omnibus ſcientijs, neceſſe eſt eſſe firmiſſimum ita vt ſi quis de illo dubitaret deberet eo ipſo de omnibus demonſtrationibus & ſcientijs dubitare.

Quod verò ſit etiam noſſimum Patet: Quia nihil eo notius datur per quod Principium probari poſſit. Ex quo deducit Ariſtoteles; non poſſe hoc principium per ſe pronotiſſimum. Vnde quæſti propter ſe probatione indigeat, hoc enim illis tantum coquerit, quæ ex ſe perſpicua non ſunt, & habent aliqua magis perſpicua per quæ probentur. Quod dictum Theophræſti non competit. Vnde & Theophræſtus, merito ait talis principii demonſtrationem violentam eſſe, & præter naturam, quia non eſt ex notioribus: ſolam igitur probari poſteſt aduerſus negantem adarguendum ipſum; modo is

qui redarguitur, aliquid dicat, id est aliquid concedat. Nam si nihil dicat aut concedat, non est (inquit Aristoteles) aduersus eum querere rationem, qui nullas rationem habet, quatenus nullam habet rationem. Sicut enim planta, quia non habet rationem non potest à quouis nisi ineptè redargui; ita & isti ex ea parte ex qua rationem non habent, nec admittunt, similes plantæ sunt & redargui non possunt.

Si verò is qui redarguendus est, aliquid concedat, potest ex concessis à se conuinci & redargui, per deductionem ad impossibile. Et hoc facit Aristoteles à text. 10.

Prima igitur ratio, qua probat non posse idem simul esse & non esse sumitur ex significatione vocum: Nam aut voces significant aliquid certum & determinatum, aut nihil certi, & determinati, sed tam hoc, quàm oppositum; si primum; ergo necesse est rem significatam per vocem esse talem, qualis significatur, & non aliam.

Alioquin non esset significatio determinatæ rei, si æque ipsa ac ipsi opposita significaretur. Quod autem necesse est esse tale, non potest non esse tale; nam si posset non esse; contingenter esset tale, non necessario, non igitur fieri posset, ut idem simul sit, & non sit; si secundum, sequeretur duo absurda. Primum quod voces nihil significarent; quia quod æque significat hoc ac non hoc, nihil significat, quia per talem significationem ad nullius rei cognitionem deuenitur. Secundò quia tolleretur omnis disputatio & vsus loquendi; Nam dicendo, nec is qui loquitur se ipsum intelligeret, nec ab aliis intelligi posset, si voces ad nullius rei certam notionem deducunt.

Secunda ratio est, si contradictoria sunt simul vera nihil prædicabitur substantialiter, sed omnia accidentaliter quod esse absurdum, ex eo patet, quia si omnia prædicantur accidentaliter nulla erit substantia; at si nulla sit substantia, nec accidentia erunt accidentia; non possunt enim esse sine substantia. Probat ergo illa sequela. Nam quod negatur vere de aliquo non est substantia illius; substantia enim identificatur rei cuius est substantia, ut animal identificatur homini, atque si contradictoria sunt simul vera tota substantia rei, verè negabitur de re, homo verè diceretur non homo: ergo homo non erit verè quid substantiale, quia id quod de re negatur, non est eius substantiale. Deinde accidens est illud quod negatur essentialiter de re, ut si dicam homo non est albedo: at si contradictoria sunt simul vera, essentia negabitur vere de re: Ergo erit accidens non essentialia.

Tertia ratio. Sequeretur rem vnam esse omnia. Probat. Nam si homo est non homo: ergo erit etiam triremis & non triremis. Nam esse non hominem, magis repugnat homini quàm esse non triremem, cum illa negatio tollat essentialitatem hominis hæc non: Si ergo illa negatio conuenit homini multo magis hæc. Quod si non esse triremem, conuenit homini, conueniet etiam esse triremem, quia secundum aduersarios contradictoria sunt simul vera: ergo si verum est hominem non esse triremem verum etiam erit esse triremem, & sic verum erit esse omnia. Deinde si homo sit non homo; non homo autem, cum sit nomen infinitum æque omnia complectatur præter hominem, sequitur hominem esse æque hominem ac cetera omnia.

Quartò sequeretur. Vtrique contradictoria simul esse & vera & falsa. Nam si verum est hominem esse hominem, & non hominem, verum etiam erit eius contra-

*Probat non posse contradictoria esse simul vera.*  
1. Ratio Aristotelis.

### 2. Ratio.

*Si contradictoria simul essent vera, nihil predicaretur substantialiter.*

### 3. Ratio.

### 4. Ratio.



dictorium, hominem nec esse hominem, nec non esse hominem, ac si hoc posterius est verum illud prius erat falsum, quia hoc posterius significat falsitatem prioris, ideoque simul contradictoria erunt vera & falsa; quare nec hoc ipsum erit determinate verum contradictoria esse simul vera.

Quintò. Si aliqua contradictoria essent simul vera, omnia contradictoria essent simul vera: par enim est omnium ratio; cum æque hæc, ac illa sibi repugnent, aut non repugnent: atqui absurdum est omnia contradictoria esse vera: Ergo etiam absurdum est, aliqua esse vera. Minor probatur, quia si omnia contradictoria essent vera, sequeretur, omnia de quolibet prædicari posse: Nam cum altera contradictionis pars, nempe negatio omnibus aliis rebus competat, etiam affirmatio omnibus rebus competet, ex suppositione, quod contradictoria sunt simul vera: & si omnia contradictoria omnibus & singulis rebus competent, & singula erunt omnia, & omnia erunt vnum, quod est maximum absurdum. Deinde sequeretur & hoc absurdum, omnes semper vera loqui, nec mentiri posse, quia quamcumque sententiam contradictionis quis dixerit, illa erit vera; imò sequitur simul quemlibet & verum loqui, & mentiri, verum ex suppositione, falsum autem, quia eius negatio est vera; id enim affirmare quod negari debet secundum veritatem, est falsum dicere & mentiri: Similiter sequeretur non loquentem loqui, non concedentem concedere, non existentem existere, si simul contradictoria esse vera necesse est. Denique tolleretur omnis disputatio & veritatis inquisitio, si quodlibet licet affirmare & negare, & omnia quæ quis affirmaverit vel negaverit, sunt æque vera & nihil falsum.

5. Ratio.

Sexto omnes homines existimant res vno certo modo se habere; ergo non existimant contradictoria simul vera, verbi gratia, iudicant solem lucere, & non existimant non lucere; niuem esse albam, & non esse non albam; ignem vrere & non non vrere; alioqui tales non ratione, sed sensu convincendi sunt vt recte docet Aristoteles. Top. cap. 9. & vt Aincena ait, tam diu sunt vrendi vel cædendi, donec sensu convincti concedant, aliud esse vri & non vri, cædi & non cædi, & vnum posse esse sine alio, neque contradictoria necessariò esse simul vera, & fateantur cum cæduntur & vrantur & non esse verum, quod non cædantur nec vrantur.

6. Ratio.

Septimò. Tolleretur omnis deliberatio de prosequendo & fugiendo: Nam si omnia æque se habent, in vtramque partem contradictionis, æque erunt prosequenda ac fugienda; prosequenda, quia sunt talia; fugienda quia non sunt talia; nihil & absurdum est, & contra experientiam; non enim quisque æque bonum putat vrere in præcipitium, ac non ire; nec cuius Megarensis æque bonum putat proferri Megaram & non proficisci. Quod si quis respondeat homines non certa sententia, sed opinione verisimili duci ad eligendum potius hoc, quam illud. Contraque Aristoteles, opinio verisimilis est signum determinatæ veritatis. Est enim veritas imperfectè cognita: Ergo si perfectè cognosceretur veniret ad determinatam veritatem; quare si ex verisimili opinione licet eligere quod melius est quanto magis ex perfecta scientia. Quod si dicas perfectam scientiam non posse haberi de altera parte contradictionis, sed de vtraque simul, ex eo sequetur, æque omnium hominibus esse debere aliquid esse prosequendum, sicut fugiendum, & quodlibet rem æque esse prosequendam sicut fugiendam, atque adeo homines movere propter nullam probitatem moveri debere & neque amplecti res approbatas neque vitare reprobata.

7. Ratio.

8. Ratio.

Octauo. Dantur in rebus gradus veritatis & falsitatis: aliqua enim sunt magis vera, seu propinquiora vero, aliqua minus vera seu minus propinquiora vero, similiter aliqua sunt magis falsa aliqua minus, propter maiorem & minorem propinquitatem ad falsum, vel remotionem à vero: nam magis verum est binarium esse numerum parem quam trinarium, & verius quatuor, quam mille dicuntur quinque quia quatuor propinquiora sunt quinque quam mille. Si igitur aliqua sunt magis vel minus vera. Ergo dantur aliqua simpliciter vera, hoc est sine vlla admixtione falsitatis: Nam magis & minus vera, ideo dicuntur magis vel minus vera, quia sunt propinquiora vero simpliciter: Ergo si nullum sit possibile verum simpliciter neque est possibile aliquid esse magis vel minus verum. Verum autem simpliciter est ita verum, ut non sit non verum. Ergo ita est verum ut contradictorium ipsius esse verum non possit.

2. Ratio.

Nono. Non daretur in rerum natura aliquid necessarium. Necessarium enim est quod non potest aliter se habere, at si cuilibet rei contradictoria competat, quolibet res aliter se habet, homo, verbi gratia est non homo, est animal rationale, & non animal rationale: ergo nulla res erit necessaria.

## QVÆSTIO XII.

*An inter contradictoria dari possit medium seu an contradictoria possint simul esse falsa?*

*Inter contradictoria dari medium impossibile est.*

Hanc questionem tractat Aristot. 4. Metaph. tex. 27. 28. 29. & concludit contra veteres Philosophos non esse possibile dari medium inter contradictoria, quia dari medium inter contradictoria est aliquid dari expers vtriusque contradictionis, ita ut de eo neutrum contradictorium prædicari possit, quod idem est, ac contradictoria esse simul falsa: atqui impossibile est dari aliquid, de quo alterum contradictorium non prædicatur: Ergo impossibile dari medium inter contradictoria. Quare sicut in præcedenti questione probatum est contradictoria non posse esse simul vera, ita in præsentem probandum est non posse esse simul falsa.

1.  
*Impossibile est dari propositionem que nec sit vera nec falsa.*

*Que negatio sit falsa.*

Probat autem Aristoteles primo: Impossibile enim est dari propositionem que non sit vera nec falsa, vera quidem si dicat esse id quod est, non esse quod non est: falsa si dicat esse quod non est, non esse quod est: Ergo etiam impossibile est dari aliquid medium: quod neque sit, neque non sit, ac proinde quod sit medium inter contradictoria. Consequentia patet, Quia veritas propositionis fundatur in esse, falsitas in non esse. Confirmatur, de qualibet re potest formari propositio vera aut falsa: at si sit medium inter contradictoria non potest de re formari vlla propositio vera aut falsa: Ergo, Nam ut affirmatio sit falsa debet affirmari aliquid esse quod verè non est: at si sit quid distinctum ab esse & non esse, illud nec verè est nec verè non est: Ergo non potest de eo fieri affirmatio falsa. Similiter neque negatio potest de eo fieri falsa. Nam hinc negatio est falsa, cum negatur id esse quod verè est, atqui supponitur res illa nec verè esse nec verè non esse. Ergo non potest negari falso: ergo daretur tam affirmatio quam negatio ac consequenter propositio nec vera nec falsa quod est absurdum.

Secundo,

Secundo, si daretur medium inter contradictoria vel esset medium per negationem utriusque extremi vel per participationem utriusque extremi ad eum modum quo colores medi dicuntur participare utrumque extremum, ac neutro modo dari potest medium inter contradictoria. Non priori modo, quia sic non daretur ad illud nec ab illo mutatio; omnis enim mutatio vel est à non esse ad esse, vel ab esse ad non esse; atqui illud medium abstrahit ab esse & non esse: ergo non potest ab illo nec ad illud fieri vlla mutatio. Hoc autem est absurdum: nam quomodo tam potest aliquid sine generatione, quomodo generari sine mutatione? Non secundo modo: quia simili ratione non potest esse ab illo & ad illud mutatio; quia mutatio essentialiter est ab esse in non esse, vel à non esse, in esse: Ergo si aliquod est medium inter esse & non esse; non potest ad illud, nec ab illo esse mutatio vllius generis, quia in illo genere nec esset ens, nec non ens.

Quod si dicas, Esse mutationem à mediis ad extrema & ab extremis ad media nec fusco in album & ex albo in fuscum.

Respondeo etiam à mediis & ad media esse mutationem quæ est interesse & non esse. Ex fusco enim in album fit mutatio tanquam in non fuscum, ex albo verò ad fuscum tanquam ex non fusco, quia per accidens est quod illud sit album; nam cum sit non esset album, posset mutari in fuscum, est autem per se, quod non sit fuscum: Nam si esset fuscum non posset mutari in fuscum, ut docetur primo Physicorum, quia igitur omnis mutatio est inter esse tale & non esse tale: si datur medium inter esse & non esse, non poterit esse mutatio à medio & ad medium, necesse enim est contradictorium in contradictorium mutari.

Tertio. Si affirmatio sit conformis rei & vera necesse est negationem illi oppositam esse falsam, quia tollit id quod ponit affirmatio: & si affirmatio sit falsa necesse est negationem esse veram ob eandem causam: Ergo sicut inter veritatem & falsitatem non datur medium, ita nec inter contradictoria. Nam ut contradictoria dicunt rem esse & non esse, ita verum & falsum idem dicunt, ita ut sit par utriusque ratio.

Quarto. Si inter aliqua contradictoria daretur medium, daretur inter omnia, par enim est omnium ratio & æquæ sibi omnia opponuntur in affirmatione & negatione: atqui certum est dari aliqua contradictoria quæ non habent medium: Ergo nec alia habere possunt medium. Minor probatur. Nam inter verum in communi & non verum non datur medium. Similiter inter ens in communi & non ens: illud enim medium nec esset ens nec non ens, quod est impossibile. Nam etsi inter ens aliquod particulare & non ens, hominem & non hominem posset quis suspicari dari aliquod medium, nempe aliud aliquod ens, tamen non potest id suspicari de ente in communi; Ens enim in communi, omne ens sub se comprehendit, quare nihil extra se relinquit, quod possit habere rationem medi nisi non ens. Idem dici potest de vero in communi quod nullum extra se veritatem relinquit, sed in se omnem veritatem comprehendit. Similiter cum dicitur numerus par vel impar inter hæc non datur medium ut patet ex definitione paris vel imparis; non datur enim numerus qui non æquis constat partibus vel non æquis.

Quinto daretur processus in infinitum in contradictionibus: Nam si datur medium inter contradictoria, hoc medium sicut affirmatur ita & negari potest; utriusque enim affirmationi respondet sua negatio: Ergo fundabitur in hoc medio secunda contradictio constans affirmatione & negatione. Rursum hæc secunda contradic-

2.

3.  
Si affirmatio  
est conformis  
rei, negatio  
illi opposita  
falsa est.

4.

5.

traditio habebit quoque medium sicut prima (par enim est omnium contradictoriorum ratio & oppositio) & sic esset processus in infinitum tam in mediis quam in contradictoriis & daberetur infinita actu media, & infinita actu contradictiones.

6. Sexto. Ad questionem de albo recte respondetur per negationem albi si reuera album non sit, & similiter de omni alia re recte per negationem responderetur si res illa talis non sit, neque quisquam aliam responsionem requirit: ac si daretur medium inter esse & non esse, non esset ista responsio recta, posset enim responderi esse illud medium quod est inter esse & non esse; cum ergo prior illa responsio probetur communi omnium sensu, eodem sensu probatur non dari medium inter contradictoria.

7. Denique Arist. 1.1. Metaph. summa secunda cap. 5. sic argumentatur. Si utraque pars contradictionis est falsa, Ergo etiam hoc ipsum quod dicitur de contradictoriis simul falsis, erit falsum, falsum igitur erit contradictoria esse simul falsa. Similiter si contradictoria sint simul vera; Ergo etiam cum quis falsum dicat, non falsum diceret, quia falsum & non falsum sunt contradictoria.

Notandum autem est quod in precedenti questione ex Aristotelis sententia deducebamus non solum contradictoriis hoc convenire ut non habeant medium, sed etiam per se primo illis convenire, id est, ex propria illorum ratione & non ratione alterius: aliis autem oppositis non per se primo, sed ut involunt contradictioni aliquo modo.

## QVÆSTIO XIII.

*Quanam dicenda sint propositiones contrarie?*

**T**RACTAT hanc questionem Aristoteles in fine secundi de Interpretatione. Num ex sint dicende contrarie, quæ sunt de terminis contrariis, an vero quæ de contradictoriis, Verbi gratia, huic propositioni. Bonum est bonum, an ista sit contraria. Bonum est malum, an vero ista, bonum non est bonum, & determinat non illam esse per se primo contrariam, quæ est de prædicato contrario, sed quæ est de prædicato contradictorio: idem docet 4. Metaph. tex. 9. ubi definit opinionem contrariam quæ contradictionis est.

*Oppositio propositionum non est oppositio terminorum.*

Pro quo notandum est. Oppositionem propositionum non esse oppositionem terminorum, sed oppositionem iudicii, Terminum enim sunt quid materiale in propositione, iudicium autem de connexionione terminorum est formale. Porro iudiciorum oppositio proprie spectatur secundum affirmationem & negationem, siquidem iudicium formaliter consistit in affirmatione vel negatione: affirmationis autem, & negationis oppositio est contradictio. Quare propositiones illæ dicende erunt contrarie, quæ per modum affirmationis & negationis sunt contrarie, non verò quæ ex terminis sunt contrarie.

*Propositiones ex terminis contrarie sunt triplices.*

Notandum secundo. Propositiones ex terminis contrarie, sunt triplices, alæ in quibus subiecta sola sunt contraria, ut frigidum est calidum, calidum est frigidum,

ulum, alia in quibus prædicata sola sunt contraria, vi frigidum est frigidum, frigidum est calidum, alia, in quibus tam subiecta quam prædicata sunt contraria, vi frigidum est frigidum, calidum est calidum, certum igitur est non omnes has propositiones esse inter se vere contrarias, etiam si sint ex terminis contrariis: contrarii enim se inuicem tollunt: at hæ propositiones non se tollunt, tunc enim propositiones se tollunt, quum vna existente vera, altera ex vi illius est falsa, at hæ sunt simul veræ maxime quæ sunt tertii generis; simul enim est verum, calidum esse calidum, & frigidum esse frigidum: quia licet sint termini contrarii, coniunctio tamen terminorum, in qua consistit essentia iudicii, non est contraria, sed similis, in aliis vero duobus generibus tunc est contrarietas propositionum, quando implicite inuolunt negationem, & affirmationem. Verbi gratia, ista propositio, calidum est frigidum, opponitur illi calidum est calidum, quia inuolunt negationem calidi; si enim calidum esset frigidum non esset calidum; Frigus enim fert simul negationem caloris, & sic ratione huius negationis implicite est opposita illi alteri propositioni. Et hoc est quod docet Aristoteles istas propositiones non esse per se primò contrarias, sed solum ratione affirmationis & negationis quam implicite inuolunt, ita vt contrarietas propria propositionum si per se spectanda ex affirmatione & negatione.

Norandum est Tertio difficultatem esse in hac doctrina Aristotelis an verum sit, quod sæpe docet maxime 4. Met. t. 9. ex contrariis sequi contradictoria. Multi tamen ita argumentantur. Si id verum esset sequeretur per Dei potentiam duo contradictoria non posse poni in eodem subiecto, quia per Dei potentiam duo contradictoria simul esse non possunt: at contraria inuolunt contradictoria. Ergo. De qua re huc tractat Greg. 1. d. 17. q. 3. art. 2.

Dicendum tamen ex contrariis inferri contradictoria posse intelligi dupliciter vel formaliter vel consequentive. Formaliter ita vt in ipso contradictoriorum conceptu contineantur actus contradictorii; quomodo in actu affirmationis & negationis accidit, hi enim actus ita sunt contrarii vt inuoluant contradictoria, nempe rem esse & non esse, idem cernitur in actu volendi & nolendi, appropinquandi & recedendi ab eodem, consequentive verò, quando ipsa contraria in suo conceptu formali, non includunt contradictoria, consequuntur tamen ex iis contradictoria, quantum est ex naturis ipsorum vt ex frigore naturaliter sequitur negatio caloris & ex contrario negatio contrarii. Contraria igitur primi generis quia essentialiter inuolunt contradictoria, nec per Dei potentiam possunt esse simul in eodem, contraria verò secundi generis quia essentialiter non inuolunt contradictoria, sed consequuntur & quasi accidentaliter, possunt per Dei potentiam esse simul secundum sui essentias, quia prius non repugnat esse sine suo posteriori. Neque vero ex eo sequuntur actus contradictorii. Nam Aristoteles solum vult sequi ex contrariis contradictoria, quantum est ex vi naturæ ipsorum (vnum enim naturaliter fert secundum negationem & exclusionem alterius) hæc tamen consecutio potest supernaturaliter impedi à Deo, sicut proprietates consequentes essentiam possunt impedi ne consequantur. Sic & duo corpora naturaliter se excludunt ab eodem loco & tamen supernaturaliter possunt simul esse in eodem loco.

Dico igitur Primò. Propositiones non ideo sunt contrarie quia sunt contrarie. Vnde dicuntur contrarie. Probatur ratione Aristotelis. Quia possunt esse propositiones de contrariis, quæ tamen non erunt contrarie, vt malum est malum, bonum est bonum, contraria sunt.

sunt enim potius similes propositiones quam contrariæ. Et ratio est quia de contrariis potest intellectus iudicare non contrario modo, hoc est, secundum eam rationem qua conveniunt, non qua sibi opponuntur. Nam calor & frigus conveniunt in hoc, quod sint accidentia, & quod sint eadem sibi ipsis, quare si intellectus affirmet calorem esse calorem vel esse accidens. Frigus item esse frigus, vel esse accidens: affirmabit quidem de contrariis, sed non ea in quibus sibi contrariè opponantur: quare nec ipsæ affirmationes erunt inter se contrariæ.

Dices saltem tunc erunt contrariæ propositiones, quando coniungentur contraria; quæ contraria sunt, hoc est, eo modo quo sibi opponuntur, ut cum contrariis prædicati referuntur ad idem subiectum, vel idem prædicatum, ad contraria subiecta, ut si dicam, verbi gratia, aqua est calida, aqua est frigida, vel ignis est frigidus, aqua est frigida, æque enim idem subiectum repugnat contrariis prædicatis sicut idem prædicatum contrariis subiectis.

Respondeo has propositiones non esse contrarias formaliter ratione enunciationis, sed materialiter, ratione terminorum, quia licet contrarii termini enunciantur, forma tamen enunciationis non est contraria: vtrique enim enunciatur forma affirmativa. Unde cum secundum affirmationem & negationem sibi non opponantur, non erunt formaliter contrariæ in ratione enunciationis.

Deinde propositiones contrariæ non possunt stare simul: at duæ propositiones affirmativæ contrariorum, possunt stare simul. Si enim Deus poneret calorem & frigus in eodem subiecto, possent in intellectu duo iudicia stare simul, nempe quod illud subiectum sit calidum, & quod sit frigidum. Porro hi actus sunt eiusdem naturæ, siue Deus ponat siue non ponat contraria in eodem subiecto: Ergo signum est, non esse natura hos actus contrarios, solum ex eo quod non sint contrarii per modum affirmationis & negationis. Non igitur sufficit ad propositiones contrarias formaliter in ratione iudicii contrarietas terminorum, sed requiritur ut sint per modum affirmationis & negationis.

Dices non potest intellectus adduci ut lignum iudicet simul calidum & frigidum, ergo ista iudicia sunt contraria: contraria enim sunt illa quæ se expellant ab eodem propter naturarum repugnantiam.

Respondeo ideo non posse intellectum adduci ad iudicandum lignum esse calidum si est frigidum, quia videt non esse calidum, & sic non potest contradi dicere rei quam videt iudicare, non verò quia videt esse frigidum. Nam si persunderet sibi simul non esse non calidum, eo quod Deus conservat calorem & frigus in eodem, possit formare utrumque iudicium de ligno, tam quod sit calidum, quam quod sit frigidum. Quod si quis velit dicere ista iudicia naturaliter non posse stare simul, convinci poterit ex eo, quod intellectus naturaliter potest conformare suum iudicium rebus quas videt veras. Ergo si videat verè ita esse factum per Deum potentiam, quod idem lignum sit calidum & frigidum, poterit naturaliter formare utrumque iudicium. Quare hæc propositiones non sunt natura sua contrariæ neque ex natura sua sibi repugnant, sed tantum quatenus tacite vel explicitè interuenit iudicium negativum de negatione formæ & sic verum est quod Aristoteles propositiones affirmativas non esse contrarias, sed affirmativas & negativas.

*Vnum vni opponitur.*

Secundo probatur alia ratione Aristotelis. Vnum enim vni tantum opponitur. Talis est affirmatio & negatio, vna enim affirmatio vni tantum negationi opponitur.

ponitur, affirmatio vero pluribus affirmationibus opponitur, & negatio pluribus negationibus, Ergo non affirmatio affirmationi, sed affirmatio negationi est per se opposita. Minor patet, sic enim hæc affirmatiua, Bonum est bonum, huic possum assignare multas affirmationes oppositas, quibus tribuitur bono, quod illi non conuenit, nempe bonum est malum, bonum est odibile, bonum est inutile, vel inhonestum, & sic innumera essent vni opposita, similiter huic negationi. Bonum non est bonum plurimæ negationes essent oppositæ, nempe bonum, non est amabile, non est honestum, non est utile, non est letandum.

Respondi potest vnum vni esse primo oppositum posse verò pluribus opponi consequentiæ & secundariò, sic bonum quia est oppositum malo primario consequenter opponitur iis quæ ex malo consequuntur. Contra. Vera quidem est responsio, sed ex ea sequitur bonum primariò non opponi malo, sed non bono, quia prius opponitur non bono, quam malo. Nam malo eatenus opponitur quatenus est non bonum, & sic prius affirmatio opponitur negationi, quam affirmationi, & ex consequenti inter duas affirmationes non erit primo per se contrarietas.

Et confirmatur Primò. Quia contraria sunt illa quæ maximè distant, ac magis distat affirmatio à negatione quàm ab affirmatione: Ergo magis conuenit illi contrarietas respectu negationis quàm respectu affirmationis. Cumquæ oppositio propositionum spectetur secundum falsitatem & veritatem, sicut negatio magis repugnat in veritate affirmationi, quàm alia affirmatio, ita erit etiam magis opposita: Nam duæ affirmatiuæ opponuntur in veritate, vt inuoluunt negationem: affirmatio vero est negatio immediatè vt dictum est.

Secundo. Quia aliquæ affirmationes non habent sibi oppositam nisi negationem. Ergo similis est omnium affirmatiuum oppositio. Par enim est ratio omnis oppositionis contrariæ, & omnia contrariè opposita conueniunt in vna ratione formali oppositionis contrariæ. Antecedens patet, Nam huic oppositioni homo, est homo non potest alia opponi contrariè nisi negatiua, homo non est homo.

Dico secundo propositiones oppositæ contrariæ non sunt duæ affirmatiuæ, sed *Ex duabus* una affirmatiua altera negatiua: & ex consequenti verum est, quod ait Aristoteles *propositionibus* oppositionem contrariam esse oppositionem contradictionis. Hæc conclusio patet *propositis con-* trariis. Solum explicandum est, quomodo si oppositio contraria sit oppositio *trariè una est* contradictionis, distinguatur ab oppositione contradictoria. Dico enim vtramque *affirmatiua* oppositionem esse contradictionis, sed in contradictoria esse oppositio- *altera nega-* nem propositionum tam in quantitate, quàm in qualitate, ita vt vtrumque negetur; *tia.* in contrariis verò solum est oppositio in qualitate, non in quantitate, quia solum qualitas non quantitas negatur: Idcirco illa est perfecta oppositio secundum affe-  
rentiam & negationem, hæc imperfecta.



## QVÆSTIO XIV.

*An contradictoria possunt esse simul vera in eodem instanti  
temporis propter diuersam instantia naturæ  
vel rationis?*

*Instanti tempo-  
ris & naturæ.*

**P**RO solutione notandum est. Quod licet instans temporis sit quid indiuisibile secundum durationem, nec habeat partes priores & posteriores lux durationis, ac ex consequenti id quod est in instanti temporis, non potest dici prius duratione altero, quod est in eodem instanti temporis cum illo; tamen in eodem instanti temporis assignant doctores plura instantia naturæ & rationis, quorum aliud est prius altero, non duratione sed vel naturæ vel subsistendi consequentia.

*Prius natura  
quid sit.*

Illud dicitur prius natura aliquo, quod cum sit simul cum illo est causa illius, ut docet Aristoteles in *Posteriorum ethicorum* cap. de prioribus. Id vero est posterius natura altero, quod causatur ab altero. Sic in primo instanti quo creatus est sol, lumen emanauit à sole, quia erant omnia requisita ad emanationem, & emanatio ipsa erat ex necessitate naturæ, quæ vero ex necessitate naturæ consequuntur, non possunt non consequi positis omnibus requisitis & amoto omni impedimento. Est igitur sol sit prior naturæ luce, & lux posterior naturæ sole propter ordinem causalitatis, utrumque tamen est in eodem instanti temporis.

*Prius subsi-  
stendi conse-  
quentia.*

Similiter in eodem instanti temporis dicitur prius & posterius secundum subsistendi consequentiam. Id autem dicitur prius subsistendi consequentia, à quo non conuertitur subsistendi consequentia; id vero à quo conuertitur, est posterius illo à quo non conuertitur ut docet in eodem loco Aristoteles. Verbi gratia: in eodem instanti quo homo est, animal est, & tamen animal est prius homine subsistendi consequentia, quia ab animali non conuertitur subsistendi consequentia; si enim animal est, non sequitur hominem esse, licet si homo sit, sequatur animal esse. Prius ergo & posterius subsistendi consequentia, sunt duo instantia rationis, hoc est per rationem apprehensa, ita ut in priori instanti non concipiatur consequi posterius, utrumque tamen ad idem instans temporis referatur, ut in eodem instanti temporis existat. Differat autem prius natura ab eo quod est prius subsistendi consequentia, quia ut ait Aristoteles, potest aliquid esse prius naturæ, quod non est prius subsistendi consequentia; ut si rationale est, risibile est & è conuerso, rationale non est prius subsistendi consequentia, sed simul cum risibili, & tamen est prius naturæ risibili.

*Prius & pos-  
terius subsi-  
stendi conse-  
quentia, sunt  
duo instantia  
rationis.*

*Prius natura  
& prius subsi-  
stendi conse-  
quentia differ-  
runt.*

*Quorundam  
opinio.*

Quidam igitur existimant posse idem esse & non esse in eodem instanti temporis propter diuersam instantia naturæ: ita ut eadem res in priori naturæ non existat in posteriori naturæ existat. Verbi gratia, lux solis in priori naturæ in quo concipitur sol prior naturæ luce, non existit, in posteriori vero naturæ ut concipitur emanare à sole existit. Cum igitur utrumque instans prioris & posterioris naturæ existat in eodem instanti temporis, dicunt isti in eodem instanti temporis lucem existere & non existere propter diuersam instantia naturæ.

*1. Refellitur.*

Sed isti errant. Nam in primis repugnant Aristoteli & omni consensui Philoso-

plurimum docentium absolute fieri non posse, ut simul & in eodem tempore verificentur duo contradictoria. Loquuntur enim de simultate temporis nec admitterent alium in quo simul in eodem instanti temporis verificentur contradictoria.

Secundo repugnant sententiæ Theologorum, qui in materia de Trinitate distinguunt prius in quo & prius à quo. Prius in quo volunt esse prius temporis, in quo aliquid existit non existente eo quod dicitur posterius. Prius à quo vocant prius naturæ vel prius originis, quod quidem prius non ideo dici volunt prius quod in aliquo instanti temporis prius existat quam aliud. Sed quod independentè ab alio existat, seu non propter aliud existat, illud vero aliud existit propter ipsum. Vnde est prius independentiæ non prius existentiæ aut durationis. Et hoc modo Patrem in divinis emanant esse priorem origine filio, quia filius est à Patre, non pater à filio, negant tamen esse priorem existentia aut duratione seu priorem in aliquo instanti In quo. Neque enim in vilo instanti existit pater, in quo non existit filius. Ex quo patet cum prius naturæ sit prius originis, & prius A quo, non In quo; non potest dici eadem res in priori naturæ non existere & in posteriori naturæ existere: alioquin idem dicendum esset in divinis quod est contra fidem.

Tertio repugnant rationi. Quod enim existit in aliquo instanti temporis in toto illo instanti existit; quia illud instans est indivisibile, & totum simul, nec habet partes priores & posteriores. Quare non potest quid existere in instanti temporis, nisi in toto existat. Nam si non in toto. Ergo in parte: at instans non habet partes. Ergo non in parte sed in toto existit. Iam vero si aliquid in toto illo instanti existit non potest dici in vlla instantis parte non existere. Quod probat. Non potest res tunc non existere, quando existit: at in toto illo instanti existit: ergo in est. Nulla illius instantis parte imaginabili non potest non existere, sed illa non existentia est necessario extra illud instans. Deinde quæ sunt in eodem instanti temporis, simul existunt, quæ autem simul existunt; vno existente necesse est existere aliud: ut quia si vno existente, aliud non existat, non simul existent. Et sicut quæ coexistunt eidem tempori; etiam sibi coexistunt: ita quæ coexistunt eidem instanti, si in quoque coexistunt.

Dices: caput & pedes coexistunt eidem homini, & non tamen sibi coexistunt, quod Discriminatum. Respondeo, esse discrimen inter adæquatam & inadæquatam existentiam. *ter adæquatam* Nam anima non coexistit adæquatè singulis partibus, cum sit etiam extra singulas *tam & in* partes in aliis partibus: at instans temporis coexistit adæquatè priori & posteriori *adequatam* naturæ; quia non existit nisi tunc, quando prius natura existit. Ergo rectè concluditur *existentiam.* Naturæ de adæquatè coexistentibus vni tertio coexistentia eorum inter se.

Denique. Posterius naturæ existit in omni eo instanti in quo existit prius natura: ergo nullo modo potest dici non existere in priori naturæ. Antecedens probatur. Quia prius natura non existit nisi intra illud instans temporis, ita ut tota eius existentia claudatur in illo instanti; atqui posterius naturæ existit etiam in toto illo instanti. Ergo in nullo instanti existit prius natura in quo non existat posterius natura.

Cum igitur dicitur, Posterius naturæ non existere in priori naturæ. Si intelligatur non existere à parte rei, falsum est; si autem intelligatur non existere in ratione non considerationem, verum est: per intellectum enim distinguuntur duo instantia non rei, sed considerationis; & in primo instanti consideratur id à quo adest, tanquam prius. In secundo, quod ab alio est, tanquam posterius. Vnde in priori

2.  
*Prius In quo  
& prius A  
quo*

3.  
*Quod existit  
in aliquo in-  
stanti: in toto  
illo instanti  
non existat necesse  
est.*

*Discriminatum  
ter adæquatam  
tamen & in  
adequatam  
existentiam.*

*Instantia  
naturæ quæ  
simul & non  
simul existant.*

priori illud aliud non consideratur existere, licet reuera à parte rei existat; qui potest id quod est prius natura considerati sine posteriori; & sic in priori natura posterius non existit, per solam non considerationem & abstractionem; realiter autem in eodem instanti indiuisibili utrumque existit, nec vnum habet aliquod instantis realis existentie prius quam aliud. Quocirca hæc prioritas non in eo est, quod prius existat in aliquo instanti reali in quo non existat posterius; sic enim sunt simul quoad instantis existentie; sed solum in hoc quod prius non existit propter posterius, sed posterius propter prius, & propter hunc ordinem dependentie alterius ab ipso potest prius considerari quam aliud.

Quod aliis etiam exemplis explicari potest. Nam animal prius est homine subsistendi consequentia, & tamen in nullo instanti reali existit animal, in quo non existat homo; alioqui realiter existeret vniuersale extra singulare. Deinde cum aliqua sunt eadem res, non potest vnum existere sine alio, animal vero & homo sunt eadem res: quare in quocunque instanti realiter existit animal, existit & homo. Similiter subsistendi consequentia prius est vnum, quam duo, & duo quam tria: & tamen si in eodem instanti creentur, tres homines, in quo instanti reali erit vnum erunt & duo, & in quo duo in eodem & tres: solum ergo illa prioritas dicit dependentiam alterius à se, & suam independentiam ab alio, etiam si illud aliud sit

in eodem instanti in quo etiam illud. De qua re legendus est Greg. q. 2. Prologi.

est Greg. q. 2. Prologi.



DISPV



## DISPUTATIO XIII.

De tertia operatione intellectus quæ  
dicitur discursus.

## QVÆSTIO PRIMA.

*Quid sit discursus, & quæ ad eius essentiam  
requirantur?*

**T**ertia operatio dicitur discursus, similitudine ducta à motu corporum: Nam sicut corpora moventur de loco in locum; ita intellectus de cognitione in cognitionem; Et corpora quidem moventur per solam successionem de loco in locum: Intellectus autem non per solam successionem cognitionum, sed etiam per illationem vnius cognitionis ex altera, quam indicat illa particula, Ergo. Quare si solum sint plures cognitiones simpliciter enunciationes, & vna non inferatur ex altera, non erit discursus, sed erunt solum plures enunciationes.

De essentia igitur discursus sunt tres sententiæ. Prima est: Scoti questione 4. *Scoti sententia.* Prologi. Ad rationem discursus non requiri plures cognitiones realiter distinctas, quoniam vna causatur ex altera, sed solum requiri ex parte objecti, vt cognoscatur vnus per aliud, & vnius cognitio sit natura prior cognitione alterius, & sic ait sufficere ad discursum distinctionem cognitionum per rationem. Ratio est, quia discursus essentia hoc solum postulat, vt per vnum deveniatur in cognitionem alterius; hoc si sine multis cognitionibus, per vnum realem actum cognitionis, qui rationem & quæ valeat pluribus cognitionibus realiter distinctis; Ergo. Si enim quis cognoscit hominem esse risibilem propter rationalitatem, sed vnus pluribus actibus conceptis; alter vno simplici actu, qualis est in Angelo, vterq; idem cognoscet, eodem modo ex parte rei cognitur; quia vnum cognoscet per aliud; Ergo vtraque cognitio erit essentialiter discursus; non enim talis cognitio est nuda apprehensio, neque

neq; simplex enunciatio vnius de altero, sed est simplex vnus ex altero cognitus, quæ est propria ratio discursus, distincta à cognitione primæ & secundæ operationis intellectus.

Secunda sententia est, ad rationem discursus, non solum requiri plures cognitiones distinctas realiter, quarum vna non sit altera, sed etiam distinctas, quoad successionem, ita vt vna sit post alteram, nec satis esse ad discursum, vnum cognosci per aliud, sed etiam opus esse, vt vnum cognoscatur post aliud. Ita videtur docere Caiet. part. 1. quæst. 14. art. 7. & quæst. 58. art. 3. Fundatur hæc sententia in eo, quod duo iudicia in eodem intellectu non possunt esse simul: Ergo cum in discursu requirantur plura iudicia, nempe antecedentis & consequentis, necesse est vt vnum sit post aliud.

Tertia sententia est. Ad rationem discursus requiri duo. Primò plures cognitiones non ratione sola sed re distinctis: Secundò vt vna cognitio causetur & interratur ex altera, siue id fiat cum successionem cognitionum, siue absque vlla successionem.

*In discursu  
sunt plures  
et realis et  
distincti.*

Dico igitur primò. Ad essentiam discursus requiri plures cognitiones realiter distinctas. Est contra Scotum & probatur primo ex Aristotele, qui 1. poster. text. 1. ait. Omnem doctrinam & disciplinam discursivam, fieri ex præexistente cognitione: præexistens autem cognitio, distinguitur realiter à subsequenti: Syllogismum etiam definit orationem in qua quibusdam positis, necesse est aliud evenire, vbi cognitionem consequentem, à cognitione præsuppositâ vult distinguere realiter, sicut effectum realem à sua causâ.

*In Deo non  
datur discursus.*

Secundo. Quia alioqui daretur discursus in cognitione divina & Angelicâ. Nam cum Deus vel Angelus cognoscunt effectum per causam, risibile per rationale, distinguere potest ratione duplex cognitio in illo actu, vna quæ terminatur ad causam, altera quæ terminatur ad effectum: quare si ad rationem discursus sufficit cognoscere vnum per aliud, cum solâ distinctione cognitionum per rationem, sequeretur in cognitione divinâ & Angelicâ, esse essentiam discursus, quod est contra communem sententiam, & contra divinam simplicitatem. Sequeretur etiam ipse prima & secunda operatione inveniri discursum, quia potest vnum per aliud apprehendi in prima & iudicari in secundâ.

Tertio Probatur ratione: Quia de ratione discursus est, vt sit motus quidam ab vno in aliud, à noto ad ignotum: sicut ergo in motu necesse est terminum ad quem distinguere realiter à termino à quo, ita in discursu cognitionem antecedentem à consequentem, cum se habeant per modum termini à quo & ad quem, necesse est distinguere realiter.

Quocirca si intellectus cognoscit vnum per aliud simplici ratione absque vili motu, non cognoscet per discursum: quia de essentia discursus est motus ab vno in aliud, à noto ad ignotum: sicut ergo in motu necesse est terminum ad quem distinguere realiter à termino à quo, ita in discursu cognitionem antecedentem à consequentem, cum se habeant per modum termini à quo & ad quem, necesse est distinguere realiter.

Quarto cognitio nota nobis & ignota, sunt distinctæ realiter: at in discursu non devenimus ad ignotum: Ergo cognitiones, istæ distinguuntur realiter: Quæ si in Angelis concedi fortè discursus posset in aliquibus rebus, hoc est, supernaturalibus, quas perfecte Angeli non capiunt, vel etiam in naturalibus, ex quibus illi aliqua probabiliter inferre possunt, vt cum ex signis colligunt actum liberum, & de terminationem voluntatis; tamen in ordinario suo modo cognoscendi, discursus non videtur, sed simplici ratione vnum per aliud cognoscunt, absque vili compo-

omne & dependentiâ iudiciorum ab invicem.

Quare ad rationem Scoti Respondeo, non solum requiri ad discursum, ut vnum per aliud cognoscatur, sed ut cognoscatur cum motu quodam mentis à cognitione in cognitionem, & cum dependentiâ & illatione vnius cognitionis ex alterâ, quod sine distinctione reali cognitionum esse non potest. Nam & termini in motu distinguuntur realiter, & causa ab effectu. Illud vero iudicium simplex quo vnum cognoscitur per aliud, non esse essentialiter discursum, sed pertinere vel ad primam operationem intellectus, quia modo primæ operationis simplici efficitur, vel ad operationem intellectus Angelici non humani.

Dico secundo. Ad essentiam discursus requiritur, ut vna cognitio dependeat & inferatur ex alterâ; De ratione enim discursus est cognoscere vnum per aliud, seu ex vna cognitione devenire in alteram: hoc autem sine dependentiâ vnius cognitionis ab alterâ in ratione cognoscendi, & sine illatione non potest intelligi. Vna enim cognitio non est causa alterius cognitionis distinctæ, nisi quia illam infert. Est enim illatio productio cognitionis alicuius, virtute al-

*In discursu vna cognitio dependet ab alterâ realiter.*

Produci autem cognitio virtute alterius, cum illa altera continet rationem cognoscendi alteram & ex consequenti rationem inferendi cognitionem alterius. Non enim vna cognitio producit aliam, ut calor calorem, sed quia determinat intellectum ad aliam cognitionem producendam, propter connexionem quam habet cum illa, habet autem connexionem, quia continet in se rationem cognoscendam alteram.

Dico. Potest cognosci vnum per aliud simplici actu sine illatione; ut cum Angelus cognoscit hominem risibilem, quia rationalis; Ergo ad hoc non requiritur illatio & dependentiâ cognitionis à cognitione: Respondeo in actu simplici cognoscere vnum per aliud absq; illatione, quia illud aliud habet se tamen ut ratio formati obiecti: at cum sunt plura iudicia, tunc vnum non potest causari ex altero nisi per illationem, ita vt ex vi vnius iudicii, generetur in mente aliud iudicium: & ita excolit in discursu.

Dico Tertio. Esti modus communis noster discurrendi requirat successionem aliam cognitionum, ut vna sit post alteram; tamen absolute ad rationem discursus id non requiritur. Ratio primi est; Quia ob imperfectum nostrum modum cognoscendi prius inhaeremus vni cognitioni, & in ea immoramur diutius illam penetrando, cum eâ elicimus aliam; Non inferimus consequens nisi ex longa per-  
 ceptione & mora in antecedente: Et idcirco ordinariè consequens post antecedens inferimus. Ratio secundi est. Quia si antecedens clarè & perfectè proponatur intellectui, potest in eodem instanti & momento, ex eo elici consequens. Nam in eo instanti in quo causa naturalis habet omnia requisita ad agendum, potest agere, imò ex necessitate agit. Sic in quo instanti sol creatus est, in eodem ex illo emanavit; & in quo instanti homo est rationalis, in eodem etiam est sensus. Non enim est necesse causam tempore antecedere effectum, imò necesse est, vt sit simul & in eodem instanti cum effectu. Nam in quo instanti est effectus, debet esse & causa, quia à causa non existente non potest produci effectus; causa enim non existens nihil operatur. Cum igitur intellectus in producenda cognitione operetur per modum causæ naturalis (non enim est causa libera) le-

*Successio cognitionum non requiritur ad discursum.*

*In eodem instanti potest Antecedens & consequens.*

*Causa simul cum effectu.*

*Duas cogni-  
tiones esse si-  
mul non te-  
pugnare.*

quiritur, ut quo instanti habet perfectam cognitionem antecedentis, possit in eodem instanti producere cognitionem consequentis. Potest quidem antecedens antequam perfecte penetratur tempore præcedere ipsum consequens, sed postquam est perfecte penetratum, potest intellectus in eodem instanti producere in se cognitionem consequentis.

Nam quod ait secunda sententia non posse duas cognitiones & duo iudicia elici ab eodem intellectu, falsum est. Habet enim intellectus ad utramque cognitionem producendam sufficientia principia: & licet non possit tam perfecte attendere utrique cognitioni quam vni, quia virtus divisa in plura, non est æquè potens ac unitas; tamen potest utrique aliquâ ratione attendere & vni magis quam alteri. Exemplum est in visu, qui circa objecta diversa simul sibi propolita elicit distinctas visiones per distinctas species, licet non tam perfecte simul videat, quam si vnum solum videret; idem patet in auditu diversos sonos simul percipiente.

Sed obijciat. Discursus essentialiter est motus; at de ratione motus est successio à termino à quo ad terminum ad quem, ita ut non possit mobile in eodem instanti esse in termino à quo, & in termino ad quem. Ergo & de essentia discursus, est successio cognitionum. Siquidem se vna habet per modum termini à quo, alia per modum termini ad quem. Ex antecedente enim proceditur ad consequens.

Respondeo de ratione quidem motus propriè dicti esse successionem, sed non de ratione transitus simplicis ab vno termino ad alium; hic enim potest esse sine vlla successione in instanti ut patet in mutationibus instantaneis, in quibus in vno instanti transitur à termino à quo, ad terminum ad quem. Discursus igitur non plurimum fit cum successione in quo habet similitudinem quandam cum motu, neque enim propriè dicitur Motus. Absolutè tamen potest esse sine successione & mora temporis, ita ut in eodem instanti sit assensus antecedentis & consequentis. Nequè hoc fit per motum: sed per vnius ex altero productionem. Sic enim quo instanti Sol creatus est, emanavit lumen à Sole: ita quo instanti assentitur intellectus antecedenti, potest eodem instanti ex illo causare assensum consequentis.

## QVÆSTIO II.

*Quid sit illatio, & quomodo se habeat  
ad discursum?*

*Dependentia  
quoad assen-  
sum.*

Certum est illationem dicere dependentiam cognitionis illatz ab ea, ex qua illatio. Potest autem vna cognitio dependere ab altera, primò quoad constantiam tantum, ut cum occasione vnius cognitionis eliciat aliam cognitionem seu moveor ad illam eliciendam, quod apparet in memoria, cum ex recordatione vnius rei movemur ad recordationem alterius; & talis dependentia cognitionis non sufficit ad illationem, quia fit sine vlla illatione, & invenitur in prima operatione: Secundo quoad assensum: ut cum propter assensum vnius propositionis moveor



moveor ad assentiendum alteri propositioni: ut quia credo hominem esse rationilem, ideo credo esse & risibilem, & in hac dependentia fundatur ratio illationis.

Quid sit autem hæc dependentia in actu illativo non vno modo explicatur à Doctoribus. Primus modus est Soti 1. Poster. capite secundo quæstione septima, hinc dependentiam non addere actu aliquam aliam rationem sed solum ordinem causati ad causam, hoc est, consequentis ad antecedens ut esse causa consequentis: Inferri enim vnam cognitionem ex altera, est causari ex altera quoad assensum: causari autem nihil ponit in re supra rem causatam nisi relationem accidentalem ad causam. Ergo & causari in ratione assensus, nihil ponit in assensu causato nisi relationem ad assensum causantem.

Alter modus est, illationem dicere distinctum essentialiter assensum & iudicium fundatum in distincta ratione assentiendi. Assentiri enim conclusioni propter se, & assentiri propter assensum præmissarum sunt duo assensus specie distincti. Vnde cum assensus pendeat essentialiter à ratione assentiendi (per eam enim constituitur in sua essentia) hinc fit ut illatio consequentis dependeat essentialiter à cognitione antecedentis.

Vterque modus est probabilis; sed prior magis expeditus: tota enim ista dependentia cognitionum quæ est in illatione, intelligi & salvari potest per ordinem ad antecedens tanquam ad causam assentiendi extrinsecam absq; vlla positione rei intrinsecæ. Inferri enim hominem esse risibilem ex eo quod rationalis est, nihil aliud est quam formare iudicium de homine quod sit risibilis propter aliud iudicium de homine quod sit rationalis, ita ut primum iudicium si fiat absque illatione, sit idem essentialiter cum eo quod fit per illationem solo ordine ad aliud iudicium differentem: Nam similiter calor causatus ab alio calore non differt essentialiter à calore absolute, sed solo ordine ad agens.

Cum verò dicitur cognitionem antecedentis constituere in sua essentia assensum consequentis tanquam rationem assentiendi. Distinguendum est de essentia actus absolute, & secundum se, & de essentia actus ut relati ad alium actum, Sicut calor absolute non constituitur in sua essentia per ordinem ad agens, sed tantummodo relative, ut causatur ab agente, non potest enim habere essentiam causatam ab agente nisi per ordinem ad agens: ita & consequens in ratione iudicii & assensus absolute non constituitur per ordinem ad antecedens, sed in ratione iudicii & assensus causati ab alio iudicio & assensus neq; iudicium ex hoc quod causatur ex alio iudicio mutat essentiam. Sed solam acquirit horum ordinem & dependentiam ab alio iudicio.

Neque refert quod antecedens sit ratio assentiendi, & causat essentiam assensus. Est enim ratio assentiendi & in genere causæ efficientis. Sicut enim duæ causæ extrinsecæ specie distinctæ possunt causare eundem specie effectum, ut idem species ignis sit & ab igne & à sole, neq; diversitas essentialis causarum variat essentiam effectus: ita duæ rationes assentiendi extrinsecæ causare possunt eundem specie assensum conclusionis, & ita Sotus 1. Poster. recte ait eundem specie assensum conclusionis esse per diversa specie media, solumq; esse specie diversum extrinsecè propter principia extrinsecæ diversa specie.

Quod si inlites: Ideæ est causa extrinseca effectus: & tamen diversæ idæ diversis inducunt species in effectum. Dico esse magnum discrimen. Nam effectus I-

*Quid sit hæc dependentia? Soti opinio.*

*Orinio aliorum.*

*Prior opinio magis probatur.*

*Quomodo cognitio antecedentis constituat assensum consequentis in sua essentia.*

*Antecedens est ratio assentiendi extrinseca.*

de x conformatus, efficitur ad similitudinem ideæ. Idcirco si idæ & formæ operum sunt diversæ, principia quoque erunt diversa. At ubi effectus non conformatur nec assimilatur causæ efficienti (ut hic accidit) ibi non est necesse effectum variari essentialiter ad varietatem causarum efficientium.

*Iudicium illativum variatur ex ratione assentiendi intrinseca.*

Notandum vero est, licet ex ratione assentiendi extrinseca quæ non sumitur ab obiecto immediato, non varietur iudicium essentialiter: tamen variatur ex ratione assentiendi intrinseca, quæ sumitur ab obiecto immediato actus: quia licet obiectum semper sit extrinsecum actui: tamen si sit obiectum immediatum actus tota essentia illius actus conformatur illi obiecto & illud exprimit in intellectu. Vnde variatur actus essentialiter ex obiecto immediato & ratione formali obiecti immediati in ordine ad illum actum. Postquam vero constitutus est actus in sua essentia per obiectum immediatum, non variatur eius essentia per hoc quod ab alijs causis extrinsecis causatur: Illæ enim causæ ut rationes assentiendi diversæ, constituant actum in illa specie & essentia quam habet ex suo obiecto immediato. Verbi gratia. Hic actus iudicii quo iudico hominem esse risibilem, constituitur in sua essentia ab obiecto suo immediato quod est homo risibilis. Cum vero accedunt alia iudicia hoc iudicium causantia non variant illum in sua propria specie & essentia, sed ponunt illum constituunt in eadem essentia circa idem suum obiectum immediatum.

*Quæ situm primum.*

Verum ut magis essentia propria illationis declararetur, quæritur primo, an illatio differat essentialiter ab enunciatione? Videtur enim iudicium illativum esse enunciatum quædam, qua indicamus consequens sequi ex antecedente.

*Illatio ab enunciatione differt essentialiter.*

Dicendum tamen est, illationem ab enunciatione differre essentialiter. Ratio est: quia enunciatio consistit in affirmatione alicuius de aliquo, illatio autem, non in affirmatione unius de altero, sed in illatione unius assensus & iudicii ex altero, quod non fit per modum affirmationis, sed per modum causationis, cumque intellectu x. Nam quamvis de illatione obiectu accepta possit formari enunciatio: possumus enim enunciare hoc inferri ex illo, tamen enunciare hoc inferri ex illo, non est inferre, sed de illatione, tanquam de obiecto iudicare, & affirmare illationem tanquam prædicatum de subiecto.

Inferre autem formaliter, est habere actum inferendi, quo unum in actu creato, inferatur ex alio, quod non fit enunciando, sed causando assensum, ex assensu, iudicium ex iudicio. Et quamvis in illatione inuoluxur aliqua enunciatio (possumus enim enunciare aliquid de aliquo, & simul illud inferre ex altero ut patet in illatione conclusionis, quæ est enunciatio quædam) tamen ratione formalis enunciationis & illationis, sunt distinctæ, neque illatio formaliter est enunciatio: Enunciationis enim essentia, consistit in coniunctione duorum sub ratione prædicti de subiecti: Illationis essentia non in conjunctione unius cum altero sub illa ratione, sed in productione assensus ex assensu consistit, in quo, nulla ratio enunciationis cernitur, imò si fiat de illatione aliqua enunciatio, illa enunciatio non erit illatio, sed de illatione affirmatio.

*Quæ situm secundum.*

Quæritur secundum, An illatio sit actus & iudicium realiter distinctum à conclusionem. Quidam enim sentiunt esse realiter distinctum actum tam à præmissis quam à conclusionem, ita ut præmissæ & conclusio sit tantum materia iudicii illativi, ipsa vero illatio formaliter sit iudicium, tam de præmissis quam de conclusionem, quo indicat intellectus ex præmissis sequi conclusionem. Vnde aiunt, Iudicium hoc illativum supponere iudicia tam præmissarum quam conclusionis, & illis supervenire.

Dicitur

Dicitur autem hoc iudicium illativum iudicium consequentis, sicut iudicium conclusionis dicitur iudicium consequentis. Et sicut in secunda operatione intellectus, iudicium enunciativum, formaliter significatur per verbum seu copulam, prædicatum verò & subiectum sunt tanquam materia iudicii enunciativi: ita in tertia operatione antecedens & consequens sunt materia iudicii illativi, ipsum verò iudicium illativum formaliter consistit in illa connexionem consequentis cum antecedente, quæ significatur per particulam: Ergo.

Nos verò & si non negemus tale iudicium de connexionem consequentis cum antecedente formari posse, esseque realiter distinctum à iudicio tam antecedentis quam consequentis: negamus tamen hoc iudicium esse illationem formaliter, sed solum esse iudicium de illatione. Nam cum intellectus iudicat consequens sequi ex antecedente, formaliter, non infert, sed enunciat inferri, unde facit formaliter actum enunciationis, non actum illationis: Affirmat enim illationem per modum prædicati de subiecto. Sunt autem ista diversa inferre, & dicere inferri, sicut aliud est dicere, aliquid inferri, aliud verò facere. Nam cum intellectus infert, facit ipsam illationem, cum verò dicit inferri, habet illationem non pro actu sed pro obiecto talis actus. Ex quo sequitur tale iudicium pertinere formaliter ad secundam non ad tertiam operationem; tum quia est formaliter iudicium enunciativum: tum quia tertia operatio formaliter consistit in illatione: hoc autem iudicium non est illatio, sed iudicium de illatione. Quod etiam hoc argumento confirmari potest. Nam hoc iudicium, vel infertur ex alio iudicio, vel non infertur: si non infertur, non est iudicium tertiæ operationis; quia tertia operatio in illatione iudicii ex iudicio essentialiter consistit: si infertur, tunc habebit se per modum conclusionis, & non erit distinctum iudicium à conclusione.

Dicendum igitur est. Iudicium illativum non esse distinctum realiter à conclusione, sed tantum formaliter, ita ut conclusio quatenus est enunciatio vnius de altero sit simplex enunciatio: quatenus verò est enunciatio causata ex altera, quoad assensum sit illatio. Potest enim conclusio sumi dupliciter, vel ut est affirmatio nuda prædicati de subiecto, sine ullo respectu & dependentiâ à præmissis, & sic est simplex enunciatio, & pertinet ad secundam operationem, & potest dari extra syllogismum: vel sumi potest ut illa enunciatio concluditur ex præmissis: & sic est idem quod illatio; illatio enim ad enunciationem addit solum dependentiam à præmissis, quoad assensum, ita ut sit enunciatio ex alia enunciatione causata & illata.

Probat igitur nostra sententia. Primo: Quia iudicare prædicatum inesse subiecto, propter aliud præcedens iudicium, non est actus secundæ operationis. Nam secunda operatio est simplex & nuda affirmatio, & iudicium; hic autem actus est affirmatio ex affirmatione, & iudicium ex iudicio: Ergo non erit actus secundæ sed tertiæ operationis. Porro hic actus cum sit simul, & enunciatio & illatio diverso respectu, sequitur, hos actus non esse distinctos realiter. Secundo probatur, omnis actio est idem realiter cum suo termino, ut calefactio cum calore. Ergo & illatio est idem realiter cum re illata, hoc est cum conclusione. Tercio probatur. Exponitur in discursu & syllogismo nos non habere nisi tria iudicia Maioris, Minoris, & conclusionis. Quod si dicas particulam illativam ergo, esse notam quartæ iudicii. Respondetur, solum esse notam connexionis conclusionis cum præmissis, quæ connectio fit per ipsum iudicium conclusionis, quatenus est dependens à præmissis. Dicere

*Iudicium illativum est iudicium consequentis.*

*Iudicium de connexionem consequentis cum antecedente formaliter non est illatio.*

*Inferre & dicere inferri, diversa sunt.*

*Illatio est vnius & idem actus cum conclusione.*

*1. Particula ergo est non connexionis conclusionis cum præmissis, id est iudicii illativi.*

cere enim, Ergo homo est animal, est dicere esse animal respectu talium præmissarum, & propter tales præmissas.

At inquit: in enunciatione verbum est, est nota iudicii enunciativum, distinctum à prædicato & subiecto: ergo etiam in syllogismo particula, Ergo, est nota iudicii illativi distincti à conclusione & præmissis. Respondeo sicut in enunciatione verbum Est, est nota iudicii illativi distincti à prædicato, ita & particula, Ergo, est nota iudicii illativi distincti formaliter à iudicio enunciativo. Quod si istes iudicium enunciativum distinguere realiter à prædicato & subiecto; Ergo iudicium illativum à præmissis & conclusione realiter distinguetur. Respondeo, esse disparcem rationem, nam in enunciatione nec prædicatum nec subiectum potest esse iudicium, unde iudicium enunciativum necesse est distinguere realiter ab utroque at in illatione conclusio ipsa est iudicium, cui si addatur quod causetur ex præmissis eo ipso erit iudicium illativum. Unde non debet realiter distinguere à conclusione.

At obijces primo. Illatio formaliter est iudicium consequentiae, conclusio vero est iudicium consequentis; at hæc iudicia, non sunt idem realiter iudicium, cum iudicium consequentiae sumatur ex bonitate formae & modi inferendi, innaturum; illis duobus principiis Dicitur de omni, & Dicitur de nullo, iudicium vero consequens sumatur ex materia & connexione necessaria cum medio termino. Respondeo. Iudicium consequentiae potest fieri vel per modum enunciationis, enunciando conclusionem sequi ex præmissis, & tunc erit actus realiter distinctus à conclusione, sed tunc non erit actus ille illatio, sed solum iudicium de illatione: Secundo potest fieri per modum illationis exercitæ, iudicando de conclusione ex iudicio à præmissis, & tunc iudicium consequentiae & consequens concurrunt in unum & eundem actum, qui actus est iudicium conclusionis, ut causatur ex præmissis recte dispositis, tam quo ad materiam quam quo ad formam.

Obijces secundo. Potest esse conclusio sine illatione: Ergo distinguitur ex natura rei ab illatione. Respondeo, conclusionem ut est simplex enunciatio posse esse sine illatione & distinguere realiter ab illatione: quia talis conclusio non est formaliter conclusio, sed materialiter tantum: at si sit formaliter conclusio seu enunciatio illata ex præmissis, talis conclusio non distinguetur realiter ab illatione: immo erit formaliter idem actus, qui illatio.

Tertio requiritur. An iudicium illativum distinguat essentialiter tertiam operationem à secunda. Quidam enim existimant tertiam operationem non distinguere essentialiter à secunda, sed esse plures enunciationes sibi subordinatas, & à se dependentes. Ratio est: quia in syllogismo, verbi gratia, non sunt nisi tria iudicia enunciativa, Maioris, Minoris, & conclusionis. Nam & iudicium illativum, sive siturum distinctum à conclusione siue idem cum conclusione, est etiam iudicium enunciativum, quia est affirmativum & negativum. Neque refert quod enunciatum illud differat specie ab enunciatione simplici; Hæc enim differentia est inter: latitudinem enunciationis, neque facit ut illatio non spectet ad secundam operationem, cum sit essentialiter enunciatio. Alij tamen & melius dicunt tertiam operationem distinguere essentialiter à secunda, idque formaliter per iudicium illativum, quod licet sit idem re cum enunciatione & quatenus enunciatio est spectet ad secundam operationem, tamen quatenus illatio est non habet rationem enunciationis & ab enunciatione distinguitur formaliter, & spectat non ad secundam sed ad tertiam operationem, ut patet ex dictis superius.

*Iudicium consequentis fieri potest, vel per modum enunciationis, vel per modum illationis exercitæ.*

*Quomodo conclusio possit esse sine illatione.*

*Quæritur tertium.*

*Tertia operatio distinguitur essentialiter à secunda.*

Quarto quaeritur. Quomodo se habeat illatio ad discursum? Respondeo illationem esse partem eamque formalem discursus, est enim discursus quid compositum, ex multis iudicijs quorum vnum ex altero infertur, & vt minimum duo iudicia comprehendit antecedentis, & consequentis, ita vt discursus non sit vnus actus, sed plures inter se ordinati, & de essentia discursus sit tam antecedens quàm consequens. Verum in discursu id quod est formale, & quod constituit vltimo formaliter discursum, in ratione tertie operationis, & distinguit illum essentialiter à secunda operatione, est iudicium illativum, quod in se quidem est actus simplex, supponit tamen plures actus, qui se habent vt materia iudicij illativi.

*Quæ sit illatio quartum. Illatio est pars formalis discursus. De essentia discursus est tam antecedens quàm consequens.*

QVÆSTIO III.

*An omnis cognitio discursiua fiat ex præexistenti cognitione?*

Aristoteles 1. Poster. 1. docet omnem doctrinam, & disciplinam discursivam fieri ex præexistenti cognitione; Omnis enim discursus vel adhibetur ad docendum, & dicitur doctrina, vel ad discendum, & dicitur disciplina, utroque autem modo necesse est vt fiat ex præexistenti cognitione; nihil enim vel docetur vel discitur, nisi quatenus ex alioquo noto devenitur in cognitionem ignoti. Id quod Aristoteles adversus Platonem docet, qui in Menone vult nos non novam rerum scientiam acquirere, sed repetere antiquam, nostramque discere, esse reminisci. Ponit enim Plato animas ante corpus omnibus scientijs perfectas, ex participatione stellarum, quarum tunc erant capaces, eò quod essent liberæ à corpore, in corpus reintroductas, dicebat omnium oblivisci: quod sicut oculus terra superposita nihil videt, ita animus corpori immerfus omni cognitione privatur. Studio verò & labore, id tandem nos consequi, vt eorum quæ ante noveramus, recordemur, quod decessu parte aliqua pulveris, aut rubiginis obductæ. Porro hanc suam sententiam ita demonstrabat Plato: quæ enim discimus vel sunt nota nobis vel ignota: si nota, non ea discimus, quia iam scimus: si ignota: discere non possumus; vt enim si quis quaerat seivum quem non novit, etiamsi in illum incidat non agnoscat illum; illamque quæ non novimus, etiamsi in illa incidamus cognoscere non possumus, necesse est ergo dicere, nos ea discere quæ ante noveramus, sed oblivione notitiam nostram amiseramus, discendi verò labore iterum in eorum notitiam devenimus, ex illius notitiæ primæ ante habitæ. Addebat verò Plato aliud quoque argumentum. Qui enim novit omnem binarium esse parem, vel vi huius notitiæ novit eam quem absconsum in manu teneo binarium esse parem, vel non novit: si novit quomodo scit esse parem, quem nescit esse binarium, vt pote absconsum? si non novit: Ergo ex vi cognitionis universalis non potest venire in cognitionem non ante ignoratæ.

*Platonis opinio de reminiscencia.*

At vero Aristoteles alium modum scientiæ statuit, nempe ex præexistenti cognitione, ita vt quæ ante nunquam noveramus, discamus eliciendo ea ex præexistenti aliqua cognitione. Quocirca statuit illam propositionem, omnis doctrina & disciplina discursiva fit ex præexistenti cognitione. Eamque probat. Primo indu-

*Modus scientiæ de novo acquirendæ.*

inductione in omnibus artibus & scientijs, quæ per aliquas præcogniciones faciunt doctrinam. Prius enim præmittunt aliqua præcognoscenda, cum ex illa doceant, quod antea ignorabatur. Vel igitur ex præcognitiones vim habent ad inducendam notitiam rei ignotæ vel non: si primum; Ergo ex cognitione præcogniti, generatur notitia rei ignotæ, si secundum; ergo frustra adhibentur tales præcognitiones, cum nihil conferant ad acquirendam rei notitiam.

Secundo ratione: Quia una cognitio potest alteram virtute in se continere: id autem quod virtute in se continet aliud, potest illius esse causa, ut patet inductione in omnibus causis, quæ virtute non actu continent suos effectus; potest igitur & cognitio præexistens esse causa cognitionis consequentis; dummodo illam virtute contineat. Quod potest esse dupliciter.

*Conclusio continetur virtute in præmissis.*

Primo, si eam contineat eo modo quo universale continet particulare; qui enim novit universale, virtute novit omnia particularia; particularia enim continentur in universali, non actu sed potentia, ut qui novit omnem hominem esse animal, virtute novit etiam hunc hominem esse animal; Postquam enim illum cognoverit esse hominem, virtute illius universalis cognitionis, agnoscat illum esse animal.

Secundo propter necessariam connexionem rerum inter se; sunt enim quædam res ita inter se connexæ ut una posita, necessario ponatur & altera, sive id accidat eo quod unum sit de essentia alterius, ut posito homine ponitur animal, sive quod unum est causa alterius, ut posito rationali ponitur rationale, sive quod utrumque communem causam habeat ut intellectus & voluntas communem causam habent, nempe rationalitatem, propter quam sunt necessariò inter se connexæ. Sicut igitur res sunt inter se ita connexæ, ut una inferat alteram, ita & cognitiones rerum sunt inter se connexæ, ut una inferat alteram, ita & cognitiones rerum sunt inter se connexæ, ut una possit inferre aliam.

*Anima ante corpora non fuerunt.*

Porro hæc sententia Aristoteles non solum vera est, sed etiam fidei nostræ conformis. Nam in sententia Platonis, Primum illud est falsum animas ante corpora extitisse; id nulla ratione colligi potest. Nam cum anima sit naturalis forma corporis, natura ejus postulat ut sit & producat in corpore, cui ita adhæret, ut non nisi per vim separetur à corpore: quare cum producat æquum est ut modo naturæ suæ convenienti, producat in corpore, seu ut creando infundatur, & infundendo creetur.

*Nec scientias rerum habuerunt.*

Deinde & illud falsum est, animas ante corpora rerum omnium scientias habuisse ex participatione idearum; Nam & idæ sunt figmenta Platonica, & ex tanto numero animarum nec una hætenus inventa est, quæ talis scientiæ ante habitæ meminerit. Imò si anima rerum omnium scientiam ante habuisset; in ea retinenda minime consortio corporis impediretur. Sicut neq; impeditur in earum rerum quas discendo assequitur, notitiâ conservandâ. Et sicut in reminiscendo & incognoscendo non impeditur consortio corporis, ita & in cognitione conservandâ, cum paræm vim habet corpus ad utrumque vel impediendum vel non impediendum.

*Scire non est reminisci.*

Deniq; & illud falsum est, nostrum discere esse reminisci. Nostra enim scientia ex talibus principiis acquiritur quæ sunt apta novam scientiam generare, non revocare antiquam, ita ut si quis nullam conclusionis notitiam ante haberet, pos-

semilominus ex principijs & causis conclusionis ad notitiam conclusionis pervenire. Neq; enim principia ostendunt conclusionem ante fuisse cognitam, sed necessario ex talibus principijs sequi.

Ad primam igitur rationem Platonis. Respondeo, quæ discuntur neq; esse per se nota, nec ignota. Non penitus notæ, quia scirentur non discerentur. Non penitus ignota, quia non posset cognosci, si neq; in se, neq; in suis principiis essent nota: Sunt igitur partim nota partim ignota: Ignota quidem actu, nota autem virtute & potentia in suis principiis quorum virtute innotescunt. Et sicut servus ante ignotus ex signis certis potest fieri notus, ita & conclusio ex principiis fit nota, etsi ante esset in se ignota.

Ad secundam. Qui novit omnem binarium esse parem, virtute huius universalis notitiæ non novit actu, & in particulari quemlibet binarium esse parem: novit tamen in potentia & virtute: Nam ubi cognoverit actu aliquem binarium, tunc virtute illius universalis notitiæ cognoscat illum in particulari esse parem. Refellit autem Aristoteles in fine primi cap. 1. Poster. responsionem quorundam qui dicebant eum qui novit omnem binarium esse parem, scire omnem quem novit esse binarium, esse parem; ait enim Aristoteles nullum ita propositionem universalem accipere sub illa conditione, sed absolute. Quocirca melius dicitur, nosse quemlibet particulare binarium esse parem, sed potentia, cum vero cognoverit in particulari aliquem binarium, tunc cognoscat actu illum esse parem virtute illius universalis notitiæ.

QVÆSTIO IV.

*Quenam sint necessario præcognoscenda ad inferendam conclusionem?*

Aristoteles 1. Post. c. 1. tria docet necessario præcognoscenda ad conclusionem inferendam; nempe subiectum conclusionis, prædicatum, & principia; de subiecto verò præcognoscendum esse, an sit, & quid sit; de prædicato, quid nominis de principiis, an sint vera, quæ breviter à nobis explicanda sunt. Differt autem præcognitum à præcognitione: quod præcognitum sit res illa de qua est præcognitio: præcognitio autem est ea notitia, quæ de præcognito habetur: Verbi gratia, quod res illa sit vel ita definiatur, unde duæ præcognitiones numerantur, an sit, & quid sit, præcognita verò tria.

Deco igitur primò. Tria tantum esse præcognita necessario præcognoscenda ad inferendam conclusionem; subiectum conclusionis, prædicatum, & principia. Subiectum enim est illud de quo aliquid ostenditur. Prædicatum est id quod ostenditur de subiecto; Principia vero sunt ea ex quibus connexio prædicati cum subiecto ostenditur. Præter hæc tria nihil aliud spectat immediate ad Syllogismum: quocirca nihil aliud est immediate præcognoscendum.

*Tria tantum præcognita.*

Dico



Dico immediatè. Nam immediatè sunt alia quoque cognoscenda; quemadmodum enim ad conclusionem, præcognoscendum est subiectum & prædicatum conclusionis; ita & ad præmissas cognoscendas, sunt earum termini cognoscendi; sed hæc cognitio terminorum, immediatè quidem se habet ad præmissas, ad conclusionem tamè mediatè, hoc est, mediantibus præmissis. Aristoteles autem cum tria præcognita statuit intelligit præcognita immediata respectu conclusionis.

*Medium terminus an præcognitum?*

Quod si dicas saltem medium terminus erit æquè præcognoscendus, sicut subiectum & prædicatum conclusionis, Respondeo medium terminum esse præcognitum necessarium, sed respectu præmissarum immediatè, quia est terminus præmissarum, respectu verò conclusionis solum est præcognoscendus quoad connexionem quam habet cum prædicato & subiecto conclusionis; nam ratione huius connexionis, est causa conclusionis. Verum hoc modo cognoscere medium terminum est cognoscere compositè, & per modum propositionis non per modum Medij termini, idemq; planè est quod cognoscere ipsa principia, quæ hanc connexionem in se continent.

*Forma syllogistica an præcognitum?*

Quod si dicas saltem forma syllogistica erit necessario præcognoscenda, quia non minus est necessaria ad inferendam conclusionem quam alia præcognita. Respondeo, Formam syllogisticam spectare ad rectam dispositionem præmissarum, & idcirco præcognoscendam esse respectu præmissarum immediatè, non respectu conclusionis, quare non erit quartum præcognitum cum tria præcognita fluantur respectu conclusionis immediatè.

*Per Principia quid intellexerit Aristoteles.*

Quæri autem solet quid Aristoteles intellexerit per principia; præmissis ne an communissima & prima principia? vt de quolibet verum est asserere vel negare per quæ probari præmissæ si negentur, possint, & in illa resolvi.

Dico breviter probabilius esse intellexisse principia immediata, hoc est præmissas. Quia Aristoteles præcognita statuit respectu conclusionis immediatè: principia autem à quibus immediatè pendet conclusio, sunt præmissæ: Nam ab alijs remotis & primis principijs non nisi mediantibus præmissis dependet.

Quare tum in 1. Poster. capite secundo tum in sexto Ethicorum capite tertio probat Philosophus præmissas esse necessario præcognoscendas ante conclusionem, imò magis certas esse debere quam sit conclusio, quia ex illis inferitur conclusio.

Quod verò 1. Poster. capite primo pro exemplo adducit, primum illud principium, De quolibet verum esse affirmare vel negare; non est mirum quia vult ponere principium quodcunque, ex quo conclusio inferri possit: at etiam illo communissimo principio quælibet conclusio inferri potest de ducendo ad impossibile; ergo illud quoque principium adducitur tanquam principium immutabile.

*De subiecto præcognoscendo quid nominis non quid rei.*

Dico secundo: de subiecto conclusionis duo esse necessario præcognoscenda quid nominis & quod existat. Nam ne de re ignota fiat quæstio, debet cognosci vt minimum quid nominis subiecti, de quo agitur: Neque ad hoc requiritur cognitio, Quid rei, sed sufficit Quid nominis, nam per hanc notitiam subiectum efficitur ita cognitum vt de eo possit esse quæstio, Quamvis in demonstratione in qua per definitionem subiecti demonstratur conclusio debet præcognosci.

præcognoscere de subiecto quid rei: sed hoc est propter præmissas ut præmissæ habeant medium terminum per quem constituantur, non verò propter ipsum subiectum, quia per solam notitiam quid nominis, sine notitia quid rei sufficienter habetur pro notitia ad hunc finem, ut de eo possit institui quæstio.

Potest præter quid nominis subiecti præcognoscendum etiam esse quod sit seu quod existat; si enim subiectum non habeat veram existentiam, nihil ei verè & realiter convenire potest, & frustra quæritur de subiecto: an hoc vel illud ei conveniat, si ipsum subiectum verè non existat, Existentia enim subiecti, est fundamentum omnium quæ illi subiecto conveniunt, ita ut rectè dicere Aristoteles in cap. de substantia non existentibus primis substantijs, impossibile esse aliquid aliorum remanere. Et 1. Poster. text. 8. ait, quære quid est, non habentis quod est, nihil est quære: ac si diceret; frustra quærentur ejus essentia, & definitio, cuius nulla est existentia. Merito igitur Aristoteles docuit præcognoscendum esse de subiecto, quod sit seu existat; alioquin nihil ei verè & realiter ubi potest.

*Existentia  
subiecti præcognoscenda.*

Verum existentia potest accipi dupliciter, vel in communi, vel in particulari; non est igitur necesse præcognoscere existentiam subiecti in particulari in hoc vel illo determinato tempore, quia in quocunque particulari, & quocunque tempore illa existat, habebit prædicata sibi convenientia. Verbi gratia, homo in quocunque individuo & quandocunque existit, erit rationalis & risibilis: scitis ergo est præcognoscere de subiecto existentiam in communi, nempe quod illi conveniat verè & realiter existentia, siue in hoc siue in illo individuo existat, siue in hoc siue in illo tempore, & hoc sensu verum est scientiam abstrahere ab existentia; abstrahit enim ab existentia determinata & particulari, non verò ab existentia in communi. Hoc etiam sensu propositiones quæ dicuntur sempiternæ veritatis, abstrahunt ab existentia. Quamquam sicut prædicata realia ut realiter attribuantur subiecto, requirunt existentiam realem subiecti, ita prædicata quæ non realiter sed solum per rationem attribuantur subiecto requirunt subiecti existentiam in ratione: ut patet in prædicationibus Entium rationis, & in prædicationibus in quibus pectus de negatione prædicatur, ut nihil est nihil, ut in præcedenti disputatione dictum est. Scientia verò cum sit de veris entibus & realibus, requirit veram & realem existentiam subiecti. Et hoc solum voluit Aristoteles; sublato enim subiecto, tunc omnia quæ in eo fundantur.

*Qualis existentia præcognoscenda.*

Deo tertio de prædicato conclusionis solum præcognoscendum est quid nominis, quia prædicatum conclusionis est id quod quæritur: nisi sciatur, quid sit id quod quæritur, non potest de eo institui vlla quæstio: Nam licet de re vno modo nota, alio vero modo ignota possit esse quæstio (tales enim sunt omnes ferè quæstiones) tamen de re omnino ignota, cuius nulla notitia (etiam quid nominis) habetur, nulla potest esse quæstio: necesse est igitur, ut minimum de prædicato præcognosci quid nominis; ea enim notitia supposita potest procedi ad ulteriorem notitiam.

*De prædicato præcognoscendum Quid nominis.*

Quod si quæras cur de prædicato conclusionis non sit præcognoscenda existentia, scilicet de subiecto, cum etiam prædicatum nisi verè existat non possit verè tribui subiecto. Respondet nos non negare requiri existentiam realem prædicati, sed hoc ut verè & realiter subiecto tribuatur, sed negamus eam ante conclusionem

*Non vero existentia.*

nem

nem cognosci debere, siquidem in ipsa conclusione inferitur, & probatur ex præmissis. Id enim quod in conclusione inferitur & probatur, nihil aliud est, nisi existentia prædicati in subiecto, quare talis existentia prædicati non est præcognoscenda ante conclusionem, sed in ipsa conclusione ex vi illationis cognoscenda.

*De principiis  
præcognoscen-  
dum Quid  
sint.*

Dico quarto. De principiis cognoscendum est, quod sint seu quod sint vera. Nam existentia principiorum est existentia connexionis prædicati cum subiecto, quæ connectio tunc existit, quando est vera. Quia igitur ad inferendam conclusionem requiritur veritas principiorum, idcirco Aristoteles docet de principiis præcognoscendum esse quod sint, hoc est, quod sint vera.

Dices præcognoscendum etiam esse de principiis non solum quod sint, sed etiam quid nominis. Respondeo etiam ut principia cognoscantur præcognoscendum sit de illis, quid nominis terminorum, sine qua præcognitione non posset intelligi principia; tamen hæc præcognitio est solum immediate respectu principiorum, non autem respectu conclusionis. Non enim hæc præcognitio facit immediate ad conclusionem sed mediantibus principiis: præcognitio verò principiorum quod sint, facit immediate ad inferendam conclusionem, quia ex veritate principiorum inferitur veritas conclusionis. Vnde præcognitio immediate requisita, dicitur à Philosophis Agens quia agit & efficit notitiam conclusionis: illa verò quæ mediatè requiritur, dicitur Dingens, quia dirigit tantum & disponit, non verificat notitiam conclusionis.

## QVÆSTIO V.

### *Quid sit Syllogismus?*

*Syllogismi  
definitio.*

**A**ristoteles 1. Priorum cap. 1. definit in hunc modum syllogismum, Est ratio in qua quibusdam positis necesse est aliud à positis contingere eò quod hæc sunt. In syllogismo enim positis præmissis necessario sequitur conclusio, idque propter præmissas. Dantur autem præmissæ poni secundum aliquos quidem, qui certo modo disponuntur ad inferendam conclusionem, secundum aliorum verò communem expositionem, quia conceduntur & admittuntur ut veræ; Concessis enim & admissis præmissis, sequitur necessario conclusio. Dicitur autem conclusio aliud quid à præmissis, quia idem ex eodem inferri non potest, sed aliud ex aliis; Sic enim nihil potest esse sui ipsius causa, ita nihil potest ex seipso inferri eadem propter rationem: quare si quis dicat Homo est animal, ergo homo est animal, ista non erit vera illatio, quia notitia consequentis non nascetur ex notitia antecedentis, cum sit vna & eadem notitia bis repetita.

*Prædicatum  
distingui de-  
bet à subie-  
cto, vel secun-  
dum rem, vel  
secundum con-  
ceptum.*

Dices, In propositione identica, potest idem prædicari de se ipso. Ergo & in illatione identica, potest idem inferri ex seipso. Respondeo negando consequentiam. Nam ad prædicationem satis est prædicatū aliquo modo distingui à subiecto, sive secundū rem, sive secundū conceptum, id quod fit in propositione identica, in qua idem bis concipitur, & duplici distincto conceptu? Ad illationem verò non sufficit distinctio conceptuum, sed requiritur ut notitia consequentis nascatur ex notitia antecedentis.

antecedentis, quod esse non potest, si eadem omnino sit notitia consequentis & antecedentis; alioqui idem secundum idem esset notum & ignotum; Consequens enim esset ignotum, quia notificaretur ex antecedenti, esset autem notum, quia esset eadem notitia quæ est in antecedente.

Deniq; dicitur in definitione. conclusionem positis præmissis necessariò contingere, quod intelligendum est de necessitate consequentiæ, nõ autem consequentis: siue enim conclusio in se sit necessaria, siue contingens, semper tamen necessariò sequitur positis præmissis, necessitate, inquam, consequentiæ: nam necessitas consequentis fundatur in necessaria connexion trium terminorum inter se: quia enim extrema non contingenter sed necessariò sunt connexa cum medio terminosiderato & in conclusione necessariò connectuntur inter se: vt verbi gratia, Quia homo irascibile necessariò connectuntur cum rationali, ideo & in conclusione necessariò connectuntur inter se. Itaq; hæc conclusio, homo est irascibilis, est necessaria necessitate consequentis, quia est necessaria ex natura terminorum, siue inferatur in bona forma siue in mala.

Necessitas verò consequentiæ fundatur in forma syllogistica seu in tali dispositione terminorum ex qua sequitur necessario conclusio: quæ dispositio tum est, cum secundum illa duo clarissima principia, Dicitur de omni, & Dicitur de nullo, termini disponuntur, vti accidit in omnibus primæ, secundæ, & tertie figuræ modis, in quibus possumus inferre necessariò conclusiones etiam secundum se contingentes, vt si dicam, omne quod currit movetur. Petrus currit. Ergo Petrus movetur; Petrus enim moveri, absolutè est contingens, & tamen illis positis præmissis, necessariò sequitur. Porro necessitas consequentiæ est necessitas solum ex suppositione; supposito enim quòd Petrus currit necesse est moveri.

Dices. Hoc modo quemlibet syllogismum etiam demonstrativum esse necessarium ex suppositione præmissarum. Respondeo demonstrationem esse necessarium ex suppositione præmissarum necessariarum, syllogismum autem probabilem esse necessarium ex suppositione præmissarum contingentium: Nam in syllogismo non probabili necesse est veram vt minimùm præmissarum esse contingentem, vt sequatur conclusio contingens, alioqui si vtraq; erit necessaria sequetur conclusio necessaria. Hinc igitur est quod conclusio in demonstratione sit necessaria absolute, in syllogismo verò probabili, non sit necessaria absolute, quia pendet ex præmissis non necessariis absolute. Parum verò refert, quòd conclusio in demonstratione sit ex suppositione præmissarum: Nam si suppositio sit necessaria absolute, pendere a tali suppositione nihil derogat necessitati absolute, imò facit necessitatè absolutam; solumq; pendere ex suppositione contingenti, quæ potest esse vel non esse, derogat necessitati absolute, quia ex contingenti non sequitur necessarium sed contingens.

Dubitat autem primò. An positis præmissis intellectus necessitetur ad assensum conclusioni, ita vt non possit cohibere assensum; videtur enim necessitari, Non intellectus non est agens liberum sed necessarium; agens autem necessarium positus omnibus ad agendum requisitis, necessario agit, & non potest non agere: sic apertis oculis & obiecto debite applicato non possumus non videre. Quod eundem patet inductione in alijs potentijs cognoscentibus: Ergo etiam intellectus cum positis præmissis sit sufficiens ad inferendâ conclusionem, illam necessariò inferre, ita vt non possit non inferre. Dicendum tamen est intellectum positis præmissis

*Necessitas consequentis in quo fundatur.*

*Necessitas consequentis in quo fundatur.*

*Necessitas consequentis est necessitas ex suppositione.*

*Demonstratio quomodo sit necessaria.*

*An positis præmissis intellectus possit cohibere assensum?*

sis posse cohibere assensum conclusionis aliqua causa interveniente & impediente. Licet enim intellectus non sit potentia ab intrinseco libera, est tamen ab extrinseco impedibilis. Et quamvis si non impediarur, necessitatur ad assensum, nec potest illum cohibere, cum non sit potentia libera sed necessaria, tamen propter obiectum impedimentum impeditur in actu. Potest enim proponi intentum aliud obiectum potentæ considerandum, ad quod cum se convertit distrahitur à priori actu, cum enim sit potentia finita habet attentionem finitam, & non potest simul pluribus perfecte attendere.

Sed obijci solet, sicut voluntas posita intentione efficaci finis non potest non velle medium necessarium ad finem, ita & intellectus positus præmissis, non potest non inferre conclusionem, quia ita necessario sequitur ex præmissis conclusio, sicut medij necessarij electio ex intentione efficaci finis. Respondeo primo, verum id esse de utroque, si potentia ab aliquo extrinseco non fuerit impedita. Secundo autem etiam esse disparem rationem: nam voluntas intendendo efficaciter finem, non solum vult finem secundum se, sed & consecutionem eius, quocirca eo ipso vult etiam necessarium medium, sine quo consecutio finis haberi non potest; vult enim consecutionem cum omnibus ad ipsam pertinentibus: at intellectus assensuendo præmissis, solum constituitur in actu primo potens ad inferendam conclusionem. Neque ex assensu præmissarum, necessitatur eo modo ad assensuendum conclusioni ut impediti non possit siue à Deo, qui potest influxum suum negare ad illucinationem, siue ab alio obiecto impedimento.

*Potest intellectus ex præmissis quas scit esse falsas inferre conclusionem.*

*Ex veris præmissis non potest inferri conclusio falsa.*

*Ex una præmissa vera & altera falsa, inferitur conclusio falsa.*

Dubitarur secundo. An ex falsis præmissis quas quis certo scit falsas, possit conclusio inferri. Nam cum in definitione dicatur quibusdam positis, hoc est concessis, evidenter sequitur, nisi quis admittat præmissas tanquam veras non posse ex illis ullam conclusionem inferri. Dicendum tamen est juxta ea quæ præcedenti disputatione de judicio falso docuimus: posse intellectum ex præmissis quas esse falsas scit in re, quia tamen eas supponit tanquam veras, inferre conclusionem. Tunc enim ex falso, tanquam ex vero supposito inferitur conclusio. Tales sunt illusiones de entibus fictis, ut cum Hircoceruum infero esse quadrupedem ex eo quod sit ex hircio & cervo compositus. Vide quæ diximus ad hoc propositum disputatione præcedenti.

Dubitarur tertio. An ex veris præmissis possit inferri falsa conclusio? Respondeo negativè. Quia si ex natura rei loquamur, falsum cum vero nullam habet connexionem spectantia natura terminorum: Nam eo ipso quod aliquid est necessarium connexum cum vero est verum, sicut quod cum falso est necessario connexum eo ipso est falsum; si verò loquamur non ex natura rei sed ex vi formæ & dispositionis terminorum, ut in syllogismo probabili (quia enim extrema sunt connexa cum medio termino in præmissis, ideo inferuntur connexa inter se in conclusione, tunc etiam negandum est formaliter ex veris præmissis inferri falsam conclusionem: quia quod est vero connexum eo ipso verum est ergo & quod est connexum cum vera forma syllogistica est verum.

At obijcies. Cum ex una vera & altera falsa inferitur conclusio falsa, tunc vera præmissa concurrat ad illam conclusionem falsam inferendam: Ergo saltem partialiter ex vero potest inferri falsam. Respondeo conclusionem falsam esse falsam non ex vi præmissæ veræ, sed ex vi præmissæ falsæ: Conclusio enim sequitur de biliorum partem, & malum est ex singulis defectibus, id est, ut aliquod sit malum

hinc est ut vtrum defectum habeat; quare & conclusio, ut sit falsa non est necesse, ut ex omni parte sit falsa, sed satis est, ut ex vna præmissa sit falsa: Nam si medium verè connectatur cum prædicato conclusionis, falsè cum subiecto: conclusio erit simpliciter falsa, ut si dicam: omne rationale est risibile. Asinus est rationalis, ergo asinus est risibilis: falsitas huius conclusionis resoluitur tota in minorem propositionem. Hoc etiam modo docent Logici ex vna vniuersali & altera particulari conclusionem sequi particularem. Item ex vna necessaria & altera contingenti conclusionem sequi contingentem, quia conclusio semper sequitur debiliorem partem.

Debitur quartò. An detur syllogismus illatiuus, qui non sit probatiuus? Re-  
torones quidam diuidunt syllogismum in illatiuum & probatiuum. Illatiuum considerant ratione formæ, probatiuum ratione materiæ. Si enim syllogismus sit in terminis non significantibus quod non infrequens est apud Aristotelem, qui ex simplicibus litteris conficit syllogismos, omne A est B vel sit in materia falsa, tunc cuiusmodi syllogismus legitime quidem conclusionem infert propter legitimam dispositionem terminorum, nihil tamen probat propter defectum materiam.

Dicendum tamen est. Nullum dari syllogismum illatiuum qui non sit probatiuus. *Syllogismus probatur primò. Quia illatio est iudicium in actu exercito, de conclusione propter præmissas: inferre autem conclusionem ex præmissis est probare illam per præmissas, etenim enim infertur ex præmissis quatenus per eas probatur, & eadem est causa illationis quæ probationis.*

Secundo conclusio infertur propter connexionem extremorum cum medio: & hæc connectio si sit vera non solum infert, sed & probat connexionem extremorum inter se, si vero non sit vera nec infert nec probat; Nam si non assentiatur intellectus præmissis nihil ex illis inferre aut probare poterit. Negata enim Maiori vel Minori nec inferri nec probari potest conclusio. Si verò assentiatur præmissis, non solum inferre, sed etiam probare potest conclusionem.

Ad fundamentum prioris sententiæ Respondeo, posse quidem esse formam syllogisticam sine materia, sed illa forma non erit syllogismus, & illatio in actu exercito, sed solum veluti idea quædam syllogismi, & syllogismus in actu signato, cum illatio in actu exercito essentialiter requirat assensum præmissarum, qui esse non potest, ubi nulla est materia assentiendi. Quod vero de terminis non significantibus dicebatur, illi termini supponuntur pro veris terminis, & loco verorum accipiuntur, sicut calculi in supputationibus, & sic ex illis infertur & probatur conclusio: alioqui si non supponerentur pro veris terminis, non esset syllogismus verus, sed idea quædam syllogismi. Idem dicendum est de syllogismo in materia falsa: nam tunc præmissæ falsæ ex suppositione accipiuntur pro veris, & ex illis tanquam ex veris suppositis infertur & probatur conclusio.

*Quis sit syllogismus illatiuus & probatiuus.*

*Syllogismus qui est illatiuus, est etiam probatiuus.*

*Termini non significantes ponuntur pro veris terminis.*

## QVÆSTIO VI.

*An præmissæ causent effectivè conclusionem?*

**G**Abriel q. 8. Prologi tenet notitiam præmissarum esse causam notitiæ conclusionis: non vero causare effectivè conclusionem quoad ipsius substantiam & entitatem. Quia enim præmissæ sunt ratio assentiendi conclusioni, & præbent locum cognoscendæ conclusionis, ideo causant notitiam conclusionis. Quia verò intellectus cum speciebus intelligibilibus est sufficiens principium Physicum effectuum conclusionis absque ullo influxu præmissarum (vna enim notitia non est actiua respectu alterius) ideo negari debet præmissas causare effectivè conclusionem. Solum igitur determinant intellectum ad efficiendum per sua propria principia effectiua, ipsa vero non sunt principia efficientia, neque rationes formales efficiendi, neque complementa principii effectiui, neque actiuitatem ullam novam conferunt intellectui.

*Notitia in actu non distinguitur ab actu.*

Verum hæc sententia habet difficultatem. Primò quis notitia in actu non distinguitur ab actu inò est ipsa substantia actus: quid enim est aliud actus cognoscendi nisi notitia obiecti? ergo si præmissæ causant notitiam eo ipso causant substantiam & entitatem conclusionis.

*Præmissæ determinant intellectum ad assentiendum.*

Secundò id quod determinat principium effectivum ad agendum & est illi ratio agendi, concurret effectivè ad agendum, ut patet inductione, tam in Physicis agentibus, quam in moralibus. Nam is qui applicat ignem ad comburendum est causa effectiua combustionis, non quod det igni virtutem actiuam, sed solum quia determinat & applicat ad agendum, faciendo ut agat. Similiter qui movet secum ad sciendum est causa scissionis propter applicationem virtutis, quæ est in secum ad opus. Item in moralibus qui suadendo movet ad agendum alium, censetur causa moralis effectiua actionis. Cum igitur præmissæ determinent intellectum ad inferendam conclusionem, negari non potest, quod sint causæ effectivæ conclusionis. Determinare autem inde patet, tum quia positis præmissis necessitatur intellectus ad inferendam conclusionem: tum quia præmissæ continent causam conclusionis; ergo sicut causæ concurrunt effectivè ad effectum, ita & veritas causæ cognita est causæ veritatis conclusionis. Sicut enim res habet ad esse ita & ad cognosci.

Porro præmissæ determinant intellectum in inferenda conclusione non solum ad exercitum actus (siquidem ex præmissis necessitatur ad inferendam conclusionem) sed etiam quodammodo ad specificationem: Siquidem determinant qualitatem conclusionis, secundum veritatem & affirmationem vel negationem.

Tertiò. Quia hæc est sententia Aristotelis in definitione syllogismi, & communis doctorum. Quid enim est aliud conclusionem sequi necessariò ex præmissis eo quod hæc sunt, nisi causari ex præmissis id quæ effectivè? quia in definitione dicitur id quod sequitur ex præmissis esse aliud à præmissis: ac proinde præmissæ esse causam extrinsecam, & consequenter effectivam conclusionis. Cum enim



hæc tantum sunt causæ extrinsecæ Efficiens & finis, certum est præmissas non esse causam per modum finis : præmissæ enim non sunt finis conclusionis, sunt igitur causa per modum efficientis.

Neque verò difficile est explicare hanc efficientiam : neque enim ad hoc necesse est, ut præmissæ per se ipsas efficiant & producant conclusionem, sicut calor calorem, vnus enim actus non est actiuus respectu alterius, sed actus producuntur ab eodem intellectu per species. Neque necesse est præmissas tribuere intellectui actiuitatem siue completam siue incompletam; hanc enim habet intellectus partim ex se partim à speciebus. Dicuntur ergo efficere conclusionem, quia determinant & applicant intellectum ut per suam actiuitatem efficiat, & sic sunt rationes efficiendi determinando ad efficiendum non autem dando primam facultatem efficiendi. Neque valet quod dicitur intellectum cum speciebus esse sufficiens principium conclusionis. Nam etiam ignis ex se ipso est sufficiens principium combustionis : & tamen cum applicatur ab aliquo agente, illud agens est principium effectum combustionis. Quocirca licet intellectus cum speciebus sit ex se sufficiens principium elicitionum actus, determinari tamen potest ab extrinsecum ad exercitum actus, tum ad talem speciem actus.

Dicit determinari à præmissis obiectiue tanquam à ratione formali assentiendi non effectiue. Contra. Primo cum obiectum determinat potentiam ad actum determinat effectiue, quia determinat tanquam quid extrinsecum & applicat potentiam effectiuam ad agendum.

Est & alia sententia Durandi in 2. distinct. 2. quæst. 2. negantis præmissas concurrere effectiue ad producendam conclusionem. Ratio ipsius est quia præmissæ tunc non existunt quando causatur conclusio eo quod duos actus simul habere intellectus non possit. De ratione autem causæ efficientis est, ut tunc existat quando causatur effectus. Verum in hac ratione falsum est primo, præmissas tunc nullo modo existere cum inferitur conclusio. Necesse est enim tunc existere rationem assentiendi saltem per actum reflexum, cum existit assensus in ea fundatus. Nam assensus non potest esse sine ratione assentiendi neque effectus sine causa. Falsum etiam est intellectum non posse simul plures actus habere, ut supra dictum est.

Dicendum igitur est cum communi sententia præmissas effectiue concurrere cum intellectu ad producendam conclusionem ut patet ex dictis.

Restat vna obiectio solvenda. Si enim præmissæ sunt ratio assentiendi conclusioni, sequitur in assensu conclusionis contineri actum præmissarum, & ex conclusione & præmissis confici vnum actum. Eodem enim actu potentia fertur in obiectum & in rationem formalem obiecti, ut patet inductione. Visus enim, verbi gratia, eodem actu fertur in parietem & colorem. Ergo & intellectus eodem actu fertur in conclusionem & in præmissas, tanquam in rationem assentiendi conclusioni.

Respondeo. Rationem assentiendi esse duplicem, aliam quæ est intrinseca obiecto, aliam quæ ex extrinseca. Intrinseca est illa quæ constituit obiectum in ratione formali obiectiua, quæ est ipsa intrinseca cognoscibilitas obiecti. Extrinseca vero est illa, quæ iuuat ad cognoscendam intrinsecam rationem formalem obiecti. Exemplum est in colore & lumine. Color enim est ratio formalis intrinseca obiecti visibili, quia constituit illud formaliter in esse visibili : lumen vero est ratio assentiendi colorem extrinseca, quia solum iuuat ad videndum colorem, per quem obiectum

*Quomodo conclusio causetur effectiue à præmissis.*

*Sententia Durandi.*

*Assensus non potest esse sine ratione assentiendi.*

*Ratio assentiendi est duplex.*

obiectum est visibile non vero constituit formaliter obiectum visibile; In conclusione etiam ratio obiecti intrinseca est ipsa cognoscibilitas intrinseca conclusionis, quæ consistit in ipsa connexion terminorum conclusionis. Extrinseca vero ratio cognoscendi conclusionem est medium aliquod extrinsecum, & à conclusione distinctum, quod ducit ad cognoscendam conclusionem sub sua propria ratione formalis. Hac distinctione posita.

*Quando intellectus a se  
revelat a se  
sunt in obiectu  
& in ratione  
formalem  
obiecti.*

Respondeo ad argumentum eodem actu intellectum fieri in obiectum, & rationem formalem obiecti intrinsecam, in extrinsecam verò rationem cognoscendi obiectum non fieri eodem actu, sed diverso: sic eodem actu visus fertur in parietem, & colorem, non tamen eodem actu fertur in colorem & lumen, cum ista obiecta sint realiter distincta, & per distinctas realiter species videantur: pari ergo ratione non fertur eodem actu intellectus in præmissis & conclusionem: quia conclusio habet distinctam cognoscibilitatem intrinsecam à præmissis, & præmissæ sunt solum extrinseca ratio cognoscendi conclusionem: non igitur sequitur præmissæ ex eo quod sunt ratio asserendi extrinseca contineri actu, in actu conclusionis, sed esse duos actus distinctos sibi subordinatos, sicut visio coloris est subordinata visioni luminis.

## QVÆSTIO VII.

*An conclusio sit de essentia syllogismi?*

**Q**uidam reiciunt conclusionem ab essentia syllogismi, eo argumento, quod nullus effectus sit de essentia suæ causæ; at conclusio est effectus syllogismi; ergo non est de essentia syllogismi. Maior patet. Quia effectus supponit causam in sua essentia constitutam, & ab eâ constitutâ in suo esse procedit. Minor probatur. Nam demonstratio definitur ab Aristotele. Syllogismus faciens scire; facit autem scire inferendo conclusionem in qua continetur scientia: Est igitur conclusio effectus syllogismi.

*Conclusio est  
effectus præ  
missarum non  
verò syllogis  
mi.*

Sed hæc sententia refellitur. Nam conclusio non est effectus syllogismi, sed præmissarum; ex præmissis enim in syllogismo sequitur conclusio, ut in ipsâ definitione syllogismi dicitur; Est enim syllogismus oratio in qua positis præmissis sequitur conclusio eò quod præmissæ posite sunt; continent enim præmissæ causam conclusionis siue sit causa essendi siue cognoscendi, & idcirco habent vim conclusionis inferendi. At inquirunt, solas præmissas syllogismum dici posse, & de facto dici ab Aristotele: quare si conclusio est effectus præmissarum, erit etiam effectus syllogismi: dupliciter enim aiant considerari syllogismum:

Primo, ut est discursus & illatio, & sic de essentia syllogismi sunt tam præmissæ, quam conclusio: quia sine utroque, nec discursus, nec illatio esse aut intelligi potest.

Secundo, ut est instrumentum sciendi, & sic tota syllogismi ratio in præmissis posita est; omnis enim illa structura & dispositio terminorum apta ad causandam conclusionem, est in præmissis. Sed contra. Primo ut concedamus hanc duplicem considerationem syllogismi; prior tamen consideratio syllogismi est essentia

la, posterior accidentalis; Essentiale enim syllogismo est esse discursum & illationem; sic enim differt essentialiter ab aliis operationibus intellectus, & constituitur in tertia operatione: Accidentarium verò est syllogismus esse instrumentum sciendi, quod vel ex eo patet: quia etiam mali syllogismi, & si nullam instrumenti formam rationem habeant, cum potius sint instrumenta errandi, quam sciendi, propriè indebitam dispositionem terminorum.

Cum igitur ratio instrumenti sit accidentaria syllogismo, non rectè inferitur conclusionem non esse de essentia syllogismi absolute, eo quod ad rationem instrumenti non pertineat; alia enim essentia est instrumenti, alia syllogismi.

Secundo: aut syllogismus duas habet essentias aut vnā: si duas erit nomen syllogismi & epinocum; si vnā, illa erit essentia discursus & illationis, non instrumenti: cum na est essentia conclusio sit de essentia syllogismi, vt discursus est, simpliciter, & semper erit de essentia syllogismi, sicut quia de essentia hominis est, esse rationale, semper eade de essentia hominis, quacunque ratione homo, vt homo, consideretur.

Tercio: solæ præmissæ sunt solum duæ enunciationes ad secundam operationem spectantes; syllogismus autem essentialiter est tertia operatio: Ergo præmissæ solæ non possunt dici essentialiter syllogismus: quia non sunt essentialiter tertia operatio.

Quarto: syllogismus est instrumentum ratione formæ syllogisticæ, seu dispositionis debita terminorum; at forma syllogistica non est de essentia syllogismi, sed accidens quoddam, & proprietas: siquidem etiam sine debita formā est verè syllogismus: Ergo quatenus est instrumentum, non consideratur sub ratione essentiali syllogismi. Quocirca non bene dicitur conclusionem non esse de essentia syllogismi, qui instrumentum est, cum ratio instrumenti non pertineat ad essentiam syllogismi.

*Essentiale est syllogismo esse discursum, accidentarium autem esse instrumentum.*

*Syllogismi & epinocum na est essentia.*

*Forma syllogistica est accidens seu proprietas syllogismi.*

Dicendum igitur est. Conclusionem simpliciter esse de essentia syllogismi, & syllogismum nullam habere talem essentiam, ad quam non pertineat essentialiter conclusio; vnica enim essentia syllogismi est consistens in discursu, & illatione, ad quam pertinet essentialiter conclusio: ratio verò instrumenti non est essentia syllogismi: quare & si conclusio non pertineret ad rationem instrumenti, non idcirco dicendum esset non pertinere ad essentiam syllogismi. Quocirca & Aristoteles dicit syllogismum, non ait conclusionem esse extra syllogismum, sed in syllogismo, vt indicant verba illa, In qua quibuscumque positis. Quod verò aiunt, Aristoteles præmissas vocare syllogismum, vt cum 1. Priorum cap. 25. ait, syllogismum vocat præmissas vocat terminis & duabus propositionibus, dicendum est præmissas vocat syllogismum non essentialiter, sed virtute & potentia; cum enim essentia syllogismi posita sit in discursu & illatione, præmissæ non possunt dici essentialiter syllogismus, quia in ipsis nulla est illatio, solumque potentia & virtute continentur.

*Conclusio est de essentia syllogismi.*

*Aristoteles vocat præmissas syllogismum non essentialiter sed virtute.*

De syllogismo quia virtute præmissarum debite dispositarum inferitur conclusio, quæ simul cum præmissis facit syllogismum. Sic semen lactucæ dicitur lactuca, quia est virtute & potentia lactuca. Quod verò ait prima sententia demonstrationem esse syllogismum facientem scire. Dicendum est syllogismum eo modo facere, quemodo flores arborem faciunt florere, lux facit solem lucere; isti effectus sunt formaliter, à dictis formis, non autem per productionem aliorum rei à formis distinctæ. Quare totus syllogismus constans præmissis & conclusione facit nos scire, quia habendo talem syllogismum, sumus scientis, & hoc modo

*Quomodo syllogismus faciat scire.*

modo ipsemet Aristoteles explicat 1. Poster. tex. 5. cum ait, scientialem syllogismum dico, secundum quem, eo quod ipsum habeamus, scimus; nihil ergo ex hoc loco Aristotelis colligi potest, quod syllogismus producat conclusionem de scientiam. Alii respondent quod syllogismus faciat nos scire virtute præmissarum, inferendo scientiam conclusionis quæ tamen scientia est pars essentialis syllogismi; totum enim habens diuersas partes, potest ratione vnius partis denominari actiue, ratione alterius passiue, ita tamen ut vtraque pertineat ad constitutionem totius.

*Quomodo conclusio sit de essentia syllogismi.*

*In Conclusionem distinguui possunt per rationem duo iudicia.*

Iam verò si quæras. An conclusio ita sit de essentia syllogismi ut sit dicenda syllogismi forma, præmissæ verò materia; ita enim videtur innuere Aristoteles 2. Physicorum tex. 31. vbi præmissas vult esse veluti materiam respectu conclusionis. Respondeo si illatio esset actus distinctus à conclusione, ut quidam volunt, verè talis esset actus forma syllogismi & præmissæ cum conclusione essent materia, quia esset iudicium de præmissis & de conclusione, & adveniret vtrique tanquam vniuersus actus & perfectio. Quia tamen verius est iudicium illatiuum non esse actum distinctum à conclusione, idcirco conclusio simpliciter & absolute est forma totius syllogismi, quàm præmissarum, sicut anima est forma hominis, & corporis, quæ & syllogismum determinat ad rationem formalem syllogismi, & præmissæ ex potentia reducit ad actum; præmissæ enim antequam interatur conclusio, sunt potentia syllogismus, per conclusionem verò fiunt actu syllogismus. Quoniam in conclusione distinguui per rationem possunt duo iudicia, vnum illatiuum, aliud enunciatiuum, & quidem quatenus conclusio enunciatio est, habet se ut materia syllogismi, & determinatur ad rationem formalem syllogismi per illationem, tanquam per formam, ita ut conclusio quatenus est illatio formaliter sit forma syllogismi, non quatenus enunciatio.

## QVÆSTIO VIII.

*An conclusio semper sequatur debiliorem partem?*

**E**st axioma receptum ab omnibus Philosophis, conclusionem sequi debiliorem partem. Et quidem quod ad quantitatem vel qualitatem propositionum attinet, certum est apud omnes, conclusionem sequi debiliorem præmissam in quantitate & qualitate; si enim altera præmissa sit particularis, vel negatiua, necesse est conclusionem quoque esse particularem, vel negatiuam, ut manifestum est deducendo per omnes modos trium figurarum. Verum quia hæc debilior conditio conclusionis potest considerari non solum in quantitate & qualitate, sed etiam aliis perfectionibus, ut in veritate, certitudine, euidencia, necessitate, idcirco alii putant hoc axioma non esse verum nisi quoad quantitatem & qualitatem propositionum, non verò quoad alias perfectiones; quod probant inductione: Nam & ex falso potest inferri verum, & ex impossibili necessarium, ut si homo sit lapis, sequitur necessarium quod sit substantia, cum tamen antecedens sit falsum & impossibile.

Alii tamen vniuersè in omni perfectione concludunt axioma esse verum, &

modo legitime & formaliter applicetur, cuius ratio duplex reddi potest, altera Logica, altera Physica. Logica est; quia extrema idcirco coniunguntur inter se in conclusione, quia coniunguntur cum medio termino in præmissis: Ergo quâ perfectione coniunguntur cum medio termino, eâdem coniunguntur inter se: si igitur vtriusque extremum perfectè coniungatur cum medio, alterum in maiori alterum in minori, necesse est etiam in conclusione perfectè inter se coniungi extrema; si verò vnum tantum extremum coniungatur perfectè cum medio, alterum minus perfectè, necesse quoque erit extrema non perfectè coniungi inter se, quia non potest esse perfectior coniunctio extremorum inter se, quàm fuerit cum medio termino, cum hæc coniunctio sit causa adæquata illius. Physica verò ratio est hæc. Nullus effectus potest excedere perfectionem suam causam, sed conclusio est effectus præmissarum; non potest igitur perfectione excedere suam causam. Maior est ceteris, quia effectus accipit omnem suam perfectionem à suâ causâ: Ergo perfectio effectus præexistit in causâ; non igitur superat causam suâ perfectione. Dices dari instrumentum in omnibus instrumentis, quæ sunt imperfectiora suis effectibus, quos produciunt adæquate suâ virtute instrumentali, sic semina produciunt viuientia, sic accidentia produciunt substantiam.

Respondeo primò, idcirco negari à multis hæc instrumenta habere in genere causæ secundæ adæquatam virtutem, ad producendos tales effectus, ita ut aliunde hæc virtus iuari & suppleri debeat, siue concursu immediato substantiæ, siue maiori concursu primæ causæ; per se enim evidens est principium, effectum non posse esse perfectiorem suâ causâ, ita ut si perfectior sit, id non habeat ab illâ causâ, sed ab aliâ. Verùm quia non est hic locus de re Physica disputandi, idcirco Respondeo secundo ut minimum esse certum à causâ deficiente non posse produci effectum æque perfectum, sicut à causâ perfectâ. Verbi gratia ambulatio non potest esse tam perfectâ à tibia clauda, sicut à sana, neque visio ab oculo infirmo, potest esse tam perfectâ sicut à sano: Sicut enim deest aliqua perfectio requisita in causâ, ita necesse est aliquam perfectionem deesse in effectu: atqui si vtrique præmissa sit perfectio causabit perfectam conclusionem, & si vtrique sit uniuersalis, vtrique affirmatiua, causabit uniuersalem, & affirmatiuam conclusionem: Ergo si vna sit perfectâ, altera deficiat in perfectione, necesse etiam erit conclusionem deficere in illâ perfectione.

Pro explicatione notandum est, in conclusione posse nos considerare tam perfectionem, quàm imperfectionem, seu debilitatem conclusionis, in vtroque sequitur conclusio præmissarum, quia vtramque habet à præmissis: Nam causa tam perfectionem, quàm imperfectionem suam communicat effectui: præmissæ autem sunt causa conclusionis. Ergo. Verum non eodem modo communicat perfectionem, & imperfectionem: Nam ut communicet perfectionem debet communicare perfectam coniunctionem vtriusque extremi cum medio, ut verò communique imperfectionem, satis est vnâ coniunctionem, hoc est, ex parte vnius extremi esse imperfectam, & ratio est. Quia perfectio conclusionis consistit in coniunctione extremorum inter se; hæc autem coniunctio pendet à coniunctione vtriusque extremi cum medio. Si ergo hæc coniunctio cum medio fuerit perfectâ ex parte vtriusque extremi, in conclusione erit quoque coniunctio perfectâ extremorum, si verò fuerit perfectâ ex parte vnius tantum extremi, non ex parte alterius, in conclusione quoque non erit plane perfectâ coniunctio extremorum.

*Causa non eodem modo communicat effectui perfectionem & imperfectionem.*

*Deficiente altera præmissa in alio, in eodem etiam conclusionem deficere necesse est.*

*Quomodo intelligentur, quod conclusio sequatur debiliorem partem. Quomodo conclusio dicatur perfectior.*

*Quomodo conclusio possit esse perfectior præmissis.*

Et sic conclusio sequetur debiliorem partem, quia deficiente altera præmissa in alio, necesse est deficere conclusionem in eodem.

Notandum est secundo. Conclusionem sequi debiliorem partem, non est esse æque debilem uti est præmissa debilis, sed est habere debilitatem & imperfectiorem eiusdem rationis: Nam si conclusio solum causaretur ab illa præmissa debili, deberet esse vel æque debilis vel saltem non fortior illa: quia effectus non potest esse perfectior sui causa: at quia conclusio causatur etiam ab illa præmissa non debili, idcirco poterit ab illa acquirere aliquam perfectionem maiorem, quæ excedat debilem illam præmissam, quia in illa præmissa debili non inuenitur talis perfectio, ut infra patebit.

Notandum tertio. Conclusionem posse dici perfectiorem vel respectu veritatis, quæ præmissæ, vel alterius tantum; si respectu utriusque præmissæ, id potest esse, vel secundum eandem perfectionem, vel secundum diuersas. Exemplum primum, si conclusio certitudine superaret tam maiorem præmissam quam minorem. Exemplum secundum, si conclusio certitudine superaret vnam præmissam, euidens vero superaret aliam. Item potest dici conclusio perfectior præmissis dupliciter, vel per se, vel per accidens. Per se, si eam perfectionem habeat à præmissis seu virtute præmissarum, & ut inferatur ex præmissis: Per accidens verò, si aliunde habeat illam perfectionem, non ut inferatur ex talibus præmissis. Exemplum est si dicam: Omnis Angelus est substantia: omnis homo est Angelus. Ergo omnis homo est substantia, in tali syllogismo inferatur conclusio vera, certa, necessaria, sed non propterea est vera, certa, & necessaria, quod ex talibus præmissis inferatur, sed est talis aliunde, ex suis veris principiis. Non enim homo idcirco est substantia, quia est Angelus; nam cum falsum sit hominem esse Angelum, falsum quoque esset hominem esse substantiam. Quare hæc conclusio inferatur solum materialiter talis, non formaliter, quia non ex præmissis habet esse talem.

Dico primum. Nunquam conclusionem posse esse fortiorem & perfectiorem præmissis per se loquendo, sed tantum per accidens. Paret ex dictis. Quia per se loquendo non potest esse maior perfectio in effectu, quam sit in causa, quod maxime tunc est verum quando talis perfectio effectus provenit ex simili perfectione causæ, ut accidit in causis vniuersis, ut cum ignis ideo facit lignum calidum, quia ipse est calidus, sol ideo illuminat aërem, quia ipse est lucidus. Hoc igitur modo ideo præmissæ inferunt, necessariam, veram, perfectam conclusionem, quia ipse sunt in se necessariae, veræ, perfectæ; qualis enim fuerit in præmissis connexio modorum extremis, talis erit connexio extremorum in conclusione. Et hæc ratio probat, non posse in conclusione esse aliquam perfectionem, quæ non fuerit in præmissis, neque illam quæ est in præmissis posse esse maiorem in conclusione, quam fuerit in præmissis. Sed dices, satis esse ut perfectio effectus virtute contineatur in causa, potest autem imperfectius virtute continere perfectius, ut semen continet virtutem fructus. Ergo & conclusio etiam si contineatur virtute in præmissis potest illa esse perfectior. Respondeo conclusionis perfectionem sequi ex actuali perfectione præmissarum, non virtuali, quia quæ perfectione extrema fuerunt coniuncta in præmissis, quoad veritatem, certitudinem, euidenciam, &c. ea coniunguntur in conclusione. Per accidens verò sicut non repugnat effectum esse perfectiorem sui causæ, nempe si simul dependeat ab alia perfectiori causa, ut si candelæ in præsentia solis illuminaret aërem, lumen illud aëris perfectius, quam lumen candelæ, sed eam perfectionem

perfectionem habet non à candela sed à sole; pari ratione non repugnabit conclusionem per accidens esse perfectiorem præmissis.

Dico secundo si altera præmissa sit debilis, necesse est conclusionem simili ratione esse debilem. Ratio est; Quia defectus causæ redundat in effectum, Nam si existente causa integra & perfectâ, sequitur perfectus effectus, certe deficiente causa, non erit effectus ita perfectus, sed deficiens, ut patet inductione. Consideratur autem hæc debilitas & fortitudo propositionum in coniunctione terminorum perfectâ vel imperfectâ. Modus perfectus est, si coniunctio sit vera, necessaria, certa, & euidens, item vniuersalis vel affirmatiua; Modus verò imperfectus est si coniunctio sit falsa, impossibilis, contingens, ineuidens, particularis, negatiua.

Dico tertio non tamen esse necesse conclusionem esse æque debilem vel præmissis. Ratio est; Quia conclusio potest præmissam debilem excedere perfectione, quia habet ab alia præmissa non debili, ut in secundâ annotatione dictum est, & ex consequenti erit fortior illa.

Dico quartò conclusionem semper sequi debiliorem partem hoc sensu, ut in eo in quo deficit aliqua præmissarum, debet etiam conclusio deficere: quia deficiente causa in aliqua perfectione, necesse est quoque effectum in simili perfectione deficere, quando ex tali perfectione causæ est talis perfectio effectus, ut hic accidit, qualis enim fuerit coniunctio in præmissis, talem necesse est esse in conclusione.

Vbi notandum est coniunctionem vtriusque extremi cum medio, esse causam coniunctionis extremorum in conclusione: si ergo hæc coniunctio fuerit perfectâ tantum ex parte vnius extremi, non vero ex parte alterius, non potest facere perfectam coniunctionem in conclusione, quia tamen est aliqua coniunctio ex parte vtriusque extremi, idcirco facit aliquam coniunctionem, in conclusione, sed non ita perfectam. Ex quo patet, cur non sequatur conclusio fortioiorem partem, quia minorem fortior pars sola, non est causa adæquata conclusionis, quia non continet coniunctionem vtriusque extremi cum medio, sed tantum coniunctionem vnius extremi & ex consequenti non continet totalem; & adæquatam causam conclusionis.

Dices etiam præmissa debilis non est totalis, & adæquata causa conclusionis, & tamen illam conclusio sequitur. Respondeo præmissa illa debilis est adæquata causa debilitatis conclusionis, & idcirco illam conclusio sequitur tanquam suam adæquatam causam: Ratio est; quia bonum est ex integra causa, malum ex singulis defectibus, ut igitur conclusio sit fortis, & perfectâ, debet esse perfectâ coniunctio vtriusque extremi cum medio: ut verò sit debilis, & imperfectâ sufficit coniunctionem vnius extremi esse debilem & imperfectam.

Notandum secundò, non semper necesse est similem defectum esse in causâ, & in effectû, sed sæpe posse vitium in causâ esse dissimile illi, quod est in effectû. Nam contrarium non est simile suæ causæ generanti, sed dissimile. Verum quia conclusio est talis effectus qui ex simili coniunctione in causâ oritur, ideo necesse est defectum coniunctionis in causâ similem quoque esse in conclusione, quia qualis coniunctio fuit in præmissis, debet etiam esse in conclusione.

*Debilis præmissa redundat in conclusionem.*

*Conclusio potest non esse æque debilis ac præmissa.*

*Minus requiritur ad causandam debilitatem in conclusione, quam ad causandam perfectionem. Conclusio similis defectum supponit in præmissis.*



*Deficiente altera præmissa in aliquo, in eodem etiam conclusionem deficere necessesse est.*

*Quomodo intelligendum, quod conclusio sequatur debiliorem partem. Quomodo conclusio dicatur perfectior.*

*Quomodo conclusio possit esse perfectior præmissis.*

Et sic conclusio sequetur debiliorem partem, quia deficiente altera præmissa in aliquo, necesse est deficere conclusionem in eodem.

Notandum est secundo. Conclusionem sequi debiliorem partem, non est esse æque debilem uti est præmissa debilis, sed est habere debilitatem & imperfectiorem eiusdem rationis: Nam si conclusio solum causaretur ab illa præmissa debili, deberet esse vel æque debilis vel saltem non fortior illa: quia effectus non potest esse perfectior sui causa: at quia conclusio causatur etiam ab illa præmissa non debili, idcirco potest ab illa acquirere aliquam perfectionem maiorem, quæ excedat debilem illam præmissam, quia in illa præmissa debili non inuenitur talis perfectio, ut infra patebit.

Notandum tertio. Conclusionem posse dici perfectiorem vel respectu virtuali, quæ præmissæ, vel alterius tantum; si respectu virtuali quæ præmissæ, id potest esse, vel secundum eandem perfectionem, vel secundum diuersas. Exemplum primum, si conclusio certitudine superaret tam maiorem præmissam quam minorem. Exemplum secundum, si conclusio certitudine superaret unam præmissam, euidentiā vero superaret aliam. Item potest dici conclusio perfectior præmissis dupliciter, vel per se, vel per accidens. Per se, si eam perfectionem habeat à præmissis seu virtute præmissarum, & ut inferitur ex præmissis: Per accidens verò, si aliunde habeat illam perfectionem, non ut inferitur ex talibus præmissis. Exemplum est si dicam: Omnis Angelus est Angelus. omnis homo est substantia, in tali syllogismo inferitur conclusio vera, certa, necessaria, sed non propterea est vera, certa, & necessaria, quod ex talibus præmissis inferitur, sed est talis aliunde, ex suis veris principiis. Non enim homo idcirco est substantia, quia est Angelus; nam cum saltem sit hominem esse Angelum, falsum quoque esset hominem esse substantiam. Quare hæc conclusio inferitur solum materialiter talis, non formaliter, quia non ex præmissis habet esse talem.

Dico primum. Nunquam conclusionem posse esse fortiorem & perfectiorem præmissis per se loquendo, sed tantum per accidens. Paret ex dictis. Quia per se loquendo non potest esse maior perfectio in effectu, quam sit in causa, quod maxime tunc est verum quando talis perfectio effectus provenit ex simili perfectione causæ, ut accidit in causis vniuersis, ut cum ignis ideo facit lignum calidum, quia ipse est calidus, sol ideo illuminat aërem, quia ipse est lucidus. Hoc igitur modo ideo præmissæ inferunt, necessariam, veram, perfectam conclusionem, quia ipse sunt in se necessariæ, veræ, perfectæ; qualis enim fuerit in præmissis connexio media cum extremis, talis erit connexio extremorum in conclusione. Et hæc ratio probat, non posse in conclusione esse aliquam perfectionem, quæ non fuerit in præmissis, neque illam quæ est in præmissis posse esse maiorem in conclusione, quam fuerit in præmissis. Sed dices, satis esse ut perfectio effectus virtute contineatur in causa, potest autem imperfectius virtute continere perfectius, ut semen continet virtute viuens. Ergo & conclusio etiam si contineatur virtute in præmissis potest illa esse perfectior. Respondeo conclusionis perfectionem sequi ex actuali perfectione præmissarum, non virtuali, quia quæ perfectione extrema fuerunt coniuncta in præmissis, quoad veritatem, certitudinem, euidentiā, &c. ea coniunguntur in conclusione. Per accidens verò sicut non repugnat effectum esse perfectiorem sui causæ, nempe si simul dependeat ab alia perfectiori causa, ut si candela in præsentia solis illuminaret aërem, lumen illud aëris perfectius, quam lumen candelæ, sed eam perfectionem

perfectiorem habet non à candela sed à sole; pari ratione non repugnabit conclusionem per accidens esse perfectiorem præmissis.

Dico secundo si altera præmissa sit debilis, necesse est conclusionem simili ratione esse debilem. Ratio est; Quia defectus causæ redundat in effectum, Nam si existente causa integra & perfecta, sequitur perfectus effectus, certe deficiente causa, non erit effectus ita perfectus, sed deficiens, ut patet inductione. Consideratur autem hæc debilitas & fortitudo propositionum in coniunctione terminorum perfecti vel imperfecti. Modus perfectus est, si coniunctio sit vera, necessaria, certa, & euidens, itera vniuersalis vel affirmatiua; Modus verò imperfectus est si coniunctio sit falsa, impossibilis, contingens, ineuidens, particularis, negatiua.

Dico tertio non tamen esse necesse conclusionem esse æque debilem ut præmissa. Ratio est; Quia conclusio potest præmissam debilem excedere perfectione, quam habet ab alia præmissa non debili, ut in secundâ annotatione dictum est, & consequenti erit fortior illa.

Dico quartò conclusionem semper sequi debiliorem partem hoc sensu, ut in eo in quo deficit aliqua præmissarum, debet etiam conclusio deficere: quia deficiente causa in aliquâ perfectione, necesse est quoque effectum in simili perfectione deficere, quando ex tali perfectione causæ est talis perfectio effectus, ut hic accidit, qualis enim fuerit coniunctio in præmissis, talem necesse est esse in conclusione.

Vbi notandum est coniunctionem vtriusque extremi cum medio, esse causam coniunctionis extremorum in conclusione: si ergo hæc coniunctio fuerit perfecta tantum ex parte vnius extremi, non vero ex parte alterius, non potest facere perfectam coniunctionem in conclusione, quia tamen est aliqua coniunctio ex parte vtriusque extremi, idcirco facit aliquam coniunctionem, in conclusione, sed non ita perfectam. Ex quo patet, cur non sequatur conclusio fortior in partem, quia tantum fortior pars sola, non est causa adæquata conclusionis, quia non continet coniunctionem vtriusque extremi cum medio, sed tantum coniunctionem vnius extremi & ex consequenti non continet totalem, & adæquatam causam conclusionis.

Dices etiam præmissa debilis non est totalis, & adæquata causa conclusionis, & tamen illam conclusio sequitur. Respondeo præmissa illa debilis est adæquata causa debilitatis conclusionis, & idcirco illam conclusio sequitur tanquam suam adæquatam causam: Ratio est; quia bonum est ex integra causa, malum ex singulis defectibus, ut igitur conclusio sit fortis, & perfecta, debet esse perfecta coniunctio vtriusque extremi cum medio: ut verò sit debilis, & imperfecta sufficit coniunctionem vnius extremi esse debilem & imperfectam.

Notandum secundò, non semper necesse est similem defectum esse in causa, & in effectu, sed sæpe posse vitium in causa esse dissimile illi, quod est in effectu. Nam monstrum non est simile suæ causæ generanti, sed dissimile. Verum quia conclusio est talis effectus qui ex simili coniunctione in causa oritur, ideo necesse est defectum coniunctionis in causa similem quoque esse in conclusione, quia qualis coniunctio fuit in præmissis, debet etiam esse in conclusione.

*Debilis præmissæ redundat in conclusionem.*

*Conclusio potest non esse æque debilis ac præmissa.*

*Nam requiritur ad causandam debilitatem in conclusione, quam ad causandam perfectionem. Conclusio simili defectum supponit in præmissis.*

## QVÆSTIO IX.

*An ex falso possit inferri verum?*

**E**X dictis solui possunt variz difficultates in hac materia, de quibus in sequentibus quæstionibus agemus. Ac primum. An ex falso possit inferri verum? Nam si conclusio sequi debet debiliorem partem, necesse erit vtrique præmissa vel alteri existente falsa sequi falsam conclusionem: at contrarium patet inductione. Nam si dicam, omnis homo est lapis; ergo omnis homo est substantia, verum inferam ex falso.

*Verum per se  
& formaliter  
non inferitur  
ex falso.*

Dicendum tamen est, Ex falso per se & formaliter loquendo non inferri verum simpliciter, sed tantum per accidens & materialiter. Potest enim ex falso inferri id quod verum est, sed non erit verum, vt inferitur ex falso; non enim vt à falso dependet, sed aliunde à suis veris principiis est verum. Quocirca per se & formaliter loquendo, vt ex falso inferitur non habet quod sit verum.

Dices. Ergo erit falsum, Respondeo si aliunde non esset verum, esset falsum, ex eo quod inferitur ex falso; quod enim propter falsam causam dicitur convenit illi cui, simpliciter non convenit, quia remota causa remouetur effectus: acqui si illa causa ex eo quod falsa remouetur à subiecto: ergo & eius effectus, quatenus ex illa causa procedit, non convenit subiecto.

Quare licet aliunde sit verum hominem esse substantiam, tamen respectu falsæ causæ, falsum est hominem esse substantiam; quia falsum est ex tali causa hominem esse substantiam. Accedit quod verum cum falso nullam habet ex natura rei connexionem, quod enim vero connexum est ex natura rei verum est, ergo cum falsum ex natura rei non sit connexum vero, non potest ex illo inferri verum ex natura rei, hoc est, ita vt falsum sit causa veri. Quare si verum inferitur ex falso inferitur solum ex vi formæ, & ex opinione inferentis, non verò ex natura rei simpliciter.

At inquires si altera præmissa sit vera, altera falsa, conclusionem sequi debere simul veram, & falsam, quia ab vna præmissa participabit veritatem ab altera falsitatem, Vnde non est maior ratio cur potius sit falsa quam vera, potest enim conclusio participare perfectionem vtriusque præmissæ, vt dictum est in conclusione precedenti.

Respondeo conclusionem talem non posse esse simul veram simpliciter & falsam, sed solum simpliciter falsam. Primo. Quia veritas consistit in indivisibili: Nam fundatur in esse rei, sicut falsitas in non esse: Sicut igitur inter esse & non esse non datur medium, ita inter verum & falsum non datur medium: non potest igitur aliquid esse simul verum & falsum secundum idem: Secundo. Quia bonum est ex integra causâ, malum ex singulis defectibus: vt ait B. Dionysius: ad rem enim bonam & perfectam omnia quæ ad illam pertinent requiruntur, si verò vel vnum defuit, ex requisitis, iam cessat esse bona & perfecta. Neque requiritur vt omnes defectus habeat, sed sufficit vnus. Cum igitur verum sit bonum, falsum, quod, sequitur non posse esse conclusionem veram nisi vtrique præmissa à qua pendet conclusio, sit vera, vt verò sit falsa satis est vnam præmissam esse falsam.

*An conclusio  
falsa partici-  
pet aliquam  
veritatem à  
præmissa ve-  
ra?*

Ex quo patet, conclusionem etiam si innitatur vni præmissæ veræ, non participare ab illa veritatem, quia veritatem simpliciter, non potest dare vna præmissa, sed utraque, quia ab utraque pendet conclusio in hac perfectione, vt dictum est. Vnde Maior est ratio quod sit simpliciter falsa, quia ad falsitatem simpliciter sufficit vnus defectus: ad veritatem autem simpliciter requiritur virtusque extremi cum medio termino connexio, ita vt cum vno in Maiori cum altero in Minori medius terminus verè connectatur. Et sic ut duæ tabulæ non possunt clauo coniungi inter se, si solum clauus insignatur vni tabulæ, alteram verò non attingat; ita si medius terminus sit solum vnus vni extremo non altero, non faciet illa extrema esse vnitæ inter se.

Sed quæritur potest, An ex falso possit inferri verum, saltem ex suppositione media termini? Certum enim est, absolute & simpliciter non sequi verum ex falso vt hactenus docuimus, quia absolute nulla est in re connexio veri cum falso: at si supponatur terminus medius conuenire subiecto, quæritur, an saltem ex tali suppositione, sequatur verum ex suppositione? Videtur enim sequi: Nam si falsum esset verum, sequeretur ex illo verum, Ergo si non sit verum, sed supponatur esse verum, sequeretur ex illo verum, quod erit tantum ex suppositione verum, vt si lapis supponatur sensitiuus, sequeretur quod lapis sit animal.

Quidam recentiores distinguunt & bene. Si enim præmissæ ambæ sint falsæ, Ex suppositione non possent illis verum inferri ne ex suppositione quidem, vt si dicam omnis lapis est sensitiuus; Angelus est lapis, ergo Angelus est sensitiuus. Et ratio est, quia etiam si Angelus supponatur lapis esse, tamen non sequitur ex vi talis mediæ quod sit sensitiuus, quia lapis non est ex natura rei sensitiuus. Si verò altera præmissarum sit vera, altera falsa, potest aliquando sequi verum ex suppositione, aliquando non: Nam si Maior sit vera absolute, ac Minor sit solum ex suppositione vera, sequetur conclusio aliquo modo ex natura rei vera, ex suppositione, Quia facta tali suppositione, cum Maior sit ex natura rei vera, sequitur virtute Maioris, conclusionem esse in illa suppositione, ex natura rei veram. Vt si dicam: Omne animal est sensitiuum, lapis est animal, ergo lapis est sensitiuus.

In hoc syllogismo sequitur si lapis esset animal, quod ex natura rei esset sensitiuus: quia animal ex natura rei est sensitiuum. At si Maior sit falsa, etiam si Minor sit vera, non sequetur conclusio illo modo ex natura rei vera, etiam ex suppositione: quia etiam si supponatur medium conuenire subiecto, tamen non habet vnde in tali suppositione prædicatur conueniat ex natura rei subiecto: quia ad hoc requireretur veritas Maioris, quæ hic non est; vt si dicam omnis lapis est sensitiuus, Smaragdus est lapis: ergo Smaragdus est sensitiuus. Etsi enim Smaragdus esset lapis, non tamen ex hac suppositione sequitur quod esset ex natura rei sensitiuus, quia falsum est, lapidem esse ex natura rei sensitiuum.

Notandum igitur est veritatem esse duplicem consequentis, & consequentiam, vt ergo conclusio sit vera veritate consequentis, hoc est, ex natura rei necessarium est vt veramque præmissam esse veram absolute, vel vt minimum Maiorem esse veram absolute, Minorem ex suppositione: Si enim utraque absolute sit vera, sequetur conclusio absolute & simpliciter vera; cum nihil aliud ad veritatem absolutam requiratur.

Si vero Maior sit vera absolute, Minor verò ex suppositione; tunc conclusio erit vera ex suppositione (veritate inquam consequentis quæ est veritas ex natura rei)

*An ex falso sequatur verum ex suppositione.*

*Ex suppositione falsa aliando sequitur conclusio vera ex natura rei, vera mediante.*  
*Maiore falsa non sequitur conclusio vera ex natura rei, nec simpliciter nec secundum quid.*

## QVÆSTIO IX.

*An ex falso possit inferri verum?*

**E**X dictis solui possunt varix difficultates in hac materia, de quibus in sequentibus quaestionibus agemus. Ac primum. An ex falso possit inferri verum? Nam si conclusio sequi debet debiliorem partem, necesse erit utraque præmissa vel altera existente falsa sequi falsam conclusionem: at contrarium patet inductione. Nam si dicam, omnis homo est lapis; ergo omnis homo est substantia, verum inferatur ex falso.

*Verum per se  
& formaliter  
non inferitur  
ex falso.*

Dicendum tamen est, Ex falso per se & formaliter loquendo non inferri verum simpliciter, sed tantum per accidens & materialiter. Potest enim ex falso inferri id quod verum est, sed non erit verum, ut inferatur ex falso; non enim ut à falso dependet, sed aliunde à suis veris principiis est verum. Quocirca per se & formaliter loquendo, ut ex falso inferatur non habet quod sit verum.

Dices. Ergo erit falsum, Respondeo si aliunde non esset verum, esset falsum, ex eo quod inferatur ex falso; quod enim propter falsam causam dicitur convenire illi cui, simpliciter non convenit, quia remota causa remouetur effectus: acquiescit causa ex eo quod falsa remouetur à subiecto: ergo & eius effectus, quatenus ex illa causa procedit, non consistit subiecto.

Quare licet aliunde sit verum hominem esse substantiam, tamen respectu falsæ causæ, falsum est hominem esse substantiam; quia falsum est ex tali causa hominem esse substantiam. Accedit quod verum cum falso nullam habet ex natura rei connexionem, quod enim vero connexum est ex natura rei verum est, ergo cum falsum ex natura rei non sit connexum vero, non potest ex illo inferri verum ex natura rei, hoc est, ita ut falsum sit causa veri. Quare si verum inferatur ex falso inferatur solum ex vi formæ, non ex vi materiæ, & ex opinione inferentis, non verò ex natura rei simpliciter.

At inquit si altera præmissa sit vera, altera falsa, conclusionem sequi debere simul veram, & falsam, quia ab una præmissa participabit veritatem ab altera falsitatem, Vnde non est maior ratio cur potius sit falsa quam vera, potest enim conclusio participare perfectionem utriusque præmissæ, ut dictum est in conclusione præcedenti.

*An conclusio  
falsa participet  
aliquam  
veritatem à  
præmissa ve-  
ra?*

Respondeo conclusionem talem non posse esse simul veram simpliciter & falsam, sed solum simpliciter falsam. Primo. Quia veritas consistit in indissolubili: Nam fundatur in esse rei, sicut falsitas in non esse: Sicut igitur inter esse & non esse non datur medium, ita inter verum & falsum non datur medium: non potest igitur aliquid esse simul verum & falsum secundum idem: Secundo. Quia bonum est ex integra causa, malum ex singulis defectibus: ut ait B. Dionysius: ad rem enim bonam & perfectam omnia quæ ad illam pertinent requiruntur, si verò vel vnum defuit, ex requisitis, iam cessat esse bona & perfecta. Neque requiritur ut omnes defectus habeat, sed sufficit vnius. Cum igitur verum sit bonum, falsum, malum, sequitur non posse esse conclusionem veram nisi utraque præmissa à qua pendet conclusio, sit vera, ut verò sit falsa satis est vnam præmissam esse falsam.

Ex quo patet, conclusionem etiam si innatur vni præmissæ veræ, non participare ab illa veritatem, quia veritatem simpliciter, non potest dare vna præmissæ, sed veraque, quia ab utraque pendet conclusio in hac perfectione, vt dictum est. Vnde Maior est ratio quod sit simpliciter falsa, quia ad falsitatem simpliciter sufficit vnus defectus: ad veritatem autem simpliciter requiritur vtriusque extremi cum medio termino connexio, ita vt cum vno in Maiori cum altero in Minori medius terminus verè coniectetur. Et sicut dux tabulæ non possunt clauo coniungi inter se, si solum clauus infigitur vni tabulæ, alteram verò non attingat; ita si medius terminus sit solum vnus vni extremo non altero, non faciet illa extrema esse vniatiner se.

Sed queri potest, An ex falso possit inferri verum, saltem ex suppositione mediæ termini? Certum enim est, absolute & simpliciter non sequi verum ex falso vt hæcenus docuimus, quia absolute nulla est in re connexio veri cum falso: at si supponatur terminus medius conuenire subiecto, queritur, an saltem ex tali suppositione, sequatur verum ex suppositione? Videtur enim sequi: Nam si falsum esset verum, sequeretur ex illo verum, Ergo si non sit verum, sed supponatur esse verum, sequeretur ex illo verum, quod erit tantum ex suppositione verum, vt si lapis supponatur sensitiuus, sequeretur quod lapis sit animal.

Quidam recentiores distinguunt & bene. Si enim præmissæ ambæ sint falsæ, aiant non posse ex illis verum inferri ne ex suppositione quidem, vt si dicam omnis lapis est sensitiuus; Angelus est lapis, ergo Angelus est sensitiuus. Et ratio est, quia etiam si Angelus supponatur lapis esse, tamen non sequitur ex vi talis mediæ quod sit sensitiuus, quia lapis non est ex natura rei sensitiuus. Si verò altera præmissarum sit vera, altera falsa, potest aliquando sequi verum ex suppositione, aliquando non: Nam si Maior sit vera absolute, ac Minor sit solum ex suppositione vera, sequetur conclusio aliquo modo ex natura rei vera, ex suppositione, Quia facta tali suppositione, cum Maior sit ex natura rei vera, sequitur virtute Maioris, conclusionem esse in illa suppositione, ex natura rei veram. Vt si dicam: Omne animal est sensitiuum, lapis est animal, ergo lapis est sensitiuus.

In hoc syllogismo sequitur si lapis esset animal, quod ex natura rei esset sensitiuus: quia animal ex natura rei est sensitiuum. At si Maior sit falsa, etiam si Minor sit vera, non sequetur conclusio villo modo ex natura rei vera, etiam ex suppositione: quia etiam si supponatur medium conuenire subiecto, tamen non habet vnde in tali suppositione prædicatum conueniat ex natura rei subiecto: quia ad hoc requireretur veritas Maioris, quæ hic non est; vt si dicam omnis lapis est sensitiuus, Smaragdus est lapis: ergo Smaragdus est sensitiuus. Etsi enim Smaragdus esset lapis, non tamen ex hac suppositione sequitur quod esset ex natura rei sensitiuus, quia falsum est, lapidem esse ex natura rei sensitiuum.

Notandum igitur est veritatem esse duplicem consequentis, & consequentiæ, vt ergo conclusio sit vera veritate consequentis, hoc est, ex natura rei necessarium est vt vtramque præmissam esse veram absolute, vel vt minimum Maiorem esse veram absolute, Minorem ex suppositione: Si enim vtrique absolute sit vera, sequetur conclusio absolute & simpliciter vera; cum nihil aliud ad veritatem absolutam requiratur.

Si vero Maior sit vera absolute, Minor verò ex suppositione; tunc conclusio erit vera ex suppositione (veritate inquam consequentis quæ est veritas ex natura rei)

*An ex falso sequatur verum ex suppositione.*

*Ex suppositione falsa aliando sequitur conclusio ex natura rei vera mediante.*

*Maiore falsa non sequitur conclusio vera ex natura rei, nec simpliciter quid.*

rei) quia habet Maiorem veram absolutè, quæ supposita Minori habet vim talem ad inducendam veritatem; Hæc tamen veritas, erit quidem ex natura rei, sed secundum quid, quia ex suppositione tali; Si verò Maior sit falsa, etiam si Minor sit aut supponatur vera, conclusio nullo modo erit vera, veritate consequentis veritate ex natura rei, neque absolutè ut patet, neque ex suppositione: quia falsa suppositione Minoris, non habet unde ex natura rei sit vera; deberet enim esse vera ex Maiori, quæ tamen est falsa. Solum igitur est vera veritate consequentis ex suppositione: solum enim tunc supponitur vera dispositio, non verò aliquid antecedens ex natura rei potens causare veritatem, quod requiritur ad veritatem consequentis quæ est veritas ex natura rei. Ex quibus patet, ex suppositione falsâ aliquando sequi verum secundum quid ex natura rei, aliquando autem nullo modo ex natura rei verum. Sed tantum ex pura suppositione ob necessitatem consequentis.

## QVÆSTIO X.

*An ex impossibili possit inferri necessarium?*

**V**idetur enim posse inferri: Nam si homo per impossibile esset equus, sequeretur necessarium quod esset hinnibilis, essetque hæc conclusio virtute illius suppositionis impossibilis necessaria, quia in illa suppositione impossibili continetur, causa vera, propter quam hinnibilitas debet convenire homini, nempe quia est equus. Similiter si per impossibile homo sit equus, sequitur hominem esse animal, quæ est conclusio necessaria necessitate consequentis; Deinde res impossibilis ut impossibilis, habet suam essentiam & proprietates quæ licet absolutè sint impossibiles, tali tamen essentia impossibili, non sunt impossibiles, sed possibiles & necessariae, ut patet ex allatis exemplis. Ergo ex impossibili sequitur necessarium. Ex altera verò parte non videtur, ex impossibili posse necessarium sequi. Primo quia consequens esset fortius suo antecedente, & conclusio non sequeretur debiliorem partem. Secundo: quia ex impossibili, sequitur impossibile, quia sicut ipsum est impossibile subiecto, ita & eius proprietates sunt eidem subiecto impossibiles, concipitur enim impossibile cum sua essentia & proprietatibus.

Tertio. Necessarium nullam habet connexionem ex natura rei cum impossibili, sicut neque verum cum falso, ergo non potest ex illo inferri, quia quicquid infertur, ex aliqua ratione connexionis cum illo, infertur: nobis tamen proportionaliter loquendum est de necessario & impossibili, sicut de vero & falso. Nam omne necessarium est verum, & omne impossibile falsum: supponendum igitur est necessarium esse duplex aliud necessarium necessitate consequentis, aliud necessarium necessitate consequentis. Illud est necessarium ex natura rei, & ratione materis, hoc solum ex vi formæ, quomodo omnis conclusio etiam probabilis est necessaria necessitate consequentis, ut patet ex definitione syllogismi.

*Potest inferri  
necessarium*

Dico igitur primò ex impossibili potest inferri conclusio necessaria necessitate consequentis: quia ex suppositione impossibili potest fieri syllogismus in forma:

Quia



Omnis autem syllogismus talis inferit conclusionem necessariam necessitate consequentis. Verum non de tali necessitate est hic quæstio, sed de necessitate confirmationis, nam quoad necessitatem consequentis omnes conclusiones sunt pares in necessitate, quia pares in forma ex cuius vi consequentia est necessaria.

Dico secundo, si loquamur de necessitate consequentis: tunc sicut ex falso non inferatur verum, nisi per accidens, ita ex impossibili non inferitur necessarium nisi per accidens, & eodem planè modo quo præcedenti quæsito de illatione verò falso discurrebamus. Quare per se ex impossibili non sequitur nisi impossibile inquam ex verà sui causâ, per accidens tamen & aliunde sequi potest necessarium.

*Per se ex impossibili non sequitur nisi impossibile.*

Porro duplex conclusio necessaria ex impossibili inferri potest, altera quæ sit conclusio necessaria simpliciter, ut si homo est equus, sequitur quod homo sit animal, altera necessaria solum ex suppositione medi, ut si homo est equus, sequitur quod homo sit hinnibilis; hominem enim esse hinnibilem, est simpliciter impossibile, solum verò ex suppositione medi termini, nempe si homo sit equus erit necessarium secundum quid, idquæ mediante illa maiore necessaria, omnis equus est hinnibilis.

*Conclusio necessaria duplex.*

Prior ergo conclusio, quæ est simpliciter necessaria, non potest inferri ex impossibili formaliter & per se, sed solum materialiter, & per accidens seu aliunde vi & simpliciter de vero dicebamus. Illa enim conclusio, quod homo sit animal non ideo est necessaria, quia ex illa præmissâ impossibili, inferitur, cum qua ex natura rei nullam habet connexionem, sicut nec verum cum falso, sed est necessaria aliunde, unde formaliter loquendo per accidens, & materialiter est necessaria respectu præmissæ impossibilis, quia illa necessitas non est propter illam præmissam impossibilem. Quod etiam Logice sic probatur: Ad hoc ut extrema necessario coniungantur in conclusione debent necessario coniungi in præmissis cum medio termino; at si medium sit impossibile subiecto non potest subiectum cum illo coniungi necessario in præmissis: Ergo neque ratione illius potest coniungi necessario cum alio extremo in conclusione.

*Necessarium simpliciter ex impossibili, formaliter loquendo.*

Iam verò si conclusio ex impossibili inferatur necessaria non simpliciter sed ex suppositione medi termini: tunc necessitas conclusionis non procedit immediate ex præmissâ impossibili, sed ab alterâ præmissâ possibili & necessaria eritque necessitas conclusionis solum secundum quid, alioqui simpliciter est impossibilis eiusmodi conclusio. Ut si dicam omnis equus est hinnibilis, omnis homo est equus: ergo omnis homo est hinnibilis. Hominem esse hinnibilem absolute est impossibile, sed ex suppositione quod sit equus, necessarium est secundum quid esse hinnibilem, namque illius maioris necessitatis omnis equus est hinnibilis, quæ suam necessitatem applicat conclusioni ex suppositione minoris propositionis.

*Necessarium ex suppositione medi, inferitur ex impossibili.*

Hinc igitur perspicui potest quomodo illud axioma, quod conclusio sequatur debiliorem partem verificetur in tali illatione. Dicimus enim conclusionem istam si simpliciter necessaria, aliunde non ex vi præmissarum esse necessariam: Unde non est fortior suâ præmissâ impossibili, per se & formaliter loquendo, siquidem non ex illa deducitur, sed aliunde est talis. At quia non sufficit ad salvandum axioma conclusionem non esse fortiozem suis præmissis, sed etiam requiritur, ut sequatur debiliorem partem, hoc est, ut debilitatis præmissæ debilitatem participet, ideo etiam in proposita materia, id saluatur in hunc modum. Conclusio enim illa si solum à præmissis impossibilibus dependeret, proculdubio esset impos-

*Axioma.*

ibilis.

fibilis, quia ex illis nullam necessitatem essendi habere: at quia aliunde dependet, hoc est, ab aliis principiis necessariis, idcirco aliunde habet suam necessitatem, non à syllogismo illo impossibili, estque per accidens illi syllogismo impossibili, quod eius conclusio sit necessaria, cum potius ex vi syllogismi impossibilis debeat esse impossibilis. Si verò conclusio sit necessaria secundum quid, talis conclusio absolute est impossibilis, & in hoc sequitur debiliorem partem nempe præmissam impossibilem. Quod verò sit ex suppositione necessaria secundum quid, id habet ex veritate Maioris, in quo etiam deficit à perfectione maioris. Nam maior est necessaria simpliciter, conclusio verò est necessaria, solum secundum quid, quia solum ex suppositione medi, non aliter. Non repugnat autem conclusioni participare aliquam perfectionem præmissæ fortioris, sed solum repugnat illam participare simpliciter, & cum quadam veluti æqualitate.

*Soluantur argumenta in contrarium.*

Ex quo patet ad rationes dubitandi: Nam ad primam dictum iam est quomodo conclusio in tali syllogismo sequatur debiliorem partem. Ad secundam ex impossibili per se & formaliter, non sequitur nisi impossibile, per accidens tamen potest sequi necessarium. Ad tertiam. Necessarium nullam habet connexionem per se cum impossibili, & ideo non sequitur ex illo per se, sed tantum per accidens, vel ex suppositione, eo modo quo explicatum est: ad hoc autem non est opus connexionem ex natura rei, sed satis est connexio Logica ex vi consequentia.

*Illatio ex impossibili utilis.*

Notandum autem est. Illationem ex impossibili non esse omnino inutilem. Nam etsi ex impossibili, per se non sequatur necessarium, tamen potest sequi ex suppositione id quod imprimis valet ad cognoscendam aliquam propriam & per se causam alicuius effectus vel prædicati. Nam si per impossibile auferrentur omnia ab illa re tam essentialia quam accidentalialia, & solum relinqueretur id quod est per se, & propria causa talis effectus, sequeretur effectus: sic dicimus, si homo non esset animal, sed tantum esset rationalis, sequeretur adhuc distingui hominem à bruto: Hæc enim suppositio impossibilis facit ad hoc ut cognoscatur vera & formalis causa distinctionis hominis à bruto, nempe rationalitas, utpote quæ sola relicta sufficit ad distinctionem.

At inquires. Ex suppositione impossibili sequitur quodlibet, hoc est, utraq; pars contradictionis; ergo nihil solidi potest inferri ex impossibili, quia æque potest inferri affirmatio sicut negatio, æque hoc, sicut eius contradictorium. Antecedens probatur inductione. Nam ex illo impossibili, si homo non esset animal, sequuntur duo contradictoria, & quod esset homo ex suppositione, & quod non esset homo ablato prædicato essentiali nempe animali, item quod distingueretur à bruto per rationalitatem, ut supponitur, & quod non distingueretur à bruto, quia non esset rationalis, ex eo quod non esset animal. Respondeo ex impossibili diversis viis à considerationibus sequi contradictoria, via tamen via & consideratione non sequi, nisi determinatè unam partem contradictionis. Quocirca ad hoc erit utilis hæc illatio, ut cognoscatur quid qua via & consideratione sequatur ex impossibili.

*Ex impossibili sequuntur contradictoria.*

*Ad cognoscendum quod impossibile ex quo impossibili sequatur.*

Altera utilitas huius illationis est ad cognoscendum quæ impossibilia sequuntur ex quolibet impossibili: Non enim ex quolibet impossibili sequitur quodlibet impossibile, sed ex tali impossibili tale impossibile. Verbi gratia, ex hoc quod homo per impossibile non esset animal, non sequitur hoc impossibile quod esset lapis, sed tantum quod non conveniret vniuocè cum bruto, quia eius convenientia fundamentum est animal. Habet igitur impossibile suo modo suam essentiam & proprie-

teret illam essentiam consequentes; non enim vnum impossibile est idem essentia-  
liter cum alio impossibili: neque quod tribuitur vni impossibili tribui debet neces-  
sario alteri.

Vnde etiam sequitur tertia utilitas ad redarguendum sophistam, qui admittendo  
aliquid impossibile potest conuinci quod admitat duo contradictoria, ex impos-  
sibili enim vt dictum est sequitur esse, & non esse, quæ est redargutio.

3.  
*Ad redargu-  
dum sophi-  
stam.*

QVÆSTIO XI.

*An ex vna propositione de necessario alia de inesse, conclusio  
sequatur de necessario?*

Celebris est quæstio apud Peripateticos, in primo priorum circa caput nonum  
& sequentia: Vbi Aristoteles ex instituto docet, ex vna de necessario altera  
de inesse, sequi conclusionem de necessario, vt in hoc syllogismo. Omnis currens  
necessario mouetur. Petrus est currens. Ergo Petrus necessario mouetur. Hic enim  
syllogismus cum sit in forma, non potest non bene concludere. Quocirca bene con-  
cluditur necessaria conclusio, ex ea quæ est de inesse. Idem confirmari potest à si-  
mili. Nam si ex falso vel impossibili, potest ex suppositione sequi verum, vel ne-  
cessarium, vt ex antecedentibus patet, multò magis ex inesse potest sequi neces-  
sarium, cum propositio de inesse sit propinquior, & minus repugnans necessitati,  
quàm falsa vel impossibilis.

Sumitur autem hic propositio de necessario, quæ modum habet necessarium  
monitum prædicato: Nam datur alia propositio de necessario, in qua modus  
prædicatur de dicto vt cum dico hominem moueri est necessarium. In quo autem  
hæc propositiones differant docetur in summulis Logicæ. Similiter propositio de  
inesse hic sumitur quatenus in ea prædicatum inest, sed non necessario, quia posset  
non inesse, & sic de inesse æquualet contingenti; Nam datur alia propositio de  
inesse, quæ dicitur de inesse, quia absolute semper, & omni subiecto inest, & talis  
propositio de inesse est necessaria simpliciter, sed de hac hic non loquimur. Circa  
hanc igitur sententiam Aristotelis, Peripatetici sunt in duas partes diuisi. Nam ali-  
qui expresse docent sequi conclusionem de inesse non de necessario, eo argumento  
quod conclusio sequi debeat semper debiliorem partem; Hic autem de inesse debi-  
lior est pars: ergo conclusio debet esse de inesse. Ita Theophrastus & Eudemus  
sed hæc ratio non concludit; nam fortior pars est necessaria simpliciter, debilio-  
rum necessaria simpliciter, seu contingens simpliciter, hanc autem sequitur conclu-  
sio; quia ipsa quoque est non necessaria simpliciter, sed simpliciter contingens,  
quæ simpliciter prædicatum posset non inesse subiecto. Licet secundum quid, hoc  
ex suppositione medi termini insit necessario.

*Propositio de  
necessario.*

*De inesse.*

*Quidam di-  
cunt sequi con-  
clusionem De  
inesse.*

Alii exponunt Aristotelem quod loquatur de propositione de inesse simpliciter,  
quæ prædicatum omni, & semper inest, & ex consequenti est idem quod propo-  
sitiō necessaria. Ita Albertus & Conimbricenses. Sed contra: quia expresse Ari-  
stoteles miscet contingens cum necessario, non necessarium cum necessario; de  
hoc cum nulla est difficultas.

*Alii neces-  
sariam simplici-  
ter.*

Deinde

Deinde syllogismus allatus continet propositionem de inesse contingentem, & tamen infert conclusionem necessariam: Ergo ista euasio est nulla.

*Alii dicunt sequi necessariam secundum quid, simpliciter autem de inesse.*

Alii cum Alexandro dicunt Aristotelem intelligendum esse in sensu formali, hoc est conclusionem esse necessariam formaliter ut substat tali medio: Materialiter verò esse non necessariam sed contingentem, & hi rectè censent, tam pro Aristotele quàm pro veritate, utrumque enim est verum conclusionem illam esse, & secundum quid necessariam, quod dixit Aristoteles, quia solum est necessaria ex suppositione medi termini, & absolute esse de inesse, seu contingentem quia ex natura terminorum non est necessaria, quod non negavit Aristoteles.

*Infertur conclusio necessaria secundum quid.*

Dicendum igitur est ex Maiori de necessario, & Minori de inesse, sequi conclusionem de necessario non absolute, sed secundum quid, hoc autem non repugnat illi axiomati, quod dicitur conclusionem sequi debiliorem partem. Probatur utrumque. Quantum ad primum, quia maior necessaria per minorem legitime applicata conclusioni, confert conclusioni aliquam necessitatem; hoc enim omniacumque conuenit, ut legitime applicata producat sibi conuenientem effectum: a quibus legitime applicatur conclusioni mediante minore, quia per minorem subiicitur ei conclusio: Ergo confert illi suam necessitatem: Verum quia minor non applicat subiectum conclusionis necessario, sed contingentem, ideo maior non confert conclusioni omnimodam necessitatem, sed tantum necessitatem ex suppositione medi supposito enim medio, necessario illi conuenit tale prædicatum, ita ut non possit non conuenire, licet absolute possit non conuenire; quia potest tolli illa suppositio medi, in qua hæc tota necessitas fundatur. Quia igitur hæc conclusio infertur ut substat tali medio, sub qua hypothesis necessario illi conuenit tale prædicatum; idcirco rectè dicitur ab Aristotele inferri conclusio necessaria, quæ est solum necessitas secundum quid; Quod si minor esset necessaria absolute, conclusio etiam esset necessaria absolute, & perfecte, acciperet enim tam à maiori quàm à minori, absolute & perfectam necessitatem, non secundum quid.

*Necessitas ex suppositione duplex. Antecedens. Consequens.*

Quod si quæras, qualis sit ista necessitas secundum quid? Respondeo esse, ex suppositione. Dupliciter enim aliquid dici potest ex suppositione necessarium, vel ex suppositione antecedenti seu rei antecedentis quomodo effectus dicitur esse necessarius ex suppositione suæ causæ, ut si sol lucet dies est, vel ex suppositione consequenti, seu rei consequentis, necessario conexæ, ut si video Petrum currentem necessario est Petrum currere; visio mea est quid consequens cursum, non antecedens, illa tamen supposita necesse est Petrum currere cum sit necessaria conexa inter visionem & cursum, illa nimirum quæ est inter actum & obiectum; non potest enim esse actus sine obiecto, sub ea ratione qua est obiectum talis actus. Talis etiam est necessitas, quando res, supposito quod est, necessario dicitur esse; dum enim est, implicat contradictionem non esse. Est verò hæc necessitas non antecedens existentiam rei, sed consequens; supposito enim quod res iam existat, non potest pro eo instanti quo existit non existere.

In subiecta igitur materia, Conclusio quæ ex Maiori de necessario & Minori de inesse infertur, est necessaria necessitate antecedenti, quia est necessaria ex suppositione medi; quod cum sit causa prædicati affert necessitatem antecedentem. Causus enim est causa quædam motus. Vbi noto. Necessarium ex suppositione, propriè loquendo dici illud, quod est necessarium ex suppositione contingentem, quod potest esse, & non esse; opponitur enim necessario absolute, quod non ob ali-

quam suppositionem tantum, sed ex natura rei necessariò convenit subiecto, Quare rationale non dicitur ex suppositione rationalitatis convenire homini, quia rationalitas propriè non supponitur in homine, sed est in illo necessariò absq; alia suppositione.

Quantum ad secundum, salvetur in hunc modum illud axioma. Nam cum in tali syllogismo, duæ sint præmissæ, una de necessariò, quæ est fortis, quia necessaria simpliciter, alia de inesse, quæ est debilis, & non necessaria simpliciter. Conclusio sequitur non illam quæ est fortis, sed illam quæ est debilis, quia est sic & illa simpliciter contingens.

Quamvis autem sit secundum quid necessaria: tamen hoc non impedit quin simpliciter sit contingens & ex consequenti simpliciter sequatur debiliorem partem, & hoc satis est, ad illud axioma, vt conclusio simpliciter sit talis, qualis est præmissa debilior.

Quod verò attinet ad necessitatem secundum quid.

Respondeo primò, etiam præmissam debilem esse necessariam secundum quid: cum eo ipso quod est vera ex suppositione consequenti, est necessariò vera, ac proinde in hoc est par conclusioni: Nam etsi conclusio sit vera duplici necessitate ex suppositione, tam antecedenti; quam consequenti; tamen maior ista necessitas est maior solum extensivè, non intensivè, ita vt intensivè non excedat necessitatem Minoris quia utrobique est necessitas solum ex suppositione. Nam & in Minori possunt esse plures tales necessitates, ex pluribus suppositionibus, quæ tamen non faciunt illam magis necessariam intensivè.

Respondeo secundò, id esse generale omni conclusioni, vt participet aliquam perfectionem à Maiori: quare etsi simpliciter debeat sequi debiliorem partem, tamen hoc non obstante, debet etiam à maiori (à qua non minus pender quam à minori) participare perfectionem illius quæ perfectio in proposito est necessitas. Quod verò non participat totam necessitatem maioris, causa est quia per minorem contingenter subijcitur maiori; Vnde maior non potest omnem suam necessitatem communicare conclusioni, sed tantum aliquam. Non igitur necesse est conclusionem ita sequi debiliorem partem, vt à fortiori nihil perfectionis participet, sed solum requiratur, vt non tantam perfectionem habeat, quanta est in maiori idq; propter debilitatem minoris; ad perfectam enim necessitatem conclusionis, requiruntur utriusq; extremi necessaria connexio, cum medio, quod hic non est.

Obijci tamen potest, si maior sit, de necessariò, sed necessitate consequentis, in tali conclusionem necessariam, necessitate consequentis, ac proinde parem sibi in necessitate. Vnde tunc æquè sequeretur debiliorem, sicut fortiorum partem. Verò in gratia, in hoc syllogismo: omnem currentem currere est necessarium, sed Petrus currit. Ergo Petrum currere est necessarium. Conclusio in necessitate est par Majori contingentiæ simpliciter est par Minori.

Respondeo in tali syllogismo utraq; præmissam esse parem in necessitate & contingentiæ quia utraq; est contingens simpliciter & ex suppositione necessaria: quare & conclusio non magis unam quam alteram sequitur.

Salvetur axioma.

## QVÆSTIO XII.

*An ex una certa & evidenti ex altera solum probabili  
possit inferri certa conclusio.*

*Quid certum?  
Necessarium.*

*Contingens.*

*Probabile.*

*Certitudo an  
ab evidenti  
distinguitur.*

**N**otandum est certitudinem opponi probabilitati, sicut necessitas opponitur contingentie. Distinguitur autem certum à necessario, & probabile à contingenti. Nam certitudo ad cognitionem spectat; necessitas vero est in re. Dinde potest aliquid esse certum quod non sit necessarium, sed contingens: ut si viderem Petrum currentem. Certum est Petrum currere non tamen necessarium absolute, licet sit secundum quid necessarium ex suppositione, Necessarium igitur non solum dicit rem omnino esse, sed ita esse ut non possit non esse. Similiter probabile distinguitur à contingenti. Nam contingens potest esse omnino certum, ut Petrum currere, probabile autem non est omnino certum, ut quod omnes matres diligant filios.

Quod si quæras. An certitudo distinguitur ab evidenti? Respondeo certitudinem aliam oriri ex evidenti, aliam ex aliis mediis inevidentibus, ut in fide dicta est summa certitudo sine evidenti. Dico igitur certitudinem quæ provenit ex evidenti non distingui ex natura rei ab evidenti, sed tantum ratione. Nam neque illa certitudo potest haberi sine evidenti, nec illa evidenti sine certitudine; alia tamen est ratio formalis evidentiæ quæ opponitur inevidentiæ, alia certitudinis quæ opponitur incertitudini. Et sic in cognitione naturali, certitudo & evidentiæ confunduntur; quia certitudo naturalis non potest haberi nisi ex evidentiæ & claritate cognitionis: porro est alia certitudo sine evidentiæ, ut in fide divina, quia divina auctoritas obicere cognita est sufficiens ratio credendi articulo fidei; & hanc certum est distingui realiter ab evidentiæ. His quoad terminos prænotatis, ad quæstionem veniamus. Vultur enim posse sequi certa conclusio, altera præmissa existente probabili. Nam sicut ex necessario & contingenti potest sequi necessarium secundum quid, ita ex certo & probabili potest sequi certum secundum quid. Nam sicut Maior necessaria, applicata per Minorem contingentem, connotat secundum quid suam necessitatem Conclusioni; ita Maior certa, applicata per Minorem probabilem, conferet certitudinem secundum quid Conclusioni. Neque hoc erit contra Axioma, sicut nec est contra Axioma, quod conclusio sequatur necessaria ex contingenti.

Dicendum nihilominus est non posse inferri illo modo certam conclusionem ex altera præmissa probabili, ut si dicam: Omnis homo est rationalis, Faunus est homo. Ergo Faunus est rationalis, sicut Faunum esse hominem non est certum ita neque certum erit eum esse rationalem. De quo enim dubitatur, an sit homo non potest certo credi, quod sit rationalis. Si enim fundamentum sit inferius non potest ei imponi firmum ædificium. Fundamentum autem huius conclusionis, quod Faunus sit rationalis non est aliud quam homo; si ergo non certum sit esse hominem neque certum est esse rationalem.

Ad id verò quod opponebatur in ratione dubitandi. Respondeo esse magnam

*Certum ex  
probabili in-  
ferri non po-  
tess.*

discrimen. Nam ibi suppositio est per se firma, & idcirco potest in ea fundari necessitas, hæc vero suppositio est infirma & incerta, quare non potest in ea fundari certitudo, non solum simpliciter, sed nec secundum quid. Non potest enim certum fundari in incerto.

Alij adferunt aliam discriminis rationem, nempe quod necessitas Maioris propositionis sit ex natura rei & ex natura rei excedat se ad omnia particularia virtute contenta, quare & ad conclusionem: at certitudo cum se teneat solum ex parte intellectus non extendit se ad inferiora, quæ virtute continet, sed tantum ad ipsam maiorem formaliter sumptam; non enim qui clarè cognoscit universale, eo etiam ipso cognoscit clare particularia sub ipso contenta, sed ea potest ignorare.

Ut si quis clarè cognoscat hominem in communi non cognoscit eo ipso clarè, Canicem, aut Sortem. Verum non videtur hæc ratio satisfacere; nam etsi claritas & certitudo maioris non extendatur formaliter & immediate ad inferiora, ac ex consequenti ad conclusionem; tamen si legitime fuerit applicata per minorem, communicabit mediante Minore suam claritatem, & certitudinem Conclusioni, ut patet in Conclusionem demonstrativam; alioqui sequeretur nunquam Conclusionem participare certitudinem; & evidentiam Maioris propositionis, si ea non possit extendi extra maiorem propositionem, quod quia falsum est falsum etiam erit quod illi offerunt, evidentiam non posse derivari in conclusionem.

Vera igitur ratio est quam diximus; quia Minor cum sit incerta, non potest fundare certitudinem; si enim suppositio sit dubia, etiam quod in illa fundatur, dubium erit; Certitudo enim conclusionis non pendet ex sola certitudine Maioris, sed etiam ex certitudine Maioris, quia conjunctio extremorum in conclusione pendet ex utroque; extremi conjunctione cum medio, quæ sit tam in maiori quam in minori.

## QVÆSTIO XIII.

*An ex una supernaturali & altera naturali sequatur conclusio naturalis?*

SUPpono Intellectum nostrum posse habere duplices actus; alios naturales quos naturali solo lumine, & virtute, & per naturalia principia efficere non potest, ut sunt illi actus, quos sine gratia Dei efficere non possumus, qualis est actus fidei divina, qui fundatur in ratione assentiendi altioris ordinis nempe divinæ veritatis summe infallibili, plusquam ratio humana assequi potest.

Hoc igitur supposito ex Theologiâ, Logica quaeritur est: An virtute illius axiomatis debeat conclusio in tali syllogismo sequi debiliorem partem; hoc est, cum altera præmissa fuerit supernaturalis, altera naturalis, an conclusio debeat esse non supernaturalis, sed naturalis?

Quidam enim existimant conclusionem sequi supernaturalem. Ita Aegydius Romanus cum plerisque recentioribus, quia talis conclusio pendet per se

Opinio.



à principio supernaturali, nihil enim naturale, potest pendere per se à principio supernaturali.

2. *Obsequ.*

Alij dicunt esse naturalem simpliciter, quia nihil supernaturalis potest pendere à principio naturali. Talis autem conclusio pendet per se à principio naturali. Ergo non est supernaturalis. Nam bonum ex integra causa existit, malum autem ex singulis defectibus: quare ut sit aliquid supernaturalis debet integrè habere omnia sua principia à quibus per se pendet supernaturalis; si verò vel vno principio supernaturali destituatur, eo ipso erit quid naturale.

*Sententia Authoris.*

*Conclusio non esse naturalem.*

*Esse supernaturalem simpliciter.*

*Salvatur Axioma.*

Dicendum tamen est primo. Talea conclusionem non esse naturalem simpliciter, quia pendet ab vno principio supernaturali: Nihil autem naturale pendet per se à principio supernaturali cum sit diversi ordinis; Naturalibus enim effectibus, naturalia principia respondent, supernaturalibus supernaturalia.

Secundo esse supernaturalem simpliciter quia pendet per se à principio supernaturali, & sic excedit ordinem naturæ, quod est esse supernaturalem.

Quod si quæras, quomodo igitur conclusio in subiecta materia sequatur debiliorem partem? Quidam respondent illud axiomam in hoc non habere locum, sed non rectè: Nam ex debilitate & defectu causæ, sequi debet debilior effectus: præmissa verò naturalis debilior est supernaturali. Ergo hæc debilitas debet redundare in effectum, hoc est in conclusionem.

Alij ergo respondent, non eodem modo in omnibus materijs conclusionem sequi debiliorem partem, sed in aliquibus solum idcirco sequi debiliorem partem, quia est debilior, quam si utraq; præmissa esset fortis, tunc enim signum est, propter præmissam debiliorem, conclusionem non esse ita fortem sicut esset, utraq; præmissa existente forti. Et ita hic accidit, Nam si præmissa utraq; esset supernaturalis, conclusio quoq; magis esset supernaturalis, quia minus a naturali principio dependens. Cum verò vna tantum præmissa est supernaturalis, sequitur quidem conclusio supernaturalis, quia elevatur ab illo principio supernaturali ad esse supernaturalem: minus tamen supernaturalis est quam si ex utroq; principio supernaturali inferetur. Dices posse dici respectu diversorum principiorum supernaturalem simul & naturalem. Respondeo, id dici non posse nam eo ipso quod ex supernaturali principio elevatur ad esse supernaturalem, non potest dici naturalis, sed supra ordinem naturalem: sicut sensitivum & vegetativum in anima rationali, quia propria identitatem cum esse rationali elevatur ad esse immateriale & independens a materia, simpliciter est immateriale & nullo modo materiale.

*Conclusio Theologica perfectior naturalis.*

Ex quo patet conclusionem Theologicam esse perfectiorem, quam si ex vna naturali fuisset deducta, quia perfectioni certitudinis innititur quam sit certitudo naturalis: esse verò imperfectiorem, quam si esset de fide, quia fides non pendet à certitudine naturali, talis autem conclusio pendet: & sic sequitur debilitatem præmissæ naturalis: quia propter eam est debilior quam si fuisset illa præmissa supernaturalis, sed de his intra limites Logicos sumus.

QVÆSTIO

## QVÆSTIO XIU.

*An principium illud, quæ sunt eadem uni ter-  
tio sunt eadem inter se, sit fundamen-  
tum Syllogismorum?*

**N**egant quidam recentiores principium hoc si de identitate secundum rem in-  
telligatur esse necessarium, & proprium fundamentum syllogismorum.  
Primo, quia Aristoteles nimis quam eius meminit ad vim syllogisticam explican-  
dam, sed solum meminit in libris Priorum Dici de omni & Dici de nullo. Secun-  
do. Quia syllogismus potest esse in terminis realiter distinctis, ut omne calidum  
calefacit, ignis est calidus, ergo ignis calefacit, ubi omnes termini sunt realiter di-  
stincti, & non sunt eadem inter se. Tercio: quia hoc principium illo sensu non est  
universè verum: nam in divinis tres personæ sunt realiter distinctæ, & tamen sunt  
idem realiter in essentia.

In creatis etiam Actus & passio, sunt idem cum tertio nempe cum forma, non  
tamen sequitur actionem esse passionem. Si igitur hoc principium in aliquibus  
particularibus non est verum; absolute, & per se, non est verum: sed ex accidenti,  
& per consequens non potest esse firmum fundamentum syllogismorum. Dicunt igitur  
istius fundamentum syllogismorum esse duo illa principia, Dici de omni Dici  
de nullo, quod si & illud principium intelligatur de identitate secundum prædica-  
tionem, erit idem cum Dici de omni, & poterit statui pro fundamento syllogis-  
morum.

Alij tamen absolute concedunt hoc principium esse fundamentum primum syl-  
logismorum. Quia enim extrema sunt idem cum medio termino sunt eadem in  
se in conclusione, ut patet in omnibus figuris syllogismorum.

Dices extrema idem esse cum medio secundum prædicationem, quia scilicet  
vel prædicantur de medio vel medium de iis. Contra: Fundamentum prædica-  
tionis est, identitas subiecti cum prædicato. Nam in prædicatione dicitur hoc es-  
se hoc, & omne prædicatum dicit eandem rem cum subiecto, & quæ eandem rem  
non dicunt non possunt de se prædicari. Cur enim hæc prædicatio est bona, Pa-  
ries est albus: hæc vero mala: paries est albedo? nisi quia album materialiter sup-  
ponit pro eadem re quæ est paries, albedo vero non supponit. Quare si syllogis-  
mus fundatur in identitate terminorum secundum prædicationem, eo ipso fun-  
datur in identitate secundum rem. Vnde etiam sequitur identitatem secundum  
prædicationem fundari in identitate secundum rem, & ex consequenti principi-  
um De omni, probari à priori per hoc principium: Quæ sunt eadem uni tertio, sunt  
eadem inter se.

Dupliciter igitur aliqua possunt dici eadem secundum rem, vel materialiter, vel  
formaliter. Materialiter sunt idem ea, quæ subiecto sunt idem, siue quod unum  
continue subiectum habeant, siue quod unum sit subiectum alterius. Exemplum  
primum est cum dicimus, album esse dulce, quia idem subiectum simul albū est & dulce.

*Part negant  
probat.*

1.

2.

3.

*Part affir-  
mant verior.*

1.  
*Materialiter  
eadem.*

*Formaliter  
eadem.*

*Verificatur  
Axioma.*

*Principium  
syllogismorum  
quod.*

*Medium in  
syllogismo de-  
bet esse idem  
numero.  
Vitiū mulie-  
rum syllogis-  
morum.*

*Principium  
negativorum  
syllogismorum.*

Exemplum secundi, cum dicimus parietem esse album paries enim est subiectum albedinis & includitur in significato albi; Eadem enim res quæ est paries, est etiam subiectum albedinis, licet ipsa albedo non sit eadem res cum pariete. Formaliter verò sunt idem quando ipsæ formæ secundum suas definitiones sunt idem, non solum secundum subiecta eorum, sic enim hic sumo formaliter, ut cadit super ipsas formas, non super subiecta eorum. Ad verificandum igitur axioma sufficit alterutra identitas, neque requiritur identitas formalis, sed sufficit materialis, quia hæc eadem sufficit ad prædicationem.

Quod ad primum argumentum attinet. Dico Aristotelem in primo Priorum, non vti quidem expressè hoc principio: quæ sunt eadem vni tertio sunt eadem inter se, sed alio clariori quod est, dicti De omni: seu: quod prædicatur de prædicato, prædicatur etiam de omni eius subiecto; Verum hoc principium de prædicatione fundatur in illo de identitate, & ex illo deductum est, & per illud probari a priori potest. In Topicis verò lib. 7. cap. 1. loco 4. hoc principium explicat Aristoteles, & docet ad hoc ut ex eo concludatur, aliqua duo esse idem inter se realiter, ut qui ut illud tertium cum quo sunt idem, sit idem numero.

Quæ doctrina valde est notanda pro figuris & modis syllogismorum; ex ea enim redditur ratio cur aliqui syllogismi concludant, aliqui non: Quando enim medius terminus non est idem numero, non potest ex illo inferri legitime conclusio, ita ut si extrema non sint eadem vni tertio quod verè sit vnum numero, ipsa non erunt etiam idem inter se. Sic syllogismus in prima figura maiorem habens particularem non concludit. Quidam homo est Æthiops, Coriscus est homo, ergo Coriscus est Æthiops, quia Coriscus non est ille idem homo, qui est Æthiops; aliqui si esset idem recte inferretur quod esset Æthiops. Sic & in secunda figura ex puris affirmativis, nihil sequitur solum ex eo quod medius terminus non est idem numero: ut si dicam omnis homo est animal: omnis asinus est animal: ergo omnis homo est asinus. Si enim homo esset idem numero animal, quod asinus; sequeretur hominem esse asinum: at quia est aliud numero animal, & solum secundum conceptum idem, idcirco non sequitur.

Similiter ex puris particularibus nihil sequitur in quacunque figura, solum ex eo quod medius terminus non est idem numero, ut si dicam, quidam homo est albus, quidam homo est niger, ergo quoddam albus: est nigrum; non enim idem homo est qui dicitur albus & qui niger, sed alius est albus, alius niger: Quare tam ad verificandum illud principium, quam ad verificandos syllogismos affirmativos in illo principio fundatos, requiritur ut illud cui duo sunt idem, sit numero idem.

Ex quo patet syllogismos affirmativos omnes ex hoc principio pendere & vim inferendi sumere. Quod verò ad negativos attinet, ijs fundantur in alio principio. Quando est idem alicui, cui aliud non est idem, ipsa quoque non erunt idem inter se, ut si homo sit idem animal; lapis vero non sit idem animal, non erit etiam idem homini. Verum ut hoc principium legitime applicetur, opus est, ut & terminus medius sit idem numero & extrema eadem inferantur quæ fuerunt in præmissis. Ex hoc capite malus est syllogismus, minore existente negativa in prima figura, ut si dicam: Omnis homo est bipes, nullus passer est homo. Ergo nullus passer est bipes. Nam aliud bipes dicitur de homine, aliud inferitur in conclusione. Nam si inferatur passerem non esse bipes illud, quod dicitur de homine, vera esset conclusio. Puri verò negativi syllogismi ideo sunt mali, quia non fundantur in hoc principio.

pio sed in alio falso. Quæ non sunt eadem vni tertio non sunt eadem inter se: a-  
nimal enim & rationale non sunt eadem lapidi, & tamen sunt eadem inter se in  
homine. vi syllogismi  
cur mali?

Ad secundum argumentum respondeo. Possè esse Syllogismum in terminis rea-  
liter distinctis, quatenus illi termini sunt idem materialiter. Nam sine identitate  
vel materiali vel formali non potest esse vlla prædicatio, tantum abest, vt possit es-  
se syllogismus; cum igitur dicitur omnem ignem calefacere, eadem res est ignis &  
calefaciens: quare ex identitate materiali extremorum cum medio inferitur identitas  
materialis extremorum inter se.

Ad tertium. Difficilior est responsio: nam si hoc principium non est vniuersè  
verum, ruit omnis certitudo syllogismorum in eo fundata; Tota enim illatio syl-  
logistica, fundatur in identitate extremorum cum medio: ex ea enim inferitur iden-  
titas extremorum inter se. Porro si aliquando hoc principium est verum, aliquan-  
do non, iam ex seipso, & formaliter, ac per se non erit verum. Sed ex aliqua eius  
conditione vel limitatione, quæ tamen quia non ponitur, non scitur in Logica ve-  
ritas propria & fortitudo huius principij, & causa a priori veritatis ipsius: Nam no-  
quæ sufficienti inductione probatur, neque ratione à priori. Ignorato autem prin-  
cipio, in quo fundantur omnes Syllogismi, necesse est ignorari omnes consequenti-  
as syllogisticas, & solum probabiliter credi.

Respondent quidam cum Scoto in primo disp. 2. q. 4. principium hoc esse vni-  
uersè verum, sed intelligendum esse de identitate extremorum non absoluta sed in  
illo tertio. Ita Caiet. 1. parte quæst. 18. ad 3. Ferar. 3. contra gentes. Verum hoc  
solum est, nam hac ratione ex identitate extremorum cum tertio nihil aliud se-  
quatur, quam identitatem extremorum cum tertio, & sic principium illud esse so-  
propositio identica, quæ sunt eadem vni tertio sunt eadem illi tertio. Necesse ergo  
est dicere ex identitate extremorum cum tertio non solum sequi identitatem illo-  
rum in tertio, sed etiam aliam identitatem causatam ex illa, nempe identitatem  
absolutam eorum inter se: hoc est in suis proprijs identitatem. Et sic Aristoteles  
1. Topicorum cap. 1. inferit absolutam extremorum identitatem inter se, ex eo  
quod sunt idem vni tertio, quod est idem numero.

Hoc etiam modo in omnibus figuris ex identitate extremorum, cum medio  
termino, inferitur absoluta identitas extremorum inter se. Nam si dicas inferri non  
nisi in ordine ad medium terminum. Respondeo inferri quidem in ordine ad me-  
dium terminum, quia propter medium terminum, sed non illam ipsam formaliter  
quam habent cum medio, sed distinctam, & causatam ab illa: alioqui sequeretur  
hoc absurdum, nihil novi sciri in conclusione, nisi quod actu scitur in præmis-  
sis. Nam in præmissis actu hoc solum scitur, quod extrema sunt idem cum medio.  
Si ergo nihil aliud, scitur in conclusione, conclusio non erit nova scientia genita ex  
præmissis. Vnde etiam rueret essentia discursus, quia omnis illatio esset identica e-  
iusdem ex seipso. Non enim idem inferri potest ex eodem, sed aliud ex alio. Non  
enim possum inferre, Petrus est animal, Ergo Petrus est animal. Deinde cum vi-  
deremus in aliquibus ex identitate extremorum cum tertio, inferri identitatem eo-  
rum absolutam inter se; in alijs verò non nisi identitatem eorum in illo tertio: de-  
berent isti authores assignare rationem, cur in aliquibus id accidat, in aliquibus ali-  
ter, vnde cum hoc non assignant, non declarant naturam huius principij.

Vigetur res ista explicetur, Dico principium hoc non esse principium & funda-  
mentum

An quæ sunt  
eadem vni  
tertio, sint ea-  
dem inter se?

Opinio Scoti.

Refellitur.

1.

2.

Ab absurdum.

mentum syllogismorum nisi cum certa limitatione. Quod ex eo vel maxime patet, quod cum in sola prima figura sexdecim modi fundentur in hoc principio, scilicet tamen quatuor sint boni, quia hi soli continent limitationem & conclusionem requisitam.

*Requiratur  
identitas cum  
tertio secundum  
totum.*

Ad hoc igitur ut principium illud sit verum, duo requiruntur. Primo, ut extrema sint idem toti tertio non tantum secundum aliquam eius partem. Nam & partes sunt idem toti, non tamen sunt idem inter se, sic corpus & anima, sunt idem homini, non tamen sunt idem inter se, quia sunt idem homini non secundum totum, sed secundum partem, non enim corpus est totus homo, sed pars hominis. Similiter manus & pedes sunt idem Petro, non tamen sunt idem manus, quod pedes, nec pedes idem quod manus, solum, ex eo quia pedes non sunt idem toti Petro, & secundum totum, sunt enim partes ipsius. Requiritur ergo ut extrema sint idem toti tertio, secundum totum, non secundum aliquam eius partem.

*Et universalis.*

Secundo ut illud tertium sumatur vniuersaliter, & illi vniuersaliter sumptis identificetur, vel vtrumque extremum, vel saltem alterum. Ratio est; quia si illi identificentur extrema particulariter sumpto, vnum extremum identificabitur illi secundum vnam particularem significationem, alterum secundum aliam & sic non identificabuntur illi secundum vnam rationem, sed secundum diversas, ac prout partialiter, non totaliter. Verbi gratia: Si quidam homines sunt docti, quidam ignorantes, non sequitur doctos esse ignorantes, quia licet homini vtrumque identificetur, tamen secundum aliam & aliam particulam hominum significationem, alij enim homines sunt docti, alij ignorantes: vnde non potest inferri doctos identificari cum ignorantibus.

*Et puris  
particularibus  
non concluditur.*

Ex hoc autem capite, syllogismi ex puris particularibus in omni figura non concludunt, & ex maiori particulari in prima figura nihil concluditur: quia motus terminus non sumitur vniuersaliter, sed secundum aliam particularem significationem in maiori, secundum aliam in minori. Dico autem satis esse si illud tertium vni extremo identificetur vniuersaliter. Nam ex tali identificatione vniuersali Tertij cum vno extremo, sequitur quod qua ratione illud tertium alteri extremo identificatur siue vniuersaliter, siue particulariter, eadem ratione & illud vnum extremum alteri extremo identificatur, siue vniuersaliter siue particulariter, ut quia omne animal est sensuivum, ideo siue aliqui homines siue omnes sint animalia, erunt sensuivi.

*Aristoteles  
explicatur.*

At inquit Aristoteles 7. Topic. cap. 1. nihil aliud requisivit ad hoc principium, nisi ut illud tertium, sit idem numero: non igitur requiruntur alie conditiones nisi forte Aristoteles non sufficienter explicuit vim huius principij, quam habet concludendum.

Respondeo. Certum esse Aristotelem loquutum esse non de identitate partium cum suo toto, sed absolute de extremis respectu tertij, ut patet ex ipsius dicto, & exemplis, quare primam nostram conditionem non exclusit cum vero requisivit, ut tertium esset idem numero, inclusit nostram secundam conditionem. Cum enim vnum numero in rebus creatis non possit esse commune multis, sequitur tertium sit vnum numero, illi identificari, esse vniuersaliter identificari. Vnde ipsam vniuersalem identificationem sufficienter insinavit in eo cum dicit debere esse vnum numero. Verum quia in solo Deo habemus instantiam, qui est idem numero Deus, tamen tres personae illi realiter identificatae non sunt inter

idem realiter (quod non cognovit Aristoteles & est mysterium omnem rationem excedens) idcirco nos expresse posuimus secundam conditionem, quæ accommodari possit etiam tali tertio, quod cum sit vnum numero, simul est commune multis realiter distinctis, qualis est solus Deus: Dicimus igitur si illud tertium se commune mulus, non satis est illi realiter identificari extrema, sed requiritur, vt illi vniuersaliter identifcentur, modo explicato; alioqui ex identificatione cum tertio non sequetur identitas eorum inter se. Et quidem Aristoteli satis erat requisivisse vnitatem numericam tertij, loquebatur enim de naturis rerum secundum ordinem naturalem, in rebus enim creatis, si quæ sunt cum aliquo vna numero, etiam inter se sunt realiter vnum. Nobis verò qui de Deo ex fide oppositum eloch sumus, non satis est vnitatis numerica tertij, sed requiritur vniuersalis eius identificatio cum vtroque.

Hoc igitur sensu verissimum est hoc principium vniuersaliter, tam in creatis *Soluntur in-* quam in Deo neq; habet vllam instantiam: Nam quod ubijci solet de anima, quæ *stantie.* est eadem loco in pedibus, & in capite existens, non tamen pedes & caput sunt *De anima.* idem secundum locum, solvitur, id quidem verum esse sed non rectè applicari ad id principium. Nam virtute huius principij, vt aliqua sunt idem loco inter se, debent esse idem loco cum tertio: Hic verò pedes & caput, non sunt idem loco cum anima, quia non sunt in eodem loco cum anima, nam anima in pedibus est in alio loco, in capite vero in alio, nempe in loco pedum, & in loco capitis, in quibus locis anima existens non est vna secundum locum, sed multiplex, solumq; anima in pedibus & in capite est vna secundum substantiam, non verò vna secundum locum.

Similiter cum dicitur actionem & passionem esse idem re cum motu, inter se verò non esse idem.

Respondeo, quæ identitate actio & passio sunt idem cum motu, eadem sunt idem inter se, nempe identitate materiali, non formali. Similiter cum dicitur, Homo & brutum esse idem cum animali, non tamen esse idem inter se. Respondetur animal non esse vniuersaliter idem, nec cum homine nec cum bruto, nam nec homo est omne animal nec brutum, vnde deest secunda conditio. Deinde non est idem animal quod in re identificatur homini & bruto, sed aliud in re identificatur homini, aliud bruto, solum secundum conceptum & per rationem sunt vnum, & idem animal. Vnde verè negandum est hominem & brutum identificari eadem animali: non enim eidem, sed diversis animalibus identificantur in re.

Neq; solum hoc principium est verum in hoc sensu, sed etiam in eodem sensu est fundamentum syllogismorum, in singulis enim syllogismis verificatur, & singuli syllogismi virtute huius principij concludunt. Quod tum ex eo patet quod omnes syllogismi ex identitate extremorum cum medio inferunt identitatem extremorum inter se: tum quod omnes Logici requirant medium terminum esse vniuersalem, si non in vtraq; saltem in altera præmissarum, quia nimirum tertium debet identificari vniuersaliter alicui extremo, vt ex tali identificatione sequatur identitatem extremorum inter se.

Quare requiritur, vt medius terminus vel in maiori, vel in minori distribuatur; alioqui syllogismus ex vi forme non concludet, vt patet in syllogismo ex puris particularibus, & in syllogismo ex maiori particulari in prima figura. Vnde si medius

*De Actione  
& passione.*

*De Animal.*

*Fundamentū  
syllogismorū.*

*Medius ter-  
minus distri-  
bui deo.*

*Syllogismi  
expositorij.  
De Deo.*

dius terminus sit communis debet vniuersaliter identificari alicui extremos: si verò sit singularis debet accipi per modum vniuersalis, vt supponit pro omni re quæ est illud singulare. Et sic syllogismi expositorij seu singulares ad eundem modum de formam, sicut & vniuersales accommodantur. Si igitur syllogismi fiant de Deo, qui est res singularis; debet terminus Deus sumi per modum communis, & vniuersalis, vt supponit pro omni re, quæ est Deus, & sic veri erunt syllogismi de Deo, & saluabitur communis forma syllogistica. Itaque in hoc syllogismo. Deus est pater, Deus est filius, ergo filius est Pater; si Deus, distribuatur in Maiori vt ad formam Syllogismi in Datisi requiritur, Maior erit falsa; falsum enim est omnem rem quæ est Deus esse patrem, cum aliæ personæ sint Deus, & non sint pater. Vnde falsa quoque erit illa conclusio. Filius est Pater: quia ex Maiori falsa est illata. In hoc vero Syllogismo. Deus est sapiens, Filius est Deus, ergo filius est sapiens, Conclusio sequitur vera, quia in Maiori, Deus, distribuitur. Omnis enim res quæ est Deus, est sapiens.

*Mysterium  
Trinitatis  
non destruit  
principium  
naturale.*

Ex quibus infero duo. Primo Mysterium Trinitatis non destruere principium syllogismorum, nec formas syllogisticas vt calumniantur Arriani. Secundo principium dictum æquè in rebus creatis ac in Deo habere locum, eusq; rationem haberi in modis syllogismorum si non actu, saltem virtute, cum eius virtute omnes modi boni concludant.

## QVÆSTIO XV.

*An Syllogismus in quo medius terminus  
est negatiuus sit bonus?*

**H**ÆC quæstio ponitur propter nonnullos, qui eiusmodi syllogismos temere condemnant, quasi sint ex puris negatiuis, vt si dicam: Quod non est rationale non est risibile: alius non est rationalis. Ergo non est risibilis. Certum autem est ex communi omnium sententia ex puris negatiuis nihil sequi in vlla figura ex vna forma.

*Refelluntur ne  
gantes esse  
bonum.*

1.

Verum isti opinione sua falluntur. Primo quia vel ex negatione potest aliquid inferri vel nihil, si primum; Ergo negatio potest esse medius terminus bonus, & aptus ad inferendum, & syllogismus ex eo confectus erit bonus, non solum ratione materie, sed etiam ratione forme. Omnis enim illatio bona, poni potest in bonâ aliqua formâ syllogisticâ. Nam etsi non omnis forma syllogistica quædam omni illationi: tamen aliqua saltem quadrare debet. Si secundum; id est contra omnem rationem; Ex negationibus enim multa inferri possunt. Sic ex negatione causæ inferitur negatio effectus, ablata enim causa auferitur effectus. Ex negatione generis, negantur species, cui enim non convenit genus neque species conuenire possunt: ex negatione definitionis, inferitur negatio definiti. Cui enim non convenit definitio nec definitum: & sexcenta alia, Aristoteles etiam docet, si definitio sit causa affirmatiouis, etiam negationem esse causam negatiouis 1. post. 30.

2.

Secundo. Quia Aristoteles sæpe vtitur in demonstrationibus medio termino ne-



pivo, ut cum ex non scintillatione demonstrat, Planetas non esse distantes, & ex non distantia non scintillare, Similiter ex eo quod Plantæ non sunt animalia, probat Plantas non respirare.

Tertio, Inductione: Non enim potest dari instantia in aliqua materia in qua, alius syllogismus non concludat (nisi aliud vitium adsit) hanc autem regulam Aristoteles est sequutus investigandis formis syllogismorum, ut si aliqua forma in omni materia concludat sit bona, si verò in aliqua tantum, in aliqua non, sit vitiosa.

Quarto, Quia fundamentum adversariorum est falsum: Non enim talis syllogismus ex vi formæ (ut isti putant) est ex puris negativis: Nam illa negatio in Minori non est propria propositionis, sed medij termini, debetq; ex vi formæ postponi non præponi copulæ: quod si præponatur resolvi debet in affirmativam, affirmatio enim debet ex vi formæ medius terminus negativus.

Quod vel ex eo patet. Nam ex medio termino negativo, potest conclusio affirmativa inferri, ut si dicam, Quod non scintillat est prope, Planetæ non scintillant. Ergo sunt prope; at si minor esset purè negativa, Conclusio inferri deberet negativa, semper enim conclusio sequitur debiliorem partem. Cum ergo inferatur affirmativa totus syllogismus est affirmativus. Quocirca & Minor illa non est negativæ, sed affirmativæ ex vi formæ; Illa enim negatio tota se tenet ex parte medij termini, & resolvi debet ex vi formæ in affirmativam. Ut si dicam, Planetæ sunt non scintillantes, quia non scintillare, cum sit medius terminus debet ex vi formæ totus postponi non præponi copulæ; si autem præponatur, facit propositionem affirmativam, & sic ex Minore tanquam ex affirmativa sequitur conclusio affirmativa. Quamvis autem in idem recidat quoad sensum, siue negatio præponatur, siue postponatur copulæ, & sine discrimine utamur utroque modo enuncians, tamen ad formam syllogisticam plurimum id refert, si negatio præponi vel postponi copulæ debeat; ex eo enim pendet an propositio sit affirmativa, vel negativa, & an syllogismus censeatur affirmativus vel negativus.

Notandum verò est, Ex negatione posse inferri aliquando negationem, aliquando affirmationem: quare & syllogismus habens medium terminum negativum, potest aliquando confici negativè aliquando affirmativè, Exemplum negativum est, Quod non est rationale non est risibile. Asinus non est rationalis ergo non est risibilis. Exemplum affirmativum, Quod non scintillat, est prope; Planetæ autem scintillant. Ergo Planetæ sunt prope. In utroque syllogismo Minor etiam videtur negativa, tamen ex vi formæ est affirmativa; quia resolvenda est in affirmationem medij termini negativi. Quod convincit conclusio secundi Syllogismi affirmativa, quæ non possit affirmativè inferri, nisi minor esset affirmativa, ex vi formæ. Dico autem esse affirmativam ex vi formæ, quia forma Syllogistica postulat ut medius terminus negativus totus postponatur copulæ, quo facto, propositio erit affirmativa.

*En negatione inferitur negatio, & affirmatio.*

## QVÆSTIO XVI.

*An dentur alia species discursus à Syllogismo  
essentialiter distinctæ?*

**C**ommunitur quatuor assignantur argumentationis species. Syllogismus, Enthymema, Inductio, & Exemplum, quas aliqui censent accidentiter tantum differre, cum omnes ad Syllogismum revocentur tanquam imperfecta ad perfectum. Nam & Enthymema dicitur Syllogismus imperfectus, & inductio ad Syllogismi formam reducitur. Alij verò censent differre essentialiter à Syllogismo. Nam quod ad Enthymema agitur de ratione Syllogismi est, ex duabus præmissis inferre conclusionem; de ratione verò Enthymematis est, ex vno tantum antecedente inferre consequens. Proculdubio autem diversa est species illatio, ex vno antecedente facta, ab ea quæ est ex duabus præmissis. Nam si dicas, Enthymema verò alterius præmissæ tacite inferre, ita ut nisi addatur illa altera præmissa, illatio sit imperfecta. Contra, quia in Enthymemate illatio consequentis tota dependet ex vno antecedente; ita ut illa altera propositio tacita, neque actu requiratur ad illationem, neque virtute continetur in antecedente, cum non inferatur necessario ex antecedente, ut si dicam: Homo est rationalis, ergo risibile. In antecedente non continetur virtute illa omnis propositio, omne rationale est risibile, cum sint disparatæ propositiones, quarum una non inferitur ex altera. Neque refert quod Enthymema si negetur, possit probari, per illam alteram propositionem; nam tunc cum probatur per illam, inferitur ex illa consequens; ac cum sine illa propter evidentiam antecedentis inferitur consequens, talis illatio non eget probatione, neque dependet ab illa altera propositione. Nam sicut multæ propositiones sunt per se ita evidentes, ut quamvis probari per aliqua media possint, ipsis tamen immediate, & sine ulla probationibus assentimur: ut cum oculis videmus Ecclypsim, non egimus demonstratione Mathematica ad probandum Ecclypsim; ita etiam consequens ex antecedente probari possit addita propositione altera, & Enthymemate ad Syllogismum reducto: tamen in Enthymemate talis reductio non requiritur, sed propter evidentiam consequentis per illationem.

Cum verò dicatur Enthymema Syllogismus imperfectus, ad verum est quod in specie Syllogismi sit quid imperfectum, quia deest illi una propositio ad Syllogismum requisita. In genere verò illationis, & discursus est quid perfectum, in eum in Enthymemate perfecta illatio, propter evidentiam antecedentis, etiam si non reducatur ad Syllogismum. Quamquam si Enthymema non habeat ex se evidentiam illationem, non habebit rationem perfecti discursus, nisi reducatur ad Syllogismum.

Similitudine de inductione probatur quod sit species distincta à Syllogismo & Enthymemate. Nam Syllogismus inferit ex duabus præmissis continentibus connexionem medij termini cum utroque extremo. Enthymema vero inferit consequens ex vno antecedente propter immediatam connexionem consequentis cum ante-

accidentem: Inductio verò inferit ex multis particularibus propositionibus conclusionem universalem, ut quia hic & ille ignis calefacit, ergo omnis ignis calefacit. Quia ergo in Inductione est diversa specie ratio assentiendi conclusioni, nempe collectio multarum propositionum singularium; idcirco est diversa species discursus à syllogismo, & Enthymemate distincta.

Dices Inductionem esse Enthymema extensum. Contra: Enthymema habet distinctam vim concludendi ex vno simplici antecedente. Inductio verò non nisi ex multitudine particularium concludit universale.

Non potest etiam dici inductionem habere vim concludendi ex vi propositionis totius, verbi gratia, quod hic, & ille, & ille ignis, sit omnis ignis. Nam hæc propositio in inductione non adhibetur, sed immediate concluditur universale ex multis particularibus, etiam si non fiat reductio ad syllogismum, sicut & de Enthymemate dictum est.

Pari ratione ostendi potest exemplum, speciem argumentationis esse ab alijs distinctam, quia habet peculiarem modum concludendi, ut si dicamus: Alijs hoc licuit, ergo & tibi; qui modus concludendi est ab vno particulari ad aliud, differt autem hic modus concludendi, à modo concludendi syllogismi, & inductionis, & Enthymematis, ut patet.

Dicendum est, præter Syllogismum dari alias species argumentationis essentialiter inter se & à Syllogismo distinctas. Ratio est: quia ubi est distincta ratio & modus concludendi, ibi sunt distinctæ species argumentationis; atqui dantur distinctæ specie rationes & modi concludendi. Ergo dantur distinctæ species argumentationis. Maior patet. Quia illa specificatur à ratione formaliter concludendi, seu inferendi conclusionem. Minor verò probatur: Quia principia ex quibus inferitur Conclusio sunt rationes formales assentiendi conclusioni; atqui dantur diversa genera principiorum ex quibus inferitur conclusio: Ergo dantur diversæ specie rationes concludendi. Nam in syllogismo principia sunt duæ præmissæ, quæ propter connexionem medij cum utroque extremo habent vim inferendi conclusionem. In Enthymemate vero non sunt duæ præmissæ neque propter duplicem illam connexionem medij cum duobus extremis sit illatio, sed propter evidentem connexionem consequentis, cum antecedente, idque ratione materiæ, seu inductione ex collectione evidenti omnium particularium, inferitur universale, idque absque illa forma & virtute Syllogistica: Ergo ut minimum istæ tres erunt species argumentationis distinctæ: habent enim specie distinctos modos principiorum, ad inferendam conclusionem. Exemplum verò etsi ab alijs statuatur quarta species argumentationis, vere tamen non habet distinctum specie modum concludendi: Nam si sit ab vno particulari ad aliud, erit Enthymema, & per modum Enthymematis concludet ob connexionem consequentis cum antecedente, solumque ab Enthymemate differet materia, non modo concludendi quod in Enthymemate statuitur illatio à ratione ibi verò ab exemplo: Si verò sit à multis particularibus ad unum, erit imperfecta inductio vel Enthymema compositum.

Quod si dicas, hæc ratione etiam inductionem & Enthymema reduci posse ad syllogismum. Respondeo, hanc reductionem esse per accidentem Inductioni, & Enthymemati, nam sine illa Inductio & Enthymema habet proprium modum & vim concludendi distinctam à Syllogismo, quod non est in Exemplum.

Potest

Vera Sententia.

Enthymema.

Inductio.

Exemplum.

*Sorites.*

Potest autem dubitari, de Sorite, in quo non ex duabus præmissis est illatio, ut in Syllogismo, sed ex tribus, & quatuor, à se dependentibus, ut si dicam omnis homo est rationalis, omne rationale est risibile, omne risibile est admirativum. Ergo omnis homo est admirativus. Qui modus concludendi videtur esse distinctus specie ab alijs. Dicendum tamen est Soritem non esse distinctum specie à Syllogismo: quia eundem specie modum concludendi habet cum Syllogismo, nempe ob connexionem medi cum utroque extremo, solumq; differt à Syllogismo, ut compositus à simplici; habet enim multiplicata media syllogistica, cum in simplici Syllogismo sit vnum tantum medium.





## DISPUTATIO XIV.

## De Demonstratione.



Syllogismus dividitur in demonstrativum, Topicum & Sophisticum, qui Syllogismi differunt tum materia, tum modo concludendi: Nam Syllogismus demonstrativus versatur in materia necessaria, Topicus in materia probabili, Sophisticus in falsa: Vnde etiam modum concludendi habent convenientem

materia: nam demonstrativus concludit necessario, Topicus probabiliter, Sophisticus falso & deceptorie: qui modi ex materia ipsa oriuntur. Demonstratione tractat Philosophus in libris Posteriorum, de Syllogismo Topico in libris 8. Topici, de Sophistico in duobus libris Elenchorum. Nos vero primum de essentia & proprietatibus demonstrationis agemus in hac disputatione, deinde de speciebus demonstrationis in disputatione sequenti, tandem de effectu demonstrationis, qui est scientia.

QUESTL

## QVÆSTIO PRIMA.

*Quid sit Demonstratio?*

*Duplex definitio demonstrationis tradita ab Aristotele.*



**D**emonstrationis duas definitiones assignat Aristoteles. *Posterior. cap. 2.* Altera est, quod sit Syllogismus faciens scire: altera quod sit Syllogismus ex veris, primis, immediatis, & notoriis, & prioribus, causisq; conclusionis. Vtrq; denique in vnam concurrit. Nam prior datur per effectum; Posterior per causam; effectus enim demonstrationis est scientia; causa autem scientiæ sunt præmissæ veræ, primæ, immediatæ, notiores, priores, & causam conclusionis continentes. Quocirca siue per causam, siue per effectum tradatur definitio demonstrationis, eandem essentiam demonstrationis explicat. Et quidem de conditionibus principiorum in secundæ definitione positis, agemus in sequentibus questionibus, nunc prioris definitionem explicabimus, quæ loco generis, ponitur syllogismus, loco differentię, facere scire.

*Dubitationes circa definitionem priorem.*

*Sola Demonstratio facit scire syllogisticè.*

*Utrum rectè ab Aristotele definita sit scientia?*

*Discursus scientiæ propriè scientia.*

Porro circa hanc definitionem dubitatur primò, quomodo facere scire, sit propria & specifica differentia demonstrationis, cum præter demonstrationem sint alij modi sciendi, scimus enim & per definitionem, & per habitum primorum principiorum, ut cum prima principia immediatè ex terminis agnoscimus. Veri gratia omne totum esse maius sua parte. Item scimus per cognitionem intuitivam, absq; vlla demonstratione, sicut cum Beati videntes clarè Deum, cognoscunt illum perfectè, & quidditativè nulla adhibita demonstratione: Non igitur proprium est demonstrationis facere scire. Ad hanc dubitationem respondetur: In definitione demonstrationis, non poni absolutè, quod faciat scire, sed quod sit syllogismus faciens scire, seu quod faciat scire syllogisticè: eo autem modo facere scire, nulli alteri competit, nisi demonstrationi.

Secundò dubitatur. An rectè definitur scientiam Aristoteles cum ait: scire est rem per causam cognoscere propter quam res est, quod illius causa est, & quod non contingat aliter se habere. Nam vel in hac definitione definit omnem scientiam, vel aliquam tantum: Si primam, definitio est falsa, Non enim omnis scientia habetur per causam propter quam res est, sed aliqua habetur immediatè ex terminis, aliqua ex effectu non ex causa: Si secundum, cur igitur absolutè definit scientiam, nulla determinatione apposita? Respondeo Aristotelem definire scientiam solum discursivam: hoc est eam quam per discursum acquirimus seu ex præexistenti cognitione, de qua in capite primo docuerat, omnem doctrinam & disciplinam fieri ex præexistenti cognitione: patet autem id, tum quia definit scientiam in ordine ad demonstrationem, seu ut est demonstrationis effectus, demonstrativa autem scientia est discursiva; tum quia scientia homini conveniens, propriè est discursiva, si quidem naturalis modus noster veniendi in cognitionem rerum, est per discursum; res enim ex se nobis sunt ignotæ, quare oportet ut veniemus earum cognitionem per discursum: Discursum igitur scientiam vult philosophus tunc habere rationem scientiæ perfectam, cum habetur per causam & necessariò ali-

veru cognitionibus nomen scientiæ vel improprie vel imperfecte accommodatur. Improprie, vt cognitioni primorum principiorum; Ea enim cognitio est intellectus proprie, non autem scientia, quia ea quæ sine discursu cognoscimus dicimus intellegere, quæ cum discursu, scire. Similiter & cognitio definitiua proprio nomine dicitur definitio non scientia. Non perfecte autem scientia tribuitur ei cognitioni, quæ habetur per effectum, non per causam, quia non est tam perfecta scientia, sicut ei quæ habetur per causam.

Porro hinc intelligi potest, quo sensu Aristoteles dixerit post definitionem scientiæ: Si igitur inquit est & alius sciendi modus, posteriùs dicemus. Et quidem certum est apud omnes, per alium sciendi modum intellexisse modum sciendi non per causam, quia enim in definitione scientiæ indicauerat modum sciendi per causam, idcirco an alius modus sciendi, qui non sit per causam detur, promittit se posteriùs demonstrandum, quia verò sit ille alius modus sciendi non per causam, non conuenit apud omnes. Quidam enim existimant innui definitionem, quæ facit rem scire immediate, non per causam; alii putant innui habitum primorum principiorum, qui facit immediate scire principia. Probabilissimum est quod censet D. Thomas cum plerisque Aristotelem per alium sciendi modum intellexisse demonstrationem; Quia, quæ facit scire per effectum, non per causam, vt cum demonstramus; hominem esse rationale, quia est risibilis; loquitur enim Aristoteles de scientia discursiua, quæ simpliciter est scientia, & non comprehendit definitionem & cognitionem primorum principiorum; Ex cuius cognitiones non sunt discursiue. Vult igitur locum quæ habetur per discursum, absolute quidem, & simpliciter haberi per causam; quia tunc res perfecte cognoscitur, quando per propriam causam cognoscitur propter quam est: quia tamen datur etiam rei scientia per effectum, vt in demonstratione Quia, quæ est demonstratio à posteriori; idcirco eum quoque modum sciendi non reuocat, sed promittit se de eo tractaturum inferius, tanquam de minus perfecto sciendi modo.

Tertio dubitatur, quomodo demonstratio faciat scire; dupliciter enim id potest intelligi, vel effectiue, generando in nobis nouam scientiam à se distinctam, vel tunc modum, quo præmissæ generant scientiam conclusionis, vel formaliter seipsa faciendo nos scire, ita vt scientia sit effectus formalis demonstrationis, sicut esse album est effectus formalis albedinis. Quidam igitur exponunt Aristotelem in priori sensu, ita vt per demonstrationem intelligat præmissas demonstrationes quæ faciunt scire, quia faciunt inferri conclusionem, in qua continetur scientia ex præmissis: At longè melius alii exponunt in secundo sensu: tum quia ita exposuit sententiam Aristoteles, cum ait: Scientialem syllogismum dico, secundum quem, eo quod ipsum habemus, scimus: quibus verbis indicat scientiam esse effectum formationis demonstrationis. Nam sicut efficitur albi, eo quod albedinem habemus, ita efficitur scientes, eo quod demonstrationem habemus: tum quia demonstratio est principium formale sciendi, sicut albedo est principium formale albi constituens formaliter album in ratione albi: non igitur demonstratio facit nos scire generantem aliam scientiam à se distinctam, sed se ipsa perficiendo, & informando intellectum nostrum, ita vt scire formaliter nihil aliud sit, quam habere demonstrationem, & informatam demonstrationem. Nam quod prior sententia præmissas solas vocat demonstrationem, id falsum est, cum præmissæ solæ sint duæ enunciationes, demonstratio verò sit essentialiter syllogismus, & quatenus syllogismus, facit scire, vt patet

*Quid Aristoteles intelligat per alium sciendi modum.*

*Aristoteles per modum sciendi intellexit demonstrationem, Quia.*

*Demonstratio facit scire dupliciter.*

*Scientia est effectus demonstrationis.*



ex definitione demonstrationis. Non continetur autem ratio essentialis syllogismi in solis præmissis, neque præmissæ dici possunt demonstratio, nisi in potentia quæ sunt in proxima potentia ad demonstrationem.

*An demonstratio sit instrumentum sciendi, & quidem sola.*

Quartò dubitatur, an demonstratio & quidem sola, sit instrumentum sciendi. Quidam enim ex hac definitione demonstrationis, colligunt solam demonstrationem esse instrumentum sciendi, quia sola facit scire. At non potest id vilo modo ex definitione colligi: nam etsi dicatur in definitione quòd demonstratio faciat scire, tamen additur quòd per modum syllogismi faciat scire: Ex hoc autem non excluduntur alia instrumenta sciendi quæ non per modum syllogismi faciunt scire. Imò neque ex eo videtur colligi posse demonstrationem esse instrumentum sciendi. Nam etsi demonstratio faciat nos scire, tamen id non facit per modum instrumenti, & in genere causæ efficientis, sed per modum formæ ad eum modum, quo albedo facit parietem album, non per modum instrumenti, sed per modum formæ informantis.

Alii verò abstrahendo ab hac definitione, censent in rigore solam demonstrationem esse instrumentum sciendi non definitionem neque disuisionem: sic enim argumentantur; De ratione instrumenti est causare effectivè aliquid à se distinctum causalitas enim instrumenti est causalitas causæ efficientis, causa autem efficiens causat effectum à se distinctum: atqui definitio non causat cognitionem à se distinctam, sed solum cognitionem definitivam, seu cognitionem essentiam: ergo non potest dici instrumentum ad talem cognitionem, alioqui esset instrumentum ad ipsam. Demonstratio verò, quia infert conclusionem à se distinctam, bene dici potest instrumentum, respectu scientiæ quæ est in conclusione.

*Definitio & demonstratio instrumenta sciendi.*

Verùm si proportionaliter loquamur dicendum est, eandem propter esse rationem de definitione & demonstratione, ita ut varique æque conveniant, & non contrarietur ratio instrumenti, diversis considerationibus. Nam dupliciter sumi potest demonstratio: Primo in actu signato pro idè illa & forma & Logici regulari demonstrationis, & sic demonstratio Logicè accepta verè & propriè dicitur instrumentum sciendi: quia illud artificium Logicum cognitum, est causa scientiæ demonstratiivæ, quæ scientia est effectus, re distinctus à suo instrumento.

*Instrumentum causat effectivè non formaliter.*

Secundò, sumi potest demonstratio in actu exercito pro reali & exercita demonstratione; & sic demonstratio facit quidem scire, verùm non per modum instrumenti, sed per modum formæ facientis, hunc effectum formalem, hoc est, scientiam; sicut albedo non per modum instrumenti, sed per modum formæ informantis facit parietem album. De ratione enim instrumenti est causare effectivè informally, producendo non informando; cùm instrumentum sit causa in genere efficientis. At demonstratio exercita, causat scientiam, non efficiendo, sed informando: ergo non per modum instrumenti. Deinde instrumentum, cùm sit causa efficiens, debet producere effectum à se distinctum; at demonstratio non causat scientiam à se distinctam, sed solum scientiam demonstratiivam, hoc est, quæ ipsam demonstrationem formaliter habetur: Ergo demonstratio exercita, non est instrumentum respectu eius scientiæ, cuius est causa.

Quod si dicas, in demonstratione causari effectivè scientiam conclusionis, & spondeo, causari quidem effectivè in demonstratione, sed non à demonstratione. Nam etsi concedamus causari effectivè à præmissis, certè præmissæ non sunt demonstratio essentialiter, sed merè enunciationes ad secundam operationem informantem.

tellectus spectantes, ita vt si solæ sint præmissæ, non sit essentia demonstrationis; quare essentia præmissarum, non potest dici essentia demonstrationis.

Pari igitur ratione discurrere possumus de definitione; definitio enim potest accipi dupliciter. Primò Logice, & in actu signato pro forma, idèa & regulis definitionis, & sic cognita definitioque est verè & propriè instrumentum ad definitionem rationem: habetque effectum à se realiter distinctum.

*Definitio potest accipi dupliciter.*

Secundò sumi potest realiter & in actu exercito, pro reali & exercita definitione, & sic definitio non est instrumentum sciendi; quia non efficit cognitionem à se distinctam, vt bene probat prior sententia. Nam etsi definitio faciat nos scire definitum; tamen id facit non per modum instrumenti, sed per modum formæ, & sic definitio demonstratiua, non est distincta à demonstratione; ita scientia definiti, non est distincta à definitione. Loquendo ergo proportionaliter eo modo quo demonstratio est instrumentum sciendi; definitio quoque dici potest instrumentum sciendi: eo verò modo, quo demonstratio non dicitur instrumentum sciendi, neque definitio dici poterit instrumentum. Porò nostram hanc sententiam quòd definitio sit instrumentum sciendi æque ac demonstratio; docuit Aristoteles sexto Topicorum capite primo Loco 17. addens rationem, quia ex ignoto facit notam, sicut à demonstratio, vtrique enim est ex nouis & prioribus.

Iam verò quod ad diuisionem attinet, ipsimet auctores primæ sententiæ concedunt, eam esse instrumentum ad inuestigandam, verbi gratia, definitionem, sed non esse instrumentum per se sufficiens adque syllogismo vel demonstratione: vt scilicet colligere definitionem hominis per diuisionem, dicant homini est substantia, ergo vel corporea vel incorporea: si corporea vel animata vel inanimata, & sic procedunt vsque ad vltimam differentiam, quas differentias non potero sine aliis difficultatibus concludere.

*Quomodo diuisio sit instrumentum ad inuestigandam definitionem.*

Non est dissimulanda quædam responsio authorum primæ sententiæ, qui dicunt, definitionem esse instrumentum sciendi in demonstratione, cum assumitur per demonstrationis medio; id enim non rectè dicitur propter duo. Primò, Quia in demonstratione definitio non assumitur vt definitio, sed vt causa conclusionis. Nam definitio vt definitio, respicit definitum, cuius essentiam explicat, in demonstratione verò accipitur, non respectu definiti, sed respectu conclusionis, cuius est causa: quare etsi definitioni conueniret aliqua ratio instrumenti in demonstratione assumpta; ea tamen ratio instrumenti, non esset propria definitionis vt definitio est, sed vt causa est. Secundò: quia definitio in demonstratione est pars quædam demonstrationis, quare sicut tota demonstratio non est instrumentum respectu scientiæ demonstratiuæ, ita neque definitio est pars demonstrationis; vtrique enim in tali causa est causa scientiæ demonstratiuæ per modum formæ, non per modum instrumenti.

*Definitio non in demonstratione assumitur vt definitio, sed vt causa conclusionis. Nam definitio vt definitio, respicit definitum, cuius essentiam explicat, in demonstratione verò accipitur, non respectu definiti, sed respectu conclusionis, cuius est causa: quare etsi definitioni conueniret aliqua ratio instrumenti in demonstratione assumpta; ea tamen ratio instrumenti, non esset propria definitionis vt definitio est, sed vt causa est. Secundò: quia definitio in demonstratione est pars quædam demonstrationis, quare sicut tota demonstratio non est instrumentum respectu scientiæ demonstratiuæ, ita neque definitio est pars demonstrationis; vtrique enim in tali causa est causa scientiæ demonstratiuæ per modum formæ, non per modum instrumenti.*

## QVÆSTIO II.

*An præmissa demonstrationis debeant  
esse vera?*

*Proprietates  
præmissarum  
demonstratio-  
nis quot?*

*Prima pro-  
prietas præ-  
missarum se-  
cundum Aris-  
totelem est  
veritas.*

Quatuor præcipuas proprietates præmissarum demonstrationis assignat Aristoteles: Primum, quod sint veræ, Secundò, quod immediatæ & indemonstrabiles; Tertiò quod necessariæ, Quartò, quod contineant causam conclusionis, quæ omnes colligit ex fine ad quem præmissæ in demonstratione ordinantur, Medietas enim debent esse proportionata fini, hoc est talia qualia requirit finis. Cum ergo præmissæ in demonstratione ordinentur ad scientiam tanquam ad finem, debent esse proportionatæ scientiæ; hoc est tales quales requirit scientia. Porro scientia requirit illas quatuor conditiones dictas, ut suis locis ostendetur. Ergo.

Primum igitur proprietatem præmissarum, nempe veritatem, hoc argumentis colligit Philosophus textu 1. Non ens inquit, non est scire: Ergo præmissæ, debent esse veræ. Quod si de præmissis intelligatur, hunc sensum, & vim habet. Esse præmissarum, est veritas earum; sunt enim præmissæ entia quædam complexa, consistentia in coniunctione prædicati cum subiecto, coniunctio verò prædicati cum subiecto tantum est, quando vera est: Ergo & esse præmissarum, est veritas earum.

Qui igitur non ens non est scire: quidquid enim scitur, eæternus scitur, quantum in est, ut cognoscitur, præmissæ verò, ut siue causa conclusionis scientiæ, non solum sciri debent, sed etiam magis sciri, quam conclusio, cum sint rationis fundamētum conclusionem; consequens est, quod debeant esse veræ, cum illarum esset, sit veritas.

Si verò ea propositio de ipsarum ratione intelligatur, tunc sensus erit, conclusio de qua habetur scientia, debet esse vera: Non ens enim, seu falsum, non potest sciri: Ergo & præmissæ ex quibus deducitur conclusio, debent esse veræ; Si autem suam veritatem accipit conclusio à præmissis. Nam licet vera conclusio possit ex falsis præmissis inferri, hæc tamen illatio, non est ex natura rei, cum conclusio ex natura rei, non sit connexa cum falsis præmissis, sed ex opinione intereris; Scientia verò debet haberi non ex principis extrinsecis, sed verè se habentibus à parte rei. Pro maiori autem horum explicatione.

Idcirco Primò de falso non potest haberi scientia. Ex hoc. Falsum dupliciter sumi potest, vel in actu signato, vel in actu exercito. Priori modo de falso potest haberi scientia. Quia possunt de eo formari propositiones veræ: Nam falsum esse falsum, esse contrarium vero, esse non ens, verum est, & ex consequenti scibile. Posteriori verò modo, de falso non potest haberi scientia. Idque probatur, Primo ratione Aristotelis; Quia non ens non est scire: Falsum autem quia falsum, est non ens: Ergo non potest sciri: Minor patet. Primò inductione in omnibus potentiis; nulla enim potentia non ens cognoscit: Nam neque visus videt id quod non est; neque auditus percipit sonum non existentem. Deinde ratione: Quia non ens nihil habet in se quo possit esse obiectum potentie cognoscentis. Ad hæc, scire est cognoscere rem ita se habere: at non ens non ita se habet (sumum enim

*An & quo-  
modo de falso  
non possit esse  
scientia.*

*Non ens sciri  
non potest.*

hic non ens pro falso) imò contradictorium est verum, quod non ita se habet: Ergo non ens, non potest sciri.

Secundò probatur: Scientia est cognitio rei per causam propter quam res est; at falsum, nullam habet causam propter quam sit, quia eo ipso esset verum; quod enim habet causam ut ita sit, verè ita est: ergo falsum sciri non potest. Confirmatur: Quia causa dat esse rei: at falsum qua falsum, non habet esse: ergo neque habet causam.

Tertiò: Scire, & errare, sunt opposita; scire enim est cognoscere quod non contingat rem aliter se habere: error autem est cognitio rei quam contingit aliter se habere: Ergo error non est scientia, & ex consequenti, de falso, quod est obiectum erroris, non potest esse scientia.

Quartò: Scire & ignorare sunt opposita: at qui cognoscit rem falso, ignorat illam; quia non cognoscit illam talem qualis est sed qualis non est, ergo falsum sciri non potest.

Quintò: In omni genere quod est falsum, simpliciter non est tale, verbi gratia: Falsum aurum non est aurum; ergo & in genere scientiæ falsa scientia non est scientia; ergo falsum sciri non potest: quia scientia rei falsæ est falsa.

Responderi potest. Non ens non posse sciri scientiâ verâ, posse tamen sciri scientiâ falsâ: quæ duæ scientiæ licet veritate & falsitate differant, tamen perfectione essentiali scientiæ quam differunt; Perfectio enim essentialis scientiæ consistit in certitudine & evidentiâ: atqui de falso potest haberi certitudo & evidentiâ æque ac de vero; imò sæpe maior, cum sæpe falsa sint probabiliora veris. Idque patet in Hæreticis, qui pertinacissimè suos errores defendunt pari vel etiam maiorem certitudinem & evidentiâ quam alii defendant veritatem. Deinde veritas & falsitas sunt proprietates accidentales cognitionis, ut ex eo patet, quod eadem cognitio, ex vera, fit falsa, mutato obiecto; & Metaphysici docent, veritatem esse proprietatem entis non essentialiam; quare & veritas scientiæ non pertinebit ad essentialiam scientiæ. Potest igitur sine veritate consistere essentialis scientiæ: Ad hæc scientia constituitur in ratione scientiæ per certitudinem existimatam, & apprehensam: atqui talis certitudo apprehensa, potest æque esse in scientia falsa, sicut in vera; ergo ratio scientiæ non salvatur in scientia falsa, sicut in vera.

Dicendum tamen est. Scientiam falsam, eo solo nomine, quod falsa est, non esse essentialiter scientiam: quia in omni genere, quod falsum est non est essentialiter tale. Vnde ad primam rationem respondeo, scientiam falsam habere certitudinem & evidentiâ falsam & solum existimatam certitudinem, non verò realem, & veram certitudinem. Quare ita differt à certitudine & evidentiâ scientiæ, sicut falsum aurum differt à vero in essentiali auri, & similitudo rei à re vera. Quod & Hæretici habent solum similitudinem quandam certitudinis, non autem essentialiam certitudinis. Quod ita demonstro. Essentialis rei non potest esse sine veritate; veritas enim est proprietas entis ab eo inseparabilis, & convertitur cum Entis: Ergo neque essentialis certitudinis potest esse sine veritate certitudinis, ita ut est vera certitudo illa quæ habetur sine veritate solum sit similitudo quædam certitudinis, absque essentiali certitudinis; sicut homo pictus, similitudinem hominis habet absque essentiali.

Vnde ad secundam rationem respondeo, Et si veritas sit proprietas scientiæ (quia in communi loquendo, veritas est proprietas entis) tamen est talis proprietas, quæ consequitur

*Scientia falsa non est essentialiter scientia.*

*Certitudo sine veritate non est vera certitudo.*

consequitur ad essentiam terminorum, & ad essentiam cognitionis. Quoniam datur quaedam veritas, quæ sumitur, non ex natura terminorum, sed ex accidentali eorum connexionione, ut Petrus currit, verum est, quando Petrus currit, falsum quando non currit: & hæc veritas, dicitur accidentalis: Scientiæ autem veritas, cum sumatur ex natura terminorum, est essentialis, & necessaria, non accidentalis & contingens; unde non potest scientia mutari de vera in falsam, nisi mutet essentiam.

*Scientia non potest mutari de vera in falsam, nisi mutet essentiam.*

Ad tertiam rationem Respondeo. Scientiam constitui in ratione scientiæ, per certitudinem quidem apprehensam, sed veram: quia falsâ certitudo, non est certitudo essentialiter, sed similitudinariè, ut dictum est. Quod si dicas, intellectum æque firmiter adherere obiecto per cognitionem falsum, sicut per veram. Respondeo, non æque, quoad essentiam certitudinis, quæ sine veritate non est; nullus enim rei essentia est sine veritate.

*Scientia falso quanto est perfectior in certitudine tanto imperfectior est in ratione scientiæ.*

Ex quo infero: scientiam falsam quantumvis certam & euentiam non esse æque perfectam in ratione scientiæ, sicut est vera scientia; deest enim illi perfectio essentialis scientiæ. Imò quanto perfectior est in certitudine, tanto imperfectior est in ratione scientiæ, & maiorem imperfectionem asserit intellectui. Quod declarari potest exemplo vitii: vitium enim, etsi quoad suam entitatem potest inclinare potentius ad suum obiectum, quam virtus, nunquam tamen æquibet virtutem in perfectione essentiali; imò perfectio vitii, est magna imperfectio voluntatis, & quasi morbus quidam aut qualitas pestilens, quia est quid improportionatum nature voluntatis, quæ postulat, ut secundum rectam rationem operetur. Quod autem vitium est in voluntate, hoc error seu cognitio falsâ, est in intellectu: & quantumvis in se ipsa sit perfectâ, respectu tamen intellectus, est imperfecta; quia illum non perfectum, sed imperfectum reddit circa cognitionem rei.

At obieci. Multa demonstrari in Philosophia quæ sunt falsa secundum fidem, ut mundum fuisse ab æterno: demonstravit Aristoteles; Accidens non posse existere sine subiecto; ex nihilo nihil fieri posse; vnum corpus non posse esse simul in pluribus locis; Ergo de re falsa, potest haberi scientia ac demonstratio.

*Verum in Philosophia an falsum secundum Idem. Non potest idem simul esse verum & falsum.*

Respondent quidam Auerroistæ tales conclusiones esse veras in Philosophia falsas in fide, sed isti errant. Non enim potest idem secundum idem, esse verum & falsum. Verum enim est ens, falsum non ens; sicut igitur non potest idem secundum idem esse ens, & non ens, ita non potest esse verum & falsum. Dico potest esse respectu diversorum utpote respectu principiorum Philosophiæ verum, respectu fidei falsum. Contra: quando aliqua dicuntur talia per respectum ad aliud, potest accidere ut idem secundum idem respectu diversorum sit, & non sit tale, ut eadem quantitas ad diversa comparata dicitur magna & parva: quia maius & minus comparativè dicitur & respectu alterius: at quando aliquid absolute & essentialiter est tale non per respectum ad aliud, tunc etiam respectu diversorum quorumcumque, semper erit tale: ut quia homo, essentialiter est rationalis, quocunque respectu sumatur, erit semper rationalis & nunquam erit irrationalis. Pari igitur ratione, quia scientia essentialiter est vera, nullo respectu potest dici falsa, & mutare veritatem scientiæ, esset mutare eius essentiam. Deinde ut bene docet Aristoteles 1. Ethicorum cap. 5. vero consonant omnia, falso autem citò dissonant & dissimulant: Ergo si conclusiones Philosophicæ repugnant veritatibus fidei, eo ipso sunt falsæ; verum enim vero non repugnat, sed id quod repugnat vero necesse est ut sit falsum. Quæ  
Conciliant

Concilium Lateranense rectè definit veritates humanas, non repugnare veritatibus divinis, & omnes rationes contra fidem, esse Sophisticas, & peccantes contra ipsam Philosophiam; Veritas enim Philosophica oritur ex lumine naturali, lumen autem naturale est participatio luminis Divini. Quare sicut lumen Divinum semper est verum ita & lumen rationis si eo rectè utamur. Quocirca non solum lumen fidei, sed & lumen rationis, cum sint participationes eiusdem luminis Divini, semper trunt vera. Notandum autem est, aliud esse, contra rationem esse, aliud supra rationem, aliud contra naturam, aliud supra naturam. Ea igitur quæ fide credimus, sunt contra rationem; sed supra rationem; non contra naturam, sed supra naturam: Et quoniam in Philosophia demonstrantur quædam ita se habere spectata natura rerum; fides tamen docet aliter posse esse præter naturam rerum & secundum absolutam Dei potentiam, & sic non repugnat vera Philosophia veritatibus fidei.

*Non idem sunt esse contra rationem & supra rationem. Philosophice veritates non repugnant divinis.*

Respondet igitur ad argumentum... Quæ demonstrantur in Philosophia contra fidem vel sunt absolute falsa, & falsitatis ex ipsa Philosophia conuicti possunt, ut est mundi æternitas demonstrata ab Aristotele: vel si vera sunt, non sunt contra fidem, etsi in speciem videantur esse contraria fidei: Nam in Philosophia demonstrantur spectatis naturis rerum, & secundum ordinem nature; fides autem docet supra naturam & per absolutam Dei potentiam oppositum fieri posse, quæ tamen non sunt verè opposita nec pugnantia. Nam accidens naturaliter non posse esse sine subiecto, & supernaturaliter posse esse sine subiecto, non sunt pugnantia: quia non sumuntur secundum idem, sed secundum diversa, nempe secundam naturam & supra naturam.

Deo secundò. Ex falsis præmissis non potest haberi scientia. Probatur primò: Ex falsis præmissis scientia non potest haberi nisi de re vera, alioqui est ignorantia & error non potest haberi scientia: at ex falsis præmissis non potest inferri verum formaliter: Ergo ex falsis præmissis non potest haberi scientia. Minor probatur: Quia licet non repugnet entia esse ex falso inferri verum materialiter, repugnat tamen inferri verum formaliter, hoc enim error est, quod idcirco sit verum, quia ex illis falsis præmissis inferretur: Verum enim, nullum habet connexionem ex natura rei cum falso, neque propterea est verum, quia ex falso inferretur, sed quia aliunde habet veram sui causam. Conclusio autem in demonstratione debet esse vera formaliter propter præmissas, alioqui non sciretur in demonstratione propter quid conclusionis. Et sic Aristoteles 2. Prior. cap. 2. Ex falso sequitur verum, sed non propter quid, sed quia, quod est, sequi materialiter tantum, id quod est in se verum, non verò formaliter, ut propterea sit verum non propter quod ex falso inferatur. Secundò probatur: Præmissæ debent continere causam conclusionis propter quam res est, & causa propter quam res est, est causa vera, & hoc est, hoc est verè connectitur in præmissis, tam cum prædicato quam cum subiecto conclusionis: materialiter. Ergo præmissæ in demonstratione debent esse veræ.

Ex dictis patet: Possè ex falsis præmissis haberi scientiam existimatam ut patet in errore, non autem veram scientiam quæ fundatur in reali & naturali connexionem conclusionis cum præmissis.

## QVÆSTIO III.

*An præmissa demonstrationis debeant esse immediata?*

*Dupliciter dicitur propositio immediata.*

*Primo immediate ratione subiecti.*

*Secundo Immediate ratione causæ.*

*Propositio immediata potest esse utroque modo tam ratione subiecti, quam causæ.*

*Potest esse immediata ratione subiecti non verò causæ. Potest ratione causæ, non verò subiecti.*

*Propositio immediata accepta est ab Aristotele ratione causæ.*

*Propositio immediata non ratione subiecti, sed ratione causæ est indemonstrabilia demonstratione. Propter quid.*

**P**rimò explicandum est, quid sit propositio immediata: tum quo sensu præmissæ in demonstratione debeant esse immediatæ.

Quantum ad primum: dupliciter potest dici propositio immediata: Primò immediate ratione subiecti, quando prædicatum convenit subiecto, nullo alio subiecto mediante, cui prius conveniat: sic rationale convenit homini immediate, quia nulla alteri subiecto prius convenit quam homini. Secundò, immediate ratione causæ, quando prædicatum convenit subiecto, nulla alia causâ mediante: sic homini convenit esse animal immediate, quia nulla causâ media intercedit inter hominem & animal, quæ utrumque coniungat, sed termini seipsum coniunguntur immediate, quia unus est de essentia alterius. Potest verò propositio esse immediata utroque modo, tam ratione subiecti, quam ratione causæ, ut cum dico hominem esse rationale, quia rationale nulli subiecto prius competit quam homini, neque propter aliquam causam mediam competit homini, sed immediate quia homo est. Potest etiam esse immediata ratione subiecti, non ratione causæ, ut cum dico hominem esse risibilem, inter hominem & risibile, nullam mediam subiectum, cui prius risibilitas competit, quam homini; mediat tamen causâ, nempe rationalitas, propter quam risibilitas competit homini: Potest denique propositio esse immediata ratione causæ, non ratione subiecti, ut cum dico, hominem esse sensitivum, inter hominem & sensitivum, quæ est differentia constitutiva animalis, mediat subiectum proprium sensitivi nempe animal; prius enim sensitivum competit animali; & mediante animali, competit homini, non mediat tamen vlla causâ, quia essentialia non habent causam.

Iam igitur si quæras, quo sensu acceperit Aristoteles propositionem immediatam. Respondeo; accepisse ut est immediata ratione causæ, hoc est ut non habeat ullam causam mediam, per quam demonstrari possit. Paret mens Aristotelis in textu 5. ubi pro eodem accepit propositionem immediatam, indemonstrabilem, primam, ita vixit sit apud Aristotelem Synonyma: Nam dicitur immediata, quia non habet causam mediam; dicitur indemonstrabilis, quia non potest demonstrari per causam; dicitur prima, quia non habet aliam priorem, per quam demonstratur. Vnde in eodem textu definit propositionem immediatam, quia non est alia prior, quæ definitio, non convenit nisi propositioni immediatæ ratione causæ. Nam quæ est immediata solum ratione subiecti, habere potest aliam se priorem, per quam demonstratur, ut homo est risibilis, demonstratur per aliam priorem, nempe rationale est risibile.

Ex quo infero. Quod cum apud Aristotelem propositio immediata sit idem quod indemonstrabilis, & prima, nomine propositionis immediatæ non intellexit Aristoteles immediatam ratione subiecti: quia hæc & demonstrari potest, & habet aliam se priorem, sed intellexit immediatam ratione causæ, quia hæc est indemonstrabilis.



nonstrabilis, & prima. Quod si obiciās, hanc propositionem, rationale est risibile, *Propositio im-*  
esse immediatam ratione causæ, & tamen potest demonstrari, tum per effectum *mediata est in-*  
tum per subiectum, nempe hominem; quia enim homo est risibilis, ideo & ratio- *demonstrabilis*  
nale est risibile. Respondeo, propositionem immediatam esse indemonstrabilem *demonstratio-*  
demonstratione propter quid, seu per causam; de hac enim loquitur Arist. nam de- *ne propter*  
monstratione à posteriori, non repugnat demonstrari. *quid.*

At obicies. Non videtur dari vlla propositio immediata ratione causæ. Primò; *Impugnatur*  
quia in omni propositione prædicatum coniungitur cum subiecto, non temere, er- *rationibus co-*  
ropropter aliquam causam. Secundò, quia omne ens creatum habet causam: at il- *trario non da-*  
li connexio prædicati cum subiecto est quid creatum: ergo habet causam. Tertiò; *ri propositio-*  
quia omnis propositio potest per definitionem vel subiectu, vel prædicati demon- *nem immedia-*  
strari. Quartò: hæc propositio, homo est rationalis, quæ maximè asseritur imme- *tam ratione*  
diata, habet medium per quod à priori potest probari nempe causam finalem; quia *causæ.*  
tamen homo creatur est ad beatitudinem, idcirco est rationalis.

Respondeo dari propositiones immediatas ratione causæ: quia si omnis propo- *Propositio im-*  
siti haberet suæ connexionis causam à terminis distinctam, daretur processus in *mediata non*  
infinitum in causis quarum vna penderet ab altera. Quare ut talis propositio esset *habet causam*  
vera, deberet supponere infinitas causas, ita ut non poneretur vltima nisi ponatur *sua connexio-*  
prima, cum vltima penderet ab omnibus, usque ad primam: & quia infinitum per- *nis à terminis*  
tinet non potest, ideo nulla res sciri posset, quia deberet resolui in infinitas cau- *distinctam, a-*  
sas: Hoc autem tanquam absurdum refellat Aristot. 2. Met. cap. 2. *liquin daretur*  
*processus in*  
*infinitum.*

Quare ad primum respondeo terminos in propositione immediata, non temere *Definitio sub-*  
coniungi, sed ex causa, quæ tamen ab ipsis terminis non sit distincta, ita ut ipsi ter- *iecti non au-*  
minos sint causa suæ connexionis. Ad secundum. Omne ens creatum habet causam *tem pps ois*  
efficientem, sed hæc cum sit extrinseca non pertinet ad demonstrationem, quia est *est medium*  
causa potius existentis quam essentialis alicuius connexionis. Habet etiam omne *demonstratio-*  
ens creatum causam suæ connexionis, sed hæc causa, non est necesse ut sit distincta *nis à priori*  
à terminis, possunt enim ipsi termini esse causa suæ connexionis. Ad tertium. Non *hæc enim con-*  
omnis de finitio, est medium demonstrationis à priori, sed illa tantum, quæ causam *tinet causam*  
consequens conclusionis. Talis autem definitio est subiecti, non autem passionis, ut *conclusionis.*  
omni demonstro hominem esse risibilem per definitionem hominis, in qua continet- *In quolibet ge-*  
ur rationalitas quæ est causa risibilitatis; definio autem risibilitatis, non continet *nere causæ*  
causam, quia sicut risibilitas est effectus respectu rationalis, ita & definitio risibilita- *dantur propo-*  
tis habet rationem effectus non causæ. *sitiones imme-*  
*diatæ in illo*  
*genere.*

Ad quartum. Respondent quidam propositionem illam probari quidem posse *est*  
per finem, sed non tanquam per causam essentia: ut essentia:; finis enim est solum *est*  
causa existentia: & operationum essentia:, neque essentia est propter finem nisi vel *est*  
ratione existentia: vel ratione operationum. Unde etiam non probatur per finem *est*  
tanquam per priorem; finis enim non est prior essentia, sed solum est prior vel *est*  
operationibus essentia:; nam mouet agens ad producendum ef- *est*  
fectum, & est causa essentia: ut operetur ad talem finem consequendum. Sed me- *est*  
tus respondeo satis esse propositionem illam esse immediatam in suo genere cau- *est*  
sæ, ita ut in quolibet genere causæ dentur propositiones immediatæ in illo gene- *est*  
re. Nam licet per aliud genus causæ probari possint, tamen illud genus causæ non *est*  
nulli immediationem prioris causæ, quam in illo genere habet respectu sui effectus *est*  
non enim mediatur inter priorem causam & effectum, sed æque in suo genere *est*

est immediata causa effectus, sicut prior in suo genere erat immediata; ita ut utraque causa sit æque prima æque immediata in suo genere. Denique dico, cum causa unius generis probatur, per causam alterius generis, probari tanquam per medium necessarium connexum, quod neque sit prius neque posterius, sed connexum, sicut cum probatur risibile per sensibile.

Quæri autem potest. Quænam propositiones sint immediatæ ratione causæ?

*Triplicis generis propositiones immediatæ.*

*Per talem causam quæ à terminis conclusionis ne per conceptum quidem est distincta non potest esse demonstratio. Medium in demonstratione satis est ut sit distinctum per conceptum.*

Respondeo esse propositiones triplicis generis: primo loco sunt propositiones essentielles, ut cum definitio prædicatur de definito, ut cum dico, Homo est rationalis, homo est animal. Propositiones enim essentielles, non habent causam suæ connexionis à terminis distinctam, sed seipsis termini sunt causa connexionis, in ordine ad unum tertium, quia nimirum sunt una essentia tertii constati ex vitroque, & sic non dicuntur connexi essentialiter, quasi unum sit de essentia alterius: sed quod utrumque sit de essentia tertii, quod habent ex propriis essentis & natura, ut possint concurrere ad unam essentiam constituendam. Porro per talem causam, quæ à terminis conclusionis nullo modo est distincta ne per conceptum quidem, non potest esse demonstratio, quia non essent nisi duo termini, & idem demonstraretur per se ipsum.

At inquires. In potissima demonstratione, demonstratur homo esse risibilis per rationalitatem, rationalitas autem non est quid distinctum ab homine, cum sit de essentia hominis: Ergo sufficit ad demonstrationem medium, non distinctum ab altero extremorum. Respondeo medium in demonstratione; non debet esse extrinsecum rei distinctum, sed intrinsecum, ut sit distinctum secundum conceptum, quomodo sit definitio distinguitur secundum conceptum à definito, licet secundum rem sint idem; distinctum enim conceptum, intellectus facit de definitione, ab eo quæ facit de definito. Et ratio est; Quia termini respondent conceptibus, & quæ de eodem possunt diversi conceptus formari, ideo idem potest fundare terminos diversos respondentes diversis conceptibus. Si rationale, est distinctus terminus ab homine, quia cum conceptio confusa hominem nihil expressit cõgito de rationali, & in conceptu confuso hominis non continetur conceptus expressus rationalis. Unde hæc propositio, Homo est rationalis, non est identica quia licet termini secundum rem sint idem, secundum conceptum tamen confusum, & expressum differunt: Tunc autem est identica propositio, cum termini nec secundum rem, nec secundum conceptum differunt.

Ex quo patet, hanc propositionem, Homo est risibilis, in intellectu humano esse immediatam, quia habet medium, per quod demonstratur, nempe rationalitatem, quod medium, licet non sit ex natura rei distinctum ab homine, est tamen distinctum secundum conceptum; quod satis est ad hoc, ut sit distinctus terminus ab homine: Dixi in intellectu humano, quia intellectus humanus format distinctum conceptum de rationali, & homine. At si de intellectu Angelico loquamur, qui non format distinctum conceptum de homine, & rationali; quia non concipit confuse hominem, ut nos, sed expressè, ut rationalem, dicendum est, hanc propositionem homo est risibilis in intellectu Angeli, esse immediatam, quia termini ipsi sunt causa suæ connexionis; Terminus enim homo, concipitur ab Angelo non confuse, sed expressè ut rationalis, ac proinde, ut continens in se causam suæ connexionis cum risibili. Ex quo sequitur Angelum non posse demonstrare hominem esse risibilem per rationalitatem.

*Quando est identica propositio.*

*Eadem propositio quæ in nostro intellectu est immediata, in intellectu Angeli potest esse immediata.*

Secundum locum habent propositiones causales, in quibus effectus prædicatur Propositiones de sua causa immediata, ut si dicam rationale est risibile; Tales enim propositiones causales que sunt immediatæ, quia inter causam immediatam, & effectum non mediat alia causa. Si causa est mediata potest probari per causam immediatam & proximam demonstrari, ut si dicam discursivum esse risibile, potest hæc propositio probari per admirativum. Nam licet discursivus sit causa risibilitatis, tamen est causa remotior, propinqua verò & immediata causa risibilitatis est admirativum. Si causa est mediata potest probari per causam immediatam demonstrari.

Tertium locum habent propositiones negatiæ, quarum termini non resolvuntur in aliquod genus superius, ut si dicam quantitas non est qualitas. Tales enim propositiones sunt immediatæ quia non possunt resolvi terminum in aliquod per quod probari possint, si verò termini resolvi possint in aliquod superius genus, tunc propositio non est immediata, ut si dicam substantia non est color; talis enim propositio probari potest per genus coloris nempe per qualitatem; quia enim substantia non est qualitas, ideo neque est color. Propositiones negatiæ, quarum termini non resolvuntur in aliquod genus superius, ut si dicam quantitas non est qualitas. Tales enim propositiones sunt immediatæ quia non possunt resolvi terminum in aliquod per quod probari possint, si verò termini resolvi possint in aliquod superius genus, tunc propositio non est immediata, ut si dicam substantia non est color; talis enim propositio probari potest per genus coloris nempe per qualitatem; quia enim substantia non est qualitas, ideo neque est color.

Notandum autem est, quod secundum diversas sententias rationalitas est causa immediata & mediata risibilitatis. Multi enim volunt inter rationalitatem & risibilitatem intercedere discursivum & admirativum, ita ut admirativum sit immediata & proxima causa risibilitatis. Nos igitur in exemplis utimur & utemur aliquando cum primâ sententiâ aliquando cum secundâ; Exemplorum enim non requiritur veritas, quod satis est semel monuisse ne putemur nobis contradicere. Rationalitas secundum diversas sententias est causa immediata & mediata risibilitatis.

Quantum ad secundum, dubitatur an sit necesse & quomodo præmissas in demonstratione esse immediatas ratione causæ. Dico igitur Primò: præmissas in demonstratione, debere esse immediatas vel actu vel virtute. Voco immediatas actu quæ non habent medium per quod demonstrantur à priori: immediatas verò virtute quæ etsi sunt actu mediatæ tamen ad immediatas reuocantur.

Dicimus igitur præmissas in demonstratione si non sint immediatæ actu debere esse immediatas virtute ita ut necesse sit eas resolvi usque ad immediatas actu. Ratio est: quia præmissæ mediatæ pendunt ab immediatis, non minus quam conclusio pendet ab ipsis præmissis: Ergo sicut conclusio non scitur nisi scientur præmissæ ita neque præmissæ scientur nisi cognoscantur principia immediata, à quibus pendunt.

Confirmatur: quia præmissæ vel ignoratæ vel minus perfecte cognitæ, non possunt esse ratio cognoscendi conclusionem; non potest enim effectus excedere causam: Ergo neque notitia conclusionis potest excedere notitiam præmissarum: at si præmissæ mediatæ non resolvuntur ad immediata principia, necesse est præmissas illas, vel ignorari eò quod in sua notitia pendeant à principiis immediatis, in quæ non resolvuntur, vel certe minus perfecte sciri quam conclusio, si non per ipsa propria principia, sed aliunde cognoscantur.

Ad octavies Primò: Ex præmissis fidei divina cognitæ potest inferri conclusio Theologica, ut cum ex hoc quod Christus est rationalis inferatur esse risibilis, & tamen præmissæ in tali demonstratione, non resolvuntur in sua principia, sed fidei continentur. Respondeo: Si conclusio Theologica sit necessaria erit demonstrativa & necessaria, quia demonstrantur propter quod, conclusionis: quamvis autem præmissæ sint mediatæ, & non resolvantur ad immediatas potest tamen ex illis inferri conclusio.

Præmissæ in demonstratione debent esse immediatæ vel actu vel virtute.

Conclusio Theologica non demonstrativa

*Quando premissæ mediatae debeant resolui.*

conclusio demonstratiua; quia tunc præmissæ mediatae debent resolui, quando pendunt in sua notitia à suis principiis immediatis ita vt sine tali resolutione non sonantur: At si præmissæ sine resolutione in sua principia, possint quæ perfectè cognosci, tunc poterit etiam ex illis inferri conclusio scientifica. Et ita accidit in præmissis Theologicis quæ certissima & indubitata fide creduntur. Vnde propter hanc perfectam certitudinem potest ex illis inferri conclusio demonstratiua; quia ad substantiam demonstrationis, satis est vt sic demonstratio per causam veram perfectè cognitam & quod non contingat aliter se habere. Fateor tamen demonstrationes Theologicas non esse omninò perfectas: etsi enim non desit illis certitudo, desit tamen euidencia cum ex principiis incipientibus & sola fide creditis procedant.

Obiicies secundò. Satis esse ad demonstrationem supponere præmissas ante demonstratas, siue à se, siue ab alijs; ex talibus enim præmissis potest inferri conclusio demonstratiua sine alia resolutione in principia, dummodò firmiter statuamus illas esse iam demonstratas. Respondeo: nullo modo id satis esse; Præmissæ enim non possunt maiorem notitiam afferre conclusioni quam habeant in seipsis; sui enim notitia notitiam conclusionis faciunt: & sicut ignis non potest magis illuminare quàm sit ipse lucidus: ita præmissæ non possunt magis illustrare conclusionem quàm ipsæ luceant in intellectu. Quare si quis actû non habeat demonstrationem præmissarum, sed solùm supponat & credat ab alio demonstratas, is non habebit demonstrationem absolute sed tantùm ex suppositione & fide præmissarum. Debent igitur præmissæ ab eodem sciri actû qui ex illis aliquid demonstrat, quia illa suppositio scientia, non est scientia, sed quædam cognitio imperfecta præmissarum; ex cognitione autem imperfecta præmissarum non potest perfectæ & scientifica notitia conclusionis haberi: Estque alia ratio de præmissis fide diuina creditis. Nam fides diuina assertit præmissis perfectissimam & summam certitudinem, unde ex illis potest inferri necessariò conclusio. At verò illa suppositio qua supponitur præmissæ demonstratæ, non est perfecta cognitio præmissarum, sed existimata & opinio probabilis, quod sint demonstratæ, quæ opinio innititur vel fidei humanæ vel rationi probabili, quorum neutrum sufficit ad summam certitudinem faciendam.

Ex quo infero Primò: non sufficere ad demonstrationem supponere præmissas demonstratas, ab alio, quia in demonstrantis intellectu illæ præmissæ ignorantur, aut saltem imperfectè cognoscuntur: ergo non possunt esse ratio perfectè sciendi conclusionem; alioqui discipulus posset ex principiis præceptoris notis, sibi verò ignotis, demonstrationes conficere & scientiam rerum habere cum tamen ex scientia Magistris, & ignorantia discipuli non possit vlla confici demonstratio quemadmodum ex principiis, quæ beati clarè vident in cælo, nos non possumus quidquam demonstrare scientificè, solùm ex eo, quod illa principia ignoramus, & ex nobis ignotis non possumus venire ad notitiam aliarum rerum.

Infero secundò. Non satis esse ad demonstrationem, præmissis esse notas demonstranti in habitu, quia nimirum antè habuit illarum demonstrationem, sed necesse est vt sint notæ in actû, quia ex notitia actuali præmissarum, non ex habitu illi, proceditur ad inferendam conclusionem; unde quanta fuerit notitia actuali præmissarum, tanta habebitur & conclusionis: Habitus autem ille præcedens nihil confert ad actuale notitiam præmissarum, cum non influat in eas, solùm quod est mera suppositio notitiæ antè habitæ quæ non sufficit ad scientiam.

*Non satis est ad demonstrationem supponere præmissas ante demonstratas, sed debent resolui in principia ab ipso qui vult inferre conclusionem.*

*Diuersa ratio est de præmissis fide diuina creditis.*

*Ex præmissis ab alio factis non demonstratur conclusio.*

*Præmissæ necesse est vt sint notæ demonstranti in actu non verò in habitu.*

Acinquis, si præmissæ pendeant à pluribus demonstrationibus, illæ demonstrationes non possunt simul actu haberi; ergo debent necessàriò præsupponi. Respondeo, posse intellectum se reflectere super illas & per modum obiecti illas sibi representare, & hoc satis est ad actuale notitiam præmissarum. Rectè igitur Aristoteles. 1. Top. cap. 1. demonstrationem definit esse Syllogismum ex veris, & primis, in talibus, quæ per aliqua vera & prima cognoscuntur.

Dico secundò. In demonstratione potissima præmissas debere esse immediatas, neque sufficit quòd sint immediatæ virtute: Nam licet id ad alias demonstrationes non potissimas sufficiat, tamen in demonstratione potissima, debent esse omnia potissima & perfectissima: præmissæ autem immediatæ actu sunt potiores & perfectiores immediatis virtute, quia hæc in sui cognitione dependent ab aliis, illæ vero non dependent. Deinde in potissima demonstratione demonstratur proprium passio de proprio subiecto, per propriam causam: hoc autem esse non potest nisi utraq; præmissa sit immediata actu; nam maior erit causalis, minor essentialis, ut si dicam; Omne rationale est risibile, omnis homo est rationalis, ergo omnis homo est risibilis.

Notat autem Aristoteles ad finem cap. 1. in demonstratione potissima præmissas non solum debere perfectissimè cognosci; sed etiam ea quæ sunt opposita præmissis esse potius incredibilia, ita ut sciat demonstrans solvere rationes contrarias; Quare enim inquit, simpliciter scientem à credulitate impermutabilem esse; hoc est, oportet contrariis opinionibus non moveri: quod requiritur quidem ad potissimam demonstrationem, tamen ad alias demonstrationes sufficit, ut ex propriis principiis, secundum se cognitis, conclusio demonstretur; ab illis enim tantum per se conclusio per se. Resistere verò contrariis opinionibus, pertinet quidem ad perfectionem quandam scientiæ, non tamen ea perfectio est essentialis, sed accidentalis, quare sine illa potest esse scientia.

Ex quo etiam soluitur illa quæstio, An præmissæ resolvendæ sint non solum à propriis principiis, sed etiam ad illa communissima. Quodlibet est vel non est. Notandum enim est per se & essentialiter requiri primam resolutionem quia à propriis principiis, per se pendet demonstratio, utpote in quibus continetur causa conclusionis. Posterioriorem verò resolutionem non requiri per se & essentialiter ad conclusionem, cuius notitia pendet sufficienter à propriis principiis, sed ad defendendum principia contra adversarium, & ad deducendum adversarium ad impossibile; Igitur autem demonstrationis contra adversarium, est quid accidentale demonstrationi.

Quæritur etiam solet: An omnis propositio immediata, sit per se nota & è conclusio? Respondeo, si ex natura rei loquamur, omnis propositio immediata, est per se nota: quia non habet medium aliquod ex natura rei, per quod cognoscatur à priori, sed immediatè ex ipsis terminis sit nota: quia termini sicut sunt causæ immediatæ suæ connexionis, ita & suæ cognitionis. Si verò loquamur respectu intellectus, sic potest propositio immediata quodam non non esse per se nota, quia nimirum terminos eius non perfecte apprehendimus: Nam licet cùcunque intellectus terminos bene intelligenti, sit per se nota, ei tamen qui terminos non perfecte intelligit, potest non esse per se nota. Similiter propositio mediata, etsi ex natura sua non sit per se nota, cum pendeat in sua notitia à causis à priori, per quam demonstrari potest: tamen per accidentis quoad nos, potest esse per se nota, non

Satis est ad actuale notitiam præmissarum ut intellectus habeat eas representet per reflectionem. Demonstratio potissima requirit præmissas immediatas actu, non virtute.

In demonstratione, & præmissæ, & earum rationes contrariæ, debent perfectissimè cognosci. Discrimen inter demonstrationem potissimam & alias. An præmissæ resolvendæ sint non solum ad principia propria, sed etiam communissima?

Quomodo propositio immediata sit per se nota dupliciter explicatur.

per aliud medium, ut si sensu videamus ecclipsim, sit nobis ecclipsis per se nota, etiam absque demonstrationem non adhibeamus.

# QVÆSTIO IV.

*An præmissa in demonstratione debeant esse priores & notiores naturâ conclusionem?*

**A**ristoteles tex. 5. probat, principia demonstrationis esse priora natura: quia sunt causæ: causa enim est prior natura suo effectu. Notiora verò natura probat ex eo, quia sunt præcognita, non solum illo altero modo, quod intelliguntur, sed & eo, quod cognoscuntur quod sunt: hoc est non solum præcognoscuntur inter conclusionem præcognitionem quid nominis, sed etiam præcognitionem quod sunt: præcognosci autem principia quod sunt est præcognosci illa vera esse.

*Præmissa in demonstratione sunt priores conclusionem duplici de causa.*

Dico primò. Præmissas in demonstratione esse priores naturâ conclusionem. Probatur ratione Aristotelis. Quia sunt causæ conclusionis. Dupliciter autem præmissæ dici possunt causa conclusionis. Primò; quia continent veram causam conclusionis. Dices, hoc non est ipsas præmissas esse causas, sed continere causam. Respondeo in demonstratione causam, eatenus esse causam conclusionis quatenus in præmissis coniungitur cum prædicato & subiecto conclusionis; non enim absolute ex causa inferitur conclusio, sed ex connexionem causæ cum extremis, quæ sit in præmissis. Ex tali enim connexionem sequitur ipsa quoque extrema connecti inter se in conclusionem. Quocirca præmissæ ipsæ continentem dictam connexionem causæ cum extremis sunt per se causæ conclusionis.

Secundò dici possunt causæ consequentis, quod virtute formæ & dispositionis terminorum, sint causæ ut sequatur ex necessitate conclusio. Verum hæc ratio capax, est communis demonstrationi cum aliis Syllogismis, prior verò est propria demonstrationi.

*In demonstratione præmissa sunt priores, & causæ etiam consequentis, quâ consequentis.*

Quod si quæras an in Syllogismo præmissæ sint priores natura conclusionem? Respondeo, eo modo quo sunt causæ conclusionis esse quoque natura priores conclusionem; Prioritas enim naturæ est prioritas causæ. Quare præmissæ in demonstratione absolute sunt priores naturâ conclusionem quia sunt causæ non solum consequentis sed etiam consequentis, in aliis verò Syllogismis sunt solum causæ consequentis non consequentis, idcirco secundum quid sunt natura priores conclusionem.

*In Syllogismo vero solum causæ consequentis.*

Dico secundò. Præmissas in demonstratione esse notiores natura conclusionem Ratio est; Quia causæ sunt notiores naturâ; at præmissæ sunt causæ conclusionis. Ergo sunt notiores naturâ. Et hoc modo intelligenda est ratio Aristotelis, quæ est si videatur omnibus præmissis cuiuscunque Syllogismi applicari posse, siquidem in omni Syllogismo præmissæ debent præcognosci, utraque præcognitionem: causam Aristoteles non absolute hoc dixit, sed locus est de præmissis quas dixerat esse causas conclusionis, & has ait esse notiores naturâ, quia præcognoscuntur ante conclusionem non quomodocunque sed ut causæ: Hoc autem modo habere præmissas notiores naturâ conclusionem proprium est demonstrationi.

*Præmissæ in demonstratione sunt notiores natura conclusionem.*

Pro quo notandum est. Notius natura esse illud à quo pendet notitia alterius ex natura rei, quomodo causa est notior natura effectui, effectus enim sicut in esse, ita & in cognosci pendet ex natura rei à sua causa, sic etiam singularia pendens in esse, & cognosci ab vniuersalibus; vniuersalia enim sunt essentia singularium, unde vniuersalia sunt priora & notiora natura singularibus, Notius autem quoad nos est illud quod à nobis prius vel facilius cognoscitur, licet ab illo notitia rei non pendeat ex natura sua; quomodo singularia dicit Aristoteles esse notiora quoad nos vniuersalibus, quia singularia sunt sensibilia, vniuersalia autem ut vniuersalia non sunt sensibilia, sensibilia verò sunt nobis notiora quia prius & facilius à nobis cognoscuntur; siquidem omnis nostra cognitio incipit à sensu; Sic etiam effectus ut plurimum sunt nobis notiores quia sunt sensibiles; causæ autem minus sunt sensibiles, quia minus sunt notæ.

Quod si quæras quo sensu Aristot. hic tex. 5. dicit vniuersalia esse notiora naturæ non nobis, in 1. verò Phys. docet contrarium tex. 4. & 5, ab vniuersalibus procedendum esse ad singularia tantum à notioribus nobis; totum enim (inquit) & consilium est notius nobis, vniuersalia autem sunt totum quid & consilium respectu singularium.

Respondeo omisiss variis expositionibus, hoc loco, Philosophum loqui de vniuersalibus ut opponitur singulari, & est à singulari abstractum. Ait igitur singulare quoad nos esse notius, quia propinquius sensui, vniuersale ignotius, quia remotius sensui vtote abstractum, non enim sensus percipit vniuersale sed singulare, ut idem Philosophus docet 2. Postero. vltimeo. Porro eo fine id dixit Aristoteles vniuersale esse ignotius nobis, notius autem naturæ: quia demonstratio procedit per sensum non singulares sed vniuersales, Verbi gratia, demonstratur hominem esse rationalem per rationalitatem non hanc vel illam sed in communi & absolute acceptam, ita vt si necesse in demonstratione causam abstrahi à singularibus, & eam in vniuersali considerari; causa autem in vniuersali est nobis ignotior dupliciter: Primo quia abstracta: concreta enim sunt notiora abstractis: Secundo; quia vniuersale & respiciens multa; facilius enim est cognoscere hanc rationalitatem quam omnem rationalitatem, quia ad hoc plura cognoscenda sunt quàm ad illud. Summa igitur rei est quia Aristoteles 1. Postero. considerat vniuersalia quatenus sunt & abstracta & ad plura se extendunt; hoc autem modo vniuersalia sunt ignotiora nobis, ut dictum est; idcirco dixit absolute, vniuersalia esse ignotiora nobis. In primo vero Physicorum comparat vniuersalia cum minus vniuersalibus quatenus ipsius singularibus nobis innotescunt & dicit; magis vniuersalia, id est, singularia magis vniuersalium, esse notiora nobis, minus vniuersalibus id est singularibus minus vniuersalium: Idque ex eo probat quod consilia & indeterminata facilius à nobis cognoscuntur (vtote imperfecta) quam distincta & determinata, vniuersale autem quod magis est vniuersale, est magis consilium & indeterminatum & imperfectum, quàm minus vniuersale quod est magis distinctum & determinatum & perfectum. Quæritur verumque verum est diuersa ratione: Magis vniuersalia esse nobis notiora & ignotiora.

Paret verò hanc esse mentem Aristotelis. Primo ex fine: Ex eo enim quod vniuersalia sunt nobis notiora; inferit procedendum esse ab vniuersalibus ad minus vniuersalia cognoscenda, à genere ad speciem: & de facto ita procedit ibi inuestigatio principis; Etius eum considerat principia sub communissima ratione &

*Quid sit notius natura?*

*Quid sit notius quoad nos?*

*Quomodo vniuersalia sint notiora natura & nobis secundum Aristotelem.*

*Quia demonstratio procedit per causas vniuersales, idcirco Aristoteles dixit vniuersalia esse notiora natura.*

*Causa in vniuersali est nobis ignotior dupliciter.*

*Mens Aristotelis variis comprobatur.*



& maxime generica, & querit an principium sit vnum an plura? si plura an finita vel infinita: Si finita an tria vel plura vel pauciora? Item an mobilia vel immobilia? His verò rationibus genericis determinatis venit ad specificas rationes principiorum naturalium. Secundo ex exemplis. Totum enim inquit est notius quia consulum & indeterminatum. Verbi gratia, Totam imaginem prius & facilius cognoscimus in confuso, tum verò singulas eius partes maiori cum labore distinguimus. Vniuersale autem est totum quoddam continens sub se multas species confusè & indistinctè. Similiter definitum facilius cognoscitur quàm definitum, quia indistinctè & confusè significat: definitio autem distinctè & determinatè quoad singulas partes. Similiter pueri primum omnes viros indistinctè apprehensos patres appellant, & omnes fœminas matres, postea autem distinctè & determinatè concipiunt. Quæ omnia indicant, sub ratione generica facilius rem cognosci, quàm sub specifica. Itaque licet quoad vniuersalitatem & abstractionem vniuersalia sint nobis ignotiora: tamen vt existunt in singularibus sunt nobis notiora: Nam quæ magis sunt vniuersalia, dicunt magis imperfectam entitatem, imperfecta autem facilius cognosci possunt, quia ad ea minus vitium requiritur, sicut & ad minora onera portanda: de qua res plura in primo Phys.

*Si cause sint  
notissimæ præ-  
missas in de-  
monstratione  
esse notiores  
tam natura  
quàm quoad  
nos.*

*Quomodo in-  
telligendum  
non idem no-  
tius nobis &  
natura.*

*Dupliciter  
potest aliquid  
dici notius no-  
bis.*

Quod si queras an præmissæ in demonstratione debeant esse notiores tam naturâ quàm quoad nos? Respondeo, posse quidem esse viroque modo notiores si causæ sint notissimæ vt in Mathematicis. Neque obstat quod hic docet Philosophus non idem esse notius nobis & natura, id enim non eo sensu accipiendum est quod nunquam possint ista concurrere, sed solum quod alia ratione dicatur aliquid nobis notius, alia notius natura. Dico tamen non esse id necesse vt præmissæ in demonstratione sint notiores nobis & natura, quia vt plurimum causæ sunt nobis ignotiores quia minus sensibus expositæ. Quare præmissæ cum contineant causam conclusionis, non est necesse, vt sint nobis notiores.

Quod sit obiciis. Præmissas Aristotele teste debere esse nobis magis notas, quàm conclusionem cum sint ratio cognoscendi conclusionem: Ergo debent esse notiores nobis. Respondeo dupliciter aliquid potest dici notius nobis vel quia facilius & prius secundum modum nostrum cognoscendi vel quia perfectius a nobis cognoscitur. Nos igitur hic loquimur de notiori nobis primo modo: nam singularia & sensibilia ab Aristotele dicuntur notiora nobis, quia prius secundum ordinem nostri modi cognoscendi, & facilius quàm vniuersalia & insensibilia nobis cognoscuntur; Posteriori verò modo præmissæ dicuntur notiores nobis quia) siue prius & facilius siue difficilius cognoscantur) debent perfectius cognosci, & magis sciri quàm conclusio: & sic cognitæ, debent præcedere notitiam conclusionis.

## QVÆSTIO V.

*An præmissa in demonstratione debeant  
esse magis, id est, perfectius nota  
quàm conclusio?*

Aristoteles sub finem tex. 5. probat in demonstratione magis scire præmissas quàm conclusionem, & necesse esse ut magis credatur principiis quàm conclusioni semper enim, inquit, propter quod est vnum quodq; tale, & ipsum magis: propter quod amamus, illud amicum magis; At propter præmissas credimus conclusioni & scimus conclusionem: Ergo magis credimus præmissis quàm conclusioni & magis scimus præmissas quàm conclusionem.

Contra quam rationem Aristotelis multæ difficultates obijciuntur. Videtur enim tota fundari in hoc quòd causa sit magis talis quàm effectus quod non est semper verum. Sol enim est causa caloris cum ipse non sit calidus, vinum est causa ebrietatis cum ipsum non sit ebrium. Deinde esto, intelligatur ratio Aristotelis non de omni causa, sed de ea quæ talis est qualis effectus, adhuc tamen non est necesse causam magis talem, sed satis est esse æquæ talem; Ignis enim generans est æquæ calidus ac ignis à se genitus; Potest enim causa ad æquatum sibi effectum producere. Quare & præmissæ poterunt producere certitudinem sibi æqualem.

Omnes varijs expositionibus quas ad salvandam rationem Aristotelis varij exponerant, dico non recedendum esse ab ipsa expositione Aristotelis, qui satis ipsum in textu explicavit, quo sensu illam propositionem acceperit. Propter quod vnum quodq; tale & illud magis. Duo igitur requirit Aristoteles ad illam propositionem verificandam. Primò, ut vtrumq; sit tale. Secundò, ut vnum sit tale, quia aliud est tale, ita ut vnum esse tale sit ratio & causa proxima & formativa, cui aliud sit tale. Vtraque conditio colligitur ex ipso Axiomate. Prima quidem ex illis verbis, Magis tale, non potest enim dici magis tale, nisi sit tale. Possidet ex illis, Propter quod, quibus significatur causa proxima non remota, ita ut sit sensus, cum aliquid est tale propterea quod aliud est tale, illud aliud erit magis tale. Quod patet tum ex fine, & applicatione huius propositionis, tum ex exemplo. Exemplum affert Aristoteles, cum vnum amamus propter alium; tunc etiam vtrumq; amatur, sed illud magis propter quod aliud amatur, hoc enim amatur per se, illud verò propter aliud: à quo etiam mutuatur causam amoris. Applicat vero propositionem Aristoteles ad demonstrationem; quia enim conclusionem scimus propter principia, ideo principia magis scimus, in qua applicatione vtrumque invenitur: Nam & principia sciuntur, & conclusio scitur: sed conclusio scitur propter principia, tanquam propter rationem formalem sciendi, & ideo ipsa principia magis sciuntur, quia per se sciuntur & sunt ratio sciendi conclusionem.

Hoc igitur sensu propositio dicta verissima est, & omnes instantiæ in contrarium facile dilui possunt defectu vel primæ vel secundæ conditionis, ut si quis op-

*Sensus axi-  
omati illius,  
Propter quod  
vnum quodq;  
tale, &c.*

ponat. Petrum esse ebrium propter vinum, Ergo vinum est magis ebrium, non valet ob defectum primæ conditionis, quia vinum non est ebrium, quare nec magis nec minus est ebrium; neque etiam ideo Petrus est ebrius quia vinum est ebrium. Similiter si quis dicat. Filius est homo propter patrem, ergo pater est magis homo, non valet ob defectum secundæ conditionis; Non enim filius est homo quia pater est homo; hæc enim causa non est sufficiens & proxima generationis filij, sed tantum remota & sine qua non; vt per se manifestum est, nam & alij præter patrem sunt homines, & pater nisi generet actu non erit pater.

Quo etiam modo non valet; Ignis genitus est calidus propter ignem generantem, ergo ignis generans est magis calidus, non enim ignis genitus ideo est calidus quia ignis generans est calidus, hæc enim non est proxima causa talis effectus, sed calefactio quæ æquè potest esse ab actu calido sicut à virtute calido. Spectare autem ista ratio proxima præcipuè in materia obiectorum potentiarum, quando enim vnum obiectum est ratio formalis aliud vel cognoscendi, vel volendi, tunc ipsum est magis cognitum.

*Premissæ sunt magis notæ conclusio-  
ne propter in-  
dependentiam  
in cognitione.*

Iam igitur si quæras quo sensu præmissæ dicuntur magis notæ quam conclusio, Respondeo non esse magis notas propter maiorem intensionem, sed propter independentiam in cognitione; quia enim præmissæ sunt per se notæ & independentes ab alio, conclusio verò est nota propter præmissas & cum dependentia à præmissis, ideo præmissæ sunt magis notæ quàm conclusio. Nam quod ad intensionem attinet, potest vnum cognosci vel amari propter aliud, etiam si vtutemque actu æquè intensio cognoscatur & ametur. Vt si quis amet patrem propter se, filium verò propter patrem, potest æquè intensum actum amonis habere circa vtutemque, cum ex libera voluntate pendeat intensio actus. Simili ratione potest quis æquali intensione amare finem & media: Nam si eodem actu potest quis amare media propter finem, qui actus non est magis intensus vt terminatur ad finem, quàm vt terminatur ad media, cum sit vnus & idem, certè si fuerint distincti actus circum finem & media, poterunt etiam esse æquè intensi. Quod vero ratione independentiæ in cognitione, sint præmissæ magis notæ quàm conclusio, patet quia, cognitio independentis est perfectior cognitione dependente, ideo, in genere cognitionis, magisq; res cognoscitur quando independentem cognoscitur, magis quando dependenter.

Dices, ignis genitus non est minus calidus ex eo quod dependet ab igne generante, Respondeo vtutemque ignem tam generantem quàm genitum esse dependentem, ideoq; eo nomine vnum non esse magis vel minus perfectum altero. Deinde dupliciter aliquid potest dependere ab altero: per se vel per accidens. Per se pendet quod ex vi suæ essentiæ dependet ab altero, quia tale est: per accidens vero quod dependet quidem de facto ab altero, non tamen ex vi essentiæ, quia essentia non postulat vt sit ab isto, sed æquè potest esse ab altero. Sic ignis genitus dependet à generante solum per accidens, non verò essentialiter quia totus sine illi generari, & ex sua essentia non requirit, vt ab illo generetur. Conclusio verò dependet à præmissis in sui notitia essentialiter, quia dicit ordinem ad præmissas, quàm ad rationem formalem assentiendi. Id ergo quod dependet ab alio per se essentialiter, est imperfectius illo quod est in eo genere dependens.

*Dupliciter  
aliquid potest  
dependere ab  
altero per se  
& per acci-  
dens.*

At inquit præmissæ mediæ dependent etiam ipsæ ab alijs præmissis: Ergo si tunc non erunt magis notæ quam conclusio. Respondeo. Præmissas medias debere dependere quam conclusionem: quia à præcioribus præmissis dependent, quam conclusio, unde quia sunt magis propinquæ principijs immediatis, sunt magis certæ quam conclusio.

Sed obijcies primò. Causa non impedita potest producere æqualem sibi effectum: Ergo & præmissæ possunt producere æqualem sibi certitudinem. Resp. *Cause univo-*  
cum id esse de causis univocis non æquivocis; Causa enim æquivoca semper est, *ca possunt æ-*  
vel & perfectior suo effectui: principia autem, sunt causa æquivoca respectu con- *qualem sibi*  
clusionis. Deinde etiam causa univoca non æquè perfectum producit effectum in *producere ef-*  
remoto, sicut in proximo ut patet in igne calefaciente: Ergo etiam principia imme- *fectum non*  
diata non æquè perfectam certitudinem causabunt in remota conclusione sicut in *vero æquivo-*  
proxima. *ca.*

Obijcies secundò. Interdum conclusio nobis est magis nota, quam præmissæ, quia est magis sensibilis, Respondeo per accidens esse quod aliunde conclusio sit magis nota, nam sub ea ratione sub qua ex præmissis infertur, est minus nota quam præmissæ.

Obijcies tertio. Saltem tunc quando causa sit nobis nota ex effectu ut communiter accidit, non potest in præmissis esse notior effectu. Respondeo potest quidem *Intellectus*  
intellectus ex effectu venire in cognitionem causæ: tamen postquam cognovit cau- *quomodo ex*  
sam ex effectu, penetrat illam: tanquam obiectum sibi proportionatum, & non am- *effectu possit*  
plius assentitur illi propter effectum, sed propter se ipsam licet prima origo cogniti- *venire in cog-*  
onis fuerit ab effectu: Tunc verò ex causa sic penetrata independentè ab effectu, *nitionem cau-*  
procedit ad cognoscendum scientificè effectum, in qua cognitione causa magis cog- *sa maiorem.*  
noscitur quam effectus, quia est ratio cognoscendi effectum. Similiter si huius pro-  
positionis, Omne totum maius est sua parte, primam notitiam habuerim ex expe-  
rientia sensibili in ligno, postea tamen cum ipsam propositionem secundum se pe-  
netramus magis, & intelligo, sit ut ex ea sic cognita, inferam aliquid.

Obijcies quartò. Non potest esse maior certitudo quam cum ita res creditur ut impossibile sit aliter se habere: at hoc modo scitur conclusio in demonstratione exacte ex definitione scientiæ: Ergo præmissæ non possunt magis sciri quam conclusio. Respondeo esse quidem illam summam certitudinem cum existimatur impossibile rem aliter se habere, ita ut ultra illam non deat maior certitudo: tamen intra latitudinem ipsius potest dari maior & minor certitudo, vtpote si ha-  
uerim per medium magis vel minus immutabile. Sic credere aliquid propter au-  
thoritatem divinam impossibile aliter se habere, est magis certum, quam id ip-  
sum credere per demonstrationem à priori vel posteriori, quia magis impos-  
sibile est id quod Deus dicit non esse verum, quam id quod demonstratur:  
et enim Deus Ens magis immutabile & necessarium quam quodlibet Ens cre-  
atum.

Quærit etiam potest. An necesse sit utramque præmissam esse notio-  
riorem. Ratio dubitationis sumitur ex verbis Aristotelis qui in fine capitis se-  
cundi ait, magis necesse esse credere principijs aut omnibus, aut quibus-  
libet quam conclusioni. Dicendum tamen est utramque præmissam debere esse  
notiorem conclusioni, ita ut si una certa sit, altera dubia vel probabilis, con-  
clusio non erit certa, sed vel dubia vel probabilis; conclusio enim semper  
sequitur

sequitur debiliorem partem. Et ratio est quia conclusionis assensus ab utraque præmissa æquè dependet, quia enim medium coniungitur cum subiecto conclusionis in Maiori, cum prædicato in Maiori, ideo termini isti coniunguntur in conclusione inter se.

Quare nisi certum sit medium coniungi cum utroque extremo, non erit certum extrema coniungi inter se. Simili ratione probatur conclusionem Theologicam quæ infertur ex una lumine naturali nota, & altera de fide, esse inevidentem; quæ evidentia conclusionis dependet ab evidentia utriusque præmissæ, hoc est, ab evidenti connexionem medij tam cum prædicato quam cum subiecto conclusionis. Aristoteles verò cum ait, opus esse magis credere principijs aut omnibus aut quibusdam: id propterea dixit, vel quia conclusio potest esse aliunde magis nota, altera præmissarum: ut Ecclipsis Lunæ ex sensu, ut exponit S. Thomas: vel loquitur propter illa principia, à quibus non per se pendet conclusio, utpote quæ non causant, sed duntaxat tantum & iuvant cognitionem conclusionis: vel denique loquitur permissivè, quod, ut minimum, debeat quibusdam principijs si non omnibus magis credi quam conclusioni.

## QVÆSTIO VI.

*An, & ex quibus causis demonstratio-  
nem esse oporteat?*

**A**ristoteles tex 5. probat demonstrationem procedere ex causis conclusionis. Scire enim est rem per causam cognoscere, demonstratio verò facit scire. Ergo rem per causam demonstrat. Deinde, conclusio in demonstratione non est mediata nec per se nota: habet igitur ex natura rei medium, per quod à priori demonstrari possit: medium autem ex natura rei est causa. Denique perfectæ rei cognitio requirit ut cognoscatur res sicuti est: Si ergo conclusio habet suum esse ex vi causæ non cognoscetur perfectè nisi per causam.

Dices: dati demonstrationem a posteriori per effectum. Resp. hanc demonstrationem non esse perfectam quia non facit cognosci conclusionem ex illis principijs à quibus pendet, ex natura rei, sed ex alijs principijs, ex quibus non dependet ex natura rei, sed tantum quoad nos.

Potero hæc causa in demonstratione debet esse causa prædicati conclusionis, scilicet passionis illius, quæ demonstratur de subiecto: esse enim passionis, est inesse subiecto; ergo quod est causa passionis ut sit; eo ipso est causa passionis ut inest; & consequenti, est causa totius conclusionis, quæ formaliter dicit existentiam passionis in subiecto.

Ad hæc non satis est esse quæcumque causam passionis, sed oportet esse adequatam, & convertibilem cum ipsa, in hoc sensu, ut posita causa, ponatur passio, & vicissim posita passio, ponatur causa. Ratio est: quia demonstratio debet procedere per causam propriam, per se & necessariam, ut infra docet Aristoteles: si causa potest esse sine effectû, non erit causa necessaria, sed contingens: Si

*Demonstratio  
per effectum  
non est perfe-  
cta.*

*Causa in demon-  
stratione  
debet esse cau-  
sa passionis  
quæ demon-  
stratur de  
subiecto.*

*Causa passio-  
nis debet esse  
adequata &  
convertibilis  
cum ipsa.*

id effectus potest esse sine illa, non erit causa propria, & per se: utrumq; autem repugnat perfectæ scientiæ: scire enim est per propriam causam. Propter quam res est cognoscere, idq; necessariò, ut non contingat rem aliter habere. Debet igitur causa in demonstratione esse convertibilis cum suo effectû, alioquin non erit vel necessaria vel propria. Talis causa est rationalitas respectu risibilitatis: Nam illa posita, ponitur risibilitas, & posita risibilitate, ponitur rationalitas.

Attingens. Rationalitas est quidem causa adæquata, & convertibilis, sed non proxima & immediata: Nam inter rationale & risibile intercedunt duæ aliæ causæ propinquiores, nempe discursivum & admirativum. Ideo enim est risibile, quia admirativum, idèò admirativum quia discursivum, idèò discursivum, quia rationale. Respondeo, non obstat demonstrationi, quod procedat ex causa remota, dummodo sit convertibilis cum effectû; Talis enim causa etsi remota, & mediata sit, continet tamen in se proximam, & immediatam, & in eam resolvitur. Si enim neges quod, omne rationale esse risibile, probabitur per discursivum, & admirativum, utramque per causas contentas in rationali. Et sicuti supra diximus non obstat demonstrationi, si præmissæ sint mediata, dummodo ad immediatas resolvantur, ita nunc dicimus non obstat demonstrationi, quod sit ex causa remota; & mediata, dummodo hæc causa resolvatur in proximam & immediatam, eamq; virtute continere.

Talis est omnis causa convertibilis cum effectû: Nam vel est causa effectûs immediata, vel si sit mediata, continet immediatam. Obstat autem demonstrationi, si causa remota non sit convertibilis, neq; contineat in se proximam causam effectûs: quomodo animal est causa remota respirationis; Si enim respirat, est animal, non tamen è contra, si est animal respirat; multa enim animalia non respirant, ut pisces, qui in aqua non verò in aëre vivunt, imò positi in aëre moriuntur. Unde talis causa remota non convertibilis, neq; ad affirmativam, neq; ad negativam demonstrationem adhiberi potest: nam in affirmativa, effectus debet universaliter affirmari de causa in Maiori: at respiratio non potest universaliter de animalibus affirmari in Maiori, quia non omne animal respirat. In negativa verò potest quidem adhiberi in maiori demonstrationis. Quia, non tamen ut medium demonstrationis propter quod. Ut si dicam omne quod respirat, est animal: Nulla planta est animal: ergo nulla planta respirat. Hæc demonstratio probat solum quod sit effectus, non verò propter quid sit; non enim hæc est causa non respirationis, quia non est animal, non etiam si planta esset animal, posset non respirare; ut enim rectè docet Aristoteles: Si negatio est causa adæquata negationis, etiam affirmatio est causa adæquata affirmationis: & quia animal non est causa adæquata respirationis, idèò nec necesse animalis, est causa adæquata non respirationis.

Dubietur autem primò. An per quodlibet genus causæ, possit fieri demonstratio. Videatur affirmare Aristoteles 2. Poster. cap. 7. idque variis exemplis subiectis ostendit: Pro quo notandum est, causam in demonstratione, convenire quidem subiecto, sed in ordine ad prædicatum, ut rationalitas convenit homini in ordine ad risibilitatem. Quia enim passio in demonstratione convenit subiecto medianter sua causa, idèò necesse est causam prius convenire subiecto, ut ea mediante conveniat passio eidem subiecto. Causa igitur in demonstratione potest considerari, vel in ordine ad passionem, ut est causa passionis intrinseca, vel extrinseca, vel in ordine ad subiectum, ut est causa subiecti intrinseca vel extrinseca. Priori modo cau-

*Demonstratio procedens ex causa remota modo sit convertibilis continet in se proxima.*

*Causa remota non convertibilis obstat Demonstrationi.*

*Positæ demonstrationi per quodlibet genus causa fieri?*

*Causa in demonstratione convenit subiecto, sed in ordine ad prædicatum.*

*Causa in demonstratione variè consideratur.*

sa formaliter spectat ad demonstrationem; adhibetur enim ad demonstrationem, quatenus est causa passionis: esse verò causam subiecti, per accidens est ad demonstrationem.

*Demonstratio  
solum procedit  
per causam  
extrinsecam,  
si de causa  
formaliter lo-  
quamur ut est  
causa passio-  
nis.*

*Causa intrin-  
seca passionis,  
non est medi-  
um in demon-  
stratione.*

*Discrimen in-  
ter definitio-  
nem subiecti &  
passionis.*

*Definitio non  
potest esse  
mediū demon-  
strationis.*

Dico igitur primò. Si loquamur de causa formaliter, ut est causa passionis, demonstratio non procedit per omne genus causæ, sed tantum per causam extrinsecam, quæ est causa efficiens, vel finalis, non verò per causam intrinsecam, quæ est causa materialis & formalis. Ratio est: quia causa in demonstratione, sumenda est formaliter ut est causa passionis; Sic enim est causa conclusionis, & causa existentie passionis in subiecto, quod formaliter consideratur in demonstratione: æqui talis causa semper est extrinseca passioni, ergo in demonstratione semper assumitur causa extrinseca passionis. Minor probatur: nam causa intrinseca est duplex, materialis & formalis. Causam materiale propriè non habet passio, quia non componitur ex materia vlla, & quamvis habeat materiam, in qua, non ex qua, tamen materia in qua, non est causa intrinseca eius quod in ea existit sed extrinseca; Est enim extra entitatem & essentiam ipsius. Causam verò formalem habet quidem passio, nempe illam quæ continetur in definitione passionis, verum talis causa, non potest servire demonstrationi, quia est æquè ignota ac passio: Nam licet definitio sit notior definito, tamen in ordine ad subiectum, æquè ignotum est utrumque, ita ut qui negat passionem convenire subiecto, neget etiam definitionem passionis eidem convenire.

At inquit definitio subiecti potest esse medium in demonstratione, ergo & definitio passionis: Nam per definitionem hominis probo illi convenire risibilitatem: ergo possem idem probare per definitionem risibilitatis. Respondeo esse disparem rationem. Nam definitio subiecti potest continere causam veram passionis propter quam convenit passio subiecto, ut rationale dicit causam veram risibilitatis, & eius inexistentiæ in homine: at definitio passionis, non continet causam propter quam passio conveniat subiecto; Solum enim est causa constitutiva effectus passionis, non verò est causa quod talis passio conveniat subiecto: Nam licet passio ex sua essentia, postulet tale subiectum, tamen non ideo postulat quod in se habeat causam existentie, sed quod in subiecto habeat causam cur illi existere debeat, unde postulat subiectum, sicut effectus postulat causam, non sicut causa postulat effectum. Quocirca æquè ignotum est passionem convenire subiecto, sicut & eius definitionem, & ignotum per ignotum probatur quando per definitionem passionis, sit probatio. Quo etiam sensu dixit Aristot. peti principium quando per definitionem sit demonstratio. Nam si definitio solum sit definitio, & non contineat causam veram passionis, erit mera petitio principii: quod enim negatur de definito, negabitur & de definitione, & e contra; at si definitio non solum sit definitio, sed etiam contineat veram causam passionis, tunc definitio potest esse notum in demonstratione, non ut definitio, sed ut causa, & non probabitur idem per idem quod licet definitio sit idem cum definito ut definitum est, tamen in definitione potest exprimi vera causa passionis, quæ ignorabatur, & non exprimebatur in definito.

At obijcies, potest esse demonstratio per causam materiale subiecti, quæ est etiam causa passionis, ut si demonstrarem animal esse corruptibile quia est compositum ex quatuor elementis. Respondeo causam illam quæ est materialis respectu subiecti, esse causam efficientem respectu passionis, quare non ut materialis



sed ut efficiens est causa passionis, & ut sic adhibetur ad demonstrationem, ut causa que est  
 et in eodem exemplo: Nam corruptibilitas respectu elementorum, habet se ut ef-  
 fectus, seu, ut proprietas fluens ab illorum pextimixtione: elementa enim in genere *specie subie-*  
 causæ efficientis efficiunt corruptionem animalis. Similiter cum animal proba-  
 tur esse quantum, ex eo quod est materiale & corporeum, corpus & materia sunt *specie subie-*  
 quodam causa materialis constitutiva animalis, sed quantitatis & divisibilitatis sunt *specie passio-*  
 causæ effectiva, quia quantitas fluit ab essentia materiæ & corporis, sicut risibilitas *nisi, est medi-*  
 irationalitate. Quia igitur in demonstratione causa materialis subiecti adhibetur *um in Demon-*  
 tanquam id ex quo fluit passio, id autem ex quo fluit passio est causa efficiens pas-  
 sionis, idcirco dicimus causam materialem subiecti, non esse materialem sed effi-  
 cientem respectu passionis,

At obijciat, subiectum est verè causa materialis respectu formæ inexistentis, &  
 exercet circa illam causalitatem materialem subiectivam, receptivam, susten-  
 tantem: Ergo passio potest probari per subiectum, tanquam per causam materia-  
 lem. Respondeo, subiectum et si exercet rationem causæ materialis circa  
 passionem, dum illam recipit, & sustentat subiectivè, tamen hoc modo causa ma-  
 terialis exercet rationem causæ extrinsecæ; Sola enim materia ex qua est intrin-  
 seca, ut verò est in qua, causat formam extrinsecè, quia est extra essentiam ipsius. *Sola materia*  
 licet sit quodam sensu intrinseca, quia intra se recipit formam, tamen *ex qua est in-*  
 hoc non sufficit ad rationem causæ intrinsecæ, cum etiam efficiens possit produ-  
 cere effectum intra se, ut fit in actione immanenti, & tamen hoc non obstante *trinseca ut*  
 dicitur causa extrinseca, Deinde dico materiam, & si hoc modo sit causa passionis, *vero est in*  
 non tamen est talis causa quæ possit adhiberi ad demonstrationem: quia hoc *qua causat*  
 modo solum est causa passionis, quoad existentiam non quoad essentiam, seu est *formam ex-*  
 causa: passio existit non verò ut talis in essentia existat. Talis autem causa *trinseca.*  
 non est pro demonstratione, quia est causa ex genere suo contingens: nam & ac-  
 cidentium contingentium hoc modo est causa subiectum non necessaria; Ex eo  
 enim quod aliquid accidens recipitur vel sustentatur in aliquo subiecto, non se-  
 quitur quod necessariò existat; potest enim non existere, & non sustentari: quod  
 aliquando non possit non existere, id non oritur ex vi receptionis, & sustentati-  
 onis, sed aliunde, & ex alio capite; quia nimirum in recipiente & sustentante in-  
 veniatur alia causa necessaria talis accidentis, quæ causa non est receptiva, sed effi-  
 ciens talis accidentis. Porro ad demonstrationem requiritur causa necessaria pas-  
 sionis, quæ sit causa passionis, non solum quoad existentiam, sed etiam quoad es-  
 sentiam, seu quatenus talis est; Sic enim semper & ubique, & secundum quod ip-  
 sam, est causa talis passionis. Sic rationalitas est causa risibilitatis, ut risibilitas est,  
 & alio semper & ubique & secundum quod ipsum. Ex quo patet quod si subie-  
 ctum sit causa necessaria passionis, non est causa, ut est recipiens & sustentans, sed  
 ut est efficiens illam passionem, seu ut illa passio fluit ab essentia talis subiecti, in  
 quo subiectum non exercet rationem subiecti causæ materialis, sed rationem cau-  
 sæ efficientis.

Dico secundo, causa efficiens per quam fit demonstratio, debet esse causa pas-  
 sionis, non solum quoad existentiam, sed etiam quoad essentiam. Ratio est: quia  
 demonstratio debet esse per causam necessariam non contingentem, & causa effi-  
 ciens quæ est solum causa quoad existentiam, est causa contingens; ergo non po-  
 test

*Ad demon-*  
*strationem re-*  
*quiritur cau-*  
*sa necessaria*  
*passionis non*  
*solum quoad*  
*existentiam*  
*sed etiam quo-*  
*ad essentiam.*  
*Causa effi-*  
*ciens debet esse*  
*causa passio-*  
*nis tam quoad*  
*ad existentiam*  
*quam quoad*  
*essentiam in demon-*  
*stratione.*

test esse causa in demonstratione, Minor probatur primo Inductione: Ignis enim calefaciens est causa caloris in ligno solum quoad existentiam, hoc est vt calor existat in ligno, non verò causa est caloris vt calor est, & idcirco est causa contingens: quia & sine illo poterat lignum esse calidum aliunde, & eo ablato adhuc remanet lignum calidum, quod autem est caloris causa vt calor est, debet esse causa omnis caloris, semper & vbique. Secundo ratione: Quia existentia, rebus creatis est contingens: possunt enim res esse & non esse in mundo: Ergo quod est causa rei solum quoad existentiam est, est causa eius contingens; Quia igitur causa contingens non pertinet ad demonstrationem, ideo requiritur vt sit causa rei, non solum quoad existentiam, sed etiam quoad essentiam. Dicitur autem eausari res quoad essentiam, quando causatur vt talis, ita vt à causa habeat non solum quod existat, sed etiam quod talis specie existat, quomodo visibilis causatur à rationalitate. Et hoc sensu dicitur à Philosophis, demonstrationem procedere per causam formalem; non enim in hoc sensu dicitur causa formalis, quod sit forma intrinseca passionis, sed quod etsi sit extrinseca passioni, tamen causat illam sub sua ratione formali, & quia talis est; quod est esse causam passionis quoad essentiam: Ex eodem enim capite causa in demonstratione, est causa semper, & vbique talis passio; quod enim est causa passionis, quatale est, semper & vbique est illius causa, quod eum convenit rei, quia talis semper & vbique convenit, qua semper & vbique est talis; vt, quod homini convenit, quia rationalis est, semper & vbique illi convenit. In hoc etiam sensu causa in demonstratione dicitur debere esse adæquata effectui, non quod non possit se extendere ad alios etiam effectus; nam rationale quod dicitur esse causa adæquata visibilitatis, extendit se etiam ad alia præter visibilitatem, sed dicitur adæquata, quia convertibilis, ita vt non possit poni talis causa, nisi ponatur talis effectus, nec potest poni talis effectus nisi ponatur talis causa.

*Quid sit causari rem quoad essentiam.*

*Causa in Demonstratione debet esse adæquata.*

*Per causam finalem passionis potest fieri demonstratio.*

Dico Tertio, per causam etiam finalem passionis, posse fieri demonstrationem dummodo sit causa passionis, non solum quoad existentiam, sed etiam quoad essentiam, ad eum modum quo in conclusione præcedenti de causa efficiente dicebamus. Et ratio est, Quia finis est vera & propria causa, propter quam res est. Ergo potest per eam passio demonstrari à priori: Quia verò causa rei quoad existentiam est contingens, causa verò rei quoad essentiam est necessaria, idcirco à causa finalis, prout assumitur ad demonstrationem debet esse causa passionis, quoad essentiam, hoc est passionis quia talis est formaliter; Potest enim finis esse causa, solum quoad existentiam, quando est finis non ex natura & essentia rei, sed electione vel extrinseca rei ordinatione ad illum finem, vt si quis studeat Medicinæ, vel Iurisprudentiæ, propter opes & honores; Dat enim Galenus opes, Iulianus honores, opes sunt causa finalis Medicinæ, solum hoc respectu, vt crassa Medicina & accurratur ad me, non verò sunt causa, quoad essentiam, quia medicum ex sua essentia, & ratione formali, non ordinatur ad opes, & sic opes sunt causa finalis contingens non necessaria, Finis autem Medicinæ quoad essentiam est valetudo corporis: nam & sanatio requirit artem Medicinæ, & ars Medicinæ ex sua essentia ordinatur ad sanationem. Sic etiam homo ex sua essentia ordinatur ad felicitatem, & demonstratur esse rationalis ex fine, quia quod est ordinatum, ad felicitatem, debet esse rationale.

Dico quarto. Etsi propriè & formaliter loquendo demonstratio sit tantum per duplex genus causæ, nempe per causam efficientem & finalem; tamen

tamen

materialiter loquendo concedi potest, posse etiam fieri per genus causæ formalis, & materialis subiecti. Ratio est quia causa, quæ est efficiens passionis, potest esse formalis vel materialis subiecti. Ergo in sensu materiali verum erit dicere, demonstrationem procedere per causam materiale vel formalem, licet non sit verum dicere in sensu formali: quia causa materialis & formalis, adhibetur in demonstratione, non ut est materialis vel formalis, sed ut est efficiens passionis; Et hoc modo interpretor Aristotelem dicentem, demonstrationem fieri per omne genus causæ.

Vnicum restat solvendum, quod si demonstratio fieri potest per causam finalem, sequitur nullam propositionem esse immediatam; Propositiones enim immediatæ fiuntur, vel causales, vel essentielles, utæque autem possunt demonstrari per causam finalem.

Respondendo propositiones immediatas satis est esse immediatas in illo genere causæ, quia nimirum in genere causæ efficientis, non habent aliam causam priorem, per quam demonstrari possint; Potest tamen causa efficiens demonstrari per causam finalem & finalis per efficientem, causæ enim possunt esse sibi invicem causæ ut docetur secundo Physic.

Dico quintò. Ad omnimodam rei scientiam requiritur demonstratio per omnes causas; quia cum scire sit rem per causam cognoscere, non potest res perfectè sciri, nisi omnes rei causæ cognoscantur; non tamen est necesse, ut omnes causæ in una demonstrationem compingantur, sed plures demonstrationes fieri debent per diversas causas, ut res illa perfectè cognoscatur.

*Materialiter loquendo demonstratio potest etiam fieri per genus causæ formalis & materialis subiecti.*

*Propositiones immediatæ in genere causæ efficientis non habent aliam causam priorem per quam demonstrantur.*

*Ad omnimodam rei scientiam demonstratio postulat omnes causas.*

## QVÆSTIO VII.

*An causa virtualis sufficiat ad demonstrationem?*

Causa virtualis opponitur hoc loco causæ actuali. Dicitur autem actualis, quæ habet rationem causæ actus, ita ut actu causet, vel saltem causare possit, causa vero virtualis dicitur, quæ non habet rationem causæ actus, sed virtutis: quia nimirum licet non causet nunquam actu effectum nec causare actu possit; tamen ita se habet ad illum effectum, ut si ille effectus causaretur, non nisi à tali causa causaretur. Si attributa in Deo, verè non causantur actu ab invicem; si tamen æternitas, verbi gratia, causaretur, ab immutabilitate divina causaretur; ideo enim est Deus æternus, quia immutabilis, & sic immutabilitas est causa virtualis æternitatis. Quidam igitur putant ad demonstrationem sufficere causam virtuale. Ita Caietanus, Scotus, Tolerus hoc loco, & Fonseca 4. Metaph. cap. 4. Ratio est: quia causa virtualis licet à parte rei non sit vera causa, habet tamen in se omnia secundum quæ potest concepti, ut vera causa: Nam si effectus causaretur, ab illa causaretur: ergo habet eandem perfectionem veræ causæ, licet eam non exerceat: Poterit igitur ad demonstrationem assumi, si quidem tam perfectè declarat essentiam effectus, sicut quæcumque alia vera causa.

At alij contrarium sentiunt, demonstrationem per causam virtuale esse demonstrationem

*Descriptio causæ actualis.*

*Descriptio causæ virtualis.*

*Opinio dicentium causam virtuale sufficere ad demonstrationem.*

*Opinio dicen-  
tium demon-  
strationem per  
causam virtu-  
alem esse  
demonstratio-  
nem propter  
quid non tam-  
en simplici-  
ter.*

*In demonstra-  
tione id solum  
demonstratur  
quod causatur  
à tali causa.*

*Ratio cause  
non convenit  
enti reali per  
intellectum,  
sed à parte  
rei.*

strationem propter quid, non simpliciter, sed secundum quid. Probatur prima pars. Quia scientia est cognitio rei, sub ea ratione qua est, non sub ea, qua non est, at res non est propter causam virtuales (cum causa virtualis non sit causa à parte rei.) Ergo non potest scire res propter quid sit, si sciatur causa virtualis; esset enim talis scientia, non solum non conformis rei, sed etiam dissimilis, quia tribueretur rei causa quæ non est. At inquires, si res causaretur, ab illa causaretur. Contra. In demonstratione non hoc demonstratur, quod res illa causaretur à tali causa, si causaretur, sed absolute, quod est à parte rei propter talem causam, & causatur à tali causa: quare si res illa non causatur verè ab illa causa, falso cognoscitur causari: Deinde in demonstratione, non demonstratur quod res illa esset propter talem causam, sed absolute, quod est propter talem causam. Causa verò virtualis est illa, propter quam esset talis effectus, non verò propter quam est. Ex quo etiam sequitur, per causam virtuales, rem non cognosci vti est, sed vti esset. Adhuc ille rei status, secundum quem esset si causaretur, non solum non convenit nature rei præsentis, sed etiam repugnat; repugnat enim, v.g. æternitati divinæ causari ab immutabilitate; si quidem divinæ nature repugnat absolute causari. Quod si dicat, repugnare quidem æternitati à parte rei, vt causetur ab aliquo, non tamen repugnare ei, vt est abstracta per intellectum.

Contrà primò; saltem hoc habemus, quod æternitas vt est in re, non potest simpliciter demonstrari per causam virtuales, quia non potest ab ea causari: Secundò: ratio causæ non convenit enti reali per intellectum, sed à parte rei; ens enim reale causatur realiter, non per intellectum, Ergo causa quæ solum per intellectum est causa, est ficta non vera.

Secundò probatur eadem sententia. Quia demonstratio propter quid, non procedit per causas fictas & falsas, sed veras, quia procedit per causam propter quam res est: at causa virtualis est ficta & falsa causa, quia non propter eam res est à parte rei. Ergo non per eam procedit demonstratio propter quid. Minor probatur. Illa est causa ficta & falsa, à qua non est possibile causari effectum: talis est causa virtualis, Nam quod dicitur effectum illum si causaretur, causatum iri à causa virtuali, Contrà primò: Is effectus qui realiter est sine causa virtuali, non potest inquam causari à causa virtuali; Nam si ab ea causaretur iam illa causa esset eo ipso actualis non virtualis. Secundò: repugnat illi effectui vt est in re; causari à causa virtuali cum igitur in demonstratione accipiatur effectus, vt est in re; consequens est, quod non possit probari per causam virtuales.

Dices repugnare æternitati causari ab alio, non ex ratione formali æternitatis, sed ex ratione formali talis æternitatis, nempe divinæ, increatæ, independentis. Contra: æternitas cum demonstratur de Deo, non demonstratur in genere, sed in specie, vt est divina æternitas, hoc est, illa quæ est in Deo quæque nullam habet sui causam: quare cum probatur per immutabilitatem, non probatur tanquam per causam veram. Nam licet immutabilitas divina non sit res ficta, sed vera, quia est vera immutabilitas, tamen illa immutabilitas vera, non est causa vera, sed ficta; quia immutabilitati assignitur ab intellectu ratio causæ. Et quamvis huius fictionis sit fundamentum, vt concipiatur immutabilitas per modum causæ, non tamen est fundamentum, vt in re habeat rationem causæ quod in demonstratione propter quid, requiritur; ea enim procedit per causam, propter quam res est.

Secundò

*Æternitas  
cum demon-  
stratur de  
Deo demon-  
stratur in spe-  
cie.*

Secunda pars probatur. Quia causa virtualis, habet necessariam connexionem cum suo effectu, & quidem per modum causæ, non simpliciter, sed ex suppositione, si enim per rationem distinguatur potest concipi per modum causæ: Ergo talis causa sufficit ad demonstrationem secundum quid: Nam ad demonstrationem sufficit medium necessarium, hoc est necessarium connexum cum utroque extremo.

Sed obijcies primo: hoc modo ruerent demonstrationes Theologicæ, quibus vnum attributum divinum probatur per aliud: quin & multæ Metaphysicæ, in quibus passionibus entis demonstrantur de ente, per causas virtuales; hæ enim passionibus, non distinguuntur ab ente ex natura rei, sed sola ratione, ac proinde non habent causas actuales in ente, sed virtuales: quia à causis actualibus distinguuntur effectus actus, à virtualibus verò non actus, sed virtute seu per rationem. Respondetur. Tales causas, non esse causas simpliciter, sed secundum quid, & eodem modo per modum causarum posse adhiberi ad demonstrationes; Quocirca tales omnes demonstrationes, non erunt propter quid simpliciter, sed tantum secundum quid, nec sunt in eodem gradu demonstrationis propter quid, cum alijs quæ procedunt per causas actuales & simpliciter. Quanquam passionibus entis, quia aliquo modo distinguuntur ab ente saltem ratione connorati, habent in ente causas, non virtuales sed actuales.

Obijcies secundò. Identitas causæ & effectus, non potest præiudicare demonstrationi, quia neq; præiudicat cognitioni nostræ; Possimus enim non obstante identitate cognoscere vnum sub ratione causæ, aliud sub ratione effectus. Respondetur. Obstat etiam cognitioni nostræ, si velimus cognoscere rem per causam proportionem quam vere est: Talis autem cognitio requiritur ad demonstrationem propter quid, ut patet ex definitione scientiæ: ergo hæc identitas obstat etiam demonstrationi propter quid.

Ex quibus infero, de Deo non posse haberi demonstrationem à priori, simpliciter: quia divinorum attributorum, nulla est causa simpliciter: Nam illa ratio causæ quæ concipitur à nobis vnum attributum, ut causa alterius, est ratio causæ facta ab intellectu: quæ fictio oritur ex imperfecto & limitato modo concipiendi attributa divina. Si enim attributum divinum conciperetur perfecte, conciperetur cum identitate cum alijs attributis; Sic enim est a parte rei. Si verò limitatè concipitur sine alijs attributis, sic habet quidem proportionem causæ respectu alterius, sed ortam ex limitatione: sicut autem limitatio illa attributorum est ficta, ita & ratio causæ illam consequens. Quare ex natura rei loquendo, omnia divina attributa immediate Deo competunt, & absque causa, quia essentialia non habent causam.

Dicitur. Ergo Deus non erit perfecte scibilis; quia non erit perfecte demonstrabilis. Respondetur. Deum ex parte sua esse perfectissimè scibilem; quia est perfectissimus ens & infinitum: Nam quo aliquid plus habet entitatis, habet plus scibilitatis: sui enim entitatem est scibile. Verum non est scibilis scientia demonstrativa, quia scientia est entium imperfectiorum habentium causas veras, suarum proprietatum: Deus ob suam infinitam perfectionem nullam habet causam, à qua in aliquo perfectione dependeat: non igitur quadrat Deo scientia demonstrativa, sed alia scilicet illi proportionata, quæ est scientia immediata & simplex, & dicitur scientia visionis. Per hanc igitur Deus perfectissimè cognoscitur, non per scientiam demonstrativam.

*Identitas causæ & effectus obstat demonstrationi propter quid.*

*De Deo nulla potest haberi demonstratio à priori.*

*Attributa divina non habent veram causam.*

*Deus non est scibilis scientia demonstrativa.*

*Deus cognoscitur per scientiam visionis.*

Infe-

*Causa virtualis est solum causa in intellectu cum aliquo fundamento in re. Ad rationem cause duo requiruntur*

Infero secundò. Causam virtualem non esse causam absolute & simpliciter, quia non causat realiter neque causare potest, sed solum esse causam in intellectu cum aliquo fundamento in re, quia est in re aliquod fundamentum, ut possit talis causa per intellectum distingui ab effectu, & sic distincta, habet ex se proportionem causæ ad eundem effectum. Vnde cum ad rationem causæ duo requirantur, Primo ut sit talis virtutis, Secundò ut sit distincta ab effectu, causa virtualis, primum habet ex se, Secundum accipit ab intellectu. Ex quo sequitur, demonstrationem per causam virtualem, non generare perfectam rei cognitionem, quia tales causæ oriuntur ex imperfecta & non convenienti rei apprehensione, ut dictum est; debet enim causa cognosci limitatè, & distingui ab effectu cum in re neque sit limitata, nec distincta ab effectu.

## QVÆSTIO VIII.

*An præmissa in demonstratione debeant esse necessaria?*

*Demonstrationis proprietates explicantur. Prioris conditionis in scientia præmissæ quadrupliciter*

EX duplici conditione scientiæ, duplices demonstrationis proprietates deduxit Philosophus. Duo enim habet scientia, & quod sit per causam per quam res est, & quod impossibile sit aliter se rem habere: Ex priori conditione deduxit Aristoteles præmissis demonstrationis, Primo debere esse veras, quia causa propter quam res est, est vera. Secundò immediatas quia causa nisi ad immediata principia revocetur, non est perfecte cognita, nec perfectam poterit generare scientiam effectus. Tertiò priores & notiores: quia causæ sunt priores naturæ effectui, & quæ sunt ratio cognoscendi effectum, sunt etiam notiores. Quarto esse causas conclusionis: quia continet in se causam passionis, quæ in conclusione demonstratur.

Ex posteriori verò conditione deducit, Præmissas demonstrationis debere esse necessarias, de omni, per se, & universales, idque à textu 7. deinceps multis probat argumentis. Primum est: Id quod scitur per demonstrationem, est ita necessarium, ut impossibile sit aliter habere: ergo debet inferri ex præmissis necessarijs; Non enim potest inferri conclusio necessaria, nisi ex præmissis necessarijs, neque maior potest esse perfectio in effectu: quam in causis: Ergo neque in conclusione potest esse maior necessitas & certitudo, quam sit in præmissis, cum necessitas conclusionis, tota sumatur à præmissis. Quod si quis arguat, ex falsis præmissis posse inferri veram conclusionem, ut hoc etiam loco textu 14. fatetur Aristoteles; Ergo etiam ex non necessarijs præmissis potest inferri conclusio necessaria. Respondendum est, quod sicut ex falsis præmissis potest inferri vera conclusio materialiter non formaliter, hoc est quæ sit vera in se, ex causis suis veris, non verò formaliter quatenus infertur ex præmissis falsis, ita & conclusio necessaria inferri potest à præmissis non necessarijs, sed tunc erit materialiter tantum necessaria, non formaliter: quia aliunde suam necessitatē habebit, non ab illis præmissis. Porro demonstratio non debet inferre conclusionē necessariā formaliter, quæ ideo sit necessaria, quæ ex talibus præmissis infertur; Sicut enim debet asserre veram causam rei propter quam res est, ita debet asserre veram causam necessitatis rei, propter quam res est.

*Argumenta philosophi circa posteriorem conditionem.*

*Ex falsis præmissis potest inferri conclusio vera materialiter. Demonstratio debet inferre conclusionem necessariam formaliter.*

affano est, nec potest aliter se habere. Ad hoc autem opus est, vt præmissæ ipsæ sint necessariæ; perfectio enim effectus debet contineri in causa.

Alterum argumentum Philosophi est; Si demonstratio esset ex non necessarijs, sequeretur manente re de qua est demonstratio, & durante eadem demonstratione, non esse scientiam de re: at hoc est impossibile, quia impossibile est esse demonstrationem & non facere scientiam: Ergo etiam impossibile est demonstrationem esse ex non necessarijs. Probatur sequela maioris. Habeat enim quæ demonstrationem de eclypsi lunæ ob interpositionem nubium, tum si dissolvantur nubes eclypsis nihilominus durabit, & demonstratio manebit in intellectu, & tamen non sit scientia eclypsidis, siquidem non sciatur esse eclypsidis ob illam nubium interpositionem, quæ iam sunt dissolutæ.

At obijciunt primò: In physicis multa demonstrari de rebus contingentibus, de cœlo, de fortuna, de monstris: Ergo de contingentibus, & ex contingentibus potest esse scientia. Respondeo res contingentes, respectu quidem causarum suarum in quibus contingenter, & non necessario proveniunt esse contingentes, respectu tamen suorum prædicatorum essentialium, & ex essentia consequentium, esse necessarijs, verbi gratia. Hominem generare monstrum, est contingens respectu hominis, sed monstrum esse monstrum, esse effectum casualem, & præter intentionem, & habere alias monstri proprietates, est necessarium. Licet ergo priori modo de rebus contingentibus non possit esse scientia, tamen posteriori modo, potest esse & scientia, & demonstratio: Nam in primo est contingencia, in secundo necessitas; omnis enim res in suis essentialibus, & ad essentiam consequentibus, est necessaria.

Obijciunt secundò, nullum ens Physicum est necessarium, tam quoad existentiam absolutè, quàm quoad coexistentiam & connexionem prædicatorum essentialium. Primum patet: Quia existentia rerum omnium, pendet à liberâ causæ pœne voluntate. Secundum verò probatur: quia sublata existentia omnium prædicatorum, tollitur & coexistentia eorundem, ac ex consequenti & connexio italis; res enim connecti realiter non possunt, nisi secundum realem existentiam. Quod si dicas, re non existente manere realem connexionem prædicatorum essentialium; Semper enim verum est, hominem esse animal rationale, hanc verò connexionem non fingit intellectus, sed invenit in re. Cuius signum est, quod eam mutare non potest, sed à re quodammodo cogitur, vt ita connectat, sicut natura in postulat. Contra, hæc connexio non fundatur in vlla realitate, sed solum in ratione; patet id manifestè: Quia invenitur etiam in entibus rationis, in entibus impossibilibus & fictis, in negationibus, in quibus nulla est realitas. Nam hæc propositiones: Ens rationis, est Ens rationis, Hircocervus est ex hircò & cervo compositus; nihil est nihil habent necessariam connexionem prædicati cum subiecto, neq; tamen ex hac connexionem inferri potest aliqua realitas. Ex quo patet etiam Physica cum corrumuntur, quod omnino suam realitatem tam essentia quam existentia corrumuntur, & ideo sunt contingentia: Nam connexio illa prædicatorum, non fundatur in realitate, sed quod prædicatum continetur in essentia subiecti, unde quando apprehenditur subiectum, necesse est apprehendi & prædicatum. Respondeo entia physica esse necessaria, quoad connexionem realem prædicatorum, connexio autem realis est secundum existentiam. Verum id non ita intelligendum est, quasi necessarium sit semper connexionem illam existere; potest enim

*Secundum argumentum Philosophi.*

*Res contingentes, quomodo sint contingentes, quomodo necessarie.*

*Quomodo entia Physica sint necessaria quo ad connexionem realem prædicatorum.*



non existere, sed sensus est, quod si vnum existat, necesse sit vterque & aliud, vt si homo existit, necesse est vt existat rationalis, & risibilis. Hæc ita esse patet: nam in primis ad scientiam non sufficit connexio per rationem, qualis est etiam in omnibus rationis, de quibus tamen non est scientia, sed requiritur connexio realis, quia scientia versatur circa Ens reale, vt reale est: Porro connexio realis non est nisi per existentiam realem; Ens enim reale tunc est, quando realiter existit. Non requirit autem omnimodam existentiam realem, sed eam tantum, vt si vnum existit, necesse sit & illud existere. Patet id primò ex eo, quod res non semper existat, & tamen sunt necessariae: ergo necessitas rerum, non in hoc consistit, quod necessario existant, sed quod cum existunt, necessario tales cum talibus propriis existant. Deinde maior existentia non requiritur ad scientiam; non enim est necesse ad scientiam, vt semper existat subiectum, & prædicatum, sed vt existente subiecto existat & prædicatum; & hæc necessitas est illa, quæ inferitur propriè in conclusionem, nempe quod subiectum quod præcognoscitur existens, habeat talem passionem, non verò quod subiectum semper existat. Et hic sensus est propositionum sempiternæ veritatis; non enim sensus est, hominem qui semper existit, esse rationalem, sed hominem existentem necessario esse rationalem: Talis vero necessitas, est etiam in rebus physicis, quia licet non necessario existant, tamen cum existant, necessario existunt, cum suis prædicatis essentialibus & proprietatibus ex se natura manantibus. Et hoc modo necessitatem propositionum explicuit ipsemet Aristoteles infra tex. 3. ait enim de hac re tractans. Si verum hunc dicere hominem, verum & animal, & si nunc alterum, & alterum.

*Doctrina Aristotelis.*

Obijciunt tertio. Si quis præmissas non necessarias existimet necessarias, & illis firmiter assentiatur tanquam necessarijs, poterit is ex talibus præmissis non in re, sed tantum in opinione necessarijs inferre conclusionem quæ sit necessaria, non solum materialiter & secundum se, sed etiam formaliter, hoc est vt inferatur ex talibus præmissis, assensus enim necessarius præmissarum causat necessarium assensum conclusionis. Respondeo. Ex præmissis necessarijs non in re, sed in existimatione tantum, conclusionem sequi necessariam formaliter, vt probat obiectio. Verum tota hæc necessitas conclusionis erit solum existimata, non autem vera & ex natura rei, qualis requiritur ad demonstrationem: nam ex natura rei conclusio illa non est necessaria propter tales præmissas, vnde necessitas illa vt ex talibus præmissis, est existimata tantum & affecta rei, non ex re præcedens.

*Ex præmissis in existimatione sequitur necessaria conclusio existimata.*

Dubitat autem primò. An præmissæ sint magis necessariae, quam conclusio videntur enim esse æquæ necessariae, cum hæc necessitas in eo sit; posita, quod impossibile sit rem aliter habere: Et hæc necessitate, maior nulla alia dari potest; nihil enim maius de re quoad hoc, dicere possumus, quam quod impossibile sit illam aliter habere: Deinde sicut non potest aliquid dici magis vel minus impossibile, ita neq; magis vel minus necessarium; Quod enim est impossibile, omnibus modis est impossibile, ita vt omnem modum possibilitatis excludat, & nullum admittat: Nam si aliquem admitteret, iam non esset impossibile, sed possibile. Vt enim aliquod sit possibile, non est necesse vt omnibus modis sit possibile, sed finis est, vt aliquo saltem modo sit possibile. Id quod etiam Logice explicari potest in hunc modum. Nam impossibile, est terminus negativus, dicens negationem possibilitatis; negatio autem cum sit malignantis naturæ, totum & vniuersaliter tollit, vt si dicam hominem non esse asinum, sensus est, nec hunc nec illum, nec vllum vnum. Possibile verò est terminus affirmativus: ad affirmationem autem non est

*An præmissæ sint magis necessariae quàm conclusio.*

necesse

neceſſe, vt quod affirmatur vniuerſaliter exiſtat, ſed ſatis eſt vt particulariter exiſtat: vt ſi dicani hominem eſſe doctum, non eſt neceſſe omnem hominem eſſe doctū, nec omni doctrina eſſe doctum, ſed ſatis eſt, aliquem hominem, aliqua doctrina eſſe doctum.

Tertio probatur. Quia id quod eſt impoſſibile, implicat contradictionem; at non poteſt quid magis vel minus implicare contradictionem; cum enim implicatio contradictionis, tota implicatur, ita vt in indiuiſibili conſiſtat implicatio contradictionis; ergo non poteſt aliquid eſſe magis vel minus impoſſibile, ac ex conſequentia, magis vel minus neceſſarium.

Dicendum tamen eſt, præmiſſas eſſe magis neceſſarias, quàm ſit conſequentia. Primo, quia neceſſitas præmiſſarum eſt immediata, habens fundamentum in natura minorum, non in aliquo extrinſeco, conſequentia ſe vero neceſſitas eſt mediata, & mutata ab alia; maior autem eſt neceſſitas immediata quàm mediata, quia illa eſt independens ab alia, hæc dependens, illa intrinſeca, hæc extrinſeca, illa per ſe, hæc per participationem: ergo maior eſt neceſſitas præmiſſarum, quàm conſequentia. Porro cum dicimus maiorem neceſſitatem, non intelligimus maiorem intentionem, ſicut cum calor dicitur maior, propter novum gradum caloris additum: ſed dicimus eſſe maiorem ob maiorem cauſam neceſſitatis.

Secundo, quia præmiſſæ ſunt certiores conſequentia; ergo & magis neceſſariæ; non certitudo earum fundatur in neceſſitate: ergo maior certitudo in maiori neceſſitate. Neque intellectus alia ratione fit certus de ipsis, niſi videndo earum neceſſitatem. Porro præmiſſas eſſe certiores conſequentia, probavimus ſuprà cum Anſtone, quia debent eſſe magis notæ, cum ſint ratio cognoscendi conſequentiam.

Ad primam rationem dubitandi Reſpondeo: non poſſe cogitari maiorem neceſſitatem aut neceſſitatis gradum, quàm cum cogitatur impoſſibile eſſe rem aliter habere: at intra hanc ſummam neceſſitatem (ſuprà quam non datur maior) datur latitudo maioris vel minoris neceſſitatis, quatenus poteſt dari maior, vel minor cauſa neceſſitatis; quod enim maiorem habet cauſam ſux neceſſitatis, eſt magis neceſſarium reſpectu illius cauſæ, ſic magis neceſſarium eſt, id quod Deus dicit, quàm quod demonstratur, quia authoritas divina eſt maior & magis immutabilis cauſa, quàm quodlibet medium creatum. Vnde hæc maior neceſſitas ſumitur per rationem ad maiorem & magis immutabilem cauſam neceſſitatis.

Ad ſecundam Reſpondeo ſimiliter; poteſt enim aliquid magis eſſe impoſſibile ex maiori cauſa impoſſibilitatis vel ex pluribus cauſis impoſſibilitatis: Sic magis eſt impoſſibile Deum falli, quàm demonstrationem eſſe falſam, quia illud pluribus & gravioribus ex cauſis eſt impoſſibile, quàm hoc.

Ad tertiam Gabriel in 1. diſtinct. 2. quæſt. 1. docet omnia contradictoria æquale repugnare: quia æquale impoſſibile eſt hæc contradictoria ſimul eſſe vera, ſicut illa. e.g. quæ impoſſibile eſt Petrum ſimul currere, & non currere, ſicut Deum eſſe & non eſſe, quod etiam ratione confirmat. Nam ſi aliqua plus repugnarent quàm alia, ſumatur ille gradus in quo plus repugnant: in illo ergo gradu contradictoria minus repugnarent non repugnarent, & poſſent eſſe ſimul vera, quod eſt falſum. Cum vero obijciat: Maiorem eſſe repugnantiam, ubi difficilius eſt transire ab vno extremo ad aliud: v.g. magis repugnat Deum non eſſe, quàm Petrum currere, non currere; Petrus enim abſolute loquendo poteſt fieri non currere; Deus autem non poteſt non eſſe, Reſpondet Gabriel. Aliud eſſe repugnantiam quædam horum inter ſe formaliter vt contradictoria ſunt: Aliud repugnantiam

*Premiſſæ ſunt magis neceſſariæ quàm conſequentia. Maior neceſſitas unde?*

*Nota de gradu neceſſitatis.*

*Verum impoſſibile poteſt eſſe magis impoſſibile altero.*

*An omnia contradictoria æquæ ſint impoſſibilia.*

am viuis contradictonij extremi cum subiecto: Nam illa est repugnantia affirmationis & negationis, hæc verò est ex alijs causis particularibus repugnantia. Est igitur difficilius sit transitus subiecti ad aliud extremum, tamen hæc repugnantia non minuit, nec auget repugnantiam contradictoniorum formaliter, quæ ex sola oppositione affirmationis & negationis sumitur: oppositio verò secundum affirmationem, æqualis est in omnibus rebus, & in quacunque materia sumatur.

*Repugnantia est æqualis in omnibus contradictoniis orta formaliter ex mera contradicctione.*

*Si contradicctio spectetur in ordine ad suam causam licet non possit una esse maior altera formaliter, potest tamen esse ex causa. Non omnis impossibilis est contradicctoria.*

Hæc doctrina Gabrielis est vera, de repugnantia quæ formaliter oritur ex mera contradicctione; hæc enim est æqualis in omnibus contradicctioijs, Omnia enim contradicctoria, sunt æquæ contradicctoria, nec vnum plus, aliud minus, sed æquæ sibi repugnant in hoc, vt sint simul vera, vel simul falsa, & sic æquæ distat in ratione contradicctionis Ens a non Ente, sicut Deus a non Deo; si quidem est tanta oppositio secundum affirmationem & negationem hic & ibi. Verum si consideretur contradicctio non in se, sed in ordine ad suam causam, tunc licet vna contradicctio non possit esse maior altera formaliter, & secundum oppositionem contradicctiorum: potest tamen esse maior vel minor ex causa, quia possunt esse maiores vel plures causæ huius maioris impossibilitatis, ita vt contradicctio sit impossibilis, non solum ex ratione formali contradicctionis, sed etiam ex alijs causis possibilitatis, sic magis est impossibile Deum esse & non esse, quam Petrum currere & non currere: quia non esse Deo, repugnat non solum ratione contradicctionis, quam habet cum esse, sed etiam ex maiori immutabilitate & necessitate esse Diuini: quæ ratio non est in alijs contradicctioijs: Et hoc est quod ait Gabriel esse difficiliorem transitum, ab vno extremo contradicctionis ad aliud, propter speciales rationes & conditiones illius subiecti.

Vnde ad argumentum in ratione dubitandi positum, Respondeo non omnem impossibilitatem esse contradicctoriam; Invenitur enim impossibilitas etiam inter non contradicctoria, vt inter opposita contrariè, privative, relatiuè; impossibile enim est calorem frigidificare, brutum intelligere, Patrem esse filium, non propter contradicctionem, sed ex alijs causis impossibilitatis. Quod si concedatur, omnem impossibilitatem esse contradicctoriam, vel formaliter, vel reductiue, quia resolui potest in contradicctionem, tunc dicendum est, etiam contradicctionem posse esse maiorem vel minorem, non quidem in se & formaliter, sed in suis causis: quia illa contradicctio, potest reddi impossibilis ex alijs etiam causis impossibilitatis.

*Non eadem necessitas requiritur ad demonstrationem.*

*Non omnia obiecta sunt æquæ necessaria & immutabilia.*

Secundò dubitatur. Quanta necessitas requiratur ad demonstrationem. Dicendum primò non eandem necessitatem ad omnem demonstrationem requiri: Nam siue non omnes demonstrationes sunt eiusdem perfectionis, ita non omnes sunt eiusdem necessitatis; Demonstratio enim quò perfectior, eò perfectiores habet proprietates, inter quas est certitudo & necessitas.

Deinde necessitas demonstrationis, sumitur ex necessitate & immutabilitate obiecti: at non omnia obiecta, sunt æquæ necessaria, & immutabilia vt patet in obiectis physicis, quorum quædam sunt necessaria vt plurimum, quædam necessaria semper secundum ordinem naturalem, quædam vero sunt necessaria omnimodis, ita vt implicet contradicctionem aliter esse. Exemplum primi est, nigræ hyeme, pluere in autumno, hominem esse bipedem; hæc enim impediunt aliquando naturaliter possunt, licet vt plurimum eveniant. Exemplum secundi est: Accidens esse in subiecto: quod licet naturaliter sit necessarium, supernaturaliter est

nen non est necessarium; pot est enim Deipotentia accidens esse sine subiecto. Exemplum tertii est hominem esse risibilem; implicat enim contradictionem, rationale non esse risibile, effect enim & non esset rationale: esset, quia esset causa necessitatis risibilitatis: non esset, quia ponitur non esse.

Potest etiam distingui triplex alia necessitas, una ex parte subiecti, quando subiectum necessarii requirit prædicatum, non è contra, ut hominem esse animal, Homo enim, non potest esse sine animali, animal verò potest esse sine homine. Alii ex parte prædicati, quando prædicatum requirit subiectum, sed subiectum non requirit prædicatum ut hominem esse Grammaticum; Grammatica enim requirit hominem, neque potest esse extra hominem, homo verò non requirit Grammaticam. Tertia ex parte tam subiecti quam prædicati, quando utrumque requirit utrumque, ut hominem esse rationalem vel risibilem. Puer igitur has omnes necessitates non esse æque perfectas necessitates; Vbi enim non est omnimoda contradictio terminorum, ubi non est omnimoda necessitas.

Dico secundò. Ad perfectissimam demonstrationem requiri perfectissimam necessitatem, quæ se tenet tam ex parte subiecti, quam ex parte prædicati, ita ut non sit possibile subiectum esse sine prædicato, prædicatum sine subiecto. Talis demonstratio est ista: Omne rationale est risibile, omnis homo est rationalis, ergo omnis homo est risibilis. Et ratio est, quia perfectio demonstrationis sumitur ex perfectione certitudinis, & necessitatis.

Non existimo tamen requiri ad demonstrationem tantam necessitatem, ut implicet contradictionem rem alter se habere: quia demonstratio ostendit solum conclusionem esse necessariam spectatis naturis rerum, & ex vi causæ; causa autem non affert talem necessitatem effectui, ut implicet contradictionem, non sequi talem effectum. Quare si aliquem effectum non esse, implicat contradictionem, id non est ex natura demonstrationis, in communi sed ex ratione speciali in tali materia. Quia ex vi causæ efficientis, non repugnat, posse per Dei potentiam non esse effectum & res enim ex se distinctas, potest Deus separare: causa autem & effectus, sunt re distincta: Ergo ex vi causæ non repugnat per Dei potentiam esse effectum causam.

Dico. Potest demonstrari aliquid implicare contradictionem, ergo tunc ex vi demonstrationis erit tanta necessitas, ut oppositum implicet contradictionem, Reversò aliud est demonstrari implicationem contradictionis, de aliqua re; aliud, conclusionem demonstratam ita esse veram & necessariam, ut oppositum implicet contradictionem. Nos igitur non negamus primum, sed secundum. Nam et si non contingere, quod conclusio demonstrata sit ita vera & necessaria ut oppositum contradictionem involvat: tamen id non oritur ex natura demonstrationis in communi, (alioqui omni demonstrationi id conveniret) sed ex natura peculiari demonstrationis. Et confirmatur quia cum demonstratur aliquid implicare contradictionem, non ipsa conclusio quæ inferitur secundum seipsam implicat contradictionem, sed de aliquo alio enunciat, quod implicet contradictionem: illud autem aliud est subiectum de quo in conclusione affirmatur hoc prædicatum, quod implicet contradictionem; ipsam vero conclusionem affirmantem tale prædicatum esse falsam, non implicat contradictionem.

Dico Tertiò. Ad demonstrationem non potissimam, non requiri omnimodam necessitatem, sed sufficere necessitatem ut plurimum, licet impedibilem,

*Distinguitur triplex necessitas.*

*Ex parte subiecti.*  
*Ex parte prædicati.*

*Ex parte subiecti & prædicati simul.*

*Ad perfectissimam demonstrationem, necessitas quæ se tenet tam ex parte subiecti quam prædicati requiritur.*

*Ad demonstrationem non potissimam sufficit necessitas ut plurimum.*

vel necessitatem certi & determinati temporis. Paret ex dictis. Quia hæc necessitates, sunt suo modo necessitates absolute, & secundum illum modum necessitatis, rem impossibile est aliter habere.

*Esse ex necessariis est proprium demonstrationi secundum Aristotelem.*

*Discrimen inter syllogismum demonstrativum & non demonstrativum.*

*Perfectio demonstrationis in duobus consistit.*

Tertio dubitatur, An esse ex necessariis sit proprium demonstrationi. Affirmat Aristoteles hæc text. 16. Vbi ait: Ex vers quidem est & non demonstrativum syllogismus: ex necessariis autem non est nisi demonstrativum; hoc enim iam proprium demonstrationis est. Quibus verbis Aristoteles syllogismum demonstrativum distinguit, à non demonstrativo: per hoc quod est ex principiis necessariis. Nam etsi in syllogismo Topico, possint assumi principia necessaria, non tamen tanquam necessaria, sed tanquam probabilia; vnde enim illis Topicis tanquam probabilibus, & probabiliter ex illis inferuntur conclusionem; Potest enim Topicus syllogismus habere unam ex præmissis necessariam, & necessario cognitam, sed alteram necesse est ut habeat probabilem; ex una enim necessaria, & alteri probabili, sequitur conclusio probabilis; semper enim conclusio sequitur debiliorem partem.

Ratio autem hæc à priori esse potest: Quia demonstratio est perfecta rei cognitio per discursum, ut res est, hæc autem perfectio consistit in duobus. Primum ut cognoscatur res necessaria, nam cognitio non necessaria est imperfecta. Secundum ut cognoscatur ut est in se, hoc est, per media ex natura rei connexa cum re. Sicut igitur proprium est demonstrationi esse perfectam cognitionem rei discursivam, ita proprium etiam erit esse ex necessariis. Nam potest esse aliquod medium necessarium, sed extrinsecum, & non connexum ex natura rei: per tale autem medium, non potest esse demonstratio: tum quia non facit necessitatem simpliciter, sed ex suppositione; tum quia non explicat naturam & essentiam rei, sicut alia media ex natura rei petita.

Quare hic syllogismus non erit demonstrativus. Quicquid Deus dixit est verum: hoc Deus dixit; ergo hoc est verum; nam etsi sit necessarius, non est tamen necessarius simpliciter, sed ex suppositione; Minor enim est necessaria ex suppositione, simpliciter enim non est necessarium hoc Deum dixisse, quia posuit non dixisse; Supposito tamen quod dixerit, necessarium est dixisse. Vnde & conclusio sequitur necessaria, solum ex suppositione; Non potest enim conclusio esse magis necessaria quam præmissæ, Deinde revelatio divina, est medium valde extrinsecum, quod nullo modo explicat naturam rei; unde est imperfectum ad finem demonstrationis, quia demonstrationis est cognoscere rem, ut se habet ex natura sua.

*Demonstrationes Theologice sunt necessarie simpliciter.*

Quod si obiciatur. Hoc modo demonstrationes Theologice non fore necessarias simpliciter, quia pendent ex revelatione. Respondetur. Esse necessarias simpliciter, quia non videntur medio ad demonstrandum revelatione divina, sed proportionibus necessariis ex natura rei: licet etiam necessitas ex natura rei per revelationem cognoscatur, ut cum demonstratur, Christum esse visibilem, quia est rationalis. Christum enim esse rationalem ex revelatione cognoscitur, tamen est medium naturæ rei ad demonstrandam visibilitatem.

Quidam tamen recentiores existimant, sufficere ad essentiam demonstrationis necessitatem ex suppositione, ita ut si medium sit contingens subiecto, sed necessarium prædicato, sit sufficiens medium ad demonstrationem. Quare ista erit demonstratio; omne currens movetur, homo est currens, ergo homo movetur.

Sed isti errant primò, Quia Aristoteles vult scientiam esse rei necessariæ absolutæ, non rei necessariæ ex suppositione. Nam 6. Eth. In hoc scientiam distinguit ab arte, quod scientia est rei necessariæ, ars verò contingentium, Censet id non intelligit de necessitate solum ex suppositione: Nam etiam in artibus est talis necessitas ex suppositione mediæ, & sic ars non distinguitur in necessitate à scientia: requiritur ergo ad scientiam secundum Aristotelem necessitas absoluta, nō ex suppositione tantum.

Secundò: Quia talis syllogismus simpliciter est contingens, & solum secundum quod necessarius; ergo etiam simpliciter, & quo ad eilectum non est demonstratio, sed secundum quid erit similis demonstrationi: Antecedens patet. Quia ex ratione necessarii & maiori contingenti, sequitur conclusio contingens simpliciter; quia conclusio semper sequitur debiliorem partem. Consequentia verò patet. Quia syllogismus qui est secundum essentiam contingens, solum accidentaliter necessarius, non est essentialiter demonstratio, sed solum in accidenti aliquo similis demonstrationi, sicut homo pictus non est essentialiter homo, sed accidentaliter homini similis.

*Refelluntur  
qui putant  
sufficere ad ef-  
fectum de-  
monstrationis  
necessitatem  
ex suppositio-  
ne.*

## QVÆSTIO IX.

*An demonstratio debeat constare ex ijs  
quæ sunt de omni?*

Aristoteles ex proprietate demonstrationis, quod sit ex necessariis, deducit constare debere prædicata de omni, per se, & vniuersalibus, quia prædicatum quod est necessarium, est etiam de omni, per se, & vniuersale. Porro prædicatum de omni, definitur ab Aristotele. text. 9. Quod vtrique inest, non in aliquo quidem, in aliquo non, neq; aliquando quidem, aliquando non: hoc est, quod non alicui tantum particulari subiecto inest, sed omni vniuersaliter, nec aliquando tantum inest, sed semper. Distinguitur autem ab authoribus de omni Prioris & Posterioris: illud ita vocatur, quod in libris Priorum definiatur, & nihil aliud requirit nisi vt habeat signum vniuersale, siue semper ita sit siue non: vt cum dico, omni Prioriorem hominem camelere, omnem hominem vigilare; Alterum verò ita dicitur, quod de eo in libris Posteriorum tractatur & ad demonstrationem spectat, requiritur vt non solum toti subiecto, sed etiam semper conveniat: Nam si aliquando non conveniat, iam pro illo tempore non conveniat, iam pro illo tempore non erit de omni.

Differunt autem hæc prædicata De omni, quod illud est De omni, ratione signi vniuersalis, seu ratione formæ, hoc verò est De omni ratione materiæ, quia ex natura rei omni subiecto, & omni tempore inest.

Duo autem quæri solent circa hæc definitionem: Primum est, An quæ vniuersales singularem necessarii insunt, sint dicenda de omni, vt si dicam Deus est omnipotens; Petrus est risibilis; Luna eclypsatur; Nam ex vna parte, omne necessarium est de omni, at quod tantum vni inest, potest esse necessarium. Ergo & de omni. Ex altera verò parte quod vni tantum inest, non videtur dici posse, quod omni inest, nam enim non est omne. Quod si dicas: Id verum esse de ijs quæ cum

*Definitio præ-  
dicati, de omni*

*Duplex de-  
finitio præ-  
dicati, de omni*

*Differentia  
inter prædica-  
ta de omni.*

*Duo quæ sita  
circa hanc de-  
finitionem.*

pluribus sint apta inesse, non insunt nisi vni; tali enim non dicuntur de omni si vni tantum insunt; at si non sint apta inesse nisi vni, dicuntur de omni; quia cum vni insunt, omni insunt, cui possunt inesse. Contra primum: quia hoc modo quolibet singulari, posset dici de omni, quia licet non multis inest, tamen omni inest, cui potest inesse. Secundum omni inesse, est multis inesse: vnum non est multa. Ergo vni inesse, non est omni inesse. Tertium. Singulari non nisi inepie præfigitur signum vniuersale: (vt si dicam omnis Petrus, omnis hic homo) solum ex eo quia singulari cum sit vnum, non potest esse omne: Ergo de omni non potest esse respectu vnius.

*Duplex de  
Omni.*

Dicendum tamen est. De omni esse duplex. Alterum quod est de omni formaliter; alterum quod de omni virtualiter: Illud est respectu multorum formaliter, hoc est respectu vnius formaliter quod tamen vnum est multa virtualiter; hoc sensu, quia illud vnum si esset in multis formaliter, etiam prædicatum, quod illi conuenit, esset in illis multis ratione ipsius. Ex quo patet. De omni virtualiter non dici De omni respectu vnius singularis, quia singulare est: quia singulare quod est singulare, nec formaliter, nec virtualiter est in multis, sed essentialiter est vnum numero. Solum igitur dicitur De omni virtualiter, respectu naturæ abstractæ, quæ licet actu existat in vno singulari, tamen vt abstracta, potest referri ad plura, vel absolute, vel ex suppositione, ita vt si esset in pluribus, etiam prædicatum ipsi conueniens, ratione ipsius, esset in pluribus. Non repugnat verò hanc multitudinem virtualem concipere in natura abstracta ex vi conceptus indeterminati, repugnat autem in natura, vt singularis est, quia vt sic concipitur determinata ad vnum. Quare hæc propositio non est de omni. Petrus est risibilis; quia Petrus non est virtualiter in multis. Similiter neque hæc. Deus est omnipotens: quia Deus essentialiter est singularis.

*An prædicatū  
de omni con-  
uenire debeat  
& semper  
suo subiecto.*

*Prædicatum  
de Omni est  
etiam semper  
non tamen ab-  
solutè.*

Alterum est. An prædicatum de omni conuenire debeat semper suo subiecto, videtur hæc distincta & à se separabilia, omni conuenire, & semper. Nam omni homini conuenit canescere sed non semper. Ex altera verò parte Aristoteles in definitione De omni vtrumque coniungit.

Dicendum tamen est. Prædicatum de omni, esse quoque semper non absolute sed secundum illum modum necessitatis, quo est de omni. Verbi gratia, omni homini conuenit canescere in senectute, hoc igitur modo, semper illi conuenit canescere in senectute. Et ratio est. Quia de omni ideo est de omni, quia est necessarium, ergo secundum modum necessitatis, erit etiam semper, quia necessarium, quare ratio est necessarium, est semper tale, & sic necesse est in auro quoque semper esse pluvius, & siccitatem sub sole in cane existente, & hominem semper habere quatuor digitos, quia hæc sicut sunt necessaria secundum cursum naturalem, ita & semper existunt secundum cursum naturalem.

*Ad demon-  
strationem re-  
quiruntur  
prædicata de  
omni.*

Dico igitur primum. Ad demonstrationem requiruntur prædicata de omni; quæ requiruntur prædicata necessaria: at omne necessarium est. De omni: Ergo: demonstrationem requiruntur prædicata De omni: Nam quæ non omni insunt, sed alicui tantum, sunt contingentiæ & possunt abesse & adesse, quæ verò necessaria insunt omni insunt, vt quod necessarium inest homini, inest omni homini: quæ eadem ratio est vt insit omni homini, quæ est vt insit alicui; omnes enim homines, sunt æque homines, & quod homini, vt homo est necessario inest, debet inesse omni homini.

Dico secundo. Ad demonstrationem sufficit De omni virtualiter, neque re-



itur De omni formaliter : quia etiam De omni virtualiter est necessarium ex natura rei ; & eisdem modo De omni : alioqui de naturis habentibus tantum unum individuum, non posset haberi scientia.

At obicitur. Scientia non habetur de singulari, sed de vniuersali ; ergo & prædicata scientiæ debent esse respectu subiecti vniuersalis, non singularis : at De omni virtualiter, est respectu subiecti singularis ; ergo tale De omni, non pertinet ad scientiam. Respondeo, scientiam non esse de natura singulari, quatenus singularis est, sed quatenus est natura absolute abstracta à singulari, siue illa natura abstracta sit apta esse in multis, siue in vno tantum. Et ratio est. Quia quicquid de singulari demonstratur, demonstratur ex principiis naturæ absolute : Nam ex singularitate præcisè, nihil illi competit, nisi esse vnam numero, quare omnes demonstrationes, primò & immediate spectant ad naturam, verbi gratia, absolute & per extensionem quandam, & applicationem spectant ad naturam singularem, V.g. Petrus est risibilis, quia homo est risibilis, & risibilitas quæ de homine demonstratur, extenditur etiam ad Petrum : pari ergo ratione prædicatum De omni, non est tale respectu subiecti singularis quia singulare est, sic enim non est De omni virtualiter, sed est respectu subiecti absolute & in abstracto, quamvis illud subiectum, non in vno tantum singulari existat. Noto tamen, hanc conditionem, solum recte talem esse, quæ in iis quæ sunt apta esse in multis : talia enim nisi demonstrentur de omni, non demonstrantur. Quare ad demonstrationem de Deo non requiritur. Deus enim essentialiter est singularis, & tunc repugnat etiam per Intellectum esse in multis individuis.

Dico Tertiò. De omni, quod requiritur ad demonstrationem, debet esse etiam semper vel absolute, vel secundum eam rationem, quæ est De omni, & necessarium : Nam sub ea ratione sub qua aliquid est necessarium, semper etiam conuenit subiecto vt dictum est. Porro ad potissimam demonstrationem, sicut requiritur omnimoda necessitas ; ita enim requiritur, vt prædicatum secundum omnem rationem, semper conueniat subiecto. Sic quia omni homini conuenit esse risibilem, semper conuenit esse risibilem ; hoc est omni tempore, & ab æterno ; ad alias vero demonstrationes non potissimas, sicut non requiritur omnimoda necessitas, sed tantum certi & determinati generis, & secundum certam & determinatam rationem ; ita non requiritur, vt prædicatum sit semper, & secundum omnem rationem temporis, sed tantum secundum rationem temporis congruentem & proportionatam illi necessitati.

Dico quartò. In propositionibus sempiternæ veritatis, prædicatum semper inest subiecto, non quod semper retineat suam existentiam absolute, sed solum respectu talis subiecti ; id est, vt posito & existente tali subiecto, ponatur & existat tale prædicatum. Hæc doctrina est Aristotelis text. 8. cum hanc rem ita explicat. Si verum hunc hominem dicere, verum & animal, & si nunc alterum, & alterum. Quasi diceret, ad hoc vt prædicatum dicatur semper inesse subiecto, non est necesse vt vtrumque semper existat, sed vt quando existit vnum, existat & alterum, hoc est enim semper existere respectu talis subiecti ; Quæ doctrina notanda est propter propositionem sempiternæ veritatis, ad quæ non requiritur, nisi vt dicto modo semper existant earum prædicata. Quocirca non est necesse ea de causa recurre ad existentiam realem essentialium ab æterno, in quodam esse obiectivo : tum quia sine tali existentia saluantur propositiones sempiternæ veritatis : tum

*Scientia non est de natura singulari sed quatenus est natura absolute abstracta à singulari.*

*Deus ita est singularis, vt ei repugnet etiam per intellectum esse in multis individuis.*

*De Omni requisitum ad demonstrationem debet esse semper vel absolute.*

*In propositionibus sempiternæ veritatis prædicatum inest subiecto.*

*Nota de propositionibus sempiternæ veritatis.*

quia hoc modo etiam entia rationis, & entia impossibilia, haberent essentiam realem æternam, quia de his omnibus formantur propositiones sempiternæ veritatis, ut ens rationis est ens rationis; hircocervus est hircocervus, nihil est nihil. Denique de tali æternitate essentiarum, nihil somniavit Aristoteles, sed absque hoc figmento, rem aliter explicavit, per existentiam prædicatorum, supposita existentia subiecti.

At dices. Has propositiones esse semper veras non propter aliquam existentiam, sed solum propter connexionem essentialiẽ prædicati & subiecti, abstractendo ab omni existentia. Respondeo, connexio ita essentialis debet existere vel in re vel in ratione, alioqui quod nullo modo existit, nullo modo afficit aliud. Ut autem connexio existat, supponit necessariò existentiam eorum quorum est connexio, res enim nisi existant connecti inter se non possunt. Non tamen est necesse ut existant in re, sed vel in re, vel in ratione: Supposito autem quod existant habent necessariò illam essentialẽ connexionem, nempe ut prædicatum sit de essentia subiecti, vel ad essentiam ipsius consequatur. Et hoc sensu verum est has propositiones esse sempiternæ veritatis, propter connexionem essentialẽ terminorum.

## QVÆSTIO X.

*An demonstratio debeat constare ex ijs  
quæ sunt per se?*

**A**ffirmat Aristoteles; Demonstratio enim habet constare ex necessariis: Omne autem necessarium est per se. Ergo debet constare ex iis quæ sunt per se.

*Per se hoc loco accipitur, ut opponitur rei quæ est per accidens.*

Pro quo notandum est. Primò quod per se, quamvis multis modis accipi possit, tamen hoc loco accipitur ab Aristotele, ut apponitur ei quod est per accidens: ut patet ex text. 8. & 15. ubi ait: Quæcumq; neutro modo insunt per se, accidentia esse: quamvis enim hoc dicat de duobus primis modis per se; tamen de aliis quoq; proportionaliter idem dici potest: ut quemadmodum duo primi modi sunt modi per se, & non per accidens prædicandi, ita tertius modus sit per se & non per accidens effendi, quartus per se, & non per accidens, causandi. Quod si dicat, Hinc sequi per se, & necessarium, esse omnino idem.

*Per se & necessarium sunt idem formaliter non formaliter.*

Respondeo, esse idem realiter, non formaliter; nam necessarium dicitur, quatenus non potest non inesse; Per se verò dicitur, quatenus se ipso, & vi suæ essentia inest. Quare necessarium, opponitur formaliter contingenti, quod potest alter se habere; Per se verò opponitur ei, quod est per accidens, hoc est ei, quod non ex se, nec ex vi suæ essentia est tale.

*Quatuor modi per se.*

Notandum est secundò. Aristotelem numerare quatuor modos per se text. 9. Primus est, quando prædicatum est de essentia & definitione subiecti, sic homo per se, dicitur esse animal. Secundus quando subiectum est de essentia prædicati: cum dicimus; numerus est par; linea est recta; in his enim dicitur subiectum esse de essentia prædicati, non quòd sit genus, vel differentia prædicati, sed quòd prædicatum ex sua essentia requirat tale subiectum, & definitur per ordinem ad tale subiectum. Par enim & impar, non nisi numerum respiciunt: curvum & rectum non nisi

in lineam. Quare subiectum in talibus propositionibus dicitur esse de essentia prædicati, non intrinsecè, vt pars essentialis, sed extrinsecè vt terminus, quem essentialiter respicit tale prædicatum. Porro hi duo modi per se, sunt modi, per se inexistendi, & ex consequenti per se prædicandi de subiecto; quicquid enim per se inexistit subiecto vel ideo per se inexistit, quod ipsum est de essentia subiecti, vel quia subiectum est de essentia ipsius; Per se enim inexistere, est per suam essentiam inexistere. Ergo vel per suam essentiam ex parte prædicati, vel per essentiam ex parte subiecti, ita vt quodcumq; prædicatum aliquod convenit subiecto, neque propter essentiam subiecti neq; propter essentiam prædicati, non conveniat illi per se, sed per accidens, si de per se quoad existentiam sit sermo. Quod adicio propositum: quia potest esse aliquid non per se quoad in existentiam, aliis tamen modis ut per se, verbi gratia, per se in causando, vt cum ideo, Iugulatus interiit, prædicatum non per se est inexistens subiecto nec primo, nec secundo modo, est tamen per se causatum à subiecto, vnde quoad in existentiam, habet se per accidens, quoad causalitatem, habet se per se, ad subiectum. Quare cum dicimus, duos esse modos per se prædicandi, intelligimus cum Aristotele de modis prædicandi fundatis in existentia, non vtrò de aliis modis prædicandi, non fundatis in existentia prædicatorum in subiectis, vt cum dico Iugulatus interiit, in hac prædicatione, prædicatum non verè inexistit, sed potius coexistit subiecto, quod est valde notandum ad distinguendos hos per se modos, ab aliis.

Tertius modus per se, est modus per se essendi, qui modus convenit substantiis, ut per se ipsas existunt, non per aliquid alterum, accidentia enim, non per se existunt, sed per substantiam, cui nisi innitantur, non existunt. Vnde quando accidentia significatur vt existentia, significatur materialiter substantia, ratione cuius existunt: vt cum dico album vel ambulans, involvo subiectum, quod est album, & quod est ambulans, & sic album non per se existit formaliter, sed vt involvit subiectum per quod existit. Porro hic tertius modus per se, non est determinatus ad prædicationem, quia etiam extra prædicationem invenitur in ipsa nominum simplicium significatione, substantiæ, vel accidentis: & sic Aristoteles, illum explicavit, non in aliqua propositione, sed in simplicibus vocibus: Ambulans enim inquit, significat alterum quid existens, quod est ambulans, nempe ipsum subiectum: substantiæ autem, & hoc aliquid, nihil aliud præter seipsam significat; ambulans enim, non ratione ambulationis formaliter, sed ratione subiecti quod involvit est quid existens.

Quartus modus, Est modus per se causandi, tunc autem effectus per se causatur ab aliqua causa, quando propter illam causam existit; alioqui, si non propter illam causam existit, causatur per accidens. Dat exemplum Aristoteles. Si ambulante aliquo fulguravit, ambulatione non est causa per se, fulgurationis: quia non propter ipsam existit fulguratio: Solùm igitur erit causa per accidens, quia est concomitans causæ per se fulgurationis, tunc enim cum esset fulguratio, extitit ambulatione. Si verò inquit Aristoteles Iugulatus interiit, jugulatio est causa per se inexistens: quia propter iugulationem interiit: Ad hunc autem quartum modum, pertinet non sola causa efficiens, sed etiam alia genera causarum.

Notandum est tertio: Difficultatem esse, qua ratione hi quatuor modi differunt inter se: Videntur enim duo primi modi aut continere reliquos, aut si non continent, non esse sufficientes, Statuuntur autem duo primi modi, esse mo-

*Modi per se inexistendi & per se prædicandi duo.*

*Tertius modus per se.*

*Hic tertius modus per se non est determinatus ad prædicationem*

*Quartus modus per se.*

*Nota quomodo quatuor modi inter se differant.*

di per se prædicandi : Si agitur continent omnes modos per se prædicandi, debent continere etiam tertium & quartum modum : Nam omne quod per se quocunque modo se habet, sive in essendo, sive in causando, habet per se etiam per se in prædicando : Ergo cum tertius modus sit, modus per se essendi, quartus per se causando, erit uterque modus prædicandi, & sic pertinebit tertius & quartus modus, ad primos duos. Si vero duo primi modi, non contineant omnes modos, per se prædicandi, sequetur illos non esse sufficientes, cum præter illos dentur alii.

*Primi duo  
modi sunt mo-  
di per se præ-  
dicandi.*

Dicendum tamen est, Primos duos modos, esse modos per se prædicandi, non quomocunque, sed solum respectu prædicatorum per se inexistantium subiectis, ita ut omne prædicatum per se inexistens alicui subiecto, necesse sit altero illorum duorum modorum inesse, & prædicari : nempe vel quia prædicatum est de essentia subiecti, vel quia subiectum est de essentia prædicati. Alia verò prædicata, quæ non insunt per se subiectis, sed extrinsecè, dicuntur de subiectis, possunt quidem per se suo modo prædicari, sed non pertinebunt ad primum vel secundum modum per se, quia eorum prædicatio, non fundatur in modo per se inexistendi, sed vel in modo per se essendi, vel in modo per se causando. Quare hæc propositio, irregularis interit, est per se quarto modo, non verò primo, vel secundo, quia talis prædicatio, non fundatur in inexistencia prædicati, sed in eius causalitate à subiecto. Similiter hæc propositio homo est, est per se in tertio modo, Hæc verò album est, est per accidens : quia in his solum spectatur, quod existentia conveniat subiecto, ratione sui vel ratione alterius. Ex quibus patet, primos duos modos, esse modos

*Non repugnat  
omnes modos  
concurrere in  
vna propositi-  
one.*

*An propositio  
innaturalis  
pertineat ad  
secundum mo-  
dum per se.*

*Propositio in-  
naturalis per-  
tinet ad primum  
modum per se.*

*An propositio  
spectet ad pri-  
mum modum  
per se quando  
definitio acci-  
dentis prædi-  
catur de acci-  
dente.*

per se inexistendi, & ex consequenti per se prædicandi, intelligendo de prædicatione fundata in inexistencia per se. Tertius verò modus, est modus per se existendi, hoc est ratione sui, est causa prædicati, & sic omnes quatuor modi erunt inter se distincti, nec unus includetur in altero. Non tamen repugnat eos concurrere in vna propositione. Nam hæc propositio, rationale est risibile, est per se, & in secundo, & in quarto modo : In secundo, quia subiectum est de essentia prædicati, in quarto verò, quia subiectum est causa prædicati. Quocirca ad determinandum, quæ propositio ad quem modum per se pertineat, semper consideranda est ratio propria formalis cuiusque modi.

Notandum est Quarto, circa primum modum per se, difficultatem esse, in propositio innaturalis pertineat ad primum modum per se. Ut si dicam, Rationale est homo. Videtur enim pertinere ad secundum modum per se, quia eius subiectum est de essentia prædicati. Alii tamen oppositum & verius sentiunt pertinere ad primum modum per se, quia in hac propositione, propter innaturalitatem modum prædicandi, subiectum dicitur de essentia prædicati. Si vero naturali modo fiat prædicatio, tunc prædicatum erit de essentia subiecti, ac ex consequenti ad primum modum per se pertinebit. Porro porius ad eum modum per se spectare debet propositio, ad quem ex natura terminorum spectat, non vero ad quem spectat ex dispositione indebita terminorum, esse enim per se, ex natura rebus convenit.

Maiores autem difficultates sunt, quando definitio accidentis prædicatur de accidente ut cum dico sinum est infusus curvus, an scilicet hæc prædicatio pertineat ad primum modum per se; videtur enim ad primum pertinere, quia prædicatum, est de essentia subiecti, definitio de essentia definiti. Ex altera verò parte videtur ad secundum modum spectare, quia cum sit innaturalis; id quod est prædicatum

dicatur, debet esse, ex natura rei loquendo, subiectum, & sic ex natura rei pertinere, ad secundum modum per se, in quo subiectum est de essentia prædicati.

Propter quod argumentum, quidam existimant pertinere ad secundum modum, Neque verò reputant absurdum, definitionem prædicari de definito, non naturaliter, dicunt enim dupliciter definiiri accidens; Primo in abstracto, ut similitudo est naturaliter; Secundo in concreto, ut similitudo, est nasus curvus. Prior definitio naturaliter prædicatur de accidente, quia in ea definitur ipsa forma, & essentia accidentis. Posterior verò, non prædicatur naturaliter, quia in ea definitur accidens non præcisè secundum formam accidentalem, sed etiam materialiter ut involvit subiectum.

Aliis tamen videtur omnem definitionem, prædicari de definito naturaliter, ac et consequenti in primo modo per se. Nam quod dicitur subiectum non prædicatur naturaliter de accidenti, id verum est, si sumatur accidens formaliter, non verò si sumatur materialiter: Nam accidens formaliter sumptum, potius ipsum inest subiecto, quam subiectum ipsi; sumptum verò materialiter & in concreto, involvit subiectum in confuso, ratione cuius potest recipere naturaliter prædicationem subiecti, distinctam & explicatam. Sic similitudo, significat id, quod est affectum similitudinis; id verò quod est affectum similitudinis est nasus.

Quæri etiam solet, An propositiones negativæ pertineant ad primum modum per se: ut cum dico substantiam non esse quantitatem. Respondeo pertinere ad primum modum reductivè, Nam licet prædicatum non sit de essentia subiecti (negatio enim non est de essentia entis) tamen quia negationes reducuntur ad suos habitus, quorum sunt negationes, consequens est, ut si habitus affirmantur essentialiter, etiam negationes eorum prædicentur; quia sunt negationes eorum, quæ essentialiter & in quid prædicantur.

Notandum est quintò, circa secundum modum per se, quidam sentiunt non spectare ad hunc modum nisi illas propositiones, in quibus passio propria quarto modo, prædicatur de subiecto, ut homo est sensibilis; volunt enim ex mente Aristotelis propositionem per se, esse de omni & habere prædicatum convertibile cum subiecto. Verum nihil tale colligi potest ex Aristotele, imò contrarium Aristoteles docet ex text. 9. & 10. Rectum per se inest lineæ, & par numero, cum tamen neque rectum, inest omni lineæ, neque par omni numero. Neque dici potest ista sub distinctione convenire per se, non absolute, ut si dicam, lineæ est recta, vel curva. Numerus est par vel impar. Mameriti hanc distinctionem requirunt ibidem Aristoteles ad hoc, ut prædicatio sit necessaria simpliciter; non tamen requirit ad hoc, ut prædicatio sit per se. Nam ad prædicationem per se, sufficit ut subiectum sit de essentia prædicati, ut patet ex definitione secundi modi per se: hoc autem æquè habetur cum distinctione, sicut sine distinctione. Ex quo etiam sumitur ratio contra priorem sententiam. Nam ad secundum modum per se sufficit subiectum esse de essentia prædicati, hoc autem accidit, si prædicatum sit de omni, si non, si sit convertibile cum subiecto, si non.

Facet ad demonstrationem potissimam requiri, ut propositio per se, secundi modi sit de omni, & convertibilis; verum rationes formales istorum, semper sunt diversæ etiam si concurrant in unam propositionem. Unde Aristoteles cum desinit prædicatum universale, expressè ista distinguit in definitione tanquam diversum.

*Subiectum non prædicatur naturaliter de accidente accepto formaliter.*

*Propositiones negativæ pertinent ad primum modum reductivè.*

*Quæ propositiones spectant ad secundum modum per se.*

*Ad demonstrationem potissimam requiritur ut propositio per se secundi modi sit de omni, & convertibilis.*

se, non includitur formaliter de omni, nec secundum quod ipsum. Non igitur solum proprium quarto modo est in secundo modo per se, sed etiam omne prædicatum, quod essentialiter requirit certum subiectum, summi omnia semper, & convertibiliter competat, siue non. Et sic hæc propositio; lineæ est recta, est per se, secundo modo, quia illi convenit definitio, secundi modi.

*Omne per se  
est necessarium  
illo modo  
quo est per se.*

At obicies. Sequi hanc propositionem. Homo est Grammaticus. esse per se, quia prædicatum, requirit essentialiter tale subiectum: hoc autem dici non potest, quia omne per se, est necessarium; homo autem contingenter & non necessarium est Grammaticus. Ergo. Respondeo, omne per se esse necessarium illo modo quo est per se: Si enim sit per se solum ex parte prædicati, quod prædicatum per se requirit tale subiectum, erit etiam necessarium, solum ex parte prædicati; quia tale prædicatum est necessarium inesse tali subiecto, & non alteri: Si vero sit per se ex parte subiecti, quod subiectum per se, & essentialiter requirit tale prædicatum, tunc erit etiam necessarium ex parte subiecti. Et quia necessitas ex parte subiecti facit propositionem necessariam simpliciter, necessitas vero ex parte prædicati, facit esse necessarium secundum quod, idcirco propositio per se, solum ex parte prædicati potest esse simpliciter non necessaria, & per accidens, ex parte subiecti, quia est ista, Homo est Grammaticus.

Quæri etiam potest. An proprietates emanantes à subiectis, sed non solis illis subiectis convenientes, sint per se secundi modi, ut ignis est calidus, sol est lucidus. Nam ex una parte cum sint necessariae, debent esse per se: Ex altera vero parte cum illis non convenient primis & secundi modi per se definitiones, non videntur pertinere ad alterum horum modorum.

*Proprietates  
emanantes à  
subiectis sunt  
per se quarto  
modo.*

Respondeo has proprietates esse per se, non primo vel secundo, sed quarto tantum modo; idcirco enim dicuntur per se de subiectis, quia per se causantur ab illis. At iniques, non solum per se causari à subiectis, sed etiam per se illis inesse, cum sint prædicata intrinseca: quæcumque autem per se insunt, primo aut secundo modo per se inesse debent.

*Modus per se  
inexistendi est  
duplex.*

Respondeo, in his propositionibus, totam rationem per se prædicandi, fundari in modo per se causandi, non verò in modo per se inexistendi, ita ut si non causarentur per se, non inexistèrent per se. Modus enim per se inexistendi, est tantum duplex, vel quia prædicatum est de essentia subiecti, vel quia subiectum, est de essentia prædicati: at hæc prædicata neutri horum modorum insunt: Ergo nullo per se modo insunt. Si enim hæc prædicata non causarentur per se à subiectis, inessent illis accidentaliter & contingenter, sicut insunt aliis subiectis, à quibus non causantur. Verbi gratia, si calor non emanaret, neq. causaretur ab essentia ignis, ita inesset igni, sicut inest ligno, ligno autem inest non per se, sed per accidens, solum ex eo, quod non emanat ab essentia ligni: ergo id signum est, non alium modum per se inveniri in talibus propositionibus: nisi modum quartum per se causandi.

*Utrum modi  
per se causan-  
di debeant esse  
duo sicut etiam  
modi per se  
inexistendi.*

Potro ad hunc secundum modum per se, sufficit ut proprietates per se competat siue ratione superioris gradus, siue ratione inferioris gradus: superiora enim continentur in inferioribus, & quod per se competit superiori, competit etiam per se inferiori, ratione superioris.

Notandum est sexto, Circa quartum modum per se quæri posse, An sicut modi per se inexistendi sunt duo, alter ex parte subiecti, alter ex parte prædicati i-

u modi per se causandi, debeant esse duo: vnus ex parte causæ, alter ex parte effectus. Nam hæc propositio: Jugulatus interit, est per se ex parte causæ, non ex parte effectus: quia jugulationi, per se conuenit, non per accidens, causare talem effectum, licet effectui non per se, sed per accidens contingat causari ex jugulatione; potest enim causari aliunde. Hæc verò alia propositio, Edificator ædificat, musicus cantat, ex parte causæ, non est per se, sed per accidens: quia per accidens contingit, quod ædificator ædificet, musicus cantet; quia non necessarium est ædificatorem ædificare, musicum cantare, & tamen ex parte effectus est per se non per accidens: Nam per se conuenit ædificationi vt sit ab ædificatore, cantui vt sit a musico. Quare Aristoteles 1. Phys. text. 33. & alibi, docet has propositiones & similes esse per se, licet sint contingentes.

Ad hanc quæstionem ita respondendum videtur, posse quidem hos duos modos per se causandi distinguere, vt bene probatur in ratione dubitandi, verum vtrique hunc modum contineri in quarto modo per se; quia quartus modus per se, constituitur per vnicam rationem formalem, nempe quod aliqua causa sit causa per se talis effectus. Dupliciter verò causa dici potest, per se causa alicuius effectus: vel quoad essentiam, vt talis effectus est, ita vt non possit ab alia causa causari; vel solum quoad existentiam, hoc est, vt posita tali causa necessario quidem ponatur effectus, tamen ex vi essentiae effectus, non repugnet cum etiam ab aliis causis produci. Vterque verò hic modus, continetur sub vno generico modo per se causandi, vt prior sit modus per se causandi ex parte effectus, posterior ex parte causæ. At modi per se inexistendi sunt ita diversi, vt ad vnum reduci non possunt: Nam duo illi modi per se causandi conueniunt eidem causæ; causa enim vtriusque illorum modorum, dicitur per se causa, modi verò per se inexistendi non conueniunt eidem, sed alter subiecto, alter prædicato, alter facit prædicatum per se, alter facit subiectum per se. Et licet si subiectum sit per se subiectum talis prædicati, etiam prædicatum consequenter conuenit per se subiecto, tamen hæc per se mutatur à subiecto, & soli subiecto proprie & formaliter inest, prædicato vero ratione subiecti. Similiter dicendum est, quando subiectum est per se subiectum, per se facit prædicatum.

*Uterque modus  
causandi per  
se continetur  
in quarto modo.*

*Dupliciter  
dici potest  
causa, per se  
causa alicuius  
effectus.*

## QVÆSTIO XI.

*Quomodo se habeat prædicatum per se ad prædicatum  
de omni, & ad prædicatum necessarium?*

In hac comparatione Quæri potest primum. An quicquid est De omni, sit etiam per se? Pro quo notandum est de omni esse duplex; Alterum quod semper est De omni est de omni; Alterum, quod aliquando est De omni, aliquando est De omni, ali-  
quando non, vt si casu omnes dormirent, vel si conspirarent omnes in aliquid, il-  
lic non esset de omni absolute & simpliciter, sed solum de omni secundum quid,  
ita aliquando tantum esset De omni.

Dico igitur primum: quod est De omni semper, est etiam per se; quod enim semper rei conuenit, non per accidens, sed per se conuenit, quia necessarium: Om-  
nem necessarium est per se.

*Quod est de  
Omni semper  
etiam est per  
se.*

Dico



*Quod est de omni non semper sed aliquando non est per se.*

*Ea que sunt per accidens non semper dicuntur universaliter, tamen dici possunt universaliter per accidens, & aliquando.*

*De omni Posterioriasticum est per se, quia est de omni semper; Prioriasticum vero non est per se.*

*Quod est per se ex parte solum predicati non est necesse ut sit de omni.*

*Id quod est per se primo & secundo modo est necessarium.*

Dico secundò. Quod est de omni non semper, sed aliquando, non est per se: quia simpliciter est contingens, contingentia autem, non sunt per se, sed per accidens. Unde hoc ipsum quod sit de omni aliquando, est illi per accidens; illud enim dicitur per accidens, quod aliquando est, aliquando non: sed quod est de omni non semper, aliquando est de omni, aliquando non: Ergo illi esse de omni, est per accidens, ac ex consequenti ex hoc quod sit de omni, non sequitur quod sit per se. Confirmatur; Quia quod est de omni non semper, neque est per se ex parte subiecti, neque ex parte predicati: Ergo nullo modo: non ex parte subiecti, quia subiectum, potest esse sine predicato: non ex parte predicati, quia predicatum potest esse sine subiecto.

Quod si obicias Aristotelem 5. Met. text. 15. oppositum docere, nempe ea que sunt per accidens, non dici universaliter; quæ enim sunt universaliter, sunt per se. Respondeo. Ea que sunt per accidens, non dici universaliter ex natura rei, ut semper dicantur universaliter; dici tamen possunt universaliter per accidens, & aliquando; quod enim per accidens multas evenit, quid prohibet etiam omnibus per accidens convenire? Id igitur solum quod est universale ex natura sua & semper; non est per accidens, sed per se; quod vero casu est universale, & inest omnibus, non per se est, sed per accidens.

Ex quo patet De omni Posterioriasticum esse per se, quia est de omni semper, & ex consequenti ex natura sua est de omni. Prioriasticum vero, non est necessarium per se, quia potest non semper esse de omni.

Secundò quaeritur. An quicquid est per se, sit etiam de omni? Respondeo negativè. Nam licet id quod est per se ex parte subiecti, sit etiam de omni: quia quando subiectum ex natura sua exigit predicatum, semper & ubique illud existit, ut homo exigit rationalitatem, & risibilitatem; tamen quando est per se solum ex parte predicati, non est necesse ut sit de omni, quia etiam si predicatum per se exigit tale subiectum, tamen potest esse, ut subiectum non exigit tale predicatum & possit esse sine tali predicato. Sic rectum per se, convenit lineæ par numero, & tamen non est de omni. Non enim omnis linea est recta, nec omnis numerus est par.

Quod verò quidam dicunt, ad hoc ut aliquid sit per se requiritur ut sit de omni, ita ut nisi sit de omni, non sit per se, id planè gratis asseritur: Nam definitiones modorum per se, nihil tale includunt, sed solum quod predicatum sit de essentia subiecti, vel subiectum de essentia predicati. Unde patet rationes formales per se, & de omni, esse diversas, & posse unam convenire etiam si altera non conveniat. Et quamvis ad demonstrationem requiruntur propositiones quæ habeant utramque, nempe quæ sit & per se & de omni; tamen non est negandum propterea, aliquas propositiones esse per se quæ non sint de omni, sed dicendum quod illas non pertinere ad demonstrationem. Quocirca & Aristoteles in text. 9. & 10. posuit exempla per se, in iis quæ non sunt de omni, ut quod linea sit recta, quod numerus sit par.

Tertiò quaeritur. An omne per se sit necessarium? Respondeo cum Aristotele text. 12. & 13. Id quod est per se primo & secundo modo, esse necessarium. Ratio est: Quia definitio, convenit necessariò definito: at in primo modo per se predicatum est definitio subiecti, in secundo subiectum est definitio predicati: Ergo

verque modus per se infert necessitatem. Deinde quod est per se tale, est essentialiter tale: quod autem est essentialiter tale est necessariò tale; quia essentialia sunt necessaria: Ergo quod est per se tale, est necessariò tale.

Verum notandum est. Necessitatem ipsam, vel esse ex parte subiecti, quando subiectum necessariò requirit prædicatum, vel ex parte prædicati, quando prædicatum necessariò requirit subiectum. Prior igitur necessitas facit propositionem necessariam simpliciter: quia subiectum nunquam potest esse sine prædicato ut homo est animal; posterior verò necessitas, non facit propositionem simpliciter necessariam, sed secundum quid, quia subiectum, potest esse sine prædicato. Si enim propositio sit necessaria solum ex parte prædicati, non necessaria verò ex parte subiecti; erit propositio simpliciter contingens, & secundum quid necessaria. Ut cum dico numerum esse parum, lineam rectam. Semper tamen ea ratione, quâ aliquid est necessarium, est etiam per se, & è converso, quia ratione est per se, est etiam necessarium.

Quod si quæras. An idem dicendum sit de tertio, & quarto modo per se. Respondeo, quoad quartum modum, idem dicendum esse; omnis enim causa per se, est necessariò causa, siue quoad existentiam, siue quoad essentiam effectus. Quoad existentiam, ut cum dico. Iugulatus interit; posita enim iugulatione, necessariò existit talis effectus, licet essentia effectus, non postulet fieri à tali causa. Quoad essentiam verò ut cum dico, Ædificator ædificat; non potest enim ædificatio, nisi à ædificatore fieri, & sic ex parte prædicati est necessitas, licet nō ex parte subiecti.

De tertio etiam modo, idem suo modo dici potest; quod enim per se non per aliud existit, necessariò existit, si per se solum spectetur; quod verò non per se, sed per aliud, hoc est per subiectum existit, non est necesse ut existat, si per se solum spectetur, sed per accidens illi convenit existere, quia per aliud: Ex quo patet, quia ratione aliquid per se existit, eadem ratione necessariò existere formaliter loquendo, ex illo capite ex quo habet per se existere: nam ex alio capite & aliunde, potest contingenter existere, nempe respectu suarum causarum, à quibus pendet.

Quartò quæritur. An omnes hi quatuor modi per se servant demonstrationi. Respondeo potissimæ demonstrationi deservire duos primos modos, ut manifestum est ex Aristotele. Et ratio est, quia ad potissimam demonstrationem, requiritur perfectissima necessitas, quæ tunc est, quando ex utroque termino propositio est necessaria, hoc est tam ex parte prædicati quàm ex parte subiecti, quod invenitur in primo & secundo modo per se coniunctis. De quarto vero modo quidam asserunt non deservire demonstrationi potissimæ, nisi quatenus coincidit cum primo vel secundo: ut cum dico, rationale est risibile, hæc propositio est per se, & in secundo modo & in quarto; in secundo, propter inexistantiam per se, in quarto propter causalitatem per se.

Verum si hi authores concedant quartum modum formaliter deservire demonstrationi, tunc cum coincidit cum primo vel secundo, facile illis assentitur. Si vero negat deservire formaliter sed solum per accidens se habere, non assentior: quia in demonstratione potissimæ, non minus spectatur connexio per se, quod existentiam, quàm connexio causæ & effectus, quod causalitatem: Imò hæc potissimum spectatur, cum in demonstratione ex causa inferatur effectus. Quare dico etiam quartum modum deservire formaliter demonstrationi potissimæ, quatenus est modus per se causandi, sed non nisi tunc, quando includit necessitatem ex vera-

*Necessitas per se primo & secundo modo dupliciter se habet.*

*Per se quarto modo est necessarium.*

*Dupliciter causa per se est necessario causa.*

*Per se tertio modo est etiam necessarium suo modo.*

*Potissimæ demonstrationi serviunt duo priores modi.*

*Quartus modus quemodo deserviat demonstrationi*

*Quartus modus deservit formaliter demonstrationi potissimæ.*

*Quatenus est modus per se causandi.*

que

*An in demonstratione potissima coincidat quartus modus cum primo vel secundo?*

*Quartus modus non non deseruit demonstratione potissima nisi coincidat cum primo vel secundo quia demonstratione potissima demonstrat proprietatem intrinsecam subiecti.*

*Tertius modus per se non seruit demonstrationi.*

que parte, ita ut & causa requirat talem effectum, & effectus talem causam.

An vero in demonstratione potissima necesse sit coincidere quartum modum, cum primo vel secundo, merito dubitari potest; nam isti authores id asserunt eo argumento: Quia in demonstratione potissima requiritur, ut sit propositio necessaria ex utraque parte; hoc autem esse non potest, nisi à primo & secundo modo per se. Verum hæc ratio est falsa: Nam hæc propositio, ecclypsis solis sit ex interpositione lunæ, est per se quarti modi, & ex utraque parte necessaria, ut per se manifestum est, & tamen ista propositio non est primi nec secundi modi; hi enim modi, sunt modi inexistentiæ per se: at hic interpositio lunæ non inexistit soli: Ergo non potest spectare ad primum vel secundum modum per se, habet enim se prædicatum merè extrinsecè ad subiectum, & solam per se causat subiectum non verè per se ei inexistit.

At obiciunt, Aristotelem nusquam ad demonstrationem potissimam quartum modum requisivisse, sed duos tantum, primos: Nam text. 15. docet, demonstrationem cum constare debeat ex necessariis, debere constare ex primis duobus modis per se; quod enim inquit altero horum modorum non inest, per accidens inest. Respondeo ad salvandam auctoritatem Aristot. concedendum esse quartum modum, non deservire demonstrationi potissimæ, nisi coincidat cum primo vel secundo, non propter rationem quam isti adferunt, quasi propositio causalis non possit esse necessaria ex utraque parte, nisi sit in primo vel secundo modo per se, hoc enim falsum esse jam ostensum est, sed quia demonstratio potissima, demonstrat proprietatem intrinsecam, per causam intrinsecam subiecti, Vnde cum in maiori prædicatur proprietates de causa erit propositio per se, non solum propter causalitatem per se, sed etiam propter inexistentiæ per se, coniunguntur; simul duæ necessitates, & per se causandi, & per se inexistendi. Rectè igitur Aristoteles dicit, necesse est ut quod per se inexistit, primo vel secundo modo per se inexistat: Nam etiam quod per se causatur, debet per se inexistere, si ad demonstrationem potissimam referatur. De tertio modo per se res est clara, non servire demonstrationi, cum non spectetur in prædicatione, sed sit simplex modus essendi extra prædicationem.

## QVÆSTIO XII.

*An demonstratio constare debeat Prædicatis universalibus?*

*Dupliciter dicitur prædicatum universale.*

*Prædicatum potest esse universale primo modo.*

**P**ædicatum dupliciter dici potest universale: Primo ex parte subiecti, quando de subiecto secundum totam subiecti universalitatem & amplitudinem prædicatur, ut omnis homo est animal; Secundo ex parte prædicati, quando prædicatum secundum suam totam universalitatem & amplitudinem inest subiecto, seu quando non est in plus, quam subiectum, ut loquitur Aristoteles in fine text. 14. hoc est, quando non excedit subiectum, & adæquatè illi inest: ut cum dico, hominem esse risibilem, risibile non excedit hominem; non enim inest nisi homini.

Potest autem prædicatum esse universale; primo modo, non secundo, ut homo est animal; animal enim inest omni homini, non tamen omne animal inest ho-

mini, cū aliquod etiam animal inest bruto. Potest etiam esse vniuersale secundum modo, & non primo, vt cū dico lineam esse rectam; Omne enim rectum, inest lineæ, cū extra lineam non sit rectum, non tamen inest omni lineæ, cū non omnis linea sit recta. Potest etiam vtroq; modo prædicatum esse vniuersale, vt cū dico, Hominem esse risibilem: Nam & omnis homo est risibilis, & omne risibile est homo, quod etiam cernitur in aliis propositionibus convertibilibus.

*Potest etiam esse & secundum*

*Potest vtroq; modo.*

Prædicatum igitur vniuersale in demonstratione potissima, debet esse vniuersale vtroque modo, ita vt sit prædicatum convertible cum subiecto, idque patebit ex definitione vniuersalis quam assignat Aristoteles text. 11. ita enim ait: vniuersale autem dico, quod vtrique & de omni sit & per se, & secundum quod ipsum.

Circa quam definitionem sciendum est, quosdam existimare eam esse perfectam & sufficientem, quare particulam illam secundum quod ipsum, ita restringunt, vt solum significet secundum ultimam & specificam rei differentiam; ita vt quod convenit rei secundum gradum genericum, non dicatur secundum quod ipsum, sed solum quod convenit rei, secundum gradum specificum. Quare hæc propositio, Homo est animal, est quidem de omni & per se, non tamen secundum quod ipsum, quia prædicatum, non convenit subiecto secundum gradum eius specificum, ac consequenter non est vniuersale, quia prædicatum vniuersale cū debet recipiari cum subiecto, debet convenire subiecto secundum rationem eius specificam.

Verum hi authores manifestè repugnant Aristoteli, qui in eodem text. 11. ait, se pro eodem accipere per se, & secundum quod ipsum: per se inquit, & secundum quod ipsum idem; Cū igitur per se non solum sit illud quod convenit rei secundum rationem specificam, sed etiam quod convenit rei secundum rationem genericam; pari ratione & secundum quod ipsum erit, quod convenit rei, siue secundum rationem specificam siue genericam: falsò igitur & contra mentem Aristotelis restringunt, secundum quod ipsum, ad rationem specificam.

*Per se convenit rei etiam secundum rationem genericam.*

Nam quod respondent Aristotelem dicere, idem esse per se, & secundum quod ipsum, sed materialiter non formaliter, idq; solum in iis propositionibus in quibus concurrunt: id facile refelli potest, primò: quia idè Aristoteles ista dicit idem esse, ne putarentur esse posita in definitione vniuersalis tanquam diversa; hoc enim intuenti definitionis datæ dixit. Secundò, ipsemet Aristoteles probat, ista esse idem formaliter, cū vnum assignat pro ratione formali alterius; idcirco enim alioquin ait dici per se, quia est secundum quod ipsum & è converso, idcirco secundum quod ipsum, quia per se. Ex quo patet particulam secundum quod ipsum, neque secundum mentem Aristotelis, neq; secundum veritatem, restringi ad significandum tantum rationem specificam, sicut neq; per se restringitur; maxime cū terminus ipse, sit ex se indifferens ad significandum secundum quod ipsum genericum: & specificum.

Alio ergo dicunt & melius definitionem hanc vniuersalis, non esse perfectam, sed inchoatam tantum, neque sufficienter explicare rationem vniuersalis, idque tam ex natura rei, quam ex mente Aristotelis. Ex natura rei: quia non sufficit ad rationem prædicati vniuersalis quod sit de omni, & per se & secundum quod ipsum, multa enim sunt de omni & per se & secundum quod ipsum, quæ non sunt

*Definitio vniuersalis non est perfecta sed inchoata tantum.*

sunt vniuersalia : quia non conueniunt subiecto primo , vti requirit Aristoteles ad rationem vniuersalem ; neque sunt convertibilia cum subiecto. Vt cum dico , omnis homo est animal , animal est prædicatum de omni , & per se , & secundum quod ipsum , respectu hominis , & tamen non est prædicatum vniuersale , quia nec primo conuenit homini , neque convertitur cum homine. Deinde etiam si secundum quod ipsum sumatur vt significat secundum gradum specificum ; tamen datur prædicata , quæ sunt de omni , per se , & secundum quod ipsum specificè , & tamen non sunt vniuersalia , quia non conueniunt subiecto primo , nec convertibiliter. Vt si dicam ignem esse calidum ; calor enim conuenit igni secundum gradum specificum ignis , & tamen nec primò igni conuenit , nec convertibiliter. Non enim ex mente Aristotelis , quia is ad dictam definitionem addit aliam particulam , quæ non continetur in priori definitione , & tamen in ea completur ratio formalis vniuersalis. Postquam enim dixit , quando aliquod prædicatum sit per se , & quando secundum quod ipsum , statim adiecit etiam , quando sit vniuersale , indicans per se , & secundum quod ipsum , non semper esse vniuersale. Vniuersale autem , inquit , est tunc , quando in quolibet & primò monstratur. Potest autem esse per se , & secundum quod ipsum , & non conuenire primo subiecto , vt dictum est.

*Definitio prædicati vniuersali vera.*

Deo igitur primò , definitionem prædicati vniuersalis esse illam , cum dicatur esse id quod in quolibet & primò monstratur. Ratio est ; quia vniuersale prædicatum est vniuersale tam ex parte subiecti , quam ex parte prædicati. Quatenus igitur de quolibet monstratur est vniuersale ex parte subiecti , quatenus vti monstratur primò de illo subiecto , est vniuersale ex parte prædicati , quia non est extra aliud subiectum. Ex quo patet dictam definitionem vniuersalis , esse sufficientem & perfectam. Pro quo.

*Dupliciter aliquod prædicatum potest dici primum respectu alicuius subiecti.*

Notandum est Primò , dupliciter aliquod prædicatum , dici posse primum respectu alicuius subiecti : Primò negativè , quia non conuenit alteri prius : Sic animal conuenit homini primò , quia nulli alteri prius , quia eodem modo conuenit brutis ; & hic modus non sufficit ad rationem prædicati vniuersalis : nam hoc modo conueniunt primò etiam quæ non sunt vniuersalia ex parte prædicati , vt patet in dicto exemplo animalis. Secundo positivè , quando non solum nulli alteri subiecto prius conuenit , sed etiam isti subiecto ita conuenit , vt per ipsum cæteris omnibus conueniat. Sic risibile conuenit primò homini , quia nulli alteri prius quam homini , & ratione hominis conuenit omnibus quibus conuenit. Et hoc sensu Aristoteles prædicatum vniuersale vult esse primum , & conuenire primo subiecto , vt patet ex text. 11. & 14. hoc enim modo verè erit vniuersale etiam ex parte prædicati , quia non erit extra tale subiectum ; in eo enim vniuersalitas consistit ex parte prædicati.

*Ad rationem prædicati vniuersali requiritur etiam vt sit de omni.*

Notandum est secundò , Non sufficere ad rationem prædicati vniuersalis , vt sit primum , & primo conueniat , sed etiam requiritur , vt sit de omni ; nam rectum conuenit primo lineæ , quia tamen non omni lineæ , ideo non est prædicatum vniuersale. Rectè igitur Aristoteles rationem prædicati vniuersalis posuit in duobus , nempe quod de quolibet & primo monstratur.

Quod si quæras , cur non adiecit in definitione quod sit per se , & secundum quod ipsum , Respondeo , Non fuisse necesse adicere , cum ea particula contineatur in alio. Nam quod est primo in aliquo subiecto , est per se , & secundum quod ipsum.

Similiter

Similiter quod est ex natura rei in quolibet subiecto, est per se in illo, & secundum quod ipsum.

Si etiam quæras, An omne prædicatum convertibile cum subiecto sit vniuersale: *Non omne prædicatum vniuersale necesse sit vt sit convertibile cum subiecto, non tamen è conuertibile cum subiecto est vniuersale.* quidam enim ita existimant: At nos contrarium censemus. Nam licet omne prædicatum vniuersale necesse sit vt sit convertibile cum subiecto, non tamen è conuertibile cum subiecto est vniuersale. Risible enim & flebile, dicuntur de se conuertibiliter, & tamen neutrum est primum subiectum alterius, ac ex consequenti, neutrum est prædicatum vniuersale respectu alterius; Non enim risibile primum, conuenit flebili, nec flebile primum conuenit risibili, sed vtrumque primum conuenit rationali.

Notandum tertio: tribus modis nos decipi posse in cognoscendo prædicato vniuersali, vt docet Aristoteles in tex. 12. Primo, quando proprietatem generis tribuimus speciei tanquam primo subiecto, eo quod genus illud non videamus nisi in illa specie, vt si non esset nisi vna species animalis in mundo, putaremus sensiuum, primum conuenire homini. Secundo quando genus est innominatum, tunc etiam putamus speciebus primum conuenire proprietatem generis. Tertio quando proprietatem generis demonstramus de genere, sed contracto ad aliquam speciem, tunc existimare possumus genus sic contractum esse primum subiectum talis proprietatis: vt qui demonstraret parallelas rectas non coincidere, tunc parallele non vt rectæ, sed vt parallele seu æque distantes, essent primum subiectum istius prædicati.

Addit Philosophus, quod si quis proprietatem generis demonstraret de omnibus speciebus, nondum sciret illam vniuersaliter, quia non demonstraret de subiecto primo, cum non species simul acceptæ, sed genus abstractum à speciebus sit primum subiectum talis proprietatis.

Tandem dat Aristoteles tex. 14. duas regulas cognoscendi prædicatum vniuersale. Prima est, quando ablatis aliis omnibus, & illo solo relicto, adhuc proprietatis inest subiecto, tunc illud primum erit subiectum talis proprietatis, vt ablato à triangulo quod sit æneus vel æquicus, & relicto solum quod sit triangulus, habet tres angulos æquales duobus rectis: Triangulus ergo vt triangulus, erit primum subiectum huius proprietatis. Secunda est, quo primo ablato aufertur proprietas, illud est primum subiectum talis proprietatis. Verbi gratia, ablato ab homine, animali, aufertur consequenter risibilitas; quod enim non est animal non potest esse risibile; non tamen idcirco animal est primum subiectum risibilitatis, quia non eo primo ablato aufertur risibilitas, sed ablato animali aufertur rationalitas, quæ est primum subiectum risibilitatis, & rationalitate primo ablata, etiam risibilitas non aufertur, aufertur risibilitas.

Dico secundò, Ad demonstrationem potissimam, requiri prædicata vniuersalia quæ omni & primo conueniunt. Primo: quia demonstratio potissima, constare debet ex necessariis, non quibuscunque, sed primo necessariis: primo autem necessaria sunt ea, quæ respectu primi sui subiecti sunt necessaria: Nam ratione primi subiecti, conueniunt aliis quoque necessariis. Ergo demonstratio potissima debet constare ex quæ omni & primo conueniunt seu vniuersalibus. Secundo: quia nisi cognoscatur proprietas respectu primi sui subiecti, non scietur perfectè; quia non scietur inest; est enim talis respectu sui primi subiecti, & ratione primi habet se ad alia quæ omni conueniunt. Cum ergo ad demonstrationem perfectissimam requiratur perfectè rei primo conueniunt.

*Tribus modis decipi possumus in cognoscendo prædicatum vniuersale.*

*Duas regulas dat Aristoteles cognoscendi prædicatum vniuersale.*

*Ad demonstrationem potissimam requiruntur prædicata vniuersalia quæ omni conueniunt.*

*Demonstratio  
debet constare  
prædicatis pri-  
mis & uniuer-  
salibus etiam  
in præmissis.*

Porro demonstratio debet constare prædicatis primis & uniuerſalibus, non ſolum in conſequentia, ſed etiam in præmiſſis: Nam ſi paſſio demonſtratur de primo ſuo ſubiecto, demonſtratur per definitionem ſubiecti: Vnde in Maiore paſſio prædicatur de ſua prima cauſa quæ etiam eſt primum ſubiectum ipſius; in Minori prædicabitur definitio ſubiecti de ſubiecto: & ſic tota demonſtratio poſſiſſima conſtitit prædicatis primis, vt patet in hac demonſtratione: omne rationale eſt riſibile: Omnis homo eſt rationalis: Ergo omnis homo eſt riſibilis. Ex quibus patet illam demonſtrationem quæ non habet prædicata prima, non eſſe poſſiſſimam.

### QVÆSTIO XIII.

*An demonſtratio debeat conſtare Principiis propriis?*

*Proprium  
quid?  
Principia quæ  
dicantur pro-  
pria.*

**A**ſſertur id & probatur Ariſtoteles à tex. 19. ad 30. Porro proprium dicitur, & quod non eſt alienum, & quod non eſt commune; aliquando enim opponitur alieno, aliquando communi.

Dico igitur Primò, Principia illa dicuntur propria; quæ nec ſunt aliena nec communia, ſed ad illud genus ſubiecti de quo fit demonſtratio, per ſe pertinent. Quod fit quando medium per quod fit demonſtratio, per ſe & ſecundum quod ipſum conuenit ſubiecto: vt ſi de homine demonſtrem riſibilitatem per rationalitatem, rationalitas per ſe, & ſecundum quod ipſum competit homini, & ex conſequenti, eſt quid proprium hominis, vnde etiam & principia in quibus tale medium connectitur cum extremis, erunt propria. Nam medium in minori, erit proprium minoris extremi, in maiori verò, erit proprium maioris extremi, quia propria eius cauſa. Vnde patet tunc eſſe principia propria in demonſtratione, quando & paſſio quæ demonſtratur, eſt propria ſubiecto, & medium per quod demonſtratur.

*Demonſtratio  
proprietatis  
genericæ de  
ſpecie erit per  
principia com-  
munia.*

Debet autem utrumque conuenire ſubiecto ſecundum quod ipſum ſpecificè non genericè: Nam quæ conueniunt ſubiecto ratione generis, ſunt communia, ſicut & genus eſt commune, vnde & demonſtratio proprietatis genericæ de ſpecie, non erit per principia propria, ſed communia, vt ſi demonſtrem de homine, ſenſitivum per animal; talia enim principia etiam aliis ſubiectis accommodari poſſunt; Ea- dem enim demonſtratio, poteſt eſſe etiam de bruto. Quare cum demonſtratio ſit homini & bruto communis, etiam principia demonſtrationis, erunt communia, non propria.

*Demonſtratio  
poſſiſſima de-  
bet conſtare  
principiis pro-  
priis.*

Dico ſecundò, demonſtratio poſſiſſima debet conſtare principiis propriis. Probatur primò: Quia in demonſtratione probatur propria paſſio de primo ſuo ſubiecto, & ex conſequenti per primam ſuam cauſam. At principia, quæ continent primam cauſam paſſionis primò conuenientem ſubiecto, ſunt propria: Ergo debet conſtare principis propriis. Confirmatur: quia propria paſſio, non eſt propria ſubiecto niſi mediante ſua propria cauſa; at ſi tam paſſio quàm cauſa ſunt propria ſubiecto, non poſſunt principia non eſſe propria: Ergo. Secundò: Quia demonſtratio debet conſtare ex iis quæ ſunt per ſe, & ſecundum quod ipſum, ſpecificè non genericè tantum, at quæ conueniunt alicui ſecundum quod ipſum ſpecificè, ſunt pro-



ptia: Ergo demonstratio debet constare propriis; Si enim termini demonstrationis sunt proprii illi subiecto, etiam & principia, quæ ex illis terminis conficiuntur, erant propria illi subiecto.

Ex quo infero demonstrationem potissimam non debere esse ex principiis communibus, hoc est, quæ diuersis subiectis, seruire & accommodari possunt; Tales enim demonstrationes non erunt de primo suo subiecto, ac consequenter non erunt potissimæ. Sunt tamen demonstrationes communes ex duplici causa; vel quia sunt demonstrationes de genere; tunc enim, sicut genus est commune suis speciebus, ita & demonstrationes de genere primo factæ, sunt communes omnibus speciebus illius generis. Sic demonstrationes de animalibus, possunt accommodari tam homini quam bruto.

*Demonstrationes communes sunt ex duplici causa.*

Secundò: quando demonstratio de aliquo subiecto per se accommodatur eidem subiecto ut contracto accidentaliter, ut accidit in scientiis subalternatis: Nam omnes demonstrationes quæ fiunt de numero in Arithmetica; applicantur in Musica numero sonoro. Et hoc est quod dicit hoc loco Aristoteles, tunc licere vii communibus demonstrationibus quando una scientia est sub altera, & subiectum vnius, est sub subiecto alterius. Quanquam tales demonstrationes non erunt potissimæ, respectu eius subiecti ad quod extenduntur, sed tantum respectu sui primi subiecti.

Dico, terciò, nullam demonstrationem debere constare principiis alienis; hoc est ad alterum genus subiecti spectantibus, & ex consequenti, non licere demonstrationi transcendere de genere in genus, ut docet Aristoteles text. 19. vt si Geometra demonstraret terram esse rotundam per principium Physicum à gravitate sumptum, nempe quod partes terræ ob grauitatem, appropinquantes quàm maximè centro, faciant figuram rotundam. Aut si Physicus per principia Geometrix aut perspectivæ, demonstraret terram esse rotundam. Porro tales demonstrationes, non adeò non sunt licitæ, quòd non sint veræ demonstrationes, sed quod non sint proportionatæ: quia non propriæ illi scientiæ; vnaquæque enim scientia debet se continere intra limites sui obiecti, nec debet alienis principiis vt, sed suis; alioqui scientiæ confunderentur. Hoc enim solum conceditur scientiis sub alternatis quæ cum habeant suum obiectum, sub obiecto alterius scientiæ, habent consequenter ut vtendi principiis alterius scientiæ, à qua etiam non sunt omnino diuersæ.

Sed obicies. Metaphysica & Dialectica demonstrat obiecta omnium scientiarum ex communissimis principiis: Ergo transcendunt de genere in genus, Respondet cum hæc duæ scientiæ habeant obiectum vniuersalissimum, quod complectitur obiecta omnium scientiarum particularium, non est mirum si demonstrent obiecta aliarum scientiarum. Non tamen in hoc transcendunt de genere in genus, quia demonstrant intra rationem formalem sui obiecti, & ex principiis propriis sui obiecti; transcenderent autem si alienum obiectum, per alterius scientiæ principia probarent.

*Quomodo nulla demonstratio debeat constare principiis alienis.*

## QVÆSTIO XIV.

*An demonstrationes Mathematicæ sint perfectissimæ & conditiones demonstrationis potissimæ habeant?*

**H**Aecenus Aristoteles descripsit Ideam perfectissimæ demonstrationis. Verum an hæc Idea inueniatur expressa in scientiis quas habemus, merito dubitari potest: præcipue verò de Mathematica, quæ inter scientias habetur certissima & evidentissima.

*Sententia de demonstratione an inueniatur in rerum natura, ut est descripta ab Aristotele.*

Prima igitur sententia est; demonstrationem qualem descripsit Aristoteles aut nullam inueniri in rerum natura; aut solum in Mathematicis demonstrationibus: Quod enim in aliis scientiis non detur potissima demonstratio, Pater: quia ad demonstrationem potissimam requiritur, ut demonstretur proprietas, de primo suo subiecto per essentiam subiecti: atque essentia rerum sunt nobis ignotæ: Ergo non potest à nobis haberi perfecta rerum demonstratio: Minor probatur. Quia nullus rei essentia à nobis cognoscitur ut est in se, sed tantum in confuso sub connotationibus aliquorum effectuum vel accidentium: neque plus de essentia rerum cognoscimus, nisi quod sint quædam essentia, habentes tales effectus, vel talia accidentia, in se verò quales sint illæ essentia nescimus. Vnde & Aristoteles de finibus naturam, assignat eius definitionem per connotationem motus & quietis, cum esse principium motus & quietis, non sit primus conceptus naturæ, sed proprietas quædam, naturam consequens. Idem pater in illa vulgari definitione hominis, quod sit animal rationale: Cuius terminos quales sint in se nescimus; hocque solum de illis scimus, quod connotent quædam proprietates: animal, verbi gratia, concipimus esse id, à quo vis sentiendi procedit, rationale verò esse id, à quo intellectus & discursus oritur. Ex quo patet quod cum non possit effectus per causam demonstrari, nisi causæ essentia cognoscatur, causæ autem essentia, à nobis non nisi obscure, & confuse & per connotationem effectuum & accidentium, cognoscatur, sit ut effectus per causam sciri à nobis & demonstrari non possit; quod enim in se est obscurum, illuminare aliud non potest nec esse ratio illud perfecte cognoscendi.

Quod si dicas. Cognosci causam euidenter ex effectibus & accidentibus. Respondetur, hoc solum cognosci euidenter, quod sit quiddam habens talem effectum, vel talia accidentia; hoc autem est confusissimè essentiam causæ cognoscere, & sub connotatione tantum, non secundum se.

Deinde demonstratio non solum requirit, ut sit per causam, sed ut sit de re necessaria, & ex principis necessariis, quæ quidem necessitas, debet esse tanta, ut impossibile sit aliter rem habere: atque hæc tanta necessitas haberi non potest, nisi ex essentia terminorum perfecte cognitis; Termini enim ratione suæ essentia, sunt causa huius necessitatis: cum igitur essentia terminorum, ut dictum est, perfecte à nobis sciri non possint, consequens est, ut etiam necessitas propositionum, perfecta illa cognitione sciri à nobis non possit. Quod si quis dicat, posse à nobis hæc necessitatem cognosci, non solum ex naturis terminorum, sed etiam per alia modum

*Necessitas demonstrationis*

extrinseca, ut per inductionem; primum hæc evidentia erit mutuata non propriis ac proinde imperfecta; deinde non perveniet ad hunc perfectionis gradum ut ostendatur impossibile esse aliter rem habere. Multa enim sunt, quæ nostram inductionem in dubium revocare possunt, vel quod non sit sufficienter facta per omnia particularia; vel quod non sub ea ratione formali qua oportet, vel quod & si in his omnibus individuis ita sit, tamen possent fortè alia dari in quibus id non esset. Sensus etiam quibus inductio innitur, sunt deceptioni sæpe obnoxii, ob indebitam applicationem vel potentie, vel obiecti. Denique quamvis tota inductio vera esset, ex ea tamen colligi non potest, nisi quod ita sit de facto, non verò quod impossibile sit aliter se habere: Nam etiamsi de facto omnia accidentia videamus existerre in subiecto, non possumus tamen inde inferre, impossibile esse, ut accidentia existat sine subiecto, cum id per Dei potentiam fieri possit: imò neque possumus inferre naturaliter id esse impossibile, nisi per suspensionem quandam & discursum, requirunt enim ad hoc, naturalium ipsarum perfecta cognitio.

Iam verò Mathematicas demonstrationes esse potissimas, probari potest ex duobus: Primò ex Aristotele, quia conditiones demonstrationis potissimæ in exemplis Mathematicarum demonstrationum declaravit, ut patet ex toto Poster. libro, in initio text. 13. ita argumentatur: Demonstrationem potissimam esse debere in primo modo primæ figuræ, quia Mathematicæ scientiæ in prima figura demonstrantur; quæ ratio non valeret, nisi demonstrationes Mathematicæ essent potissimæ. Secundò ratione; quia duo requiruntur ad demonstrationem ut sit ex causis, & de re necessaria; sed neutra conditio perfectò modo deest, demonstrationibus Mathematicis: Ergo sunt potissimæ demonstrationes; Nam de necessitate manifestum est, cum sint certissimæ & evidentissimæ, & propter certitudinem & evidentiam sensibilem impossibile est rem aliter se habere: De causis verò, etsi quidam dubitent eas non habere veras causas essendi, sed cognoscendi, tamen reuera, tales habent causas, quibus positis sequitur talis proprietas: ut posito quod triangulus construatur intra duos circulos à centro ad circumferentiam, sequitur manifestè, quod sit æquilateralis; omnia enim latera cum sint à centro ad circumferentiam, erunt æqualia, ut demonstratur in prima Euclidis demonstratione. Et confirmatur: Nam hæc proprietas trianguli, vel habet aliquam causam veram in triangulo, vel non; si habet, ergo potest per eam demonstrari; & quamvis de facto non haberetur hæc demonstratio, potest tamen haberi: Si verò non habeat causam, id absurdum est; si quidem nullus effectus verus, est in mundo, sine aliqua vera causa, cum suum esse non ex se habeat, sed ex sua causa.

Secunda sententia est negantium, demonstrationes Mathematicas esse potissimas: quia non fiunt per veras, & per se causas essendi. Et quidem nonnulli probant id ex eo, quod entia Mathematica, ut quantitates & figuræ, prout à Mathematica considerantur, non dantur in rerum natura; Non enim dantur lineæ per se existentes, vel superficies abstractæ à corpore, vel plana perfecta, vel corpora perfecta rotunda: Similiter triangula vel quadrangula perfecta, & aliæ figuræ admodum Mathematicam non dantur, sed solum sunt talia ad sensum. Porro ad verum & perfectam demonstrationem requiritur, ut sit de ente reali, non de ente imaginario; alioquin non habebit verè & realiter illas proprietates, sed tantum per imaginationem. Verùm hæc ratio, non concludit: Nam licet quantitates & figuræ Mathematicæ non dantur in rerum natura ea perfectione qua requirunt

*si sit per media extrinseca erit mutuata.*

*Probat ex duobus Mathematicas demonstrationes potissimas esse debere in primo modo primæ figuræ.*

*Negat secundam sententiam demonstrationes Mathematicas esse potissimas.*

*Licet non dantur Quantitates*

*rates Mathematicæ, tamen eas dari realiter non repugnet.*

Mathematici, eo quod corpora naturalia non requirant ad suam essentiam tam exactam quantitatem & figuram, ut describitur in Mathematicis; tamen dari realiter non repugnat. Neque verò ad demonstrationem requiritur ut subiectum actu reale existat, (alioqui de rosa in hyeme, & de eclypsi futura non posset esse scientia, sed satis est, ut realiter existere possit. Non est autem dubium exactas illas figuras, quales definiunt Mathematici per Dei potentiam dari posse: Nam etiam multi existunt, lineas non distinguere à superficiebus, & has à corpore, tamen demonstrationes Mathematicæ, possunt esse in lineis etiam coniunctis superficiebus. Et quantumvis lineæ quæ sunt in corpore, non possunt à corpore abstrahi, cum non sint quod re distinctum à corpore; tamen nihil prohibet Deum creare lineam independentem à superficie, hoc est, meram longitudinem sine latitudine, similiter & superficiem, sine profunditate.

*Demonstrationes Mathematicæ non continent in se veras causas essendi. Probatur inductione.*

Vera igitur ratio hæc est, quod demonstrationes Mathematicæ non continent in se veras causas essendi, & ex consequenti, neque illam præcipuam necessitatem, quæ sumitur ex vera & propria causa: & sic in utraque conditione potissima demonstrationis deficiunt. Quid igitur careant veris causis essendi. Probatur primo Inductione: Nam in prima demonstratione Euclidis, demonstratur triangulum esse æquilaterum, ex eo, quod sit constructum intra duos circulos, habetque omnia sua latera à centro ad circumferentiam: Vbi nemo non videt, non assignari veram causam essendi, non enim triangulum idcirco est æquilaterum, quia est constructum intra duos circulos: Nam etiam si non esset intra duos circulos constructum, alihuc esset æquilaterum, unde talis causa, est accidentalis illi proprietati. Similiter in 3. propositione primi libri Euclidis, demonstratur, triangulum habere tres angulos æquales duobus rectis: quia productio vno latere, angulus extrinsecus est æqualis duobus angulis internis: at hæc non est causa vera essendi: quia etiam si non esset vllus angulus extrinsecus, haberet nihilominus triangulus tres æquales duobus rectis.

*Probatur Ratio à priori.*

Deinde ex æqualitate laterum probatur æqualitas angulorum in triangulo, & e converso ex æqualitate angulorum, æqualitas laterum, ut patet ex 5. & 6. propositione libri primi Euclidis; & tamen utraque habetur æque perfecta & æque per causam; non minus enim vni, quam alteri ratio causæ competere potest.

Secundo ratione à priori: Quia in demonstratione potissima, causa proprietatis est essentia subiecti, à qua proprietas illa oritur: at in Mathematicis non probatur proprietates ex essentia subiecti, sed ex habitudine ad aliam figuram: Ergo non probantur per veram causam essendi. Minor probatur. Quia demonstrare proprietates Physicas, per essentiam subiecti Physici, est proprium Physici: at quantitas & figura sunt accidentia Physica, & proprietates ex eorum essentia profluunt sicut Physicæ, & causa illarum, hoc est, essentia, subiecti est Physica: ergo illas per essentiam subiecti demonstrare, non est Mathematici sed Physici. Solum ergo ad Mathematicum spectat eas demonstrare ex habitudine quam habent ad aliam figuram, vel ad quoddam aliud extrinsecum, quæ est causa mera extrinseca, & causa potius cognoscendi quam essendi, cum una figura non pendeat ab alia in suo esse; potest enim esse sine illa.

*Necessitas demonstrationum Mathematicarum.*

Hinc verò patet, etiam necessitatem & certitudinem demonstrationum Mathematicarum non esse potissimam. Nam potissima necessitas alicuius proprietatis sumitur ex vera causa illius, à qua primò, per se, & secundum quod ipsum, dependet eadem.

eadem enim quæ est causa ipsius rei, est etiam causa necessitatis illius rei. Cum ergo necessitas demonstrationum Mathematicarum sumatur ex causis merè extrinsecis rei, hoc est, ex figuris extrinsecis, quia una figura probatur per aliam, sequitur hunc non esse potissimam necessitatem, ac ex consequenti nec certitudinem quæ in necessitate fundatur, solumquæ propter euidentiã, datur summa certitudo in Mathematicis.

Quare ad primum primæ sententiæ, Respondeo Aristotelem nusquam dedisse exemplum integræ demonstrationis potissimæ in Mathematicis demonstrationibus, sed tantum aliquarum proprietatum, quæ non in una aliqua demonstratione Mathematica inveniuntur, sed in diuersis, una in una, alia in alia. Nusquam etiam probauit demonstrationem debere esse ex veris causis essendi exemplo Mathematicarum demonstrationum, quæ tamen est præcipua conditio demonstrationis potissimæ, Vnus autem est potius exemplis Mathematicis quàm aliis, propter summam eorum euidentiã.

Ad secundum, Negandum est in Mathematicis esse veras causas essendi: Nam etsi proprietates necessariæ habeant veras suas causas essendi, nempe essentiam subiecti, tamen tales causas non curat Mathematicus, cum sciat eas ad Physicam pertinere: sui verò officii censet esse, solum figuram per figuram demonstrare, seu per aliqd figuræ extrinsecum.

Iam verò quod dicebat prima sententia, ne in aliis quidem scientiis potissimam demonstrationem inueniri; etsi id fortè verum sit propter argumenta facta; tamen est magnum in hoc inter Mathematicam & alias scientias discrimen. Nam in aliis scientiis, etsi de facto non sunt demonstrationes potissimæ, possunt tamen esse, quantum est ex natura obiectorum & scientiæ: Nam & obiecta habent veras causas essendi suarum proprietatum, & per tales causas demonstrare, non excedit rationem formalem obiecti: at in Mathematicis, neque dantur veræ causæ essendi plurimarum proprietatum, neque per eas demonstrare ad Mathematicum spectat, sed ad Physicum. Nam triangulum, verbi gratia, esse æquilaterum, est proprietas merè accidentalis, quæ potest adesse, & abesse, & ex consequenti non habet aliam causam essendi, nisi accidentalem, hoc est, ipsam constructionem exactam trianguli, & sicem de aliis proprietatibus dici potest, quæ etiam demonstrantur per causam extrinsecam accidentalem, quæ etsi non esset, proprietates tamen illæ lineæ ipsi essent.

At dices frustra igitur Aristoteles laborauit in consicienda Idea demonstrationis potissimæ, cum demonstratio illis non detur. Respondeo, non frustra; proposuit enim exemplar perfectissimum, ad quod omnes demonstrationes accommodari debent, ut tanto perfectiores censeantur, quanto magis ad exemplar ipsum accesserint, etsi fortè nunquam ad perfectam, & omnibus numeris absolutam rationem demonstrationis pertingent.

*Aristoteles  
nunquã dedit  
exemplũ inre-  
græ demonstrati-  
onis potissi-  
mæ in Mathe-  
matica, sed tã-  
tum aliquarũ  
proprietatũ.  
In Mathe-  
maticis non sunt  
veræ causæ  
essendi.*

*Aristoteles  
non frustra la-  
borauit in con-  
ficienda Idea  
demonstratio-  
nis potissimæ.*



## DISPUTATIO XV.

## De Speciebus demonstrationis.

*Demonstratio  
duplex, prop-  
ter quid, &  
quia.*

*Aristoteles primo posteriorum text. 30. duas assignat demon-  
strationis species: Propter quid, & Quia: Illa demonstrat  
propter quid res sit, hac verò solum quod res sit: Illa dici-  
tur demonstratio à priori, quia est per causam qua est na-  
tura prior effectù, hac verò dicitur demonstratio à poste-  
riori, quia est communiter per effectum, vel aliquod me-  
dium ex natura rei posterius aut saltem non prius.*

## QVÆSTIO PRIMA.

*An sola demonstratio propter quid, sit vera & propria  
demonstratio?*



**P**rima sententia, negans demonstrationem Quia, esse veram  
demonstrationem, eò quod essentia demonstrationis illi non  
conueniat. Tribuitur Auicennæ, qui id asserit, tum ex senten-  
tia Aristotelis, tum ex ratione: Aristoteles enim tex. 5. peti-  
quam docuit demonstrationem constare Primis, Immediatis,  
& causis conclusionis, mox adiecit: sine his posse esse syllo-  
gismum, sed non demonstrationem: Ergo demonstratio, quæ  
non est ex causis est simplex syllogismus non autem demonstratio. In secundâ  
verò Priorum Capite de petitione principii, ait esse petitionem principii, si per po-  
steriora demonstrantur priora: ergo demonstratio Quia, cum per posteriora de-  
monstret, continebit petitionem principii.

Ratio etiam duplex assignari potest: Prima: Quia demonstratio est syllogismus sciens scire; scire autem est rem per causam cognoscere; atqui demonstratio Quia, non facit nos rem per causam cognoscere: non igitur facit scire; ac ex consequenti, non est demonstratio. Nam si dicatur satis esse ad demonstrationem ut faciat cognitionem necessariam per quodcunque medium, hac ratione inductio quoque esset demonstratio, quia parit cognitionem necessariam; quod vel ex eo patet, quod principia scientiarum, Inductione probantur, ad principia verò scientiarum stabilenda non sufficit cognitio probabilis, sed requiritur necessaria; alioquin etiam conclusio ex illis illata, esset probabilis, non necessaria.

Secunda; Quia præmissæ in demonstratione Quia, supponunt suam conclusionem, & ex ea cognoscuntur; non igitur sunt aptæ ad illam inferendam; Non enim præmissæ cognosci debent ex conclusione, sed conclusio ex præmissis: sit igitur hac demonstratio Quia; Omne risibile est rationale, omnis homo est risibile, ergo omnis homo est rationalis. Maior in hac demonstratione si cognoscatur necessaria, debet cognosci connexio necessaria inter risibile & rationale, quæ non est alia nisi connexio causæ & effectus: Ergo iam in maiori scitur conclusio, nempe quod homini conveniat risibilitas propter rationalitatem. Similiter in minori omnem hominem cognosco esse risibilem, Neque enim risibile inest homini necessarium nisi propter rationalitatem. Ergo iam cognosco in Minori, hominem esse rationalem, quod est in conclusione. Ex quo sequitur demonstrationem Quia, si præmissæ cognoscantur probabiliter, fore vilem syllogismum, sed non demonstrativum, quia non necessarium: si vero cognoscantur necessario, non esse viles ad inferendam conclusionem, cum ex conclusione cognoscatur.

Secunda sententia est. Demonstrationem Quia esse demonstrationem analogicam non viuvocè, ita ut cum demonstratione Propter quid, non conveniat viuvocè in genere demonstrationis. Ratio est: Quia ad demonstrationem propriam, requiritur ut sit ex causis essendi necessariis ut patet ex definitione scientiæ: at demonstratio Quia, est tantum ex causis cognoscendi: ergo est analogicè non viuvocè demonstratio, quia non viuvocè, sed analogicè est ex causis.

Tertia sententia est: demonstrationem Quia, esse verè demonstrationem, & viuvocè convenire in ratione demonstrationis cum demonstratione Propter quid.

Pro quo notandum est demonstrationem veram dici, cui ratio essentialis demonstrationis convenit, quemadmodum & quælibet res dicitur vera à sua essentia, verum aurum, verus homo, ab auri & hominis essentia. Porro ratio essentialis demonstrationis est duplex, specifica & generica: illa est multiplex in diversis speciebus demonstrationibus, hæc verò est communis omnibus demonstrationibus. Id autem quod est commune omnibus demonstrationibus, & quo primò differunt demonstrationes ab aliis syllogismis non demonstrativis, est procedere ex principiis necessariis ex natura rei. Affirmat id Aristoteles text. 16. cum ait ex veris quidem est & non demonstrantem syllogizare, ex necessariis verò, non est nisi demonstrativum: Hæc enim proprium iam demonstrationis est. Quibus verbis demonstrat, se ad demonstrationem convenire quod procedat ex necessariis, & in hoc distingui ab aliis syllogismis non demonstrativis.

Deinde ratio est manifesta: Demonstratio enim in communi, est scientia rei perfectæ,



perfecta, vti res est in se scibilis. Si igitur res scibilis habet causam, debet sciri per causam; alioqui non scietur eo modo quo est, si verò res non habet causam, sed solum per effectum est scibilis, non debet sciri per causam, sed per effectum: & tunc scietur perfectè, quia modo sibi convenienti, & necessariò; & tamen non per causam: quia res illa non est talis per causam, Non solum enim ea scimus perfecte quæ habent causam, sed etiam ea quæ non habent, vt sunt propositiones immediatæ, quas solum à posteriori probamus. Quare licet cognitio per causam sit de essentia scientiæ quando scibile habet causam; non enim potest sciri vti est, nisi sciat per causam; tamen si scibile non habeat causam, non est de essentia scientiæ illud cognoscere per causam, sed satis est si per alia media ex natura rei scietur dummodo illa media sint necessaria; vtrumque enim ad perfectionem scientiæ pertinet, & modo convenienti rei rem cognoscere, & necessariò cognoscere, id est, quod non possit res aliter habere.

Dices, etiam habitus primorum principiorum est cognitio necessariæ; & tamen non est demonstratiua. Ergo sola cognitio necessariæ non sufficit ad demonstrationem. Respondeo: Cognitionem necessariam aliam esse discursivam ex principis necessariis inferentem conclusionem necessariam; aliam esse sine discursu, quæ sit per immediatum assensum alicui propositioni, ex terminis ipsis procedentem, vt Omne totum esse maius sua parte. Cognitio igitur necessariæ, quæ est propria demonstrationi, est cognitio discursiva; quæ verò est sine discursu, conuenit etiam aliis cognitionibus, à demonstratione distinctis. Hoc supposito.

*Demonstratio  
Quia verè &  
essentialiter  
est demonstra-  
tio.*

Dico primò. Demonstrationem Quia, esse verè & essentialiter demonstrationem. Hanc conclusionem quidam probant tali argumento: Si demonstratio Quia non esset verè demonstratio, ruerent omnes scientiæ; harum enim principia sciri non possunt, nisi per demonstrationem Quia: Nam & materiam, & formam quæ sunt principia corporis naturalis in Physica, per motum & mutationem à posteriori inuestigat Aristoteles; & complexa principia scientiarum, cum sint immediata, nec per se nota, debent à posteriori probari, imò & principia demonstrationis. Propter Quid, cum sint immediata nec semper ex se euentia non possunt demonstrari, nisi à posteriori. Deniq; ruerent demonstrationes Mathematicæ quas constat non procedere ex causis essendi, nec habere demonstrationes. Propter quid, sed tantum demonstrationes Quia: Confirmatur: si demonstratio Quia non est vera demonstratio, non generabit veram scientiam: ergo & omnes alix scientiæ quæ ab illa dependent & in illa fundantur, non essent perfectæ scientiæ; Non potest enim firmius esse ædificium, quam sit fundamentum, nec potest esse perfectior effectus sua causa. Verùm hæc ratio solum concludit, demonstrationem Quia, debere esse syllogismum necessarium; Sic enim alix scientiæ ab illo dependentes erunt sufficienter necessariæ: ex hoc autem non sequitur, debere esse demonstrationem; posset enim fortè quis negare, omnem syllogismum necessarium esse demonstrationem.

Secundò igitur probatur conclusio. Demonstratio est perfecta per discursum rei cognitio, vti res est cognoscibilis: at res est perfectè cognoscibilis vti est, siue cognoscatur per causam siue per effectum; nam si habet causam, perfectè cognoscitur per causam, si verò non habet, perfectè cognoscitur sine causa per effectum, vel aliquod aliud medium indicans naturam rei, & sic rectè Aristoteles dixit omnem syllogismum necessarium esse demonstratiuum, quia est per me-  
dium

um necessarium, indicans naturam & essentiam rei, siue illud sit causa siue effectus.

Quod si obiciat: posse cognosci hominem esse risibilem non per causam, sed per aliquod aliud medium necessarium, vel igitur per tale medium erit vera demonstratio, vel non: si primum; ergo non requiritur ad demonstrationem ut cognoscatur conclusio uti est cognoscibilis, per suam causam, si secundum, Ergo nec demonstratio quia, erit vera demonstratio: quia est per simile medium.

Respondeo, non esse de ratione demonstrationis, ut cognoscatur res omni cognoscibilitate, quia cognoscibilis est ex natura sua, seu per omnia media, ex natura rei, alioqui, ne ipsa quidem demonstratio propter quid esset vera demonstratio: quia in illa non cognoscitur conclusio per omnia media, per quæ est ex natura sua cognoscibilis, sed solum per vnum, hoc est per causam. Satis igitur est ad demonstrationis essentiam, ut cognoscatur conclusio per aliquod medium ex natura rei necessarium, quod indicet naturam & essentiam rei. Quod addo propter media quædam extrinseca, quæ licet necessaria sint, tamen non indicant, nec explicant naturam rei: ut cum quis ex revelatione diuina cognosceret, aliquid esse verum, is per tale medium sciret certò rem esse, naturam tamen rei non intelligeret.

Dico secundò. Demonstratio Quia conuenit vniocè in ratione demonstrationis, cum demonstratione Propter quid: quia licet specificis rationibus differant, tamen in vna ratione generica demonstrationis conueniunt eadem ratione: quia vtrique procedit per medium necessarium ex natura rei, quod sufficit ad demonstrationem in communi, ut ostensum est. Confirmatur: quia demonstratio Propter quid & Quia possunt constare iisdem propositionibus: ut si risibile demonstraretur per rationalitatem, & rationale per risibilitatem: tunc autem propositiones vtriusque demonstrationis, erunt æque necessariæ, quia eadem: Ergo possunt æque conuenire hæ demonstrationes in hac ratione communi, quod sunt per medium necessarium ex natura rei, quia eandem profus necessitatem habebunt.

Dico tertio. Demonstrationem propter quid, esse perfectiorem essentialiter demonstratione Quia: nam etsi in ratione generica demonstrationis, conuenit cum illa, tamen ex ratione specifica talis demonstrationis, est illa perfectior essentialiter.

Probat: Quia cognitio rei per causam est perfectior ex genere suo, cognitione rei per effectum: nam per causam cognoscitur propter quid sit res, per effectum autem, solum cognoscitur quòd ita sit, non autem propter quid sit; cum igitur media seu rationes asserendi, specificent demonstrationem, sequitur demonstrationem per causam esse perfectiorem ex sua ratione specifica & essentiali, demonstratione per effectum. Porro maior illa perfectio, non consistit in maiori certitudine intrinseca; hæc enim potest esse æqualis in vtraque demonstratione; Quia enim certitudine scio hanc esse causam huius effectus, eadem certitudine scio, hunc effectum esse huius causæ effectum; sed consistit in nobiliori & perfectiori essentialiter modo certitudinis. Nam per causam nobilior & perfectior scitur effectus, quia scitur & quod sit, & propter quid sit, & modo magis connaturali ac directo, quia à priori, per effectum autem, solum scitur quod sit, non autem propter quid sit: neque modo connaturali & directo: quia à posteriori, non à priori; Non enim prius, naturaliter dependet à posteriori, sed posterior à priori. Quare etsi possit contingere, ut aliqua demonstratio Quia, sit perfectior quoad intentionem actus, demon-

*Demonstratio Quia, vniocè conuenit in ratione demonstrationis, cum demonstratione propter quid.*

*Demonstratio propter quid, est essentialiter perfectior demonstratione Quia.*

stratio verò Propter quid habeat minorem intentionem ; tamen essentialiter semper est perfectior demonstratio Propter quid demonstratione Quia ; siquidem hæc perfectio maior, sumitur ex differentia essentiali & specifica demonstrationis Propter quid : Sicut quantumvis argentum crescat in perfectione accidentali, vel quantitate : semper tamen aurum erit perfectius, perfectione essentiali.

*Soluantur argumenta prioris sententiæ.*

Ad auctoritatem verò Aristotelis in prima sententiâ adductam Respondeo. Scilicet Aristoteli esse sine illis conditionibus, syllogismum esse posse, non verò demonstrationem, non quod ad demonstrationem requiratur, ut sit ex causis essendi, sed ut sit ex primis, immediatis, notionibus, vel quæ ad primam, & immediatam reducuntur : imò & suo modo debet esse ex causis vel essendi vel cognoscendi, ita ut si perfectæ has omnes condiciones habeat, sit perfecta demonstratio, si imperfectæ, (qualis est demonstratio Quia) imperfecta. Non bene autem explicant Aristotelem, qui dicunt illum loqui solum de demonstratione potissima : Nam sine illis conditionibus, vult tantum esse syllogismum non verò demonstrationem : Ergo vult nullam demonstrationem siue potissimam siue non potissimam : posse consistere sine illis conditionibus.

Ad id verò quod ex secundo Priorum Cap. 21. adducitur, peti principium, cum per posteriora probantur priora. Respondere potest dupliciter. Primo Aristotelem illos modos petitionis principii posuisse ex aliorum sententiâ : Nam mox illo streprobat, cum ait ; Horum igitur nihil est peti quod in principio. Secundo respondeo, quod ad rem ipsam attinet, tunc per posteriora non possunt probari priora, quando posteriora non sunt per se nota, sed dependent in sui cognitione à prioribus, ita ut priora, opus sit prius cognoscere quàm posteriora. Sic enim ignotum per ignotum probaretur. Quocirca per posteriora, quæ sunt non solum natura sed & cognitione posteriora, non possunt probari priora.

Ad primam rationem Primæ sententiæ Respondeo. Aristotelem definisse scientiam perfectam & in ordine ad demonstrationem potissimam : talis autem scientia est cognitio rei per causam. Statim tamen adiecit Aristoteles ; si autem & aliter sciendi modus sit, posterius dicemus, ostendens alterum sciendi modum esse qui non sit per causam, ut ad initium præcedentis disputationis explicauimus. Quod autem dicitur de Inductione, nego esse necessariam formaliter necessitate consequentis sed tantum necessitate consequentiæ. Quod ex eo patet, quod forma inductionis, æque applicatur materiæ necessariæ, sicut materiæ contingenti, sicut & forma syllogistica æque locum habet in materia necessaria, ac contingenti.

Ad secundam respondeo. Tam Maiorem quàm Minorem cognosci ante conclusionem necessariò : Maior quidem aliquando cognoscitur experientia infallibili, aliquando lumine naturali, aliquando per demonstrationem quia ; sed tunc cognoscitur quidem necessaria connexio inter causam & effectum, verum non est necesse cognosci sub ratione formali causæ, & effectus, sed satis est cognosci in communis sub ratione terminorum ; necessariò connexorum, quàm necessitatem indicare vel experientiâ, vel signum aliquod, aut proprietatem necessariam. Simili ratione ad Minorem illam : Omnis homo est rationalis, cognoscendam, non esset necessaria cognitio causæ id est rationalitatis, sed experientiam sufficit, & Inductio euidens, adiunctis aliis discursibus ; licet enim Inductio ex se non inferat conclusionem necessariam, ut dictum est : tamen adiunctis aliis discursibus, potest colligi necessitas : ut si dicam, Id quod omni, soli, & semper, & inuariabiliter conuenit, est vel essentialiter

*Inductio adiunctis aliis discursibus necessario concludit.*

in vel ad essentiam consequens. Nam quod contingenter competit, necesse est in pluribus vel saltem in aliquibus, aut aliquando, aut variabiliter abesse & adesse, quod vique sensus deprehenderet.

Licet enim sensui subesse possit falsum, tamen quando sensus est recte dispositus, & medium recte dispositum, & obiectum debite applicatum, non potest subesse falsum, maxime si ita sensus, non vnus tantum, nec vno tempore, sed omnium & semper iudicet.

*Sensui non  
subest falsum.*

## QVÆSTIO II.

*An demonstratio propter quid & quia distinguatur specie?*

**N**on distingui putat Sotus. Primo: quia iisdem planè constant propositionibus & terminis; per solam enim propositionum transpositionem, sit ex demonstratione, Propter quid, demonstratio Quia; at essentia demonstrationis, cum sit in propositionibus posita, non potest esse diuersa, vbi non sunt diuersæ propositiones: Ergo, &c.

Secundò: diuersæ specie demonstrationes, diuersos specie assensus generant: quæ vtræque demonstratio potest generare vnum specie assensum: Ergo non sunt diuersæ specie demonstrationes. Minor probatur. Si enim Eclypsim demonstrationem per aliquem effectum à posteriori, & adiungam demonstrationem à priori per causam, secundæ demonstratio, eundem assensum generabit, quem prima, eo plane modo sicut si videns lunæ Eclypsim, haberem de ea demonstrationem propter impositionem terræ. Tunc enim generaretur per vtrumque medium vnus specie assensus.

Decendum tamen est. In ratione Demonstrationis distingui has demonstrationes specie. Primò: quia differunt tam in conclusione, quam in præmissis: Nam præmissa vnus, est conclusio alterius. Vnde aliud cognoscitur in vna, & propter aliam rationem, quàm in altera. Ergo differunt in ratione demonstrandi, seu in ratione inferendi conclusionem.

*Demonstratio  
propter quid  
& Quia spe-  
cie distin-  
guatur.*

Vnde ad primum primæ sententiæ Respondeo esse in vtræque demonstratione propositiones easdem materialiter, non autem easdem formaliter, in ordine ad demonstrationem: Nam alix propositiones habent rationem præmissarum & conclusionis in vna, alix in altera. Vbi autem alix sunt præmissæ, ibi est alia ratio demonstrandi. Et quævis propositiones in seipsis non mutantur essentialiter quocunque modo collocentur, quia semper sunt eadem; tamen in ordine ad Demonstrationem possunt mutari essentialiter. Nam si adhibeantur alix præmissæ, mutatur materia demonstrationis, mutatio autem materiæ variat essentiam.

Ad secundum Respondeo, dupliciter dici posse eundem specie assensum vel intrinsecè quia est eiusdem rei & sub eadem ratione intrinseca assensus, vel extrinsecè quia ab eadem ratione assentiendi extrinseca causatur. Cum igitur hæc demonstrationes habeant diuersas rationes formales assentiendi extrinsecas: sequitur assensum quoque ex talibus rationibus assentiendi causatos, esse specie distinctos, sed extrinsecè.

*Conclusionis  
assensus per  
diuersa media  
causatus dis-  
fert specie ex-  
trinsecè.*

extrinsecè non intrinsecè : quia esse intrinsecum sumitur ab objecto immediato quod est idem.

Obiicitur præterea. Si distinguerentur specie hæ demonstrationes, non posset una & eadem demonstratio esse Propter quid, & Quia : Sed demonstratio Propter quid, in vno qui cognoscit causam sub ratione causæ, erit verè propter quid, in altero verò qui non cognoscit causam formaliter sub ratione causæ, sed solum sub ratione mediæ necessariò connexi, erit demonstratio Quia : ergo istæ demonstrationes non differunt specie. Minor patet. Quia demonstratio Propter quid non solum demonstrat quod res sit, sed & propter quid sit : at in illo qui non cognoscit causam formaliter sub ratione causæ non demonstrat Propter quid res sit : Ergo in illo demonstratio Propter quid, non habebit rationem demonstrationis Propter quid. Confirmatur : quia si quis habeat demonstrationem ex causa, sed non cognoscit esse causam, is solum habet demonstrationem Quia : deinde verò superveniat cognitio causæ sub ratione causæ, tunc eadem demonstratio ex Quia, erit Propter quid ; ex quo apparet accidentale demonstrationi esse Quia, vel Propter quid ; accidens enim est quod potest adesse vel abesse præter subiecti corruptionem : Respondeo, vnam demonstrationem materialiter, posse esse in vno Propter quid, in alio Quia : imò & in vno intellectu, accedente perfecta cognitione causæ posse ex Quia, esse Propter quid ; formaliter tamen hæ demonstrationes differunt : Quia idem medium cognitum sub ratione causæ, & cognitum absque ratione causæ, variat rationem formalem cognitionis : ac proinde variat rationem præmissarum.

Ad confirmationem Respondeo : non demonstrationi, sed syllogismo absolute considerato accidentale esse ut sit demonstratio Propter quid, vel Quia, sicut generi, accidentale est contrahi per hanc vel illam differentiam specificam ; species autem non est accidentale habere suam differentiam specificam. Quare & syllogismo in genere accidentale erit esse demonstrativum, vel non demonstrativum, item esse demonstrativum Propter quid vel demonstrativum Quia, Postquam autem fuerit demonstratio Quia, non potest effici demonstratio Propter quid, nisi mutetur essentialiter in ratione demonstrationis, Quia licet præmissæ manent eadem materialiter, non tamen manent eadem formaliter. Quod verò ad assensum conclusionis spectat, is in utraque Demonstratione est idem intrinsecè, & solum extrinsecè ut causatur ex diversis rationibus assentiendi extrinsecis, est diversus.

*In utraque demonstratione præmissæ sunt eadem materialiter, diversæ formaliter.*

### QVÆSTIO XIII.

*An demonstratio potissima sit distincta species demonstrationis à demonstratione Propter quid ?*

*Tres demonstrationis species Averrois.*

Hæc quæstio statuitur Propter Averroem qui hic commento, 9. 5. tenet demonstrationem potissimam non esse speciem demonstrationis Propter quid, sed essentialiter ab illa distinctam, ita ut sint tres species demonstrationis in communi, demonstratio potissima Propter Quid & Quia.

Probatur primò. Quia demonstratio Quia solum probat quod sit, demonstratio Propter

Propter quid solum probat propter quid sit, demonstratio verò potissima probat  
vtrumque, & quod sit, & propter quid sit: Ergo sunt ipseie distinctæ. Antecedens  
patet: Nam si sensu videam Eclypsim, non demonstro Eclypsim esse, quia hoc  
non video; Non enim demonstrantur nota, sed ignota: Ergo solum demonstro  
propter quid Eclypsis: & sic datur demonstratio, solum demonstrans propter  
quid, non verò quod sit.

Secundò. Hæ demonstrationes non solum differunt in conclusione vt dictum  
est, sed etiam in principiis: Nam Quia procedit ex notionibus nobis non natura;  
propter quid ex notionibus natura non nobis, Potissima, ex notionibus natura &  
nobis.

Tertiò. Differunt hæ demonstrationes in medio termino, qui est ratio assen-  
tendi conclusioni: Nam demonstratio potissima probat conclusionem per cau-  
sam formalem quæ est definitio subiecti; Propter quid, probat per alias causas,  
Quia vero per effectum vel alias causas cognoscendi. Verum communis sententia  
est duas tantum species demonstrationis esse: Propter quid, & Quia: potissimam  
autem, esse speciem demonstrationis Propter quid, & sub ea contineri tanquam  
speciem sub genere.

*Refellitur  
sententia;*

Probatur hæ sententia vobis oppositis rationibus. Prima ratio est: Quia de-  
monstratio potissima statuitur illa, quæ demonstrat Propter quid & Quia: at omnis  
demonstratio Propter quid, demonstrat Propter quid, & Quia: Ergo omnis  
demonstratio potissima est demonstratio Propter quid: Ergo ex hoc capite non  
differet demonstratio potissima, à demonstratione Propter quid. Minor probatur:

*Prima ratio  
qua idem de-  
monstratur.*

Quia quandoque demonstratur Propter quid sit effectus, demonstratur & quod  
sit. Non potest enim effectus propter causam esse, nec causari à sua causa nisi sit ab-  
solutè, nam à causa habet non solum Propter quid sit, sed & quod sit. Ergo eadem  
demonstratio, demonstrat vtrumque. Nam quod dicitur de Eclypsi quam sensu  
percipio, & si non egeam demonstratione vt certus sim de Eclypsi quòd sit, ego  
tamen demonstratione vt certus sim scientifice, & ex propriis eius causis quod sit.  
Quare si solum videam Eclypsim esse, scio quidem Eclypsim esse ex visu, sed nescio  
esse ex causa, vnde accedente demonstratione, scio nouaratione Eclypsim esse  
scilicet alia ratione ante scierim. Estque hæ doctrina Arist. 2. Posteriorum tex. 8.  
vbi docet, posse cognosci quòd sit sine Propter quid sit, non autem posse cognosci  
Propter quid sit, nisi simul cognoscatur quod sit: cum quod sit, includatur in Pro-  
pter quid sit, tanquam pars in toto.

*Quod sit per  
demonstratio-  
nem cognosce-  
tur scientifice*

Deinde in demonstratione præcipue attendendum est, non quid actu efficiat in  
aliquo, sed quid ex natura sua apta est efficere. Quamuis ergo per accidens in co-  
gnitu sensu cognoscit effectum esse, non efficeret cognitionem effectus quòd sit: ta-  
men quia talem cognitionem apta nata est efficere, non erit alterius essentia cum  
efficit, quam cum non efficit: sicut & causæ naturales, cum impediuntur in suis  
effectibus non mutant essentiam. Præterea sequeretur demonstrationem eandem  
alio modo mutatam, in vno esse potissimam in altero non esse, verbi gra-  
tia, in eo qui habens demonstrationem potissimam cognouit interim sensu ef-  
fectum esse: atqui hoc est absurdum: Nam idem manens idem, retinet ean-  
dem essentiam: Ergo & demonstratio potissima accedente sensu, maneret ean-  
dem essentialiter; & ex consequenti demonstraret tam Propter quid, quam  
Quia.

Secunda

*Secunda ratio.  
Eadem habent  
principia.*

Secundario, Demonstratio potissima à Propter quid, non differt in principiis, contra id quod asserit Auerroes. Probatur: quia in utraque demonstratione principia sunt prima, vera, immediata, notiora, priora causæ quæ conclusionem. Quod enim dicitur in potissima demonstratione, esse principia notiora non solum natura, sed etiam quoad nos, primum id non requiritur ad demonstrationem, ut principia sensibus pateant, sed satis est, ut secundum rationem sint nata. Deinde etiam si hoc concedatur; non esset tamen distinctio, nisi intra eandem speciem demonstrationis Propter quid, ita ut eadem demonstratio Propter quid cum & ratione & sensu manifesta est, differat à seipsa accidentaliter, cum solum ratione & non sensu est manifesta, propter solam coniunctionem accidentalem, cum notitia sensus.

At obijciens: notitia per sensum & notitia per rationem distinguuntur specie: Ergo si illæ duæ notitiæ coniunguntur in vnam, facient notitiam ex utraque constitam, distinctam specie à singulis notitiis seorsim. Resp. verè negari non possit, quod si illæ notitiæ coniungantur in vnum, faciant actum differentem specie: eo modo quo assensus causati à diuersis rationibus assentiendi, differunt specie, nimirum extrinsecè, & in ordine ad rationem assentiendi: nam intrinsecè sunt vnius speciei, ut dictum est. Verùm hæc differentia essentialis erit intra genus demonstrationis Propter quid, & continebitur sub genere demonstrationis Propter quid. Vnde tunc demonstratio potissima, contineretur, ut species sub demonstratione Propter quid in genere accepta, non verò esset extra demonstrationem Propter quid: Nam etiam demonstratio non potissima, potest habere aliquando principia utroque modo nota, aliquando vno tantum modo; ista tamen diuersitas, est intra idem genus demonstrationis Propter quid, & non potissimæ; suppono enim illam demonstrationem non habere omnes condiciones potissimæ demonstrationis esse tamen Propter quid.

*Tertia ratio  
ambæ procedunt per causam formalem.*

Tertia ratio: Quia tam demonstratio potissima, quam propter quid, procedit per causam formalem: ergo ex parte causæ non differunt specie: Antecedens probatur: quia causa formalis est illo quæ est causa effectus, ut talis est, ut præcedenti disputatione docuimus: at per talem causam utraque demonstratio procedit, ut ibidem docuimus: Ergo utraque procedit per causam formalem, id quæ fuit causa ista formalis dicatur esse definitio subiecti, siue quid aliud.

Ex quibus patet primò demonstrationem potissimam à Propter quid, non differre nisi sicut duas species sub eodem genere contentas: Nam demonstratio Propter quid in communi, est genus ad demonstrationem potissimam. Potissima verò est Propter quid, quatenus habet omnes condiciones demonstrationis potissimæ. Non potissima verò, ita est propter quid ut careat aliqua conditione demonstrationis potissimæ.

Pater secundo duas tantum esse species demonstrationis: vnam Propter quid, aliam Quia: illa à priori, hæc à posteriori procedit, inter quæ non datur aliquod tertium. Porro demonstratio Propter quid, diuiditur postea in potissimam, & non potissimam.

*Demonstratio  
Propter quid  
duplex est, potissima & non potissima.*

Quod si dicas: quatuor esse genera quæstionum, An sit, quid sit, propter quid sit, quale sit: Ergo etiam erunt quatuor genera demonstrationum: Nam singulis quæstionibus, respondet propria demonstratio. Respondeo, quamuis singula hæc quæstiones possint demonstrari: tamen non demonstrantur nisi vel demonstratio



ione propter quid, vel Quia, vel à posteriori, unde propter hoc non multiplican-  
tur genera demonstrationum.

## QVÆSTIO IV.

*Quod sit medium in demonstratione  
potissimum.*

Certum est medium in demonstratione potissima esse causam; scire enim est  
per causam cognoscere; demonstratio autem potissima facit potissimè  
scire; ergo per causam.

Quod si objicias, perfectius scitur res immediate quam mediante causa; idcirco  
enim principia magis sciuntur quam conclusio teste Aristotele, & habitus principio-  
rum est nobilior habitu conclusionis, quia nimirum cognitio immediata est inde-  
pendens & perfectior, mediata est dependens & minus perfecta. Respondeo, ab-  
solutè loquendo perfectior est scientia immediata quam mediata: tamen respectu  
rei habentis causam perfectior est cognitio mediante causa, quia est conveniens  
rei, nec potest res illa, nisi illo medio perfectè cognosci. Quocirca rectè intulimus,  
demonstrationem non fore perfectam scientiam nisi sit per causam. Quas autem  
conditiones habere debeat causa, quæ est medium in demonstratione à priori, di-  
ctum est in præcedente disputatione.

Hic autem quaeritur primò: an debeat esse causa tam subiecti quam prædicati?  
Quæ questio celebris fuit apud Arabes, de eaq; discit copiosè Averroes 1. Po-  
st. Commento. 11. & in quaesito Logico de medio demonstrationis. Et quidem  
Alpharabius ex Averroë dicebat, medium posse esse causam in demonstratione  
tribus modis. Primò tam subiecti quam prædicati conclusionis, ut rationalitas, est  
causa essentialis subiecti nempe hominis & causa effectiva risibilitas. Secundo præ-  
dicati tantum, ut interpositio terræ est causa Eclypsis lunæ, non verò est causa lu-  
næ cum sit illi omnino extrinseca. Tertio. Subiecti tantum, ut cum demonstratur  
de homine, quod sit substantia, quia est animal, animal est causa constituiva &  
essentialis hominis non est tamen causa substantiæ, quia est infra substantiam. Aie-  
bat igitur in demonstratione potissima medium debere esse causam, tam subiecti  
quam prædicati, quia in potissima demonstratione demonstratur propria passio,  
de proprio suo subiecto per essentiam subiecti.

*Alpharabij  
opinio.*

Antenna verò ex eodem Averroë dicebat medium in demonstratione esse cau-  
sam non tam passionis, quam inexistentiæ passionis in subiecto: quia in demon-  
stratione, non passio demonstratur secundum se, sed eius inexistentiæ, & ad hanc  
inexistentiæ demonstrandam, assertur causa & propter quid; Averroës verò abso-  
lutè dicit esse causam passionis.

Inter Latinos autem sub alijs terminis eadem quaestio tractatur, nempe. An *Latinarum o-*  
mnino subiecti, sit medium in demonstratione potissima, affirmantque *pinio.*  
communiter omnes. Id enim quod demonstratur non est aliquis effectus con-  
gruens, sed necessarius, ac ex consequenti est proprietas manans à subiecto, pro-  
prietas

prietas autem manus à subiecto, habet sui causam in essentia subiecti: Ergo per essentiam subiecti demonstratur.

*Definitio subiecti medium in demonstratione potissima.*

Dico igitur primo. Medium in demonstratione potissima, esse definitionem subiecti: Ratio est quia in demonstratione potissima demonstratur proprietas necessario connexa cum subiecto; ac ex consequenti habens causam in essentia subiecti: Ergo demonstratur per essentiam subiecti tanquam per causam.

Sed obijcies primo: posse proprietatem demonstrari de subiecto per causam extrinsecam subiecto siue efficientem, siue finalem; causa autem extrinseca, non est de essentia subiecti, ut cum per interpositionem terræ, demonstratur, Eclypsis de luna, interpositio terræ, est quid accidentale lunæ: similiter cum demonstratur dentes molares esse planos ex fine ad contundendum cibum, primores acutos ad scindendum, Respirationes demonstrationes non esse potissimas, quia non habent potissimam necessitatem in potissima enim demonstratione, debet causa conuenire subiecto ex natura rei, & ab intrinseco: quomodo causæ extrinsecæ non conueniunt. Et in particulari interpositio terræ, conuenit quidem lunæ necessario ab extrinseco secundum dispositionem, & cursum corporum naturalium, non tamen necessario ab intrinseco, quia non ex natura lunæ, ita ut si ad naturam lunæ solium referas, hanc interpositionem terræ, sit illi planè contingens. Deinde sicut causa extrinseca non semper conuenit subiecto, ita & eius effectus; in potissima autem demonstratione; tam causa quam effectus, debet semper conuenire subiecto: & ideo hæc demonstrationes ex causa extrinseca non sunt potissimæ: neque tantam necessitatem continent quantum requirit demonstratio potissima.

*Qualis causa ad demonstrationem potissimam requiritur.*

Quod verò ad causam finalem attinet, ea vel est naturalis vel voluntaria. Voluntariam certum est esse causam contingentem, quia liberè eligitur pro fine de naturalibus verò distinguendum est; nam vel est accidentaliter respiciens aliquam accidentalem proprietatem rei, vel est essentialis, respiciens ipsam essentiam rei. Per finem igitur accidentalem non fit demonstratio necessaria, nisi ex suppositione, quia supposita illa proprietate accidentali, quæ potest esse contingens, demonstratio fit ex fine, ut de dentibus molantibus, quod sint plani, quia debent contundere cibum. Per finem verò essentialem fit demonstratio necessaria simpliciter, quia est radicans in essentia rei, & ex essentia rei oritur dicitur res ex sua essentia habitudinem ad talem finem. Quamvis igitur talis finis sit extrinsecus, quia tamen resolvitur in causam intrinsecam & essentialem, nempe in essentiam subiecti, poterit per illum fieri demonstratio necessaria simpliciter. Nam talem finem requirit essentia subiecti & vltimus finis requirit necessario talem essentiam.

*Per causam finalem qualis fit demonstratio.*

Obijcies secundò. Potest proprietas alicuius subiecti demonstrari à priori per aliam proprietatem, ut cum insibile demonstratur per admiratum; admiratum per discursivum, discursivum per rationale: vel igitur hæc demonstrationes non erunt potissimæ, vel non requiruntur ad demonstrandum potissimam definitionem subiecti. Respondetur demonstratio potissima requiritur ut sit ex primis & immediatis, vel quæ ad primam & immediatam resolvantur: quare nec istæ demonstrationes erunt potissimæ nisi resolvantur ad essentiam obiecti.

Obijcies tertio. Non est maior ratio cur per essentiam potius subiecti, quam per essentiam passionis, fieri debeat demonstratio: Nam sicut subiectum ex sua essentia postulat talem passionem, ita talis passio ex sua essentia postulat tale subiectum, conuenitque subiecto per se in secundo modo.

Respondet duplici ex causa definitionem passionis non posse esse medium in demonstratione. Primo: quia sicut passio est effectus subiecti, ita & essentia passionis est effectus eiusdem subiecti; quare demonstrare passionem de subiecto per passionis essentiam, est demonstrare per effectum. Essentia verò subiecti respectu in demonstratione, habet rationem causæ; quare per essentiam subiecti demonstrare passionem, est demonstrare per causam propriam passionis.

Secundo quia in demonstratione, non demonstratur passio secundum se, sed existentiam passionis in subiecto, atqui essentia passionis, non est causa existentie passionis; nihil enim sibi ipsi est causa essendi vel inexistendi, neque seipsum producere potest, sed aliud; ergo per essentiam passionis non potest fieri demonstratio. Nam licet passio ex sua essentia requiratur tale subiectum; non tamen ipsa sibi est causa existendi in tali subiecto, sed ab alio causatur & producitur in subiecto.

Addi potest & tertia ratio: quia in tali demonstratione esset petitio principij: Nam cum ignoratur, an passio insit in subiecto, ignoratur etiam essentia passionis esse subiecto & qui vnum negaverit, negabit & aliud: Quare ad vtrumque, æque opus erit demonstratione.

Ex dictis patet, maiorem esse rationem cur definitio subiecti sit medium in demonstratione potissima potius, quam definitio passionis: nam etsi tam subiectum et sua essentia requiratur talem passionem, & talis passio ex essentia sua requiratur tale subiectum; tamen subiectum, habet hoc præterea, quod non solum requiratur, sed etiam causatur illam passionem in seipso, passio verò requirit quidem subiectum, verum non potest seipsam causare in subiecto. Quanquam si definitio passionis indicaret connectionem eius necessariam cum subiecto, quam non indicat ipsa passio confusè concepta; tunc posset esse non inutile medium ad demonstrationem. Quia, non tamen esset vera causa existentie passionis in subiecto.

Obijciens quarto. Definitio subiecti, est idem cum subiecto: Ergo per eam probatur, est per ipsum subiectum probare. Respondet: definitionem & definitum, esse idem quoad rem, sed in conceptu non esse idem: Nam quod definitum dicitur confusè, definitio dicitur expressè, & distinctè. Fit autem ut quod non cognoscitur in conceptu confuso, cognoscatur in distincto. Vnde definitio habet rationem distincti termini à definito, quia involuit expressam rei cognitionem, quam non involuit definitum: ex expressa autem rei cognitione, aliquid deduci potest, quod non potest deduci ex confusa. Nam in distincta cognitione, apparet causa passionis, finitæ, quæ non apparebat in confusa.

Dico secundò. Medium in demonstratione potissima, est causa formalis passionis. Hæc conclusio est explicata & probata in disputatione præcedenti, cum de causis per quas fit demonstratio ageremus. Hic solum addo, non solum demonstrationem potissimam, sed omnem demonstrationem simpliciter, debere esse per causam formalem passionis. Quia causa formalis passionis hic intelligitur illa, quæ est causa passionis ut talis passio est, hoc est, non solum quoad existentiam, sed etiam quoad essentiam: at talis causa requiritur ad omnem demonstrationem. Propter quid, ut loco citato probatum est. Ergo omnis demonstratio debet procedere per causam formalem, in dicto sensu: Quare, quæ demonstratio non est per causam formalem, illa vel non est demonstratio, vel certè non perfecta. Vide quæ loco citato docuimus.

Nota.

Definitio distincti termini à definito minus à Definito.

Omnis demonstratio debet esse per causam formalem passionis.

Dico tertio. Medium in demonstratione potissima, debet esse causa tam subiecti quam prædicati conclusionis: Quia si medium in demonstratione potissima debet esse essentia subiecti, certum est essentiam subiecti esse & causam essentialem subiecti & causam effectivam passionis conveniēti subiecto. Si verò non sit demonstratio potissima ad eam sufficit medium, quod sit causa solum passionis, non subiecti, ut cum per interpositionem terræ, probatur Eclypsis de luna. Per se enim ad demonstrationem, ut demonstratio est requiritur, ut medium sit causa passionis; ut verò perfecta necessitate medium conveniat subiecto, requiritur ut illi intrinsecè & essentialiter conveniat, & sit eius causa essentialis.

## QVÆSTIO V.

*De speciebus demonstrationis Quia.*

**E**X dictis constat demonstrationem Quia, esse veram demonstrationem: quia est ex principiis necessariis. Constat etiam distinguere speciem à demonstratione. Propter quid: nam demonstratio Propter quid, demonstrat non solum quod res sit, sed & propter quid sit: demonstratio verò Quia demonstrat solum quod res sit, non propter quid sit. Quamquam si demonstratio propter quid, non cognoscatur formaliter, ut dicit causam conclusionis, sed tantum ut dicit medium quoddam necessarium ad inferendam conclusionem, talis demonstratio licet ex natura sua sit demonstratio Propter quid, tamen in tali intellectu, & secundum talem cognitionem, non est formaliter, sed materialiter tantum demonstratio propter quid, & formaliter est demonstratio Quia, potestque esse ut eadem materialiter demonstratio in vno intellectu, cognoscente causam formaliter sit demonstratio Propter quid, in altero verò intellectu, cognoscente causam solum materialiter, sit tantum demonstratio Quia.

Porro in hac questione quaerimus, quot sint species demonstrationis Quia. Loquimur autem hic de speciebus demonstrationis, non ut sumuntur à materijs (sic enim certum est in distinctis specie materijs esse distinctas species demonstrationes, sed ut sumuntur ex distinctis specie modis demonstrandi, per distincta mediorum genera: quomodo duæ solent distinguere species demonstrationis Quia, una quæ procedit per causam remotam alia quæ procedit per effectum, vel quodcumque aliud medium necessarium quod non sit causa proxima & adquirenda rei.

Dico igitur, primò. Demonstratio quæ sit per effectum, est vera species demonstrationis. Ratio est: quia est per medium necessarium, demonstrans solum quod res sit, non propter quid sit. Dices, in demonstratione per effectum cognoscitur tam effectus quam causa. Ergo demonstratio Quia, non solum est Quia, sed & Propter quid, quia est idem cognoscere effectum ut causatum a causa, & causam ut causantem effectum.

Respondeo. Primò non esse necesse ut in demonstratione Quia cognoscatur effectus per modum effectus, sed per modum medij necessarij. Secundò: Quamvis cognoscat

*Demonstratio  
per effectum  
est vera species  
demonstrationis.  
An igitur Demonstratio  
Quia cognoscatur  
Propter  
quid?*

cognoscatur per modum effectus, tamen ex vi demonstrationis formaliter solum demonstratur, quod causa talis effectus conveniat subiecto, non verò propter quid effectus conveniat. Et quamvis in Maiori possit cognosci connexio causæ cum effectus, tamen demonstratio Quia, non consistit formaliter in illa cognitione, sed in demonstratione causæ ex effectu. Deniq; aliud est formaliter cognoscere causam ex effectu, aliud effectum ex causâ; sunt enim hi modi cognoscendi formaliter distincti, illud fit in Demonstratione Quia; hoc in Demonstratione Propter quid.

Dico secundò. Demonstratio etiam procedens per causam remotam, & non convertibilem, est vera demonstratio Quia. Explico. causa remota potest esse duplex: altera adæquata & convertibilis cum subiecto, & continens in se causam proximam, ut est rationalitas respectu risibilitatis; continet enim in se discussum & admirativum, quæ sunt causæ proximæ risibilitatis; & per talem Causam potest esse demonstratio propter quid, cum illi nihil desit ad rationem causæ perfectæ, & hæc est causa remota, quæ est inadæquata, & non convertitur cum effectui; vel est inferior effectui, & minus latè patens quàm effectus. Exemplum primū est, cum demonstratur plantam non respirare, quia non est animal, animal enim, latius patet, quam respiratio: Nam licet omne quod respirat sit animal, non tamen omne animal respirat, ut pisces. Exemplum secundū est, cum probatur homo esse substantia, quia est animal; animal enim est inferius substantia, & minus latè pater, quàm substantia.

Significat causa remota sit superior effectui, ex omnium sententia demonstratio ex illa procedens erit Quia, non propter quid, ut docet expressè Aristoteles text. 30. Tertio est quia talis demonstratio non potest constitui nisi negativè, ut per se patet; ut negativè non concludit per modum causæ formaliter, sed per modum mediæ necessarii: Ergo talis demonstratio non est Propter quid, sed Quia, Minorem probat Aristoteles Quia si negatio est causa negationis, etiam affirmatio opposita est causa affirmationis: Ergo si negatio animalis esset causa non respirationis, animal esset causa respirationis; atqui animal non est causa respirationis, cum non omne animal respiret; Ergo & negatio animalis, non est causa non respirationis ac consequenter talis demonstratio, non erit propter quid sed Quia.

Dico cur igitur talis demonstratio dicitur per causam? Respondeo dici per causam sed cum adiecto diminuyente, nempe remotam & inadæquatam, quæ hoc tantum habet ex ratione causæ, quia supponitur necessario effectui & requiritur aliquo modo ad rationem causæ. Nihil enim potest respirare, nisi sit animal, licet non quatenus animal, sed quatenus talis anima respiret.

Si verò sit causa remota inferior, Ruvius hic quæstione prima censet, demonstrationem ex tali causa factam, esse Propter quid, non Quia, si quidem veram habet rationem causæ, & ab illa verè causatur effectus. At communis sententia neque. Cum enim sit causa remota, & non adæquata effectui, verè non est ipsa causa effectus, sed alia causâ, quæ est proxima: Nam etiam si homo non esset animal, adhuc tamen esset substantia: Ergo propria causa substantiæ in homine non est animal. Dicitur tamē causâ, quia aliquo modo præsupponitur effectui; quia homo metaphysice animalis est substantia. Adhuc essentialia non habent veram causam, nõ igitur hæc potest dici vera causa. Aptius fortè exemplum est quod dat Aristoteles ex

*Causa remota  
nec convertibilis etiam  
demonstrationem veram  
Quia efficit.  
Duplex causa remota.  
Convertibilis.  
Inconvertibilis.*

*Ex causa remota potest esse demonstratio.*

dicto cuiusdam Philosophi qui cum Scythia esset, & Athenis videret saltantes mulieres, rogatus an in Scythia essent similes saltatrices, respondit: non esse vites in Scythia: indicans vites esse causam saltationis remotam; nam proxima est causa ebrietas, ebrietas verò causa vites: Confirmantur hæc omnia; Quia causa vera est illa qua posita ponitur effectus, sublata tollitur: atqui causa remota posita, non ponitur effectus (si sit causa superior) sublata etiam non tollitur (si sit causa inferior) Ergo causa remota inadæquata non est vera causa, sed præter illam est aliqua alia causa vera effectus.

Dico tertio. Demonstratio quæ sit per quodcumque medium necessarium dummodo non sit causa convertibilis, est demonstratio Quia: Ratio est: quia per solam causam convertibilem, demonstratur propter quid effectus: Ergo per omne aliud medium necessarium, solum demonstratur quod sit, non propter quid sit; & ex consequenti, solum erit demonstratio Quia: Sic ratiabile demonstratur peribile. Omnis enim syllogismus per medium ex natura rei necessarium, est demonstratio ex doctrina Aristotelis.

## QVÆSTIO VI.

*An detur circulus in demonstrationibus?*

*Quid sit circulus in demonstratione?*

Circuli ea est conditio, ut à quo puncto incipit, in idem desinat: Ergo & in demonstrationibus tunc erit circulus, cum ab eodem reddatur in idem punctum effectus probetur causa & rursus ex eadem Causa probetur effectus; vel si ex aliquo principio probetur conclusio, & rursus ex illa conclusione, probetur principium, Aristoteli: igitur 1. Poster. text. 6. probat circulum in demonstrationibus esse impossibilem. Primo: quia idem esset simul prius & posterius, notius & ignotius. Nam ut ex illo inferatur conclusio est notius conclusione, ut verò iterum inferatur ex conclusione, erit ignotus conclusione. Secundo, quia idem demonstraret per se ipsum. Nam si A. demonstretur per B. & B. rursus demonstratur per A. Ergo A. demonstratur per A. & ideo est tale quia est: tale: quod est demonstrari per se ipsum.

*Circulus in demonstrationibus refutatus.*

Ex altera verò parte tam in scientijs, quam Apud Aristotelem frequens est vis demonstracionem circularium. In Mathematicis cum ex æqualitate laterum ostenditur in triangulo æqualitas angulorum, & rursus ex æqualitate angulorum æqualitas laterum. Arist. Primo Poster. text. 15. probat demonstracionem esse usque quæ sunt per se, quia ex necessarijs. Et rursus text. 19. probat esse ex necessarijs, quia ex usque quæ sunt per se: In 8. Physic. text. 50. ex perpetuitate motus demonstrat primum motorem, & rursus text. 53. ex primo motore, demonstrat perpetuitatem motus 1. Poster. text. 30. docet alterum posse demonstrari per alterum, quando effectus & causa, sunt reciproca, ut cum ex propinquitate plantarum, probatur non scintillatio, & rursus ex non scintillatione probatur propinquitas. Et in 2. Poster. text. 13. concedit in iis esse mutuum demonstracionem in quibus est mutua generatio, ut ex vaporibus potest demonstrari pluvia, & pluvia rursus vapores. 1. Physic. text. 1. docet scientiam comparandam esse etiam

in secl. vtrō. 2. & sequentibus, causas ait cognoscendas esse, ex effectibus tanquam notionibus nobis. Et ratio horum omnium est: quia possunt aliqua duo, ita esse inter se connexa, ut vnum ducat in cognitionem alterius. Ergo per vtrumque potest fieri demonstratio.

Pro solutione quæstionis. Notandum est: circulum esse posse duplicem, aliū perfectum, aliū imperfectum. Perfectus est quando ab eodem, eodem modo cognoscitur, ad idem, eodem modo cognitum sit regressus: Imperfectus, quando ab eodem, nova ratione cognito, ad idem, nova quoque ratione cognoscendum sit regressus. V. G. si per effectum cognosco causam, & ex illa causa ut ex effectu solum & non aliter cognita, redeam ad inferendum effectum, facio circulum perfectum: si vero cognita causa ex effectu, adiunctis aliis discursibus, magis perfectum causam, quam fuit ex effectibus cognita, tunc si redeam per causam ad effectum, facio circulum imperfectum. Similiter si principium non cognoscatur nisi ex conclusione, & conclusio nisi ex illo principio, tunc erit perfectus circulus: quia principium sub eadem notitia infertur & infert.

*Circulus perfectus.*

*Imperfectus.*

Dico igitur primò: Non dari perfectum circulum in demonstrationibus. Probat per primò. Quia idem eodem modo cognitum esse notum & ignotum si- mul. Nam suppono conclusionem non esse notam, nisi ex præmissis, quomodo certum est, esse minus notam, quam sint præmissæ: rursum ex conclusione si cognita, si redeatur ad probandas præmissas, conclusio debet esse notior præmissis, quia est ratio cognoscendi, præmissas, iuxta regulam Aristotelis, propter quod vnum quodque tale & illud magis: atqui suppono conclusionem non esse notam maiori notitia, quam ea qua inferebatur ex præmissis: Ergo itante eadem notitia, conclusionis, conclusio esset simul & minus nota, & magis nota quam præmissæ.

*Circulus perfectus in demonstrationibus non datur.*

Confirmatur: Quia de ratione syllogismi est, ut sit ex noto ad ignotum & notum generet notitiam rei: si ergo eadem sit notitia conclusionis, quæ fuit in primo syllogismo, non potest ex illa in alio syllogismo generari notitia præmissarum.

At iniquis. Cognita causa ex effectu, vtiliter redimus ad cognoscendum effectum ex causa: quia in hoc reditu scimus propter quid effectus, quod ante nesciebamus. Respondeo tunc vtiliter redimus à causa ad effectum, quando ante cognoscebamus ex effectu causam solum materialiter, vel in conspectu, & quoad existentiam tantum, postea verò in reditu causam magis penetramus quoad essentiam & cognoscimus eam sub ratione formali causæ. Tunc enim ex maiori notitia causæ, nascitur generatur cognitio effectus, & regressus sit utilis, aliàs non.

Dico. Saltem in diverso genere causæ, potest esse circulus perfectus. Respondeo. Valere esse talem regressum; quia in vna demonstratione, interitur causa sub ratione effectus, in alia vero sub ratione causæ. Unde semper nova est cognitio, licet terminus sint idem materialiter: sic ambitio est causa efficiens sanitatis, sanitas causa finalis ambitionis. Et sic non est circulus perfectus, quia non rediatur ad idem formaliter sed materialiter tantum.

Probat per secundo. Conclusio ratione itidem Aristotelis: Quia si daretur perfectus circulus, idem probaretur per seipsum, & ignotum per æquæ ignotum, seu per non magis notum, quæ est petitio principii: Talis autem probatio, est plane inutilis: Ergo & circulus. Nam si A. probetur per B. & B. iterum per A. Ergo A. probabitur per A. & quia A. est æquæ ignotum, ac B. supponitur enim non esse cog-

nium



nitum nisi ex B. tunc probatur ignotum per æquè ignotum, quia non per magis notum.

*In demon-  
strationibus datur  
imperfectus  
circulus.*

Dico secundò: circulus imperfectus, datur in demonstrationibus, & est valde vilius, vt si ex Principio, scilicet vel per resolutionem cognito inferam conclusio- nem, & rursum ex conclusione, per rationem probem illud ipsum principium. Probatur primò tam auctoritate, quàm exemplo Aristotelis: Nam & id docuit i. Poster. text. 30. & re ipsa sæpè fecit, vt in ratione dubitandi diximus. Probatur secundò ratione Quia si conclusio maiori notitia cognoscatur, quàm fuit cognita ex præmissis, poterit etiam maiorem notitiam præmissarum generare; & sic vilius erit regressus, quia cum nova notitia. Poterit autem magis cognosci, vel quia sub alia ratione & formalitate cognoscitur, vel quia secundum eandem rationem magis & perfectius penetratur.

At obieci: in demonstratione Quia, cognoscimus & effectum & causam: Ergo frustra redimus ad demonstrationem Propter quid, probando per causam effectum. Antecedens patet. Nam in maiori prædicamus causam de effectu, in conclusione inferimus ex effectu causam, vt in hac demonstratione patet: Omne risibile est rationale, omnis homo est risibilis: ergo omnis homo est rationalis. Respondeo sæpè in demonstratione Quia nos non cognoscere effectum, & causam formaliter, sub ratione effectus & causæ, sed materialiter tantum sub ratione terminorum inter se connexorum, & tunc viliiter demonstrationem Propter quid adhibemus, vt in ea causam formaliter cognitam cognoscimus effectum. Aliquando verò accidit, vt in demonstratione Quia cognoscamus formaliter tam effectum quàm causam, sed tunc etiam potest accidere, vt ex effectu inferamus causam confusè tantum & imperfectè, & solum quoad an sit, non quoad quid sit: in tali ergo casu adiunctis alijs discursibus, acquirimus claram & perfectam cognitionem causæ. Ex qua cognitione, cum maiori claritate & perfectione rebus iterum ad effectum demonstrandum. Quod si demus in demonstratione Quia, cognosci ex effectu causam distinctè & perfectè, adhuc tamen multi censent non fore inualem demonstrationem propter quid: quia licet id quod cognoscimus in demonstratione propter quid (nempe causam & effectum) cognovimus iam antè aliquo modo in demonstratione Quia; tamen non cognovimus ita explicitè & scientifico modo sicut in demonstratione Propter quid: Nam in demonstratione Quia, id quod formaliter & explicitè cognoscitur est, causam inesse subiecto, ex eo quod effectus inest. V.G. rationalitatem inesse homini, quia inest risibilitati in demonstratione verò Propter quid, non hoc explicitè & formaliter cognoscimus, sed effectum inesse subiecto, eo quod causa inest. Quorum alterum licet in altero includatur virtualiter, formaliter tamen vnum, non est alterum. Deinde non solum aliud quod explicitè cognoscimus in secunda demonstratione, quod in prima explicitè nesciebamus, sed etiam cognoscimus scientifico modo, hoc est, secundum formam syllogisticam evidentem, quod ante illo modo nesciebamus. Multum verò est in eo positum, vt non solum sciamus, sed etiam tanta evidentia sciamus. Verum si hanc responsionem admittamus concedendus erit circulus perfectus contra Aristotelem. Deinde ille modus scientificus cum consistat in cognitione effectus per causam, erat etiam in demonstratione Quia cognitus quoad rem, licet non secundum eandem formam syllogisticam, quæ secula non facit novum aliquid sciri.

Si igitur queramus: quomodo maior illa cognoscitur à nobis in demonstratione, *Quando pro-*  
 Quia. Omne risibile est rationale: quidam putant cognosci per inductionem, *missa cognos-*  
 sed id non videtur verum, præsertim si loquamur de prima cognitione huius pro- *cantur in de-*  
 positionis. Primò. Quia inductio non fit nisi in rebus nobis notis secundum sen- *monstratione*  
 sam, at conexio effectus, cum causa non est sensibilis: cum causæ ut plurimum *Quia.*  
 sint occultæ. Secundò. Quia si per inductionem illa propositio cognosceretur,  
 sequeretur in illa Maiori simul cognosci & minorem & conclusionem: Non enim  
 notumus, omne risibile est rationale, nisi quia ista videmus coniuncta in homi-  
 ne. Ergo in hac inductione Maioris, cognoscimus, & omnem hominem esse risibi-  
 lem, quæ erat Minor, & omnem hominem esse rationalem, quæ erat conclusio: &  
 sic ante demonstrationem haberemus noticiam conclusionis. Dicendum igitur est,  
 cognosci Maiorem illam per resolutionem, adiunctis varijs discursibus, quibus o-  
 scenditur talem effectum non posse esse ab alia causâ, nisi ab ista, in qua resolutio-  
 ne confusæ & imperfectæ cognoscitur causa quoad essentiam.

Quod ad Minorem verò illam attinet Omnis homo est risibilis. Dico eam cog-  
 nosci posse inductione adiunctis varijs discursibus, & sic locus erit demonstratio-  
 nis. Propter quid? Nam ea propositio, quæ in demonstratione Quia, cognoscitur  
 ex inductione, in demonstratione propter quid, cognoscitur a priori per cau-  
 sam.

Iam quod ad Aristotelem attinet, is in cap. 3. solum negat circulum perfectum *Aristot. qua-*  
 in demonstrationibus potissimis, ita ut in demonstratione utraque sit causâ à priori *lem circulum*  
 à eisdem generis. Idem verò Aristoteles, circulum imperfectum admittit extra *neget.*  
 demonstrationes potissimas. Nam in potissimam perfectum, quam imperfectum  
 non admittit; si enim in demonstratione potissima conclusio continere debet ve-  
 rum effectum consequentem ex essentia subiecti: certum est ex tali effectum non  
 posse à priori demonstrari causam: Si verò vel utraq; vel altera non sic demonstra-  
 tio potissima, poterit in iis secundum Arist. admitti circulus imperfectus, ut cum ex  
 ambulatione tanquam ex causa efficiente, probatur sanitas, & rursus ex sanitate,  
 nequam ex causa finali ambulationis probatur ambulationis idem patet si effectus ex  
 causa & causa rursus per effectum novo modo cognitum demonstratur.

## QVÆSTIO VII.

*An in demonstrationibus detur progres-  
 sus in infinitum?*

A Textu 34. vsq; ad 39. ostendit Philosophus, in demonstrationibus non dari *Datur pro-*  
 progressum in infinitum. Pro quo suppono, posse nos loqui de demonstratio- *cessus in de-*  
 nibus, vel circa idem subiectum, vel circa diversa. *monstrationi-*

Dico primò. Circa diversa subiecta, potest procedi in infinitum in demonstrati- *bus in infini-*  
 onibus, hoc est, habita demonstratione de vna re, possum de alia re aliam de- *tum circa di-*  
 monstratorem habere, & de tertia re tertiam demonstrationem, in infinitum: non versa subie- *cta.*  
 quod actu possint esse infinitæ demonstrationes, sed quod quacunque data de- *mon-*

monstratione possum aliam invenire, ita ut non sit vllus definitus numerus demonstrationum, ultra quem non sit possibilis alia demonstratio.

Ratio sumitur primò: ex parte rerum quæ demonstrari possunt; hæ enim sunt finitæ in infinitum, Species enim rerum Deus potest in infinitum plures creare, & quacunque specie creata, potest aliam novam creare, nec vnquam exhaustur eius potentia in novis speciebus creandis, suntq; manifesta huius infinitas exempla, in numeris, magnitudinibus, figuris. Nam neque numerorum possibilitum vllus est numerus definitus, sed quolibet numero dato, potest illi addi nova unitas, per quam in nova specie numeri constituitur: Figurarum etiam modis, & varietas, nullo certo numero potest comprehendi; quibus enim cunq; figuris datis, possunt aliz novæ cogitari. Ex quo fit vt in Mathematica infinitæ demonstrationes dari possint de proportionibus & proprietatibus numerorum, figurarum, & quantitarum.

Dices. Saltem de iis rebus quæ actu sunt in mundo, non poterunt esse demonstrationes in infinitum, si quidem res ipsæ, non sunt numero infinitæ. Respondeo: res quidem in mundo, non esse actu infinitas, sed quasdam dari tales, vt eis multiplicatio in infinitum competat; possunt enim v.g. semper fieri novæ species mixtorum, ex novis mixtionibus, possunt etiam novæ species numerorum & figurarum in infinitum cogitari.

Secunda ratio sumitur ex parte intellectus nostri, cuius ea vis est, vt quo plura cognoscit, non solum non fatigetur cognoscendo, sed etiam eo aptior & perfectior reddatur ad alia cognoscenda; Naturale enim est intellectui ex principis elucere conclusiones: Ergo quo plura principia cognoverit, plures quoq; conclusiones ex iis poterit inferri, & maiorem vim ac lumen habebit ad plura cognoscenda infinitum. Sicut ignis, quo plura exulit, & in se convertit, fit potentior ad plura currenda in infinitum. Per accidens verò est intellectui, deficientibus in sensu sensibus operari non posse; siquidem in operando dependet à phantasmate, phantasma à corpore.

Dico secundò. Circa idem subiectum, non potest in demonstrationibus procedi in infinitum, siue demonstrationes illæ sibi sint subordinatæ, vt una pendat ab alia tanquam à probante sua principia, siue non sint subordinatæ. Tria enim sunt in demonstratione; subiectum de quo fit demonstratio, passio quæ demonstratur de subiecto; medium, per quod fit demonstratio passionis de subiecto. Si igitur demonstratio procederet in infinitum, vel id esset ex parte medijs vel ex parte passionis & prædicatorum, quæ tribuuntur subiecto: Nihil autem horum dici posse poterat ex professo Aristoteles.

Ad primis non posse procedi in infinitum in medijs, probat tam in affirmativis, quam in negativis demonstrationibus. In affirmativis quidem hac ratione. Inter duo extrema determinata non possunt intercedere media infinita; sed in quolibet demonstratione sunt duo extrema determinata, nempe subiectum & passio; ergo media quæ coniungunt hæc duo extrema inter se non possunt esse infinita. Minor probatur. Quia implicat contradictionem; infinitum terminari & habere verum finem; Esset enim finitum simul & infinitum; nam quod aliquo fine concluditur finitum est; quod verò est infinitum, nullum habet finem: ergo neq; media inter duo extrema interiecta possunt esse infinita.

Quod etiam hac ratione confirmari potest. Possum non convenit subiecto nisi

*Non potest  
procedi in in-  
finitum in de-  
monstrationi-  
bus circa idem  
subiectum.*

*Media non  
possunt esse in-  
finita.*

per medium quod est causa passionis, nisi igitur ponatur medium, non potest poni passio: at si media sint infinita, non possunt poni omnia, quia infinita non habent inter, nec possunt pertransiri: Ergo neq; passio poterit vnquam convenire subiecto. Nam passio non potest convenire nisi posito medio, primum autem medium non potest poni nisi ponatur secundum, & hoc nisi ponatur tertium, & ex consequenti nisi ponatur ultimum: atqui ad ultimum in infinito perveniri non potest; quare neq; primum medium poni poterit.

Dices, Rectè quidem probari ea ratione non supponi media subordinata infinitis, ad probandam passionem de subiecto, non probari autem de medijs non subordinatis; posset enim quis dicere infinitas esse causas passionis in tali subiecto: atq; non subordinatas. Respondeo: non posse vnus rei esse causas plures, adæquatas, & sufficientes in quocunq; genere causæ. Nam vnus effectus vnā habet causam adæquatam, à qua dependet in illo genere, & postquam ab ea accepit esse, ab alijs causis eiusdem generis produci non potest. Quare in nullo genere, causæ adæquate possunt esse infinitæ, nam si sint plures, necessario sunt sibi subordinatæ, ita vt vna causet mediante alia vt rationalitas mediante admirativo & discursivo causat nobilitatem, tunc verò sola proxima & immediata causa erit adæquata.

In demonstratione etiam negatiua probat Aristoteles non dari infinita media; *In Demonstratione negatiua non dantur infinita media.* Omnis enim conclusio negatiua, inferitur ex aliqua affirmatiua, cum ex puris negatiuis nihil sequatur: at affirmatiua propositio non habet infinita media vt probatum est. Ergo nec negatiua.

Dices conclusionem negatiuam, inferri ex vna affirmatiua, & altera negatiua: ergo vt pender ab illa affirmatiua, rectè probat argumentum non habere infinita media, non verò vt pender ab altera præmissa negatiua. Respondeo: Omnem negationem resolvi in affirmationem, quod enim negatur de subiecto, propter aliquā affirmationem negatur, quæ sit causa talis negationis, quia enim homo est rationalis non est rugibilis. Cum igitur affirmatio non habeat infinita media, vt probatum est, sequitur neq; negationem habere infinita media.

Probat deinde Aristoteles in demonstratione non procedi in infinitum in prædicatis: & primò quidem non dari prædicata essentialia infinita ex parte subiecti: quia alioquin subiectum definiri non posset; Definitione enim omnia prædicata essentialia comprehenduntur: at infinita quæ infinita comprehendere & pertransiri non possunt; comprehendere enim est finire: finire autem non potest, quod infinitum est. Ergo nec definiri.

Secundò probat non dari prædicata essentialia infinita, ex parte passionis: quia inter duo extrema non possunt dari media infinita: at essentia cuiusq; accidentis, clauditur duobus extremis genere generalissimo & specie infima: Ergo inter hæc duo extrema non interponuntur media essentialia infinita.

Tertio probat Aristoteles vniuersè prædicata quæ demonstrantur non esse infinita: Nam prædicata in demonstratione, debent esse per se, & secundum quod ipsum: at talia non possunt esse infinita: Nam si sunt primo modo per se, sunt essentialia, quæ constat non esse infinita. Si verò sunt secundo modo per se, tunc essentia propriæ passionis essentiam consequentes: at hæc non sunt infinitæ sicut nec essentia ex qua consequuntur: Ergo: Nam vel hæc passionis essentia sibi subordinata in ratione causæ; ita vt vna esset causa alterius, sicut risibile causatur ex admirativo, hoc ex discursivo, hoc ex rationali; vel non essent sibi subordinatæ: si primò, non

*In prædicatis non proceditur in infinitum.*

non sunt infinitæ: quia ut supra dictum est, inter duo extrema non dantur media infinita: Ergo neque inter subiectum & ultimam passionem, dantur mediarum passionum infinitæ, quarum una tanquam à causa pendeat ab altera; alioqui procedendo per causas non posset tandem deveniri ad subiectum: si secundum; tunc non possent esse passionum infinitæ, nisi prædicata essentialia subiecti essent infinita. Nam singulæ à singulis prædicatis essentialibus oriuntur, cum nullam inter se connexionem & subordinationem habeant: sicut ergo non possunt esse infinita prædicata essentialia in subiecto ita nec infinitæ eiusdem subiecti passionum; unum enim prædicatum essentialia cum sit finitum vel unam tantum vel certè non infinitas, potest fundare passionem, ut inductione patet. Porro eadem ratione probatur, passionum non convenire prædicata infinita nec essentialia neque ex essentia eius profluere: nam de prædicatis per accidens hic non agitur cum demonstrationi non serviant.

Ex quibus omnibus patet, cum nec in prædicatis subiecti, nec in prædicatis passionum, nec in mediis possit procedi in infinitum, univèrsè non posse procedi in demonstratione in infinitum; Non posset enim id contingere, nisi vel quod infinita prædicata demonstrari possent de subiecto, vel certè per infinita media quæ ut plurimum oriuntur ex essentia subiecti: neutrum autem dici potest.

Tria autem ex his infert Aristoteles. Primò: necessariò dari debere principia aliqua demonstrationis, prima & immediatæ; alioqui daretur processus in infinitum in demonstrationibus. Vide etiam sequitur non omnium esse demonstrationes sed necessariò deveniri ad aliqua indemonstrabilia.

Secundò text. 37. quando aliquid inest duobus, quæ de se invicem non affirmantur, non est necessè ut illis inest, per aliquid commune utriusque; v.g. animal inest homini & bovi, quæ de se non affirmantur; non est necessè ut animal inest utriusque, propter aliquid tertium commune utriusque; nam illud commune vel inest utrumque propter aliud commune, & procedetur in infinitum, vel non propter aliud commune, & sic verum erit quod ait Aristot.

Tercio text. 38. infert tot esse demonstrationes, quot media, & quod caret medio, non esse demonstrabile.

## QVÆSTIO VIII.

*An demonstratio universalis sit perfectior particulari?*

**D**emonstratio si sit de subiecto universalis dicitur universalis, ut quod omnis homo sit risibilis: Si verò sit de subiecto particulari dicitur particularis, ut quod Petrus vel quidam homo sit risibilis. Quæritur ergo, utra perfectior: quoniam quæstionem tractat Aristoteles text. 39. propositis utriusque argumentis: Videtur enim demonstratio particularis esse perfectior; Nam est de re existenti, singulari enim non universalis existunt, & perfectius res scitur, cum scitur in particulari esse talis, quam cum solùm in universalis: Nam in particulari scitur determinatè & expressè, in universalis verò indeterminatè & còfusè, & in particulari est magis esse

*Dantur prima & immediata Principia.*

nam in vniuersali: quod autem est magis ens, est magis scibile.

Decendum tamen est. Cum Aristotele demonstrationem vniuersalem, esse perfectiorem particulari. Primò quia facit magis scire; qui enim scit passionem competere subiecto secundum quod ipsum, magis cognoscit illam passionem, quàm aliter qui illam cognoscit inesse subiecto cui non competit secundum quod ipsum; illi enim scit non solum passionem sed etiam proprium ac per se subiectum passionis, hic autem solum cognoscit passionem, non verò proprium eius subiectum. Cum igitur per demonstrationem vniuersalem sciamus passionem inesse subiecto suo proprio & secundum quod ipsum, non verò per particularem; consequens est vniuersalem esse perfectiorem particulari, neque enim passio vniuersalis inest subiecto particulari secundum quod ipsum, sed vniuersali. Vniuersali enim primò competit, & ratione ipsius omnibus alijs singularibus v.g. risibilitas primò conuenit homini, & ratione hominis, omnibus indiuiduis, alioqui si Petro, in quantum Petrus, primò conueniret risibilitas, nulli alij præter Petrum conueniret.

*Perfectior est demonstratio vniuersalis quam particularis.*

Secundò. Scientia de ente perfectioni, est perfectior; ast vniuersale est perfectius, quàm singulare: Nam singulare tantum est in vno, eoque corrupto ipsum corrumpitur. Vniuersale autem, corrupto vno singulari existit nihilominus in alijs, & est quodammodo incorruptibile & indeficiens.

Atinques vniuersalia, solum in intellectu existunt. Respondedo existere in re materialiter quoad naturas, in intellectu autem quoad abstractionem & vnitatem conceptus: vnde quamvis ut in intellectu existunt habeant debiliorem existentiam quam singularia, tamen quatenus in re existunt habent maiorem in re existentiam quam quodcumque singulare per se acceptum.

Tercò. Demonstratio vniuersalis perfectius reddit causam propter quam res est: Nam rationalitas v.g. est causa risibilitatis, non ut est rationalitas huius hominis particularis, sed ut est rationalitas hominis in communi.

Quartò. Demonstratio est perfectior, quæ procedit ex primis & immediatis principijs: talis autem non est particularis sed vniuersalis. Nam particularis resolvitur in vniuersalem & per eam demonstratur; Petrus enim est risibilis, quia homo est risibilis.

Quintò. Scientia singularium est infinita, quia & singularia sunt infinita, vniuersale autem vnum cum sit, omnia singularia complectitur: Ergo perfectius scitur vniuersale quàm singulare. Quam rationem ita expitco si scire velim, omnem hominem esse risibilem, perfectius id sciam, si cognovero in vniuersali omnem hominem esse risibilem, quam si sciam omnes homines in particulari esse risibiles: Nam ad hoc deo percurrere omnes homines particulares, qui cum sint infiniti comprehendere non possunt, quod non est necesse, si sciam hominem in vniuersali esse risibilem: Tunc enim tantum vnum subiectum cognoscere deo, in quo conueniunt omnia particularia in potentia; facilius autem scitur vnum, quàm infinita.

Sextò. Plura sciuntur per demonstrationem vniuersalem, quàm per particularem; nam in vniuersali continetur particularis, non è contra: Qui enim novit unam mulam esse sterilem, novit etiam hanc mulam esse sterilem, non è contra.

Septimò. Scientia de vniuersali, à solo intellectu haberi potest, quæ est nobilissima potentia, particularis autem notitia, haberi potest etiam per sensum: Nobilior

bilior autem est illa scientia quæ ex genere suo ad nobiliorem & perfectiorem potentiam pertinet: Ergo. Ex quibus patet ad rationes dubitandi.

## QVÆSTIO IX.

*An demonstratio affirmativa sit perfectior negativa?*

*Demonstratio affirmativa perfectior quàm negativa.*  
**A**ffirmat Aristoteles tex. 40. Primò: Quia affirmativa sibi ipsi est sufficiens neque indiget ad inferendum propositionibus negativis, sed tantum affirmativis, & sui generis. Negativa verò indiget propositionibus affirmativis cum ex puris negativis nihil sequatur.

Secundò, Principia affirmativa, sunt magis apta ad concludendum, quàm negativa. Nam ex puris affirmativis, rectè inferri potest conclusio, non autem ex puris negativis. Ergo demonstratio affirmativa, ex suo genere est magis perfecta & apta ad concludendum, quàm negativa.

Tertiò: Assertio ex genere suo est nobilior negatione. Ergo & demonstratio affirmativa, nobilior est negativa. Antecedens probatur: quia assertio prior est negatione. Cum negatio fundetur in affirmatione: & omnis negatio alicuius affirmationis est negatio; & si non esset possibilis assertio, neque negatio possibilis esset. Nulli etiam rei negatio convenit nisi propter aliquam affirmationem, rei homini convenit non esse rudibilem, quia est rationalis.

At obijces. Conclusio negativa, non potest sciri perfectius, quam per demonstrationem negativam: Ergo est æquè perfecta demonstratio negativa respectu conclusionis negativæ sicut affirmativa respectu conclusionis affirmativæ.

Respondeo, aliud esse has demonstrationes esse perfectas respectu, hoc est respectu suarum conclusionum quas demonstrant, secundum eam perfectionem quæ in illas convenire potest; aliud vero est esse perfectas absolute in ratione scientiæ. Nam etsi perfectio demonstrationis affirmativæ non possit convenire conclusioni negativæ, tamen ex genere suo, nobilior est demonstratio affirmativa quàm negativa. Sicut perfectio Angeli non potest convenire homini & tamen ex genere suo est perfectior Angelus quàm homo, similiter plumbum non potest esse perfectius in ratione plumbi, quàm si perfectionem plumbi habeat: & tamen aurum absolute est perfectius plumbo, etiamsi perfectio auri non sit conveniens plumbo.





## DISPUTATIO XVI.

## De Scientia.

*Inquam de demonstratione egimus; agendum est de scientia qua est demonstrationis effectus. Cum autem scientia sit duplex: Vna partialis, qua est effectus alicuius particularis demonstrationis; altera totalis qua est effectus plurium demonstrationum ordinarum ad unum genus obiecti, hic agendum est de scientia in communi, de totali verò agemus in disputatione sequenti.*

## QVÆSTIO PRIMA.

*An homo naturaliter appetat scire?*



Ristoteles primò Metaph. tex. 1. hanc propositionem statuit; *Appetitus duplex: Innatus & elicited.* omnino homo naturaliter scire desiderat. Ad quam explicandam authores distinguunt duplicem appetitum, innatum, & elicited: Innatum vocant, propensionem naturalem potentiarum ad suos actus; quælibet enim potentia naturaliter est apta, & propensa in suum actum; oculus. V. G. ad videndum, auris ad audiendum; lapis per suam gravitatem ad motum descendendum. Porro hæ propensiones in actu primo non sunt quid distinctum ab essentia ipsarum potentiarum, sed sunt essentia potentiarum seipsas propensæ ad suos actus: *Innatus quid? Elicited quid?* appetitus verò elicited, est actus appetendi à potentia appetente productus.

Videtur

*Appetitu innato utrum homo naturaliter scire appetat?*

Videtur igitur quòd neutro appetitu homo naturaliter scire appetat: Nam quòd ad appetitum innatum attinet, hic appetitus sciendi nihil aliud est, quàm potentia intellectiva, seu vis illa naturalis intellectus ad sciendum: At si propter hanc vim naturalem, quam habet intellectus ad sciendum, naturaliter dicitur appetere scientiam, pari ratione propter naturalem vim ad errandum, dici potest naturaliter appetere errorem & ignorantiam; neq; enim dubium est, tam errorem quàm scientiam ab eàdem naturali virtute intellectus procedere: cum idem intellectus, eàdem sua virtute utrumque producat.

*Utrum item appetitus elicito?*

Quòd verò attinet ad appetitum elicatum, probatur actum appetendi elicatum non esse naturalem. Primò. Quia nullus actus libet est naturalis; naturale enim est necessarium, liberum verò est contingens: at actus quo scientia appetitur est actus liber. Ergo non potest dici naturalis. Secundò. quæro quo sensu dicatur naturalis, an quia est à natura determinatus? at sic non esset liber, quia determinatio naturalis opponitur libertati: an quia procedit à naturali virtute voluntatis? at sic omnes actus à voluntate eliciti essent naturales; an quia est conformis inclinationi voluntatis secundum rectam rationem, ad eum modum quo actus virtutum dicuntur esse conformes naturæ voluntatis; actus verò vitiorum dicuntur naturæ hominis repugnantes, quia non sunt conformes inclinationi voluntatis, secundum rectam rationem operanti, qui modos operandi est naturalis voluntas? Verum posset id dici si solum recta ratio esset naturalis homini, & non recta non esset naturalis: at quia utraq; ratio oritur ex naturali potentia intellectus, utraq; erit naturalis, quare & appetitus siue sit conformis rectæ rationi siue non rectæ, ex quo erit naturalis.

Tertiò. Si appetitus sciendi est naturalis, peto quænam sit illa scientia que naturaliter appetitur; an scientia in communi, an scientia in particulari, siue aliqua siue omnes? si primum dicatur, sequetur ea ratione, quia naturaliter appetitur Scientia in communi, appeti quoque naturaliter scientias in particulari; quia ratio scientiæ in communi invenitur in omnibus scientiis particularibus: imò maiori ratione appeterentur scientiæ particulares, quàm scientiæ in communi, quia maius bonum est magis appetendum; at scientiæ in specie sunt maius bonum, & magis perfectæ in ratione scientiæ, & magis perficiunt intellectum; ergo magis appeterentur naturaliter quàm scientiæ in communi. Si secundum dicatur contrarium est non esse maiorem rationem ut una aliqua scientia magis quàm altera naturaliter appetatur; neque enim conveniunt in una communis ratione appetendi nempe in ratione scientiæ in communi. Quòd verò omnes particulares scientias non appetantur naturaliter manifestum est; multi enim multas scientias non solum non appetunt, sed etiam oderunt, ut scientias quasdam viles & mechanicas quasdam etiam existimantur indignæ ut sciantur à liberali homine. Adde naturalem appetitum non esse ad impossibilia; esset enim frustra & inordinatus si omnem scientiam habere est impossibile: ergo naturalis appetitus non est ad omnem scientiam.

*Appetitum innatum sciendi in hominibus dari probatur.*

Dicendum tamen est, Primò. Dari in hominibus innatum appetitum scientiæ. Hanc conclusionem quidam confirmant illa propositione Aristot. 1. Metaph. Cap. 1. Verum Aristoteles eo loco non de innato appetitu, sed de elicto loquitur, ut & rationes ipsius, & scopus ac finis demonstrat. Vera igitur ratio est hæc. Quia unaquæq; potentia naturaliter est propensa ad suum actum perfectum, &

naturaliter perficitur, at intellectus naturaliter perficitur per actum scientiæ: ergo, naturaliter est propensus ad actum sciendi, hæc autem naturalis propensio est appetitus innatus.

Dicitur ex hac ratione concludi appetitum esse innatum respectu cuiuscunque cognitionis, siue veræ siue falsæ: quia respectu omnis cognitionis est in homine naturalis potentia intellectiva, quæ potentia dicitur naturalis propensio ad actum.

Respondeo, non concludi nisi de cognitione perfectâ; naturalis enim propensio potentia est ad actum tanquam ad suam perfectionem; at error & falsitas non est perfectio intellectus, sed defectus à perfectione naturali: quare ad errorem & falsitatem non datur propensio & appetitus naturalis, sed ad scientiam quæ est perfectio connaturalis intellectui; error enim convenit intellectui ut deficienti in sua operatione, & non utenti principiis debitis & naturalibus ad sciendum; scientia verò convenit intellectui ut perfectè operanti secundum suam naturalem perfectionem & secundum sua principia sibi à natura tributa; sicut enim potentia motui in homine si perfectâ habeat instrumenta ad ambulandum, efficit perfectam ambulationem, fracta verò tibia efficit claudicationem non ex natura sua, sed ex defectu instrumenti apti: ita & intellectus natus est ex natura sua ad veritatem cognoscendam: Verum si species intelligibiles, quibus velut instrumentis ad cognoscendum vitur habeat imperfectas, imperfectè etiam & cum errore res cognoscit, sed id non fit ex naturali propensione intellectus ad errorem, sed ex imperfectione & defectu instrumenti, ita ut error, quatenus error, non in naturam intellectus, sed in imperfectiorem & defectum instrumentorum referendus sit. Ex quo patet quo sensu intellectus dici potest naturaliter subiectus errori, nempe secundum naturam deficientem, non secundum naturam perfectam; unde potius verum est errorem esse contra naturam hominis, quàm secundum naturam, quia non est secundum naturam absolutè, sed secundum naturam deficientem, quod idem de virtute & vitio dicendum. Virtus enim est secundum naturam hominis absolutè, quia est eius perfectio. Vitium verò non est secundum naturam, quia convenit naturæ ut deficienti à sua perfectione, non verò ut perfectè operanti secundum sua principia naturalia. Patet secundò appetitum innatum non esse aliud quàm determinationem naturalem potentia ad actum sibi convenientem.

Dico secundò. Appetitu elicitò naturaliter appetit homo scientiam qua scientia. Pro quo notandum est, voluntatem quædam appetere ut natura est, quædam ut libera est. Nam voluntas ad aliqua est naturaliter determinata: ut ad appetendum bonum quia bonum: non enim potest appetere nisi bonum, nec potest odire nisi malum quia malum: & sicut omnis potentia naturaliter est determinata ad suum obiectum, ita ut non possit tendere id aliud obiectum nisi in suum; ita & voluntas est à natura determinata ad suum obiectum, quod est Bonum. Ad aliqua verò determinatur voluntas à propria libertate, quæ determinatio potest esse duplex: Altera ad exercitium actus, cum ita vult ut possit non velle, hoc est, non habere actum voluntatis: altera quoad speciem actus, cum non solum potest non velle, sed etiam potest repudiare: Prior libertas dicitur contradictionis, qui est inter contradictionem, velle & non velle. Posterior verò dicitur contrarietatis quia est inter contraria, velle & repudiare.

*Intellectus quæ ratione dicitur esse subiectus errori.*

*Appetitu elicitò naturaliter appetit homo scientiam qua scientia est.*

*Voluntas quomodo appetat? Voluntatis libera determinatio est duplex.*

Hoc igitur supposito, probatur conclusio: Actus ille qui est à natura determinatus est actus naturalis: atqui actus quā appetitur scientia quā scientia est, est à natura determinatus, non quidem quoad exercitium actus sed tantum quoad speciem: Ergo est actus naturalis, & ex consequenti naturaliter homo appetit scientiam. Minor probatur; Quia licet actus hic appetendi non sit à natura determinatus, quoad exercitium (potest enim liberè exerceri à voluntate vel non exerceri) est tamen determinatus à natura quoad speciem actus, ita vt si voluntas aliquem actum exercere velit circa scientiam, non possit exercere nisi actum prosecutionis, non verò actum contrarium odii aut repudiationis.

Non potest enim voluntas odisse aliquid nisi sub aliqua ratione mali: at in scientia qua scientia est, nulla inuenitur ratio mali: Ergo scientiam qua scientia est, non potest odisse, sed tantum amare & appetere, & prosequi. Quamvis enim multi fugiant & oderunt scientias, tamen id faciunt propter aliquas extrinsecas causas & difficultates coniunctas scientiæ, non verò propter aliquam rationem mali in ipsa scientia vt scientia est, inuentam. Quare scientia secundum se semper est appetibilis, per accidens tamen ratione aliquarum difficultatum potest non appeti.

*Soluuntur argumenta aduersariorum.*

Ex quibus patet ad rationes dubitandi. Ad primam respondeo: Hunc appetitum esse actum liberum quoad exercitium, naturalem verò & necessarium quoad speciem actus.

Ad secundum Actus hic appetendi dicitur naturalis, quia est à natura determinatus quoad speciem actus. Quamquam etiam dicitur naturalis, quia est conformis naturæ intellectus absolutæ & secundum suam perfectionem; sicut è contra error & falsitas, sunt præter naturam, quia non conueniunt naturæ hominis absolutæ, sed solum naturæ deficienti.

Ad tertium. Vtroque modo naturaliter scientiam appetit homo. Primo quidem in communi quā scientia est: sic enim scientia abstrahit ab omni ratione mali & solum dicit rationem boni per se appetibilem. Deinde in particulari, Quia ratio illa communis inuenitur in particularibus. Et quamvis inueniantur in particularibus aliquæ difficultates retrahentes voluntatem; tamen ab illis abstrahi potest, & considerari pura ratio scientiæ, eaque per se & naturaliter est appetibilis. Quis enim puram veritatis cognitionem odisse potest, cum nullam habeat rationem mali?

*Scientiæ omnes in particulari quomodo naturaliter appetantur.*

Cum verò quaeritur, an omnes scientiæ in particulari appetantur naturaliter? Responderi communiter solet, appeti omnes non collectivè; sed distributivè. Nulla enim scientia est, quæ naturaliter appeti non possit: In omnibus enim est ratio scientiæ naturaliter appetibilis. Quia tamen naturalis appetitus non est ad impossibilia, omnes autem scientiæ collectivè sumptæ sunt homini impossibiles: (cum innumeræ sint res quæ sciri possunt, ad quas nec voluntas nec facultas hominis suppetit) idcirco omnes scientiæ collectivè, hoc est, sub illa collectione, non sunt naturaliter appetibiles: Nam licet quæ scientiæ, sint se appetibiles; tamen collectio illa habet rationem quandam impossibilis, & rationem quandam mali, ita vt idcirco non sit ex se appetibilis.

*Scientiæ omnes acquirendi impossibilitas firmiter Physica vel moralis?*

Quæri autem solet an ista impossibilitas acquirendi omnes scientias sit Physica vel moralis, item an respectu viri tantum hominis, an verò respectu omnium simul, ita vt nec omnes quidem homines omnia scire possint?

Ad primum respondent quidam, hanc impossibilitatem non esse solum moralem sed etiam Physicam: Non enim solum homo non potest addiscere omnes scientias propter vitæ breuitatem, difficultates & incommoda, quæ faciunt impotentiam moralem, sed etiam propter defectum specierum intelligibilium, quæ sunt principia & instrumenta Physica ad scientias comparandas. Volunt igitur dum solum potentiam Physicam remotam ad omnia cognoscenda, quæ potentia est ipse intellectus secundum se acceptus; habet enim intellectus potentiam Physicam ad omnia intelligenda, ita ut nihil sit quod non possit cognoscere. Verum quis ad cognoscendum eger speciebus intelligibilibus quas circa res omnes non potest habere, idcirco caret potentia Physica proxima ad omnia cognoscenda. Verum huic sententiæ opponi potest: quod licet species sint instrumenta & principia Physica ad res cognoscendas, tamen impossibilitas acquirendi species non est Physica sed moralis. Nam res omnes naturales cum sint sensibiles, vel per sua accidentia vel per suos effectus, possunt quantum est ex parte sua, producere sui speciem in intellectu. Neque ad hoc deest vllum principium Physicum. Scientiæ enim ipsæ si omnes ponerentur à Deo in eodem intellectu nullam haberent naturalem & Physicam repugnantiam cum intellectu. Quod si dicas non esse quidem impossibilitatem Physicam quoad existentiam omnium scientiarum simul in eodem intellectu, sed quoad acquisitionem: Contra; etiam acquisitio Physicè est possibilis, quia non desunt principia Physica ad acquirendas omnes scientias necessaria, tam ex parte intellectus, quam ex parte obiectorum. Nam si intellectus omnes scientias acquireret, non egeret pluribus principiis Physicis quàm sint illa quæ modo habet vel habere potest, quæ ad duo reuocantur, nempe ad potentiam intellectivam, & ad species intelligibiles, præter hæc enim duo, nullum aliud principium Physicum requiritur ad cognitionem.

Ex quo sequitur impossibilitatem quæ est ad omnes scientias acquirendas non esse ex impossibilitate & defectu alicuius principii Physici, sed ex defectu principiorum quorundam & mediorum, ut ex defectu vitæ longioris & commoditatum necessarium ad res inuestigandas. Rectè enim ait Hippocrates initio suorum Aphorismorum. *Ars longa, vita brevis, experimentum fallax*; Hæc autem pertinent ad impossibilitatem moralem.

Ad secundum, hanc impossibilitatem pertinere non ad singulos solum homines sed & ad omnes, ita ut non solum vnus omnia scire non possit sed nec omnes omnia: Nam etiam omnes vel casu id facerent vel ex conventionem & pacto: atqui etiamque moraliter est impossibile: Nam & quod casu fit, non accidit vniuersali singulis vel omnibus, & conuentio ac pactum omnium hominum est moraliter impossibile: imò si ad omnes homines conuentio daretur, impossibile est omnes etiam homines omnem terræ & cæli profunditatem & altitudinem peruestigare.

*Impossibilitas ad omnes scientias acquirendas vnde nam oritur?*

*Impossibilitas sciendi omnes scientias ad singulos vel ad omnes homines pertinet?*

## QVÆSTIO II.

*An possit in hac vita perfecta alicuius rei  
scientia haberi?*

*Primum ge-  
nus tollentium  
scientiam.*

Aristoteles 4. Metaph. tex. 19. refert veteres Philosophos omnem rerum scientiam fuisse quorum duo erant genera. In primo genere fuerunt illi, qui omnia de omnibus affirmari posse statuebant, eo argumento, quod viderent omnia ex omnibus fieri, ex nihilo autem nihil fieri. Dicebant igitur omnia in omnibus esse, licet aliqua occulte, aliqua conspicue, alioqui si non essent omnia in omnibus non fierent omnia ex omnibus, aut certe ex nihilo fierent, si id quod fit non pre-existeret actu in ea re, ex qua factum est. Hinc autem sequitur nihil certi de illa re affirmari posse: quia utrumque oppositorum æque de re eadem affirmari potest, & contradictoria ipsa: at hoc est nihil scire: Nam scire est determinatè cognoscere rem ita habere, ut aliter se non habeat, affirmando autem contradictoria dicitur de ita, & non ita res habere. In hac sententia fuit Anaxagoras & Democritus villis tribuit Aristoteles siue quod ita expresse senserint, siue quod ita ex opinione illorum sequeretur. Nam Anaxagoras in qualibet re infinitas omnium particulas ponebat, quæ secundum varias apparentias varias rerum species constituerent: Democritus verò ex ente & non ente omnes res componebat, ens vocabat plenum, non ens vacuum; videbat enim ex non igne fieri ignem, ex non aqua aquam, & omnia entia ex non entibus fieri volebat; Ergo omnia ex non entibus constare, ut ex illis fierent omnia.

*Omnia esse in  
omnibus sal-  
sum est.*

Hanc sententiam ibidem refellit Aristoteles. Primò soluendo utriusque argu-  
menta: Nam Anaxagoras non rectè omnia esse in omnibus affirmabat, ex eo  
quod omnia ex omnibus fierent: Et enim potest aliquid ex alio fieri, quod ens actu  
non sit tale, est tamen potentia tale, & sic non ex nihilo simpliciter res fiunt, sed  
ex non ente in actu, ente autem in potentia. Nam ad hoc ut aliquid verè fiat, duas  
requiruntur.

Primò ut illud quod fit non sit actu; quod enim esset, non fit, quia iam esset: si er-  
go debet fieri, debet non esse actu. Secundò, requiritur ut fiat ex aliquo ente, quod  
sit potentia illud, quod fieri debet; Videmus enim in naturalibus, nisi supponatur  
aliqua conueniens materia ex qua res fiunt, nihil fieri posse. Similiter male Demo-  
critus affirmat omnia ex ente & non ente constare, ex eo quod ex omni re potest  
fieri omne ens & non ens; non enim ens fit ex non ente tanquam ex materia qua-  
dam constituyente & componente essentiam rei, nihil enim est ens formaliter po-  
tens non ens, nec possibile est non ens constituere essentiam entis, cum cum potius tra-  
lat & neget, sed dicitur ens esse ex non ente, quia est ex aliquo quod non est tale  
actu ens, est tamen potentia tale, de qua re plura in 1. Physic.

Secundò refellit eandem sententiam, ex eo quod ex ea sequatur duo contra-  
dictoria esse simul vera, quod esse absurdum multis argumentis ostenditur, quæ  
supra in disput. 12. q. 11. & 12. retulimus.

*Secundum ge-  
nus tollentium  
scientiam.*

In secundo genere sunt illi qui statuebant nihil certo sciri posse ob continuam  
mutabilitatem rerum.

fluum & mutationem rerum. Dicebant enim totam rerum naturam instar fluminis omni ex parte mutari ac fluere, licet is fluxus nobis insensibilis sit : sicut etiam cum res crescunt aut decrescunt nullus videt & tamen fit mutatio. Ex quo inferrebant veritatem enunciationem aut nullam esse ob rerum inconstantiam, aut esse solam in opinione cuiusque sitam, vt quod quisque opinatur id verum sit. Hanc opinionem tribuit Aristoteles Heraclito, quem sequutus est Cratillus apud Platonem, qui etiam in hoc præceptorem suum superauit, vt tandem putaret res non esse verbis ostendendas, sed digito, quod prius res desluerent, quam verba finitacur, digito verò & breuius & tota simul res indicetur. Neque illud præceptoris sui ferre poterat, quòd diceret non posse quenquam eundem fluium bis ingredi, ipse verò se semel quidem id fieri posse existimabat, eo quòd in ipso transitu, alia & alia aqua alium fluium efficeret. In eadem quoque sententia fuit Democritus ex text. 21. qui dicebat aut nihil verum esse, aut nobis manifestum non esse. Probat autem id ratione vt patet ex text. 21. Videmus enim de eadem re diuersos contraria sentire : aut ergo vtrorumque iudicium simul erit verum, aut neutrorum. Cur enim potius horum, quam illorum ? Quod si quis dicat id verum esse, quod plures sentiunt, id falsum quod pauciores, id illi resellebant, in hunc modum. Mel à sanis iudicatur dulce ab ægrotis amarum, si verò plures essent ægroti, quam sani, non esset verum mel esse dulce ; sed amarum : similiter infanz mentis homines iudicant virtutem non esse amplectendam, si ergo hi plures essent, esset verum virtutem non esse amplectendam, & iterum si essent pauciores, non esset id verum, si rursus quis dicat, non quod plures, sed quod ii, qui corpore & animo rectè valent, iudicant, id deum verum esse, hoc ita resellebant : Bruta cum rectè valent in plerisque rebus contraria sentiunt & appetunt, quam nos dum rectè valeamus. Quem enim cibum bos appetit & probat, Homo reiecit & reprobat, Homines etiam animo & corpore rectè valentes de eadem re sæpè contraria sentiunt ; quot enim sunt oppositz de felicitate opiniones ? item de bono & æquo, aliisque rebus agendis. Immo idem homo vno tempore vnum, alio tempore contrarium iudicat. Deinde iudicium intellectus verum, debet esse conforme iudicio sensuum : atqui de eodem obiecto diuersi sensus opposita iudicant : Ergo & intellectus. Minor patet. Nam visus rerum in aqua iudicat fractum quem tamen tactus integrum iudicat.

Hanc sententiam resellit Aristoteles text. 23. Primum ex eo, quòd non rectè inferunt, ex eo quòd res continuò mutantur, nihil esse fixum & stabile : Nam in mutatione necesse est aliquid manere eius quod abiicitur, & aliquid eius quod acquiritur ; versatur enim mutatio circa aliquod subiectum commune, tam ei quod abiicitur, quam quod acquiritur : Ergo saltem subiectum illud erit fixum & stabile. Deinde aliud est res mutari secundum quantitatem, seu molem hanc materialem & quantitatiuam quæ accedit in augmentatione & recedit in decrectione viuentium ; aliud secundum qualitatem seu secundum formam : Esti igitur secundum quantitatem & materiam res mutantur, manent tamen eadem secundum formam, vt patet in viuentibus quæ tam cum crescunt secundum materiam quam cum decrescunt, sunt eadem secundum formam. Quia igitur res omnes cognoscimus secundum formam (à forma enim res habent suum determinatum esse in certâ specie) necesse possumus aliquid stabile de rebus cognoscere, vbi noto, quod isti Philosophi non aliam mutationem in rebus ponebant, quam illam vel illi similem, quæ inuenitur in augmentatione & diminutione rerum quæ solùm est materialis non formalis.

*Ob continuum  
mutationem  
rerum non  
se-  
quitur, nihil  
esse fixum &  
stabile.  
Probat. 1.  
Arist.*



malis. Vnde bene contra istos procedit ratio Aristotelis; non enim habebant illi aliud argumentum huius mutationis, nisi ex similitudine viuientium, quæ insensibiliter crescunt & decrescunt; at si quis diceret, res continuo annihilari rotas, & rotas alias ex nihilo creati, rationes Aristotelis contra illum non valerent: is tamen quem necesse est natura esse quandam immobilem, vt 8. Physicæ demonstratur. Necesse enim est motum in aliquod principium immobile reduci nisi in mouentibus processum in infinitum admittere velimus. Denique addit illos qui contradictoria simul vera affirmant, non posse asserere res omnes continuo mutari, quiescunt enim potius quam mutantur si simul sunt, & non sunt; semper enim sunt & non sunt; & ex consequenti, semper se eodem modo habent; nihil enim mutatur in id, quod illi inest, sed in id, quod non inest vt in sit secundum istos autem omnia sunt in omnibus etiam contradictoria: nihil ergo est in quod posset fieri mutatio.

*Probat. 2.*

Secundo refellit eos, ex eo, quod non rectè asserant, omne quod alicui videtur, verum esse, ita vt si contradictoria videantur, contradictoria sint vera. Nam imprimis sensus externi, cum circa proprium obiectum versantur, semper sunt veri, vt visus circa colorem, auditus circa sonum, solam autem circa sensibilia communia errare possunt, vt visus circa figuram & quantitatem, hæc enim dicuntur communia, quia pluribus sensibus percipiuntur) visus enim remum in aqua fractum, & rem distantem paruum percipit, quem tactus integrum, & rem illam maiorem comprehendit; & ita si intellectus sensuum iudicium sequi debet, non poterit contraria iudicia habere vera. Deinde intellectus non est idem cum sensu: quare etiam si sensus pugnantia iudicarent, non sequeretur tamen idem facere intellectum; potest enim intellectus corrigere sensum deprehensio eius errore, id quod ipsiusmet fatentur cogantur; Nemo enim illorum dubitabit, verius iudicari de magnitudine obiecti, aut colore, ab iis qui sunt in loco propinquiori, quam ab iis, qui in remotiori, item à rectè valentibus, quam ab ægrotis rectius res iudicari; & de grauitate verius iudicare robustum, quam imbecillum; & venora esse quæ vigilantibus quam quæ dormientibus videntur.

Quod vel ex ipsorum actionibus apparet: non enim quisquam ex iis qui in Africa sunt, si dormiens Athenis se esse somniauit, statim excitatus in Odcum (est Athenis locus publicus Cantui destinatus) proficiscitur: ergo signum est non æque haberi pro veris quæ in somnis sicut quæ extra somnum apparent, ratione nimirum istam differentiam deprehendente & corrigente sensuum iudicium; similiter de sanitate infirmi, non æque veram habent opinionem ignari vt medici: in ipsis etiam sensibus, non est æque certum iudicium de proprio obiecto, vt de alio (vt cum ex visu iudicamus de sapore coniuncto colori) neque de proprio sensibili & de communi: Nam circa proprium obiectum, sensus semper est verus, neque simul iudicat idem esse, & non esse: imò & cum diuerso tempore oppositum iudicat, non iudicat, Verbi gratia, albedinem esse nigredinem (quod esset errare circa proprium obiectum) sed subiectum cui conueniebat ante albedo, iudicat esse affectum nigredine, non albedine: Quare semper sensus est verus circa proprium obiectum.

ita ut quale semel iudicauerit esse proprium obiectum, tale esse necessariò debet iudicare semper: hanc autem necessitatem tollunt isti, qui dicunt simul rem esse & non esse. Nam si necessarium est, id quod non potest non esse, isti afferendo eandem rem simul esse & non esse, tollunt necessitatem. Denique non solum est id in reum natura, quod sentitur, sed & quod non sentitur; alioqui si nullum animal, nec ullus sensus existeret, nihil esset in mundo quia nihil sentiretur: Si ergo ablati sensibus, non auferrentur entia; ergo idem non est esse & sentiri, sed id quod sentitur, prius est natura ipso sensu; mouet enim sensum. Mouens autem prius est moto: Si igitur sine sensu res sunt; ergo sine sensu sunt veræ; Verum enim est id quod est: non igitur veritas formaliter, est solius sensus veritas. Quod si quis proistis respondeat veritatem esse duplicem: alteram entitativam quæ est in rebus, alteram cognitionis, quæ est in sensu, is opinionem ipsorum planè euerit. Isti enim nullam rem tribuebant veritatem, propter rerum fluxum continuum & mutationem, sed omnem veritatem, in apparentia sensuum collocabant, & nihil esse in re solidè verum stauiebant.

Tertio loco. Soluit Aristoteles huius sententiæ fundamentum. Quærent enim, si non omne quod cui videtur est verum, Cum aliis alia videantur, quis iudicabit & discernet inter verum & non verum? At quàm sit inanis hæc quæstio, ipsimet res ipsa & actionibus suis indicant; simile enim est, ac si quis quæreret, Dormiamus ne modo an vigilemus? Et si quæ vigilantes facimus, soleamus etiam in somnis facere, non tamen quicquam cum vigilat iudice indiget, ad discernendum an vigilet, neque demonstratione ad id opus habet, sed rei ipsius euidencia certus est se vigilare non dormire, quod vel ex ipsis actionibus eorum constat, ut supra dictum est, aliter enim iudicant de agendis rebus, ex iis quæ in somno apparent, aliter ex his quæ in vigilia. Hoc ergo modo responderetur ad argumentum Heracliti. Non omnia quæ apparent, videntur æque vera, sed vnum verius altero, idque non propter demonstrationem aliquam, qua demonstratur, hoc esse verius illo, sed propter maiorem rei euidenciam: non igitur opus est, ad hoc aliquo alio iudice, neque alia aliqua demonstratione, sed ex ipsa rei natura, & ex ipso lumine naturali, hæc discretio habetur veri à non verò.

*Aristoteles soluit rationem aduers.*

Denique vltimo loco assertit vnā demonstrationem, Quod non omnia quæ apparent sunt vera; alioqui, inquit, sequeretur omnia esse ad aliquid, & nullum esse ens per se, seu ad aliud non relatum: Consequens autem est falsum. Ergo & antecedens. Maioris se quæla probatur. Si enim verum, idem est quod apparet, apparet autem, alicui apparet est & ad aliquid dicitur, nihil profectò erit verum nisi quod alicui apparet. Et cum omne ens sit verum (verum enim est idem quod esse) non dabitur ens vllum, nisi quod ad aliquid erit etiam verum, ac ex consequenti non idcirco erit verum, quia alicui apparet.

*Probat Arist. quod non omnia quæcunque apparent sunt vera.*

Quod autem id sit absurdum patet; quia alioqui sequeretur neque fuisse aliquid nec esse, nec futurum esse, nisi quod ante aliquis opinatus sit, si per respectum ad opinionem omnia dicuntur esse vel non esse: quàm multa verò sunt in visceribus terræ, & in solitudinibus, quæ à nemine visa & cogitata sunt unquam, nec cognoscuntur. Quare melius isti dicerent, veritatem absolurè, non ex opinione cuiusque pendere, sed ex natura rei; veritatem verò respectiuam, & apparentem esse secundum opinionem cuiusque, tunc enim non essent contradictoria simul vera; quia contradictoria debent sumi respectu eiusdem: at cum diuersis diuersa viden-

tur, non eodem modo nec eodem respectu, id accidit, sed semper interuenit aliqua conditio dissimilis causans in vno vnum iudicium, in altero alterum: Nam mel idem gustatui videtur dulce, aspectui non videtur dulce, quia istæ sunt diuersæ potentia. Et si quis vnum habeat oculum purum alium flauum, idem vni oculo apparebit flauum, alteri non flauum, propter dissimilitudinem oculorum.

*Ultimum Arist. argum.*

Deinde sic argumentatur Aristoteles; Si verum est vnum, & est ad aliquid, necesse est vt ad vnum terminatum terminum referatur: nam etsi idem possit ad diuersa referri, non tamen vt idem formaliter, sed vt idem materialiter. Verbi gratia idem potest esse & dimidium & æquale, sed non quatenus æquale est dimidium, neque quatenus dimidium, est æquale, sed idem materialiter, quod est æquale, respectu æqualis, est etiam dimidium respectu dupli. Hoc ergo posito, si verum dicitur ad aliquid secundum opinionem, cum infinitæ opiniones possint de eadem re haberi, verum non erit vnum, quia non ad vnum terminum referetur: hoc autem est falsum; quia verum debet esse, quod certum & determinatum, at prout vnum. Hæc omnia Aristoteles in 4. Metaph. Omisissis igitur veteribus Philosophis, & constituta rerum determinata veritate, merito queri potest, an perfecta rerum aliquarum scientia haberi à nobis possit?

*Cognitio rerum perfecta duplici medio acquiritur.*

*Scientiam perfectam in hac vita haberi non posse probatur.*

Potest perfecta rerum cognitio vel definitione, vel demonstratione acquiri: Duo enim in re sunt, quæ sciri possunt, essentia & proprietates: illa definitione cognoscitur, hæc demonstratione. Videtur igitur neutram scientiam in hac vita perfectam à nobis haberi posse, quæ fuit sententia veterum Philosophorum negantium scientias, & omnia in opinione ponentium de quibus vide Pererum 1. De Princip.

Probat autem Primò: ex modo naturali scientias acquirendi, qui est per sensum, sensus autem sæpissimè falli ob indispositionem vel potentia vel obiecti, vel mediis quotidie cernimus, vt in remo in aqua fracto, colonibus in collo columbarum, in nubibus, in Iride.

Secundò. Ex perfectione scientia, quæ hoc requirit, vt excludatur omnia dubitatio, & certum sit impossibile esse aliter rem habere. Quod Aristoteles alia verba expressit tex. 5. cum ait: Oportet scientiam à credulitate impermutabilem esse, qui hanc perfectionem scientia neminem habere posse multa suadent. Nam in primis etsi cum nulla dubitatio in contrarium occurrat, videatur intellectus certus esse de sua scientia, tamen si ratio aliqua valde probabilis in contrarium ponatur, intellectus vacillare incipit, & de sua scientia addubitare. Deinde esto persuasum habeat non posse rem aliter habere, tamen ea persuasio æque conuenit scientia veræ ac existimata; potest enim quis de errore suo tantam persuasionem habere, quantum alter de sua vera scientia. Ex hac igitur certitudine non potest colligi, an quis veram scientiam rei habeat: quod patet vel in ipso Aristot. qui non minus existimauit se demonstrasse mundi æternitatem, quam alias res Physicas.

Tertiò. Essentias rerum quæ sunt fundamentum, & prima ratio cognoscendi proprietates non cognoscimus quidditatiuè, & secundum se, sed tantum secundum connotationes, quidam accidentium vel effectuum, vt essentiam ignis cognoscimus tanquam quid connotans summum calorem, & summam siccitatem & Aristot. naturam definiuit per ordinem ad motum, nempe quod sit principium motus quietis eius in quo est: Si ergo essentia quæ est fundamentum ad alia cognoscendam imperfectè cognoscitur à nobis, quanto magis imperfecta erit cognitio proprietatum, quæ ex essentia subiecti petenda est.

Quid

Quartò. Vt quis vnâ aliquam rem perfectè sciat, necesse est omium aliarum rerum scientiam habere : hoc verò cum sit impossibile erit quoque impossibile rem aliquam perfectè scire. Nam si quis conclusionem demonstratam oppugnet ex alterius scientiæ principijs, nisi alter sit veritatus in illa altera scientia, non poterit eius rationes soluere, nec scientiam suam tueri.

Pro solutione notandum est. Perfectam rei scientiam posse esse duplicem. Aliam absolutam quam res ipsa ex se requirit : Aliam respectiuam, hoc est, respectu humani intellectus. Illa omni modo perfectionem requirit ; hæc verò admittit multas imperfectiones, salua tamen perfectione essentiali scientiæ, quæ est vt excludat omnem dubitationem ; illa est tanta, quantam res requirit, hæc est tanta quanta potest conuenire intellectui humano imperfecto.

Dico igitur Primò. Non dari in nobis absolutè perfectam scientiam siue definitiuam siue demonstratiuam. De definitiua probatur. Quia rerum essentialiæ à nobis non cognoscuntur vt sunt in se, sed tantum quoad connotationes accidentium, vel effectuum, vt disputat. 14. quæst. ult. dictum est ; nihil enim aliud scimus de essentiali rerum, nisi quòd sint quiddam connotans talia accidentia vel tales effectus : quod verò sint in se seculâ connotatione, non scimus explicite, sed valde implicite & confusè : ex confusa autem rei cognitione non generatur scientia absolutè perfectâ. Exemplo sit hominis trita definitio, Animal rationale : de terminis huius definitionis nihil scitur nisi quòd animal sit quiddam à quo procedit sensus, rationale verò à quo procedit discursus vel ratio ; quid verò sit in se illud à quo procedit sensus vel ratio, nescimus. Hoc autem verum est de definitionibus tam substantiarum quam accidentium ; nam essentialiæ substantiarum sunt nobis in se ignotæ, & non cognoscuntur nisi sub inuolucro accidentium, accidentium verò essentialiæ non cognoscuntur à nobis nisi per habitudines quasdam ad sensus, quos afficiunt, vel ad effectus, quos causant, essentialiæ verò ipsas accidentium secundum se non cognoscimus. Ex quibus patet definitiuam scientiam in nobis non esse absolutè perfectam.

De scientia verò demonstratiua idem pater. Nam si loquamur de demonstratione potissimâ, qualem descripsit Aristoteles, eam probabile est non dari vt patet ex disputat. 14. quæst. vltima ; medium enim demonstrationis potissimæ est essentia, & definitio subiecti : atqui essentialiæ à nobis perfectè non cognoscuntur, sed tantum secundum connotationes : Ergo neque demonstratio perfectâ à nobis habetur : Si verò loquamur de demonstratione non potissimâ, ea non generat absolutè perfectam scientiam.

Dico secundò. Dari nihilominus scientiam perfectam, non absolutè, sed ea perfectione quæ in intellectum humanum naturaliter conuenire potest ; humanus enim intellectus non ea perfectione res cognoscit, qua sunt res cognoscibiles, sed tantumquam ex sensibus, effectibus, accidentibus, colligere potest : quæ tamen cognitio potest esse ita perfectâ, vt essentialiæ perfectionem scientiæ in se habeat, quæ in se posita, vt sit cognitio rei per propriam causam, propter quam res est, & quòd eam contingat aliter se habere. Quamuis autem non cognoscatur causa perfectè vt est in se, sed tantum per connotationem effectus, tamen simpliciter cognoscitur vt causa, & ex causa sic cognita, cognoscitur propter quid effectus.

Dices. Cognosci propter quid solum probabiliter, non summa illa certitudine quæ requiritur ad scientiam. Respondeo. Scientiam summè perfectam requirere summè

*Scientia rei perfecta potest esse duplex. Absoluta & respectiua.*

*Scientia definitiua absolutè perfecta non datur in hominibus.*

*Scientia demonstratiua perfecta non datur.*

*Scientia perfecta non absolutè in hominibus dari potest.*

summè perfectam certitudinem; at scientia quæ non est summè perfectæ non requirit tantam certitudinem, sed certitudinem in suo genere, & respectu talis intellectus qui sicut non habet perfectam evidentiam de rebus, ita nec perfectam omnino certitudinem, habet tamen tantam ut excludat dubitationem & formidinem, quod sufficit ad scientiam. Et sanè manifestum id est in scientiis Mathematicis, quæ sunt certissimæ, licet non procedant per causas essendi, sed per causas cognoscendi, in quo deficiunt à perfectâ ratione scientiæ.

*Soluntur argumenta.*

Ad primam rationem dubitandi Respondeo: sensus etsi decipi possunt quando est indebita applicatio potentie & obiecti, tamen quando est debita applicatio non decipiuntur, sed sunt certi de suo obiecto; nullus enim dubitat homines ambulare, solem illuminare, ignem calefacere. Quod si aliquando sensus vel errat vel rem non assequuntur, corrigi à ratione possunt, adiunctis variis discursibus, ut si semper & omnibus ita videatur; quod enim semper se eodem modo habet, & respectu omnium, verè tale est: hoc modo sol sensui apparet instar parvi globi, cum tamen sit multis partibus maior terra; corrigit verò sensum ratio docens, res distantes minores apparere, quàm propinquas, solem verò esse in maxima à nobis distantia quam Astrologi per suas demonstrationes assequuntur.

Ad secundam respondeo potest quis esse certus excludendo omnem dubitationem non solum negativè, quòd nullam videt causam dubitandi, sed etiam positivè, quòd videt causam rei, quæ excludit omnem dubitationem. Iam verò si ex ratione in contrarium allata debilitetur in aliquo certitudo, is proculdubio non veram scientiam sed opinionem habuit: at si habeat veram scientiam, non cedit etiam ei rationi, quam non scit solvere: Nam licet ex propriis principiis non sciat solvere eam, scit tamen in communi ex vi suæ demonstrationis illam rationem esse falsam. Cum verò dicitur, certitudinem esse communem scientiæ, tam veræ quam erratæ. Respondeo: id verum non esse, non simpliciter sed secundum quid; at tamen adiunctis aliis discursibus, non solum certitudinem, sed & veritatem habere possumus ut si illa certitudo confirmetur inductione & communi sensu omnium, & similibus discursibus; & nisi hi discursus addantur, vix potest quis esse certus de veritate demonstrationis, cum falsa esse possint quàm similima veris. Vbi excipio Mathematicas demonstrationes, quæ sensibus ipsis patent, & tot discursibus non indigent. Quod si dicas, veritatem constare debere ex ipsa demonstratione non aliis discursibus extrinsecis. Respondeo: principia demonstrationis plurimum iuvare discursibus etiam extrinsecis, ita ut maiorem vim habeant ad inferendam conclusionem.

Ad tertiam respondeo: Essentiæ à nobis non cognoscuntur perfectè ut in se sunt, cognoscuntur tamen ea perfectione quæ satis est ad essentiam verè & specificè cognoscendam, & ut ex essentia sic cognita reddantur veræ & propriæ causæ, proportionatam rebus convenientium.

Ad quartam respondeo: Illud quidem ad absolute perfectam scientiam requiritur; tamen ad humanam scientiam, satis est ut quis ita perfectè causam rei cognoscet, ut putet impossibile esse aliter rem habere, & rationes omnes contrarias putet eo ipso esse falsas, quòd demonstrationi repugnent, etsi illas solvere nesciat ex propriis principiis.

## QVÆSTIO III.

*An per sensum haberi possit scientia ?*

**N**ON est quæstio an scientia quam habet intellectus dependeat à sensu, & ex sensu oriatur. Rectè enim docuit Aristoteles, oportere intelligentem phantasmata speculari : & si quis sensibus omnino destitutus esset, is quoque scientiam rerum assequi nullo modo possit 1. Poster. text. 33. Id ergo quod quæritur est, an ea scientia quæ habetur præcisè per sensus, & dicitur nouina sensitiua, habeat veram scientiam rationem, & sit verè & propriè scientia? Et ratio dubitandi est: quia scientia propria essentia est in eo posita, vt sit cognitio rei per propriam causam: atqui sensus potest cognoscere & effectum, & causam vt patet in Mathematicis demonstrationibus, quæ ita sensibiles sunt, vt in tabulis depingantur spectandæ: quod etiam in nonnullis Physicis cernitur: vt si quis in cælo existens, videret eclypsim ob interpositionem, is haberet scientiam de Eclypsi, per propriam causam. Neque dici potest sensu cognosci causam materialiter tantum, non formaliter vt causa est, seu vt refertur ad effectum, quia causa est causa per suam entitatem: Ergo cognita entitate causæ cognoscitur ratio formalis causæ. Deinde hoc ipsum quod causa refertur ad effectum potest esse sensibile, vt si videam solem illuminare, ignem calefacere.

Decidendum est cum Arist. 1. Poster. text. 43. scientiam non posse haberi per sensum. Probatur primò: scientia est vniuersalium; sensus autem non percipit nisi singularia hic & nunc: Ergo scientia non potest haberi per sensum. Maior patet, Quia enim cognoscit hoc rationale esse risibile, non habet scientiam nisi cognoscat vniuersaliter omne rationale esse risibile, id quod sensus non potest percipere; obiectum enim sensus semper est aliquod singulare hic & nunc existens. Dices sensu posse percipi omnia singularia collectiue, quod æquivaleret cognitioni vniuersali. Respondet: Et si quis omnia singularia cognoscat in particulari, is tamen non cognoscit vniuersale sed multa singularia; sicut enim in numeris, qui cognoscit multa, non cognoscit speciem numeri, vt si cognoscat singulas vnitates senarii, non tamen cognoscit senarium, nisi eas vnitates in vnam summam colligat, ita & qui multa singularia cognoscit, non scit vniuersale, nisi quatenus illa omnia sub vna communis ratione concipit. Verbi gratia, nescit quod rationale quatenus rationale sit: & semper sit risibile, sed tantum quòd hoc & illud rationale sit risibile. Deinde quamuis sciret per sensum actu existentia singularia; non tamen possibilia, neque omni tempore, quod tamen est de ratione scientiæ; quocirca plus cognoscit qui cognoscit aliquid vniuersaliter, quàm qui omnia singularia cognoscit, tum quia ille cognoscit quatenus tale & secundum quòd ipsum, hic autem solum cognoscit quòd ita sit: tum quia ille cognoscit omnia etiam possibilia, & pro omni tempore, hic autem solum existentia, & in præsentis tempore, & non sub ratione vniuersali.

Secundò probatur: Scire est rem per causam cognoscere, & quòd illius causa est: sed sensu non possumus cognoscere causam formaliter sub ratione causæ, sed solum actualem eius coexistentiam cum effectu: Ergo sensu non potest haberi scientia:

*scientia non potest haberi per sensum.*

tia: quare cū sensu videtur causa & effectus, videtur solum cōexistētia vtriusque non verò dependentia vnius ab altero, tanquam à causa, Verbigrazia, cū canis semel baculo cæsus, viso postea baculo fugit; non apprehendit baculum tanquam causam suæ cædis, sed viso baculo, excitatur species percussione ante habitæ, & sic fugit baculum; coniungit enim percussione cum baculo tanquam duo connecta inter se, non quod vnum sit causa alterius.

Tertiò. Ad scientiam requiritur, non tantum scire, sed scire se scire, hanc autem reflexionem, non potest facere sensus, sed ratio: Ergo per sensum non potest haberi scientia. Ex quibus patet rectè inferri ab Arist. loco citato, Quod quamvis sensu cognosceremus triangulum habere tres angulos æquales duobus rectis, adhuc tamen egeremus demonstratione: quia per sensum non cognosceremus vniuersaliter, & per se. Quod si etiam supra lunam essemus, & videremus terram interpositam inter solem & lunam, adhuc tamen non haberemus scientiam de Eclipsi, quia nesciremus propter quid Eclipsis in vniuersali.

*Sensus quomodo sit vniuersalis.*

At obieciēs. Primò Arist. 2. Poster. text. ult. ait sensum esse vniuersalem; vñs enim, verbi gratia, non est huius vel illius coloris, sed omnis coloris & coloris vt color est. Resp. Sensus, id est, potentiam sentiendi esse vniuersalem, actum verò sentiendi, variari circa singulare: ita seipsum explicat ipsemet Aristot. 1. Poster. c. 2. Cū ait sensum id est, potentiam sensitivam, esse huius, non huius cuiusdam: hoc est esse huius in communi, non huius in particulari; sentire verò, id est actum sentiendi, necessariò esse huius cuiusdam, id est, vñs particularis & alicubi, & nunc, id est, in hoc loco particulari, & in hoc particulari tempore. At inquit, etiam actus sentiendi potest terminari ad obiectum sub ratione vniuersali, quia sub ratione indeterminata; Potest enim à longè videre coloratum, non sub ratione determinata huius, vel illius coloris, sed sub ratione coloris absolute: quo etiam modo intellectus cognoscit naturam vniuersalem; semper enim cognoscit naturam quæ est singularis, sed quia illam cognoscit indeterminatè, non sub expressa determinata ratione singulari, ideo dicitur cognoscere per modum vniuersalis. Respondeo. Conuenire sensum cum intellectu in vno, differre verò in alio, conuenit enim in hoc quòd vterque rem singularem indeterminatè cognoscit; differt autem, quòd sensus licet possit abstrahere à determinata ratione singulari, tamen non potest ab aliis conditionibus singularibus nempe ab hic & nunc. Vt enim rectè ait Aristoteles, sensus quicquid percipit, percipit tanquam hic & nunc existens, ita vt hic & nunc, non solum se teneat ex parte sensus percipientis, sed etiam ex parte obiecti percipientis intellectus autem potest obiectum ab hic & nunc abstrahere & illud concipere vniuersaliter, tam quoad omnia inferiora, quàm quoad omnia tempora. Vnde sequitur, sensum nunquam percipere naturam vniuersaliter, sed semper particulariter scilicet hic & nunc, intellectus verò potest vniuersaliter concipere abstrahendo ab hic & nunc.

*Sensus cum intellectu circa cognitionem quomodo conueniat & differat.*

*Certitudo qualis habetur per sensum.*

*Sensus quomodo causam cognoscere dicatur.*

Obieciēs secundò. Per sensum haberi potest cognitio certa & euidens; nihil enim certius est, quàm quod sensu percipitur. Respondeo. negando consequentiam quia per sensum habetur certitudo solum de cōexistētia terminorum, non verò de connexionē essentiali ipsorum, quam scientia per se considerat.

Ex quibus patet ad rationem dubitanti: sensus enim non cognoscit causam formaliter; quia licet cognoscere possit entitatem causæ, non tamen cognoscit habitudinem eius ad effectum, quod est cognoscere causam formaliter.



## QVÆSTIO IV.

*An id de quo habetur scientia sit complexum  
vel incomplexum?*

Qvæstio est de scientia discursiva, quam definiunt Aristoteles 1. Poster. text. 5. *Scire est rem per causam cognoscere*; hæc enim propriè & absolute dicitur scientia, *Scire quid sit.*

Dico igitur. Scientiam formaliter non esse de simplicibus terminis, sed de aliquo complexo. Explico. Tria sunt in eo quod scitur. Subiectum, Prædicatum, & Contextio prædicati cum subiecto. Propriè igitur scientia non est de subiecto vel prædicato secundum se, sed de subiecto in ordine ad prædicatum, seu de complexo ex subiecto & prædicato. Verbi gratia, de homine non habetur scientia secundum se neque de risibili secundum se, sed de hoc complexo, homo est risibilis. Quod igitur scientia non sit de simplicibus terminis; Probatur primo: Quia de subiecto conclusionis æque potest esse scientia ac error in ordine ad diversa: Nam si de homine demonstrarem quod sit risibilis, habeo scientiam; si verò quod sit immortalis, habeo errorem. Vnde sic argumentor, non est idem obiectum scientiæ & erroris: at terminus simplex manens idem est æque obiectum scientiæ & erroris & indifferens ad utrumque: ergo non est obiectum ex se proximum ac determinatum scientiæ.

*Scientia formaliter non est de simplicibus terminis sed de aliquo complexo.*

Secundo. De eodem subiecto possunt esse diversæ scientiæ, si diversæ proprietates de illo cognoscantur: ergo ipsum per se non est obiectum proximum scientiæ: Unum enim obiectum, est unius tantum scientiæ; quod si diversarum scientiarum sit idem obiectum, id est, propter diversas proprietates, sub quibus est diversum obiectum formaliter, & solum idem materialiter.

Tertiò: Id est obiectum scientiæ quod scitur: at non scitur simplex, sed complexum: ergo simplex non est obiectum scientiæ, sed quid complexum. Minor probatur, quia scientia conclusionem contingit, conclusio autem complexum quid significat; Non enim si homo sit, aut risibile sit, aut si utrumque sit, scitur per demonstrationem, sed complexum hoc Homo est risibilis, scitur; eius enim connectionis formaliter causa datur in præmissis.

Quartò: Idem est obiectum scientiæ, & assensus demonstrativi: at obiectum assensus demonstrativi, est quid complexum non simplex: ergo & obiectum scientiæ.

At obiectis: Communiter cum Aristotele assignant Doctores obiectum scientiarum aliquid simplex & incomplexum, Metaphysicæ Ens in quantum ens, Physicæ corpus naturale, Mathematicæ quantitatem.

Respondet obiectum scientiæ est duplex, aliud est id de quo est scientia & demonstratio, quod alio nomine subiectum dicitur. Cui proprietates quæ sciuntur & demonstrantur competunt: & hoc modo sumitur obiectum quando scientiis totius assignantur obiecta, & si autem non complexè significatur, tamen idèd pro formaliter in scitur.

*Obiectum scientiæ duplex est id de quo est scientia, & pro formaliter in scitur.*

in ea scientiâ; Vnde tale obiectum assignatur quod sit proportionatum illis proprietatibus: Aliud est obiectum quod formaliter scitur, & hoc est necessarium quod complexum.

Quod si insisteres in scientiâ illud obiectum, de quo est scientia, esse subiectum formale; ut ens quatenus ens, & corpus naturale quatenus naturale: ergo obiectum de quo, non est materiale. Respondeo: Vtrumque esse in suo genere formale: Nam in genere obiecti de quo, aliqua sunt obiecta materialia, aliqua formalia: In scientiâ ergo assignatur obiectum de quo, sub ea ratione, sub qua est formaliter obiectum de quo, corpus naturale sub ratione corporis naturalis est formale obiectum de quo Physicæ. Porro in genere obiecti, quod scitur, illud est formale obiectum, quod in conclusione illata per demonstrationem significatur; illud enim scitur quod demonstratur, & cuius causa in demonstratione assertur: hoc autem est quid complexum.

Obicitur secundò. Cùm dicitur aliquid complexum esse obiectum scientiæ, vel intelligitur ipsa conclusio, vel obiectum quod per conclusionem significatur. Non primum; quia conclusio est ipsa scientia, non obiectum scientiæ. Non secundum; quia id quod per conclusionem significatur, sunt res ipsæ extra intellectum: at hæc non sunt obiectum; scientia enim non potest esse sine suo obiecto: at sine rebus extra intellectum existentibus potest esse scientia: ergo res extra intellectum non sunt obiecta scientiæ. Minor patet: Nam de rosa non existente in hyeme datur scientia, & si nihil existeret in mundo posset tamen de rebus. Physici conferunt scientiam in intellectu, imò & acquiri. Deinde si res extra animam sunt obiectum, illæ res vel sunt universales vel singulares: Non primum: quia non dantur universalia extra intellectum: Non secundum, quia non magis vna, quam alia, esse obiectum: ergo quælibet; & sic omnia singularia deberent cognosci. Adhuc, si obiectum assensus, est res extra: ergo & dissensus: atqui si quis dissentiat huic propositioni Deum esse æternum, & dicat non esse æternum, obiectum talis dissensus, non est aliquid extra animam, quia nihil est tale in re: ergo nec obiectum assensus, necessarium est esse aliquid extra animam. Denique illud quod est omnino nihil non potest esse obiectum: sed frequenter id quod significatur per conclusionem est nihil. Ergo.

Gregor. in questione prima Prologi in articulo 1. tenet conclusionem non esse obiectum scientiæ, sed id, quod per conclusionem significatur. Ratio ipsius est: Quia conclusio non potest sciri per modum obiecti, nisi per actum reflexum, quo ipsa apprehenditur & cognoscitur: Atqui sine tali reflexione habetur scientia: Ergo scientia non consistit in cognitione conclusionis tanquam obiecti.

Pro quo noto. Aliud est conclusionem esse scientiam, aliud est sciri per modum obiecti, sicut aliud est visionem esse visionem, aliud visionem ipsam videri: Nam visio est visio, quatenus coloris est visio, ipsa verò visio tunc videtur, quando est obiectum alicuius cognitionis, quæ fertur in ipsam tanquam in obiectum, & dicitur visio visionis: Si ergo conclusio esset obiectum scientiæ, necesse esset scientiam esse actum distinctum à conclusione, qui terminetur ad conclusionem tanquam ad suum obiectum, & sit cognitio cognitionis: Talis autem actus non spectat ad demonstrationem, & sine ipso est demonstratio, ex solis præmissis & conclusione sine ulla alia reflexione in conclusionem. Nam sicut de ratione visionis, non est vi videtur, sed solum ut sit visio, visio verò visionis est actus extrinsecus visioni: ita de tra-

*An res extra  
intellectu sunt  
obiectum scientiæ.*

*Gregor. opinio.  
Conclusio non  
est obiectum  
scientiæ.*

non scientiæ non est ut sit scientia scientiæ seu conclusionis, sed solum ut sit in se scientia, hoc est, ipsa conclusio, illata ex præmissis.

Potro idem Gregor. ibidem refert & retellit opinionem Ockam, quæst. 9. Prologi & aliorum quorundam dicentium conclusionem esse obiectum scientiæ: Quia, inquit, illud est obiectum, quod scitur, quod demonstratur, & cui in demonstratione assentitur: at conclusio talis est; ergo est obiectum. Sed hoc soluit Gregor. negando minorem: Non enim conclusio, sed significatum conclusionis est illud quod scitur, ipsa verò conclusio est scientia, non res scita.

Verum hæc opinioniones non videntur pugnare re, sed modo loquendi. Conclusio dupliciter potest accipi: Primò, pro actu intellectus concludentis, & sic dicitur *Conclusio dupliciter accipitur* conclusio actiue, & est ipsa scientia, non res scita. Secundò pro re conclusa, & sic dicitur *Conclusio dupliciter accipitur*.

Secundò sumitur conclusio passivè & est res ipsa scita, sicut enim productio passivè est res ipsa producta, ita etiam conclusio, & res conclusa re idem sunt, solaquæ ratione distinguuntur. Licet igitur conclusio priori modo accepta per modum actionis, non sit obiectum scientiæ, quia est ipsa scientia non res scita, quod bene probat Gregor. tamen posteriori modo accepta est ipsum obiectum scientiæ sicut res producta est obiectum productionis, & hoc sensu loquuntur illi quos refutat Gregor.

Quare notandum est, quod sicut productio est idem realiter cum re producta, itaque cum suo termino, ita omnis cognitio est idem re, cum suo obiecto cognito quatenus in mente existit. Nam sicut productio formaliter, est rei productæ productio, ita cognitio essentialiter est rei cognitæ cognitio, & productio quædam intellectualis subiecti in mente, quod obiectum productum in esse intelligibili, dicitur terminum mentis & terminus intrinsecus intellectiōis. Hac enim de causa Arist. 3. de Anima intellectum vocat possibilem, quia intelligendo potest fieri omnia, producendo in se omnia obiecta in esse intelligibili: talisquæ sit intellectus cognoscens, qualis res est in essendo.

Quod si obijciat; scientiam esse non de obiecto in mente, sed de rebus ipsis extra intellectum existentibus.

Respondeo. Imò verò scientiam esse immediatè de obiecto ut est in mente, de vero extra, solum est tanquam representatio per id quod est in mente, ut in sequenti questione magis patebit. Sciri enim formaliter, est in mente sciri, & in mente formari. Unde siue res extra mentem existant, siue non existant, sciuntur per modum obiecti; quia formaliter existunt in mente, & ut sunt in mente sciuntur: & esse obiectivè, est in mente esse non extra mentem; quatenus enim res sunt extra mentem, non sciuntur, nisi ut representantur in mente. Quare obiectum scientiæ est res ut est in mente, ratione cuius res extra intellectum dicitur obiectum: illud est immediatum, hoc ultimum; illud intrinsecum, hoc extrinsecum illud essentialè, sine quo non potest esse scientia, hoc non essentialè, & sine quo actu existere potest esse scientia; siue enim existat, siue non existat, est scientia ratione obiecti mentalis.

Quod etiam verum est in scientia intuitiva quæ per Dei potentiam conferuntur nobis abstracto obiecto externo, ut bene probat Gregor. in 1. dist. 3. quæst. 1. ad 2. scientia est etiam eorum, quæ non sunt entia formaliter (ut cum scimus esse nihil) vel certè sunt entia ficta aut impossibilia, quæ esse in re non possunt, & tamen sunt obiecta. Unde vel ex eo apparet accidentarium esse ratione obiecti,

obiecti, ut existat in re extra intellectum; nam res extra intellectum solum denominatiue dicitur obiectum, ab actu cognitionis: ac ut est in mente, dicitur obiectum essentialiter.

## QVÆSTIO V.

*An scientia solum sit de ente reali?*

**E**Ns reale est vel actu existens in rerum natura, vel potens actu existere. Duo ergo queri possunt. Primò; An ut aliquid sit obiectum scientiæ, debeat realiter existere extra intellectum? Secundò; An saltem requiratur ut possit realiter existere, siue actu existat, siue non existat?

*Prima sententia.*

Quantum ad Primum. Est prima sententia dicentium obiectum scientiæ esse rerum essentias cum suis proprietatibus, essentiam consequentibus, cuique volunt esse æternas, eo quod prædicata essentialia & essentiam consequentia, sint sempiternæ veritatis: Veritas autem propositionum, fundatur in rebus; ideo enim quod res ipsa est vel non est, propositio est vera vel falsa, ut docet Aristoteles in prædicamentis Cap. de substantia. Vnde inferunt, essentias rerum semper esse essentialiter, ac perinde æternas: existentias verò, solum esse contingentes & mutabiles. Adducunt autem pro se Aristotelem 6. Ethic. Cap. 3. ubi ait, scibile quia est necessarium, esse quoque æternum. Quæ enim necessaria sunt, absolute æterna sunt, quæ autem sunt æterna, generationi & corruptioni minime subiacent.

*Obiectum scientiæ debere realiter existere falsum est.*

*Essentiæ non sunt æternæ.*

Verum hæc sententia duplici ratione est falsa: Primò quia asserit essentias absolute existentia, esse in rerum natura; quod ita implicat contradictionem, sicut esse effectum formalem, sine forma, esse album sine albedine; Effectus enim formalis existentie, nullus alius est, nisi facere esse extra suas causas actu: Si ergo effectus est actus & extra suas causas sine existentia, erit effectus formalis sine forma. Dicitur effectum formalem existentie esse, ut res existat secundum existentiam, non secundum essentiam. Contrà, esse existentie nihil aliud est, quam esse extra suas causas: hoc verò esse isti tribuunt essentia sine existentia: Ergo tribuunt illi effectum formalem sine forma.

Secundò: quia hanc æternitatem, nihil inferunt ex sempiterna veritate propositionum: tum quia hæc eadem sempiterna veritas inuenitur & in Entibus rationis, & in entibus fictis, & in meris negationibus; semper enim verum est, ens rationis esse ens rationis. Hircocerum esse Hircocerum; nihil esse nihil. Nunquam verò idcirco essentia entium rationis, & entium fictorum, & nihili, erunt æternæ. Quare si in istis non rectè colligitur æternitas essentialium extra intellectum, neque in entibus realibus.

*Propositiones sempiternæ veritatis.*

Solvitur verò ratio illa in hunc modum: non idcirco essentialia cum veritate semper affirmantur, quod semper existant vel concipiantur existere; sed quod cum subiecta existunt vel concipiuntur; ipsa quoque essentialia necesse vel existant vel concipiantur. Et hoc modo veritas illa propositionum fundatur in rebus. quod natura ipsa rerum ita fert, ut vno existente, aliud quoque necesse existere, non verò quod absolute semper existant. Et hoc modo intelligitur

est Aristoteles in 6. Ethic. non de æternitate absolutè, sed secundum quid, ut  
existat nunquam, necesse est existat & aliud, Sic enim ipsemet exposuit sapientiam 1.  
Poster. text. 8.

Secunda sententia est quorundam apud Greg. 1. d. 3. q. 1. art. 1. & in secundo d.  
7. quæst. dicentium res extra animam esse obiectum immediatum scientiæ. Ratio  
est, Quia cum cogito hominem animal rationale, nullam rem aliam habeo pro ob-  
iecto, nisi verum & realem hominem extra intellectum existentem; nulla enim a-  
lia res præter ipsum, est animal rationale; ergo cognitio mea terminatur immediatè  
ad obiectum extra animam existens: Nam si dicas terminari ad obiectum in anima  
existens, illud obiectum non est verè animal rationale, nec substantia, nec viuens,  
nec bipes, aut risibile, quæ tamen de homine affirmantur.

Hanc sententiam locis citatis egregiè refellit Greg. docetque cognitionem immi-  
diatam terminari ad rem ipsam extra animam: abstractuam verò termi-  
nari immediatè ad aliquid in anima existens, hoc est ad similitudinem rei for-  
mati in anima, quæ est immediatum obiectum, mediante verò similitudine ad res  
ipsas quatenus illa similitudo in anima talis est intellectualiter, qualis est res extra  
animam realiter. Vnde non negat, res extra animam cognosci, & esse obiectum  
cognitionis, sed negat immediatè cognosci: siquidem in alio obiecto immediatè  
& interno in anima existente, cognoscuntur non in seipsis.

Ergo verò utramque existimo esse cognitionem mediatam mediante interno ob-  
iecto formato in mente, in quo omnia cognoscit intellectus, de quo in libris de  
Anima, Nunc satis ostendere erit de cognitione abstractiva (qualis est scientia) il-  
lum immediatè non terminari ad res extra animam nec res extra animam esse ob-  
iectum immediatum.

Probat igitur primò: Scientia non potest esse sine suo obiecto (si enim nihil  
est quod sciatur nulla est scientia) atqui potest esse scientia nulla re extra animam  
existente: Ergo res extra animam existens non est obiectum scientiæ immediatum.  
V. G. Scientia de rosa quæ habetur in hyeme, cum rosa non existit, sicut in  
æstate, cum existit, neque per existentiam aut non existentiam rosæ variatur illo  
modo scientiæ; alioqui cæcus habens scientiam de rosa, sentiret ex mutatione sue  
scientiæ, quando rosæ crescerent vel desinerent esse. Hoc igitur est magnam fig-  
nam res non pertinere ad obiectum scientiæ immediatè, quia scientia sine illis est,  
& illis accedentibus vel recedentibus, non variatur: quod de obiecto immediato  
fieri non potest. Confirmatur. Quia re non existente, peto quodnam sit obiectum  
scientiæ? non res ipsa, quia non existit; non essentia rei, ut prima sententia dicebat,  
quæ hæc non manent rebus corruptis. Ergo aut scientia erit sine subiecto, aut ali-  
quid distinctum à re existente erit obiectum scientiæ. Dicæ Rem quidem ipsam esse  
obiectum scientiæ, sed non ut existit extra animam, sed ut est cognita. Contra res  
negata vel est extra animam, vel in anima: si extra animam, à parte rei existit; at  
supponimus non existere. Ergo non erit extra animam cognita: si in anima, id qui-  
dem verum est, sed simul etiam verum erit talem cognitionem non terminari im-  
mediatè ad rem extra animam, sed in anima.

Secundò probatur autoritate & ratione D. August. de quantitate animæ Cap.  
1. & in libro de vera religione cap. 6 & 8. si vera, inquit, Roma est, quam circa Ty-  
berim nescio quis Romulus dicitur condidisse, falsa est ista, quæ cogitans fingit, non  
quia est ipsa, nec ibi sum modo: Nam ibi quid agatur modo, utique scirem. Si vivis

*Secunda sen-  
tentia.*

*Obiectum im-  
mediatum sci-  
entæ res extra  
animam?*

*Cognitio ab-  
stractiva im-  
mediatè non  
terminatur  
ad res extra  
animam.*

est sol falsus est iste, quem cogitans fingo. Nam ille curricula sua certis locis & temporibus peragit, istum ubi volo, & quando volo constituo. Vbi S. August. docet cognitionem Romæ non habere pro obiecto immediatè ipsam Romam extra animam, neq; per eam cognosci veram Romam sed fictam idq; eo argumento: quod scirentur utiq; ea, quæ Romæ agerentur. Eandem rationem repetit de Quantitate animæ. cap. 8. Nam discipulo dicente de vrbe Mediolanensi quam ante viderat.

Quid ibi, inquit, agatur ignoro, quod utiq; non ignorarem si animus meus videret ad ea loca porrigeretur & præsentia sentiret. Respondet Augustinus: Verum videris mihi dicere. Vnde sic argumentor, cum D. Augustino. Si scientia aliqua terminetur immediatè ad aliquod obiectum necesse est percipere existentiam, locum, & alias variationes illius obiecti. Hæc autem non facit cognitio scientia abstractiva: Ergo non terminatur immediatè ad rem ipsam. Non enim est alia ratio cur cognitio intuitiva percipiat existentiam, motum, locum, & alias variationes sui obiecti, nisi quia (vt ipsi concedunt) terminatur ad rem ipsam vt est in se ipsa: ergo si abstractiva terminaretur ad rem ipsam; necesse esset rei ipsius existentiam, motum, locum, & circumstantias cognosci, quod est contra experientiam. Vnde cum respondent id esse proprium cognitionis intuitivæ. Verum quidem dicunt, sed non advertunt, id ex eo illi convenire quia terminatur ad rem ipsam: Si igitur & abstractiva terminatur ad rem ipsam; abstractiva quoq; erit intuitiva & idem illi conveniet quod intuitivæ; hoc enim cognitionem facit intuitivam quod ad ipsam terminatur vt est in se ipsa.

Tertiò. Obiectum immediatum cognitionis debet esse aliquod Ens, actu existens, sicut & cognitio est actu existens: quidquid enim cognoscitur, cognoscitur esse in omni enim cognitione entitas aliqua actu apparet cognoscenti: atqui obiectum extra animam sæpe est non Ens: Ergo non potest esse obiectum immediatum cognitionis. Dico immediatum; quia quod non est potest quidem cognosci, in alio cognito, at in seipso non potest cognosci, cum non sit in seipso. Respondent negando Maiorem; quia, inquit, & voluntas, potest habere, actum complacentiæ immediatè in non Ente, vt si complacet de virtute quam quis non habet, sed putatur habere, & potest quis odisse peccatum Antichristi non medianz aliquo obiecto quod odit.

Sed contra: impossibile est obiectum immediatum cognitionis, esse non Ens actu.

Primò: quia id docet experientia, cogitando enim semper apparet aliqua entitas actu; Illud enim quod apparet, est actu non potentia: si verò absq; tali entitate formata in anima non potest esse cogitatio, necesse est id quod cognoscitur esse Ens actu.

Secundò: sequeretur nos posse immediatè cognoscere futura vel præterita, hoc est non medianz aliquo obiecto cognito, quod sit signum vel causa ex qua ad illius cognitionem venitur. Idco enim nos non possumus cognoscere futura in se ipsis, quia non habent in seipsis aliquid ex quo cognosci à nobis possint: quia quod non est, cognosci non potest. Et hoc est argumentum D. Augustini ad id probandum 2. conf. 18.

Tertiò: Quæ sunt maximè distantia aut abscondita non possumus naturaliter videre: ergo minus non entia: maiorem enim proportionem habet vt cognoscatur ens distans vel reconditum, quam non Ens. Dices id verum esse in cogniti-

ne intuitiva cuius obiectum est existentia rei; Contra: par est ratio de abstractiva, si eius obiectum statuatur esse essentia rei extra animam: Nam per non existentiam exinguitur peritus essentia, & ex consequenti non manet actu quod esse possit obiectum, extra animam cognitionis abstractivæ.

Quarto: probat Greg. Intellectus habet certitudinem experientie de suo immediato obiecto: at si immediatum obiectum non existat, non posset habere certitudinem experientie de illo: Ergo necesse est obiectum immediatum existere. Maior probatur. Ideo enim sum certus albedinem existere, quia illam video in seipsa tantum immediatum meæ cognitionis obiectum: Hæc enim non alia ratio ab illis signatur. Minor verò patet. Quia semper possem suspicari illud quod apparet existere non existere verè sed apparenter, & sic periret omnis certitudo experientie.

Quod verò dicitur de voluntate quæ potest immediatè ferri in non ens. Respondet intellectum proponere voluntati obiectum, illud ergo non Ens reale, sit ens cognitum, & ut talè proponitur ab intellectu voluntati. Quare sicut intellectus mediante alio cognito cognoscit non ens reale, ita & voluntas, mediante aliquo ens proposito sibi ab intellectu fertur in non Ens. Itaq; non immediatè fertur voluntas in non ens, quia mediante obiecto proposito ab intellectu, quod & si in seipso sit non ens, ut tamen est ens in mente & ut existens per cognitionem proponere voluntati.

Quinto: Ad rationem obiecti in communi, non requiritur, ut res obiecta sit in seipsa extra intellectum realis; alioqui entibus rationis & fictis, & impossibilibus, & falsis non posset competere ratio obiecti: aut si competit, eadem ratione competet etiam aliis entibus realibus, quæ non existunt, ita ut non sit necesse ad rationem obiecti, supponi ullam realitatem extra intellectum: sed satis est obiectum in seipso intellectu formaliter esse reale.

Sexto: Si Elephantem ante nunquam visum ex auditu concipiat quis, & formet in intellectu, ille Elephas si est aliquid reale extra intellectum, erit aliquis Elephas singularis: Nam universalis non sunt extra intellectum: vel ergo erit vnus aliquis determinatus, vel omnes indeterminati: non primum, quia non est maior ratio cur scisse quàm alter, cum nullum vnquam viderit: non secundum, quia in vnâ rem singularem non omnes Elephantes singulares concipit. Respondent concipi Elephantem per modum individui vagi. Contra, in re extra animam nullum est individuum vagum, sed omne individuum est determinatum. Vagum verò est solum ex modo confuso concipiendi: vnde in re necesse est vel vnum determinatum Elephantem terminare cognitionem vel omnes.

Hæ rationes rectè probant res extra animam non esse obiectum immediatum cognitionis abstractivæ. Quoniam aliquæ supponunt obiectum immediatum cognitionis intuitivæ esse rem extra animam quod & si puro falsum, tamen quia opposita sententia id admittit valet ad hominem. Nos verò ostendimus in libris de animalibus in omni cognitione tam intuitiva quàm abstractivâ, obiectum immediatum esse id quod formatur in intellectu, quod est conceptus ipse, actus enim intellectus consistit in formatione obiecti intra intellectum; hoc verò mediante obiecto & applicato cuiusq; rei extra animam intellectus intelligit res extra animam. Itaq; differt in hoc cognitio intuitiva ab abstractiva, sed in eo quod abstractiva est cognitio rei non secundum perfectam rei rationem, & circumstantias determinatas, sed solum, ut est intuitiva, & obiectum intuitivæ est movens actu seipso potenti-

*Cognitionis  
intuitive &  
abstractivæ  
differentia,*



am, unde ex eo percipitur presentia realis obiecti, vel ex aliis discursibus, ut in Angelo cuius cognitio non causatur à rebus: alioqui existimo posse per Dei potentiam conservari visionem sublato obiecto, & tunc eadem ratione apparebit obiectum absens vti erat præsens sed aliunde tunc colligi deberet eius absentia. Porro solum nunc res est immediatum obiectum, quando est idem re cum intellectu, ut in Deo accidit; essentia enim divina est obiectum immediatum intellectus divini, quia est idem quod intellectus divina; in nobis autem intellectus est diversa à re intelligibili tam in cognitione abstractiva, quam in intuitiva, mediat enim inter utramque conceptus, seu formatio obiecti in mente.

*Tertia sententia obiectus intellectus esse fictum.*

Tertia sententia est obiectum immediatum intellectus esse quid fictum seu similitudinem rei fictam, quæ non est quid reale, sed solum habet esse obiectum cuius esse non est aliud nisi cogitari, vel intelligi ab intellectu. Ita Ocham quem refert & sequitur Gabriel. in 1. d. 2. q. 8. Eisdem sententia videtur esse eorum, qui dicunt intellectum producere res in esse quodam obiectivo, quod sit distinctum à cognitione. Ratio istorum est, Quia intellectus cognoscendo non habet in se rem, sed format similitudinem rei in anima, quæ talis est in esse intelligibili, qualis est res in esse reali, & hanc similitudinem cognoscendo, cognoscit rem, ita ut si intellectus noster haberet vim productivam, sicut habet fictivam, illud quod fingit, esset res talis, qualis est extra animam, & solo numero à re extra animam distingueretur.

Verum hæc sententia aliquid dicit, aliquid falsum. Verum est, quod intellectus cum intelligit, format in se similitudinem rei quam intelligit; sic enim intellectus per assimilationem, & ut docet Aristoteles, intellectus intelligendo facit omnia; ideo enim dicitur intellectus possibilis. At quum hæc sententia dicat, hanc similitudinem formatam, esse quid fictivum, non reale, item ab ipsa intellectione distinctum, & quasi obiectum extrinsecum intellectionis, in hoc longè à veritate aberrat. Illa enim similitudo quam intelligendo format intellectus, est similitudo realis realiter producta ab intellectu realiter representans obiectum, & non distincta ab ipsa intellectione, siquidem intellectio, nihil aliud est, quam formatio obiecti seu formatio similitudinis obiecti in intellectu.

*Obiectum in anima non est similitudo fictivæ.*

Quod igitur obiectum in anima non sit similitudo fictiva; Probatur primo: Illud enim fictum obiectum distinguitur proculdubio ab actu qui est quid reale & non fictum. Deus ante ea quæ sunt ex se distincta, potest conservare per se & ab aliis: poterit igitur conservare actum intelligendi, sine illo ficto obiecto: at hoc est impossibile: quia non est possibile dari intellectionem sine obiecto, hoc est, si nullo intelligatur; intelligere enim, & intelligi, agere & agi sunt correlativa: at hic daretur intellectio sine subiecto quod intelligatur: Ergo daretur impossibile. Necessè est ergo dicere illud fictum non esse obiectum immediatum, quia sine obiecto immediato non potest esse actus intelligendi sine illo autem ficto potest: Ergo illud non est obiectum immediatum. Respondet Gabriel. Actum intelligendi, in tali ratione solum qualitatem quandam in anima, sed non cognitionem formaliter, quæ non haberet obiectum in quod tenderet, intelligere enim est tendere. Concedentia ista in obiectum nihil aliud addit nisi relationem ad obiectum: atqui relatio non constituit intellectionem formaliter: Ergo sine tali relatione intellectio est intellectio formaliter. Deinde actus intelligendi intrinsecè est formatio obiecti intelligibilis in mente sicut calefactio est productio caloris: atque hoc habet intellectio antequam tendat in obiectum fictum: Ergo intellectio est intellectio per se.

seipſam ſine illo ſiſtitio obiecto. Quare illud ſiſtitium obiectum nec eſt neceſſarium ad intellectionem, nec eſt obiectum intellectionis immediatum, ſed intra ipſam intellectionem eſt obiectum immediatum, idq; reale non ſiſtitium.

Quarta ſententia. Eſt communis, obiectum ſcientiæ non eſſe neceſſe vt exiſtat actu extra animam, ſed tantum obiectiue in anima.

Dico igitur primò. Obiectum ſcientiæ non eſſe neceſſe exiſtere actu extra animam. Probatnr primò: Quia poſſumus habere ſcientiam tam præteritum quæ ante fuerunt & non ſunt, quàm futurorum quæ non ſunt ſed erunt ac deniq; eorum quæ nec fuerunt nec ſunt nec erunt: Ergo non eſt neceſſe res quæ ſciuntur exiſtere extra animam ad hoc vt ſciantur. Antecedens patet. Aſtologi enim habent demonſtrationem Ecclypſium ſolis & lunæ tam præteritarum quàm futurarum, & earum quæ nunquam erunt, ſed eſſent ſi mundus diuiniſ duraret.

Secundò ratione: Quia vel agitur de acquisitione ſcientiæ, vel de ipſa eſſentia ſcientiæ: ſi de acquisitione agatur, non eſt neceſſe rem ipſam exiſtere, vt ſciatur: hoc enim eſſet neceſſe, ſi ab ipſis rebus acquirendæ eſſent ſpecies in intellectu vt in cognitione rerum ſenſibilium accidit; hæc enim ſit, ea ſenſibilia, quæ non exiſtunt ſeu non poſſe, ſi quidem omnis ſenſatio ſit ab obiecto ſenſibili cauſante ſui ſpeciem in ſenſu: at non hoc modo accidit in intellectu. Intellectus enim poteſt intelligere rem, non ſolum ex ſeipſa, ſed etiam ex aliis rebus intellectis, ſic ex effectu cauſam, et cauſa effectum, ex ſimilitudine ſenſibilium intelligit inſenſibilia. Quare etſi ſcibile non exiſtat, habet tamen ea ex quorum cognitione cognosci poterit. Quanquã ſi nullæ omnino res eſſent in mundo, non poſſet noſter intellectus vilius rei ſcientiam acquirere, neq; ab ipſis rebus in ſeipſis neq; ab alijs quæ cum non eſſent nullo modo in ſenſus incurtere poſſent ac proinde nec in intellectu.

Si verò de eſſentia ipſa ſcientiæ agatur ea non requirit exiſtentiam realem ſui obiecti. Cur enim? An quia cognosci aliquid non poteſt niſi exiſtat? at hoc verum eſt de cognitione ſenſuum, quæ à rebus ipſis exiſtentibus cauſatur per ſpeciem, non verò de alijs cognitionibus, quæ illo modo non cauſantur à rebus. Nam & imaginario res abſentes tanquam præſentes intuetur, vt patet in ſomniantibus & æmendis, & intellectus cognoscat Chimeras & Hircoceruos, quæ nec ſunt nec eſſe poſſunt, item entia rationis, & negationes, imò ipſum nihil. An quia quod ſcitur, non quocunq; modo cognoscitur, ſed verè ita eſſe & per cauſam propter quam eſt neceſſario vt impoſſibile ſit aliter ſe habere, vt patet ex definitione ſcientiæ. 1. Poſt. text. 5. ita eſſiciunt quidem, vt quod illo modo ſcitur, vel actu exiſtat, in rem natura, vel poſſit actu exiſtere, non tamen eſſiciunt vt exiſtat, tunc cum ſcitur. Nam quod attinet ad veritatem, vt aliquid verè affirmari de alio poſſit, non eſt neceſſe vt tunc cum affirmatur exiſtat. Nam licet tunc affirmatur, non tamen affirmatur tunc exiſtere ſeu pro tunc, ſed quòd exiſtente tali ſubiecto, neceſſe eſt tale prædicatum illi convenire. Eſtque hoc diſcrimen inter propoſitiones contingentes, & neceſſarias: quòd illæ cum non habeant aliam cauſam propter quam prædicatum conveniat ſubiecto niſi actualem inexiſtentiam vnus in altero, non poſſunt verificari niſi quando actu exiſtunt; vt ſi dicam, paries eſt albus, Petrus currit: Propoſitiones verò neceſſariæ, quia præter exiſtentiam habent aliam cauſam ſuæ veritatis, in eſſentia ipſa ſubiecti, ideo verificantur etiam actu non exiſtentibus terminis, potentibus tamen actu exiſtere. Simili ratione ſcientia cognoscat quidem rem per cauſam; non tamen cognoscat

*Quarta ſententia.  
Concluſio prima.  
Obiectum ſcientiæ non eſt neceſſe exiſtere actu extra animam.*

scit, tunc causare actum, sed in abstracto, abstrahendo ab hic & nunc; ad quod satis est quod sit causa apta ex se causare talem effectum, ita ut effectus cum est, non nisi propter talem causam sit. Quo etiam modo scientia cognoscit, impossibile est aliter se rem habere, non quod cognoscat rem talem semper existere sed quod cum existit, non possit nisi talis existere, cum talibus prædictis & proprietatibus. Res igitur, & nulla capite id esse necessearium, ut id quod scitur, actu existat extra animam.

At obijciunt. Id quod scitur, vel est aliquid, vel nihil; si aliquid, ergo existit, nam quod non existit, nihil est. sic mundus antequam crearetur, erat nihil, & si antequam crearetur, esset nihil; si vero nihil, ergo non scitur, scire enim est aliquid de alio, quod per se cum alio cognoscere.

*Id quod scitur  
quomodo debet  
esse aliquid.*

Quare & Aristoteles, 1. Poster. tex. 5. ait, non enim non esse scire. Respondent. Id quod scitur, non debet esse aliquid actu extra animam, sed satis est ut sit potentia. Quare licet actu nihil sit, quia tamen est aliquid potentia, potest intellectus de illo, ea quæ illi potentia conveniunt affirmare, & per causam probare eo sensu, quod cum existat, necessarium tale existeret. Si vero potest actu aliquid sit, neque potentia, nihil veri de illo sciri potest affirmari potest: talia sunt Chimæra & similia. Et sic illud etiam Aristoteles, intelligi potest, non ens, non est scire, id est, quod nullo modo rei competit, nec sciri, nec potentia, sciri non potest; Veritas enim supponit esse, & in esse fundatur.

Obijciunt secundo. Obiectum scientiæ, sunt res ipse extra animam, non vero aliquid in anima existens; Ergo extra animam debet esse obiectum. Consequenter potest. Quia scientia non potest esse sine suo obiecto (quomodo enim esset scientia, si nihil sit quod sciri possit) si ergo existit scientia debet eius obiectum extra animam existere.

*Obiectum scientiæ  
quomodo sunt res  
extra animam.*

Respondet. Obiectum scientiæ sunt res extra animam non ut existant in seipsis, sed ut existant per sui expressam similitudinem in intellectu. Et hic modus existendi satis est ad hoc, ut res sint obiectum; scire enim est formare perfectum rei similitudinem in mente. Quare & id quod est in anima, scitur, & id quod est extra animam, quia quod est extra animam, continetur in eo quod est in anima tanquam in sui expressa similitudine; & id quod est in anima refertur ad id quod est extra animam. Non igitur est necesse rem extra animam existere in seipsis, sed satis est existere in sua similitudine. Quod vero dicitur scientiam non posse esse sine obiecto existente. Respondet. non posse esse sine obiecto existente in mente, posse vero esse sine obiecto existente in re extra animam: Nam ratione obiecti existentis, in mente existit obiectum, & ratione quæ opus est ad hoc ut sciri possit: Imò intellectus nihil aliud est, quam efformatio obiecti in mente existentis.

*Conclusio  
secunda.  
Obiectum scientiæ  
debet  
existere obiectivè.*

Dico secundo. Obiectum scientiæ necesse est existere obiectivè. Ratio est. Quia scientia non potest esse sine obiecto, seu non existente obiecto; si enim nihil est quod scitur, nulla est scientia. Cum igitur non sit necesse obiectum scientiæ existere realiter in seipsis, sequitur, existere debere obiectivè; Omne enim quod existit, vel existit per seipsum, vel per aliquid sui, alioquin nullo modo existit. Cum ergo res quæ sciuntur non existant per seipsas debent saltem existere per aliquid sui nempe per suam similitudinem, quæ est in intellectu, quod est existens obiectivè.

Porro ista similitudo est illa, quæ formatur in seipso actu intelligendi, & in qua Obiectum in-  
formanda consistit essentia actus intelligendi, habetque se ita ad actum intelligendi-  
tum quomodo se habet calor ad calefactionem; sicut enim calefactio, & productio caloris, ita in-  
tellectus est productio similitudinis actualis obiecti; Unde ista similitudo pertinet ad intel-  
lectionem.  
ad substantiam intellectionis, & est forma à qua intellectus denominatur actus in-  
telligens, & res actu intellecta.

Dices, alia res est similitudo alia obiectum, sicut alia res est imago Cæsaris alia  
Cæsar ipse; ergo intelligere similitudinem, non est formaliter intelligere rem ipsam;  
Ergo res ipsa non similitudo eius debet dici obiectum; alioqui non apparet modus  
quo possit intellectus intelligendo similitudinem præsentem ex ea cognoscere  
rem absentem. Respondeo. Ex Aristotele libro de Memoria & Reminiscencia,  
Quod imago dupliciter potest cognosci: Primo ut res quædam in se est; Secundò  
ut est imago alterius relata ad alium. Nam si quis videat animal pictum, potest  
illud cognoscere ut est animal & ut est similitudo alterius animalis extra pictu-  
rum existentis. Et quidem qui nunquam sensu vidisset ullum animal, & primum  
videt pictum, is picturam illam putaret esse animal, quia non referret illam pic-  
turam ad aliquod aliud animal, antè se visum. Pari ergo ratione similitudo illa  
obiecti expressa in mente dupliciter potest cognosci: Primo in se ut res quædam  
est, & tunc ultimò terminat actum cognitionis quod accidit in dormientibus & su-  
pensis qui terreantur à spectris putantes esse res ipsas quia eas considerant in se non  
referendo ad alias res quarum sunt imagines. Quod etiam dicit Aristoteles acci-  
dissæ eadem dicto Antiphoni & alijs extasi passis qui sua phantasmata refere-  
bant ut res factas.

Imago dupli-  
citer cognos-  
citur.

Secundò. Potest cognosci, ut est similitudo rei extra intellectum quod est cog-  
noscere similitudinem relativè. Ad hanc autem cognitionem requiritur aliqua  
præcedens cognitio rei extra intellectum vel per sensum ante habitam vel aliunde  
ut possit intellectus referre illam similitudinem ad ipsam: Nam sicut quis non  
potest cognoscere hederam ut signum vini, nisi cognoscat vinum, neque ex ima-  
gine cognosci potest Cæsar, nisi sciatur alia quædam cognitiōe habituali vel ac-  
tuali Cæsar: ita non potest intellectus illa similitudine obiecti uti ad cognos-  
cendum obiectum nisi aliquis eius cognitione præsupposita per sensum vel ali-  
unde. Et hoc est cognitionem terminari ad rem extra; non enim est coniungi rei  
realiter, vel in se augeri, sed supposita rei cognitione per similitudinem habitam, ap-  
plicatur & refertur illa similitudo rei extra animam & sic eadem cognitio illa si-  
militudinis ut refertur ad rem ipsam extra animam, est cognitio rei ipsius extra  
animam.

Quod si quis ras: An habet similitudo sic quid fictum vel verum: Authores enim  
varie sententiæ putant esse quid fictum.

Decendum tamen est in actu intelligendi duplicem similitudinem distingui pos-  
se: alteram essentialem actui intelligendi cuius essentia in formanda hac  
similitudine obiecti consistit, & hæc similitudo est realis & qualitas quædam  
reus intellectui datus illi actu intelligere; quomodo respectu rei ipsius dici  
possit quid fictum non verum, sicut imago Cæsar, non est verus Cæsar, sed  
pictus: licet enim pictura sit ens reale, non est tamen illud ens reale quod re-  
feratur: altera est similitudo extrinseca actui intelligendi; proponit enim  
intellectus simulachrum quoddam rei intellectæ, tanquam ante oculos

Similitudo in  
actu intelli-  
gendi est du-  
plex.

positum, eo modo quo res visa est ante oculos videntis; quod facit intellectus ex imperfecto suo modo intelligendi; sequitur enim in intelligendo phantasmum & sensum, per quæ demonstrantur obiecta cum quadam distantia & certo loco affixa hic & nunc.

Tale autem obiectum distans & remotum ab intellectu nullum est à parte rei, sed est obiectum apparens. Et de hoc loquitur Ocham, verum prior sola similitudo est de ratione actus intelligendi, posterior est ex imperfecto modo nostro intelligendi & sine ea potest esse intellectio sicut in Angelo. Nam sicut Angelus ex se non est affixus loco, ita ut si extra mundum esset, nullibi esset, ita & tua intellectio non est affixa loco, sed intelligit obiectum absolute abstrahendo ab omni loco.

*Obiectum sci-  
bile debet esse  
reale poten-  
tia.*

*Scientie pro-  
prietas prima  
est veritas  
quam funda-  
tur in esse rei.*

*Scientie pro-  
prietas secun-  
da est esse per  
causam.*

*Scientie pro-  
prietas est ter-  
tia necessitas  
talis, ut im-  
possibile sit  
aliter rem ha-  
bere.*

*Scientia de  
entibus ratio-  
nis non potest  
esse vera.*

*Entia rationis  
non habent  
veram cau-  
sam suarum  
propriatum.*

Quantum ad secundum membrum Questionis. Non potest esse dubium in doctrina Aristotelis obiectum scibile debere esse reale potentia, hoc est, quod possit realiter existere. Quod probatur ex tribus scientiæ proprietatibus. Prima est veritas, quæ fundatur in esse rei, ideo enim est propositio vera, quia res ita est vel non est, non est converso ut docet Aristoteles in Cap. de substantia: Cum igitur nullum sit verum ens nec verè existat nisi ens reale, sequitur nullum esse verè scibile nisi ens reale, alia verò entia simpliciter sunt non entia quia simpliciter non possunt esse in re, solumque secundum quid sunt entia quia apprehenduntur ad similitudinem entium ut Chimera, & entia rationis. Quare si eo modo quo vnumquodque habet se ad esse, habet se etiam ad veritatem; sola entia realia, sicut sunt verè entia, ita etiam sola verè sunt scibilia, quia sunt ex natura rei entia, alia verò solum ex apprehensione.

Secundo Proprietas est, Quod sit per causam: Nam & habere causam, non convenit verè nisi enti reali. Causari enim est acquirere esse: esse autem proprium est enti reali: ergo & causari seu habere causam. Deinde ratio causæ soli enti reali convenit: Illa enim est propriè causa, quæ realiter causat, non quæ imaginariè: ergo scientia versatur circa tale ens, quod in seipso habet intrinsecam causam suarum proprietatum; necessariò versabitur circa ens reale, seu quod realiter possit existere in mundo.

Tertia proprietas est, necessitas talis, ut impossibile sit aliter se rem habere, quæ necessitas est ex natura ipsa rei scibilis. Cum igitur sola entia realia habeant naturam veram (alia enim habent naturam fictam, seu ex sola apprehensione extrinseca existentem) sola etiam habent veram necessitatem quæ in natura fundatur.

Ex quibus infero Primò. de entibus rationis non posse esse veram scientiam. Ratio est: quia ens rationis cum non sit ens verum, nullas habet proprietates veras; non possunt enim accidentia verius & perfectius existere quam subiectum. Et licet proprietates entium rationis necessariò videantur consequi ad ipsa entia rationis; tamen & ea quæ consequuntur, non sunt vera entia, utpote entium rationis, cum subiecto & consecutio non est ex natura rei, sed ex suppositione talis essentia; quæ non est nisi per apprehensionem: quare tam consecutio quàm necessitas non erit vera.

Similiter entia rationis non habent veram causam suarum proprietatum. Nam si causa proprietatum in demonstratione est essentia subiecti, essentia autem entis rationis est facta ab intellectu; Consequens est causam proprietatum entium

rationis esse formatam ab intellectu quæ sicut apprehenditur esse, ita & causare: si quis enim fingat asinum esse autem, sequitur necessariò asinum volare, sed ista conclusio cum sit ex suppositione facta, ipsa etiam in se erit facta,

Deniq; Enti rationis, qui potest vere convenire, quod sit impossibile aliter se habere cum potius sit impossibile ita se habere: ens enim rationis est impossibile ex natura rei & solùm ex apprehensione intellectus est id quod est. Et quamvis supposito quod sit ens rationis, impossibile sit non habere tales proprietates, tamen hæc impossibilitates est tota fundata in conceptu non in natura rei: Id autem quod scitur, ex natura rei debet esse tale, ut non sit possibile aliter se habere.

*Entibus rationis non conveniunt, non possunt aliter se habere.*

Demum omnes demonstrationes, quæ sunt de entibus rationis sunt ex suppositione existentie entis rationis, habetq; hunc sensum: si ens rationis, esset ens verum, verè ei tales proprietates convenirent, & causæ earum essent veræ causæ; sine enim existentia vera vel sine ordine ad illam nihil verè convenit rebus. Quare cum hæc suppositio sit impossibilis, & ea quæ in illa fundantur absolute sunt impossibilia, & solùm admittit suppositione, possibilia: Et sanè sicut nemo dixerit esse veram demonstrationem de asino volante, eo quod fingitur esse avis, ita nec de viliis aliis entibus rationis: omnia enim sunt æquæ impossibilia.

At obijciat. Æquè verum est, ens rationis esse ens rationis sicut hominem esse hominem, quia oppositum contradictionem implicat; Contradictionis autem repugnantia est summa qua dari maior non potest. Ergo & veritas harum propositionum est summa. Similiter quod proprietates entium rationis sint proprietates entium rationis, tam verum est, sicut quod proprietates hominis sint proprietates hominis. Ergo & demonstratio proprietatum entis rationis, erit tam vera demonstratio, sicut proprietatum entis realis. Respondeo negando ista esse esse æquè veræ: Nam licet omnia contradictiones sint æquæ à se distantia, quia vnum est negatio alterius; tamen in ente reali est maior implicatio & repugnantia, ad non esse contradictionis, quam in ente ficto: quia est illa vera & ex natura rei repugnantia, hæc verò ex suppositione facta; quod verò ex fictione sequitur, fingitur sequi potius, quam sequatur.

Infero secundò. De impossibilibus, non posse esse veram scientiam: Quia impossibilia sicut ipsa in se non sunt, ita & proprietates veras nullas habere possunt. Non existente enim subiecto non possunt existere proprietates. Verum quia impossibile fingitur ab intellectu esse, ideo facta hac suppositione demonstrantur de illo variz proprietates, hoc sensu, quod & si illæ proprietates absolute non competant subiecto, si tamen subiectum verè esset, verè quoq; illi competere. Et quia solùm fingitur esse, ideo & proprietates, quæ illi tribuuntur sunt factæ simpliciter, & ex fictione sequuntur. Sic de infinito actu (quod creditur impossibile); demonstrantur multa, quæ necessariò sequerentur, posito tali infinito, & ex natura talis infiniti: Verum sicut natura infinita est ficta, ita & proprietates in fictione fundatæ non competunt verè subiecto, sed solùm conditionaliter, si subiectum esset verum; tunc enim & proprietates, illius essent veræ, unde talis scientia solùm est ex suppositione.

*Scientia vera non potest esse de impossibilibus.*

Duo autem queri possunt: primò. An de negationibus possit esse scientia? Nam ex una parte, negationes non sunt entia realia, de quibus solis diximus esse scientiam. Ex altera parte multa demonstrantur in Philosophia de vacuo, de privatione, & similibus negationibus. Aristoteles etiam 1. Poster. comparat demonstrationem.

*De Negationibus possitne esse scientia?*

*Negationes  
duplices: ha-  
bentes funda-  
mentum in re-  
bus & non.  
De negatio-  
nibus habenti-  
bus funda-  
mentum in re  
potest esse sci-  
entia.*

*De negationi-  
bus non ha-  
bentibus fun-  
damentum in  
re non potest  
esse scientia.  
Negatio quo-  
modo sit rea-  
lis.*

*Realitas rei  
scibilis in quo-  
nam consistat.*

tionem affirmativam, cum negativa, & dicit illam esse præstantiorem istâ, concedens utramque esse veram demonstrationem. Distinguendum tamen est: Negationes enim sunt duplices: alix fundatæ in rebus, ut sunt privationes, & alix negationes habentes fundamentum & causam in rebus, alix quæ nullum habent in re fundamentum. De illis igitur quæ habent fundamentum in re, potest esse vera demonstratio quia tales negationes sunt reales, ratione realis fundamenti: quo enim modo dici possunt entia ratione fundamenti, licet ratione sui sint non entia. Habent enim causam sui veram nempe aliquam affirmationem, ut, quia homo est rationalis non est inanimabilis; licet enim negatio possit esse immediata causa alterius negationis, tamen resolvi ultimò debet in aliquam affirmationem. Quia enim affirmatio est causa affirmationis ideo & negatio dicitur causa negationis. Verbi gratia: quia rationalitas est causa insensibilitatis, ideo negatio rationalitatis, est causa negationis insensibilitatis.

De negationibus verò secundi generis non potest esse vera demonstratio quia tales negationes non existunt realiter, neque ratione sui neque ratione fundamenti. Solum verò existunt per apprehensionem intellectus.

Quare sicut de entibus rationis datur improprie scientia, ita & de his negationibus datur improprie scientia, in ordine ad aliquas proprietates quæ illis conveniunt ex suppositione quod apprehenduntur per modum entis, ut cum intellectus apprehendit nihil esse nihil, vel non esse appetibile aut intelligibile, non esse substantiam, nec accidens. Dices istas negationes esse reales quia sunt negationes rerum. Respondeo: negationem esse realem, non ex eo solum quod est negatio entis realis, sed ex eo præcipue, quod enti reali ex natura rei convenit, & in eo ex natura rei fundetur; Hinc enim habet, quod ratione fundamenti realis realiter existat: licet in se sit non ens: Nam illæ alix negationes quæ non fundantur in re, & quæ conveniunt entibus rationis, & fictis & impossibilibus, sicut entibus realibus (nam Chimera est nihil reale, est non homo) quod autem enti rationis vel enti ficto convenit, non potest dici esse reale; rei enim fictæ nihil reale convenit: Ergo tales negationes non sunt reales.

Secundò queri potest. In quonam consistat realitas rei scibilis? Respondeo, realitatem sumi ab existentia, vel per ordinem ad existentiam, ut illud sit dicq; debeat reale quod vel actu existit, vel potest existere: Nam quod aliqui realitatem in non implicatione prædicatorum essentialium ponunt, si eam non implicationem intelligant ad existendum, nobiscum sentiunt: Si verò intelligant non implicationem prædicatorum essentialium inter se, abstrahendo ab existentia vera, ea non implicatio invenitur etiam in negationibus, & entibus rationis. Nam nihil esse nihil, ens rationis esse ens rationis, non implicat contradictionem; neque tamen ista sunt entia realia. Non igitur sufficit hæc non implicatio ad realitatem. Adhuc hircocervum etsi implicet contradictionem esse ex hircos & cervo compositum, tamen non implicat esse animal & substantiam; neque tamen idcirco erit hircocervus realiter animal & substantia. Ut aliquid igitur sit reale; opus est vel actu existat, vel possit actu existere, idque siue existat fundamentaliter seu ratione fundamenti, ut negationes; siue formaliter ratione sui, ut entia positiva.



## QVÆSTIO VI.

*An scientia solum sit de necessarijs?*

Non est dubium scientiam esse de necessarijs; id enim & ex definitione scientiæ constat in qua requiritur, ut res cognoscatur quod non contingat eam aliter se habere. Constat & ex doctrina Aristotelis manifesta, tum in toto libro primo Posteriorum ubi demonstrationem vult esse de necessarijs, esseq; id proprium ipsius: tum in 6. Ethic. cap. 3. Vbi scibile docet esse necessarium, æternum generationi & corruptioni minime subiectum. Et ratio est: Quia scientia non est quæcumq; cognitio rei sed perfecta, ad perfectam autem cognitionem requiritur, ut res cognoscatur non posse aliter se habere. Ergo scientia solum est de necessarijs, & quæ non possunt se aliter habere.

Quod si obijcias de generabilibus & corruptibilibus potest esse scientia, nempe Physica, & tamen generabilia possunt se aliter habere. Nam & cum generantur aliter se habent, quam ante generationem, & cum corrumpuntur, aliter se habent, quam ante corruptionem. Respondeo: Generabilia quoad existentiam aliter se habent, quoad essentiam verò & prædicata essentiam consequentia semper se habent eodem modo, non quod essentia ipsorum non extingueretur una cum existentia, sed quod cum existunt, non possunt nisi cum tali essentia & talibus proprietatibus existere. Et hoc satis est, ut de illis scientia haberi possit: nam quæ contingunt sunt, de illis non habetur scientia, sed solum quæ necessaria sunt, hoc est, quoad proprietates essentiam necessariò consequentes.

Obijces secundò. De contingentibus posse haberi scientiam; Contingentia enim licet respectu suorum subiectorum sint contingentia, quia contingenter conveniunt suis subiectis; tamen respectu suæ essentia, & proprietatum, quæ ad essentiam consequuntur, sunt necessaria non contingentia; habent enim contingentia suam essentiam ex genere & differentia constantem, & proprietates ad illum consequentes. V. G. esse album est contingens hominib; hoc tamen contingens esse contingens, & habere essentiam contingentem & proprietates essentia contingentis, est necessarium. Ergo de contingentibus hæc ratione potest esse scientia. Respondeo. De contingentibus non quia contingens est, sed quia necessarium, posse esse scientiam, quia sic est ens necessarium, & habet causam necessariam suarum proprietatum, & bene probat argumentum.

Quod si inistes: essentia contingens est contingens. Ergo non necessaria: Respondeo, esse contingentem respectu subiecti cui contingenter inest & respectu cuius contingentiam exercet, non verò esse contingens respectu proprietatum, quæ ad ens contingens necessariò consequuntur, sicut enim necessariò est contingens & essentiam contingentem habet: ita necessariò proprietates entis contingentis sibi vindicat.

Ex quo infero. Quo sensu verum sit, de ente per accidens non dari scientiam. Nempe ut sumitur ens per accidens pro eo quod non est necessarium, sed contingens. Ens enim per accidens opponitur enti per se. Dupliciter autem dicitur ens

*Scientia est de necessarijs.*

*Generabilia quomodo aliter se habere dicuntur.*

*De contingentibus qua ratione potest esse scientia. Essentia contingens quomodo est contingens.*

*De ente per accidens qua ratione non datur scientia per*

*Ens per se dupliciter sumitur.*

per se. Primò quod per suam essentiam non per aliquod accidens est tale; & sic compositum ex substantia & accidente etiam si accidens illud sit necessarium, non est ens per se sed per accidens. Quo etiam sensu dicitur à Philosopho, ex duobus entibus in actu, non fieri ens per se. Secundò. Quod est necessariò tale, quia quidquid necessariò est tale seipso & ex natura suorum terminorum est tale, quod verò non est necessarium, per accidens est tale, quia contingenter; Accidens enim contingit ad esse & abesse. Pari ergo ratione, per accidens dicitur dupliciter: Primò ut opponitur enti per essentiam suam tali; Secundò, ut opponitur enti necessario. Sententia igitur potest esse de ente per accidens primo modo, quia potest esse de complexo ex substantia & accidente dummodo illud accidens sit necessarium; Omnis enim scientia demonstrat proprietatem de suo subiecto: Solùm igitur non est de ente per accidens secundo modo, ut ens per accidens, idem est quod contingens & non necessarium.

*Necessitas duplex: absoluta & ex suppositione.*

Verùm cum necessitas sit duplex, altera absoluta, altera ex suppositione: Absoluta est alia; quia res absolute hoc est ex natura rei & non ex aliqua suppositione contingenti, non potest aliter se habere, ut hominem esse risibilem esse necessarium absolute, non potest enim esse unquam homo nisi risibilis, quia natura est risibilis: Ex suppositione verò est tunc, quando subiectum absolute potest se aliter habere, tamen ex contingentì aliqua suppositione non potest. Dicitur autem suppositio contingens quæ subiecto est contingens absolute; sic hominem contingens est absolute moveri, quia potest non moveri, supposito tamen quod curat necessariò movetur. Quæ tamen suppositio cum sit contingens respectu subiecti (quia contingit Petrum currere) morus ex tali suppositione contingenti proveniens absolute est contingens: quia sicut Petrus potest non currere, ita potest non moveri. Porro omnis suppositio est contingens, quæ non est ex natura rei seu cuius principium non est in natura rei, sed in aliquo extrinseco. Sic enim Aristoteles definit necessarium, quod est secundum naturam, & cuius principium est in natura, non in nobis; contingens verò est id quod non est secundum naturam, & cuius principium non est in natura rei, sed in nobis ex 6. Ethic. cap. 4. Verbi gratia, cursus principium non est in natura rei, sed in nobis; ex determinatione enim nostra libera, est quod curramus, & ideo cursus est quid contingens.

Est igitur difficultas. An ad scientiam sufficiat necessitas ex suppositione? Hoc enim quidam recentiores affirmant. Quia duo sunt de essentia scientiæ, ut cognoscatur res per causam, & quod non contingat aliter habere; quod autem ex suppositione causæ scitur, scitur per causam, & quod non possit aliter se habere. Ergo necessitas ex suppositione sufficit ad scientiam. Dices, solùm tunc esse scientiam ex suppositione, non scientiam simpliciter. Contra: quia ista scientia ex suppositione habet omnia essentialiter requisita ad scientiam. Ergo essentia scientiæ ita illi convenit sicut & scientiæ simpliciter, solumque differunt istæ duæ scientiæ sub eodem genere scientiæ, secundum maiorem & maiorem perfectionem.

Verum sententia communis & Peripatetica est, non sufficere ad rationem scientiæ necessitatem ex suppositione, sed requiri necessitatem simpliciter, ita ut sine ea non sit essentialiter scientia. Probat hoc primò authoritate Aristotelis qui præcæans ex professo, 6. Ethic. cap. 3. & 4. quæle debet esse obiectum solè debet esse tale quod non possit aliter se habere & in hoc distinguit scientiam

*Ad scientiæ rationem non sufficit necessitas ex suppositione.*

ab arti.

ab arte, quod ars sit eorum quæ possunt aliter se habere, scientia non: atqui si de necessitate ex suppositione agamus etiam ars est de iis quæ ex suppositione non possunt aliter se habere; suppositio enim quod sciamus est ad talem usum, debet habere necessarios tales proprietates quæ ad talem finem sunt necessariae. Solùm ergo in hoc relinquitur discrimen scientiæ & artis, quod scientia est de iis quæ simpliciter non possunt se aliter habere: ars verò de illis quæ simpliciter possunt se aliter habere, licet ex suppositione finis aut usus non possint. Neq; valet quod dicunt quidam non esse artis, sed scientiæ illam necessitatem ex suppositione considerare; ars enim solùm considerat, quod hoc vel illo modo sit res facienda, absq; respectu ad finem; id namq; est expresse contra Aristotelem 1. Meta. 1. & 1. Rhet. cap. 1. ubi id esse proprium artis docet causam operis reddere, & in hoc distinguit artem ab experientia, ut supra disp. 2. q. 4. docuimus.

*Aristotelis  
sententia.*

Deinde Aristoteles. 6. Ethicorum, capite quarto necessitatem scientiæ definit esse necessitatem secundum naturam nempe cuius in natura, non in nobis est principium: at necessitas secundum naturam est necessitas absolutæ & simpliciter; quod cum ex natura est tale, semper & ubiq; est tale; semper enim habet causam suæ necessitatis: necessitas verò ex suppositione non est secundum naturam: quia supposito contingens non est secundum naturam, cum non ab intrinseco, sed ab extrinseco oriatur. Ergo Aristoteles ad scientiam requisivit necessitatem simpliciter.

Tertio Aristoteles 1. Metaph. tex. 3. scientiam docet esse veritatis contemplativam, hoc est, rei secundum suam naturam, non in ordine ad opus. Rationem autem reddit propter quam scientia rerum ut ad actionem referuntur, non sit verè scientia. quia inquit etsi causa agibilium reddatur, tamen non redditur causa rei absolutæ, sed tantum ad aliquid, hoc est, respectu talis vel talis suppositionis, nec semper, sed pro eo tempore, quo stat sub illa suppositione. Vnde propter hanc causam Aristoteles requisivit ad scientiam, ut sit gratia sui, non gratia operis; nam si sit aliqua gratia alterius, non possit habere necessitatem absolutam, sed tantum secundum quid, & ex suppositione talis vel talis finis, qui tamen simpliciter rei est contingens.

Ex quibus formatur tale argumentum. Id quo scientia essentialiter differt ab arte & habitibus practicis est de essentia scientiæ: at per necessitatem simpliciter differt tam ab arte quàm ab alijs habitibus practicis, nempe quia est cognitio obiecti necessarij simpliciter. Ergo necessitas simpliciter est de essentia scientiæ. Et sane Aristoteles nullam demonstrationem agnovit quæ esset solùm necessaria ex suppositione.

Neque verò dici potest Aristotelem locis citatis loqui de scientia perfectissima, quomodo neque artis neque scientiæ morales sunt veræ scientiæ, quis non sunt perfectissimæ licet sint veræ scientiæ suo modo. Id inquam dici non potest, quia Aristoteles loquitur de perfectione scientiæ essentiali, qua differt ab alijs habitibus & ita requirit necessitatem simpliciter ut sine ea dicat non posse stare essentiam scientiæ. Quod autem de perfectione essentiali loquatur patet. Primo: quia definiendo scientiam, & naturam eius investigando, id docet. Secundò, quia in hoc distinguit scientiam essentialiter ab alijs habitibus: Ergo hoc requirit tanquam quid essentialis.

Denique probat idem ratione: Scientia enim non est quæcunque cognitio rei, sed

sed perfecta, quæ perfectio in duobus consistit: Primò ut sit per causam, secundò ut non contingat rem aliter habere. Iam verò si sciatur solum ex suppositione causæ contingentis, non sciatur perfecte per illam causam, quia illa causa, non est causa ut res sit absolutè, sed tantum ex suppositione, si, & quando supponitur causa.

Neq; etiam sciatur perfecte quod non contingat aliter se habere. Cum simpliciter verum sit posse rem aliter se habere; sicut enim potest non esse illa causa, quæ supponitur esse contingens; ita & effectus ex illa secutus potest absolutè non convenire subiecto. Solumquæ ex suppositione talis causæ, si, & quando illam contingit adesse non posse non convenire. Quare talis demonstratio ex suppositione Causæ vel medijs contingentis, est simpliciter syllogismus contingens, & solum secundum quid ex suppositione contingentis necessarius quod repugnat demonstrationi.

Vnde tale conficitur argumentum. Demonstratio est syllogismus simpliciter necessarius, & constat propositionibus simpliciter necessariis, & inferat conclusionem simpliciter necessariam, ut patet ex toto libro primo Posteriorum: in hoc siquidem differt (Aristotele teste) demonstratio ab alijs syllogismis 1. Posterior. tex. 16. quod demonstratio sola sit ex necessariis, alij syllogismi non item; at proculdubio quoque alij syllogismi possunt esse ex necessariis ex suppositione, sola verò demonstratio est ex necessariis simpliciter. Cum igitur necessitas ex suppositione non faciat propositiones simpliciter necessarias, sed simpliciter contingentes, non potest etiam facere syllogismum demonstrativum, ita in hoc enim syllogismo Omne currens movetur. Petrus est currens, Ergo Petrus movetur, tam Minor, quam conclusio sunt propositiones contingentes simpliciter, & solum secundum quid ex suppositione medijs necessariæ. Conclusio enim sequitur Minorem tanquam debiliorem partem, quoad contingentiam.

Quare ad fundamentum primæ sententiæ. Respondeo. Id quod scitur ex suppositione contingentis, non scitur tanquam simpliciter necessarium, sed potius tanquam non necessarium simpliciter & contingens simpliciter. De essentia autem scientiæ est ut per eam sciatur res tanquam necessaria simpliciter: ita ut repugnet Demonstrationi, conclusionem esse simpliciter contingentem & simpliciter non necessarium ut supra in disputat. 2. docuimus q. 5. Quod ex eo etiam ostenditur, Omnis enim syllogismus inferat conclusionem necessariam ex suppositione præmissarum & medijs in præmissis contentis, ut patet ex definitione syllogismi, non tamen propterea generat scientiam nec est demonstrativus, quia nimirum non inferat conclusionem necessariam simpliciter, nec ex præmissis necessariis simpliciter; hoc enim proprium est solius demonstrationis secundum Aristotelem.

Ad confirmationem. Respondeo: Scientiæ ex suppositione deest necessitas simpliciter quæ est perfectio essentialis scientiæ. Nam in alijs quoque syllogismis inferitur conclusio necessaria ex suppositione, in sola verò demonstratione inferitur necessaria simpliciter: & idcirco sola demonstratio facit scire. Quod si inles non satis esse ad demonstrationem, ut inferat conclusionem necessariam, sed etiam ut inferat per causam, quod deest alijs syllogismis non demonstrativis; Contrà: non ad omnem demonstrationem requiritur causa; potest enim esse demonstratio per effectum à posteriori; aut per aliud medium necessarium simpliciter

dicitur ex natura rei. Deinde si ad demonstrationem sufficit medium necessarium ex suppositione contingenti, tale medium invenitur in aliis syllogismis non demonstrativis, qui etiam ex suppositione Præmissarum, inferunt necessariò conclusionem & sic omnes syllogismi essent demonstrationes contra Aristotelem & rationem, ut supra dictum est.

Secunda difficultas est. An ad scientiam sufficiat necessitas complexa conclusionis, an vero requiratur etiam necessitas incomplexa terminorum, subiecti alicuius vel prædicati conclusionis? Quidam enim recentiores primum requirunt non secundum: quia inquirunt prima constituit demonstrationem & scientiam; demonstratio enim est necessaria, quia propositionibus constar necessarius: posterior verò nec est necessaria ad demonstrationem (quia prior sufficit) nec est possibilis, quia termini secundum se & existentiam suam sunt contingentes; possunt enim simpliciter esse & non esse, quia dependent à Deo, qui est causa libera, & sicut ante creationem non fuerunt, ita possunt annihilari & non esse.

*Quæstio.*

Dicendum tamen est. Ad scientiam requiri necessitatem etiam incomplexam. *Ad scientiam subiecti de quo est scientia. Explico: Necessitas subiecti potest duplex di-* *requiritur ne-*  
*scire; altera quoad essentiam. Illa dicuntur necessaria quoad essentiam, quæ cessitas etiam*  
*habent essentiam ex natura rei, non ex fictione aut arbitrio nostro. Ita enim 6. E. incomplexa*  
*incomum cap. 4. id explicant Aristoteles. Sic artificialia omnia agibilia & factibilia*  
*subiecti de*  
*hi, qui habent essentiam fixam & dependentem à nobis, cuiusque principium quo est scientia*  
*solum est in nobis non in natura rei; idcirco nullam habent ex se necessitatem tamen.*  
quoad essentiam, sed sunt simpliciter contingentes: res verò Physicæ habent essentiam non ex fictione aut arbitrio nostro, sed ex natura rei, idcirco sunt entia necessaria quoad essentiam; homo enim non potest esse nisi cum tali essentia, & cum talibus essentia proprietatibus; Scamnum verò potest esse varium & multiplex in essentia, tam quoad formam, quam materiam, prout varium fuerit ingenium artificis.

Quod verò atinet ad existentiam, hæc simpliciter quidem est contingens, ut probat prior sententia; in hoc tamen est necessaria, quandoque existit res illa, necessarium est talis existat, hoc est tali essentia & proprietatibus. Ad scientiam igitur non requiritur existentia subiecti absolute, sed solum ut cum existit necessario tam tali essentia existat.

Hic igitur suppositis. Dico requiri ad scientiam necessitatem incomplexam subiecti. Primo quia secundum Aristotelem requiritur necessitas secundum naturam: quod autem secundum naturam est tale, semper & ubique est tale: Cum ergo subiectum de quo est scientia, sit ens secundum naturam, sequitur quod habeat necessitatem incomplexam.

*Requiri ad scientiam necessitatem incomplexam.*

Secundo. Quia non potest in demonstratione esse necessitas complexa; sine necessitate incomplexa; quæcum enim essentia subiecti in demonstratione sit causa passiva & affirmatur ut medium ad demonstrationem, si hæc essentia, subiecto continetur contingenter, hoc est, non secundum naturam, sed ex fictione aut voluntate nostra, sive sit minor præmissa, in qua essentia prædicatur de subiecto, non sit necessaria simpliciter, sed ex suppositione, unde etiam & conclusio inferitur solum necessaria ex suppositione. Et sic periret necessitas simpliciter in demonstratione sine necessitate incomplexa subiecti.

At.

At dices; tam necessarium est scamnum esse scamnum, sicut hominem esse hominem: Ergo & essentia scamni æquè necessariò competit scamno, sicut essentia hominis homini. Respondeo si solum de veritate agamus, æquè est verum verumque, quia utraque propositio est identica, & vnum non potest dici magis idem sibi, quàm alterum sibi identitas enim consistit in indivisibili, & aut est tota simul, aut non est simpliciter: at si de necessitate agamus; magis necessarium est hominem esse hominem, quàm scamnum esse scamnum quia illud est necessarium secundum naturam & simpliciter, hoc verò non est necessarium secundum naturam (cum sit ex voluntate artificis non solum quòd sit, sed etiam quòd tale sit) solumque ex suppositione est necessariùs; supposito etiam quòd scamnū est necessariò est, id quòd est.

At iniques etiam essentia rerum creaturarum sunt essentia per ideas divinas. Ergo æquè sunt contingentes, sicut essentia rerum artificialium. Nam res creatæ verè dici possunt opera artis divinae.

Respondeo. Concedo essentias rerum creaturarum effici per ideas, & scientiam Divinam per modum artis. Sicut enim in artifice ars & idea est ratio efficiendi opera artis: ita idea & scientia Divina est ratio efficiendi naturas rerum. Est tamen discrimen inter Artem Divinam & eam quæ est in nobis. Nam in Deo ars est de iis quæ sunt secundum naturam, & ideo de necessariis non de contingentibus: neque enim Idea divina sunt ad libitum, sed ex naturali participabilitate divinæ essentia, quæ per intellectum divinum dum cognoscitur, idea rerū existunt in Deo, Ars verò in nobis non est de iis quæ sunt secundum naturam, sed ex arbitrio & ex inventione nostra. Vnde & ideae factibilia à nobis formantur ad libitum, ita ut artificialium omnium principium sit tantum in nobis non in natura, & ideo ars nostra secundum Arist. 6. Eth. c. 4. non est de necessariis, sed de contingentibus, quia non est de iis quæ secundum naturam, sed de iis tantum quæ secundum inventionem nostram sunt. Nam etsi ars versetur aliquando circa ea quæ sunt secundum naturam, ut patet in agricultura quæ circa fruges producendas versatur, & in Medicina circa sanitatem, quæ res naturalis est: ista tamen eatenus ad artem pertinent, quatenus sunt modi quibusdam ab arte excogitatis, seu modo artificiali applicando causas naturales ad suos effectus. Vnde apparet naturas rerum, etiam si fiant ab arte Divina non esse eo modo contingentes, quo res artificiales sunt contingentes.

## QVÆSTIO VII.

*An de agilibus & factilibus à nobis possit esse scientia?*

Prima sententia affirmat: quia agibilia & factibilia habent causam propriam quam sunt & ab ea habent etiam necessitatem essendi: hæc autem duo suffiunt ad rationem scientia, ut patet ex eius definitione. Et licet in particulari accepta, sit contingentia, in universalis tamen sunt necessaria. Nam etsi hanc domum, vel hanc operationem fieri isto vel illo modo, sit contingens; tamen in universalis domus tali vel tali modo, propter talem & talem finem fieri debere est necessarium. Dicitur igitur isti, agibile esse scibile, quia habet causas necessarias suarum proprietatum

propter quas est hoc vel illo modo agibile. Nam etiam essentia rei agibilis, necessarîo convenit rei agibili (vnum enim quodq; necessarîo est id quod est, ita ut impossibile sit & implicans contradictionem, non esse id quod est; esset enim & non esset) posita autem essentia, sequuntur necessarîo proprietates ex illa fluentes; vnaquæq; enim essentia habet suas proprietates, quæ ipsam consequuntur: Ergo cum res agibiles & factibiles habeant suam essentiam quæ definitione explicatur, & proprietates essentiam consequentes, habent vnde sint scibiles & demonstrabiles; ad scientiam enim sufficit essentia, quæ sit causa suarum passionum.

Hanc sententiam sequuntur pleriq; recentiores, & ex ea deducunt. Primò Logicam esse scientiam: nam etsi versetur circa operationes intellectus dirigendas; tamen has ipsas notitias, quibus dirigit, seu regulas suas, demonstrat per causam, & ex consequenti est scientia.

Secundò. Scientiam moralem, ut demonstrat per causam proprietates rerum moralium, id est, sub actionem voluntatis cadentium, esse verè scientiam, ut verò tali notitia, per causam demonstrata utitur ad dirigendas actiones voluntatis, esse prudentiam.

Tertiò. Omnes artes, & vniversè omnes habitus practicos, ut demonstrant per causam proprietates de suis obiectis, esse verè & propriè scientias, dici verò artes quatenus illam scientiam adhibent ad aliqua opera efficienda.

Secunda sententia est Peripatetica, de agilibus & factibilibus, hoc est de iis quæ sub actionem & factionem cadunt, non esse verè & propriè scientiam. Hanc sententiam docet expressè Aristoteles 6. Ethicor. cap. 3. & 4. Vbi docet scibile esse necessarium, agibile autem & factibile contingens, atq; de necessariis esse scientiam, de agilibus verò & factibilibus non esse scientiam, sed vel artem vel alios habitus practicos.

Respondent adversarii; rem esse agibilem, esse contingens, contingit enim rem agi, vel non agi; at verò rem agibilem habere proprietates tales in agibilitate fundatas, est necessarium; supposito enim, quod aliquid agendum est propter aliquem finem, necessarium est tales vel tales proprietates habere, illi fini convenientes. Aiunt ergo Aristotelem primò modo dicere agibilia esse contingentia, secundo verò modo non negare esse necessaria, & posse propriè ad scientiam pertinere.

Sed contra: non fuit ignarus Aristoteles huius distinctionis, neq; tamen voluit agibilia tam secundum se, quàm secundum suas proprietates & causas, ad scientias sed ad alios habitus à scientia distinctos pertinere, ita ut demonstrare proprietates rerum contingentium per suas causas, noluerit ad scientiam spectare, sed ad artem, vel ad alios habitus à scientia distinctos. Patet id ex cap. 1. primi Metaph. & cap. 1. primi Rhetor. in quibus locis docet artis proprium esse causam operis cognoscere, & sine hoc artem non esse artem sed experientiam. Cum igitur velit Aristoteles ad rationem essentialem artis spectare, causam operis reddere, idq; esse proprium officium artis, consequens est, artes in hoc non esse scientias, neq; demonstrare operis proprietates per causam, esse actum scientiæ, sed actum artis: quod etiam supra in Disp. secunda docuimus.

Deinde & si Aristotelem non lateret proprietates agibiles necessarîo convenire agilibus, quia tamen hæc necessitas fundatur in essentia contingenti, non necessaria, idcirco noluit eam pertinere ad scientiam; scientia enim est necessario

De agilibus  
& factibilibus non potest  
esse vera scientia.



simpliciter, quæ nimirum secundum naturam sunt necessaria, quæ verò essentialiter habent contingentem, non sunt secundum naturam, quia non in se sed in nobis habent principium. Vnde quæcunque proprietates continent ob essentialiter contingentem, simpliciter sunt contingentes, quia fundantur in esse contingentis, & solam ex suppositione illius essentialiter contingentis, sunt necessariae.

Quocirca ex hac doctrina Aristotelis, duo habentur argumenta. Alterum est: Nihil habens actus & factus est scientia, sed de agibilibus est habitus actus, de factibilibus factus: Ergo de agibilibus & factibilibus non est scientia. Alterum est: de contingentibus non est scientia: agibilia & factibilia, simpliciter sunt contingencia; quia in nobis habent principium, & non sunt talia secundum naturam, quod Aristoteles requirit ad necessitatem simpliciter scibilis, Ergo de agibilibus & factibilibus secundum Aristotelem non est scientia. Quare & illæ proprietates quæ de agibilibus demonstrantur per causam, sunt solum necessariae ex suppositione essentialiter contingentis. Vnde simpliciter sunt contingentes, quia in fundamento contingentis fundantur.

Eandem sententiam docet Aristoteles in 2. Metaph. text. 13. ubi ex eo probat Philosophiam esse debere contemplativam non practicam, quia (inquit) Practici considerant quidem causam, sed ad aliquid non per se, & pro nunc tantum non verò pro semper. Ergo Aristoteles illam demonstrationem per causas, quæ est in rebus practicis, existimavit esse insufficientem ad rationem scientiæ; si enim esset sufficiens ad rationem scientiæ, esset ex consequenti ad rationem Philosophiæ. Ratio etiam quam affert Aristoteles idem ostendit, cum ad scientiam necessarium sit demonstrare per causam, per se, & semper, quod non est in Practicis: ut supra deductum est Disp. 2. q. 5.

*Ratio Arist.*

*Ratio à priori*

Accedit & alia ratio à priori huius rei; scientia enim est de rebus necessariis simpliciter: at res agibiles & factibiles non sunt necessariae simpliciter, sed simpliciter contingentes, & solum ex suppositione necessariae, Ergo de illis non est scientia. Maior est certa in doctrina Aristotelis & probatur est in quaestione præcedentium quia necessitas ex suppositione, est in omni syllogismo, in quo conclusio sequitur necessitudo ex suppositione medii: Ergo aut omnis syllogismus generat scientiam, aut si sufficit non sufficit necessitas ex suppositione: tum quia necessitas requiritur ad scientiam est necessitas ex natura rei, ut docet Aristoteles 6. Ethic. cap. 4. quæ sunt ex natura rei sunt necessaria simpliciter quia omni & semper conveniunt: Ergo ad scientiam requiritur necessitas simpliciter.

Minor verò probatur: Quia agibilia non sunt agibilia ex natura rei, sed ex nobis; illa enim à nobis aguntur, quæ pendent à nobis, & in nobis tantum habent principium: atqui talia sunt simpliciter contingencia & solum ex suppositione quæ sunt, necessaria sunt: Ergo agibilia sunt simpliciter in contingentia.

*Necessitas complexa quæ suam sufficit ad scientiam?*

Dices, sufficere ad scientiam necessitatem complexam. Respondeo, si necessitas complexa sit ex natura rei sufficit ad scientiam: quia fundatur in natura subiecti, quod secundum naturam suam est necessarium. Vnde & passio illi ex natura rei convenit & causa passionis: at si necessitas complexa non sit ex natura rei, non fundatur in essentiali subiecto, quod secundum se sit tale non ex nobis, talis necessitas erit solum ex suppositione, non simpliciter.

*Subiectum est fundamentum tam causæ quam passionis*

Pro quo noto subiectum esse fundamentum tam causæ quam passionis; contingit enim in se causam, propter quam illi passio competit. Vnde etiam est fundamen-

mentum totius necessitatis quæ est in demonstratione : Nam quia continet in sua essentia causam necessariam passionis, sit vt & causa necessariò coniungatur cum passione in Maiori, & cum subiecto in Minoris. Vnde ex consequenti in conclusio- ne subiectum quorq; coniungatur necessariò cum passione, vt patet in hæc demon- stratione : Omne rationale est risibile, omnis homo est rationalis : Ergo omnis homo est risibilis. Tota igitur necessitas demonstrationis incumbit necessitati sub- iecti incomplexæ; si enim subiectum sit res verè necessaria, non tam quoad exi- stentiam, quam quoad essentiam, fundabit necessitatem totius demonstrationis. Quod autem subiectum dici debeat necessarium quoad essentiam, docuit Aristot- eles 6. Ethic. cap. 4. Quod enim secundum naturam est tale non ex nobis, & in natura rei non in nobis habet principium; est eius natura sua necessarium: Quod verò non habet essentiam ex natura rei, sed ex nobis, habet essentiam contingen- tem; Talia verò sunt omnia agibilia quatenus agibilia sunt quia non sunt ex na- tura rei, sed à nobis aguntur, & ideo contingenter sunt agibilia; quare omnes pro- prietates hanc agibilitatem consequentes sunt simpliciter contingentes, quia fun- dantur in re contingenti, sive immediate, sive mediate.

Dices. Passiones contingenter competere illi rei agibili materialiter acceptæ; quatenus verò agibilis est formaliter, competere necessariò. Respondeo, verum esse, sed quia ipsa agibilitas competit contingenter rei agibili, idcirco & ipsi- us proprietates ( quæ mediante illa competunt ) erunt contingentes simpliciter rei agibili.

Deinde ipsa agibilitas est simpliciter in sua essentia contingens, quia non ex na- tura rei sed ex nobis est talis. Vnde duplex contingentia est in obiecto practico : altera respectu obiecti materialis ( agibilitas enim contingit per accidens rei agibi- li) altera essentialis, quia est essentia non ex natura rei sed ex nobis procedens. Quia igitur omnes proprietates agibilium fundantur in essentia rei agibilis contin- genti sive immediate sive mediate, ideo non possunt dici simpliciter necessariæ, cum sint in debili fundamento fundatæ, & sequantur conditionem & debilitatem sui fundamenti. Quod explicari potest à simili exemplo entis rationis, quod & si ha- beat essentiam cum proprietatibus & causis necessariis, quia tamen hæc necessitas fundatur in essentia ficta & contingenti, idcirco de ente rationis non datur vera scientia. Pari ergo ratione necessitas proprietatum rerum practicarum quia funda- tur in essentia contingenti, non potest fundare veram scientiam.

Notandum tamen est posse in scientiis practiciis aliqua demonstrari ex natura rei, & per veram demonstrationem, vt de virtute possunt demonstrari eius propri- etates per eius essentiam, verum tales demonstrationes sunt Physicæ non morales; Veritas enim est qualitas Physica & quatenus proprietates eius Physicæ demon- strantur de ea per eius essentiam tales demonstrationes sunt Physicæ & à Physica mutantur ad res morales magis explicandas. Solam ergo morales proprietates omnis demonstrare spectat ad scientiam moralem, considerando virtutem non vt in Physica est, sed vt secundum rectam rationem à nobis fieri potest.

Ex quibus iuxta. Primò; omnem demonstrationem propriæ practicæ esse Demonstrationem simpliciter contingentem, & solum secundum quid necessariam. Dixi propriæ pra- cticæ ad distinguendas alias demonstrationes, quæ ex aliis scientiis assumuntur ad Ethicæ sim- ulandas res practicas. Ratio ergo est : Quia in omni demonstratione propriæ practicæ, causa passionis per accidens cõvenit subiecto. Vnde maior erit contingens tingens.

In scientiis  
practicis pos-  
sunt aliqua  
demonstrari  
ex natura rei.

Demonstratio  
propriæ pra-  
cticæ est sim-  
pliciter con-

simpliciter; ut si dicam: quod est ad habitandum institutum, debet esse tale: domus est ad habitandum instituta, ergo debet esse talis. Minor est contingens simpliciter, & non nisi ex suppositione necessaria: Nam etsi illa sit domus definitio, tamē solæ definitiones ex natura rei competentes definitis, sunt necessariz simpliciter; quæ verò competunt non ex natura rei sed ex nobis, & solùm ex suppositione sunt necessariz, quia supposito quòd scannum est ita constitutum à nobis habet necessariò hanc definitionem: simpliciter tamen quia ex natura rei illi non competit, est ei contingens secundùm naturam suam considerato; ut enim supra docuimus ex Aristotele, necessitas simpliciter, est necessitas secundùm naturam, quare quod non est necessarium secundùm naturam, est contingens.

*Scientia practica non est verè & propriè scientia.*

Infero secundò. Nullam scientiam Practicam esse verè & propriè scientiam; quia est de rebus contingentibus simpliciter & solùm ex suppositione causæ contingentis necessariis: quare nec scientia moralis, nec ars vlla potest habere rationem verè scientiæ. Quocirca quòd quidam docuerunt eundem habitum esse artem & scientiam, artem ut efficit, scientiam ut demonstrat efficiendum vel efficiendi proprietates id satis supra Disputatione secunda refutavimus; illa enim demonstratio secundùm doctrinam Aristotelis, non est scientiæ sed artis, cum artis illud officium proprium sit, demonstrare causam factibilem, sicut scientiæ proprium est demonstrare causam rerum quæ sunt secundùm naturam tales. Accedit quòd demonstrationes illæ factibilem, sunt simpliciter contingentes, & secundùm quid necessariz, quod non sufficit ad rationem scientiæ.

*Scientia speculativa tantum sunt propriè scientia.*

Infero terciò. Solas scientias speculativas esse propriè scientias, quia solæ versantur circa obiectum necessarium seu quod est tale secundùm naturam.

Ex dictis patet ad fundamentum primæ sententiæ. Nam agibilia neq; habent causam per se & necessariò convenientem subiecto, neq; ipsa sunt obiecta necessaria simpliciter, tam quoad essentiam, quàm quoad proprietates, quia nec essentiam habent ex natura rei, sed ex nobis, & per consequens nec proprietates fundatas in natura rei, sed in essentia simpliciter contingenti, & solùm ex suppositione necessaria, non igitur habent omnia requisita essentialiter ad scientiam.

## QVÆSTIO VIII.

*An scientia solum sit de universalibus?*

**S**ensus quæstionis est. An requiratur ad rationem scientiæ ut proprietates demonstrentur de subiecto universaliter accepto, an verò satis sit si demonstrentur de subiecto particulariter accepto? Ratio dubitandi est: Is enim qui scit Petrum esse risibilem quia est rationalis, habet veram demonstrationem; quia scit per causam, & quod impossibile sit aliter se habere: Vnde & Aristoteles 1. Poster. text. 39. agnoscit demonstrationem particularem, sed non æquè perfectam ac universalem. Ex altera verò parte, qui scit esse Petrum risibilem, nescit secundùm quid ipsum; non enim secundùm quod Petrus, sed secundùm quòd rationalis est risibilis, ut igitur sciatur secundùm quid Petrus sit risibilis, debet sciri in universali omnem hominem esse risibilem; virtute autem demonstrationis universalis, scitur postea conclusio particularis, per quandam applicationem universalis ad particularem.

iculare. Dices id requiri ad perfectionem tantum accidentalem scientiæ hanc quæ potest esse scientia. Contra: sicut requiritur ad perfectionem essentialem scientiæ ut sit per propriam causam, ita ut sit de primo & proprio subiecto Passionis; nisi enim sciat proprium subiectum passionis non scietur passio.

Dicendum est, scientiam esse solum de universalibus. Ita Aristoteles passim præferit. 1. Poster. text. 11. & sequentibus. Idem docet text. 21. Eum qui nescit universaliter aliquid, non habere scientiam, quia scit per accidens, non per se, nec secundum quod ipsum; non enim illi particulari quatenus particulare est, convenit proprietas, quia etsi non esset illud particulare, sed aliud, conveniret. Ex quo colligitur ratio propter quam de subiecto universalis debeat esse scientia. Quia scientia requirit ut sit de proprio & primo subiecto passionis; alioqui nec passio perfecte cognoscitur nisi respectu sui primi subiecti, nec causa passionis, nisi cognoscatur esse causa respectu eius subiecti, cui primò, & per se convenit; si enim sit scientia respectu non primi subiecti, eo ipso erit scientia per accidens, quia non primo subiecto, competet per accidens, ut de eo demonstratur talis passio, quia nimirum non ratione sui, sed ratione primi subiecti, sub quo continetur, illi competet. Cum igitur universale sit primum & proprium subiectum passionis, particulare autem, nec primum sit, nec proprium, sequitur scientiam debere esse non de particulari, sed de universalis.

Potè id intelligendum est, non solum de universalis ut opponitur singulari, sed etiam ut opponitur minus universalis; eadem enim ratio utrumque probat. Nam proprietates quæ primò conveniunt generi si particulariter demonstrantur de specie, non erit scientia perfecta, quia non de primo suo nec universalis subiecto demonstrantur; & species est subiectum per accidens talis passionis, quia non sub ratione specifica, sed sub ratione generica.

Præterea id intelligendum est, de illis proprietatibus, quæ habent subiectum aliquod universale, cui primò, & per se insunt, & ratione illius insunt singularibus; tunc enim non sciuntur perfecte nisi cognoscantur in ordine ad subiectum universale: at si subiectum cui proprietas inest, non sit universale, nec possit multiplicari in singularibus quale subiectum est Deus, respectu suarum proprietatum, tunc de tali singulari potest esse scientia: quia tali subiecto primò & per se conveniunt proprietates, eo planè modo quo conveniunt subiecto universalis. Quocirca propositiones de tali subiecto singulari æquivalent universalibus: quia sicut proprietates subiecti universalis conveniunt adæquatè subiecto universalis ita proprietates talis subiecti singularis conveniunt illi adæquatè, primò, & per se.

Quod si quæras? An idem dicendum sit de aliis naturis existentibus in uno solo individuo, ut de sole & de luna? Respondeo, talibus naturis non repugnat multiplicari in individuis: quare demonstrationes quæ de Sole & Luna fiunt non debent fieri de hoc Sole & hac Luna, sed absolute de Sole & Luna in bet?

Quod si quæras? An hæc conditio scientiæ ut sit de universalis, requiratur solum ad maiorem perfectionem scientiæ, an verò ad essentiam? videtur enim non requiri ad essentiam. Primò: quia id solum requiritur ad essentiam scientiæ, quod ad perfectionem eius definitio continetur; definitio enim explicat totam rei essentiam: atqui definitio scientiæ non continet, nisi ut sit per causam, & quod non possit aliter habere. Ergo, Secundò: quia sine hac conditione est vera scientia & demonstrat?

*Scientia est solum de universalibus.*

*Scientia de naturis existentibus in uno solo individuo*

stratio, quia per causam necessariam. Vnde & Aristoteles particulares demonstrationes vocat demonstrationes, sed minus perfectas.

At ex altera parte videtur hæc conditio in ipsa definitione implicite contineri; Cum enim dicitur scientia cognitio rei per causam, non intelligitur de causa imperfecte cognita, sed ita cognita, ut natura eius postulat: postulat autem natura causæ ut cognoscatur respectu sui primi & proprii subiecti, quia respectu illius primo suam causalitatem exercet, & ratione illius, per accidens in aliis: quatenus ea primum subiectum causæ & passionis participant. Nisi ergo quis cognoscat causam respectu sui primi subiecti, non cognoscat vim causæ; Causa siquidem per se respectu primi vim & causalitatem suam exercet & eo mediante extendit se ad alia.

Deinde quod dicitur, sine hac conditione veram demonstrationem fore, distinguendum est. Nam demonstratio particularis si supponat demonstrationem universalem, & virtute ipsius concludat, erit verè demonstratio, & vera scientia, quia virtutem universalis habet sibi applicatam: Si verò demonstratio particularis, non supponat universalem, non erit vera demonstratio & scientia, sed erit quid imperfectum sub genere demonstrationis, cum careat altera parte essentiali, ad demonstrationem & scientiam requisita. Causa enim debet cognosci non solum in ordine ad passionem, sed etiam in ordine ad subiectum; quia afficiendo subiectum, est causa in illo passionis: Vnde sicut causa duplicem quasi causalitatem habet, tam respectu subiecti, quod constituit, quam respectu passionis, quam efficit: ita duæ sunt quasi partes essentialis scientiæ; altera cognitio causæ respectu passionis, quæ habetur in maiori propositione; altera cognitio causæ respectu sui subiecti, quod primò constituit in ordine ad talem passionem, quæ habetur in Minori. Cum igitur hæc secunda pars desit in demonstratione particulari, consequens est, non esse perfectam essentialiter demonstrationem, sed solum habere unam quasi partem essentialem.

Exemplum esse potest in anima rationali sine corpore, quæ est quidem propria pars essentia hominis, non tamen est essentialiter homo, quod ad hominis essentiam constituendam altera quoque pars id est corpus pertinet. Pari ratione demonstratio particularis ab universali seiuncta, continet in se solum unam partem demonstrationis & scientiæ, quia continet cognitionem causæ respectu passionis; caret verò altera parte essentiali scientiæ quæ est cognitio causæ respectu primi subiecti; cum (ut dictum est) causa non sit causa passionis nisi afficiendo subiectum; neque enim in abstracto est causa passionis, quasi per se existens, sed existens in subiecto, ac proinde in ordine ad subiectum. Et sic patet scientiam de subiecto particulari, esse scientiam essentialiter imperfectam, arque adeo ad essentiam ipsam scientiæ requiri, ut sit de subiecto universali, vnde & Aristoteles 1. Poster. text. 21. scientiam quæ non est rei universalis, absolute negat esse scientiam simpliciter, sed solum secundum accidens, quia in parte nempe in hoc, & nunc, non verò in omni & semper est scientia.

## QVÆSTIO IX.

*An de corruptibilibus possit haberi  
scientia?*

**N**Egat Aristoteles 1. Poster. text. 21. quia cum principia ex quibus fit scientia sint perpetua & immutabilia, etiam scientiam ipsam oportet esse perpetuam, quare non corruptibilem neque Caducorum. Porro ideo ait esse incorruptibilem, quia vniuersalem; singularia enim corrumpuntur & generantur, vniuersalis autem non corrumpuntur. Quod ita explico. Corruptio singularium attenditur secundum existentiam in mundo quam cum amittunt tota quoque essentia singularis corrumpitur; Corruptio vero naturæ vniuersalis abstractæ, & obiectivè existentis in intellectu, non attenditur secundum existentiam (ab ea enim abstractatur natura vniuersalis) sed secundum mutationem prædicatorum essentialium, & ex essentis consequentium, quam quia nunquam invenit intellectus in naturis abstractis, ideoque naturæ abstractæ sunt hoc sensu perpetuæ, quia in solo esse obiectivo nullam mutationem prædicatorum essentialium, & ex essentia consequentium patiuntur, ita ut negari possint. Cuius immutabilitatis radix est, non aliqua realitas extra intellectum existens (cum eadem immutabilitas sit in entibus rationis & fictis obiectivè conceptis, imò & in negationibus, & in nihilo, ut supra dictum est, quibus tamen nulla subest realitas vera) sed totum fundamentum eius immutabilitatis est quod vnum contineatur in conceptu alterius, unde conceptu vno necesse est aliud quoque concipi.

Idem verò Aristoteles in 4. Metaphys. textu 22. contra Heraclitum & alios tollentes rerum essentias ex continuo fluxu & instabilitate rerum, docet de corruptibilibus dari scientiam. Docet enim res corruptibiles, non omnino mutari: solum enim (inquit) mutantur secundum quantitatem non qualitatem; per quantitatem intelligendo materiam, per qualitatem formam, ut bene exponunt interpretes. In qua re Philosophus solum refellit modum Heracliti, qui corruptionem & mutationem rerum colligebat ex accretione continua & diminutione viventium: Dicit igitur talem mutationem (est quod in omnibus rebus cernatur) non obstat scientiæ: quia est solum in accessu & recessu materię, re tamen formaliter eadem manente; idem enim formaliter vivens est quantumvis crescat & non crescat in corpore, & eandem essentiam, ac essentię proprietates retinet.

Secundum igitur doctrinam Aristotelis dicendum est de corruptibilibus in singulari, ut hic & nunc existunt, non posse dari scientiam, quia hic & nunc existentia non est perpetua, scientia autem est de perpetuis, & iis quæ non possunt aliter se habere. Nam si dicas prædicata rerum existentium tam essentialia, quam essentiam singularem consequentia, esse necessaria; est enim necessarium Petrum esse animal rationale & risibile; respondendum est, prædicata hæc ut in singularibus existunt, & quidem singulari modo, involvere existentiam singulari quæ sicut est contingens simpliciter, ita & prædicata singularia, tam essen-

*De corrupti-  
bilibus in sin-  
gulari secun-  
dum doctrinam  
Aristotelis  
non potest da-  
ri scientia.*

talia, quàm essentiam consequentia sunt contingentia simpliciter, & mutabilia quoad existentiam illam singularem.

De corruptibilibus verò in universali acceptis potest esse scientia. Vt enim in universali concipiuntur ab intellectu, abstrahunt ab existentia singulari secundum quam realiter corrumpi possunt; in intellectu verò non est alius modus corruptionis nisi per negationem, quam tamen excludit propria ratio terminorum essentialium, quæ talis est vt ex vno conceptu, alius sequatur necessariò, vel per modum essentia vel per modum consequentis essentiam.

*Quomodo sci-  
bile sit incor-  
ruptibile.*

Deinde etsi res in singulari corrumpantur, & non semper existant; tamen quandocunq; existunt, semper sibi similes existunt, retinentq; eandem essentiam & proprietates; semper enim homo cum existit, est rationalis & risibilis, & in hoc immutabilitatem quandam habet, ratione cuius fundari possunt in intellectu propositiones sempiternæ veritatis.

Dices hac ratione scientia esset solum de conceptibus non de rebus; quia universalis sunt obiectivè in intellectu nullo singulari in rerum natura existente.

Respondeo scientiam, cum sit formaliter in intellectu, esse de rebus existentibus obiectivè in intellectu; ubi enim est scientia, ibi debet habere suum obiectum immediatum, nam nec esse nec intelligi potest sine obiecto. Vnde obiectum scientiæ in intellectu, est idem realiter cum ipso actu scientiæ nihilq; aliud est scientia actualis, quàm formatio obiecti scibilis in intellectu. Quia tamen id quod formatur in intellectu, ita se habet vel habere potest in re ipsa, vt intelligitur; idcirco scientia dicitur esse de rebus quia est de iis quæ in re ipsa poni possunt.

Dices præterea: hac ratione etiam entia rationis, & ficta quæcunq; etiam sciri possunt; quia in intellectu habent suam immutabilitatem obiectivam prædicorum essentialium, & ex essentiis consequentium.

*Entium ratio-  
nis & realiū  
discrimen.*

Respondeo. Esse discrimen inter entia rationis, & entia realia: Nam illa habent immutabilitatem solum in intellectu nullo modo fundatam in re, neq; talem vt sit ex natura rei; entia verò realia ex natura rei habent suam immutabilitatem: hoc sensu; quia quandocunq; existunt; cum tali essentia, & proprietatibus existunt, licet non semper absolute existant. Vnde fit vt illa necessitas entium rationis, cum non sit ex natura rei, nec ad actum realem deduci possit, non sit necessitas simpliciter sed ex suppositione apprehensionis; entium verò realium est necessitas simpliciter quia est ex natura rei & ad actum realem deduci potest.

*De rebus fa-  
ctibilibus quo-  
modo non sit  
scientia.*

Dices tertio de rebus factibilibus non datur scientia; ergo nec de generalibus. Respondeo, si aliqua sint factibilia non secundum naturam, sed secundum artem tantum, de his non est scientia, quia sunt factibilia contingentem; at quæ sunt factibilia secundum naturam, vt sunt res omnes Physicæ generabiles, de iis potest esse scientia, quia sunt factibilia necessariò & naturali necessitate. Nam & ipsa generabilitas earum fundatur in natura earum, nempe in materia, quæ est principium generationis & corruptionis, & potest per eam demonstrari à priori.



## QVÆSTIO X.

*An veritas sit perfectio essentialis scientiæ?*

**E**x definitione scientiæ constat, scientiam esse cognitionem rei per causam, propter quam res est, & quod non contingat aliter se habere. Hinc autem sequitur scientiam non posse esse nisi veram. Nam id quod habet causam suam proprietatem, non potest esse nisi verum; falsum enim cum sit non ens, non habet sui causam ullam: id etiam quod aliter se habere non potest, necessarium est verum. Nam falsum quantumvis demonstratur ita se habere; potest nihilominus aliter se habere, imò verè aliter se habet: solum autem verum non potest aliter se habere, quia quod semel est verum ex natura rei, semper & in æternum est verum nec potest inquam non esse verum. Cum igitur constet scientiam necessarium esse veram, dubitatur nihilominus an veritas pertineat ad scientiam ut perfectio eius essentialis, an verò ut proprietas necessarium consequens eius essentialiam.

Dicendum igitur est iuxta ea quæ docuimus in disputatione 14: quæst. 2. Veritatem non esse perfectionem essentialem scientiæ, sed proprietatem tantum essentialem. Voco proprietatem essentialem, quæ ex essentia oritur, & essentiam est suo modo includit, quomodo passionem entis includunt ipsum ens sub aliqua negatione vel relatione. Ratio igitur huius conclusionis est: Quia veritas in communi est proprietas entis: Ergo et veritas scientiæ erit proprietas scientiæ: & sicut veritas entis addit ad ens conformitatem enti debitam; ita veritas scientiæ addit ad scientiam conformitatem ipsi debitam, quæ est conformitas cum obiecto, ut est à parte rei: essentia enim scientiæ consistit in cognitione rei per suam causam, ex tali verò essentia scientiæ, necessarium sequitur veritas; quia si res cognoscatur per propriam causam, cognitio illa necessarium erit vera: quia conformis rei habenti causam propter quam sit. Præterea certum est essentialia non habere causam: Cum igitur veritas scientiæ, habeat sui causam in essentia scientiæ, consequens est veritatem non esse scientiæ essentialem, sed solum eius proprietatem.

Ex quo sequitur primò: Scientiam immediate suam essentiam fundare veritatem, & non posse villo modo esse absq; veritate: Essentia enim scientiæ, est cognitio scientiæ non per causam, propter quam res est; talis autem cognitio seipsa est conformis rei potest esse et ex consequenti vera, & implicat contradictionem rem hoc modo cognosci & absq; veritate: cognitionem non esse veram.

Sequitur secundò. Cognitionem illam quæ caret veritate nullo modo esse scientiam essentialiter, nisi fortè similitudinariè: Nam licet veritas non sit de essentia scientiæ, oritur tamen ex essentia scientiæ tanquam proprietas inseparabilis ab illa. Quare sicut ubi non est risibilitas, ubi neq; rationalitas, quia risibilitas oritur ex rationalitate; ita ubi non est veritas, ubi neq; esse potest essentia scientiæ; quia veritas ad essentiam scientiæ consequitur.

Sequitur tertio. Errorum seu scientiam falsam quantumvis excedere videatur in scientia certitudine & evidentia, non esse scientiam essentialiter, sed tantum similitudinariè, habereq; se ad scientiam, sicut aurum fictum ad verum, & hominem fictum ad hominem verum, ut ex dictis in disput. 14. quæst. 2. patet. Et ratio scientiæ essentialiter,

*Veritas non  
perfectio  
essentialis sci-  
entiæ, sed pro-  
prietas tantum  
essentialis.*

*Cognitio ca-  
rens veritate  
non potest esse  
scientia essen-  
tialiter.*

*Error seu sci-  
entia falsa  
non potest esse  
scientia essen-  
tialiter.*

est: quia error caret eo quod est substantia ipsa scientiæ, siquidem non est cognitio rei per causam, propter quam res est.

At inquires, non esse de essentia scientiæ, ut in re sit causa sed ut in intellectu cognoscatur ut causa; scientia enim non dependet à causa extra intellectum, sed à causa cognita, & in intellectu existente. Nam sicut scientia est in intellectu, ita & omnia eius principia essentialia sunt in intellectu, imò & tunc cum causa vera rei cognoscitur, cognitio illa non dependet in suo esse à causa reali extra intellectum, sed solum à causa cognita. Respondeo. Quamvis causa cognita, sit principium essentialia scientiæ; tamen non quæcunque causa cognita est talis, sed solum illa, quæ verè est causa, & verè conformis rei: ita enim in definitione scientiæ dicitur, propter quam res est, & quod propter illam, non contingat aliter rem habere: Causa verò falsa non est illa, propter quam res est, nec eam vim habet, ut propter illam non contingat rem aliter se habere, cum potius talis sit, ut demonstrari possit, neque esse vera causa, neque propter illam rem aliter se habere non posse. Et hæc est sententia Aristotelis 1. Poster. tex. 5. ubi distinguit scientiam existimatam & sophisticam à scientia simpliciter. Et sophistas quidem ait existimare, sic se rem habere, scientes verò ait habere. Ibidem etiam docet, non ens non esse scire, id est, falsum sciri non posse: si ergo falsum non est scibile, neque scientia falsa erit: scientia.

*Ad veritatem  
scientiæ per-  
tinet veritas  
conclusionis  
etiam ut pen-  
det ex talibus  
præmissis.*

Sequitur quartò: Ad veritatem scientiæ non solum pertinere veritatem conclusionis secundum se & quasi materialiter sed etiam ut pendet ex talibus præmissis, ita ut vi talium præmissarum sit vera conclusio; alioqui non sciretur propter quid formaliter sit vera conclusio, quod tamen intenditur in demonstratione, quam ratione innuit Aristot. 2. Prior. cap. 2. ut autem conclusio sit vera propter præmissas, necesse est ipsas præmissas esse veras, ut in eadem disputatione cum Aristotele ostendimus.

## QVÆSTIO XI.

*An scientia possit esse simul cum errore in  
eodem intellectu?*

**Q**uæstio est non de quocunque errore sed solum de eo qui est contrarius scientiæ. Potest enim error esse duplex vel contrarius scientiæ, si nimirum illi opponatur per modum affirmationis vel negationis, vel non contrarius ut si idem quod scio per medium verum cognoscam per medium falsum, ut si cognoscam hominem esse risibilem quia sensivus est. Hic etsi error sit non tamen oppositus scientiæ: & ideo potest esse cum scientia nisi scientia sit ita perfecta, ut cognoscatur nulla alia esse posse causa talis conclusionis tunc enim per modum affirmationis vel negationis opponitur illi error, quia est per medium falsum.

Item quæstio potest institui tam de actu quam de habitu. Et quidem in diversis intellectibus vel in eodem intellectu diverso tempore, non est dubium esse posse errorem & scientiam, tam respectu diversorum obiectorum, quam respectu eiusdem obiecti. At id quod quæritur est, an in eodem intellectu respectu eiusdem obiecti eodem tempore, possit esse error & scientia. Potest autem triplex institui compositio, actus cum actu, habitus cum habitu, actus cum habitu.

Dico primò, Actus scientiæ non potest vlllo modo simul stare cum actu erroris contrarie opposito. Explico: Contraria etsi non possunt esse simul in eodem subiecto in gradu intenso tamen possunt esse simul in gradu remisso. v. g. calor vt octo, non potest esse simul cum frigore vt octo, potest tamen calor vt quatuor esse simul cum frigore vt quatuor, vt patet in aqua tepida: scientia vero ita est contraria errori vt in nullo gradu possit esse simul cum actu erroris in eodem subiecto. Idem probatur ex natura scientiæ, quæ ex sua ratione essentiali excludit omnem actum erroris; ita enim per actum scientiæ intellectus persuasus est de obiecto vt impossibile existimet esse aliter se habere: vbi est autem talis persuasio nullus locum relinquitur contrariæ persuasioni & errori, sed omnis contraria persuasio eo ipso excluditur ab intellectu; alioquin intellectus existimaret simul idem esse possibile & impossibile. Et sicut in Physicis idem non potest simul accedere & recedere ab eodem, ita non potest intellectus assentiri peritæ alicui subiecto & dissentiri ab eodem. Et sicut perfectus calor excludit omne frigus à subiecto etiam in minimo gradu; ita actus scientiæ cum sit perfectus essentialiter, etiam in minimo gradu excludit omnem gradum erroris ab intellectu.

At inquit scientia & error non opponuntur sibi nisi eo modo quo contraria: at contraria possunt se compati in aliquo gradu; ergo scientia & error. Ad hoc duplex est modus respondendi. Primus est contraria esse duplicis generis. Quædam enim non habent oppositionem perfectam nisi ex intensiōe, vt calor & frigus, alia verò habent oppositionem perfectam ex sua essentia. Quia verò essentiam habent in quolibet minimo gradu totam, ideo in minimo gradu excludunt totum contrarium: Talis est scientia, quæ in sua essentia dicit perfectam oppositionem cum errore; per actum enim scientiæ existimat intellectus impossibile aliter rem se habere, ac ex consequenti omnem etiam contrariam persuasionem reputat impossibilem. Deinde affirmatio & negatio, cum involvant contradictoria, non possunt esse simul in eodem, etiam in minimo gradu: quia negatio tollit omnem affirmationem; error autem & scientia opponuntur sibi per modum affirmationis & negationis: Ergo non possunt esse simul in eodem in vlllo gradu. Secundus modus docendi est scientiam non solum ex ratione contrarietatis sed etiam ob impossibilitatem obiectorum non posse esse simul cum actu erroris in vlllo gradu; per actum enim scientiæ impeditur & tollitur omne obiectum erroris, quia in lumine scientiæ apparet improbabile & falsum & sit vt intellectus non possit simul assensum præbere errori, postquam per actum scientiæ iudicavit aliter rem habere non posse. Porro non solum contraria, sed & impossibilia simul esse non possunt. Sic duo corpora non possunt esse simul in eodem loco propter impossibilitatem & impenetrabilitatem, non propter contrarietatem quantitatum: Sic idem corpus non potest simul accedere & recedere ab eodem; quia non potest esse simul in duobus locis, quæ impossibilitas convenit corpori circa vllam contrarietatem. Vnde sublata hac impossibilitate per Dei potentiam, & posito vno corpore simul in duobus locis, poterit idem corpus sine novo miraculo naturaliter accedere & recedere ab eodem. Neque hi motus vllam inter se contrarietatem habebunt. Pari ergo ratione scientia & error quatenus in contraria obiecta, & contrario modo hoc est per modum assensus & dissensus, affirmationis & negationis, feruntur secundum communem legem contrariorum non possunt esse simul in eodem in gradu intenso; quatenus verò scientia specialem obicem ponit

*Habitus scientie potest stare simul cum habitu erroris in gradu remisso.*

ponit errori auferendo omne obiectum erroris ut dictum est, sic fieri non potest ut intellectus eliciat villo modo actum erroris.

Dico secundò. Habitus scientie posse stare simul cum habitu erroris in gradu remisso. Explico, dupliciter nos posse discurre de habitu scientie: Primò, ut quemadmodum actus scientie non potest in villo gradu stare simul cum actu erroris, ita & habitus scientie cum habitu erroris: proportionem enim sibi respondentem actus & habitus, maxime quod quilibet gradus scientie habet repugnantiam cum omnibus gradibus erroris, quia ita perficit intellectum ut excludat omnem errorem. Secundo ut habitus scientie communi lege contrariorum possit simul stare cum habitu erroris in gradu remisso. Nam etsi actus scientie non possit in villo gradu stare cum actu erroris propter specialem rationem ut dictum est; tamen habitus non habent tantam repugnantiam, sed sequuntur legem communem contrariorum. Posse enim maiorem repugnantiam esse in actibus quàm in habitibus ostendi potest exemplo ascensus & descensus, qui motus non possunt simul esse villo modo, & tamen gravitas & leuitas, quæ sunt principia ipsorum, possunt esse in eodem, v.g. in vapore, qui habet & leuitatem ignis & gravitatem aquæ. Et hic secundus modus nobis videtur probabilior. Nam experientia constat per vnum actum scientie & habitum ex eo consequentem non excludi penitus habitum erroris oppositum: manet enim propensio, & facilitas ad priores actus. Quod idem in fide divina videmus: Nam cum quis ex hæretico sit Catholicus & si ex fide habeat summam certitudinem, excludentem omnem dubitationem, tamen reuertitur propensiones & facilitates ad priores actus, donec frequenti actu fidei penitus aboleantur.

*Habitus scientie non potest simul stare cum actu erroris.*

Dico tertio. Habitus scientie non posse simul stare cum actu erroris. Non quidem ob repugnantiam aliquam Physicam (ea enim solam est inter actum & actum, habitum & habitum) sed quia in lumine scientie obiectum erroris non potest habere rationem veri; per habitum enim scientie est ita dispositus intellectus, ut omni contrarium errorem sibi propositum iudicet falsum, ac ex consequens illum non admittat, sicut oculus rectè dispositus & illuminatus, non aduenit deceptionem circa obiectum sibi propositum & rectè applicatum. Et huc etiam spectat quod Aristoteles 1. Poster. text. 5. ait; Oportet scientem à credulitate impermutabilem esse. Pro quo notandum est, in intellectu duplices esse habitus, apprehensivos & iudicativos. Potest igitur apprehensio erroris stare simul cum habitu scientie qui est iudicativus, sed non potest stare iudicium erroris: Nam licet intellectus possit apprehendere errorem, non tamen assentiri illi.

*Scientiam habens non cadit in errorem oppositum.*  
*Scientia non corrumpitur per errorem.*

Ex quo sequuntur duo. Primò, cum qui semel acquisivit scientiam non possit errorem oppositum incidere, scientia id prohibente. Secundò scientiam non posse corrumpi per errorem, quia stante scientia, non datur locus actui erroris. Hactenus omnia intelligenda sunt per se & ex natura rei loquendo, & de eo qui non est oblitus scientie, ac potest vii habitu scientie. Nam si amisit scientiam vel per oblivionem, vel per morbum, tunc potest elicere actum erroris. Similiter posset manente habitu scientie elici actus erroris imperfectus, & indeliberatus ante plenam advertentiam rationis, non autem actus perfectus & deliberatus. Deinde per se & ex natura scientie est ut excludat errorem, penetrans terminis: errori vero per accidens est excludere scientiam, quia scilicet non penetrantur termini.

Quod

Quod si obiciat, stante fidei certitudine, quæ est summa, datur locus errori contra fidem; ex fidei enim potest quis fieri infidelis: Ergo etiam stante scientia, potest esse locus errori. Respondeo disparem esse rationem: Nam fides obscura est & propter suam obscuritatem vincitur sæpè ab evidentia opposita; scientia verò non solum certa est, sed etiam evidens, & idcirco non habet unde cadat errori.

Dico quartò: Habitus erroris stare simul potest cum actu scientiæ, quia nec per habitum cum eo habet repugnantiam, neque potest impedire actum scientiæ, nec per habitum generatum ex actu scientiæ totus destruitur, sed tantum secundum aliquam sui partem. Patent ista ex dictis.

*Habitus erroris potest simul stare cum actu scientiæ.*

## QVÆSTIO XII.

## De certitudine scientiæ &amp; an stare cum opinione possit?

Certitudo est firma adhesio obiecto per cognitionem. Provenit autem certitudo, Primò ex evidentia ut in Mathematicis demonstrationibus, quæ propter evidentiam sensibilem certissimæ habentur, & illis firmissimè adhæret intellectus. Quæ enim habent evidentiam sensibilem iis firmissimè adhæret intellectus licet non sit summa necessitas in obiecto, sed aliquando sit contingens: sicut & Petrum currere, etsi nullam habeat intrinsicam necessitatem ex terminis, propter solam evidentiam sensibilem coniunctionis est certissimum. Secundo ex maiori necessitate & immutabilitate obiecti: quæ enim sunt magis necessaria & immutabilia, si cognoscantur, fiunt certa etiam absque evidentia. Sic res fidei propter divinam revelationem creditæ, habent summam certitudinem etiam si in se non sint evidentes, sed obscuræ: quia ex divina revelatione habent summam necessitatem & immutabilitatem; impossibile enim est id quod Deus revelat aliter se habere.

*Certitudo quid sit & unde proveniat?*

Potest scientia ratione certitudinis opponitur opinioni; scientia enim est certa & firma; opinio incerta & infirma, & cum formidine opposita: meritoque quæritur, An ea oppositio sit tanta, ut scientia & opinio stare simul in eodem intellectu non possint? Prima sententia est Averrois, 1. Post. text. 122. Phil. lib. text. 125. D. Thomæ 2. 2. quæstione 1. Articulo quinto. Cair. ibidem. Alb. & Aegyptii in fine Post. Scoti 3. d. 24. q. 1. Greg. quæst. 2. Prologi art. 4. Hi enim aiunt intellectum non posse esse certum & incertum simul de eadem re, firmum & infirmum circa idem convictum & non convictum: ut per scientiam est certus, firmus, & convictus de re, per opinionem verò non est certus nec firmus, nec convictus; siquidem opinio non adfert intellectui certitudinem & firmitatem: Ergo non potest simul intellectus habere opinionem cum scientia. Neque dici potest posse intellectum per diversa media esse certum & incertum. Nam pari ratione omnes effectus contrarii fiunt à qualitatibus diversis, & tamen simul esse non possunt. Et sicut quis non potest per diversa media credere eandem rem esse veram & falsam, ita non potest de eadem re habere certitudinem & incertitudinem; & quæ enim verum & falsum repugnant circa idem, sicut certum & incertum. Confirmatur. Quia scientia ex natura sua excludit ab intellectu omnem formidinem de opposito:

*Scientia ratione certitudinis opponitur opinioni.*

quia

quia persuadet intellectui, impossibile esse rem aliter se habere: Ergo non relinquit ullum locum opinioni, quæ secum fert incertitudinem, & possibilitatem aliter se habendi. Et sicut non potest esse quis simul firmus & debilis, sanus & infirmus, ita nec potest idem intellectus esse firmus per scientiam, & infirmus ac debilis per opinionem. Et hæc sententia videtur esse Arist. 1. Post. ult. ubi docet expressè non esse idem opinabile & scibile, nec de eadem re posse haberi opinionem & scientiam. Deniq; negatio certitudinis vel est de essentia opinionis, vel certè illam necessariò consequitur; siquidem opinio est cognitio ex se non certa.

Alii oppositum sentiunt nempe scientiam posse stare cum opinione. Etsi enim repugnet scientiam stare cum cognitione positivè incerta & coniuncta actuali formidini; tamen opinio non est talis cognitio, quæ sit positivè incerta, & quæ habeat necessariò actualem formidinem oppositæ, sed solùm est incerta, hoc est, non asserens ex se certitudinem intellectus, sed solùm probabilitatem & veri similitudinem, quod potest esse absque actuali formidini, nempe ostensa rei verisimilitudine, non ostensa ratione dubitandi, & formidandi. Vnde distinguunt hi auctores duplicem formidinem in opinione: alteram actualem cum actu dubitandi de opposito; Alteram potentialem, cum ex vi mediæ & rationis probabilis posset dubitari de opposito, actu tamen non venit ad dubitationem, vel quia non consideratur oppositum, vel quia impeditur dubitatio certitudine aliqua aliunde accedente. Ita Alensis 1. parte quæst. 79, Mem. 3. Bonav. 3. d. 34. art. 1. q. 3. Dur. q. 1. Prologi.

Pro solutione notandum est opinionem tribus modis accipi posse: Primò ut & communiter, pro omni assensu intellectus, quomodo & scientia & fides & suspicio dicitur opinio, quia est cognitio cum assensu. Secundò. Strictè & propriè pro assensu probabili. Dicitur autem probabilis qui non est necessarius, ac proinde non est certus. Vnde Aristot. 3. Ethic. cap. 2. ait ea quæ opinamur, non admodum nos scire quia non scimus necessariò. Porro hic assensus probabilis si sit absolutus, dicitur opinio; si verò non sit absolutus, dicitur suspicio; quæ enim suspicamur non absolutè asserimus, sed fortè ita esse putamus. Conveniunt ergo opinio & suspicio in hoc, quòd uterque est assensus incertus; differunt autem, quòd opinio est assensus incertus absolutè elicitus, suspicio vero non est actus absolutus, sed cum imperfectione quadam assensus.

Tertiò accipitur opinio strictè sumè, pro assensu rei contingentis. Cum enim opinio natura sua non sit assensus firmus, proprium & connaturale illius obiectum est contingens; contingens enim, ex natura sua habet, ut sit illo modo imperfecto & infirmo cognoscibile. Et hoc modo sumpsit Aristoteles opinionem in fine primi Posterior. ubi docet scibile non esse natura sua opinabile, & è converso quia idem non potest esse necessarium, & contingens secundum idem: At omnis natura sua scibile est necessarium, & omnis natura sua opinabile est contingens. Ergo nullum opinabile est scibile, nec scibile opinabile. Vnde etiam sequens de eodem non posse haberi opinionem & scientiam, neque in eodem intellectui neque in diverso: item neque simul neque successivè, si nimirum scientiam accipiamus respectu obiecti natura scibilis, & opinionem respectu obiecti natura opinabilis.

In secunda verò acceptione sumpsit opinionem Aristoteles 3. Ethicorum cap. 2. Vbi distinguit opinionem ab electione & docet nos ea opinari, quæ non admodum

*Opinio tripliciter accipitur.*

modum scimus, id est, imperfectè non omnino scimus, sive ea sint æterna & necessaria sive contingentia & in nostra potestate. In primò verò sensu accipit 7. Ethicor. cap. 3. nonnulli inquit opinantes non ambigunt, sed certò se scire existimant, quia leniter credunt & non minorem iis quæ opinantur, quam alii iis quæ sciunt, idem adhibent.

Notandum est secundò, Nos hic loqui de opinione in secunda acceptione, ut dicitur assensum incertum; nam ut ait Aristoteles 1. Poster. ultimo. Opinio incertum quiddam est & natura talis. Explicandum igitur est unde opinio incertitudinem, & qualem habeat. Et quidem incertitudo est imperfectio quædam cognitionis; Perfectio autem & imperfectio cognitionis, aliqua sumitur ex obiecto modo perfectio vel imperfectio cognito, aliqua verò ex intellectu, quando intellectus circa idem obiectum & eodem modo ex parte obiecti, cognitum, elicit actum intensiorem vel remissiorem, maiori vel minori conatu & influxu. Incertitudo igitur opinionis scilicet & certitudo Scientiæ sumitur ex obiecto; Non enim in potestate intellectus est esse certum de obiecto, sicut in potestate est intensum actum vel remissum elicere; nisi enim habeat obiectum necessarium vel simpliciter vel ex suppositione, non potest esse de illo certus.

*Opinio Indefinita & qualis habeat incertitudinem.*

Quod si quæras. quoniam sit obiectum assensus incerti? Respondeo, quando intellectus iudicat aliquid ita esse non omnino, tunc assentitur obiecto incertè, quod Aristoteles vocat non admodum scire, idem enim est non admodum scire & non omnino: quare obiectum opinionis est res ut non omnino talis cognoscitur. Dices, Ergo non posset quis opinari nisi illam negationem (non omnino) expressè cognosceret.

*Assensus incertus quodnam sit obiectum?*

Respondeo quod sicut ad hoc, ut sit cognitio necessaria, non est necesse explicite & quasi in actu signato cognoscere obiectum esse necessarium, sed sufficit cognoscere rem eo modo quo est necessaria, licet explicite necessitas ipsa non cognoscatur, ita ad hoc ut cognitio sit incerta non est necesse ut formaliter & in actu signato cognoscatur esse contingens, vel posse aliter se habere, sed satis est ut cognoscatur eo modo imperfecto ex parte obiecti ut obiectum non omnino sciatur, nec cognoscatur sub ea ratione qua necessarium est; verè enim tunc nullam videbitur intellectus in obiecto necessitatem, propter quam illi firmiter adhareat: adharebit ergo infirmo & imbecillo assensu.

Notò tertio: Cum opinio sit essentialiter assensus incertus, non posse esse de obiecto certo seu cuius habeatur certitudo ab intellectu. Nam eo ipso quòd esset de obiecto de quo haberetur iam certitudo, non posset esse opinio incerta, sed certa. Nam certitudo illa impediret essentialem opinionis incertitudinem. Nam cognita vel supposita certitudo obiecti, concurreret ad certitudinem assensus, una cum medio probabilis, quod licet ex se non esset sufficiens ad causandum assensum certum superius tamen obiecti certitudine produciatur assensus certus & indubius: Qui quidem non est assensus opinionis, sed assensus fidei & credulitatis, qua certo aliquid credimus sive propter auctoritatem, sive propter rationem; ut vult Gregor vel dicitur potest assensus is innominatus non habens proprium nomen. Ex quo patet de opinione opinionis esse, ut sit assensus incertus, hoc est, sine firma adhesionem ad obiectum.

*Opinio non potest esse de obiecto certo.*

Hinc igitur positis, Dicendum est Actum opinionis non posse stare simul cum actu simul stare cum actu. Ratio est: Quia non potest simul haberi assensus certus & incertus circa eundem actum.

*Opinionis actus non potest simul stare cum actu scientiæ.*



idē: ut opinio est assensus incertus, scientia est assensus certus. Ergo nō potest simul haberi opinio & scientia de eodem. Maior patet: quia certum & incertum involvunt contradictoria; incertitudo enim est negatio certitudinis.

*Respons. 1.*

*An per diversa media possit  
qui simul esse certum &  
incertum?*

Respondent primò per diversa media posse intellectum esse certum & incertum. Nam per demonstrationem est certus, per medium probabile incertus. Sed contra: Contradictoria non possunt verificari de eodem etiam per diversa media; aliqui posset quis affirmare & negare idem de eodem etiam propter diversa media, similiter & credere aliquid esse verum & falsum propter diversa media, quod est impossibile: si ergo certitudo & incertitudo sit contradictoriè opposita, hoc est, per modum affirmationis & negationis, non poterit villo modo fieri, ut utraque verificetur etiam per quæcunque media; nulla enim media possunt facere, ut contradictoria sint simul vera, & idem simul sit & non sit secundum idem, recteq; Aristoteles 4. Metaph. infert tanquam absurdum, si quis contradictorius assentiat, fore ut habeat simul opiniones contrarias; affirmando enim adhaereret obiecto, negando verò recederet ab obiecto: aut igitur certitudo & incertitudo non opponuntur contradictoriè; aut si opponuntur non possunt per diversa media verificari.

*Respons. 2.*

Respondent secundò. Incertitudinem opinionis non opponi certitudini scientiæ, quia sunt in distinctis subiectis immediatis; incertitudo quidem in actu opinionis, certitudo in actu scientiæ, sed contra. Primò: hoc modo negatio & affirmatio eiusdem de eodem non opponerentur contradictoriè, & possent esse simul in eodem intellectu. Secundò, licet incertitudo in actu opinionis & certitudo in actu scientiæ, non opponuntur contradictoriè ex parte subiecti, quia non sunt in eodem subiecto immediato, sicut immortalitas animæ, & mortalitas corporis, quia sunt in diversis proximis subiectis, non opponuntur contradictoriè, etiam si ista in vni hominem coeant, & eidem homini tribuantur; tamen ex parte obiecti habent le contradictoriè, versantur enim circa obiectum contradictionis modis: scientia quidem credendo esse certo tale; opinio vero credendo esse tale, sed non certo; licet ergo eadem res non potest esse in se simul talis & non talis, ita neq; simul certa & non certa, quia sunt ista contradictoria.

*An possit esse  
assensus neq;  
certus neque  
incertus.*

Dices assensum opinionis terminari ad obiectum absolute, ut est tale, abstractendo à certo & incerto, sed contra: nullus assensus à parte rei & in actu exercitio potest abstractere à certitudine, & incertitudine: si enim intellectus firmiter adhaereat obiecto, habebit assensum certum; si non firmiter, habebit assensum incertum; inter quæ cum sint contradictoria, non datur medium: & licet intellectus possit abstrahere assensum in genere, ut est quid superius ad assensum certum & incertum; potest enim genus abstrahi à speciebus, tamen in re non potest elicere assensum qui nec sit certus nec incertus: quia si firmiter intellectus adhaereat obiecto erit assensus certus, si non firmiter erit incertus. Firmum autem & non firmum contradictoria sunt; inter contradictoria autem non datur medium: non datur igitur medium inter assensum certum & incertum. Quoniam non est necesse ad assensum certum & incertum, ut obiecti certitudo vel incertitudo cognoscatur explicitè & in actu signato (hoc enim neque in actu scientiæ videmus) sed satis cognosci in actu exercitio, hoc est, eo modo, quo obiectum fundat certitudinem & incertitudinem.

*Respons. 3.*

Respondent tertio. Opinionem esse incertam negativè non positivè: quia per tale medium, quod non affert quidem certitudinem, sed neque assensum certitudinem.

certitudinem: porro incertitudo negatiua non opponitur certitudini scientiæ, sed solum incertitudo positiua, qua expressè dubitatur de opposito.

Sed contrā. De ratione opinionis est, vt sit incerta positiuè. Pro quo noto. Per medium probabile potest intellectus dupliciter assentiri.

*Opinio incerta positiuè.*

Primo. Coniungendo illud medium cum alio medio certo, & sic per illud non opinabitur, sed certus erit; ex conjunctione enim cum certitudine alterius medi, quasi certitudo habet suam certitudinem & firmitatem: Nam & is qui ex se est infirmus ad trahendum, si alteri firmo coniungatur, reddetur firmus & sciens.

Secundò vtendo solo medio probabili absque villo respectu ad certitudinem aliunde habitam; & sic per tale medium habebit intellectus assensum incertum, non solum negatiuè sed etiam positiuè. Ratio est: quia ille dicitur assensus incertus, qui sit per aliquod medium, quod ex se non causat certitudinem: incertus vero positiuè, qui sit per aliquod medium quod non solum non causat certitudinem, sed etiam positiuè causat incertitudinem: atqui cum intellectus ob solum medium probabile assentitur, non solum ex vi illius medi, non causat in se certitudinem, sed etiam positiuè causat incertitudinem; quia per illud medium non firmiter adheret obiecto: Cumque ille assensus nec ex se sit firmus, nec ex conjunctione cum alio, est simpliciter & positiuè infirmus & incertus, quia habet in se positiuum fundamentum incertitudinis & incertitudo necessariò consequitur ad illud, cum non habet vnde impediatur; sicut cæcitas ad illam dispositionem prauam oculi.

Dices; Consequi incertitudinem sed negatiuam, quia ex vi talis medi non est certus intellectus, non verò positiuè incertus, quia non est necesse vt dubitet & fluctuet.

*Insensibilis.*

Sed contra: Si ex vi talis medi intellectus non sit certus, & aliunde nullam habeat certitudinem; sit vt per tale medium sit simpliciter & omnimodè incertus, & sic positiuè erit incertus; quia habet positiuum fundamentum incertitudinis, & nihil habet quod illam incertitudinem impediatur, & excludat. Neque enim ad incertitudinem positiuam requiritur dubitatio, & fluctuatio; hi enim actus plus diuerunt quam incertitudinem. Nam incertitudo constituitur negatione certitudinis, oritur ex natura actus & modi tendendi: Dubitatio verò præter hoc dicitur etiam ad opinionem inclinationem, qui est actus distinctus ab assensu purè incerto; Obiectum enim assensus incerti, est res ipsa per se accepta, absque opposito; Obiectum verò assensus dubii, est res cum opposito. Præterea sicut adhuc vt scientia sit certa positiuè, non requiritur vt explicitè cognoscatur res illa non posse aliter se habere, sed sufficit quod fundet ex se talem cognitionem explicitam: ita in opinione non requiritur vt explicitè cognoscatur posse res aliter se habere, quod in dubitatione & inclinatione accidit, sed satis est vt eo modo cognoscatur quo modo non potest certò & firmiter cognosci sed affert intellectus causam vt possit fluctuare & dubitare.

*Soluitur.*

Sed obicitur primò. Si opinio non potest stare cum scientia, id est, propterea, sed formido de opposito sit de essentia opinionis; at hoc est falsum. Ergo. Minor probatur. Quia si formido oppositi esset de essentia opinionis, non posset haberi opinio de re vera & necessaria; hoc autem est primo contra Aristotelem 1. 2. 1. 1. Cum ait in diuersis intellectibus posse de eodem esse opinionem & certitudinem: Secundò contra rationem qua potest obiectum verum & necessarium

non perfectè cognosci quā necessarium; tunc autem iudicium de illo non erit firmum, sed infirmum, & opusativum. Deinde, aut is qui habet opinionem de re vera, & necessaria, existimat rem illam posse aliter se habere, aut talem existimationem non habet: Si primum; habebit opinionem falsam; falsum enim est, verum & necessarium posse aliter se habere, & sic de re vera non posset haberi opinio: si secundum, Ergo non erit de essentia opinionis formido.

*Formido non  
est de essentia  
opinionis.*

Respondet. Formidinem non esse de essentia opinionis. Neque ideo opinionem esse incertam essentialiter, quod opinans existimet possibile aliter esse; hic enim actus est distinctus ab opinione, & nova quædam opinio de opposito obiecto. Cum ipsa opinio fuerit de solo obiecto: ideo ergo est incerta, quia non est eius firma adhesio obiecto propter eius inevidentiam. Porro ex hac infirma adhesionem, sequitur etiam formido oppositi, sed tanquam actus distinctus ab opinione; aliud enim est non firmiter adherere obiecto, propter eius imperfectam ab intellectu apprehensionem; aliud formidare de opposito, propter rationem aliquam persuadentem oppositum posse aliter se habere; sed satis est ut non existimet, ita opinio se habere.

Obiicitur secundò. Verum absolutè, abstrahitur à vero necessario & vero contingenti: Cum ergo opinio sit de vero absolutè per medium probabile, ostendendum eius tantum venisimilitudinem, sequitur quod opinio abstrahat tam à necessitate obiecti, quàm à contingentia & ex consequenti, tam à certitudine quæ fundatur in necessitate, quàm ab incertitudine quæ fundatur in contingentia. Respondet posse quidem verum in genere considerari ut abstrahit à necessario & non necessario, à certo & incerto: in re tamen non potest dari assensus circa verum, quod non sit aut necessarius aut non necessarius, aut certus aut non certus; ista enim sunt contradictoria. Quare & circa verum absolutè, necesse est assensum esse aut certum aut incertum, si sit cum firma vel non firma adhesionem ad obiectum.

Obiicitur tertio. Opinio iuvat potius quàm tollit scientiam: Ergo potest iterum scientia. Antecedens patet primò: quia Philosophi vivunt rationibus probabilibus ad confirmandas suas opiniones, de quibus habent scientiam ut patet in Physica & Metaphysica Aristotelis. Secundò: fideles habent à fide summam certitudinem, & tamen rationes probabiles adhibent ad fidem confirmandam non minuendam, ut patet ex sanctis Patribus, qui multis rationibus probabilibus veritatem fidei nostræ comprobant.

*Rationes probabiles qualiter  
assensum causant.*

Respondet Gregor. tales rationes non causare assensum opinionis (hic enim non potest esse nisi dubius & incertus) sed ostendere solum conformitatem rerum scilicet cum probabilibus. Verum si Greg. loquatur de assensu propriè opinati, verum dicit quia tali assensui cum sit incertus non est locus, ubi habetur scientia. At si negat causari vltimò omnium assensum, videtur id valde difficile. Experiunt enim nos subum confirmari talibus rationibus: & quamvis hæ rationes non possunt in tali subiecto quod habet certitudinem scientiæ, causare assensum incertum, possunt tamen causare assensum certum; quia ad talem assensum concurrunt non solum illa ratio probabilis, sed etiam persuasio certa quæ habetur per alium actum, illo obiecto; utroque enim medio concurrente intellectus elicit firmum & incommutabilem assensum: Sicut si quis infirmus firmo alicui fulcro innititur consistit firmus cum ex se non possit consistere.

Dicendum tamen est: Illas rationes probabiles neque certum neque incertum

assensum causare in eo qui habet scientiam perfectam. Quia hæc est natura intellectus ut non curet elicere imperfectum assensum, quando habet perfectum, cum ex imperfecto nullam perfectionem cognitionis acquirat, & sic frustra eliceret assensum imperfectum. Vitur tamen illis rationibus non ad assentiendum obiecto sed ad ostendendum conformitatem obiecti sciti cum aliis opinionibus, quod potest fieri absque eo, quod illis assentiatur. Nam siue illas credat esse veras siue non, potest ostendere illas, quales quales sunt esse conformes rebus scitis. Potest tamen aliquando intellectus propter rationes probabiles assentiri obiecto scito, quando vel scientiam habet perfectam, vel illam actu non considerat, sed supponit ante habeam; hinc enim ex ea in confuso apprehensa vna cum rationibus probabilibus, potest elicere firmum assensum obiecti sciti; quia tunc supposita illa imperfecta ratione scientiæ, acquirit aliquod lumen probabilitatis, à rationibus probabilibus, & acquirit ab illis aliquam perfectionem, quam non acquirit cum perfecta scientia vitur. Posset etiam dici utramque rationem tam probabilem quam scientificam concurrere ad causandum eundem assensum per modum vnius causæ totius.

*Rationes probabiles nullum assensum causant in eo qui habet scientiã perfectam.*

Obiicitur quartò. Si opinio esset in se incerta, sequeretur auctis rationibus probabilibus augeri incertitudinem, cum singulæ rationes adferant novam incertitudinem: hoc autem est falsum. Nam rationes probabiles quo plures fuerint, minuantur potius quam augent incertitudinem; alioqui potius obessent quam prodescent, quod est contra experientiam.

Dices augeri quidem incertitudinem ex vna parte, sed augeri etiam probabilitatem ex altera. Contra: Si utrumque augetur ergò plures rationes magis incertum hominem redderent, quia in pluribus rationibus probabilibus sunt plures rationes incertitudinis; & vt minimum non posset crescere absolute probabilitas, quia quantum additur ex probabilitate, tantum additur ex incertitudine.

Respondeo primò, etiam suspicio est essentialiter assensus cum formidine, & tamen auctis signis suspicionum, non augetur formido sed minuitur: Ergo idem in opinione dicendum est.

*An auctis rationibus probabilibus augetur formido?*

Respondeo secundò: incertitudinem in opinione auctis rationibus probabilibus, alibi quidem, sed ita vt superetur probabilitate, & ex consequenti etiam simpliciter minuitur: semperquè maius pondus est probabilitatis, quam incertitudinis, vt patet experientia: argumentum verò supponit ista æqualiter augeri.

Dices. Ergo possent tot rationes probabiles multiplicari, vt tandem omnis incertitudo tolleretur, & sic esset opinio sine incertitudine. Respondeo negando: Nam quemadmodum suspicio quantumcunque augeatur nunquam erit sine formidine, alioqui non esset suspicio; ita pari ratione, si fiat multiplicatio rationum probabilium intra latitudinem opinionis, nunquam peruenietur ad opinionem sine incertitudine: quod si perueniatur ad aliquem assensum sine incertitudine, is iam non erit assensus opinionis, sed assensus certus & non dubius, qui communi ratione dicuntur fides vel credulitas.

Obiicitur quinto: Sequeretur quòd quantò quis fortius conaretur opinari, tantò magis vellet fieri incertus, quod est falsum. Respondeo: Primò id non valere in suspitione, Ergo nec in opinione. Secundò respondeo probabilitatem opinionis minuire simpliciter incertitudinem suo augmento non augere vt dictum est.

*Incertitudo in  
opinione potest  
spectari du-  
plex.*

Ex quibus patet, primo; duplicem incertitudinem in opinione spectari posse, alteram opinioni essentialem, quæ est de ipso opinionis obiecto, quod vero simile creditur; alteram opinioni accidentalem, quæ est de opposito obiecto, scilicet quod oppositum eius, quod opinione creditur, sit possibile. Patet autem hanc incertitudinem esse accidentalem opinioni; tum quia est de distincto obiecto, quod sic stante primo, potest non cogitari, ita potest non esse obiectum opinionis; tum quia talis incertitudo habetur per distinctum actum à priori (distinctorum enim obiectorum sunt etiam actus distincti) atqui hi actus habent distincta obiecta: ergo & ipsi sunt à se distincti; nec vnus de essentia alterius. Denique formido oppositi est distincta quædam opinio à priori: nam prior opinio erat de obiecto ipso, hæc vero est de opposito obiecto.

*Scientia actu-  
ali posita de-  
struitur opi-  
nionis obie-  
ctum.*

Patet secundo. Posita actuali scientia ex ipsa certitudine obiecti, destrui obiectum opinionis, quod requirit ut sit non certum, seu omnino tale. Non opinatur enim certa & nota, sed incerta & ignota, sicut neque suspicamur nisi ignota; posita verò scientia, non potest representari intellectui obiectum incertum. Cum ratione scientiæ sit certum, & quod habetur pro certo, non potest simul esse & credi incertum. Idem autem iudicium est de aliis actibus, qui etiam sub similibus negationibus in obiecta feruntur. Talis enim est actus suspicionis; non enim suspicamus certa, sed incerta. Talis etiam est actus spei, qui est rerum absentium non presentium; quæ enim videt quis quid speret? inquit S. Paulus. Similiter etiam fides est solum rerum inuidenter cognitarum, quæ non videntur nec sciuntur; scientia enim, ut ait D. Gregorius, agnitionem dicit non fidem.

*Opinio in nullo  
gradu potest  
stare cum sci-  
entia.*

Patet tertio: Actum opinionis non posse in vilo gradu stare cum actu scientiæ; quia totum obiectum opinionis destruitur per actum scientiæ. Dices destrui quidem obiectum opinionis per actuale scientiam & certitudinem actualem de obiecto, non verò per habitum.

Respondco. Verum id esse: quia habitus scientiæ, non nisi mediante suo actu, impedit propositionem obiecti opinionis, cum igitur non semper utamur habitu scientiæ, neque necessarium est ut occurrente medio aliquo probabili, habitus scientiæ statim prorumpat in actum: hinc fit ut existente habitu scientiæ in intellectu, de non considerante actualiter suum obiectum, possit elici actus opinionis. Nam actus habitui per se non est contrarius, sed actus actui.

*Quæsitum  
Primum.  
Habitus opini-  
onis & scientiæ  
debent dici  
contrarii:  
quemadmodum  
& actus?*

Quæritur primo. An quemadmodum actus opinionis, & scientiæ sunt contrarii & impossibiles, quia ex natura sua contradictorio modo feruntur in obiecta, ita & habitus. Ex vna enim parte videntur esse contrarii. Eadem enim est proportio habitus ad habitum quæ actus ad actum: atqui actus scientiæ & opinionis sunt contrarii & pellunt se inuicem; ergo & habitus. Neque alia est via cognoscendi habitus contrarios nisi ex actibus. Quare aut nulli habitus erunt contrarii, quod est contra experientiam; videmus enim habitus per contrarios habitus tolli: aut videntur habitus contrarii, qui inclinant ad contrarios actus.

Ex altera verò parte, Actus opinionis non est contrarius quoad substantiam actui scientiæ, sed potest esse quoad substantiam cum actu scientiæ, ergo & habitus. Quod ita ostendo. Actus opinionis causatur quoad substantiam ex modo probabili. Si igitur sit solus, id est, non coniunctus alteri actui certo aut medio certo, relinquatur in sua incertitudine actuali, quia nec ex se est certus, nec inuenitur alteri actui certo, unde sine certitudine & firmitate tendit in obiectum. Si verò iungatur

ut actui certo; ex coniunctione cum illo, acquirit accidentaliter certitudinem & firmitatem; & manens idem quoad substantiam, desinit actus esse opinionis, quia desinit esse incertus; siue incertitudine enim actus ille, non est actus opinionis. Et licet incertitudo non sit essentialis illi actui quoad substantiam, siquidem manet quoad substantiam sublata incertitudine, est tamen essentialis actui illi ut est opinio, non enim dicitur opinio assensus certus, sed incertus. Sic firmitati dicimus essentialem esse connotationem nasi, licet ea non sit essentialis curvitati; quia curvitas sine illa concipi potest, non autem firmitas. Ex quo patet eam actus opinionis & scientiæ quoad substantiam non sint contrarii, sed tantum quoad modum accidentalem; sequitur habitus eam ipsos non esse contrarios, posseque eundem habitum inclinare ad suum actum, non solum tunc quando ille actus est actus opinionis, sed etiam quando desinit esse actus opinionis, seu quando desinit esse actus incertus. Et sic soluitur opposita ratio dubitandi.

Quæres secundò. An per medium necessarium possit haberi opinio, & per medium probabile scientia? Respondetur, si medium necessarium cognoscatur ut necessarium, non posse per illud haberi opinionem, sed scientiam; si verò cognoscatur non ut necessarium, sed ut probabile, potest per illud haberi opinio. Nam etiam in demonstratione si cognoscatur causa, sed non ut causa, non facit demonstrationem, ita ut merito Aristoteles in definitione scientiæ adiecerit, ad scientiam necessarium esse, non solum ut cognoscatur res per causam, sed etiam quòd illius causa est; seu ut cognoscatur causa formaliter non solum materialiter. Ex quo sequitur; per idem medium, unum posse habere demonstrationem, alterum verò opinionem, si nimirum hic non penetret vim medi necessarii, & solum confusè & imperfectè illud apprehendat. Similiter si medium probabile cognoscatur solum ut probabile, non generabit nisi opinionem; si verò cognoscatur ut necessarium, generabit scientiam existimatam, quia & ipsum medium est necessarium existimatum.

Quæres terciò. An si multiplicentur probabilia, tandem possit certus & firmus assensus haberi? Cum enim multiplicentur rationes probabiles fit firmior assensus: Ergo si multiplicentur in infinitum, erit infinitè firmior assensus, ac ex consequenti certus simpliciter & scientificus. Dicendum tamen est multiplicatis rationibus probabilibus, non generari ex illis assensum certum, sed probabilem, licet infinitè probabiliorum. Ratio est; quia ista multiplicatio est intra latitudinem probabilitatis neque excedit limites probabilitatis. Ergo solum causabit assensum multò probabiliorum, & intra latitudinem probabilis assensus, non verò certum & scientificum; quia sic excederet suos limites, & transcenderet genus assensus probabilis, & transiret ad genus assensus certi. Potestque dari exemplum in corpore quod si augeatur in infinitum in perfectione corporis, nunquam perveniet ad perfectionem spiritus; quia istæ perfectiones sunt diversorum generum. Confirmatur: quia non solum singulæ rationes sunt probabiles, sed & omnes simul: Ergo omnes simul non excedunt perfectionem assensus probabilis.

*Quæstio secundum.*

*Opinio potest haberi per medium necessarium, & scientia per medium probabile.*

*Quæstio tertium.*

*Multiplicatis rationibus probabilibus non generatur assensus certus, sed probabilis.*

## QVÆSTIO XIII.

*De evidentia scientiæ?*

*Evidentia duplex consequentiæ & consequentiæ.*

*Evidentia consequentiæ est duplex, intrinseca vel extrinseca.*

*Ad scientiam requiritur evidentia consequentiæ.*

**E**videntia duplex distingui solet: Altera dicitur consequentiæ; Altera consequentiæ: illa innitur regulis bonæ consequentiæ, & præcipue illis duobus principiis evidentissimis, Dici de omni & dici de nullo, in quibus fundantur consequentiæ omnes syllogismorum in tribus figuris. Quamquam non nego evidentiam consequentiæ posse haberi etiam ex re ipsa siue regulis consequentiæ explicite in actu signato consideratis, ut patet in demonstrationibus Mathematicis, in quibus ex evidentia connexionis, quam habet consequens cum antecedente, inferitur conclusio: Ex evidentia enim causæ inferitur effectus sine dependentia ab aliis rebus.

Altera verò illa evidentia consequentiæ, est evidentia rei ipsius; potestque esse vel intrinseca vel extrinseca. Intrinseca est si habeatur per medium ex natura rei connexum cum extremis siue à priori siue à posteriori, ut in demonstrationibus, aut si ex terminis ipsis immediate res cognoscatur, ut in principiis per se notis. Extrinseca autem est, quando per medium extrinsecum res cognoscitur evidenter, ut per auctoritatem attestantis evidenter cognitam: si enim mihi sit evidens, Deum aliquid revelare, evidens etiam erit, esse verum; quod enim Deus revelat, evidens est esse verum. Unde conclusio per tale medium illata erit evidens, non solum evidentia consequentiæ, sed etiam evidentia consequentiæ; licet hæc evidentia sit extrinseca naturæ rei: auctoritas enim divina revelans non pertinet ad naturam rei.

Dico igitur Primò: ad scientiam requiritur evidentiam consequentiæ. Ratio est: quia scientia non est quæcumque cognitio rei per causam, sed est cognitio per illationem & discursum. Ergo nisi sit evidens illatio & discursus, non erit evidens scientia; evidentia autem illationis est evidentia consequentiæ: Ergo. Nam si possumus habere perfectam notitiam illationis siue evidentiam, posset quis fortè existimare, siue evidentiam, haberi perfectam illationem & consequentiam, hoc est, indubitatam & certam; at quia humana cognitio non potest habere certitudinem nisi ex evidentia (quæ enim obscurè apprehendimus, non intelligimus, & per illam non reddimur certi) idcirco siue evidentia non possumus esse certi de bonitate consequentiæ. Confirmatur. Quia ad scientiam requiritur non solum ut sciamus rem aliquam, sed etiam ut sciamus nos scire. Quia scientia nostra non solum est cognitio per causam, sed etiam cognitio per illationem; unde non solum debemus esse certi de causa, sed etiam de illatione; quia ab utroque scientia nostra discursus dependet; reddimur autem certi de illatione per evidentiam consequentiæ.

Sed obiicit. Hinc sequi ad scientiam de aliqua re habendam, duplici demonstratione opus esse, una ex principiis rei ipsius, quæ faciat evidentiam consequentiæ, alia ex principiis consequentiarum, quæ faciat evidentiam consequentiæ: hoc autem est falsum. Primò. Quia in definitione demonstrationis, nulla fit mentio bonæ consequentiæ, sed tantum principiorum & consequentis, quæ sola si adhibeantur, proculdubio generabunt scientiam. Secundò: quia sequeretur demonstrationem non positam in forma, sed positam in mala forma non esse demonstrationem.

Denique



Denique ad demonstrationem satis est ut faciat scire rem per causam, per quam res est, & quod non contingat aliter habere siue hæc causa sit in forma syllogistica, siue non. Respondeo: Evidentiam consequentiarum dupliciter à nobis haberi posse; primo explicitè, & in actu signato, applicando principia & regulas bonarum consequentiarum, & probando ex principiis bonarum consequentiarum bonam esse conclusionem, & tunc demonstratio consequentiarum est distincta à demonstratione consequentis. Secundo implicitè & in actu exercito, quando ex evidenti connexionè terminorum in præmissis habemus evidentiam, & quod conclusio sit vera, & quod sequatur ex præmissis, & tunc evidentia consequentiarum non est re distincta ab evidentia consequentis, sed ratione tantum, nec eget demonstratione distincta à demonstratione consequentis. Dicimus igitur non opus esse duplici demonstratione, sed vnam sufficere, quæ faciat utriusque evidentiam, & consequentiarum & consequentis. Quare cum in definitione demonstrationis traduntur principia ex quibus sit evidentia consequentis, eo ipso traduntur principia facientia evidentiam consequentiarum, quia eadem principia utrumque præstant, licet sub diversâ ratione. Porro principia logica facientia evidentiam consequentiarum, non sunt necessaria simpliciter ad demonstrationem, sed tantum ad bene esse; quia evidentia rei potest supplere defectum principiorum Logicorum, ut patet in demonstrationibus Mathematicis, quæ conuincunt etiam cum quia nunquam didicit Logicam potestque demonstratio esse demonstratio etiam si non sit in forma Logica, qui tunc habebit evidentiam & certitudinem ex re ipsa, non ex Logica.

*Evidentia consequentiarum dupliciter in nobis haberi potest.*

Dico secundo. Evidentia consequentis ad rationem scientiarum absolute non requiritur, sed tantum ad rationem scientiarum perfectarum. Ratio enim essentialis scientiarum absolute saluatur absque evidentia principiorum; si enim principia fide diuina credantur, & habeatur de illis certitudo perfecta, inferetur ex illis conclusio necessaria; erit enim cognitio rei per causam, propter quam res est, & quod non contingat aliter se habere, quæ est ratio essentialis scientiarum: Ergo sine evidentia principiorum potest haberi scientia, ac ex consequenti sine evidentia consequentis; siquidem evidentia consequentis tota sumitur ex evidentia principiorum. Talis est scientia Theologica, quæ ex principiis fide creditis, aut altero saltem fide credito, altero lumine naturali noxæ infert conclusionem absque evidentia consequentis cum sola evidentia consequentiarum, ut si dicam Omnis homo est risibilis; Ergo Christus est risibilis.

*Evidentia consequentis ad rationem scientiarum absolute non requiritur.*

Quod si dicas: hoc modo etiam sine evidentia consequentiarum posse haberi scientiam, si consequentia fide diuina credatur. Respondeo, si diuinitus reuelaretur & confirmaretur certitudo consequentiarum, posset scientia haberi sine dicta evidentia, & sufficeret ad scientiam absolute, quia esset necessaria rei cognitio & perfecta quoad certitudinem: at quia ordinariè non reuelantur nobis consequentiarum nec reales nec Logicæ, ideo dicimus via ordinaria & humana non posse haberi certitudinem consequentiarum sine evidentia consequentiarum.

At obicies. Evidentia consequentis est essentialis perfectio demonstrationis: quia non est accidens aliquod sed substantia ipsa cognitionis. Respondeo, esse quidem essentialem demonstrationi tali in specie, non verò demonstrationi in communi, sicut rationalitas est essentialis tali animali in specie, non verò animali in communi. Poterit haberi perfectior evidentia vel ex perfectiori ingenio, vel ex medio perfectiori; nam per causam evidentius res demonstratur, quam per effectum.

*Ad euidentiā  
consequentia  
requiritur eui-  
dentiā utriusq;  
præmissæ.*

*Ex una in-  
evidenti præmissa  
& altera eui-  
denti sequitur  
conclusio in-  
evidens.*

Dico tertio. Ad euidentiā consequentis requiritur euidentiā utriusque præmissæ. Ratio est: quia euidentiā conclusionis causatur ex euidenti connexionē mediū cum utroque extremo; Quia enim connectuntur cum medio euidenter in præmissis, ideo connectuntur euidenter inter se in conclusione; atque ad connexionem mediū cum utroque extremo requiruntur duæ præmissæ. Ergo ad euidentiā conclusionis requiritur euidens connectio in utraque præmissa.

Ex quo infero si una præmissa sit euidens, altera inevidens conclusionem sequi inevidentem: semper enim conclusio sequitur debiliorem partem; & bonum ex invidenti causa existit, malum ex singulis defectibus. Quod si dicas: futuram conclusionem in tali casu parum evidentem ratione extremi unius, partim inevidentem ratione alterius extremi. Respondeo, euidentiā in conclusione potest esse duplex; alia terminorum simplicium, alia connexionis illorum: in dicto ergo casu, esset alterius termini euidentiā, sed non esset formaliter euidentiā conclusionis quæ consistit formaliter in connexionē extremorum inter se; non potest autem euidentiā connexionis extremorum haberi nisi ipsa connectantur euidenter cum medio in præmissis.

## QVÆSTIO XIV.

*An scientia stare possit cum fide divina?*

QVæstio esse potest tam de actu quam de habitu. Quantum ad primum, sunt duæ sententiæ. Prima tenet hos actus non esse impossibiles, ita quidem recentiores. Ratio est: quia neque sunt impossibiles ex obiecto, quia sunt de eodem obiecto: neque ex mediis & rationibus assentiendi; quia medium quod est ratio assentiendi in scientia est causa passionis, medium vero in fide est authoritas vel relatio divina, quæ duo neque sunt contraria neque impossibilia: neque denique ex modo assentiendi claro & obscuro; tum quia claritas & obscuritas in diversis subiectis existentes non opponuntur sed solum in eodem, & hic claritas est in scientia obscuritas in fide. Ergo non opponuntur; tum quia per diversa media, non repugnat idem cognosci clarè & obscurè; si quidem potest intellectus eicere semper assensum proportionatum utrique medio & rationi assentiendi; sicut igitur ipsa media sibi non repugnant, ita & assensus illis proportionati sibi non repugnant.

Confirmatur primò. Quia res quæ demonstrantur possunt confirmari authoritatibus Philosophorum: Ergo multò magis authoritate divina. Secundò Philosophus habens scientiam de Deo, non posset credere, si non posset credi nisi id quod est inevidens. Tertio. Fidelis acquirendo scientiam de Deo amitteret fidem & non posset amplius credere id quod scit. Amitteret etiam meritum fidei; Fides enim non habet meritum, ubi humana ratio præbet experimentum. Denique damnum meum esset fidei acquirere scientias; quia per illas impodiretur ab actu fidei. Quotò sufficit fidem esse obscuram ex parte actus, non ex parte obiecti; quia scilicet versatur circa obiectum absque euidentiā; ex actu enim fidei non habetur euidentiā obiecti, licet illud obiectum in se sit euidens per actum scientiæ.

*Fidei actus nō  
potest stare  
cum scientia.*

Secunda Sententia est communis Theologorum, imò & sanctorum Patrum non posse fidei actum stare cum scientia quam probat S. Thomas secunda secundæ quæstione

quæstione 1. art. 5. & Gregor. quæst. 2. Prologi art. 2. Ratio est: quia de essentia fidei propriè dictæ est ut sit cognitio rei ignotæ non apparentis, neque visæ; Cùm igitur per actum scientiæ tollatur propria ratio obiecti fidei non est possibile elici actum fidei simul cum actu scientiæ. Porro Antecedens probari potest primò Theologicè ex definitione fidei Heb. 11. Fides est substantia rerum sperandarum, argumentum non apparentium; quam esse definitionem cognoscit August. 13. de Trinitate cap. 1. & communiter Theologi: si igitur fides est cognitio, qua res sperandæ substantiant, proculdubio non est cognitio rerum evidèntium sed inevidèntium; Quæ enim videt quis, quid sperat? similiter si fides est convictio & argumentum non apparentium: Ergo eorum quæ apparent non est fides. Deinde communis est Patrum & Theologorum sententia, fidem & spem (ut minimum quoad actum) non manere in patria quod colligunt ex S. Paulo 1. Corinth. 13. Huius autem non aliam rationem assignant aut assignare possunt, nisi quòd id, quod videtur credi non possit. Nam etiam in cælo autoritas Dei visæ non potest esse ratio credendi rei in Deo visæ, solum ex eo quod res visæ credere non possumus.

Philosophicè verò probatur primò ex definitione vel descriptione fidei, ab omnibus tradita secundum quam proculdubio est disputandum, non secundum eam quam quis sibi fingit contra communem omnium sensum, vtendum enim est nominibus secundum impostitam significationem non imponenda noua significatio: omnes igitur in definitione siue descriptione fidei hoc requirunt, ut sit cognitio rerum incurrentium & ignotarum, & propterea res quæ sciuntur credi non posse quia sciuntur. Ita August. Enchi. cap. 9. definit fidem, convictionem eorum quæ non videntur, idquè probat tum ex definitione data ab Apostolo ad Heb. 11. tum à simili de spe, spes enim quæ videtur non est spes, Rom. 9. Idem habet 8. de Trinitate & 13. de Trinitate cap. 1. & 4. Idem D. Gregor. in homilia quidam; Quæ apparent non habent fidem sed agnitionem. Hugo de S. Victore P. 10. c. 2. definit fidem esse certitudinem animi de rebus absentibus. Et ibidem P. 2. c. 3. ait quædam esse ex ratione, quædam secundum rationem, quædam supra rationem, quædam contra rationem. Ex ratione sunt necessaria, secundum rationem sunt probabilia; supra rationem mirabilia, contra rationem incredibilia; & quidem duo extrema fidem (inquit) non capiunt; quæ enim sunt ex ratione omnino nota sunt, & credi non possunt quoniam sciuntur, quæ verò contra rationem sunt nulla similiter ratione credi possunt, quia nullam suscipiunt rationem.

Secundò probatur: Quia experimur in habente euidentem rei notitiam, auctoritatem dictis nullum causare vel augere assensum; si enim omnes homines mihi dicerent, quòd ego viuam, vel quòd nix sit alba, ignis calidus, non plus huic veritati assentire, quàm si nullus diceret, solum ex eo quòd euidenter video me viuere, &c. ita ut nihil me moueat autoritas dicentium ad assentiendum cum maiorem euidentiam reihabeam. Cuius hæc ratio reddi potest. Intellectus enim assentitur aliquid veritati per aliquod medium, ut aliquam perfectionem rei notitiam acquirat; atque habendo euidentiam rei in se non potest acquirere perfectionem notitiam ex autoritate dicentium. Non potest igitur habita rei euidentia, ob auctoritatem dicentium credere.

*Experientia  
idem probat.*

Dices: hoc verum esse, de fide humana, non de diuina, quæ cùm certior sit quam scientia, potest asserre aliquam perfectionem maiorem intellectui, quàm locutio. Respondeo fidem diuinam non posse stare cum scientia quia essentialiter est

*Fides diuina  
non potest sta-  
re cum scientia.*

est cognitio rerum non apparentium. Ex quo patet, an stante scientia, possit propter autoritatem diuinam elici aliquis assensus circa rem illam euidentem: nam si sit actualis scientia non potest talis assensus elici, quia subiectum non est actus obsecuti quando habet clarum.

Quod si autoritas diuina cum ratione scientifica concurreret ad vnum assensum, is assensus non esset Fidei sed scientiæ: quia esset euidentis & perfectus.

*Responsio 1.*

Respondent aduersarii primò: non repugnare per diuersos actus & diuersa media haberi simul notitiam euidentem & ineuidentem de eadem re, quia hæc euidentia & ineuidentia, sunt in distinctis subiectis id est actibus: Contradictoria autem in diuersis subiectis sibi non repugnant. Sed contra. Licet ista euidentia & ineuidentia quatenus sunt in diuersis actibus non opponuntur sibi contradictoriè, tamen quatenus sunt circa idem obiectum opponuntur sibi contradictoriè; idem enim secundum idem non potest esse eadem simul visum & non visum, vti in simili in præcedenti Quæstione de certo & incerto argumentabamur, & ob eandem causam deduximus non posse idem de eodem affirmari simul & negari, etiam per diuersos actus. Dices, potest cum veritate dici rem eandem esse visam à me oculis & non visam auribus: Ergo etiam potest dici res illa euidentis per scientiam, ineuidentis per fidem. Respondeo, aliud est rem non esse visam simpliciter, aliud est tali medio non esse visam; nam cum solum medium negatur, non negatur simpliciter esse visum, sed solum quod et si visum sit, non tamen vi illius medi: at actus fidei requirit essentialiter in obiecto, vt non sit visum simpliciter; Cum enim desinunt Detectores fidem esse non apparentium volunt simpliciter esse non apparentium, non solum non apparentium per actum fidei, sed per quemuis alium actum: Quare manifestè sequitur de eodem obiecto affirmari contradictoria si de illo sit simul scientia & fides.

*Responsio 2.*

Respondent secundò: Non esse de ratione fidei vt sit assensus rei euidentis vel ineuidentis, sed solum vt sit assensus propter autoritatem dicentis, siue res illa sit euidentis siue ineuidentis. Sed contra; Constat fidem diuinam non habere hanc indifferentiam, sed esse ex natura sua determinatam ad res ineuidentes, vt patet ex autoribus citatis. Si verò non actu habeatur rei euidentia, sed habitu, seu si supponatur habita, tunc potest quidem elici assensus ob autoritatem diuinam, sed tunc actu obiectum non erit euidentis: quare aut non potest dari talis habitus, indifferens ad obiectum euidentis & ineuidentis; aut si daret non potest tamen fieri vt simul & semel eliciatur actum euidentem & ineuidentem, quod est modo in quæstione. Denique talis actus rei euidentis, non esset propriè & formaliter actus fidei, sed alius quidam actus alterius speciei, & alio nomine vocandus: neque habitus ille communis, esset habitus solus fidei, sed communis ad fidem & alios actus.

Ex his patet ad fundamentum primæ sententiæ: Est enim repugnantia ex obiectis; idem enim obiectum non potest simul esse euidentis & ineuidentis. Et licet euidentia & ineuidentia sint in diuersis actibus, tamen sunt respectu eiusdem obiecti, & in eodem intellectu: Contradictoria autem etiam per diuersa media nullo modo verificari possunt.

Ad primam confirmationem Respondeo, autoritates illas non causare vnum assensum nec augere; sed solum valere vel ad persuadendum aliis qui rei euidentiam non habent, vel ad ostendendum res scitas esse conformes aliorum etiam opinionibus. Ad secundam. Philosophus habens scientiam, et si dum actu considerat me-

dum demonstratiuum non potest idem credere per fidem, potest tamen dum illud medium actum non considerat; tunc enim idcirco est capax actus fidei, quia nō habet actum euentiam obiecti. Dices si Philosophus omnium rerum fidei haberet euentiam, non posset conuerti ad fidem, & per consequens non posset saluari; quia sine fide impossibile est placere Deo. Respondeo casum naturaliter esse impossibilem; si tamen Deus supernaturaliter infunderet alicui scientiam omnium rerum quas credimus; in tali casu non posset is elicere actum fidei, sed Deus prouideret illi aliam cognitionem supernaturalem per quam eum dirigeret ad finem supernaturalem per actus supernaturales, ut saluari posset.

Ad tertiam. Fidelis acquirendo scientiam non posset quidem simul habere actum fidei & scientiæ, tamen posset elicere actum fidei tunc cum actum non meminerit scientiæ demonstratiuæ, sed illam supponit in confuso. Deinde quatenus scientia tollat fidei actum, circa illud obiectum, tollendo ineuentiam obiecti, quæ est de ratione formali obiecti fidei; non tamen tollit meritum, quod est à charitate parata credere si non esset illi euidens: nec esset nunc damnum fidei; quia ut ait August. 1. de Trinitate cap. 11. optabiliter rerum verarum in easdem res præsentis & euidens fides transit, perfectius enim scitur res euidenter, quam ineuidenter.

Ex dictis infero: propter easdem rationes scientiam naturalem alicuius obiecti non posse stare cum scientia Theologica eiusdem obiecti: quia scientia Theologica infert in euentem conclusionem ex principiis fidei; non potest autem eadem conclusio simul esse euidens & ineuidens. Posset tamen in tali casu Theologus formare demonstrationes non ut eis assentiatur, sed ut videat esse conformes rebus suis.

Quantum ad secundum. Dico primò. Habitum scientiæ posse stare cum actum fidei. Nam neque habitus habet Physicam oppositionem cum actum, sed cum habitu; neque necesse est habitum scientiæ tunc prorumpere in actum quando elicitor actum fidei; potest enim scienti non occurrere ratio demonstratiua tunc cum proponitur illi obiectum credendum. Simili modo probatur Habitum fidei posse stare cum actum scientiæ.

Dico secundò. Habitus scientiæ & habitus fidei diuinæ possunt stare simul; Neque enim sibi Physicè repugnant, quia non sibi opponuntur per modum affirmationis & negationis nec sub his rationibus inclinant ad suos actus.

At inquires; actus fidei non potest stare cum actum scientiæ naturali: Ergo nec habitus. Respondeo esse discrimen de actum & habitu: Nam licet actus fidei, Physicè repugnantiam cum actum scientiæ non habeat ex parte sui, habet tamen ex parte obiecti: quia non potest habere suum obiectum formale ineuidens, statim actum scientiæ euidens; per euentiam enim scientiæ destruitur ineuentia obiecti fidei; hoc autem non habet locum in habitibus; quia habituum existentia non pendet à propositione obiecti.

*Fidelis habet scientiam, an eliciat actum fidei.*

*Scientia naturalis alicuius obiecti non potest stare cum scientia Theologica eiusdem obiecti.*

*Habitus scientiæ potest stare cum actum fidei.*

*Habitus scientiæ & habitus fidei diuinæ possunt stare simul.*

*Actus & habitus fidei differunt.*

## QVÆSTIO XV.

*An habitus scientia in intellectu sint res distincta à speciebus intelligibilibus?*

*Habitus dari  
probat.*

Certum est dari in nobis qualitates quasdam quæ dicuntur habitus: Experientiam enim in nobis ex actibus frequentatis facilitatem & promptitudinem maiorem ad actus similes, quod non posset esse nisi ex actibus frequentatis relinquatur aliqua qualitas, quæ nos promptos & faciles ad similes actus redderet: Nam ipsi actus cum transeant, non possunt seipsis hanc facilitatem & promptitudinem nobis præstare; Id enim quod desit esse non habet ullam vim ad aliquid præstandum; Ergo id quod præstat nobis facilitatem & promptitudinem, transacto actu est aliqua res & qualitas relicta post actum, & hæc dicitur habitus. Cum verò hanc promptitudinem & facilitatem maiorem ex actibus frequentatis experiamur cum in intellectu quàm in voluntate, dicimus in utraque potentia dari habitus utriusque potentie proportionatos. Est quidem in voluntate habitus essentialiter sunt inclinationes quasdam ad bonum propositum, quia & actus voluntatis, ex quibus sunt geniti habitus, sunt inclinationes actuales in bonum; ex inclinatione enim actuali generatur inclinatio habitualis: habitus verò intellectuales, quid sint essentialiter, non est ita certum.

*Habitus scientie  
est certa  
coordinatio  
specierum in-  
telligibilium.*

Prima sententia est dicentium Habitum scientiæ nihil esse aliud, quàm certam coordinationem specierum intelligibilium, Cum enim aliquid demonstravimus, nihil aliud facit intellectus nisi res simplices apprehensas, inter se ordinat secundum varias habitudines, quas habent ad inferendam conclusionem.

Fundamentum est. Quia per talem coordinationem specierum sufficienter subiacet ratio scientiæ absque productione novæ alicuius qualitatæ: Ergo nihil aliud est spectans ad essentiam habitus præter species ordinatas. Antecedens probatur. Nam in primis solæ species intelligibiles antequam sint ordinatæ, sufficientes ad causandum actum iudicii & assensum (nulla enim alia qualitas in intellectu præcedit primum actum iudicii, nisi species) Ergo eadem species si sint ordinatæ facilius bunt intellectum, ad eundem actum iudicii. Fiunt autem ordinatæ per ipsum actum iudicii componentis unam cum alia, ita ut una sit cum altera coniuncta & alteram sequatur, sicut in memoria videmus. Porro hic ordo frequentatis actibus conservatur ne dissolvatur vel pereat: nam & memoria frequenti eiusdem rei repetitione tum reparatur tum conservatur, citra ullam aliam intentionem. Et hoc modo explicat hunc ordinem specierum Capreol. in quæst. 3. Prologi, vocans illum visuale, quia intellectus ita disponit species ut prius videtur una quàm alia prius subiecto quam prædicato. Hanc sententiam esse S. Thom. plurimis testimoniis probat Capreolus loco citato, & Soncinas 6. Met. quæst. 9. quàm & robustè Auerrois, Scotus, Ariminensis. Et sanè dubitari non potest S. Thomam id aliquando sensisse. Primò, quia expressè id docet de veritate quæst. 20. art. 2. deinde habitum esse collectionem specierum ordinatarum ad cognoscendum. Et 3. dist. 14. a. 2. & 3. dicit habitum scientiæ institui per species quæ ad eundem modum cognoscuntur.

cognitionis reducuntur. Et 1. contra Genes. cap. 56. ait: Omnis intellectus fit in hominibus per aliquas species intelligibiles. Nam habitus vel est habitus quædam ad recipiendas species intelligibiles, quibus actu fit intelligibilis, vel est, ordinata congregatio ipsarum specierum intelligibilium. Et quidem priorem opinionem ex pro-  
 fectio refutat 2. contra Genes c. 73. posteriorem ergo sequitur. Secundo: quia pro fundamento huius sententiæ statuit, De potentia q. 2. a. 2. quia quidquid est in potentia intellectus aut est ipsa potentia intellectiva, aut species intelligibilis, aut actus intellectus, aut verbum. Secundum hanc igitur doctrinam non potuit S. Thomas sentire habitum nihil aliud esse nisi speciem. Quæ sanè authoritas D. Thomæ facit hanc sententiam non esse ita improbabilem, vt quidam opinantur; si enim tantus Doctor id sensit & toties docuit, non potest vel ob solam eius auctoritatem, non esse id probabile. At dices mutasse sententiam in prima secunda q. 54. art. 4. Cùm ait habitum esse simplicem qualitatem: primum id negat Soncinas; dicit enim S. Thomam non asserere id de habitu scientiæ, sed de habitu vniuersæ; deinde docere simplicem, id est, non constitam ex multis habitibus; tunc enim eundem habitum primæ conclusionis extendere se ad reliquas conclusiones illius scientiæ, sine vlla additione noui habitus. Sed etiam mutauerit opinionem, saltem negari non potest, antequam mutaret, probabiliter oppositam docuisse & defendisse. Maxime quod in 3. parte postquam illud scripserat in prima secunda retractatur iterum ad priorem opinionem qu. 12. art. 2. ostendens in anima Christi habitum scientiæ acquisitum fuisse, qui & abstractis speciebus à phantasmata constaret & per talem abstractionem successiuè augeri posset: imò & in prima secunda q. 63. statim docet, in habitibus intellectus formale esse species intelligibiles, materiale verò phantasmata. Neque obstat quod alibi docet S. Thomas, habitum acquiri per actus, species verò intelligibiles præcedunt actus: nam responderi potest secundum S. Thomam species non esse habitus quocunque modo, sed ordinatas, vt sic autem sequuntur actum non præcedunt.

Secunda sententia est, Habitum scientiæ non esse coordinationem specierum intelligibilium rerum simplicium, sed speciem iudicii illarum genitam ex ipso actu iudicii & conseruatam in intellectu. Ita Soncinas 6. Metaphys. quæst. 9. quam sententiam tribuit S. Thomæ qui tamen expressè de speciebus ex Phantasmatibus elicitis ab intellectu agente loquitur. Tribuit etiam Auerroï qui 1. Metaphysic. Comment. 2. 1. ait scientias non esse aliud, quam species & illa quæ constituentur ex vniuersali. Item Scotum, Gregorium, & communiter multos alios ait idem sentire.

*Habitus scientiæ non est coordinatio specierum intelligibilium.*

Fundamentum est: Quia habitus scientiæ, est id quod acquiritur per actum, facilitas ad Sciendum: at id quod acquiritur per actum sciendi, est similitudo quædam habitualis iudicii & assensus scientifici ratione cuius facilitatur intellectus ad similia iudicia facienda: Ergo talis similitudo seu species est habitus scientiæ, si quidem quæcunque habitus scientiæ tribuuntur, tali speciei conueniunt.

Tertia sententia est aliorum qui habitum scientiæ dicunt esse inclinationem quandam habitualement ad actus sciendi, non explicando, qualis sit ista inclinatio an ex similitudine habituali profecta; an verò distincta quædam res ab hac similitudine, per modum ponderis cuiusdam inclinans intellectum ad eum modum quo habitus voluntatis sunt quædam pondera voluntaria.



*Species in intellectu sunt duplices.*

Pro solutione Quæstionis notandum est primò, Duplices esse species in intellectu, alias antecedentes intellectionem, alias consequentes intellectionem; illæ generantur ab intellectu agente & Phantasmatibus, ut dicitur 3. de Anima, hæc generantur ab intellectu possibili per actum intelligendi: illæ sunt terminorum simplicium sicut & phantasmata ex quibus generantur, hæc terminorum complexorum. Verbi gratia, conclusionis vel enunciationis alicuius; illæ immediate servantur apprehensioni; hæc iudicio; illæ sunt simpliciter necessariae ad intelligendum, quia sicut sine phantasmatibus, ita & sine speciebus quæ ex phantasmatibus eliciuntur, non potest quidquam intelligi, complent enim rationem potentie & dant primam potestatem ad intelligendum, hæc verò non sunt simpliciter necessariae ad intelligendum, quia per solas primas species potest ab intellectu formari iudicium; sunt tamen necessariae ad recordandum: nam recordamur eorum, quæ ante cognovimus, res autem ante cognitæ, non sunt per se ipsas præsentibus intellectui. Ergo debent esse per suam similitudinem præsentibus, quæ similitudo est similitudo cognitionis vel rei ut cognitæ conservata in memoria, ut docet Aristoteles in libro de memoria & reminiscencia.

Quoniam non nego has secundi generis species esse quoque terminorum simplicium species, ut patet ex memoria, sed id quod ad rem nostram modò spectat est, quod sint species complexorum, seu iudicii complexi. Ratio autem qua probamus dari hæc duo genera specierum antecedentium & consequentium actum est hæc: quia non solum cognoscimus res in se, sed & res ut cognitæ à nobis, & cognoscimus cognitionem nostram: Ergo duplici specie, ad hæc duo genera obiectorum cognoscenda indigemus.

*Habitus dupliciter accipitur.*

Notandum est secundò. Habitus dupliciter accipi posse. Primò generaliter pro qualitate quacunque permanente & difficilè mobili, quemodo constituitur habitus prima species qualitatis. Secundò specialiter, pro qualitate operativæ permanente acquisita vel acquisibili per actus frequentatos, quæ non dat primam facultatem operandi, sed solum facilitatem ad operandum, & hoc modo hic loquimur de habitibus; nam primo modo nemo dubitat species intelligibiles esse habitus, quia permanent: Nam in potentijs sensitiivis exterioribus species intentionales sunt solum per modum passionis facile transeuntis & ideo non sunt habitus, in intellectu verò quia permanent, dicuntur habitus. Porro & prima sententia, cum species antecedentes intellectionem, vult esse habitum scientiæ, accipit illas ut ordinatas per actum intellectus, & secundum hoc vult esse consequentes actum. His ergo suppositis.

*Habitus scientiæ non est coordinatio specierum intelligibilium.*

Dico primò: habitum scientiæ non esse coordinationem specierum intelligibilium, ut prima sententia dicebat. Hanc conclusionem quidam probant ex eo quod explicari non possit, quidnam sit ista coordinatio specierum, & quomodo constituat rationem habitus. Nam cum hic ordo debeat esse quid impressum specibus per actum illud vel erit relatio, vel quid absolutum fundans relationem: non primum; quia relatio per se non producit, sed consequitur fundamentum & terminum: ad relationem enim non est per se motus, ut 5. Physic. docet Aristoteles; non secundum; quia non potest explicari, quæ res sit illa quæ imprimatur specibus, qualitas ne vel quantitas? Deinde ordo iste specierum quæto qualis est; an secundum situm? At species cum sint in subiecto indivisibilibus & ipsæ sint indivisibiles non habent situm; situs enim est corporum & in corporibus. Ad hæc si in subiecto

subiecto indivisibili ex toto simul existant, non habent in eo distinctum situm : an secundum causalitatem, quia nimirum una species prius causatur quàm altera ? at nec hoc dici potest ; quia species istæ sunt omnes causatæ ante scientiam, ergo hunc ordinem causalitatis non habent à scientia ; Ergo in tali ordine non consistit essentialis habitus, siquidem habitus est quid genitum ex actu scientiæ. An denique in ordine ad usum ? ut prius una specie, quàm altera utatur intellectus & altera post alteram. Verbi gratia, ut prius utatur subiecto quàm prædicato, prius majori extremo, deinde medio termino, tum minori extremo, & in hærentia terminorum. Verum hic ordo si determinatur ab extrinseco tantum (hoc est ab intellectu per actum extrinsecum utentem prius vno termino quàm alio) nil ponit in ijs speciebus, & sic species non erunt intrinsecè in seipsis habitus, quod tamen repugnat rationi habitus qui dicit intrinsecam facilitatem ad actum : Si verò sit intrinsecus speciebus debet dari aliquid in speciebus determinans species ad talem ordinem : Nam species ex se sunt indifferentes ad hunc vel illum ordinem, ut ergo habeant hunc ordinem determinatè, debent habere in se causam & fundamentum talis ordinis ; ordo enim cum sit relatio non potest convenire nisi propter aliquod fundamentum intrinsecum ; aliqui si ab extrinseco tantum conveniret hic ordo speciebus, non species determinarent intellectum ad usum illum ordinatum sed intellectus determinaret species, quod est contra rationem habitus qui debet intellectum determinare & inclinare ad talem actum ordinatum : in hac verò sententia se ipse intellectus determinaret ad talem usum determinatum, species verò nullam haberent vim determinandi intellectum. Respondet Capr. esse ordinem visualem ; Verum non satisfacit difficultati : nam hic ordo visualis, cum sit merè extrinsecus speciebus, non potest constituere species in ratione habitus cum habitus intrinsecè sit quid determinans intellectum ad actum. Nam quod dicit Capr. ordinem non esse essentialiter habitum, sed quid connotatum, seu species ut connotantes ordinem ; hoc inquam non est satis : Nam habitus debet esse ex sua essentia determinativus ad actum ; Ergo debet assignari aliquid essentialiale in habitu, ratione cuius sit determinativus. Et confirmatur : Quia habitus scientiæ est habitus indicativus non apprehensivus, species autem intelligibiles antecedentes actum, sunt habitus apprehensivi tantum, non indicativi : Ergo non sunt habitus scientiæ. Minor probatur : Quia sunt species representantes terminos simplices & incomplexos, sicut & phantasmata ad quorum similitudinem sunt factæ.

Verum hoc argumentum non continet. Responderi enim potest, species seorsim acceptas non determinare aut inclinare intellectum ad actum scientiæ sed coniunctim acceptas, quia coniunctim acceptæ repræsentant id unde intellectus determinatur ad tale iudicium & assensum scientificum. Verbi gratia, apprehendit intellectus hominem animal ratione, risibile, ex vi huius apprehensionis (quæ in scientia debet esse evidens & perfecta) videt connexionem horum terminorum inter se & causam connexionis unde ex consequenti determinatur tam ad coniunctionem terminorum inter se quàm ad concludendum hominem esse risibilem, quia rationalis, quæ conclusio est scientifica. Ex quo patet, quod licet coniunctio illa & coordinatio specierum sit ab extrinseco ut nihil ponat intrinsecum in ipsis speciebus, tamen efficit ut species sic coniunctæ habeant vim determinandi intellectum ad actum & assensum scientiæ, quam non haberent sine illo ordine & coniunctione : nā aliquid potest effici à causis coniunctis, quod à separatis effici non potest ;

non

non quod coniunctio (quæ est mera relatio) conferat illis novam vim causandi, sed quod coniungit vires iam habitas in vnum, sicut cum duo trahunt na vem, conungunt suas vires, & possunt coniunctis viribus trahere, quod singuli seorsum non possunt. Quare illa coniunctio & coordinatio specierum, non constituit formaliter rationem habitus cum sit mera relatio, sed ipsæmet species suis entitatibus coniunguntur, habent rationem habitus scientifici, quam non habent seorsum. Hoc enim modo responderetur ad confirmationem: Nam species illæ coniunguntur & ordinantur, habent rationem habitus iudicativi, quia repræsentant ea quæ determinant intellectum ad iudicium scientificum faciendum, & id præstant intellectui, quod præstaret habitus iudicativus si esset à speciebus distinctus.

Aliter ergo probanda est conclusio: Nomine enim habitus scientiæ non intelligimus quamcunque qualitatem in intellectu, disponentem ad actum scientiæ; sed qualitatem acquisitam per actum scientiæ, disponentem intellectum non simpliciter ad eliciendum actum scientiæ, sed solum ad promptè & faciliter eliciendum; hæc enim est natura habituum, de quibus hic loquimur ut patet inductione: atque species intelligibiles non sunt tales habitus: nam inprimis non acquiruntur per actum scientiæ sed ipsum antecedunt & causant: quod enim respondent causari, quoad coordinationem illam; id refellitur, primum ex eo, quod coordinatio illa, etiam secundum istos auctores sit solum conditio, non ratio essentialis habitus, quare adhuc verum erit species illas secundum rationem formalem habitus, non causari ab actu. Deinde illa coordinatio prius saltem natura causatur ab actu, quoniam ille actus habet rationem scientiæ, quia ex coordinatione illa specierum tanquam ex causa habet ut sit scientia; nisi enim intellectus coordinaret illo modo species, & eas coniunctè acciperet, non posset ex illis elicere actum scientiæ. Cum igitur causa prior sit natura effectui, & coordinatio illa sit causa vel conditio causæ, respectu actus scientiæ, sequitur talem coordinationem non causari ab actu scientiæ formaliter: & sic species etiam quoad coordinationem non sequi actum scientiæ, ut sententia est, sed potius ipsum antecedere saltem in priori naturæ.

Deinde speciebus sic ordinatis deest alia conditio essentialis habitus acquisiti, nempe ut non sit principium per se requisitum ad simpliciter eliciendum actum, sed tantum ad promptè & faciliter eliciendum; species enim ordinatæ sunt principium requisitum simpliciter ad eliciendum actum scientiæ, quia sine illis elici non potest: quare non est principium solum facilitans ad actum. Quod si dicas, facilitate ad actum maiori sua intentione. Contra: quia illa maior intentio specierum non provenit ab actu scientiæ sed ab intellectu agente producente eas ex phantasmatibus perfectionibus; non enim intellectus possibilis per actum scientiæ producit ut intendit illas species quæ eliciuntur ex phantasmatibus, sed solum species suæ cognitionis, ut mox dicam. Quocirca illa maior facilitatio quæ est in speciebus non est facilitatio habitus acquisiti de qua loquimur.

Denique licet species istæ intelligibiles, sint causa iudicii & assensus scientifici, non tamen sunt causa eo modo, quo habitus acquisiti sunt causa actus ad quem inclinant. Nam habitus acquisiti sunt causa immediatè actus ad quem inclinant, imò essentialiter non sunt aliud, quam inclinationes in actum, ut patet inductione; species verò non nisi mediatè sunt causa actus scientiæ; immediatè enim sunt causa solum apprehensionis simplicis, & quia in rebus apprehensis inter se coniunctis, est causa formandi iudicii & assensus de coniunctione ipsorum, idcirco consequenter sunt causa talis iudicii & assensus.

Responden

Responderi potest. Intellectum non esse capacem talis habitus acquisiti qualem descripsimus, & ideo solas species habere rationem habitus scientiæ: Quod autem non sit capax ex eo ostenditur: quia habitus acquisiti ponuntur propter difficultates tollendas quas in actibus experimur & facilitatem inducendam, ac posito semel actu scientiæ tollitur omnis difficultas in assentiendo propter claritatem & evidentiam obiecti. Ergo respectu actus scientiæ non est necessitas alterius habitus acquisiti. Idcirco enim in visu non est opus habitu, quia actus videndi est per se clarus & evidens & ex parte sua nullam addit difficultatem potentiæ. Idcirco etiam multi negant habitum acquisitum principiorum à speciebus distinctum; quia in assensu principiorum intellectus est evidentiæ terminorum convictus & necessarius ad assentiendum & ex consequenti liber ab omni difficultate. Similiter alij negant habitus scientiarum in Angelis circa res naturales propter evidentem & quidditivam representationem specierum, quibus sine ulla difficultate res naturales ab Angelo cognoscuntur.

Verum ad hæc respondeo primò si in nobis evidentiæ esset ita perfecta, ut in Angelis, posset habere aliquid verisimilitudinis hæc obiectio: at non ita se res habet. Nostra enim evidentiæ est cum magna in evidentiâ coniuncta; species enim nostræ non sunt propriæ rerum quas cognoscimus, sed alienæ. Nam sub rerum sensibilibus similitudinibus & involucribus essentias rerum & proprietates apprehendimus; Angelus autem habet proprias rerum species & quidditivè repræsentantes: quare maior est ratio de humano intellectu quàm de Angelico, ut habitu perficiente & facilitante indigeat quamquam & de Angelis non est certum illos carere habitibus; sicut & de habitu principiorum multi tenent esse verè habitum acquisitum.

Secundò respondeo: Experiencia certè docet, per actus scientiæ frequentatos nos reddi faciliores & promptiores ad similes actus scientiæ; sicut & in ludis accidit, qui non scit bene aliquem ludum, & illum non exercet, non est ita promptus ut facili ad ludendum, ut alter qui cum ludum sæpius exercet, cum tamen utriusque possint esse communes species ludi æquè evidentes, neque alia realiter ab altero differunt nisi exercitatione. Quod etiam simili modo experimur in habitu memoriæ; sæpius enim frequentato actu cognitionis, acquiramus habitum & facilitatem ad similes actus cognitionis, quam non habemus quando actus non frequentamus. Hæc ergo & similia manifestè indicant nos ex cognitione rerum acquirere novos habitus & facilitates ad cognoscendum quas ante frequentationem actuum non habebamus: hoc igitur & de habitibus scientiæ sentire par est.

Deo secundò. *Habitus scientiæ est qualitas ex actu scientiæ relicta disponens ad promptè & facili iudicandum & assentiendum.* Hæc est sententia communior, *ita quid sit.* quæ sequitur Caiet. Prima secundæ quæst. 4. art. 5. Medina ibidem Ferar. 1. contra Gentes cap. 14. Suarez disputat 44. de habitibus, Sotus quæst. 5. Proœmiæ Logicæ.

Et probatur primò: experientia de facilitate ex frequentatis actibus scientiæ acquiritur, quæ non potest saluari, nisi generetur aliqua qualitas ex actibus scientiæ frequentatis quæ maneat post actus. Nullus enim potest esse effectus formalis sine forma; Ergo nec facilitas ad scientiam potest esse, sine aliqua forma facilitante & subeunte hunc effectum formalem intellectui; hæc forma autem non est actus scientiæ transactus, quia non manet secundum se. facilitas autem manet: Ergo de-

*Probatur experientia.*

bet esse aliquid per actum scientiæ productum & manens; hoc autem productum non potest esse nisi qualitas aliqua: nam nec substantia est, nec qualitas, nec relatio, nec aliquid aliud ex alio genere prædicamenti.

2 Ratione.

Secundo ratione. Quia per actum scientiæ, producitur aliquid in intellectu quod est velut semen quoddam illius cognitionis, ratione cuius cognitio semel habita manet ita in mente habitualiter ut possit intellectus ex ea venire in cognitionem cognitionis ante habitum; quod non præstant species ante cognitionem habitam; hæc enim non representant cognitionem habitam, cum illam antecedant. Ergo necessario concedenda est aliqua qualitas à speciebus illis distincta, & ex actu scientiæ genita; quæ quidem qualitas debet esse simplex, sicut & actus scientiæ, ex quo est genita, est quid simplex. Dices hoc modo habitus scientiæ esset habitus memoriæ. Respondeo habitum scientiæ non esse formaliter habitum memoriæ: per habitum enim memoriæ formaliter recognoscimus obiectum, per habitum autem scientiæ cognoscimus simpliciter. Existimo tamen non differre realiter hos habitus, quia eodem habitu quo recognoscimus obiectum, etiam cognoscimus; sed quatenus recognoscimus, dicimus meminisse; quatenus cognoscimus, dicimus scire.

*Habitus scientiæ non est formaliter habitus memoriæ.*

*Habitus essentialis quæ sit.*

Dico tertio. Si loquar de essentia huius habitus scientiæ, ea non potest esse alia nisi similitudo habitualis cognitionis seu obiecti cognitæ; ita ut ratione huius similitudinis, qualitas illa inclinet & promptum ac facilem reddat ad actus scientiæ. Ita Soncinus, qui putat esse istam sententiam S. Thomæ, & Scoti, & nominalium; & meo sine iudicio nihil aliud rationabilius dici potest. Quod suaderi potest quadruplici via. Primo ex parte actus. Actus enim si producat habitum, producit rem sibi similem & proportionatam; atqui actus scientiæ est similitudo actualis obiecti. Ergo id quod ex se producit, erit similitudo habitualis seu manens post actum. Cuius rei etiam in habitibus voluntatis exemplum habemus: Nam quia actus voluntatis sunt inclinationes actuales in obiectum, idcirco & habitus ex illis geniti, sunt inclinationes habituales seu propensiones & pondera quasi quædam voluntatis in obiectum. Ergo idem proportionaliter sentiendum est de habitibus intellectus.

Secundo ex fine habitus; quia est ad faciendum potentiam ad actum: arguitur ad actum intellectus; qui est similitudo actualis obiecti, non facilitatur intellectus nisi per similitudinem habituales. Ergo habitus est similitudo habitualis. Minus probatur. Primo, exemplo speciei intelligibilis quæ est similitudo habitualis actus & obiecti; ea enim quo perfectior & expressior fuerit eo perfectior & facilius redduntur cognitioni; difficultas enim cognitionis oritur ex eius imperfectione in expressione, confusione, quæ cum tolluntur per speciem perfectè, expressè, clare representantem, tollitur difficultas cognitionis, nulla enim difficultas est in cognoscendo obiecto clarè representato. Hinc facilius & melius obiectum propinquum quam distans percipitur sensu externo ob perfectiorem speciem propter eam à propinquo, quàm à distanti. Secundo quia habitus non faciliat potentiam tollendo aliqua impedimenta actus aut inducendo aliquas dispositiones ad recipiendum actum, nihil enim tale videtur affirmari probabiliter posse, sed solum influendo in actum seu augendo activitatem & dando maiores vires potentie ad producendum actum ut in materia de habitibus probatur: sicut ergo potentia intellectiva per similitudinem habituales obiecti quæ est in speciebus se pro-

teus ad producendum actum cognitionis, ita & habitus, si augere debet hanc activitatem & vires potentie intellectus, non alia ratione augere potest, quam addendo novam similitudinem habitualem cognitionis iam habitus & obiecti ante cogniti. Essentia ergo habitus intellectualis consistit in similitudine habituali obiecti. Dices ergo habitus nil differret a specie intelligibili. Respondedo differre plurimum. Nam licet in hoc utrumque conveniat, quod sit similitudo habitualis obiecti; tamen in multis differant, ut in adnotatione diximus.

Tertio, Ex ratione principij productivi: Habitus enim ponitur, ut sit principium productivum actus, ut suppono, quia non alia ratione potest facilitatur per habitum quam acquiescendo maiores vires & maiorem activitatem ex habitu: ac actus producendus est similitudo actualis obiecti. Ergo & habitus eius produci debet esse similitudo habitualis seu virtualis; Omne enim produci debet continere virtute effectum producendum, & tale debet esse virtute, qualis effectus est in actu. Cum ergo effectus sit similitudo actualis, habitus quoque produci debet esse quiddam continens hanc similitudinem, quod dicimus similitudinem habitualem.

Quarto, certum est per actum intellectus produci similitudinem habitualem cognitionis seu obiecti cogniti; alioqui non haberet intellectus unde veniret in cognitionem habitus cognitionis, si nullum sui vestigium cognitio illa reliquit in intellectu: atqui hæc similitudo habitualis prestat ea omnia, quæ tribuuntur habitui scientie. Ergo hæc similitudo merito dici debet habitus scientie. Minor probatur. Nam primo est qualitas genita ex actus secundo auget activitatem & vires potentie; tertio faciliat potentiam ad actum; quarto manet post actum; quinto est principium influens in actum; denique nihil tribuitur habitui, quod non invenitur in hac similitudine: ergo supervacaneum est ponere habitum aliam qualitatem distinctam ab hac similitudine.

Quod si quæras, An isti habitus, cum sint similitudines obiectorum dici debeant species intelligibiles.

Respondeo esse quæstionem de nomine, & à Soncinat vocantur species, ab aliis vero solum habitus. Dico tamen proprie loquendo, non vocari species intelligibiles, nisi species immediatas obiectorum simplicium, soli apprehensioni servientes, quales & in sensibus ab obiectis & in intellectu ex phantasmatibus producuntur; species vero iudicativas & ex cognitione consequentes proprio nomine vocari habitus.

Non esset autem quæstio de nomine, sed de re, si quis negaret habitus intellectus, esse habituales similitudines; is enim in essentia habitus discreparet; neque vero alia inclinatio ad actum cognitionis fingi potest nisi per modum similitudinis habitualis, quomodo & species intelligibiles inclinant ad actus quorum sunt principia.

Ex quo etiam patet opinionem hanc de essentia habituum bene convenire cum doctrina Theologica de habitibus supernaturalibus. Nam habitus, Verbi gratia, Fidei divinx est habitus iudicativus distinctus essentialiter à speciebus intelligibilibus quibus apprehendimus res fidei; nos enim res fidei apprehendimus per species naturales, quas ex auditu verbi Dei formamus, solum vero per habitum fidei iudicamus de illis & assentimur illis supernaturaliter. Essentia igitur habitus fidei in eo est posita, ut sit ratio producendi assensum & iudicium fidei

*Habitus possunt dici species intelligibiles?*

*Habitus Fidei divinx quid?*

supernaturale, cuius assensus & iudicii ipse habitus est similitudo quædam habitu-  
aliter conueniet enim causa effectum siue formali siue virtuali similitudine, dicere  
rectè potest habitus fidei esse id habitualiter, quod actus fidei actualiter, seu habi-  
tuale quodammodo iudicium fidei.

## QVÆSTIO XVI.

*An habitus scientiæ sit distinctus ab ha-  
bitu principiorum?*

Cùm scientia sit notitiâ conclusionis ex principiis illata, merito quaeritur an  
habitus scientiæ veramq; notitiâ comprehendat, & conclusionis & principi-  
orum sitq; vnus numero habitus quo conclusio & principia cognoscantur. Quam  
quaestionem tractat & decidit Aristoteles 2. Poster. vltimo, docens esse habitus  
distinctos.

*Habitus prin-  
cipiorum da-  
tur in nobis,  
isq; non natu-  
ralis, sed ac-  
quisitus.*

Dico primò. Dan in nobis habitum principiorum eumq; non naturalem, sed  
acquisitum. Ità Aristoteles loco citato. Hæc conclusio est contra Sorum 1. de  
iustitia q. 4. a. 1. Dur. in 3. d. 33. Cateranum Prima secundæ q. 51. a. 1. Bonnet  
1. p. q. 1. a. 6. qui dicant habitum primorum principiorum non esse aliud, quàm  
habetum naturale cum speciebus intelligibilibus nec per assensum primorum prin-  
cipiorum generari vllum alium habitum. Quod isti probant, Primò ex D. Tho.  
1. 2. q. 49. a. 2. ad 3. vbi ait puerum non posse vt habitu primorum principiorum,  
vel etiam naturali lege quæ ei habitualiter inest, propter defectum ætatis, Qu-  
bus verbis indicat habitum principiorum in puero non esse, nec esse posse acqui-  
situm, sed naturalem duntaxat.

Secundò, ratione. Quia habitus ponitur ad vitandas difficultates in actu: at in  
actu primorum principiorum nulla est difficultas superanda, quia euidenter sunt  
nota lumine ipso naturali, ergo nullus est ponendus habitus acquisitus.

Nostri tamen conclusio est communior apud recentiores & eam expressè do-  
cet Ferrar. 2. Contra Gentes cap. 78. Et ratio est: quia principia licet lumine illo  
naturali à nobis cognoscantur ex ipsis terminis nulla ratione & causa à terminis di-  
distincta mediane (hic enim modus proprius est cognoscendi prima principia  
nempe immediatè ex natura ipsa terminorum) tamen in tali cognitione & iud-  
icio (licet euidenti) non habemus omnimodam facilitatem: tum quia talia principia  
non per proprias & quidditativas species cognoscuntur, sed per alienas & sub  
involucris similitudinum, vnde non perfectam euidentiâ fortuntur: tum quia  
principia debent cognosci vniuersaliter, vniuersale autem cognoscitur à nobis non  
sine experientia multorum particularium & auxilio sensuum; quæ est ratio Ari-  
stotelis 2. Poster. cap. vltimo: Hinc ergo fit vt & in primo assensu principiorum tri-  
periamur aliquam difficultatem, & ex frequentatis actibus & assensibus mi-  
iorem facilitatem. Confirmatur. Quia etiam in scientijs habemus euidentiâ  
& tamen hoc non obstantè possumus acquirere habitum scientiæ. Deinde ex as-  
sensu primorum principiorum relinquitur species in memoria ipsam representans.  
Ergo & habitus: si quidem vt supra deduximus habitus intellectivus nil aliud est,  
quàm



quàm similitudo habitualis genita ex actu.

Ex quo patet ad rationem alterius sententiæ: Nam de S. Thoma non est difficultas, loquitur enim eo loco de habitu principiorum quia naturalis est: Sic autem solùm dicit lumen naturale intellectus evidens ad prima principia cognoscenda, si-  
*S. Thomas exponitur.*  
 cur & de lege naturali consimili ratione loquitur; nos autem dicimus præter habitum principiorum naturalem, esse quoque acquisitum, quod ibi S. Thomas non negat.

Porro non ita vult naturalem esse ut sit totus à natura, quia solùm quoad lumen est à natura, quoad species verò intelligibiles est quid acquisitum, per sensus enim species acquiruntur in intellectu.

Dices hoc modo omnes habitus scientiarum essent naturales ratione luminis intellectualis. Respondeo. Minimè. Quia primorum principiorum proprium principium cognoscitivum est lumen naturale per seipsum cum non per aliquod medium, aut rationem, sed sola evidentia luminis naturalis cognoscantur: at in scientia conclusiones cognoscuntur non solo lumine naturali, sed etiam ratione seu per causam conclusionis. Hinc ergo fit vt habitus principiorum sit habitus luminis naturalis, habitus autem scientiarum sit habitus rationis vel demonstrationis. Quocirca & Aristoteles habitum principiorum vocat intellectum; quia solo lumine intellectus principia cognoscuntur.

Quoniam principia sunt duplicia, alia communissima & sua evidentia omnibus nota, vt; Quod libet est vel non est; Omne totum maius est sua parte: alia particularia, quæ non sunt ita evidentiæ, & cum maiori aliqua difficultate percipiuntur: Nostra igitur conclusio non solùm est vera de principiis secundi generis, sed etiam de principiis primi generis (quæ nonnulli excipienda censent) quia in vniuersis, est aliqua difficultas, tum ob imperfectam evidentiam, tum ob dependentiam ab inductione.

*Principia sunt duplicia: communissima & particularia.*

Deinde cum dicimus intellectum esse habitum principiorum, duo possumus nomine intellectus intelligere; vel lumen ipsum naturale, vt dictum est, vel habitum sine ratione, & medio cognoscentem, quæ enim ex discursu & ratione cognoscimus, dicimur scire; quæ verò sine discursu & ratione & medio, dicimur intelligere. Et hoc ferè sensu inter habitus intellectuales 6. Ethic. numerat Arist. intellectum quem vocat habitum principiorum.

*Discrimen inter scientiam & intellectum.*

Quamvis autem possint principia cognosci vel per demonstrationem à posteriori vel per inductionem & experientiam, tamen cum per demonstrationem cognoscuntur non cognoscuntur vt principia, sed vt conclusiones, neq; modo proprio & convenienti principiis: principia enim postulant, vt non ex aliis principiis cognoscantur, sed ex seipsis, hoc est, immediatè ex terminis propriis. Cum verò per inductionem cognoscuntur, etiam tunc cognoscuntur vt principia, ex terminorum penetratione, ratione cuius non solùm cognoscuntur quòd sint, sed etiam propter quid sint; cognoscuntur enim ex terminis esse vera semper & vbique. In quo differt inductio principiorum, ab aliis inductionibus simplicibus quibus solùm effenditur quòd sit, non propter quid sit.

*Modus proprius cognoscendi principia.*

Dico secundò. Habitus principiorum non est idem realiter cum habitu scientiarum. Ita Aristoteles 5. Ethic. capite 6. vbi docet habitum principiorum, (quem est idem cum vocat intellectum) Cum nullo alio habitu coincidere posse propter diversitatem obiectorum. Neque dici potest, loqui Aristotelem formaliter, non realiter: tie.

*Habitus principiorum non est idem cum habitu scientiarum.*

*Habitus formalitas est realitas.*

Nam habitus acquisiti, id quod sunt, tam formaliter quàm realiter, sunt ex obiectis; & acquirendo formalitatem, acquirunt realitatem; formalitas enim habens, est per se realitas quædam, non verò pura formalitas vt mox ostendemus. Deinde Aristoteles si existimasset esse eundem realiter habitum intellectus & scientiæ, non ita absolute pronuntiasset intellectum nullum ex aliis habitibus esse, sed distinctione usus fuisset, vt aliàs de actione & passione.

*Probatur 1.*

Probatur igitur conclusio primò. Distincti specie actus, generant habitus tam specie quàm realiter distinctos: at horum duorum habituum actus sunt specie distincti. Ergò & habitus sunt specie & realiter distincti. Vtraque propositio est probanda. Maior igitur probatur. Quia actus non solum generat formalitatem, sed & realitatem habitus, quia generat totam illam entitatem, quæ est habitus, vt per se manifestum est; à nulla enim alia causa generatur entitas & realitas habitus quàm ab actus; & ab actus habet habitus, quòd sit & formaliter, & realiter talis: Ergò si actus specie distincti generant habitum, generabunt tam specie quàm realiter distinctum. Sicut enim actus specie distincti, sunt quoque realiter distincti, quia species eorum est realitas, hoc est, possit ex natura sua vt sit per se realitas quædam nò verò formalitas alicuius realitatis. Non enim habitus fundatur in aliena realitate à qua separari possit, sed secum fert suam propriam realitatem & ex sua essentia est quædam realitas per se.

Quare quod obijci solet, posse aliqua formaliter distingui & realiter esse idem, id verum est de illis formalitatibus, quæ sunt puræ formalitates, & non sunt ex se realitates, vt cum plures figuræ in eadem quantitate fundantur, plures relationes in eodem fundamento, actio & passio in eadem forma vel motu. At habitus non est pura formalitas sed realitas & produci habitum est produci realitatem ipsam: non igitur illa obiectio habet locum in habitibus; Est enim habitus essentialiter inclinatio ad actum: at tota sua realitate inclinatur, Ergò tota sua realitate est habitus.

*Diversi specie actus non generant vnum habitum.*

Ex quibus liquet; Cum actus generent habitum quoad ipsius realitatem, si sint actus eiusdem speciei, augebunt solum realitatem habitus novo gradu intentionis: Si verò sint diversæ speciei, simpliciter generabunt diversum realiter habitum, non enim res diversæ speciei componunt vnam rem, sed diversas, maxime si sint duæ res in specie perfectæ, alioqui nulla esset ratio, quare non omnes res in mundo essent vna res. Quamvis enim res imperfectæ vt materia & forma possint convenire in vnam rem & essentiam compositam, tamen res perfectæ non possunt componere vnam rem. Et hæc de maiori.

Minor verò eiusdem argumenti probatur: Quia notitia principiorum & notitiæ conclusionis sunt diversæ speciei: nam & res quæ in illis cognoscuntur sunt diversæ speciei; quia diversæ connexiones terminorum & diversæ propositiones, rationes etiam cognoscendi diversæ sunt. Nam ratio conclusionem cognoscendi, est causa vel medium aliquod; ratio verò principia cognoscendi, sunt ipsi termini, ex quibus constant principia. Modus denique cognoscendi est specie distinctus: Nam conclusio cognoscitur per discursum & ex principiis; principia verò cognoscuntur, non per discursum aut demonstrationem, sed immediate, neque ex alijs principiis sed ex seipsis.

*Responsio prima.*

Respondent primò. Possè vnum habitum specie inclinare ad actus specie distinctos vt patet in habitibus insulsis: Ergò etiam habitum acquisitum non repugnat esse vnum specie etiam si habeat actus specie distinctos. Contrà est magnum discrimen

enim: Nam habitus acquisiti, quia generantur ab actibus, & ad normam actuum sequuntur speciem & naturam actuum, neq; enim actus dare potest aliam speciem & naturam habitui, nisi suæ naturæ similem, neq; aliam specie inclinationem conferre potest habitui, nisi ad actus sibi similes; quare si sunt distincti specie actus, necesse est ut generent distinctos specie habitus: habitus verò infusi non generantur ex actibus, nec fiunt ad normam & regulam actuum; sed fiunt à Deo ad modum potentiarum (vna enim potentia extendit se ad actus specie distinctos) vnde est specialis ratio propter quam habitus infusi possunt se ad distinctos specie actus extendere.

Respondent secundò. Actus istos in genere rei, seu materialiter esse specie distinctos; in genere verò scibilis, & formaliter esse vnius speciei. Sed contra primò: Quia ista distinctio nihil facit ad vnitatem & essentiam Physicam sed tantum ad distinctionem, ut in sequenti disputatione probabo, hoc est, ea quæ non habent vnam rationem scibilis, necessariò fundant distinctos specie actus, & habitus; non verò quæ habent vnam rationem scibilis fundant actus & habitus vnius speciei. Plura enim requiruntur ad vnitatem essentialem, quàm ad distinctionem: Nam distinctio ex vno defectu essentiali sufficienter oritur; vnitatis verò essentialis, requirit omnes condiciones essentia; malum enim ex singulis defectibus, bonum verò ex integra causa. Quare ad diversitatem essentialem sufficit diversitas scibilis, siue sit coniuncta cum diversitate rei siue sit sine illa. Verbi gratia, color in genere habet diversas rationes scibilis respectu visus & intellectus: nam respectu visus, habet rationem visibilis, seu cognoscibilis lumine sensitivo, respectu verò intellectus habet rationem intelligibilis, hoc est, cognoscibilis lumine intellectivo; sunt enim hæ proportionales diversæ in colore ad visum & ad intellectum.

Ad vnitatem verò essentialem actus & habitus non sufficit vnitatis scibilis, sed etiam requiritur vnitatis in genere rei, non solum enim ut scibile, sed etiam ut talis res scibilis faciat ad essentiam scientiæ, & ex consequenti variatur ratio scientiæ ob diversitatem obiectorum in genere rei. Quod ostendo, tum inductione, tum ratione. Nam diversi specie colores videntur distinctis specie visionibus, magis enim in substantia visionis differt visio albi à visione nigri, quàm duæ visiones alborum; etiam si illæ visiones conveniant in vna ratione visibilis. Et ratio est: quia etiam secundum istos auctores, ratio formalis obiecti est duplex Quæ, & sub qua. Ratio formalis Quæ, est ratio formalis in genere rei. Ratio formalis sub qua est ratio formalis in genere scibilis. Et quidem vtraq; dat substantiam & specificationem actui. (vtraq; enim est ratio formalis obiectiva) Ergo si altera desit, non erit actus & habitus vnius speciei; si verò adsit vtraque, erit actus & habitus vnius speciei. Cum igitur in assensu principiorum & conclusionis sint diversæ rationes formales Quæ, erunt simpliciter hæ assensus specie distincti, etiam si habeant vnam rationem formalem sub Qua.

Neq; refert, rationem formalem Quæ, esse materialem respectu rationis formalis sub Qua: Nam etsi hoc dici possit in bono sensu; tamen in ordine ad actum & habitum vtraq; est ratio formalis obiectiva. Res enim cognoscitur sub ratione formali rei, non solum sub ratione formali scibilis. Est enim in obiecto aliquid quod materialiter tantum cognoscitur, aliquid quod formaliter. Materialiter illud cognoscitur quod non secundum se sed ut substat alteri alicui rationi cognite cognoscitur; formaliter verò quod secundum se & ratione sui, & non ut substat

*Refellitur.*  
*Habitus sequuntur naturam actuum.*  
*Differentia inter Habitum infusum & acquisitum.*

*Responsio secunda.*  
*Refellitur.*

*Vnitatis plura requirit quam distinctio.*

*Ratio formalis Quæ & sub qua.*

*Vtraq; specificat cognitionem & Habitum.*

alteri rationi cognita cognoscitur. Sic paries ut paries materialiter videtur, formaliter verò, ut albus, seu ut subsistat albedini. Quare cognitio cum sit in sua essentia expressio & similitudo rationis formalis obiecti in genere rei, pendet essentialiter à ratione formali Quæ, non solum sub Quæ.

*Probat 2.  
Habitum principiorum potest esse sine habitu scientiæ.*

Secundò probari potest conclusio ex eo quòd potest haberi habitus principiorum sine habitu conclusionis: Ergo isti habitus non sunt vnus realiter habitus. Antecedens probatur, Primò: quia potest quis habere habitum principiorum cum ignoranna conclusionis, ita ut si ei proponatur conclusio, nesciat quid sit de illa sentiendum; & tamen si esset vnus & idem habitus vtriusque, sicut ex vi habitus non ignorantur principia quando proponuntur, sed statim cognoscuntur, ita non posset ignorari conclusio.

2. Secundò potest cum habitu principiorum, stare simul non solum ignorantia conclusionis, sed & error contrarius conclusioni; non enim est necesse ex principio cognito deducere omnes conclusiones, quæ ex illo deduci possunt; innumere enim possunt deduci ex vno principio: Ergo possunt aliquæ saltem conclusiones ignorari, & circa eas tanquam ignotas, potest esse error contrarius scientiæ: at si habitus principiorum esset quoque habitus scientiæ, non posset esse error, stante tali habitu & consideratione intellectus.

3. Tertiò potest destrui habitus scientiæ per errorem, seu habitum erroris contrarij, non corrupto habitu principiorum; quia potest errare quis circa conclusionem, & certus esse de veritate principiorum: Ergo non est idem habitus vtriusque; alioquin idem habitus simul & maneret, & corruperetur, maximè si habitus erroris circa conclusionem esset intensissimus, (ut non repugnat) & habitus principiorum esset valde remissus propter paucos actus frequentatos.

4. Quartò. Potest habitus principiorum esse valdè intensus propter actus principiorum frequentatos, habitus verò scientiæ valdè remissus propter paucos actus frequentatos. Ergo non est idem vtriusque habitus; idem enim simul esse non potest intensum & remissum.

*Probat 3.*

Tertiò probatur conclusio: Habitus est inclinatio ad actum, quæ inclinatio in intellectu est similitudo habitualis actus & obiecti, ut in præcedenti quaestione ostendimus: atqui potest esse inclinatio habitualis actus & obiecti ad principia, cum summa facilitate, ex actibus frequentibus orta: ad conclusionem verò potest nulla esse inclinatio habitualis & facilitas ob actus non frequentatos, sed potius summa difficultas: Ergo signum est habitum principiorum esse re distinctum ab habitu scientiæ; si quidem illi habitus qui sunt idem re, sunt etiam eiusdem inclinationis & eiusdem facilitatis. Confirmatur. Quia si ex vno principio deduci possint centum conclusiones, vna mediante altera, sequetur eum qui acquisiuit habitum & facilitatem circa illud principium, eo ipso acquisiuisse habitum & facilitatem circa omnes conclusiones possibiles: at hoc est falsum, & contra experientiam; etenim conclusiones quò sunt remotiores ab illo principio, eo est maior circa illas ignorantia, difficultas, imò & error: Ergo non est circa illas vnus habitus acquisitus; impossibile enim est habitum acquiri sine facilitate.

*Probat 4.*

Quartò probat Gabriël; Causa distinguitur realiter ab actu, at habitus principiorum est causa habitus scientiæ mediante suo actu, & mediante actu scientiæ: Ergo distinguitur realiter ab habitu scientiæ. Minor patet; quia habitus principiorum ex notitia principiorum, causat notitiam conclusionis, ex notitia autem conclusionis causatur habitus scientiæ.

Super-

Superest ut argumenta contraria dissolvamus: sunt enim multi magniq; auctores qui oppositam sententiam ( & si non admodum credibilem ) tueantur. Ex quo genere sunt illi, qui tenent, scientiam totalem esse vnam simplicem qualitatem. ut in disputatione sequenti videbimus.

*Argumenta contraria.*

Obiiciunt ergo primò: Vnus realiter actus non potest generare nisi habitum realiter vnum: at assensus conclusionis est actus realiter vnus, & involvit in se assensum principiorum & conclusionis: Ergo generat habitum realiter vnum, qui inclinet ad assensum principiorum & conclusionis. Minor probatur: Quia non potest esse assensus conclusionis, nisi in ratione formali assentiendi involvat assensum principiorum, est enim assensus conclusionis propter principia, ita ut abstrahi non possit assensus conclusionis ab assensu principiorum. Nam si abstraheretur ille assensus non esset propter principia ac proinde non scientificus, si porro est propter principia, necessario assensus principiorum, in formali assensu conclusionis intelligitur.

Respondeo. Dupliciter potest intelligi actus scientiæ involvere assensum principiorum & conclusionis: primò ut eodem actu assensumur conclusioni & principiis, & assensus conclusionis sit idem re, cum assensu principiorum: secundò ut isti assensus sint diversi realiter, sed ita ut vnus causetur ex altero. Primo modo actus scientiæ, non includit assensum principiorum per identitatem, sed secundo modo id est per illationem vnus ex altero. Quare assensus scientiæ, non est idem realiter cum assensu principiorum: non tamen potest esse sine illo; quia assensus conclusionis est causatus ex illo; quamvis autem non possit causari ex principiis, nisi sit assensus principiorum, non debet tamen esse idem re cum assensu principiorum, sed potius debet esse re diversus; quia effectus debet re distingui à sua causa; assensus autem scientiæ causatur ex assensu principiorum: debent igitur hi assensus re distingui.

*Actus scientiæ distinguitur re ab assensu principiorum.*

Obiiciunt secundò: Idem realiter actus est qui fertur in aliquod obiectum & in rationem formalem obiecti; idem enim visus fertur in parietem & in albedinem, quæ est ratio formalis obiecti: quia in parietem fertur propter albedinem, imò prius natura ad albedinem terminatur, tum ratione albedinis in parietem: atqui principia sunt ratio formalis assentiendi conclusioni: Ergo eodem actu scientia fertur in conclusionem & in principia, quia in conclusionem non fertur nisi propter principia.

Respondeo. Rationem assentiendi esse duplicem, alteram intrinsecam obiecto, quæ constituit obiectum, in ratione obiecti, ut albedo constituit obiectum visus: alteram extrinsecam, quæ non constituit obiectum in ratione obiecti, sed ducit in cognitionem obiecti. Cum igitur dicatur, eundem actum terminari ad obiectum & ad rationem formalem obiecti, verum id est de ratione formali intrinseca: Nam si ratio formalis sit extrinseca per distinctum actum apprehenditur & causat notitiam alterius obiecti, sic igitur accidit in proposita materia. Nam principia respectu conclusionis sunt ratio formalis assentiendi extrinseca. Vnde non est necesse assensum conclusionis terminari ad ipsa principia, sed satis est supponi assensum principiorum per distinctum actum & ex eo causari assensum conclusionis, ita ut necesse quidem sit in assensu conclusionis assentiri principiis ( si quidem ex assensu principiorum debet causari assensus conclusionis ) non tamen necesse est id fieri per eundem actum, sed per diversos, simul concurrentes ad vnam notitiam conclusionis causandam.

*Assentiendi ratio est duplex. Intrinseca. Extrinseca.*

Ob-

*Sapientia  
quænam dica-  
tur ab Aristotele  
versari  
circa princi-  
pia & con-  
clusiones.*

Obijciunt tertio. Aristoteles sapientiam ait versari circa principia & conclusiones. 6. Ethic. c. 8. Respondeo sapientiam eo in loco intelligit Metaphysicam, quæ quia per vniuersalissimas rationes procedit, Equis, vnius, substantiæ, accidentis; idcirco etiam principia scientiarum demonstrat vniuersalissimè: hoc autem nihil est contra nos. Nos enim non querimus, an vna scientia totalis secundum diversos habitus esse possit de principis & de conclusionibus, quod verum est ex Aristotele, sed an idem habitus simplex inclinare possit ad assensum principiorum & assensum conclusionis, quod nos negamus.

## QVÆSTIO XVII.

*An quinque tantum sint habitus intellectus enu-  
merati ab Aristotele 6. Ethic, Intellectus,  
scientia, sapientia, prudentia, ars?*

**N**on videtur hæc divisio sufficiens. Non enim omnes habitus comprehendit. Nam nec habitum opinionis, fidei, erroris, inertie; item habitum Logicæ, habitum scientiæ moralis, artium liberalium. Deinde sapientia componitur ex intellectu & scientia in c. 8. & sic membra divisionis includunt se invicem quod est vitium divisionis.

*Habitus tan-  
tum sunt  
quinque.*

Dicendum tamen est, Divisionem hanc esse sufficientem: Omnis enim habitus in intellectu aut est speculativus, aut practicus: si speculativus, aut est conclusio, aut principiorum: si conclusionis, est scientia; si principiorum, est intellectus; si de vtriusque, est sapientia: si verò sit practicus, aut est activus, aut factivus, si factivus, erit prudentia; si activus, ars.

*Habitus non  
omnes sunt e-  
numerati ab  
Aristot-*

Notandum est primò Aristotelem non recensere hic omnes habitus intellectus, sed eos solum qui sunt virtutes. Cùm verò virtus sit dispositio perfecti ad optimum, in intellectu autem verum est optimum; hinc fit, vt habitus qui determinatè verum dicunt, & circa verum versantur, sunt virtutes. Alij vero habitus qui versantur vel circa falsum vt habitus erroris; vel indifferenter circa verum & falsum, vt opinio quæ ex natura sua non magis verum dicit, quàm falsum, & habet imperfectum modum tendendi in obiectum; quæ enim opinamur nec scimus esse omnino vera, nec falsa, hi inquam habitus non sunt virtutes. Aristoteles ergo solum enumerat habitus, qui sunt virtutes intellectus. Nam virtus est perficere circa bonum; bonum autem intellectus est veritas siue practica siue speculativa; quare habitus circa verum perficientes intellectum, merito dicuntur virtutes.

Dicitur autem virtus dispositio perfecti vel eius quod præstantissimum est ad optimum: vel quia est dispositio subiecti perfecti existentis, ad operandum, & disponit illud ad præstantissimam in illo genere operationem, vt exponit S. Thomas: vel quia est dispositio non qualiscunq; sed perfectissima faciens subiectum perfectissimo & præstantissimo modo se habere, non in se, sed in ordine ad præstantissimam operationem; vel ad optimum obiectum. Quæ expositio ma-

gis quadrat Arist. virtus enim est perstantissima dispositio rei ad optimam operationem.

Notandum est secundo, Aristotelem enumerare habitus non instrumentarios qui sunt aliorum habituum gratia; sed qui sunt per se. Quam ob causam. Logica ad nullum horum habituum pertinet, ut patet ex dispar. 2. est enim habitus instrumentarius, & neq. speculativus, neq. practicus.

Notandum est tertio. Intellectum esse habitum principiorum inclinantiem ad assentiendum principiis immediatè, hoc est, non propter aliquod medium & rationem distinctam ab ipsis principiis sed immediatè propter evidentiam terminorum ex quibus principia constant. Ex quo patet differre intellectum ab habitu sapientiæ: Nam intellectus assentitur principiis immediatè & sine discursu, quod est intelligere, id est, ex penetratione rei in se ipsa, eam cognoscere: Sapientia verò assentitur principiis non ut principia sunt, nec ut immediatè cognoscuntur, sed per demonstrationem probando illa ex vniuersalissimis rationibus eius. Quare differt essentialiter sapientia ab intellectu; quia licet sit de principiis, non tamen per modum intellectus, sed per modum scientiæ.

Notandum est quarto, Sapientiam vno modo distingui à scientia essentialiter, alio modo non distingui: nam si sumatur scientia in communi, ut est habitus quoque modo demonstratiuus, sic sapientia est species scientiæ: si verò sumatur pro habitu demonstrationis conclusionum tantum non principiorum, ut hic ab Aristotele sumitur, sic distinguitur essentialiter à sapientia quæ est demonstratiua, non solum conclusionum, sed etiam principiorum per vniuersalissima principia ex transcendentibus sumpta, et hæc, vno, vero, quæ omnibus principijs applicari possunt: Scientia verò non demonstrat sua principia, sed ea per habitum principiorum intelligit. Dices, principia sunt indemonstrabilia, quia prima & immediata, quomodo ergo à sapientia demonstrantur?

Respondeo non demonstrari per proprias causas, sed per communes & vniuersalissimas ex ratione genis, vnius & similibus transcendentibus desumptas. Principia verò prima dicuntur indemonstrabilia, quia per proprias & particulares causas demonstrari non possunt, eo quod illas non habeant à propriis terminis distinctas.

Notandum est quinto, Sub scientia Aristotelem non comprehendere nisi scientias speculativas. Nam practicæ scientiæ apud Aristotelem non sunt proprie & simpliciter scientiæ; quia non sunt de necessariis simpliciter, sed de necessariis ex suppositione tantum, quia ex suppositione rerum factibilium demonstrantur de his proprietates ut supra docuimus; Necessarium enim simpliciter apud Aristotelem est necessarium secundum naturam: quod verò suæ necessitatis habet principiorum in nobis non in natura, est necessarium solum ex suppositione à nobis factæ essentia. Dices ad quem igitur habitum, scientiæ practicæ spectabunt. Respondeo: si sunt scientiæ agibiles, ad habitum actiuum; si factibiles, ad habitum factiuum. Quare scientia moralis spectabit ad eundem habitum cum prudentia; Prudentia enim applicat scientiam moralem ad praxim particularem.

Notandum sexto. Aristotelem omnes habitus practicos reduxisse ad duos, ad Prudentiam, & Artem: non quod non sint alij habitus actiui præter prudentiam; oppositum enim Aristoteles eodem loco innuit: cap. 4. limitatis prudentiam tantum ad eas actiones quæ ad bonum & honestum spectant, indicans eo ipso, dari alias acti-

*Habitus ab Aristotele enumerantur tantum per se. Intellectus quod sit.*

*Sapientia quoque modo essentialiter distinguitur à scientia.*

*Scientia apud Aristotelem non comprehenditur nisi scientias speculativas.*

*Habitus practici ab Aristotele ad prudentiam & Artem reducuntur.*



actiones quæ ad bonitatem moralem non spectant, & alios habitus circa illas versari, ut sunt habitus actionum externarum transeuntium: V. G. habitus currendi, numerandi, cytharizandi, qui secundum Aristotelem versantur circa actiones non factiones, ut supra docuimus. Solùm igitur ex habitibus activis meminit prudentiæ: quia ille habitus est præcipuus, & ex illo debent intelligi alij habitus similes; proportionaliter enim quod est prudentia & scientia moralis in actionibus voluntatis, hoc est scientia & applicatio scientiæ in actionibus alijs externis respectu habitus activi sibi respondentis.

Deinde sub arte comprehendit solùm habitus factivos seu relinquentes opus post actionem, ut ex disputatione secunda, & præsentis satis constat. Quare Artes liberales sub habitu activo non factivo comprehenduntur, licet artes vocentur extenso nomine artis. Quæ omnia ex ante dictis, clara & probata sunt.





## DISPUTATIO XVII.

## De scientia totali.

*Scientia totalis dicitur ratione multarum partialium, quas scientia tota ut partes continet; eò quòd referantur omnes ad idem genus obiecti, & ad unum genus principiorum. Sic in physica sunt multe demonstrationes, & ex consequenti scientia, de cælo, de elementis, de mixtis, de viventibus: quia tamen omnes hæ scientiæ referuntur ad unum genus obiecti, nempe corpus naturale, & unum genus principiorum, concernentium materiam, dicuntur pertinere ad unam scientiam Physicam. In hac ergo disputatione agendum nobis est: Primum de essentia scientiæ totalis; tum de obiecto & unitate; demum de varijs ipsius proprietatibus.*

## QVÆSTIO PRIMA.

*An scientia totalis sit una simplex qualitas  
unius simplicis essentia?*



St celebris quæstio inter discipulos D. Thomæ ex una parte, & Scoti- *Prima sen-*  
tum, ac nominales ex altera. Nam qui Divum Thomam sequuntur, *tentia Thomæ*  
mordicus tuerentur esse quoad essentiam, unam simplicem qualita- *secundæ*  
tem, eamq; extendi ad omnes demonstrationes illius Scientiæ, siue *secundæ*  
hæc extensio fiat per augmentum quoddam extensivum, secundum *secundæ*  
novas partes heterogeneas qualitatibus, siue sine tali augmento per solam suppositio- *secundæ*  
nem novi obiecti materialis: Ita Caiet. Prima secundæ q. 54. 3. 4. Cap. in prolog.  
Ferar.

*Fundamentū.*

Ferar. 2. contr. Gentes c. 4. Scotus q. 3. Proem. Logicæ. Ruvius ibid. q. 4. Valsq. 1. parte disp. 9. c. 1. Fundamentum est: Quia habitus specificatus ab una ratione formali obiecti, est unus specie, & una simplex essentia. Talis est habitus scientiæ totalis; Ergo Minor probatur. Quia licet obiecta in scientia totali sint diversæ speciei in genere rei, tamen in genere scibilis sunt unum obiectum scibile. Quod explicari potest exemplo potentiæ. Nam una potentia habet multos actus specie distinctos, circa varia obiecta specie distincta, quæ tamen conveniunt in una ratione scibilis. Verbi gratia. Potentia intellectiva habet multos actus specie distinctos circa varia obiecta intelligibilia: quæ tamen quia conveniunt in una ratione obiecti intelligibilis ad unam specie potentiam intelligibilem pertinent.

Neq; verò requiritur tanta unitas in obiecto potentiæ, quanta in obiecto actuum: Nam obiectum actus, debet esse unum secundum rationem magis specificam; obiectum vero potentiæ, satis est, ut sit unum secundum rationem generiorem, vel certe unum unitate analoga, quatenus illa omnia obiecta habent inter se convenientiam analogam in aliqua ratione. Pari ergo ratione de obiecto habitus discurrendum est: sicut enim una potentia extendit se ad multos actus, & ad multa obiecta actuum, ita & habitus; licet is sit minus universalis quam potentia. Nam potentia complectitur multos habitus, & multorum habituum actus, & obiectum habet universalissimum; habitus vero solum ad certos quosdam actus, & circa aliquos actus generis obiecta extenditur: Potentia intellectiva, verbi gratia, extendit se ad omne intelligibile; Habitus verò scientiæ, solum ad scibile. Possunt igitur obiecta esse distincta specie respectu actuum, quæ tamen respectu habitus, sunt unum obiectum speciei, quia scilicet obiectum habitus, est universalius obiecto actus; & minorem unitatem requirit, sufficit enim ad eius unitatem unitas generica obiecti, vel analogica.

Secundo ratione: Quia habitus non specificatur ab obiecto materiali, sed à formali: atqui in scientia totali datur una ratio formalis obiecti in genere scibilis, ita ut illæ rationes, quæ sunt distinctæ speciei in genere rei, sint materiales tantum, & quatenus conveniunt in una ratione formali scibilis; sint unum specie obiectum formale, solum verò materialia obiecta, sint diversa specie.

Quod si quæras quæ sit ista ratio formalis scibilis; Respondent in obiecto duplicem rationem considerari. Alteram Quæ, alteram sub qua. Illa est quæ cognoscitur, hæc verò est ratio sub qua fit cognitio, licet ipsa non cognoscatur; sic idem color habet unam rationem Quæ, & tamen sub alia ratione sub Qua, pertinet ad sensum, & ad intellectum; ad sensum sub ratione visibili, ad intellectum sub ratione intelligibili. Hæc ergo ratio sub Qua, dicit solum proportionem obiecti ad potentiam vel habitum, quatenus tali lumine potentiæ vel secundum talem rationem sciendi, seu talia principia, est cognoscibile; ita ut hæc cognoscibilitas respiciat modum & medium cognoscendi illius potentiæ, vel habitus. Quare idem obiectum, ut substat diversis modis & mediis cognoscendi habet diversam rationem cognoscibilis, quæ est diversitas rationis sub qua. Hæc isti.

Verum oppositam sententiam tuerentur Scotus; Ocam, Greg. Gabr. Durandus in Prologo sententiarum, Suarez disp. 44. Met. Fonseca lib. 5. quæstione 7. Tol. quæst. 3. Proem. in logicam, pro cuius maiori explicatione. Noto primò. Habitum non habere aliam essentiam & inclinationem in obiectum præter eam quam accipit ab actu, Effectus enim non habet aliam perfectionem nisi eam quam à sua



à scientia. Sed etiam per denominationem à medio, seu à principiis quæ sunt ratio sciendi. Nam per diversa media, & diversa principia, eadem res est diversa in ratione scibilis. Verbi gratia, terram esse rotundam aliter demonstrat Physicus, per gravitatem partium, aliter Mathematicus per umbras & apparentias; cum igitur medium, sit ratio sciendi conclusionem per modum obiecti cogniti, dici potest ratio formalis conclusionis.

*Ratio formalis obiecti altera intrinseca obiecto in genere rei; Altera extrinseca.*

Respondeo concedendo totum. Est igitur ratio formalis obiecti duplex: quædam est intrinseca obiecto, & convenit illi in genere rei, & hæc est ratio illa realis in obiecto, secundum quam terminat cognitionem, & quæ cognoscendo exprimitur, ut color est ratio formalis rei visibilis, conclusio est ratio formalis rei scibilis; alia est ratio formalis, quæ est ratio obiectum cognoscendi. Sic medium respectu conclusionis, est ratio formalis cognoscendi conclusionem, & lumen est ratio formalis videndi colores, tanquam forma quædam extrinseca colorum in esse visibili. Et hæc ratio formalis, licet sit extrinseca obiecto in genere rei, pertinet tamen ad obiectum in genere scibilis; quia facit illud formaliter scibile, per respectum enim ad ipsam denominatur scibile. Et licet non sit ratio quæ terminet actum scientiæ, est tamen ratio sub qua obiectum terminans terminat actum scientiæ: & hoc sensu dicitur ratio obiectiva, non quod ipsa cognoscatur, sed quod sub ipsa obiectum cognoscatur. Quare si hoc sensu intelligatur illa distinctio, verissima est; nam utraq; est ratio formalis obiecti; tamen illa, quæ cognoscatur in obiecto, quàm illa propter quam & sub qua cognoscitur obiectum, illa dici potest Quæ, hæc propter quam, & sub qua. Et hoc modo S. Thomas 1. P. q. 1. dixit Theologiam considerare sua obiecta sub vna ratione formali obiecti; quia sub vno genere principiorum revalorum.

Verum neq; hoc modo intellexit Caietanus, neq; ex hac vna ratione formalis licet inferre unitatem scientiæ totalis in genere qualitatis simplicis, sed tantum unitatem in ratione scientiæ, ut scientia est, scilicet quia in suis conclusionibus, vnam scientiæ rationem servat, deducendo illas ex eiusdem modi principis de quo in sequenti questione. Nunc satis est ostendere, ex hac unitate rationis formalis non posse inferri unitatem scientiæ in ratione qualitatis. Et Ratio est: quia media seu principia scientiæ totalis, non sunt vnius rationis specificæ, sed tantum convenientiam genericam habent inter se; cum pro singulis conclusionibus, sint alia, & alia principia propria. Ex aliis enim principis deducitur cælum esse incorruptibile, ex aliis terram esse rotundam: Non potest igitur ex vno genere principiorum, desumi vna essentia habitus, cum ipsa principia, non sunt vnius essentia.

Dicendum igitur est. Scientiam totalem non esse vnam simplicem qualitatem sed consistere multis habitibus specie distinctis, pro diversitate conclusionum.

Probatum primò. Scientia totalis generatur ex actibus scientiarum partialium circa particulares conclusiones: atqui hi actus cum sint specie distincti generant habitus specie distinctos: Ergo scientia totalis, non est vnus habitus sed multiplex.

Dices posse esse Habitum vnum specie ordinatum ad actus specie distinctos. Respondeo posse esse, sed insulsum à Deo non verò acquisitum per actus: de ratione enim habitus acquisiti est, ut sit ad normam actus ex quo est generatus; neq; enim plus habere potest quam actus; cum quicquid est sit ab actus; nec maior perfectio potest esse in effectu quam in causa adæquata; nec actus maiorem inclinationem potest

*Conclusio, scientiam totalem non esse simplicem qualitatem. Habitus acquiritur per actus non potest inclinare ad alium specie diversos.*

potest dare habitui quàm habeat ipse ; neque potest dare inclinationem ad distinctionem speciei obiectum , cum nec ipse actus talem in se inclinationem habeat , & ut vno verbo dicam , actus non potest dare aliam inclinationem habitui , nisi suæ similes , non vero suæ dissimiles , neque auditum est , ut quis ex actibus vnus speciei frequentatis ; ad dissimiles actus , & alterius speciei inclinationem , habitum acquiescit.

Dices præterea non sequi si habitus sint specie distincti ; esse quoque realiter distinctos ; potest enim esse aliquid vnum realiter & multiplex formaliter. Contra id verum est in ijs formalitatibus , quæ non sunt per se realitates , sed modi vel rationes realitatum : at habitus est per se realitas , & cum producat ab actu , producit cum sua realitate : Ergo si habitus sunt specie distincti etiam realitatibus erunt distincti.

Dices denique scientiam totalem in genere rei non esse vnâ specie , sed in genere scientiæ esse vnâ. Contra : si non sit vnâ in genere rei , non erit vnâ simplex qualitas quod probare intendimus : Ex eo verò quod est vnâ in ratione scientiæ , non est vnâ , nisi per ordinem ad vnum genus principiorum , quod non est esse vnâ essentialiter , sed tantum vnâ respectu vnus generis scibilis , ut in sequenti questione dicemus : nam si principia in scientia totali essent vnus rationis speciei respectu omnium conclusionum , posset aliquo modo dici scientia totalis esse vnâ specie & simplex qualitas , propter vnitatem essentialem principiorum : at cum nec conclusionum sit vnitas specifica , nec principiorum , nullo modo potest dici vnâ essentialiter , secundum multitudinem essentialem principiorum , & conclusionum.

Vbi noto : Ad vnitatem essentialem habitus , requiri vnitatem essentialem tam principiorum , quàm conclusionis : licet ad diuersitatem essentialem , sufficiat alterutra diuersitas , siue principiorum , siue conclusionis. Ratio est ; Quia vtrumque in suo genere concurret ad specificandam scientiam ; hoc est , tam conclusio quàm principia ; Vtrumque enim formaliter per scientiam cognoscitur , & exprimitur , & conclusio quoad suorum terminorum connexionem , & principia ; similiter in conclusione est ratio formalis obiecti Quæ : Principia verò , rationem formalem propter quædam , continent . Quia verò bonum ex integra causa , malum ex singulis defectibus , idcirco ad vnitatem essentialem , vtrumque integrè requiritur , ad diuersitatem verò , sufficit vnus ex requisitis essentialiter defectus . Quare si per diuersa Principia eadem conclusiones demonstrantur , ut cum terram esse rotundam demonstratur ex principijs Physicis , & Mathematicis , erunt scientiæ specie distinctæ , vnâ Physica , alia Mathematica ,

Si verò per eadem principia , diuersæ conclusiones demonstrantur , ut cum diuersæ conclusiones probantur de eodem subiecto per eandem causam , risibile , verbi gratia , & flebile , de homine per rationalitatem , erunt itidem scientiæ specie distinctæ , quia alia conclusio specie scitur in vnâ , alia in alia . Neque dici potest esse aliam solum materialiter , vnâ verò formaliter ; quia substat vni medio & rationi sciendi . Nam non solum medium , est ratio formalis obiecti , sed ipsa etiam conclusio secundum se ipsam formaliter scitur ; illa enim connexio terminorum in conclusione , est ratio formalis quæ scitur , medium non verò , solum est ratio formalis propter quæ . Quia igitur duæ sunt rationes formales in obiecto concurrentes , ad specificandam scientiam , ideo si altera desit , non erit vnitas scientiæ essentialis eadem :

*Ad vnitatem  
essentialem  
scientiæ requi-  
ritur vnitas  
tam principio-  
rum quàm  
conclusionis.*

Nam quod dicitur, conclusionem esse quid materiale respectu medi, id verum quidem est, sed respectu scientiæ & specificationis ipsius, utrumque habet formaliter; Conclusio ut ratio formalis Quæ obiecti. Medium, ut ratio formalis propter quam: tunc autem solum est aliquid materiale respectu cognitionis, quando ipsum non cognoscitur secundum se, sed est subiectum eius quod per se cognoscitur. Sic paries respectu visus est quid materiale; quia ut paries non videtur, sed ut albus; paries enim est subiectum albedinis eius, ad quam visio terminatur per se, ad parietem autem per accidens, tanquam ad subiectum eius quod videtur per se.

*Per primam demonstrationem in scientia non acquiritur tota scientia habitualis.*

Secundo probatur conclusio. Si habitus scientiæ totalis esset una simplex qualitas, sequeretur per primam demonstrationem Physicam acquiri habitum totalem ad omnes demonstrationes Physicas; consequens est falsum: ergo & id ex quo sequitur. Probatur verò id esse falsum, multis modis. Primò quia ubi est habitus, ibi est facilitas ad actum: atqui per primam demonstrationem ad reliquas demonstrationes, nullam facilitatem experimur, sed habemus nos ad illas æque ut ante. Ergo per primam demonstrationem, non acquiritur habitum ad illas. Dices fore facilitatem ex habitu, si proponantur sufficienter obiecta aliarum demonstrationum. Contra: Ea facilitas non erit ex habitu, sed ex bonæ & evidenti propositione obiecti: quia sicut ille habitus non fuit genitus & acquisitus, circa illo modo propositum obiectum, ita neque ad illud confert facilitatem. Secundo scientia & ignorantia opponuntur: at, qui habuit primam demonstrationem Physicam, potest habere ignorantiam aliarum demonstrationum: Ergo non acquiritur illarum scientiam. Dices id verum esse de scientia actuali non habituali. Contra: is qui habet scientiam alicuius obiecti, proposito illo non habet ignorantiam illius, sed statim illud agnoscit & elicit actum scientiæ: atqui habens primam demonstrationem Physicam, potest ignorare multa obiecta Physica, etiam si illi proponantur, & de illis interrogetur; Ergo non habet de ijs scientiam habitualem; alioqui post unam demonstrationem, facile esset omnes alias demonstrationes acquirere, cum tamen post tot demonstrationes Mathematicas, non possit hucusque inveniri demonstratio, quadraturæ circuli.

Tertio habita Prima Demonstratione, potest errare circa reliquas, & induci habitus erroris contrarius: Ergo circa illas non est habitus acquisitus: nam si esset, impediret actum erroris; Etenim circa ea quorum scientiam habitualem habemus, non erramus, si habitu vti voluerimus.

Quarto sicut per unam demonstrationem Physicam acquiritur habitus ad omnes; ita per unum errorem Physicum acquireretur error habitualis, circa omnes demonstrationes Physicas, & esset vnus totalis habitus erroris; oppositorum enim circa obiecta opposita, par est ratio; & habitus oppositi, versantur circa idem genus obiecti: atqui, hoc est falsum: Nam habitus erroris, circa vnam conclusionem, non destruit facilitatem circa alias demonstrationes: ut cum Aristoteles erravit demonstrando mundi æternitatem non amisit facilitatem ad demonstrandam materiam primam; alioqui nullus Philosophus haberet vllum habitum scientiæ: quia nullus est qui careat alioqui errore, in quocunque genere scientiæ, error autem (maximè si sit valde intensus) tollit facilitatem habitus oppositi.

Quinto potest esse habitus circa primam demonstrationem valde intensus, propter actus frequentatos, circa alias valde remissus, propter actus non frequentatos:

hoc



hoc autem signum est, istos esse distinctos habitus, non vnum; non enim eadem qualitas potest esse simul intensa, & remissa.

Sexto si quis amittat habitum circa vnam demonstrationem per contrarium errorem valde intentum, is non amittet habitum circa alias; eadem enim facilitate illis assentiatur ut antea: Ergo istarum demonstrationum habitus sunt diuersi.

Ad fundamentum Primæ sententiæ respondeo, Habitum scientiæ specificari tam ab obiecto formali, quam à ratione assentiendi, quæ est in principiis: verumque autem in scientia totali est multiplex: Nam & rationes formales obiectorum in diuersis conclusionibus sunt diuersæ, & rationes assentiendi ex diuersis principiis sunt diuersæ: Non possunt igitur specificare vnum habitum, sed multos. Nam quod dicitur in genere rei, esse multas rationes formales, sed non in genere scibilibus, id iam refutatum est. Nam ratio formalis obiecti in genere rei, pertinet etiam ad specificationem actus & habitus: ergo ex eius diuersitate erit diuersitas habitus.

*In scientia totali sunt multi obiecta formalia & multæ rationes assentiendi.*

Ratio autem formalis in genere scibilis, si dicat ordinem & proportionem obiecti ad lumen, vel ad principia, non erit vna Physicè, sed multiplex secundum multitudinem principiorum, quare non significabit vnum habitum vnius simplicis essentiæ; sed tantum vnum habitum in genere; quia & principia sunt vnum tantum in genere. Exempla in potentijs & habitibus infusis non vrgent; est enim magnum discrimen: Nam habitus acquisiti; quia generantur ex actibus, sequuntur limitationem actuum, & illis adæquantur: & quia actus non se extendunt ad omnia obiecta, sed ad vnum tantum, idcirco & habitus ex illis geniti eandem limitationem habebunt; habitus verò infusi & potentiæ, quia non generantur ex actibus, non limitantur etiam ad limitationem actuum, sed habent à Deo suum esse aliquo modo illimitatum, respondens multis actibus & obiectis & æquivalens multis habitibus acquisitis.

Sed dicet, Potentia vel respicit vnam rationem formalem obiecti, vel multas: si vnam; Ergo etiam habitus potest habere eodem modo, vnam rationem formalem obiectuam specificantem: quæ licet sit multiplex respectu diuersorum actuum, est tamen vna respectu habitus: si multas; Ergo potentia non erit vna specie potentia, quia vnitas potentiæ sicut & essentia, sumitur ab vna ratione formali obiecti. Respondeo: Potentia respicit vnam rationem formalem totalem, quæ consistit multis rationibus particularibus, quæ rationes limitatè acceptæ specificant diuersos actus specie: potentia autem cum habeat essentiam illimitatam, specificatur ab vna totali ratione formali, quæ in se multas partiales comprehendit. Verbi gratia, intellectus specificatur ab vna ratione formali intelligibili, complectente omnes rationes omnium intelligibilium, quæ per diuersos actus intelligendi, intelliguntur. Similiter visus, specificatur, non à solo genere coloris, sed à rationibus specificis omnium colorum; quia omnes illas formaliter attingit: & licet illæ rationes sint totales respectu singulorum actuum, sunt tamen partiales respectu potentiæ, cuius essentia est magis illimitata quam actuum.

Porro cum dicitur potentiam specificari ab obiectis, sano modo id intelligendum est, non enim est sensus, hanc specificationem fieri per aliquam actionem & efficientiam obiecti in potentiam; id enim falsum est, cum potentiæ non producantur ab obiectis, sed fluant ab essentia animæ; imò absentes omnibus obiectis, hæc?

*Potentia suo modo specificatur ab actibus?*

*Potentia non dicit relationem essentiali ad actionem vel ad obiectum.*

*Potentia quo sensu dicitur specificari ab obiecto.*

æque fluent potentia ab anima, sicut si essent præsentia. Neque est scientia etiam in potentia dari essentiali relationem ad obiectum, ita ut sine illa esse & intelligi potentia non possit; tales enim relationes in disputatione de relatione exclusimus, & ostendimus impossibiles; Potest enim potentia secundum rationem suam absolutam, optimè intelligi sine ordine ad obiectum, sicut intelligitur potentia divina, in qua nulla est relatio eisæqualis ad creaturam; licet secundariò & consecutivè, taleni ordinem necesse est intelligi, illa enim essentia talis est, ut fundet talem ordinem. Sensus igitur est, potentiam esse in sua essentia proportionatam obiecto, & illi respondentem, ita ut ex obiecto tali; rectè colligi possit talis vel talis essentia potentia, & ex essentia potentia, essentia obiecti; et quæ obiectum finis potentia, & illi tanquam fini & mensuræ potentia commensuratur, de quo plura diximus disp. 10. quæst. 8.

## QVÆSTIO II.

*An scientia totalis sit una scientia & unde sumenda sit hæc unitas?*

*Scientia una in ratione scientie, non est una in ratione unius modi sciendi.*

EX præcedenti quæstione liquet, scientiam totalem non esse unam in genere entis, nec unam simplicem qualitatem, aut habitum, sed multos secundum multitudinem demonstrationum specie distinctarum. In hac verò quæstione quærimus, an saltem in ratione scientia sit una; Est enim scientiam totalem unam in ratione scientia; non est esse unum ens, aut unam qualitatem simplicem, sed est esse unum ratione unius modi sciendi, & ex principiis inferendi conclusiones; sic Theologia est una, quia ex principiis reuelatus suas conclusiones infert. Physica, quia ex principiis materiam concernentibus & in materia fundatis.

Videtur itaque scientia totalis non esse una in ratione scientia. Primò. Quia non est una in ratione entis: Ergo neque in ratione scientia; Per idem enim scientia constituitur in ratione entis, & in ratione scientia; nam & id per quod scientia est scientia, est etiam Ens; & id per quod est ens, in tali specie, est etiam scientia.

Secundò: Ab eodem scientia habet unitatem, à quo habet esse, unitas enim est passio entis: atqui ab obiecto habet suum esse: Ergo debet habere & unitatem. Cum igitur ab obiecto non possit habere unitatem, sed multipliciter (obiectum enim scientia totalis non est unum, sed multiplex) sequitur non habere illam unitatem per se, sed tantum per accidens, ut cumulus lapidum: Erit igitur scientia totalis, solum una per accidens, & per aggregationem.

Tertio. Non potest assignari, unde sumi possit hæc unitas scientia totalis, non enim sumi potest ex una ratione formali. Quæ obiecti; quia obiecta formalia in scientia totali, sunt diversissima & in nullo ut sic convenientia: nam cum ex definitionibus & differentiis specificis subiectorum diversorum, demonstrantur de subiectis diversæ passiones, in nullo uniuoco talia subiecta conveniunt, cum differentiis specificis nihil sit commune uniuocum; non enim per differentias res conveniunt, sed differunt. Neque ad id sufficit convenientia in aliquo genere: nam scientia totalis, non solum est de illo genere in communi, sed etiam de singulis

eius speciebus, sub rationibus ipsarum specificis: sicut ergo rationes genericæ & specificæ in nullo conueniunt vniuocè: ita neque scientia erit vnum quid, vt versatur circa obiecta, tam diuersa. Quod si dicas sufficere conuenientiam analogicam obiectorum, id dici non potest: sic enim omnes scientiæ confunderentur in vnam, quia obiecta conueniunt analogicè in ratione entis.

Similiter non potest sumi ex vna ratione formali sub Qua; nulla enim talis sufficiens est ad vitatem, & distinctionem scientiæ totali tribuendam. Communiter enim assignatur abstractio triplex: Prima à materia singulari quæ constituit Physicam; secunda à materia tam singulari quam ab vniuersali: non tamen ab intelligibili quæ constituit Mathematicam; Tertia ab omni materia re & ratione quæ constituit Metaphysicam: atqui abstractio non dat sufficientem vnitatem, & distinctionem scientiæ totali.

*Triplex abstractio in obiectis scientiarum.*

Primo, quia abstractio est quædam conditio accidentalis: non igitur dare potest vnitatem & distinctionem essentialem scientiæ. Secundo cur potius ex abstractione, quam ex alijs conditionibus itidem accidentalibus sumi debeat. Tercio quia abstractiones omnes conueniunt in genere abstractionis: & reducuntur ad vnum genus abstractionis. Ergo & scientiæ. Quarto quia vel abstractio facit vnam scientiam genere, vel vnam speciem: si primum erunt omnes scientiæ, partes vnius totalis, & genericæ scientiæ: Si secundum; id dici non potest.

Nam & in Metaphysica triplex assignatur abstractio: alia transcendentium, alia intelligentiarum, alia Dei: Nam transcendentia, solum ratione abstrahunt à materia, re verò possunt inueniri æque in materia, sicut extra materiam, vt ratio substantiæ & accidentis, actus, Potentiæ: Intelligentiæ verò abstrahunt quidem re à materia, non tamen ab omni similitudine materiæ; sunt enim compositæ ex substantia & accidente, ex potentia, & actu: Deus verò ab omni materia, & ab omni materiæ similitudine abstrahit. In Mathematicis etiam dantur multæ abstractiones, quia dantur multæ totales scientiæ Mathematicæ, Geometriæ, Astronomiæ, Arithmetica, Musica.

*In Metaphysica obiecto triplex abstractio assignari potest.*

*In Mathematicis multæ dantur abstractiones.*

Est igitur Prima sententia Pici Mirandulani 13. de euersione singularis certaminis Secti. 6. & 7. non esse multas scientias totales, sed vnam; omnes verò quæ dicuntur scientiæ totales esse partes illius vnius scientiæ totalis. Probatur hæc scientiæ autoritate & ratione Arist. 4. Metaph. tex. 2. ubi ait eisdem scientiæ esse specularem Ens, & species entis, & species specierum entis. Cum igitur omnium scientiarum obiecta, sint species entis, ad eandem scientiam totalem, omnia spectabunt. Quod etiam exempla, & ratio Aristotelis ibidem allata confirmant. Exempla sunt, alterum de sensu, alterum de Grammatica. Nam & sensus vnus est omnium sensibilium illius generis. Et Grammatica, eò quod voces consideret, omnes voces considerare debet. Pari ergo ratione quæ scientia considerat ens, entia quoque omnia considerare debet.

*1. Sententia vnam esse solum omnium rerum scientiam totalem.*

Ratio verò est hæc: Non solum enim quæ sunt vnius naturæ, ad vnam scientiam spectant, sed etiam quæ licet sint diuersa entia, tamen ad vnam naturam referuntur, vt sunt analogi, quia in illa ratione dependent ab eo, quod primo est tale. Quare & scientia illorum ad scientiam eius, quod primo est tale, referenda est; sunt enim ista cognata inter se quodammodo & eiusdem rationis. Cum igitur omnia entia referantur ad substantiam tanquam ad principale analogatum in ratione entis, consequens est, omnia entia, ad eandem scientiam spectare.

Secundò probatur ratione. Quia diuisio scientiarum vel est ex natura rei, vel ex arbitrio hominum commoditatis maioris causa: primum dici non potest. Primò: quia si naturam rei spectamus, omnia obiecta scientiarum ex natura rei ordinantur ad vnum genus entis, vel substantiæ: Ergo & ad vnā communem scientiam; sicut enim ad vnum genus obiecti Physici, ordinantur omnia, quæ sunt in Physica; ita & ad vnum genus entis obiecta aliarum scientiarum ordinantur. Secundò: quia etsi hæc distinctio possit dici ex natura rei, quia naturæ rei conueniens, tamen non est ita ex natura rei, vt non possit esse alia quoque distinctio, similiter ex natura rei, vt enim accidentia sunt multa in eadem re, ita & conuenientia accidentalis, potest assignari multiplex, & differentia similiter accidentalis. Quare poterant scientiæ diuidi in duas totales, quarum altera consideraret substantias cum ijs proprijs, quæ ad illas consequuntur; altera accidentia secundum se, abstrahendo à materia; quidni enim alia quoque accidentia eodem modo abstrahi, & considerari possent, licet: & quantitas? si verò dicatur hæc diuisio non esse ex natura rei determinatè, sed ex arbitrio instituentium; non erit vnitas, & distinctio scientiarum specifica.

*Secunda sententia dari plures scientias totales.*

Secunda sententia est communis Peripateticorum, dari plures scientias totales, earumquæ vnitatem, & distinctionem, sumi ex distinctis specie abstractionibus: Nam etsi multi dicant, hanc vnitatem, & distinctionem sumi ab obiecto, vel ex principijs, vel ex vno modo demonstrandi, & definiendi; tamen vltimò tandem ea resolueret coguntur in abstractionem; ita vt nec obiectum formale, nec principia, nec modus demonstrandi, aut definiendi, per se sufficiat, nisi accedat abstractio. Nam si de obiecto, hoc est de conclusione loquamur, idem obiectum, & eadem conclusio, vt demonstratur per diuersa principia, potest ad diuersas scientias spectare. Verbi gratia, terram esse rotundam, demonstrat Physicus per principia Physica; id est, per gravitatem terræ. Mathematicus, per principia Mathematica, id est, per lineas visuales. Si verò de principijs loquamur; non potest assignari ratio, cur principia diuersarum scientiarum, ad vnā scientiam totalem non pertineant, nisi recurratur ad diuersum abstractionis genus. Nam etiam in vna scientia totali diuersæ scientiæ partiales, habent diuersa specie principia, ex diuersis rationibus obiectorum specificis desumpta, & tamen pertinere dicuntur ad vnā scientiam totalem: Ergo & aliarum scientiarum principia: Pari ratione pertinent ad vnā scientiam nisi obstrat abstractio: quod idem dici potest, de diuerso modo definiendi, & demonstrandi.

*Vnitas scientiæ est vnitas ordinis.*

Notandum igitur est primò, quod sicut esse scientiæ totalis, non est esse simplex: ita nec eius vnitas, est vnitas simplex, sed vnitas ordinis, sicut est vnitas exercitus, vel numeri: quare sicut exercitus dicitur vnus vnitate ordinis, quia licet multos milites contineat, tamen ratione illius vnus ordinis est vnus exercitus; ita & multæ scientiæ partiales, quatenus sunt certò modo inter se ordinatæ, dicuntur vna scientia totalis: Vnde patet; cum ordo sit quid accidentale rebus, etiam scientiæ totalis vnitas, desumpta ab ordine, erit accidentalis.

*In scientia duplex est ordo.*

Notandum secundò, Ordinem in scientia duplicem spectari posse: alterum attributionis, secundum quem omnia obiecta referuntur ad vnum genus obiecti, vel vt species, vel vt partes, vel vt proprietates, vel alijs modis: alterum conuenientiæ in vna ratione abstractionis. Primus ordo requiritur sed non sufficit ad vnitatem scientiæ; cum enim obiecta in scientia sunt multa, vt ad vnā scientiam

scientiam pertineant, debent certa ratione inter se ordinari, ut sint vnum, & cum non sint vnum natura, debent saltem ad vnum referri, nempe genus quoddam, quod cætera complectitur. Quare Aristoteles tam 1. Poster. tex. 43. ait scientiam esse vnam, quæ est vnius generis habens principia, partes, passionem, quam 4. Metaphysicæ. 2. ea quæ vnius generis, vel ad vnam naturam referuntur, ad vnam scientiam pertinere. Quod verò id non sufficiat ad perfectam unitatem, patet: Nisi enim genus ad quod reducuntur omnia in scientia, habeat abstractionem ab obiectis aliarum scientiarum distinctam, non constitueret simpliciter vnam scientiam; Non enim satis est ad genus aliquod omnia reuocari, sed etiam opus est ipsum genus, non reuocari ad aliud genus, hoc autem facit abstractio propria illius generis. Nam omnia quæ sub genere continentur, reuocantur ad illud genus, quia illius generis abstractione gaudent: ipsum verò genus non habet aliud genus eiusdem abstractionis, ad quod reuocari possit.

Verbi gratia. In scientia de elementis, elementum est genus, ad quod omnia in illa scientia reuocantur: Non tamen propter hanc obiecti unitatem, scientia de elementis est vna scientia totalis; quia ipsum elementum, reuocatur ad aliud superius genus, nempe ad corpus naturale, quia est intra latitudinem eiusdem abstractionis. Corpus verò naturale, licet in genere rei reuocetur ad ens tanquam eius species; tamen in genere scibilis, non reuocatur; quia ens, non continetur intra latitudinem abstractionis Physicæ, ita ut corpus naturale sit supremum genus rerum Physicarum, quia est supremum inter genera abstracta, abstractione Physica.

Notandum est tertio. In hac questione non ita facile est ostendere quomodo abstractio à materia, faciat ad unitatem, & distinctionem scientiarum totalium. Communiter tamen id, in hunc modum explicari solet. Intellectus cum sit immaterialis, per se requirit, ut à materia abstrahatur, & habeat obiectum immateriale. Quocirca cum tria sint genera abstractionum in scientiis, erunt etiam tria genera scibilium, diuersa enim abstractio facit diuersam rationem scibilis. Verum hæc doctrina non caret suis difficultatibus, nam quod intellectus sit immaterialis tam in essendo, quia non pendet in existendo à corpore, quam in intelligendo, quia intelligit etiam immaterialia; hoc non eò spectat, ut intellectus materialia, quæ materialia sunt, non possit intelligere; intelligit enim etiam ipsam essentiam materiz, & neuralium rerum, quo nihil materialius cogitari potest: Quod si ipsam essentiam, materiz intelligit, cur non proprietates materiales omnes? vnaquæque enim proprietates, ex cognitione essentiz ad quam consequitur, recte cognoscitur. Quare si intellectus & essentiam, & proprietates materiales cognoscere potest, quomodo verum erit quod dicitur, intellectum non posse intelligere materialia, sed abstrahere debere in suo modo intelligendi à materia. Nam immaterialitas intellectus non impedit quo minus possit materialia cognoscere (continentur enim materialia sub obiecto adæquato intellectus; sub ente nimirum & intelligibili) sed solum facit intellectum non esse determinatum ad sola materialia cognoscenda, ita ut præter illa, possit etiam immaterialia cognoscere. Quomodo autem oportet eum abstrahere à materia in intelligenda ipsa Materia? alioqui intelligeret materiam absque materia, hoc est, absque sua essentia, id enim in cognitione abstrahitur ab altero, quod sine altero cognoscitur: atqui impossibile est cognosci aliquid sine sua essentia: Ergo & materiam sine materia; ac ex consequenti, impossibile est intellectum in cognitione materiz, abstrahere à materia.

*Intellectus non  
ita abstrahit  
in intelligendo  
à materia ut  
materialia non  
conscideret.*

*Intellectus  
etiam singula-  
ria percipit.  
Intellectus ab-  
strahit à con-  
ditionibus ma-  
terialibus ex  
parte potentie  
non ex parte  
obiecti.*

Quod si dicas, Saltem abstrahere debere à conditionibus materialibus. Contra: si id intelligatur de conditionibus materię, falsum est; potest enim sicut essentiam materię, ita & proprietates ipsam consequentes intelligere: quę enim sunt hęc conditiones materiales? si hic & nunc, eadem quoque in immaterialibus inueniri possunt; singularia enim immaterialia sunt etiam hic, & nunc. Et mirum sane esset, si quod sensus cognoscit hic, & nunc existens, intellectus non posset cognoscere. Si verò intelligatur de conditionibus materialibus non ex parte obiecti, sed ex parte potentię, hoc verum est, quia intellectus non intelligit res eo modo materiali quo potentię sensitiuę materiales, sua obiecta cognoscunt, nempe per materiales species in materia existentes, per cognitionem materialem dependentem à materia, siue in ipso organo receptam, siue mediante ipso, receptam in anima. Cum igitur hic modus potentiarum sensitiuarum conueniat potentij ex eo, quod sunt in essendo materiales, merito dicimus, intellectum, abstrahere in suo modo cognoscendi, à modo materiali, non vero ex parte obiecti necesse est ut abstrahat à materia.

Alij itaque rem istam non ex immaterialitate intellectus deducunt, sed ex immaterialitate scientię; scientia enim, ex propria ratione scientię; postulat, ut non sit de naturis rerum hic, & nunc; sed de naturis in communi; Est enim scientia de vniuersalibus naturis, & demonstrat passiones vniuersales per causas vniuersales: Quocirca ex se postulat ut abstrahat à conditionibus materialibus, quę sunt hic & nunc. Vnde cum sit triplex modus abstrahendi, à conditionibus materialibus, triplex quoque erit genus scibile. Sed neque hi punctum tangunt: Nam scientia solum postulat abstrahere à singularibus conditionibus, quę sunt hic, & nunc; hoc enim requiritur ad cognitionem vniuersalem: Conditiones autem singulares, non solum inueniuntur in materialibus, sed etiam in immaterialibus: quare ex hoc capite non probatur, requiri ad scientiam abstractionem à materia, sed abstractionem à singularibus.

Aliter ergo dicendum est. Abstractionem illam triplicem, distinguere scientias totales, quatenus fundant distincta genera principiorum, & modos distinctos definiendi, ac demonstrandi; Ita enim fit, ut sint distinctę scientię, quę habent distinctos modos sciendi, & demonstrandi.

*Prima Con-  
clusio.  
Vnitas & di-  
stinctio scien-  
tię non sumit-  
ur ab vna ra-  
tione formali  
quę obiecti.  
Vnitas generi-  
cis obiecti non  
sufficit ad spe-  
cificationem  
scientię tota-  
lię.*

Dico igitur primò. Vnitatem, & distinctionem scientię totalis, non sumi ab vna ratione formali quę, obiecti. Ratio est: Quia hæc vna ratio, vel esset generica, vel specifica: non specifica, ut patet, cum sint obiecta specie distincta: si generica, ea non dabit vnitatem scientię nisi genericam, & facta scientiam vnā genere, quā circa vnum genus obiecti versatur, non autem vnā specie; Cum obiecta sint specie distincta. Neque dici potest, sufficere vnitatem genericam obiecti ad specificationem scientię totalis, quia non minus rationes specificę obiectorum specificant scientiam, quam ratio generica, imò magis; cum quia sunt perfectiores: tum quia ex illis potissimum sumitur causa, & medium ad demonstrandas passiones: ut cum ex rationalitate demonstratur risibilitas, ergo si generica ratio conuenit ad specificandam scientiam, multo magis concurrent rationes specificę. Cum igitur rationes specificę obiectorum in scientia totali sint multe & diuersę, non poterit ex vnitare obiecti sumi vnitatis scientię totalis.

Dices obiecta illa, licet sint specie distincta, conuenire tamen analogice in vna ratione, quę vnitas analogica obiectorum sufficit ad specificandam vnā scientiam

iam totalem. Contra: Ratio analoga est communis solum in confuso conceptu, scientia verò, non solum considerat rationem illam communem confusam obiectorum, sed etiam specificas & distinctas rationes singulorum obiectorum. Quare licet ratio illa analoga, posset esse sufficiens ad specificandam scientiam, vt est de obiectis secundum illam rationem communem & confusam, non tamen est sufficiens ad specificandam scientiam, vt est de obiectis secundum suas proprias rationes specificas.

At instabis Ratio illa generica obiecti, etsi non sit sufficiens ad dandam unitatem essentiali scientiæ totali; sufficiens tamen est, ad dandam unitatem ordinis, & attributionis. Nam sicut ad genus reuocantur omnia, quæ sub illo genere continentur; ita ad scientiam de genere reuocantur omnes illæ scientiæ, quæ sunt de subiectis illi generi. Respondeo non sufficere ad vnam scientiam totalem quamcumque reuocationem specierum ad genus, nisi genus illud ad aliud supra se genus reuocari non possit: Nam etiam intra latitudinem eiusdem scientiæ totalis, dantur multa genera ad quæ reuocantur omnia illius generis; neque tamen singula genera constituant singulas scientias totales; solum ex eo, quod etiam ipsa genera ad alia genera reuocantur: Non igitur sufficit ordo ad vnum genus obiecti, nisi illud genus sit summum, & non possit reuocari ad aliud: Hoc autem non fit nisi propter abstractionem: Nam ex natura sua omnia genera reuocantur ad genus ens: nisi igitur sumantur limitate sub certa ratione abstractionis, propria vni scientiæ, non poterunt illa genera dici summa, & irreuocabilia ad alia. Solum igitur dicuntur summa, vt sunt sub tali abstractione; sic enim non habent supra se genus superius, cum simili abstractione.

Dico secundò. Unitatem & distinctionem scientiæ totalis, non sumi præcisè ab vna ratione formali sub Qua, seu ab vna ratione abstractionis. Ratio est: Quia eadem specie abstractio, potest competere distinctis scientiis totalibus. Nam de corpore naturali, agit & Physicus, & faber, & medicus, sub eadem abstractione à materia singulari, non à materia vniuersali, non igitur sola abstractio constituit unitatem scientiæ totalis.

Dico Terriò. Unitatem & distinctionem scientiæ totalis sumi ab vno genere obiecti, cum vno genere principiorum, & cum vna specie abstractionis: Hæc conclusio est imprimis ad mentem Aristotelis, qui vtrumque requirit ad unitatem scientiæ, unitatem quidem genericam obiecti 1. Post. tex. 43. & 4. Met. 1. 2. unitatem autem abstractionis 1. de Anima tex. 17. 2. Phys. tex. 18. 7. Met. tex. 16. 11. Met. summa 3. c. 1. quibus in locis ex diuersa specie abstractionis scientias distinguit. Unitatem verò principiorum, quando docet de eodem obiecto per diuersa principia easdem passiones, à diuersis scientiis demonstrari. Ratio verò est manifesta: Nam vt est dictum, vnum genus obiecti sine abstractione, non sufficit ad constituendum vnam scientiam totalem; Idcirco enim scientia omnium rerum, non est vna scientia totalis: quia licet habeat vnum genus obiecti, nempe ens, non tamen habet vnum genus abstractionis, sed multiplex. Similiter vnum genus abstractionis, cum vno genere obiecti non sufficit, nisi sit vnum genus principiorum: Nam idem obiectum per diuersa principia, potest à diuersis scientiis demonstrari, vt cum Physicus probat, terram esse rotundam ex grauitate, Geometra ex lineis visualibus. Similiter idem potest probari ex principiis Physicis, & Metaphysicis, vt materiam primam Physicus probat ex motu, Metaphysicus ex ratione potentie & actus.

Dices

*Secunda Conclusio.*

*Non ab vna ratione formali sub qua.*

*3. Conclusio.*

*Vnum genus obiecti sine abstractione non sufficit ad unitatem scientiæ totalis.*

*Nec vnum genus abstractionis.*



*Duplex ratio  
formalis ob-  
iectiva.*

Dices in tali casu esse idem obiectum materialiter non formaliter, obiectum enim in ratione formali obiecti, constituitur per medium & rationem assentiendi. Respondeo: In ijs obiectis in quibus est ratio assentiendi ab ipso obiecto distincta, duplex ratio formalis obiectiva distinguitur: altera intrinseca obiecto, quæ in obiecto cognoscitur, & est subiectum sub tali prædicato: altera extrinseca obiecto, ut est medium contentum in præmissis, quod est ratio assentiendi conclusioni: Vtraque autem est propriè ratio formalis, quia utraque formaliter, & per se ipsam cognoscitur: Nam illud propriè dicitur materiale obiectum, quod secundum se non est cognitum, sed est subiectum, vel quasi subiectum eius rationis, quæ cognoscitur, ut paries secundum se non videtur, sed secundum quod est albus; & idcirco est obiectum materiale visionis, albedo verò est formale. Cum igitur conclusio in demonstratione, non ita cognoscatur, ut sit solum subiectum, vel quasi subiectum rei cognitæ, sed ipsa per se ipsam cognoscatur; idcirco non est simpliciter materiale obiectum, sed formale: quia tamen sola per se ipsam non est ratio se ipsam cognoscendi, sed eget medio ipsam notificante, idcirco utrumque in suo genere, habet rationem formalis obiecti, medium ut ratio cognoscendi, conclusio ut ratio cognita. Et licet conclusio respectu medi, habet se ut quid materiale (siquidem determinatur per medium ad certam rationem cognoscibilis) tamen si utrumque conferatur ad scientiam, habet utrumque rationem formalis obiecti, & ex utroque completur una ratio formalis perfectæ obiecti.

*Scientia totalis  
est una per  
aggregationem.*

Ex quibus patet ad rationes dubitandi positas initio quæstionis. Ad primam Respondeo: Scientia totalis cum sit ens per collectionem plurium habituum in ordine ad unum genus obiecti, cum uno genere principiorum, & una abstractione; est etiam una, sed unitate entis per aggregationem, non verò unitate entis simpliciter, si igitur proportionaliter loquamur, idem est principium constitutum scientiæ in ratione entis, & in ratione scientiæ, siue scientia sit totalis, siue partialis: at non est idem principium constitutum scientiæ, in ratione entis simpliciter, & in ratione scientiæ totalis; scientia enim totalis, non est unum ens simpliciter habens unam essentiam, sed tantum unum secundum quid, hoc est secundum ordinem; sicut exercitus dicitur unus, etsi multos milites, & Duces contineat. Quare habet suum principium constitutum unum in ratione scientiæ, non verò in ratione entis. Et hoc sensu Doctores in hac materia terminos istos sibi opponunt.

Ad secundum, scientia ab uno specie obiecto habet suam unitatem specificam, & essentialem, ab una verò collectione obiectorum, qualis est in scientia totali, habet unitatem ordinis, & aggregationis, non unitatem essentialem. Cum verò inferatur, scientiam totalem esse unam per accidens, respondendum est, si unitas per accidens opponatur unitati essentiali, sic verum est esse unam per accidens: quia est una non essentiali, sed accidentaliter illo ordine obiectorum: Si verò unitas per accidens opponatur unitati per se, quomodo cumulum lapidum dicimus esse unum per accidens quia nullo modo est per se unus, neque essentia, neque ordine; ordini enim inest sua forma per se. Sic negandum est, scientiam totalem esse unam per accidens; est enim suo modo una per se, ratione unius ordinis obiectorum; non enim in scientia totali obiecta sunt Scopæ dissolutæ, sed certa ratione ordinantur ad unum genus obiecti, & unum genus principiorum, sub una abstractione.

Ad Tertium. Respondeo. Unitatem scientiæ totalis, sumi ex accidentaliter unitate multorum obiectorum, sub uno genere obiecti, & principiorum, & abstractione;

nis; quæ vnitas est accidentalis, non vero essentialis scientiæ totali; quia sumatur à ratione accidentali; si tamen sumatur formaliter vt totalis est, sic est illi essentialis, sicut & parieti albo, quatenus albus est, est essenziale esse disgregauum vnius.

Ad Primum. Quod contra abstractiones afferebatur. Respondeo abstractionem esse conditionem accidentalem, vt dictum est. Ad secundum, ex abstractione vnijs generibus, oriuntur varia genera principiorum, quæ sicut faciunt diuersos modos sciendi, ita & diuersas scientias; mento igitur ex abstractionibus sumitur distinctio, & vnitas scientiarum. Ad Tertium respondeo non ex abstractione in genere, sed ex abstractione in specie, sumuntur genera principiorum: quare & vnitas, ac distinctio scientiarum, pari modo ex abstractione in specie, non in genere sumi debet. Quod si vel in Metaphysica, vel Mathematica plures abstractiones specie assignari possint, plures quoque scientiæ totales erunt constituendæ, eritque tunc Metaphysica, vel Mathematica vna genere scientia, non vna specie, de quo suo loco agendum est.

Quoniam quod ad Mathematicas attinet, non videntur posse in eis diuersæ species abstractionis assignari. Cum quantitas tam continua quam discreta, eodem modo abstrahatur à materia sensibili, & sic materia intelligibilis, formarum Mathematicarum quæ sunt figuræ, & species numerorum. Distinguit enim Aristoteles materiam insensibilem, & intelligibilem, 1. Metaph. tex. 35. materia, vbi gratia, circulari sensibilis, est æs, vel lignum; intelligibilis, est ipsa quantitas linearis, vel superficiæ: Dicitur autem quantitas, materia intelligibilis: materia quidè respectu formarum Mathematicarum; intelligibilis autem, quia etsi existat in sensibilibus, non tamen quatenus sensibilia sunt, potest enim à sensibilibus abstrahi, vt ibidem declarat Aristoteles, & quia per modum materiæ intelligitur se habere ad entia Mathematica.

*In Mathematicis non possunt assignari plures specie abstractiones.*

Porro quantitas dicitur materia respectu suarum formarum, quæ illi vt materiæ insunt; figuræ enim sunt veluti formæ quantitatis continuæ, ipsam determinantes ad esse specificum talis, vel talis figuræ: similiter numeri, sunt veluti formæ quantitatis discretæ, determinantes illam ad certam speciem. Dices figuram esse accidentem quantitatis continuæ, & numerum quantitatis discretæ.

Respondeo, etiam in Physicis; forma est quid extrinsecum, & accidentale materiæ, adueniens illi, & recedens ab ea; tamen quia constituit cum ea vnum in ratione substantiæ, quod substantialiter non potest sine vtroque intelligi, ideo dicitur vnum materia, aliud forma. Proportionaliter igitur figura in Mathematicis, dicitur substantialiter tam quantitatem quam certam quantitatis terminationem, ita vt illa terminatio quantitatis, non sit figura, sed forma figuræ, sicut forma hominis, non est homo, sed hominis forma; & sicut res Physicæ sine forma & materia definiti, & intelligi non possunt, ita & in Mathematicis figuræ sine quantitate; vti loco citato docet Aristoteles. Cum igitur entia Mathematica abstrahant solam à materia sensibili, non autem à materia intelligibili; quia non abstrahunt à quantitate, quæ est materia intelligibilis, & eodem modo ex illa componuntur etiam entia Mathematica sicut ex materia sensibili entia Physica; cum etiam hæc species abstractionis communis sit omnibus entibus Mathematicis, consequens est, non esse Mathematicas plures scientias totales, sed partes vnius scientiæ totalis: Nam Mathematicæ obiectum Mathematicæ, est quantitas in communi, & complectitur continuum

*Non sunt plures scientiæ Mathematicæ totales.*

& discretam,

& discretam, intra latitudinem abstractionis à materia sensibili, non ab intelligibili.

Partes verò Mathematicæ, sunt duæ: vna quæ versatur circa quantitatem continuum, quæ dicitur Geometria, alia quæ circa discretam, & hæc dicitur Arithmetica. Et quidem hæc dicuntur puræ Mathematicæ, quia non spectantur in illa materia Physica, si verò applicentur ad aliquam materiam Physicam erunt mixtæ, & puris subalternatæ, sic Astrologia, verbi gratia, & perspectiua, dicitur Geometria mixta, quòd illa in corpore cœlesti, hæc in lineis visualibus spectatur. Musica etiam est Arithmetica mixta, quia numeros quos Arithmetica purè, & abstractos ab omni materia considerat, ipsa considerat in materia sonorum.

*Metaphysica  
non est vna  
sola scientia  
totalis.*

De Metaphysica verò valde probabile est non esse vnam scientiam, nec vnam speciem abstractionem habere; alia enim est abstractio transcendentium, alia intelligentiarum, alia Dei, sed de hoc in Metaphysica agendum erit.

Ad fundamentum Primæ sententiæ Respondeo, Quòd ad Aristotelem attinet, is affirmat quidem scientiam de ente & omnibus entis speciebus, esse vnam scientiam totalem. Sed sub rationibus vniuersalissimis entis & specierum ac proprietatum eius vniuersalissimarum. Quod vel ex hoc patet, quòd Aristoteles non semel Metaphysicam distinguit à Physica, & Mathematica; ergo non vult obiecta aliarum scientiarum esse sub proprijs rationibus, species obiecti Metaphysicæ, sed tantum sub vniuersalissimis rationibus.

Dices, omnis scientia totalis, quæ versatur circa aliquod genus obiecti, versatur eo ipso circa omnes species illius obiecti, non solum sub ratione generica, sed etiam sub suis proprijs & specificis rationibus, vt patet in Physica, quæ quia versatur circa corpus naturale in genere, versatur etiam circa omnes species illius obiecti corporis naturalis, sub proprijs & specificis corporum rationibus: Ergo pari ratione, Metaphysica, cum sit scientia de ente in genere, versatur circa omnes species entis, non solum sub rationibus entis genericis, sed etiam sub rationibus proprijs specificis.

Respondeo. Duplices species enti assignare possumus; alias, quæ illi conveniunt absolute, vt ens est, non sub certa abstractione accepto, quomodo ens omni omnino nullo excepto comprehendit; alias, quæ illi conveniunt intra latitudinem abstractionis à materia, re, & ratione: quomodo species entium Physicorum, & Mathematicorum non sunt species entis Metaphysici: quia sub rationibus Physicæ non abstrahunt à materia, re, & ratione, vt requiritur ad ens Metaphysicum. Cum igitur dicitur scientiam, quæ considerat aliquod genus, considerare etiam species omnes illius generis, sub ratione non solum generica, sed etiam specifica talium specierum, verum id est, si intra eandem abstractionem contineatur, sic verò species corporum naturalium, non continentur intra eandem abstractionem entis Metaphysici, idcirco non sunt species entis, sic abstracti re & ratione à materia, licet absolute, sint species entis.

*Distinctio scientiarum secundum varias abstractiones, est aliquo modo ex natura rei.*

Similiter ad rationem Primæ sententiæ. Respondeo. Hanc distinctionem scientiarum secundum varias abstractiones esse ex natura rei aliquo modo: quia est cum fundamento in natura rei. Natura enim rei postulat, vt scientiæ habentes diversos modos sciendi, definiendi, demonstrandi, distinguantur ab inuicem. Quæ igitur ex distinctis abstractionibus à materia sequuntur distincti modi sciendi, definiendi, demonstrandi, idcirco ex natura rei est fundamentum talis distinctionis.

Non tamen ita existimo esse ex natura rei, quasi non potuerit salua rei natura, alia distinctio scientiarum institui. Sicut enim exercitus secundum varios ordines, varie ordinari, & distinguere possunt, & quidem conuenienter naturæ rei; ita & scientiarum particularium multitudo in varios veluti ordines distribui poterat, spectando varios fines scientiarum & varios modos, in quibus conuenire possunt. Nullus tamen melior, & conuenientior inuentus est ab omnibus Philosophis, quam iste; quia secundum hunc ordinem, perfectè suis limitibus omnes scientiæ distinguuntur ab inuicem, ita ut altera cum altera non confundatur, & per se omnem sui generis perfectionem habeat, quod in alijs ordinibus non ita cernitur. Quocirca hæc distinctio non est omnino ad libitum cum habeat fundamentum in re, nec omnino ex natura rei, cum pendeat aliquo modo a iudicio, & inuentione hominum.

Deco quarto. Abstractio distinguit quidem scientias speculatiuas inter se, non tamen distinguit scientias speculatiuas à practicis; ita ut aliquid aliud præter abstractionem, sit assignandum, quod distinguat scientias speculatiuas à practicis, quod est modus ipse procedendi; speculatiuus, & practicus. Ratio est, quia speculatiuæ scientiæ, & practicæ, possunt habere eandem abstractionem specie: Ergo per illam non distinguuntur. Nam scientia de homine, & actibus eius speculatiue considerata, pertinet ad Physicam. Scientia verò de iisdem actibus, eandem abstractionem à materia habentibus practicè consideratis pertinet ad moralem. Similiter operationes intellectus speculatiuæ & secundum naturam suam consideratæ, spectant ad Physicam; practicæ verò vel quasi practicæ ad Logicam cum tamen sub utraque ratione, retineant eandem abstractionem. Hanc conclusionem addere velui, ne quis existimet omnes scientias totales distinguere debere abstractione; id enim solum verum est de scientijs speculatiuis.

*Quarta conclusio.*

*Abstractio distinguit solum scientias speculatiuas inter se.*

## QVÆSTIO III.

*Quodnam & quale sit obiectum scientiæ totalis?*

**H**Ac questione complectar ea omnia, quæ à Doctrinibus de natura, & proprietatibus obiecti scientiæ totalis dici solent. Ac in primis certum est, obiectum scientiæ totalis non esse omnia obiecta particularium scientiarum collectivè; sed obiectum talis scientiæ non sunt omnia obiecta particularium scientiarum collectivè. Et si enim scientia totalis nihil sit præter scientias parciales simul sumptas (totum enim non est præter suas partes) neque vllum potest assignari obiectum scientiæ totalis, quod non sit obiectum alicuius scientiæ particularis, cum etiam genus in communi, de quo demonstrantur passiones in communi, sit obiectum scientiæ particularis, & demonstrationis particularis habentis talem conclusionem per tale medium pro suo particulari obiecto: tamen quia multitudo tam scientiarum quam obiectorum particularium non est inordinata, ordo autem ad unitatem reducit omnem multitudinem, idè & inter obiecta particularium scientiarum, statuitur obiectum vnum ad quod omnia reduci debent: Quocirca illud obiectum, ad quod omnia reuocantur, erit obiectum scientiæ totalis. Quare si quis ita argumentetur, idem est obiectum scientiæ totalis & scientiarum

rum partialium, quia scientia totalis nihil est præter scientias parciales simul sumptas: Cum igitur obiectum scientiarum partialium non sit vnum sed multa, nec obiectum scientiæ totalis, erit vnum, sed multa. Respondendum est, scientiam totalem non esse quid distinctum à scientijs partialibus, sed esse collectionem scientiarum partialium; in ordine ad vnum genus obiecti: Quocirca propter hanc unitatem ordinis, quam scientia totalis dicit supra scientias parciales, habet vt respiciat obiectum vnum ad quod omnia ordinantur. Neque verò obiectum scientiæ totalis excludit multitudinem obiectorum, sed eam dicit vt contentam sub vno genere obiecti; ita vt omnia quæcunque spectant ad illud genus obiecti; spectent ad eandem scientiam totalem; siquidem collectio scientiarum partialium sumitur ex vno ordine ad vnum genus obiecti. Hæc est doctrina Aristotelis 4. Met. tex. 2. & 1. Poster. 43. vbi docet vnam scientiam, esse vnius generis obiecti, ad quod omnia obiecta reuocantur.

*Obiectum scientiæ totalis quomodo sit adequatum.*

Ex quo patet, quomodo obiectum in scientia totali sit adequatum: Nam licet genus obiecti ratione sui non sit adequatum obiectum scientiæ totalis; non enim solum de genere in communi, sed & de speciebus est scientia totalis; genus verò in communi consideratum, est obiectum vnius scientiæ partialis: tamen quatenus illud genus obiecti, continet sub se multas species, sic est obiectum scientiæ totalis; sic enim omnia quæ tractantur in scientia totali continet, quatenus omnia illa reuocantur ad illud genus obiecti, vel tanquam species, vel tanquam principia, & partes, vel tanquam proprietates, & effectus.

*Obiectum scientiæ totalis non debet predicari de omnibus contentis in illa scientia.*

Porro obiectum in scientia totali, non debet esse tale genus, quod prædicetur in quid de omnibus contentis in illa scientia: Nam obiectum scientiæ totalis, est id, de quo scientia demonstrat suas passiones, ac ex consequenti, quod est subiectum passionum demonstrandarum: Subiectum autem non est genus suarum proprietatum: Quia re in Physica, verbi gratia, non statuitur pro obiecto ens naturale, vt dicitur de substantijs, & accidentibus naturalibus, sic enim nihil de illo in Physica demonstrari posset, sed corpus naturale, quod est genus ad solas species corporum naturalis, de quibus est scientia, & demonstratio, non verò ad proprietates corporum naturalium, quæ demonstrantur & sciuntur de corpore naturali. Dices Metaphysicæ obiectum est ens, quod omnia comprehendit. Respondeo: Ens reale est obiectum Metaphysicæ, quod non dicitur de passionibus formaliter loquendo, quia non addunt aliquid reale enti, sed tantum de substantia, & accidente, quæ sunt species entis naturalis.

*Obiectum quod sciatur in scientia est conclusio demonstrata. Subiectum conclusionis est obiectum de quo est scientia.*

Ex quo solui potest illa questio quam mouet Greg. quæst. 1. Prologi. An obiectum scientiæ sine conclusio ipsa vel subiectum conclusionis? Distinguedum enim est: Obiectum enim scientiæ dupliciter sumi potest: Primò pro eo, quod sciatur in illa scientia, & tale obiectum est conclusio demonstrata, id enim quod sciatur in quolibet scientia, est, quod talis passio inest tali subiecto, propter talem causam, in vt subiectum conclusionis solum materialiter sciatur, tanquam id, de quo sciatur passio passio verò formaliter sciatur inesse subiecto, & sic verà est sententia Gregori. Secundò sumi potest pro eo, de quo est scientia, & demonstratio: & hoc est subiectum conclusionis, non conclusio; Non enim de conclusione, sed de eius subiecto demonstrantur passiones. Et hoc sensu statuitur obiectum in scientia totali, quod sit subiectum passionum, quæ in illa scientia demonstrantur. Quamuis autem in genere obiecti sciti subiectum sit solum materiale respectu passionis, quæ formaliter sciatur:

finis; tamen in genere obiecti, de quo est scientia, est obiectum formale; non enim subiectum conclusionis sub omni ratione est id, de quo est scientia, sed sub certa, eaque formali ratione. Verbi gratia corpus in Physica potest sub varijs rationibus considerari, sub ratione entis, vel substantiæ in communi, item sub ratione aëris, quomodo à Metaphysica consideratur, à Physica verò consideratur sub ratione formali corporis naturalis, & sub ea ratione, passionis de illo demonstrantur. De quo plura diximus, præcedenti disputatione.

Secundò soluitur illa quæstio. An obiectum scientiæ contineat virtute omnes *Obiectum scientiæ* veritates contentas in illa scientia? Hoc enim affirmat Scotus q. 3. Prologi. Et *ra-entia continet* ratio est: quia subiectum in demonstratione, continet in se virtute & passionem, & *virtute omnes* causam passionum; essentia enim subiecti est causa suarum passionum. Ergo etiam *veritates in* continet virtute omnes veritates illas scientiæ, quia continet veritatem & *scientia contentas* conclusionis quatenus continet virtute passionem, & principiorum quatenus continet virtute causam passionis, quæ est in principijs; Et quia obiectum scientiæ est genus aliquod in communi acceptum, continens sub se multas species, idcirco ratione sui immediatè solum continet passionem, & causas earum genericas, ac proinde, & veritates solum pertinentes ad genus in communi: ratione verò specierum contentarum, continet etiam omnes alias veritates in speciebus contentas, idcirco vniuersè verum est, obiectum scientiæ totalis continere omnes veritates illius scientiæ. Quæ sententia Scoti, vti verissima est, ita immeritò impugnatur à Greg. qu. 4. Prologi. Gabr. quæst. 9. neque eius rationes quidquam concludunt contra sententiam Scoti.

Tertiò soluitur tertia quæstio. An obiectum scientiæ totalis debeat esse genus vniuocum, vel possit esse analogum. Respondeo: Possit esse siue vniuocum, siue analogum. Est expressa sententia Aristotelis 4. Metaph. 1. 2. vbi docet, non solum quæ habent eandem naturam, sed etiam quæ ad vnam naturam referuntur, ut sunt analogæ attributionis, ad vnam scientiam spectare. Et ratio est, quia ista & ratione analogiæ sunt inter se cognata quodammodo & vnius generis, & ratione vnius abstractionis possunt ad vnam scientiam spectare.

*Obiectum scientiæ totalis potest esse tum vniuocum tum analogum.*

## QVÆSTIO IV.

*Quid sit praxis?*

**A**Nequam ad diuisionem scientiæ in speculatiuam & practicam veniamus, explicandum prius est, quid sit praxis, tum quæ sit cognitio practica. Quod igitur *Praxis nomine* me ad praxim attinet; non sumitur hic praxis pro omni actione, quæ sit à nobis, *intelligitur* sed solum pro ea, quæ sit ex directione intellectus. Quædam enim à nobis sunt *actio quæ sit* naturaliter absque vlla cognitione, quæ dicuntur operationes naturales, quarum *ex directione* principium non est cognitio vel ars, sed natura, ut sunt actiones animæ vegetatiuæ, *in intellectu.* generatio, nutritio, augmentatio, quæ sine omni cognitione efficiuntur: aliz verò *in intellectu.* habent à nobis ex cognitione, ita ut earum principium sit cognitio, ut sunt ij actus, qui sunt in potestate nostra ut velle, cantare, ambulare, ædificare. Præter igitur hic *in intellectu.* sententiam non primo modo (hoc enim modo omnes actiones cuiuscunque agentis, vt

ut ab ipso fiunt dicuntur praxes) sed secundo modo ut subiacent directioni intellectui; Loquimur enim de tali praxi, quæ sit dirigibilis à cognitione, vel habitu practico, quæque rectè, vel secus à nobis fieri potest.

*Praxis humana.*

Talis praxis est humana, & fit à principijs homini proprijs, nempe ab intellectu & voluntate; à voluntate ut imperante, ab intellectu ut dirigente. Nam voluntas suo imperio facit, ut actus fiat, intellectus verò sua notitia præscribit modum, & rationem, quo fieri debeat. Itaque praxis quoad suam substantiam & entitatem, efficitur quidem à sua potentia propria, naturaliter ipsius productiva; tamen quia voluntas applicat potentiam ad talem productionem, intellectus verò modum & rationem præscribit, quo fieri debeat, idcirco praxis, non solum à potentia propria dependet, quoad substantiam; sed etiam à voluntate, quoad exercitum actus, & ab intellectu, quoad modum, & rationem actus.

*Nominales actionem intellectus putant esse posse praxim.*

Ex quibus patet quæ actio dicenda sit praxis. Et quidem Nominales Ockam, Greg. quæst. 5. Prologi, Gabriel. & alij volunt eam omnem, & solam actionem, quæ nimirum est in potestate nostra, & fit secundum præscriptum, & directionem intellectus, esse praxim; idque probant. Illa enim actio est praxis, quæ dirigunt ab habitu, & cognitione practica. Talis autem est ea actio, quæ est in potestate nostra. Nam quæ non sunt in potestate nostra dirigi ab intellectu non possunt, ut sunt actus naturales, qui sunt à nobis ex necessitate naturæ non ex præscripto intellectus. Ergo: Ex quo inferunt etiam actionem intellectus esse praxim, quia sit in potestate nostra, & dirigi possit siue ut sit actio bona & honesta, siue ut sit cognitio recta.

*Negat id Scotus.*

Scotus verò quæst. 3. Prologi concedit quidem solam eam actionem esse praxim, quæ est in potestate nostra; negat tamen omnem actionem in potestate nostra existentem, esse praxim; nam etiam actio intellectus est in potestate nostra, & dirigitur ab intellectu, non tamen est praxis. Solum igitur vult actum voluntatis elicitedum, vel imperatum esse praxim. Definuit igitur praxim, esse actum alterius potentie ab intellectu, naturaliter posteriorem intellectione, natum elici conformiter rationi rectæ, ad hoc, ut sit rectus. Quod enim sit actus alterius potentie ab intellectu, probat ex eo: tum quia stando præcisè in actibus intellectus, nulla est praxis; praxis enim est extensio quædam intellectus extra se; Non extenditur autem intellectus nisi cum actum alterius potentie respicit: nam cum suum actum dirigit, est intra se, non extra se. Quod verò sit actus naturaliter posterior intellectione, patet, quia pendet in suo esse, & in sua directione à cognitione. Ergo debet esse illa posterior: quare actus omnes vegetativi, & qui naturaliter sunt, cum præcedant omnem cognitionem, non sunt ex hoc capite praxes: Quod verò debeat praxis esse actio nata elici conformis rectæ rationi, patet: quia praxis est recta ex conformitate cum ratione recta. Ergo ut aliquis actus sit praxis, debet posse conformari rationi.

*Prima Conclusio.*

*Praxis est ea actio quæ est in potestate nostra.*

Dico primò solam eam actionem esse praxim, quæ est in potestate nostra. In hoc conveniunt omnes: loquimur enim hic de ea praxi, quæ dirigitur à ratione, per habitum vel cognitionem practicam: at actio, quæ non est in potestate nostra, non potest dirigi à nobis; si quidem sine tali directione sit naturaliter, nec pendet à cognitione: Ergo nulla actio, nisi ea, quæ est in potestate nostra est praxis. Et quo infero, eos actus qui naturaliter in nobis fiunt, neque ex cognitione procedunt non esse praxes, ut sunt: actus animæ vegetativi, Nutritio, generatio, augmentatio:

actus



actus etiam potentiarum sensitiivarum, quatenus procedunt à suis potentius independenter ab intellectu. Si tamen aliquo modo fiant ex præscripto rationis, & imperio voluntatis poterunt illa ratione per accidens dici praxes, quia tunc pendunt à nobis, & ex cognitione fiunt.

Dupliciter autem actio aliqua dicitur esse in potestate nostra: vel ut fiat, vel ut *Praxis dupliciter à nobis dependet.* talis, vel tali modo fiat. V. G. in potestate nostra est videre primo modo; quia in potestate nostra est applicare nos ad videndum; non est autem in potestate nostra talis modo videre, cum hoc sit ex natura rei, & sequatur necessarium propositionem obiecti visibilis; cantare verò, pingere, ædificare viroque modo est in potestate nostra, quia tales actiones non sunt à natura determinatæ ad illum modum, & regularitatem, sed eam recipiunt à ratione.

Potest restitudo, quam actiones istæ recipiunt à nobis, est duplex, alia artificialis, alia moralis; illa fit à solo intellectu; hæc verò etiam à voluntate. Verbi gratia, canrus dicitur rectus; qui est secundum artem in intellectu existentem; lar- *Restitudo artificialis; moralis.* pso verò elemosynæ dicitur recta, quia est secundum virtutem, quæ est in voluntate. Et licet utraque restitudo oriatur ab intellectu tanquam à prima causa: tamen artificialis oritur ab intellectu immediate, non mediante voluntate; Moralis verò restitudo prius est in voluntate, tum ea mediante in aliis actionibus, ut enim ædificatio sit recta, non debet esse recta secundum virtutem, sed secundum artem; Vnde si artifex non habeat rectam voluntatem, potest rectum ædificium facere: quod signum est rectitudinem illam totam oriri ab intellectu, & non pendere à voluntate. Pendet quidem ædificium à voluntate artificis, ut fiat, non verò à rectitudine voluntatis, ut tali & tali modo fiat.

Infero secundo, Cum eatenus actio sit praxis, quatenus est in potestate nostra, & à nobis dependet, dependet autem à nobis quatenus à cognitione nostra dependet, sit ut per ordinem ad cognitionem actiones dicantur praxes, seu ut ex cognitione fiunt in nobis. *Praxis dicitur per ordinem ad cognitionem nostram.*

Quod si quæras an de ratione praxis sit, ut fiat actio libera; hoc enim quidam requirunt, ita ut actiones non liberas, siquidem fiunt ex necessitate, & naturaliter dicant non esse praxes: at alij tenent id non spectare ad rationem praxis in communi, quæ æquè saluatur in praxi libera ac necessaria. Nam si sit actio ex cognitione procedens, erit verè praxis, etiamsi non sit libera. Quod probatur primo; quia actio procedens ex habitu artis est vera praxis, quia ars est habitus practicus, ex suo obiecto, quod est praxis: atqui ars potest esse principium actuum artificialium, etiamsi non fiant libere, ut in amenibus & dormientibus patet; hi enim cantant ex arte, etiamsi liberi arbitrij visum non habeant, quod etiam accidit in actibus inde liberatis, qui fieri possunt secundum artem, & ex habitu artis. Et ratio est, quia restitudo illa, quam actiones artificiales recipiunt à nobis, & ratione cuius dicuntur praxes nostræ, est tota ab intellectu, ut dictum est, & nullo modo à voluntate dependet. Ergo neque à libertate voluntatis.

Secundo: quia ex habitu in voluntate existente, potest procedere actio non libera, ut cum quis in delirium incidit, operatur eosdem actus, quorum habitum bonum, vel malum ante acquisivit, qui actus licet non sint simpliciter boni, aut mali; cum ad hoc requiratur libertas: sunt tamen praxes nostræ, quia sunt praxes habituum nostrorum, & procedunt à nobis media cognitione; et licet in ordine

ad meritum & in genere moris non sunt praxes (nihil enim agimus ad meritum, vel demeritum, cum eos agimus) tamen in substantia sunt praxes: quia sunt ex cognitione e nostra, & habibus cognoscitivis.

Neq; vero est de ratione praxis, ut omnem perfectionem praxis habeat (hoc enim solum ad perfectam praxim requiritur non ad praxim simpliciter) sed talis est, ut simpliciter fiat à nobis ex directione rationis. Vtraque sententia probabilis est neq; vna differt ab altera nisi modo loquendi. Nam praxes non liberas alius placet vocare praxes materialiter tantum, ob defectum libertatis, alius verò formaliter ob conformitatem cum ratione.

*secunda conclusio. Praxis est actio distincta à cognitione.*

Dico secundò. De ratione praxis est, ut sit actio à cognitione distincta. Hæc conclusio est contra Nominales & recentiores Fonseca, Suarez, Ruyum, Vasquez. Eam verò docuerunt antiqui Theologi, Scotus q. 4. Prologi Durandus quest. 6. Capreolus & veteres Peripatetici, qui ex 3. de anima tex. 49. collegunt illud axioma, intellectum sola extensione fieri practicum, id est, cum se extendit ad alias potentias dirigendas. Idem docet Dandinus tertio de anima Digesti. 40. Et sane est sententia ipsius Aristotelis qui cognitionem vult esse practicam, ut refertur ad opus, non ut refertur ad cognitionem, opponitq; opus veritatis, ita ut, tunc sit cognitio practica, cum præter veritatem cognitam opus etiam à veritate distinctum pro fine habet, & non solum cognoscit, sed etiam facit, ut supra disp. 2. q. 4. docuimus.

*Cognitio non est verum opus.*

Secundò probatur ratione. Quia si cognitio est praxis, id eam ob causam est, quòd dirigitur, & regulatur ab alia cognitione: atqui eo nomine non potest dici praxis, cum non sit verum opus, Ergo simpliciter non est praxis. Pro quo notò cognitionem dupliciter dirigi posse. Primo ut est actus voluntatis imperatus ad aliquem finem, ut cum volo studere ad Dei gloriam: Secundò ut cognitio est, seu in ratione formali cognitionis, quomodo Logica dirigit operationes intellectus tradendo regulas recte cognoscendi. Primo igitur modo non repugnat cognitioni esse praxim sicut non repugnat esse actum voluntatis imperatum. Nam omnis actus voluntatis tam elicitus, quàm imperatus est vera praxis: Tunc autem cognitio est praxis non ut cognitio, sed ut actus voluntatis: seu ut tendit in finem à voluntate constitutum cum iis circumstantiis, quas debet habere recta voluntas, nempe ut fiat quando oportet, ubi oportet, quomodo oportet: Denique ex ea directione acquirit rectitudinem moralem, & virtutis, sitq; ea directio à prudentia & per regulas prudentiæ, quæ sunt regulæ omnium actuum moralium. Ex quo patet cognitionem hoc modo esse praxim non ratione sui, sed sola denominatione extrinseca ab actu voluntatis, vnde quasi per accidens, quia per accidens cognitioni convenit, esse actum voluntatis, & actum moralem.

Dices, non alia ratione etiam actus aliarum potentiarum sunt praxes: imperantur enim à voluntate & diriguntur ab intellectu; vnde sequitur cognitionem tam verè esse praxim, ut alij actus aliarum potentiarum. Respondeo actus aliarum potentiarum duplici ratione possunt esse praxes. Primo ut actus voluntatis imperati, & sic considerantur ut actus morales, ad finem aliquem honestum ordinati, & habent rectitudinem moralem. Secundò secundum propriam & formalem rationem, ut cum edificatio, saltatio, cantatio in suis propriis rationibus diriguntur ab intellectu, ut rectè fiant rectitudine non morali, sed artificiali, & talis directio non convenit illis per ordinem ad voluntatem, nec fit à prudentia, imò possunt esse

non recti tales actus in esse morali, recti autem & perfecti in suo proprio genere.

Dico igitur priori modo cognitionem esse eodem modo praxim, quo actus aliarum potentiarum, quia eodem modo à voluntate imperatur, quo alij actus, ac posteriori modo repugnat, cognitioni esse praxim, non quod repugnet illam dirigere, & regulari per regulas cognitionis, sed quod id repugnat ex propria ratione cognitionis, quia cognitio est. Praxis enim essentialiter est opus à cognitione distinctum, ex cognitione factum, ita ut esse in praxi non sit cognoscere, sed ultra cognitionem aliquid aliud operari.

*Cognitio potest esse praxis ut actus moralis à voluntate imperatus.*

Id verò ostendo primum inductione in omnibus cognitionibus, quæ etsi ab aliis cognitionibus dirigantur non tamen sunt eo nomine praxes. Primum exemplum est in cognitionibus similibus, quarum unus dirigit alteram. Cum enim quis dirigatur in cognoscendo, simili alia cognitione per modum exemplaris, ut cum ex cognitione proprietatum alicuius gemmæ, dirigor in cognoscendis similibus gemmis, talis cognitio directæ est speculatio (habet enim obiectum speculativum) non praxis, solum ex eo, quia est cognitio, non opus à cognitione distinctum; si verò eadem directio, sit in opere à cognitione distincto, opus illud erit vera praxis: quia est opus non cognitio; ut si quis visa aliqua imagine pingat aliam similem imaginem, illa pictura erit verè praxis, quia erit verum opus ex cognitione procedens, & à cognitione directum.

*Probatur cognitionem non esse praxim. Primum exemplum.*

Neque verò bene quidam respondent, cum aiunt non omnem cognitionem directam ab alia, esse praxim, sed solum, eam quæ dirigatur per modum dictaminis practici distantis hoc à illo modo esse faciendum; falsum enim est hoc requiri, ad rationem praxis: alioqui pictura ad imaginem alterius facta, non esset verè praxis, quia non ex dictamine illo, sed ex speculativa similis, imaginis cognitione procedit, & rectitudinem suam ab ea accipit, cum tamen verè, & practice efficiatur recta, ex vi illius directionis, æquè ac si dirigeretur per iudicium, & dictamen practicum; est enim pictura natura sua opus, quod cum recipit rectitudinem à cognitione dicitur vera praxis humana.

*Non est de ratione praxis ut regulatur per cognitionem, quæ sit dictamen.*

Simile exemplum est de eo, qui ex cognitione figurarum Mathematicarum illas vel pingit vel fabricat; talis enim pictio, & fabricatio est vera praxis, & tamen si quis ex eadem cognitione Mathematica dirigatur in cognoscendis illis pictis & fabricatis figuris, tanquam ad normam, & amissum Mathematicam factis, non erit talis cognitio verè praxis etiam si sit directæ ab alia cognitione, solum quia est cognitio, non verum opus; ita ut præter directionem, requiratur ad praxim, ut sit verum opus, & ex consequenti, ut sit opus à cognitione distinctum.

*Alterum exemplum.*

Aliud exemplum esse potest in conclusione, cuius cognitio dirigatur, & regulari ex cognitione præmissarum. Nam & assensus, & notitia, ac rectitudo conclusionis, pendet ex assensu, & notitia ac rectitudine præmissarum, in veritate, certitudine, necessitate, qualitate, quantitate.

*Tertiū exemplum.*

Neque tamen propterea conclusio est vera praxis, alioqui omnis conclusio demonstrativa, esset vera praxis, & nulla scientia, haberet cognitionem speculativam, quod est contra omnium sensum, & rationem.

Neque dici potest, conclusionem esse simul & praxim, ut deducitur ex præmissis; & speculationem, ut est de obiecto speculabili; quia intellectus cum infert conclusionem speculativam, est in contemplatione, non in

praxi;

praxis; alioqui nulla daretur scientia purè speculativa, quia omnis scientia earens est speculativa, quatenus inferit conclusionem suam ex præmissis: si ergo inferre conclusionem ex præmissis non est speculari, sed praxim exercere nulla scientia erit in ratione scientiæ speculativa, cum ratio scientiæ consistat in illatione conclusionis ex præmissis. Neq; satis est, quod conclusio secundum se sit de re speculabili; quia scientia non est de conclusione secundum se scita, sed vt est scita ex præmissis. Si igitur isto modo est practica, simpliciter omnis scientia erit practica. Et vt minimum non minus esset speculativa, quam practica, quia esset effectiva praxis.

Neq; etiam dici potest conclusionem non esse praxim, quia non dirigitur per dictamen practicum; hoc enim iam refutatum est: id enim quod facit formaliter praxim, est, quod accipit rectitudinem suam ex cognitione. Ergo & conclusio, cum accipit suam rectitudinem ex præmissis, non minus quam si illam haberet ex dictamine practico, non minus erit praxis, quam si procederet à dictamine practico; sicut & opus externum non minus est praxis, si accipiat rectitudinem suam à cognitione aliqua speculativa, quam cum accipit rectitudinem eandem à dictamine practico.

Quod igitur conclusio non sit praxis, etiamsi recipiat rectitudinem à præmissis, hæc sola ratio est; quia non est verum opus, sed cognitio; ad rationem autem praxis requiritur, quod sit verum opus, & cum sit verum opus, dirigitur à cognitione.

*Quantum exemplum.*

Deinde exemplum esse potest in scientia subalternata, quæ in omni sua perfectione dirigitur à scientia subalternante, cum non sit nisi applicatio quædam scientiæ subalternantis ad materiam subalternatæ. Verbi gratia scientia Arithmetica de numeris applicata ad sonos est Musica. Geometricæ demonstrationes applicatæ ad lineas virtuales, sunt perspectiva. Cum igitur scientia subalternata non sit praxis, sed speculatio; & hæc speculatio dirigitur à subalternante; non satis erit ad rationem praxis dirigi ab alia cognitione, sed requiritur præterea vt sit verum opus.

*Cognitio est ab alia cognitione dirigitur non est praxis.*

Ex quibus omnibus concludo rationem à priori, propter quam cognitio non sit praxis, etiamsi ab alia cognitione dirigitur, esse, quia non est verum opus; ita vt sola directio, non faciat praxim nisi sit veri alicuius operis directio. Quare & Aristoteles verum opus proposuit pro fine, & obiecto cognitionis practiciæ, & illud à veritate, & cognitione distinxit, & inductione in omni cognitione patet, quod cognitionis directio, non sufficiat ad praxim, sed directio operis. Cognoscere enim non est operari, sed ex cognitione opus aliquod à cognitione distinctum facere. Neq; antiqui Peripatetici inquam hac de re dubitarunt, sed solum postleriores Theologi, vt Scotum oppugnarent rem in dubium revocarunt.

*Praxis est opus distinctum à cognitione & est dirigibile à ratione.*

Concludo secundò. Duo ad rationem formalem praxis requiri. Primum vt sit opus verum à cognitione distinctum: Secundò vt sit dirigibile à ratione, alterum enim sine altero non sufficit ad rationem praxis. Nam actiones naturales vegetativæ, & sensitivæ, sunt vera opera, quia tamen nullam recipiunt rectitudinem à ratione, non sunt praxes humanæ; cognitio verò etiamsi dirigitur à ratione; quod tamen non est verum opus, non est vera praxis.

Quod verò attinet ad definitionem illam praxis à Scoto traditam, ea bona est nisi quod ultima pars definitionis videtur servire praxi non univèrsæ, sed tantum praxi rectæ; requirit enim Scotus ad praxim, vt sit actus natus elici conformiter ad rationem.

dioni rectæ, ad hoc ut sit actus rectus; hoc autem solum praxi rectæ convenit. Nam ut benè argumentatur Gregorius, odium Dei; est vera praxis, & tamen non est nata elici conformiter rationi rectæ, cum intrinsecè sit mala, neq; rectè fieri potest: nisi mutetur substantialiter: Satis ergo est ad rationem praxis in communem, ut sit opus aptum elici conformiter rationi, siue ratio sit recta, siue non recta.

QVÆSTIO V.

*Quid sit cognitio practica:*

**P**lerique definiunt cognitionem practicam esse illam quæ est directiva praxis. Quæ definitio non videtur sufficiens. Nam etiam speculativa cognitio, potest dirigere praxim, ut patet ex præcedenti questione; Ex cognitione enim speculativa gemenæ dirigimur in cognoscendis alijs gemmis similibus, & ex cognitione speculativa figurarum Mathematicarum dirigimur in illis pingendis & fabricandis, & ex cognitione speculativa imaginis dirigimur in pingenda, vel sculpenda simili imagine. Secundò potest etiam speculativa scientia movere affectum, qui est vere praxis, ut cum ex contemplatione bonitatis divinæ excitamur ad amorem Dei, vel ex contemplatione rerum Philosophicarum excitatur delectatio.

Dicendum igitur est, cognitionem posse dici practicam dupliciter. Primò ex obiecto, quia pro obiecto habet praxim, & talis cognitio propriè dicitur practica: quia est proprio obiecto, quod est praxis, denominatur practica, unde etiam essentialiter est practica, quia ab obiecto suam essentiam sumit. Et hoc modo doctores communiter loquantur de cognitione practica, & requirunt ad eam, ut sit de praxi tanquàm de obiecto. Ita Ockam quæst. 4. Prologi, Gabr. quæst. 11 art. 2. Greg. quæst. 5. art. 2. Capr. quæst. 2. a. 5. S. Thomas de veritate, quæst. 14. art. 4. & in 3. disp. 23. quæst. 2. art. 3. Secundò ex effectu, quia efficit praxim, quo modo cognitio excitans effectum aliquem in voluntate dicitur ab aliquibus practica, ut à Scotò quæst. 4. Prologi. Verùm hoc esse effectum, non per se. sed per accidens, non intrinsecè, sed extrinsecè; non essentialiter, sed accidentaliter. Cum enim totales cognitiones non referantur circa praxim, tanquam circa proprium obiectum, sed obiectum habeant speculabile, sit, ut per se, & essentialiter sint speculativæ, & non nisi per accidens, & extrinsecè ut excitant vel causant praxim, dicantur practicæ.

Potest dupliciter cognitio practici potest habere pro obiecto praxim, vel in universali, ut cum indicamus bonum esse amplectendum; vel in particulari, ut cum indicamus, hoc bonum, hic, & nunc esse amplectendum: Vtraque cognitio verè dicitur practica, quia utraque est de praxi, à qua essentialiter denominatur cognitio practica. Quanquam cognitio illa universalis respectu particularis, dici solet speculativa: licet absolute & simpliciter sit practica: ut cum dividitur medicina, in speculativam, & practicam.

Præterea cognitio dupliciter potest esse de praxi: vel per modum simplicis apprehensionis, vel per modum iudicii dicantis hoc, vel illud faciendum. Hanc igitur, quæ est per modum iudicii, dicimus esse practicam essentialiter, quia formaliter est

*Cognitio est practica vel ex obiecto.*

*Vel ex effectu quia efficit praxim.*

*Iudicium requiritur ad cognitionem practicam.*

de praxi tanquam de obiecto. Nam simplex apprehensio boni potest esse speculativa, ut in Theologia speculatio bonitatis divina.

*Ad movendam voluntatem an satis sit apprehensio?*

*Simplex apprehensio sufficit ad movendam voluntatem.*

Quoniam si loquamur de cognitione practica in ordine ad voluntatem movendam, quidam censent non sufficere apprehensionem boni convenientis, vel amplectendi, sed requiri iudicium per modum suasionis, vel dissuasionis, dictans hoc hic & nunc amplectendum. Ut Greg in 1. d. 3. quæst. 11. art. multa enim apprehendimus, quæ tamen quia non iudicamus amplectenda, non sequimur.

Alii tamen probabilius censent sufficere ad movendam voluntatem etiam simplicem apprehensionem, non quamcunque, sed boni convenientis appetenti, qua per talem apprehensionem sufficienter ostenditur, & proponitur obiectum formale voluntatis, ergo potest in illud ferri voluntas; patetque id tum in primis motibus voluntatis, qui sine iudicio & deliberatione fiunt, tum in motibus appetitus sensuivi, qui non procedunt ex iudicio sensuivo, sed solum ex apprehensione, tum in speculativis cognitionibus quæ sæpe excitant in nobis effectum sibi proportionatum; Multo igitur magis id præstare poterunt apprehensiones practicae. Ita Scotus in 2. d. 6. quæst. 1. Gabr. ibidem 2. 3. Marlin 2. quæst. 16. a. 1. verum etsi ista res habet, tamen tunc ratio practici sumitur solum per ordinem ad effectum, non vero in primaria sua ratione, qua respicit obiectum.

Sed quaeri potest primo. An ad cognitionem practicam requiratur, ut non solum sit de praxi tanquam de obiecto, sed etiam ad praxim tanquam ad finem referatur, & non solum versetur circa rem operabilem, sed etiam modo operabili. Id enim affirmat Vasquez 1. parte disput. 8. c. 9. quod confirmat autoritate S. Thom. 1. parte quæst. 14. art. 16. vbi docet si edificator consideret qualiter possit edificari domus, sed ad cognoscendum tantum non ad operandum, eam cognitionem fore quidem de re operabili, tamen quantum ad finem, esse speculativam. Secundo autoritate Aristotelis 2. Metaph. tex. 4. vbi ait speculativæ finem esse veritatem; practicae autem opus. Etenim, inquit, si quomodo se habent, considerant, non causam per se, sed ad aliquid, & eo in tempore practici speculantur. Cuius doctrinae hic sensus est, quod speculativa non habet alium finem præter cognitionem veritatis; practica autem præter cognitionem obiecti, habet finem cognitioni extrinsecum opus ipsum ut impleatur: quando enim practici considerant causam sui obiecti, non eam considerant per se, id est, propter se, ut eam tantum sciant, & cognoscant, sed ad aliquid, hoc est, ut operentur; ut exponit Aver. Non igitur satis est considerare opus ad cognoscendum, sed ad operandum, pro qua opinione citat etiam Caiet. Ferr. Ravellum, Soncinatem, Aurcolum.

Tertio potest idem ratione probari. Etenim cum cognoscimus aliquid solum ut cognoscamus, non ut operemur, talis cognitio non erit practica, sed speculativa. Solum igitur tunc erit practica, quando referetur ad operationem. Volunt igitur auctores hi, Primo cognitionem de praxi, seu de re operabili, si non referatur ad operandum, sed ad cognoscendum, esse solum materialiter practicam. Contra vero formaliter practicam per relationem illam ad operandum, quæ relatio potest esse duplex, vel per dictamen intellectus practicum, quo dicit intellectus faciendum, quod dictamen est actus synderefis, vel per præcedentem actum voluntatis, quo intendebatur opus. Volunt etiam hanc relationem ad opus non habere se per accidens, sed per se ad cognitionem, siquidem competit ex natura talis cognitionis, quæ est circa tale opus tanquam obiectum proprium. Quare si quis referret illum cognoscendum

moorem ad alium aliquem finem, qui non sit obiectum ipsius, talis finis esset per accidens, ut si quis disceret artem ædificandi, ut magis perficeretur in arte. Denique hoc modo interpretantur illorum auctorum sententiam, qui dicunt cognitionem fieri practicam, non ex fine scientiæ, sed ex fine scientis; finis enim scientiæ est obiectum, quia igitur scientia practica non solum versatur circa suum obiectum cognoscendo, sed etiam fine & intentione faciendi illud, ideo fit practica ex fine scientis, qui tamen sit ex natura scientiæ. Neque verò reputant absurdum eandem scientiam in eodem esse speculativam, si eam non referat ad opus, & practicam, si referat, cum ex relatione, ad opus, formaliter fiat practica. Quare ad scientiam practicam requiritur & ut sit de re operabili, & ut ad operationem referatur, illud materialiter, hoc formaliter facit scientiam esse practicam.

Oppositum tamen sentiunt nominales in prologum sententiarum Okam. q. 4. a. 2. Greg. q. 5. a. 2. Gabr. q. 11. a. 1. Scotus q. 4. a. 3. Hi docent scientiam esse practicam ex obiecto, nempe quia est de praxi, seu de re operabili, siue referatur ad operationem tanquam ad finem, siue non satis enim putant esse, quod ex natura sua sit apta referri ad talem finem & esse directiva operis. Quare ad rationem notitiam practice, finis esse putant, si sit directiva praxis, non verò requiri ut vel actu dirigat, vel actu referatur ad directionem. Ratio est: quia notitia, ut est directiva praxis, est practica: ac est directiva praxis ut est de praxi tanquam de obiecto, siue referatur ad actum ad operationem, siue non; est enim ex natura sua apta, nata dirigere praxim, Ergo, &c.

Pro resolutione: Notandum est eandem praxim diversâ ratione esse obiectum, & finem cognitionis practice: Est enim obiectum, quatenus est cognita, esse enim obiectum, est esse cognitum, & terminare cognitionem: finis verò est eadem praxis, ut re ipsa ponenda & exhibenda. Verbi gratia; modus ædificandi domum, ut cognitus, est obiectum: ut verò re ipsa proponendus & exhibendus est, habet rationem finis. Quare finis & obiectum in cognitione practica, sunt idem realiter, distinguuntur tamen formaliter; quia eadem praxis est & cognita, & re ipsa ponenda: Cum ergo dicitur notitiam practicam denominari practicam à praxi, non solum ut habet rationem obiecti, sed etiam ut habet rationem finis, sensus est, praxim cognosci debere non solum in se, sed ad operationem; hoc est, ut in re poni, & exhiberi debet.

Notandum secundò est Aristotelem docere practicam cognitionem à speculativa differre fine 1. Metaph. 1. 3. 3. de anima 1. 4. 9. quòd speculativa finis est veritas practice opus; cuius doctrinæ hic sensus est, quòd & si utraque cognitio, proximum, & immediatum finem veritatem habeat, utraque enim est cognitio veritatis sui obiecti, tamen speculativa præter hunc finem intrinsecum, & immediatum qualem alium extrinsecum, & mediatum habet ex natura sua, hoc est, qui sit finis ex natura talis scientiæ, licet possit habere finem alium ex intentione scientis, ut qui dicit Philosophiam propter lucrum, hic finis est scientis, non scientiæ: Non enim Philosophia natura sua ordinatur, ad lucrum, sed ad res cognoscendas. Practica verò præter hunc immediatum, & intrinsecum finem, habet ex natura sua alium finem, nempe operationem extremam, & ratione huius finis formaliter dicitur practica. Nam ratione primi finis intrinseci, & immediati, convenit cum speculativa: ratione verò finis extrinseci, hoc est, à cognitione distincti, differt formaliter à practica, alioqui si nihil aliud sit, quàm cognitio obiecti operabilis secundum se

*Eadem praxis est obiectum, & finis cognitionis practice.*

*Qua ratione cognitio practica à speculativa differat fine.*



cogniti, non ad operationem relati, finis talis cognitionis, non erit alius, quàm veritas obiecti cogniti, non autem aliquid a veritate distinctum. Quare cognitio speculatiua est de suo obiecto solum ad cognoscendum, practica verò non ad cognoscendum solum, sed etiam ad operandum. Et hæc doctrina Aristotelis statuenda est pro fundamento huius questionis.

Norandum est tertio. Dupliciter cognitionem practica[m] posse referri ad praxim, seu ad operationem externam: Primò actuali relatione, quæ esse potest vel per actuale[m] intentionem operationis, per actum voluntatis, vel per dictamen intellectus practicum, distans de faciendo, ut re ipsa faciendum est. Secundò aptitudinali relatione, quæ in hoc consistit, ut cognitio ex se sit directiua praxis, seu apta nata dirigere praxim. Hoc ergo est punctum difficultatis: quòd prima sententia requirit actualem relationem ad praxim, ita ut cognitio per aptitudinalem relationem, sit solum potentia quæstionis.

*Non est de ratione notitiæ practicae relatio actualis, sed solum aptitudinalis ad finem.*

Secunda verò sententia ait sufficere aptitudinalem relationem, quæ quia continetur in obiecto, dicit hæc sententia ex obiecto desumi rationem formalem practicae cognitionis. Quæ sententia nobis quoque verior videtur, eamq[ue] sic probor: omnia cognitio rei operabilis, est cognitio rei in ordine ad opus, idem enim est operabile, & ordinatum ad opus. Ergo eo ipso quòd est circa obiectum operabile, est circa obiectum, refertur ad opus: Quocirca cum cognitio practica versetur circa obiectum operabile, versatur circa illud, & sub ratione obiecti, & sub ratione finis. Hoc enim differt obiectum speculabile, & practicum, quòd illud non includat in se aliopem finem à cognitione distinctum, & ex cognitione operabilem, practicum autem includit, quia ille finis, est simul obiectum cognitionis practicae. Ex quo patet cognitionem speculativam referri ad cognoscendum tantum, practica[m] verò ad cognoscendum, & operandum, quia est cognitio rei ut operabilis, non duabus distinctis relationibus, sed una realiter, quæ ut terminatur ad rem illam ut cognitam, refertur ad illam tanquam ad obiectum, ut vero terminatur ad illam ut re ipsa implendam, refertur ad illam sub ratione finis. Patet etiam hanc relationem ad finem & operationem, convenire etiam actu cognitioni practicae licet dicatur aptitudinalis, quia est relatio non ad praxim actu dirigendam, sed ad praxim dirigibilem; Est enim cognitio practica directiua, non actu dirigens praxim: simpliciter verò distinetur ad praxim; quia est cognitio praxis ut re ipsa faciendæ.

*Prima conclusio. Ratio formalis praxis desumitur à fine.*

Dico igitur Primò. Relationem formalem praxis, desumi à fine ut finis est. Hanc teneo cum prima sententia, & probor primò ex Aristotele, qui docet cognitionem dici practica[m] à fine, finem verò esse opus re ipsa positum, vel ponendum. Si ergo Aristoteles formaliter locutus est, necesse est hanc esse rationem formalem constitutivam cognitionis practicae, & distinctivam à cognitione speculativa.

Secundò ratione. Quia cognoscere practice est cognoscere non ad sciendum tantum, sed ad operandum. Nam cognoscere ad sciendum est illi commune cum cognitione speculatiua; cognoscere verò ad operandum, est proprium cognitionis practicae. Id igitur, quo primò differt cognitio practica à speculatiua, est constitutum formaliter cognitionis practicae: at differt hoc solo, quòd est cognitio directiua ad operandum. Ergo hoc solo est ratio formalis constituens cognitionem practica[m] at cognitionem referri ad operandum, est referri ad finem. Finis enim est opus: Ergo cognitio dicitur formaliter practica, à fine.

Dico secundò. Cognitionem non dici formaliter practicam, propter relationem *secunda cog-*  
ad finem per aliquem actum distinctum ab ipsa cognitione, sed per actum in ipsa *clusio.*  
cognitione includum. Hanc teneo contra primam sententiam. Et ratio est, quia  
cognitio est practica, & tendit in finem se ipsa, etiamsi nullo alio actu distincto  
ad finem referatur; Ergo talis relatio ad finem extrinseca, & per actum extrin-  
secum cognitioni, non requiritur formaliter ad cognitionem practicam; quia sine  
illa cognitio est sufficienter practica intrinseca sua relatione, antecedens probatur  
est quia finis, est simul & finis, & obiectum actus; Ergo quatenus cognitio termi-  
natur ad illum, sub ratione cogniti habet rationem obiecti; quatenus verò termi-  
natur ad illum, sub ratione faciendi, habet rationem finis: Cognitio igitur quia  
sub utraque ratione terminatur ad obiectum, idcirco seipsa refertur ad finem, sub  
ratione finis.

Confirmatur. Quia si relatio ad finem, seu ad opus, facit formaliter cognitio-  
nem practicam, posset autem esse relatio cognitionis ad finem, absque vilo actu  
extrinseco, sed per ipsam cognitionem intrinsecè; consequens est relationem illam  
extrinsecam, non constituere rationem formalem cognitionis practice. Quan-  
tum ex illa intentione extrinseca est quidem magis cognitio practica, sed acci-  
dentialiter, non essentialiter, quia magis refertur ad opus, si & intrinsecè, & ex-  
trinsecè refertur, quàm si intrinsecè tantum.

Ex quo infero, Scientiam moralem esse formaliter practicam; etiamsi non refe-  
ratur ad operationem per ullam intentionem operandi; hanc enim sciens potest *Scientia mo-*  
non habere. Potest enim velle scire quomodo operandum est, etiamsi nolit opera-  
ri, quod etiam ostendit intentionem finis extrinsecam, non spectare necessàrio ad *maliter pra-*  
cognitionem practicam. *ctica.*

Infero secundò. Cognitionem artis, & prudentiæ semper esse practicam, etiamsi *Cognitio artis*  
non adsit intentio specialis operandi: quia sufficienter cognitio illa ad operan-  
dum refertur seipsa, quia est de operando; potest enim esse cognitio de operando, *Et prudentiæ*  
etiamsi si quis nolit operari; alioqui ea cognitio in nolente operari non esset practi-  
ca, sed speculativa, quod est inconveniens: tum quia ars, ut ars non est speculati-  
va, sed practica; definitur enim ab Aristotele esse habitus cum ratione factivus;  
cum igitur ars nihil aliud cognoscat, nisi quod aliquid sit hoc, vel illo modo ope-  
rabile, sequitur talem cognitionem esse practicam, non speculativam: tum quia  
hæc ratione omnis cognitio intrinsecè, & ex obiecto esset speculativa, & sola re-  
latione extrinseca ad finem esset practica, & sic nulla daretur scientia essentialiter  
practica, sed omnes scientiæ essentialiter essent speculativæ; & solum per accidens,  
& per relationem extrinsecam ad finem esset practice. Quod est contra omnium  
Philosophorum sententiam, & hoc est alterum argumentum, ad probandam no-  
stram conclusionem

Dico Tertiò. Cognitionem dici formaliter practicam ex obiecto, ut includit  
rationem finis. Patet ex dictis, quia cognitio non dicitur practica; quia cognitio  
obiecti; hoc est enim commune tam speculativæ, quam practice; sed quia directi-  
va operis. Ut autem est directiva operis refertur ad opus ut ad finem: quia verò o-  
pus est finis & obiectum cognitionis practice, idcirco cognitio practica dicitur quon-  
dam sic ab obiecto, sed non nisi ut habeat rationem finis. Porro hæc duæ rationes  
non re, sed sola ratione sunt distinctæ; Quia enim operatio est finis, & obiectum,  
ideo eadem cognitio operationis seipsa est de operatione, & ut de obiecto, & ut

*Tertia con-*  
*clusio.*

de

de fine. De obiecto sub ratione veri, de fine sub ratione dirigibilis; respectu obiecti habet rationem cognitivam, respectu finis rationem directivam; & hoc modo intelligo secundam sententiam. Cum aut ex obiecto denominari cognitionem practicam, non enim cognitio rei operabilis quæ rationem habet veri, est practica (veritas enim est finis immediatus utriusque cognitionis tam speculativæ quam practicæ) sed quæ habet rationem finis nempe ut illa cognitio habet rationem directivam respectu illius operis: neque enim hoc negabunt auctores secundæ sententiæ; sed solum volunt finem non esse rem distinctam ab obiecto, & idem est cognitionem denominari practicam ab obiecto, & à fine, quod etsi in sensu reali verum est, formaliter tamen, hæc duæ rationes in obiecto distinguuntur.

*Quarta conclusio.*

Dico quartò. Cognitionem dici formaliter practicam ut est directiva operis. Patet ex dictis: Nam cognitio dicitur practica quatenus refertur ad opus: at cognitionem refertur ad opus, est esse directivam: Ergo ratio formalis scientiæ practicæ est esse directivam.

Minor probatur, quia hæc est prima relatio cognitionis practicæ ad opus, & eam alii supponunt, & ipsa per se est sufficiens ad denominationem practicam; Ex quo patet ad autoritatem Divi Thomæ & Aristotelis. Ad rationem verò primæ sententiæ; respondeo, posse cognitionem esse intrinsecè practicam, & extrinsecè speculativam: cognitio enim modi ædificandi intrinsecè est practica: quia ex natura sua habet obiectum operabile, in qua includitur operatio ut finis, & obiectum: extrinsecè tamen potest esse speculativa; quia potest intellectus in ea servare modum speculativum, & præcipue illam refertur ad finem speculativum, nempe ad cognoscendæ veritatem, non ad operandum.

*An esse productivum requiratur ad rationem cognitionis practicæ?*

1.

Secundò queri potest. An ad rationem cognitionis practicæ pertineat, ut sit non solum directiva, sed etiam activa, id enim affirmat Aureolus quæstione 3. Prologi adeo ut ex ratione activi præcipue, & formaliter dicat constitui rationem cognitionis practicæ. Primò quia si quis haberet Physicam cognitionem de rosa producenda, illa cognitio esset sufficienter directiva, quia tamen non esset activa, & productiva rosæ, (non esset enim in tali subiecto, quod haberet virtutem producendi rosam) non esset practica (alioqui physica esset practica.) Si vero habenti talem scientiam de rosa producenda, Deus communicaret virtutem producendi rosam, esset illa scientia practica.

2.

Secundò. Idem si essent per se subsistentes, essent sufficienter directivæ, quia artifex eas inspiciendo dingeretur in operando, ipsæ tamen non essent practicæ, quia non essent ex se operativæ.

Tertio. Scientia de castitate in nobis est practica, quia possumus acquirere castitatem; in Angelo est solum speculativa, quia non potest eam in actum deducere. Ergo ratio scientiæ practicæ, consistit formaliter in activitate, siue quod ipsa sit activa, siue quod sit in subiecto activo.

Quarto. Alchimia si posset veram formam auri inducere esset verè scientia practica auri, nunc vero solum est speculativa quia non potest producere verum aurum. Ex quo patet quod scientia de opere, non absolute sit practica, sed ut relata ad talem scientiam, qui posset opus illud efficere, & causare.

*Scientia practica non necessario est activa nisi ut est directiva.*

Verum hanc opinionem egregie refellit Gregor. quæst. 5. Prologi artic. 2. quia scientia non alia ratione est activa, nisi quia est directiva, nec aliam activitatem confert intellectui, nisi directionis, nempe ut vi scientiæ practicæ, possit intel-

lectus

lectus facere operationem rectam: Activitas verò ad producendum opus simpliciter secundum suam substantiam, non est scientiæ practicæ propria, sed potentiarum naturalium. Verbi gratia, in ædificando activitas ad rectitudinem ædificij est ab arte, ad ipsam verò ædificationem, est à virtute artificis, & à potentia motiva.

Secundò. Scientia dicitur practica secundum Aristotelem ex fine, quia refertur ad opus tanquam ad finem: atqui sub ratione directivi sufficienter refertur ad opus tanquam ad finem, etiam si non habeat respectu illius rationem activi, propter impotentiam subiecti: Ergo activitas non pertinet ad rationem formalem cognitionis practicæ, sed ad summum poterit dici, proprietas quædam ipsius.

Tertiò. Ars est semper habitus practicus, quia est habitus cum ratione factivus: at potest esse in artifice qui perdidit omnem activitatem ad usum artis: Ergo talis activitas non pertinet ad rationem formalem artis, Minor patet. Si enim statuamus aut alius artifex perdat manus, Aultum est dicere in eo vel non esse artem, vel artem non esse practicam, sed speculativam; est enim eadem, & eodem modo ex natura sua directiva operis, ut ante; & eisdem specie actus potest clicere circa opus; deniq; potest talis artifex alium docere modum faciendi operis, quæ doctrina est practica; Ergo & in se ipso formando talem modum faciendi operis, habebit notitiam practicam.

Quartò. Eadem notitia successivè esset practica, & speculativa; si enim is, in quo est; aliquo casu redderetur impotens ad agendum: notitia practica redderetur speculativa; si verò rursum acquirat potentiam agendi, erit illa eadem notitia ex speculativa practica: ut patet in Musico, si fiat laucus postea recuperet vocem.

Quintò. Si esse activum sit ratio formalis propria cognitionis practicæ, omnis scientia activa alicuius operis esset practica. quare & Physica esset scientia practica respectu intellectuum & relationum quas considerat, quia Physicus eas potest producere: & Geometra respectu figurarum, quia Geometria eas potest facere: quod tamen esse falsum, & contra omnes manifestum est.

Pro solutione notandum est. Dupluciter dici posse cognitionem practicam: primò ex fine quia ordinatur ad opus tanquam ad finem, ordinatur autem sub ratione directivi; nam omnis alia ratio est extrinseca cognitioni, hæc sola in natura cognitionis fundatur. Secundò ex effectu quia causat aliquem effectum. Prior ratio est essentialis cognitioni practicæ, ut patet ex Aristotele, qui ex fine distinguit practicam, à speculativa; posterior accidentaria est; tum quia per accidens illi convenit talis activitas, nempe ex subiecto non ex fine; tum quia etiam speculativa cognitio, potest esse activa, neque tamen idcirco est practica: nam ut questione præcedenti docuimus, ex speculativa cognitione bonitatis divinæ, potest quis moveri ad amandum Deum, & ex speculativa cognitione figurarum, aut imaginis, potest pingere. Propter hoc ergo dicendum cum secunda sententia, rationem formalem cognitionis practicæ, non requirere esse activum, sed directivum.

Ad primum primæ sententiæ Respondeo: Scientiam de rosa producenda à naturalibus & modo naturali non esse practicam, sed speculativam, quia talis scientia nullo modo est directiva illius productionis: neq; productio illa sit ex cognitione & arte, sed à natura: Talis autem scientia est physica. At si sit scientia de  
rosa

rosa producenda per cognitionem & artem, quæ cognitio est de modo applicandi causas naturales ad productionem rosæ, talis scientia est practica, quia est de re a nobis per cognitionem operabili, vel dirigibili: hoc enim modo etiam agricultura de producendis frugibus est practica, & Medicina de inducenda sanitate per artem. Porro non ideo talis scientia esset practica, quia esset activa, sed quia directiva: nam etiam si esset in subiecto quod non posset producere, adhuc cognitio illa esset directiva ex natura sua ac proinde practica.

Ad secundum. Idem si essent per se subsistentes, essent directivæ per modum exemplaris, non per modum cognitionis. Verum non primo, sed secundo modo esse directivum spectat ad rationem formalem cognitionis practicæ. Nam exemplar speculativum est exemplar quoad similitudinem, practicum verò est exemplar in ordine ad operationem: non quod illius sit effectivum, sed directivum.

Ad tertium Scientia de castitate in Angelo, non est practica quoad effectum; est tamen practica ex obiecto quia est de obiecto ex se operabili, & est ex se directiva talis operis, per accidens autem est quod hac directione non egeat Angelus, sunt enim est, ut cognitio sit ex natura sua directiva.

Ad quartum, Alchimia est semper practica, non respectu productionis auri præcisè, quæ est naturalis & à virtute naturali causarum applicatarum ad agendum, sed respectu applicationis illarum causarum. Est enim Alchimia ars applicandi causas naturales requisitas ad producendum verum aurum. Porro productio illa veri auri, à causis applicatis, est partim naturalis, partim artificialis: nam ut est productio rei naturalis & virtute causarum naturalium, est naturalis: ut verò sit ex applicatione artificiosa causarum naturalium; sic est artificialis.

Tertio queritur. An esse directivum alterius cognitionis, faciat cognitionem formaliter practicam.

Respondeo iuxta dicta non satis esse ad cognitionem practicam, ut sit directiva; sed requiritur ut sit directiva operis: opus autem verum non est cognitio, sed à cognitione distinctum, ut supra probatum est. Accedit quod duplici ratione cognitio aliqua dici potest directiva alterius, primo ex obiecto, quia pro obiecto habet illam cognitionem, dirigendam. Secundo ex effectu: quia est ratio aliquo modo ut efficiatur talis cognitio. Neutra directio sufficit ad rationem practicam: Nam directio secundi generis competit cognitioni merè speculativæ, quæ ex obiecto est speculativa, ut cum vna cognitione speculativa per modum exemplaris, & similitudinis, vimur ad aliam; ut cum ex cognitione vnius gemmæ cognoscimus alias, ex cognitione figurarum pingimus: similiter cum ex cognitione principiorum inferimus præmissas. Directio autem primi generis, etiam si fiat per modum iudicii practici, dictantis de cognoscendo hoc, vel illo modo, non facit cognitionem practicam. Nam si iudicem cognoscendam vel inferendam esse conclusionem ex talibus principiis speculativis, non erit tale iudicium practicum, licet sit directivum ex obiecto, & directionem habeat pro obiecto, solum ex eo, quod non est iudicium de vera praxi, sed de cognitione: alioqui cum in omni Demonstratione sit tale iudicium, siue in actu signato, siue in actu exercito, omnis scientia esset ex vi talis iudicii practica, & nulla esset purè speculativa. Similiter si iudicem per modum dictaminis, has gemmas, esse ex gemma naturaliter cognita cognoscendas, tale iudicium non est practicum, solum quia non est de opere, sed de cognitione. Quod si esset de vero opere esset verè practicum, ut si iudicem ad similitudinem

litudinem talis figuræ Mathematicæ, esse formandum aliquod opus.

Ex quo patet dictamina Logica de dirigendis operationibus intellectus non esse vere practica: quia non sunt de vero opere, sed de cognitione.

Quartò quaeritur. An omnis cognitio directiva operis sit practica? Respondeo, si sit directiva operis per modum dictaminis & iudicij de faciendo, ita ut sit de ipso opere tanquam de obiecto, dico omnem talem cognitionem esse practicam; Hæc enim est ratio formalis propria cognitionis practicæ, esse directivam operis, ut patet ex dictis. Si verò sit directiva per modum exemplans aut similitudinis, non est necessariò practica; potest enim esse speculativa; ex cognitione enim speculativa gemmæ, dirigitur in quaerenda, & eligenda gemma ex cognitione speculativa figuram dirigitur in faciendis machinis.

## QVÆSTIO VI.

*An practicum, & speculativum sint differentia essentialis cognitionis?*

**Q** Vidam censent esse merè accidentales; quia putant cognitionem per accidens & extrinsecè dici practicam, vel speculativam; Si enim referatur actu ad opus, tanquam ad finem, erit practica, si non referatur erit speculativa. Unde potest secundum istos eadem cognitio esse successivè speculativa, & practica. Ita Vasquez, Amæolus, & alij præcedente quaestione citati, Soncinus 6. Metaph.

Alij censent esse differentias essentialis, quia sumuntur ab obiecto; obiectum enim speculabile, & operabile distinguuntur essentialiter. Ergo & cognitiones à talibus obiectis specificantur. Antecedens probatur. Quia licet idem obiectum materialiter possit esse speculabile, & operabile, tamen non sub eadem ratione formalis: Nam secundum se est speculabile, ut verò substat praxi, & operationi; siue immutanti, siue transienti, est operabile. Sic Deus & secundum suam bonitatem est obiectum speculabile, & secundum amabilitatem, est obiectum practicum. Hæc sententia est Nominalium, in prologo sententiarum.

Tertia sententia est, practicum, & speculativum, non esse formaliter differentias essentialis: sed proprietates in differentis essentialibus fundatas. Ita Scotus q. 4. Prologi. 3. Antonius Andreas 6. Metaph. q. 2. Quæ sententia nobis quoque probatur.

Dico primò. Cognitionem practicam à speculativa differre essentialiter. Ratio est: Quia cognitio ex natura sua directiva praxis, & cognitio ex natura sua non directiva praxis, sunt essentialiter distinctæ; Si enim essent unius essentia, quidquid uni convenit ratione essentia, conveniret & alteri; alioqui vni quatenus unum est, simul convenirent contradictoria: cum igitur cognitioni practicæ, conveniat ex natura sua esse directivam praxis, speculativæ verò id non conveniat, sequitur his cognitiones esse essentialiter distinctas. Minor probatur. Cognitio enim practica, est directiva praxis, quia est de praxi tanquam de obiecto, speculativa verò non est directiva praxis, quia non est de praxi tanquam de obiecto. Cum igitur

cognitionis

cognitiones habentes distincta specie obiecta, distinguantur essentialiter, etiam cognitio practica, & speculativa, distinguuntur essentialiter.

Dico secundo, practicum, & speculativum esse differentias, & proprietates accidentales, in differentiis essentialibus fundatas. Quod sunt proprietates, patet: quia cognitio formaliter dicitur practica, ex relatione ad opus, seu ut est directiva operis, & apta nata dirigere opus; atqui talis relatio ad opus, tam actualis, quam aptitudinalis, non est de essentia cognitionis: Ergo esse formaliter practicum non est de essentia cognitionis. Minor patet: tum quia nulla relatio potest esse de essentia absoluti, ut in disputatione de relatione demonstratum est, omnis enim relatio, est proprietas sui fundamenti ad quod consequitur, omnis item aptitudo, est proprietas essentiae, cuius est aptitudo, ut ibidem docuimus. Tum quia prius est, cognitionem esse constitutam in sua essentia, quam intelligatur esse directiva praxi; cum hae directivae fundentur in essentia. Similiter de speculativo ostendi potest. Nam cognitio est speculativa, quatenus non est directiva operis, nec refertur ad opus: atqui negatio non est de essentia rei: Ergo nec ratio formalis speculativi est de essentia cognitionis.

Duo enim sunt in cognitione speculativa; alterum quod sit cognitio sui obiecti, alterum quod sit cognitio non relata ad opus, nec directiva operis. Ratione primi, convenit cum cognitione practica, quae etiam est cognitiva sui obiecti; & pro fine immediato habet veritatem sui obiecti; ratione secundi differt a cognitione practica, quia praeter veritatem, non refertur ad alium finem, vel opus. Sed tunc non dicit nisi negationem relationis ad praxim, ita ut nisi in cognitione consideretur, formaliter relatio illa ad opus, non habeat rationem formalem cognitionis practicae; similiter nisi formaliter consideretur negatio relationis talis non intelligitur esse cognitio speculativa, siquidem ex fine seu relatione ad opus, voluit Aristoteles distinguere, istas cognitiones.

Quod vero sint hae proprietates fundatae in differentiis essentialibus. Probat, quia ex naturis & essentis propriis hoc habent, ut referantur vel non referantur ad opus, seu ut sint directivae, vel non directivae, ut in prima conclusione probatum est. Dices, hae differentiae sumuntur ex obiecto, ut probat secunda sententia. Ergo sunt essentialia. Respondet sumi radicaliter ex obiecto, formaliter ex fine.

Dico tertio, Non posse esse eandem cognitionem simul speculativam, & practicam formaliter, nisi per accidens. Ratio est, quia quae sunt essentialiter distincta, non possunt coire in unam essentiam; ex duabus enim essentis completis non fit una essentia: at hae cognitiones sunt distinctae essentialiter, & quidem completae. Ergo non potest una & eadem cognitio esse speculativa, & practica; neque simul, quia duae essentiae confunderentur in unam, neque successus, quia deberet cognitio mutari essentialiter, hoc est, secundum differentias essentialia, si ex speculativa fieret practica.

*Cognitio per  
accidens spe-  
culativa &  
practica.*

Dixi formaliter; nam eminenter fides divina est speculativa & practica. Deinde per accidens posse fieri cognitionem simul speculativam, & practicam: quia licet cognitio ex natura sua speculativa, non possit fieri ex natura sua practica; tamen potest extrinseca aliqua ratione fieri speculativa, vel practica, vel ratione modi procedendi, vel ratione finis, quae rationes sunt accidentales. Ita D. Thom. 1.2.4. 14.2.16. & quidem cognitio dicitur practica, vel speculativa, ratione modi, quando



Procedit modo practico, vel speculativo. Vt enim S. Thom. docet i. Ethic. lect. 3. Modus speculativus est modus resolutorius, modus practicus, est compositivus; practicus enim intendit formam artis inducere in materiam, vt formam domus in hæc ligna, hos lapides; quare procedit componendo: at speculativus non intendit facere rem, sed factum assumere, & vt eam cognoscat, resolvit illam in sui principia, & causas: quare cum obiecti practici causæ inquiruntur, vel definitione essentiali explicatur, est modus speculativus, cum verò de faciendo tantum opere dicitur intellectus, est modus practicus. Ratione autem finis cognitio potest esse practica, vel speculativa, quando ad finem practicum, vel speculativum extrinsecè referatur, qui dicitur finis scientis, non scientiæ, quia à sciente constituitur, non autem oritur ex natura scientiæ. Sic cognitio practica de domo ædificanda, si ab aliquo sciendi tantum causa acquiratur, erit ex fine speculativa, si ad ædificandum, erit ex fine practica. Similiter cognitio speculativa, si ad opus aliquod efficiendum ducatur, erit ex fine practica, vt si quis discat Geometriam ad machinas fabricandas. Quæ omnia etiam si vera sint, tamen essentialis consideratio practici, & speculativi, sumitur ex obiecto, vt dictum est.

Sed quæres. An cognitio omnis sit necessaria vel practica, vel speculativa? Respondetur negativè; Datur enim cognitio, quæ neq; est practica, neq; speculativa; *un inter cognitionem speculativam et practicam.* sed instrumentaria: Nempe illa quæ est directiva cognitionis, qualis est cognitio Logica, quæ cum non sit directiva operis, non est practica, cum non sit gratia sui, sed ad aliam cognitionem dirigendam referatur, non erit speculativa. Erit ergo instrumentaria, quia est directiva cognitionis non operis.

## QVÆSTIO VII.

*Quomodo scientia totalis dicatur speculativa vel practica?*

HActenus egimus in communi de speculativo, & practico: nunc videndum est, quomodo hæc ad totalem scientiam accommodari possint. Videtur enim scientia totalis, non magis esse speculativa quam practica: nam constat non minus notitiis speculativis, quam practicis. Verbi gratia scientia moralis non solum docet quomodo secundum prudentiam operandum sit, quam est notitia practica, sed etiam quid sit virtus, & quas habeat proprietates, quæ est notitia speculativa, cum non sit directiva praxis, nec sit de praxi. Quod si vna ad alteram reduci debeat, non est maior ratio, cur habitus speculativi, ad habitus practicos quam è contra practici ad speculativos, reduci debeant. Deinde cur non potius dicatur talis scientia speculativa simul & practica, siue formaliter siue eminenter (vt multi de Theologia sentiunt) quam vel practica solum, vel speculativa solum.

Dicendum tamen est scientiam totalem, aliquam esse pure speculativam, aliquam pure practicam, aliquam tam speculativam quam practicam. Ratio huius sumenda est ex obiecto, à quo sicut alias suas perfectiones sumit scientia, ita & esse practicam, aut speculativam. Illa igitur dicitur speculativa tantum, cuius obiectum formale est solum speculabile; si verò obiectum sit pure practicum, erit sci-

entia

entia practica, si indifferens ad utrumque, erit partim speculativa, partim practica: sic physica obiectum est corpus naturale, quod est speculabile tantum, ideo Physica dicitur speculativa.

Objicies primo. Ex principis Physicæ deducuntur aliquæ conclusiones practicae, ut homini esse secundam rectam rationem operandum, quia est naturæ rationalis: at quod deducitur, ex alicuius scientiæ principis, pertinet ad eandem scientiam: ergo ad physicam pertinent conclusiones practicae, & ex consequent, Physica non erit pure speculativa.

*Eadem conclusio potest spectare ad diversas scientias.*

Respondeo Eandem conclusionem pertinere posse ad diversas scientias, sub diversa ratione. sic terram esse rotundam demonstrat Physicus ex motu gravium, & tanquam proprietatem consequentem ad eius naturam, Mathematicus autem ex principis perspectivis & ut proprietatem quandam Mathematicam. Pari ergo ratione, operari secundum rectam rationem est proprietas quædam naturæ rationalis, demonstratur à physico, & sic est quid speculabile instar aliarum proprietatum naturæ; ut verò dicitur praxim moralem, sic pertinet ad moralem scientiam; quare conclusio practica quatenus practica est; non pertinet ad Physicam, sed solum quia speculativa est, quia ad physicam, per se nihil spectat nisi quod deducitur ex ipsius principis intra latitudinem obiecti speculabilis, si verò quod deducatur ut practicum & in ordine ad praxim alterius scientiæ.

Objicies secundo. Scientia moralis est practica ex obiecto, & tamen simul est speculativa, quia multas proprietates demonstrat de suo obiecto, nempe de operationibus humanis. Respondeo. Tales demonstrationes, cum sint de obiecto practico, ut practicum est, & de proprietatibus practicis, esse practicas, ut supra dictum est: Licet enim ex modo demonstrandi sit speculativa, tamen res demonstrata est practica, si quidem tam essentia quam proprietates obiecti practici, ad obiectum practicum spectant, ad speculativam autem scientiam requiritur, utrumque, ut non ex modo solo cognoscendi obiectum sed ex obiecto sit speculativa.

Objicies Tertio. Sequitur Metaphysicam esse non minus speculativam quam practicam, quia ens ut ens, quod est obiectum Metaphysicæ, non minus dicitur de entibus speculativis, quam practicis, ergo omne ens practicum est verum ens, & quæ demonstrantur de ente, conveniunt etiam enti practico. Respondeo. Rebus practicus quædam convenire ut practica sunt, quædam vero in communi ut abstrahunt à ratione practica, & conveniunt cum speculativis, talis est ratio entis & passionum eius ac transcendendum omnium. Ergo Metaphysica considerat ens, ut ens, sub ea ratione quod abstrahit à ratione practica, ideo non potest dici scientia practica.

Quod si inest Metaphysicam considerare ens ut abstrahit à ratione speculativa, nempe ut est indifferens ad speculativum & practicum. De utroque enim dicitur. Ergo non erit scientia speculativa. Respondeo. Ens eo ipso quod consideratur sub ratione entis non relati ad ullam praxim, consideratur sub ratione speculativa, nil enim aliud ad rationem speculabilem pertinet nisi ut secundum se absque ratione ad opus consideretur, ex quo patet Metaphysicam esse pure speculativam, & abstrahere à ratione practica non verò à ratione speculativa.

Norandum igitur est. Si obiectum scientiæ totalis neque sit determinate speculativum, neque determinate practicum; sed indifferens ad utrumque; scientia quoque erit speculativa, simul & practica, respectu diversarum partium. Nam tunc

vna, non reducitur ad aliam, cum vtræque se habeat æque ad obiectum scientiæ totalis, nec vna ordinatur ad alteram, aut propter alteram consideratur, ergo vtræque æque denominabit scientiam totalem, altera speculatiuam, altera practicam. Sic multi Theologi volunt Theologiam esse simul speculatiuam, & practicam quia versatur circa Deum vt reuelatum, quæ ratio non minus est speculatiua, quam practica, quia Deus est nobis reuelatus, non solum quoad veritates speculatiuas, sed etiam quoad practicas.

Sic etiam quidam recentiores dicunt Logicam esse simul practicam & speculatiuam, quod habeat pro obiecto rectitudinem operationum, quæ & speculatiuè secundum se, & practicè, in ordine ad operationes considerari potest. At isti non satis rectè dicunt. Nam nulla scientia practica, etiam si consideret essentiam, principia, proprietates sui obiecti, modo speculatiuo, dicitur partim practica partim speculatiua, sed solum practica, quia ex obiecto immediato est practica, & illæ speculationes sunt quid obiecti practici, & pertinent ad considerationem obiecti practici. Quare aut nulla scientia est practica solum, sed partim practica, partim speculatiua; aut certè Logica (secundum illorum principia) debet dici solum practica, ex obiecto immediato. Quanquam secundum nos ex alio capite non est practica, quia non est vilius praxis directiua, sed cognitionis.

Potro qui tenent scientiam totalem esse vnā qualitatem simplicem, dicunt scientiam totalem esse eminenter practicam, & speculatiuam; sicut in sensu communi, sensus externi particulares eminenter continentur; quia vnus sensus communis, potest omnia ea præstare, quæ multi sensus particulares præstant: Quæ enim sunt in inferioribus diuisa, in vna superiore virtute vnita continentur, ac proinde eminenter, hoc est non illa limitata ratione essentiali, quæ est in inferioribus, sed illimitata, & perfectiori. Sic etiam lumen est eminenter calidum, non enim formaliter est calidum (quia non est calor) sed præstat ea virtute, quæ calor præstat formaliter. Nempe quia calefacit vt calor. Sic etiam dicunt habitum fidei infusæ esse eminenter practicum, & speculatiuum, quia tendit in res reuelatas, in quibus comprehenduntur tam practicæ quàm speculatiuæ veritates, & vnus habitus Fidei hoc facit, quod multi habitus speculatiui & practici si essent distincti, facerent.

Quod si dicas. Denominatur habitus speculatiuus & practicus ab obiecto: At nullum est obiectum eminenter speculatiuum, & practicum, Ergo nec habitus. Minor probatur, omne enim obiectum, si non referatur ad opus, sed sciendi gratia cognoscatur est speculabile: si verò referatur ad opus, erit practicum; si ad cognitionem, erit instrumentarium. Quare & illud obiectum, quod dicitur eminenter practicum, & speculatiuum, si sui gratia sciatur, est formaliter speculabile, si alterius gratia, est practicum, vel quasi practicum; Quod si in istis; potest in obiecto concipi aliqua ratio communis practico & speculatiuo; Respondetur talem rationem esse communem per abstractionem ab vtroque (vt genus ab inferioribus abstrahitur) non verò per continentiam vtriusque in vna ratione formali, quod ad eminentem continentiam requiritur, sic animal abstrahitur ab homine, & Bruto, non tamen continet hominem, & Brutum eminenter. Addo: Idem est obiectum habitus & actuum; Habitus enim attingit suum obiectum per actum; at nullus actus potest esse eminenter practicus, & speculatiuus, sed vel practicus tantum, vel speculatiuus tantum, si referatur, vel non referatur, ad opus, & sit directiuis, aut non directiuis operis: Ergo nec habitus. Respons. Habitum dici eminenter practicum,

*Logica non est  
solum practica  
& speculati-  
ua.*

*Scientia emi-  
nenter practi-  
ca & specula-  
tiua.*

*Habitus eminenter speculatiuus & practicus.*

*Scientia acquisita non potest esse eminenter speculatiua & practica.*

Etiam, & speculatiuum, non ab obiecto, quod sit eminenter speculabile, & operabile: est enim solum per indifferentiam tale, ut recte probat obiectio, sed a virtuali continentia habitus practici, & speculatiui simul; qui in suis rationibus limitatis, sunt distincti: ut verò in vno vtrumque complectente continentur, sunt vnum quid eminenter æquiualeus vtrique, contra quem sensum, non procedit obiectio.

Verum ex alio capite doctrina hæc de habitu eminenter practico, & speculatio non est admittenda, non quòd in se sit falsa, & impossibilis, saluatur enim in habitu fidei & saluari posset in scientia totali, si esset vna simplex qualitas, qualem illi ponunt; sed quia non recte applicatur ad scientiam totalem acquisitam: Ut enim ostensum est, cum scientia totalis acquiritur, acquiruntur multi partiales habitus, alij speculatiui, alij practici. Vnde scientia totalis aggregata ex illis non est eminenter practica, & speculatiua, quia non in vna ratione superiori ista duo continet, sed est conflatà ex habitibus varijs, quorum alij sunt formaliter practici, alij formaliter speculatiui.

Porrò scientia totalis diuiditur in speculatiuam, & practicam: scientiæ totales speculatiuæ communiter tres statuuntur, propter triplicem abstractionem à materia: Metaphysica, Physica, Mathematica, Practica verò diuiditur in moralem, Oeconomicam, Politicam. Prior dirigit praxim priuati hominis, in se ipso, altera Oeconomicam praxim; tertia politicam. Bonum etiam triplex est, vnum quod hominem bonum facit, aliud quod bonum æconomum, aliud quod bonum ciuem. Vnde dicitur alia esse virtus, boni viui, & boni ciuii.

## QVÆSTIO VIII.

*An & quomodo vna scientia subalternetur alteri?*

*Scientia subalternata quid.*

*Triplex scilicet scientia potest esse subalterna.*

*Primo ratione finis.*

*Secundo ratione principiorum.*

*3. Ratione obiecti.*

DE quo Aristoteles 1. Poster. capite 9. text. 13. Doctores in prologum sententiarum, & in primam quæstionem primæ partis S. Thom. Scientia subalternata dicitur, quæ est sub altera scientia. Vnde non dicitur scientia subalternata nisi inferior, respectu superioris. Potest autem tribus modis vna scientia esse sub altera.

Primo ratione finis, quia ordinatur ad finem alterius; sic artes seruales subalternantur architectonicæ; & ars equestris, frænorum, & armorum efficitur subalternatur arti militari, & ad finem artis militaris ordinantur. Similiter arti ædificandi subiaciuntur ars incidendi lapides, & conficiendi varias materias pro ædificio, item item fabrilis; omnes enim istæ artes sunt necessariæ ad finem artis ædificandi.

Secundo ratione principiorum, quando principia vnius, sunt conclusiones alterius; tunc enim quemadmodum principia vnius sunt sub principijs alterius, ita & scientia est sub scientia.

Tertio ratione obiecti, quando vnius obiectum est sub obiecto alterius continentum per differentiam accidentalem: sic musica est sub arithmetica; quia numeri

nam quem Arithmetica absolute considerat, Musica considerat in sono. Ex quo fit ut demonstrationes Arithmetice, applicentur materie musicæ, & Musica in ratione scientiæ dependeat ab Arithmetica.

Dico igitur Primò. Scientia subalternata, de qua locus est Aristoteles, & quam descripsit 1. Poster. cap. 7. & 9. est illa quæ est subalternata, ratione obiecti: Patet id ex locis citatis. Consideravit enim Aristoteles subalternationem, in ipsa ratione scientiæ, ita ut scientia inferior in ratione scientiæ pendeat à superiore, eamque ad se deriuat: hoc autem fit, cum una accipit obiectum alterius, & addit illi solum conditionem accidentalem.

Cum enim scientia sequatur suum obiectum, si inferior scientia accipit obiectum superioris, accipit cum obiecto, & demonstrationes scientiæ superioris: & sicut obiectum superioris scientiæ considerat ut contractum per differentiam accidentalem, ita & demonstrationes superioris scientiæ sibi applicat, solum cum diuersitate quadam accidentali, ut quæ demonstrantur in Arithmetica de numero in communi, in Musica demonstrantur de numero sonoro, quæ verò Geometra demonstrat absolute de lineis, Perspectiuus demonstrat de linea visuali.

Ex quo infero de ratione scientiæ subalternatæ esse ut habeat idem obiectum formale, cum subalternante, & easdem proprietates de eo demonstret, & per eadem principia, solumquæ differat ab ea accidentaliter, ratione materie, quatenus illas demonstrationes ad suam materiam applicat.

Pro quo notandum est. Dupliciter posse esse vnum obiectum sub altero: Primò ut species sub genere, homo verbi gratia sub animali. Secundò ut idem obiectum contractum per differentiam accidentalem, est sub seipso absolute accepto. Numerus verbi gratia sonorus, est sub numero absolute; linea visualis, sub linea absolute. Differunt autem isti modi. Nam species ita est sub genere, ut illud contrahat per differentiam essentialem, & ex consequenti, ratione differentie essentialis, est distinctum specie obiectum à genere: ac cum idem contrahitur per differentiam accidentalem, non differt essentialiter à se ipso absolute accepto, sed accidentaliter tantum.

Hinc fit, quod prior modus ad subalternationem non sufficit. Nam scientia subalternata non est distincta essentialiter à subalternante; ac scientia de specie est distincta essentialiter à scientia de genere, cum alia sint principia generis, alia species, itemquæ aliz proprietates generis, aliz proprietates speciei. Non igitur scientia de specie, est propriè subalternata in ratione scientiæ, scientiæ de genere. Vnde scientia de homine in Physica, non est subalternata scientiæ de animali, quia inter has scientias, nulla est dependentia in ratione scientiæ, si sumatur formaliter: Secundus verò ille modus sufficit, & requiritur ad subalternationem in ratione scientiæ. Nam affert secum dependentiam vnius scientiæ ab altera in ratione scientiæ; siquidem inferior, sicut accipit obiectum formale à scientia superiori, ita & proprietates, & principia, ac ex consequenti totam scientiam solumquæ istæ scientiæ accidentaliter variantur, quia in scientia inferiori sunt applicatæ materie, in scientia verò superiori, absolute accipiuntur. Sic demonstratio Mathematica, quod partes figuræ circularis difficilius copulantur, quia maximè à se distant, applicatur in medicina ad materiam vulnere circularium, quæ quatenus circularia sunt, difficilius sanantur; quia partes vulneris circularis difficilius copulantur, cum à se maximè distent: quæ demonstratio proculdubio non differt essentialiter, in

*Subalternata non differt essentialiter à subalternante, nisi ratione materie.*

ratione formali demonstrationis, sicut tantum ratione materiz, à demonstratione Mathematica.

*Obiectio.*

Sed obicies primò. Differentia illa obiecti licet sit accidentaria obiecto in genere rei, quia est extra essentiam ipsius, non est tamen illi accidentaria in genere obiecti; quia illud obiectum consideratur sub illo accidente, tanquam sub ratione formali obiectiua: ratio autem formalis obiectiua quæcumque illa sit, dat speciem, & essentiam actui. Respondeo, si differentia illa accidentaliter consideraretur in scientia subalternata, tanquam ratio formalis obiectiua, verè esset differentia essentialis obiecti, quatenus obiectum est, & faceret scientiam subalternatam, differre essentialiter, à subalternante, sicut scientia de specie, est distincta essentialiter à scientia de genere: at quia differentia illa accidentaliter, non consideratur ut quid formale in obiecto, sed potius ut materia quædam obiecti considerati, idcirco nec dat speciem scientiæ, nec distinguit illam essentialiter. Quod ita probò, quia scientia, ex natura, & principiis sui obiecti formalis, demonstrat proprietates de obiecto: at scientia subalternata, non demonstrat suas proprietates ex natura illius differentie accidentaliter, sed ex natura obiecti scientiæ superioris, cuius etiam demonstrationes, suæ materiz applicat; ergo non considerat illam ut rationem formalem obiecti, & idcirco Arist. 1. 3. Met. summa 1. capite tertio, ait Harmonicam non considerare vocem prout est vox, sed prout numerus, & per se ipsam non considerare visum, ut visus est, sed ut lineam. Idem sentit Zabarella libro de tribus Præcognitis c. 1. 2. & citat Auerroem 1. Post. l. 6. 9. & plerique recentiores. Cum igitur dicitur per se ipsum considerare lineam ut in visu, non reduplicatur ibi ratio formalis obiecti, sed conditio accidentaliter, seu materia, in qua linea consideratur à per se ipso. Ex quo etiam patet, quòd si illa conditio accidentaliter, esset obiectum formale scientiæ subalternatæ, eo ipso non esset iam subalternata, quia, in illa ratione formali, esset planè independents ab altera; haberet enim principia propria, & proprietates illius rationis formalis, & per demonstrationes proprias, non à superiori scientia demonstraret suum obiectum.

*Solutur.*

*Ratio à priori.*

*Aristotelis doctrina.*

*Confirmatur.*

Obicies secundò, demonstrationes scientiæ subalternatæ, videntur omnino diuersæ à demonstrationibus scientiæ subalternantis, tam in conclusione, quam in principiis. In conclusione quidem; quia diuersam planè conclusionem inferunt: Nam in medicina, conclusio est vulnera circularia difficile sanari, quæ conclusio nullo modo inferitur in Geometria. In principiis verò quia subalternata accipit conclusionem subalternantis pro principio ad probandum suam conclusionem, ut ad probandum vulnera circularia difficile sanari sumit pro principio, quòd latera circularis figuræ difficile vniuntur, quia maxime à se distant, quæ est conclusio Geometrica. Respondeo hæc demonstrationes non sumere formaliter, sed materialiter tantum, quia etsi materialibus terminis, & eorum dispositione differant, tamen tandem resolvuntur in eandem formalem demonstrationem. Nam verbi gratia conclusio illa, vulnera circularia difficile sanantur. Si formaliter accipiat, est conclusio Geometrica; nam de vulneribus quatenus circularia est, demonstratur illa proprietate; quatenus verò in ydoneum parum consistit, est propositio Geometrica; Geometria enim ostendit latera figuræ circularis, difficile vni, quia maxime à se distant. Solam igitur hæc demonstrationes, differunt materialibus terminis: Nam in subalternata sunt applicati materiz, in subalternante verò abstrahunt ab omni materia. Quanquam possint etiam dici hæc tenere differre essentialiter, sed non tamen ratione materiz, non verò ratione formali demonstrationis.

Deo

Dico secundò, scientiis practicas non esse necessariò subalternatas scientijs speculatiuis. Hæc conclusio est contra quosdam recentiores, qui putant scientias practicas, ad obiectum speculatiuum addere accidens quoddam, nempe factibilitatem, sed falluntur. Nam illa factibilitas est obiectum formale scientiæ practicæ: quare licet sit accidens obiecti speculatiui; tamen obiecti practici, non est accidens, sed ipsa ratio formalis obiecti: non igitur scientia practica habet obiectum cum differentia merè accidentali, vt requiritur ad scientiam subalternam. Deinde scientia practica, sicut habet obiectum formale diuersum, ita & proprietates diuersas & principia diuersa, quibus probat suas conclusiones: Ex quo apparet scientiam practicam, esse toto genere diuersam à speculatiua; neque illi subalternari: Nam subalternata est eadem in ratione scientiæ cum subalternante, & habet idem formale obiectum, eadem principia, & easdem formaliter proprietates, materialiter solum differentes.

*Secunda Conclusio: scientiæ practice non subalternantur speculatiui.*

Sed obiciès: Aristoteles, & alij communiter affirmant multas practicas esse subalternatas speculatiuas, vt Nauticam, Astrologiæ, Musicam practicam, musicæ speculatiuæ; Chirurgiam, Geometriæ; Medicinam, Physicæ; Respondeo primum id affirmari propter dependentiã harum scientiarum ab illis in directione; siquidem ab eis dirigitur in multis. In scientijs enim practicis, dantur multæ speculatiuæ, quæ conducunt plurimum ad cognitionem obiecti practici, & dirigunt illam: si quæ igitur subalternatio est in dictis scientijs practicis, illa est respectu aliquarum tantum cognitionum speculatiuarum, quibus dirigitur circa sua obiecta, non verò respectu totalis scientiæ. Quod exemplo magis patebit. Verbi gratia Nauticus, cognoscit tempus navigationi opportunum ex Astrologia, quia talis syderum consuetudo facit tempus tranquillum; quæ cognitio Astrologica, applicata navigationi, est cognitio nautica. Tempus enim quod absolute est tranquillum, & opportunum, etiam ad nauigandum est tranquillum, & opportunum; & in hac cognitione, quæ est merè speculatiua, nautica est subalternata Astrologiæ: præter hanc verò cognitionem speculatiuam, habet nauticus aliam practicam, de modo ducendi navi, vela pandendi, remos inflectendi, & secundum hanc, non est subalternatus Astrologiæ. Et idem dicendum de Medicina, vt obseruat tempora ex Astrologia; sunt enim hæc cognitiones speculatiuæ, ad materiam medicam applicatæ. Simili ratione Musica practica, habet duplicem cognitionem, vnã speculatiuam de proportionibus notarum, & consonantiã, quod talis nota cum tali, efficit pulchram consonantiã; alteram practicam de modo formandæ vocis secundum notas Musicas, ascendendo, & descendendo, &c. Quoad priorem, est subalternata musicæ speculatiuæ, cuiusquæ demonstrationes applicat ad sanos, & cantum vocalem, differtquæ ab illa solum materia, & differentia accidentali. Musica verò practica, vt practica, non est subalternata, sed planè diuersa scientiæ à speculatiua; hincquæ potest, vt musicus speculatiuus, sciens proportionem & harmoniam notarum, in praxi sit ignarus cantus vocalis, & formandæ vocis cum proportionem. In medicina etiam duplex cognitio distinguitur; altera speculatiua; quæ est cognitio corporis humani, humorum, complexionum, item cognitio virtutum herbarum, gemmarum, lapidum; altera practica, quæ cognoscit modum medendi, hoc est applicandi medicinas, & alia media ad sanitatem inducendam, quoad priorem medicinam, est subalternata Physicæ; quæ enim in Physica absolute consulerantur, hæc medicina in corpore sanabili per artem considerat, quæ est veluti differentia accidentalis talis cognitionis;



quoad posteriorem verò cognitionem non est subalternata Physicæ, cum ex proprijs suis principijs practicis procedat, non ex Physicis. Quanquam notandum est, differentiam illam accidentalem, ut additur obiecto speculativo, esse tantum differentiam accidentalem; ut verò adhibetur in obiecto practico, esse ipsam rationem formalem obiecti practici. Ex quibus patet practicam, quæ practica est, non subalternari speculativæ, sed solum ratione quarundam speculativarum cognitionum, adiunctarum inferuentium cognitioni practicæ.

*Tertia conclusio. Artes serviles non subalternantur Architectonicæ.*

Dico tertio. Artes serviles non propriè subalternari Architectonicæ. Verbi gratia, arti militari, non subalternatur propriè ars equestris aut frænisfactoria. Ratio est: quia scientia subalternata, debet habere idem obiectum formale cum subalternante, easdem proprietates, eadem principia: at istæ scientiæ, habent diversa obiecta formalia, proprietates, principia. Ergo non subalternantur propriè in ratione scientiæ; solum enim Architectonicæ, subducuntur ratione finis, quia ad finem eum ordinantur, ut ei serviunt: hoc autem non sufficit ad subalternationem qualem descripsit Aristoteles 1. Poster. alioqui si ad subalternationem satis est ordinari ad finem alterius scientiæ, omnes scientiæ speculativæ essent subalternatæ Politicæ, quia ad finem Politicæ, faciunt omnes scientiæ, & artes.

*Quarta Conclusio. Scientiæ speculativæ non subalternantur Metaphysicæ.*

Dico quartò. Scientiæ speculativæ non subalternari Metaphysicæ. Quia & obiectis formalibus, & proprietatibus & principijs à Metaphysicâ differunt.

At obicitur. Principia aliarum scientiarum probari à Metaphysicâ, ad eandem enim tanquam ad scientiam vniuersalissimam pertinet, probare principia aliarum scientiarum teste Aristot. 1. Physicorum tex. 8. Resp. Principia scientiæ subalternatæ probari à priori ex principijs proprijs, pertinet ad scientiam subalternantem; conclusiones enim subalternantes sunt principia subalternatæ: at probare alius scientiæ principia demonstratione deducendo ad impossibile contra proteruos (quod facit Metaphysica) potest probare scientiam etiam diversæ generis & obiecti: sic Metaphysica per illud principium, impossibile est aliquid simul esse, & non esse, arguit negantes principia aliarum scientiarum, deducendo illos ad impossibilia, & ad contradictoria.

*Conclusiones subalternantis sunt principia subalternatæ.*

Quòd si quæras. Quomodo verum sit conclusiones subalternantis, esse principia subalternatæ, cum eadem sit demonstratio subalternantis, & subalternatæ, hoc solo discrimine, quòd in subalternata est applicata certæ materiæ, in subalternante verò, est abstracta ab omni materiæ: Si enim utraq; sit eadem demonstratio necesse etiam est eadem esse utriusque principia, & conclusiones: non igitur conclusiones subalternantis, sunt principia subalternatæ.

Respondeo: subalternata, dupliciter vti potest scientia subalternante ad suas conclusiones. Primò applicando integram demonstrationem subalternantis ad suam materiam, & eodem modo; ut cum ea, quæ demonstrantur in Geometria de triangulo in communi, demonstrantur in perspectiva, de triangulo vniuersali, & tunc eadem erunt conclusiones, & eadem principia utriusque scientiæ. Secundò applicando conclusionem subalternantis, per accidentalem differentiam, ad conclusionem subalternatam. Verbi gratia, Si dicam latera figuræ circularis difficile videntur: Ergo & latera vulnorum circularium difficile videntur; ac ex consequenti, sanantur. Et hinc verum est quod dicitur, conclusiones subalternantis esse principia subalternatæ; quia tales conclusiones, cum pro principijs assumuntur, applicantur per differentiam accidentalem conclusioni subalternatæ, sicut & tota demonstratio subalternantis.

subalternantis, eodem modo applicatur scientiæ subalternatæ. Vtrouis autem modo fiat applicatio in idem recidit, vtrouique enim est applicatio per differentiam accidentalem.

Quæritur etiam potest. An ad rationem scientiæ subalternatæ requiratur, & sufficiat, vt principia subalternatæ, sint conclusiones subalternantis? Respondeo requiri & sufficere, sed modo explicato, nempe vt per differentiam accidentalem applicentur subalternatæ; si enim hoc sit, erit subalternatio ratione obiecti, in quo consistit ratio propriæ, & perfectæ subalternationis. Quod si conclusiones vnius scientiæ, ita sint principia alterius, vt non applicentur per differentiam accidentalem, sed essentialem; tunc non erit vera subalternatio. Sic accidit in demonstrationibus vnius scientiæ in qua secunda pendet à prima, tertia à secunda, ita vt conclusio vnius, sit principium alterius; neque ibi est vera subalternatio. Hæc autem in dependentia demonstrationum, cerni potest in demonstrationibus Euclidis, in quibus posteriores supponunt priores.

Præterea si quæras. An requiratur ad subalternationem, vt principium subalternatæ accipiat secundum quod demonstratur in subalternante; an verò sit satis vt inductione, vel alio modo necessario sciatur. Respondeo cum Aureolo & Vasquez non esse satis secundum, sed requiri primum. Si enim, verbi gratia, principia subalternatæ, essent fide diuina credita nec assumerentur vt demonstrata à subalternante, non esset talis scientia subalternata illi, quia ab illa formaliter non dependeret in ratione scientiæ, nec esset sub illa, sed extra illam.

Quarto quæras quomodo intelligendum est quod ait Aristoteles 1. Poster. cap. 9. *Quomodo subalternantem demonstrare propter quid, subalternatam vero Quia: Cum enim eadem sit demonstratio vtriusque, videtur vtræque demonstrare propter quid.*

Respondeo id verum esse, cum conclusio subalternantis est principium subalternatæ, & applicatur per differentiam accidentalem, ad conclusionem subalternatæ; tunc enim non probatur propter quid conclusionis, sed tantum Quia.

Denique si quæras. An si scientia subalternans, sit in vno intellectu, subalternata in alio, sit ibi vera subalternatio; vt si Discipulus habeat scientiam subalternatam, Præceptor subalternantem, vel cum ex principio fide credito inferimus conclusionem; Cuius principij scientiam habent beati.

Respondeo, non esse, quia tunc vna scientia, formaliter sub illa ratione sub qua est scientia, non dependeret ab altera. Neque principijs suis vteretur tanquam ab alia acceptis, & probatis. Vnde per accidens se haberent istæ scientiæ ad se, nec esset vera, inter eas subalternatio, in ratione scientiæ.

*Quomodo subalternantem demonstrare propter quid, subalternata quia.*

*Ad subalternationem non sufficit in vno intellectu esse scientiam subalternantem, in alio subalternatam.*



## DISPUTATIO XVIII

## De Definitione.

*Reliquum est ut definitione disputemus, quæ unum est ex instrumentis sciendi potest quæ considerari: Primum in ordine ad definitum, & sic est instrumentum sciendi definitum; definitum enim quæ definitum scitur definitione. Secundo in ordine ad demonstrationem, & sic est instrumentum ad sciendam conclusionem, hoc est, ad proprietatem demonstrandam de subiecto; nam definitio subiecti assumitur ut medium ad demonstrandam passionem de subiecto. Prior consideratio definitionis est propria & formalis; quia definitio, definiti est definitio, & definiti naturam & essentiam explicat: posterior verò consideratio, est accidentalis: accidit enim definitioni esse medium in demonstratione: unde etiam tunc consideratur, non ut definitio, sed ut causa. Hic igitur considerabimus definitionem priori modo ut definitio est; nam de ea ut est medium in demonstratione, egimus supra in Disp. de Demonstratione. Agit porro Aristoteles de definitione, tum in secundo Poster, tum in Topicis, tum in 7. Metaphysica, 1. de anima tex. 16. 17. 18. ubi etiam cum Aristot. Interpretes de eadem materia agunt.*

## QVÆSTIO PRIMA.

*Quid sit Definitio?*

Definitio communiter dicitur esse oratio explicans essentiam, seu quid esse rei. Vbi prima difficultas occurrit. An definitio definiri possit? Nam si definitionis datur definitio, dabitur processus in infinitum in definitionibus: Nam prima definitur per secundam, secunda per tertiam, & sic in infinitum; Nam si definitio ut definitio est definiri potest; ergo omnis definitio poterit definiri, & nunquam erit finis definitionum. Hoc autem esse absurdum, inde patet, quod vnumquodque definitum, penderet ab infinitis definitionibus, sine quibus cognosci non posset. Nam in primis penderet à prima sua definitione, hæc vero definitio, si etiam habet suam definitionem, non minus penderet in cognitione sua ab illa definitione, quam definitum penderet ab ipsa. Rursum illa secunda etiam definitio penderet similiter à tertia in infinitum, & sic verum esset, quodlibet definitum pendere in sua cognitione ab infinitis definitionibus, quæ cum omnes haberi non possint (sunt enim sine fine, & quod sine caret pertransiri non potest) scientia quoque definitiva de definito haberi non poterit. Deinde, sicut essentia non datur essentia, ita nec definitionis datur definitio; nam definitio continet essentiam, & distinctæ definitiones, distinctas essentias: sicut ergo repugnat essentiam habere aliam essentiam à se distinctam, ita & definitionem habere aliam definitionem.

*An definitio  
definiri possit?*

Pro solutione notandum est. Definitionem dupliciter sumi posse: primò formaliter sub ratione formali definitionis, seu in actu signato, prout dicit rationem formalem definitionis: secundò materialiter & in actu exercito pro reali ipsa definitione, cui convenit ratio formalis definitionis, verbi gratia, si definiam hominem esse animal rationale, animal rationale est definitio realis & in actu exercito, illique convenit ratio formalis definitionis, quæ est consistere genere & differentia; quæ etiam dicitur definitio in actu signato.

*Definitio sumitur formaliter & materialiter.*

Deco igitur primò. Definitionem in actu signato, hoc est rationem formalem definitionis definiri posse. Probat, quia cuiusque rei essentia, definitione explicari potest; est enim definitio oratio explicans essentiam rei: atqui definitio habet suam rationem formalem & essentialem: ergo potest eius rationis formalis essentia, definitione explicari. Et hoc modo definitur definitio cum dicitur esse oratio explicans essentiam rei; Hac enim definitione explicatur, quæ sit ratio formalis definitionis, explicando genus ipsius & differentiam.

*Definitio in actu signato definiri potest.*

Quod si dicas. Si Definitionis datur Definitio: ipsa definitur per seipsam, Definitio per definitionem. Respondeo: Definitionis in actu signato, datur Definitio in actu exercito: quæ definitiones licet se sint idem, Definitio enim est eadem res cum suo definito: differunt tamen conceptibus. Nam quod definitio in actu signato dicitur confusè, hoc definitio in actu exercito dicitur explicite; explicando Genus & Differentiam Definitionis in actu signato. Omnis enim Definitio solo conspiciendi

eundem modo differt ab eo cuius est definitio. Ex quo patet definitionem non definiti per seipsum, sed per suum Genus & differentiam, & per definitionem exercitam, quæ est distincta a definitione signata.

Dices præterea sequi processum in infinitum. Nam si definitio ut definitio, seu secundum rationem formalem definitionis definiti potest: etiam definitio definitionis, cum illi conveniat ratio formalis definitionis, definiti poterit, & sic in infinitum dabitur definitio definitionis.

*Non sequitur  
processus in  
infinitum.*

Respondedo. Definitio definitionis secundum rationem formalem definitionis considerata, seu ut illi convenit ratio definitionis in actu signato, definiti quidem poterit, sed non nova aliqua definitione. Vna enim est definitio omnium definitionum in actu signato acceptarum, vnaque ratio formalis definitionis omnibus competit. Sicut quia vna est ratio & definitio animalis, ideo si in infinitum definiatur homines sub ratione animalis, semper eadem definitione definiatur: quocirca non erit processus in infinitum in definitionibus, sed eadem definitio semper repetetur. Porro non est absurdum repeti in infinitum eandem definitionem, absurdum verò est multiplicare in infinitum novas & essentialiter distinctas definitiones. Oporteret enim vnam rem habere infinitas essentias actus, sicut habet infinitas definitiones. Et cum infinitæ definitiones non possint pertransiri, sequeretur nunquam posse perveniri ad perfectam rei definitionem, prima enim penderet à secunda, secunda à tertia, & sic in infinitum.

*Definitio in  
actu signato  
& in actu  
exercito.*

Notandum autem est Definitionem exercitam, hoc est, constantem genere & differentis, denominativè & accidentaliter dici posse definitionem signatam, quatenus ei definitionis actus signatus seu ratio formalis confusa convenit. Unde definitio definitionis, est & essentialiter definitio in actu exercito, constantis genere & differentia definitionis; & accidentaliter ac denominativè est definitio in actu signato: quia illi definitionis actus signatus convenit. Quando igitur definitionem definitionis definiti dicimus, intelligimus definiti secundum actum signatum definitionis: qui actus signatus, quia secundum se definibilis est, ideo & cum omnibus definitionibus exercitis accidentaliter & denominativè competit, poterunt omnes definitiones exercitæ secundum illum definiti, idque eadem prioris definitione, quia ipse actus signatus definitionis eadem ratione omnibus definitionibus exercitis competit. Verbi gratia, cum definitur. Definitio est oratio explicans essentiam rei. Definitio definita, est definitio in actu signato; Definitio verò definiens est definitio in actu exercito. Differt autem à definitione definita, quia hæc concipitur confusè definitio: illa verò concipitur distinctè secundum genus & differentiam definitionis. Porro orationi explicanti essentiam rei, convenit iterum accidentaliter & denominativè conceptus confusus definitionis. Unde secundum illum poterit iterum definiti eadem definitione, qua actus signatus definitionis definitur.

*Definitio in  
actu exercito  
definiri non  
potest.*

Dico secundò. Definitio in actu exercito accepta, pro ea re cui ratio formalis definitionis competit, non potest definiti; Hoc enim esset definiti genus ipsius & differentiam: definitio enim in actu exercito est oratio continens genus & differentiam: hæc autem non possunt definiti vna definitione, sed duabus definitionibus; neque cum definiuntur proprijs duabus definitionibus, definiuntur ut definitio, sed ut partes: Ergo definitio non definitur. Dices totum nihil aliud est, quam suæ partes, ergo & definitio totius nihil aliud erit quam definitio partium, & et consequenti

consequenti definitio partium definitionis. Respondeo, id quod definitur, debet esse vnum, & tanquam vnum debet defini: partes verò cum proprijs definitionibus definiuntur, definiuntur vt duo distincta: quare non per modum vnius definiti: definitum verò debet esse vnus terminus. Partes etiam sunt idem quod totum, sed non nisi vnice: nam seorsum singulæ acceptæ, distinguuntur à toto, cum igitur genus & differentia definiuntur, definiuntur vt duo distincti termini per conceptum & rationem. Dices idem significat definitio quod definitum. Ergo sicut definitum potest defini, ita & definitio. Respondeo etsi in re sunt vna & eadem res, tamen in ratione termini & conceptus non sunt idem; distinctio enim terminorum, sumitur ex distinctis conceptibus: quia igitur definitum confusa ratione concipitur, definitio distinctè, idcirco sunt distincti termini; & quia sunt distincti termini, ideo potest aliquid conuenire definito, quod non conuenit definitioni. Quia ergo definitum est confusè conceptum, ideo defini potest distinctus conceptus. Definitio verò, quia est concepta distinctè, non potest defini, quia iam est distincte & explicitè concepta essentia: nec distinctius potest explicari quàm cum per genus & differentiam explicatur.

Ex quibus patet, Ad primam rationem dubitandi. Definitio enim in actu signato, cum sit vnus terminus, potest defini, in actu verò exercito, cum sint duo termini generis & differentie, non potest defini. Neque in actu signato sequitur definitionem pendere ab infinitis definitionibus, tum quia illæ aliæ definitiones conueniunt definitioni accidentaliter, & sub ratione accidentali non essentiali: quocirca ratio definitionis essentialis ab illis non pendet: tum quia illæ definitiones quibus definitio definitionum definitur, est vna & eadem definitio, conueniens omnibus definitionibus eadem prorsus ratione vt dictum est.

Ad secundam, Respondeo, probare secundam nostram conclusionem; definitionem si sit essentia rei explicata, non habere aliam definitionem, qua explicari possit. Non probat autem contra primam, quia definitio sub ratione illa accidentali, sicut habet nouam essentiam, secundæ illius intentionis, ita & nouam definitionem illius secundæ intentionis.

Secunda difficultas est, An de essentia definitionis sit, vt sit oratio? Oratio enim, si vocalis sit, ex pluribus vocibus constat, si mentalis ex pluribus conceptibus: at neutrum videtur esse de essentia definitionis: nam si genus & differentia rei, vno simplici nomine significaretur, & que explicaret essentiam rei, & ex consequenti, & que esset definitio, vt ea quæ duobus vocibus idem significat. Similiter si vno simplici conceptu conciperetur genus & differentia vt concipitur ab Angelo, & que conceptus ille esse definitiuus, vt noster, qui est compositus ex conceptu generis & conceptu differentie. Deinde definitio obiectiue accepta non est composita sed simplex quædam essentia, continens in se rationem genericam & specificam: Ergo etiam definitio formalis & concepta non requirit talem compositionem; quod si eam haberet, ea per accidens spectat ad rationem definitionis; sicut enim essentia, quæ definitione explicatur, stat cum simplicitate, ita & definitio.

Notandum est. Definitionem aliam esse obiectiuam aliam formalem. Formalis definitio alia est, actus mentis nostræ conceptui vel voce expressus. Obiectiua est id, quod in obiecto respondet conceptui formali. Cum igitur duobus conceptibus formalibus conueniunt in obiecto res illa, quæ intellectus generis & differentiam in definitione, respondet in obiecto res illa, quæ conceptui generis & differentie concipitur, quæ quidem vt est in se, est vna simplex

An Oratio de  
essentia Defi-  
nitionis?

Definitio alia  
est obiectiua.  
alia formalis.

simplex entitas apta concipi duplici conceptu; vt verò subsistat duplici conceptui, sic habet obiectionem quandam distinctionem ex conceptu ortam, per extrinsecam demonstrationem à duobus distinctis conceptibus.

Notandum est secundò, si essentia concipiatur vno simplici conceptu, non composito ex pluribus nec distinguente rationem generis à ratione differentie, seu rationem determinabilem à ratione determinante: talis conceptus erit quidditarius, non tamen erit definitivus, quia non constabit genere & differentia; conceptus enim generis in definitione non includit conceptum differentie, sed præscindit ab illo: conceptus autem præcisus ab alio necessario distinguitur ab illo, in nobis quidem realiter, nos enim alio reali conceptu apprehendimus genus, alio differentiam. Quare si sit vnus & idem conceptus totius essentie, in Angelo autem sola ratione distinguitur: Angelus enim vno simplici conceptu totam definitionem concipit.

*De ratione definitionis est, esse compositam ex pluribus conceptibus.*

Dico igitur. De ratione definitionis esse, vt sit composita ex pluribus conceptibus seu terminis, ac proinde, vt sit per modum orationis mentalis vel vocalis. Ita Arist. 7. Met. 3. vbi definitioni partes assignat. Ratio est, quia definitio, non quocunque modo explicat essentiam rei, sed assignando genus proprium illius rei & differentiam: atqui hoc præstare non potest, vno simplici conceptu aut termino sed pluribus. Ergo definitio debet esse composita ex pluribus conceptibus vel terminis. Maior patet; tum quia definitio de finitur esse oratio constans ex genere & differentia; tum quia si sic conceptus definiti simplex & clarus, explicabit quidem essentiam quia clarus, non tamen per modum definitionis, quia non per modum generis & differentie, nec per modum conceptus determinabilis & determinantis. Non enim omnis clara cognitio, est definitio. Nam & beati in cælo vident clarè Deum, non tamen illum definiunt; & sensus clarè percipiunt sua obiecta, non tamen habent cognitionem definitivam. Multa etiam sunt, quæ defini non possunt, & tamen clarè cognosci possunt, vt summa genera & differentie, quæ verò definiti possunt, possunt concipi absolute essentialiter absque conceptu determinabili & determinante. Minor verò probatur. Quia ad conceptum generis & differentie requiritur, præcisio vnus conceptus ab altero: at præcisio conceptuum non potest esse sine pluralitate conceptuum. Ergo ad conceptum generis & differentie, requiruntur plures conceptus.

Ad rationem dubitandi, Respondeo si vnum nomen imponeretur ad significandum genus & differentiam; sub ratione Generis & Differentie, nomen illud non esset definitio vocalis, quia non constaret genere & differentia vocali, significaret tamen definitionem mentalem, quia significaret genus & differentiam, sub distinctis conceptibus. Quare non voce sed significatione esset definitio. Sic nomen populus voce est singulare, significatione plurale; quia non vnum sed multos homines significat: Cum igitur Angelus vno simplici conceptu concipit totam essentiam hominis, non per modum determinabilis & determinantis, non habet conceptum definitivum, sed tantum quidditativum; non enim omnis conceptus quidditativus est definitivus, sed is solus, qui est distinctus per genus & differentiam per determinabile & determinans: quæ duo non possunt concipi modo sibi conueniente nisi distinctis re vel ratione conceptibus. Quocirca etiam obiectum definitio, habet hanc compositionem conceptuum, obiectum subsistendo distinctis conceptibus formalibus, vt dictum est.



Tertius difficultas est, An definitio sit distinctus terminus à definito, cum enim tum definitio, quam definitum idem significant, videntur esse termini non distincti; Termini enim significatione distinguuntur. Ex altera parte, licet eandem rem significant, tamen de finitum confusè, definitio distinctè: quod sufficit ad distinctionem terminorum.

Dicendum igitur est. Definitionem esse distinctum terminum à definito, differt enim significatione confusa & distincta, quod satis esse ad distinctionem terminorum, patet: tum quia satis est ad id, ut non sint omnino idem, si sint aliquo modo diuersi: tum quia propter hanc diuersitatem, potest vnus sciri alter ignorari; potest enim quis scire definitum & nescire definitionem. Denique id satis est ad hoc, ut propositio non sit identica, in qua prædicatur definitio de definito, & ut per definitionem, possit aliquid demonstrari de definito, alioqui si non esset distinctus terminus, idem de seipso prædicaretur & idem per seipsum demonstraretur. Porro hæc differentia definitionis à definito, indicatur illis verbis, explicans essentiam rei.

Quod si quæras. An definitio necessario sit clarior definito; videtur enim non repugnare ut sit æque clara. Nam ut in causis naturalibus, potest causa producere æqualem sibi in perfectione effectum, ita & definitio potest æque clarum cognitionem definiti producere in intellectu, ut est in seipsa. Respondeo: De ratione definitionis est, ut sit clarior definito: nam definitum, ut definitum, est quid confusè significatum, definitio verò confusum illud, distinctè significat & explicat, per partes: sicut igitur, non potest confusum esse æque clarum ac distinctum, ita neque definitum potest esse æque clarum, ut definitio. Quod verò dicitur, definitionem posse tribuere claritatem definito, siue æqualem, id verum est, sed ea claritas, non est definiti, ut à definitione distinguitur; sed ut definitionem includit; per definitionem enim definitum, euadit æque clarum ut definitio. Ex quo infero, multo minus posse definitionem esse ignotorem definito; quia est clarior, & magis explicata, quam sit definitum. Quod si dicas, potest quis esse certus de definito, & ignorare an definitio quæ illi definito competit, sit vera illius definitio: Ergo potest magis cognosci definitum quam definitio. Respondeo id esse per accidens, ex ruditate illius, qui terminos non intelligit, nec rectè apprehendit, non verò ex natura terminorum, qui si secundum suam significationem ad quam sunt impositi intelligantur, necessarii clarior cognitionem generabunt, quam sit in definito.

*Definitio est distinctus terminus à definito.*

*De ratione definitionis est, ut sit clarior definito.*

## QVÆSTIO II.

*An definitio constare debeat genere & differentia?*

Ratio dubitandi est: quia cum definitio sit ad eum finem instituta, ut explicet essentiam rei; essentia autem non solum per genus & differentiam, sed etiam alijs modis explicari possit; non videtur necessarium ut definitio genere & differentia constet: Nam in primis res non minus constat materia & forma, quam genere & differentia; ut æque enim sunt partes essentiam totam comprehendentes. Tota enim essentia, nihil est, præter partes quibus constat: Æque ergo bene poterit expli-

carum tota essentia rei, partibus physicis, sicut partibus Metaphysicis. Deinde cui definitio non possit tradi per causas? à causis enim sicut res habet esse, ita & cognosci; Denique per proprietates cognoscimus essentiam rerum: Ergo definitio dari debet per proprietates: Nam & ipsum genus ac differentia per proprietates cognoscitur: Ergo maiorem vim habent proprietates ad ducendum nos in cognitionem definiti, quam genus & differentia.

*Definitio debet constare genere & differentia.*

Dicendum tamen est. Definitionem necessario constare genere & differentia: ita Aristoteles passim: Ratio est, quia cum definitio constare debeat partibus quid sit res indicantibus, nullæ autem aliæ partes essentia indicent formaliter quid sit res præter genus & differentiam; necesse est definitionem genere & differentia constare: Nam partes Physicæ nempe materia & forma, sunt partes indicantes in obliquo non in recto, essentiam rei, non tam quid sit, quam ex quo sit. Definitio autem explicare debet essentiam, quid sit in recto. Ad quæstionem enim in Quo, respondetur per definitionem.

Sed difficultas est. An definitio debeat dari per omnes differentias superiores & inferiores; cum enim inter genus summum, & infimam speciem dentur genera & species intermedie, constituunturquæ dicta genera & species ex genere & differentia, videtur quibusdam ad definitionem perfectam requiri, ut omnes gradus genericæ, explicite ponantur in definitione, alioqui definitio non erit explicans perfectè rei essentiam: Nam sicut species eget definitione, quæ explicetur eius genus & differentia, ita genus medium in definitione positum, eget alia definitione, quæ genus ipsius & differentia explicetur, alioqui erit ignotum, per ignotum autem non explicatur essentia rei. Ex altera verò parte, nulla definitio datur per multa genera & differentias, sed per unum genus infimum, continens in se genera superiora, & superiorum generum differentias, & per unam differentiam infimam.

*Definitio non datur per summum genus, & infimam differentiam: Per genus infimum & differentiam ultimam datur.*

Dico igitur primò. Definitionem non dari per summum genus, & infimam differentiam quia genera & differentia medix in tali definitione non continentur, & sic non explicaretur sufficienter essentia rei.

Dico secundo. Per genus infimum & differentiam ultimam, datur sufficiens rei definitio, quia in genere infimo; continentur genera superiora & eorum differentia; ergo continetur tota essentia rei.

Dices. Contineri sed non explicari, quo sit, ut maiori explicatione ac prædicte & definitione sit opus. Respondeo: Si genus infimum ponatur in definitione, ante non definitum, nec explicatum per suum genus & differentiam, non erit sufficiens per illud definitio ut bene probat ratio dubitandi: At si ponatur in definitione ut ante definitum & explicatum, non eget aliorum generum commemorazione; sumitur enim non ut consilium quid, sed ut distinctè cognitum. Et hoc sensu dantur definitiones sufficienter per infimum genus, indeque soluitur ratio dubitandi.

Porro ad rationem dubitandi initio quæstionis positam. Respondeo: Et si dentur definitiones per materiam & formam, item per omnia varia causarum genera, quæ dicuntur definitiones causales, aliæ etiam per proprietates; solæ tamen ex, quæ per genus & differentiam dantur, explicant in recto quid sit res secundum suam essentiam; aliæ verò vel non sunt essentielles, ut quæ dantur per proprietates & accidentia, suntque definitiones solum à posteriori, vel si sint essentielles, ut definitiones Physicæ, non directe indicant ipsum quid esse rei, ut dictum est.

Quamvis

Quamvis autem per proprietates cognoscimus essentiam rerum à posteriori, à priori tamen cognoscimus per genus & differentiam, licet tam genus quam differentia fuerit ex proprietatibus cognita: quare & definitio à priori, debet dari per genus & differentiam, licet à posteriori dari possit per proprietates.

## QVÆSTIO III.

*An definitio explicet ipsum Quodquid esse seu quidditatem rei?*

In primis exponendum est quid sit Quodquid esse rei; si enim vim nominis spectes est illud per quod ad questionem per Quid factam, responderetur: quia verò per questionem Quid, querimus de essentia, idcirco quodquid esse, est essentia *Quid sit, rei seu illud esse quod est res.* Et quidem quid, si sumatur in concreto, dicitur Quid, *quodquid esse* si in abstracto dicitur quidditas, sicut entis abstractum, est essentia; sicut enim res.

Ens, est Ens essentia, ita quid, est quid quidditate. Porro quodquid esse, Aristoteles 7. Met. t. 11. definit esse id, quod secundum se dicitur de re. Quod ita explicat. Duplitter aliquid dicitur secundum se de re. Primo quatenus illi secundum se inest, non tamen esse ipsius est esse alterius. Sic homo dicitur Musicus secundum se, quia Musica inest Musico; neque tamen idem est Hominis esse & Musici esse. Idem dici potest de superficie respectu albi. Secundò dicitur secundum se de aliquo, non quia illi secundum se inest, sed quia esse ipsius, est esse alterius: Sic homini secundum se convenit esse animal rationale, quia esse hominis, & esse animalis rationalis, est idem esse. Et hoc modo secundum Aristotelem, Quodquid secundum se dicitur de re, cuius est quodquid. Quod si obiciamus secundam hanc definitionem sequi genus esse, Quodquid speciei; quia dicitur in quid de specie. Respondeo: Primo esse quodquid, sed non adæquatum; maius enim est quodquid speciei, quam quod genere explicatur. Vnde non simpliciter, sed secundum quid genus est Quodquid speciei.

*Definitur  
quodquid.*

Si etiam obiciamus. Differentiam non pertinere ad quodquid esse; quia dicitur in quale, non in quid. Resp. Ex Arist. Cap. de substantia in prædicamentis. Differentiam dici in quale quid; non enim quocunque modo querimus qualis res sit, cum de differentia querimus, sed querimus (aut certe querere debemus) quale quid sit, ut illa qualitas, ad quidditatem rei spectet; Alioquin questio de differentia, non differret à questione de accidente, cum de accidente, querimus per quale.

Difficultas autem est, An accidentia habeant quodquid esse: Nam de substantijs, non est dubium; Ex enim cum sint simpliciter entia, & per se entia, simpliciter sunt Quid, & ex consequenti habent Quodquid esse seu id per quod sunt quid in seipsis: Accidentia autem cum non sint quid per se, sed alterius quid, nempe subiecti, non videntur habere simpliciter quodquid esse. Id enim quod non est quid, non habet id per quod sit quid, quod dicimus, quodquid esse rei, sed sunt alterius quid. Tractat hanc quest. Arist. 7. Met. t. 11. & de finit solas substantias habere simpliciter quid, quia sunt simpliciter quid in seipsis: Accidentia verò

cum

cum non sint quid in seipsis, sed in altero, non simpliciter habere quid, sed quid in altero, ac ex consequenti non vniocè, sed analogicè.

Pro quo notò: substantia dicit rem in seipsa existentem & quid in seipsis; Accidens verò non dicit quid in seipso, sed alterum quid, verbi gratia, Album non dicit albedinem in se existentem, sed rem alteram ab albedine existentem, albam. Propter quam causam in 1. Post. docuit Arist. 3. modum per se, qui est modus per se essendi conuenire substantiæ: Nam accidentia non per se, sed per alterum, quod denominant, existunt, verbi gratia, album existit per id, quod denominatur album non per se, hoc est, non per solam albedinem. Hinc ergo ex duplici capite accidentia non dicunt quid. Primò, quia non dicunt quid simpliciter in seipso, sed quod alterius: Secundò: Quia quid dicit essentiam, & accidens non dicit essentiam rei, cuius est accidens, sed additum quid ad essentiam: Ergo non dicit quid.

*Accidenti  
quomodo con-  
ueniat esse  
quid.*

Docet tamen Aristot. Accidens esse quid: Primò analogicè & imperfectè, 1. 11. quia sicut ens analogicè & imperfectè quia entis ens, ita & dicit quid, analogicè. Secundò esse quid Logicè; sicut enim, inquit, de non ente, Logicè quidam aiunt ipsum esse non ens, non quia aliquid sit simpliciter, sed quia sit non ens; ita & de accidente Logicè dicitur quod sit quid, non quod sit simpliciter quid, sed quod sit alterius quid; si enim non enti per Logicam prædicationem tribuitur quod sit, quidni idem accidenti (quod utique est aliquo modo ens) tribuatur.

At dices. Accidentia habent proprium genus & differentiam: Ergo propriam quid; genere enim & differentia quidditas rei continetur. Resp. genus & differentiam accidentium, esse valde imperfectum, cum non det accidenti esse quid in se, sed quid alterius. Quanquam in rigore negari non debet, accidentia habere suo modo essentiam & quidditatem, genus & differentiam; non enim sunt nihil, sed entia; ens autem non est sine essentia.

*An quidditas  
sit idem cum  
re cuius est  
quidditas?*

Secunda difficultas est. An quod quid est, sit idem cum eo cuius est, seu An quidditas sit idem cum eo cuius est quidditas. Tractat hanc questionem Arist. 7. Met. à tex. 20. contra Ideas Platonis & decernit, in accidentibus aliud esse quod quid est, aliud id Cuius est. Ratio est: quia accidens est alicuius subiecti accidens, non enim est per se ens, sed entis ens; vnde etiam subiectum ex suo modo significandi connotat: album, verbi gratia, dicit id quod habet albedinem, hoc autem est subiectum. Cum igitur subiectum sit aliud quid ab accidente, idcirco aliud est quod quid accidentis, aliud id cuius est illud quod quid. Quæ ratio concludit distinctionem realem inter Quid & Cuius quid: subiectum enim & accidens distinguuntur realiter, hoc est ex natura.

Porro in substantijs, ait Aristoteles non esse aliud secundum rem, Quid & id Cuius est quid, seu quidditatem substantiæ non esse aliam rem à substantia, verbi gratia, humanitatem ab homine: idquæ probat contra Platonem ponentem essentias rerum separatas à rebus. Primò: quia nihil potest esse quid sine quidditate: At si quidditas esset separata à re cuius est quidditas, res illa esset quid intrinsecè & non haberet intrinsecam quidditatem: Ergo id non potest esse. Maior patet: cum quia Quid dicitur à quidditate, ergo quid intrinsecum a quidditate intrinsecum: cum quia effectus formalis non potest esse sine forma, vt patet inductione; album enim non potest esse sine albedine: at esse Quid est effectus formalis quidditatis: ergo sine ea esse non potest. Confirmatur: quia in cuius est quidditas, vt distinguatur a quidditate,

quidditate, vel est ens, vel non ens. Si ens, ergo sine essentia est ens, quod tantumdem est, ac sic dicas esse album sine albedine, calidum sine calore. Si non est ens, ergo quia ens non distinguitur ab essentia & quidditate. Quod ita verum est, ut etiam accidentia non dent subiectis esse tale, nisi eis intimè uniatur & inexistant: ita ut si sint separata à subiecto non reddant subiectum tale, nam lignum non dicitur calidum nisi à calore inhxerente, & eo ipso quod calor à ligno separatur, desinit lignum esse calidum.

Secundò. Tollerentur inquit Aristoteles rerum scientiæ: nihil enim scitur per id solum quod est aliud ab eo, sed per id quod intimè in ipso est. Cum ergo res sciatur secundum suas essentias, necesse est essentias esse intimas rebus; alioqui res nescirentur, quia nihil intimum rei sciretur. Dices cognosci res per extrinsecos effectus & causas. Fateor, sed ista eatenus ad cognitionem rei faciunt, quatenus per ea veniunt in notitiam eorum quæ sunt intrinseca rei: vnde semper necesse est ad habendam de re scientiam, cognoscere intimam essentiam rei: nihil enim scitur per hoc quod aliud ab ipso scitur, sed quod ipsum secundum se scitur.

Tertiò. Sequeretur singularia non esse entia. Si enim essent entia, per suas quidditates essent entia: At cum quidditates ab iis sint distinctæ & separatæ, non possunt per illas esse entia: nihil enim est ens per aliud ab ipso; imò per hoc quod eius quidditas ab ipso separatur desinit esse ens. Ergo singularia non possent esse entia.

Hæc argumenta Aristotelis bene probant, quidditatem rei ipsa non esse separatam a separabilem ab eo cuius est quidditas, quamdiu est tale quid: Constitutum enim tale quid per quidditatem. Vnde eo ipso quod separatur quidditas, destruitur quid, & desinit esse tale. Non verò probant, id cuius est quidditas non habere aliquid ex natura rei distinctum à quidditate. Fide enim credimus suppositum divinum in Christo esse id cuius est quidditas & natura humana, esseq; realiter distinctum à natura humana, & suppositum humanum ne consequeretur, esse impeditum divina virtute: quod non esset nisi ex natura rei aliquo modo distingueretur. Verum Aristoteles locutus est de eo quod naturaliter evenit: illa enim suppositi à natura separabilitas fide creditur.

Ut igitur magis innotescat, quomodo id cuius est quidditas distinguatur à quidditate: supponendum est, quæri posse de distinctione vel rei, vel rationis. Item id cuius est quidditas posse accipi vel in universali ut homo, vel in singulari ut hic homo nempe Petrus. Adhæc quidditas potest sumi, vel in abstracto ut humanitas, vel in concreto ut animal rationale: potestq; quidditas comparari cum concreto vel universali, vel singulari: quidditas, verbi gratia, hominis comparari potest vel cum homine vel cum hoc homine.

Et secundum has diversas considerationes, diversa ratione respondendum est de distinctione ac differentia eius cuius est quidditas à quidditate.

Dico igitur primò. Si compareretur quidditas in abstracto, cum suo concreto adæquate, v.g. humanitas cum homine, tunc different eo differentie genere, quo concretum ab abstracto. Abstractum enim dicit puram quidditatem, concretum verò dicit etiam suppositum quidditatis, seu subsistens in illa quidditate & habens quidditatem: vnde quatenus includit quidditatem, & constituitur per illam essentialiter, est idem cum illa, quatenus verò addit aliquid supra quidditatem nempe substantiam, sic differt ab illa, sicut excedens & excessum. Excedens enim

*Quidditas comparata in abstracto.*

includit excessum, & addit illi insuper aliquid quo differt ab illo : verbi gratia, homo differt ab animali, & non differt : nam quatenus includit in se animal, non differt ab illo, sed est idem cum illo ; quatenus verò habet aliquid in se, quod non est idem omnino ratione cum illo, nempe rationalitatem, sic differt ab animali, excessu illo.

Pari ergo ratione : concretum quia includit abstractum, est idem cum illo ; quatenus vero excedit illud, addit enim : ad illud subsistentiam, sic distinguitur ab illo : idque ex natura rei : quia subsistentia ex natura rei distinguitur à natura. Vñ hæc distinctio non est ex eo genere, ut faciat vnum planè esse extra aliud, sicut dicimus album & dulce distingui, quia albedo est extra dulcedinem, & dulcedo extra albedinem : sed est distinctio per excessum, quia nimirum vnum includit quidem aliud, sed ita vt excedat illud aliqua ratione.

Quare contra hanc distinctionem, eius cuius est quidditas à quidditate, nihil faciunt rationes Aristotelis : facerent autem, si primo genere distinctionis ista distingueremus, ita vt neutrum includeret aliud : sic enim fieret, vt quidditas non esset idem cum eo cuius est quidditas.

Probat autem hæc distinctio primo ex Aristotele 3. de Anima textu 4. vbi ait aliud esse magnitudinem, aliud magnitudinis esse ; magnitudo enim est concretum quoddam respectu suæ essentia. Secundo. Quæ ita se habent, vt vnum negari possit de altero, illa necesse est distingui ab inuicem. At abstractum de concreto, concretum de abstracto negari potest, vt quod homo sit humanitas. Igitur necesse est ista habere aliquam distinctionem : nam si nullo modo distinguerentur essent idem & idem : idem autem de eodem negari non potest quatenus idem. 3. Totum necesse est distingui ab vna sui parte. At concretum est totum quoddam, respectu abstracti. Ergo distinguitur ab abstracto. Minor patet. Nam concretum constat quidditate & subsistentia, huius autem totius pars est quidditas.

Nam si dicas, quidditatem esse totum quid, cum nulla essentia pars illi desit, & totam rei essentiam constituit, vt humanitas : Respondeo, vna ratione esse totum, si nimirum referatur ad essentiam, quia dicit totam rei essentiam : quomodo forma & differentia, non est tota rei essentia, sed eius pars. At secundum aliam rationem, tota illa rei essentia, est pars sui concreti constantis essentia & subsistentia. Neque est inconueniens, secundum diuersas considerationes idem esse totum & partem.

Quod si obijcias. Homo cum sit vniuersale, abstrahit ab omni existentia & subsistentia. Ergo non dicit subsistentiam. Respondeo. De ratione vniuersalis esse, vt abstrahat à singularibus : propria enim abstractio vniuersalis est, abstrahere à singularibus : quare homo in vniuersali abstrahet à subsistentia singulari, non verò à subsistentia in communi, quam ex eo quod concretè sumitur, necessariò includit, cum de ratione termini concreti sit subsistentia.

Porro quæ diximus de abstracto vniuersali, respectu concreti vniuersalis, proportionaliter intelligenda sunt de quidditate singulari respectu sui concreti singularis. Petrus enim à sua petreitate non differt nisi subsistentia, vt concretum ab abstracto.

Nota etiam hanc differentiam esse solam in creatis, in quibus subsistentia non est de essentia naturæ. At in Deo, ad cuius essentiam spectat subsistentia absoluta,

non est hæc differentia abstracti & concreti, sed vnum & idem sunt abstractum & concretum, idem quidditas, & id Cuius est. De quo D. Thomas 1. parte q. 3. & Fonseca 7. Met. c. 6. q. 1.

Dico secundò. Si quidditas comparatur cum suo concreto inferiori, nempe cum concreto singulari, quod est prima substantia, sic differet id cuius est quidditas à comparata cum suo concreto inferiori. Quidditas, non solum subsistentia, sed etiam singularitate. Quia quatenus est concretum, addit subsistentiam; quatenus singulare, addit singularitatem. Ratione primi, differt ex natura rei à sua quidditate: ratione secundi, differt solum secundum rationem, singularitas enim non distinguitur ex natura rei ab essentia, ut in disput. de vniuersalibus docuimus.

Dico tertio. Etiam si quidditas ex natura rei distinguatur ab eo cuius est quidditas: definitio non distinguitur ex natura rei à definito, sed solum secundum conceptum consulum & distinctum. Ratio est: quia quidditas cum sit abstractum, & id cuius est quidditas sit concretum, rectè dicuntur distingui sicut abstractum & concretum, nempe subsistentià. At verò definitio & definitum sunt concreta. Non igitur habent hanc distinctionem: sed solum distinguuntur secundum consulum & distinctum concipiendi modum eandem rem.

*Definitio non distinguitur in natura rei à definito.*

His igitur explicatis, patet quid sit ad quæstionem principalem respondendum: nempe definitionem explicare Quodquid esse rei. Quodquid enim rei duobus continetur, genere scilicet & differentia; per hæc enim duo respondetur ad quæstionem Quid explicite. Nam licet per speciem etiam respondeatur ad quæstionem Quid, tamen quia species confuse dicit quid rei, genus verò & differentia distinctè, idèò explicite non nisi per genus & differentiam respondetur ad quæstionem Quid: quærimus enim de Quid distincto non confuso. Cum igitur definitio constet genere & differentiâ, consequens est definitionem explicare Quodquid rei. Vnde non dicimus absolute proprium definitionis esse dicere Quid rei; cum & species dicat Quid indiuiduorum: sed dicimus explicare Quid rei, quod non conuenit speciei, sed soli definitioni, quæ quid rei distinctum in partes proponit & explicat. Similiter etsi genus explicet Quid rei incomplete & inadæquatè, sicut & differentia; tamen complete & adæquatè explicat sola definitio constans tam genere quàm differentia.

*Quodquid rei duobus continetur.*

QVÆSTIO IV.

*An omnia definiri possint?*

Ratio dubitandi est. Cum enim omnia habeant suam essentiam, quæ definitione explicari possit, videtur nihil esse, quod definiri non possit. Ex altera verò parte: definitio constat genere & differentia, non omnia autem habeat genus & differentiam, non igitur omnia definiri possunt. In particulari autem potest quæstio moueri de negationibus, de entibus rationis, & hactis, de entibus simplicibus, de indiuiduis, de ente per accidens & similibus.

Primo igitur quæritur. An negatio definiri possit? videtur enim posse genus & differentia negationis assignari; negatio enim in communi, est genus, talis negatio,



tio, talis formæ est differentia. Vnde varix negationum species assignantur, secundum varietatem rerum, quarum sunt negationes.

*Negationes  
proprie definiti-  
vi non possunt.*

- 1.
- 2.
- 3.

Dicendum tamen est, Negationes proprie definiti non posse, sed solum improprie, quatenus per modum entium concipiuntur. Probatur primò; quia definitio explicat quid rei, at negationes non sunt quid, sed non quid, & negationem esse negationem, est non esse quid: Ergo non possunt proprie definiti. Secundo, definitio constat ex genere & differentia, tanquam paribus, at in negatione, cum sit nihil, nullæ sunt partes neq; formaliter, neq; fundamentaliter. Ergo nullum genus & differentia, ac ex consequenti nec definitio. Tertiò: Definitio explicat essentiam definiti. At negatio nullam habet essentiam; ergo non potest definiti. Minor patet: quia essentia, entis est essentia, sicut albedo, albi albedo: negatio autem est non ens: Ergo essentia caret. Quia tamen per rationem potest negatio concipi per modum Entis, & potest in ea distingui conceptus communis & particularis, ideo potest suo modo assignari genus & differentia negationis, & per consequens definitio: docere videtur Aristoteles 7. Met. l. 14. in fine, cum ait, de non ente, Logice dici posse quod sit, non simpliciter, sed quod sit non ens; vult igitur non ens seu negationem, ex ratione & modo concipiendi, inducere rationem quandam entis, quod tamen ens, sit non ens simpliciter.

*Varia rationis  
proprie defini-  
ri non pos-  
sunt.*

Secundò quæri potest. An Entia rationis & ficta, possint definiti? Resp. proprie definiti non posse, quia nec sunt proprie Quid, sed finguntur esse Quid, nec proprie habent genus & differentiam, sed finguntur habere genus & differentiam: denique non habent proprie essentiam nisi fictam. Quare & definitio talem essentiam explicans, non erit proprie & similiter definitio: quia non explicat essentiam simpliciter, sed solum habet se per modum definitionis, eritq; improprie & similitudinaria definitio.

Tertiò quæri potest. An id quod est simpliciter simplex possit definiti: voco simpliciter simplex, non id solum quod non est in re compositum, sed id, quod etiam in ratione non fundat plures conceptus plurium perfectionum distinguibiles: qualia sunt genera generalissima & differentia ultimarum.

*Ents simpliciter  
simplex  
definitum non  
potest.*

Dico igitur. Tale ens definiti non posse, quia cum sit simpliciter simplex, non continet in se virtualiter plures perfectiones, ratione quarum possit fundare conceptus generis & differentia. Cum enim genus verum sit extra rationem differentia, & differentia extra rationem generis, necesse est in ea re, quæ fundat conceptum generis & differentia, contineri virtualiter plures rationes aut perfectiones quæ distinguuntur & præcindi possint ab invicem.

*Species ana-  
logæ definiti  
non possunt.*

Ex quo infero. Primò species Analogas definiti non posse, sed solas univocas, voco hic analogas quæ constant genere analogo & differentia analogo, quod tunc est, quando genus perfectè præcindi non potest à differentia, nec differentia à genere; Talia enim cum non habeant verum genus & veram differentiam, non possunt vere definiti. Talia sunt summa genera, quæ etsi habeant genus entis supra se, tamen hoc genus est analogum. Vnde tantum est illorum similitudinaria definitio: quia similitudinarium genus & differentia, & potius dicenda est descriptio quam definitio.

*Species uni-  
vocæ definiti  
possunt.*

Infero secundò. Solas species univocas, definiti posse, quia hæc solæ constant vero genere & differentia. Et quamvis species subalternatæ definiti suo modo possint, quia constant genere & differentia; quia tamen non continent ultimam rei dis-

ferentiam, sicut species infimæ: idcirco species infimæ maximè propriè definiuntur.

Quartò quaeritur. An Deus definiri possit? Sunt duæ sententiæ; Prior affirmat. Ita Greg. 1. q. 8. qui citat pro sua sententia Augustinum & Damascenum. Ratio est. quia Deus constat genere. & differentia: Ergo definiri potest. Neque enim consistere genere & differentia diuinæ perfectioni repugnat, cum hoc nihil aliud sit, quam consistere conceptu communi & proprio, quod nihil derogat vlli diuinæ perfectioni, Non simplicitati; quia ista non est compositio rerum, sed conceptuum, & sicut non repugnat per conceptum, voluntatem diuinam ab intellectu distingui, & vnum attributum ab altero, ita non repugnat, perfectionem communem à propria eadem ratione distingui absque omni præiudicio simplicitatis diuinæ. Non infiniti, quia etsi genus conceptum absque differentia, non est quid infinitum, quia non omnem Dei perfectionem comprehendit, tamen secundum modum nostrum concipiendi non repugnat infinito, concipi sub ratione finita, possunt enim in infinito prædicandi ab intellectu plures rationes distinctæ ex què sic præciæ, non erunt infinitæ, propter abstractionem, quæ tamen in re sunt infinitæ. Sic intellectus concipit in Deo rationem sapientiæ in communi abstractentem à finito & infinito: etenim quauis infinito, si concipiatur perfectè uti est in se, repugnet concipi sub ratione finita, tamen non repugnat imperfectè & sub limitatis rationibus à nobis concipi, quales sunt rationes generis & differentię. Nostri enim conceptus, nihil prædicant rei. Non actualitati diuinæ: nam etsi intellectus noster concipit in Deo genus per modum potentiæ, differentiam per modum actus, tamen istæ rationes potentiæ & actus, non sunt in re sed in conceptu, & non nisi per denominationem à conceptu in re: Non igitur Deus propter nostros conceptus definit esse in re actus purus, nec induet rationem potentiæ, sed tota ratio potentiæ hæret in conceptu, & erit in re non ut res est, sed ut concepta.

Alterà sententia est communior Deum non consistere genere & differentia & ideo definiri non posse. Genus enim est quid indeterminatum, potentiale, dependens, qualem conceptum non potest fundare essentia diuina, uti supra probatum est, cum Deum ad genere prædicamenti exclusimus.

Alterà ratio est. Quia id quod definitur, est species; Deus autem non est species, cum eius essentia non sit communis multis: non potest igitur definiri: Quæ ratio explicata est à nobis in Disp. de substantia q. 4. estque ratio Anselmi in Monologio c. 12, & August. 7. de Trinitate. ubi probat essentiam diuinam, nec esse genus nec speciem.

*An Deus defini possit?*

*Deus non constat genere & differentia, nec potest definiri.*

Respondendi tamen ad hanc rationem posset per accidens esse definito quod sit essentia communis & vniuersalis: tum quia definitione non explicatur essentia, quæ communis, sed quæ essentia; ratio enim essentię, per suas partes essentielles explicatur, non verò communitas essentię; tum quia si homo non esset essentia communis, aut nesciretur esse essentia communis, dummodo sciretur esse animal rationale, foretur definitiue, & haberetur perfectæ eius definitio. Denique natura existens in vno tantum individuo non est communis, nec potest esse communis, & tamen potest definiri eo prorsus modo, quo definiretur si esset communis.

Verum hæc responsio bene probat communitatem non esse rationem formalem definiti, non verò probat, non esse conditionem sine qua non (quod ita ostendo) si definitum non sit species, neque habeat genus, genus enim non dicitur nisi

tio, talis formæ est differentia. Vnde variæ negationum species assignantur, secundum varietatem rerum, quarum sunt negationes.

*Negationes  
proprie definiti-  
vi non possunt.*

- 1.
- 2.
- 3.

Dicendum tamen est, Negationes proprie definiti non posse, sed solum improprie, quatenus per modum entium concipiuntur. Probatur primò; quia definitio explicat quid rei, at negationes non sunt quid, sed non quid, & negationem esse negationem, est non esse quid: Ergo non possunt proprie definiti. Secundo, definitio constat ex genere & differentia, tanquam paribus, at in negatione, cum sit nihil, nullæ sunt partes neq; formaliter, neq; fundamentaliter. Ergo nullam genus & differentia, ac ex consequenti nec definitio. Tertiò: Definitio explicat essentiam definiti. At negatio nullam habet essentiam; ergo non potest definiti. Minor patet: quia essentia, entis est essentia, sicut albedo, albi albedo: negatio autem est non ens: Ergo essentia caret. Quia tamen per rationem potest negatio concipi per modum Entis, & potest in ea distingui conceptus communis & particularis, ideo potest suo modo assignari genus & differentia negationis, & per consequens definitio: idq; docere videtur Aristoteles 7. Met. t. 14. in fine, cum ait, de non ente, Logice dici posse quod sit, non simpliciter, sed quod sit non ens; vult igitur non ens seu negationem, ex ratione & modo concipiendi, inducere rationem quandam entis, quod tamen ens, sit non ens simpliciter.

*Entia rationis  
proprie defini-  
ri non pos-  
sunt.*

Secundò queri potest. An Entia rationis & ficta, possint definiti? Resp. proprie definiti non posse, quia nec sunt proprie Quid, sed finguntur esse Quid, nec proprie habent genus & differentiam, sed finguntur habere genus & differentiam: deniq; non habent proprie essentiam nisi fictam. Quare & definitio talem essentiam explicans, non erit proprie & similiter definitio: quia non explicat essentiam simpliciter, sed solum habet se per modum definitionis, eritq; improprie & similitudinaria definitio.

Tertiò queri potest. An id quod est simpliciter simplex possit definiti: voco simpliciter simplex, non id solum quod non est in re compositum, sed id, quod etiam in ratione non fundat plures conceptus plurium perfectionum distinguishilum: qualia sunt genera generatissima & differentia ultimæ.

*Ens simpliciter  
simplex  
defini non  
potest.*

Dico igitur. Tale ens definiti non posse, quia cum sit simpliciter simplex, non continet in se virtualiter plures perfectiones, ratione quarum possit fundare conceptus generis & differentia. Cum enim genus verum sit extra rationem differentia, & differentia extra rationem generis, necesse est in ea re, quæ fundat conceptum generis & differentia, contineri virtualiter plures rationes aut perfectiones quæ distinguui & præcindi possint ab invicem.

*Species ana-  
logæ defini  
non possunt.*

Ex quo infero. Primò species analogas definiti non posse, sed solas univocas, voco hic analogas quæ constant genere analogo & differentia analogæ, quod tunc est, quando genus perfecte præcindi non potest à differentia, nec differentia à genere: Talia enim cum non habeant verum genus & veram differentiam, non possunt vere definiti. Talia sunt summa genera, quæ etsi habeant genus entis supra se, tamen hoc genus est analogum. Vnde tantum est illorum similitudinaria definitio, quia similitudinarium genus & differentia, & potius dicenda est descriptio quam definitio.

*Species uni-  
vocæ defini  
possunt.*

Infero secundò. Solas species univocas, definiti posse, quia hæc solæ constant vero genere & differentia. Et quamvis species subalternatæ definiti suo modo possint, quia constant genere & differentia, quia tamen non continent ultimam rei dif-

ferentiam.

ferentiam, sicut species infimæ: idcirco species infimæ maxime propriè definiuntur.

Quartò quaeritur. An Deus definiri possit? Sunt duæ sententiæ; Prior affirmat. Ita Greg. 1. q. 8. qui citat pro sua sententia Augustinum & Damascenum. Ratio est. quia Deus constat genere. & differentia: Ergo definiri potest. Neque enim constare genere & differentia diuinæ perfectioni repugnat, cum hoc nihil aliud sit, quam constare conceptu communi & proprio, quod nihil derogat vlli diuinæ perfectioni. Non simplicitati; quia ista non est compositio rerum, sed conceptuum, & sicut non repugnat per conceptum, voluntatem diuinam ab intellectu distinguere, & vnum attributum ab altero, ita non repugnat, perfectionem communem à propria eadem ratione distinguere absque omni præiudicio simplicitatis diuinæ. Non infinitati, quia etsi genus conceptum absque differentia, non est quid infinitum, quia non omnem Dei perfectionem comprehendit, tamen secundum modum nostrum concipiendi non repugnat infinito, concipi sub ratione finita, possunt enim in infinito prædicandi ab intellectu plures rationes distinctæ ex quæ sic prædicæ, non erunt infinitæ, propter abstractionem, quæ tamen in re sunt infinitæ. Sic intellectus concipit in Deo rationem sapientiam in communi abstractentem à finito & infinito: eternam quamvis infinito, si concipiatur perfectè ut est in se, repugnat concepti sub ratione finita, tamen non repugnat imperfectè & sub limitatis rationibus à nobis concipi, quales sunt rationes generis & differentie. Nostri enim conceptus, nihil prædicant rei. Non actualitati diuinæ: nam etsi intellectus noster concipit in Deo genus per modum potentie, differentiam per modum actus, tamen istæ rationes potentie & actus, non sunt in re sed in conceptu, & non nisi per denominationem à conceptu in re: Non igitur Deus propter nostros conceptus definit esse in re actus purus, nec induit rationem potentie, sed tota ratio potentie hæret in conceptu, & erit in re non ut res est, sed ut concepta.

Altera sententia est communior Deum non constare genere & differentia & ideo definiri non posse. Genus enim est quid indeterminatum, potentiale, dependens, qualem conceptum non potest fundare essentia diuina, uti supra probatum est, cum Deum ad genere prædicamenti exclusimus.

Altera ratio est. Quia id quod definitur, est species; Deus autem non est species, cum eius essentia non sit communis multis: non potest igitur definiri: Quæ ratio explicata est à nobis in Disp. de substantia q. 4. estque ratio Anselmi in Monologio c. 12, & August. 7. de Trinitate. ubi probat essentiam diuinam, nec esse genus nec speciem.

*Deus non constat genere & differentia, nec potest definiri.*

Respondendi tamen ad hanc rationem posset per accidens esse definitio quod sit essentia communis & vniuersalis: tum quia definitione non explicatur essentia, quæ communis, sed quæ essentia; ratio enim essentiae, per suas partes essentielles explicatur, non verò communitas essentiae; tum quia si homo non esset essentia communis, aut nesciretur esse essentia communis, dummodo sciretur esse animal rationale, sciretur definitiue, & haberetur perfectæ eius definitio. Denique natura existens in vno tantum individuo non est communis, nec potest esse communis, & tamen potest definiri eo prorsus modo, quo definiretur si esset communis.

Vtrum hæc responsio bene probat communitatem, non esse rationem formalem definiti, non verò probat, non esse conditionem sine qua non (quod ita ostendo) si definitum non sit species, neque habeat genus, genus enim non dicitur nisi

respectu speciei: Nam quamvis dicat perfectionem communem multis, si tamen illa multa non sint species, illud commune non erit Genus, ut patet ex definitione Generis, in qua definitur Genus esse id quod prædicatur in quid, de differentiis specie: Si igitur definitum nec sit species, nec habeat Genus, quomodo poterit definiti. Non enim quæcunque explicatio essentiae est definitio, sed ea tantum quæ fit per Genus & Differentiam, ita ut si fit per alias partes essentiales, illa non erit definitio formaliter, quia nomen definitionis est impositum ab Authoribus, ad talem explicationem essentiae, quæ fit per genus & differentiam.

*An Individua  
definiri possint?*

Quintò quæritur. An individua definiri possint? Tractatur hæc quæstio ab Aristotele. 7. Met. à t. 35. Porro non est quæstio, an individua ratione speciei, & definitione speciei definiri possint; id enim certissimum est: quia cum species conveniant suis individuis, etiam definitiones specierum eisdem individuis conveniunt. Verum tales definitiones non sunt primò individuum, sed primò specierum & per accidens ex participatione specierum conveniunt individuis. Est ergo quæstio: An individua primò & ratione sui definiri possint, ut sint prima subiecta definitionis quatenus individua sunt.

Primà sententia asserit. Individuum ex se, & ex natura sua, esse definibile, sed non nisi per accidens definiri à nobis posse, quia non possumus veram rationem individui in hac vita cognoscere. Ita Antonius Andreas 8. Metaph. q. 7. Fonseca 7. Metaph. c. 15. q. unica docet, in altera vita nos cognituros rationes proprias essentiarum individuum, & ex consequenti in illo statu, nos posse definire individuum. Idem dicere debent, si consequenter loqui volunt ij qui tenent differentias individuales, esse gradus quosdam naturæ ab alijs essentia gradibus ratione distinctos. Fundamentum est: Quia individua præter communem essentiam speciei, habent peculiarem essentiam individualem: Sicut ergo species quæ constat gradu communis generico, & gradu proprio differentia, definiri potest, ita & individuum, definiri poterit per gradum communem specificum, & gradum proprium individualem; tradeturque hæc definitio, non per genus & differentiam, sed per speciem & differentiam.

*Individa de-  
finiri non pos-  
sunt.*

Secundà sententia est. Aristotelis & Peripateticorum communis. Individuum definiri non posse, non solam per accidens, quia non possumus venire in propriam cognitionem individuationis & singularitatis, sed per se & ex natura rei, quod individuum non habent in se ea, per quæ defini possint, nempe diversam essentiam à specie. Probatur ergo hæc sententia: Primò auctoritate Aristot. 7. Metaph. c. 13. ubi id triplici ratione probat: in textu etiam 13. ostendit, solam speciem definiri primò & per se, alia ex participatione speciei & secundariò.

Secundò probatur à priori. Individuum non habent gradum novum essentia, à specie distinctum; ergo non possunt habere definitionem à specie distinctam; omnis enim definitio explicat essentiam rei. Cum ergo individua non habeant aliam essentiam, aut alium essentia gradum à specie distinctum per quem constituantur in ratione individui, non poterunt etiam habere propriam definitionem. Quod autem non habeant distinctum vllum gradum essentialem, probatum est à nobis suprà disp. 8. q. 3: alioquin sequeretur individua essentialiter differre ab invicem. Confirmatur argumento Fonseca. Ex proprietatibus enim cognoscuntur essentia rerum: atque individua omnia eiusdem speciei habent proprietates sibi communes, nulla quæ est, quæ ita sit vni propria, ut alteri convenire non possit. Ergo

signum.

signum est, indiuiduum nullam habere essentiam, aut essentia: gradum peculiarem ab essentia communem & specie distinctum. Minor probatur: Nam vnum indiuiduum, non potest producere tale indiuiduum quale ipsum est, nec communicare suam differentiam indiuidualem, sed solum producere potest diuersum indiuiduum sibi simile. Et sic omnia indiuidua habet similem potentiam productiuam, per quam possunt producere simile sibi in specie, non in Indiuiduo, quæ proprietates, est proprietas speciei, non indiuidualis, nec differentia indiuidualis, fundat aliquam actiuitatem peculiarem aut aliquam perfectionem & proprietatem, quæ vni tantum indiuiduo competere possit, & non alijs. Adhæc omnia indiuidua eiusdem speciei, sunt æqualis perfectionis (duo enim calores æquales, æque perfecte operantur) hoc ergo signum est, nullam in seipsis habere differentiam essentialem.

Tertio probatur rationibus Aristotelis. Prima est, quia id quod definitur quatenus definitur est necessarium; essentia enim quæ definitione explicatur, necessarii competit definitio, at singulare sensibile, non est necessarium, quia cum habeat materiam, potest esse, & non esse; Ergo non potest definiri. Quæ ratio solum valet de indiuiduis rerum corruptibilium.

Quod si dicas etiam species rerum corruptibilium, habent materiam vt partem essentialem: ergo pari ratione non essent necessariæ nec definibiles. Resp. Materiam vt est singularem, non vt est abstracta à singularitate, esse principium corruptionis; In materiam enim singularem non in materiam abstractam agunt agentia naturalia, & corruptunt in ea vnâ formam, & aliam inducunt; vnde formæ materię singulari contingenter, non necessarij coniunguntur: Cum igitur singularia includant materiam singularem, non sunt entia necessaria, nec ex consequenti definiri possunt.

Dices. Ergo singulari nihil necessario potest conuenire. Resp. Quatenus singulari est, nihil illi necessario competit: quia cum possit definire esse singulare, de-  
*Singulari quatenus singulare est, nihil necessario competit.*  
 finet quoque ea omnia habere quæ illi existenti conueniebant, ex suppositione tamen si existat, vel concipiatur existere conueniunt illi necessario essentialem, & ratione essentia: alia omnia, quæ ad essentiam consequuntur.

Secunda ratio. Definitio datur per aliqua communia: at singulare, qua singulare, nihil habet cum alijs commune: Ergo non potest definiri. Maior probatur ab Aristotele inductione; quia definitio datur per nomina communiter nota & vrsupata non per ignota. Talia autem sunt nomina communia, quæ cum multis rebus conueniant, à multis cognoscuntur. Dices posse definitionem indiuidui fieri per nomina communia, quæ etsi seorsim accepta, pluribus conuenire possint, coniunctim tamen vni soli conueniunt, quomodo Porphyrius definit indiuiduum per collectionem accidentium, quæ vni soli conueniunt. Resp. talem collectionem communium, nil repugnat conuenire pluribus numero distinctis, estque ex se indifferens ad plura indiuidua. Indiuiduum enim non est collectio multarum rerum simul, sed vna natura subiecta illi collectioni. Quocirca decepta illa collectione, adhuc res esset indiuidua & si transferretur in aliud indiuiduum, non sequeretur, vt illud indiuiduum esse idem numero cum priori, vt supra quæst. de indiuiduo demonstratum est.

Tertia ratio, Quia cum ea quæ habent vnum tantum indiuiduum definiuntur, definiuntur per quædam communia, quæ licet actu non nisi vni competant, si tamen aliud indiuiduum illi simile produceretur æque ei definitio illa conueniret, vt

ut si definiretur sol, ita definiretur, ut si alter sol produceretur, æque illi definitio foret communiter.

At obviæ. Potest dari proprius conceptus individui, quia individuum est, id quod non solum per extrinseca quædam connotata (quod est per accidens ad rationem individui) sed per illud esse intrinsecum, quo individuum in ratione individui constituitur: Ergo datur peculiaris & proprius gradus individui, quo individuum, & à natura specificâ distinguitur, & à cæteris eiusdem speciei individuis, & ex consequenti per eum in ratione individui constituitur. Adem enim est principium constituens rem in suo esse, & distinguens eam ab alijs. Hic igitur gradus, est differentia individui, per quam adiunctam speciei, definiri poterit individuum. Antecedens patet: quia & Deus cognoscit individua determinatè sub ratione individuali; & idem diviniæ repræsentant, non solum species, sed etiam individua; & ratio ipsa demonstrat illud quo unum individuum ab alio distinguitur, esse quid peculiare illi individuo, & esse per se & ex natura rei cognoscibile sub illa propria & ab alijs distincta ratione.

Respondetur. Dari proprium conceptum individui ut individuum est, verum hic conceptus non est alius gradus & differentie essentialis, sed tantum differentie numericæ: ut verò numero aliqua differant, non est opus differentia aliqua essentiali, sed novo termino, ut cum lignum dividitur in plura numero, nil essentialis acquirit, sed tantum novos terminos ex divisione ortos: ut in disp. 5. qu. 3. dictum est. Ex quo patet ad fundamentum primæ sententiæ. Habent enim individua aliquid proprium, sed illud non est gradus essentialis, sed terminus numericus essentialis.

*Ens per accidens dupliciter sumitur.*

Sexto quaeritur. An ens per accidens, definiri possit. De quo Arist. à 1. 12. Dicendum est ens per accidens dupliciter sumi. Primo pro aggregato ex pluribus entibus in actu, ut est cumulus rerum eiusdem generis, verbi gratia, lapidum, vel aggregatum ex substantia & accidente; ut homo albus, vel ex pluribus accidentibus, ut album dulce. Secundò pro eo quod est ens per aliud quomodo accidens dicitur Ens per accidens ab Aristotele: quia est ens per subiectum, sine quo non habet completam & perfectam rationem entis, vnde etiam cum accidens significatur ut accidens, connotat in sua significatione subiectum, album enim, verbi gratia, non est sola albedo, sed res aliqua quæ dicitur alba. Priori enim modo Ens per accidens definiri non potest, quia est multa entia non unum ens: quocirca multas non unam definitionem habet. Posteriori verò sensu ens per accidens, est quidem unum ens formaliter, sed quia non est ens perfectè & completè sine subiecto, ideo perfectè & completè per se, definiri non potest, nisi per subiectum, seu per additamentum, quod quomodo intelligendum sit, in sequenti quaestione dicitur, nunc satis est quod per subiectum definitur, tanquam per quid materiale & connotatum, non verò tanquam per aliquid formale & essentialis.



## QVÆSTIO V.

*An accidens necessario definiatur per additamentum?*

**A**ristoteles 7. Met. t. 18. docet substantias definiri per seipsas, accidentia verò per additamentum, id est per substantiam, non quod substantia sit pars essentialis accidentis, nempe genus aut differentia, sed quod accidens sicut in ratione entis dependet à substantia (non potest enim esse sine substantia) ita & in sua ratione essentiali seu definitiua, pender à substantia. Indicant hoc ipsum nomina accidentium, quæ non solum significant formam, sed & subiectum, ut cum dico album dico & subiectum, & albidinem. Verum quomodo id sit intelligendum non conuenit inter Doctores.

Quidam enim id solum accipi volunt respectu nostri, quia nobis accidentium differentia sunt ignotæ, & idcirco per comparisonem ad substantiam à nobis definiuntur, cum tamen talem definitionem natura accidentis non postulet. Verum hæc sententia refellitur primò: quia etiam substantiarum propria differentia nobis sunt ignotæ & per accidentia cognoscuntur, & tamen Arist. negat illas defini per additamentum, sed tantum accidentia: ergo secundum hanc sententiam non saluaretur mens Arist. Secundò sicut se res habet ad esse, ita & ad definitionem, definitio enim explicat esse rei. At accidens non est ens sine substantia; ergo non potest perfecte defini sine substantia. Quæ ratio ut minimum probat talem definitionem per additamentum oriri ex natura ipsa accidentis, non verò ex nostro tantum imperfectio modo cognoscendi.

Secundò alij sunt in alio extremo, & dicunt id provenire ex natura accidentis, quia nimirum voluit accidens dicere ordinem essentialem ad substantiam; & sicut relatio non potest essentialiter defini nisi per terminum, cum eius esse sit esse ad terminum, ita cum relatio ad substantiam sic de essentia accidentis, aiunt ista non posse defini accidens essentialiter, nisi per additamentum, hoc est substantiam, ita sentiunt ij omnes qui censent relationes quasdam esse de essentia absolutorum, quos sequitur Socinas 2. Met. q. 6. Probari autem potest primò, quia accidentia Arist. vocat Entis Entia, hoc est, quod ea solum ratione sunt entia, quia entis entia; at esse entis entia est relatiue se habere in ratione entis ad substantiam, & ab ea dependere in ratione entis; ergo accidentia sunt essentialiter relatiua, nec possunt in ratione entis concipi nisi relatiue ad substantiam.

Secundò. De ratione accidentis est, ut sit alicuius accidens, nihil enim potest concipi esse accidens nisi respectu alicuius subiecti, unde commune pronuntiatum esse accidentis est inesse: atqui esse alicuius accidens & inesse alicui; est relatiue se habere: Ergo de ratione accidentis, est relatio.

Tertiò. Quæ per attributionem ad aliud dicuntur talia, non possunt concipi & defini sine illo ut sanitas pomi & medicinæ non potest concipi & defini nisi per ordinem ad sanitatem animalis: atqui accidens secundum Aristotelem & veritatem dicitur per attributionem ad substantiam quia est ens, quatenus entis ens: Ergo non potest concipi sine substantia.

Quartò.

Quartò. Id quod essentialiter dependet ab alio, non potest intelligi & definiri sine illo, accidens dependet essentialiter à substantia: Ergo non potest intelligi & definiri sine illa. Minor patet quia in primis dependet à substantia tanquam à subiecto, quia non potest esse sine subiecto. Hoc autem illi ex essentia sua convenit, ut pendeat à subiecto. Deinde sunt quædam accidentia, quæ ex natura sua determinant sibi certa subiecta extra quæ esse non possunt, ut rigibile determinat sibi subiectum rationale. Quædam etiam ordinantur ex sua essentia ad substantiam, tanquam ad finem, ut sunt virtutes actuum & motuum & passivorum, quæ sunt essentialiter instrumenta & quid substantiarum, & sunt propter substantias, tanquam propter finem, nempe ut illis inserviant.

Quinto. Quia accidentia specificationem suam accipiunt à subiecto, tale enim accidens tali subiecto debetur, in communi verò accidens, subiecto in communi.

Tertia sententia est. Negantium vllas relationes posse esse de essentia absolutorum; est sententia Scoti, S. Thomæ, Auerrois, & veterum Peripateticorum, quam supra Disp. de relatione septem demonstrationibus confirmavimus. Hi igitur auctores consequenter dicunt, de essentia accidentis non esse relationem ad substantiam, sed eam consequi per modum proprietatis, & ex consequenti definiri posse accidens sine substantia, & sine additamento. Quod verò Aristoteles vult accidens per additamentum definiri, id ita exponi potest. Cùm enim accidens sit in ratione entis imperfectum quid, & incompletum, eger substantia ad suam rationem entis completi & extrinsecè non verò formaliter & intrinsecè. Quare si in ratione sua incompleta definiatur, poterit sine substantia & vllò additamento definiri, per proprium genus & differentiam: si verò concipi & definiri debet in ratione entis completi & perfecti, debet definiri per substantiam, quia per eam completur in ratione entis, tanquam per subiectum entitatis suæ sine quo non potest existere.

Dicendum igitur est. Accidens in ratione entis completi definiri debere per additamentum, in ratione verò entis incompleti, definiri debere per seipsum non per additamentum. Album enim formaliter est album albedine ut distinguitur à subiecto, non tamen completè existit, nisi per subiectum. Ex qua doctrina solui possunt argumenta secundæ sententiæ.

Ad primum Respondendo. Accidentia ob suam in ratione entis imperfectiōem, egere sustentatione subiecti tanquam perfecti. Ens, & per subiectum completi & perfecti in ratione entis. Quocirca cum in ratione entis perfecti & completi accidentia dicantur ens entia, non possunt etiam definiri in ratione entis completi, nisi per substantiam, ut enim accidens sit complete ens & existat, eger substantia ut subiecto: at in ratione sua incompleta, est seipso ens, quia essentialiter ens; & sic definiri potest secundum suam entitatem intrinsecam, sine substantia: quia solum ad rationem entis completam requirit substantiam, seipso autem & sua essentia formaliter est ens incompletum, non per substantiam, & complementum substantiæ, est complementum extrinsecum, non essentialiter accidenti. Ex quo patet accidens, in ratione entis completi esse ens formaliter per substantiam: non quod intrinsecè & per seipsum non sit, sed quia completè non existit solo seipso, sed per subiectum complens eius imperfectiōem ad existendum, ita ut per substantiam non absolute sit ens, sed solum completum ens & solum complementum entita-

*Accidens in  
ratione entis  
completi defini-  
ri debet per  
additamen-  
tum.*

is formaliter habeat à substantia: in ratione verò entis incompleta, est seipso formaliter ens non per substantiam. Idem dici potest de materia & forma, quæ secundum suas entitates incompletas, possunt concipi & definiri sine additamento: at quæ sunt essentialiter imperfectæ entitates, idcirco non possunt in ratione entis completi definiri, nisi per additamentum. Nempè materia per formam, forma per materiam: nam vna complet aliam. Neque verò id est contra Aristotelem, cum accidentibus non substantijs hoc tribuat, vt definiantur per additamentum. Nam loquitur Arist. de substantijs completis, & accidentibus completis (entium enim completorum est propria definitio). Accidentia igitur complete accepta, non possunt definiri sine additamento; substantiæ verò complete acceptæ, definiuntur absque additamento. Quod si accipiantur substantiæ incompletæ, vt sunt partes substantiales, Materia & forma, egebunt & ipsæ in sua definitione additamento, idque ex eodem capite, quo accidentia, quia non sunt completa entia per se, sed per alia complementa.

Ad secundum. Accidens dupliciter potest concipi: Primò absolute, vt est in seipso, talis natura imperfecta ad existendum per se, & sic concipitur sine villo ordine ad subiectum; ens enim imperfectum potest concipi sufficienter in sua entitate, cum sola negatione perfectionis ad existendum per seipsum, sine eo quod concipitur aliud, ipsum perficiens & complens in existendo. Tunc verò ordo ad subiectum, complens & perficiens entitatem accidentis in existendo, erit solummodo necessariò consequens ad essentiam accidentis, quia illum sua essentia accidens fundat; non verò erit essentialis accidenti; nisi quis malit dicere esse essentialem causaliter, non formaliter, quia ex essentia causatur, non vero in ratione formali essentia includitur. Secundò potest concipi accidens respectiue, hoc est, non vt in seipso est aliquid ens, sed vt est alicuius subiecti ens, & tunc de essentia accidentis respectiue accepti, est quidem relatio, sed tunc sumitur accidens non solum, sed vni cum relatione, vt constans entitate accidentali & relatione illam consequente. Quo etiam modo verum est accidens non posse definiri sine subiecto, verum hoc non est simpliciter accidens, non posse definiri sine subiecto, sed solum secundum quid, sub certa consideratione nempe relativa.

Ad tertium. Accidens in ratione entis complete & perfecte existentis, dicitur *Triplex* a-  
ens per attributionem ad substantiam; per substantiam enim, complete & perfecte *liquid potest*  
est existit: in ratione verò entis incompleti formaliter est ens seipso non per at- *dict essentialiter*  
tributionem ad substantiam, & solum fundat seipso & sua essentia talem ordinem *liter dependere*  
& attributionem, non verò in illo ordine & attributione essentialiter consistit, di- *ab alio.*  
cique potest in sua essentia, dicere attributionem causaliter non formaliter, quia  
causat & fundat talem attributionem, non verò illa attributio est de ratione forma-  
li accidentis.

Ad quartum. Triplex potest aliquid dici essentialiter dependere ab alio; Pri-  
mò ex eo, quod illud, a quo dependet, est illi essentialiter. Sic compositum dependet  
essentialiter à materia & forma à genere & differentia: hæc enim sunt partes illius  
essentiales. Secundò quod etsi illud aliud non sit de essentia illius, tamen ordo ille  
dependentiæ sit de essentia ipsius: quo sensu secunda sententia dicit accidentia essen-  
tialiter dependere à substantia, & creaturas à Deo: & absolute loquendo soli entia  
relatiua vel relatiue accepta, hoc modo dependent essentialiter à termino; Essentia  
enim relatiua est esse ad terminum. Cum igitur accidens secundum nos, non sit  
essentialiter

*Accidens po-  
tест concipi  
absolute &  
respectiue.*

essentialiter relatiuum sed absolutum; ex consequenti non pendebit in hoc sensu essentialiter à subiecto ac per consequens non definitur essentialiter per subiectum. Tertiò dicitur aliquid dependere essentialiter ab alio, quia ex vi essentia dependet, hoc est dependenna illa & ordo ad aliud, consequitur per modum proprietatis ad illam essentiam. Et hoc modo verum est, accidens essentialiter dependere à subiecto. Verum id non est ad mentem secundæ sententiæ, quæ vult dependentiam esse essentialem accidenti formaliter, non verò causaliter & consequentiè. Neque probationes in quarto argumento factæ, plus concludunt, nisi talem dependentiam esse essentialem causaliter. Quo etiam modo dependentia creaturarum à Deo, est illis essentialis: neque tamen propterea creaturæ non possunt definiti, nisi Deus ponatur in illarum definitione, quia talis ordo ad Deum, non est illis essentialis formaliter, sed tantum causaliter; sola verò relatiua sunt illa, in quorum definitione formali ponitur terminus; Cum esse illorum formale sit esse ad aliud. In hoc argumento rectè urget Scotus aduersarios: si enim Deus non debet poni in definitione rerum creaturarum, licet ab illo essentialiter dependant; pari ratione neque substantia debet poni in definitione accidentis, quamvis ab illa essentialiter dependant.

*Accidentia  
specificantur  
à subiecto solum  
per commensurationem  
cum subiecto.*

Ad quintum. Accidentia specificari à subiecto, solum per commensurationem quandam cum subiecto, non verò per ordinem essentialem ad subiectum. Nam relatio specificatur à termino, quia eius essentia non est alii, quam esse ad terminum: at accidentis essentia, non consistit formaliter in esse ad subiectum sed in entitate absoluta, cui conuenit naturaliter illa proprietas esse in subiecto: unde non ita specificatur accidens à substantia, sicut relatio à termino, hoc est, non essentialiter sed commensuratiue; quia nimirum talis est accidentis essentia, qualem requirit subiectum, & accidentia secundum suam essentiam non referuntur ad quodcunque subiectum, sed solum ad subiectum sibi proportionauum & commensuratum. Quo etiam modo dicimus, scientiam specificari à scibili, non per essentialem relationem ad scibile, sed per commensurationem & proportionem scientiæ cum scibili, ita ut ista duo sibi respondeant necessariò; & vnum sit tale proportionale quale aliud, quæ proportio fundatur quidem in essentia, & ex essentia necessario consequitur, non tamen est essentialis formaliter, quia non est de ratione formali essentiæ.

## QVÆSTIO VI.

*An vnius rei possint esse multe definitiones essentielles?*

QVÆstio est de definitionibus essentialibus quæ explicant essentiam definiti per partes eius essentielles: nam de definitionibus accidentalibus, quæ dantur per proprietates explicantes essentiam rei, & dicuntur propriè descriptiones, satis constat posse esse multas eiusmodi definitiones eiusdem definiti, sicut multa esse possunt accidentia & proprietates explicantes rei essentiam. Quanquam dici posset tales definitiones esse quidem multas, sed inadæquatas definito, quia licet explacent essentiam definiti, non tamen totaliter & adæquate, sed secundum quid, sub aliqua

aliqua ratione, sub qua essentia est fundamentum talis proprietatis. Quod si definitio dari debeat ad æquata, ea sumenda esset non ab una proprietate, sed ab omnibus simul: quia non una sed omnes sufficienter & ad æquate explicant essentiam rei. Et tales definitiones dici possunt definitiones à posteriori, quia sunt per effectus & proprietates, quæ sunt quid posterius essentia; illæ verò quæ dantur per essentialia, dici possunt definitiones à priori, quia dantur per priora: Partes enim ordine generationis & compositionis, sunt priores toto (licet ordine institutionis & perfectionis sint posteriores.) Quare & partes essentielles quæ explicantur in definitione, sunt priores eodem modo essentia definiti.

De definitionibus verò essentialibus est difficultas. Nam ex una parte vnum definitum cum habeat unam essentiam, videtur etiam unam habere definitionem essentialem. Ex altera verò parte illa una essentia prout vario modo in suas partes essentielles distribuitur, fundat variam & multiplicem definitionem essentialem. Nam Physicus distinguit essentiam in partes Physicas, materiam & formam; Logicus in genus & differentiam; Metaphysicus, in actum & potentiam. Vnde Aristoteles ait, aliter definire Physicum, aliter Logicum, illum per materiam, hanc per genus & differentiam 1. de Anima t. 16.

Dicendum igitur est unam esse definitionem essentialem, sicut est una essentia; quia tamen una essentia variis conceptibus concipi potest: ideo diversæ dantur definitiones essentielles, non quod diversam essentiam explicent; sed eandem diversis modis & rationibus secundum varium concipiendi modum: Et sic aliter definit Metaphysicus quam Physicus & Logicus. Et quidem Physicum definire per Materiam docet Aristoteles 1. de Anima 16. ut si definenda sit ira, Logicus solum definit per genus & differentiam, non potendo in definitione subiectum iræ, nec materiale dispositionem subiecti ad iram: dicit enim esse appetitum reconstitutionis seu vindictæ. At si Physicus Physicè definiat, definit per subiectum iræ & per dispositionem materiale subiecti, nempe quod sit ebullitio sanguinis circa cor, quæ est materia & dispositio materialis ex qua consequitur ira. Quare inquit Aristoteles, Logicum in definitione ponere solum rationem formalem, Physicum verò per rationem materiale definire.

Quæ doctrina Aristotelis negotium exhibet Interpretibus circa dictum locum Aristotelis, nempe quomodo verum sit Logicum non definire per materiam, & Physicum semper per materiam sensibilem definire: Nam cum Logicus definit hominem esse animal rationale, in hac definitione includitur anima & corpus, ac proinde materia sensibilis. Cum etiam Physicus definit iram esse ebullitionem sanguinis circa cor, non solum ponit in definitione materiam seu subiectum iræ, sed ipsam rationem formalem iræ, nempe genus & differentiam.

Dicendum tamen est. Definire per materiam apud Aristotelem est in definitione ponere materiam formaliter & expressè, per modum subiecti & partis, ut in definitione iræ ab Aristotele data apparet: quomodo in definitione Logica, non ponitur materia, licet tradatur definitio rei materialis & per genus & differentiam materiale. In Physica verò definitione ponitur materia per modum subiecti eius rei quæ definitur, vel accidens aliquod tenens se ex parte materiæ. Idque verum est, non solum cum definiuntur accidentia, sed & cum definiuntur substantiæ. Nā accidentia à Physico definiri debent per subiectum. Sic motum definit Aristoteles actum in potentia, id est subiecti existentis in potentia, & Naturam definit per motum,

*Quid sit apud Aristotelem definire per materiam.*

motum, qui est accidens materiæ. Generationem etiam definit per mutationem totius in totum, nullo sensibili manente, ut subiecto eodem. Nam & mutatio, est subiecti mutatio, & expressæ additur sensibile subiectum, per mutationem amittit. Substantiam verò Physicam definit, per materiam sensibilem: sic animam definit, actum corporis organici, potentia vitam habentis. Sic hominem definit, per corpus & animam. Ex quo patet Physicum non definire per materiam, quasi solam materiam ponat in definitione, talis enim definitio esset insufficientis & imperfecta; neque quoddam excludat à definitione genus & differentiam: sed quod genus & differentiam per ordinem ad materiam vel ad proprietatem aliquam, aut effectum in materia sensibili existentem, ponat in definitione, Mathematicus verò definit per materiam intelligibilem; quæ est quidam in sensibilibus, non tamen à Mathematica consideratur ut sensibilis, sed potius ut abstrahit ab omni materia sensibili; Figuras enim & proportionem, considerat in quantitate abstracta ab omni materia. Denique Metaphysicus definit per ea quæ abstrahunt ab omni materia, tam sensibili quàm intelligibili, quia quæ considerat, vel sunt extra materiam, & sunt substantiæ spirituales, vel si sunt in materia, ex æquo conveniunt materialibus ac immaterialibus, ut sunt transcendentia. Consideratque in definitione genus & differentiam sub ratione potentix & actus, quæ sunt transcendentia. Ex quo patet: Definitionem Metaphysicam & Logicam sola consideratione differre: Nam eadem essentialiter partes à Logico considerantur sub ratione generis & differentix, à Metaphysico verò sub ratione potentix & actus, determinabilis & determinantis.

## QVÆSTIO VII.

*An definitio necessariò competat definito?*

**R**atio dubitandi est: Quia ex vna parte definitio ita convenit definito, ut impossibile sit aliter se habere; Non potest enim definitum esse sine definitione, implicatque contradictionem: Ergo convenit definito necessariò simpliciter & absolute. Ex altera verò parte, quædam definiuntur, quæ non sunt necessariò entia quia sunt ficta: Ergo istorum definitio, non est necessaria sed ficta, ficta autem non necessariò conveniunt.

Suppono, necessitatem esse duplicem, alteram absolutam, alteram ex suppositione. Suppono etiam, ea quæ definiuntur vel sunt talia secundum naturam, vel ex nobis, idque siue realiter ut agibilia & factibilia, siue fictè ut entia ficta & rationis.

Dico primò. Definitiones rerum verarum, quæ tales sunt secundum naturam, necessariò competunt definito simpliciter & absolute: quia talia definita cum simpliciter & absolute sint talia secundum naturam; etiam definitiones eorum simpliciter & absolute erunt necessariae. Sic Aristot. Simpliciter necessarium definitum 6. Ethic. quod est secundum naturam tale & cuius principium non est in nobis.

Dico secundò. Definitiones earum rerum, quæ non sunt tales secundum naturam sed ex nobis, non sunt necessariae simpliciter, sed secundum quid, & ex suppositione; quia non sunt entium necessariorum simpliciter, sed solum necessariorum ex suppositione; non enim sunt rerum quæ tales sunt secundum naturam, sed quæ  
talia

tales à nobis statuuntur, vt sunt artificialia omnia, & ficta. Artificialia enim non sunt entia simpliciter necessaria: non enim idè sunt talia quia talia esse debent ex natura rei; sed quia talia à nobis constituuntur. Confirmatur: quia vnum quodque sicut se habet ad esse, ita & ad necessitatem; necessitas enim essendi fundatur in essentia: atqui artificialia & ficta non sunt entia simpliciter, quia non sunt entia secundum naturam sed ex nobis, ergo nequè habent necessitatem simpliciter: Solum igitur facta suppositione sunt necessaria, & ita necessaria vt stante suppositione, impossibile sit aliter se habere.

Ex quo infero. Obiecta artificialia & omnia obiecta practica & operabilia, sicut *Artificialia non habent definitiones simpliciter necessarias, sed tantum ex suppositione; quo nomine, definitiones simpliciter necessarias.* non sunt simpliciter necessaria sed ex suppositione quod à nobis sunt; ita & definitiones non habere simpliciter necessarias, sed tantum ex suppositione; quo nomine, finitio- nes simpliciter necessarias cum Aristotele à scientia simpliciter in disp. 16. ita & à definitione simpliciter, ad vtrumque enim necessitas requiritur.

Ad rationem dubitandi Respondeo. Necessarium siue simpliciter, siue ex suppositione, quatenus necessarium est, impossibile est aliter se habere. Verum id, quod absolute non potest se aliter habere, est necessarium absolute, quod verò ex suppositione non potest aliter se habere, est necessarium secundum quid, & ex suppositione, qualia sunt entia quæ à nobis fiunt, siue aliquo reali opere, siue per cogitationem solam. Vnde formaliter loquendo definitio necessariò competis definito, siue absolute, siue ex suppositione. Cum enim ex suppositione conuenit, simpliciter & absolute est contingens, secundum quid necessaria: quia sicut absolute, definitum non est tale secundum naturam, sed ex nobis: ita absolute non habet vllam definitionem, nisi quatenus supponitur factum tale.

## QVÆSTIO VIII.

*An omnis intellectus definire possit?*

**I**n intellectus est triplex, diuinus, Angelicus, Humanus. Dico primo, intellectus diuinus non potest definire; probatur primo. Quia definitio consistit pluribus conceptibus limitatis nempe generis & differentiar. Deus autem cum omnia vno conceptu illimitato concipiat, non potest formare plures conceptus. Ergo neque potest formare definitionem.

*Diuinus intellectus definire non potest.*

Dices. Non esse de ratione definitionis vt fiat per plures conceptus re distinctos, sed satis est, vt ratione distinguantur; hoc autem inuenitur in conceptu diuino, in qua ratione potest distingui conceptus generis & differentiar: potest autem hac ratione distingui non solum ab intellectu creato, sed etiam ab ipso intellectu diuino; sicut & idem in essentia diuina ab eodem intellectu distinguuntur. Resp. Duplīter potest intelligi quod conceptus generis & differentiar in conceptu diuino distinguatur. Primo vt sub illis distinctis & limitatis rationibus tendat intellectus diuinus in obiectum, & hoc quidem requiritur ad definitionem, sed diuino intellectui repugnat qui sicut in se illimitatus est, ita non potest, limitata ratione ferri in obiectum. Secundo vt in conceptu diuino tanquam in obiecto quodam distinguatur possit conceptus respondens conceptui generis, & conceptus respondens conceptui

conceptui



conceptui differentiz, quæ distinctio fit per ordinem ad conceptus creatos limitatos. Et hæc distinctio quidem potest fieri, quia est fundamentum talis distinctionis, nempe virtualis continentia horum duorum conceptuum in vno conceptu divino; potestq; fieri non solum ab intellectu limitatæ concipiente, sed etiam ab ipso intellectu divino illimitatæ limitata concipiente, hoc est, in ordine ad conceptus creatos & limitatos; ~~verum~~ tunc limitatio illa conceptum, entitantiū obiectivè in intellectu divino, non formaliter: quia Deus non formabit conceptus plures limitatos, sed conceptu illimitato & vno, intelligit plures conceptus limitatos: nam plura distincta possunt vno conceptu simplici concipi. Quare ad summum, conceptus divinus posset dici virtualiter definitivus, non formaliter; quia virtute continet plures conceptus, non actū. Ad conceptum autem definitivum requiritur ut pluribus partialibus & limitatis conceptibus constet, qui modus cum sit imperfectus cognoscendi modus, non potest cadere in Deum.

Secundo probatur quia in divino intellectu, sicut non potest esse conceptus definitivus, ita neq; definitionis: definitio enim alicuius definiti est definitio explicans eius essentiam. Non posse autem esse conceptum definiti. Probatur: quia definitum concipitur conceptu confuso, definitio distincto, hoc enim definitio distinguit in partes; quod erat indistinctum in definito. Quia igitur in Deo non potest esse hæc differentia conceptus confusi & distincti; omnia enim clarissimè comprehendit, idcirco nequè potest esse conceptus definitionis & definiti.

*Definitio intellectus humani licet perfectissima involvit imperfectum modum cognoscendi.*

At obijces primò. Cognitio definitiva est in nobis perfectissima, quia adæquata rei: Ergo non debet negari Deo; quidquid enim est perfectionis, totum id continetur in intellectu divino. Respondeo esse quidem perfectissimam in nobis cognitionem definitivam, sed involvere imperfectum modum cognoscendi, nempe limitatum & compositum ex pluribus conceptibus: deinde ipsa definitio supponit cognitionem confusam definiti & ad eam explicandam adhibetur, quæ imperfectiones Deo non sunt tribuendæ.

Dices has imperfectiones posse mente separari à definitione, & sic perfectio ipsa definitionis concepta poterit tribui Deo. Respondeo. Posse quidem mente separari imperfectionem à perfectione; imperfectio enim est non ens, perfectio ens; potest autem ens concipi sine non ente, seu sine negatione quacunque; verum per istam separationem imperfectionum, tolleretur ratio propria definitionis, quæ in perfectione illa tali & tali modo limitata consistit, eoq; ipso evaderet illa cognitio illimitatæ & eminenter, seu virtute contingens definitionem non formaliter: simili modo omnes perfectiones creaturæ, demptis imperfectionibus, sunt in Deo, sed eminenter non formaliter. Accedit quod etiam scientia demonstrativa, est in nobis perfectissima, & tamen quia involvit imperfectionem discursus non potest tribui Deo.

Obijces secundò. Deus intelligit proculdubio definitionem hominis, quam nos assignamus, nempe quod sit animal rationale: Ergo format conceptum animalis & rationalis. Intelligere enim rem aliquam, nil aliud est, quam formare conceptum illius. Ex hoc autem sequitur, Deum formando in mente sua conceptum parvum definitionis, formare definitionem, ac ex consequenti, definire hominem; Nihil enim est aliud definitio, quam conceptus generis & differentiz.

Respon.

Respondeo Deum concipere proculdubio definitionem nostram, & habere *Deus concipiendo definitionem* conceptum de illa, sed non definitivum, quia simplicem: Nam sicut de affirmatione potest formari conceptus non affirmativus, sed simplex vel apprehensivus *non nostram*, tantum, ita de definitione tanquam de obiecto potest formari conceptus simplex, *non habet de illa conceptum definitivum*, ac perinde non definitivus, quæ enim sunt composita, potest intellectus non composita, sed simplici ratione concipere. Porro de ratione definitionis est, ut non sit simplex conceptus, sed compositus, ex conceptu generis & conceptu differentie; sub quibus rationibus limitatis, quia Deus non format suum conceptum, idcirco conceptus Dei, non est definitivus. Dicitur quidem potest definitivus obiective, quia obiectum conceptus divini est definitio; at non potest dici definitivus formaliter, quia non est conceptus formæ & modo definitivo, hoc est, sub ratione, limitata generis & differentie.

Dico secundò. Intellectus Angelicus, non format definitionem de rebus naturalibus. Ratio est: quia res naturales, clarè & simplicissimè per modum intuitus *Intellectus Angelicus non cognoscit: at de ratione definitionis est ut definitum confusè cognoscatur, & ut ipsa definitio tum à definito distinguatur, tum in seipsa componatur ex duobus distinctis conceptibus generis & differentie. Quæ imperfectiones, cum non cadant in modum intelligendi Angelicum respectu rerum naturalium idcirco dicimus modum.* dum cognoscendi res per definitionem, non convenire intellectui Angelico circa res naturales.

An verò circa res supernaturales possit procedere Angelus modo definitivo, circa quas cum non habeat evidentiam, potest sicut nos ex confusa illarum notitia, venire ad distinctam & definitivam, docetur in Theologia. Hic satis est dicere in iis rebus in quibus convenit Angelis discursus secundum multos posse quoque convenire & definitionem: ut ubique, enim ex ignoto fit notum, & ex confusa, veniunt ad distinctam rei cognitionem.

Dico tertio. Proprium est intellectus humani definire; Quia proprium est intellectus humani primum confusè rem concipere, tum ad distinctam eius cognitionem venire siue probando proprietatem rei per causam, aut aliud medium notivum; siue distinctè partes rei ex quibus constat investigando: illud fit in demonstratione, hoc in definitione. *Solius intellectus humani est proprium definire.*

An verò detur in nobis perfecta rei alicuius definitio, colligi potest ex illis quæ diximus, de demonstratione quæstione vltima. Similiter, an definitio sit dicenda instrumentum sciendi, docuimus in disputatione de demonstratione q. 1. Ad quam verò intellectus operationem spectet definitio diximus in disputatione 3. q. 7. Alia verò quæ de definitione docentur, ex summis Logicæ peti possunt.

QVÆSTIO IX.

*An Definitio sit nobilior Demonstratione?*

Q Vibuldam videtur demonstratio esse nobilior. Primo. Quia Demonstratio continet in se definitionem, & ex ea ostendit passionem de subiecto. Quare continet

contineat totam perfectionem definitionis & præterea addit suam propriam perfectionem, quæ in perfectione consistit. Secundò. Definitio est in prima operatione intellectus, quæ in nobis est imperfectissima. Nisi enim adiungamus discursum, vix aliquid ex prima apprehensione scimus. Demonstratio verò est in tertia operatione intellectus, quæ rem perfectissimè cognoscimus. Nam sine discursu vix aliquid perfecte cognoscimus, imò & definitionem ipsam per discursum investigamus. Nā quod dicitur modum simplicem cognoscendi esse perfectiorem modo discursivo ad non videtur verum, cum simplex modus cognoscendi inveniatur etiam in brutis & in potentiis sensitivis: modus autem cognoscendi per discursum invenitur in solo intellectu. Prima etiam operatio perficitur per secundam, Secunda per tertiam quod signum est esse imperfectiorem. Tertiò. Definitio ordinatur ad demonstrationem tanquam ad finem quia est medium ad demonstrandum passionem, non ordinatur autem perfectus ad minus perfectum, sed è contra. Quarto. Scientia quæ est nobilissimus effectus cognitionis nostræ est proprius demonstrationis. Scire enim est rem per causam cognoscere, quod fit per discursum & demonstrationem non verò per definitionem. Quod si quæ ratio scientiæ, compete definitioni illa est effectus demonstrationis. Nam per demonstrationem probatur definitio de definito. Imò omnem suam perfectionem accipit definitio à discursu, quia non nisi per discursum acquiritur & investigatur via resolutionis aut compositionis. Vide definitio quanta quanta est, est effectus discursus.

Communiore tamen sententia est definitionem esse demonstratione multò nobiliorem. Primo Ex obiecto. Definitio enim est de essentia, Demonstratio de proprietate. Atqui essentia nobilior est obiectum proprietate, & substantia accidentem. Ergo definitio est nobilior demonstratione. Nam si dicas ad hoc ut nobilior sit scientia ex obiecto, non satis esse obiectum esse in se nobilior, nisi perfecta & sibi convenienti ac ad æquata cognitione cognoscatur. Nam si imperfecte cognoscatur non derivabit in se nobilitatem ab obiecto. Contra. Definitio ex suo genere non est cognitio imperfecta essentia, sed perfecta evidens & clara, quia per definitionem distinctè & expressè cognoscitur quod in definito confuse continebatur. Unde comparamus definitionem cum demonstratione non imperfectè apprehensam & cognitam, sed perfectò & proportionato ipsi modo ita ut cum definitione in suo genere perfectè fuerit apprehensa sit longè perfectior demonstratione perfectè in eadem cognita. Hanc autem perfectionem ex eo habet, quia est nobilior obiecti. Vnde 3. Met. t. 3. & 7. Met. t. 4. dicit Aristoteles magis nos scire cum scimus quid sit homo quam cum scimus quid sit. Substantia enim nobilior est accidente & essentia sua proprietate. Imò, 1. de partib. Animæ. 5. dicit Arist. Melius esse de divinis & celestibus rebus tenuem licet cognitionem habere quàm de cæcis magnam & perfectam.

Secundò. Colligitur eadem nobilitas ex modo attingendi obiectum. Præstantior enim est simplex modus cognoscendi quàm compositus vel illativus. Atqui definitio simplici modo fertur in obiectum, demonstratio illativus. Ergo est præstantior demonstratio. Maior probatur. Quia in simplici cognitione. tptā perfectio cognitionis est simul unita, quæ in discursu qui fit per motum quendam ab uno in aliud habetur dispersa. Motus enim dicit imperfectionem, quia in eo prius imperfectè quàm perfectè forma acquiritur. At si cognitio sit, sine motu, erit tota simul, & carebit hac imperfectione quia totam perfectionem suam simul habet.

Adhuc

Aliter modus simplex cognoscendi est in Deo & in Angelis quia non dicit imperfectionem : modus verò per discursum propter suam imperfectionem nec Deo convenit nec Angelis. Melius ergo est modus cognoscendi simplex quam compositus vel illativus. Verum quidem est si cognitio simplex sit imperfecta, discursiva verò perfecta, perfectiorem fore discursivam simplici, tamen semper ex genere suo erit perfectior simplex cognitio : quia si cætera sint paria, simplex cognitio semper erit perfectior non simplici : hoc est si utraque cognitio sit perfecta in suo genere, una in genere cognitionis simplicis, alia in genere cognitionis discursivæ : illa quæ est simplex erit perfectior non simplici : Si autem cætera non sint paria, hoc est si cognitio simplex sit imperfecta in genere cognitionis simplicis, discursiva verò sit perfecta in genere cognitionis discursivæ ; tunc potest esse aliqua discursiva, perfectior aliqua simplici. Sed tunc non sumuntur istæ cognitiones proportionaliter, nec æqua fiet earum inter se comparatio. Sic enim aurum ex genere suo est nobilius argento & tamen si magna sumatur quantitas argenti parva auri : superabit valore & pretio argentum.

Tertiò. Eadem nobilitas colligitur ex maiori certitudine, quæ est in definitione. Nam certitudo conclusionis demonstratæ pendet ex definitione, quæ assumitur ut medium & principium ad demonstrandam conclusionem : maior autem est certitudo principiorum quam conclusionis ut docet Aristoteles 1. Poster. c. 5. propter quod enim unum quodque tale, illud magis. Quare & certitudo definitionis erit maior certitudine conclusionis. Nam certitudo definitionis est certitudo principiorum quæ est maior, quia magis immediata. Quod si definitio superat certitudine demonstrationem à priori quæ maior est : multò magis superabit demonstrationem à posteriori quæ minor est. Deinde certitudo conclusionis dependet ab alio nempe à principis, certitudo verò definitionis oritur ex seipsa nec ab aliis principis dependet.

Nam si dicas. Sicut demonstratio dependet à definitione : ita rursus definitio dependet à demonstratione quia per illam demonstratur de definito. Contra. Demonstrationi per se convenit pendere à definitione, ita ut non possit villo modo haberi sine definitione, sed necesse sit definitionem ingredi essentiam ipsam demonstrationis potissimè. Ea enim non potest haberi nisi per definitionem subiecti. At definitioni per accidens est demonstrari, quia non ob demonstrationem formaliter explicat essentiam rei sed seipsa & suis partibus. Genere nimirum & differentia perfectè apprehensis. Si enim Genus & Differentia perfectè apprehendantur faciunt abique omni demonstratione cognitionem perfectam essentia : quia tamen ob imperfectum lumen intellectus nostri non statim apprehendimus res perfectè, ideo ut plurimum egemus discursu ad acquirendam perfectam apprehensionem : acquisita autem semel apprehensione debita & convenienti terminorum, sine alio discursu ferimur modo simplici ad rem definitivè intelligendam. Et licet illa perfectè apprehensio sit causata ex discursu ac proinde sit minoris certitudinis quam sit ille discursus : tamen cum illa apprehensio in definitione adhibetur ad cognoscendum definitum non cum respectu ad discursum præcedentem adhibetur, nec cum ea tantum certitudine quæ erat ex discursu ; sed cum maiori & clariori penetratione terminorum, ex qua fit ut illa definitio quæ ante aliunde cognoscebatur, fiat inmediate non ex terminis ipsis. Immediata autem cognitio

semper est perfectior ex suo genere quàm mediata virore magis independens.

Vnde solvitur illa obiectio, quod quanta quanta est certitudo definitionis est tota ex discursu vel ex discursibus. Ergo cum sit effectus discursuum non superat certitudinem unius vel plurium discursuum. Solvitur inquam quia solum probat, quatenus est ex discursu est inferior certitudine, ac cum postea, immediate ex ipsis terminis penetrari habetur, habetur perfectiori modo quàm ex discursu.

Ex dictis patet ad rationes dubitandi. Ad primam. Respondeo 1. Demonstratio si sumatur ut includit Definitionem tanquam principium ex quo demonstrat passionem sic est nobilior definitione: at si sumatur præcise & formaliter ut distinguitur à definitione seu ut est illativa passionis ex definitione subiecti, sic est minus nobilis ut dictum est. Quod si insites. Definitio est de essentia demonstrationis, ergo si ut continet definitionem est nobilior, essentialiter erit nobilior. Respondeo. Principia sunt materia solum demonstrationis, forma verò est conclusio seu illatio. Si igitur formaliter de demonstratione loquamur ea non includit definitionem, sed ex definitione supposita, illationem passionis. Vnde tunc non sequitur essentialiter esse nobiliorem definitione. Porro hic constituitur comparatio inter definitionem & demonstrationem formaliter acceptam.

Secundo Respondeo. Definitio ad demonstrationem pertinet non ut definitio sed ut causa passionis. Essentia enim non ut essentia sed ut causa passionis est medium demonstrationis. Licet autem ista in re non differant, differunt tamen conceptu & ratione: sicut eadem res absolute & respectivè considerata.

Ad secundam, primam operationem imperfectam perfici per discursum; quando verò fuerit perfecta apprehensio obiecti, sic perfectione superabit perfectum discursum ut dictum est. Vnde ex genere suo & cæteris paribus prima operatio est perfectior tertia si perfecta cum perfecta comparetur. Quod verò dicitur simplicem modum cognoscendi brutis etiam convenire, Respondeo primum in genere cognitionis intellectivæ cognitio simplex non tribuitur nisi intellectui perfecto. discursus verò ob suam imperfectionem non potest tribui perfecto intellectui sed tantum imperfecto. Quare in genere intellectus simplex est discursiva perfectior, idq; satis est ad nostrum propositum. Deinde dico, Cognationes sensitives simpliciter quidem & quoad substantiam esse inferiores cognitione discursivæ, quia cognitio sensitiva ut sensitiva est inferior intellectivæ; secundum quid tamen potest cognitio sensitiva esse perfectior cognitione discursivæ nempe modo simplici cognoscendi obiectum, qui non est in cognitione discursivæ.

Ad tertiam: per se loquendo definitio non ordinatur ad demonstrationem, quia ex natura rei Definitio est independens à demonstratione in ordine ad suum finem principalem & ad æquatum. Definitio enim per se ordinatur ad generandam notionem essentialem qui est finis principalis definitionis: hoc autem habet etiam nulli demonstrationis coniungatur. Nam si dicatur propterea per se ordinari ad demonstrationem quia assumitur ad demonstrandam passionem: pari ratione principia per se ordinarentur ad demonstrationem tanquam ad finem: quia ex principiis fit omnis demonstratio cum tamen habitus & cognitio principiorum sit longe nobilior habitu & cognitione demonstrativa. Dicimus ergo ordinari secundario & consecutivè eo modo quo essentia ordinatur ad suam operationem non principaliter sed secundario & consecutivè. Hoc autem modo nobilior ordinari ad ignobilior.

bilius non repugnat: imò proprium est rerum nobiliorum ordinari ad ignobiliora, quia talis ordinatio est ad dandam perfectionem ignobilioribus, non verò ad recipiendam perfectionem ab ipsis.

Ad quartum. Scientiam discursivam esse proprium effectum demonstrationis; non verò omnem scientiam. Nam etiam definitio est per causam formalem & facit scire modò perfectius quàm demonstratio. Nam demonstratio procedit per causam efficientem & extrinsecam passioni: Definitio verò per causam formalem & intrinsecam Definiti. Sicut igitur nobilior est in ratione causæ, causâ formalis quàm efficiens, quia magis intimè causat effectum: ita & Definitiva scientia erit nobilior demonstrativa. Et si verò definitio quatenus causatur

ex discursu sit ignobilior discursu: tamen cum assumi-  
mitur ut immediata rei cognitio, est no-  
bilior discursu ut explica-  
tum est.

FIXIS.

Bbb 3

INDEX



1. The first step is to identify the problem or question that needs to be answered. This involves understanding the context and the specific requirements of the task.

[illegible][illegible]

1443



1895

10

\_\_\_\_\_





# INDEX RERVM PRÆCIPVARVM QVÆ IN HAC LOGICA CONTINENTVR.

Prior numerus disputationem, alter quæstionem: literæ  
A. principium, B. medium, C. finem designat.

A.	Abstrahio triplex in obiectis scientia-
Absolute naturæ.	rum. 17.1.4
4.1.b	Abstrahio triplex in obiectis Metaphysi-
Abstrahit non completur essentia-	ce assignari potest. ibid.
liter per Relationem. 10.8.b	Abstrahioes multa dantur in Mathe-
Abstrahio est actus prime operationis.	maticis. b
3.7.a	Abstrahioes plures specie non possunt
Abstrahio an & quomodo conformis rei.	ibid. assignari in Mathematicis. ibid.
Abstrahiois fundamentum partim in re,	Abstrahio distinguit solam scientiam spe-
partim in intellectu. b	culativam inter se. c
Abstrahere in re a contradictorii nihil	Accidens definiendi modum duplex. 5.1.b
potest, in cognitione potest 3.8.a	Accidens potest predicari necessarii. 5.9
Abstrahit tripliciter. 3.9.a	b
Abstrahit que in sua significatione nullo	Accidentis definitio an conveniat Proprio
modo involvunt ea a quibus abstra-	ibid.
buntur non predicantur de illis. b	Accidens non proprium constituit quin-
Abstrahit que quoad modum significandi	tum predicabile 5.10.a
non involvunt ea a quibus abstrahun-	Accidentis definitio. ibid.
tur non predicantur de illis, ibid.	Accidens quomodo potest abesse non res-
Abstrahio facit naturam non singula-	liter nec per inessectum. b
rem. 4.6.b	Accidens omne est aliquo modo ex natura
Abstrahio sola a singularibus facit uni-	rei separabile. ibid.
versale in essendo. 5.11.a	Accidentia que naturaliter separantur. ib.
	Bbb 4 Accidentia

# INDEX RERVM

- Accidentia quædam non separantur sine reali corruptione subiecti.* *ibid.* *Equivoca possunt definiri.* *ibid.*  
*Accidentis definitio de separatione per intellectum intelligenda.* *ibid.* *Equivoci conceptus dentur.* *ibid.*  
*Accidens fluens ab essentia potest abesse sine corruptione subiecti.* *ibid.* *Equivoca vox significat diversas essentias dupliciter.* *ibid.*  
*Accidentis negatio quomodo intelligenda.* *ibid.* *Equivocus purè conceptus non datur, sed solum per modum analogi.* *ibid.*  
*Accidentis proprius modus non est predicari in quale, accidentale contingens.* *ibid.* *Equivoca sunt duplicia.* *c*  
*Accidens non solum in quale predicatur.* *ibid.* *Equivocum nomen qua ratione predicatur de suis significatis.* *ibid.*  
*Accidens non omne predicatur contingens.* *ibid.* *Equivocum sine una vox vel plures.* *ibid.*  
*rer.* *ibid.* *Eternitas cum demonstratur de Deo demonstratur in specie.* *14.7.b*  
*Accidentis proprius modus predicandi ibi li opposita falsa est.* *12.12.b*  
*Accidens Physicum et Logicum.* *c* *Agens duplex.* *2.4.b*  
*Accidens Logicum est solum respectu accidens.* *ibid.* *Actus an potentia nobilior.* *5.6.c*  
*Accidens singulare commune pluribus subiectis.* *5.9.b* *Actio an fundamentum Relationis.* *10.4.b*  
*Accidentia predicantur dupliciter.* *6.4.b* *Actus sumere essentiam ab obiectis non dicit Aristoteles.* *10.8.b*  
*Accidens completum est quid analogum.* *7.2.b* *Actus quomodo specificentur ab obiectis.* *ibid.*  
*Accidentium concreta sumuntur pro abstractis.* *7.6.c* *Activum non refertur realiter ad non esse.* *10.11.b*  
*Accidentia sola sunt in subiecto.* *8.1.b* *Agentia naturalia ex determinatione agunt propter finem.* *c*  
*Accidens non dicitur de subiecto.* *8.3.b* *Agens refertur realiter ad seipsum quomodo.* *10.12.b*  
*Accidenti ordo ad subiectum non est essentialis.* *10.9.b* *Actio dupliciter consideratur.* *11.7.b*  
*Accidens quomodo dicitur esse Entis ens c* *Actio quid sit.* *11.4.b*  
*Accidens in sua essentia non dicit aptitudinem nisi consecutivè.* *c* *Actionis ratio formalis an sit re ab effectu distincta, an verò solavatione.* *ibid*  
*Accidenti plura solo numero distincta possunt esse in eodem.* *10.14.b* *Actio constat absolute & respectu.* *ibid.*  
*Accidenti quomodo conveniat esse Quid.* *18.3.a* *Actio est aliquando forma intrinseca.* *ibid.*  
*Accidens in ratione entis completi definitur debet per additamentum.* *18.5.a* *Actio est res distincta ab agente.* *ibid.*  
*Accidens potest concipi absolute & respectivè.* *b* *Actio debet dici fieri* *ibid.*  
*Accidentia specificantur à subiecto solum per commensurationem cum subiecto.* *ibid.* *Actio tam immanens quam transiens ponitur in predicamento actionis.* *ibid.*  
*Equivoca quid sint.* *6.1.a* *Actio omni respondet suo modo passivo.* *ibid.*  
*Equivocum nomen cur dicitur commune.* *ibid.* *Analogum non est vere universale.* *4.5.c*  
*Analoga sintne equivoca.* *6.1.c* *Analogia*

# PRÆCIPVARYM.

- Analoga attributionis quæ sint. 6, 2, a  
 Analoga attributionis unde sic appella-  
 tur. ibid.  
 Analogia attributionis requiritur ne nomen  
 commune cum illis ad quæ attribuun-  
 tur. ibid.  
 Analogia attributionis requiritur commu-  
 nitatem nominis. ibid.  
 Analogorum attributionis ratio essentialis  
 soline principali analogato an etiam  
 aliis conveniat. b  
 Analoge attributionis præter vocem ha-  
 beant aliquam rationem communem. c  
 Analoga attributionis ab analogo princi-  
 pali & minus principalibus nihil com-  
 mune abstrahunt. ibid.  
 Analoga minus principalia à quibus ab-  
 strahitur communis ratio spectant ad  
 analogiam proportionis. ibid.  
 Analoga duo requirit. 6, 3, a  
 Analogorum proportionis principale ana-  
 logatum dari est per accidens. b  
 Analogum proportionis significetne imme-  
 diate multa an vero unum. ibid.  
 Analogum quam convenientiam fundet.  
 ibid.  
 Analogum immediate non significat ali-  
 quid unum sed multa. ibid.  
 Analogum quo sensu dicitur significare  
 multa. c  
 Analogum qua ratione prædicat multa de  
 eodem. ibid.  
 Analogus conceptus qua ratione est unus  
 cum significet multa. ibid.  
 Analoga unitas sitne essentialis vel acci-  
 dentalis. ibid.  
 Analogum habere aliquas proprias dif-  
 ferentias per quas contrahatur. ibid.  
 Analogum significare rem sub ratione &  
 convenientia proportionali, quis sen-  
 sit. ibid.  
 Analogaratio essentialis cuiusdam conve-  
 niat. 6, 4, b  
 Analogus conceptus non potest esse analo-  
 gus & univocus sub eadem ratione c-  
 ritate respectu diversorum, 6, 6, a  
 Analogorum potest esse sub eadem ratio-  
 ne analogatum & univocum diverso  
 respectu. c  
 Analogum non est verum genus. 7, 3, a  
 Analogia inter Deum & creaturas in  
 ratione substantiæ. 8, 2, b  
 Animæ ante corpora non fuerunt, nec sci-  
 entias rerum habuerunt. 13, 3, a  
 Accedens & consequens potest esse in e-  
 odem instanti. 13, 1, b  
 Antecedens est ratio assentiendi extrinse-  
 ca. 13, 2, a  
 Antecedens tam est de essentia discursus,  
 quam consequens. c  
 Appetitus duplex, Innatus & Elicitus.  
 quid uterq. 16, 1, a  
 Appetitus quo naturaliter homo scire ap-  
 petat. ibid.  
 Appetitum innatum sciendi in hominibus  
 dari. b  
 Appetitu elicto naturaliter appetit ho-  
 mo scientiam qua scitaria est. ibid.  
 Apprehensio an sufficiat ad movendam  
 voluntatem. 17, 5, a  
 Apprehensio simplex sufficit ad moven-  
 dam voluntatem. ibid.  
 Aptitudo supponit essentiam cuius est a-  
 ptitudo. 10, 8, b  
 Ars docens & ureas. 2, 5, q  
 Artis opera an efficiantur ex habitu artis  
 sine ulla cognitione. 2, 6, a  
 Artis notæ difficultas quò referenda. b  
 Artificiata in quo Prædicamento. 7, 1, c  
 Artificiata non ponuntur in Prædicamen-  
 to. 7, 5, b  
 Artificiata significant per modum sub-  
 stantiæ. c  
 Assensus non potest esse sine ratione assen-  
 tiendi. 13, 6, b  
 Assentiendi ratio duplex. c  
 Assensus incerti quodnam sit obiectum.  
 16, 12, b  
 Assensus an possit esse neq. certus neq. in-  
 certus. ibid.  
 Assensum quale causent rationes proba-  
 biles. B b 5

# INDEX RERV M

- biles. *ibid.* Causa efficiens debet esse causa passionis  
Assensus qualis generatur multiplicatis ram quoad existentiam quam quoad  
rationibus probabilibus. *ibid.* essentiam in demonstratione. *ibid.*  
Assentiendi ratio duplex, intrinseca & Causari rem quoad essentiam quid sit. *ib.*  
extrinseca. 16.16.c Causa in demonstratione debet esse ade-  
Attributa divina non habent veram cau- quata. *ibid.*  
sam. 14.7.b Causae actualis & virtualis descriptio. 14.7.a
- C. Cause ratio non convenit enti reali per  
intellectum, sed a parte rei. *ibid.*
- Celli & Angeli sunt in prediamento Causa virtualis est solum causa in intel-  
substantie. 8.5.b lectu cum aliquo fundamento in re. c  
Calefactivum relative & absolute sum- Cause ratio duo requirit. *ibid.*  
prum. 10.11.b Causa dupliciter potest dici causa per se  
Causis nomen ad quid sit impossum. 6.1.b alicuius effectus. 14.10.c  
Causa simul cum effectu potest esse in Causa per se dupliciter est necessariis cau-  
eodem instanti. 13.1.c sa. 14.11.b  
Causa non eodem modo communicat effe- Causa bualis ad demonstrationem potissi-  
ctui perfectionem & imperfectionem. mam requiritur. 15.4.b  
13.8.a Causa remota duplex, convertibilis &  
Causa si est mediata, potest per causam incorvertibilis. 15.5.b  
immediatam demonstrari. 14.3.b Causa remota nec convertibilis etiam de-  
Causa in universalis est nobis ignotior du- monstrationem veram Quia efficit. *ib.*  
pliciter 14.4.b Certitudo de bonitate consequentie non  
Cause si sint notissimae, premisse in de- necessariis habetur per scientiam. 2.5.b  
monstratione sunt notiores tam na- Certum, necessarium, contingens probabi-  
tura, quam quoad nos. c le, quid 13.12.a  
Cause univoce possunt equalem sibi Certitudo an ab evidentia distinguatur. *ibid.*  
producere effectum, non vero a quo-  
ca. 14.5.b Certum ex probabili inferri non potest. c  
Causa in demonstratione debet esse causa Certitudo sine veritate non est vera cer-  
passionis quae demonstratur de subiecto titudo. 14.1.b  
14.6.a Certitudo datur maior vel minor si habea-  
Causa passionis debet esse adequata & atur per medium magis vel minus in-  
convertibilis cum ipsa. *ibid.* mutabile. 14.5.c  
Causa remota non convertibilis obstat de- Certitudo qualis habeatur per sensum, 16  
monstrationi. b 3.b  
Causa in demonstratione convenit subie- Certitudo quid sit & unde proveniat. 16  
cto, sed in ordine ad predicatum. *ibid.* 12.a  
Causa in demonstratione varie considera- Certus an possit quis esse simul & incer-  
tur. *ibid.* tus per diversa media. b  
Causa intrinseca passionis non est medium Circulus in definitionibus quando vitio-  
in demonstratione. *ibid.* sus. 16.15.c  
Causa quae est materialis respectu subie- Circulus in demonstratione quid sit. 15.6  
cti, ut est causa efficiens respectu passi- Circulus in demonstrationibus vstratur *ibid.*  
onis, est medium in demonstratione. *ib.*

Circulus

# PRÆCIPVARYM.

- Circulus perfectus & imperfectus. *ibid.* Cognitio rerum perfecta duplici medio  
 Circulus perfectus in demonstrationibus acquiritur. 16.2.b  
 non datur. b Cognitio abstractiva immediatè non ter-  
 minatur ad res extra animam. 16.3.b  
 Circulus imperfectus in demonstrationi-  
 bus datur. *ibid.* Cognitio intuitiva & abstractiva dif-  
 ferentia. *ibid.*  
 Circulum qualem neget Aristoteles. c  
 Cognitio divina qua cognoscit mediatè Cognitio carens veritate non potest esse  
 ens rationis non est imperfecta, quia scientia essentialiter. 16.10.b  
 non difformis ex se à re. 1.8.a Cognitio non est verum opus. 17.4.b  
 Cognitio divina qua Deus cognoscit me-  
 diatè ens rationis, non est ex se diffor-  
 mi rei, sed ex eo tantum quia est co-  
 gnitio cognitionis ex se difformis, & Cognitionem non esse praxim probatur. *ibid.*  
 ideo non est imperfecta. b non est praxi. c  
 Cognitum esse quid sit. 1.11.a Cognitio est practica vel ex obiecto, vel  
 Cognitio abstractiva intellectus ad quid ex effectu, quia efficit praxim. 17.5.a  
 terminatur. *ibid.* Cognitio practica qua ratione à specula-  
 tiva differat sine. b  
 Cognitio abstractiva tendit in obiectum  
 partim positivè partim negativè. b Cognitio artis & prudentie semper est  
 Cognitio practica & cognitio speculati-  
 va distinguuntur ex sine. 2.4.a practica *ibid.*  
 Cognitio dupliciter practica, ex effectu et  
 ex obiecto. b Cognitio per accidentem speculativa &  
 practica. c  
 Cognitio etiam ut sit rectè vel secus, non  
 est praxi. *ibid.* Cognitio an omni necessariò speculativa  
 Cognitio qua fit ab alia cognitione, non  
 est praxi. *ibid.* vel practica? *ibid.*  
 Cognitio practica non habet pro fine veri-  
 tatem. *ibid.* Compositio duplex. 1.2.b  
 Compositio nec actio est nec factio. *ibid.* Compositio non ens cum ente in actu sig-  
 natum non est neceffe. *ibid.*  
 Cognitionem Aristoteles nunquam vocat  
 actionem aut factionem. *ibid.* Compositio obiectiva solum est in intelle-  
 ctu composita apprehendente. 3.3.a  
 Cognitio ut sit non est factio. *ibid.* Compositio ex parte actus non est in pri-  
 ma operatione. 3.6.a  
 Cognitio sola dirigens opus à cognitione  
 distinctum est practica. *ibid.* Compositio obiectiva potest esse in prima  
 operatione. b  
 Cognitio rei factibilis est practica. *ibid.* Compositio ex genere & differentia an  
 Cognitionis speculativæ ratio in quo com-  
 sistit. 2.4.c realis. 5.7.c  
 Compositio item duplex. 12.7.a  
 Cognitio practica dupliciter. 2.6.c Compositio predicari cum subiecto quid  
 sit. b  
 Cognitionum successio non requiritur ad  
 discursum. 13.1.b Compositio est in propositione negativa. c  
 Cognitiones duas esse simul non repug-  
 nat. c Conceptus rose nomine duo intelliguntur. 1.3.b  
 Cognitio antecedentis quomodo constitu-  
 at assensum consequentis in sua essen-  
 tia. 1.8.c  
 Conceptus formalis non est universalis in  
 effectu. 17.2.a

# INDEX RERUM

- essendo. 4.4.b Concluditur nihil ex puris particularibus. 13.14.c  
 Conceptui formali in mente existenti respondet in re conceptus obiectivus. ibid. Conclusio Theologica an demonstrativa. 14.3.b  
 Conceptus potest dici unus dupliciter. 6.1.b Conclusio non demonstratur ex premissis ab alio factu. ibid.  
 Conceptus obiectivus analogi præscindatur ne & distinguatur à conceptu obiectivo analogorum. 6.3.b Conclusio potest inferri ex falsis premissis vera materialiter. 14.8.a  
 Conceptus analogus obiectivus non potest præscindi & distingui simpliciter, sed tantum secundum quid. ibid. Conclusio ex premissis in existimatione, sequitur necessaria, sed existimata. b  
 Conceptus analogus dupliciter distinguitur & præscinditur à conceptu analogati. ibid. Conclusio an sit obiectum scientie. 16.4.b  
 Conceptus significantur mediante significatione rerum. 12.1.8 Conclusio dupliciter accipitur. ibid.  
 Conclusio quomodo possit esse sine illatione. 13.2.c Conclusio eadem potest spectare ad diversas scientias. 17.3.c  
 Conclusio continetur virtute in premissis. 13.3.a Concreta an possint prædicari de abstractis. 3.10.c  
 Conclusio falsa non potest inferri ex veris premissis. 13.5.b Consequentia est bona à termino negati ad infinitum, & contra. 12.5.c  
 Conclusio falsa infertur ex una premissa vera & altera falsa. ibid. Consequentiarum species. 13.16.c  
 Conclusio quomodo causetur effectivè à premissis. 13.6.a Contingentiæ ratio tota desumitur ex causa indeterminata ad agendum. 12.10.c  
 Conclusio est effectus premissarum, non verò syllogismi. 13.7.a Contingens esse determinatè futurum dupliciter intelligi potest. ibid. ibid.  
 Conclusio est de essentia syllogismi. b Contingentes res quomodo sint contingentes. 14.8.b  
 Conclusio quomodo sit de essentia syllogismi. c Contradictoriorum lex. 3.8.b  
 Conclusio sequitur debiliorem partem quomodo hoc intelligendum. 13.8.b Contradictio definitur. 12.11.a  
 Conclusio quomodo dicatur & possit esse perfectior premissis. ibid. Contradictio sola non habet medium secundum seipsum. ibid.  
 Conclusio potest non esse æquè debilis ac premissa. ibid. Contradictorius solis simpliciter convenit non habere medium. ibid.  
 Conclusio similem defectum supponit in premissis. c Contradictoriæ opposita tria requiunt quæ ad unum revocantur. b  
 Conclusio falsa an participet aliquam veritatem à premissa vera. 13.9.a Contradictoria cognoscendi regula. ibid.  
 Conclusio ex natura rei vera sequitur aliquando ex suppositione falsa, mediantè Maior vera. ibid. Contradictoria sola particularis negativa, & universalis affirmativa, & contra cur. ibid.  
 Conclusio necessaria duplex. 13.10.b Contradictoria non possit esse simul vera probatur. c  
 Conclusio Theologica perfectior naturali. Contradictoria si simul essent vera, nihil prædicaretur. 13.13.c

# PRECIPVARVM

- predicaretur substantialiter. *ibid.* 14.6.  
 Contradictoria an sequantur ex contra- Demonstratio subiecti medium in demonstra-  
 riis. 12.13. b. tione potissima. 15.4. a  
 Contradictoria inferri posse ex contrariis Demonstratio passionis cur non sit medium in  
 dupliciter intelligi potest. *ibid.* demonstratione. b  
 Contradictoria sequuntur ex impossibili. Demonstratio distinctus Terminus a Defini-  
 13.10. c. to. *ib.*  
 Contradictoria an sint omnia aequè im- Demonstratio an definire possit. 18.1. a  
 possibilia. 14.8. b. Demonstratio sumitur formaliter & materi-  
 Contradictoria omnia habent equalem re- aliter. *ib.*  
 pugnantiam ortam formaliter ex mera Demonstratio in actu signato & in actu exer-  
 contradictione. *ibid.* cito quid. *ibid.*  
 Contradictio spectata in ordine ad suam Demonstratio in actu exercito definiri non  
 causam, licet non possit una esse maior potest. *ib.*  
 altera formaliter, potest tamen esse ex Demonstratio an oratio. *ib.*  
 causa. *ibid.* Demonstratio alia est obiectiva, alia forma-  
 Contraria sunt quæ maximè distant. 12. *ib.*  
 13. b. Demonstratio est composita ex pluribus con-  
 ceptibus. *ibid.*  
 Contraria sunt duplici generis. 16.11. a. Demonstratio est distinctus terminus a defini-  
 Corpori existenti in pluribus locis cur & eadem & diversa predicata conveni-  
 eadem & diversa predicata conveni-  
 ant. 4.2. b. Demonstratio debet esse clarior definito. *ibid.*  
 Corruptibile & incorruptibile differre Demonstratio debet consistere genere & diffi-  
 genere explicatur. 8.5. b. rentia. 18.2. a  
 Creatura non dicit ordinem essentialem ad Demonstratio non datur per summum genus  
 Deum. 10.8. b. & infimam differentiam, licet detur  
 per genus infimum & differentiam ul-  
 timam. b  
 D.  
 Definitio diversa substantiæ & acci- Definitur Quod quid esse rei. 18.3. a  
 dentis. 5.1. a Definitio non distinguitur ex natura rei  
 Definitum materiale & formale. *ibid.* a definito. c  
 Definitio non est unum ex predicabilibus. Definiri per materiam quid sit apud A-  
 5.11. b. ristotelem 18.5. b  
 Definitio quomodo natio Definitio. 10. Definitiones simpliciter necessariae non  
 15. b. habent artificialia. 18.7. a  
 Definitio & Demonstratio instrumenta Definitio intellectus humani licet perfe-  
 sciendi. 14.1. c. ctissima, involvit imperfectum modum  
 Definitio potest accipi dupliciter. *ibid.* cognoscendi. 18.8. a  
 Definitio non est instrumentum sciendi in Demonstratio quomodo sit necessaria. 13.  
 demonstratione assumpta pro medio, & hoc propter dua. *ibid.* b  
 Definitio subiecti non autem passionis est ad Aristotelem. 14.1. a  
 medium demonstrationis a priori, hæc Demonstratio sola facit scire syllogisticè.  
 enim continet causam conclusionis. 14. *ib.*  
 Definitio quæ non potest esse medium de- Demonstratio an sit instrumentum scien-  
 di. d.



- di, & quidem sola. *ibid.* Demonstratio potissima demonstrat proprietatem intrinsecam per causam intrinsecam subiecti. 14.11.c
- Demonstrationis premissarum proprietates quot. 14.2.a Demonstratio potissima requirit predicata universalis quae omni & primo conveniunt. 14.12.c
- Demonstratio non potest esse per talem causam quae a terminis conclusionis ne per conceptum quidem est distincta. 14.3.b Demonstratio debet constare predicata primis & universalibus etiam in premisis. *ibid.*
- Demonstratio potissima requirit premisas immediatas actu non virtute. c Demonstratio proprietatis genericae de specie erit per principia communia. 14.13.a
- Demonstratio per effectum non est perfecta. 14.6.a Demonstratio potissima debet constare principii propriis. *ibid.*
- Demonstratio procedent ex causa remotam, modo sit convertibilis, continet in se proximam. b Demonstrationes communes sunt ex duplici causa. b
- Demonstratio possitne per quodlibet generalem causam fieri. *ibid.* Demonstratio nulla debet constare principii alienis. *ibid.*
- Demonstratio solum procedit per causam extrinsecam si de causa formaliter loquamur, ut est causa passionis. *ibid.* Demonstratio an inveniar in rerum natura ut est descripta ab Aristotele. 14.14.a
- Demonstratio requirit causam necessariam passionis non solum quoad existentiam, sed etiam quoad essentiam. *ibid.* Demonstrationis necessitas si sit per modum extrinsecam, erit mutuata. b
- Demonstratio potest fieri per causam finalem passionis. *ibid.* Demonstrationes Mathematicae an sint potissimae. *ibid.*
- Demonstratio potest etiam fieri materialiter loquendo per genus causae formalis & materialis subiecti. c Demonstrationes Mathematicae non continent in se veras causas essendi. *ibid.*
- Demonstratio ad omnimodam rei scientiam posuit omnes causas. *ibid.* Demonstrationum Mathematicarum necessitates non sunt potissimae. c
- Demonstratur id solum, quod causatur a tali causa. 14.7.a Demonstratio duplex, Propter Quid, & Quia. 15.1.a
- Demonstratio nulla potest haberi de Deo a priori. *ibid.* Demonstratio qualis sit per causam finalem. 15.4.b
- Demonstrationis proprietates explicantur. 14.8.a Demonstratio omnis debet esse per causam formalem passionis. c
- Demonstratio debet inferre conclusionem necessariam formaliter. *ibid.* Demonstratio per effectum est vera species demonstrationis. 15.5.a
- Demonstrationi proprium est secundum Aristotelem, esse ex necessariis. b Demonstratio potest esse ex causa remotam. c
- Demonstrationis perfectio in duobus consistit. c Demonstratio universalis perfectior est quam particularis. 15.8.a
- Demonstrationes Theologicae sunt necessariae simpliciter. *ibid.* Demonstratio affirmativa perfectior quae negativa. 15.9.a
- Demonstratio potissima requirit ut propositio per se secundi modi sit etiam de omni. 14.10.b Demonstratio proprie practica est simpliciter contingens. 16.7.a

# PRÆCIPVARVM.

- Demonstratio propter quid est essentialis. Deus non habet fundamentum conceptus  
 ter perfectior demonstratione. Quia. indeterminati. *ibid.*  
 17.1.b Deo repugnat omnis ratio potentialis &  
 Demonstratio propter quid & Quia. Pe- perfectibilis. *ibid.*  
 cie distinguuntur. 15.2.a Deo repugnat compositio ex genere &  
 Demonstratio propter quid duplex est, differentia. *ibid.*  
 potissima, & non potissima. 15.3.c Deo repugnat fundare rationem partium  
 Demonstratio Quia, verè & essentialiter est demonstratio. *ibid.*  
 15.1.b Divina essentia ab existentia non potest  
 Demonstratio Quia univocè convenit in abstrahi cum fundamento in Deo. *ibid.*  
 ratione demonstrationis cum demonstra- Divina perfectio non potest abstrahi ab  
 tione propter quid. *ibid.* infinitate cum fundamento in Deo.  
 Denominaciones Logice sunt partim ab actu intellectus. partim à modis ratio-  
 ni, 1.11.c Deus est per essentiam infinitus. *ibid.*  
 Denominaciones ab actu intellectus du- Deum non reduci ad Prædicamenta. c  
 plices. 2.2.b ratio. *ibid.*  
 Dependencia & independentia sunt quid Divina attributa predicantur substan-  
 essentialia. 7.2.b tialiter. *ibid.*  
 Dependencia rerum creatarum à Deo quo- Divina Relationes an ponantur in prædi-  
 modo essentialis, & an possit aliqua camento Relationis. *ibid.*  
 creatura esse independentis à Deo. *ibid.* Divina attributa in quibus prædicamen-  
 Dependencia essentialis triplex. Ratione. *ibid.*  
 Termini, Fundamenti & Relationis. c Deus non est scibilis scientia demonstrati-  
 Dependencia quoad assensum quid sit. 13.2.a tiva. 14.7.c  
 2.a Deus cognoscitur per scientiam visionis.  
 Dependere aliquid potest ab altero du- *ibid.*  
 pliciter, per se & per accidens. 14.5.c Deus ita est singularis ut ei repugnet e-  
 Deum cognoscit indirectè entia rationis, riam per intellectum esse in multis la-  
 non directè. 1.8.b titudinis. 14.9.b  
 De. it facit ens rationis. b Deus an definiri possit. 18.4.b  
 Deus mediatè cognoscit, & facit ens ra- Deus non constat genere & differentia,  
 tionis. c nec potest definiri. *ibid.*  
 Deus an fingat ens rationis. *ibid.* Deus concipiendo definitionem nostram,  
 Divina attributa concipiendi modus du- non habet de illa conceptum definitivum.  
 plex. 4.7.a 18.8.b  
 Dei perfectio una cur non possit abstrahi Dici supponit esse vel inesse. 8.8.b  
 ab alia. b Dici de subiecto quid sit. *ibid.*  
 Deus non est substantia Prædicamenta. Dici ad aliud & referri ad aliud quid sit  
 li. 8.4.a 10.5.a  
 Deum nullo modo esse in Prædicamento Dici quomodo sequatur ad esse. 10.7.b  
 substantia. *ibid.* Differentie numerice dantur 5.3.c  
 Deo repugnat ratio generis. b Differentia numerica quid, & an sub-  
 Deo repugnat omnis ratio ex se deter- stantialis. 5.4.a  
 minata. *ibid.* Differentia genere nobilior ex duplici ca-  
 Deus ens per essentiam. *ibid.* pte. 5.6.b  
 Differentia

# INDEX RERVM

Differentia constituens & distinguens.	quarum existentiam.	12.14.c
5.7.a	Discrimen inter demonstrationem positivam & alias	14.3.c
Differentia quid simplex.		
Differentia superiorum an sit gradus inferior.	Discrimen inter definitionem subiecti & passionis.	14.6.b
ibid.		
Differentia Animalis Rationale.	ibid. Discrimen inter syllogismum demonstrativum & non demonstrativum.	14.8.c
Differentia respectu inferiorum speciei; an respectu speciei sit universalis.	5.8.a	Discrimen Entium Rationalis & Realium
Differentia universalitas propria.	b	16.9.c
Differentia de pluribus mediata predicatur.	ibid. Discrimina Affectus & Habitus.	16.14.c
Differentia unde sit universalis in essentia.	ibid. Discrimen inter scientiam & intellectum.	16.16.b
ibid.	ibid. Discrimen inter habitus infusus & acquiritos.	ibid.
Differentia an constituat duo predicabilia.	ibid. Discursus continet plures affectus realiter distinctos.	13.1.a
Differentiam debere esse extra rationem generis, an sit verum.	6.4.c	Discursus non datur in Deo.
Differentia qualitatis non est qualitas, sed ratio qualitatis.	7.3.b	Discursus una cognitio dependet ab altera realiter.
Differentia dicitur de specie tanquam de subiecto.	8.8.b	Dispositio dupliciter accipitur.
Differentia inter picturam hominis & hircocerui.	1.4.c	Divisio multiplex.
Discrimen inter entia rationis & non entia rationis.	1.5.c	Divisio accessu est ut sit mutua.
Differentia inter artem cytharizandi ac similes & Logicam.	2.5.b	Divisio bona.
Discrimen Logice & aliarum artium.	c	Divisio an binembris.
Discrimen Proprii & Accidentis.	5.8.a	Divisio sufficiens.
Discrimen inter Speciem & Definitionem.	5.11.b	Divisio in primam & secundam substantiam non est generis in species, neque analogi in analogata, neque totius in partes, nec in universalem & singularem, sed est subiecti in accidentia.
Discrimen conceptus univoci & analogi.	6.1.b	Divisa possunt concipi ut indivisa.
Discrimen unitatis essentie & unitatis proportionis essentie.	6.4.b	Divisio quomodo sit instrumentum ad investigandum definitionem.
Discrimen predicabilium & predicamentorum.	7.1.b	14.1.c
Discrimen inter perfectiones creatas & divinas.	8.4.b	E.
Discrimen inter Finem & Terminum.	10.8.b	Adem materialiter & formaliter.
Discrimen inter Ens Absolutum & Relativum.	c	14.2
Discrimen inter futura presentis ac preterita.	12.10.a	Eadem uni tertio an sint eadem inter se.
Discrimen inter adequatam & inade-		b
		Effectus a causis secundis non dependent essentialiter.
		Effectus considerari potest quadrupliciter.
		Effectus contingentie in quo consistit.
		Ens sensibile solū a nobis potest apprehendi secundum propriam rationem.
		3.14
		Ent

Ent omne d nobis apprehendi potest. *ibid.* Ent rationis non fit proprius sed similis.  
 Ent non est univocum respectu entium *ibid.*  
 particularium. 6.5.4 Ent rationis quomodo fit. *ibid.*  
 Ent conceptus immediatè non significat Ent rationis differt ab ente reali in vari-  
 etatem tantum rationem. *ibid.*  
 Ent conceptus non praescinditur simpli- Ent rationis esse cur obiectivum. *ibid.*  
 citer a rationibus particularium en- Ent rationis esse obiectivum nū ē qu-  
 tium, sed tantum secundum quid. *ibid.* Ent rationis esse obiectivum nū ē qu-  
 Ent si analogum respectu entium parti- modo producat per cognitionem. *ibid.*  
 cularium. *ibid.* Ent rationis per eandem cognitionem fit  
 Ent omnia conveniunt, sed alia atq alia *ibid.*  
 ratione. *c* Ent rationis secundum rationem obiecti  
 Ent creatum dividitur in decem genera. nec prius nec posterius est cognitione.  
 7.1.1 *ibid.*  
 Ent an possit concipi nec absolutum nec Ent rationis sub diversaratione prius *c*  
 respectivum. 7.2.2 *ibid.*  
 Entia per accidens non ponuntur in Pra- Ent rationis pinguis. *ibid.*  
 dicamento. 7.3.2 Ent rationis an fiat d pignore pignore  
 Enti completo quod advenit, est acciden- *ibid.*  
 tale. 9.4.2 Ent rationis fundamentaliter prius est  
 Ent in potentia unde dicatur. 10.11.1 *ibid.*  
 Ent in potentia non potest esse terminus Ent rationis formaliter non potest esse ni-  
 actu *ibid.*  
 Ent in potentia nullum habet actum *ibid.* Ent rationis non cognosci indirectè. *b*  
 Ent in potentia an sit actu in potentia, *c* Ent rationis consequitur per apprehensi-  
 Ent per se dupliciter sumitur. 16.6.3 *ibid.*  
 Ent simpliciter simplex definiti non po- Ent rationis causari d brui, absur-  
 rest. 18.4.2 *ibid.*  
 Ent per accidens dupliciter sumitur. *c* Ent rationis esse non esse obiectivum.  
 Entia physica quomodo fiat necessaria *ibid.*  
 quoad connexionem realem predicato- Ent rationis non potest dici indirectè co-  
 rum. 14.4.2 *ibid.*  
 Ent rationis cui nullo modo possit esse ens Ent rationis non est omne esse obiectivum.  
 reale. 1.1.2 *ibid.*  
 Ent rationis differt essentialiter ab ente Ent rationis accipit esse obiectivum ab in-  
 reali. *b* *ibid.*  
 Ent rationis sunt sola entia impossibilia, Ent rationis facere, est illud cognoscere. *c*  
*ibid.* Ent rationis fieri quoque in secunda *c*  
 Ent rationis existentia obiectiva. *ibid.* *ibid.*  
 Ent rationis esse est concipi. 1.3.2 Ent rationis duplicis. 1.10.2  
 Ent rationis esse obiectivum tantum, *ibid.* Ent rationis Logica tria. *ibid.*  
 Ent rationis non est denominatio extrin- Ent rationis Logica que dicuntur. 1.11.2  
 seca. *ibid.* Ent rationis nullum habet fundamentum  
 Ent rationis est obiectum denominatio- *c*  
 num. *c* *ibid.*  
 Ent rationis est ab alio ent. 1.4.2 Ent rationis sunt necessaria ad directio-  
*c* *c*

## INDEX RERUM

Essence terne qu'on ne peut pas voir

# PRÆCIPUUM.

Extensionem non dari sine quantitate. Forma exterior differt a figura in signi-

9.2.b fisco materiali & formali. 11.3.c

Extensio relationis impagnatur. 10.14.c Forme vno cum materia non est res di-

Extrema distinguuntur realiter quoad fisco a forma & materia. 11.4.b

subiecta & quoad fundamenta. 10.12.a Forme syllogisticae an præcognitæ. 13.4.a

Forma syllogistica est accedens seu pro-

prietas syllogismi. 13.7.b

Formalis ratio obiecti altera intrinseca,

specificat cognitionem & habitum. 16.1.b

Formalis ratio obiecti altera extrinseca,

obiecto in genere rei altera extrinseca. 17.1.b

Formalis ratio obiectiva duplex. 17.2.b

Formido non est de essentia opinionis.

Formido an augeatur auctis rationibus

probabilibus. 16.10.b

Falsitas nunquam est per se in apprehen-

sione rei simpliciter. 16.10.b

Falsitas per accidens potest esse in apprehen-

sione rei simpliciter. 16.10.b

Falsitas potest esse per se in apprehen-

sione rei simpliciter. 16.10.b

Falsitas potest esse per se in apprehen-

sione rei simpliciter. 16.10.b

Falsitas potest esse per se in apprehen-

sione rei simpliciter. 16.10.b

Falsitas potest esse per se in apprehen-

sione rei simpliciter. 16.10.b

Falsitas potest esse per se in apprehen-

sione rei simpliciter. 16.10.b

Falsitas potest esse per se in apprehen-

sione rei simpliciter. 16.10.b

Falsitas potest esse per se in apprehen-

sione rei simpliciter. 16.10.b

Falsitas potest esse per se in apprehen-

sione rei simpliciter. 16.10.b

Falsitas potest esse per se in apprehen-

sione rei simpliciter. 16.10.b

Falsitas potest esse per se in apprehen-

sione rei simpliciter. 16.10.b

Falsitas potest esse per se in apprehen-

sione rei simpliciter. 16.10.b

# INDEX RERUM

- Genera summa sexvltima an sint in vi. *Habitus scientie & habitus fidei passus*  
*gere utraque genera.* 7.3.b *flare simul.* *ibid.*  
 Genus per se ponitur in *Pradicanegro*, *Habitus dari probatur.* 16.15.a  
*non Differentia.* 7.5.b *Habitus scientie non est certa coordina-*  
*Genere differre quid sit apud Aristotelem.* *sio specierum intelligibilium.* *ibid.*  
 Genus sumitur a materia. 8.5.a *Habitus dupliciter accipitur.* *b*  
*Genus quomodo sit quid completum.* 8.6.a *Habitus scientie quid sit.* *ibid.*  
*Habitus scientie non est formaliter habi-*  
*tus memorie.* *ibid.*  
*Habitus scientie que sit.* *ibid.*  
*Habitus possunt dici species intelligibi-*  
*les.* *c*
- H**
- Habitus directivi obiectum adequatum Habitus fidei divina quid.* *ibid.*  
*est dirigibile.* 2.1.b *Habitus principium dari in nobis, ut*  
*Habitudines rationis cognoscuntur dupli-* *non naturalis sed acquisitus.* 16.16.a  
*citer.* 2.2.c *Habitus principiorum non est idem cum*  
*Habitus artis & experientie distinguun-* *habitus scientie.* *b*  
*tur.* 2.6.b *Habitus formatus est realiter.* *ibid.*  
*Habitus unus sub diversis rationibus po-* *Habitus unus non generatur ab actibus*  
*test esse Physicum & Logicum.* *c* *specie diversis.* *ibid.*  
*Habitus & dispositio conveniunt in una Habitus* *si quuntur naturam actuum.* *ibid.*  
*ratione communis qualitatibus & que il-*  
*la sit & an essentialiter illi conveni-* *Habitus principiorum potest esse sic ha-*  
*at.* 2.2.b *bitus scientie.* *ibid.*  
*Habitus a dispositione differt accidentali-* *Habitus tantum sunt quinque.* 16.17.a  
*ter.* *ibid.* *Habitus non omnes sunt enumerati ab A-*  
*Habitus accipitur tam pro habitu opera-* *ristotele.* *ib.*  
*tius quam non operativo.* *ibid.* *Habitus ab Aristotele tantum enumeran-*  
*Habitus operativus potest dici difficile* *tur per se.* *b*  
*mobili dupliciter.* *ibid.* *Habitus potest dici ab Aristotele ad Pruden-*  
*Habitus immobilis consideratur solus* *tiam & Artem reducantur.* *c*  
*ex parte subiecti.* *ibid.* *Habitus acquisitus suam essentiam & in-*  
*Habitus nullus ex suis essentia est immo-* *clinacionem in obiectum accipit ab a-*  
*bilis a subiecto.* *ibid.* *ctu.* 17.1.a  
*Habitus quid sit.* 11.4.c *Habitus acquisitus per actus, non potest*  
*Habitus denominationem non esse intrin-* *inclinare ad actus specie diversos.* *b*  
*secam.* *ibid.* *Habitus eminenter speculativus & pra-*  
*Habitus scientie potest flare simul cum* *terus.* 17.7.c  
*habitu erroris in gradu remissa* 16.11.b *Homo in singularibus existens potest co-*  
*Habitus scientie non potest simul flare* *gnoſci sine singularitate.* 4.1.b  
*cum actu erroris.* *ibid.*
- Habitus scientie & opinionis debetne dici*  
*contrarii quemadmodum & actus.* *16.11.b*
- I**
- Habitus scientie potest flare cum actu Fi-* *Idea quibus de causis fluxus Plato.* 4.1.a  
*dei.* 16.14.c *Idea propter scientiam non sunt necessa-*  
*ria.*



# PRÆCIPVARYM.

vie.	ib.	ab In funclamenti.	ibid.
Idea non sunt neceffariae propter genera- tiones.	In quale de effentia Relationia.	c	
Idea Platonice impossibiles.	b Indeterminatum existere an repugnet.	4.4.b	
Idea non effent uniuersales.	c	5.3.a	
Idea ad causam efficientem spectat, non ad causam formalem.	ib. Individuum an fit in multis.	ibid.	
Idem non potest simul esse verum & fal- sum.	10.10.b Individuualis differentia non est distincta ex natura rei ab effentia, nec est pecu- liaris nature gradus.	b	
Idem non sunt esse contra rationem & su- prarationem.	su. Individua non differunt essentialiter.	ib.	
Identica propositio quando est.	c Individuualis differentia non est existen- tia.	c	
Identitas causæ & effectus obstat demon- strationi propter quid.	Individuum an de uno solo prædiceretur.	5.4.b	
Illatio ab Enunciatione differt essentiali- ter.	Individuum non est uniuersum.	ibid	
Inferre, & dicere inferri, diuersa sunt.	13.2.b Individua an per se ponantur in Prædica- mento.	7.5.a	
Illatio est vnus & idem actus cum conclu- sione.	ibid. Individua cur dicantur prima substan- tia.	8.7.a	
Illatio est pars formalis discursus.	ibid. Individua an primo subsistent.	b	
Illatio ex impossibili quam utilis ad tria maximè.	c Individua definiti non possunt.	12.4.b	
Imago non refertur realiter ad rem non existentem.	Inductio aliuersis aliis discursibus neceff- sariè concludit.	15.1.c	
Imago non refertur realiter ad rem existentem.	10.8.b Infinitum in effentia duplex.	ib.	
Imago dupliciter cognoscitur.	Ens. Infinitum est ab alio aliquid ex se.	8.4.c	
Impossibile ens volitum est ens rationis, quia quid ens respicit intellectum.	10.11.b Instant temporis & nature simul existant.	12.14.d	
Impossibilitas duplex.	16.5.b Instantiana nature quonodo simul & non c		
Impossibile per se tantum sequitur ex im- possibili.	1.2.b Instrumenta quarum artium obiecta.	2.3.c	
Impossibile vnum potest esse magis impos- sibile altero.	13.10.a propria causæ principali, & subor- dinari illi.	2.4.b	
Impossibilitas non omnis est contradicto- ria.	14.8.b Instrumenti quæ sit ratio propria.	2.5.b	
Impossibilitas ad omnes scientias acqui- rendas vnde inueniatur.	Instrumentum causat effectus non for- maliter.	14.1.c	
Impossibilitas sciendi omnes scientias ad singulosne an ad omnes homines perti- neat.	Intellectus etiam tunc fingit rum aliquid impossibile concipit per modum entis, quod sit sine compositione.	1.2.b	
In, pertinet ad essentia Relationis.	Intellectus diuinus format conceptum conceptus creati concipientis ens ratio- nis, format conceptum entis rationis.	1.5.b	
In, pertinet ad rationem completam Re- lationis, non ad incompletam.	b	1.8.b	
In, Physicum non habet relationis distinctum			

# INDEX RERVM

- Intellectus impossibilia potest coniungere per affirmationem vel negationem. 3.3.b  
Intellectus humanus in secunda operatione res concipit secundum habitus rationis. 1.9.c  
Intellectus apprehendendo veritatem affert verum. 2.2.b  
Intellectus uno conceptu an pluribus apprehendat composita. 3.6.c  
Intellectus noster habet in se species intelligibiles acceptas a sensibus. 4.1.b  
Intellectus universalis, sensus singularis cognoscit. 4.4.b  
Intellectus per abstractionem facit verum universale. ibid.  
Intellectus potest falsum ex suppositione concipere tanquam verum. 12.9.c  
Intellectus an positis praemissis possit colligere assensum. 13.5.b  
Intellectus potest ex praemissis quas scit esse falsas, inferre conclusionem. ibid.  
Intellectus quomodo feratur in obiectum, in rationem formalem obiecti. 13.6.c  
Intellectus quomodo ex effectu possit venire in cognitionem causae maiore. 14.5.b  
Intellectus qua ratione dicitur esse subiectus errori. 16.1.c  
Intellectus quid sit. 16.17.a  
Intellectus non ita abstrahit in intelligendum a materia, ut materialia non consideret. 17.2.b  
Intellectus etiam singularia percipit. ibid.  
Intellectus abstrahit a conditionibus materialibus ex parte potentiae, non ex parte obiecti. ibid.  
Intellectus divinus definire non potest. 17.4.b  
Intellectus Angelicus non format definitionem de rebus naturalibus. 18.8.a  
Intellectus solius humani est proprium definire. b  
Iudicium ad scientiam necessarium non pendet necessarium ex praecipis Logicae. 2.7.a  
Iudicium simplex non est in prima operatione. 2.1.b  
Iudicium illatum variatur ex ratione assentiendi intrinseca. 13.2.b  
Iudicium illatum est iudicium consequentiae. ibid.  
Iudicium de connexione consequentis cum antecedente, formaliter non est illatum. ib.  
Iudicium illatum id est connexionis conclusionis cum praemissis, nota est particula Ergo. c  
Iudicium consequentiae fieri potest vel per modum enunciacionis vel per modum illationis exercitae. ib.  
Iudicia duo distinguuntur per rationem in conclusione. 13.7.c  
Iudicium requiritur ad cognitionem practicae. 17.5.a  
Libertas non est de ratione praxis. 17.4.b  
Locus quid sit. 9.9.a  
Locus in ratione quantitatis non differt a superficie. ibid.  
Loci et superficiei differentia. a  
Logica obiectum remorum duntaxat sunt res omnes. 2.1.b  
Logica rectitudinem practicae considerat. c  
Logica praeccepta de operationibus sunt sub modis rationis. 2.1.b  
Logica

L

# PRÆCIPVARVM.

Logica forma necessariè includunt modos rationis. 2.3.a Logica non est simul practica & speculativa. 17.6.b

Logica obiectum secundum D. Thomam. b Longitudo & latitudo qua ratione differunt essentialiter. 9.10.b

Logica considerans modos directivos operationum, considerat etiam operationes. c

Logica non est practica ex sententia Aristotelis. 2.4.b

Logica veritatem rerum scibiltum non attingit principaliter. ibid.

Logica non est speculativa secundum Aristotelem. ibid.

Logica duobus modis dirigit operationes. ibid.

Logica non est simul speculativa & practica. c

Logica qualis habitus. ibid.

Logica non est scientia. 2.5.a

Logica non habet vllas veras demonstrationes. ibid.

Logica non est ars propriè. ibid.

Logica tantum secundum vnam sui partem facultas. ib.

Logica est habitus instrumentarius. ibid.

Logica est instrumentum scientiarum. b

Logica an & quomodo concurrat ad actum scientie. ib.

Logica instrumentaliter causat actus scientiarum. ibid.

Logica non est vltus ex quinque habitibus sexti Ethicorum. ibid.

Logica non est virtus intellectus. c

Logica docens quid sit. 2.6.a

Logica habitus non sufficit ad actum Logice utentis. b

Logica docens est idem habitus cum Logica utente. ibid.

Logica utentis actus tripliciter considerandus. ib.

Logica docentis & utentis actus materialiter non formaliter sunt distincti. ibid.

Logica secundum diversas partes necessaria ad seipsam. 2.7.c

M

Magnitudinis sunt tres partes distincte. 9.10.a

Magnum quomodo negatur de parvo, nec differunt specie. ibid.

Materia dividitur ad divisionem quantitatis. 4.4.b

Materia absq; quantitate habet partes entitativas non extensas. 9.2.b

Materie partes ablata quantitate non sunt extensi. ibid.

Materia quomodo ad aliquid. 10.8.b

Materia non refertur essentialiter ad Formam, quia esset in Prædicamento ad aliquid. ib.

Materiam esse essentialiter ad aliquid, negat Thomissius. ibid.

Materia non est de essetia ordo ad formam. ib.

Materia non dicit relationem realem ad formas non existentes. 10.11.b

Materia sola ex qua, est intrinseca, ut verò est in qua, causat formam extrinsecè. 14.6.b

Medium datur inter universale & singulare. 5.8.b

Medium non datur inter substantiam & accidens. 8.1.a

Medium non datur inter simplex & compositum in re non in mente. 8.3.b

Medium datur inter Relatiuè opposita, item inter contraria etiam quæ dicuntur immediata. 12.11.a

Medium non habere secundum seipsam, est, non virtute alterius oppositionis, b

Medium dari inter contradictoria impossibile est. 12.12.a

Medius terminus an præcognitum. 13.4.a

Medium in syllogismo debet esse idem nomen. 4

# INDEX RERVM

- mero.* 13.14.b *sa, quomodo non.*  
*Medius terminus distribui debet.* c *Natura a parte rei non est prior singulari.* b  
*Medium in demonstratione satis est ut veritate.* ib.  
*fit distinctum per conceptum.* 14.3.b *Natura quomodo prior singularitate.* ib.  
*Media demonstrationis non possunt esse Natura a parte rei non est indifferens ad*  
*infinita.* 15.7.b *singularitatem.* c  
*Metaphysica non est una solum scientia Natura secundum se an universalis.* 4.4.c  
*totalis.* 17.2.b *Natura an possit abstrahi a singularita-* b  
*te.*  
*Modi ponuntur reducti, ut in Predica-*  
*mento, si sint eiusdem generis.* 7.5.b *Natura abstracta est singularis.* ibid.  
*Mors non destruit essentiam sed existentiam.* *Natura quomodo abstrahatur a singula-*  
*am subiecti.* 5.10.b *ritate.* ib.  
*Morus qua ratione sit intrinsecus quantus.* *Natura quomodo universalis & singula-*  
*8.1.b* *ris.* ibid.  
*Morus quantitas est successio.* 9.7.a *Natura potest abstrahi ab omni singula-*  
*Morus non est vera species quantitatis.* b *ritate.* ibid.  
*Morus quo sensu per accidens quantus.* ib. *Natura an essentialiter singularis.* ibid.  
*Morus Angeli in vacuo.* ibid. *Natura abstracta quali singularitate*  
*Morus ponaturne in aliquo Predicamen-* *singulari.* ibid.  
*to.* ib. *Natura abstracta a singularitate est una*  
*Morus sine ens imperfectum.* c *simpliter.* ibid.  
*Morus accipitur dupliciter.* ibid. *Natura per differentias est alia substan-*  
*Morus habeatne diversam definitiorem* *rialiter.* ibid.  
*ab actione & passione.* ib. *Natura per abstractionem fit vere indi-*  
*Morus & temporis eadem est quantitas.* *visa.* ib.  
*9.8.a* *Natura abstracta ab uno individuo, ab-*  
*strahitur ab omnibus individuis.* ibid.  
*Species essentialiter distinctas.* 9.10.c *Natura abstracta ab uno individuo est*  
*Mutatio est duplex.* 11.4.b *eadem cum natura abstracta ab alio.* ib.

## N

- Natura in singularibus non sunt a parte*  
*rei una essentia.* 4.2.a *Natura in multis est divisa & multiplex.* ibid.  
*Natura unius existentis in multis indivi-*  
*dualibus, & unius corporis in multis locis,* *Natura in diverso statu una & multi-*  
*disparatio.* b *plex.* ibid.  
*Natura universalis identificatur singu-*  
*laribus.* ibid. *Natura non potest simul esse abstracta a*  
*Natura identitas cum tribus abscis corum* *multis & coniuncta multis.* ib.  
*identitate inter se, est supernaturale* *Natura que est in Petro quomodo repo-*  
*mysterium.* ibid. *gnat omnia alia singularitas.* c  
*Natura non est a parte rei una essentiali-*  
*ter secundum quid.* ib. *Natura singularis est non ex sua essentia,*  
*sed ex identitate cum singularitate.* ibid.  
*Natura in Petro & Paulo quomodo divi-* *Natura abstracta quomodo eadem cum*  
*singu-*

# PRÆCIPVARVM.

ingulari & non eadem.	ibid.	impossibili, formaliter loquendo.	b
Natura vniuersaliu necessariò una.	4.3.a	Necessarium ex suppositione medij infer-	
Natura vniuersaliu una intrinsecè.	ibid.	tur ex impossibili.	ib.
Natura secundum se nec vniuersaliu nec		Necessitas ex suppositione duplex 13.	11.b
ingularis.		b Necessitas maior unde.	14.8.b
Natura vt existit in singularibus, & vt		Necessitatu gradus.	ib.
existit in intellectu.	ib.	Necessitas non eadem requiritur ad de-	
Natura vniuersalis est vna vniuoce.	ib.	monstrationem.	ibid.
Natura quare vniuersaliu.	4.6.	Necessitas triplex distinguitur, ex parte	
Natura absoluta est solum fundamenta-		subiecti, predicati, & vtriusq; simul	ib.
liter vniuersaliu.	ibid.	Necessitas quæ se tenet tam ex parte sub-	
Natura vniuersalis constituitur per or-		iecti quam predicati, requiritur ad	
dinem ad multa qualem.	ib.	perfectissimam demonstrationem.	ibid.
Natura est in multis per identitatem.	ib.	Necessitas vt plurimum, sufficit ad de-	
Naturam esse in multis est diuidi &		monstrationem non potissimum.	ibid.
multiplicari,	ibid.	Necessitas ex suppositione non sufficit ad	
Naturam esse in multis non est predicari		essentiam demonstrationis.	b
de multis.	ibid.	Necessitas per se primo & secundo modo	
Natura vniuersalis aptitudo non est quid		duplitter se habet.	14.11.b
positivum.	ib.	Necessitas duplex, absoluta & ex suppo-	
Natura aptitudo concipitur tam positivè		sitione.	16.6.b
quam negativè.	c	Necessitas ex suppositione non sufficit ad	
Natura diuina non potest effici vniuer-		rationem scientiam.	ibid.
salis.	4.7.a	Necessitas etiam incomplexa subiecti re-	
Natura creata omnia potest effici vni-		quiritur ad scientiam.	ibid.
uersaliu.	b	Necessitas complexa qualisnam sufficiat	
Natura non fit vniuersaliu per solam spe-		ad scientiam.	15.7.b
ciem intelligibilem.	4.8.a	Negatio rationis an conueniat rei sine ap-	
Naturalis impotentia non accipitur solū		prehensione intellectus.	1.5.c
negativè.	11.3.a	Negationes & privationes quomodo fiant	
Necessitas simpliciter duobus modis expli-		entia rationis.	1.10.b
cat.	2.5.b	Negatio simplex & privatio differunt.	c
Necessitas conclusionis practica non est		Negatio potest concipi etiam respectu	
omniologia.	ib.	multorum.	4.6.c
Necessitas duplex ex parte subiecti & ex		Negatio non est differentia entis, per ne-	
parte predicati.	5.9.b	gationes tamen explicatur essentia.	
Necessitas quæ repugnet contingentie.			5.7.b
	12.10.b	Negationes per accident ponuntur in	
Necessitas consequentiæ in quo fundetur.		prædicamento.	7.5.b
	13.5.a	Negatio ens negatum.	ibid.
Necessitas consequentiæ in quo fundetur.	b	Negatio conuenit etiam rei impossibili.	
Necessitas consequentiæ est necessitas ex		suppositione.	ib.
suppositione.	ib.	Negatio potest esse reali ratione funda-	
Necessarium potest inferri ex impossibili		ratione consequentiæ.	13.10.a
ratione consequentiæ.	13.10.a	Negatio quæ fit falsa.	12.12.a
Necessarium simpliciter non inferitur ex			Nega-

# INDEX RERUM

- Negatio & affirmatio inferuntur ex negatione.* 13.15.c *ibid*  
*Negationes duplices habentes fundamentum in rebus, & non, & an possit de eis esse scientia.* 16.5.c *ibid*  
*Negatio quomodo sit realis.* *ibid*  
*Negationes propriæ definiti non possunt.* 18.4.a *ibid*  
*Nomen nullum datur essentialiter rei personæ significans.* 12.3.c *ibid*  
*Nomen est vox significativa ad placitum.* *ibid*  
*Nomen & verbum differunt essentialiter.* *ibid*  
*Nomen finitum & infinitum.* *ibid*  
*Nomen significat sine tempore, Verbum cum tempore.* *ibid*  
*Nomen quo sensu dicatur infinitum.* 12.5.a *ibid*  
*Nomen infinitum de quo prædicatur.* *ibid*  
*Non ens à nullo intellectus secundum se potest apprehendi.* 3.2.a *ibid*  
*Non ens cognoscendi modi.* *ibid*  
*Non ens an referatur ad ens realiter.* 10.11.b *ibid*  
*Non ens non refertur realiter ad ens.* *ibid*  
*Non ens sciri non potest.* 14.2.b *ibid*  
*Notitia in actu non distinguitur ab actu.* 13.6.a *ibid*  
*Notius naturâ & quo ad nos, quid sit.* 14.4.b *ibid*  
*Notum non idem nobis & naturâ, quomodo intelligendum.* *ibid*  
*Notum nobis aliquid dici potest dupliciter.* *ibid*  
*Numerus in sua ratione formali & in esse numeri pendet ab anima.* 9.3.a *ibid*  
*Numerus sine ordine unitatum non est numerus.* *ibid*  
*Numerus tria complectitur.* *ibid*  
*Numerus secundum quid pendet ab anima an non.* *ibid*  
*Numerus potest esse affugit maioribus ab anima, siquidem ab ea pendet.* *ibid*  
*Numerus in ratione numeri pendet ab anima.* *ibid*  
*Numerus in duobus ab anima pendet.* *ibid*  
*Numerus in esse suo formali pendet ab anima.* *ibid*
- Numerus est pendens ab anima non tamens est ens rationis.* *ibid*  
*Numerus est pendens ab anima, an sit realis.* *ibid*  
*Numerus concipitur sub relatione variis.* *ibid*  
*Numerus est obiectum reale Arithmeticæ sub ratione reali.* *ibid*  
*Numerus qua ratione sensu percipitur.* *ibid*  
*Numerus non est unum per se à parte rei.* 9.4.b *ibid*  
*Numerus ad unitatem per se que definit.* *ibid*  
*Numerus siue dicendus unum per aggregationem.* *ibid*  
*Numerus ut à nobis concipitur est unum.* *ibid*  
*Numeri differantne ab invicem specie.* *ibid*  
*Numerus est vera & essentialis species quantitatis.* 9.5.a *ibid*  
*Numerus transcendentalis non est vera species quantitatis.* *ibid*  
*Numerus cur dicitur prædicamentalis vel transcendentalis.* *ibid*  
*Numerus ut numerus dicit quantitatem unitatum.* *ibid*  
*Numeri transcendentalis quantitas distinguaturne essentialiter à quantitate prædicamentali.* *ibid*  
*Numerus transcendentalis sine propriis numeris.* *ibid*  
*Numerus proprie invenitur in rebus non quantis.* *ibid*  
*Numerus prædicamentalis est vera species quantitatis, sed accidentalis non essentialis.* *ibid*  
*Numerus ut concipitur à nobis est species essentialis quantitatis.* *ibid*  
*Numerus quomodo una essentia.* *ibid*  
*Numerus qua ratione est unum reale.* *ibid*  
*Numerus per quid constituitur in ratione quantitatis.* *ibid*  
*Numerus ponere per se & essentialiter unum quantum sit necessitas.* *ibid*

# PRÆCIPVAVVM.

- Numerus sitne sic unus essentialiter, sicut Obiectum in intellectu aliud intrinsecum  
 alie species entium naturalium. *ibid.* affui intelligendi, aliud extrinsecum.  
 Numeratum esse actu sitne de essentia nu- *ibid.*  
 mri. *ibid.* Obiectum scientie est circa cuius cog-  
 Numeri actu infiniti non dantur. 10.1.c. *tionem scientia versatur.* 2.1.a  
 Obiectum scientie practica est opus. *ibid.*  
 Obiectum scientie quomodo immutabile. *ibid.*  
 4.1.b  
 Obiectum prius actu per modum Finitis &  
 Mensura. 10.8.b  
 Obiectum conceptus non est conceptus. 1.3.b  
 Obiectum non est denominatio. *ibid.* Obiectum an sit causa actus. 10.10.b  
 Obiecti presentia in intellectu alia reali, Obiectivum terminativum tantum, non  
 alia obiectiva. 1.4.b *est causa.* *ib.*  
 Obiectum esse sitne ens reale vel ratio- Obiecta non omnia sunt aequè necessaria  
 nis. *ibid.* & immutabilia. 14.8.b  
 Obiectum primum dicit esse termini secun- Obiectum in anima non est similisudo fi-  
 do dicit sum esse ut denominarum a *ctitia.* 16.5.b  
 cognitione. *ibid.* Obiectum scientie non est necesse existere  
 Obiectum non semper est prius cogniti- actu extra animam. *ibid.*  
 onem. *ib.* Obiectum scientie quomodo sunt res ex-  
 Obiectum specificat cognitionem duobus tra animam. *ibid.*  
 modis. *ibid.* Obiectum scientie debet existere obiecti-  
 Obiecto cognito non omne quod ei annexū *vid.* *ibid.*  
 est cognoscitur etiam indirecte. 1.5.b Obiectum internum quomodo se habeat ad  
 Obiectum impossibile non habet esse obiecti- intellectum. *ibid.*  
 tivum a voluntate. 1.6.c Obiectum scibile debet esse reale potentia.  
 Obiectiva existentia alia extrinseca ob- *ib.*  
 iecto alia intrinseca. 1.7.a Obiectum totalis scientie non sunt omnia  
 Obiectiva existentia extrinseca non est obiecta scientiarum partialium colle-  
 propria enti rationis. *ibid.* ctiva. 17.3.a  
 Obiecti imperfectio quæ illi convenit ut Obiectum scientie totalis quomodo sit ad-  
 res quædam est, non reddit cognitionē *equatur.* *b*  
 imperfectam, imperfectio verò quæ Obiectum scientie totalis non debet præ-  
 obiecto convenit in ordine ad cognitio- dicari de omnibus contentis in illa sci-  
 nem, reddit eam imperfectam. 1.8.b *entia.* *ib.*  
 Obiectum idem potest in esse obiectivo fieri iterum atq. iterum actione intentionali. *ibid.*  
 Obiectivum esse in ente rationis non solū *veritates in scientia contentas.* *c*  
 obicit aliquam essentiam, sed etiam Obiectum scientie totalis potest esse tum  
 facit. 1.11.c *univocum, tum analogum.* *ibid.*  
 Obiectivum esse aliud est quo fit ipsa ef- *Operationes non subsistant formis seu*  
 fectia obiecti, aliud quo non fit essentia *regulis Logice nisi tanquam principijs*  
 obiecti, sed tantum obicitur, atq. per *effectivis.* 2.1.b  
 primum, eas rationis formaliter consti- *Operationes intellectus quomodo ad P hy-*  
 tuitur, non verò per secundum. *ibid.* *sicam spectent.* *ib.*  
 Ope-



- Operationes dirigibiles ordinantur ad re-  
ctas ut ad finem secundarium. *ibid.*
- Operationes recte in communian sunt ob-  
iectum Logice. *ibid.* Partes reductivæ ponuntur in Prædica-  
mento. 7.5.b
- Operationes recte non per se sed reductivæ Partes sumuntur dupliciter, ut faciant  
sunt obiectum Logice. *ibid.* totum. & ut faciant totum extensum. 9.2.c
- Operationes non prius sunt recte quam  
recta sint entia rationis. 2.2.b Pars ablata quomodo sit accidentalis 9.3.a
- Operatio intellectus nulla potest fieri re-  
cta sine modis rationis. c. Particularis affirmatio & negatio non  
sunt contradictoriae. 12.11.b
- Operationum affectio realis sub modis ra-  
tionis. 2.3.b Passio quid sit, & tria circa eam notan-  
da. 11.4.b
- Operatio non potest esse circa non ens. 10.11.a Passiois ratio formalis est receptio, &  
quid ea sit. *ibid.*
- Opinio tripliciter accipitur. 16.12.a qualem habeat in eo. Passio est forma ipsa cum connotatione a-  
ritudinem. *ibid.* gentis & passi. *ib.*
- Opinio non potest esse de obiecto certo. Passio est denominatio simpliciter intrin-  
*ibid.* *ibid.*
- Opinionis actus non potest simul stare cū Paternitas non causatur à Filiatione.  
actu scientia. *ibid.* 10.10.b
- Opinio incerta positivè. *ib.* Per se quid sit, cuius quatuor modi.  
Opinio positivè haberi per medium neces-  
sarium & scientia per medium proba-  
bile. c non formaliter. *ibid.* 14.10.a
- Opposita dicitur uni affirmationi una Per se inexistendi & per se predicandi  
negatio, quomodo. 12.11.b. modi duo. *ib.*
- Oppositio propositionum non est oppositio Per se omne est necessarium illò modo quo  
terminorum. 12.13.a. est per se. *b*
- Oratio sine species quantitativæ. 9.6.a Per se inexistendi modus duplex. c
- Ordo ad multa aptitudinalis est de ratio. Per se causandi modi utrum debeant esse  
ne universali. 4.6.b. duo, sicut etiam modi per se inexisten-  
di. *ib.*
- Ordo nature universalis ad multa non  
est realis. *ibid.* Per se quod est ex parte solum prædicati,  
non est necesse ut sit de omni. 14.11.a
- Ordo positivus ad multa non est de effen-  
tia universalis. 4.8.a Per se quod est primo & secundo modo est  
necessarium. *ibid.*
- Ordo unitatum non est sine intellectu. 9.3.b Per se tertio modo est etiam necessarium  
suo modo. *ibid.*
- Ordo potest dari realis, sed quid aume-  
rum spectet per accidens. *ibid.* Per se modi quatuor quomodo serviant  
demonstrationi. *ibid.*
- Ordo potentialis sine actu. 9.5.c  
Ordo alii em & mensuram est de Per se convenienti rei etiam secundum ra-  
tionem genericam. 14.12.b
- Essentia. 10.8.b  
Ordo duplex in scientia. 17.2.b Pictura singulare indeterminatem re-  
presen-

# PRÆCIPVAVVM.

- presentat non universale. 4.4.c Predicamenta sex ultima singula dicuntur  
Potentie appetentes non possunt facere formas absolutas, connotando relatio-  
es variis, quia non possunt dare esse nes.
- obiectum. 1.6.b Predicamenta sex ultima cur non redu-  
Potentie cognoscit sensitiua non possunt catur ad alia. ib.  
conungere res impossibiles. ibid. Predicata realia et inrationalia. 7.1.c  
Potentie cognoscit nulla præter intelli- Predicata an supponant existentiam sub-  
ctum potest fingere impossibile. ibid. iell. 12.5.a  
Potentie et impotentia non tam en voci- Predicatum quomodo tribuatur subie-  
bus quæ in significatione affirmanda do. b  
est. 11.3.b Predicationes veræ quomodo fiant de ex-  
Potentie naturalis et impotentia disse- tribus fittis. 12.9.b  
runt spech. ibid. Predicatum distingui debet a subiecto vel  
Potentie quomodo specificantur ab ob- secundum rem vel secundum concep-  
iectum. 17.1.b tum. 13.5.a  
Potentie non dicit relationem essentialem Predicatum de omni quid et quætriplex.  
ad actum, vel ad obiectum. c 14.9.a  
Potentie quo sensu dicatur specificare ab Predicatum priorificum et posteriori-  
obiecto. ibid. ficum quomodo differant. ibid.  
Precognita tantum tria. 13.4.a Predicatum de omni an convenire debeat  
Precognoscendum de subiecto quid nomi- et semper suo subiecto. b  
ni non quid rei. ibid. Predicatum de omni est etiam semper,  
Precognoscenda existentia subiecti. b non tamen absolute. ib.  
Precognoscenda existentia quali. ibid. Predicata de omni requiruntur ad de-  
Precognoscendum in predicato quid no- monstrationem. ibid.  
minu, non verò existentia. c Predicatum de omni virtualiter sufficit  
Precognoscendum de Principiis quod sint. ad demonstrationem. ibid.  
ibid. Predicatum de omni requisitum ad de-  
Predicamenta decem. 5.11.b monstrationem debet esse semper vel  
Predicamentum quid. 7.1.a absolute. c  
Predicamenta quomodo spectant ad Lo- Predicatum semper inest subiecto in pro-  
gicam. ibid. positionibus sempiternæ veritatis. ib.  
Predicamenta non sunt pauciora nec Predicatum per se quomodo se habeat ad  
plura. b predicatum de omni et ad predicatū  
Predicamentum cur non sit unus acci- necessarium. 14.11.a  
dentis. ibid. Predicatum universale dupliciter dici-  
Predicamentorum genera esse univoca. tur. 14.12.a  
7.3.b Predicatum aliquod dupliciter potest di-  
Predicamenta dicunt rationes contra di- ci primum respectu alicuius subiecti b  
stinctas. 8.4.b Predicatum universale debet esse de om-  
Predicamenta non esse nova statuenda ni. ibid.  
pro Deo. c Predicatum non omne convertibile cum  
Predicamenta non est, necesse ex natura subiecto est universale. ib.  
rei distingui. 10.6.b Predicatum universale quomodo sine er-  
Predicamentorum sex ultimarum quæ rone cognoscendum. ibid.  
sunt ratio formalis optima triplex. 11.4.a Predicata in demonstratione non sunt in-  
finita

# INDEX RERVM

- fnita.* 15.7.b *monstratione Quia.* 19.6.c  
*Premisse determinant intellectum ad af-* *Prescindivum ab alio quid sit.* 6.3.b  
*sentendum.* 13.6.b *Precisa perfectè ratio aliqua quomodo*  
*Premisse vocantur ab Aristotele syllogis-* *cognoscitur.* 6.4.b  
*ma non essentialiter sed virtute.* 13.7.c *Praxis respectu cognitionis.* 2.4.b  
*Premisse altera deficere in aliquo, in e-* *Practici non considerant causam per se.* 2.5.a  
*odem etiam conclusionem deficere ne-* *esse est.* 13.8.b *Practici subiecti essentia est contingens*  
*Premissa debilitas redundat in conclusio-* *simpliciter.* b  
*nem.* *ibid.* *Praxis nomine intelligitur actio que fit*  
*Premisse in demonstratione debent esse* *ex directione intellectus.* 17.4.a  
*immediate vel actu vel virtute.* 14.3.b *Praxis humana.* *ibid.*  
*Premisse mediate quando debeant resol-* *Praxis definitur.* *ibid.*  
*ui.* *ib.* *Praxis est ea actio que est in potestate*  
*Premissarum divina fide creditarum di-* *nostra.* b  
*versatio.* c *Praxis dupliciter à nobis dependet.* *ibid.*  
*Premis ab alio factis non demonstratur* *Praxis dicitur per orationem ad cogniti-*  
*conclusio.* *ib.* *onem nostram.* *ibid.*  
*Premisse necesse est ut sint notæ demon-* *Praxis est actio distincta à cognitione.* *ib.*  
*strati in actu non verò in habitu.* *ib.* *Praxis an debeat regulari per cogniti-*  
*Premisse et earum rationes contrarie* *onem, que sit dictamen practicum.* *ibid.*  
*debeat perfectiōne cognosci in demon-* *ib.* *Praxis est opus distinctum à cognitione,*  
*stratione.* *et est dirigibile à ratione.* c  
*Premisse an resolvende sint non solū ad* *Praxis eadem est obiectum et finis cogni-*  
*principia propria, sed etiam commu-* *nitionis practice.* 17.7.b  
*nissima.* *ibid.*  
*Premisse in demonstratione sunt priores* *Praxis ratio formalis desumitur à fine.* *ibid.*  
*conclusionem duplici de causa.* 14.4.a  
*Premisse in demonstratione sunt priores* *Practica scientia non necessariò est acti-*  
*et causa tam consequentie quam con-* *na nisi ut est directiva.* *ibid.*  
*sequentis, in syllogismo verò solū cau-* *Prima et secunda operatio non solū in or-*  
*sa consequentia.* *ibid.* *dirigibilis à Logica in ordine ad ter-*  
*Premisse in demonstratione sunt notio-* *riam, sed etiam secundum se.* 21.b  
*res naturā conclusionem.* *ibid.* *Prima et secunda operatio non ordinatur*  
*Premisse sunt magis notæ conclusionem* *ex natura sua ad terriam.* *ibid.*  
*propter independentiam in cognitione.* *Prima operatio est obnoxia quibusdam*  
*14.5.b* *virtutibus que à Logica tolluntur.* *ibid.*  
*Premissa utraq; debere esse notior conclu-* *Prima operatio per se dirigibilis est.* 3.5.a  
*sione.* *et differentie.* 5.7.c  
*Premisse in scientia quoduplices.* 14.8.a  
*Premisse an sint magis necessariae quā* *Principia orationem constituentia.* 12.4.a  
*conclusio.* b *Principium notissimum.* 12.11.c  
*Premisse in demonstrationibus sunt ee-* *Principia quid sint Aristoteli.* 13.4.b  
*dem materialiter, diverse formaliter.* *Principium syllogismorum quod.* 13.14.a  
*15.2.c* *Principium negativorum syllogismorum.* b  
*Premisse quomodo cognoscantur in de-* *Principium naturale non destruit myste-*  
*riam*

# PRÆCIPVAVVM.

- rium Trinitatis. c Propositio immedata accepta est ab Aristotele ratione cause. ibid.
- Principia que dicantur propria. 14.13.a Propositio immediata non ratione subiecti sed ratione cause est indemonstrabilis. 15.7.c
- Principia prima & immediata dantur. 15.7.c
- Principia sunt duplicia, Communissima & Particularia. 16.16.b Propositio immediata non habet causam suæ connexionis à terminis distinctam, alioqui daretur processus in infinitum. ib.
- Principia cognoscendi medius proprius. ib. Propositiones immediate dantur in quolibet genere cause. ib.
- Privatio oppositio habet mediu. 12.11.b
- Primum quid sit, effici an cognosci. 1.4.c
- Primum esse quam cognosci non est in istis que sunt sola ratione. 1.5.b
- Primum natura quod. 12.14.a
- Primum subsistendi consequentia. ib.
- Primum & posterius subsistendi consequentia sunt duo instantia rationis. b
- Primum natura, & primum subsistendi consequentia differunt. ibid.
- Primum In quo, & primum A quo. ibid.
- Producibile non refertur realiter. 10.11.c
- Profunditas includitur in se longitudinem & latitudinem. 9.10.c
- Proportio sola sufficiat ad rationem analogie constituendam. 6.3.a
- Propositionem de secunda adiacente licet inferre ex propositione de tertio adiacente. 12.5.b
- Propositio negativa unde denominatur. 12.7.c
- Propositionis alie necessaria, alia contraria. 12.10.a
- Propositiones de futuro contingenti vel sunt entis sales, vel singulares. b
- Propositionem dari que nec vera sit nec falsa, impossibile est. 12.12.a
- Propositiones ex terminis contrariae sunt triplices. 12.13.a
- Propositiones contrariae unde dicantur. b
- Propositiones duæ affirmativæ contrariorum possunt simul stare. ib.
- Propositionum duarum contrariae oppositarum una est affirmativa, altera negativa. c
- Prop. de necessario & de necessario. 13.11.a
- Propositio immediata dupliciter dicitur immediate ratione subiecti & cause. 14.3.a
- Propositiones immediate varie. ib.
- Propositio immedata quomodo fit per se nota, dupliciter explicatur. ibid.
- Propositiones immediate in genere cause efficientis non habent aliam causam priorem per quam demonstrantur. 14.6.c
- Propositiones semperverne veritatis qualis. 14.9.c
- Propositio innaturalis pertinet ad primum modum per se. 14.10.b
- Propositio an spectet ad primum modum per se quando de finitio accidentis prædicatur de accidente. ibid.
- Propositiones negativæ pertinent ad primum modum per se reductius. ibid.
- Propositiones que spectant ad secundum modum per se. ibid.
- Proprium requirit duo. 14.9.a
- Proprium necessarium concordat vel. b
- Proprium an sit omne accidentis necessarium. ibid.
- Proprium non est omne accidentis necessarium ab essentia subiecti. ib.
- Proprium potest a subiecto separari. ib.
- Proprium physicum & Metaphysicum. ib.
- Proprium physicum potest adesse & abesse. ib.
- Proprium Metaphysicum non potest abesse. ib.

# INDEX RERY M

*sc.*  
 Propria quæto modo sunt omnes aptitudines metaphysica.  
 Proprii modus prædicandi quæ. — *ibid.*  
 Proprium primò convenit speciei, tum in dividuis.  
 Proprii universalitas.  
 Proprietates emanantes à subiectis, sunt per se quæto modo,  
 Proprium quid.

*ibid.* Quantitatis partem esse extra aliam partem quis modus si proprius.  
*ibid.* Quantitas Prædicamentalis & Transcendentalis.  
*ibid.* Quantitatis essentia quæ sit.  
*ibid.* Quantitas vera non est respectivè quantitatis.  
*ibid.* Quantitatis tantum duæ sunt species.  
 Quantitates Mathematicæ licet non denentur, tamen eas dari realiter non repugnat.  
 Quidditas an sit idem cum eo cuius est quidditas.  
 Quidditas comparata in abstracto.  
 Quidditas comparata cum suo concreto inferiori.

## Q

Qualitas an secundum Aristotelem sit ad aliqd.  
 Qualitas est speciale genus prædicamentis.  
 Qualitas univocè dicitur de suis speciebus.  
 Qualitas accipitur dupliciter.  
 Qualitatis prima species est habitus & dispositio.  
 Qualitatis prima species ad sui constitutionem quæ requiratur.  
 Qualitatis secunda species naturalis potentia vel impotentia.  
 Qualitatis tertia species est passio & possibilis qualitas.  
 Qualitates passibiles sunt etiam in animis.  
 Qualitatis quarta species est figura & forma.  
 Quando quid sit, & ad eam questionem non posse responderi nisi per durationem divisibilem.  
 Quantitas molis quæ dicatur.  
 Quantitas molis sola est vera & propria quantitas.  
 Quantitas successiva quomodo sit quantitas.  
 Quantitas discreta an vera quantitas.  
 Quantitatis essentia est ratio partium extra partes.  
 Quantitatem essentialiter habere partes extra partes.

Quantitas an sit idem cum eo cuius est quidditas.  
 Quidditas comparata in abstracto.  
 Quidditas comparata cum suo concreto inferiori.

## R

Rationalitas secundum diversas sententias est causa immediata & mediata visibilitatis.  
 Reale est quod consequitur ad cognitionem ex natura rei.  
 Res naturales habent in sua natura principium intrinsecum.  
 Realiter effici non potest quicquid concipitur.  
 Rerum essentialiter diversarum convenientia est duplex.  
 Realiter concipi aliquid dicitur dupliciter.  
 Reali distinctio non requiritur par in omnibus relationibus.  
 Reali connectio non est nisi per existentiam realem.  
 Res extra intellectum an sint obiectum scientiæ.  
 Realitas rei se habet in quoniam consistat.  
 Reclitudo Physica quatenus inducitur in operationes per præcepta Logicæ, est Logica consideratissima.  
 Reclitudo operationum Logicæ actus sumpta

# PRÆCIPUARVM

- pra dicit præcepta Logica, passivè verò Relatio an nihil sit præter fundamentum  
sumpta dicit restitutionem operationum & terminum. *ib.*  
et conformem præceptis Logicis. *ib.* Relatio an sit eas simplex vel composita. *ib.*  
Relitudo passivè non activè sumpta est Relatio quomodo in sua essentia pendat à  
ratio formalis obiecti Logice. *ibid.* termino & fundamento. 10.1.b  
Relitudo in communi non potest assignari Relationis termino posito, an fundamen-  
pro obiecto Habitus practici. *ibid.* tum aliquo modo mutetur. *ib.*  
Relitudo operationum duobus modis cog-  
nosci potest. 1.1.b  
Relitudo artificialis & moralis. 1.7.4.b  
Relatio est quid simplex. 1.2.b  
Relativa simul sunt naturalia. 1.4.b  
Relationis fundamentum duplex. 1.5.b  
Relatio impossibilis affirmata vel illata est  
ens rationis. 1.9.c  
Relationum fundamentum, denominatio ob-  
iecti ab actu immanenti. 1.10.b  
Relationes quæ consequuntur ex denomi-  
nationibus extrinsecis, cur non sunt rea-  
les. *ib.*  
Relationes rationis Logice cognoscuntur  
vel in actu signato, vel in actu exercito  
1.11.b  
Relatio rationis non consequitur, nisi per  
rationem apprehendentem. 4.8.c  
Relatio non dicitur univocè de relatione  
reali & rationis. 10.1.a  
Relatio in conceptu tantum confuso abstra-  
bit à reali & rationis, in conceptu autè di-  
stincto sèper est aut realis aut rationis. *ib.*  
Relatio Prædicamentalis est ens reale. *b*  
Relatio quomodo adveniens subiecto non  
mutat illud. *ib.*  
Relatio licet sit ens reale, non sequitur, tam-  
en ut data una relatione debeant dari  
aliæ infinitæ. *ibid.*  
Relatio relationum differt in genere rela-  
tionis à relatione absolutorum. *ib.*  
Relationis realitas est fundamenti realitas. *c*  
Relatio an possit esse in Deo realis ad crea-  
turam. *ib.*  
Relatio cur non possit esse vera denomina-  
tio extrinseca à termino. 10.2.a  
Relatio tota debet esse intrinseca rei rela-  
re, quamvis terminum respiciat extrin-  
secum. *b*  
Relatio an nihil sit præter fundamentum  
& terminum. *ib.*  
Relatio an sit eas simplex vel composita. *ib.*  
Relatio quomodo in sua essentia pendat à  
termino & fundamento. 10.1.b  
Relationis termino posito, an fundamen-  
tum aliquo modo mutetur. *ib.*  
Relationem dum amittit res, utrum amit-  
tat aliquid ex sua realitate absoluta, an  
verò tantum respectum ad terminum. *ib.*  
Relatio a fundamento non distinguitur ut  
res à re, sed definitione tantum & for-  
maliter, nimirum eo modo quo eadem res  
respectivè accepta distinguitur à seipsa  
absolute accepta. *ib.*  
Relatio incipit esse posito termino, nulla a-  
lia re nova super addita rei relate. *c*  
Relationi an semper intrinsecum sit esse ad  
aliud, siue existente termino, siue non  
existente. *ib.*  
Relatio eget fundamento. 10.4.a  
Relationis fundamentorum tria genera. *ib.*  
Relatio realis quæ. *b*  
Relatio non realis ex defectu subiecti realis,  
fundamenti & termini realis. *ib.*  
Relationum secundi modi fundamentum an  
sit potentia activa & passiva. *ib.*  
Relativa secundi modi fundantur in ratio-  
ne Principij. *ib.*  
Relativa tertiij modi sunt denominationes  
extrinsece relativæ. 10.5.a  
Relativa tertiij modi an omnia conveniant  
in ratione mensuræ. *ib.*  
Relativa tertiij modi quæ, & quid ad ea  
requiratur. *b*  
Relativa tertiij modi sunt verè relativæ,  
realis, prædicamentalis. *c*  
Relatio realis potest fundari in substantia. *c*  
Relatio an non fundet relationem ex eo  
quod sit ratio referendi. *b*  
Relatio non potest fundare aliam relatio-  
nem. *ibid.*  
Relationes reales extrinsece fundantur in  
denominationibus extrinsecis. *ib.*  
Relationes variis fundatæ in denomina-  
tionibus

# INDEX RERUM

- rationibus extrinsecis ab actu intellectus; Relatio entis in actu ad ens in potentia ib.*  
*sunt intrinseca rebus denominari. c Relatione differre non est essentia differ-*  
*Relatio non est accident physicum. 10.7. d re, secundum Augustinum. ib.*  
*Relatio quomodo sit accident. ib. Relatio non constituit absolutum in esse*  
*Relatio non accidentalis nulla datur. b absoluto. ib.*  
*Relatio Predicamentalis non Predi- Relatio non est complementum essentiale*  
*camentalis quod. 10.8. d absoluto. ib.*  
*Relatio includit absolutum non essentiali- Relatio non est sub genere absoluto. ib.*  
*ter sed ex impositione. ib. Relatio transcendentalis est quid comple-*  
*Relatio abstracta ab absoluto est Predica- rum in genere Relationis. ib.*  
*mentalis. ib. Relatio praescindi potest ab absoluto. ib.*  
*Relatio non omnis non Predicamentalis est Relatio non est de essentia fundamenti. ib.*  
*transcendentalis. ib. Relatio nulla potest esse sine fundamento. ib.*  
*Relationes essentialiter an in Predicamen- Relationes essentialiter sequuntur duo con-*  
*tis absolutorum ponantur. ib. traditoria. ib.*  
*Relatio transcendentalis precisa ab abso- Relationes quomodo dici possunt essentia-*  
*luto est Predicamentalis. ib. les absolutis. ib.*  
*Relationes transcendentes an tollendae. ib. Relationum essentialium paradoxa. c*  
*Relatio quae dici potest transcendentalis. ib. Relationem terminari ad Relationem fer-*  
*Relativa secundum dici. ib. militer an probabile. 10.9. a*  
*Relativa secundum Esse. ib. Relationem terminari formaliter ad abso-*  
*Relatio inheret non ratione sui, sed ratio- lutum. ib.*  
*ne fundamenti. ib. Relativa simul natura, cognitione & desi-*  
*Relatio ut accident est, ad quod predica- nitione. b*  
*mentum spectet. ib. Relationes divinae ad quid terminentur. c*  
*Relatio Predicamentalis est pura Rela- Relativa oppositio duplex. ib.*  
*tio. ib. Relatio non eget noua casualitate. 10.10. b*  
*Relatio Transcendentalis quae & quomodo Relatio an sit ens improductum. ib.*  
*differat a Predicamentali. ib. Relatio specificatur a Termino absque cau-*  
*Relationes nullae essentialiter agnouisse A- salitate. ib.*  
*ristotelem. ib. Relatio an a solo termino sumat suam spe-*  
*Relatio scientiae ad scibile in Predicamento cificationem. ib.*  
*Ad aliquid ponitur secundum Aristote- Relatio tam a termino quam a fundamenti-*  
*lem. ib. ro sumit speciem. ib.*  
*Relata quae agnouit Aristoteles. ib. Relatio realis non potest esse ad non ent.*  
*Relata transcendentes non sunt secundum 10.11. a*  
*dici nec secundum esse. ib. Relatio realis non est ad obiecta ficta. b*  
*Relationes nullae essentialiter absolutum ag- Relatio potentialium, item inter ens & non*  
*nouerunt veteres Peripatetici. ib. ens, qualis. ib.*  
*Relationes essentialiter uniuersae negantur. ib. Relatio non potest conuenire non enti. c*  
*Relationum essentialium nusquam meminit Relatio sine alia essentia non subsistit. ib.*  
*D. Thomae, negatque relationem creaturae ad Deum esse de essentia. ib.*  
*Relationes consequentes ad absoluta an D. Relativa ad conuertentiam dicuntur, quo-*  
*Thomae agnouerit. ib. sensu. ib.*  
*Relatio scientiae ad scibile. ib. Relatio uniuersae non requirit distinctionem.*



# PRINCIPIARVM.

- nem realem suppositorum. 10.12.a solū ex eo quod scientia refertur ad  
 Relatiua primi, secundi, & tertij modi. c. ibid.  
 Relatio est usque ad seipsum quando. ib. Scientia licet extrinseca seibili, verē affi-  
 Relatio intellectus ad seipsum an realis. ib. cit seibile. ibid.  
 Relationes distinguuntur ab extremis. ib. Scientia in Deo est absque omni relatione  
 Relatio omnis habet Ad & In. 10.13.a essentiali ad seibi. 10.13.b  
 Relatio sine fundamento & termino intel- Scientia potest esse sine reali relatione ad  
 ligi non potest. ib. seibile. ibid.  
 Relatio sumitur completē & incompletē. ib. Scientia & seibile, quando refertur ad  
 Relatiua secundum Dici, non secundum se realiter. 10.12.c  
 Esse, sunt contrarij. 10.15.a Scientia de nouo acquirendi modis. 13.3.a  
 Relationes non sunt contrarij. ib. Scire non est remunerari. 10.16.c  
 Relatiue opposita non sunt verē contraria. b. Scientia utraque recte ab Aristotele definitur.  
 Relationi oppositio est accidentalis, & qua- fit. 14.3.a  
 lis illa fit. ib. Scientia discursus proprie scientia. ibid.  
 Relatiua quedam proprie suscipiunt magis Sciendi modus an Aristotele demonstratio.  
 & minus, quedam improprie. ib. Quia. ibid.  
 Relatio rationis sui non fundamenti, recipit Scientia est effectus Demonstratiua. b  
 magis & minus. ib. Scientia an ex quo modo de falso esse non.  
 Relationis aliud est magis, & aliud funda- possit. 14.2.a  
 menti. ib. Scientia falsa non est essentialiter scientia. b  
 Relatiua ut sint simul natura, duo requi- Scientia non potest mutari de vera in fal-  
 rantur. ib. sam, nisi mutet essentialiam. ibid.  
 Relatiuum unum nō est causa alterius, quia Scientia falsa quando est perfectior in ver-  
 Relatio non est causa Relationis. ib. titudine, tanto perfectior est in ratione  
 Relatiuum materialiter potest esse prius scientia. ibid.  
 correlatiuum, non formaliter. ib. Scientia non potest haberi ex falsis premis-  
 Relatiua sunt simul cognitione concomi- fit, esset enim error & ignorantia. c  
 tantes. Scientia non est de natura singulari, sed  
 Relatiuum unum an. definiri debeat, per a- quaremus est natura absolute abstractiua  
 lud. ib. singulari. 14.9.b

## S.

- Scientie omnes in particulari quomodo nat-  
 uraliter appetantur. 16.1.b  
 Sapientia quoniam dicatur ab Aristotele Scientias omnes acquirendi impossibilitatis  
 versari circa principia & conclusiones. sine physica vel moralia. non. ibid.  
 16.16.c Scientia rei perfecta potest esse duplex,  
 Sapientia quo pacto essentialiter distin- Absoluta & Respectiua. 16.2.b  
 guatur a scientia. 16.17.b Scientia definitiua absolute perfecta non  
 Scientia nulla habet pro obiecto seipsa. 2.1.c datur in hominibus. ibid.  
 Scientia est de illis quae in natura sua ha- Scientia demonstratiua absolute perfecta  
 bent principium. 2.5.b non datur. ibid.  
 Scientia est de necessariis simpliciter. ibid. Scientia perfecta non absolute in homini-  
 Scientia non est de singularibus sed de uni- bus dari potest. ibid.  
 uersalibus. 4.4.b Scientia non potest haberi per sensum. 16.  
 Scibile dupliciter sumitur. 10.5.a 3.a  
 Scibile est relatiuum etiam si non referatur, Scire quid fit. 16.4.a  
 D d d 2 Scientia

# INDEX RERUM

- Scientia formaliter non est de simplicibus terminis, sed de aliquo complexo. ibid.*  
*Scientia obiectum duplex est, id de quo est scientia & quod formaliter scitur. b*  
*Scientia proprietates prima est veritas, quae fundatur in esse rei. ibid.*  
*Scientia proprietates secundae est esse per causam. Ibid.*  
*Scientiae proprietates tertiae est necessitas talis, ut impossibile sit aliter rem habere. ib.*  
*Scientia de Entibus rationis non potest esse vera, ib.*  
*Scientia vera non potest esse de impossibilibus. ibid.*  
*Scientia an possit esse de negationibus. Ibid.*  
*Scientia est de necessariis. 16.6.a*  
*Scientia qua ratione potest esse de contingentibus. ibid.*  
*Scientia qua ratione non datur de ente per accidentem. ibid.*  
*Scientia non potest esse vera de agnibilibus & falsibilibus. 16.7.b*  
*Scientia est solum de universalibus. 16.8.a*  
*Scientia de naturis existentibus in uno solo individuo quomodo haberi debet. b*  
*Scientia ut sit de universalibus, ad perfectionem scientiae, an ad essentiam pertineat. ibid.*  
*Scientia de corruptibilibus in singulari secundum doctrinam Aristotelis non potest dari. 16.9.a*  
*Scientia quomodo sit incorruptibile. ibid.*  
*Scientia quomodo non sit de rebus falsibilibus. c*  
*Scientia non potest esse absque veritate. 16.10.a*  
*Scientia actus non potest simul stare cum actu erroris contrariae opposito. 16.11.a*  
*Scientiam habens non cadit in errorum oppositum. c*  
*Scientia non corrumpitur per errorem. ibid.*  
*Scientiae antiquae certitudinem opponitur opinioni. 16.12.a*  
*Scientia actuali posita destruitur opinionis obiectum. b*  
*Scientia naturalis alicujus obiecti non potest stare cum scientia Theologica eiusdem obiecti. 16.14.e*  
*Scientia actus distinguitur se ab assensu principiorum. 16.16.b*  
*Scientia apud Aristotelem non completitur nisi scientias speculativas. 16.17.b*  
*Scientia una in ratione scientiae, non est una in ratione unius modi sciendi. 17.2.a*  
*Scientiarum distinctio secundum varias abstractiones est aliquo modo ex natura rei. c*  
*Scientia moralis est formaliter practica. 17.5.b*  
*Scientia eminenter practica & speculativa. 17.7.b*  
*Scientia acquisita non potest esse eminenter speculativa & practica. c*  
*Scientia practica non est verè & proprie scientia. 16.7.c*  
*Scientiae speculativae tantum sunt proprie scientiae. ibid.*  
*Scientia totalis nomine quid intelligatur. 17.1.a*  
*Scientiam totalem non esse simplicem qualitatem. b*  
*Scientia tota habitus non acquiritur per primam demonstrationem in scientia. ib.*  
*Scientia totalis continet multa obiecta formalia, & multas rationes assentiendi. ib.*  
*Scientias totales plures dari. 17.1.b*  
*Scientia totalis est una per aggregationem. ibid.*  
*Scientiae totales Mathematicae an sint plures. ibid.*  
*Sensus quomodo universalium. 16.3.b*  
*Sensus cum intellectu circa cognitionem quomodo conveniat & differat. ibid.*  
*Sensus quomodo causam cognoscere dicitur. ibid.*  
*Sex non sunt bis tria. 9.4.a*  
*Significare aliquid potest multa dupliciter. 6.3.e*  
*Signum aliud est manifestum, aliud positivum. 12.1.b*  
*Significare aliquid potest vel a natura, vel ex impositione. 12.2.a*  
*Signif.*

# PRÆCIPVARVM.

- significare sine tempore quid sit. 12.4.b Sabalternari potest scientia tripliciter ratione finis, principiorum & objecti, ibid.  
 similitudo sub qua Ens rationis concipitur, non est obiectum conceptum aut eius pars. Sabalternata non differt essentialiter a  
 1.2.c subalternante, nisi ratione materiae. b  
 similitudo rei nunquam est res ipsa. 1.3.b Subalternentur ne practica speculativa,  
 similitudo in quo iudicetur. 4.3.c speculativa metaphysica, artes seruiles  
 simile an possit fieri ex non simili sine ac- Arabiceconica. ibid.  
 quisitione alicuius rei. 10.3.b Subalternanti conclusiones sunt principia  
 similitudines diuersarum rerum an sint spe- subalternata. ibid.  
 cie distinctae. 10.10.c Subalternans quomodo demonstrat Propter  
 similitudo & dissimilitudo an sint contra- quid, subalternata Quia. c  
 ria. 10.15.b Subalternans esse in alio intellectu, &  
 si similitudo in actu intelligendi est duplex. subalternans in alio, non sufficit ad sub-  
 16.5.b alternationem. ibid.  
 simplicitas non derogat perfectioni iudicii. Subiectum supponitur existens. 12.5.b  
 3.12.b Subiectum non predicatur naturaliter de  
 simpliciter simplex quid sit. 5.7.b accidentem accepto formaliter. 14.10.b  
 simplex res potest virtute multa continere. Subiectum est fundamentum tam cause  
 re, ibid. quam passionis. 16.7.b  
 singulare genericum repugnat existere a Substantia increta an spectet ad Pradica-  
 parte rei sine rationibus specificis. 4.4.b mentum. 7.1.b  
 singularitas non est essentialis natura, ib. Substantie genus potest esse univocum, non  
 singularitas cum essentia quomodo unum accident. 7.2.b  
 ibid. Substantie ponuntur in Pradicatione in  
 singulare de uno eoque singulari dicitur. concreto non in abstracto. 7.6.a  
 5.8.b Substantia definitur negativè. 8.10  
 singularitas de essentia solius Dei. 8.4. Substantialis forma non est in subiecto. b  
 situs quid sit. 11.4.c Substantia definitur per proprietates. ibid.  
 situs & ubi sunt denominationes intrinse- Substantia essens per se existens, & dupli-  
 cae. ibid. citer per se existit. ibid.  
 situs non dicitur relationem vel ordinem per- Substantie non repugnat existere in alio. ib.  
 tium. ibid. Substantia divina perfectissime per se exi-  
 situs non est idem ex natura rei cum ubi. sit. ibid.  
 ibid. Substantia est que omnibus substat. c  
 Speciei propria predicatio est de indivi- Substantiam aliquam dari demonstratur. ib.  
 duis. 5.1.b Substantia sumitur late & strictè. 8.3.a  
 Speciei an sint partes generis. ibid. Substantie ratio univoca omnibus creatis b  
 Speciei respectum tam ad genus quam ad Substantie ratio abstracta a spirituali &  
 individua esse essentialem 5.2.a corporeo, item a simplici & composito. ib.  
 Speciei ordo ad genus magis essentialis. b Substantie & accidenti nihil est commune  
 Specificatio duplex, intrinseca & Extrin- univocum. 8.4.b  
 seca. 10.8.b Substantie incorruptibiles in quo Pradica-  
 Species in intellectu sunt duplexes. 16.15.b mento, secundum Aristotelem. 8.5.  
 Species analogæ definiti non possunt. 18.4.b Substantie primæ & secundæ univocè con-  
 Species univocæ definiti possunt. ibid. venit substat. 8.7.b  
 Sabalternata scientia quid. 17.8.a Substantia secunde quomodo dicantur de  
 subiecto

# INDEX RERUM

Subiecto & non sint in subiecto.	8.8.a	Termini definitio.	12.6.b
Substantie prime an sint subiectum secur-		Termini n. significantes ponuntur pro ve-	
darum.	ibid.	ris terminis.	13.5.c
Substantiarum identitas quid.	16.6.b	Tertia operatio distinguitur essentialiter a	
Substantie non sunt essentialiter ad ali-		secunda.	13.2.c
quid.	10.8.b	Totum rätum existens in singulis partibus,	
Suppositio duplex.	2.5.b	totä suä reali entitate est indivisibile,	
Syllogismi definitio.	13.5.a	nec partes habet.	9.2.b
Syllogismus illatiuus & probariuus quis sit.	c	Transcendentia etiam infinitari possunt.	12.5.c
Syllogismus qui est illatiuus, est etiam pro-			
bariuus.	ibid.		

## V

Syllogismo essentiali est esse discursum, ac-		Vbi quid sit, & quid ad illud requiratur.	
cidentalium autem esse instrumentum.	13.7.a		11.4.b
Syllogismi una est essentia.	ibid.	Vbi denominatio est formaliter intrin-	
Syllogismus quomodo faciat scire.	c	in ordine ad extrinsecum.	ibid.
Syllogismorum multorum vitium.	13.14.b	Verba ignota quid significant.	12.4.b
Syllogismi puri negativi cur mali.	ibid.	Verbum non est sola conditio, sed etiam for-	
Syllogismorum fundamentum.	c	male prædicatum.	12.6.b
Syllogismi expostorii de Deo.	ibid.	Verbum quomodo dicatur nota eorum que	
		prædicantur.	ibid.
		Verbum Est semper significat existentiam,	
		licet non semper realeam.	c
		Verbum Est non potest perfecte resolvi in	
		Nomen & Verbum.	ibid.
		Verbum Est significat tempus.	ibid.
		Veritas cognitionis, veritas rerum.	3.3.a
		Veritas cognitionis alia simplex, alia comple-	
		xa.	ibid.
		Veritas simplex datur in prima operatione,	
		ca. propriè dicta.	b
		Veritas cognitionis quid.	ibid.
		Veritas formata seu complexa.	c
		Vera vox dupliciter dicitur.	ibid.
		Veritas triplex in iudicio intellectus confi-	
		derari potest.	12.8.a
		Veritas transcendentalis, moralis & Logi-	
		ca.	ibid.
		Veritas secundæ operationis est veritas Lo-	
		gica.	ibid.
		Veritas & falsitas secundæ operationis ubi	
		invenitur.	b
		Veritas in orationibus practicis unde suma-	
		tur.	ibid.
		Verum est obiectum formale iudicii intelle-	
		ctualis.	12.9.a
		Verum	

## T

Tempus est formaliter quantum propter			
successionem.	9.8.a		
Tempus est ipsa quantitas motus.	ibid.		
Tempus est quantum per accident.	b		
Tempus non est vera species quantitativ.	c		
Tempus in Predicamento Quanto.	11.4.b		
Tempus est duplex, intrinsecum & extrin-			
secum.	ibid.		
Terminus est prior relatione.	1.4.b		
Terminus ordinis universalis.	4.6.b		
Terminus non existens non terminat actu			
Relationem.	10.8.b		
Terminus actu habet actu rationem termi-			
nandi.	ibid.		
Terminandi & referendi ratio eadem.	10.		
	9.a		
Terminus non est de essentia relationis in-			
trinsecæ, sed extrinsecæ.	10.10.a		
Terminus an sit vera causa relationis.	ibid.		
Terminus non esse revera causam relatio-			
nis.	b		
Terminus in nullo genere causa est causa			
Relationis.	ibid.		
Terminus debet esse actus terminus.	10.11.b		

# PRÆCIPUARVM.

- Verū in intellectu triplex distingui potest. *b* Vniuersale in essendo & in predicando non  
 Verum per se & formaliter non infertur idem. *b*  
 ex falso. 1.39. *a* Vniuersalia in essendo sunt duo tantum. *ibid.*  
 Verum ex suppositione an sequatur ex fal. Vniuersalia in predicando quinque. *ibid.*  
*ibid.* Vniuersalia quomodo sunt notiora natura  
 Veritas est prima proprietas præmissarum & nobis secundum Aristotelem. 14.4. *b*  
 secundum Aristotelem. 14.2. *a* Vniuersali prædicati definitio vera. 14.12.  
 Verum in philosophia, an falsum secundum  
 fidem. *b* Vniuersum quomodo vnam naturam signifi-  
 Verum idem non potest simul esse falsum. *ib.* car. 4.3. *c*  
 Veritates philosophice non repugnant. *di.* Vniuersum quid. 6.4. *a*  
 vni. *c* Vniuersi ratio que requiritur. *ibid.*  
 Verum sequitur ex falso, non propter quid Vniuersus conceptus quæ ratione est vnus. *b*  
 sed quia hoc est id est materialiter. *ibid.* Vniuersatio vnitatem reali essentia non re-  
 Vera non sunt omnia quæcumque apparent. *quirit.* *ibid.*  
 16.2. *b* Vniuersum significat vnam rationem essen-  
 Veritas non est perfectio essentialis scientie *tie,* ad quam duo requiruntur. *ibid.*  
 sed proprietas tantum essentialis. 16.10. Vnitatis essentialis si datur, est vnitatis simpli-  
*a* *citer.* 4.2. *b*  
 Vniuersali ratio, & quid ad eam requira. Vnitatis est indivisio entis & supponit cas-  
 tur. 4.1. *a*  
 Vniuersale est vnum in multis. 4.2. *b* Vnitatis requiritur indivisionem tam quoad  
 Vniuersale dari probatur. 4.4. *a* nolum quoniam quoad substantiam. *ibid.*  
 Vniuersale an sit conceptus *b* Vnitatis formalis quod duplex. 4.3. *a*  
 Vniuersale non est conceptus, sed res obiecta Vnitatis formalis non est a parte rei distincta  
 conceptui. *ibid.* *a* numerica. *ibid.*  
 Vniuersale effici non potest quod est per se Vnitatis secundum numerum est individualis.  
 singulare. *ibid.* 4.4. *b*  
 Vniuersale producere realiter cur implicet. Vnitatis est indivisio. *ibid.*  
*ibid.* Vnitatis modus non est alius nisi per abstra-  
 Vniuersali natura quomodo est vna in mul-  
 tis. *ibid.* *a* *tionem a* diuidentibus. *ibid.*  
 Vniuersali vnitatis est vnitatis communis. 4.5. *b*  
 5. *a* Vnum refertur ad multa manens vnum. 4.6. *b*  
 Vniuersale dicit ordinem ad multa. 4.6. *a* Vnitatis numerica est proprietatis. 5.4. *a*  
 Vniuersale absolutum Aristoteles non *a* Vnum simul genere & analogia an aliquid  
 gnouit. *b* esse possit. 6.4. *c*  
 Vniuersale non dicitur nisi respectu multa-  
 rum. *ibid.* Vnum per se quid sit. 7.5. *b*  
*ibid.* Vnitates sunt tot, quot sunt hæc intellectu.  
 Vniuersale per actum prædicationis sit par-  
 ticulare. *ibid.* Vnitates dicuntur dupliciter Tot. *ibid.*  
 Vniuersale sit per notitiam abstractivam, Vnius ab altero distinctio ex natura rei, vo-  
 cognoscitur per comparativam. 4.9. *b* de cognoscitur. 10.3. *a*  
 Vniuersalitas an cognoscatur in lire. *ib.* *c* Vnum ut sit per se ex duobus entibus, req. *ib.*  
 Vniuersalia duo in essendo ob duplicem ab-  
 stractionem. 5.11. *a* *ritur ut* sit res vnius generis, incom-  
 pleta. *ibid.* ut a *bus* & potentia, & rea-  
 litate.

# INDEX RERVM

liter sibi unita.	9.4.b	unum genus abstractionis.	ibid.
Vnum per se non fit ex omni actu & potentia.		Vox eadem potest esse univoca & analogica.	
	ibid.	secundum diversam significationem.	6.
Vnum sine alio intelligi non posse vel ex natura rei, vel ex imperfecto modo intelligendi.		Voces suo modo significant tam res quam conceptus.	6.a 12.1.a
Vnum uni opponitur.	10.8.c		
Vnitatis plura requiritur quam distinctio.	12.13.b	Voces primò & immediatè significant res.	b
	16.		
Vnitatis tam principiorum quam conclusionum requiritur ad unitatem essentialem scientie.	16.b	Voces quibus de facto utimur, non significant à natura.	12.3.b
	17.1.b	Voces à natura significantes dupliciter intelligi possunt.	c
Vnitatis scientie est unitas ordinis.	17.2.b	Voces animalium an possint esse Nomina.	12
Vnitatis & distinctio scientie non sumitur ab una ratione formali objecti.			4.b
	ib.	Vocibus animalium quid desit ad rationem Nominis.	ibid.
Vnitatis generica objecti non sufficit ad specificationem scientie totalis.	ibid.	Voluntas quomodo appetat.	16.1.b
Vnum genus objecti sine abstractione non sufficit ad unitatem scientie tota in, nec		Voluntatis libera determinatio est duplex,	ibid.

FINIS INDICIS.



